

愛如生數字古籍

 愛如生

www.er07.com

春秋左傳正義

[唐]孔穎達 宋慶元六年紹興府刻宋元遞修本



春秋正義序

國子祭酒上護軍曲阜縣開國子臣孔穎達等奉

勅撰

夫春秋者紀人君動作之務是左史所職之書王者統三才而宅九有順四時而治萬物四時序則玉燭調於上三才協則寶命昌於下故可以享國永年令聞長世然則有爲之務可不慎與國之大事在祀與

戎祀則必盡其敬戎則不加無罪盟會協
於禮興動順其節失則貶其惡得則褒其
善此春秋之大旨爲皇王之明鑒也若夫
五始之目章於帝軒六經之道光於禮記
然則此書之發其來尚矣但年紀縣邈無
得而言暨乎周室東遷王綱不振楚子北
伐神器將移鄭伯敗王於前晉侯請隧於
後竊僭名號者何國不然專行征伐者諸

侯皆是下陵上替內叛外侵九域騷然三
綱遂絕夫子內韞大聖逢時若此欲垂之
以灋則無位正之以武則無兵賞之以利
則無財說之以道則不用虛歎銜書之鳳
乃似喪家之狗旣不救於已往冀垂訓於
後昆因魯史之有得失據周經以正褒貶
一字所嘉有同華袞之贈一言所黜無異
蕭斧之誅所謂不怒而人威不賞而人勸

實永世而作則歷百王而不朽者也至於
秦滅典籍鴻猷遂寢漢德旣興儒風不泯
其前漢傳左氏者有張蒼賈誼尹咸劉歆
後漢有鄭衆賈逵服虔許惠卿之等各爲
詁訓然雜取公羊穀梁以釋左氏此乃以
冠雙屨將絲綜麻方鑿圓枘其可入乎晉
世杜元凱又爲左氏集解專取丘明之傳
以釋孔氏之經所謂子應乎母以膠投漆

雖欲勿合其可離乎今校先儒優劣杜爲
甲矣故晉宋傳授以至于今其爲義疏者
則有沈文何蘇寬劉炫然沈氏於義例粗
可於經傳極踈蘇氏則全不體本文唯旁
攻賈服使後之學者鑽仰無成劉炫於數
君之內實爲翹楚然聰惠辨博固亦罕儔
而探賾鉤深未能致遠其經注易者必具
飾以文辭其理致難者乃不入其根節又

意在矜伐性好非毀規杜氏之失凡一百
五十餘條習杜義而攻杜氏猶蠹生於木
而還食其木非其理也雖規杜過義又淺
近所謂捕鳴蟬於前不知黃雀在其後案
僖公三十三年經云晉人敗狄于箕杜注
云卻缺稱人者未爲卿劉炫規云晉侯稱
人與穀戰同案穀戰在葬晉文公之前可
得云背喪用兵以賤者告箕戰在葬晉文

公之後非是背喪用兵何得云與穀戰同
此則一年之經數行而已曾不勘省上下
妄規得失又襄公二十一年傳云邾庶其
以濛問丘來奔以公姑姊妻之杜注云蓋
寡者二人劉炫規云是襄公之姑成公之
姊只一人而已案成公二年成公之子公
衡爲質及宋逃歸案家語本命云男子十
六而化生公衡已能逃歸則十六七矣公

衡之年如此則於時成公三十三四矣計至襄二十一年成公七十餘矣何得有子而妻庶其此等皆其事歷然猶尚妄說況其餘錯亂良可悲矣然比諸義疏猶有可觀今奉勅刪定據以爲本其有疎漏以沈氏補焉若兩義俱違則特申短見雖課率庸鄙仍不敢自專謹與朝請大夫國子博士臣谷那律故四門博士臣楊士勛四門

博士臣朱長才等對共參定至十六年又奉勅與前脩䟽人及朝散大夫行太學博士上騎都尉臣馬嘉運朝散大夫行太學博士上騎都尉臣王德韶給事郎守四門博士上騎都尉臣蘇德融登仕郎守太學助教雲騎尉臣隨德素等對勅使趙弘智覆更詳審爲之正義凡三十六卷冀貽諸學者以裨萬一焉

卷之五

L

1

春秋左傳正義卷第一

國子祭酒上護軍曲阜縣開國子臣孔穎達等奉

勅撰

春秋左氏傳序

疏

正義曰此序題目文多不同或云春秋序或云左氏傳序或云

春秋經傳集解序或云春秋左氏傳序案晉宋古本及今定本並云春秋左氏傳序今依用之南人多云此本釋例序後人移之於此具有題曰春秋釋例序置之釋例之端今所不用晉大尉劉寔與杜同時人也宋大學博士賀道養去杜亦近俱爲此序作注題並不言釋例序明非釋例序也又晉宋古本序在集解之端徐邈以晉世定五經音訓爲此序作音且此序稱分年相附隨而解之名曰經傳集解是言爲集解作序也又別集諸例從而釋之名曰釋

例異同之說釋例詳之是其據集解而指釋例安得爲釋
例序也序與叙音義同爾雅釋詁云叙緒也然則舉其綱
要若蕭之抽緒孔子爲書作序爲易作序卦子夏爲詩作
序故杜亦稱序序春秋名義經傳體例及已爲解之意也
此序大略凡有十一段明義以春秋是此書大名先解立
名之由自春秋至所記之名也明史官記事之書名曰春
秋之義自周禮有史官至其實一也明天子諸侯皆有史
官必須記事之義自韓宣子適魯至舊典禮經也言周史
記事褒貶得失本有大法之意自周德既衰至從而明之
言典禮廢缺善惡無章故仲尼所以脩此經之意自左丘
明受經於仲尼至所脩之要故也言丘明作傳務在解經
而有無傳之意自身爲國史至然後爲得也言經旨之表
不應須傳有通經之意自其發凡以言例至非例也言丘
明傳有三等之體自故發傳之體有三至三叛人名之類
是也言仲尼脩經有五種之例自推此五體至人倫之紀
備矣摠言聖賢大趣足以周悉人道所說經傳理畢故以

此言結之自或曰春秋以錯文見義至釋例詳之也言已
異於先儒自明作集解釋例之意自或曰春秋之作下盡
亦無取焉大明春秋之早晚始隱終麟先儒錯謬之意賈
逵大史公十二諸侯年表序云魯君子左丘明作傳據劉
向別錄云左丘明授曾申申授吳起起授其子期期授楚
人鐸椒鐸椒作抄撮八卷授虞卿虞卿作抄撮九卷授荀
卿荀卿授張蒼此經既遭焚書而亦廢滅及魯共王壞孔
子舊宅於壁中得古文逸禮有三十九篇書十六篇天漢
之後孔安國獻之遭巫蠱倉卒之難未及施行及春秋左
氏丘明所脩皆古文舊書多者二十餘通藏於祕府伏而
未發漢武帝時河間獻左氏及古文周官光武之世議立
左氏學公羊之徒上書訟公羊抵左氏左氏之學不立成
帝時劉歆校祕書見府中古文春秋左氏傳歆大好之時
丞相尹咸以能治左氏與歆共校傳歆略從咸及丞相翟
方進受質問大義初左氏傳多古字古言學者傳訓詁而
已及歆治左氏引傳文以釋經轉相發明由是章句義理

備焉歆以為左丘明好惡與聖人同親見夫子而公羊穀梁在七十二弟子後傳聞之與親見其詳略不同歆數以問向向不能非也及歆親近欲建立左氏春秋及毛詩逸禮古文尚書皆列於學官哀帝令歆與五經博士講論其義諸儒博士或不肯置對歆因移書於大常博士責讓之和帝元興十一年鄭興父子及歆創通大義奏上左氏始得立學遂行於世至章帝時賈逵上春秋大義四十條以抵公羊穀梁帝賜右五百匹又與左氏作長義至鄭康成歲左氏膏肓發公羊墨守起穀梁廢疾自此以後二傳遂微左氏學顯矣

春秋者魯史記之名也

人臣奉主品目不同掌事曰司掌書曰史史官記事

為書立名以春秋二字為記事之書名也

疏

正義曰從此以下至所記之名也明史官記事之書名曰春秋

之意春秋之名經無所見唯傳記有之昭二年韓起聘魯傳見魯春秋外傳晉語司馬侯對晉悼公云羊舌肸習

於春秋楚語申叔時論傳大子之法云教之以春秋禮坊
記云魯春秋記晉喪曰殺其君之子奚齊又經解曰屬辭
比事春秋教也凡此諸文所說皆在孔子之前則知未脩
之時舊有春秋之目其名起遠亦難得而詳禮記內則稱
五帝有史官既有史官必應記事但未必名爲春秋耳據
周世法則每國有史記當同名春秋獨言魯史記者仲尼
脩魯史所記以爲春秋止解仲尼所脩春秋故
指言魯史言脩魯史春秋以爲廢貶之法也

記事者

以事繫日以日繫月以月繫時以時繫

年所以紀遠近別同異也

既辨春秋之名又言
記事之法繫者以下

綴上以末連本之辭言於此日而有一事故以事繫日月
統日故以日繫月時統月故以月繫時年統時故以時繫
年所以紀理年月遠近分別事之同異也若隱三年春王
二月己巳日有食之二年秋八月庚辰公及戎盟于唐之

類是事之所繫年時月日四者皆具文也史之所記皆應具文而春秋之經文多不具或時而不月月而不日亦有日不繫月月而無時者史之所記日必繫月月必繫時春秋二百四十二年之間有日無月者十四有月無時者二或史文先闕而仲尼不改或仲尼備文而後人脫誤四時必具乃得成年相十七年五月無夏昭十年十二月無冬二者皆有月而無時既得其月時則可知仲尼不應故闕其時獨書其月當是仲尼之後寫者脫漏其日不繫於月或是史先闕文若僖二十八年冬下無月而有壬申丁丑計一時之間再有此日雖欲改正何以可知仲尼無以復知當是本文自闕不得不因其闕文使有日而無月如此之類蓋是史文先闕未必後人脫誤其時而不月月而不日者史官立文亦互自有詳略何則案經朝聘侵伐執殺大夫土功之屬或時或月未系者其要盟戰敗崩薨卒葬之屬雖不盡書日而書日者多是其本有詳略也計記事之初日月應備但國史摠集其事書之於策簡其精

麤合其同異量事而制法率意以約文史非一人辭無定式故日月參差不可齊等及仲尼脩改因魯史成文史有詳略日有具否不得不即因而用之案經傳書日者凡六百八十一事自文公以上書日者二百四十九宣公以下亦俱六公書日者四百三十二計年數略同而日數向倍此則久遠遺落不與近同且他國之告有詳有略若告不以日魯史無由得其日而書之如是則當時之史亦不能使日月皆具當時已自不具仲尼從後脩之舊典參差日月不等仲尼安能盡得知其日月皆使齊同去其日月則或害事之先後備其日月則古史有所不載自然須舊有日者因而詳之舊無日者因而略之亦既自有詳略不可以爲褒貶故春秋諸事皆不以日月爲例其以日月爲義例者唯卿卒日食二事而已故隱元年冬十有二月公子益師卒傳曰公不與小斂故不書日桓十七年冬十月朔日有食之傳曰不書日官失之也丘明發傳唯此二條明二條以外皆無義例既不以日爲例獨於此二條見義者

君之卿佐是謂股肱股肱或虧何痛如之病則親問斂則親與卿佐之喪公不與小斂則知君之恩薄但是事之小失不足以貶人君君自不臨臣喪亦非死者之罪意欲垂戒於後無辭可以寄文而人臣輕賤死日可略故特假日以見義也日食者天之變甲乙者歷之紀朔是日月之會其食必在朔日是故史書日食必記月朔朔有甲乙乃可推求故日有食之須書朔日日與不日唯此而已月與不月傳本無義公羊穀梁之書道聽塗說之學或日或月妄生褒貶先儒溺於二傳橫爲左氏造日月褒貶之例故杜於大夫卒例備詳說之仲尼刊定日無褒貶而此序言史官記事必繫日月時年者自言記事之體須有所繫不言繫之具否皆有義例也春秋感精符曰日者陽之精耀魄光明所以察下也淮南子曰積陽之熱氣生火火氣之精者爲日劉熙釋名曰日實也光明盛實是說日之義也日之在天隨天轉運出則爲晝入則爲夜故每一出謂之一日日之先後無所分別故聖人作甲乙以紀之世本云容

歲造歷大撓作甲子宋忠注云皆黃帝史官也感精符曰
月者陰之精地之理也淮南子曰積陰之寒氣久者爲水
水氣之精者爲月劉熙釋名曰月闕也滿而闕缺是說月
之義也月之行天其疾於日十三倍有餘積二十九日過
半而行及日與日相會張衡靈憲曰日譬火月譬水火外
光水含景故月光生於日之所照魄生於日之所蔽當日
則光盈就日則明盡然則以明一盡謂之一月所以摠紀
諸月也三月乃爲一時四時乃爲一年故遞相統攝紀理
庶事紀遠近者前年遠於後年後月近於前月異其年月
則遠近明也別同異者共在月下則同月之事各繫其月
則異月之事觀其月則異同別矣若然言正月二月則知
是春四月五月則知是夏不須以月繫時足明遠近同異
必須以月繫時者但以日月時年各有統屬史官記事唯
須順敘時既管月不得不以月繫時案經未有重書月者
日則有之桓十二年冬十有一月丙戌公會鄭伯盟于武
父丙戌衛侯晉卒一日再書者史本異文仲丘從而不改

故杜云重書丙戌非義例因史成文也

故史之所記必表年以首

事年有四時故錯舉以爲所記之名也

特解名曰春秋之意先說記事主記當時之事事有先後須顯有事之年表顯也首始也事繫日下年具爭端故史之所記必先顯其年以爲事之初始也年有四時不可偏舉四字以爲書號故交錯互舉取春秋二字以爲所記之名也春先於夏秋先於冬舉先可以及後言春足以兼夏言秋足以見冬故舉二字以包四時也春秋二字是此書之揔名雖舉春秋二字其實包冬夏四時之義四時之內一切萬物生殖孕育盡在其中春秋之言無物不包無事不記與四時義同故謂此書爲春秋孝經云春秋祭祀以時思之詩魯頌云春秋匪解享祀不忒鄭箋云春秋猶言四時也是舉春秋足包四時之義年歲載祀異代殊名而其實一也爾雅釋天云載歲也夏曰歲商曰祀周曰年

虞曰載李巡曰夏歲商祀周年唐虞載各自紀事堯舜三代示不相襲也孫炎曰載始也取物終更始也歲取歲星行一次也祀取四時祭祀一訖也年取年穀一熟也是其名別而實同也此四者雖代有所尚而名興自遠非夏代始有歲名周時始有年稱何則堯典云期三百有六旬有六日以閏月定四時成歲禹貢作十有三載乃同是於唐虞之世已有年歲之言記事者則各從所尚常語者則通以爲言故虞亦稱年周亦稱歲周詩唐風稱百歲之後是周之稱歲也四時之名春夏秋冬皆以時物爲之號也禮記鄉飲酒義曰春之爲言蠢也夏之爲言假也秋之爲言摯也冬之爲言中也中者藏也漢書律歷志云春蠢也物蠢生也夏假也物假大也秋斂也物斂也冬終也物終藏之也是解四時異名之義也史之記事一月無事不空舉月一時無事必空舉時者蓋以四時不具不成爲歲故時雖無事必虛錄首月其或不錄皆是史之闕文隱六年空書秋七月注云雖無事而書首月具四時以成歲相

四年不書秋冬注云國史之記必書年以集此公之事書首時以成此年之歲故春秋有空時而無事者今不書秋冬首月史闕文是其說也然一時無事則書首月莊二十二年書夏五月者杜雖於彼無注釋例以爲闕謬春秋之名錯舉而已後代儒者妄爲華葉賈逵云取法陰陽之中春爲陽中萬物以生秋爲陰中萬物以成欲使人君動作不失中也賀道養云春貴陽之始秋取陰之初計春秋之名理包三統據周以建子爲正言之則春非陽中秋非陰中據夏以建寅爲正言之則春非陽始秋非陰初乃是竅混沌而畫蛇足必將天性命而失危酒

周禮

有史官掌邦國四方之事達四方之志諸

侯亦各有國史

既解名曰春秋之意又顯記事之人春官宗伯之屬有大史下大夫

二人小史中士八人內史中大夫一人外史上士四人御史中士八人雖復各有所職俱是掌書之官

疏

正義

曰周禮春官小史職曰掌邦國之志內史職曰凡四方之事書內史讀之外史職曰掌四方之志掌達書名于四方
今杜氏序云掌邦國四方之事者掌邦國取小史職文四方之事取內史職文杜摠括兩史共成此語諸侯官屬雖難備知要傳記每說諸侯之史知諸侯亦各有國史也周禮言邦國者乃謂畿外諸侯之國也國在四表故言四方云凡四方之事書內史讀之者謂四方有書來告內史讀以白王也告王之後則小史主掌之故云掌邦國之志內史雖云讀四方之事書其實國內史策皆內史所掌故其職掌八柄及策命之事也然則內史小史既主國內又主四方來告之事故僖二十三年杜注云國史承告而書是也杜此序又云達四方之志取外史職文案外史職云掌四方之志掌達書名四方今移達字於四方之志上如杜之意外史達此國內之志以告四方故僖二十三年杜注云同盟然後告名赴者之禮是也然則掌邦國四方之事者據此承受他國之赴也達四方之志者據已國有事赴

告他國也春秋既有內外二種故杜翦撮天子之史取外史內史兩文周禮諸史雖皆掌書仍不知所記春秋定是何史蓋天子則內史主之外史佐之諸侯蓋亦不異但春秋之時不能依禮諸侯史官多有廢闕或不置內史其策命之事多是大史則大史主之小史佐之劉炫以爲尚書周公封康叔戒之酒誥其經曰大史友內史友如彼言之似諸侯有大史內史矣但徧檢記傳諸侯無內史之文何則周禮內史職曰凡命諸侯及孤卿大夫則策命之僖二十八年傳說襄王使內史叔興父策命晉侯爲侯伯是天子命臣內史掌之襄三十年傳稱鄭使大史命伯石爲卿是諸侯命臣大史掌之諸侯大史當天子內史之職以諸侯兼官無內史故也鄭公孫黑強與薰隧之盟使大史書其名齊大史書崔杼弑其君晉大史書趙盾弑其君是知諸侯大史主記事也南史聞大史盡死執簡以往明南史是佐大史者當是小史也若然襄二十三年傳稱季孫召外史掌惡臣言外史則似有內史矣必言諸侯無內史者

閔二年傳稱史華龍滑與禮孔曰我大史也文十八年傳稱魯有大史克哀十四年傳稱齊有大史子餘諸國皆言大史安得有內史也季孫召外史者蓋史官身居在外季孫從內召之故曰外史猶史居在南謂之南史耳南史外史非官名也藝文志云古之王者世有史官君舉必書所以慎言行昭法戒左史記言右史記事為春秋言為尚書帝王靡不同之禮記玉藻云動則左史書之言則右史書之雖左右所記二文相反要此二者皆言左史右史周禮無左右之名得稱左右者直是時君之意處之左右則史掌之事因為立名故傳有左史倚相掌記左事謂之左史左右非史官之名也左是陽道陽氣施生故令之記動右是陰道陰氣安靜故使之記言藝文志稱左史記言右史記動誤耳上言魯史記則諸侯各有史可知又言諸侯各有國史者方說諸侯各有春秋重詳其文也

大

事書之於策小事簡牘而已

既言尊卑皆有史官又論

所記簡策之異釋器云簡謂之畢郭璞云今簡札也許慎說文曰簡牒也牘書版也蔡邕獨斷曰策者簡也其制長二尺短者半之其次一長一短兩編下附鄭玄注中庸亦云策簡也由此言之則簡札牒畢同物而異名單執一札謂之爲簡連編諸簡乃名爲策故於文策或作冊象其編簡之形以其編簡爲策故言策者簡也鄭玄注論語序以鉤命決云春秋二尺四寸書之孝經一尺二寸書之故知六經之策皆稱長二尺四寸蔡邕言二尺者謂漢世天子策書所用故與六經異也簡之所容一行字耳牘乃方版版廣於簡可以並容數行凡爲書字有多有少一行可盡者書之於簡數行乃盡者書之於方方所不容者乃書於策聘禮記曰若有故則加書將命百名以上書於策不及百名書於方鄭玄云名書文也今謂之字策簡也方版也是其字少則書簡字多則書策此言大事小事乃謂事有大小非言字有多少也大事者謂君舉告廟及鄰國赴告經之所書皆是也小事者謂物不爲災及言語文辭傳之

所載皆是也。大事後雖在策，其初亦記於簡。何則？弑君大事，南史欲書崔杼執簡而往，董狐既書，趙盾以示於朝，是執簡而示之，非舉策以示之明。大事皆先書於簡，後乃定之於策也。其有小事，文辭或多如呂相絕秦，聲子說楚，字過數百，非一牘一簡所能容者，則於衆簡牘以次存錄也。杜所以知其然者，以隱十一年傳例云：「滅不告，敗勝不告，克不書於策。」明是大事來告載之策書也。策書不載，丘明得之明是小事。傳聞記於簡牘也。以此知仲丘脩經皆約策書成文。丘明作傳皆博采簡牘衆記，故隱十一年注云：「承其告辭。」史乃書之于策。若所傳聞行言，非將君命，則記在簡牘而已，不得記於典策。此蓋周禮之舊制也。又莊二十六年經皆無傳傳，不解經注云：「此年經傳各自言其事者，或策書雖存而簡牘散落，不究其本末，故傳不復申解，是言經據策書傳，憑簡牘經之所言其事大傳之所言其事小，故知小。」

孟子曰：「楚謂之檮杌，晉」

謂之乘而魯謂之春秋其實一也

既言簡策

之異又說諸國別名孟子姓孟名軻字子與鄒邑人也當六國之時師事孔子之孫子思脩儒術之道著書七篇其第四離婁篇云王者之迹息而詩亡詩亡然後春秋作晉謂之乘楚謂之檮杌魯謂之春秋一也其言與此小異是杜足其實二字使成文也彼趙岐注云乘者興於田賦乘馬之事因以為名檮杌者器凶之類興於記惡之戒因以為名春秋以二始舉四時記萬事之名是三者立名雖異記事則同故云其實一也序發首云春秋者魯史記之名也故引此以為證且明諸侯之國各有史記故魯有春秋仲尼得因而脩之也案外傳申叔時司馬侯乃是晉楚之人其言皆云春秋不言乘與檮杌然則春秋是其大名晉楚私立別號魯無別號故守其本名賈逵云周禮盡在魯矣史法最備故史記與周禮同名然韓宣子適魯見則晉楚豈當自知不備故別立惡名

韓宣子適魯見

易象與魯春秋曰周禮盡在魯矣吾乃今

知周公之德與周之所以王

既言諸國有書欲明魯最兼備故云

疏

正義曰此昭二年傳文也宣子晉卿名起食邑於韓因以為氏謚曰宣子者有德之稱為昭公新立

身新為政故來聘魯因觀書於大史氏見此書而發言杜注彼以為易象即今周易上下經之象辭也魯春秋謂魯史記之策書也春秋遵周公之典以序事故曰周禮盡在魯矣易象春秋是文王周公之所制故見春秋知周公之德見易象知周之所以王也文王能制此典即是身有聖德聖不空生必王天下周室之王文王之功故觀其書知周之所以得王天下之由也文王身處王位故以王言之周公不王故以德屬之人異故文異傳言觀書大史則所觀非一而獨言易象魯春秋者韓子主美文王周公故特言之易象魯無增改故不言魯易象春秋雖是周法所記

乃是魯事故言魯春秋也春秋易象皆應有之韓子至魯方乃發歎者味其義善其人以其舊所未悟故云今始知示其歎美之深非是素不見也易下繫辭云易之興也其當殷之末世周之盛德當文王與紂之事則謂易象爻象之辭也鄭玄案據此文以爲易是文王所作鄭衆賈逵虞翻陸績之徒以易有箕子之明夷東鄰殺牛皆以爲易之爻辭周公所作杜雖無明解似同鄭說

韓子所見蓋周之舊典

禮經也

序言史官所書舊有成法故引韓子之事以此言結之韓子所見魯春秋者蓋是周之舊

日正典禮之大經也韓子之言并歎易象此之所見唯謂春秋者指說春秋不須易象故也知是舊典禮經者傳於隱七年書名例云謂之禮經十一年不告例云不書于策明書於策必有常禮未脩之前舊有此法韓子所見而說之即是周之舊典以無正文故言蓋爲疑辭也制禮作樂周公所爲明策書禮經亦周公所制故下句每云周公正

謂五十發凡是周公舊制也必知史官所記有周公舊制者以聖人所爲動皆有法以能立官紀事豈得全無憲章定四年傳稱備物典策以賜伯禽典策則史官記事之法也若其所記無法何足以賜諸侯諸侯得之何足以爲光策而子魚稱爲美談也且仲尼脩此春秋以爲一經若周公無法史官妄說仲尼何所可馮斯文何足爲典得與諸書禮樂詩易並稱經哉以此知周德既衰官失其

守上之人不能使春秋昭明赴告策書諸

所記注多違舊章

疏

正義曰此明仲尼脩春秋之由先論史策失宜之意

計周公之垂法典策具存豈假仲尼更加筆削但爲官失其守褒貶失中赴告策書多違舊典是故仲尼脩成此法垂示後昆襄三十一年傳稱卿大夫能守其官職昭二十一年傳曰守道不如守官是言人臣爲官各有所守周德既

衰邦國無法羣小在位故官人失其所守也雖廣言衆官失職要其本意是言史官失其所掌也昭三十一年傳曰春秋之稱微而顯婉而辨上之人能使春秋昭明注云上之人謂在位者也彼謂賢德之人在天子諸侯之位能使春秋褒貶勸戒昭明周德既衰主掌之官已失其守在上之人又非賢聖故不能使春秋褒貶勸戒昭明致令赴告記注多違舊章也文十四年傳曰崩薨不赴禍福不告然則鄰國相命凶事謂之赴他事謂之告對文則別散文則通昭七年傳衛齊惡告喪于周則是凶亦稱告也赴告之中違舊章者若隱三年平王以壬戌崩赴以庚戌相五年陳侯鮑卒再赴以甲戌己丑及不同盟者而赴以名同盟而赴不以名之類是也策書記注多違舊章者仲尼既已脩改不可復知正以仲尼脩之故知其多違也

仲尼因魯史策書成文考其真僞而志其典禮上以遵周公之遺

制下以明將來之法

此明仲尼所因并制作之意所脩之經以魯爲

主是因魯史策書成定之舊文也考謂校勘志謂記載考其真僞真者因之僞者改之志其典禮合典法者褒之違禮度者貶之上以遵周公之遺制使舊典更興下以明將來之法今後世有則以此故脩春秋也前代後代事終一揆所賞所罰理必相符仲尼定春秋之文制治國之法文之所褒是可賞之徒文之所貶是可罰之類後代人主誠能觀春秋之文揆當代之事辟所惡而行所善順褒貶而施賞罰則法必明而國必治故云下以明將來之法也不教當時而爲將來制法者孔子之時道不見用旣知被屈異範將來將來之與今時其法亦何以異但爲時不見用故指之將來其實亦以教當代也

其教之所存文之所害則

刊而正之以示勸戒

此說仲尼改舊史之意教之所存謂名教善惡義存

於此事若文無褒貶無以懲勸則是文之害教若僖二十八年天王狩于河陽傳云晉侯召王以諸侯見且使王狩仲尼曰以臣召君不可以訓故書曰天王狩于河陽杜以晉文之意本欲尊周將率諸侯共朝天子自嫌彊大不敢至周喻王出狩得盡臣禮尋其蹤緒心是跡非又昭十九年許世子止弑其君買傳云許悼公瘞五月戊辰飲大子止之藥卒書曰弑其君君子曰盡心力以事君舍藥物可也許止進藥不由於醫其父飲之因茲而卒名教善惡須存於此若也不罪許止不沒晉文無以息篡逆之端勸事君之禮故隱其召王之名顯稱弑君之惡如此之例皆是文之害教則刊削本策改而正之以示後人使聞善而知勸見惡而自戒諸仲尼所改新意皆是刊而正之也

餘則皆即用舊史史有文質辭有詳略

不必改也

此說仲尼不改舊史之意其餘謂新意之外皆即用舊史也始隱終麟二百餘載史

官遷代其數甚多人心不同屬辭必異自然史官有文質
質致使其辭有詳有略既無所害故不必改也史有文質
謂居官之人辭有詳略謂書策之文史文則辭華史質則
辭直華則多詳直則多略故春秋之文詳略不等也螟螣
蜚蠊皆害物之蟲蜚蠊言有螟螣不言有諸侯反國或言
自某歸或言歸自某晉伐鮮虞吳入郢直舉國名不言將
帥及郊與用郊皆無所發諸侯出奔或名或不名明是立
文乖異是其史舊有詳略義例不存於此故不必皆改也

故傳曰其善志又曰非聖人孰能脩之

上傳昭三十一年言春秋之書其是善志記也下傳成十
四年言若非聖人誰能脩春秋使成五例也下傳既非同
年而云又者言又重上事之辭止又其傳非又其年也
蓋周公之志仲尼

從而明之

既以蓋為疑辭而知事必然者案傳君子
論春秋之美而云善志春秋既是舊名明

稱舊記爲善故知上傳之言蓋言周公之志也脩者治舊之名傳善聖人而言脩舊明脩前聖之道故知下傳之言蓋仲尼之明周公也上已言蓋周之舊典禮經此復重云蓋周公之志者上明春秋記事之法舊史之道周公也此

謂仲尼因舊史之文還脩周公之法故重言蓋叙此以上論經以下論傳

左丘明受經於

仲尼以爲經者不刊之書也故傳或先經以始事或後經以終義或依經以辯理或

錯經以合異隨義而發

疏

正義曰丘明爲經作傳故言受經於仲尼

未必而親授受使之作傳也此說作傳解經而傳文不同之意丘明以爲經者聖人之所制是不可刊削之書也非傳所能亂之假使傳有先後不畏經因錯亂故傳或先經爲文以始後經之事或後經爲文以經前經之義或依經之

言以辨此經之理或錯經爲文以合此經之異皆隨義所
在而爲之發傳期於釋盡經意而已是故立文不同也夫
史公十二諸侯年表序云自孔子論史記次春秋七十子
之徒口受其傳魯君子左丘明懼弟子各有妄其意失其
真故具論其語成左氏春秋沈氏云嚴氏春秋引觀周篇
云孔子將脩春秋與左丘明乘如周觀書於周史歸而脩
春秋之經丘明爲之傳共爲表裏藝文志云左丘明魯史
也是言丘明爲傳以其姓左故號爲左氏傳也先經者若
隱公不書即位先發仲子歸于我衛州吁弑其君完先發
莊公娶于齊如此之類是先經以始事也後經者昭二十
二年王室亂定八年乃言劉子伐孟以定王室哀二年晉
納崩躋于戚哀十五年乃言崩躋自戚入衛如此之類是
後經以終義也依經者經有其事傳辯其由隱公不書即
位而求好於邾故爲蔑之盟案其經文明其歸趣如此之
類是依經以辯理也錯經者若地有兩名經傳互舉及經
侵傳伐經伐傳侵於文雖異於理則合如此之類是錯經

以合異也傳文雖多不出其例之所重舊史遺

四體故以此四向明之也文略不盡舉非聖人所脩之要故也

此說有經

無傳之意例之所重者若桓元年秋大水傳云凡平原出水為大水莊七年秋大水此則例之所重皆是舊史遺餘策書之文丘明略之不復發傳非聖人所脩之要故也言遺者舊史已沒策書遺留故曰遺文身為國

史躬覽載籍必廣記而備言之其文緩其

旨遠將令學者原始要終尋其枝葉究其

所窮

此說無經有傳之意

疏

正義曰說文云籍部書也張衡東京賦曰多識前世之載載亦書也

躬覽載籍所見者博以義有所取必廣記而備言之非直解經故其文緩遙明聖意故其旨遠將令學者本原其事

之始要截其事之終尋其枝葉盡其根本則聖人之趣雖
遠其蹟可得而見是故經無其事而傳亦言之爲此也原
始要終及其旨遠並易下繫辭文也尋其枝葉
以掛木喻也究亦窮也言窮盡其所窮之處也

優而柔

之使自求之饜而飫之使自趨之若江海

之浸膏澤之潤渙然冰釋怡然理順然

後爲得也

此又申說無經之傳有利益之意優而柔
之使自求之大戴禮子張問入官學之篇

有此文也其饜而飫之則未知所出優柔俱訓爲安寬舒
之意也饜飫俱訓爲飽饒裕之意也謂丘明富博其文優
游學者之心使自求索其高意精華其大義飽足學者之
好使自奔趨其深致言其廣記備言欲今使樂翫不倦也
江海以水深之故所浸者遠膏澤以雨多之故所潤者博
以喻傳之廣記備言亦欲浸潤經文使義理通洽如是而

五十六
求之然後沒然解散如春冰之釋怡然心說而衆理皆順
然後爲得其所也江海水之大者故舉以爲喻脂之釋者
爲膏言雨之爲潤若
脂膏然故稱膏澤也
其發凡以言例皆經國之

常制周公之垂灋史書之舊章仲尼從而

脩之以成一經之通體

疏

正義曰自此至非
例也辯說傳之三

體此一段說舊發例也言發凡五十皆是周公舊法先儒
之說春秋者多矣皆云丘明以意作傳說仲尼之經凡與
不凡無新舊之例杜所以知發凡言例是周公垂法史書
舊章者以諸所發凡皆是國之大典非獨經文之例隱七
年始發凡例特云謂之禮經十一年又云不書于策建此
二句於諸例之端明書於策者皆是經國之常制非仲尼
始造策書自制此禮也何則天災無牲卒哭作主諸侯薨
于朝會加一等夫人不薨于寢則不致豈是仲尼始造此

言也公行告廟侯伯分災二凡之末皆云禮也宜是丘明
自制禮乎又公女嫁之送人尊卑哭諸侯之親疎等級王
表之稱小童分至之書雲物皆經無其事傳亦發凡若丘
明以意作傳主說仲尼之經此既無經何須發傳以是故
知發凡言例皆是周公垂法史書舊章仲尼從而脩之以
成一經之通體也國之有史在於前代非獨周公立法史
始有章而指言周公垂法者以三代異物節文不同周公
必因其常文而作以正其變者非是盡變其常也但以一
世大典周公所定故春秋之義史必主於常法而以周公
正之然凡是周公之禮經今案周禮竟無凡例爲當禮外
別自有凡爲當凡在禮內今者所據禮內有凡知者案周
禮大宰職於八法之內有官成官法鄭衆注云官成者謂
官府之有成事品式官法者謂職所主之法度然則此凡
者是史官之策書成事法式也釋例終篇云稱凡者五十
其別四十有九蓋以母第二凡其義不異故也計周公垂
典應每事設法而據經有例於傳無凡多矣釋例四十部

無凡者十五然則周公之立凡例非徒五十而已蓋作傳之時已有遺落丘明采而不得故也且凡雖舊例亦非全語丘明采合而用之耳終篇云諸凡雖是周公之舊典丘明撮其體義約以爲言非純寫故典之文也蓋據古文覆逆而見之此丘明會意之微致是其說也然丘明撮凡爲言體例不一於一凡之內事義不同亦有因經所有連釋經之所無如王曰小童公侯曰子是也亦有略其經之所無直釋經之所有如凡祀啓蟄而郊龍見而雩不言初祀以經無故也如此之類是也所以然者蓋以舊凡語少經雖無事則亦連文引之所以兼引王曰小童若舊凡語多經無者則略之經有者則載之所以略其初祀獨舉郊雩故莊十一年王師敗績于某杜注云事列於經則不得不因申其義是舊凡多者唯舉經文也發凡之體凡有二條一是持爲策書一是兼載國事特爲策書者凡告以名則書之類是也兼載國事者凡嫁女于敵國之類是也雖國事但他書有者亦不在凡例如天子七月而葬既於

文備有故丘明作傳不在凡例也此諸凡者自是天下大
例其言非獨爲魯故哭諸侯之條旣發凡例乃云故魯爲
諸姬明知正凡所言非止魯事且送女例云於天子則諸
卿皆行魯無嫁女於天子之理祭祀例云啓蟄而郊自非
魯國不得有郊天之事明是采合故典裁約爲文也

其微顯闡幽裁成義類者皆據舊例而發義指行事以正褒貶

此下盡曲而暢之說新意也微顯闡幽易下繫辭文也微
謂纖隱闡謂著明舊說云下云經無義例此釋經有義例
謂孔子脩經微其顯事闡其幽理裁節經之上下以成義
之般類其善事顯者若秦穆悔過貶四國大夫以例稱人
觀文與常文無異惡事顯者若諸侯城綠陵叔孫豹違命
城綠陵依例稱諸侯與無罪文同叔孫豹去氏與未賜族
者文同皆是微其顯事闡幽者謂闡其幽理使之宣著若
晉趙盾鄭歸生楚比陳乞及許大子止皆非親弑其君是

其罪幽隱孔子脩經加弑使罪狀宣露是闡幽也諸春秋
褒貶之例並是也蓋以爲皆據舊例而發義以下論丘明
之傳微顯闡幽乃是經事故賀沈諸儒皆悉同此劉炫以
微顯闡幽皆說作傳之意經文顯者作傳本其纖微經文
幽者作傳闡使明著顯者若天王狩于河陽觀經文足知
王是天子狩是出獵但不知天子何故出畿外狩耳故傳
發晉侯召王是其微顯也幽者若鄭伯克段于鄆觀經不
知段是何人何故稱克故傳發武姜愛段是闡其幽也丘
明作傳其有微經之顯闡經之幽以裁制成其義理比類
者皆據舊典凡例而起發經義指其人行事是非以正經
之褒貶例稱得雋曰克傳言如二君故曰克是其據舊例
發義也晉侯召王使狩鄭伯不教其弟仲尼沒其召王顯
稱鄭伯丘明正述其事先解經文是指其行事以正褒貶
也此二事尤明者耳其餘皆是新意也此序主論作傳而
賀沈諸儒皆以爲經解之諸稱書不書先書故事書
是不識文勢而謬失杜旨

不言不稱書曰之類比所以起新舊發

大義謂之變例

上既言據舊例而發義故更指發義之條諸傳之所稱書不書先書

故書不言不稱及書曰七者之類皆所以起新舊之例今人知發凡是舊七者是新發明經之大義謂之變例以凡是正例故謂此爲變例猶詩之有變風變雅也自杜以前不知有新舊之異今言謂之變例是杜自明之以曉人也稱書者若文二年書士穀堪其事襄二十七年書先晉晉有信如此之類是也不書者若隱元年春正月不書即位攝也邾子克未王命故不書爵如此之類是也先書者若桓二年君子以督爲有無君之心故先書弑其君僖二年虞師晉師滅下陽先書虞賄故也如此之類是也故書者若隱三年壬戌平王崩赴以庚戌故書之成八年杞叔姬卒來歸自杞故書如此之類是也不言者若隱元年鄭伯克段于鄆不言出奔難之也莊十八年公追戎于濟西不

言其來諱之也如此之類是也不稱者若僖元年不稱即位公出故也莊元年不稱姜氏絕不爲親如此之類是也書曰者若隱元年書曰鄭伯克段于鄢隱四年書曰衛人立晉衆也如此之類是也案襄元年圍宋彭城非宋地追書也隱元年稱鄭伯譏夫教也昭三十一年公在乾侯言不能外內也先書故書既是新意則追書亦是新意書與不書俱是新意則稱與不稱言與不言亦俱是新意豈得不言不稱獨爲新意言也稱也便即非平釋例終篇云諸雜稱二百八十有五止有其數不言其目就文而數又復參差竊謂追書也言也稱也亦是新意序不言者蓋諸類之中足以包之故也有田僧紹者亦注此序以爲序言諸稱稱亦即是新意與下七者合爲八名斯不然矣案書與不書其文相次若稱字即是新意但當言稱與不稱相次何以分爲別文明知杜言諸稱自謂諸傳所稱不以稱爲新意但以理而論之然亦有史所不書即以爲稱亦當是新意耳

義者此蓋春秋新意故傳不言凡曲而暢

之也

此說因舊爲新也仲尼脩春秋者欲以上遵周制下明世教其舊史錯失刑得刊而正之以爲變例

其舊史不書則無可刊正故此又辨之亦有史所不書正合仲尼意者仲尼即以爲義改其舊史及史所不書此二者蓋是春秋新意故傳亦不言凡事別釋曲而通暢之也此蓋春秋新意其言惣上通變例與不別書也舉一凡而事同者諸理盡見是其直也不言凡而每事發傳是其曲暢暢訓通故言曲而暢之也若然隱公實不即位史無由得書即位邾克實未有爵史無由得書其爵然則傳言不書自是舊史不書而以不書爲仲尼新意者釋例終篇杜自問而釋之云丘明之爲傳所以釋仲尼春秋仲尼春秋皆因舊史之策書義之所在則時加增損或仍舊史之無亦或改舊史之有雖因舊文固是仲尼之書也丘明所發故是仲尼之意也雖是舊文不書而事合仲尼之意仲

足因而用之即是仲尼新章若宣十年崔氏出奔衛傳稱書曰崔氏非其罪也且告以族不以名是告不以名故知舊史無名及仲尼脩經無罪見逐例不書名此舊史之文適當孔子之意不得不因而用之因舊爲新皆此類也然杜唯言史所不書即以爲義不云史所書爲義者但夫子約史記而脩春秋史記之文皆是舊史所書因而褒貶理在可見不須更言但恐舊史不書而夫子不用故特言之其經無義例因行事

而言則傳直言其歸趣而已非例也

此一段說經無

義例者國有大事史必書之其事既無得失其文不著義惡故傳直言其指歸趣向而已非褒貶之例也春秋此類最多故隱元年及宋人盟下宿傳曰始通也杜注云經無義例故傳直言其歸趣而已他皆放此是如彼之類皆非也故發傳之體有三而爲例之情有五疏

正義曰傳體有三即上文發凡正例新意變例歸趣非例是也爲例之情有五則下文五曰是也書經有此五情綠經以求義爲例言傳爲經發例其體有此五事下文五句成十四年傳也案彼傳上文云春秋之稱下云非聖人誰能脩之聖人指謂孔子美孔子所脩成此五事五事所攝諸例皆盡下句釋其顯者以屬之耳此發傳之體有三上文三言其以別之觀文足可知耳劉寔分變例新意以爲二事釋例終篇曰丘明之傳有稱周禮以正常者諸稱凡以發例者是也有明經所立新意者諸顯義例而不稱凡者是也稱古典則立凡以顯之釋變例則隨辭以讚之杜言甚明尚不能悟其爲暗也不亦甚乎

一曰微而顯文見於此而

起義在彼稱族尊君命舍族尊夫人梁亡

城緣陵之類是也

文見於此謂彼注云辭微而義顯也稱族尊君命舍族尊夫人

戊十四年傳爲叔孫僑如發也經曰秋叔孫僑如如齊逆女九月僑如以夫人婦姜氏至自齊叔孫是其族也褒賞稱其族貶責去其氏銜君命出使稱其族所以爲榮與夫人俱還去其氏所以爲辱出稱叔孫舉其榮名所以尊君命也入舍叔孫替其尊稱所以尊夫人也族自卿家之族稱舍別有所尊是文見於此而起義在彼僖十九年經書梁亡是秦亡之也傳曰不書其主自取之也僖十四年經書諸侯城緣陵是齊率諸侯城之以遷杞也傳曰不書其人有闕也秦人滅梁而曰梁亡文見於此梁亡見取者之無罪齊桓城杞而書諸侯城緣陵文見於此城緣陵見諸侯之有闕亦是文見於此而起義在彼二曰志而晦皆是辭微而義顯故以此三事屬之

約言示制推以知例參會不地與謀曰及

之類是也

彼注云志記也晦亦微也謂約言以記事事叙而文微桓二年秋公及戎盟于唐冬

公至自唐傳例曰特相會往來稱地讓事也自參以上冠往稱地來稱會成事也其意言會必有主二人共會則更肯爲主兩相推讓會事不成故以地致三國以上則一人爲主二人聽命會事有成故以會致宣七年公會齊侯伐萊傳例曰九師出與謀曰及不與謀曰會其意言同志之國共行征伐彼與我同謀計議議成而後出師則以相違及爲文彼不與我謀不得已而往應命則以相會合爲文此二事者義之所異在於一字約少其言以示法制推尋其事以知其例是所記

三曰婉而成章曲從義訓

事有叙而其文晦微也

以示大順諸所諱辟壁假許田之類是也

彼注云婉曲也謂屈曲其辭有所辟諱以示大順而成篇章言諸所諱辟者其事非一故言諸以摠之也若僖十六年公會諸侯于淮未歸而取項齊人以爲討而止公十七年九月得釋始歸諱執止之恥辟而不言經乃書公至自

會諸如此類是諱辟之事也諸侯有大功者於京師受邑
爲特朝而宿焉謂之朝宿之邑方岳之下亦受田邑焉從
巡守備湯水以共沐浴焉謂之湯沐之邑魯以周公之故
受朝宿之邑於京師許田是也鄭以武公之勲受湯沐之
邑於泰山祊田是也隱桓之世周德既衰魯不朝周王不
巡守二邑皆無所用因地勢之便欲相與易祊薄不足以
當許鄭人加璧以易許田諸侯不得專易天子之田文諱
其事桓元年經書鄭伯以璧假許田言若進璧以假田非
久易也祊惡揚善臣子之義可以垂訓於後故此二事皆
屈曲其辭從其義訓以示大順之道是其辭婉曲而成其
篇章也

四曰盡而不汙直書其事具文見意

丹楹刻桷天王求車齊侯獻捷之類是也

彼注云謂直言其事盡其實無所汙曲禮制宮廟之飾
楹不丹桷不刻莊二十三年秋丹桓宮楹二十四年春刻

栢宮桷禮諸侯不貢車服天子不私求財栢十五年天王使冢父來求車禮諸侯不相遺俘莊三十一年齊侯來獻戎捷三者皆非禮而動直書其事不爲之隱具五曰懲爲其文以見譏意是其實盡而不有汙曲也

惡而勸善求名而亡欲蓋而章書齊豹盜

三叛人名之類是也

彼注云善名必書惡名不減所以爲懲勸昭二十年盜殺

衛侯之兄縶襄二十一年邾庶其以漆間丘來奔昭五年莒牟夷以牟婁及防茲來奔昭三十一年邾黑肱以濫來奔是謂盜與三叛人名也齊豹衛國之卿春秋之例卿皆書其名氏齊豹忿衛侯之兄起而殺之欲求不畏彊禦之名春秋抑之書曰盜盜者賤人有罪之稱也邾庶其黑肱皆牟夷三人皆小國之臣並非命卿其名於例不合見經竊地出奔求食而已不欲求其名聞春秋故書其名使惡名不減若其爲惡求名而有名章徹則作難之士誰或不

爲若竊邑求利而名不聞則貪冒之人誰不盜竊故書齊
豹曰盜三叛人名使其求名而名亡欲蓋而名章所以懲
創惡人勸善善人昭三十一年傳具說此事其意然也
與三叛俱是惡人書此二事唯得懲惡耳而言勸善者惡
懲則善勸故連言之推此五體以尋經傳觸類而長之

附于二百四十二年行事王道之正人倫

之紀備矣

疏

正義曰上云情有五此言五體者言其意謂之情指其狀謂之體體情一

也故互見之一曰微而顯者是夫子脩改舊文以成新意
所脩春秋以新意爲主故爲五例之首二曰志而晦者是
周公舊凡經國常制三曰婉而成章者夫子因舊史大順
義存君親揚善掩惡夫子因而不改四曰盡而不汙者夫
子亦因舊史有正直之士直言極諫不掩君惡欲成其美
夫子因而用之此婉而成章盡而不汙雖因舊史夫子

以爲義愬而言之亦是新意之限故傳或言書曰或云不
書五曰懲惡而勸善者與上微而顯不異但勸戒緩者在
微而顯之條貶責切者在懲惡勸善之例故微而顯居五
例之首懲惡勸善在五例之末五者春秋之要故推此以
尋經傳綱類而增長之附於二百四十二年時人所行之
事觀其善惡用其褒貶則王道之正法人理之紀綱皆得
所備矣從首至此說經傳理畢故以此言結之觸類而長
之易上繫辭文也二百四十二年謂獲麟以前也以後經
則魯史舊文傳終說前事辭無褒貶故不數之也觸類而
長之者若隱四年經書翬帥師傳稱羽父固請故書曰翬
帥師疾之也十年經亦書翬帥師傳雖不言書曰故書是
知與上同爲新意又隱元年傳曰儀父貴之也則相十七
年云儀父亦是貴之是也

或曰春秋以錯文見義若如所
論則經當有事同文異而無其義也先儒

所傳皆不其然

疏

正義曰自此至釋例詳之言已爲作注解之意論經傳之

下即是自述已懷於文不次言無由發故假稱或問而答以釋之春秋之經侵伐會盟及戰敗克取之類文異而義殊錯文以見義先儒知其如是因謂苟有異文莫不著義杜以爲仲尼所述據史舊文文害者則刊而正之不害者因其詳略此其異於先儒故或人據上文杜之異旨執先儒以問曰春秋以錯文見義其文異者必應有義存焉若如所論辭有詳略不必改也則經當有事同文異而無其義意者也先儒所傳皆不其然今何以獨異欲令杜自辯之

答曰春秋雖以一字爲褒貶然皆須數

句以成言非如八卦之爻可錯綜爲六十

四也固當依傳以爲斷

莊二十五年陳侯使女叔來聘傳曰嘉之故不

名傳二十五年衛侯燬滅邢傳曰同姓也故名襄則書字
貶則稱名襄貶在於一字襄貶雖在一字不可單書一字
以見褒貶故荅或人曰春秋雖以一字爲褒貶皆須數句
以成言語非如八卦之爻可錯綜爲六十四也卦之爻也
一爻變則成爲一卦經之字也一字異不得成爲一義故
經必須數句以成言義則待傳而後曉不可錯綜經文以
求義理故當依傳以爲斷文異者丘明不爲發傳仲尼必
無其義安得傳言之表妄說經文以此知經有事同文異
而無其義者也數句者謂若隱元年秋七月天王使宰咺
來歸惠公仲子之賵及昭十三年夏四月楚公子比自晉
歸于楚弑其君虔于乾谿此皆三句以上春秋一部未必
皆然杜欲盛破賈服一字故舉多言之或以爲數其文句
義亦得通錯綜其數易上

古今言左氏春秋者

多矣今其遺文可見者十數家

漢書儒林
傳云漢興

北平侯張蒼及梁大傳賈誼京兆尹張敞大中大夫劉公
子皆脩左氏傳誼爲左氏傳訓詁授趙人貫公公傳子長
卿長卿傳清河張禹禹授尹更始更始傳子咸及丞相翟
方進方進授清河胡常常授黎陽賈護護授蒼梧陳欽而
劉歆從尹咸及翟方進受由是言左氏者本之賈護劉歆
是前漢言左氏者也漢武帝置五經博士左氏不得立於
學官至平帝時王莽輔政方始立之後漢復廢雖然學者
浸多矣中興以後陳元鄭衆賈逵馬融延篤彭仲博許惠
卿服虔潁容之徒皆傳左氏春秋魏世則王肅董遇爲之
注此等比至杜時或在或滅不知杜之所見十數家定是
何人

大體轉相祖述進不成爲錯綜經文以

盡其變退不守丘明之傳於丘明之傳有
所不通皆沒而不說而更膚引公羊穀梁

適足自亂

禮記中庸云仲尼祖述堯舜祖始也謂前人爲始而述脩之也經之詳略本不著義

強爲之說理不可通故進不成爲錯綜經文以盡其變於傳之外別立異端故退不守丘明之傳傳有不通則沒而不說謂諸家之注多有此事但諸注旣亡不可指摘若觀服虔賈誼之注皆沒而不說者衆矣謂若文二年作僖公主傳於僖三十三年云作主非禮也凡君薨卒哭而祔祔而作主及襄九年閏月戌寅濟于陰阪之類是也膚謂皮膚言淺近引之也公羊穀梁口相傳授因事起問意與左氏不同故引之以解左氏適足以自錯亂也

預

今所以爲異專脩丘明之傳以釋經經之條貫必出於傳傳之義例揔歸諸凡推變例以正褒貶簡二傳而去異端蓋丘明之

志也

丘明與聖同恥爲經作傳經有他義無容不盡故專脩丘明之傳以釋經也作傳解經則經義在傳

故經之條貫必出於傳也發凡言例則例必在凡故傳之義例摠歸諸凡也若有例無凡則傳有變例如是則推尋變例以正褒貶若左氏不解二傳有說有是有非可去可取如是則簡選二傳取其合義而去其異端杜自言以此立說蓋是丘明之本意也昭三年北燕伯款出奔齊傳云書曰北燕伯款出奔齊罪之也則知昭二十一年蔡侯朱出奔楚亦是罪之也釋例曰朱雖無罪據失位而出奔亦其咎也宣十年崔氏出奔衛傳云書曰崔氏非其罪也不書名者非其罪則書名者是罪也襄二十一年晉欒盈出奔楚杜注云稱名罪之如此之類是推變例以正褒貶也莊十九年公子結媵陳人之婦于鄆杜注云公羊穀梁皆以爲魯女媵陳侯之婦僖九年伯姬卒杜注云公羊穀梁曰未適人故不稱國如此之類是簡二傳也先儒取二傳多矣杜不取者是去異端也

其有疑錯

則備論而闕之以俟後賢

集解與釋例每有論錯闕疑之事非一二

也釋例終篇云去聖久遠古文篆隸歷代相變自然當有錯誤亦不可拘文以害意故聖人貴聞一而知二賢史之闕文也今左氏有無傳之經亦有無經之傳無經之傳或可廣文無傳之經則不知其事又有事由於魯魯君親之而復不書者先儒或強爲之說或沒而不說疑在闕文誠難以意理推之是備論闕之事也然劉子

駿創通大義賈景伯父子許惠卿皆先儒之美者也末有穎子嚴者雖淺近亦復名

家故特舉劉賈許穎之違以見同異

漢書楚元王傳

稱劉歆字子駿劉德孫劉向少子也哀帝時歆校秘書見古文春秋左氏傳大好之初左氏傳多古字古言學者傳

訓詁而已及歆治左氏引傳文以解經經傳相發明由是章句義理備焉是其創通大義也後漢賈逵字景伯扶風人也父徽字元伯授業於歆作春秋條例逵傳父業作左氏傳訓詁許惠知名淑鄉人也穎子嚴名容陳郡人也比於劉賈之徒學識雖復淺近然亦注述春秋名爲一家之學杜以爲先儒之內四家差長故特舉其違以見異同自餘服虔之徒殊劣於此輩故棄而不論也

分經之年與傳之年相

附比其義類各隨而解之名曰經傳集解

丘明作傳不敢與聖言相亂故與經別行何止丘明公羊穀梁及毛公韓嬰之爲詩作傳莫不皆爾經傳異處於省覽爲煩故杜分年相附別其經傳聚集而解之杜言集解謂聚集經傳爲之作解何晏論語集解乃聚集諸家義理以解論語言又別集諸例及地名譜第歷數相同而意異也

與爲部凡四十部十五卷皆顯其異同從而釋之名曰釋例將令學者觀其所聚異

同之說釋例詳之也

春秋記事之書前人後人行事相類書其行事不得不有

比例而散在他年非相比校則善惡不章褒貶不明故杜別集諸例從而釋之將令學者觀其所聚察其同異則於其學易明故也言諸例及地名譜第歷數三者雖春秋之事於經傳無例者繁多以特爲篇卷不與諸例相同故言及也事同則爲部小異則附出孤經不及例者聚於終篇故言相與爲部也其四十部次第從隱即位爲首先有其事則先次之唯世族土地事既非例故退之於後終篇宜最處末故次終篇之前終篇處其終耳土地之名起於宋衛遇于垂世族譜起於無駭卒無駭或曰春秋之作卒在遇垂之後故地名在世族之前也

左傳及穀梁無明文說者以爲仲尼自衛
反魯脩春秋立素王丘明爲素臣言公羊
者亦云黜周而王魯危行言孫以辟當時
之害故微其文隱其義公羊經止獲麟而

左氏經終孔丘卒敢問所安

疏
正義曰上一問一答說作

注理畢而更問春秋作之早晚及仲尼述作大意先儒所說並皆辟謬須於此明之亦以於文不次故更假問答以明之一問之間凡有四意其一問作之早晚其二問先儒言孔子自爲素王其事虛實其三問公羊說孔子黜周王魯其言是非其四問左氏獲麟之後乃有餘經則杜於意安否據杜云左傳及穀梁無明文則指公羊有其說說今

驗何休所注公羊亦無作春秋之事實孔舒元公羊傳本
云十有四年春西狩獲麟何以書記異也今麟非常之獸
其爲非常之獸奈何有王者則至無王者則不至然則孰
爲而至爲孔子之作春秋是有成文也左傳及穀梁則無
明文故說左氏者言孔子自衛反魯則便撰述春秋三年
文成乃致得麟孔子既作此書麟則爲書來應言麟爲孔
子至也麟是帝王之瑞故有素王之說言孔子自以身爲素
王故作春秋立素王之法丘明自以身爲素臣故爲素王
作左氏之傳漢魏諸儒皆爲此說董仲舒對策云孔子作
春秋先正王而繫以萬事是素王之文焉賈逵春秋序云孔
子覽史記就是非之說立素王之法鄭玄六藝論云孔
子既西狩獲麟自號素王爲後世受命之君制明王之法
盧欽公羊序云孔子自因魯史記而脩春秋制素王之道
是先儒皆言孔子立素王也孔子家語稱齊大史子餘歎
美孔子言云天其素王之乎素空也言無位而空王之也
彼子餘美孔子之深原上天之意故爲此言耳非是孔子

自號爲素王先儒蓋因此而謬遂言春秋立素王之法左丘明述仲尼之道故復以爲素臣其言丘明爲素臣未知誰所說也言公羊者謂何休之輩黜周王魯非公羊正文說者推其意而致理耳以杞是二王之後本爵爲上公而經稱杞伯以爲孔子黜之宣十六年成周宣榭火公羊傳曰外災不書此何以書新周也其意言周爲王者之後比宋爲新緣此故謂春秋託王於魯以周宋爲二王之後駁杞同於庶國何休隱元年注云唯王者然後改元立號春秋託新王受命於魯宣十六年注云孔子以春秋當新王上黜杞下新周而故宋黜周爲王者之後是黜周王魯之說也定元年公羊傳曰定哀多微辭主人習其讀而問其傳則未知己之有罪焉爾何休云此假設而言之主人謂定哀也習其經而讀之問其傳解詁則不知己之有罪於是此孔子畏時君上以諱尊隆恩下以辟害容身慎之至也是其孫言辟害微文隱義之說自衛反魯危行言孫皆論語文也鄭玄以爲據時高言高行者皆見危謂高行爲

危行也何晏以危爲厲厲言行不隨俗也未知二者誰當
杜百公羊之經獲麟即止而左氏之經終於孔子卒先儒
或以爲麟後之經亦是孔子
所書故問其意之所安也 答曰異乎余所聞仲

尼曰文王既没文不在茲乎此制作之本
意也歎曰鳳鳥不至河不出圖吾已矣夫

蓋傷時王之政也

此盡末以來答上問四意但所
答或先或後而其文不欠欲令

先有案據乃得遞相發明故不得以次而答問者先問作
之早晚杜意定以獲麟乃作故從仲尼曰至所以爲終明
作之時節兼明白本意自欲制作感麟方始爲之非是先
作春秋乃後致麟也既言止麟之意須說始隱之由且欲
取平王周正驗其非黜周王魯之證但既言其終倒言其
始則於文不次故答前義未了更起一問自曰然則以下

盡此其義也明春秋始隱之意答黜周王魯之言既言王魯爲非遂并辯公羊之謬自若夫制作盡非隱之也答微文隱義之爲非也自聖人包周身之防盡非所聞也答孫言辟害之爲虛也先儒以爲未獲麟而已作春秋過獲麟而經猶未止故既答公羊之謬然後却辯素王爲虛并說引經爲妄自子路欲使門人盡又非通論也答素王素臣之問自先儒以爲盡得其實答經止獲麟之意至於反袂以下言其不可採用此章分段大意其文旨如此問者以所聞而問其異乎余所聞一句歎其所據非理故言異乎余所聞仲尼曰與歎曰二者皆論語文也孔子過厠斤人以兵遮而脅之從者驚怖故設此言以強之文王雖身旣沒其爲文王之道豈不在茲身乎孔子自此其身言已有文王之道也其下文又云天之將喪斯文也後死者不得與於斯文也天之未喪斯文也斤人其如予何其意言天若未喪文王之道必將使我制作斤人不能奪天以害已此言是有制作之本意也聖人受命而王則鳳鳥至河

出圖仲尼歎曰鳳鳥不至河不出圖吾已矣夫此言蓋傷時王之政不能致此瑞也先有制作之意而恨時無嘉瑞明是既得嘉瑞即便制作杜欲明得麟乃作故先表此二句鄭玄以爲河圖洛書龜龍銜負而出如中候所說龍馬銜甲赤文綠色甲似龜背表廣九尺上有列宿斗正之度帝王錄紀興亡之數是也孔安國以爲河圖即八卦是也未知二者誰當杜言麟鳳五靈王者之嘉瑞也今麟出非其時虛其應而失其歸此聖人所以爲感也絕筆於獲麟之一句者所感而起固所以爲終也

麟鳳與龜龍白虎五者神靈之鳥獸王者之嘉瑞也今麟出於衰亂之世是非

其時也上無明王是虛其應也爲人所獲是失其歸也夫此聖人而生非其時道無所行功無所濟與麟相類故所

以爲感也先有制作之意復爲外物所感既知道屈當時
欲使功被來世由是所以作春秋絕筆於獲麟之一句者
麟是仲尼所感而書爲感麟而作既以所感而起固所以
爲終也答上春秋之作左傳無明文之問又言已所以爲
獲麟乃作之意獨舉麟鳳而云五靈知二獸以外爲龜龍
白虎者以爲獸而爲瑞不出五者經傳識緯莫不盡然禮
記禮器曰升中于天而鳳皇降龜龍假詩序曰麟趾關雎
之應騶虞鵲巢之應騶虞即白虎也是龜龍白虎並爲瑞
應只言麟鳳便言五靈者舉鳳配麟足以成句略其三者
故曰五靈其五靈之文出尚書緯也禮記禮運曰麟鳳龜
龍謂之四靈不言五者彼稱四靈以爲畜則飲食有由也
其意言四靈與着物爲羣四靈既擾則着物皆備龍是魚
鮪之長鳳是飛鳥之長麟是走獸之長龜是甲蟲之長飲
食所須唯此四物四物之內各舉一長虎麟皆是走獸故
略云四靈杜欲徧舉諸瑞故備言五靈也直云絕筆獲麟
則文勢已足而言之一句者以春秋編年之書必應盡年

乃止入年唯此一句故顯言之以明一句是其所感也

曰然則春秋何始於

魯隱公荅曰周平王東周之始王也隱公
讓國之賢君也考乎其時則相接言乎其
位則列國本乎其始則周公之祚胤也若
平王能祈天永命紹開中興隱公能弘宣
祖業光啓王室則西周之美可尋文武之
迹不墜是故因其歷數附其行事采周之
舊以會成王義垂灋將來

上既解終麟之意未
辯始隱之由故又假

問以釋之不言或問而直言曰者以荅前未了須更起此
問若言問者猶是前人且既解絕筆即因問初起以此不
復言或欲示二問共是一人故也然者然上語則者陳下
事乘前起後之勢問者言絕筆於獲麟既如前解然則春
秋初起何獨始於魯隱公不始於他國餘公何也荅曰周
平王東周之始王也遷居洛邑平王爲首是始王也隱公
譚國之賢君也於第當立委位謗桓是賢君也考乎其時
則相接隱公之初當平王之末是相接也言乎其位則列
國其爵爲侯其土則廣是大國也本乎其始則周公之祚
簡也魯承周公之後是其福祚之簡也若使平王能撫養
下民求天長命紹先王之烈開中興之功隱公能大宣聖
祖之業光啓周王之室君臣同心照臨天下如是則西周
之美猶或可尋文武之迹不墜於地而平王隱公居得致
之地有得致之資而竟不能然只爲無法故也仲尼愍其
如是爲之作法其意言若能用我道豈致此乎是故因其
年月之歷數附其時人之行事采周公之舊典以會合歲

一王之大義雖前事已往不可復追冀得垂法將來使後人放習以是之故作此春秋此序一段大明作春秋之深意問者不直云隱公而言魯隱公者言魯決其不始於他國言隱決其不始於餘公挾此二意故并魯言之也其答直言隱公不云魯者以魯之春秋已爲韓起所說可知故也周自武王伐紂定天下恒居鎬地是爲西都周公攝政營洛邑於土中謂之東都成王雖暫至洛邑還歸鎬京及幽王滅於西周平王東遷洛邑因謂洛邑爲東周謂鎬京爲西周平王始居東周故云東周之始王也平王四十九年而隱公即位隱公三年而平王崩是其相接也詩旣醉云永錫祚胤言福祚及後胤也尚書召誥云用供王能祈天永命言用善德治民得長命也襄十年傳曰而以偪陽光啓寡君論語曰文武之道未墜於地是杜所用之文也春秋據魯而作即是諸侯之法而三會成王義者春秋所書尊卑盡備王使來聘錫命賜含有天子撫邦國之義公如京師拜賜會葬有諸侯事王者之法雖據魯史爲文足

成王者之義也以其會成王義故得垂法將
來將使天子法而用之非獨遺將來諸侯也
所書之王

即平王也所用之歷即周正也所稱之公

即魯隱也安在其黜周而王魯乎子曰如

有用我者吾其爲東周乎此其義也

既言作春

秋之意然後答黜周王魯之言經書春王正月王即周平
王也月即周正也公及邾儀父公即魯隱公也魯用周正
則魯事周矣天子稱王諸侯稱公魯尚稱公則號不改矣
春秋之文安在黜周王魯乎若黜周王魯則魯宜稱王周
宜稱公此言周王而魯公知非黜周而王魯也孔子之作
春秋本欲興周非黜周也故引論語以明之公山弗擾召
孔子孔子欲往子路不說夫子設此言以解之其意言彼
召我者而豈空然哉必謂我有賢能之德故也既謂我有

賢德或將能用我言如其能用我言者吾其爲東方之周
乎言將欲興周道於東方也原其此意知非黜周故云此
其興周之義也注論語者其意多然唯鄭
玄獨異以東周爲成周則非杜所用也 若夫制作

之文所以章往考來情見乎辭言高則旨

遠辭約則義微此理之常非隱之也

此一段答

說公羊者言微其文隱其義之意若夫者發端之辭既答
王魯更起言端故云若夫聖人制作之文所以章明已往
考校方來欲使將來之人鑒見既往之事聖人之情見乎
文辭若使發語卑雜則情趣瑣近立言高簡則旨意遠大
章句煩多則事情易顯文辭約少則義趣微略此乃理之
常事非故隱之也文王演易則亦文高旨遠辭約義微豈
復孫辭辟害以彼無所辟其文亦微知理之常非爲所隱
也其章往考來情見乎辭皆易下繫辭之文彼作章往而

察來意不異耳

聖人包周身之防既作之後方復隱

諱以辟患非所聞也

此一段答孫言辟害之意若成湯繫於夏臺文王囚於羑

里周公留滯於東都孔子絕糧於陳蔡自古聖人幽囚厄則嘗有之未聞有被殺害者也包周身之防者謂聖人防慮必周於身自知無患方始作之既作之後方復隱諱以辟患害此事實非所聞也云非所聞者言前訓未之有

也子路欲使門人爲臣孔子以爲欺天而

云仲尼素王立明素臣又非通論也

此一段答

素王素臣爲非也案論語稱孔子疾病子路使門人爲臣病間曰久矣哉由之行詐也無臣而爲有臣吾誰欺欺天乎其意言子路以孔子將死使門人爲臣欲令以臣禮葬君冀其顯榮夫子夫子瘞而責之我實無臣何故而爲有臣吾

之於人也於誰嘗欺我尚不敢欺人何故使吾欺天乎子
路使門人爲臣纔僭大夫禮耳孔子尚以爲欺天況神器
之重非人臣所議而云仲丘爲素王立明爲素臣又非通
理之論也聖人之生與運隆替運通則功濟當時運閉則
道存身後雖復富有天下無益於堯舜賤爲匹庶何損於
仲丘道爲升降自由聖與不聖言之立否乃聞賢與不賢
非復假大位以宣風藉虛名以範世稱王稱臣復何所取
若使無位無人虛稱王號不爵不祿妄竊臣名是則羨富
貴而恥貧賤長僭踰而開亂逆聖人立教豈當爾也臧文
仲山節藻稅謂之不知管仲鏤簋朱紘稱其器小見季氏
舞八佾云孰不可忍若仲丘之竊王號則罪不容誅而言
素王素臣是誣大賢而負聖人也嗚呼孔子被誣久矣賴
杜預方始雪之先儒以爲制作三年文成致麟旣已

妖妄又引經以至仲丘卒亦又近誣

此下至爲得其

實皆明麟後之經非仲尼所脩之意直言先儒無可尋檢
未審是誰先生此意案今左氏之經仍終孔丘之卒雖杜
氏之注此經亦存而尤責先儒引經至仲尼卒者蓋先儒
以爲夫子自衛反魯即作春秋作三年而後致麟雖得麟
而猶不止比至孔丘之卒皆是仲尼所脩以是辨之謂之
近誣明先儒有此說也服虔云夫子以哀十一年自衛反
魯而作春秋約之以禮故有麟應而至是其宗舊說也服
虔又云春秋終於獲麟故小邾射不在三叛人中也不子
欲明夫子作春秋以顯其師故書小邾射以下至孔子卒
案杜於此下及哀十四年注皆取服義爲說則服氏於此
一事已改先儒矣麟是王者之瑞非爲制作而來而云仲
尼致之是其妖且妄也經是魯史之文非仲尼之所述而
云仲尼脩之是其近誣罔也言近誣
者心所不悟非故誣之故云近誣也據公羊經止獲
麟而左氏小邾射不在三叛之數故余以

爲感麟而作作起獲麟則文止於所起爲

得其實

穀梁之經亦止獲麟而獨據公羊者春秋之作穀梁無明文杜以獲麟乃作義取公羊故

獨據之耳小邾射以句繹來奔與黑肱之徒義無以異傳稱書二叛人名不通數此人以爲四叛知其不入傳例麟下之經傳不入例足知此經非獲孔言故余以爲感麟而作春秋其意起於獲麟則文止於所起自此而謬爲得其實重明經止獲麟并自成己說起麟之意也至於反袂拭面稱吾道

窮亦無取焉

公羊傳稱孔子聞獲麟反袂拭面涕沾袍曰吾道窮矣此既取公羊經止

獲麟而公羊獲麟之下即有此傳嫌其并亦取之故云亦無取焉不取之者以聖人盡聖窮神樂天知命生而不喜死而不戚困於陳蔡則絃琴而歌夢奠兩楹則負杖而詠寧復畏懼死亡下沾衿之泣愛惜性命發道窮之歎若實

如是何異凡夫俗人而得稱為聖也公羊之書鄉曲小辯
致遠則泥故無取焉此則上文所謂簡二傳而去異端豈
有反袂拭面涕下沾袍
以虛而不經故不取也

春秋正義卷第一

修職郎新嘉州學教授趙彥穆點勘

春秋正義卷第二

源氏

國子祭酒上護軍曲阜縣開國子臣孔穎達等奉

勅撰

春秋經傳集解



正義曰五經題篇皆出注者之意人各有心故題無常準

此本經傳別行則經傳各自有題注者以意裁定其本難可復知據今服虔所注題云隱公左氏傳解詁第一不題春秋二字然則春秋二字蓋是經之題也服虔言左氏傳三字蓋本傳之題也杜旣集解經傳春秋此書之大名故以春秋冠其上序說左氏言已備悉故略去左氏而爲此題焉經傳集解四字是杜所加其餘皆舊本也經者常也言事有典法可常遵用也傳者傳也博釋經意傳示後人分年相附集而解之故謂之經傳集解

隱公第一



正義曰魯君侯爵杜君采大史公書世本旁引傳記以為世族譜略記國之興

族譜云魯姬姓文王子周公旦之後也周公股肱周室成王封其子伯禽於曲阜為魯侯今魯國是也自哀以下九世二百一十七年而楚滅魯係魯世家伯禽至隱公凡一十三君兄弟相及者五人隱公名息姑伯禽七世孫惠公弗皇子釐子所生平王四十九年即位是歲歲在壬午韋昭記檀弓曰死謚周道也周法天子至於大夫既死則累其德行而為之謚所書謚法云隱拂不成曰隱魯實侯爵而稱公者五等之爵雖尊卑殊號臣子尊其君父皆稱為公是禮之常也字書云第訓次也一者數之始杜氏正義曰杜氏名預字元凱此卷於次第當其一也志云杜畿字伯侯京兆杜陵人也漢御史大夫杜延年之後文帝時為尚書僕射封樂亭侯試船溺死追贈大僕謚戴侯也恕字務伯官至幽州刺史預司馬宣王女壻也下隱晉書云預知謀深博明於治亂當稱德者非所企及立言立功預

所庶幾也大觀羣典謂公羊穀梁說解之言又作左氏未究丘明之意橫以二傳亂之乃錯綜微左氏經傳集解又參考衆家爲之釋例又作明會月長歷備成一家之學至老乃成預有大功名於世征南大將軍開府封當陽侯荊州刺史食邑八千戶時人號爲武庫不言名而言氏者注述之人義在謙退不欲言言其名故但言杜氏毛君孔安國馬融王肅之徒其所注書皆稱爲傳鄭玄則謂之爲注而此於杜氏之下更無稱謂者以集解之名已題在上故止云杜氏而已劉炫云不言名而云氏者漢承焚書之後諸儒各載學名不敢布於天下但欲傳之私族自題其氏爲謙之辭

傳惠公元妃孟子

言元妃明始適夫人也子宋姓

孟子卒

不稱

成喪也無謚先夫死不得從夫謚

繼室以聲子生隱公

聲謚也蓋孟子之姪

勝也諸侯始娶則同姓之國以姪娣媵元妃死則次妃攝治內事猶不得稱夫人故謂之繼室

宋武公

生仲子仲子生而有文在其手曰爲魯夫

人故仲子歸于我

婦人謂嫁曰歸以手理自然成字有若天命故嫁之於魯

生

桓公而惠公薨

言歸魯而生男惠公不以桓生之年薨

是以隱公

立而奉之

隱公繼室之子當嗣世以桓梓之故追成父志爲桓尚少是以立爲大子帥國人奉

之爲經元年春不書即位傳



惠公元妃孟子皇孝公之子也

正義曰惠公名弗諡法愛民好與曰惠

釋詁云元始也妃匹也始匹者言以前未曾娶而此人始爲匹故注云言元妃明始適夫人也妃者名通適妾故傳云陳哀公元妃鄭姬生悼大子偃師二妃生公子留下生公子勝元者始也長也一元之字兼始適兩義故云

適夫人也然則有始而非適若孟任之類是也亦有適而非始若哀姜之類是也如者配匹之言非有尊卑之異其尊卑殊稱則曲禮所云天子之妃曰后諸侯曰夫人大夫曰孺人士曰婦人庶人曰妻是也鄭玄以爲后之言後蓋執治內事在夫之後也夫之言扶言能扶成人君之德也孺之言屬言其繫屬人也婦之言服言其服事人也妻之言齊言與夫齊等也庶人之賤見其齊等也以上因其爵之尊卑爲立別號其實皆配夫通以妃爲稱少牢饋食禮云以其妃配其氏是大夫之妻亦稱妃也孟仲叔季兄弟姊妹長幼之別字也孟伯俱長也禮緯云庶長稱孟然則適妻之子長者稱伯妾子長於妻子則稱爲孟所以別適庶也故杜注文十五年及釋例皆云慶父爲長庶故武稱孟氏沈氏亦然案傳趙莊子之妻晉景公之婢則趙武適妻子也而武稱趙孟荀偃之卒也士句請後曰鄭甥可則荀吳妾子也而吳稱知伯豈知氏常爲適而稱伯趙氏恒爲庶而稱孟者也蓋以趙氏趙盾之後盾爲庶長故子孫

恒以孟言之與慶父同也推此言之知知氏荀首之後傳
云中行伯之季弟則俱是適妻之子但林父荀首並得立
家故荀首子孫亦從適長稱伯也或可春秋之時不能如
禮孟伯之字無適庶之異蓋從心所欲而自稱之耳與姓
子宋是殷後故子爲宋姓婦人以字配姓故稱孟子注
不稱至夫謚正義曰魯之夫ノ皆稱薨舉謚此獨無謚
言卒故特解之定十五年如氏卒傳曰不成喪則知此不
稱薨亦不成喪也案傳例不赴則不稱薨然則此云不成
喪者正謂不赴於諸侯也周禮小史卿大夫之喪賜謚讀
諱止賜卿大夫不賜婦人則婦人法不當謚故號當繫夫
諱例曰謚者興於周之始王變質從文於是有諱焉傳曰
周人以諱事神名終將諱之故易之以謚末世滋蔓降及
匹夫爰暨婦人婦人無外行於禮當繫夫之謚以明所屬
諱稱莊姜宣姜即其義也是言婦人於法無謚故取其夫
謚冠於姓之上生以天國冠之韓姑秦姬是也死以夫姓
冠之莊姜定姒是也且見此人是某公之妻故從夫謚也

謚非婦人之行也夫謚已定妻即從而稱之先夫而絕則夫未有謚或隨宜稱字故云無謚言婦人法無謚也人死不得從夫謚解其不稱惠也此言其正法耳其末重言蔓則爲之作謚景王未崩妻稱穆后如此之類皆非禮也重言孟子者服虔云嫌與惠公俱卒故重言之下仲子亦然

注聲謚至繼室正義曰謚法不生其國曰聲是聲爲謚

也襄二十三年傳稱臧宣叔娶于鑄生賈及爲而死繼室以其姪則姪之與娣皆得繼室此旣無文故設疑辭云蓋孟子之姪娣也成八年傳曰凡諸侯嫁女同姓媵之異姓則否莊十九年公羊傳曰諸侯娶一國則二國往媵之以姪娣從姪者何兄之子也娣者何弟也諸侯壹聘九女然則諸侯娶於三國國別各有三女此言諸侯始娶則同姓之國以姪娣媵者從言媵者亦有姪娣省略爲文耳其實夫人與媵皆有姪娣但聲子或是孟子姪娣或是同姓之國媵者姪娣以其難明故杜兩解之初云孟子之姪娣又云同姓之國以姪娣媵是也故釋例曰古者諸侯之娶適

夫人及左右媵各有姪娣皆同姓之國國三人凡九女參骨肉至親所以見陰訟陰訟息所以廣繼嗣是其義也然宋之同姓國依世本子姓殷時來宋空同黎比髦自夷蕭但春秋不載其國未知宋之同姓者是何釋言云媵送也言妻送適行故夫人姪娣亦稱媵也經傳之說諸侯唯有繼室之文皆無重要之禮故知元妃死則次妃攝治內事次妃謂姪娣與媵諸妾之最貴者釋例曰夫人薨不更聘必以姪娣媵繼室是夫人之姪娣與二媵皆可以繼室也適庶交爭禍之大者禮所以別嫌明疑防微杜漸故雖攝治內事猶不得稱夫人又異於餘妾故謂之繼室妻處夫之室故書傳通謂妻為室言繼續元妃在夫之室宋武至于我正義曰宋國公爵譜云宋子姓其先契佐唐虞為司徒封於商成湯受命王有天下及紂無道周武王滅之而封其子武庚以紹殷後武庚作亂周公伐而誅之更封紂兄帝乙之元子微子啓為宋公都商丘今梁國睢陽縣是也微子卒其弟微仲代立穆公七年魯隱公之元年

紀魯公三十六年魯哀公之十四年獲麟之歲也昭公得
元年春秋之傳終矣其後五世百七十年而齊卿懿公
滅宋依宋世家微子至武公凡十二君兄弟相及者二人
武公是微仲九世孫謚法克定禍亂曰武 注婦人至於
魯 正義曰婦人謂嫁曰歸隱二年公羊傳文也以其手
之文理自然成字有若天之所命使爲魯夫人然故嫁之
於魯也成季唐叔亦有文在其手曰友曰虞曰下不言爲
此傳言爲魯夫人者以宋女而作他國之妻故傳加爲以
示異耳非爲手文有爲字故魯夫人之上有爲字也仲子
手有此文自然成字似其天命使然故云有若天命也隸
書起於秦末手文必非隸書不經古文虞作父魯作衣手
文容或似之其友及夫人 注當有似之者也傳重言仲子
生者詳言之與上重言孟下卒其義同也舊說云若河圖
洛書天神言語真是天命此雖手有文理更無靈驗又非
夢天故言有若 注言歸至年薨 正義曰杜知不以相
生之年薨者以元年傳曰惠公之薨也有宋師大子少葬

故有闕少者未成人之辭非新始生之稱又改葬惠公而
隱公不臨使相爲主若薨年生則纔二歲未堪爲喪主又
羽父弑隱與相同謀若年於十二亦未堪定弑君之謀以
此知相公之生非惠公薨之年也年之長幼理無所異杜
言此者欲明慶父爲莊公庶兄故顯言此以張本也釋例
曰今推案傳之上下羽父之弑隱公皆諮謀於相然則相
公已成人也傳云生相公而惠公薨指明仲子唯有此男
非謂生在薨年也相以成人而弑隱即位乃娶於齊自應
有長庶長庶故氏曰孟是杜張本之意也 注隱公至位
傳 正義曰繼室雖非夫人而貴於諸妾惠公不立大子
母貴則宜爲君隱公當嗣父世正以禎祥之故仲子手有
夫人之文其父娶之有以仲子爲夫人之意故追成父志
以位諱相但爲相尚少未堪多難是以立相爲大子帥國
人而奉之已則且攝君位待其年長故於歲首不即君位
傳於元年之前預發此語者爲經不書公即位傳是謂先
經以始事也凡稱傳者皆是爲經唯文五年霍伯曰季等

卒注云爲六年薨於夷傳者以薨於夷與此文次
不得言張本也或言張本或言起本或言起檢其
同文異疑杜隨便而言也鄭衆以爲隱公攝立爲君奉
爲大子案傳言立而奉之是先立後奉之也若隱公先立
乃後奉相則隱立之時未有大子隱之爲君復何所攝若
先奉大子乃後攝立不得云立而奉之是鄭之謬也賈逵
以爲隱立相爲大子奉以爲君隱雖不即位稱公改元號
令於臣子朝正於宗廟言立相爲大子可矣安在其奉以
爲君乎是賈之妄也襄二十五年齊景公立傳云崔杼立
而相之以此知立而奉之謂立爲大子帥國人奉之正謂
奉之以爲大子也元年傳曰大子少是立爲大子之文也
大子者父在之稱今惠公已薨而言立爲大子者以其未
堪爲君仍處大子之位故也禮記曾子問曰君
薨而世子生是君薨之後仍可以稱大子也

經元年春王正月

隱公之始年周王之正月也凡人
君即位欲其體元以居正故不言

一年一月也。隱雖不即位，然攝行君事故，亦朝廟告朔也。告朔，朝正例在襄二十九年。即位例在隱莊閔僖元年。

疏

經元年春王正月。正義曰：此經字并下傳字亦杜氏所題，以分年相附。若不有經字，何以異傳不有傳

字，何以別經？又公羊穀梁二傳年上皆無經傳字，故知杜所題也。釋詁云：元始也。正長也。此公之始年，故稱元年。此年之長月，故稱正月。言王正月者，王者革前代馭天下，必改正朔，易服色，以變人視聽。夏以建寅之月爲正，殷以建丑之月爲正，周以建子之月爲正。三代異制，正朔不同，故禮記檀弓云：夏后氏尚黑，殷人尚白，周人尚赤。鄭康成依據緯候，以正朔三而改，自古皆相變。如孔安國以自古皆用建寅爲正，唯殷革夏命而用建丑，周革殷命而用建子，皆無明說，未知所從。正是時王所建，故以王字冠之。言是今王之正月也。王不在春上者，月改則春移，春非王所改。以王不先春，王必連月，故王處春下周以建子爲正。則周二月三月皆是前世之正月也。故於春每月書王正二。

月者言是我王之二月乃殷之正月也王三月者言是武王之三月乃夏之正月也既有正朔之異故每月稱一別之何休云二月三月皆有王者二月殷之正月也三月夏之正月也王者存二王之後使統其正朔服其服色行其禮樂所以尊先聖通三統師法之義恭讓之禮服亦云孔子作春秋於春每月書王以統三王之正其意以爲王二月王三月王是夏殷之王謂大禹成湯也爲周室之臣民尊夏殷之舊主每月書王敬奉前代揆之人情未見其可祀宋二王之後各行己祖正朔宋不行夏祀不行殷而使天下諸侯徧視二代考諸典籍未之或聞祀宋不奉周正周人悉尊夏殷則是重過去而忽當今尊亡國而慢時主其爲顛倒不亦甚乎且經之所言王二月王三月若是夏殷之王當自皆言正月何以言王二月王三月乎譌之二月三月其王必是周王安得以爲夏殷王也若如公羊之說春秋黜周王魯則祀非王後夏無可尊復通夏正何也但春之三月不必月皆有事若入年已有王正月者

則二月不復書王若已有王二月者則三月不復書王以其上月已是此王之月則下月從而可知故每年之春唯一言王耳春秋之例竟時無事乃書首月以記時此下三月有會盟之事則不得空書首月也正月無事而空書首月者以人君於始年初月必朝廟告朔因即人君之位以繼臣子之心故君之始年必書曰元年春王正月公即位史策之正法也隱公攝行君事雖不即位而亦改元朝廟與人更始異於常年之正月故史特書其事見此月公宜即位而自不即位莊閔僖元年皆書春王正月與此同也定公元年不書正月者正月之時定公未立即位在於六月歲首未得朝正公之即位別見下文正月無所可見故不書也然則定以六月即位即位乃可改元正月已稱元年者未改之口必乘前君之年既改之後方以元年紀事及其史官定策須有一統不可半年從前半年從後雖非年初亦統此歲故入年即稱元也釋例曰癸亥公之喪至自乾侯戊辰公即位喪在外踰年乃入故因五日改元

節國史用元年即位之禮因此年爲元年也古法然
漢魏以來雖秋冬改元史於春夏即以元年冠之元有
因於古也受命之王必改正朔繼世之王奉而行之無歲
頒於諸侯諸侯受王正朔故言春王正月王即當時之王
序云所書之王即平王是其事也公羊傳曰王者孰謂謂
文王也始改正朔自是文王所爲頒於諸侯非復文王之
歷受今王之歷稱文王之正非其義也注隱公至元年
正義曰傳云王周正月知是周王之正月也說公羊者云
元者氣之始春者四時之始王者受命之始正月者政教
之始公即位者一國之始春秋緯稱黃帝受圖有五始謂
此五事也杜於左氏之義雖無此文而五始之理亦於杜
無害此非左氏褒貶之要自是史官記事之體故晉宋諸
史皆言元年春王正月帝即位是也元年正月實是一年
一月而別立名故解之云凡人君即位欲其體元以居正
故不言一年一月也言欲其體元以居正者元正實是始
長之義但因名以廣之元者氣之本也善之長也人君執

大本長庶物欲其與元同體故年稱元也正者直方之間語也直其行方其義人君當執直心扶大義欲其常居正道故月稱正也以其君之始年歲之始月故特假此名以示義其餘皆即從其數不復改也書稱月正元日意同於此又解無事而書正月之意隱雖不即位然攝行君事而亦朝廟告朔改元布政故書首年始月以明其應即位而不爲也天子之封諸侯也割其土壤分之臣民使之專爲己有故諸侯於其封內各得改元傳說鄭國之事云僖之元年朝於晉簡之元年士子孔卒是諸侯皆改元非獨魯也劉炫爲規過云元正唯取始長之義不爲體元居正規釋杜云欲其體元以居正謂人君體是元長以居正位不欲在下陵奪處位不終是劉妄解杜意不爲體其元善居於正道以規杜氏其理非也劉炫又難何休云唯王者然後改元立號春秋託新王受命於魯故因以錄即杜若新王受命正朔必改是魯得稱元亦應改其正朔何用周正何也既託王於魯則是不事文王仍奉王正何也諸侯

改元自是常法而云託王改元是妄說也說公羊者云元者氣之始春者四時之始王者受命之始正月者政教之始公即位者一國之始春秋緯云黃帝坐於玄扈閭闢鳳皇銜書致帝前其中得五始之文謂此五事何休又云公即位者一國之始政莫大於正始故春秋以元之氣正天之端以天之端正王之政以王之政正諸侯之即位以諸侯之即位正竟內之治諸侯不上奉王之政則不得即位故先言正月而後言即位政不由王出則不得爲政故先言王而後言正月王者不承天以制號令則無法故先言春而後言王天不深正其元則不能成其化故先言元而後言春五者同日並見相須成體非此辭也何休自云諸侯不得改元則元者王之元年非公之元年公即位不在王之元年安得同日並見共成體也即以託王於魯史之改元元既爲魯所改則政不由王出安得以王之改正諸侯元尊而王卑年大而月小年之有元改而無忌王之立政必云須奉舍其大而事其細敬所卑而慢所尊以此立教

必不可行聖人有作豈當爾也黃帝之作五始者為天子
法乎為諸侯法乎諸侯不得改元必非諸侯法若非諸侯
法安得有公即位乎無公即位則闕一始何得為五始也
若是天子法不得言王正月王即位何休言以王之政正
諸侯之即位然王者豈復以已之政正已即位不通若此
何以行之言左氏者或取為說是逐狂東走也隱莊閔僖
四公元年傳皆說不書即位之由故指以為例隱不行即
位又謙不告至而歲首告朔朝正所以尊敬祖考也若不
行即位又不朝正則與臣子無
別不成為君故告朔朝廟也

三月公及邾儀父

盟于蔑

附庸之君未王命例稱名能自通於大國繼好
息民故書字貴之名例在莊五年邾今魯國鄒

縣也蔑姑蔑魯地魯

疏

三月至于蔑正義曰公隱公

國卞縣南有姑城

盟于蔑地譜云邾曹姓顓頊之後有六終產六子其第五
子曰安邾即安之後也周武王封其苗裔邾俠為附庸居

邾今魯國鄒縣是也自安至儀父十二世始見春秋春秋
行霸儀父附從進爵稱子文公徙於繹柘公以下春秋後
八世而楚滅之諸侯俱受王命各有寰宇上事天子旁交
鄰國天子不信諸侯諸侯自不相信則盟以要之凡盟禮
殺牲歃血告誓神明若有背違欲令神加殃咎使如此牲
也曲禮曰納信曰誓泚牲曰盟周禮天官玉府職曰若合
諸侯則共珠槃玉敦夏官戎右職曰盟則以玉敦辟盟遂
役之贊牛耳桃茢秋官司盟職曰掌盟載之法凡邦國有
疑會同則掌其盟約之載及其禮儀北面詔明神鄭玄以
爲祭敦皆器名也珠玉以爲飾合諸侯者必割牛耳取其
血歃之以盟敦以盛血槃以盛耳將歃則戎右執其器爲
衆陳其載辭使心皆開辟司盟之官乃北面讀其載書以
告日月山川之神既告乃尊卑以次歃戎右傳敦血以授
當歃者令含其血既歃乃坎其牲加書於上而埋之此則
天子會諸侯使諸侯聚盟之禮也凡天子之盟諸侯十二
歲於方岳之下故傳云再會而盟以顯昭明若王不巡守

及諸侯有事朝王即時見曰會躬見曰同亦爲盟禮其盟
之法案覲禮爲壇十有二尋深四尺加方明于其上方明
者木也方四尺設六玉上圭下璧南方瑋西方琥北方璜
東方圭朝諸侯於壇訖乃加方明於壇而祀之列諸侯於
庭王府共珠槃玉斚戎右以玉斚辟盟遂役之贊牛耳桃
茹司盟北面詔告明神諸侯以次歃血鄭注覲禮云王之
盟其神主日王官之伯盟其神主月諸侯之盟其神主山
川是盟禮之略也若諸侯之盟亦有壇知者故柯之盟公
羊傳稱曹子以手劒刳桓公于壇是也其盟神則無復定
限故襄十一年傳稱司慎司盟名山名川羣神羣祀先王
先公七姓十二國之祖是也其盟用牛牲故襄二十六年
傳云飲用牲又哀十七年傳云諸侯盟誰執牛耳是也其
殺牛必取血及耳以手執玉斚之血進之於口知者定八
年涉佗援衛侯之手及挽又哀九年傳云與大國盟口血
未乾是也既盟之後牲及餘血并盟載之書加於牲上坎
而埋之故僖二十五年傳云宵坎血加書是也春秋之

不由天子之命諸侯自相與盟則大國制其言小國尸其事官雖小異禮則大同故釋例曰盟者殺牲載書大國制其言小國尸其事珠槃玉敦以奉流血而同敵是其事也其盟載之辭則傳多有之此時公求好於邾邾君來至蔑地公出與之盟史書魯事以公爲主言公及及者言自此及彼據魯爲文也相十七年公會邾儀父盟于越彼言會此言及者彼行會禮此不行會禮故也故劉炫云策書之例先會後盟者上言會下言盟唯盟不會者直言及此爲不行會禮故言及也或可史異辭非先會而盟則稱會知者文七年公會諸侯晉大夫盟于扈傳云公後至則是不及其會而經稱會故知盟稱會者未必先行會禮也注附庸至姑城正義曰傳言未王命知是附庸也莊五年鄆犂來朝傳曰未王命解其稱名之意是知附庸之君例稱名也禮記王制云不合於天子附於諸侯曰附庸鄆玄云不合謂不朝會也小城曰附庸附庸者以國事附於大國未能以其名通是說附庸之義也王制又云天子之

元士視附庸然則附庸貴賤與天子之元士同也其禮則四命知者天子大夫視子男卿視伯三公視公侯所視皆多一命明知附庸多於元士一命又諸侯世子未誓執皮帛視小國之君公之孤四命亦執皮帛及附庸亦執皮帛故知四命也然則天子大夫四命稱字附庸稱名者以王朝之臣故特尊之而稱字釋例曰名重於字故君父之前自名朋友之接自字是以春秋之義貶責書其名斥所重也褒厚顯其字辟所諱也然則應字而名則是貶應名而字則是貴故宰咺書名以貶之儀父書字以貴之傳文唯言貴之不說可貴之狀賈服以爲儀父嘉隱公有至孝謙讓之義而與結好故貴而字之善其慕賢說讓知不然者案傳云公攝位而欲求好於邾是公先求邾非邾先慕公復何足貴且書曰儀父乃是新意仲尼以事有可善乃得書字善之不是綠魯之意以爲褒貶安得以其慕賢便足貴之又桓十七年公及邾儀父盟于越桓公不賢不讓彼邾亦書儀父故知貴之之言不爲慕賢說讓也附庸不能

自通不與盟會今能自通大國繼好息民故知爲此貴而守之不貴來朝而貴其盟者朝事大國則附庸常道齊盟結好非附庸所能故盟

夏五月鄭伯克段于鄆

不稱

則貴之朝從常法

國討而言鄭伯譏失教也段不弟故不言弟明鄭伯雖失教而段亦凶逆以君討臣而用二君之例者言段強大雋

鮮據大都以耦國所謂得雋曰克也國討例在莊二十二年得雋例在莊十一年母弟例在宣十七年鄭在蔡陽宛

陵縣西南鄆今

潁川鄆陵縣

疏

夏五月至于鄆正義曰鄭國伯爵

公友之後也宣王封友於鄭今京兆鄭縣是也及幽王無

道友徙其民於號鄆號鄆之君分其地遂國焉今河南新

鄭縣是也莊公二十二年魯隱公之元年也聲公二十年

獲麟之歲也三十三年而春秋之傳終矣聲公三十七年

卒自聲公以下五世八十七年而韓滅鄭此鄭伯莊公也

謚法勝敵克壯曰莊注不稱至陵縣正義曰國討者

謂稱國若人稱國稱人則明其爲賊言一國之人所欲討也今稱鄭伯指言君自殺第若第無罪然譏其失兄之教不肯早爲之所乃是養成其惡及其作亂則必欲殺之故稱鄭伯所以罪鄭伯也傳例毋第稱第段實毋第以其不爲第行故去第以罪段也兩罪之者明兄雖失教而段亦凶逆也釋例曰兄而害第者稱第以章兄罪第又害兄則去第以罪第身統論其義兄第二人交相殺害各有曲直存第則示兄曲也鄭伯既失教若依例存第則嫌其失教特去第兩見其義是其說也襄三十年天王殺其弟佞夫傳曰罪在王則與鄭伯同譏而佞夫不去第者釋例曰佞夫稱第不聞反謀也鄭段去第身爲謀首也然則佞夫不與反謀罪王而下罪佞夫故稱第也傳例戰敗克取兩國之文段實鄭臣而言克段故申明傳意以解之得雋曰克莊十一年傳例也國討例在莊二十二年者彼經書陳人殺其公子御寇實君殺太子而稱陳人者陳人惡其殺太子之名故不稱君父以國討公子告也傳稱陳人殺其大

子御冠以實言之明經所書國討之例也彼無凡例而言
例者正以此傳云稱鄭伯譏失教也言稱是仲尼之變例
也稱君爲罪君則知稱人爲國討序云推舉例以正褒貶
即此類也推以爲例故言例在彼年諸注言例在者未必
皆有凡例也地理志河南郡有宛陵縣又有新鄭縣於漢
則宛陵新鄭各自爲縣晉世分河南而立滎陽廢新鄭而
入宛陵故鄭在宛陵西南也

秋七月天王使宰咺

又地理志潁川郡有鄆陵縣

來歸惠公仲子之賵

宰官咺名也咺贈死不及尸
弔生不及哀豫凶事故貶而

名之此天子大夫稱字之例仲子者桓公之母婦人
無諡故以字配姓來者自外之文歸者不反之辭

疏

秋七月至之賵正義曰天王周平王也譜云周黃帝之
苗裔姬姓后稷之後也后稷封於邰及夏之衰后稷之子
不窋失其官竄於西戎至大王爲狄所逼去邰居岐文王
受命武王克殷而王有天下幽王爲犬戎所殺平王遷都

王城今河南縣是也平王四十九年魯隱公之元年也敬
王又遷成周今洛陽是也敬王三十九年獲麟之歲也四
十三年而敬王崩敬王子元王九年春秋之傳終矣元王
以下十一世二百二十六年而周亡也周本紀武王至平
王凡十三王兄弟相及者一人平王是武王十一世孫也
惠公薨在往年明年仲子始薨蓋於時有疾王聞其疾謂
之已薨故使大宰大夫名咺者來至於魯并歸惠公仲子
之贈贈者助喪之物文五年注云車馬曰贈士喪既夕禮
云公贈玄纁束帛兩馬士之制只得駕兩馬故云贈兩馬
大夫以上皆駕四馬此宰咺來贈蓋用四馬也公羊傳曰
喪事有贈贈者蓋以馬以乘馬束帛車馬曰贈穀梁傳曰
乘馬曰贈皆謂宰咺用乘馬來也惠公仲子不言及者是
非致二贈或是史異辭蓋二者各以乘馬不宜以一乘之
馬贈二人也服虔云贈覆也天王所以覆被臣子案士喪
既夕禮兄弟所知悉皆致贈非獨君之贈臣以贈爲覆則
可矣其言覆被臣子則非也何休亦云贈猶覆也蓋謂覆

彼亡者耳。注宰官至之辭。正義曰傳言緩且子氏未
薨故名是不應名而名之也。貶乃書名知法應背字故云
此天子大夫稱字之例傳無明例故推此以爲例也。周禮
天官大宰卿一人小宰中大夫二人宰夫下大夫四人宰
夫小宰皆是大夫未知宰嘔是何宰也。宰夫職曰凡邦之
弔事掌其戒令與其幣器財用。鄭玄云弔事弔諸侯諸臣
幣所用賻也。既掌弔事或即充使此蓋宰夫也。仲子乃惠
公妾耳。王使賵之者隱立桓爲太子成桓母爲夫人。天王
知其然故遣賵惠公。因即賵之杜言仲子者桓公之母正
見此意不然仲子爲桓母傳有明文不須解也。男子之有
謚者人君則配王配公大夫或配子或配字皆不以字配
姓婦人於法無謚故以字配姓言其正法然也。釋例曰婦
人無外行於禮當繫夫之謚以明所屬是言婦人不合謚
也。繫夫謚者夫人而已。衆妾不合繫夫正當以字配姓也。
其聲子戴嬀有謚者皆越禮妄作也。

九月及宋人盟于宿

客主無名
皆微者也

宿小國東平無鹽縣也凡盟以國地者國主亦與盟例在僖十九年宋今梁國睢陽縣

疏

注客主至陽縣

正義曰春秋之例若是命卿則名書於經此盟客主無名故知皆是微者公羊傳曰孰及之內之微者也穀梁傳曰及者何內卑者也宋人外卑者也卑微言非卿也客謂宋主謂魯直言及者他國可言某人魯史不得自言魯人直言及彼是魯及可知其微人與他國聚會亦直言會與此同也會盟之地地必有主舉地者地主之國或與或否故地主之國亦序於列其經舉國名以爲盟地者國主與在其中不復序之於列以其可知故也例在僖十九年者彼經書會陳人蔡人楚人鄭人盟于齊脩桓公之好也言脩於諸侯以無忘齊桓之德冬盟于齊脩桓公之好也言脩桓公之好齊人必與可知也齊人不序於列而以齊爲盟地是其盟以國地者國主與盟之例此亦推以爲例非凡例也然則桓十四年公會鄭伯于曹即亦是例而遠指僖十九年者此既是盟故取盟爲例其實會亦然也故彼注

云以曹地曹與會是也
二十七年楚人陳侯
許男圍宋公會諸侯盟
宋宋不與盟亦地以
云宋方見圍無嫌於與
故直以宋地然則宣十
四年楚子圍宋十五年
公孫歸人會楚子于宋
亦是不嫌宋與故地以
宋也地理志梁國陽縣
故宋國微子所封也
冬十有二月祭伯來

祭伯

諸侯爲王卿士者祭國
爵也傳曰非王命也釋
其不稱使



注祭伯至稱使正義曰
僖二十四年傳

富辰說周公封建親戚以蕃屏周而云邢茅胙祭則祭之初封畿外之國也穆王之時有祭公謀父今有祭伯世仕王朝蓋本封絕滅食采於王畿也莊二十三年祭叔來聘注以爲祭叔爲祭公來聘魯天子內臣不得外交是祭於此時爲畿內之國仍有封爵故言諸侯爲王卿士也釋例曰王之公卿皆書爵祭伯凡伯是也大夫稱字南季榮叔是也元士中士稱名劉夏石尚是也下士稱人公會王人于泚是也其或稱祭公舉官而言之此其定例也然春秋

之世有三之卿士無采地者若王叔陳生伯與之屬是也
但未知書經其稱云何杜旣云公卿稱爵而王子虎之劉
卷卒稱名者彼是天王爲赴以名告魯如諸侯之例薨則
稱名此云公卿稱爵者謂聘使往還與彼爲異也又襄十
五年注云天子卿書字者以傳云劉夏逆王后于齊卿不
行非禮也以劉夏非卿書名若卿則應書字以名字相對
故舉以言焉其實卿書爵也此祭伯若王使來當云天王
使祭伯來聘亦如天王使凡伯來聘今以自來爲文明非
王命而私行也劉炫云卿而無爵或亦書字大夫有爵或
亦書爵傳稱王叔陳生與伯夷爭政俱是卿士並不言爵
又滕侯之先爲周卜正書稱齊侯呂伋爲虎賁氏則大夫
或有爵也然則大夫有爵不可舍爵而書字卿而無爵不
可越字而書名蓋有卿士亦書字大夫亦書爵也王臣之
見經者衆祭伯凡伯毛伯單伯召伯尹子單子劉子其間
未必無大夫榮叔南季家父叔服其間未必無卿但無明
證故依例解之襄十五年注云天子卿書字是言天子卿

有書字之理

公子益師卒

傳例曰公不與小斂故不書日所以示薄厚也春秋不以

日月爲例唯卿佐之喪獨託日以見義者事之得失既未足以褒貶人君然亦非死者之罪無辭可以寄文而人臣

輕賤死日可略故特假日以見義



注傳例至見義正義曰傳文與上下作例者注皆謂之傳例釋例

曰君之卿佐是謂股肱股肱或虧何痛如之疾則親問焉喪則親與小斂大斂慎終歸厚之義也故仲尼脩春秋卿佐之喪公不與小斂則不書日示薄厚戒將來也即以新死小斂爲文則但臨大斂及不臨其喪亦同不書日也襄五年冬十二月辛未季孫行父卒傳曰大夫入斂公在位是公與小斂則書日之事也其壘素溺等生見經傳死而不書卒者皆不以卿禮終也文十四年秋九月甲申公孫敖卒于齊已絕卿位公不與小斂而書日卒者釋例曰公孫敖縱情棄命既已絕位非大夫也而備書於經者惠叔毀請於朝感子以赦父敦公族之恩崇仁孝之教故傳曰

爲孟氏且國故也是言雖不與斂恩實過厚故書日也莊
三十二年秋七月癸巳公子牙卒時公有疾昭二十五年
冬十月戊辰叔孫婼卒二十九年夏四月庚子叔詣卒時
公孫在外成十七年冬十一月壬申公孫嬰齊卒于貍脰
在外而卒皆公不與斂而書日者釋例曰其或公疾在外
大夫不卒於國而猶存其日者君子不責人以所不得備
非不欲臨也然則爲其有故不得以責公故皆書日也公
孫嬰齊書所卒之地餘皆不書地者釋例曰魯大夫卒其
竟內則不書地傳稱季平子行東野卒于房是也而先儒
以爲雖以卿禮終而不臨其喪皆沒而不書杜知不臨其
喪亦同不書日者案慶父之死不以卿禮終而經不書足
知唯據不以卿禮終者經始不書明以卿禮終雖全不臨
喪亦同書卒但不書日耳春秋諸事日與不日傳皆不發
唯此發傳故特解之云春秋不以日月爲例唯卿佐之喪
獨託日以見義也言事之得失未足以褒貶人君者春秋
之文褒爲厚賞貶爲大罰君之於臣有恩則常事不足以

加賞無恩則小失不足以致罰故云未足以褒貶也止欲貶責死者君自無恩然亦非死者之罪意欲以爲勸戒無辭可以寄文而人臣對君爲輕賤死日可略去故於此一條特假日以見義其餘則不以日月爲例故無傳也

傳元年春王周正月

言周以別夏殷

不書即位攝也

假攝君政不脩即位之禮故史不書於策傳所以見異於常

疏

傳不書即位攝也正義曰攝訓持也隱

以桓公幼少且攝持國政待其年長所以不行即位之禮史官不書即位仲尼因而不改故發傳以解之公實不即位史本無可書莊閔僖不書即位義亦然也舊說賈服之徒以爲四公皆實即位孔子脩經乃有不書故杜詳辨之釋例曰遭喪繼位者每新年正月必改元正位百官以序故國史皆書即位於策以表之隱既繼室之子於第應立而尋父娶仲子之意委位以歸桓天子既已定之諸侯既已正之國人既已君之而隱終有推國授桓之心所以不

行即位之禮也隱莊閔僖雖各君位皆有諡而不脩即位之禮或諱而不爲或痛而不述或亂而不得禮廢事異國史固無所書非行其禮而不書於文也顧氏說以爲魯十二公國史盡書即位仲尼脩之乃有所不書若實即位則爲隱公無諱若實有諱則史無錄虛書是言實不即位故史不書也傳於隱閔云不書即位於莊僖云不稱即位者釋例曰丘明於四公發傳以不書不稱起文其義一也劉賈穎爲傳文生例云恩深不忍則傳言不稱恩淺可忍則傳言不書博據傳辭殊多不通案殺樂盈則云不言大夫殺良霄則云不稱大夫君氏卒則云不曰薨不言葬不書姓鄭伯克段則云稱鄭伯此皆同意而別文之驗也傳本意在解經非曲文以生例是言不書不稱義同之意也賈育何休以爲古制諸侯幼弱天子命賢大夫輔相爲政無攝代之義昔周公居攝死不記崩今隱公生稱侯死稱薨何因得爲攝者周公攝政仍以成王爲主直攝其政事而已所有大事稟王命以行之致政之後乃死故卒稱薨不

稱崩隱公所攝則位亦攝之以桓爲大子所有大事
命以行攝位被殺在君位而死故生稱公死稱薨是也
異也且公羊以爲諸侯無攝鄭康成引公羊難云宋穆公
立乎此攝也以此言之何得非左氏是鄭意亦不從何說
也下傳曰公攝位而欲求好於邾是位亦攝也又曰惠公
之薨也大子少是以桓爲大子也所以異於正君者元年
不即位行還不告廟不臨惠公之葬不成聲子之喪尊仲
子爲夫人薨則赴於諸侯又爲之立廟此是謙之實也隱
公讓位賢君故爲春秋之首所以不入頌者魯僖公之時
周王歲二月東巡守至于岱宗柴季孫行父爲之請於周
大史克爲之作頌故得入頌

三月公及邾儀父盟

隱公無人爲請故不入頌也

于蔑邾子克也

克儀父名

未王命故不書爵曰儀

父貴之也

王未賜命以爲諸侯其後儀父服事齊桓以
辨王室王命以爲邾子故莊十六年經書邾

子克卒

公攝位而欲求好於邾故為蔑之盟

解

以與

疏

注王未至克卒

正義曰莊十三年齊桓會諸國于北杏邾人在焉及十六年而書邾子克卒

故知由事齊桓乃得王命也賈服以為北杏之會時已得王命蓋以此杏之會邾人在列故謂其已得命也列與不列在於主會之意不由有爵與否襄二十七年宋之盟齊人請邾宋人請滕邾滕不列於會故不書邾滕襄五年戚之會穆叔以屬鄆為不利使鄆大夫聽命于會故經書鄆人然則為人私屬則不列於會不為人私屬則列於會不可據列會以否以明有爵也昭四年申之會淮夷列焉未必有爵也邾今無爵得與魯盟北杏會齊何須有爵莊十五年會于鄆傳曰齊始霸則齊桓為霸自鄆會始耳北杏之時諸侯未從霸功未立桓尚未有殊勳儀禮足可紀且齊桓未有功於王焉能使王命之其得王命必在北杏之後但未知定是何年耳服虔云爵者醢也所以醢盡其

材也夏四月費伯帥師城郎不書非公命

也費伯魯大夫郎魯邑高平方與縣東南有郁郎亭傳曰君舉必書然則史之策書皆君命也今

不書於經亦因史之舊法故傳釋疏注費伯至放此

之諸魯事傳釋不書他皆放此正義曰史之策

書皆君命者謂君所命為之事乃得書之於策非謂

君命遺書方始書也又解史策不書經亦不書之意

仲尼書於經者亦因史之舊法舊史不書則亦不書

故傳發此事釋經不書之意諸魯事傳釋不書他皆

放此謂下盟于翼初鄭武公娶于申曰武姜

申國今南陽宛縣生莊公及共叔段段出奔共故曰共叔猶晉侯在鄂謂

之鄂莊公寤生驚姜氏故名曰寤生

侯

遂惡之

寐寤而莊公已生故驚而惡之

愛共叔段欲立之

欲立以爲大子

亟請於武公公弗許及莊公即位

爲之請制公曰制巖邑也虢叔死焉他

邑唯命

虢叔東虢君也恃制巖險而不脩德鄭滅之恐段復然故開以他邑虢國今焚

陽請京使居之謂之京城大叔

公順姜請使段居京

靖之京城大叔言寵異於衆臣京鄭邑今焚陽京縣

祭仲曰都城過百

雉國之害也

祭仲鄭大夫方丈曰堵三堵曰雉一雉之牆長三丈高一丈侯伯之

城方五里徑三百雉故

先王之制大都不過

參國之一

三分國城之一

中五之一小九之一今京

不度非制也

不合法度非先王制

君將不堪公曰姜氏

欲之焉辟害對曰姜氏何厭之有不如早

為之所

使得其所宜

無使滋蔓蔓難圖也蔓草

猶不可除況君之寵弟乎公曰多行不義

必自斃子姑待之

斃踣也姑且也

既而大叔命西鄙

北鄙貳於己

鄙鄭邊邑貳兩屬

公子呂曰國不堪貳

君將若之何

公子呂鄭大夫

欲與大叔臣請事之若

弗與則請除之無生民心

叔父不除則舉國之民當生他心公

曰無庸將自及

言無用除之禍將自及

大叔又收貳以

爲己邑

前兩屬者今皆取以爲己邑

至于廩延

言轉侵多也廩延鄭邑陳

留酸棗縣比有延津

子封曰可矣厚將得衆

子封公子呂也厚謂土地

廣公曰不義不暱厚將崩

不義於君不親於兄非衆所附雖厚必崩

大叔字聚

字城郭聚人民

繕甲兵具卒乘

步曰卒車曰乘

將

襲鄭夫人將啓之

啓開也

公聞其期曰可矣

師子封帥車二百乘以伐京

古者兵車一乘甲士三人步卒七十

二京叛大叔段段入于鄢公伐諸鄢五月

辛丑大叔出奔共

共國今汲郡共縣

書曰鄭伯克段

于鄢段不弟故不言弟如二君故曰克

鄭伯譏失教也謂之鄭志不言出奔難之

也

傳言夫子作春秋改舊史以明義不早爲之所而養成其惡故曰失教

在於殺難言其奔

遂寘姜氏于城潁

城潁鄭地

而誓之曰不

及黃泉無相見也

地中之泉故曰黃泉

旣而悔之潁考

叔爲潁谷封人

封人典封疆者

聞之有獻於公公賜

之食食舍肉公問之對曰小人有母皆膏

小人之食矣未嘗君之羹請以遺之食至不啜

羹欲以發問也宋華元殺羊為羹饗士蓋古賜賤官之常公曰爾有母遺繫我

獨無緊語助賴考叔曰敢問何謂也據武姜在設疑也

公語之故且告之悔對曰君何患焉若闕

地及泉隧而相見其誰曰不然隧若今延道公從

之公入而賦大隧之中其樂也賦賦詩也

融融和樂也姜出而賦大隧之外其樂也洩洩

舒散也

遂爲母子如初君子曰潁考叔純孝

也

純猶篤也

愛其母施及莊公詩曰孝子不匱

永錫爾類其是之謂乎

不匱純孝也莊公雖失之於初孝心不忘考叔

感而通之所謂永錫爾類詩人之作各以情言君子論之不以文害意故春秋傳引詩不皆與今說詩者同他皆放

此

疏

初鄭至武姜正義曰杜以爲凡例本其事者皆言初也賈逵云凡言初者隔其年後有禍福將終

之乃言初也注申國至宛縣正義曰外傳說伯夷之後曰申呂雖衰齊許猶在則申呂與齊許俱出伯夷同爲

姜姓也國語曰齊許申呂由大姜言由大姜而得封也然則申之始封亦在周興之初其後中絕至宣王之時申伯

以王舅改封於謝詩大雅崧高之篇美宣王褒賞申伯云王命召伯定申伯之宅是其事也地理志南陽郡宛縣故

申伯國宛縣者謂宣王改封之後也以前則不知其地
注沒出至鄂侯 正義曰賈服以共爲謚謚法敬長事上
曰共作亂而出非有共德可稱餽口四方無人與之爲謚
故知段出奔共故稱共猶下晉侯之稱鄂侯也 莊公至
惡之 正義曰謂武姜寐時生莊公至寤始覺其生故杜
云寐寤而莊公已生 注虢叔至陽縣 正義曰僖五年
傳曰虢仲虢叔王季之穆也晉語稱文王敬友二虢則虢
國本有二也晉所滅者其國在西故謂此爲東虢也鄭語
史伯爲桓公設謀云虢叔恃勢鄩仲恃險皆有驕侈怠慢
之心君以成周之衆奉辭伐罪無不克矣桓公從之是其
恃險而不脩德爲鄩滅之之事也云虢叔封西虢仲封東
而此云虢叔東虢君者言所滅之君字叔也傳云虢仲譜
其大夫謂叔之子孫字曰仲也案傳燕國有二則一稱北
燕邾國有二則一稱小邾此虢國有二而經傳不言東西
者於時東虢已滅故西虢不稱西其並存之日亦應以東
西別之地理志云河南郡滎陽縣應劭云故虢國今虢亭

是也 注祭仲至百雉 正義曰注諸言大夫者以其名氏顯見於傳更無卑賤之驗者皆以大夫言之其實是大夫以否亦不可委知也定十二年公羊傳曰雉者何五板而堵五堵而雉何休以爲堵四十尺雉二百尺許慎五經異義戴禮及韓詩說八八爲板五板爲堵五堵爲雉板廣一尺積高五板爲一丈五堵爲雉雉長四丈古周禮及左氏說一丈爲板板廣二尺五板爲堵一堵之牆長丈高丈三堵爲雉一雉之牆長三丈高一丈以度其長者用其長以度其高者用其高也諸說不同必以雉長三丈爲正者以鄭是伯爵城方五里大都三國之一其城不過百雉則百雉是大都定制因而三之則侯伯之城當三百雉計五里積千五百步步長六尺是九百丈也以九百丈而爲三百雉則雉長三丈賈逵馬融鄭玄王肅之徒爲古學者皆云雉長三丈故杜依用之侯伯之城方五里亦無正文周禮冬官考工記匠人營國方九里旁三門謂天子之城天子之城方九里諸侯禮當降殺則知公七里侯伯五里子男

三里以此爲定說也。但春官典命職乃稱上公九命侯伯七命子男五命其國家宮室車旗衣服禮儀皆以命數爲節。鄭玄以爲國家國之所居謂城方也。如典命之言則公當九里侯伯七里子男五里。故鄭玄兩解之。其注尚書大傳以天子九里爲正說。又云或者天子之城方十二里。詩文王有聲箋言文王城方十里大於諸侯小於天子之制。論語注以爲公大都之城方三里皆以爲天子十二里公九里也。其駁異義又云鄭伯城方五里以匠人典命俱是。止文因其不同故兩申其說。今杜無二解以侯伯五里爲正者蓋以典命所云國家者自謂國家所爲之法禮儀之度未必以爲城居也。大都至九之一。正義曰定以王城方九里依此數計之則王城長五百四十雉其大都方三里長一百八十雉中都方一里又二百四十雉長一百八雉也。小都方一里長六十雉也。公城方七里長四百二十雉其大都方二里又一百步長一百四十雉也。中都方一里又一百二十步長八十四雉也。小都方二百三十三

步二尺長四十六雉又二丈也侯伯城方五里長三百雉其大都方一里又二百步長百雉也中都比王之王小都其小都方一百六十六步四尺長三十三雉又一丈也子男城比王之大都其大都止侯伯之中都其中都方一百八十步長三十六雉也小都方百步長二十雉也考工記曰王宮門阿之制五雉宮隅之制七雉城隅之制九雉門阿之制以爲都城之制宮隅之制以爲諸侯之城制然則王之都城隅高五丈城蓋高三丈諸侯城隅高七丈城蓋高五丈也三丈以下不復成城其都城蓋亦高三丈也周禮四縣爲都周公之設法耳但土地之形不可方平如圖其邑竟廣狹無復定準隨人多少而制其都邑故有大都小都焉下邑謂之都都亦一名邑莊二十八年傳曰宗邑無主閔元年傳曰分之都城俱論曲沃而都邑互言是其名相通也無使滋蔓正義曰此以草喻也草之滋長引蔓則難可芟除喻段之威勢稍大難可圖謀也注堯跽也正義曰釋言文也孫炎曰前覆曰跽國不堪貳

正義曰兩屬則賦役倍賦役倍則國人不堪也 厚將崩
正義曰以牆屋喻也厚而無基必自崩喻衆所不附將自
敗也高大而壞謂之崩 注宗城郭聚人民 正義曰服
虔以聚爲聚禾黍也段欲輕行襲鄭不作固守之資故知
聚爲聚人非聚糧也宗城者謂聚人而宗之非欲守城也
如二君故曰克 正義曰謂實非二君僞傑彊盛如似二
君伐而勝之然後稱克非謂真是二君也若真是二君則
以戰襲敗取爲文然既非二君而杜注經云以君討臣而
用二君之例又似真二君者但杜於彼應云以君討臣而
用如二君之例略其如字但云而用二君耳準獲麟之後
史文夫子未脩之前應云鄭伯之弟段出奔共與秦伯之
弟鍼出奔晉同也以其不弟故不言弟志在於殺故不言
奔然則鄭伯亦是舊史之文而得爲新意者段以去弟爲
貶宜以國討爲文仍存鄭伯見其失教其文雖是舊史即
是仲尼新意也 注傳言至其奔 正義曰經皆孔子所
書此事特言書曰必是舊史不然夫子始然故知傳之此

辭言夫子作春秋改舊史以明義也克者戰勝獲賊之
公代諸郕段即奔共既不交戰亦不獲段段實出奔而以
克爲文者此非夫子之心謂是鄭伯本志不欲言其出奔
難言其奔志在於殺故夫子承其本志而書克也鄭伯之
於段也以其母所鍾愛順母私情分之大邑恣其榮寵實
無殺心但大叔無義恃寵驕盈若微加裁貶則恐傷母意
故祭仲欲早爲之所子封請往除之公皆不許是其無殺
心也言必自斃厚將崩者止謂自損其身不言惡能害國
及其謀欲襲鄭禍將逼身自念友愛之深遂起切心之恨
由是志在必殺難言出奔此時始有殺心往前則無殺意
傳稱公曰姜氏欲之焉辟害詩序曰不勝其母以害其弟
經曰父母之言亦可畏也是迫於母命不得裁之非欲待
其惡成乃加誅戮也服虔云公本欲養成其惡而加誅使
不得生出此鄭伯之志意也言鄭伯本有殺意故爲養成
其惡斯不然矣傳曰稱鄭伯譏失教也止責鄭伯失於教
誨之道不謂鄭伯元有殺害之心若從本以來即謀殺害

乃是故相屠滅何止失教之有且君之討臣遇其萌新惡雖未就足得誅之何須待其惡成方始殺害服言本意欲殺乃是誣鄭伯也劉炫云以克爲文非其實狀故傳解之謂之鄭志言仲尼之意書克者謂是鄭伯本志也注又申解傳意言鄭伯志在於殺心欲其克難言其奔故仲尼書克不書奔如鄭伯之志爲文所以惡鄭伯也 注封人典封疆者 正義曰周禮封人掌爲畿封而樹之鄭玄云畿上有封若今時界也天子封人職典封疆知諸侯封人亦然也傳言祭仲足爲祭封人宋高哀爲蕭封人論語有儀封人此言潁谷封人皆以地名封人蓋封人職典封疆居在潁邑潁谷儀祭皆是國之邊邑也 注食而至之常正義曰禮公食大夫及曲禮所記大夫士與客燕食皆有牲體殺載非徒設羹而已此與華元饗士唯言有羹故疑是古賜賤官之常 注賦賦至樂也 正義曰賦詩謂自作詩也中融外洩各自爲韻蓋所賦之詩有此辭傳略而言之也融融和樂洩洩舒散皆是樂之狀以意言之耳服

虞云入言公出言姜明俱出入互相見注純猶篤也
正義曰爾雅釋詁訓純爲大則純孝純臣者謂大孝大忠
也此純猶篤者言孝之篤厚也詩曰至謂乎正義曰
詩毛傳及爾雅之訓既竭永長錫子爾女也此詩大雅
醉之五章言孝子爲孝不有竭極之時故能以此孝道長
賜予女之族類言行孝之至能延及旁人其是此事之謂
乎族類者言俱有孝心則是其族類也注不匱至放此
正義曰類考叔有純孝之行能錫莊公莊公雖失之於初
孝心不忘則與類考叔同是孝之般類也今考叔能感而
通之是謂永錫爾類也詩人之作各以情言君子論之不
以文害意出孟子文也此云春秋傳引詩不皆與今說詩
者同何以昭八年注云叔向時詩義如此所以不同者此
是丘明作傳稱君子之言容可引詩斷章評論得失彼是
叔向之語事近前代當時譏刺故云叔向時詩義如此也
詩注意類謂子孫族類此

秋七月天王使辛咺來

歸惠公仲子之贈緩且子氏未薨故名惠公

葬在春秋前故曰緩也子氏仲子也薨在二年贈助喪之物

天子七月而葬同

軌畢至

言同軌以別四夷之國

諸侯五月同盟至

同在方嶽之盟

大夫三月同位至

古者行役不踰時

士踰月外姻至

踰月度月也姻猶親也此言赴弔各以遠近爲差因爲葬節

贈死不及尸

尸未葬之通稱

弔生不及哀

諸侯已上既葬則縗麻除無哭位諒闇終喪

豫凶事非

禮也

仲子在而來贈故曰豫凶事

疏

天王至故名

正義曰緩贈惠公生贈仲子事由於王非

咥之過所以貶咥者天王至尊不可貶責貶王之使足見王非且緩贈惠公專是王過生贈仲子咥亦有愆使者受

命不受辭欲令遭時設宜臨機制變王謂仲子已薨令咺并致其賵仲子尚存賵事須止宰咺知其未薨猶尚致賵是則不達時宜恥辱君命王則任非其人咺爲辱命之使君臣一體好惡同之賤咺亦所以責王也文五年王使榮叔歸含且賵不指所賵之人此指言惠公仲子者彼成風未葬不言可知此則惠公已葬子氏未薨若不言其人則不知爲誰來賵文九年秦人來歸僖公成風之櫨亦爲年月已遠故指其所櫨與此同也季文子求遭喪之禮以行亦豫凶事不賤者宰咺無喪致賵文子乃量時制宜備豫不虞古之善教與此不同 天子至姻至 正義曰天子諸侯大夫士位既不同禮亦異數赴弔遠近各有等差因其弔答以爲葬節且位高則禮大爵卑則事小大禮踰時乃備小事累月即成聖王制爲常規示民執法欲使各脩其典無敢忒差資父事君生民之所極哀死送終臣子之所盡是以未及期而葬謂之不懷過期而葬謂之緩慢春秋從實而錄以示是非天子七月諸侯五月者死月葬月

管滬數之也文八年八月天王崩九年二月葬襄王是天
子之七月也成十八年八月公薨于路寢十二月葬我君
成公是諸侯之五月也宣八年傳云禮卜葬先遠日辟不
懷也是卜遠日不吉乃卜近日辟不思親之嫌也則未及
期而葬者不思其親理在可見故傳皆不言其事唯過期
乃葬者傳言緩以示譏耳桓王以桓十五年崩莊三年乃
葬積七年也僖公以其三十三年十一月薨文元年四月
乃葬薨葬中有閏積七月也二者並過於期故傳皆言緩
以譏之也衛桓公以隱四年三月爲州吁所弑五年四月
乃葬積十四月也莊公以其三十二年八月薨閔元年六
月乃葬積十一月也二者雖亦過期而國有事難故傳皆
言亂故是以緩原其非慢不以責臣子也然則諸侯五月
而葬自是正法得禮可知不假發傳而葬成公之下傳特
云書順者釋例曰魯君薨葬多不順制唯成公薨于路寢
五月而葬國家安靜世適承嗣故傳見莊之緩舉成書順
以包之然則特發此傳欲以包羣公之得失於莊見亂故

而緩於僖見無故而緩於成見順禮傳發三者則其餘皆可和也士踰月者通死月亦三月也襄十五年十一月晉侯周卒十六年正月葬晉悼公杜云踰月而葬速是踰月亦三月也此注云踰月度月者言從死月至葬月其間度一月也士與大夫不異而別設文者以大夫與士名位既異因其名異示爲等差故變其文耳其實月數同也同軌同盟至者謂遣使來至非諸侯身至釋例曰萬國之數至衆封疆之守至重故天王之喪諸侯不得越竟而奔脩服於其國卿共弔葬之禮魯侯無故而穆伯如周弔此天子崩諸侯遣卿共弔葬之經傳也是言禮天子之喪諸侯不親奔也其諸侯相弔則昭三十年傳云先王之制諸侯之喪士弔大夫送葬是正禮也同位至待其使還也外姻至親戚畢集也於天子言畢至以下不言畢者天子貴在尊極海內爲家天下聞喪無敢不至故言畢也諸侯同盟或來或否大夫出使奉君命雖或聞喪未必盡來故不言畢也此亦例而不言凡者序已解訖何休膏肓以爲禮士

三月葬今云踰月左氏爲短鄭康成云人君殯數來日葬數往月大夫殯葬皆數來日來月士殯葬皆數往日往月士之三月大夫之踰月也鄭之此言天子諸侯葬數往日於左氏無害云大夫葬數來月恐非杜預蘇寬之意以古禮大夫以上殯葬皆數來日來月士殯葬數往日往月空云古禮重無所出不可依用也劉炫云此亦例不言凡者諸所發凡皆爲經張例此舉葬之大期以譏宰咺之緩非是爲葬發例故不言凡也 注言同至之國 正義曰鄭玄謂虔皆以軌爲車轍也王者馭天下必令車同軌書同文同軌畢至謂海內皆至也四夷異俗不可同其文軌天子之喪不能以時赴弔故言同軌以別四夷之國也周禮巾車木路以封蕃國蕃國即四夷也既受王命車亦應同軌而言別四夷者四夷來朝天子天子賜之車服行於中國自然同軌其在本國軌必不同若以巾車之文即言與華夏同軌豈亦能同文也 注同在方嶽之盟 正義曰周禮同盟凡邦國有疑會同則掌其盟約之載然則天子之

合諸侯有使諸侯共盟之禮也王合諸侯唯有巡守其非
巡守則有事而會會之多少唯王所命不得有同盟常禮
禮之同盟唯方嶽耳故左氏舊說十二年三考黜陟幽明
既分天子展義巡守柴望既畢諸侯遂朝退相與盟同好
惡辨王室是其當方諸侯同有方嶽之盟同盟情親吉或
相告故遣使會葬也 注古者至踰時 正義曰同位謂
同爲大夫共在列位者待其來至三月待之故知古者於
法行役不踰時也隱五年穀梁傳曰伐不踰時明行役聘
問亦不踰時也 注尸未葬之通稱 正義曰曲禮下云
在牀曰尸在棺曰柩是其相對言耳今以既葬乃來而云
不及尸知尸是未葬之通稱也葬則尸不復見未葬猶及
見之故以葬爲限也釋例曰喪贈之幣車馬曰賵貨財曰
賵衣服曰襚珠玉曰含然而總謂之贈故傳曰贈死不及
尸也然則此文雖爲賵發其實賵賵含襚總名爲贈但及
未葬皆無所譏也襚以衣尸含以實口大斂之後無所用
之既殯之後猶致之者示存恩好不以充用也今讀曰雜

記弔含禭殯臨之等未葬則葦席既葬則蒲席是葬後得
行此言緩者禮記後人雜錄不可與傳同言也或可初葬
之後則可以則不許 注諸侯至終喪 正義曰昭十五
年傳稱穆后崩王既葬除喪叔向曰三年之喪雖貴遂服
禮也杜云天子諸侯除喪當在卒哭今王既葬而除故譏
其不遂也案僖三十三年傳云卒哭而祔杜云既葬反虞
則免喪故曰卒哭哭止也如杜此言則卒哭與葬相去非
遠同在一月儀禮士三虞則天子諸侯皆同於此必知然
者以卒哭是葬之餘事共在一月之中故杜云既葬則衰
麻除或云既葬卒哭衰麻除以其相近故也若據雜記云
諸侯五月而葬七月而卒哭中間既除或有國事稱號云
何是知葬與卒哭相連間無事也然雜記云諸侯五月而
葬七月而卒哭者案釋例曰禮記後人所作不與春秋同
是杜所不用也既葬除喪唯杜有此說正以春秋之例皆既
葬成君明葬是人君之大節也昭十二年傳曰齊侯衛侯
鄭伯如晉晉侯享諸侯子產相鄭伯辭於享請免喪而

後聽命晉人許之禮也於時鄭有簡公之喪未葬故請其
喪其下傳又云六月葬鄭簡公丘明作傳未嘗虛舉經而
而虛言此葬得非終前免喪之言也以此知諸侯既葬則
免喪喪服既除則無哭位諸侯既然知天子亦爾尚書高
宗亮陰三年不言論語云何必高宗古之人皆然是天子
諸侯除服之後皆諒陰終喪也晉書杜預傳云大始十年
元皇后崩依漢魏舊制既葬帝及羣臣皆除服疑皇太子
亦應除否詔諸尚書會僕射盧欽論之唯預以爲古者天
子諸侯三年之喪始服齊斬既葬除喪服諒闇以居心喪
終制不與士庶同禮於是盧欽魏舒問預證據預曰春秋
晉侯享諸侯子產相鄭伯時簡公未葬請免喪以聽命君
子謂之得禮宰咺歸惠公仲子之賵傳曰弔生不及哀此
皆既葬除服諒闇之證也書傳之說既多學者未之思耳
喪服諸侯爲天子亦斬衰豈可謂終服三年也預又作議
曰周景王有后卅子之喪既葬除喪而宴樂晉叔向譏之
曰三年之喪雖貴遂服禮也王雖不遂宴樂以早此亦天

子喪事見於古也稱高宗不言喪服三年而云亮陰三年此釋服心喪之文也譏景王不譏其除喪而譏其宴樂早則既葬應除而違諒闇之節也堯喪舜諒闇三年故稱過密八音由此言之天子居喪齊斬之制菲杖經帶當遂其服既葬而除諒闇以終之三年無改於父之道故曰百官總已以聽冢宰喪服既除故更稱不言之美明不復寢苦枕函以荒大政也禮記云三年之喪自天子達又云父母之喪無貴賤一也又云端裏喪車皆無等此通謂天子居喪衣服之制同於凡人心喪之禮終於三年亦無服喪三年之文天子之位至尊萬幾之政至大羣臣之衆至廣不得不同之於凡人故大行既葬祔祭於廟則因䟽而除之已不除則羣臣莫敢除故屈己以除之而諒闇以終制天下之人皆曰我王之仁也屈己以從宜皆曰我王之孝也既除而心喪我王猶若此之篤也凡我臣子亦安得不自勉以崇禮此乃聖制移風易俗之本也議奏皇太子遂除喪麻而諒闇終喪於時内外卒聞預議多恠惑者乃謂其禮

禮以合時預謂鄉人段暢曰茲事體大本欲宣明古典知
未合於當今也宜博采與籍爲之證據全大分明足以垂
示將來暢遂敷通危疑以弘指趣其論具存焉杜議引尚
書傳云亮信也陰默也爲聽於冢宰信默而不言鄭玄以
諒闇爲幽廬杜所不用

八月紀人伐夷夷不告故不書

夷國在城陽莊武縣紀國在東莞劇縣隱十一年傳例曰
凡諸侯有命告則書不然則否史不書於策故夫子亦不
書于經傳見其事以明

疏

紀人伐夷正義曰世族譜
春秋例也他皆放此紀姜姓侯爵莊四年齊滅之

世本夷姁姓傳無其人不知爲誰所滅釋例土地名夷國
在城陽莊武縣莊十六年晉武公伐夷執夷詭諸杜云詭
諸周大夫夷采地名釋例土地名注爲闕則二夷別也世
族譜於夷詭諸之下注云姁姓更無夷國則以二夷爲一
計莊武之縣遠在東垂不得爲周大
有蜚不爲災亦
災之采邑而晉取其地是譜誤也

不書

蜚有蜚也莊二十九年傳例曰凡物不爲災不書又於此發之者明傳之所據非唯史策兼采簡牘

之記他

注蜚負至放此正義曰釋蟲云蜚蟪蟪皆放此

疏

人李巡皆云蜚蟪一名蜚郭璞云蜚即負蟪

臭蟲洪範五行傳云蜚負蟪夷狄之物越之所生其爲蟲臭惡南方淫女氣之所生也本草曰蜚厲蟲也然則蜚是臭惡之蟲害人之物故或爲災或不爲災也經傳皆云有蜚則此蟲直名蜚耳不名蜚蟪爾雅所釋當言蜚一名蟪蟪說爾雅者言蜚蟪一名蜚非也此蟲一名負蟪漢書及此注多作負蟪者釋蟲云草蟲負蟪彼則歲時常有非災蟲也蓋相涉誤爲蟪耳又明下有成例此不合書而傳發之者明傳之所據非獨正史之策亦兼采簡牘所有故傳據而言之案上傳紀人伐夷注云傳見其事以明春秋例則此有蜚亦明春秋例此云傳之所據非唯史策兼采簡牘則上紀人伐夷亦是兼采簡牘但紀人伐夷他國不告以明例解之蜚是魯國之有故以兼采簡牘言之其實

二注互以相通他如此類

惠公之季年敗宋師于黃

黃少邑陳

留外黃縣東有黃城

公立而求成焉九月及宋人盟于

宿始通也

經無義例故傳直言其歸趣而已他皆放此

冬十月庚申

改葬惠公公弗臨故不書

以桓為大子故隱公諱而不敢為喪主隱

攝君政故據隱而言

惠公之薨也有宋師大子少葬故

有闕是以改葬

有宋至改葬正義曰上云惠公之季年敗宋師于黃公立而求成

焉則隱公未立之前惠公敗宋師也今云惠公之薨也有宋師蓋是報黃之敗求伐魯也隱公將兵禦宋委葬事於大子故有闕也服虔以為宋師即黃之師也是時宋來伐魯公自與戰然則隱自敗宋還自求成傳何常屬敗於惠

公而別言公立也且薨之與葬相去
既遠豈有宋師薨時已來葬時未去
衛侯來會葬不

見公亦不書
諸侯會葬非禮也不得接公成禮故不
書於策他皆放此衛國在汲郡朝歌縣

疏
衛侯來會葬 正義曰衛國侯爵譜云姬姓文正子
康叔封之後也周公既誅祿父以其地封康叔為衛

侯居殷虛今朝歌是也狄滅衛文公居楚丘成公徙帝丘
今東郡濮陽是也桓公十三年魯隱公之元年也出公輒

十二年獲麟之歲也悼公二年春秋之傳終矣悼公三年
卒自悼以下十一世二百五十五年而秦滅衛也衛世家

相公康叔十一世孫尚書顧命稱康叔為衛侯則初封侯
爵也世家康叔子則稱伯至頃侯復為侯故今桓公為侯

爵 注諸侯至放此 正義曰昭三十年傳云先王之制
諸侯之喪士弔大夫送葬昭三年傳稱文襄之霸君薨大

夫弔卿共葬事皆不言諸侯親會葬是諸侯會葬非禮也
不得接公成禮故不書此云不見公不書介葛盧亦不見

公而書者此則公在國而不與衛侯相見故不書彼則鄭公身在會國人賓禮之又欲見其一年再來故書之也

共叔之亂公孫滑出奔衛

公孫滑共叔段之子

衛人爲

之伐鄭取廩延鄭人以王師虢師伐衛南鄙

虢西虢國也弘農陝縣東南有虢城

請師於邾邾子使私於公子

豫

公子豫魯大夫私請師

豫請往公弗許遂行及邾人

鄭人盟于翼

翼邾地

不書非公命也新作南

門不書亦非公命也

非公命不書三見者皆興作大事各舉以備文

十二

月祭伯來非王命也衆父卒

衆父公子益師字

公不

與小斂故不書日

禮卿佐之喪小斂大斂君皆親臨之崇恩厚也始死情之所篤

禮之所崇故以小斂爲文至於但

疏

注禮卿至書日正義曰喪大記君

臨臣喪之禮云君於大夫大斂焉爲之賜則小斂焉卿是大夫之尊者也明小斂大斂君皆親之所以崇恩厚也小斂大斂皆應親之獨以小斂爲文故知始死情之所篤故也賈逵云不與大斂則不書卒然則在殯又不往者復欲何以裁之且傳無其事不宜妄說故杜以爲但臨大斂及不臨其喪亦同不書日也

春秋正義卷第二

修職郎新差充婺州學教授趙 芳麟點勘

春秋正義卷第三

隱公

隱公

國子祭酒上護軍曲阜縣開國子臣孔穎達等奉

勅撰

經二年春公會戎于潛

種戎狄夷蠻皆戎之別種也戎而書會者順其

俗以爲禮皆謂居中國若戎子駒支者陳留濟陽縣東南有戎城潛魯地



正義曰曲禮云

東夷西戎南蠻北狄然則四者是九州之外別名也詩商頌曰自彼氐羌氐羌西戎之國名也杜欲明其在遠無以相形故云氐羌之別種謂是相類之物耳非謂四者是羌內之別也其實氐羌乃是戎內之別耳戎子駒支云我諸戎飲食衣服不與華同贊幣不通言語不達計應不堪會盟故解云言順其俗以爲禮也沈氏云會據公往戎爲主

人故得隨主人之俗以爲會禮朝據戎來魯爲主人戎不能從主人之俗故朝禮不成戎是西方之夷必不遠來會魯故也
支者此等文字見實十四年

夏五月莒人入向

向小國也魯國龍亢縣東南有向城莒國今城陽莒縣也將平師少稱人弗地曰入例在襄十三年

疏

莒人

入向正義曰莒本莒己姓向姜姓此傳云莒人入向以姜氏還文八年傳稱穆伯奔莒從己氏是莒己向姜見於傳也譜云莒嬴姓少昊之後周武王封茲與於莒初都計後徙莒今城陽莒縣是也莒本自紀公以下爲己姓不知誰賜之姓者十一世茲至公方見春秋共公以下微弱不復見四世楚滅之向則唯此見經不能知其終始
注向小至三年正義曰將平師少稱人者周禮萬二千五百人爲軍二千五百人爲師五百人爲旅用兵多少其數無常重兵舉大舉爲大衆滿師則書之不滿則不書
少故經皆不書次也師者衆也雖復五軍三軍悉皆以

爲名取其衆義故經亦不書軍也釋例曰春秋不書軍旅
壹皆曰師從衆辭是其義也經之大例君自將者言君不
言師卿將者滿師則師將並書不滿則空舉將名大夫將
者滿師則稱師不滿則稱人所以然者定四年傳曰君行
師從卿行旅從則君行必有師卿行必有旅文雖不見理
足可明君將不言帥師卿將不言帥旅以其可知故也卿
行不合師從今乃帥領一師若不言師則師文不見卿尊
自合書名師文又須別見故師將並舉言某帥師也其師
少者卿自須見唯舉將名不云帥旅言衆少不足錄也大
夫爵位卑下名氏不合見經但所帥滿師師自須見故書
師不言將也若不滿師者一旅之衆則例所不書大夫位
卑又名不當見則空舉其將謂之爲人人即大夫身也其
將尊師少及將卑師衆若其序列則將卑師衆者在上襄
二年晉師宋師衛甯殖侵鄭是也隱五年公羊傳曰曷爲
或言率師或不言率師將尊師衆稱某率師將尊師少稱
將將卑師衆稱師將卑師少稱人君將不言率師書其重

者也釋例曰大夫將滿師稱師不滿稱人而已卿將滿師則兩書不滿則直書名氏君將不言帥師卿將不言帥旅此史策記注之常此用公羊爲說也劉炫云盟會例卿則書名氏非卿則書人人當名氏之處由是將卑師少則書人亦與無駭帥師入極無駭魯卿極附庸小國無駭盟會同

年

疏

注無駭至八年正義曰春秋之例卿乃見經今名書於經傳言司空故知無駭是魯卿諸名書於

經皆是卿也故於此一注以下不復言之又王制云上大夫卿則卿亦大夫也故注多以大夫言卿下注云裂繻紀大夫如此之類皆是卿也其名見於傳而注云大夫者則其爵真大夫也穀梁以極爲國杜云附庸者沈云以費伯帥師城郎因得勝極則極是竟內故云附庸凡卿出使必具其名氏以尊君命今不書氏故解云未賜族無族可稱故也賈云極戎邑也極爲戎邑傳無文焉戎之於魯本無惡言脩惠公之好則是求與魯親公未信戎心故辭其

盟耳秋即與盟復脩戎好若已共戎會故不與盟旋令師入其都然後結好其爲惡行亦不是過諱位賢君固應不爾良史直筆焉得無譏傳乃本其勝之所由而歸功於費伯也

秋八月庚辰公及

戎盟于唐

高平方與縣北有武唐亭八月無庚辰庚辰七月九日也日月必有誤

疏

注高平至有誤正義曰杜勘檢經傳上下月日制爲長歷此年八月壬寅朔其月三日甲辰十五日丙辰二十七日戊辰其月無庚辰也七月壬申朔則九日有庚辰杜觀上下若月不容誤則指言日誤若日不容誤則指言月誤此則上有秋下有九月則日月俱得有誤故云日月必有誤也

九月紀裂繻來逆

女

裂繻紀大夫傳曰卿爲君逆也以別卿自逆也逆女或稱使或不稱使昏禮不稱主人史各隨其實而書

非例也他皆放此

疏

注裂繻至放此正義曰此書逆共傳曰卿爲君逆也宣五年齊高固來逆叔姬傳

曰書曰叔姬卿自逆也是爲君之則稱女自逆則書字故云以別卿自逆也釋例曰天子娶則稱逆王后卿爲君逆則稱逆女其自爲逆則稱所逆之字尊卑之別也此不言紀侯使裂繻而成八年經書宋公使公孫壽來納幣俱是昏禮而立文不同故解之也言昏禮不稱主人者主人謂婿也爲有廉恥之心不欲自言娶婦故卿爲君昏行者必稟君母之命婦人之命不得通於鄰國若言卿輒自來非君所命故裂繻不言使也其無母者臣無所稟不得不稱君命故公孫壽言宋公使也史皆隨其實事而書之非襄貶之例也公羊傳曰何以不稱使昏禮不稱主人然則曷稱稱諸父兄師友宋公使公孫壽來納幣則其稱主人何辭窮也辭窮者何無母也然則紀有母乎曰有有則何以不稱母母不通也是婦人之言不通外國故不言君使亦不言母命作自來之文也公羊言無母者稱父兄師友宋公不稱父兄者諸侯臣其父兄故不得稱也昏禮記曰宗子無父母命之親皆沒已躬命之以宗子之尊尚不稱父

兄況諸侯也其稱父兄師友謂大夫以下非宗子者耳昏禮記所云支子則稱其宗弟稱其兄是也冬十

月伯姬歸于紀無傳伯姬魯女紀子帛莒子盟

于密子帛裂繻字也莒魯有怨紀侯既昏于魯使大夫盟莒以和解之子帛爲魯結好息民故傳曰魯故

也比之內大夫而在莒子上稱字以嘉之也字注子

例在閔元年密莒邑城陽淳于縣東北有密鄉疏帛至

密鄉正義曰杜云比之內大夫而在莒子上者案諸經文魯大夫出會他國皆先書魯大夫下即云及某人今子

帛之下不云及者不可全同魯大夫故也十有二月乙卯夫人子氏

薨無傳相未爲君仲子不應稱夫人隱護相以爲太子成其母喪以赴諸侯故經於此稱夫人也不反哭故

不書葬例疏注相未至三年正義曰妾子爲君其母

爲君故仲子不應稱夫人也今稱夫人薨是隱成之讓相
爲大子成其母喪傳例曰不赴則不曰薨故知稱薨是赴
於諸侯故經於此稱夫人也五年考仲子之宮公羊傳曰
相未君則曷爲祭仲子隱爲相立故爲相祭其母也然則
何言爾成公意也是言

隱公成仲子爲夫人也

鄭人伐衛

凡師有鍾鼓曰伐
例在莊二十九年

傳二年春公會戎于潛脩惠公之好也戎

請盟公辭

許其脩好而不許其盟
禦夷狄者不壹而足

疏

注許其至而
足正義曰

戎貪而無信盟或背之公未得戎意恐好不久成故不許
其盟也禦夷狄者不壹而足文九年公羊傳文言制禦夷
狄當以漸教之不
一度而即使足也

莒子娶于向向姜不安莒而

歸夏莒人入向以姜氏還

傳言失昏姻之義凡
得失小故經無異文

而傳備其事案文則是非足以爲戒他皆放此

司空無駭入極費奉父

勝之

魯司徒司馬司空皆卿也本父費伯也前年城郎今因得以勝極故傳於前年發之

戎請

盟秋盟于唐復脩戎好也九月紀裂繻來

逆女鄉爲君逆也冬紀子帛莒子盟于密

魯故也鄭人伐衛討公孫滑之亂也

治元年取

廩延之亂

經三年春王二月己巳日有食之

無傳日行遲一歲一

周天月行疾一月一周天一歲凡十二交會然日月動物雖行度有大量不能不小有盈縮故有雖交會而不食者

或有頻交而食者唯正陽之月君子忌之故有伐鼓用幣之事今釋例以長歷推經傳明此食是二月朔也不書朔

史失之書朔日

疏

注曰行至七年 正義曰古今之言

例在桓十七年

歷者大率皆以周天爲三百六十五

度四分度之一日行比月爲遲每日行一度故一歲乃行一周天月行比日爲疾每日行十三度十九分度之七故一月內則行一周天又行二十九度過半乃逐及日言一月一周天者略言之耳其實及日之時不啻一周天也日月雖共行於天而各有道每積二十九日過半行道交錯而相與會集以其一會謂之一月每一歲之間凡有十二會故一歲爲十二月日食者月掩之也日月之道互相出入或月在日表從外而入內或月在日裏從內而出外道有交錯故日食也二十九日過半月及日者以歷家一度分爲九百四十分則四百七十分爲半今月來及日凡二十九日又四百九十九分是過半較二十九分也日有食之言有物來食之也日月同處則日被月映而形魄不見

聖人不言日被月食而云日有食之者以其月不可見
不知之辭穀梁傳曰其不言食之者何也知其不可見
也是言慎疑故不言月也朔則交會故食必在朔然
朔皆會應每月常食故解之言日月動物雖行度有大
不能不小有盈縮故有雖交會而不食者或有頻交而
者自隱之元年盡哀二十七年積二百五十五年凡三千
一百五十四月唯三十七食是雖交而不食也襄二十一
年九月十月頻食二十四年七月八月頻食是頻交而食
也食無常月唯正陽之月君子忌之以日食者陰侵陽也
當陽盛之月不宜爲弱陰所侵故有伐鼓用幣之事餘月
則否其日食例皆書朔已已之下經無朔字長歷推此已
已實是朔日而不書朔史失之也此注作大判言耳戰國
及秦歷紀全廢漢來漸候天時始造其術劉歆三統以爲
五月二十三分月之二十而日一食空得食日而不得加
時漢末會稽都尉劉洪作乾象歷始推月行遲疾求日食
加時後代脩之漸益微密今爲歷者推步日食莫不符合

但無頻月食法故漢初以來殆將千歲爲歷者皆一百七十三日有餘而始一交會未有頻月食者今頻月而食乃是正經不可謂之錯誤世考之歷術事無不驗不可謂之踈失由是注不能定故未言之也又漢書高祖本紀高祖即位三年十月十一月晦日頻食則日有頻食之理其解在襄二十四年穀梁傳曰言日不言朔食晦日也朔日並不言食晦夜也朔日並言食正朔也言朔不言日食旣朔也

三月庚戌天王崩

周平王也實以壬戌崩欲諸侯之遠至故遠日以赴春秋不書實崩日而書遠日者即傳其僞以懲臣子之過也襄二十九年傳曰鄭上卿有事使印

疏

天王崩 正義曰曲禮下曰天子死

曰崩諸侯曰薨大夫曰卒士曰不祿庶人曰死鄭玄云異死名者爲人褻其無知若猶不同然也自上顛壞曰崩薨顛壞之聲卒終也不祿不終其祿死之言漸也精神漸盡也是由天子尊若山崩然諸侯卑取崩之聲以爲尊卑之

著也不書天子名者以海內之主至尊之極故敬而不名也穀梁傳云高曰崩厚曰崩尊曰崩天子之崩以尊也以其在民上故崩之其不名何也太上故不名也蘇氏云王后崩大子卒不書者赴不及魯也今以爲略之例所不書也告喪禮云告王喪曰天王登假此言崩者魯史裁約爲文不道當時赴不言登假也注周平至不會正義

曰今檢杜注無葬者皆顯言其謚此爲無葬故言周平王也仲尼脩經當改正眞僞以爲褒貶周人赴不以實孔子從僞而書者周人欲令諸侯遠至故遠其崩日以赴也不書其實而從其僞言人知其僞則過足章矣故即傳其僞以懲創臣子之過釋例曰天王僞赴遂用其虛明日月闕否亦從赴辭君子不變其文以慎其疑且實虛相生隨而長之眞僞之情可以兩見承赴而書之亦所以示將來也

夏四月辛卯君氏卒

隱不敢從正君之禮故亦不敢備禮於其母

疏

君氏卒正義曰君氏者隱公之母聲子也謂之君氏者

言是君之母氏母之與子氏族必異故經典通呼母舅爲母氏舅氏言其與已異氏也

秋武氏子

來求聘

武氏子天子大夫之嗣也平王喪在殯新王未得行其爵命聽於冢宰故傳曰王未葬釋

其所以稱父族又不稱使也魯不共奉王喪致令有求經直文以示不敬故傳不復具釋也

疏

注武氏至

釋也正義曰武氏者天子大夫之姓直云武氏子不書其字則其人未成爲大夫也若是上士例當書名又不應繫之父族謂之爲子明其是大夫之子也又王使至魯皆言天王使其此復不言王使明其不稱王命也以此知此人父喪已終宜嗣父位但平王未命而崩新王居喪未得行其爵命政事聽於冢宰使之適魯冢宰不得專命故作自來之文傳言王未葬者意兼兩事王喪在殯新王不得加臣爵位故此人仍繫父族王又不得命臣出行故此人

不稱王使以未葬之故闕此二事故傳以未葬解之

八月庚辰宋公和卒

稱卒者略外以別內也元年大夫盟於宿故來赴以名例在七年

冬十有二月齊

侯鄭伯盟于石門

來告故書石門齊地或曰濟北盧縣故城西南濟水之門

癸

未葬宋穆公

無傳魯康夫夫會葬故書始死書卒之在國承赴為君故惡其薨名改赴書也

書葬則舉謚稱公者會葬者在外據彼國之辭也書葬例在昭六年



正義曰文九年叔

孫得臣如京師葬襄王昭三年叔弓如滕葬滕成公如此之類遣卿行者皆書其使名此不書使名知是大夫往也大夫奉命出使位賤不合書名故直書其所為之事而已盟則云及其盟會則云會某人葬則云葬某公舉其所為之事明有使往可知也釋例曰先王之制諸侯之喪士弔大夫送葬及其失也禮過於重文襄之伯因而抑之諸侯之喪大夫弔卿共葬事夫人之喪士弔大夫送葬猶過古制故公子遂如晉葬襄公傳不言禮葬秦景公傳曰大夫

如秦葬景公特稱禮也一以示古制二以示書他國之葬
必須魯會三以示奉使非卿則不書於經此丘明之微文
也是言大夫得正而卿過禮也諸侯曰薨禮之正名魯史
自書君死曰薨君鄰國亦同書薨則與己君無別國史自
在己國承他國赴告爲與己君同故惡其薨名雖赴稱薨
皆改赴書卒略外以別內也至於書葬則五等之爵皆舉
謚稱公者會葬者在於國外據彼國之辭彼國臣子稱君
曰公書使之行不得不稱公也又云惡其薨名改赴書者
釋例曰天子曰崩諸侯曰薨大夫曰卒古之制也春秋所
稱曲存魯史之義內稱公而書薨所以自尊其君則不得
不略外諸侯書卒以自異也至於既葬雖邾許子男之君
皆稱謚而言公各順臣子之辭兩通其義是其說也案禮
雜記赴告之辭云君訃於他國之君曰寡君不祿敢告於
執事然則赴辭本無薨語而云惡其薨名者以夫人薨例
云不赴於諸侯則不曰薨明其以薨告人故書薨也是知
王侯喪者其通國命皆以崩薨相告記之所稱謂答主人

之間飾其文辭耳若以記文無薨即疑不以薨告記稱大夫士赴人之辭皆云不祿豈大夫無卒名也以此知相赴策書必以薨爲文但擯者口傳赴辭義在謙退從士之不祿故禮記言之赴則必以薨但改赴書卒耳史之書事莫不在國會葬者自可在外書策者國內書之而云據彼國之辭者書使行之事言使爲此事行故文從彼稱不謂書不在國也卿爲君逆謂之逆女亦是書已之使據彼稱女與此同也

傳三年春王三月壬戌平王崩赴以庚戌故書之夏君氏卒聲子也不赴于諸侯不反哭于寢不祔于姑故不曰薨不稱夫人故不言葬

夫人與禮有三薨則赴於同盟之國一也既葬日中自墓反虞於正寢所謂反哭于

寢二也卒哭而祔於祖姑三也若此則書曰夫人某氏薨葬我小君某氏此備禮之文也其或不赴不祔則爲不成喪故死不稱夫人薨葬不言葬我小君某氏反哭則書葬不反哭則不書葬今聲君三禮皆闕釋例論之詳矣

疏

注夫人至詳矣

正義曰僖八年致夫人傳曰不赴於

同則弗致故知赴者赴於同盟之國也禮檀弓記葬禮云既封有司以几筵舍奠於基左反日中而虞士喪禮既葬乃反哭於廟遂適殯官而虞是既葬日中自基反虞於正寢正寢即殯官也僖三十三年傳與檀弓記皆云卒哭而祔喪服小記曰婦祔於祖姑雜記曰妾附於妾祖姑是祔於姑者祔於祖姑也此三者皆夫人之喪禮夫人喪禮有三史策所書有二唯卒葬故事而已其卒之異者或云夫人某氏薨仲子文姜之類是也或云某氏卒定姒孟子是也葬之異者或云葬我小君某氏文姜敬嬴之類是也或云葬某氏葬定姒是也或則不書葬也今聲君三禮皆闕經異常辭必是闕二事則變一文但傳既并釋注不顯配

雖言釋例詳之例亦未甚分明此傳故上三事故下三事
若以次相配則不赴於諸侯故不曰薨不反哭於寢故不
稱夫人不祔於姑故不言葬文次相屬事乃似然但顧下
傳義則不爾定十五年如氏卒傳曰不稱夫人不赴且不
祔也哀十二年孟子卒傳曰死不赴故不稱夫人不反哭
故不言葬小君彼二傳皆以不赴解不稱夫人以不反哭
解不書葬然則由不赴故不曰薨由不反哭故不書葬也
二事既然則由不祔故不稱夫人斷可知矣傳文不以次
相配者初死即赴葬乃反哭反哭之後始祔三者依事之
先後爲文也至於書經則夫與薨共文故先言不稱夫
人後言不書葬順經之先後爲文也禮之本意必赴乃稱
薨祔乃稱夫人反哭乃書葬者夫人與君同體死必赴於
鄰國若不以赴告於鄰國則夫人之禮不成尊成以否義
由赴告成等之狀在於書薨故赴則稱薨不赴則不稱薨
也禮適祔於適祖如妾祔於妾祖姑亦既不祔於姑便是
適妾莫辨故祔則稱夫人不祔則不稱夫人也既葬於墓

反哭於寢哀之尤極情之最切既葬而不反哭全是不念其親葬與不葬殆無以異故下反哭則不書葬也皆所以愆臣子責其不行禮也人之行禮有勤有情未必廢則俱廢行則皆行此聲子自三禮皆闕其餘或可一行一否釋例曰夫人子氏赴而不反哭故不書葬定姒則反哭而不赴故書葬而不言小君以此二者據傳則然理在不惑但不知赴而不祔祔而不赴者辭當云何耳薨者夫人之死號不稱夫人必不稱爵薨也小君者夫人之別號不稱夫人必不得稱小君也孟子卒下注云不稱夫人故不言薨是夫人與薨文相將也葬定姒傳曰不稱小君不成喪也注云不赴不祔故不稱小君傳以不赴不祔解不稱夫人注以不赴不祔解不稱小君是夫人小君文相將也夫人也薨也小君也三者相將之物不可致詰蓋赴祔二禮課行一事則具此三文二事並廢則三文皆去耳何則檢此傳相配不赴則不曰薨不祔則不稱夫人是稱夫人由祔不由也孟子之傳乃云不赴故不稱夫人是稱夫人由於赴不由

於祔也定姒之傳云不稱夫人不赴且不祔又以二事並解不稱夫人注云赴同祔姑夫人之禮二者皆闕故不曰夫人明是二者俱闕乃去夫人謀行一事則稱夫人稱夫人則必書薨書薨則必稱小君所異者不反哭則不書葬若不書葬則小君之文無所施耳即仲子是也赴同祔姑皆是夫人之禮故赴而不祔祔而不赴則皆曰夫人某氏薨惠公自有元妃別爲仲子立廟則仲子未必祔姑蓋以赴同之故得稱夫人薨也

不書姓爲

公故曰君氏

不書姓辟正夫人也隱見爲君故特書於經稱曰君氏以別凡妾媵

疏

注不書至妾媵正義曰辟正夫人謂辟仲子耳何則妾子爲君則其母得爲夫人不須辟孟子也但公以讓位之故不從正君之禮故亦不備禮於其母使之辟仲子也釋例曰凡妾子爲君其母猶爲夫人雖先君不命其母母以子貴其適夫人薨則尊德加於臣子外內之禮皆如夫人矣故姒氏之喪責以小君不成就之喪王使會葬傳曰

禮也隱以讓相攝位故不成禮於聲子假稱君氏以別凡妻媵蓋是一時之宜隱之至義也是其辟仲子之意也

鄭武公莊公為平王卿士

卿士王卿之執政者言父子秉周之政

王貳于虢

虢西虢公亦任王朝王欲分政於虢不復專任鄭伯

鄭伯怨王

王曰無之故周鄭交質王子狐為質於鄭

鄭公子忽為質於周

王子狐平王子

王崩周人將畀

虢公政

周人遂成平王本意

四月鄭祭足帥師取溫之

麥秋又取成周之禾

四月今二月也秋今之夏也麥禾皆未熟言取者蓋其踐

溫今河內溫縣

疏

注四月至陽縣也正義曰此言言秋秋有三月若是季秋則今之

八周洛陽縣也

七月杜必知秋今之夏者以此傳在武氏之上案經武氏之下有八月宋公和卒則知此是七月故爲今之夏謂今之五月也麥孰在夏而云麥禾皆未孰者謂四月之時麥未孰七月之時禾未孰二者異時故言皆也

周

鄭交惡

兩相疾惡

君子曰信不由中質無益也

明恕而行要之以禮雖無有質誰能間之

苟有明信澗谿沼沚之毛

谿亦澗也沼池也沚小渚也毛草也

蘋

蘩蒹藻之菜

蘋大萍也蘩蒿蒹蘆藻聚藻也

疏

澗谿至之菜正義曰毛即菜

也而重其文者谿沼言地之陋蘋藻言菜之薄故文重也注谿亦至毛草正義曰爾雅釋山云山夾水澗李巡曰

山間有水釋名曰言水在兩山間也釋水曰水注川曰谿李巡曰水出於山入於川釋山又云山嶺無所通谿李巡

曰山中水漬雖無所通與小注川同名宋均曰無水曰谷有水曰谿然谿亦山間有水之名是澗之類故云谿亦澗也沼者池之別名張揖廣雅亦云沼池也應劭風俗通云池者陂池從水也聲止與時音義同釋水曰小渚曰止釋名曰止止也小水可止息其上草是地之毛周禮宅不毛謂宅內無草木也故杜以毛爲草草即下句蘋蘩藻藻是也蘩陸萊而云沼止之毛者或采之水旁非皆水內也注蘋大至聚藻也正義曰釋草云萍萍其大者蘋舍人曰萍一名萍大者名蘋郭璞曰水中浮萍江東謂之藻陸璣毛詩義疏云今水上浮萍是也其體大者謂之蘋小者曰萍季春始生可糝烝爲茹又可苦酒淹以就酒釋草又云蘩藟蒿孫炎曰白蒿也陸璣疏曰凡艾白色爲藟蒿今白蒿春始生及秋香美可生食又可烝一名遊胡北海人謂之旁勃故大戴禮夏小正傳曰蘩遊胡遊胡旁勃也許慎說文云藻水草從艸從水巢聲或作藻從藻毛詩傳曰藻聚藻也然則此草好聚生蘓訓聚也故云蘓藻聚藻也

陸璣疏云生水底有二種其一種葉如雞蘇莖大如葉長四五尺其一種莖大如釵股葉如蓬謂之聚藻又云扶風人謂之藻聚爲發聲也此二藻皆可食煮熟揄去腥氣米麴糝烝爲茹嘉美揚州人饑荒可以當穀食

筐

管錡金之器

方曰筐圓曰管無足曰盆有足曰錡

潢汙行潦之水

潢汙停水行潦流潦

可薦於鬼神可羞於王公

羞進也

而

況君子結二國之信行之以禮又焉用質

通言盟約彼此之情故云二國

風有采蘋采蘋

采蘋采蘋詩國風義取於不嫌薄物

雅有行葦洞酌

詩大雅也行葦篇義取忠厚也洞酌篇義取雖行潦可以共祭祀也

昭忠信也

明有忠信之行雖薄物皆可爲用

疏

注方曰至曰錡正義曰此皆詩毛

傳鄭箋之文也說文云營飯牛筐也廣雅云鍤釜也注

潢汙至流潦正義曰停水謂水不流也行道也雨水謂

之潦言道上聚流者也服虔云畜小水謂之潢水不流謂

之汙行潦道路之水是也此水用為飲食故引洞酌之篇

藻雖潦水所生要此潦非生菜處也可薦至王公正

義曰上言鬼神此言王公是生王公也或以為王公亦謂

鬼神非生王公也此傳之意取詩為言洞酌論天子之事

是蓋於王也采蘋云公侯之事是蓋於公也言薦又言羞

者鄭玄注庖人云備品物曰薦致滋味乃為羞雅有行

葦正義曰采蘋采蘋洞酌上傳所言皆有彼然之事其

言未及行葦今言行葦者其

意別取思厚非以結上也

武氏子來求賻王未

葬也

疏

武氏至葬也正義曰蘇氏云案文九年毛

伯來求金傳曰不書王命未葬也此傳直云

王未葬不同者毛伯直釋不稱使故云不書王命此武氏

子非但不稱使又稱父族二事皆由未葬故直云王未葬

也宋穆公疾召大司馬孔父而屬殤公焉

曰先君舍與夷而立寡人

先君穆公兄宣公也與夷宣公子即所屬殤公

疏

而立寡人

正義曰由禮下曰諸侯見天子曰臣某

知其對臣民自稱同也老子曰孤寡不穀王侯之謙稱故以下諸侯自稱亦多言不穀寡人弗敢

忘若以大夫之靈得保首領以沒先君若

問與夷其將何辭以對請子奉之以主社

稷寡人雖死亦無悔焉對曰羣臣願奉馮

也

馮穆公子莊公也

公曰不可先君以寡人爲賢使

主社稷若弃德不讓是廢先君之舉也豈

曰能賢

言不讓則不足稱賢

光昭先君之令德可不

務乎吾子其無廢先君之功

先君以舉賢爲功我若不賢是廢之

使公子馮出居于鄭

辟殤公也

八月庚辰宋穆

公卒殤公即位君子曰宋宣公可謂知人

矣立穆公其子饗之命以義夫

命出於義也夫語助

疏

命以義夫

正義曰義者宜也錯心方直動合事宜乃謂之爲義宣公之立穆公知穆公之賢必以義理不棄其子

今穆公方卒命孔父以義事而立殤公是穆公命立殤公出於仁義之中故杜云命出於義也必知命以義夫謂穆

公命立殤公者以杜注云帥義而行則殤公宜受此命宜荷此祿公子馮不帥父義終傷戚宜之福明知殤公受穆公之命與般湯武丁同有戚宜是知穆公命殤公是為義也

商頌曰般受命咸宜

百祿是荷其是之謂乎

詩頌言般湯武丁受命皆以義故任荷天之百

祿也帥義而行則殤公宜受此命宜荷此祿公子馮不帥父義忿而出奔因鄭以求入終傷戚宜之福故知人之稱唯在宣公也般禮有兄弟相及不

疏

商頌至謂乎正必傳子孫宋其後也故指稱商頌義曰商頌玄鳥之

卒章言般湯武丁此二王者受天之命皆得其宜故天之百種之祿於是乎荷負之言天祿皆歸故得而荷負也今穆公立殤公亦得其宜故殤公宜荷此祿詩之意其是此

事之謂乎

注詩頌至商頌正義曰唐虞之代契為司

徒封於商十四世至湯王有天下遂以商為代號後世有武丁者中興賢君時有作詩頌之者謂之商頌美湯與武

丁能荷天祿今殤公亦荷天祿與詩義同故引以證之公羊傳言宋之禍宣公爲之尤其舍子立弟果令馮有爭心以馮之爭爲宣公之過今此傳善宣公故申明其事若使帥義而行則殤公宜受此命宜荷此祿但公子馮不帥父義失其咸宜故知人之稱唯在宣公止善宣公知穆公耳馮自爭國非宣公之罪故善之傳言使公子馮出居于鄭則是父使之出注言忿而出奔者四年傳曰公子馮出奔鄭鄭人欲納之又衛告宋曰君若伐鄭以除君害是馮出奔鄭求入欲害宋國也父使居鄭欲以辟殤公馮乃因鄭欲以害殤公故據父言之則云使之出居據馮言之則云忿而出奔各從其實而爲之文也謚法短折不成曰殤布德執義曰穆

冬齊鄭盟于石

門尋盧之盟也

盧盟在春秋前盧齊地今濟北盧縣故城

庚戌鄭

伯之車僨于濟

既盟而遇大風傳記異也十二月無庚戌日誤

疏

注既盟至

日誤正義曰釋言云價儷也舍人曰皆路意也車路而
入濟是風吹之隊濟水非常之事故云傳記異也禹貢導
沅水東流爲濟入于河溢爲滎釋例曰濟自滎陽卷縣東
經陳留至濟陰北經高平東經濟北東北經濟南至樂安
博昌縣入海案檢水流之道今古或殊杜旣考校元山據
當時所見載於釋例今一皆依杜雖與水經乖異亦不復
根尋也庚戌無月而云十二月者以經盟于石門在十二
月知此亦十二月也經書十二月下云癸未葬宋穆公計
庚戌在癸未之前三十三日不得共在一月故長歷推此
年十二月甲子朔十一日有甲戌二十三日有丙戌不得
有庚戌而月有癸未則
月不容誤知日誤也

衛莊公娶于齊東宮得

臣之妹曰莊姜

得臣齊太子也太子不
敢居上位故常處東宮



至莊

姜正義曰齊國侯爵譜云姜姓大公望之後其先四岳
佐禹有功或封於呂或封於申故太公曰呂望也大公股

肱周室成王封之於營丘今臨淄是也僖公九年魯隱公之元年也簡公四年獲麟之歲也簡公弟平公十三年春秋之傳終矣平公二十五年卒後二十七年而田氏奪齊大公之後滅矣案齊世家莊公生僖公東宮得臣未知何公大子案史記十二諸侯年表衛莊公之立在春秋前三十五年齊僖公之立在春秋前八年然則莊姜必非齊僖公之女蓋是莊公之女僖公姊妹也得臣爲大子早死故僖公立也不言僖公姊妹而繫得臣者見其是適女也得臣爲大子云常處東宮者四時東爲春萬物生長在東西爲秋萬物成就在西以此君在西宮大子常處東宮也或可據易象西北爲乾乾爲君父故君在西東方震震爲長男故大子在東宮也

美而無子

衛人所爲賦碩人也

碩人詩義取莊姜美于色賢于德而不見答終以無子國

人憂

所爲賦碩人也

正義曰此賦謂自作詩也班固曰不歌而誦亦曰賦鄭玄云賦者或造篇或

兩古然則賦有二義此與閔二年鄭人賦清人許穆夫又賦載馳皆初造篇也其餘言賦者則皆誦古詩也

娶于陳曰厲嬀生孝伯早死陳今陳國陳縣其娣戴

嬀生桓公莊姜以為己子嬀陳姓也厲戴皆謚雖為莊姜子然大子

之位又娶于陳正義曰陳國侯爵譜云嬀姓虞舜未定**疏**之後當周之興有虞遏父者為周陶正武王頗

其利器用與其先王之後以元女大姬妃遏父之子滿封於陳賜姓曰嬀號胡公桓公二十三年魯隱公之元年也

湣公二十一年獲麟之歲也二十四年楚滅陳此當桓公時二嬀蓋桓公姊妹也注嬀陳至未定正義曰謚法

暴慢無親曰厲與禮無愆曰戴皆謚也石碏言將立州吁乃定之矣請定州吁明大子之位未定衛世家言立完

為大子公子州吁嬖人之子也嬖親幸也有寵而非也

好兵公弗禁莊姜惡之石碏諫曰臣聞愛

子教之以義方

石碏辭大夫

弗納於邪驕奢淫

佚所自邪也四者之來寵祿過也將立州

吁乃定之矣若猶未也階之為禍

言將止為天子則宜

早定若不早定州

疏

弗納至過也

正義曰驕謂恃已

吁必緣寵而為禍

陵物者謂夸矜階上淫謂嗜欲過

度佚謂放恣無藝此四者之來從邪而起故服虔云言此

四者過從邪起是也劉炫云此四者所以自邪已身言為

之不己將至於邪邪謂惡逆之事劉又難服云邪是何事

能起四過若從邪起何須云四者之來寵祿過也寵祿豈

是邪事四者得從而來乎且言弗納於邪

與其緣驕以至於邪非先邪而後驕也

夫寵而不

驕驕而能降降而不憾憾而能矜者鮮矣

如此者少也降其身則必恨恨則思亂不能自安自重

疏

夫寵而至鮮矣止義曰恃君寵愛未有不驕

亦既驕矜必不能自降其心強降其心未有不恨亦既怨恨必不能自重其身釋言云矜重也言恨則思亂必不能自安自重也寵而必驕降而必憾言其勢必自然故言其能不然者少也驕而不能降憾而不能矜言其心難自抑故言其能然者少也鮮訓少以一鮮惣四事言四事皆鮮也

且夫賤妨貴少陵

長遠間親新間舊小加大

小國而加兵於大國如息侯伐鄭之比

淫破義所謂六逆也君義臣行父慈子孝

兄愛弟敬所謂六順也

臣行君之義

疏

賤妨至破義正義

曰賊妨貴謂位有貴賤少陵長謂年有長幼楚公子申多
受小國之賂以僞子重子辛是賤人而妨貴人也郭捷簡
以弟而欲奪兄位是年少而陵年長也齊東郭偃棠無咎
尊崔氏之政而侮崔成崔譚是疎遠而間親戚也晉胥童
夷羊五得君寵而去三郤是新臣而間舊臣也息伐鄭曹
奸宋是小國而加大國也陳靈蔡景蕞穢無度是邪淫而
破正義也妨謂有所害陵謂加尚之間謂居其間使彼疎
遠而加亦加陵破謂破散為義不兩立行惡則破善故言
破也

去順效逆所以速禍也君人者將禍是

務去而速之無乃不可乎弗聽其子厚與

州吁游禁之不可桓公立乃老

老致仕也四年經書州吁

弑其君故傳

疏

去順效逆正義曰州吁於逆則少陵
長於順則弟不敬是去順效逆也六順

因士卑廣言非謂州吁偏紀之也 注老致至始事

正義曰出禮七十而致事言還其所掌之事於君也傳之相始有此故言傳先經以始事餘不注從可知也

經四年春王二月莒人伐杞取牟婁

無傳書取

言易也例在襄十三年杞國本都陳留雍丘縣推尋事跡桓六年淳于公亡國杞似并之遷都淳于僖十四年又遷緣陵襄二十九年晉人城杞之淳于杞又遷都淳于婁杞邑城陽諸縣東北有婁鄉



莒人至牟

正義曰譜云杞姒姓夏禹之苗裔武王克殷求禹之後得東樓公而封之於杞今陳留雍丘縣是也九世及成公遷緣陵文公居淳于成公始見春秋潛公六年獲麟之歲也潛公弟哀公三年春秋之傳終矣哀公十年卒自哀公以下二世十三年而楚滅杞據杞於此歲已見於經桓二年有杞侯來朝莊二十七年有杞伯來朝於傳並無號

謚又不書其卒僖二十三年杞成公卒其謚乃見於傳未
知此年杞國定是何君當是成公之父祖耳牟婁杞邑莒
伐取之自是以後常爲莒邑昭五年莒牟夷以牟婁來奔
是也文三年秦人伐晉傳稱取王官及郊襄二十三年齊
侯伐魯傳稱取朝歌並書伐不書取此伐取兩書者彼告
伐了告取此伐取並告故也昭元年伐莒取鄆書取不書
伐昭十年伐莒取鄆書伐不書取者元年兵未加莒而鄆
遂服故書取不書伐十年晉以取鄆討公故書伐不書取
其伐國圍邑書圍以否亦從告也 注書取至婁鄉 正
義曰襄十三年傳例曰凡書取言易也知此書取亦言易
也地理志云陳留郡雍丘縣故杞國武王封禹之後東樓
公是杞本都陳留雍丘縣也志又云北海郡淳于縣應邵
曰春秋州公如曹左氏傳曰淳于公如曹臣瓚案州國名
淳于國之所都此淳于縣於漢屬北海郡晉時屬東莞郡
故釋例上地名云州國都於東莞淳于縣以雍丘淳于雖
郡別而覓連也相五年傳稱淳于公如曹度其國危遂不

僖六年春實來雖知其國必滅不知何國取之宣二十九年晉帥諸侯城杞昭元年祁午數趙文子之功云城淳于是知淳于即杞國之都也僖十四年諸侯城緣陵而遷杞不知從何而遷故云淳于公亡國杞似并之而遷居其地僖十四年又從淳于而遷於緣陵襄二十九年又從緣陵而遷於淳于以無明文疑不敢質故言推尋事跡似當然也雖然淳于爲杞所并定似不虛而遷都淳于未有事跡自雍丘而遷緣陵亦可知矣而杜必言遷都淳于又從淳于遷緣陵者以桓六年淳于公亡國襄二十九年又把都淳于則淳于始末是杞之所有又把之所都故疑未都緣陵之前亦都淳于也取國易者則直言取若取邾取剌之類是也故不須加伐於上若其伐國取邑其邑既小不得名通若不加伐於上不知得何國之邑是以雖易亦加伐文則伐杞取牟婁伐邾取須句之類是也成二年取汶陽田乞師盟主與兵伐齊得邑既難而亦書取者因其伐齊晉使還汶陽之田魯不加兵故書取從易也劉君或疑此

意遂云上言伐下言取
者非易以規杜氏非也

戊申衛州吁弑其君完

臣

弑君臣之罪也例在宣四年戊
申在三月十七日有月而無月

疏

注稱臣至無月
義曰宣四年傳例曰

正

凡弑君稱君君無道也稱臣臣之罪也注云稱君謂唯書
君名而稱國以弑言衆所共絕也稱臣者謂書弑者之名
以示來世終爲不義然則此稱州吁之名稱臣弑君是臣
之罪也言完非無道而州吁爲賊也州吁實公子而不稱
公子者傳文更無褒貶直是告辭不同史有詳略耳公子
雖復非族而文當族處春秋書族以否大有乖異故杜備
言之釋例曰尋案春秋諸氏族之稱甚多參差而先儒皆
以爲例欲託之於外赴則患有人身自來者例不可合四
以辟陋未賜族爲說弑君不書族者四事州吁無知不稱
公子公孫賈氏以爲弑君取國故以國言之案公子商人
亦弑君取國而獨稱公子宋督賈氏以爲督有無君之心
故去氏案傳自以先書弑君見義不在於氏也宋萬賈氏

以爲未賜族案傳稱南宮長萬則爲已氏南宮不得爲未
賜族也執殺大夫不書族者二事楚殺得臣與宜申賈氏
皆以爲陋案楚殺大夫公子側大夫成熊之等六十七人皆
稱氏族無爲獨於此二人陋也欲以爲通例則有若此之
錯欲以爲無義例則傳曰嘉之故不名書曰仲孫嘉之書
曰崔氏非其罪翬溺帥師皆曰疾之稱族尊君命舍族尊
夫人尊晉罪己之文炳然著明以此推之知亦非仲尼所
遺也斯蓋非史策舊法故無凡例當時諸國以意而赴其
或自來聘使者辭有詳略仲尼脩春秋因采以示義義之
所起則刊而定之不者即因而示之不皆刊正也故蔡人
嘉赴而經從稱季傳曰蔡人嘉之書崔氏傳亦曰且告以
族明皆從其本也書司馬華孫來盟亦無他比知非大例
也然則揔而推之春秋之義諸侯之卿當以名氏備書於
經其加貶損則直稱人若有褒異則或稱官或稱氏若內
卿有貶則特稱名文不宜言魯人故異於外也若無褒無
貶傳所不發者則皆就舊文或末賜族或時有詳略也推

尋經文自莊公以上諸弑君者皆不書氏閔公以下皆書氏亦足明時史之異同非仲尼所皆刊也是杜解州吁不稱公子之意杜知然者正以經之所書無常比例褒則或書官或書氏貶則或稱人或去族旣無定例明非舊典仲尼有所起發則刊正舊史無所褒貶則因循故策仲尼改者傳辨其由傳所不言則知無義正是史官自有詳略故耳戊申在癸未之後二十五日更盈一周則八十五日往年十二月癸未葬宋穆公則此年二月不得有戊申雖承二月之下未必是二月之日故長歷推此年二月癸亥朔十日壬申二十二日甲申不得有戊申也三月壬辰朔則十七日有戊申也此經上有二月下有夏得在三月之內不是字誤故云有日而無月僖二十八年冬下無月而經有壬申公朝于王所有日而無月經有比類故知此亦同之凡如此者有十四事

夏公及宋

公遇于清

遇者草次之期二國各簡其禮若道路相逢遇也清衛邑濟北東阿縣有清亭

疏

注遇者至清亭

正義曰曲禮下云諸侯未及期相見曰遇相見於卻地曰會然則會者豫謀間地克期

聚集訓上下之則制財用之節示威於衆各重其禮雖特會一國若二國以上皆稱會也遇者或未及會期或暫須相見各簡其禮若道路相逢遇然此時宋魯特會欲尋舊盟未及會期衛來告亂故二國相遇若三國簡禮亦曰遇故莊四年齊侯陳侯鄭伯遇于垂是也曲禮稱未及期而相見指此類也周禮冬見曰遇則與此別劉賈以遇者用冬遇之禮故杜難之釋例曰遇者倉卒簡儀若道路相逢遇者耳周禮諸侯冬見天子曰遇劉氏因此名以說春秋自與傳違案禮春曰朝夏曰覲冬曰覲此四時之名今者春秋不皆同之於禮冬見天子當是百官備物之時而云遇禮簡易經書季姬及鄫子遇于防此婦呼夫共朝豈當復用見天子之禮於理皆違是言春秋之遇與周禮冬遇異也草次猶造次造次倉卒皆迫切不暇之意

宋公陳侯蔡人衛人

伐鄭秋翬帥師會宋公陳侯蔡人衛人伐

鄭

公子翬魯大夫不稱公子疾其固請強君以不義也諸外大夫貶皆稱人至於內大夫貶則皆去族稱名

於記事之體他國可言某人而已魯之卿佐不得言魯人此所以為異也翬溺去族傳曰疾之叔孫豹則曰言違命此其例也

疏

注他國至魯人正義曰案鄭伯使宛來歸枋庚寅我入枋及齊侯伐我北鄙及我師敗績然

魯事皆得稱我則已之卿佐被貶亦可稱我人所以不然者凡云我者皆上有他國之辭故對他稱我魯人出會他國上未有他國之文不可發首言我人故也

九月衛人殺州吁于濮

州吁弑君而立未列於會故不稱君例在成十六年濮陳地地名

疏

注州吁至水名正義曰春秋之世

王政不行賞罰之柄不在天子弑君取國為罪雖大若已列於諸侯會者則不復討也其有臣子殺之即與弑君無

異未必禮法當然要其時俗如是宣公殺惡取國納賂於齊以請會傳曰會于平州以定公位杜云篡立者諸侯既與之會則不得復討臣子殺之與弑君同故公與齊會而位定是其義也釋例又云諸侯篡立雖以會諸侯爲正此列國之制也至於國內策名委質即君臣之分已定故諸殺不成君者亦與成君同義然杜前注云篡立者諸侯既與之會臣子殺之與弑君同則若未會諸侯臣子殺之與弑君同似與釋例違者釋例所云諸弑不成君亦與成君同義者即莊九年齊人殺無知及此年衛人殺州吁以其未會諸侯故不書爵猶不從兩下相殺之例故云亦與成君同義若既會諸侯則臣弑稱爵則文十八年齊人弑其君商人是也曹伯負芻殺其太子而自立成十五年諸侯同盟于戚曹伯既列於會然後晉人執之十六年傳稱曹人請于晉曰若有罪則君列諸會矣是列會即成君矣此州吁未列於會故不稱君曹人之辭即是成例故云例在成十六年殺之於濮謂死於水旁也釋例土地名此濮

下注云閏哀二十七年傳濮下注云濮自陳留酸棗縣受
河東北經濟陰至高平鉅野縣入濟彼濮與此名同實異
故杜於此不言閏

冬十有二月衛人立晉

衛人逆公子晉

而立之善其得衆故不書入於衛變文以示義例在成十八年

疏

注衛人至八年正義曰成十八年傳例

曰凡去其國國逆而立之曰入此公子晉去衛居邢衛人迎而立之於法正當書入宜與齊小白同文傳言書曰衛人立晉衆也是仲尼善其得衆故政常例變文以示義也

傳四年春衛州吁弑桓公而立公與宋公

為會將尋宿之盟未及期衛人來告亂夏

公及宋公遇于清

宿盟在元年

宋殤公之即位

也公子馮出奔鄭鄭人欲納之及衛州吁

立將脩先君之怨於鄭

謂二年鄭人伐衛之怨

疏

注謂二年

之怨

正義曰二年伐衛見經故以屬之未必徃前更無

怨也衛世家稱桓公十六年乃爲州吁所弑則隱之二年

當桓之世服虔以先君爲莊公非也何則宣公烝夷姜生

急子公納急子之妻生壽及朔朔能搆兄壽能代死則是

年皆長矣宣公以此年即位桓十二年卒終始二十年矣

雖壽之死未知何歲急子之娶當在宣初若隱之二年莊

公猶在豈於父在之時已得烝父妾

生急子也史記雖多謬誤此當信然

而求寵於諸侯

以和其民

諸篡立者諸侯既與之會則不復討故欲求此寵

使告於宋

曰君若伐鄭以除君害

害謂宋公子馮

君爲主敵

邑以賦與陳蔡從則衛國之願也

言舉國之賦調

宋人許之於是陳蔡方睦於衛

蔡本汝南上蔡縣

疏

注蔡今至蔡縣

正義曰蔡國侯爵譜云蔡姬姓丈王子叔度之後也武王封之於汝南上蔡爲蔡侯作亂見誅其

子蔡仲成王復封之於蔡至平侯徙新蔡昭侯徙九江下

蔡宣侯二十八年魯隱公之元年也昭侯子成侯十年獲

麟之歲也成侯子聲侯四年春秋之傳終矣聲侯十四年

卒自聲侯以下二世二十八年而楚滅蔡地理志云汝南

上蔡縣故蔡國周

武王弟叔度所封

故宋公陳侯蔡人衛人伐鄭

圍其東門五日而還公問於衆仲曰衛州

吁其成乎

衆仲魯大夫

對曰臣聞以德和民不

聞以亂

亂謂阻兵而安忍

以亂猶治絲而棼之也

見

棼緼益所以亂

夫州吁阻兵而安忍阻兵無衆安忍

無親衆叛親離難以濟矣

恃兵則民殘民殘則衆叛安忍則刑過刑

過則親離

夫兵猶火也弗戢將自焚也夫州吁

弑其君而虐用其民於是乎不務令德而

欲以亂成必不免矣

疏

阻兵而安忍正義曰阻訓恃也恃兵以求勝

而征伐不已安忍行虐事刑殺過度也

秋諸侯復伐鄭宋公使來

乞師

乞師不書非卿

公辭之

從衆仲之言

羽父請以師

會之

羽父公子翬

公弗許固請而行故書曰翬帥

師疾之也諸侯之師敗鄭徒其取其禾而

還

時鄭不車戰

疏

故書至疾之也

正義曰宋元年傳鄭人鄭人盟于翼公子豫請往公不許遂

行彼則不書又不加貶責此公子翬之行公亦不許而書於經又加貶責者公子豫公不許私竊而行翬則強梁固請公事不獲已令其出會故以君命而書又加貶責州吁未能和其民厚

問定君於石子

石子石碯也以州吁不安諮其父

石子曰王覲

爲可曰何以得覲曰陳桓公方有寵於王

陳衛方睦若朝陳使請必可得也厚從州

吁如陳石碯使告于陳曰衛國褊小老夫

毫矣無能爲也此二人者實弑寡君敢即

圖之

八十曰耄稱國小己老自謙以委陳使因其往就圖之

陳人執之而請

泣於衛

請衛人自臨討之

九月衛人使右宰醜泣殺

州吁于濮石碯使其宰孺羊肩泣殺石

厚于陳君子曰石碯純臣也惡州吁而厚

與焉大義滅親其是之謂乎

子從弑君之賊國之大逆不可不除

故曰大義滅親明小義則當兼子母之

疏

王親爲可

正義曰於王

衛

人逆公子晉于邢冬十二月宣公即位

公

晉書曰衛人立晉衆也

疏

宣公即位正義曰戰討乃立自繼

前君故不待踰年也

經五年春公矢魚于棠

書陳魚以示非禮也書棠譏遠地也今高平方

與縣北有武唐亭魯侯觀魚臺

疏

注書陳至魚臺正義曰陳魚者默

備觀其取魚以爲戲樂非謂既取得魚而陳列之也其實觀魚而書陳魚者國君爵位尊重非蒐狩大事則不當親行公故遣陳魚而觀其捕獲主譏其陳故書陳魚以示非禮也傳曰非禮也且言遠地故知書棠譏遠地也

夏

四月葬衛桓公秋衛師入邾

將甲師來但稱師此史之常也

九月考仲子之宮初獻六羽

成仲子宮安其主而祭之惠公以仲

子手文娶之欲以爲夫人諸侯無二嫡蓋隱公成父之志爲別立官也公問羽數故書羽婦人無謚因姓以名宮

疏

九月至六羽

正義曰三年之內木主特祀於寢宮廟初成木主遷入其中設祭以安神也祭則有樂故

初獻六羽初始也往前用八今乃用六也獻者奏也奏進聲樂以娛神也六羽謂六行之人秉羽舞也注成仲至

名官

正義曰考成釋詁文也言初獻六羽者謂初始而

獻非在後相用知者案宣十五年初稅畝杜云遂以爲常

故云初杜於此不解初義明不與彼同故春秋之經有文

同事異如此之類是也注以祭文不見故辨之云成仲子

宮安其主而祭之以其典獻羽連文知考謂祭以成之非

謂始築宮成也又解立宮之意惠公以仲子手有夫人之

文因即娶之雖不以爲夫人有欲以爲夫人之意禮諸侯

不再娶於法無二適孟子入惠公之廟仲子無享祭之所

蓋隱公成父之志爲別立宮仲子以二年十二月薨四年十二月已再期矣喪畢即應入廟至此始成宮者仲子立廟本非正法喪服既終將爲吉祭主無祭處始議立之故晚成也傳云始用六佾不書佾而書羽者以公問羽數故書羽也婦人法不當謚仲子無謚故因姓以名宮也立宮必書於策羽則非當所書善其復正故書之傳載衆仲之對而言公從之是其善之意也爲書六羽故言考宮言其因考以獻羽也若不爲羽當云立仲子之宮如立武宮煬宮然不須言考也禮雜記下云成廟則釁之路寢成則考之而不釁似廟則當釁寢則當考此廟言考者考是成就之義廟者鬼神所居祭祀以成之寢則生人所宅飲食以成之雜記注云路寢者生人所居不釁者不神之也考之者設盛食以落之是也廟成釁之者尊而神之蓋木主未入之前已行釁禮也案雜記釁廟之禮云祝宗人宰夫雍人皆爵弁純衣雍人拭羊宗人視之宰夫北面于碑南東上雍人舉羊升屋自中中屋南面刲羊血流于前乃降門

夾室皆用雞先門而後夾室其坪皆於屋下割雞門當門
夾室中室有司皆鄉室而立門則有司當門北面既事宗
人告事畢乃皆退是釁廟之禮此言考宮獻羽自爲主已
入廟則祭以成之非釁禮與彼異也故公羊傳曰考宮者
何考猶入室也始祭仲子也是謂祭爲考也服虔云宮廟
初成祭之名爲考將納仲子之主故考成以致其五祀之
神以堅之其意謂考即是釁也案雜記釁廟之禮止有雞
羊旣不用樂何由獻羽言將納仲子之主則是仍未入宮
然則作樂獻羽敬事何神考仲子之宮唯當祭仲子耳又
安得致五祀之神乎蘇氏云不稱夫人宮者桓宮傳宮不
言公則仲子例不合稱夫人宮也不稱廟而言宮者於經
例周公稱大廟羣公稱宮故仲子依例稱宮也若然案文
十三年大室屋壞大廟稱室者謂大廟之室屋壞耳若傳
文則大廟或稱宮即大宮之樣是也羣公或稱廟即同宗
於祖廟同族於禰廟是也

邾人鄭人伐宋

邾主兵故
序鄭上

疏

注邾
主至

鄭上 至義曰天下有道諸侯不得專行征伐春秋之時
專行征伐以其不稟王命故以主兵爲首雖小國主兵即
序於大國之上欲見伐由其國善惡所歸故也雖大夫爲
主國君從之亦序主兵於上僖二十七年楚人陳侯蔡侯
鄭伯許男圍宋注云傳言楚子使子玉去宋經書人者恥
不得志以微者告猶序諸侯之上楚主兵故是微人主兵
亦序國君之上

螟

無傳蟲食苗心

疏

注蟲食至故書
正義曰釋蟲云

史策之常法也

螟

者爲災故書

食苗心螟食葉蟣食節賊食根蠹舍人曰食苗心者名螟
言冥冥然難知也李巡曰食禾心爲螟言其蟲冥冥難知
也食禾葉者言其假實無厭故曰蟣也食其節者言其貪
狼故曰賊也食其根者言其吮取萬民財貨故曰蠹也孫
炎曰皆政貪所致因以爲名郭璞曰分別蟲啖食禾所在
之名耳李巡孫炎以政致爲名舍人郭璞以食處爲名陸
機疏云舊說螟蟣蠹賊一種蟲也如言寇賊姦宄内外言
之耳故健爲文學曰此四種蟲皆蝗也實不同故分別釋

之然則螟非以蟲名以食苗之處爲名耳冬十有二月辛巳公子彊

卒

大夫書卒不書葬葬者臣子之事非公家所及

疏

注大夫至所及正義曰禮弓下云君於大夫

將葬弔於宮君親弔之而不書者弔喪問疾人君之常假有得失不足褒貶如此小事例皆不書葬若國家所營則亦不可不書大夫之葬皆臣子自爲非公家所及事不關國無以得書葬也他國之君書葬者遣使往會須書君命耳

故宋人伐鄭圍長葛

潁川長杜縣北有長葛城

傳五年春公將如棠觀魚者臧僖伯諫曰

凡物不足以講大事

臧僖伯公子彊也僖謚也大事祀與戎

其材

不足以備器用則君不舉焉

材謂皮革齒牙骨角毛羽也器用軍

國之器

君將納民於軌物者也故講事以度軌

量謂之軌取材以章物采謂之物不軌不

物謂之亂政亂政亟行所以敗也

言器用衆物不入法

度則爲不軌不物亂敗之所起

故春蒐夏苗秋獮冬狩

蒐索擇取不孕

者苗爲苗除害也獮殺也以殺爲名順秋氣也狩圍守也冬物畢成獲則取之無所擇也

皆於農

隙以講事也

各隨時事之間

三年而治兵入而振

旅

雖四時講武猶復三年而大習出曰治兵始治其器事入曰振旅治兵禮畢整衆而還振整也旅衆也

而飲至以數軍實

飲於廟以數車徒器械及所獲也

昭文章

車服

旌明貴賤辨等列

等列順少長

出則少者在
前還則在後

所謂

習威儀也鳥獸之肉不登於俎

俎祭宗
廟器

皮革齒牙骨角毛羽不登於器

謂以飾法
度之器

則公不射古之制也若夫山林川澤之實

器用之資阜隸之事官司之守非君所及

也

士臣阜阜臣與與臣隸言取此雜猥之物以
資器備是小臣有司之職非諸侯之所親也

公曰

吾將略地焉

孫臏以略地略摠攝巡行之名
傳曰東略之不知西則否矣

遂往

陳魚而觀之

陳設張也公大設
捕魚之備而觀之

僖伯稱疾不

從書曰公矢魚于棠非禮也且言遠地也

矢亦陳也棠實

他竟故曰遠地

疏

觀魚者正義曰說文云漁捕魚也然則捕魚謂之魚天官敎人掌

以時敎爲梁凡敎者掌其政令是謂捕魚爲魚魚者猶言獵者也臧僖至敗也正義曰凡物不足以講大事者

物謂事物旌旗車服之屬若其爲教戰祭祀等大事故布設陳列則可如其細碎盤遊雖陳其物不堪足以講習大事止謂不爲大事而陳此物故云不足以講大事也其材不足以備器用者材謂皮革齒牙之屬若其爲飾器用故狩獵取材則可如其因遊宴戲樂所得之材不堪足以備飾器用止謂不爲器用而取此材故云不足以備器用也人君一國之主在民之上當直己而行之以法敎民而納之於善故云人君將納民於軌物者也言當爲軌爲物納民於其中也既言民歸軌物更解軌物之名故講習大事以準度軌法度量謂之爲軌準度軌量即謂習戰治兵祭

祀之屬是也取鳥獸之材以章明物色采飾謂之爲物章
明物采即取材以飾軍國之器是也劉炫云捕魚獵獸其
事類比諫大意言人君可觀獵獸不可觀捕魚凡物者
廣言諸物鳥獸魚鼈之類也材謂所有皮革毛羽之類也
器謂車馬兵甲軍國所用之物也凡此諸物捕之不足以
講習兵事其材不足以充備器用如此者則人君不親舉
焉其意言獵之坐作進退可以教戰陳獸之齒牙皮革足
以充器用人君可以觀之捕魚不足以教戰陳鱗甲不足
以爲器用人君不宜觀之人君以下云云同今若人君所
行不得其軌舉動不順器服不當其物上下無章如是則
謂之荒亂之政也亂政數行國家之所以禍敗也其意言
魚非講事是不執材不充用是不物今君觀魚是爲亂國
之政禍敗之本故不用使公行也事度軌量正謂順時狩
獵以教習戎事也材章物采謂取其皮革以脩造器物
也下云四時田獵治兵振旅以習威儀覆此講事也肉不
登俎材不登器則公不射覆此章物也別言川澤之實非

君所及指言不可觀魚辭有首引自相配成也 注臧僖
至與戎 正義曰僖伯名彊字子臧世本云孝公之子即
此冬書公子彊卒是也謚法小心畏忌曰僖是僖爲謚也
諸侯之子稱公子公子之子稱公孫公孫之子不得祖諸
侯乃以王父之字爲氏計僖伯之孫始得以臧爲氏今於
僖伯之上已加臧者蓋以僖伯是臧氏之祖傳家追言之
也成十三年傳曰國之大事在祀與戎故知大事祀與戎
也必知兼祀者以下云鳥獸之肉不登於俎故也劉炫云
田獵止教戎而言祀者獵狩主以祭祀故并祀言之下注
云俎祭宗廟器見此意也 注言器至所起 正義曰車馬
旌旗衣服刀劍無不皆有法度器用衆物不入法度廣言
之也器不當法用非其物則爲不軌不物政不在君則亂
敗之所起也 注蒐索至擇也 正義曰爾雅釋天四時
獵名與此同說者皆如此注故杜依用之周禮大司馬
中春教振旅遂以蒐田中夏教茆舍遂以苗田中秋教
蒐遂以獵田中冬教大閱遂以狩田其名亦與此同鄭

玄解苗田與此小異言擇取不孕任者若治苗去不秀實者孫炎亦然桓四年公羊傳曰春曰苗秋曰蒐冬曰狩三名既與禮異又復夏時不田穀梁傳曰四時之田皆爲宗廟之事也春曰田夏曰苗秋曰蒐冬曰狩皆與禮異者良由微言既絕曲辯妄生丘明親受聖師故獨與禮合漢代古學不行明帝集諸學士作白虎通義因穀梁之文爲之生說曰王者諸侯所以田獵何爲苗除害上以共宗廟下以簡集士衆也春謂之田何春歲之本舉本名而言之也夏謂之苗何擇其懷任者也秋謂之蒐何蒐索肥者也冬謂之狩何守地而取之也四時之田惣名爲田何爲田除害也案苗非懷任之名何云擇去懷任秋獸盡皆不瘦何云蒐索取肥雖名通義義不通也故先儒皆依周禮左傳爾雅之文而爲之說其名亦有意焉雖復春獵獲則取之不能擇取不孕夏獵所取無多不能爲苗除害爲因時異而變文耳謂之獵者蔡邕月令章句云獵者捷取之名也注各隨時事之間正善曰隋訓問也四仲之月自是常

期就其月中簡選間日雖則農月必有間時故曰隨時事
之間也仲冬農之最隙故大備禮也 注雖四至衆也

正義曰雖每年常四時講武猶復三年而一大習猶如四
時常祀三年而復爲禘祭意相類也出曰治兵者以其初
出始治其事也入曰振旅者以治兵禮畢整衆而還振訊
是整理之義故振爲整也旅衆也釋詁文治兵振旅坐作
進退其禮皆同所異者唯長幼先後耳釋天云出爲治兵
尚威武也入爲振旅反尊卑也孫炎曰出則幼賤在前貴
勇力也入則尊老在前復常法也莊八年穀梁傳曰出曰
治兵習戰也入曰振旅習戰也公羊傳曰出曰治兵入曰
振旅其禮一也皆習戰也是其禮同也何休公羊爲出曰
祠兵休云殺牲饗士卒鄭玄詩箋引公羊亦作治兵是其
所見本異也此治兵振旅亦四時教之但於三年大習詳
其文耳周禮春教振旅秋教治兵者四時教民各以其宜
即止兵收衆專心於農秋即繕甲厲兵將威不軌故異
受耳 注飲於至獲也 正義曰桓二年傳例曰凡公

行告于宗廟反行飲至彼飲至在廟知此言飲至亦飲於廟也軍之資實唯有車徒器械獵則有所獲詩序車攻美宣王脩車馬備器械因田獵而選車徒故知數軍實者數車徒器械及所獲也說文云械器之惣名虞喜云器械謂鎧甲堽蓋也宣十二年傳言楚國無日不討軍實而申儆之襄二十四年傳曰齊社蒐軍實使客觀之二注並云軍實軍器不言車徒及所獲者彼無獵事故不言也 注車服旌旗 正義曰周禮巾車職曰革路建大白以即戎木路建大麾以田司服職曰凡兵事韋弁服凡甸冠弁服鄭玄云甸田獵也計田獵當乘木路服冠弁但三年治兵乃習兵大禮不宜乘田車服田服天子蓋乘革路服韋弁也在軍君臣同服公卿以下蓋亦乘兵車服兵服也其旌旗則尊卑異建治兵之禮為辨旗物必不建大白大麾大司馬職曰中秋教治兵辨旗物之用王載大常諸侯載旂軍吏載旗師都載旛鄉遂載物郊野載旐百官載旗遂以獮田鄭玄云軍吏諸軍帥也師都遂大夫也鄉遂鄉大夫也

或載旛或載物衆屬軍吏無所料也郊謂鄉遂之州長縣正以下也野謂公邑大夫載旛者以其將羨卒也百官卿大夫也載旗者以其屬衛王也凡旌旗有軍衆者畫異物無者帛而已然則治兵旌旗當如司馬職文也案司常職云及國之大閱贊司馬頒旗物王建大常諸侯建旂孤卿建旛大夫士建物師都建旌州里建旗縣鄙建旐道車載旌旂車載旌計大閱治兵俱是教戰而旌旗之物所建不同者鄭玄云凡頒旗物以出軍之旗則如秋以尊卑之常則如冬大閱備軍禮而旌旗不如出軍之時空辟實然則大閱所建尊卑之常治兵所建出軍之禮此三年治兵與秋教治兵其名既同建當不異故服虔解此亦引司馬職文明是旌旗所建用秋辨旗物之法案大司馬職教治兵王載大常所以巾車云大麾以田又云大白以即戎者先儒以爲王田春夏則大麾秋冬則大常旌旗所用雖如治兵之時然王若親軍則建大白鳥獸至於器正義曰詩又云革獸皮治去其毛革更之然則有毛爲皮去毛爲

革周禮掌皮秋斂皮冬斂革以其小異故別時斂之散文則皮革通也頷上大齒謂之爲牙鳥翼長毛謂之爲羽齒牙毛羽各自小異故歷言之也登於俎謂升俎以共祭登於器謂在器以爲飾諸器之飾有用此材者注俎祭宗廟器正義曰饗燕之饌莫不用俎獨言宗廟器者明田獵取禽主爲祭祀若止共燕食則公亦不爲下注云法度之器其義亦然非法之器公亦不舉登訓爲升服虔以上登爲升下登爲成二登不容異訓且云不成於器爲不辭矣又器以此物爲飾寧復待之乃成也周禮獻人凡祭祀共其魚之鱸麇特牲少牢祭祀之禮皆有魚爲俎實肉登於俎公則射之而以觀魚爲非禮者此言不登於俎者謂妄出遊獵雖取鳥獸元不爲祭祀不登於器亦謂盤遊元不爲取材以飾器物今公觀魚乃是遊戲故以非之然登俎登器之物雖君所親至於庶羞雜物細小之倫雖爲祭祀亦君不射禮水土之品邊豆之物苟可薦者莫不咸在豈皆公親之也劉炫云此言田獵之時小鳥小獸則公不

射雖講事而田尚不射小物況魚非講事不宜輒舉不謂
登俎之物皆公所親射祭祀水土云云同 若夫至及也
正義曰山林之實謂材木樵薪之類川澤之實謂淺茨魚
蟹之屬此皆器用之所資須賤人之所守掌非人君所宜
親及之也此雖意諫觀魚而廣言小事故注云取此雜猥之物
以資器備非諸侯所親也雜猥謂諸雜猥碎也資謂器之資財
待此而備器之所用及所盛皆是也穀梁傳曰禮尊不親
小事卑不尸大功魚卑者之事也公觀之非正與此同也
若然月令季冬命漁師始漁天子親性嘗魚先薦寢廟彼
禮天子親性此識公者彼以時魚絜美取之以薦宗廟特
重其事天子親行意在敬事鬼神非欲以爲戲樂隱公觀
魚志在遊戲故譏之也 注孫辭至否矣 正義曰傳九
年傳曰東略之不知西則否矣又十六年傳曰謀鄭且東
略也略者巡行之名也公曰吾將略地焉言欲案行邊竟
是孫辭也若國竟之內不應譏公遠遊且言遠地明是他
竟也釋例曰舊說棠魯地據傳公辭欲略地則非魯竟也

釋例土地名棠在魯部內云本棠蓋宋魯之界
上也 注矢亦陳也 正義曰釋詁云矢陳也 曲沃

莊伯以鄭人邢人伐翼

曲沃晉別封成師之邑在河東聞喜縣莊伯成

師子也翼晉舊都在平陽絳
邑縣東邢國在廣平襄國縣 王使尹氏武氏助之

翼侯奔隨

尹氏武氏皆周世族大夫也晉內桓攻伐不告亂故不書傳具其事爲後晉事張本

曲沃及翼本末見

疏

注曲沃至國縣 正義曰晉國侯爵譜云姬姓武王子唐叔虞之後

也成王滅唐而封之今大原晉陽縣是也燮父改之曰晉
燮父孫成侯徙都曲沃今河東聞喜縣是也穆侯徙都絳
郭侯二年魯隱公之元年也定公三十一年獲麟之歲也
出公八年而春秋之傳終矣出公十七年卒自出公以下
五世八十二年而韓趙魏滅晉也地理志云河東聞喜縣
故曲沃也武帝元鼎六年行過改名應邵曰武帝於此聞

南越破改曰關喜志又曰趙國襄國縣故邢國然則於漢屬趙國於晉屬廣平

夏葬衛桓公

衛亂是以緩

有州吁之亂十四月乃葬傳明其非慢也

四月鄭人侵

衛牧

牧衛邑經書夏四月葬衛桓公今傳直言夏而更以四月附鄭人侵衛牧者於下事宜得月以明事

之先後故不復備舉經文三年君氏卒其義亦同他皆放此

以報東門之役

東門

役在

四年衛人以燕師伐鄭

南燕國今東邵無縣

鄭祭足

原繁洩加馬以三軍軍其前使曼伯與子元

潛軍軍其後燕人畏鄭三軍而不虞制人

北制鄭邑今河南成

六月鄭二公子以制人敗

臯縣也一名虎牢

燕師于北制

二公了曼伯子元也

君子曰不備不虞不

可以師

疏

注南燕至燕縣

正義曰燕有二國一稱北燕故此注言南燕以別之世本燕

國姑姓地理志東郡燕縣南燕國姑姓黃帝之後也小國無世家不知其君號謚唯莊二十年燕仲父見傳耳

曲沃叛王秋王命虢公伐曲沃而立哀侯

春翼侯奔隨

故立其子光衛之亂也邠人侵衛故衛師入

邠

邠國也東平剛父縣西南有邠鄉

疏

注邠國至邠鄉正義曰史記管蔡世家稱邠叔武文王

子武王之母弟後世無所見既無世家不知其君號謚唯文十二年邠太子朱儒奔魯書曰邠伯來奔見於經傳則

邠國伯

九月考仲子之宮將萬焉

萬舞也

公問

羽數於衆仲

問執羽人數

對曰天子用八

八八六十四人

諸侯用六

六六三十六人

大夫四

四四十六人

士二

二二四十二人

樂用夫舞所以節八音而行八風

八音金石絲竹匏土革木

也八風八方之風也以八音之器播八方之風手之舞之足之蹈之節其制而叙其情

故自八以

下

唯天子得盡物數故以八為列諸侯則不敢用八

公從之於是初獻

六羽始用六佾也

魯唯文王周公廟得用八而他公遂因仍僭而用之今隱公特

立此婦人之廟詳問衆仲衆仲因明大典故傳亦因言始用六佾其後季氏舞八佾於庭知唯在仲子廟用六

疏

注萬舞也正義曰案公羊傳曰萬者何千舞也箒者羽舞也則萬與羽不同今傳云將萬焉問羽數於衆仲

萬與羽爲一者萬羽之異自是公羊之說今杜直云萬舞也則萬是舞之大名也何休云所以仲子之廟唯有羽舞無干舞者婦人無武事獨奏文樂也劉炫云公羊傳曰萬者云云籥者云云羽者爲文萬者爲武武則左執朱干右秉玉戚文則左執籥右秉翟此傳將萬問羽卽似萬羽同者以當此時萬羽俱作但將萬而問羽數非謂羽卽萬也經直書羽者與傳互見之 注六六三十六人 正義曰何休說如此服虔以用六爲六八四十八大夫四爲四八三十二士二爲二八十六杜以舞勢宜方行列旣減卽每行人數亦宜減故同何說也或以襄十一年鄭人賂晉侯以女樂二八爲二佾之樂知自上及下行皆八人斯不然矣彼傳見晉侯減樂之半以賜魏絳因歌鐘二肆遂言女樂二八爲下半樂張本耳非以二八爲二佾若二八卽是二佾鄭人豈以二佾之樂賂晉侯晉侯豈以一佾之樂賜魏絳 夫舞至八風 正義曰舞爲樂主音逐舞節八音皆奏而舞曲齊之故舞所以節八音也八方風氣寒暑不

同樂能調陰陽和節氣八方風氣由舞而行故舞所以行
八風也 注八音至其情 正義曰八音爲金石土革絲
木匏竹周禮大師職文也鄭玄云金鍾鎛也石磬也土塤
也革鼓鼗也絲琴瑟也木祝敔也匏笙也竹管簫也八風
八方之風者服虔以爲八卦之風乾音石其風不周坎音
革其風廣莫艮音匏其風融震音竹其風明庶巽音木其
風清明离音絲其風景坤音土其風涼兌音金其風闓闔
易緯通卦驗云立春調風至春分明庶風至立夏清明風
至夏至景風至立秋涼風至秋分闓闔風至立冬不周風
至冬至廣莫風至風體一也逐天氣隨八節而爲之立名
耳調與融一風二名昭十八年傳曰是謂融風是其調融
同也沈氏云案樂緯云坎主冬至樂用管艮主立春樂用
塤震主春分樂用鼓巽主立夏樂用笙离主夏至樂用絃
坤主立秋樂用磬兌主秋分樂用鍾乾主立冬樂用祝敔
此八方之音既有二說未知孰是故兩存焉更說制樂之
本卽音行風之意以八音之器宣播八方之風使人用手

以舞之用足以蹈之節其禮制使不荒濫次序人情使不
溢結也蟋蟀詩曰無已大康職思其居是節其制也舜歌
南風曰南風之時兮可以阜吾人之財兮南風之薰兮可
以解吾人之愠兮是序其情也 注魯唯至用六 正義
曰襄十二年傳曰魯爲諸姬臨於周廟是魯立文王之廟
也文王天子自然用八禮記祭統曰昔者周公旦有勳勞
於天下成王康王賜之以重祭朱干玉戚以舞大武八佾
以舞大夏此天子之樂也康周公故以賜魯明堂位曰命
魯公世世祀周公以天子之禮樂是周公之廟用八也傳
曰始用六佾則知以前用八何休云僭齊也下微上之辭
魯之僭微必有所因故本其僭之所由言由文王周公廟
用八佾他公之廟遂因仍僭而用之今隱公詳問衆仲衆
仲因明大典公從其言於仲子之廟初獻六羽故傳亦因
言始用六佾謂仲子之廟用六佾他公則仍用八也至襄
昭之時魯猶皆亦用八故昭二十五年公羊傳稱昭公謂
子家駒曰吾何僭哉荅曰朱干玉戚以舞大夏八佾以舞

大武此皆天子之禮也是昭公之時僭用八也此減從正
禮尚書於經若更僭非禮無容不書自此之後不書僭用
八僭知他廟僭而不改故杜自明其證其後
季氏舞八僭於庭知唯在仲子廟用六也

宋人取

邾田邾人告於鄭曰請君釋憾於宋敝

邑爲道

釋四年再見伐之恨

鄭人以王師會之

王師不書

不以告也

伐宋入其郛以報東門之役

郛郭也東門役

在四年

宋人使來告命

告命策書

公聞其入郛

也將救之問於使者曰師何及對曰未及

國

忿公知而故問責窮辭

公怒乃止辭使者曰君命寡

人同恤社稷之難今問諸使者曰師未及

國非寡人之所敢知也為七年公伐邾傳冬十二月

辛巳臧僖伯卒公曰叔父有憾於寡人諸侯

稱同姓大夫長曰伯父少曰叔父有恨恨諫觀魚不聽寡人弗敢忘葬之加

一等加命服**疏**注諸侯至不聽正義曰詩伐木篇毛傳曰天子謂同姓諸侯諸侯謂同

姓大夫皆曰父異姓則稱舅親禮載天子呼諸侯之稱曰同姓大國則曰伯父其異姓則曰伯舅同姓小邦則曰叔父其異姓則曰叔舅然則諸侯之國有大小之異大夫無地之大小明以年之長少為異莊十四年傳稱鄭厲公謂原繁為伯父禮記祭統稱衛莊公呼孔悝為叔舅諸侯呼異姓大夫為伯舅同姓大夫為叔父者雖則無文明亦然

矣僖伯者孝公之子惠公之弟惠公立四十六年而薨則
子臧此時年非幼少呼曰叔父者是隱公之親叔父也此
注自言呼臣
之火法耳

役也
宋人伐鄭圍長葛以報入郭之

春秋正義卷第三

春秋正義卷第四

隱公

隱公

國子祭酒上護軍曲阜縣開國子臣孔穎達等奉

勅撰

經六年春鄭人來渝平

和而不盟曰平

疏

注和而不盟曰

平正義曰宣十五年宋人及楚人平傳載其盟辭昭七年燕暨齊平傳稱盟于濡上似平皆有盟而云不盟者平實解然和好之辭非要盟也彼自既平之後別為盟耳此與定十年及齊平皆傳無盟事定十一年及鄭平下乃云叔還如鄭汜盟平後乃盟知平非盟也

夏五月辛酉公會齊侯盟

于艾

泰山牟縣東南有艾山

秋七月

雖無事而書首月具四時以成歲他皆放此

疏

注雖無至放此 正義曰公羊傳曰此無事何以書春秋雖無事首時過則書首時過則何以書春秋編

年四時具然後為年此注用公羊為說釋例曰年之四時雖或無事必空書首月以紀時變以明歷數也 **冬**

宋人取長葛

秋取冬乃告也上有伐鄭圍張葛長葛鄭邑可知故不言鄭也前年冬圍

不克而還今冬乘長葛

無備而取之言易也

疏

注秋取至易也 正義曰經書冬傳言秋丘明為傳

例不虛舉經文獨以秋言此事明是以秋取冬乃告也冬告者告言冬始取耳故書之於冬若其使以冬至告言秋取亦當追書於秋八年傳曰冬齊侯使來告成三國秋成冬告書之於秋明此以冬取告故書於冬也賈服以為長葛不繫鄭者刺不能撫有其邑凡邑為他國所取皆是不能撫有之何故於此獨為惡鄭故杜以為上有伐鄭圍長葛則長葛鄭邑可知故不言鄭也既言秋取取實在秋因賈經文在冬遂言冬乘無備襲十三年傳例曰凡書取

易也知此乘其無備而取之也杜知長葛不繫鄭非大都以名通者以前年云伐鄭國長葛長葛之丈繫於鄭故也劉炫以大都名通而規杜氏非也

傳六年春鄭人來渝平更成也

渝變也公之為公子戰於

狐壤為鄭所執逃歸怨鄭鄭伐宋公欲救宋宋使者失辭公怒而止忿宋則欲厚鄭鄭因此而來故經書渝平傳曰更成

疏

注渝變至更成正義曰渝變也釋言文變

成平者變更前惡而復為和好變即更之義成則平之訓故傳解渝平謂之更成自狐壤以來與鄭不和今日復和故曰更成言更復狐壤以前之好也服虔云公為鄭所獲釋而不結平於是更為約束以結之故曰渝平案傳公賂尹氏而與之逃歸非鄭所釋安得釋而結平也

翼九宗五正頃公之子嘉父逆晉侯于隨

翼晉舊都也唐叔始封受懷姓九宗職官五正遂世為晉
強家五正王官之長九宗一姓為九族也頃父之子嘉父

晉大 夫 納諸鄂晉人謂之鄂侯 鄂晉別邑諸地名疑者皆言有

以示不審闕者不復記其闕他皆放此前年相 王立此侯之子於翼故不得復入翼別居鄂 疏 注翼

大夫 正義曰唐叔始封受懷姓九宗職官五正者謂周
成王滅唐始封唐叔以懷氏一姓九族及是先代五官之

長子孫賜之言五官之長者謂於殷時為五行官長今褒
寵唐叔故以其家族賜之耳今云頃父之子嘉父者以頃

父舊居職位名號章顯嘉父新為大夫未其著見故繫之
於父諸繫父為文者義皆同此也 注諸地至放此 正

義曰杜言不復記其闕者謂但言某邑而已下不云闕若
鄂直云晉別邑及翼侯奔隨注云隨晉地鄭人侵衛牧注

云牧衛邑如此之類皆不言闕是也若不知何國之地者
則言闕若虞公出奔并池公孫嬰齊卒于狸脹並注云闕

是也亦有雖知其國之地注亦云闕則隱十一年蘇忿生十二邑注隱云闕者以餘邑皆知所在唯此獨闕故也

夏盟于艾始平于齊也

春秋前魯與齊不平今乃弃惡結好故言始平

于齊

五月庚申鄭伯侵陳大獲往歲鄭伯

請成于陳

成猶平也

陳侯不許五父諫曰親

仁善鄰國之寶也君其許鄭

五父陳公子佗

陳侯

曰宋衛實難

可畏難也

鄭何能爲遂不許君

子曰善不可失惡不可長其陳桓公之謂

乎長惡不悛從自及也

悛止也從隨也

雖欲救之其

將能乎商書曰惡之易也如火之燎于原

不可鄉邇

商書盤庚言惡易長如火焚原野不可鄉近

其猶可撲滅

言不可
撲滅

周任有言

周任周
大夫

曰爲國家者見惡

如農夫之務去草焉芟夷蕝崇之絕其本

根勿使能殖則善者信矣

芟刈也夷殺也
蕝積也崇聚也

疏

五月庚申 正義曰案經盟于艾亦在五月傳略不言月庚申之日須月以統之故別言五月他皆放此

秋

宋人取長葛冬京師來告饑公爲之請糴

於宋衛齊鄭禮也

告饑不以王命故傳言京師而不書於經也雖非王命而公共

以稱命己國不足旁請鄰
疏 注告饑至之賢 止義曰
國故曰禮也傳見隱之賢 王使至魯皆應書經此獨

不書故解之以人情恕之不得自不輸粟空告他人故知
己國不足旁請鄰國故曰禮也定五年歸粟于蔡尚書於

經此不書者魯以往歲頗災故己國饑困所輸不多宋鄭
輸粟不復告魯故皆不書此事無經而發故解傳意見隱

之賢諸無經之傳皆 鄭伯如周始朝桓王也 桓王
意有所見悉皆放此 即位

周鄭交惡至是 王不禮焉周桓公言於王曰我
乃朝故曰始

周之東遷晉鄭焉依 周桓公周公黑肩也周采
地扶風雍縣東北有周城

幽王為犬戎所殺平王東徙晉文侯
鄭武公左右王室故曰晉鄭焉依 善鄭以勸來

者猶懼不蕲也 況不禮焉鄭不來矣

爲桓五年諸侯
從王伐鄭傳

疏

注周相至焉依正義曰桓公是周
公黑育事見桓十八年傳也幽王娶

申女爲后生太子宜曰後得褒姒嬖之生子伯服廢申后
逐太子以褒姒爲后伯服爲太子宜曰奔申申侯乃與犬
戎共攻幽王殺幽王於驪山之下於是諸侯乃與申侯共
立宜曰是爲平王以西都福戎晉文侯鄭武公夾輔平王
東遷洛邑毛詩尚書國語史記皆略有其事

經七年春王三月叔姬歸于紀

無傳叔姬伯姬之娣也至

是歸者待年於父母
國不與嫡俱行故書

疏

注叔姬至故書正義曰女嫁
於他國皆有姪娣與適俱行則

所尊在適書適不書姪娣叔姬待年之女年滿特行故書
其歸魯女嫁於他國之卿皆書之夫人之娣尊與卿同其
書固是常例賈云書之者刺紀
滕侯卒傳例曰不書
名未同盟也

滕國在沛國
公丘縣東南

疏

滕侯卒 正義曰譜云滕姬姓文王子
錯叔繡之後武王封之居滕今沛縣公

丘縣是也自叔繡至宣公十七世乃見春秋隱公以下春秋後六世而齊滅之世本云齊景公亡滕案齊景之卒在滕隱之前世本言隱公之後仍有六世為君而云齊景亡滕為謬何甚服虔昭四年注亦云齊景亡滕是不考校而謬言之地理志云沛郡公丘縣故滕國也周文王子錯叔繡所封三十一世為齊所滅

夏城中

丘

城例在莊二十九年中秋丘在琅邪臨沂縣東北

齊侯使其弟年來

聘

諸聘皆使卿執玉帛以相存問例在襄元年

疏

注諸聘至元年 正義曰聘禮使者執圭以致

命束帛加璧以致享鄭玄云享獻也既聘又獻所以厚恩惠也是執玉帛以相存問也玉人職云環圭璋璧琮八寸以覲聘注云八寸者據上公之臣案聘禮圭以聘君璋以聘夫人既行聘之後璧以享君琮以享夫人又鄭玄注小

行人云使卿大夫覲聘降其君瑞一等則侯伯之臣圭璋璧琮皆六寸子男之臣皆四寸又小行人云圭以馬璋以皮璧以帛琮以錦琥以繡璜以黼鄭玄注云二王之後享天子圭以馬享后璋以皮其餘諸侯享天子璧以帛享后琮以錦子男享大國之君琥以繡享大國夫人璜以黼是王帛之文也

秋公伐邾冬天

王使凡伯來聘

凡伯周卿士凡國伯爵也

戎伐

凡伯于楚丘以歸

戎鳴鐘鼓以伐天子之使見夷狄強越不書凡伯敗者單使無

衆非戰陳也但言以歸非執也

疏

注戎鳴至西南正義曰傳例有鐘鼓曰

楚丘衛地在濟陰城武縣西南

伐此既言伐知其鳴鐘鼓也杜意言以歸者以彼隨己而已非囚執之辭故云但言以歸非執也杜必知以歸非執者穀梁傳云以歸猶愈乎執也又昭十三年晉人執季孫如以歸若以歸是執何須別起執文明直言以歸者非

執也至如定四年以沈子嘉歸經云殺之哀七年以邾子益來傳云囚諸負暇既有囚殺之文容或是執若直言以歸無囚殺之事者則非執者也春秋有文同事異此即其類也劉君引沈子邾子云以歸者皆執以規杜氏非其義也

傳七年春滕侯卒不書名未同盟也凡諸侯同盟於是稱名故薨則赴以名

盟以名告神故薨亦以名告同盟告終稱嗣也以繼好息民

告亡者之終稱嗣位之主嗣位之主當奉而不忘故曰謂之禮經

此言凡例乃周公所制禮繼好好同則和親故曰息民

經也十一年不告之例又曰不書於策明禮經皆當書於策仲尼脩春秋皆承策爲經丘明之傳博采衆記故始開

凡例特顯此二句他皆放此凡諸至禮經正義曰諸侯者公侯

疏

之主雖爵命小異而俱是國君故總稱諸侯也諸發凡者皆周公之垂法史書之舊章丘明采合舊語以發明史例雖意是舊典而辭出丘明非全寫舊語同盟稱名薨則赴以名是周公之舊典其告終稱嗣以下乃是解釋赴意非舊語也僖二十三年又發例曰凡諸侯同盟死則赴以名禮也直言赴名是禮不言繼好是禮繼好息民是禮之大意非禮之實明是丘明言此以解赴名之意彼云禮也此云謂之禮經其事一也言謂此赴名為禮之常法丘明之意言周公謂之然也謂之禮經雖指此一事諸發凡者莫不盡然以此為例之初故特言之 注此言至放此 正義曰凡例是周公所制其來亦無所出以傳言謂之禮經則是先聖謂之非丘明自謂之也史之書策必有舊法一代大典周公所制故知凡例亦是周公所制此言凡例則云謂之禮經下言凡例則云不書于策以此明所謂禮經皆當書策從傳之首至此始開凡例故特顯此二句二句者謂之禮經是一句與不書于策為二句也然則九年凡

雨自三日以往爲霖不以爲始而遠取十一年云始開凡
例者以九年唯記當國雨雪之事史策舊文非是赴告國
家大事之例夏城中丘書不時也齊侯使夷仲年

來聘結艾之盟也

艾盟在六年

秋宋及鄭平七

月庚申盟于宿公伐邾爲宋討也

公距宋而更與

鄭平欲以鄭爲援今鄭復與宋盟故懼而伐邾欲以求宋故曰爲宋討

初戎朝于周發

幣于公卿凡伯弗賓

朝而發幣於公卿如今計獻詣公府卿寺

冬

王使凡伯來聘還我伐之于楚丘以歸

傳言

凡伯所以見伐

疏

注朝而至卿寺

正義曰朝於天子獻國之所有亦發陳財幣於公卿之府寺如今者如

晉時諸州年終遣會計之吏獻物於天子因令以物詣公府卿寺然自漢以來三公所居謂之府九卿所居謂之寺風俗通曰府聚也公卿牧守府道德之所聚也藏府私府財貨之所聚也寺司也庭有法度令官所止皆曰寺釋名曰寺嗣也治事者相嗣續於其內

陳及鄭平

六年鄭侵陳大獲今乃平

十二月

陳五父如鄭涖盟

涖臨也

壬申及鄭伯盟敵

如忘

志不在於敵血

洩伯曰五父必不免不賴盟

矣

洩伯鄭洩駕

鄭良佐如陳涖盟

良佐鄭大夫

辛巳

及陳侯盟亦知陳之將亂也

入其國觀其政治故揔言之也

皆為桓五年六年陳亂蔡人殺陳佗傳

鄭公子忽在王所故陳侯

請妻之

以忽有王寵故

鄭伯許之乃成昏

齊公以

至出

疏

歆如忘

正義曰歆謂口含血也當斷止之

奔傳

疏

時如似遺忘物然故注云志不在於歆血也

服虔云如而也臨歆而忘其盟載之辭言不精也盟載之辭在於簡策視史讀以告神非歆者自誦之何言忘載辭

也且忘否在心五父終不自言

己忘洩伯安知其忘而譏之

經八年春宋公衛侯遇于垂

垂衛地濟陰句陽縣東北有垂

亭三月鄭伯使宛來歸柩

宛鄭大夫不書氏未賜族柩鄭祀泰山之

邑在琅邪

庚寅我入柩

桓元年乃卒易柩田知此入柩未肯受而有之

疏

注宛鄭至東南

正義曰內鄉貶則去族外鄉貶則稱人外無去族之理今宛無族傳無譏文故知未賜族也傳言

鄭釋泰山之祀使來歸祊知祊是鄭祀泰山之邑鄭以相公之故受邑泰山之下天子祭泰山必從往助祭使共湯沐焉故公羊謂之湯沐之邑既有此邑因立別廟劉炫云言祀泰山之邑者謂泰山之旁有此邑邑內有鄭宗廟之祀蓋祀相武之神

夏六月己亥蔡侯考父卒

無傳襄六年傳

曰杞桓公卒始赴以名同盟故也諸侯同盟稱名者非唯見在位二君也常與其父同盟則亦以名赴其子亦所以繼好也蔡未與隱盟蓋春秋前與惠公盟故赴以名疏注襄六至以名正義曰杞桓公者蔡自春秋以來未與魯盟疑與惠公同盟故引杞桓為例杞桓與成公同盟而以名赴襄公傳曰同盟故也則與其父盟得以名赴其子故疑蔡與惠公同盟故以名赴隱也同盟稱名則兩君相知君既知之則國內皆知故彼與彼盟彼君雖在此子不得以其名赴以此名未與彼君

對稱故也

辛亥宿男卒

無傳元年宋魯大夫盟于宿與盟也晉荀偃禱河稱齊晉

名然後自稱名知雖大夫出盟亦當先稱已君之名以答神明故薨皆從身盟之例當告以名也傳例曰赴以名則亦書之不然則否辟不敏也今宿赴不以名故亦不書名諸例或發於始事或發於後者因宜有所異同亦或丘明所得記注本末

疏

注元年至備故正義曰於例盟以國地則地主與之元年盟于宿知宿

不能皆備故與盟也魯宋俱是微人宿君必不親與知宿亦大夫盟也盟禱雖異俱是告神荀偃之禱先稱君名知大夫聚盟亦各稱君名臣盟既稱君名則君薨得以名赴宿君之卒宜以名赴魯今宿男不名自不以名赴非法不得也故引僖二十三年傳例以明之言其赴不以名雖知亦不得書也諸君不親盟而以名赴魯注云大夫盟於某者義皆出此衛懿隆難杜云周人以諱事神臣子何得以君之名告神又荀偃禱河一時之事耳非正禮也何得知大夫盟先稱

君名乎杜必爲此解者以諱事神謂諱神之名以事其神若祭祖而諱祖之類山川之神尊於諸侯故尚書武成告名山大川云有道周王發則荀偃禱河自稱君名於理何怪杜云諸例或發於始事或發於後者若七年滕侯卒傳曰凡諸侯同盟於是稱名及桓二年公至自唐凡公行告于宗廟是或發於始事也宣四年凡弑君稱君及僖二十六年凡師能左右之曰以是或發於後也云因宜有所異同者宣四年鄭公子歸生弑君嫌歸生無罪及宣五年高固來逆叔姬嫌見偏成昏故傳因以明之是也云亦或丘明所得記注本末不能皆備者但杜又自疑以爲諸例皆應從始事而發在後發者以記注周公舊凡不繫於始事繫於後事丘明作傳因記注所繫遂以發之如杜此言則周公舊凡於記注之文散在諸事丘明作傳因記注之文發例故或先或後也

宋公齊侯衛侯盟于瓦屋

齊侯尊宋使主會故宋公序齊上瓦屋周

秋七月庚午

地

疏

注齊侯至周地 正義曰春秋之例國以大小為序外傳鄆語云齊莊僖於是乎小伯此齊侯即位

公也此盟平宋衛也齊為會主則齊宜在上今宋在齊上故特解之由宋敬齊侯與衛先過故齊侯尊宋使為會主瓦屋既闕知是周地者以其會于溫盟于瓦屋會盟不得相遠溫是周地知瓦屋亦周地也 八月葬

蔡宣公

無傳三月而葬速

九月辛卯公及莒人盟

于浮來

莒人微者不嫌敵公侯故直稱公例在僖二十九年浮來紀邑東莞縣北有邳鄉邳鄉西

有公來山號

疏

注莒人至來間 正義曰僖二十九年公會王子虎及諸侯之卿盟于翟泉沒

曰邳來間 公不言貶卿稱人直言會某人某人傳曰卿不書罪之也在禮卿不會公侯會伯子男可也此莒人乃對會公侯故解之莒是小國卿當稱人非貶辭也 螟 冬十有

微者不嫌能敵公侯故直稱公也

螟

無傳為災

冬十有

二月無駭卒

公不與小敘故不書曰卒而後賜族故不書氏

傳八年春齊侯將平宋衛

平宋衛於鄭

有會期

宋公以幣請於衛請先相見

宋敬齊命

衛侯許

之故遇于大丘

大丘垂也地有兩名

疏

注大丘至兩名正義曰地有兩名新舊

改易者傳則言實以明之若二名俱存者傳則錯經以見之此文立與垂兩名俱存故傳不言實釋例曰若一地二名當時並存則直兩文互見黑髮大丘時來之是也猶鄭大夫名氏互見非例也

鄭伯請釋

泰山之祀而祀周公以泰山之祊易許田

三月鄭伯使宛來歸祊不祀泰山也

成王管王城有

遷都之志故賜周公許田以爲魯國朝宿之邑後世因而立周公別廟焉鄭桓公周宣王之母弟封鄭有助祭泰山湯沐之邑在枋鄭以天子不能復巡狩故欲以枋易許田各從本國所近之宜恐魯以周公別廟爲疑故云已廢泰山之祀而欲爲魯祀周公孫

疏

注成王至之田正義曰成王營邑於洛以爲

居土之中貢賦路均將於洛邑受朝許田近於王城故賜周公許田以爲魯國朝宿之邑詩魯頌曰居常與許復周公之字是周公得許田也公羊傳曰許田者何魯朝宿之邑也是許田爲魯朝宿之邑鄭請易許田而求祀周公故知後世因在許田之中而立周公別廟焉鄭桓公以周宣王之母弟故於泰山之下亦受枋田以爲湯沐之邑枋邑內亦有鄭先君別廟此時周室既衰王不巡守鄭以天子不復巡守則泰山之祀既廢枋無所用故欲以枋易許許田近鄭枋田近魯各從本國所近之宜也魯以許田奉周公之祀易其田則廢其祀恐魯以周公別廟爲疑慮將不

許云已廢泰山之祀而欲爲魯祀周公言其得說田周公之祀不絕也云已廢泰山之祀者謂天子不復巡守鄭家已廢此助祭泰山祭祀之事無所祭祀故欲爲魯祀周公其實廢來已久今始云已廢者欲爲魯祀周公故云已廢耳方便遜辭以求於魯也定四年祝佗言康叔之受分物云取於有閭之土以共王職取於相土之東都相土之東都猶鄭之祊邑也鄭近京師無假朝宿魯近泰山不須湯沐各受其一衛以道路並遠故兩皆有之禮記王制曰方伯爲朝天子皆有湯沐之邑於天子之縣內然則朝宿之邑亦各湯沐但向京師主爲朝王從王巡守主爲助祭祭必沐浴隨事立名朝宿湯沐亦互言之耳異義左氏說諸侯有大功德乃有朝宿湯沐之邑公羊說以爲諸侯皆有朝宿湯沐之邑許慎以公羊爲非則杜意亦從許慎也公羊傳曰此魯朝宿之邑也則曷爲謂之許田諱取周田也諱取周田則曷爲謂之許田繫之許也曷爲繫之許近許也杜言近許之

田是周公羊爲說杜依公羊之傳邑實近許故以許爲名
劉君更無所馮直云別有許邑邑自名許非由近許國始
名爲許以規杜
氏非其義也
夏虢公忌父始作卿士于周

於此遂四月甲辰鄭公子忽如陳逆婦嬀辛

亥以嬀氏歸甲寅入于鄭陳鍼子送女先

配而後祖鍼子曰是不爲夫婦誣其祖矣

非禮也何以能育鍼子陳大夫禮逆婦必先告祖廟而後行故楚公子圍稱告莊

共之廟鄭忽先逆婦而後疏注鍼子至後祖正義曰

告廟故曰先配而後祖先配後祖多有異說賈逵
以配爲成夫婦也禮齊而未配三月廟見然後配案昏禮
親迎之夜祗席相連是士禮不待三月也馬氏金山四曰

即去而有啓生焉亦不三月乃配是賈之說也。鄭以配爲同牢食也。先食而後祭祖無敬神之心。故曰誣其祖也。案昏禮婦既入門即設同牢之饌。其間無祭祀之事。先祭乃食。禮無此文。是鄭之妄也。鄭玄以祖爲較道之祭也。先爲配匹而後祖。道言未去而行配。案傳既言入于鄭乃云先配而後祖。寧是未去之事也。若未去先配則鉞子在陳。譏之何須云送女也。此三說皆滯。故杜引楚公子圍告廟之事言鄭忽先逆婦而後告廟。故曰先配而後祖。此時忽父見在。計告廟以否當是莊公之事。而譏忽者楚公子圍亦人臣矣。而自布几筵告於莊公之廟。不言稟君之命。知逆者雖受父命。當自告廟。且忽先爲配匹而後告祖。見其告祖方始譏之。知忽自告祖也。或可鄭伯爲忽娶妻。先逆而後告廟。鉞子見而譏之。公子圍告廟者專權自由耳。非正也。

齊人卒平宋衛于

鄭秋會于溫盟于瓦屋以釋東門之役禮

也

會溫不書不以告也定國息民故曰也平宋衛二國忿鄭之謀鄭不與盟故不書

八月丙

戌鄭伯以齊人朝王禮也

言鄭伯不以號公得政而皆王故禮之齊

稱人略從國辭上有七月庚午下有九月辛卯則八月不得有丙戌

疏

注言鄭至丙戌正義曰庚午之後

十六日而有丙戌二十一日而有辛卯七月有庚午九月有辛卯其間不容一月是八月不得有丙戌更遙一周則

丙戌去庚午七十七日八月亦不得有丙戌是明丙戌爲日誤長歷推七月丁卯朔四日庚午至二十日是丙戌九月丙寅朔二十六日辛卯其月二十一日是丙戌八月小

丁酉朔十日丙午二十日丙辰二日戊戌十四日庚戌二十

十六日壬戌未知丙戌二字孰爲誤也不直云日誤而檢上下者因傳明文故顯言之他皆放此

公及

二年紀莒盟于密

莒人盟于浮來以成紀好也

爲魯公尋之

故曰以冬齊侯使來告成三國齊侯三國公

使眾仲對曰君釋三國之圖以鳩其民君

之惠也寡君聞命矣敢不承受君之明德

鳩集也無駭卒羽父請謚與族公問族於眾

仲眾仲對曰天子建德立有德以因生以賜

姓因其所由生以賜姓謂若昨之土而命之氏

報之以土而諸侯以字諸侯位卑不得賜姓故為

謚因以為族或便即先人之官有世功則有

官族邑亦如之

謂取其舊官舊邑之稱以爲族皆稟之時君

公命以

字爲展氏

諸侯之子稱公子公子之子稱公孫公孫之子以王父字爲氏無駭公子展之孫故

爲展

疏

注因其至媯姓正義曰陳世家云陳胡公

氏

滿者虞帝舜之後也昔舜爲庶人時居于媯

汭其後因爲氏姓媯氏武王克殷得媯滿封之於陳是舜由媯汭故陳爲媯姓也案世本帝舜姚姓哀元年傳稱虞思妻少康以二姚是自舜以下猶姓姚也昭八年傳曰及胡公不淫故周賜之姓是胡公始姓媯耳史記以爲胡公之前已姓媯非也注報之至曰陳正義曰胙訓報也有德之人必有美報報之以土謂封之以國名以爲之氏諸侯之氏則國名是也周語曰帝嘉禹德賜姓曰姒氏曰有夏胙四岳國賜姓曰姜氏曰有呂亦與賜姓曰媯命氏曰陳其事同也姓者生也以此爲祖令之相生雖下及百世而此姓不改族者屬也與其子孫共百世其旁支

別屬則各自立氏禮記大傳曰繫之以姓而別百世而
昏姻不通者周道然也是言子孫當共姓也其上文云庶
姓別於上而戚單於下是言子孫當別氏也氏猶家也傳
稱盟于子胥氏逐癭狗入於華臣氏如此之類皆謂家爲
氏氏族一也所從言之異耳釋例曰別而稱之謂之氏合
而言之則曰族例言別合者若宋之華元華喜皆出戴公
向魚鱗蕩共出桓公獨舉其人則云華氏向氏并指其宗
則云戴族桓族是其別合之異也記謂之庶姓者以始祖
爲王姓高祖爲庶姓庶姓亦氏族之別名也姓則受之於
天子族則稟之於時君天下之廣兆民之衆非君所賜皆
有於者人君之賜姓賜族爲此姓此族之始祖耳其不賜
者各從父之姓族非復人人賜也晉語稱黃帝之子二十
五人其得姓者十二人天子之子尚不得姓況餘人哉固
當從其父耳黃帝之子兄弟異姓周之子孫皆姓姬者古
今不同質文代革周代尚文欲令子孫相親故不使別姓
其賜姓者亦少唯外姓媯滿之徒耳賜族者有人功德宜

世享祀者方始賜之無大功德任其興衰者則不賜之不
賜之者公之同姓蓋亦自氏祖字其異姓則有舊族可稱
不世其祿不須賜也衆仲以天子得封建諸侯故云胙土
命氏據諸侯言耳其王朝大夫不封爲國君者亦當王賜
之族何則春秋之世有尹氏武氏之徒明亦天子賜之與
諸侯之臣義無異也此無駭是卿羽父爲之請族蓋爲卿
乃賜族大夫以下或不賜也諸侯之臣卿爲其極旣登極
位理合建家若其父祖微賤此人新升爲卿以其位絕等
倫其族不復因故身未被賜無族可稱魯挾鄭宛皆未賜
族故單稱名也或身以才舉暫升卿位功德猶薄未足立
家則雖爲卿竟不賜族羽父爲無駭請族知其皆由時命
非例得之也華督生立華氏知其恐慮不得故早求之也
由此而言明有竟無族者魯之翬挾柔溺名見於經而其
後無聞是或不得族也其士會之帑處秦者爲劉氏伍員
之子在齊爲王孫氏外傳稱知果知知伯之將滅自別其
族爲輔氏如此之類皆是身自爲之非復晉賜等列曰子

孫繁衍枝布葉分始承其本末取其別故其流至於百姓萬姓其言自有百姓萬姓未必皆君賜也晉語稱炎帝姓姜則伯夷炎帝之後姜自是其本姓而云賜姓曰姜者黃帝之後別姓非一自以姜姓賜伯夷更使爲一姓之祖耳非復因舊姓也猶后稷別姓姬不是因黃帝姓也諸侯至爲族正義曰杜意諸侯以字言賜先人字爲族也爲謚因以爲族謂賜族雖以先人之字或用先人所爲之謚因將爲族以謚爲族者衛齊惡宋戴惡之類是也而劉君乃稱以謚爲族全無一人妄規杜氏非其義也死後賜族乃是正法春秋之世亦有非禮生賜族者華督是也釋例曰舊說以爲大夫有功德者則生賜族非也至於鄭祭仲爲祭封人後升爲卿經書祭仲似生賜族者檢傳既無同華氏之文則祭者是仲之舊氏也諸侯以字字有二等檀弓曰幼名冠字五十以伯仲周道也然則二十有加冠之字又有伯仲叔季爲長幼之字二者皆可以爲氏矣服虔云公之母弟則以長幼爲氏貴適統伯仲叔季是也庶公

子則以配字爲氏尊公族展氏臧氏是也索鄭子人者鄭
公之弟桓十四年鄭伯使其弟語來盟即其人也而其
後爲子人氏不以仲叔爲氏則服言公之母弟以長幼爲
氏其事未必然也杜以慶父叔牙與莊公異母自然仲叔
非母弟族矣其或以二十之字或以長幼之字蓋出自時
君之命也叔肸稱叔不稱孫而三桓皆稱孫俱氏長幼之
字自不同也臧氏稱孫展氏不稱孫俱氏二十之字自不
同也然則稱孫與不稱孫蓋出其家之意未必由君賜也
以字爲族者謂公之曾孫以王父之字爲族也諸侯之子
稱公子公子之子稱公孫公子公孫繫公之常言非族也
其或貶貴則亦與族同成十四年叔孫僑如如齊逆女傳
曰稱族尊君命也僑如以夫人婦姜氏至自齊傳曰舍族
尊夫人也宣元年公子遂如齊逆女遂以夫人至事與僑
如正同其傳直云尊君命尊夫人不言稱族舍族既非氏
族則不待君賜自稱之矣至於公孫之子不復得稱公曾
孫如無駭之輩直以名行及其死也則賜之族以其王父

之字爲族也此無疑是公之曾孫公之曾孫必須有族故
歐曾孫爲文言以王父字耳公之曾孫正法死後賜族亦
有未死則有族者則叔孫得臣是也公子公孫於身必無
賜族之理經書季友仲遂叔肝者皆是以字配名連言之
故杜注並云字也其蕩伯姬者公子蕩之妻不可言公子
伯姬故繫於夫字言蕩伯姬蕩非當時之氏其傳云立叔
孫氏臧僖伯臧哀伯叔孫戴伯之徒皆傳家據後追言之
耳其公孟彊世本以爲靈公之子字公孟名彊與季友仲
遂相似俱以字配名劉炫不達此旨妄規杜過非也必如
劉解生賜族之文證在何處其公之曾孫玄孫以外爰及
異姓有新升爲卿君賜之族蓋以此卿之字卽爲此族索
世本宋督是戴公之孫好父說之子華父是督之字計督
是公孫耳未合賜族應死後其子乃賜族故杜云督未死
而賜族督之妄也沈亦云督之子方可有族耳注謂取
至時君正義曰舊官謂若晉之士氏舊邑若韓魏趙氏
非是君賜則不得爲族嫌其居官邑不待公命故云皆與

之時君此謂同姓異姓皆然也服虔止謂異姓又引宋司城韓魏爲證韓與司城非異姓司城又自爲樂氏不以司城爲族也

經九年春天王使南季來聘

無傳南季天子大夫也南氏季

也字三月癸酉大雨震電庚辰大雨雪

三月今正

月**疏**

大雨震電正義曰說文云震劈歷震物者電陰陽激曜也河圖云陰陽相薄爲雷陰激陽爲電然

則震是雷之劈歷電是雷光僖十五年震夷伯之廟是劈歷破之雷之甚者爲震故何休云震雷也大雨雪正義曰說文云雨水從雲下也然則雨者天上下水之名既見雨從天下自上下者因即以雨言之雨蝻亦稱爲雨故下雪稱雨雪也平原出水爲大水直書大水平地尺爲大雪不直書大雪而云大雨雪者水則從天入地出地乃爲

多見其在地之多言其出水之大故不言大雨水雪則自天而天下即委之於地見其自上而下言其下雪之多故言大雨雪水則俯視雪則仰觀故

挾卒

無傳挾魯大夫未賜族

夏城郎秋七月冬公會齊侯于防

防魯地在琅邪華縣

商東

傳九年春王三月癸酉大雨霖以震書始

也

書癸酉始雨日

庚辰大雨雪亦如之書時失也

夏之正月微陽始出未可震電既震電又不當大雨雪故皆為時失

凡雨自三日以

往為霖

此解經書霖也而經無霖字經誤

平地尺為大雪

䟽

注此解至經誤

正義曰傳發凡以解經若經無霖字則

傳無由發故知經誤然則經當如傳言大雨霖以震不當

云大雨震電是經脫霖

以三字而妄加電也

夏城郎書不時也宋公

不王

不共王職

鄭伯爲王左卿士以王命討之

伐宋宋以入郭之役怨公不告命

入郭在五

年伐邾欲以說宋而宋猶不和也

公怒絕宋使秋鄭人以王命

來告伐宋

遣使致王命也伐宋未得志故復更告之

冬公會齊侯

于防謀伐宋也北戎侵鄭鄭伯禦之患戎

師曰彼徒我車懼其侵軼我也

徒步兵也軼突也

公

子突曰使勇而無剛者嘗寇而速去之

子公

突鄭厲公也嘗試也勇則能往無剛不耻退

君為三覆以待之

覆伏兵也

戎輕而不整貪而無親勝不相讓敗不相

救先者見獲必務進進而遇覆必速奔後

者不救則無繼矣乃可以逞

逞解也

從之戎

人之前遇覆者奔祝聃逐之

祝聃鄭大夫

衷戎

師前後擊之盡殪

為三部伏兵祝聃帥勇而無剛者先犯戎而速奔以遇二伏兵

至後伏兵起戎還走祝聃反逐之戎前後及中三處受敵故曰衷戎師殪死也

戎師大奔

駐後

軍不復

十一月甲寅鄭人大敗戎師

此皆春秋時事雖經無正

丈所謂必廣記而備言之將令學者原始要終尋其枝葉究其所窮他皆放此

疏

正義曰嘗寇

遽去知戎必逐之逐其去者必有所獲獲謂獲鄭人也在先者見逐有所獲不復顧後必務在速進謂棄其後者獨自先進進而遇覆必速迴奔走後者不救則是無繼續矣無繼則易敗如是乃可以解患服虔云先者見獲言必不往相救各自務進言其貪利也其言見獲者當謂戎被鄭獲也鄭人速去以誘之安得獲戎也在先者已被鄭獲重進者將復為虜各自務進欲何所貪而云貪利也此則不言可解無故以解亂之注為三至死也 正義曰前後及中三處受敵者前謂第一伏逆其前也後謂祝聃與後伏逐其後也中謂第二伏擊其中也曠戎師者謂戎師在三伏之中殲死也釋詁文 十一月至戎師正義曰此即上傳所說擊戎之事史官得其戰狀乃裁約為之辭經之所陳皆是此類既不書經故準經為文以摠之

經十年春王二月公會齊侯鄭伯于中立

傳言正月會癸丑盟釋例推經傳日月
癸丑是正月二十六日知經二月誤夏暉帥師會

齊人鄭人伐宋

公子暉不待公命而貪會二國之
君疾其專進故去氏齊鄭以公不

至故亦更使微者從之伐宋不言及明
暉專行非鄧之謀也及例在宣七年

疏

注公子至七
年正義曰

傳稱羽父先會齊侯鄭伯是不待公命也貪會二國之君
自求其名時史疾其專進故貶去公子公子義與氏同故
以氏言之中丘之會計君自親行今齊鄭稱人是使微者
從之也於例師出與謀曰及傳稱盟于鄧為師期公既與
謀計當書及今乃言會明其以暉專行非鄧之謀釋例曰
公命伐宋羽父不斥君以速進而先會二國自以為名故
貶去其族齊鄭侯伯鄭伯又為王卿士二君奉王命以討
不惡羽父之專進故使與微者同伐動而無功故無成敗

案四年鞏固請而行故貶去其氏此直言羽父先會齊侯鄭伯無固請之文亦貶之者又公子豫會邾人鄭人以不待公命而經不書此鞏亦不待公命而經書者鞏於四年傳稱固請明此先會亦固請也傳於四年其文已詳故於此而略耳豫會邾人鄭人本非公命故不書此則公會齊鄭于中丘已為師期鞏又請公先會先會則是君命故以書

六月壬戌公敗宋師于菅

齊鄭後期故公獨敗宋師

書敗宋未陳也敗例在莊十一年菅宋地

疏

注齊鄭至宋地公會齊侯鄭伯于老挑然後公

正義曰案傳

敗宋師則知老挑之會謀與宋戰彼與公謀戰而公獨敗宋師知齊鄭後期也

辛未取郕辛

已取防

鄭後至得郕防二邑歸功于魯故書取明不用師待也濟陰城武縣東南有郕城高平昌邑縣

西南有西防城

秋宋人衛人入鄭宋人蔡人衛人

伐戴鄭伯伐取之

三國伐戴鄭伯因其不和伐而取之書伐用師徒也書取克之

易也戴國今陳留外
舊縣東南有戴城

疏

注三國至戴城正義曰案傳例克邑不用師徒曰取然則取

者據克邑之易今此克得軍師亦稱取者但取者雖據克邑之文其克得師衆而易者亦曰取是以莊十一年注云
威力兼備若羅網所掩覆一軍皆見禽制若非前敵之易何能覆而取之故釋例曰如取如攜然則凡言取者皆易
辭劉君以取之非易而規杜氏非也沈氏亦云今日國明日取故知易也公羊傳曰其言伐取之何易也是杜所用
之義地理志云梁國留縣故戴國應劭曰章帝改曰考城
古者留戴聲伯近故鄭玄詩箋讀假戴爲熾苗是其音大
同故漢於戴國立
留縣於晉屬陳留

冬十月壬午齊人鄭人入郕

得十年春王正月公會齊侯鄭伯于中丘

癸丑盟于鄧爲師期

尋九年會于防謀伐宋也公既會而盟盟不書非後

也蓋公還告會而不告盟鄧魯地

疏

注尋九至魯地正義曰九年傳稱會于防謀伐宋未及伐宋而更

爲此會爲師伐宋之期知是尋防會也釋例曰盟于鄧盟于犂盟于戚公既在會而不書盟者以理推之會在盟前

知非後盟也蓋公還告會而不告盟

夏五月羽父先會齊侯鄭伯

伐宋

言先會明非公本期釋聲之去族

六月戊申公會齊侯鄭

伯于老桃

會不書不告於廟也老桃宋地六月無戊申戊申五月二十三日日誤

疏

注會不至日誤

正義曰六月無戊申者下有辛巳取防亦在六月之內戊申在辛巳之前三十三日不得共在一

月上有五月今別言六月知日誤月不誤長歷推壬戌六月丙辰朔三日戊午五日庚申未知二者孰誤

公敗宋師于菅庚午鄭師入郕辛未歸于

我庚辰鄭師入防辛巳歸于我

壬戌六月七日庚午十五

日庚辰二十五日鄭伯後期而公獨敗宋師故鄭頻獨進兵以入郕防入而不有命魯取之推功上爵讓以自替不

有其實故經但書魯取以成鄭志善之也

君子謂鄭莊公於是乎可

謂正矣以王命討不庭

下之事上皆成禮於庭中

不貪其

土以勞王爵正之體也

勞者叙其勤以答之諸侯相朝逆之以饗餼謂之郊

勞魯侯爵尊鄭伯爵卑故言以勞王爵

疏

注勞者至王爵賓至于近郊君使卿朝服用束

正義曰聘禮

勞觀禮至于近郊王使人皮弁用璧勞周禮司儀曰諸公相為賓主君郊勞皆不言以饗餼勞案禮饗餼乃是既相

見致大禮不應於郊以設之杜意蓋以孰食曰麥生牲口
饋以勞客於郊必有牲饌故以饗餼言之非謂大禮之饗
饋也勞禮大行人云上公三勞近郊勞一也遠郊勞二也
竟首勞三也侯伯再勞去竟首子男一勞去遠郊凡近郊
勞皆君自行遠郊使卿竟首使大夫掌客又云上公五積
皆祗飧牽侯伯四積子男三積是賓入竟之後有致積之
禮積雖是牽亦或有孰或在郊致積故謂之郊勞沈依聘
禮注其郊之遠近上公遠郊五十里侯伯三十里子男十

里近郊
各半之
蔡人衛人邠人不會王命不伐宋也秋七

月庚寅鄭師入郊猶在郊鄭師還駐兵於遠郊宋人衛

人入鄭宋衛奇兵乘虛入鄭蔡人從之伐戴從宋衛伐戴也八

月壬戌鄭伯圍戴癸亥克之取三師焉三國

之軍在戴故鄭伯合圍之師者軍旅之通稱

宋衛既入鄭而以伐戴

召蔡人

伐戴乃召之

蔡人怒故不和而敗

言鄭取之易也

疏

注三國至通稱伯合圍之不言圍戴者本意圍三師不圍戴也不言

圍三師者今日圍明日取圍之不久經以取告不以圍告三國經皆稱人於例為將卑師少而傳言三師故辨之師

者軍旅之通稱九月戊寅鄭伯入宋

報入鄭也九月無戊寅戊寅八月二十四

疏

注報入至四日正義曰九月無戊寅者經有十月壬午長歷推壬午十月二十九日戊寅在壬午

之前四日耳故九月不得有戊寅

上有八月下有冬則誤在日也冬齊人鄭人入

成討違主命也

成討違主命也

經十有一年春滕侯薛侯來朝

諸侯州朝例在文十五年

疏

十有一年至來朝正義曰十下言有者于寶云十盈則更始以奇從盈數故言有也經備文傳從略故傳不言有

桓七年穀伯鄧侯別言來朝此兼言來朝者彼別行禮此同行禮由同時行禮當長者在先故爭之

夏公

會鄭伯于時來

時來邾也焚陽縣東有釐城鄭地也

秋七月壬

午公及齊侯鄭伯入許

與謀曰及還使許叔居之故不言滅也許潁川許昌

縣

疏

注與謀至昌縣正義曰與謀曰及宣七年傳例也傳稱會于邾謀伐許是公與謀也譜云許姜姓

與齊同祖堯四嶽伯夷之後也周武王封其苗裔文叔于許今潁川許昌是也靈公徙葉悼公遷夷一名城父又居析一名白羽許男斯處容城自文叔至莊公十一世始見春秋元公子結元年獲麟之歲也當戰國初楚滅之地理

志云潁川郡許縣故許國文叔所封二十四世為
楚所滅也漢世名許縣耳魏武作相改曰許昌

冬十

有一月壬辰公薨

實弒書薨又不地者史策所諱也

疏

注實弒至諱也

正義曰他君見弒則書弒魯君見弒則書薨公薨例皆地此公又不地故解之言魯史策書所諱也不忍言君之見弒又不忍言其僇尸之處諱而不書故夫子因之傳不言書曰知是舊史諱之也董狐書趙盾弒君仲尼謂之良史不書君弒則是史之不良夫子不改其文而因之者為人臣者或心實愛君為諱愆過或志在疾惡故章賊名雖事跡不同而俱是為國聖賢兩通其事欲見仁非一涂僖元年傳曰諱國惡禮也以仲尼之善董狐知為史必須直也以丘明之禮諱惡知為史又當諱也釋例曰臣之事君猶子事父微諫見志造膝詭辭執其是而諫其非不必其得為臣狀將然而將順其已然故有隱諱之義焉至於激節之士則不然南史執簡而累進董狐書法而不隱董奉執

君而自別晏嬰端委而引直聖賢亦錄而善之所以廣義訓博大道殷有三仁此之謂也是言聖賢兩通之意也鄭伯鼠頑楚子麇齊侯陽生之徒俱實見弑而以卒赴魯是他國之臣亦有諱國惡者非獨魯史也

傳十一年春滕侯薛侯來朝爭長

薛魯國薛縣

薛侯曰我先封

薛祖奚仲夏所封在周之前

滕侯曰我周

之上正也

上正上官之長

薛庶姓也我不可以後

之

庶姓非周之同姓

公使羽父請於薛侯曰君與滕

君辱在寡人周諺有之曰山有木工則度

之賓有禮主則擇之

擇所宜而行之

周之宗盟異姓

為後

盟載書皆先同姓例在定四年

寡人若朝于薛不敢與

諸任齒

薛任姓齒列也

君若辱貺寡人則願以滕

君為請薛侯許之乃長滕侯

疏

注薛魯國薛縣正義曰

譜云薛任姓黃帝之苗裔奚仲封為薛侯今魯國薛縣是也奚仲遷于邳仲虺居薛以為湯左相武王復以其冑為薛侯齊桓霸諸侯黜為伯獻公始與魯同盟小國無記世不可知亦不知為誰所滅地理志云魯國薛縣夏車正奚

仲所國後遷于邳湯相仲虺居之

注薛祖至之前正義曰

義曰定元年傳曰薛之皇祖奚仲居薛以為夏車正是夏

所封也

注卜正卜官之長

正義曰周禮春官大卜下

大夫二人其下有卜師卜人龜人筮人大卜為之長正訓

長也故謂之卜正

注庶姓至姓也

正義曰周禮司儀

職云詔王儀南鄉見諸侯土揖庶姓時揖異姓天揖同姓

鄭玄云庶姓無親者也異姓昏姻者也是庶姓非同姓也周之至爲後正義曰賈逵以宗爲尊服虔以宗盟爲宗之盟孫毓以爲宗伯屬官掌作盟詛之載辭故曰宗杜無明解盟之尊卑自有定法不得言尊盟也周禮司之官乃是司寇之屬非宗伯也唯服之言得其旨矣而孫毓難服云同宗之盟則無與異姓何論先後若通共同盟則何稱於宗斯不然矣天子之盟諸侯令其共獎王室未聞離迤異姓獨與同宗者也但周人貴親先叙同姓以其篤於宗族是故謂之宗盟魯人之爲此言見其重宗之義執其宗盟之文即云無與異姓然則公與族燕則異姓爲賓復言族燕不得有異姓也孟軻所云說詩者不以辭害意此之謂也異姓爲後者謂王官之伯降臨諸侯以王命而盟者耳其春秋之世狎主齊盟者則不復先姬姓也踐土之盟其載書云王若曰晉重魯申是用王命而盟也召陵之會劉子在焉故祝佗引踐土爲比爲有王官故也宋之盟楚屈建先於趙武明是大國在前不先姬姓若姬姓常

先則楚不得競也且言周之宗盟是唯周乃然故釋例曰
斥周而言指謂王官之宰臨盟者也其餘雜盟未必皆然
是言餘盟不先姬姓盟則同姓在先朝則各從其爵故鄭
康成注禮記云朝覲爵同同位若然案覲禮曰諸侯前朝
皆受舍于朝同姓西面北上異姓東面北上鄭玄云言諸
侯明來朝者衆矣顧其入覲不得並耳分別同姓異姓受
之將有先後也若如此言則似朝覲不以爵者但朝覲實
以爵同同位就爵同之中先同姓後異姓若盟則爵雖不
同先同姓也禮記周公朝諸侯于明堂之位三公中階之
前北面東上諸侯之位阼階之東西面北上諸伯之國西
階之西東面北上諸子之國門東北面東上諸男之國門
西北面東上觀禮於方明之壇鄭言諸侯見王之位亦引
明堂位爲說是則諸侯揔見皆以爵爲班雖不分別同姓
異姓其受禮之時爵同者猶先同姓也其王官之伯臨諸
侯之盟雖羣后咸在常先同姓故此言宗盟耳取重宗之
率以喻己也取譬之事聊舉一邊寡人若朝于薛不敢與

諸任齒朝於彼國自可下主國之宗諸侯聚盟不肯先盟
主之宗也注薛任姓齒列也正義曰世本氏姓篇云

任姓謝章薛舒呂祝終泉畢過言此十國皆任姓也禮記
文王世子曰古者謂年齡齒亦齡也然則齒是年之別名

人以年齒相次列以爵位相
次列亦名為齒故云齒列也夏公會鄭伯于邾謀

伐許也鄭伯將伐許五月甲辰授兵於大

宮大宮鄭祖廟公孫閱與潁考叔爭車公孫閱鄭大夫

潁考叔挾輶以走輶車轅也子都拔棘以逐之

子都公孫閱棘戟也及大達弗及子都怒達道方九軌也秋七月

公會齊侯鄭伯伐許庚辰傅于許傅於許城下

穎考叔取鄭伯之旗蝥弧以先登蝥弧旗名子

都自下射之顛顛隊而死瑕叔盈又以蝥弧登

瑕叔盈鄭大夫周麾而呼曰君登矣周偏也麾切也鄭師畢

登壬午遂入許許莊公奔衛奔不書兵亂遁逃未知所

在齊侯以許讓公公曰君謂許不共不共職貢故

從君討之許既伏其罪矣雖君有命寡人

弗敢與聞乃與鄭人鄭伯使許大夫百里

奉許叔以居許東偏許叔許莊公之弟東偏東鄙也曰天禍許

國鬼神實不逞于許君而假手于我寡人

借手于我寡德之人以討許

寡人唯是一二父兄不能共

億

父兄同姓羣臣共給億安也

其敢以許自爲功乎寡人

有弟不能和協而使餬其口於四方

弟共叔段也餬

鬻也段出奔在元年

其況能久有許乎吾子其奉許叔

以撫柔此民也吾將使獲也佐吾子

獲鄭大夫公孫

獲若寡人得没于地

以壽終

天其以禮悔禍

于許

言天加禮於許而悔禍之

無寧茲許公復奉其社稷

無寧寧也

茲此也一唯我鄭國之有請謁焉如舊昏媾

謁告也婦之父

曰昏重昏曰媾

其能降以相從也

降降心也

無滋他族

實偪處此以與我鄭國爭此土也吾子孫

其覆亡之不暇而況能經祀許乎

繫齊以享謂之經祀

謂許山川之祀

寡人之使吾子處此不唯許國之爲

亦聊以固吾圉也

圉邊垂也

乃使公孫獲處許

西偏曰凡而器用財賄無寘於許我死乃

亟去之吾先君新邑於此

此今河南新鄭舊鄭在京兆

王

室而既卑矣周之子孫日失其序

鄭亦周之子孫

夫許大岳之胤也

大岳神農之後竟四岳也胤繼也

天而黜厥

周德矣吾其能與許爭乎君子謂鄭莊公

於是乎有禮禮經國家定社稷序民人利

後嗣者也許無刑而伐之服而舍之

刑法也

度德而處之量力而行之相時而動無累

後人

我死乃亟去之無累後人

可謂知禮矣鄭伯使卒出

殽行出大雞以詛射穎考叔者

百人爲卒二十五人爲行

行亦卒之行列疾射穎考叔者故令卒及行間皆詛之

君子謂鄭莊公失政

刑矣政以治民刑以正邪既無德政又無

威刑是以及邪

大臣不睦又不

邪而詛之將何

益矣

疏

挾轉以走正義曰廟內投車未有馬駕故手挾以走轉轉也古言云楚衛謂轉為轉

應云考叔挾車轉箠馬而走古者兵車一轉服馬夾之若馬已往轉不可復挾且箠馬而走非捷步所及子都豈復

乘車逐之

注達道方九軌也

正義曰冬官考工記匠

人於宮國經涂九軌軌車轍謂王城之內道廣並九車也爾

雅釋官云一達謂之道路二達謂之岐旁三達謂之劇旁

四達謂之衢五達謂之康六達謂之莊七達謂之劇駮八

達謂之崇期九達謂之達說爾雅者皆以為四道交出復

有方通故劉炫說過以達為九道交出也今以為道方九

軌者蓋以九出之道世俗所希不應城內得有此道以記
有九軌故以達當之言並容九軌皆得前達亦是九達之
義故李巡注爾雅亦取並軌之義又涂方九軌天子之制
諸侯之國不得皆有唯鄭城之內獨有其涂故傳於鄭國
每言達也故桓十四年焚渠門入及大達莊二十八年衆
車入自純門及達市宣十二年入自皇門至于達路劉君
以爲國國皆有達道以規杜氏其義非也 注螫弧旗名
正義曰周禮諸侯建旂孤卿建旌而左傳鄭有螫弧齊有
靈姑鉦皆諸侯之旗也趙簡子有蜂旗卿之旗也其名當
時爲之其義不可知也 注第共至元年 正義曰莊公
之弟逃於四方故知唯是共叔段也說文云餽寄食也以
此傳言餽口四方故以寄食言之昭七年傳云饘於是鬻
於是餽余口釋言云餽饘也則餽是饘鬻別名今人以
薄鬻塗物謂之餽紙餽帛則餽者以鬻食口之名故云餽
其口也 注謁告至曰媾 正義曰謁告也釋詁文婦之
父曰昏釋親文也媾與昏同文故先儒皆以爲重昏曰媾

注絜齊至之祀 正義曰釋詁云禋祭也孫炎曰禋絜敬之祭周語曰精意以享禋也是絜齊以享謂之禋享訓獻也言絜清齊敬以酒食獻神也禮諸侯祭山川之在其地者若其受許之土則當祭許山川故知祀謂許山川之祀

注圍邊垂也 正義曰釋詁云圍垂也舍人曰圍邊垂也注此今至京兆 正義曰地理志云河南郡新鄭縣詩鄭國鄭桓公之子武公所國是知新邑於此謂河南新鄭也且志又云京兆鄭縣周宣王弟鄭桓公邑是知舊鄭在京兆也志又云本周宣王弟友爲周司徒食采於宗周畿內是爲鄭桓公桓公問於史伯曰王室多故何所可以逃死史伯爲桓公謀取虢郕之地令寄幣與賄而虢郕受之後三年幽王敗桓公死其子武公與平王東遷卒定虢郕之地然則傳云先君新邑於此謂武公始居此也史記鄭世家稱虢郕自分十邑獻於桓公桓公竟國之案鄭語桓公始謀未取之也武公始國非桓公也全減虢郕非獻邑也馬遷之言皆謬耳昭十六年傳子產謂韓宣子曰我先君

柯公與商人皆出自周以艾殺此地而共處之者謂寄也
與賄之時商人即與俱行耳非栢公身至新鄭 注大旨
至繼也 正義曰周語稱共工伯鯀二者皆黃炎之後言
鯀爲黃帝之後共工爲炎帝之後炎帝則神農之別號周
語又稱堯命禹治水共之從孫四岳佐之胙四岳國命爲
侯伯賜姓曰姜氏曰有呂賈逵云共共工也從孫同姓末
嗣之孫四岳官名大岳也主四岳之祭焉姜炎帝之姓其
後變易至於四岳帝復賜之祖姓以紹炎帝之後以此知
大岳是神農之後堯四岳也以其主岳之祀尊之故稱大
岳許國是其後也胤繼也釋詁文舍人云胤繼世也 禮
經至嗣者也 正義曰經謂紀理之若詩之經營經始也
國家非禮不治社稷得禮乃安故禮所以經理國家安定
社稷以禮教民則親戚和睦以禮守位則澤及子孫故禮
所以次序民人利益後嗣經國家猶詩序之言經夫婦也
注百人至詛之 正義曰周禮夏官序制軍之法百人爲
卒二十五人爲兩此言二十五人爲行者以傳先卒後行

殺大於犬知行之人數少於卒也軍法百人之下唯有二
十五人爲兩耳又大司馬之屬官行司馬是中士軍之屬
官兩司馬亦中士知周禮之兩即此行是也周禮之行謂
軍之行列知此行亦卒之行列也詛者盟之細殺牲告神
令加之殃咎疾射穎考叔者令卒及行間祝詛之欲使神
殺之也一卒之內已用一獬又更令一行之間或用雞或
用犬重視詛之犬雞者或雞或犬非雞犬並用何則盟詛
例用一牲不用二也獬謂豕之牡者爾雅釋獸豕牝曰豕
犯者是牝知獬者是牡祭祀例不用牝
且宋人謂宋朝爲艾獬明以雄猪喻也
王取鄆劉
二邑

在河南緱氏縣西南
有鄆聚西北有劉亭

薦邠之田于鄭

薦邠鄭二邑

而

與鄭人蘇忿生之田

蘇忿生周武王司寇蘇公也

疏

注蘇忿至公也

司寇尚書立政稱周公告大史曰司寇蘇公是其事也

温

今温縣

原

在沁水縣西

絺

在野王縣西南

樊

一名陽樊野王縣西南有陽城

隰

郕

在懷縣西南

櫝茅

在脩武縣北

向

軹縣西有地名向上

盟

今盟津

州

今州縣

陘

關

潰

在脩武縣北

懷

今懷縣凡十二邑皆蘇忿生之田櫝茅潰屬汲郡餘皆屬

河內君子是以知桓王之失鄭也怒而行之

德之則也禮之經也已弗能有而以與人

人之不至不亦宜乎

蘇氏叛王十二邑王所不能為桓五年從王伐鄭張本

鄭息有違言

以言語相違恨

息侯伐鄭鄭伯與戰

于竟息師大敗而還

息國汝南新息縣

疏

注息國至息縣正

義曰世本息國姬姓此息侯伐鄭責其不親親知與鄭國同姬姓也莊十四年傳楚文王滅息其初則不知誰之子何時封也地理志汝南郡有新息縣故息國也應劭云其後東徙故加新字若其後東徙當云故息何以反加新字乎蓋本自他處而徙此也

君子是以知息之將亡也不度

德

鄭莊賢

不量力

息國弱

不親親

鄭息同姓之國

不徵辭

不察有罪

言語相悞當明徵其辭以審曲直不宜輕闕

犯五不韙而

以伐人其喪師也不亦宜乎

韙是也

冬十月

鄭伯以虢師伐宋王戌大敗宋師以報其

入鄭也

入鄭在十年

宋不告命故不書凡諸侯

有命告則書不然則否

命者國之大事政令也承其告辭史乃書之于

策若所傳聞行言非將君命則記在簡牘而已不得記於典策此蓋周禮之舊制

師出臧否

亦如之

臧否謂善惡得失也滅而告敗勝而告克此皆互言不須兩告乃書

雖及滅

國滅不告敗勝不告克不書于策

疏

凡諸

至于策

正義曰此傳雖因宋不告敗而發此例其言諸侯有命非獨為被伐之命故注云命者國之大事政令也

謂諸是大事崩卒會盟戰伐克取君臣乖離水火災害經書他國之事皆是來告則書不告則否來告則書者或彼以實告改其告辭而書之或彼以虛告因其虛言而記之立文褒貶章示善惡雖復依告者多不必盡皆依告衛獻公之出奔也傳稱孫林父奔殖殖出其君各在諸侯之策及其書經則云衛侯出奔齊如此之類是改告辭也晉人之敗

秦也傳稱潛師夜起以敗秦于令狐秦實未陳不與晉戰
晉人諱背前言妄以戰告及其書經乃言晉人及秦人戰
于令狐如此之類是因虛言也雖復或因其虛或改其實
終是歸於勸戒得告乃書也不然則否者雖復傳聞行言
實知其事但非故遣來告知亦不書所以慎謬誤辟不審
若楚滅六蓼滅文仲歎而為言魯非不知但無命來告故
不書也師出臧否亦如之者傳因被兵發例嫌出師伐人
不必須告故重明之雖及滅國者既據侵伐發例又嫌滅
國事重不符告命故更明之言不書于策者明告命大事
皆書於國史正策以見仲尼脩定悉因正策之文 注臧
否至乃書 正義曰不言勝敗而言臧否者明其臧否之
言非徒勝敗之謂故知是善惡得失揔謂理有曲直兵有
疆弱也狄伐邢之類非狄能告也楚滅庸之徒非庸能告
也故知敗克互言不須兩告乃書也且哀元年傳曰吳入
越不書吳不告慶越不告敗羽父請殺相公將以
也吳越並言知其不待兩告

求大宰

大宰官名

公曰為其少故也吾將授之

笑

授相位

使營菟裘吾將老焉

菟裘魯邑在泰山梁父縣南

欲復居魯朝故別營外邑

羽父懼反譖公于桓公而請弑

之公之為公子也與鄭人戰于狐壤止焉

內諱獲故言止狐壤鄭地

鄭人囚諸尹氏

尹氏鄭大夫

賂尹氏而

禱於其主鍾巫

主尹氏所主祭

遂與尹氏歸而立其

主

立鍾巫於魯

十一月公祭鍾巫齊于社圃

社圃國名

館于寯氏

館舍也寯氏魯大夫

壬辰羽父使賊弑公

于寯氏立桓公而討寯氏有死者

欲以弑君之罪加寯

氏而復不能正法誅之傳言進退無據

不書葬不成喪也

桓弑隱葬立故喪禮

不

疏

注大宰官名

正義曰周禮天子六卿天官者大宰諸侯則并六為三而兼職焉昭四年傳稱李孫

為司徒叔孫為司馬孟孫為司空則魯之三卿無大宰也羽父名見於經已是卿矣而復求大宰蓋欲令魯特置此

官以榮已耳以後更無大宰知魯竟不立之

討寯氏有死者

劉炫云羽父遣賊弑公公非寯氏所弑公在寯氏而死遂誣寯氏弑君欲以正法誅之君非寯氏所弑世討

寯氏之家僅有死者而已言不掩誅之

注欲以至無據

正義曰劉炫云欲以弑君之罪加寯氏則君非寯氏所弑而復不能以正法誅之正法謂滅其族汙其宮也傳言此

者進退無據進誅寯氏則實非寯氏弑君退舍寯氏則無弑君之人是其進退無據也

春秋正義卷第五

卷第五

國子祭酒上護軍曲阜縣開國子臣孔穎達等奉

勅撰

桓公

疏

正義曰魯世家桓公名允惠公之子隱公之弟仲子所生以桓王九年即位莊王三年薨世本

桓公名軌世族譜亦爲軌謚法辟土服遠曰桓謚法非一略舉一耳亦不知本以何行而爲此謚他皆放此是歲歲在亥

經元年春王正月公即位

嗣子位定於初喪而改元必須踰年者繼

父之業成父之志不忍有變於中年也諸侯每首歲必有禮於廟諸遭喪繼位者因此而改元正位百官以序故國

史亦書即位之事於策桓公篡立而用常

疏

注嗣子至

禮欲自同於遭喪繼位者釋例論之備矣
義曰顧命曰乙丑成王崩使齊侯呂伋以二于戈逆子釗于南門之外延入翼室恤宅宗孔安國云明室路寢延之使居憂爲天下宗主天子初崩嗣子定位則諸侯亦當然也釋例曰尚書顧命天子在殯之遺制也推此亦足以準諸侯之禮矣是知嗣子位定於初喪孝子緣生以事死歲之首日必朝事宗廟因即改元釋例曰襄二十九年經書春王正月公在楚傳曰釋不朝正于廟也然則諸侯每歲首必有禮於廟今遭喪繼位者每新年正月亦改元正位百官以序故國史因書即位於策以表之此新君之常禮也桓之於隱本無君臣之義計隱公之死桓公即合改元不假踰年方行即位猶如晉厲被弑悼公即位改元今桓雖實篡立歸罪竊氏詐言不與賊謀而用常禮自同於遭喪繼位者亦既實即其位國史依實書之仲尼因而三不改反明公實篡立而自同於常亦足見桓之篡也

三

月公會鄭伯于垂鄭伯以璧假許田夏四

月丁未公及鄭伯盟于越

公以篡立而脩好於鄭鄭因而迎之成禮

於垂終易二田然後結盟垂犬丘衛地也越近垂地名鄭求祀周公魯聽受枋田今鄭廢泰山之祀知其非禮故以

璧假爲文

疏

注公以至所隱

正義曰成會禮於垂既

時之所隱易許田然後盟以結之故先會次假田然後書盟也言迎之成禮於垂者垂是衛地沈以爲公迎鄭伯於垂知時史之所隱諱者傳不言書曰知非仲尼新意

也秋大水

書災也傳例曰凡平原出水爲大水

冬十月

傳元年春公即位脩好于鄭鄭人請復祀

周公卒易枋田

事在隱八年

公許之三月鄭伯

以璧假許田爲周公祊故也

魯不宜聽鄭祀周公又不宜易取祊

田犯二不宜以動故隱其實不言祊稱璧假言若進璧以假田非父易也

疏

注魯不至易也正義曰祊薄

於許加之以璧易取許田非假借之也今經乃以璧假爲文故傳言爲周公祊故解經璧假之言也注又解傳之意周公非鄭之祖魯不宜聽鄭祀周公天子賜魯以許田義當傳之後世不宜易取祊田於此一事犯二不宜以動故史官諱其實不言以祊易許乃稱以璧假田言若進璧於魯以權借許田非父易然所以諱國惡也不言以祊假而言以璧假者此璧實入於魯但諸侯相交有執圭璧致信命之理今言以璧假似若進璧以致辭然故璧猶可言祊則不可言也何則祊許俱地以地借地易理已章非復得爲隱諱故也

夏四月丁未公

及鄭伯盟于越結祊成也

結成易二田之事也傳以經不書祊故獨

見枋盟曰渝盟無享國

渝變也

疏

注渝變也

正義曰釋言文也傳載

其盟辭者以易田惡事而誓不變改見其終無悔心所以深惡魯也此時許田已入於鄭而詩頌僖公云居常與許復周公之字蓋僖公之時復得之也齊人取讎及聞及其歸也經復書之自此以後不書鄭人來歸許田者此經書假言若暫以借鄭地仍魯物不得書鄭人歸之

秋大水凡平原出水爲

大水

廣平曰原

疏

凡平原至大水潤下言雨自上而下浸潤於土陂郭下

正義曰洪範云水曰

地可使水潦停焉平原高地則不宜有也凡平原出水則爲大水平原出水言水不入於土而出於地上非湧泉出

也注廣平曰原正義曰釋地文也

冬鄭伯拜盟

李巡曰謂土地寬博而平正名之曰原

疏

注鄭伯至繆誤

正義曰六年傳云

魯爲其班後鄭注云魯親班齊饋則亦使大夫成齊矣經不書蓋史闕文然則經所不書自有闕文之類注既疑此事不云闕文而云繆誤者師出征伐貴賤皆書經所不書必是文闕若其事重使人雖賤亦書鄭人來渝平齊人歸謹又闕是也今以拜盟事輕若其使賤則例不合書故杜云若遣使來傳當云鄭人疑傳繆誤知非實是鄭伯爲不見公不書者以魯鄭相親易田結好鄭伯既拜盟而來魯君無容不見故知非實是鄭伯止是鄭人而已

宋

華父督見孔父之妻于路

華父督宋戴公孫也孔父嘉孔子六世祖

疏

注華父至世祖正義曰案世本云華父督宋戴公之孫好父說之子孔父嘉生木金父木金父生祁父

其子奔魯爲防叔防叔生伯夏伯夏生叔梁紇叔梁紇生仲尼是孔父嘉爲孔子六世祖

目逆而送

之曰美而豔

色美曰豔

疏

目逆至而豔正義曰未至則目逆既過則目送俱是目

也故以目冠之美者言其形貌美黠者言其顏色好
故曰美而黠為二事之辭也美曰黠詩毛傳文也

經二年春王正月戊申宋督弑其君與夷

及其大夫孔父

稱賢以弑罪在督也孔父稱名者
內不能治其間門外取怨於民身

死而揭

疏

宋督至孔父 正義曰凡言其者是其身之
所有君是臣之君故臣弑君則云弑其君臣

是君之臣故君殺臣則云殺其大夫子亦君之子故云弑
其世子稱國稱人以殺亦言其者人與國並舉一國之辭
君與大夫皆是國人所有故亦言其也若兩臣相殺死者
非殺者所有則兩書名氏不得言其則王札子殺召伯毛
伯是也與夷是督之君言弑其君則可孔父非督之大夫
而言及其大夫者與君俱死據君為文言宋督弑其君據
督為文而上弑其君也言及其大夫孔父據君為文而下
及其大夫言及與夷之大夫非督之大夫也仇牧荀息其

意亦同 注稱督至其君 正義曰宣四年傳例曰弑君
稱君君無道也稱巨臣之罪也故知稱督以弑罪在督也
諸言父者雖或是字而春秋之世有齊侯祿父蔡侯考父
卒孫行父衛孫林父乃皆是名故杜以孔父為名文七年
宋人殺其大夫傳曰不稱名東也且言非其罪也不名者
非其罪則知稱名者皆有罪矣杜既以孔父為名因論為
罪之狀內不能治其閨門使妻行於路令華督見之外取
怨於民使君數攻戰而國人恨之身死而禍及其君故書
名以罪孔父也釋例曰經書宋督弑其君與夷及其大夫
孔父仲尼丘明唯以先後見義無善孔父之文孔父為國
政則取怨於民治其家則無閨闈之教身先見殺禍遂及
君既無所善仇牧不警而遇賊又死無忠事晉之荀息期
欲復言本無大節先儒皆隨加善例又為不安經書臣蒙尹
弑者有三直是弑死相及即實為文仲尼以督為有無君
之心改書一事而已無他例也是以孔父行無可善書名
罪之也案公羊穀梁及先儒皆以善孔父而書字知不然

著案宋人殺其大夫司馬傳稱擗節以死故書其官又宋人殺其大夫傳以為無罪不書名今孔父之死傳無善事故杜氏之意以父為名言若齊侯祿父宋公茲父之等父既名孔則為氏猶仇牧荀息被殺皆書名氏蓋孔父先世以孔為氏故傳云督攻孔氏也婦人之出禮必郭蔽其面孔父妻行令人見其色美是不能治其閨門又殤公之好攻戰孔父須伏死而爭乃從君之非是取怨於百姓事由孔父遂禍及其君似公子比劫立加弑君之罪杜君積累其惡故以書名責之劉君

滕子來朝

無傳隱十一年稱侯今稱

不達此旨妄為規過非也

子者蓋時

疏

注隱十至所黜

正義曰杞行夷禮傳每發之此不發傳非為夷禮自是以下滕常

稱子故疑為時王所黜於時周桓王也東周雖則微弱猶為天下宗主尚得命邾為諸侯明能黜滕為子爵

三

月公會齊侯陳侯鄭伯于稷以成宋亂

成

也宋有弑君之亂故爲

疏

注成平至宋地

正義曰成平釋詁文也宣十五年傳晉

侯治兵于稷治兵欲以禦秦明其不出晉竟故以稷爲河東之稷山此欲平宋故以稷爲宋地

夏四月

取郕大鼎于宋戊申納于大廟

宋以鼎賂公大廟周公廟

也始欲平宋之亂終於受賂故備書之戊申五月十日

疏

注宋以至十日

王義曰禮記明堂位稱魯君

季夏六月以禘禮祀周公於大廟文十三年公羊傳曰周公稱大廟故知大廟周公廟也始欲平宋亂故會于稷終

舍宋罪而受其賂故得失備書之始書成宋亂終書取郕鼎是其備書之也鄭衆服虔皆以成宋亂爲成就宋亂故

以此言正之長歷此年四月庚午朔其月無戊申五月已亥朔十日得戊申是有日而無月也

秋七月

杞侯來朝

公即位而來朝

蔡侯鄭伯會于鄧

潁川召陵縣西

南有鄧城

疏

注潁川至鄧城

正義曰賈服以鄧為國言蔡鄭會於鄧之國都釋例以此潁川鄧城為蔡地

其鄧國則義陽鄧縣是也以鄧是小國去蔡路遠蔡鄭不宜遠會其都且蔡鄭懼楚始為此會何當反求近楚小國

而與之結援故知非鄧國也

九月入杞

不稱主帥微者也弗地曰入

公及我盟

于唐冬公至自唐

傳例曰告于廟也特相會故致地也凡公行還不書至者皆不

告廟也隱不書至謙不敢自同於正君書勞策勳

疏

注傳例至策勳釋例曰凡盟有一百五公

正義曰

行一百七十六書至者八十二其不書至者九十四皆不告廟也隱公之不告謙也餘公之不告慢於禮也是言不告不書之意也知隱不書至為謙者以隱是讓位賢君必不慢於宗廟假使惰慢宗廟止可時或失禮不應終隱之身竟不書至知其以謙之故勞非所憚勳無可紀不敢自同於正君書勞策勳故不告至也

傳二年春宋督攻孔氏殺孔父而取其妻

公怒督懼遂弑殤公君子以督爲有無君

之心而後動於惡雖有君若無也故先書弑其君疏

君子至其君正義曰諸傳言君子者或當時賢者或指

斥仲尼或語出丘明之意而記諸賢者期於明理而已不

復曲爲義例唯河陽之序趙盾之弑泄治之罪危疑之理

須取聖證故特稱仲尼以明之其餘皆託諸君子君子者

言其可以君上位子下民有德之美稱也此言先書弑君

則是仲尼新意不言仲尼而言君子者欲見君子之人意

皆然非獨仲尼也皆有無君之心而先書弑君者君人執

柄臣人畏威每事稟命而行不敢妄相殺害督乃專殺孔

父而取其妻非有忌君之心全無敬上之意不臣之迹在

心已久非爲公怒始興毒害君先書孔父後書弑君便似

既殺孔父始有惡心今先書弑君後書孔父會于稷以見其先有輕君之心以著不義之極故也

成宋亂爲賂故立華氏也

經稱平宋亂者蓋以魯君受賂立華氏貪

縱之甚惡其指斥故遠言始與齊陳鄭爲會之本意也傳言爲賂故立華氏明經本書平宋亂爲公諱諱在受賂立華氏也猶璧假許田爲周公枋故所謂

疏

注經稱至妄也正義曰

傳言爲賂故立華氏解經以成宋亂之言也成宋亂者欲殺賊臣定宋國今乃受貨賂立華氏非是平亂之狀而傳以解經故注申通其義以成宋亂者是四國爲會之本謀及其既會遠背前謀非徒不討宋督乃更爲立華氏宋亂實不平而經書平宋亂者蓋以魯君受賂立華氏貪貨縱賊爲惡之甚時史惡其指斥不可言四國爲會縱賊取財故遠言爲會之本意言會于稷欲以平宋亂也傳以經文不實解其諱之所由所諱者諱其受賂立華氏故也爲周

公訪故文與此同故以類相明然案爲周公訪故故字在下而向上結之此亦應云爲賂立華氏故也何以此文故字乃在立華氏之上爲賂之下者以周公訪故其文約少得以故字在下摠而結之此則文句長緩不可摠而結之先舉爲賂惡重所以云爲賂故也然後始言立華氏備詳其事今定本有故字檢晉宋古本往往無故字者妄也襄三十二年諸侯之卿會于澶淵謀歸宋財旣而無歸書曰宋災故尤之也此書成宋亂知非譏受賂尤四國者澶淵之會貶卿稱人是尤之文此則具序君爵辭無貶責非尤過之狀知爲諱故而本其會意從其平文也文十七年晉會諸侯于扈欲以平宋之亂旣而不討受賂而還其事與此正同而經書諸侯會于扈傳曰書曰諸侯無功也此亦無功不言諸侯會于稷而歷序諸國者扈之會晉爲伯會諸侯以討亂乃受賂而還猶如僖十四年諸侯城緣陵齊桓爲伯城而不終故貶稱諸侯此則齊陳鄭自相平亂故不加貶文知不爲公諱不貶諸侯者以狄泉之諱唯沒公文其餘

皆貶此若必諱唯須沒公而已何須不貶諸國宣四年公
及齊侯平莒及郟成平同義而彼言平此言成者史官非
一置辭不同猶暨之與及更無他義所謂史有文質不必
改也文十三年傳稱衛侯鄭伯請平于晉公皆成之是知
成平義無異也

宋殤公立十年十一戰

殤公以隱四年立
十一戰皆在隱公

世

疏

注殤公至公世 正義曰服虔云與夷隱四年即
位一戰伐鄭圍其東門再戰取具禾皆在隱四年

三戰取郟田四戰郟鄭入其郟五戰伐鄭圍長葛皆在隱
五年六戰鄭伯以王命伐宋在隱九年七戰公敗宋師于
菅八戰宋衛入鄭九戰宋人蔡人衛人伐戴十戰戊寅鄭
伯入宋皆在隱十年十一戰鄭伯以號師大敗宋師在隱
十一年是皆在隱公世也

民不堪命孔父嘉為司馬督為大

宰故因民之不堪命先宣言曰司馬則然

言公之數戰則司馬使爾嘉孔父字

已殺孔父而弑殤公召莊公

于鄭而立之以親鄭

莊公公子馮也隱三年出居于鄭馮入宋不書不告

也以郕大鼎賂公

郕國所造器也故繫名於郕

疏

注郕國至郕城正義曰穀梁傳曰郕鼎者郕之所爲也孔子曰名從主人故曰郕大鼎也公羊傳曰器從名地從主人其意言器從本主之名地從後屬主人是知郕國所造故繫名於郕劉君難杜注郕國濟陰成武縣東南有北郕城郕宋邑濟陰成武縣東南有郕城俱是成武縣東南相去不遠何得所爲郕國所爲宋邑劉以南郕北郕並宋邑別有郕國以規杜氏知不然者以許田許國相去非遙則郕國郕邑何妨相近且杜言有者皆是疑辭何得執杜之疑以規其過如劉齊陳鄭皆有賂故遂相宋所解郕國竟在何處

公夏四月取郕大鼎于宋戊申納于大廟

非禮也臧哀伯諫曰

臧哀伯魯大夫僖伯之子

君人者將

昭德塞違以臨照百官猶懼或失之故昭

令德以示子孫

疏

君人至子孫

正義曰君人謂與人爲君也昭德謂昭明善德

使德益章聞也塞違謂開塞違邪使違命止息也德者得也謂內得於心外得於物在心爲德施之爲行德是行之未發者也而德在於心不可聞見故聖王設法以外物表之儉與度數文物聲明皆是昭德之事故傳每事皆言昭是昭其德也自不敢易紀律以上言昭德耳都無塞違之事自減德立違以下言違德之事德之與違義不並立德明則違絕故昭德之下言塞違違立則德減故立違之上言減德立違謂建立違命之臣知塞違謂過絕違命之久

也國家之敗謂邦國喪亡知慎懼或失之
謂恐失國家此諫辭有首尾故理互相見
是以清廟

茅屋

以茅飾屋著儉也清廟肅然清靜之稱

疏

注以茅至之稱正義曰冬官考工記有葺屋

瓦屋則屋之覆蓋或葺以瓦傳曰清廟茅屋其屋必用茅也但用茅覆屋更無他文明堂位曰山節藻梲復廟重檐刮楹達鄉反坫出尊崇坫康圭疏屏天子之廟飾也其餘備物盡文不應以茅為覆得有茅者杜云以茅飾屋著儉也以茅飾之而已非謂多用其茅揔為覆蓋猶童子垂髦及蔽膝之屬示其存古耳白虎通曰王者所以立宗廟何緣生以事死敬云若存故以宗廟而事之此孝子之心也宗者尊也廟者貌也象先祖之尊貌然則象尊之貌享祭之所嚴其舍宇簡其出入其處肅然清靜故稱清廟清廟者宗廟之大稱詩頌清廟者祀文王之歌故鄭玄以文王解之言天德清明文王象焉故稱清廟此則廣指諸廟非獨文王故以清靜解之

大路越席

大路玉路祀天

疏

注大路至結草

正義曰路訓大也

車也越席結草君之所在以大爲號門曰路門寢曰路寢車曰路車故人君之車通以路爲名也周禮巾車掌王之五路鄭玄云王在焉曰路彼解天子之車故云王在耳其實諸侯之車亦稱爲路大路路之最大者巾車五路玉路爲大故杜以玉路爲大路巾車云玉路錫樊纓十有再就建大常十有二旂以祀故云祀天車也越席結蒲爲席置於玉路之中以茵藉示其儉也經傳言大路者多矣注者皆觀文爲說尚書顧命陳列器物有大輅綴輅先輅次輅孔安國以爲王金象以飾車以其偏陳諸路故以周禮次之僖二十八年王賜晉文公以大輅之服定四年祝佗言先王分魯衛晉以大路注皆以爲金路以周禮金路同姓以封玉路不可以賜故知皆金路也襄十九年王賜鄭子驥以大路二十四年王賜叔孫豹以大路二注皆云大路天子所賜車之摠名以周禮孤乘夏篆卿乘夏綬釋例以所賜穆叔子驥當是革木二路故杜以大路爲賜車

之摠名服虔云大路木路杜不然者以大路越席猶如清
廟茅屋清廟之華以茅飾屋示儉玉路之美以越席示質
若大路是木則與越席各爲一物豈清廟與茅屋又爲別
乎故杜以大路爲玉路於玉路而施越席是方可以示儉
故沈氏云玉路雖文亦以越席示儉而劉君
橫生異義以大路爲木路妄規杜氏非也 大羹不致

大羹肉汁

疏

注大羹至五味 正義曰郊特牲云大羹
不致五味

清鄭玄云大羹清煮肉汁也不和貴其質設之所以敬尸

也是祭祀之禮有大羹也大羹者大古初食肉者煮之而

已未有五味之齊祭神設之所以敬而不忘本也記言大

羹不和故知不致者不致五味五味即洪範所云酸苦辛

鹹甘

也 染食不鑿

黍稷曰染 不精鑿

疏

注黍稷至精鑿 正義曰釋草云染稷舍

人曰染一名稷稷粟也郭璞云今江東人呼粟爲染士虞
記云明齊鄭云今文曰明染染稷也然則染是稷之別名

但稷是諸穀之長稊亦諸穀摠名周禮小宗伯辨六稊之名物鄭玄云六稊謂黍稷稻粱麥苽是諸穀皆名稊也祭祀用穀黍稷爲多故云黍稷曰稊飯謂之食傳云稊食不繫謂以黍稷爲飯不使細也九章筭術粟率五十鑿二十四言粟五斗爲米二斗四升是則米之精鑿

昭其儉也

此四者皆示儉

衮冕黼

廷

衮畫衣也冕冠也黼韋鞞以蔽膝也廷玉笏也若今吏之持簿

疏

注衮畫至持簿正義曰畫衣謂畫

龍於衣祭服玄衣纁裳詩稱玄衮是玄衣而畫以衮龍衮之言卷也謂龍首卷然玉藻曰龍卷以祭知謂龍首卷也尚書益稷云帝曰予欲觀古人之象日月星辰山龍華蟲作會宗彝藻火粉米黼黻絺繡言觀古人之象謂觀衣服所象日月以至黼黻十二物皆衣服之所有也華蟲以上言作會宗彝以下言絺繡則二者雖在於服而施之不同冬官考工記畫績與繡布采異次知在衣則畫之在裳則刺之故鄭玄禮注及詩箋皆云衣績而裳繡以此知衮是

畫文故云衮畫衣也衮衣以下章數鄭玄注司服云有虞氏十二章自日月而下至周而日月星辰盡於旌旗又登龍於山登火於宗彝是服自九章而下如鄭此言九章者龍一山二華蟲三火四宗彝五在衣藻六粉米七黼八黻九在裳鷩冕者去龍去山自華蟲而下七章華蟲一火二宗彝三在衣餘四章在裳鷩冕者去華蟲去火五章自宗彝而下宗彝一藻二粉米三在衣餘二章在裳希冕者去宗彝去藻三章自粉米而下粉米一在衣餘二章在裳玄冕者其衣無畫裳上刺黻而已杜昭二十五年數九文不取宗彝則與鄭異也冠者首服之大名冕者冠中之別號故云冕冠也世本云黃帝作冕宋仲子云冕冠之有旒者禮文殘缺形制難詳周禮弁師掌王之五弁皆玄冕朱裏止言玄朱而已不言所用之物論語云麻冕禮也蓋以木爲幹而用布衣之上玄下朱取天地之色其長短廣狹則經傳無文阮謏三禮圖漢禮器制度云制皆長尺六寸廣八寸天子以下皆同沈引董巴輿服志云廣七寸長尺

二寸應劭漢官儀云廣七寸長八寸沈又云廣八寸長尺六寸者天子之冕廣七寸長尺二寸者諸侯之冕廣七寸長八寸者大夫之冕但古禮殘缺未知孰是故備載焉司馬彪漢書輿服志云孝明帝永平二年初詔有司采周官禮記尚書之文制冕皆前圓後方朱裏玄上前垂四寸後垂三寸天子白玉珠十二旒三公諸侯青玉珠七旒卿大夫黑玉珠五旒皆有前無後此則漢法耳其古禮鄭玄注弁師云天子衮冕以五采縹前後各十二旒旒有五采玉十有二幣冕前後九旒毳冕前後七旒希冕前後五旒玄冕前後三旒旒皆五采玉十有二上公衮冕三采縹前後九旒旒有三采玉九侯伯鷩冕三采縹前後七旒旒有三采玉七子男毳冕三采縹前後五旒旒有三采玉五孤卿以下皆二采縹二采玉其旒及玉各依命數耳謂之冕者冕倨也以其後高前下有倨俯之形故因名焉蓋以在上位者失於驕矜欲令位彌高而志彌下故制此服令貴者下賤也黻鞀制同而名異鄭玄詩箋云芾大古蔽膝之象

也冕服謂之帶其他服謂之韠以韋爲之故云韋韠也詩云赤帶在股則帶是當股之衣故云以蔽膝也鄭玄易緯乾鑿度注云古者田漁而食因衣其皮先知蔽前後知蔽後後王易之以布帛而獨存其蔽前者重古道而不忘本也是說韠韠之元由也易下繫辭曰包犧氏之王天下也作爲網罟以佃以漁則田漁而食伏犧時也禮運說上古之時云昔者先王食鳥獸之肉衣其羽皮是田漁而食因衣其皮也又曰後聖有作治其麻絲以爲布帛易繫辭曰黃帝堯舜垂衣裳而天下治然則易之布帛自黃帝始也垂衣裳服布帛初必始於黃帝其存蔽膝之象未知始自何代也禮記明堂位云有虞氏服韠言舜始作韠也尊祭服而異其名耳未必此時始存象也知冕服謂之韠者易云朱紱不來利用享祀知他服謂之韠者案士冠禮士服皮弁玄端皆服韠是他服謂之韠以冕爲主非冕謂之此此欲以兩服相形故謂韠爲韠韠之與韠祭服他服之異名耳其體制則同王藻說玄端服之韠云韠君朱大

夫紫士爵韋發首言釋句末言韋明皆以韋爲之凡釋皆
象裳色言君朱大夫赤則尊卑之辨直色別而已無他飾
也其黻則有文飾焉明堂位曰有虞氏服黻夏后氏山殷
火周龍章鄭玄云黻免服之釋也舜始作之以尊祭服禹
湯至周增以畫文後王彌飾也山取其仁可仰也火取其
明也龍取其變化也天子備焉諸侯火而下卿大夫山士
韋而已是說黻之飾也玉藻曰緋下廣二尺上廣一尺
長三尺其頸五寸肩革帶厚二寸鄭玄云頸五寸亦謂廣
也頸中央肩兩角皆上接革帶以繫之肩與革帶廣同是
說釋之制也記傳更無黻制皆是釋義明其制與釋同經
傳作黻或作鞞或作𦘒音義同也徐廣車服儀制曰古者
敝如今蔽膝戰國建兵以鞞非兵飾去之漢明帝復制鞞
天子赤皮蔽膝蔽膝古鞞也然則漢世蔽膝猶用赤皮魏
晉以來用絳鞞爲之是其古今異也以其用絳故字或有
爲絳者天子之笏以玉爲之故云珪王笏也管子云天子
執玉笏以朝日是有玉笏之文也禮之有笏者玉藻云凡

有指畫於君前用笏達受命於君前則書於笏釋名曰笏
忍也君有命則書其上備忘也或曰簿可以常陳物也
徐廣車服儀制曰古者貴賤皆執笏即今手板也然則笏
與簿手板之異名耳賈志藝文志見太宰以簿擊頰則漢
魏以來皆執手板故云若今吏之持簿王藻云笏卑用也
因飾焉言貴賤並皆用笏四節以示尊卑其上文云笏天
子以球玉諸侯以象大夫以魚須文竹士竹本象可也鄭
玄云球美玉也文猶飾也大夫士飾竹以爲笏不敢與君
並用純物是其尊卑異也大夫與士笏俱用竹大夫以魚
須飾之士以象骨爲飾不敢純用一物所以下人君也用
物既殊體制亦異王藻云天子搢珽方正於天下也諸侯
荼前訕後直諫於天子也大夫前訕後訕無所不諫也鄭
玄以爲謂之珽珽之言珽然無所屈前後皆方正也荼謂
舒暢所長在前也圓殺其首伯於天子也大夫上有天子
下有己君故首末皆圓前後皆諫是其形制異也其長則
諸侯以下與天子又異珽一名大圭周禮典瑞云王晉大

畫以朝日是也冬官考工記六圭長三尺天子服之是天子之珽長三尺也玉藻云笏度二尺有六寸短於天子蓋諸侯以下度分

帶裳幅舄

帶革帶也衣下曰裳幅

皆然也

注帶革至複履正義曰下有鞶是紳帶知此帶爲革帶玉藻革帶博二寸鄭云凡佩繫於革帶白虎通云男子有鞶革者示有金革之事然則示有革事故用革爲帶帶爲佩也昭十二年傳云裳下之飾也經傳通例皆上衣下裳故云衣下曰裳幅與行膝今古之異名也云若今行膝詩云邪幅在下毛傳曰幅福也所以自福東之鄭箋云邪幅如今行膝也福束其脰自足至膝膝訓誠也然則行而誠足故名行膝邪經束之故名邪幅焉者履之小別鄭玄周禮履人注云複下曰舄禪下曰屨然則舄之與屨下有禪複爲異履是總名故云舄複履謂其複下也鄭玄又云天子諸侯吉事皆舄赤舄者冕服之舄白舄者皮弁之舄黑舄者玄端之舄其士皆著屨屨屨者爵弁之屨白屨者皮弁之屨黑屨者玄端之屨其卿大

夫服冕者亦赤舄餘服則屨其玉后褙衣玄舄綸狄青舄
闕狄赤舄鞠衣黃舄羔裘衣白屨褙衣黑屨其諸侯夫人及卿
大夫之妻合衣狄者皆舄其餘皆屨其舄之飾用對方
之色亦舄黑飾是也屨之飾用此方白屨黑飾是也

衡

紃紃紃

衡維持冠者紃冠之垂者紃

紃

注衡維持冠者紃冠之垂者紃
正義曰此四

物者皆冠之飾也周禮連師掌王后之首服連衡笄鄭司農
云衡維持冠者鄭玄云祭服有衡垂于副之兩旁當耳其下
以紃縣瑱彼婦人首服有衡則男子首服亦然冠由此以
得支立故云維持冠者追者治玉之名王后之衡以玉爲
之故追師掌焉弁師掌王之五冕弁及冕皆用玉笄則天子
之衡亦用玉其諸侯以下衡之所用則未聞紃者縣瑱之繩
也於冠之兩旁故云冠之垂者魯語敬姜曰王后親織玄紃
則紃必織線爲之若今之條繩鄭玄詩箋云充耳謂所以縣
瑱者或名爲紃織之人君五色臣則三色是也條必雜色而
言語獨言玄者以玄是天色故特言之非謂純玄色也紃纓

皆以組爲之所以結冠於人首也纓用兩組屬之於兩旁
結之於領下垂其餘也紘用一組從下屈而上屬之於兩
旁垂其餘也紘纓同類以之相形故云紘纓從下而上者
弁師掌王之五冕皆玉笄朱紘祭義稱諸侯冕而青紘士
冠擯稱緇布冠青組纓皮弁笄爵弁笄緇組纓鄭玄云有
笄者屈組爲紘垂爲飾無笄者纓而結其條以其有笄者
用紘力少故從下而上屬之無笄者用纓力多故從上而
下結之冕弁皆有笄故用紘緇布冠無笄故用纓也魯語
稱公侯夫人織紘紘知紘亦織而爲之士冠擯言組纓組
紘知天子諸侯之紘亦用組也紘冠上覆者冕以木爲幹
以玄布衣其上謂之紘論語尚書皆云麻冕知其當用布
也弁師掌王之五冕皆玄冕知其色用玄也孔安國論語
注言績麻三十升布以爲冕即是紘也鄭玄玉藻注云延
冕上覆也此云冠上覆者冠冕通名故此注衡及紘皆以
冠言之其實 **昭其度也** 尊卑各有制 **疏** 注尊卑各有制
悉冕飾也 有制度 **疏** 正義曰此

上十二物者皆是明其制度哀伯思及則言無次第也鄭
玄題禮注云上公衮無升龍天子有升龍有降龍是衮有
度也冕則公自衮以下侯伯自鷩以下是冕有度也黻則
諸侯大夫以下卿大夫山是黻有度也武則王象不同長短
亦異是武有度也衮冕鷩鷩是衮四章鷩鷩是冕二章是
衮有度也鄭玄僞人注云王吉服鷩有三等赤鷩爲上冕
鷩之鷩下有白鷩黑鷩王后祭服鷩有三等玄鷩爲上衽
衣之鷩下有青鷩赤鷩是鷩有度也純則人君五色臣則
三色是純有度也天子朱紱諸侯青紱是紱有度也其帶
幅衡與則無以言之傳言昭其度也明其尊卑各有制度

藻率

鞞

藻率以韋爲之所以藉玉也王五采公侯
伯三采子男二采鞞佩刀削上飾韞下飾

疏

注藻率至下飾正義曰鄭玄觀禮注云纁所以藉
玉以韋衣木廣表各如其玉之大小典瑞注云纁有

五采文所以薦玉木爲巾絰用韋衣而畫之此言以韋爲
之指木上之韋其實木爲絰也禮之言纁皆有玉非文大

行人謂之纁藉由禮單稱藉故知所以藉玉也大行人云
公執桓圭九寸纁藉九寸知大小各如其玉也大行人注
云纁藉以五采韋衣板若奠玉則以藉之是由有奠之時
須有纁以之藉玉故小大如玉耳典瑞職曰王執鎮圭纁
藉五采五就以朝日公執桓圭侯執信圭伯執躬圭纁皆
三采三就子執穀璧男執蒲璧纁皆二采再就以朝覲宗
遇會同于王是王五采公侯伯三采子男二采也凡言五
采者皆謂玄黃朱白蒼三采朱白蒼二采朱綠就成也五
就謂五采每一采爲一就也禮之言藻其文雖多典瑞大
行人聘禮覲禮皆單言藻或云纁藉未有言纁率者故服
虔以藻爲畫藻率爲刷巾杜以藻率爲一物者以拭物之
巾無名率者服言禮有刷巾事無所出且哀伯謂之昭數
固應禮之大者寧當舉拭物之中與藻藉爲類故知藻率正
是藻之複名藻得稱爲藻藉何以不可名爲藻率也至藻說
帶之制曰士練帶率下辟凡帶有率無箴功鄭玄云士以下
皆揮不合而練積如今作幪頭爲之也然則揮而不合練

其邊謂之焉率此以章衣木蓋亦辨其邊故稱率也鄭
司農典瑞注讀梁為藻率之藻似亦藻率共為藻也詩曰
鞞琫容刀故知鞞琫佩刀削之飾也少儀云刀授穎削授
折削是刀之類故與刀連言之鞞琫二名明飾有上下先
鞞後琫故知鞞為上飾琫為下飾劉君以毛詩傳下曰鞞
上曰琫而規杜氏但鞞琫或上或下俱是無正文不可以
規杜也

鞞 鞞厲游纓

鞞紳帶也一名大帶厲大帶之垂者
游纓旗之游纓在馬膺前如索帶

疏

注鞞紳至索帶

正義曰易訟卦上九或錫之鞞帶
知鞞即帶也以帶束要垂其餘以為飾謂之紳上帶

為革帶故云鞞紳帶所以別上帶也王藻說帶云大夫大
帶是一名大帶也詩毛傳云厲帶之垂者故用毛說以為
厲大帶之垂者也大帶之垂者名之為紳而復名為厲者
紳是帶之名厲是垂之貌詩稱垂帶而厲是厲為垂貌也
王藻稱天子素帶朱裏終辟諸侯素帶不朱裏大夫玄華
帶垂帶皆博四寸上帶博二寸再縹四寸細辟下垂賈服

等說聲鴈皆與杜同唯鄭玄獨異禮記內則注以聲爲小
囊讀屬如裂縹之裂言聲囊必裂縹緣之以爲飾樂譜記
稱男聲革女聲絲聲是帶之別稱遂以聲爲帶名言其帶
革帶然耳聲非囊之號也禮記又云婦事舅姑施繁褻褻
是囊之別名今人謂裏書之物爲褻言其施帶施囊耳其
繁亦非囊也若以繁爲小囊則褻是何器若褻亦是囊則
不應帶二囊矣以此知聲即是紳帶爲得其實游是旗之
垂者旆之別名九旗雖各有名而旌旗爲之總號故云旌
旗之游也案巾車王建大常十有二旂又大行人云上公
九旂侯伯七旂子男五旂其孤卿建旌大夫士建物其旂
各如其命數其鳥旗則七旂熊旗則六旂龜旒則四旂故
考工記云鳥旗七旂以象鸞火熊旗六旂以象伐黑旒四
旂以象宮室是也鄭司農巾車注云禮家說曰纓當習以
削革爲之鄭玄云纓今馬鞅是纓在馬膺前也服虔云纓
如索帶今乘輿大駕有之然則漢魏以來大駕之馬膺有
索帶是纓之遺象故云如索帶也案巾車玉路樊纓十有

再就鄭玄注云樊及纓皆以五采屬飾之金路樊纓九就
象路樊纓七就革路條纓五就鄭玄云其樊及纓以條然
飾之木路則樊纓鄭玄云以淺黑飾韋為
樊鵠色飾韋為纓不言就數飾與革路同 昭其數也

尊卑各 有數 注尊卑各有數 正義曰藻有五采三采之
異是藻率有數也毛詩傳說容刀之飾云天

王璠玉璠玉璠諸侯瑩璠而璆璠是韞韞有數也王藻云
紳長制一三尺有司二尺有五寸又大夫以上帶廣四寸

士廣二寸是帶廣有數也王路十二旂金路九旂是旂有
數也王路纓十有二就金路纓九就是纓有數也數之與

度大同小異度謂限制數謂 火龍黼黻 火畫火也龍
多少言其尊卑有節數也 畫龍也白與

黑謂之黼形若斧黑與 注火畫至相戾 正義曰考
青黼之黻兩已用戾 工記畫績之事云火以圓

鄭司農云為圓形似火也鄭玄云形如半環然又曰水以
龍鄭玄云龍水物畫水者非畫龍是衣有畫火畫龍也白

與黑謂之黼黑與青謂之黻考工記文也其言形若斧兩已相戾相傳爲說孔安國虞書傳亦云黼若斧形黻爲兩已相背是其舊說然也周卅表冕九章傳唯言火龍黼黻四章者略以明義故文不具舉衣之所畫龍先於火今火先於龍知其

昭其文也

以文章明貴賤

五色比象昭其

物也

車服器械之有五色皆以比象天地四方以示器物不虛設

疏

注車服至虛設正義曰

考工記云畫績之事雜五色東青南赤西白北黑天玄地黃是其比象天地四方也比象有六而言五者玄在赤黑之間非別色也昭二十五年傳云九文六采言采色有六故注以天地四方六事當之五行之色爲五色加天色則爲六故五色六采互相見也昭其物者以示物不虛設必有所象其物皆象五色故以五色明之

錫鸞

和鈴昭其聲也

錫在馬頸鸞在鑣和在衡鈴在旂動皆有鳴聲

疏

注錫在至

鳴聲 正義曰鄭玄巾車注云鑄馬面當虛刻金爲之所謂鑄鑄也詩箋云眉上曰鑄刻金飾之今當虛也然則鑄在眉上故云在馬額也詩稱駟車鸞鑄知鸞在鑄也鑄在馬口兩旁衡在服馬頸上鸞和亦鈴也以處異故異名耳爾雅釋天說旌旗有鈴曰旂李巡曰以鈴置旗端是鈴在旂也錫在馬額鈴在旂先儒更無異說其鸞和所在則舊說不同毛詩傳曰在軾曰和在鑄曰鸞韓詩內傳曰鸞在衡和在軾前鄭玄經解注取韓詩爲說秦詩箋云置鸞於鑄異於乘車也其意言乘車之鸞在衡田車之鸞在鑄及商頌烈祖之箋又云鸞在鑄是疑不能定故兩從之也案考工記輪崇車廣衡長參如一則衡之所容唯兩服馬耳詩辭每言八鸞當謂馬有二鸞鸞若在衡衡唯兩馬安得置八鸞乎以此知鸞必在鑄鸞既在鑄則和當在衡經傳不言和數未知和有幾也四者皆以金爲之故動則皆有鳴聲

三辰旂旗昭其明也

三辰日月星也畫於旂旗象天之明



注三辰至之明 正義曰春官神士掌三辰之法鄭玄亦以爲日月星也謂之辰辰時也日以照晝月以照夜星則運行於天昏明遞而正所以示民早晚民得取爲時節故三者皆爲辰也三辰是天之光明照臨天下故畫於旌旗象天之明也九旗之物唯日月爲常不言畫星者蓋大常之上又畫星也穆天子傳稱天子葬盛姬建日月七星蓋畫北斗七星也案司常交龍爲旂熊虎爲旗不畫三辰而云三辰旂旗者旂旗是九旗之總名可以統大常故舉以爲言也

夫德儉而有度登降有數

登降謂上下尊卑

文物

以紀之聲明以發之以臨照百官百官於

是乎戒懼而不敢易紀律今滅德立違

謂立

華督違命之臣

而寘其賂器於大廟以明示百官

百官象之其又何誅焉國家之敗由官邪

也官之失德寵賂章也郛鼎在廟章孰甚

焉武王克商遷九鼎于雒邑

九鼎殷所受夏九鼎也武王克

商乃營雒邑而後去之又遷九鼎焉時但營雒邑未有都城至周公乃卒營雒邑謂之王城即今河南城也故傳曰

成王定鼎

疏

注九鼎至郊郛正義曰據宣三年傳知九鼎是殷家所受夏九鼎也戰國策稱齊

於郊郛

救周求九鼎顏率謂齊王曰昔周伐殷而取九鼎一鼎九萬人挽之九鼎八十一萬人挽之挽鼎人數或是虛言要知其鼎有九故稱九鼎也知武王遷九鼎於洛邑欲以爲都者鼎者帝王所重相傳以爲寶器戎衣大定之日自可遷置西周乃徙九鼎處于洛邑故知本意欲以爲都又以尚書洛誥說周公營洛邑則知武王但有遷意周公乃卒

管之地理志云河南縣故邾郚地也武王遷九鼎焉周公致大平營以爲都是爲王城至平王居之言即今河南城者晉時猶以爲河南縣

義士猶或非之

蓋伯夷之屬



注蓋伯夷之屬正義曰史記伯夷列傳曰伯夷叔齊孤竹君之二子也讓國俱逃歸周及至西伯卒武王東伐紂伯夷叔齊叩馬諫曰父死不葬爰及干戈可謂孝乎以臣伐君可謂仁乎左右欲兵之大公曰此義人也扶而去之武王既平殷夷齊恥之不食周粟隱於首陽山采薇而食之作歌曰登彼西山兮爰采薇矣以暴易暴兮不知其非矣檢書傳之說非武王者唯此人故知是伯夷之屬而況將昭違亂之賂器

於大廟其若之何公不聽周內史聞之曰臧孫達其有後於魯乎君違不忘諫之以

德

內史周大夫官也僖伯諫隱觀魚其子哀伯諫桓納鼎積善之家必有餘慶故曰其有後於魯

疏

注內

史至於魯 正義曰周禮春官內史中大夫是周大夫官也積善之家必有餘慶易文言文也

秋七月

杞侯來朝不敬杞侯歸乃謀伐之蔡侯鄭

伯會于鄧始懼楚也

楚國今南郡江陵縣北紀南城也楚武王始僭號稱王欲

害中國蔡鄭姬姓

疏

注楚國至會謀

正義曰地理志

近楚故懼而會謀

云南郡江陵縣故楚郢都楚文王

自丹陽徙此世本云楚鬻熊居丹陽武王徙郢宋仲子云

丹陽在南郡枝江縣今南郡江陵縣北有郢城史記稱文

王徙都于郢地理志依史記爲說此時當楚武王也譜云

楚芊姓顓頊之後也其後有鬻熊事周文王早卒成王封

其曾孫熊繹於楚以子男之田居丹陽今南郡枝江是也

熊達始稱武王武王十九年魯隱公之元年也武王居郢

本江陵是也昭王徙都惠王八年獲麟之歲也惠王二十一年春秋之傳終矣惠王五十七年卒自惠王以下十一世二百九年而秦滅之楚世家稱武王使隨人請王室尊吾號王弗聽還報楚楚王怒乃自立為楚武王是楚武王始僭號稱王也劉炫云號為武武非謚也九月入杞討不敬也公及

戎盟于唐脩舊好也

惠隱之好

冬公至自唐告

于廟也凡公行告于宗廟反行飲至舍爵

策勲焉禮也

爵飲酒器也既飲置爵則書勲勞於策言速紀有功也

疏

冬公至禮

正義曰凡公行者或朝或會或盟或伐皆是也孝子之事親也出必告反必面事死如事生故出必告廟反必告至不言告禰廟而言告宗廟者諸廟皆告非獨禰也禮記曾子問曰諸侯適天子必告于祖奠于禰命祝史告于

宗廟諸侯相見必告于禰命祝史告于五廟反必親告于
祖禰乃命祝史告至于前所告者由此而言諸侯朝天子
則親告祖禰祝史告餘廟朝鄰國則親告禰祝史告餘廟
其路遠者亦親告祖故於其反也言告于祖禰明出時亦
告祖也出時不言祖者鄭玄云道近或可以不親告祖明
道遠者亦親告祖矣雖親與不親而諸廟皆告故摠言告
于宗廟也曾子問曰凡告用制幣反亦如之則出入皆以
幣告也但出則告而遂行反則告訖又飲至故行言告廟
反言飲至以見至有飲而行無飲也飲至者嘉其行至故
因在廟中飲酒爲樂也襄十三年傳曰公至自晉孟獻子
書勞于廟禮也書勞策勲其事一也舍爵乃策勲策勲當
在廟知飲至亦在廟也彼公至自晉朝還告廟也此公至
自唐盟還告廟也十六年公至自伐鄭傳曰以飲至之禮
伐還告廟也三者傳皆言禮知朝會盟伐告廟禮同傳所
以反覆凡例也朝還告至而獻子書勞則策勲者非唯討
伐之勲雖常事有以安國寧民或亦書功于廟也公行告

至必以嘉會昭告祖禰有功則合爵策勲無功則告事而已無不告也反行必告而春秋公行一百七十六書至者唯八十二耳其餘不書者釋例曰凡公之行不書至者九十有四皆不告廟也隱公之不告諫也餘公之不告慢於禮也慢於禮者舉大例言耳其中亦應有心實非慢而不宜告者若行有恥辱不足爲榮則克躬罪已不以告廟非爲慢於禮也若事實可恥而不以爲恥反行告廟則史亦書之宣五年傳曰公如齊高固使齊侯止公請叔姬焉夏公至自齊書過也釋例曰執止之辱厭尊毀列所以累其先君忝其社稷固當克躬罪已不以嘉禮自終宣公如齊既已見止連晷於鄰國之臣而行飲至之禮故傳曰書過也是不應告而告故書之以示過也釋例又曰桓公之喪至自齊此則死還告廟而書至者也莊公違禮如齊觀社用飲至之禮此則失禮之書至者也宣公黑壤之會以賂免諱不書盟而復書至亦諱不以見止告廟也襄公至自晉此則榮還而書至者也昭公至自齊居于鄆此則宜告

而書至者也諸書至皆告廟啟反或即實而言或有所諱
辟傳於伐見飲至之禮於宜見書過之譏於朝見書勞于
廟舉此三者以包其他行也僖十六年公會諸侯于淮未
歸而取項齊人以爲討而止公十七年秋聲姜以公故會
齊侯于卞公始得歸而書公至自會是諱其見止而以會
告廟故傳曰猶有諸侯之事焉凡諱之是諱止而以會告
也諸侯盟者必在會後皆書公至自會不言公至自盟者
以盟是因會而爲之初必以會徵衆公行以會告廟故還
以會告至雖并以盟告亦不云至自盟爲行時不以盟告
故也僖二十八年公會諸侯于温遂園許經書公至自園
許襄十年公會諸侯于柰遂滅偃陽經書公至自會二文
不同釋例曰諸若此類事勢相接或以始致或以終致蓋
時史之異耳無他義也定十二年公至自圍成行不出竟
而亦告廟者釋例曰陪臣執命大都偶國仲由建墮三郛
之計而成人不從故公親伐之雖不越竟動衆與兵大其
事故出入皆告于廟也 注爵飲至功也 正義曰韓詩

說一升曰爵爵盡也足也二升曰觚觚寡也飲常寡以三
升曰解解適也飲當自適四升曰角角觴也飲不自適
罪過也五升曰散散訕也飲不自節為人謗訕也故言曰
爵其實曰觴觴觴也然則飲酒之器其名有五而總稱為
爵案燕禮爵用觚觶止飲至之爵不過用觥觥而已為人
君者賞不踰月欲民速親為善之利故舍爵即書勞於策
言速紀特相會往來稱地讓事也特相會公與一國會也會

必有主二人獨會則莫肯為主兩讓會事不成故但書地自參以上則往稱地

來稱會成事也成會初晉穆侯之夫人姜

氏以條之役生太子命之曰仇條晉地太子文侯也意取

於戰相其弟以千畝之戰生命之曰成師叔

仇怨

也西河界休縣南有地名千畝意取能成其衆

疏

千畝之戰

正義曰案周本紀宣王三十九年王與姜戎

戰于千畝取此戰事以為子名也

師服曰異哉君之名子也

師

晉大

夫名以制義

名之必可

義以出禮

禮從義出

以體政

政以禮成

政以正民是以政成而民聽易則

生亂

反易禮義則亂生也

疏

夫名至生亂

正義曰出口為名

故云名以制義按義而行所以生出禮法故云義以出禮

復禮而行所以體成政教故云禮以體政以禮為政以正

嘉耦

曰妃怨耦曰仇古之命也

自古有

今君命大

子曰仇弟曰成師始非亂矣兄其替乎

穆侯

愛少子栢叔俱取於戰以爲名所附意異故師服知栢叔之黨必盛於晉以傾宗國故因名以諷諫

師

穆注

侯至諷諫

正義曰大子與栢叔雖並因戰爲名而所附

意異仇取於戰相仇怨成師取能成師衆緣名求義則大

子多怨仇而成師有徒衆穆侯本立此名未必先生此意

但寵愛少子於時已著師服知栢叔將盛故推此理因

解其名以爲諷諫欲使之強幹弱枝耳人臣規諫若無端

緒馮何致言以申己志非謂人之立名必將有驗而何休

謂左氏後有典立由立名善惡引

惠之二十四年晉

后稷名棄爲膏育以難左氏非也

始亂故封栢叔于曲沃

惠魯惠公也晉文侯卒子昭侯元年危不自安封成

師爲曲沃伯

靖侯之孫欒賓傳之

靖侯栢叔之高祖父言得貴寵公孫爲傳

相

疏

注靖侯至傳相 正義曰案晉世家靖侯生僖侯

叔之高祖也史傳稱祖皆云祖父故謂高祖為高祖父非高祖之父也特云靖侯之孫則知傳意言其得貴寵公孫為傳相也此人之後遂師服曰吾聞國家之立也

本大而末小是以能固故天子建國

立諸侯也

諸侯立家

卿大夫稱家

卿置側室

側室眾子也得立此一官

疏

注側室至一官

正義曰禮記文王世子云公若有出疆之政庶子守公宮正室守大廟鄭玄云正室適子也正室

是適子故知側室是眾子言其在適子之旁側也文十二年傳曰趙有側室曰穿是卿得立此官也卿之家臣其數多矣獨言立此一官者其餘諸官事連於國臨時選用異姓皆得為之其側室一官必用同族是卿族所及唯知宗

事故特言之案世族譜趙寧是夙之庶孫於趙盾為從父昆弟而為盾側室然選其宗之庶者而為之未必立卿之親

大夫有貳宗

適子為小宗次者為貳宗以相輔貳

疏

注適子至輔貳正

義曰禮有大宗小宗天子諸侯之庶子謂之別子及異姓受族為後世之始祖者世適承嗣百世不遷謂之大宗為父後者諸弟宗之五世則遷謂之小宗五世遷者謂高祖以下喪服未絕其繼高祖之適則總服之內共宗之其繼曾祖之適則小功之內共宗之繼祖繼禰所宗及亦然故鄭玄喪服小記注云小宗有四或繼高祖或繼曾祖或繼祖或繼禰皆至五世則遷以總服既窮不相宗敬故疏即遞遷也禮記大傳曰有百世不遷之宗有五世則遷之宗百世不遷者別子之後也宗其繼別子之所自出者百世不遷者也宗其繼高祖者五世則遷者也是言大宗小宗之別也大夫身是適子為小宗故其次者為貳宗以相輔助為副貳亦立之為此官也杜知非大宗而云小宗者以

其大夫不必皆是大宗據為小宗者多故杜言之也若大夫身為大宗亦止得立貳宗官耳禮記據公族為說故言別子為祖主說諸侯庶子耳其實異姓受族亦為始祖其繼者亦是大宗但記文不及之耳沈云適子為小宗謂是

大夫之身為小宗次者為貳宗謂大夫庶弟貳宗與側室為例皆是官名與五宗別

士有隸子弟

士卑自以其子弟為僕隸

庶人工商各有分親皆有等衰

庶人無復尊卑以親疏為分別也衰殺也

是以民服事其上而下無

覬覦

下不冀望上位

今晉甸侯也而建國本既弱矣

其能久乎

諸侯而在甸服者

疏

注諸侯至服者

正義曰

為九服邦畿方千里其外每五百里謂之一服侯甸男采衛要六服為中國夷鎮蕃三服為夷狄大司馬謂之九

言其有期限也大行人謂之九服言其服事王也如其
計甸服內畔尚去京師千里晉距王城不容此數而得
世甸服者周禮設法耳土地之形不可方平如圖未必每
康皆如其數也地理志云初雒邑與宗周通封畿東西長
南北短短長相覆為千里是王畿不正方也志又云東都
方六百里半之為三百里外有侯服五百里為八百里計
晉都在大原去洛邑近八百里也歲惠之三十年晉
既不方服必差改故晉在甸服也

潘父弑昭侯而納栢叔不克潘父晉大夫也昭侯文侯子晉

人立孝侯昭侯子也惠之四十五年曲沃莊伯

伐翼弑孝侯莊伯栢叔子翼晉國所都翼人立其弟鄂侯

鄂侯生哀侯鄂侯以隱五年奔隨其哀侯侵陘

庭之田

陘庭翼
南鄙邑

陘庭南鄙啓曲沃伐翼

春秋正義卷第五

春秋正義卷第六

昭公

相公



國子祭酒上護軍曲阜縣開國子臣孔穎達等奉

勅撰

經三年春正月公會齊侯于贏

經之首時必書王明

非歷天王之所班也其武廢法違常失不班歷故不書王贏齊邑今泰山贏縣

疏

注經之至贏縣正義曰

相公元年二年十年十八年凡四年於春有王九年春無王無月其餘十三年雖春有月悉皆無王穀梁傳曰桓無王其曰王何也謹始也其曰無王何也桓弟弑兄臣弑君天子不能定諸侯不能救百姓不能去以爲無王之道遂可以至焉爾元年有王所以治桓也二年有王正與夷之卒也十年有王正終生之卒也十八年書王范甯注云此

年書王以王法終始治相之事先儒多用穀梁之說賈逵云
不書王弑君易初田成宋亂無王也元年治相二年治督
十年正曹伯十八年終始治相杜以正是王正歷從王出
故以爲王者班歷史乃書王明此歷天王之所班也其或
廢法違常失不班歷則諸侯之史不得書王言此十三年
無王皆王不班歷故也劉炫規過云然天王失不班歷經
不書王乃是國之大事何得傳無異文又昭二十三年以
後王室有子朝之亂經皆書王豈是王室猶能班歷又襄
二十七年再失閏杜云魯之司歷頓置兩閏又哀十三年
十二月螽杜云季孫雖聞仲尼之言而不正歷如杜所注
歷旣天王所班魯人何得擅改又子朝奔楚其年王室方
定王位猶且未定諸侯不知所奉復有何人尚能班歷耶
二十三年秋乃書天王居于狄泉則其春未有王矣時未
有王歷無所出何故其年亦書王也若春秋之歷必是天
王所班則周之錯失不關於魯魯人雖或知之無由輒得
改正襄二十七年傳稱司歷過再失閏者是周司歷也魯

司歷也而杜釋例云魯之司歷始覺其謬頓置兩閏以應天正若歷爲王班當一論王命寧敢專置閏月改易歲年哀十二年十二月螽仲尼曰火猶西流司歷過也杜於釋例又云季孫雖聞此言猶不即改明年復螽於是始悟十四年春乃置閏欲以補正時歷既言歷爲王班又稱魯人輒改改之不憚於王亦復何須王歷杜之此言自相矛盾以此立說難得而通又案春秋經之闕文甚多其事非一亦如夫人有氏無姜有姜無氏及大雨霖瘡咎如潰之類也此無王者正是闕文耳今判定知此不書王非是經之闕文必以爲失不班歷者杜之所據雖無明文若必闕文止應一事兩事而已不應一公之內十四年並闕王字杜以周禮有頒告朔于邦國都鄙以有成文故爲此說但齊桓晉文以前翼戴天子王室雖微猶能班歷至靈王景王以後王室卑微歷或諸侯所爲亦遙稟天子正朔所以有子朝之亂經仍稱王不責人所不得也猶如大夫之卒公疾在外雖不與小斂亦同書日之限然則司歷之過魯史

所改據此而言有何可責劉君不尋此
旨橫生異同以規杜過恐非其義也

夏齊侯衛侯

胥命于蒲

申約言以相命而不敵血也
蒲衛地在陳留長垣縣西南

六月公會

杞侯于郕秋七月壬辰朔日有食之既

無傳既盡

也歷家之說謂日光以望時遇奪月光故月食日月同會
月奄日故日食食有上下者行有高下日光輪存而中食
者相奄密故日光溢出皆既者正相當而相奄間疏
也然聖人不言月食日而以自食爲文闕於所不見

疏

注既盡至不見 正義曰食既者謂日光盡也故云既盡
也月體無光待日照而光生半照即爲弦全照乃成望望
爲日光所照反得奪月光者歷家之說當日之衝有大如
日者謂之闇虛闇虛當月則月必減光故爲月食張衡靈
憲曰當日之衝光常不合是謂闇虛在星則星微過月則
日食是言日奪月光故月食也若是日奪月光則應每望

常食而望亦有不食者由其道度異也日月異道有時而
交交則相犯故日月遮食交在望前朔則日食望則月食
交在望後望則月食後月朔則日食交正在朔則日食既
前後望不食交正在望則月食既前後朔不食大率一百
七十三日有餘而道始一交非交則不相侵犯故朔望不
常有食也道不正交則日斜照月故月光更盛道若正交
則日衝當月故月光即滅譬如火斜照水日斜照鏡則水
鏡之光旁照他物若使鏡正當日水正當火則水鏡之光
不能有照日之奪月亦猶是也日月同會道度相交月掩
日光故日食日奪月光故月食言月食是日光所衝日食
是月體所映故日食常在朔月食常在望也食有上下者
行有高下謂月在日南從南入食南下北高則食起於下
月在日北從北入食則食發於高是其行有高下故食不
同也故異義云月高則其食虧於上月下則其食虧於下
也日月之體大小正同相掩密者二體相近正映其形故
光得溢出而中食也相掩疏者二體相遠月近而日遠自

人望之則月之所映者廣故日光不復能見而日食既也
日食者實是月映之也但日之所在則月體不見聖人不
言月來食日而云有物食之

公子翬如齊逆女

禮

有故則

疏

注禮君至卿逆

正義曰天子尊無與敵不

使卿逆

自親逆使卿逆而上公臨之諸侯則親逆有

故得使卿八年祭公逆王后于紀傳曰禮也是當使人天
子不親逆也襄十五年傳曰官師從單靖公逆王后于齊
卿不行非禮也是知天子之禮當使卿逆而上公臨之也
禮記哀公問曰冕而親迎不已重乎孔子對曰合二姓之
好以繼先聖之後以爲天地宗廟社稷之主君何謂已重
乎此對哀公指言魯事是諸侯正禮當親逆也莊二十四
年公如齊逆女丘明不爲之傳以其得禮故也文四年逆婦
姜于齊傳曰卿不行非禮也以卿不行爲非禮知君有故得
使卿

逆也 九月齊侯送姜氏于謹

謹魯地濟北蛇丘縣西
有下謹亭已去齊國故

不言女未至於魯故不稱夫人公會齊侯于謹
傳無夫人姜氏至

自齊

無傳告於廟也不言聲以至者齊侯送之公受之於謹

冬齊侯使其弟

年來聘有年

無傳五穀皆熟書有年

疏

有年正義曰年訓為稔謂歲為年者取

其歲穀一熟之義故禾稼既收農功畢入以其歲豐於常故史書有年於策此書有年宣十六年書大有年穀梁傳曰五穀皆熟為有年五穀大熟為大有年杜取穀梁為說其義亦當然也周禮疾醫以五穀養病鄭玄云五穀麻黍稷麥豆即月令五時所食穀也賈云相惡而有年豐異之也言有非其所宜有案昭元年傳曰國無道而年穀和熟天贊之也是言歲豐為佐助之非妖異之物也君行既惡澤不下流遇有豐年輒以為異是則無道之世唯宜有大饑不宜有豐年非上天祐民之本意也且言有不宜有傳無其說釋例曰劉賈許因有年大有年之經有鸛鵒來巢

書所無之傳以為經諸言有皆不宜有之辭也據經螟螣不書有傳發於魯之無鸛鵒不以有字為例也經書十有一年十有一月不可謂不宜有此年不宜有此月也螟螣俱是非常之災亦不可謂其宜有也

傳三年春曲沃武公伐翼次于陘庭韓萬

御戎梁弘為右

武公曲沃莊伯子也韓萬莊伯弟也御戎僕也右戎車之右

疏

傳注武公至之右

正義曰武公莊伯子韓萬莊伯弟也

本世家文也周禮戎僕掌取戎車戎右掌戎車之兵革使故知御為戎僕右是戎車之右也

逐翼侯于汾隰

汾隰汾水邊

疏

注汾隰汾

水邊

正義曰釋例曰汾水出大原故汾陽縣東南至晉陽縣西南經西河平陽至河東汾陰縣入河爾雅釋地云

下淫曰隰知汾

隰汾水邊也

驂絙而止

驂駢馬

疏

注驂駢馬正義曰說文云駢驂旁

馬是駢駟爲一也初駕馬者以二馬夾轅而已又駕一馬與兩服爲參故謂之駟又駕一馬乃謂之駟故說文云駟駕三馬也駟一乘也兩服爲主以漸參之兩旁二馬遂名爲駟故摠舉一乘則謂之駟指其駟馬則謂之駟詩稱兩駟如舞二馬皆稱駟禮記稱說駟而賻之一馬亦稱駟是本其初參遂以爲名也駟馬在衡外挽勒每絰於木由頸不當衡故也名駟者以駟馬有駟駟之容故少儀云駟駟翼翼是也

夜獲之及藥共叔

共叔相叔之傳梁賓之子也身傳翼翼父子各殉所奉之主故并見獲而死

會于嬴成昏

于齊也

公不由媒介自與齊侯會而成昏非禮也

疏

江公不至禮也正義曰此成昏謂聘文

姜也詩刺魯桓公不能禁制文姜云取妻如之何匪媒不得既曰得止曷又極止言桓公以媒得文姜此云不由媒者公親會齊侯必無媒也詩舉正法以刺上傳據實事以解經故不同耳

夏齊侯衛侯晉

命于蒲不盟也公會杞侯于郕杞求成也

二年入杞故
今來求成

秋公子翬如齊逆女脩先君之好

故曰公子

昏禮雖奉時君之命其言必稱先君以爲
禮辭故公子翬逆女傳稱脩先君之好公

子遂逆女傳稱尊
君命互舉其義

疏

注昏禮至其義 正義曰公子遂
逆女傳言尊君命是奉時君之命

也此言脩先君之好是稱先君爲辭也翬遂俱是逆女傳
文各言其一是互舉其義昏禮納采辭曰某有先人之禮使
某也請納采其納采辭曰某有先人之禮使某也請納采
是男家辭也主人醴賓辭曰子爲事故至於某之室某有
先人之禮請醴從者是女家辭也彼士禮也故稱先人
若諸侯則稱先君以此知其言必稱先君以爲禮辭

侯送姜氏非禮也凡公女嫁于敵國姊妹

則上卿送之以禮於先君公子則下卿送之於大國雖公子亦上卿送之於天子則諸卿皆行公不自送於小國則上大夫送

之疏

凡公室送之正義曰昏以相敵爲耦先以敵國爲文然後於大國小國辨其所異姊妹於敵國猶

上卿送之於大國則上卿必矣且姊妹禮於先君不以所嫁輕重雖則小國亦使上卿送也於小國則上大夫送之文承公子之下謂送公子非送姊妹也周禮序官唯有中大夫無上大夫也禮記王制曰諸侯之上大夫卿鄭玄云上大夫曰卿則上大夫即卿也又無上大夫矣而此云上大夫者諸侯之制三卿五大夫五人之中又復分爲上下成三年傳曰次國之上卿當大國之中當其下當其上大夫小國之上卿當大國之下卿中當其上大夫下當

其下大夫是分

大夫爲上下也冬齊仲年來聘致夫人也

古者女出嫁又

使大夫隨加聘問存謙敬序殷勤也在魯而出則口

疏

致女在他國而來則摠曰聘故傳以致夫人釋之

注古者至釋之正義曰經書來聘傳言致夫人是行聘禮而致之也故知使大夫隨加聘問得所以存謙敬序殷

勤也其意言不堪事宗廟則欲以之歸也成九年季孫行

父如宋致女與此事同而文異故辨之云在魯而出則曰

致女在他國而來則摠曰聘是詳內略

外之文傳嫌其不同故以致夫人釋之

芮伯萬之母

芮姜惡芮伯之多寵人也故逐之出居于

魏

焉明年秦侵芮張本芮國在焉

疏

正義曰地理志云

魏臨晉縣魏國河東北縣

焉胡臨晉縣芮鄉故芮國也河東郡河北縣詩魏國也此

芮魏皆姬姓尚書顧命成王將崩有芮伯爲卿士名

不見魏之初封不知何人閔元年
晉獻公滅魏芮則不知誰滅之

經四年春正月公狩于郎

冬獵曰狩行三驅之禮得田狩之時故傳

曰書時禮也周之春夏之冬也田狩從夏時郎非國內之狩地故書地

疏

注冬獵至書地正義曰冬獵

曰狩爾雅釋天文也易比卦九五王用三驅失前禽鄭玄云王者習兵於蒐狩驅禽而射之三則已法軍禮也失前禽者謂禽在前來者不逆而射之旁去又不射唯背走者順而射之不中則已是其所以失之用兵之法亦如之降者不殺奔者不禦皆為敵不敢已加以仁恩養威之道是說三驅之事也狩獵之禮唯有三驅故知行三驅之正禮得田獵之常時故傳曰書時禮也善其得時明禮皆無違矣周之春正月建子即是夏之仲冬也周禮大司馬中冬教大閱遂以狩田是田狩從夏時也釋例曰三王異正朔而夏數為得天雖在周代於言時舉事皆據夏正故公以

春狩而傳曰書時禮也隱五年公矢魚于棠傳曰言遠地也僖二十八年天王狩于河陽傳曰言非其地也舉地名者皆言其非地故知此郎非國內之狩地故書地也若國內狩地大野是也哀十四年傳曰西狩於大野經不書大野明其得常地故不書耳由此而言則狩于禚蒐于紅及比蒲昌間皆非常地故書地也田狩之地須有常者古者民多地狹唯在山澤之間乃有不殖之地故天子諸侯必於其封內擇隙地而爲之僖三十三年傳曰鄭之有原圃猶秦之有具圃也是其諸國各有常狩之處違其常處則犯害居民故書地以譏之

夏天王使

宰渠伯糾來聘

宰官渠氏伯糾名也王官之宰當以才授位而伯糾攝父之職出聘

列國故書名以譏之國史之記必書年以集此公之事書首時以成此年之歲故春秋有空時而無事者今不書秋冬首月史闕

疏

注宰官至放此

正義曰周禮天官有文他皆放此

大宰小宰宰夫知宰是官也傳言父在

故名知伯糾是名自然渠爲氏矣周禮大宰卿小宰中大夫宰天下大夫未知伯糾是何宰也貶之乃書名則於法當書字但中下大夫例皆書字則此宰高下猶未可量故注直言王官之宰不捐小宰宰夫慎疑故也詩稱濟濟多士書戒無曠庶官爲政有三擇人爲急王官之宰當以才授位今其父居官而使子攝職是王者輕侮爵位遣人則可故書名以譏之糾之出聘事由於王而貶糾者王不應授糾糾不應受使二者俱有其過貶糾亦所以責王如宰咺之比也春秋編年之書四時畢具乃得爲年此無秋冬知是史闕文也舊史先闕故仲尼因之膏肓何休以爲左氏宰渠伯糾父在故名仍叔之子何以不名又仍叔之以爲父在稱子伯糾父在何以不稱子鄭箴之云仍叔之子者譏其幼弱故略言子不名之至於伯糾能堪聘事私覲又不失子道故名且字也鄭氏所箴與杜同云伯糾名且字非

杜義

傳四年春正月公狩于郎書時禮也

郎非狩地

故書時

疏

注郎非至合禮

正義曰春秋之世狩獵多

合禮矣見於經者無數事焉良由得時得地則常事不書故也以獲麟在於大野得地則不書其地知地時並得則例皆不書此書公狩于郎必是有所譏刺所刺之意在於失常地也但傳於棠與河陽已云言非其地則非地之責於理已見而此狩得時恐并時亦刺駁出合禮而非禮自明故注申其意言郎非狩地唯時合禮以時合禮知地非禮也公羊傳曰常事不書此何以書譏何譏爾遠也公羊說諸侯遊戲不得過郊故有遠近之言左氏無此義要言遠者亦是譏其失常地也

夏周宰

渠伯糾來聘父在故名秋秦師侵芮敗焉

小之也

秦以芮小輕之故爲芮所敗

冬王師秦師圍魏執芮

伯以歸

三年芮伯出居魏芮更立君秦為芮所敗故以芮伯歸將欲納之

經五年春正月甲戌己丑陳侯鮑卒

未同盟而

書名者來赴以名故也甲戌前年十二月二十一日己丑此年正月六日陳亂故再赴赴雖日異而皆以正月起文故但書正月慎疑

疏

注未同至兩書正義曰僖二十三年傳例曰赴以名則亦書之檢

經傳魯未與陳盟而書鮑名知其來赴以名故也隱八年蔡侯考父卒注云蓋春秋前與惠公盟故赴以名案史記年表隱之元年是陳桓公之二十三年則桓公亦得與惠公盟而云未同盟者以蔡侯之卒去惠尚近故疑與惠公盟此去惠公年月已遠且自隱公以來陳魯未嘗交好於惠公之世亦似無盟故以未同盟解之也以長歷推之知甲戌己丑別月而赴者並言正月故兩書其日而共言正月若其各以月赴亦應兩書其月但此異年之事設令兩

以月赴則當於四年云十二月甲戌
陳侯鮑卒五年正月己丑陳侯鮑卒

夏齊侯鄭伯如

已外相朝皆言如齊欲滅

疏

注外相至故書

正義曰

紀紀人懼而來告故書
也下文州公如曹與此相類云外相朝皆言如也魯出
朝聘例亦言如獨言外朝者經有公朝王所以不盡云公
如故獨云外也朝聘而謂之如者爾雅釋詁云如往也朝
者內君相見揖讓兩楹之間聘者使卿通問鄰國執圭以
致君命據行禮而為言也魯之君臣出適他國始行即書
於策未知成禮以否經每有在塗乃復是禮夫必成故直
云如言其往彼國耳不果必成朝聘也公朝王所則朝訖
乃書故指朝言之此齊鄭朝紀亦應朝訖乃告但略外故
言如耳外相朝例不書而此獨書者傳言欲
以襲紀紀人知之明其懼而告魯故書也

天王使仍

叔之子來聘

仍叔天子之大夫稱仍叔之子本於
父字幼弱之辭也譏使童子出聘

疏

注仍叔至出聘正義曰天子大夫例皆書字仍氏叔字知是天子大夫也公羊穀梁皆以仍叔之子爲父老代父從政左氏直云弱也言其幼弱不言父在則是代父嗣位非父在也伯糾身未居官攝行父事故稱名以貶之此子雖已嗣位而未堪從政故繫父以譏之譏王使童子出聘也蘇氏用公羊穀梁之義以爲父老來聘非父沒義或當

然葬陳桓公無傳齊鄭城祝丘無傳齊鄭秋蔡人衛

人陳人從王伐鄭王自爲伐鄭之主君臣之辭也主師敗不書不以告大

雩傳例曰書不時也失龍見之時冬無傳蛭無傳蛭蛭爲災故書疏注蛭蛭至故書正義曰

釋蟲云蜚螽蛭蛭楊雄方言云春黍謂之蛭蛭陸機毛詩疏云幽州人謂之春箕春箕即春黍蝗類也長而青股鳴者或謂似蝗而小班黑其股狀如瑇瑁又五月中以兩股相切作聲聞十數步爾雅又有蜚蛭蛭土螽樊光云皆蛭蛭之屬

然則蟲之種類多故言屬以包之傳

冬州公如曹

不

稱凡物不爲災不書知此爲災故書

奔以朝出也爲下寔來書

疏

州公如曹 正義曰周禮

也曹國今濟陰定陶縣 公之地封疆方五百里侯
四百里伯三百里子二百里男一百里隱五年公羊傳曰
天子三公稱公王者之後稱公其餘大國稱侯小國稱伯
子男然則三公之外爵稱公者唯二王之後杞與宋耳此
州公及僖五年晉人執虞公並是小國而得稱公者鄭玄
王制注以爲殷地三等百里七十里五十里武王克殷雖
制五等之爵而因殷三等之地及周公制禮大國五百里
小國百里所因殷之諸侯亦以功黜陟之其不滿者皆益
之地爲百里焉是以周世有爵尊而國小爵卑而國大者
言爵尊國小蓋指此州公虞公也案虞是克商始封非爲
殷之餘國鄭玄之言不可通於此矣杜之所解亦無明言
唯卅族譜云虞姬姓武王克商封虞仲之庶孫以爲虞仲
之後處中國爲西吳後世謂之虞公服虔云春秋前以黜

之法進爵爲公未知孰是或可嘗爲三公之官若號公之屬故稱公也以其無文故備言之劉劭難服云周法二王之後乃得稱公雖復周公大公之勲齊相晉文之霸位止通侯未升上等州有何功得遷公爵若其爵得稱公士亦應廣安得爵爲上公地仍小國若地被兼黜爵亦宜減安得地既削小爵尚尊崇此則理之不通也 注不書至陶縣 正義曰如者朝也以朝出國不得書奔外朝不書以因來向魯故書其本也世本州國姜姓曹國伯爵譜云曹姬姓文王子叔振鐸之後也武王封之陶丘今濟陰定陶縣是也桓公三十五年魯隱公之元年也伯陽立十五年魯哀公之八年而宋滅曹地理志云濟陰郡定陶縣詩曹國是也

傳五年春正月甲戌己丑陳侯鮑卒再赴也於是陳亂文公子佗殺大子免而代之

佗相公第五父也稱文公子明公疾病而亂作國

人分散故再赴

疏

公疾病正義曰鄭玄論語注云病謂疾益困也

夏

齊侯鄭伯朝于紀欲以襲之紀人知之王

奪鄭伯政鄭伯不朝

奪不使知王政

疏

注奪不使知王政正義曰隱

三年傳稱王貳于虢謂欲分政於虢不復專任鄭伯也及平王崩周人將畀虢公政即周鄭交惡未得與之八年傳曰虢公忌父始作卿士于周於是始與之政共鄭伯分王政矣九年傳曰鄭伯爲王左卿士然則虢公爲右卿士與鄭伯夾輔王也此年王奪鄭伯政全奪與虢不使鄭伯復知王政故鄭伯積恨不復朝王

秋王以諸

伐鄭鄭伯禦之王爲中軍虢公林父將

左軍蔡人衛人屬焉

疏公林父王卿士

周公黑肩將

左軍陳人屬焉

黑肩周桓公也

鄭子元請為左拒

以當蔡人衛人

子元鄭公子拒方陳

為右拒以當陳人

曰陳亂民莫有鬪心若先犯之必奔王卒

顧之必亂蔡衛不枝固將先奔

不能相枝持也

既

而萃於王卒可以集事從之

萃聚也集成也

曼伯

為右拒

曼伯檀伯

疏

注曼伯檀伯正義曰十五年傳曰鄭伯因櫟人殺檀伯昭十一年

傳曰鄭京櫟實殺曼伯知一人也

祭仲足為左拒原繁高渠彌

以中軍奉公為魚麗之陳先偏後伍伍承

彌縫

司馬法車戰二十五乘為偏以車居前以伍次之承偏之隙而彌縫闕漏也五人為伍此蓋魚麗陳

法

疏

注司馬至陳法正義曰史記稱齊景公之時有田穰苴善用兵景公尊之位為大司馬六國時齊

威王用兵行威大放穰苴之法乃使大夫追論古者司馬兵法而附穰苴其中凡一百五十篇號曰司馬法車戰二

十五乘為偏是故文也五人為伍周禮司馬序官文也

戰于繻葛

繻葛鄭地

命二

拒曰旂動而鼓

旂旂也通帛為之蓋今大將之麾也執以為號令

疏

注旂旂至

號令

正義曰旂之為旂事無所出說者相傳為然成二

年傳張侯曰師之耳目在吾旗鼓進退從之是在軍之士

視將旗以進退也今命二拒令旂動而鼓望旗之動鼓以

進兵明旂是可觀之物又旂字從旌旗之類故知旂為

旂也周禮司常通帛爲旌故云通帛爲之謂通用一絳帛無畫飾也鄭玄云凡旌旗有軍容者畫異物無者帛而已鄉遂大夫或載旌或載物象屬軍吏無所將如鄭之意則將不得建旂而此軍得有旂者僖二十八年傳曰城濮之戰晉中軍風下澤亡大旆之左旂是知戰必有旂故以旂爲旂也鄭氏之言自謂治兵之時出軍所建不廢戰陳之上猶自用旂拍麾今時爲軍猶以旂麾號令故云蓋今大將之麾執以爲號令也賈逵以旂爲發石一曰飛石引范蠡兵法作飛石之事以證之說文亦云建大木置石其上發以機以追敵與賈同也案范蠡兵法雖有飛石之事不言名爲旂也發石非旂旗之比說文載之於部而以飛石解之爲不類矣且三軍之衆人多路遠發石之動何以可見而使二拒準之爲擊鼓候也注以旂說爲長故從之

蔡衛陳皆奔王卒亂

鄭師合以攻之王卒大敗祝聃射王中肩

王亦能軍

雖軍敗身傷猶殺而不奔故言能軍

祝聃請從之公曰

君子不欲多上人況敢陵天子乎苟自救

也社稷無噍多矣

鄭於此收兵自退

夜鄭伯使祭足

勞王且問左右

祭足即祭仲之字蓋名仲字仲足也勞王問左右言鄭志在苟免王討之

疏

注祭足至非也

正義曰隱元年傳稱祭仲上云祭仲足此云祭足十一年傳云祭封人仲足此人

雖名字互見而不知孰字孰名公羊以仲為字左氏先儒亦以為字但春秋之例諸侯之卿嘉之乃書字十一年經書祭仲而事無可嘉注意以仲為名故云名仲字仲足釋例曰伯仲叔季固人字之常然古今亦有以為名者而公羊守株專謂祭氏以仲為字既謂之字無辭以善之因託以行權人臣而善其行權遜君是亂人倫壞大教也說左

氏者知其不可更云鄭人嘉之以字告故書字此爲因有
告命之例欲以苟免未是春秋之實也宰渠伯糾蕭叔大
心皆以伯叔爲名則仲亦名也傳又曰祭仲足或偏稱仲
或偏稱足蓋名仲字足也是辨其名仲之意也凡傳所記
事必有意存焉此丁寧說鄭言其志在苟免知其意言王討之非也

仍叔之子弱也

仍叔

之子來聘童子將命無速反之心久留在魯故經書夏聘傳釋之於末秋

歸

注仍叔至末秋正義曰此子

來聘傳雖不言聘意蓋爲將伐鄭而遣告魯也經在伐鄭
之上傳在伐鄭之下明其必有深意故注者原之以爲童
子將命無速反之心久留在魯故經書夏聘傳釋之於末
秋譏其夏至而秋末反也下句更言秋大雩則秋末爲末
注云末秋者上有秋王以諸侯伐鄭此仍叔之文在秋事
之末故云末秋也下文更云秋者自爲欲顯天時更別言
秋大雩書不時也

秋大雩書不時也

十二年公傳唯此年及襄二十
六年有兩秋此發雩祭之例

欲顯天時以指事故
重言秋異於凡事

疏

注十二至凡事 正義曰上既言秋王以諸侯伐鄭而此復言

秋故解之方發雩祭之例須辨雩祭之月故顯言天時以指怠慢之事故重言秋異於凡事凡事則不須每事重舉時也襄二十六年重言秋者彼注自釋中閒有初不言秋則嫌楚客過在他年 凡祀啓蟄而

郊

言凡祀通下三句天地宗廟之事也啓蟄夏正建寅之月祀天南郊

疏

注言凡至南郊 正義曰下三句謂

雩嘗烝也雩是祭天嘗烝祭宗廟此無祭地而言祭地者因天連言地耳周禮天神曰祀地祇曰祭人鬼曰享對則別爲三名散則摠爲一號禮諸侯不得祭天魯以周公之故得郊祀上帝故雩亦祀帝書傳皆不言魯得祭地蓋不祭地也魯不祭地而注言天地者以發凡言例雖因魯史經文然凡之所論摠包天子及諸國則凡公嫁女於天子諸卿皆行及王曰小童之例是也此凡祀亦摠包天子及諸國則有祭地之文故杜連言之釋例云凡祀舉郊雩烝

常則天神地祇人鬼之祭皆通其他羣祀不錄可知也拘
祠及地祇經無其事故不備言亦紇文以相包也拘祠之
祭過則亦書但無過時者故經不書耳夏小正曰正月啓
蟄其傳曰言始發蟄也故漢氏之始以啓蟄爲正月中雨
水爲二月節及大初以後更改氣名以雨水爲正月中驚
蟄爲二月節以迄于今踵而不改今歷正月雨水月中四
月小滿中八月秋分中十月小雪中注皆以此四句爲建寅
建巳建酉建亥之月則啓蟄當雨水龍見當小滿始殺當
秋分閉蟄當小雪晉世之歷亦以雨水爲正月中而釋例
云歷法正月節立春啓蟄爲中氣者因傳有啓蟄之文故
遠取漢初氣名欲令傳與歷合其餘三者不可強同其名
雖則不同其法理亦不異故釋例云案歷法有啓蟄驚蟄
而無龍見始殺閉蟄比古人所名不同然其法推不得有
異傳曰火伏而後蟄者畢此謂十月始蟄也至十一月則
遂閉之猶二月之驚蟄既啓之後遂驚而走出始蟄之後
又自閉塞也是言啓蟄爲正月中閉蟄爲十月中也注以

閉蟄爲十月而釋例云十一月遂閉之者以正月半蟄蟲
啓戶二月初則驚而走出十月半蟄蟲始閉十一月初則
遂閉之傳稱四者皆舉中氣言其至此中氣則卜此祭次
月初氣仍是祭限次月中氣乃爲過時旣以閉蟄爲建亥
之月又言十一月則遂閉之欲見閉蟄以後冬至以前皆
得烝祭也故釋例云孟獻子曰啓蟄而郊郊而後耕耕謂
春分也言得啓蟄當卜郊不應過春分也春分以前皆得
郊則冬至以前皆得烝也釋例又曰僖公襄公夏四月卜
郊但譏其非所宜卜而不譏其四月不可郊也以建卯之
月猶可郊知建子之月猶可烝也正由節卻月前未涉後
月中氣故耳傳本不舉月爲限而舉候以言者釋例曰凡
十二月而節氣有二十四共通三百六十六日分爲四時
間之以閏月故節未必恒在其月初而中氣亦不得恒在
其月之半是以傳舉天宿氣節爲文而不以月爲正也亡
功作者不必月日故亦言龍見而畢務戒事也火見而致
川水昏正而栽日至而畢此其大準也是言凡候天時皆

不以月爲其節有參差故也若周禮不舉天象故以月爲
正人司馬職曰中夏獻禽以享杓中冬獻禽以享烝言四
時之祭不得後仲月非謂孟月不得祭也釋例曰周禮祭
宗廟以四仲蓋言其下限也下限至於仲月則上限起於
孟月烝起建亥之月則嘗起建申之月此言始殺而嘗謂
建酉之月亦是下限也若仲是下限則周之正月得爲烝
祭春秋之例得常不書而八年書正月烝者釋例云經書
正月烝得仲月之時也其夏五月復烝此爲過烝若但書
夏五月烝則唯可知其非時故先發正月之烝而繼書五
月烝以示非時并明再烝瀆也然仲月雖不過時而月節
有前有卻若使節前月卻即爲非禮此秋大雩是建午之
月耳而傳言不時明涉其中氣故譏之釋例云龍星之體
畢見謂立夏之月得此月則當卜祀過涉次節則以過而
書故秋雩書不時此涉周之立秋節也言涉立秋節者謂
涉立秋之月中氣節也過涉次節亦謂中節非初節也若
始涉初節則不譏之矣如此傳注必是建寅之月方始郊

天周之孟春未得郊也禮記明堂位曰魯君孟春乘大輅
載弧韜以祀帝於郊季夏六月以禘禮祀周公於大廟季
夏周之六月即孟春是周之正月矣又雜記云孟獻子曰
正月日至可以有事於上帝七月日至可以有事於祖七
月而禘獻子爲之如彼記文則魯郊以周之孟春而傳言
啟蟄而郊者禮記後人所錄其言或中或否未必所言皆
是正禮襄七年傳孟獻子曰啟蟄而郊禮記左傳俱稱獻
子而記言日至傳言啟蟄一人兩說必有謬者若七月而
禘獻子爲之時應有七月禘矣然嘗過則書禘過亦應書
何以獻子之時不書七月禘也是知獻子本無此言不得
云禮記是而左傳非也明堂位言正月郊者蓋春秋之末
魯稍僭侈見天子冬至祭天便以正月祀帝記者不察其
本遂謂正月爲常明堂位後世之書其末章云魯君臣未
嘗相弑也禮樂刑法政俗未嘗相變也春秋之世三君見
弑髡而弔士有誅俗變多矣尚云無之此言既誣則郊亦
難信以此知記言孟春非正禮也鄭玄注書多用讖緯言

天神有六地祇有二天有天皇大帝又有五方之帝地有
崑崙之山神又有神州之神大司樂冬至祭於圜丘者祭
天皇大帝北辰之星也月令四時迎氣於四郊所祭者祭
五德之帝大微宮中五帝坐星也春秋緯文耀鉤云大微
宮有五帝坐星蒼帝其名曰靈威仰赤帝曰赤熛怒黃帝
曰含樞紐白帝曰白招拒黑帝曰汁光紀五德之帝謂此
也其夏正郊天祭其所感之帝焉周人木德祭靈威仰也
魯無冬至之祭唯祭靈威仰耳唯鄭玄立此爲義而先儒
悉不然故王肅作聖證論引羣書以證之言郊則圜丘圜
丘即郊天體唯一安得有六天也晉武帝王肅之外孫也
泰始之初定南北郊祭一地一天用王肅之義杜君身處
晉朝共遵王說集解釋例都不言有二天然則杜意天子
冬至所祭魯人啓蟄而郊猶是一天但異時祭耳此注直
云祀天南郊不言靈威仰明與鄭異也劉炫云夏正郊天
后稷配也冬至祭天
龍見而雩
龍見建巳之月蒼龍
圜丘以帝嚳配也

物始盛待雨而大故祭
天遠爲百穀祈膏雨

疏

注龍見至膏雨 正義曰天
官東方之星盡爲蒼龍之宿

見謂合昏見也雩之言遠也遠爲百穀祈膏雨遠者豫爲
秋收言意深遠也穀之種類多故詩每言百穀舉成數也
雨之潤物若脂膏然故謂甘雨爲膏雨襄十九年傳曰百
穀之仰膏雨是也傳直言雩而經書大雩者賈逵云言大
別山川之雩蓋以諸侯雩山川魯得雩上帝故稱大月令
云大雩帝用盛樂是雩帝稱大雩也此龍見而雩定在建
巳之月而月令記於仲夏章者鄭云云雩之正當以四月
凡周之秋五月之中而旱亦脩雩祀而求雨因著正雩於
此月失之矣杜君以爲月令秦法非是周典穎子嚴以龍
見即是五月釋例曰月令之書出自呂不韋其意欲爲秦
制非古典也穎氏因之以爲龍見五月五月之時龍星已
過於見此爲強牽夫宿以附會呂不韋之月令非所據而
據旣以不安凡又自違左氏傳稱秋大雩書不時此秋即
穎氏之五月而忘其不時之文而欲以雩祭是言月令不

得與傳合也鄭玄禮注云寧之言吁也言吁嗟哭泣以求雨也郊寧俱是祈穀何獨寧爲吁嗟旱而脩寧言吁嗟可矣四月常寧於時未早何當已吁

始殺而嘗

建酉之月陰氣

始殺嘉穀始熟

疏

注建酉至宗廟正義曰嘗者薦於宗廟以嘗新爲名知必待嘉穀熟乃

爲之也詩稱八月其穫穫刈嘉穀在於八月知始殺爲建酉之月陰氣始殺也釋例引詩蒹葭蒼蒼白露爲霜以證始殺百草也月令孟秋白露降季秋霜始降然則七月有白露八月露結九月乃成霜時寒有漸歲事稍成八月嘉穀熟所薦之物備故以建酉之月薦嘗於宗廟案月令孟秋農乃登穀天子嘗新先薦寢廟則以七月穀熟矣七月當嘗祭而云建酉之月乃嘗祭者以上下準之始殺嘗祭實起於建申之月今云建酉者言其下限然杜獨於嘗祭舉下限者以秋物初熟孝子之祭必待新物故特舉下限而言之哀十三年子服景伯謂吳大宰曰魯將以十月上

辛有事於上帝先公季辛而畢彼雖恐吳之辭亦是八月嘗祭之驗也何則於時會吳在夏公至在秋景伯言然之時秋之初也若嘗在建申當言九月不應遠指十月知十月是嘗祭之常期周之十月是建酉之月也建酉是下服耳若節前月卻孟秋物成亦可以孟秋嘗祭故釋例云周禮四仲月言其下服若建申得嘗何以釋例又云始殺而嘗謂建酉之月兼葭蒼蒼白露爲霜又以始殺唯建酉之月言以賈服始殺唯據孟秋不通建酉之月故釋例破賈服而爲此言也先此則不可十四年八月乙亥嘗乃是建未之月故注云先其時亦過也

閉蟄而烝

建亥之月昆蟲閉戶萬物皆成可薦

疏

注建亥至備矣者衆故烝祭宗廟釋例論之備矣

正義曰傳稱火

伏而後蟄者畢周禮季秋內火則火以季秋入而孟冬伏是蟲以孟冬蟄故知閉蟄是建亥之月也王制云昆蟲未蟄不以火田鄭玄云昆明也明蟲者得陽而生得陰而藏陰陽即寒溫也祭統注云昆蟲謂溫生寒死之蟲也是蟄

蟲謂之昆蟲也月令仲春云蟄蟲咸動啓戶始出出言啓戶故蟄言閉戶爾雅釋詁云烝衆也知萬物皆成可薦者

衆故名此 **過則書** 上日有吉否過次 **疏** 注上日至慢祭為烝 節則書以譏慢也 正義曰

祭必當卜卜有吉否不吉則當改卜次旬故不可期以一日卜不過三故限以一月過涉次月之節則書之以譏其

慢 **冬淳于公如曹度其國危遂不復** 淳于州國所都

城陽淳于縣也國有危難不能自安故出朝而遂不還

經六年春正月寔來 寔寔也不言州公者承上五年冬經如曹開無異事省文

從可知 **夏四月公會紀侯于成** 成魯地在泰山鉅平縣東南 **秋八**

月壬午大閱 魯為大國以戎事徵諸侯之戎嘉美鄭忽而忽欲以有功為瑛怒而訴齊魯人

懼之故以非
時簡車馬

疏

大閱 正義曰公狩于郎公狩于禚皆
書公大蒐大閱不書公者周禮雖四時

教戰而遂以田獵但蒐閱車馬未必皆因田獵田獵從禽
未必皆隨車馬何則怠慢之主外作禽荒豈待教戰方始
獵也公及齊人狩于禚乃與鄰國共獵必非自教民戰以
矢魚于棠非教戰之事主為遊戲而斥言公則狩于郎禚
亦主為遊戲故特書公也大蒐大閱國之常禮公身雖在
非為遊戲如此之類例不書公定十四年大蒐于比蒲邾
子來會公公身在蒐而經不書公知其法所不書以其國
家大事非公私欲故也且比蒲邾間皆舉蒐地此不言地
者蓋在國簡閱未必田獵昭十八年鄭人簡兵大蒐在
城內此亦當在城內 注齊為至車馬 正義曰大閱之
禮在於仲冬今農時閱兵必有所為傳不言其意故注者
原之於時四鄰與魯無怨又竟無征伐之處諸侯戍齊經
所不見而傳說鄭忽怒事於大閱之上及十年鄭與齊衛
爭戰于郎知此大閱是懼鄭忽而畏齊人故以非時簡車馬

也
蔡人殺陳佗

佗立踰年不稱爵者篡立未會諸侯也傳在莊二十二年

疏

注佗

立至二年

正義曰殺陳佗傳無文不言無傳者以傳說此事在莊二十二年不是全無其竒故不言無傳

九

月丁卯子同生

桓公子莊公也十二公唯子同是適夫人之長子備用太子之禮故史書

之於策不稱太子者書始生也

疏

注桓公至生也正義曰適妻長子於法當爲太子故以太子之禮舉之

由舉以正禮故史書於策古人之立太子其禮雖則無文蓋亦待其長大特加禮命如今之臨軒策拜始生之時未得即爲太子也以其備用正禮故書其生未得命故不言太子也杜云十二公唯子同是適夫人之長子又云文公哀公其母並無明文未知其母是適以否蓋其父未爲君之前已生縱令是適亦不書也釋例云據公衛之年成公又非穆姜所生杜此注云子同是適夫人之長子備用太子之禮故史書之然則雖適夫人之長子不用太子之禮

亦不
書也
冬紀侯來朝

傳六年春自曹來朝書曰寔來不復其國

也亦承五年冬傳序于公如曹止言奔則來行朝禮言朝則遂留不去故變文言實來楚武王侵

隨隨國今義陽隨縣**疏**注隨國至隨縣正義曰世本隨國姬姓不知始封為誰隨以此年見傳僖二

十年經書楚人伐隨自是以後遂為楚之私屬不與諸侯會同至定四年吳入郢昭王奔隨隨人免之卒復楚國楚人德之使列諸侯哀元年隨侯見經其後不知為誰所滅使遠章求成焉遠章楚大夫

軍於瑕以待之瑕隨地隨人使少師董成少師隨大夫董

也正闕伯比言於楚子曰吾不得志於漢東

也我則使然

闕伯比楚大夫令尹子文之父

我張吾三軍而被

吾甲兵以武臨之彼則懼而協以謀我故

難間也漢東之國隨爲大隨張必弃小國

張自侈大也

小國離楚之利也少師侈請羸師以

張之

羸弱也

熊率且比曰季梁在何益

熊率且比楚大夫季梁隨

賢闕伯比曰以爲後圖少師得其君

言季梁之諫不

過一見從隨侯卒當以少師爲計故云以爲後圖二年春

侯鄭伯會于鄧始懼楚楚子自此遂盛終於抗衡中國故

傳備言其事

疏以爲至其君

正義曰言此計今雖無益以爲在後圖謀也言季梁之諫不過

以終始之

三十

疏

一見從耳少師得其君心君將必用其計若用少師則此謀必合故請示弱以希後日之利 王毀軍而

納少師從伯比之謀少師歸請追楚師隨侯將許

之信楚弱也季梁止之曰天方授楚楚之羸其誘

我也君何急焉疏天方授楚正義曰楚之先君熊繹始封於楚在蠻夷之間食

子男之地至此君始疆盛威服鄰國似有天助故云天方授楚臣聞小之能敵大也

小道大淫所謂道忠於民而信於神也上

思利民忠也祝史正辭信也正辭不虛稱君美今民

餒而君逞欲也逞快祝史矯舉以祭臣不知

其可也

詐稱功德以欺鬼神

疏

臣聞至可也國之能敵大國也

正義曰臣聞小國也必小國得道

大國淫辟如是乃得為敵也其意言隨未有道而楚未為淫辟隨不能敵楚也既言隨未有道更說為道之事道猶道路行不失正名之曰道施於人君則治民事神使之得所乃可稱為道矣故云所謂道者忠恕於民而誠信於神也此覆說忠信之義於文中心為忠言中心愛物也人言為信謂言不虛妄也在上位者思利於民欲民之安飽是其忠也祝官史官正其言辭不欺誑鬼神是其信也今隨國民皆飢餒而君快情欲是不思利民是不忠也祝史詐稱功德以祭鬼神是不正言辭是不信也無忠無信不可謂道小而無道何以敵大君欲敵之臣不知其可也欲君之下

楚也公曰吾牲牷肥腍粢盛豐備何則不信

牲牛羊豕也牲純色字全也腍亦肥也黍稷曰粢在器曰盛

疏

注牲牛至日盛正義曰諸侯祭用大牢

祭以三牲爲主知牲爲三牲牛羊豕也周禮牧人掌共祭祀之牲牷祭用純色故知牷謂純色字全言毛體全具也曲禮曰豚曰脂肥肥脂共文知脂亦肥也重言肥脂者古人自有複語耳服虔云牛羊曰肥豕曰脂案禮記豚亦稱肥非獨牛羊也菜是黍稷之別名亦爲諸穀之總號祭之用米黍稷爲多故云黍稷曰菜菜是穀之體也盛謂盛於器故云在

器曰盛

對曰夫民神之主也

言鬼神之情依民而行

是

以聖王先成民而後致力於神故奉牲以

告曰博碩肥脂謂民力之普存也

博廣也碩大也謂

其畜之碩大蕃滋也謂其不疾疫蠹也謂其

備腍咸有也

雖告神以博碩肥脂其實皆當兼此四謂民力適字則六畜既大而滋也皮毛

無疥癬兼備而無有所闕

奉盛以告曰絜粢豐盛謂其三

時不害而民和年豐也

三時春夏秋

奉酒醴以

告曰嘉栗旨酒

嘉善也栗謹敬也

謂其上下皆有嘉德

而無違心也所謂馨香無譏慝也

馨香之遠聞

故

務其三時脩其五教

父義母慈兄友弟共子孝

親其九族

以致其禋祀

禋絜敬也九族謂外祖父外祖母從母子及妻父妻母姑之子姊妹之子女子

之子并己之同族皆外親有服而異族者也

於是乎民和而神降之福

故動則有成今民各有心而鬼神乏主

民飢餓也

君雖獨豐其何福之有君姑脩政而親兄

弟之國庶免於難隨侯懼而脩政楚不敢

伐疏

對曰夫民至於難正義曰鬼神之情依人而行故云夫民神之主也以民和乃神說故聖王先成

其民而後致力於神言養民使成就然後致孝享由是告神之辭各有成百姓之意祭之所用有牲有食有酒耳聖人文飾辭義爲立嘉名以告神季梁舉其告辭解其告意故奉牲以告神曰博碩肥腍者非謂所祭之牲廣大肥充而已乃言民之畜產盡肥充皆所以得博碩肥腍者由四種之謂故又申說四種之事四謂者第一謂民力普徧安存故致第二畜之碩大滋息民力普存所以致之者由民無勞役養畜以時故六畜碩大蕃多滋息民力普存又致第三不有疾病疥癬所以然者由民力普存身無疲苦故所養六畜飲食以理埽刷依法故皮毛身體無疥癬疾病

民力普存又致第四備臚咸有所以然者由民力普存人
皆逸樂種種養畜羣牲備有也奉盛以告神曰絜粢豐盛
者非謂所祭之食絜淨豐多而已乃言民之糧食盡豐多
也言豐絜者謂其春夏秋三時農之要節爲政不害於民
得使盡力耕耘自事生產故百姓和而年歲豐也奉酒醴
以告神曰嘉栗旨酒者非謂所祭之酒栗善味美而已乃
言百姓之情上下皆善美也言嘉旨者謂其國內上下羣
臣及民皆有善德而無違上之心若民心不和則酒食腥
穢由上下皆善故酒食馨香非言酒食馨香無腥臠臭穢
乃謂民德馨香無譏諛邪惡也所謂馨香摠上三者由是
王者將說神心先和民志故務其三時使農無廢業脩其
五教使冢道協和親其九族使內外無怨然後致其絜敬
之祀於神明矣於是民俗大和而神降之福故勤則有成
戰無不克今民各有心或欲從主或欲叛君不得爲無違
上之心而鬼神乏主百姓飢餓民力彫竭不得爲年成豐
也民既不和則神心不說君雖獨豐其何福之有神所不

福民所不與以此敵大必喪其師君且脩政撫其民人而親兄弟之國以爲外援如是則庶幾可以免於禍難也告牲肥碩言民畜多告粢豐言民食多告酒嘉言不言民酒多而言民德善者酒之與食俱以米粟爲之於盛已言年豐故於酒變言嘉德重明民和之意 注雖告至所闕正義曰劉炫云杜以博碩肥腍據牲體而言季梁推此出理嫌其不實故云其實皆當兼此四謂又民力普存非畜之形貌而季梁以之解情又申之民力適字則得生養六畜故六畜旣大而滋息也博碩言其形狀大蕃滋言其生乳多碩大蕃滋皆複語也疾蟲畜之小病故以爲疥癰之疾也不疾者猶言不患此病也 注嘉善至敬也 正義曰嘉善釋詁文也杜訓粟爲謹敬言善敬爲酒案詩實穎實粟與田事相連故粟爲穗貌此粟與嘉善言酒相類故粟爲謹敬之心即論語云使民戰栗與此相似劉炫以粟爲穗貌而規杜過於理恐非 注父義至子孝 正義曰父母於子並爲慈但父主教訓母主撫養撫養在於恩愛

故以慈爲名教訓愛而加教故以義爲稱義者宜也教之
義方使得其宜第之於兄亦宜爲友但兄弟相於乃有長
幼尊卑故分出其第使之爲共言敬其兄而友愛 注裡
絮至族者也 正義曰釋詁云裡敬也故以裡爲絮敬隱
十一年注云絮齊以享謂之裡意亦與此同也漢世儒者
說九族有二異義今禮戴尚書歐陽說九族乃異姓有屬
者父族四五屬之內爲一族父女昆弟適人者與其子爲
一族己女昆弟適人者與其子爲一族己之女子子適人
者與其子爲一族母族三母之父姓爲一族母之母姓爲
一族母女昆弟適人者與其子爲一族妻族二妻之父姓
爲一族妻之母姓爲一族古尚書說九族者從高祖至玄
孫凡九皆同姓謹案禮經麻三月以上恩之所及禮爲妻
父母有服明在九族中九族不得但施於同姓鄭駁云玄
之聞也婦人歸宗女子雖適人字猶繫姓明不得與父兄
爲異族其子則然昏禮請期辭曰唯是三族之不虞欲及
今三族未有不億度之事而迎婦也如此所云三族不當

有異姓異姓其服皆緦麻禮雜記下緦麻之服不禁嫁女
取婦是爲異姓不在族中明矣周禮小宗伯掌三族之別
名喪服小記說服之義曰親親以三爲五以五爲九以此
言之知高祖至玄孫昭然察矣是鄭從古尚書說以九族
爲高祖至玄孫也此注所云猶是禮戴歐陽等說以鄭玄
駁云女子不得與父兄爲異族故簡去其母唯取其子以
服重者爲先耳其意亦不異也不從古學與鄭說者此言
親其九族詩刺不親九族必以九族者疏遠恩情已薄故
刺其不親而美其能親耳高祖之父己之所稟承也子至
玄孫己之所生育也人之於此誰或不親而美其能親也
詩刺棄其九族豈復上遺父母下棄子孫哉若言棄其九
族謂棄其出高祖出曾祖者然則豈亦棄其出曾孫出玄
孫者乎又鄭玄爲昏必三十而娶則人年九十始有曾孫
其高祖玄孫無相及之理則是族終無九安得九族而親
之三族九族族名雖同而三九數異引三族以難九族爲
不相值矣若緣三及九則三九不異設使高祖喪玄孫死

亦應不得爲昏禮何不言九族之不虞也
以此知九族皆外親有服而異族者也 夏會于成紀

來諮謀齊難也
齊欲滅紀故來謀之 北戎伐齊齊侯使

乞師于鄭鄭太子忽帥師救齊六月大敗

戎師獲其二帥大良少良甲首三百以獻

於齊
甲首初 於是諸侯之大夫戍齊齊人饋

之餼
生日 使魯爲其班後鄭
班次也魯親班齊饋則亦使大夫戍

齊矣經不書
注班次至闕文正義曰劉炫云在戌蓋史闕文

戊陳書經此成齊亦更書今不書經疑史闕文以史策本
闕仲尼不書言之十年說此云北戎病齊諸侯救之或可

魯亦往救但傳無魯事之
驗魯必不救不須解之

鄭忽以其有功也怒故

有郎之師

郎師在
十年

公之未昏於齊也齊侯欲

以文姜妻鄭大子忽大子忽辭人問其故

大子曰人各有耦齊大非吾耦也詩云自

求多福

詩大雅文王言求
福由己非由人也

在我而已大國何爲

君子曰善自爲謀

言獨絜其身
謀不及國

及其敗戎師

也齊侯又請妻之

欲以他
女妻之

固辭人問其故大

子曰無事於齊吾猶不敢今以君命奔齊

之急而受室以歸是以師昏也民其謂我

何

言必見怪於民

遂辭諸鄭伯

假父之命以爲辭爲十一年鄭忽出奔衛傳

秋大閱簡車馬也九月丁卯子同生以大

子生之禮舉之接以大牢

大牢牛羊豕也以禮接夫人重適也

疏

注大牢至適也正義曰大牢牢之大者三牲牛羊豕具爲大牢儀禮少牢饋食之禮以羊豕爲少牢以

牲多少稱大少也詩公劉曰執豕于牢周禮充人掌繫祭祀之牲牲牲祀五帝則繫于牢笏之三月是牢者養牲之處故因以爲名鄭玄詩箋云繫養曰牢是其義也禮記內則曰國君世子生告于君接以大牢文在三日負子之上則三日之內接之矣記云凡接子擇日鄭云雖三日之內必選其吉焉是三日之內擇日接之爲子接母故記稱接子

此傳舉之之下即云接以天牢亦以接子為文其實接母故云以禮接夫人重適也鄭玄云接讀為捷捷勝也謂食其母使補虛強氣也此言以禮接之則與鄭異也內則又云接子庶人特豚士特豕大夫少牢國君世子大牢其非冢子則皆降一等

卜士負之士妻食之

禮世子生三日卜士負之射人以桑

弧蓬矢射四方卜士之妻為乳母

疏

注禮世至乳母正義曰四方以

妻大夫之妾使食子食謂乳也故以乳母言之鄭玄云桑弧蓬矢本大古也天地四方男子所有事也士妻大夫之妾謂時自有子者定本直云射四方無天地案禮云桑弧蓬矢六今無天地誤也賈逵云桑者木中之眾蓬者草中之亂取其長大

公與文姜宗婦命之

世子生三月君夫人沐浴

於外寢立於阼階西鄉世婦抱子升自西階君命之乃降蓋同宗之婦

疏

注世子至之婦正義曰乃降以

上皆內則文也鄭玄云子升自西階則人君見世子於路寢也見妻子就側室凡子生皆就側室以其生於側室見於路寢故從外而升階也襄二年葬齊姜傳曰齊侯使諸姜宗婦來送葬諸姜是同姓之女知宗婦是同宗之婦也公與夫人共命之故使宗婦侍夫人

公問名於申繻對曰名有五

有信有義有象有假有類

申繻魯大夫

以名生

爲信

若唐叔虞魯公子友

以德命爲義

若文王名昌武王名發

疏

注若

文至名發正義曰周本紀稱大王見季歷生昌有聖瑞乃言曰我世當有興者其在昌乎則是大王見其有瑞度其當興故名之曰昌欲令昌盛周也其度德命發則無以言之服虔云謂若大王度德命文王曰昌文王命武王曰發似其有舊說也舊說以爲文王見武王之生以爲必發兵誅暴故名曰發

以類命爲象

若孔子首

疏

注若孔至尼丘

正義曰孔子世家云叔

象尼丘

取於物為假

若伯魚生人有

首上汗頂故因名曰丘

字仲尼是其象尼丘也

取於物為假

若伯魚生人有

曰鯉 注若伯至曰鯉 正義曰家語本姓篇云孔子年

鯉 十九娶於宋并官氏一歲而生伯魚伯魚生魯昭

公以鯉魚賜孔子孔子榮君之賜因名子曰鯉字伯魚此

注不言昭公賜而云人有饋之者如家語則伯魚之生當

昭公九年昭公庸君孔子尚少未必能尊重聖

取於父

人禮其生子取其意而遺其人疑其非昭公故

為類 若子同生有 不以國 國君之子不自 疏 注國

名也 正義曰下云以國則廢名以國不可易須廢名不

諱若以他國為名則不須自廢名也且春秋之世晉侯周

衛侯鄭陳侯吳衛侯晉之徒皆以他國為名以此知不以

國者謂國君之子不得自以本國為名不以山川者亦謂

國內之山川下云以山川則廢主謂廢國內之所主祭也若他國山川則非其主不須廢也此雖因公之問而對以此法曲禮亦云名子者不以國不以日月不以隱疾不以山川則諸言不以者臣民亦不得以也此注以其言國故特云國君子耳其實雖非國君之子亦不得以國爲名其言廢名廢禮之徒唯謂國君之子若使臣民之名國家不爲之廢也然則臣民之名亦不以山川而孔子魯人尼丘魯山得以丘爲名者蓋以其有象故特以類命非常例也

不以官不以山川不以隱疾

隱痛疾患辟不祥也

疏

注隱痛至祥也 正義曰鄭玄云隱疾衣中之疾也謂若黑臀黑肱矣疾在外者雖不得言尚可指擿此則無時可辟俗語云隱疾難爲醫案周語單襄公曰吾聞成公之生也其母夢神規其臀以黑曰使有晉國故命之曰黑臀此與叔虞季友復何以異而云不得名也且黑臀黑肱本非疾病以證隱疾非其類矣詩稱如有隱憂是隱爲痛也以

痛疾為名則不祥之甚故以為辟不祥

不以畜牲

畜牲六畜

疏

正義曰爾雅注畜牲六畜

釋畜於馬牛羊豕狗雞之下題曰六畜故鄭眾服虔皆以六畜為馬牛羊豕犬雞周禮牧人掌牧六牲鄭玄亦以馬牛等六者為之然則畜牲一物養之則為畜共用則為牲故并以六畜解六牲

不以器幣

幣玉

帛

疏

注幣玉帛正義曰周禮小行人合六幣圭以馬璋以皮璧以帛琮以錦琥以繡璜以黼然則幣玉

帛者謂此圭璋璧琮帛錦繡黼之屬也以幣為玉帛則器者非徒玉器服虔以為俎豆器彝犧象之屬皆不可以為

名也周人以諱事神名終將諱之

君父之名固非臣子所斥

然禮既卒哭以木鐸徇曰舍故而諱新謂舍親盡之祖而諱新死者故言以諱事神名終將諱之自父至高祖皆不

敢斥

疏

周人至諱之正義曰自殷以往未有諱法諱始於周周人尊神之故為之諱名以此請法敬

事明神故言周人以諱事神子生三月爲之立名終父必將諱之故須豫有所辟爲下諸廢張本也終將諱之謂死後乃諱之 注君父至斥言 正義曰君父之名固非臣子所斥謂君父生存之時臣子不得指斥其名也禮稱父前子名君前臣名鄭玄云對至尊無大小皆相名是對父則弟可以名兄對君則子可以名父非此則不可也文十四年傳曰齊公子元不順懿公之爲政也終不曰公曰夫己氏注云猶言某甲是斥君名也彼以不順故斥其名知平常不斥君也成十六年傳曰欒書將載晉侯鍼曰書退國有大任焉得專之注云在君前故子名其父彼以對君故名其父知平常不斥父也雖不斥其名猶未是爲諱曲禮曰卒哭乃諱鄭玄云敬鬼神之名也諱辟也生者不相辟名衛侯名惡大夫有不惡君臣同名春秋不非是其未爲之諱故得與君同名但言及於君則不斥君名耳旣言生已不斥死復爲之加諱欲表爲諱之節故言然以形之禮旣卒哭以木鐸徇曰舍故而諱新自寢門至於庫門皆

禮記檀弓文也既引其文更解其意謂舍親盡之祖而諱
新死者也親盡謂高祖之父服絕廟毀而親情盡也卒哭
之後則以鬼神事之故言以諱事神又解終將諱之所諱
世數自父上至高祖皆不敢斥言此謂天子諸侯禮也曲
禮曰逮事父母則諱王父母不逮事父母則不諱王父母
鄭玄云此謂庶人適士以上廟事祖雖不逮事父母猶諱
祖以其立廟事之無容不爲之諱也天子諸侯立親廟四
故高祖以下皆爲諱親盡乃舍之既言以諱事神則是神
名必諱文王名昌武王名發詩雖棣大祖祭文王之廟也
其經曰克昌厥後周公制禮醢人有昌本之菹七月之詩
周公所作經曰一之日觴發烝民詩曰四方爰發皆不以
爲諱而得言之者古人諱者臨時言語有所辟耳至於制
作經典則直言不諱曲禮曰詩書不諱臨文不諱是爲詩
爲書不辟諱也由作詩不諱故祭得歌之尚書牧誓云今
予發武成云周王發武王稱名告衆史官錄而不諱知於
法不當諱也金縢云元孫某獨諱者成王啓金縢之書親

自讀之諱其父名曰改爲某既讀之後史官始錄依王所讀遂
即云某武成牧誓則宣諸衆人宣訖即錄故因而不改也
古者諱名不諱字禮以王父字爲氏明其不得
諱也屈原云朕皇考曰伯庸是不諱之驗也 故以國

則廢名

國不可易故廢名

疏

注國不至廢名正義曰國名受之天子不可輕易若以國爲

名終卒之後則廢名不諱若未卒之前誤以本國爲名則改其所名晉之先君唐叔封唐變父稱晉若國不可易而晉得改者蓋王命使改之 以官則廢職以山川則廢主改其

山川

疏

注改其山川之名正義曰廢主謂廢其所主之名山川之名不廢其所主之祭知者漢文帝諱恒

改北嶽爲常山諱名不廢嶽是也劉炫云廢主謂廢其所主山川不復更得共祀故須改其山川之名魯改二山是其事 以畜牲則廢祀名猪則廢猪名羊則廢羊 以器幣則

廢禮

疏

廢祀廢禮

正義曰祀以牲為主無牲則祀

器而祀不廢且諸禮皆用器幣故以廢禮摠之

晉以僖侯廢司徒

僖侯名司徒廢

為中

宋以武公廢司空

武公名司空

先君獻武

廢二山

二山具教也魯獻公名具

疏

注二山至名山正義曰晉語云

范獻子聘於魯問具教之山魯人以其鄉對獻子曰不為具教乎對曰先君獻武之諱也是其以鄉名山也禮稱舍故而諱新親盡不復更諱計獻子聘魯在昭公之世獻武之諱久已舍矣而尚以鄉對者當諱之時改其山號諱雖已舍山不復名故依本改名以其鄉對猶司徒司空雖歷世多而不復故名也然獻子言之不為失禮而云名其二諱以自尤者禮入國而問禁入門而問諱獻子入魯不問故以之為慙耳

是以大物不可

以命公曰是其生也與吾同物命之曰同

物類也

疏

注物類也謂同日

正義曰魯世家云桓公

謂同日

六年夫人生子與桓公同日故名之曰同是

知同物爲同日也言物類者辨此以爲類命也

冬紀侯來朝請王命以求

成于齊公告不能

紀微弱不能自通於天子欲因公以請王命公無寵於王故告

不能

春秋正義卷第六

[illegible]

春秋正義卷第七

昭公

相公

國子祭酒上護軍曲阜縣開國子臣孔穎達等奉

勅撰

經七年春二月己亥焚咸丘

無傳焚火田也咸丘魯地高平鉅野

縣南有成亭

疏

注焚火至故書

正義曰咸丘地名以火焚地明爲田獵故知焚是火田也不

言蒐狩者以火田非蒐狩之法而直書其焚以譏其盡物也釋例曰咸丘魯地非蒐狩常處經不言蒐狩但稱焚咸丘言火田盡物非蒐狩之義是言火田非狩法故不書狩狩既非法雖得地亦譏不復譏其失地也咸丘知地亦非也禮記王制云昆蟲未蟄不以火田則是已蟄得火田也又爾雅釋天云火田爲狩似法得火田而譏其焚者說爾

雅者李巡孫炎皆云放火燒草守其下風周禮羅氏蜡則作羅襦鄭云襦細密之羅此時蟄者畢矣可以羅罔罔取禽也今俗放火張羅其遺教然則彼火田者直焚其一叢一聚羅守下風非謂焚其一澤也禮天子不合圍諸侯不掩羣尚不盡取一羣宜容并焚一澤知其譏盡物故書也沈氏以周禮仲春火弊謂夏之仲春今周之二月乃夏之季冬故譏其盡物義亦通也

夏穀伯綏來朝鄧侯吾離來

朝

不揔稱朝者各自行朝禮也穀國在南鄉筑陽縣北

傳七年春穀伯鄧侯來朝名賤之也

辟陋小國賤之

禮不足故書名以春來夏乃行朝禮故經書夏

疏

注辟陋至書夏正義曰傳直云賤之不言賤意以穀鄧

是南方諸侯近楚小國明以辟陋小國故賤之也賤之者以其朝禮不足故書名也曲禮云諸侯不生名今生書其

名欲比之附庸但實非附庸故仍書其爵介葛盧言來不言朝全不能行朝禮此則行朝禮但禮不足耳傳在春經在夏經書實朝之日故春來至夏乃書之世本鄧爲曼姓莊十六年楚文王滅之穀則不知何姓是誰滅之服注云穀鄧密邇於楚不親仁善鄰以自固卒爲楚所滅無同好之救桓又有弑賢兄之惡故賤而名之衛冀隆難杜云傳曰要結外援好事鄰國以衛社稷又云服於有禮社稷之衛穀鄧在南地屬衛岳以越棄彊楚遠朝惡人卒至滅亡故書名以賤之杜駁論先儒自謂一準丘明之傳今辟陋之語傳本無文杜何所準馮知其辟陋傳又稱莒之辟陋而經無貶文穀鄧辟陋何以書名此杜義不通秦道靜釋云杞桓公來朝用夷禮故曰子杞文公來盟傳云賤之明賤其行夷禮也然則穀鄧二君地接荆蠻來朝書名明是賤其辟陋也此則傳有理例故杜據而言之若必魯桓惡人不合朝聘何以伯糾來聘譏其父在仍叔之子譏其幼弱又魯班齊饋春秋所善美魯桓之有禮責三國之來伐

而言遠朝惡人非其辭也

夏盟向求成于鄭既而背之向盟

二邑名隱十一年王以與鄭故求與鄭成

秋鄭人齊人衛人伐盟向

王遷盟向之民于郊

郊王城

疏

正義曰此盟向之

邑必有主據之言求成于鄭是主求成也隱十一年王以與鄭傳稱王不能有然則鄭雖得之亦不能有故今始求成既而背之是背鄭歸王故王遷于郊若主不歸王則王無由得遷之也冬曲沃伯誘晉

小子侯殺之

曲沃伯武公也小子侯哀侯子

經八年春正月己卯烝

無傳此夏之仲月非爲過而書者爲下五月復

烝見瀆也

疏

春正月己卯烝正義曰衛氏難杜云上五年閉蟄而烝謂十月此正月烝則是過

時而烝春秋有一貶而起二事者若武氏子來求賻一責天王求賻二責魯之不共此正月烝一責過時二責見瀆何爲不可而云非爲過時者秦氏釋云案周禮四時之祭皆用四仲之月此正月則夏之仲冬何爲不得烝而云過時也又傳無過時之文明知直爲再烝而瀆也

天王使家父來聘

無傳家父

天子大夫家氏父字

夏五月丁丑烝

無傳

秋伐邾

無傳

冬十

月雨雪

無傳今八月也書時失

祭公來遂逆王后于紀

祭公

諸侯爲天子三公者王使魯主昏故祭公來受命而迎也天子無外故因稱王后卿不書舉重略輕

疏

注祭

公至略輕

正義曰隱元年云祭伯今而稱公知其爲天子三公公羊亦云祭公者何天子之三公也從周向紀不

由魯國縱令因使過魯自當假道而去不須言來也凡言遂者因上事生下事之辭既書其來又言遂逆是先來見

魯君然後向紀知王使魯主昏故祭公來受魯命而往迎也凡昏姻皆賓主敵體相對行禮天子嫁女於諸侯使諸侯爲主令與夫家爲禮天子聘后於諸侯亦使諸侯爲主令與后家爲禮嫁女則送女於魯令魯嫁女與人迎后則令魯爲主使魯遣使往逆故祭公受魯命也嫁王女者王姬至魯而後至夫家其王后昏后不來至魯者以王姬至魯待夫家之逆以爲禮故須至魯后則王命已成於魯無事故即歸京師於逆稱王后舉其得王之命后禮已成於歸稱季姜申父母之尊言子尊不加於父母從父母之家而將歸於王據父母之家爲文故於歸申父母之尊也公不獨行必有卿從卿不書舉重略輕也知非卿不行者以傳云禮也釋例曰襄十五年劉夏逆王后于齊傳曰卿不行非禮也知祭公如紀時亦有卿卿不書舉重略輕猶輦邾之戰唯書卻克林父此天子使公卿之文是杜約彼文知公行必卿從也異義公羊說天子至庶人皆親迎左氏說王者至尊無敵體之義不親迎鄭玄駁之曰文王親迎

於渭濱即天子親迎也天子雖尊其於后則夫婦也夫婦
判合禮同一體所謂無敵宜施於此哉禮記哀公問曰晁
而親迎不已重乎孔子對曰合二姓之好以繼先聖之後
以爲天地宗廟社稷之主君何謂已重乎此言繼先聖之
後爲天地之主非天子則誰乎是鄭以天子當親迎也此
注之意猶以爲天子不親迎者以此時祭公迎后傳言禮
也劉夏逆后譏卿不行皆不譏王不親行明是王不當親
也文王之迎大妣身爲公子迎在殷世未可據此以爲天
子禮也孔子之對哀公自論魯國之法魯周公之後得郊
祀上帝故以先聖天地爲言耳其意非說天子禮也且鄭
玄注禮自以先聖爲周公及駁異義
則以爲天子二三其德自無定矣

傳八年春滅翼

曲沃滅之

隨少師有寵楚鬬伯

比曰可矣讎有釁不可失也

釁瑕隙也無德者寵國之釁也

夏

楚子合諸侯于沈鹿

沈鹿楚地

黃隨不會

黃國今弋

陽縣

使遠章讓黃

責其不會

楚子伐隨軍於漢淮

之間季梁請下之弗許而後戰

下之請服也

所

以怒我而怠寇也少師謂隨侯曰必速戰

不然將失楚師隨侯禦之望楚師

遙見楚師

季

梁曰楚人上左君必左

君楚君也

無與王遇且攻

其右右無良焉必敗偏敗衆乃攜矣少師

曰不當王非敵也弗從

不從季梁謀

戰于速杞

隨師敗績隨侯逸

速杞隨地逸逃也

闕丹獲其戎車

與其戎右少師

闕丹楚大夫戎車君所乘兵車也戎右車右也寵之故以爲右

秋

隨及楚平楚子將不許闕伯比曰天去其

疾矣

去疾謂少師見獲而死

隨未可克也乃盟而還

疏

漢淮之間

正義曰漢淮二水名漢淮之間漢北淮南禹貢云嶓冢導漾東流爲漢又東爲滄浪之水過三澨至于

大別南入于江孔安國云泉始出山爲漾水東南流爲沔

水至漢中東行爲漢水釋例曰漢一名沔水出武都沮縣

東經漢中魏興至南陽東南經襄陽至江夏安陸縣入江

禹貢又云導淮自桐柏東會于泗沂東入于海釋例曰淮

出義陽平氏縣桐柏山東北經汝陰淮

南譙國沛國下邳至廣陵縣入海也

冬王命虢仲

立晉哀侯之弟緡于晉

號仲王卿士
號公林父

祭公來遂

逆王后于紀禮也

天子娶於諸侯使同姓諸侯爲
之主祭公來受命於魯故曰禮

經九年春紀季姜歸于京師

季姜相王后也季
字姜紀姓也書字

者伸父
母之尊

疏

注季姜至之尊正義曰時當相王故云相
王后也公羊傳曰其稱紀季姜何自我言紀

父母之於子雖爲天王后猶曰吾季姜是申父母之尊也
公羊又曰京師者何天子之居也京者何大也師者何衆

也天子之居必以
衆大之辭言之

夏四月秋七月冬曹伯使其

世子射姑來朝

曹伯有疾故
使其子來朝

疏

注曹伯至來朝
正義曰朝禮當

君自親行不應使大子也當享而大子歎明年而曹伯卒
知其有疾故使大子來朝也大子不合稱朝攝行父事故

言朝也諸經稱世子及衛世叔申經作世字傳皆爲大然則古者世之與大字義通也

傳九年春紀季姜歸于京師凡諸侯之

女行唯王后書

爲書婦人行例也適諸侯雖告魯猶不書

巴子使

韓服告于楚請與鄧爲好

韓服巴行人巴國在巴郡江州縣

楚

子使道朔將巴客以聘於鄧

道朔楚大夫巴客韓服

鄧

南鄙鄧人攻而奪之幣

鄧在今鄧縣南沔水之北

殺道朔

及巴行人楚子使蔣章讓於鄧鄧人弗受

言非鄧人所攻

夏楚使鬬廉帥師及巴師圍鄧

鬬廉

楚大鄧養甥聃帥師救鄆三逐巴師不克

皆鄧大夫闕廉衡陳其師於巴師之中以戰而北

衡橫也分巴師爲二部闕廉衡陳於其間以與鄧師戰而僞北走也鄧人逐之背巴

師而夾攻之楚師僞走鄧師逐之背巴師鄧師大

敗鄆人宵潰宵夜也**疏**注韓服至州縣正義曰以巴所使故言巴行人行人謂

使人也地理志巴郡故巴國江州是其治下縣也昭十三年楚共王與巴姬埋璧則巴國姬姓也此年見傳文十六

年與秦楚滅庸以後不見蓋楚滅之三逐巴師不克正義曰三逐巴師謂鄧師逐巴師也不克謂楚巴不能克

鄧故闕廉設權以誘之秋虢仲芮伯梁伯荀侯賈伯伐曲

沃

梁國在馮翊夏陽縣荀賈皆國名

疏

注梁國至國名正義曰地理志云馮翊夏陽縣故少梁也

梁在夏陽也僖十七年傳曰惠公之在梁也梁伯妻之梁嬴孕過期既以國配嬴則梁爲嬴姓卅本荀賈皆姬姓僖十九年秦人滅梁荀賈不知誰滅之晉大夫有荀氏賈氏蓋晉滅之以賜大夫

冬曹太子來

朝賓之以上卿禮也

諸侯之道子未誓於天子而攝其君則以皮帛繼子男故

賓之以上卿各當其國之上卿

享曹太子初獻樂奏而歎

酒始獻

施

父曰曹太子其有憂乎非歎所也

施父尊大夫

疏

注諸侯至上卿正義曰繼子男以上皆周禮典命職文也鄭玄云誓猶命也言誓者明天子既命以爲之嗣樹子不易也釋例曰周禮諸侯之適子誓於天子則下其君禮一等未誓則以皮帛繼子男此謂公侯伯子男之世子出

會朝聘之儀也誓者告於天子正以爲世子受天子報命者也未誓謂在國正之而未告天子者也曹之世子未誓而來故賓之以上卿謂比於諸侯之上卿繼子男之末命數相準故也是言曹大子由未誓之故賓之以上卿謂以賓客待之同上卿之禮也卿禮殯饗積膳之數掌客聘禮略有其事傳不言未誓知曹大子必未誓者若誓則下其君一等而已侯伯之子當如子男不得徒以上卿之禮待之也釋例摠論世子故言比於諸侯之上卿此指說曹國故分明辨之云各如其國之上卿僖二十九年傳曰在禮卿不會公侯會伯子男可也昭二十三年傳曰列國之卿當小國之君固周制也然則小國之君乃當大國之卿小國之世子必不得當大國之卿故知各如其國之上卿耳何休膏肓以爲左氏以人子安處父位尤非衰世救失之宜於義左氏爲短鄭箴云必如所言父有老老罷病孰當理其政預王事也蘇云誓於天子下君一等未誓繼子男並是降下其君寧是安居父位 非歎所也 正義曰服

度云古之為享食所以觀威儀省福禍無喪而戚憂必憐焉今大子臨樂而歎是父將死而兆先見也

經十年春王正月庚申曹伯終生卒未同盟而赴以

名夏五月葬曹桓公無傳秋公會衛侯于挑

丘弗遇無傳衛侯與公為會期中背公更與齊鄭故公獨往而不相遇也挑丘衛地濟北東阿縣東南

有挑城冬十有二月丙午齊侯衛侯鄭伯來戰

于郎改侵伐而書來戰善魯之用周班惡三國討有辭**疏**注改侵至有辭正義曰周禮大司

馬以九伐之法正邦國賊賢害民則伐之負固不服則侵之然則侵伐者師旅討罪之名也魯以周禮為法則魯有禮矣三國伐有禮是討有辭矣春秋善魯之用周班不使三國得伐之故改侵伐而書來戰言若三國自來戰而魯

人不與戰也釋例曰齊侯衛侯鄭伯來戰于郎夫子善魯人之秉周班惡三國之伐有禮故正王爵以表周制去褒伐以見無罪此聖人之所以扶弊王室躬崇大教故詭常例以特見之是其義也

傳十年春曹桓公卒終施父之言虢仲譖其大夫

詹父於王虢仲王卿士詹父屬大夫詹父有辭以王師伐

虢夏虢公出奔虞虞國在河東大陽縣疏注虢仲至大夫正義曰周禮每

卿之下皆有大夫傳言譖其大夫知是屬己之大夫非虢大夫者若虢國大夫虢仲自得加罪無為譖之於王且其

若是虢人不得以王師伐虢故也注虞國至陽縣正義曰譜云虞姬姓也周大王之子大伯之弟仲雍是為虞

仲嗣大伯之後武王克商封虞仲之庶孫以為虞仲之後虞中國為西吳後世謂之虞公僖五年晉滅之地理志河

東大陽縣周武王封大伯後於此是爲虞
公志言大伯後者以仲雍嗣大伯故也

秋秦人納

芮伯萬于芮

四年圍魏所執者

初虞叔有玉

虞叔虞公之弟

虞

公求旃

旃之也

弗獻既而悔之曰周諺有之匹

夫無罪懷璧其罪

人利其璧以璧爲罪

吾焉用此其以

賈害也

也賈買

乃獻之又求其寶劍叔曰是無

厭也無厭將及我

將殺我

遂伐虞公故虞公

出奔共池

共池地名關

疏

注虞叔虞公之弟正義曰祭叔既爲祭公之弟知虞叔

正義曰

亦是虞公之弟匹夫無罪正義曰士大夫以上則有
妾媵庶人唯夫妻相匹其名既定雖單亦通故書傳通謂

之匹夫匹婦也

冬齊衛鄭來戰于郎我有辭也初北

戎病齊

年在六

諸侯救之鄭公子忽有功焉

齊人餽諸侯使魯次之魯以周班後鄭鄭

人怒請師於齊齊人以衛師助之故不稱

侵伐

不稱侵伐而以戰爲文明魯直諸侯曲故言我有辭以禮自釋交綏而退無敗績

先書

齊衛王爵也

鄭主兵而序齊衛下者以王爵次之也春秋所以見魯猶秉周禮

疏

注鄭主至周禮

正義曰傳言先書齊衛不合先書當先

書鄭也春秋之例主兵者先書此則鄭人主兵鄭宜在先

而先序齊衛者王爵齊衛爲侯尊於鄭伯故以王爵尊卑爲序也不依主兵之例而以王爵序者魯班諸侯之戎

王爵爲次鄭忽負功懷怒致有此師故特改
常例還以王爵次之見魯猶秉周禮故也

經十有一年春正月齊人衛人鄭人盟于

惡曹

惡曹地關

夏五月癸未鄭伯寤生卒

同盟於元

年赴

秋七月葬鄭莊公

無傳三月而葬速

九月宋人

執鄭祭仲

祭氏仲名不稱行人聽迫脅以逐君罪之也行人例在襄十一年釋例詳之

疏

注祭氏至詳之

正義曰莊二十五年陳侯使女叔來聘傳曰嘉之故不名是諸侯之卿嘉之乃不名則於法當書

名祭仲行無可嘉知仲非其字故云祭氏仲名也祭仲鄭卿而至宋見執必是行至宋也行使被執例稱行人此當云執鄭行人而不稱行人者聽宋迫脅以逐出其君罪之故不稱行人昭八年楚人執陳行人于轡師殺之傳曰罪

不在行人也以罪不在則稱行人知祭仲罪在其身故去
行人也釋例曰祭仲之如宋非會非聘與於見誘而以行
人應命不能死節挾僞以篡其君故經不稱行人以罪之
是說罪仲之意襄十一年楚人執鄭行人良霄傳曰書曰
行人言使人也是變例也傳稱誘祭仲而執之則本非行
人故經不言杜必知以行人應命罪之故不稱行人者祭
仲若不至宋宋人何得執之既往至宋即是因事而行亦
既因事而行便爲使人之例杜以傳文稱誘故序其本意
言非聘非會聽宋迫脅故不稱行人罪之經與齊人執鄭
詹文亦何異劉君以祭仲是字鄭人嘉之妄規杜氏就如
劉言既云罪其逐君何以嘉而稱字杜以蕭叔非字故知
祭仲是名仲既書名爲罪則不稱行人是其貶責劉云祭
仲本非行人未
知有何所據

突歸于鄭

突厲公也爲宋所納故曰
歸例在成十八年不稱公

子從告也文連

疏

注突厲至言鄭正義曰成十八年
祭仲故不言鄭傳例曰諸侯納之曰歸知此爲宋

納故曰歸也突實公子而不稱公子傳無褒貶之例知從告者之辭告者不言公子故不稱也十五年許叔入于許十七年蔡季歸于蔡皆以字繫國突不繫鄭者以文連祭仲祭仲之上已有鄭字蒙上鄭文故不言鄭也以宋人執仲納突乃是以事連書故突得蒙上文鄭忽出奔衛其鄭忽奔衛則鄭人別告故不連上文

鄭忽出奔衛

忽昭公也莊公既葬不稱爵者鄭人賤之以名赴

疏

注忽昭至名赴正義曰僖九年傳曰宋桓公卒未

葬而襄公會諸侯故曰子里克殺奚齊于次書曰殺其君之子未葬也彼以未葬故繫父知既葬則成君此莊公既葬則忽成君矣宜書鄭伯出奔今書忽之名知鄭人賤之以名赴也其賤之意說在忽之復歸

柔會宋

公陳侯蔡叔盟于折

無傳柔魯大夫未賜族者蔡叔蔡大夫叔名也折地闕

疏

注柔魯至地闕正義曰以柔不稱族與無駭相類是無族可稱知其未賜族也亦以蔡叔無善可嘉知

叔是名叔亦無族
蓋亦未賜族也

公會宋公于夫鐘

無傳夫鐘邨地

冬

十有二月公會宋公于闕

無傳闕魯地在東平須昌縣東南

傳十一年春齊衛鄭宋盟于惡曹

宋不書經闕

疏

注宋不書經闕正義曰丘明作傳本以解經經傳不同皆傳是其實今傳有宋而經無宋知是經之闕

文宋爲大國傳處鄭下是史文舊闕傳先舉經之所有乃以闕者實之故後言宋耳非謂盟之序列宋在下也服虔以爲不書宋宋後盟宋若後盟盟本無宋傳不得言齊衛鄭宋爲此盟也傳之上下例不虛舉經文舉此盟者爲經

闕宋故也

楚屈瑕將盟貳軫

貳軫二國名

鄭人軍於

蒲騷將與隨絞州蓼伐楚師

鄭國在江夏雲杜縣東南有鄭

城蒲騷鄖邑絞國名州國在南郡華容縣東南蔘國今義陽棘陽縣東南湖陽城莫敖患之

莫敖楚官名即屈瑕闕廉曰鄖人軍其郊必不誠且日

虞四邑之至也虞度也四邑隨絞州蔘也邑亦國也君次於郊郢

以禦四邑君謂屈瑕也郊郢楚地我以銳師宵加於鄖

鄖有虞心而恃其城恃近其城莫有闕志若敗

鄖師四邑必離莫敖曰盍請濟師於王盍何

不也齊益也對曰師克在和不在衆商周之不敵

君之所聞也商紂也周武王也傳曰武王有亂臣十人紂有億兆夷人成軍以

出又何濟焉莫敖曰卜之對曰卜以決疑不

疑何卜遂敗鄖師於蒲騷卒盟而還

卒盟貳軫

疏

注邑亦國也

正義曰書云欲宅洛邑傳每云敝邑

是也注君謂屈瑕也正義曰禮坊記云禮君不

稱天大夫不稱君恐民之惑也然則大夫不得稱君此謂屈瑕為君者楚僭王號縣尹稱公故呼卿為君大夫正法當呼為主昭元年傳醫和謂趙文子曰主相晉國是其事也祁盈之臣謂祁盈為君伯有之臣謂伯有為公是家臣稱其主耳鄭有虞心正義曰鄭人曰虞四邑之至冀其與已合勢有虞度外援之心而又自恃近城故無闕志注商紂至夷人正義曰古文尚書泰誓曰受有億兆夷人離心離德子有亂臣十人同心同德昭二十四年傳引之云亦有離德已與本小殊此注引予為武王又倒其先後者便文耳雖言傳曰非傳本文劉炫云欲以證商周之

不敵故先少而後多非便文

鄭昭公之敗北戎也

在六年

齊

人將妻之昭公辭祭仲曰必取之君多內

寵子無大援將不立三公子皆君也

子突子儀

之母皆有寵

弗從夏鄭莊公卒初祭封人仲足有

寵於莊公

祭鄭地陳留長垣縣東北有祭城封人守封疆者因以所守爲氏

莊

公使爲卿爲公娶鄧曼生昭公故祭仲立

之

曼鄧姓

宋雍氏女於鄭莊公曰雍姑生厲

公

雍氏姑姓宋大夫也以女妻人曰女

雍氏宗有寵於宋莊公故

誘祭仲而執之

祭仲之如宋非會非聘見誘而以行人應命

曰不立

突將死亦執厲公而求賂焉祭仲與宋人

盟以厲公歸而立之秋九月丁亥昭公奔

衛己亥厲公立

疏

注祭仲至應命正義曰傳言誘而執之則祭仲被誘如宋在

宋見執執不在會知非會也被誘而往知非聘也直爲見誘而以行人應彼宋命也行人謂行往宋耳劉炫云杜欲成不稱行人之義故以行人言之

經十有二年春正月夏六月壬寅公會杞

侯莒子盟于曲池

曲池魯地魯國汶陽縣北有曲水亭

秋七月丁

亥公會宋公燕人盟于穀丘

穀丘宋地燕人南燕大夫

八

月壬辰陳侯躍卒

無傳厲公也十一年與魯大夫盟於折不書葬魯不會也壬辰

七月二十三日書於八月從赴

疏

注厲公至從赴正義曰躍爲厲公世本文也莊二十二年傳曰陳厲公

蔡出也故蔡人殺五父而立之五父即佗六年殺佗而厲公立也陳世家以佗與五父爲二人言蔡人爲佗殺五父及桓公大子免而立佗是爲厲公立七年大子免之三弟躍林杵曰共弑厲公而躍立是爲利公利公立五月卒林立是爲莊公案傳五父佗一人而世家以爲二人案經蔡人殺佗在桓公卒之明年不得爲佗立七年也佗以六年見殺躍以此年始卒不得爲躍立五月也旣以佗爲厲公又妄稱躍爲利公世本本無利公皆是馬遷妄說東哲言馬遷分一人以爲兩人以無爲有謂此事也壬辰是七月二十三日上有七月書於八月之下如此類者注皆謂之

日誤今云從赴者以其終不可通蓋欲兩解故也以五年正月甲戌己丑陳侯鮑卒甲戌非正月之日而以正月起文傳言再赴是赴以正月也彼以十二月之日為正月起魯知赴者或有以前月之日從後月而赴故因此以示別

意公會宋公于虛虛宋地冬十有一月公會宋

公于龜龜宋地丙戌公會鄭伯盟于武父武父地

鄭地陳留濟陽縣東北有武父城丙戌衛侯晉卒無傳重書丙戌非義例因史成

文也未同盟疏注重書至以名正義曰春秋之中唯而赴以名此重書日其餘亦應有一日兩事各書

日者但更無其日不可復知計赴告之體本應皆以日告史官書策復應各書其日但他國之告或有詳略魯史記注多違舊章致使日與不日無復定準及其仲尼書經不以日月褒貶或略或詳非此所急故日月詳略皆依舊文

此重書丙戌非是義例以舊史所重故因史戌文耳

十有一月及鄭師伐宋

丁未戰于宋

既書伐宋又重書戰者以見宋之無信也莊十一年傳例曰皆陳曰戰尤其無

信故以獨戰爲文

疏

注既書至爲文正義曰春秋之例戰不言伐以其伐可知故略其文也伐者討有

罪之辭言戰又言伐者皆是罪彼所伐之國此既書伐宋又重書戰者以見宋之無信言以鐘鼓聲其罪而伐之彼不服罪而反與我戰所以深責之也莊二十八年齊人伐衛衛人及齊人戰此文亦當如彼宜云及宋人戰今直言戰于宋者尤其無信故以獨戰爲文皆陳曰戰戰是敵辭不言及宋戰不使宋得敵也十年郎之戰我有禮彼無禮齊鄭無辭以罪我不令我與彼敵彼自獨戰爲文此戰我有信而宋無信我有辭以責宋不使宋敢敵我我自獨戰爲文郎戰我有辭故言戰不言伐此戰宋無辭故言伐不言與宋戰二者雖文皆獨戰而義存彼此俱是善惡有殊

不得相
敵故也

傳十二年夏盟于曲池平杞莒也

隱四年莒人伐杞自

是遂不平

公欲平宋鄭秋公及宋公盟于句瀆之

丘

句瀆之丘即穀丘也宋以立厲公故多責賂於鄭鄭人不堪故不平

宋成未可知也

故又會于虛冬又會于龜宋公辭平故與

鄭伯盟于武父

宋公貪鄭賂故與公三會而卒辭不與鄭平

遂帥師而

伐宋戰焉宋無信也君子曰苟信不繼盟

無益也詩云君子屢盟亂是用長無信也

詩小雅言無信故數盟數盟則情疏情疏而憾結故云八亂楚伐絞軍其南門

莫敖屈瑕曰絞小而輕輕則寡謀請無扞

采樵者以誘之扞衛也樵薪也從之絞人獲三十人

獲楚人也明日絞人爭出驅楚役徒於山中楚人

坐其北門而覆諸山下坐猶守也覆設伏兵而待之大敗之

為城下之盟而還城下盟諸侯所深恥**疏**注城下至深恥正義曰宣

十五年楚圍宋傳稱華元謂子反曰敝邑易子而食析骸以爨雖然城下之盟有以國斃不能從也寧以國斃不肯從城下之盟是其深恥也必為深恥者諸侯當好事四鄰以衛社稷相時而動量力而行今乃構怨彊敵兵臨城下

力屈勢沮求服受盟是其不知之甚將為鄰國所笑故深恥之伐絞之役楚師分

涉於彭

彭水在新城昌魏縣

羅人欲伐之使伯嘉謀之

三巡數之

羅熊姓國在宜城縣西山中後徙南郡枝江縣伯嘉羅大夫諱伺也巡徧也

疏

注彭水至魏縣正義曰釋例云彭水出新城昌魏縣東北至南鄉筑陽縣入漢注羅熊至徧也正義曰羅熊姓世本文也說文云謀軍中反間也謂詐為敵國之人入其軍中伺候間隙以反報其主故此訓謀為伺而兵書謂之反間也巡徧也謂巡徧徧行之

經十有三年春二月公會紀侯鄭伯己巳及齊侯宋公衛侯燕人戰齊師宋師衛師

燕師敗績

大崩曰敗績例在莊十一年或稱人或稱師史異辭也衛宣公未葬惠公稱侯以接

鄰國非

疏

公會至敗績正義曰傳稱宋多責賂於鄭故以紀魯及齊與宋衛燕戰然則此戰之興

禮也

本由宋鄭相怨雖復各連同好當以宋鄭為主其序紀在鄭上宋處齊下者若魯人不與而鄰國自行則以主兵為先若與魯同行魯史所記則當以魯為主不得復先主兵亦既不先主兵即以大小為序故紀先鄭也宋使齊為主猶隱四年州吁伐鄭使宋為主故齊先宋此以公在會故不以主兵為先尊卑為序故紀在鄭先若然莊二十六年會宋人齊人伐徐杜云宋主兵故序齊上彼魯亦在而先主兵者彼是魯之微人所會之國又少此則公自在會及所戰之國歷序又多故不與彼同也戰稱將敗稱師是史策之常法也史所以然者師是將之所帥戰則舉將為重敗則羣師盡崩固當舉師言敗若其敗還書將則是將身獨敗無以見師之大崩故戰則稱將敗則稱師言其眾師

盡敗非獨將身敗也此燕人謂將也楚子傷目故稱楚子
敗績此若云燕人敗績則是燕將身傷以此不得不稱師
敗唯莊二十八年衛人敗績違常文耳注大崩至禮也
正義曰言史異辭者決莊二十八年衛人及齊人戰衛人
敗績也此敗稱師而彼敗稱人是史異辭也史非一人立
辭自異非褒貶之例也此二者於理則師是而人非但不
以爲義故令各從其本耳杜以旣葬爲成君雖則踰年猶
待葬訖故以惠公爲非禮釋例曰父雖未葬喪服在身踰
年則於其國內即位稱君伐鄭之役宋公衛侯是也春秋
書魯事皆踰年即位稱公不可曠年無君則知他國亦同
然據父未葬於其國內雖得伸其尊若以接鄰國則違禮
失制也是言先君未葬則不得稱爵成君以接鄰國也杜
言違禮失制禮制亦無明文案文八年八月天王崩九年
春毛伯來求金傳曰不書王命未葬也彼以踰年未葬不
得稱王命使其禮制未可
以此知接鄰國則違禮制也

三月葬衛宣公傳無

夏大水

無傳

秋七月冬十月

傳十三年春楚屈瑕伐羅闕伯比送之還

謂其御曰莫敖必敗舉趾高心不固矣

足趾

也遂見楚子曰必濟師

難言屈瑕將敗故以益師諷諫

楚子

辭焉

不解其旨故拒之

入告夫人鄧曼鄧曼曰大夫

其非衆之謂

鄧曼楚武王夫人言伯比意不在於益衆也

其謂君撫

小民以信訓諸司以德而威莫敖以刑也

莫敖狃於蒲騷之役將自用也

狃快也蒲騷役在十一年

必小羅君若不鎮撫其不設備乎夫固謂

君訓衆而好鎮撫之

撫小民以信也

召諸司而勸之

以令德

訓諸司以德也

見莫敖而告諸天之不假易

也

諸之也言天不借貸慢易之人威莫敖以刑也

不然夫豈不知楚師

之盡行也楚子使賴人追之不及

賴國在義

陽隨縣賴人仕於楚者

莫敖使徇于師曰諫者有刑

徇宣

也及鄢亂次以濟

鄢水在襄陽宜城縣入漢

遂無次且不

設備及羅羅與盧戎兩軍之

盧戎南蠻

大敗之

莫敖縊于荒谷羣帥囚于冶父

縊自經也荒谷治父皆楚

地以聽刑楚子曰孤之罪也皆免之

疏

夫大

至行也正義曰大夫伯比言濟衆者其非益衆之謂也其此伯比之意當謂君宜撫慰小人士卒以言信也教訓諸司長率以令德而威懼莫敖以刑罰也莫敖桎於蒲騷之役桎貫也貫於蒲騷之得勝遂恃勝以爲常將自用其心不受規諫必輕小羅國以爲無能君若不以言辭刑罰鎮重撫慰之莫敖其將不設備乎夫謂伯比伯比之意固當謂君教訓衆民而好以言辭鎮撫之召軍之諸司而勸勉之以善德見莫敖而告之道上天之意不借貸慢易之人不使慢易之人得勝言其必須敬懼也其意當如此耳若其不然此伯比豈不知楚師之盡行也而更請益師乎注桎伏也正義曰說文云桎狎也伏習也郭璞云貫伏也今俗語皆然則桎伏皆貫習之義以貫得勝則輕易前

敵將自用其意不復持重注鄆水至入漢正義
曰釋例曰鄆水出新城汴鄉縣東南經襄陽至宜城

縣入漢宋多責賂於鄭立突鄭不堪命故以紀

魯及齊與宋衛燕戰不書所戰後也公後地

其戰故不書所戰之地鄭人來請脩好疏注公後至之地正義曰兩敵將

戰必豫期戰地公未見紀鄭紀鄭已與齊宋先設戰期公

不及設期唯及其戰故言戰而不書所戰之地言此地非

公所期故不書也釋例曰桓十三年戰不書所者期戰

所在之地也公會戰而後其期猶及諸侯共其成敗故備

書諸國而不書地成十六年傳曰戰之日齊國佐至於師

此其類也然則諸戰書日者日即從月計此經當云二月

己巳公會紀侯鄭伯今退己巳於鄭伯之下者春秋之例

公之出會例多以月要盟戰敗例多以日故己巳之文在

公會紀侯鄭伯之下十二年十二月及鄭師伐宋丁未戰于宋亦其類也服虔云下日者公至而後定戰日地之與日當同時設期公既不及期地安得及期日也劉炫云公會紀鄭告廟而行始行即書會也其戰之日則戰罷乃告廟史官雖連并其文而存其本旨己巳是戰日故下日以附戰

經十有四年春正月公會鄭伯于曹

脩十年

武父之好以曹地曹與會

無冰

無傳書時失

夏五

不書月闕文

鄭伯使

其弟語來盟秋八月壬申御廩災

御廩藏公

所親耕以奉粢盛之倉也

疏

注御廩至六年傳稱御廩災乙亥嘗書不

正義曰

天火曰災例在宣十六年害也明嘗之所用是御廩之所藏也禮記祭義云天子爲藉千畝諸侯百畝躬秉耒以事天地山川社稷先古敬之

至也穀梁傳曰天子親耕以共粢盛王后親蠶以共祭服
國非無良農工女也以爲人之所盡事其祖禰不若以已
所自親者也月令季秋乃命冢宰藏帝藉之收於神倉鄭
玄云重粢盛之委也帝藉所耕千畝也藏祭祀之穀故爲
神倉以此諸文知御廩藏公所親耕以奉粢盛之倉也廩
即倉之別名周禮廩人爲倉人之長其職曰大祭祀則共
其接盛鄭玄云接讀爲扱扱以授春人大祭祀之穀藉田
之收藏於神倉者不以給小用是公所親耕之粟擬共祭
祀藏於倉廩故謂之御廩災其

乙亥嘗

先其時亦過也既戒日致

齊御廩雖災苟不害嘉穀

疏

注先其至示法 正義曰八月建未未是始殺故云

則祭不應廢故書以示法
先其時亦過也周禮大宰祀五帝前期十日帥執事而卜
日遂戒享先王亦如之鄭玄云十日者容散齋七日致齋
三日壬申在乙亥之前三日是致齋之初日也既已戒日
致齋御廩雖災苟其不害嘉穀有穀可以共祭祀則祭不

應廢故書以示法也若害穀則當廢不可苟用他穀故也
先時亦過過則當書但書過已有成例故傳指言不害故
沈氏云杜以先時亦過過則當書傳何以專言不害此丘
明之意若非先時有災不害亦書若非御廩有災先時亦
書進退明例也服虔云魯以壬申被災至乙亥而嘗不以
災害為恐故衛難杜云若救之則息不害嘉穀則傳當有
救火之文若如宋災傳舉救火今直言不害明知不以災
為害杜必為不害嘉穀者秦氏答云傳所以不載救火者
傳以指釋經文略舉其要所以不載救火至於宋
鄭之災彼由簡牘備載詳略不等不可相難也 冬十

有二月丁巳齊侯祿父卒

無傳隱六年盟於艾

宋人以

齊人蔡人衛人陳人伐鄭

凡師能左右之曰以例在僖二十六年

傳十四年春會于曹曹人致餼禮也

熟曰饗生

曰注熟曰饗生曰餼 正義曰周禮外內饗皆掌割餼 亨之事亨人給外內饗之爨亨煮饗者煮肉之名

知熟曰饗哀二十四年傳稱晉人餼臧石牛以生牛賜之
知生曰餼又聘禮致饗餼五牢飪一牢腥二牢餼二牢飪是
熟肉腥是生肉知餼是未殺鄭玄以為生牲曰餼唯瓠葉
箋云腥曰餼欲以牽為牽行故餼為已殺非定解也定解
猶以生為餼傳諸言餼者皆致生物於賓也 夏鄭子人來尋盟且脩

曹之會子人即弟語也 秋八月壬申御廩災

乙亥嘗書不害也災其屋救之則息不 冬宋人

以諸侯伐鄭報宋之戰也在十 焚渠門入

及大逵渠門鄭城門 伐東郊取牛首東郊鄭

鄭以大宮之椽歸為盧門之椽

大宮鄭祖廟盧門宋

城門告伐而不告入取故不書

經十有五年春二月天王使家父來求車

三月乙未天王崩

無傳倚桓王也

夏四月己巳葬

齊僖公

無傳

五月鄭伯突出奔蔡

突既集立權不

足以自固又不能倚任祭仲反與小臣造賊

疏

注吳既至三年

正義曰凡諸侯出奔皆被逐而出非自出也舊史書臣以逐君仲尼脩春秋責其不能自固皆以自奔為文以故此注述突之惡言其罪之意釋例曰諸侯奔亡皆迫逐而苟免非自出也傳稱衛孫林父甯殖出其君名在諸侯之

策此以臣名赴告之文也仲尼之經更沒逐者主名以自奔爲文責其不能自安自固所犯非徒所逐之臣也言其所犯處多非徒逐者獨惡君不能君故臣亦不臣臣之逐君其罪已著沒其臣名獨見君罪言罪不純在其臣故也衛獻公出奔不名鄭伯突及比燕伯款蔡侯朱等皆書名者從彼告辭故釋例曰衛赴不以名而燕赴以名隨赴而書之義在彼不在此也言責其不能自安自固自奔即是身罪名與不名不復著義故從告也昭三年傳曰書曰比

燕伯款出奔齊罪之也是變例也

鄭世子忽復歸于鄭

忽實居君位故

今還以復其位之例爲文也稱世子者忽爲太子有母氏之寵宗卿之援有功於諸侯此太子之盛者也而守介節以失大國之助知三公子之彊不從祭仲之言脩小善聚小行從匹夫之仁忘社稷之大計故君子謂之善自爲謀言不能謀國也父卒而不能自君鄭人亦不君之出則降名以赴入則逆以太子之禮始於見逐終於見殺三公子

更立亂鄭國者實忽之

疏

注忽實至八年

正義曰成

由復歸例在成十八年
忽本既居君位然後出奔故今還以復位之例爲文也經
言復歸明是復位之例注言此者以忽之出奔不稱鄭伯
歸言世子又非君號非君而稱復歸嫌其不是復位故明
之禮父在稱世子忽父之喪於今五年世子非所當稱故
迹其稱之意鄧曼所生立爲世子是有母氏之寵也宗卿
謂同姓之卿祭仲之女曰雍姬則祭仲姬姓是同宗卿也
救齊敗戎是有功也而守介節謂守瑣瑣猶介之節不要
齊女也經書鄭忽出奔不稱鄭伯是降名以赴也今稱世
子復歸是逆以大子之禮也逆以大子之禮者以突是庶
子無道出奔更欲擇君莫踰於忽以本是世子故迎之使
還爲是世子所以得歸鄭以世子名告不以嘗爲君告時
史因其告辭書曰世子實復本位書曰復歸而忽之爲君
不能自固始於見逐終於見殺三公子更立爲君亂鄭國
者實忽之由釋例與此注盡同其末云故仲尼因以示義

言因舊史之文即稱世子示鄭人本有不以爲君之義忽於隱公之世每稱公子六年稱天子則救齊之時已立爲天子

許叔入于許

許叔莊公弟也隱十一年鄭使許大夫奉許叔居許東偏鄭莊公既

卒乃入居位許人嘉之以字告也

疏

注許叔至逆例正義曰入者自外

叔本不去國雖稱入非國逆例

之辭本其所自之處言其自許東偏而入于許國非從外國入也鄭莊公以十一年卒許叔今始入者蓋鄭突不使其復忽既得位親仁善鄰存許以德許人冀其爲己之援故此年始得入也小白陽生入皆稱名此叔稱字故云許人嘉之以字告也杜知是字者以蔡季歸於蔡季子來歸亦以書字故知之也杜以傳例云凡去其國國逆而立之曰入嫌此亦爲國逆之例釋例曰諸在例外稱入直是自外入內記事常辭義無所取賈氏雖夫人姜氏之入皆以爲例由先儒以爲國逆故言許叔本不去國非國逆之正例國逆正例據去國而來許叔本非去國故云非國逆例

其實許始復國許叔得還上下交歡同心迎逆指其實
有國逆之理故於釋例云許叔有國逆之文但非國逆正
例耳劉君不達此旨妄規杜失非也公會齊侯于艾邾人牟人

葛人來朝

無傳三人皆附庸之世子也其君應稱名故其子降稱人牟國今泰山牟縣葛

國在梁國寧陵縣東北

疏

注三人至東北正義曰三國俱稱人合行禮知其尊卑同也以邾子未得王

命知牟葛之等是附庸卿稌來未朝附庸書名此若君自親來則亦應稱名若遣臣來聘又不得稱朝曹伯使世子射姑來朝是世子有稱朝之義知此三人皆附庸世子攝行父事而來朝也諸侯之卿稱名大夫降稱人是人之於名例差一等若附庸其君應稱名故其子降稱人釋例曰王之世子不名諸侯世子則名會王世子子首止曹世子射姑來朝是也附庸世子稱人邾人牟人葛人來朝是也是言世子稱謂之等級也地理志泰山郡牟縣故牟國也

陳留郡寧陵縣應劭曰故葛伯國然則於晉屬梁國也

秋九月鄭伯突入于

櫟

櫟鄭別都也今河南陽翟縣未得國直書入無義例也

冬十有一月公

會宋公衛侯陳侯于袤伐鄭

袤宋地在沛國相縣西南先行會禮

而後伐也

疏

注先行會禮正義曰知非不與謀言會者以言于袤故知此行會禮也若不言地直言會則

是不與謀例也召陵會杜注云於召陵先行會禮與此同也

傳十五年春天王使冢父來求車非禮也

諸侯不貢車服

車服上之所以賜下

天子不私求財

諸侯有常職貢

祭仲專鄭伯患之使其壻雍糾

之將享諸郊雍姬知之謂其母曰父與失

孰親其母曰人盡夫也父一而已胡可比

也

婦人在室則天父出則天夫女以爲疑故母以所生爲本解之

遂告祭仲曰

雍氏舍其室而將享子於郊吾惑之以告

祭仲殺雍糾尸諸周氏之汪

汪池也周氏鄭大夫殺而暴其尸以

示戮也

公載以出

愍其見殺故載其尸共出國

曰謀及婦人宜

其死也夏厲公出奔蔡六月乙亥昭公入

許叔入于許公會齊侯于艾謀定許也秋

鄭伯因櫟人殺檀伯而遂居櫟

檀伯鄭守櫟大夫冬

會于袤謀伐鄭將納厲公也弗克而還

經十有六年春正月公會宋公蔡侯衛侯

于曹夏四月公會宋公衛侯陳侯蔡侯伐

鄭

春既謀之今書會者魯諱議納不正蔡常在衛上今序陳下蓋後至

疏

注春既至後至正義曰

宣七年傳例云與謀曰及不與謀曰會此春既謀之例當言及今書會者魯諱與諸侯聚議納不正之人故從不與謀之文釋例曰魯既春會于曹以謀伐鄭夏遂興師而更從不與謀之文者厲公篡大子忽之位謀而納之非正故諱之從不與謀之例是其義也諸侯之序以大小爲次班序諸稱自隱至莊十四年四十三歲征伐盟會者凡十六

國時無霸主會同不并無有成序其間蔡與衛凡七會六在衛上唯此處在陳下故以爲蓋後至也 **秋七**

月公至自伐鄭

用飲至之禮故書

冬城向

傳曰書時也而下有十一

月舊說區謂傳誤此城向亦俱是十一月但本事異各隨本而書之耳經書夏叔弓如滕五月葬滕成公傳云五月叔弓如滕即知但稱時者未必與下月異也又推校此年閏在六月則月却而節前水星可在十一月而正也詩云定之方中作于楚宮此未正中也功役之事皆揔指天象不與言歷數同也故傳之釋經皆通言一時不月別

疏

注傳曰至月別正義曰杜以城向與下同月故檢叔弓如滕經傳之異如滕與葬同月知此城向與出

奔同月但本事既異各隨本而書之下有月而此無月耳其實同是十一月也但十一月水星昏猶未正故復推按歷數此年月却節前水星可在十一月而正又方者未至之辭故以定之方中爲方欲向中而實未正中十一月可

以興土功書時非傳誤也劉炫規過以爲案周語云辰角見而雨畢天根見而水涸駟見而隕霜火見而清風戒寒故先王之教曰雨畢而除道水涸而成梁隕霜而冬裘具清風至而脩城郭故夏令曰九月除道十月成梁營室之中土功其始先儒以爲建戌之中霜始降房星見霜降之後寒風至而心星見鄭玄云辰角見謂九月本天根見謂九月末天根謂氐星是也自然火見是建亥之月又春秋城楚丘是正月而杜引詩云定之方中未正中也定星豈正月未正中乎據此諸文則火見土功必在建亥之月則建戌之月必無土功之理而杜以爲建戌之月得城向者非也今以爲周語之文單子見陳不除道故譏爲此言故所舉時節並在早月也月令孟冬天子始裘單子云隕霜而冬裘具九月已裘是其早也且周語之文據尋常節氣九月而除道十月而興土功杜以此年閏在六月則建戌之月二十一日已得建亥節氣是十月節氣在九月之中土功之事何爲不可諸侯城楚丘自在正月衛人初作

室必在其前杜云定星方欲正中於理何失劉君十有廣引周語之文以規杜杜以月却節前何須致難

一月衛侯朔出奔齊

惠公也朔讒搆取國故不言公子逐罪之也

傳十六年春正月會于曹謀伐鄭也

前年冬謀納厲

公不克故復更謀

夏伐鄭秋七月公至自伐鄭以飲

至之禮也冬城向書時也初衛宣公烝於

夷姜生急子

夷姜宣公之庶母也上淫曰烝

屬諸右公子爲

之娶於齊而美公取之生壽及朔屬壽於

左公子

左右媵之子因以爲號

夷姜縊

失寵而自經死

宣姜與

公子朔構急子

宣姜宣公所取急子之妻構會其過惡

公使諸

齊使盜待諸華將殺之

華衛地陽平縣西北有華亭

壽子

告之使行

行去也

不可曰棄父之命惡用子

矣

惡安也

有無父之國則可也及行飲以酒

壽子載其旌以先盜殺之急子至曰我之

求也此何罪請殺我乎又殺之二公子故

怨惠公十一月左公子洩右公子職立公

子黔牟

黔牟羣公子

惠公奔齊

疏

注夷姜至曰烝正義曰晉獻公

烝於齊姜惠公烝於賈君皆是淫父之妾知此亦父妾故
云庶母也成二年傳稱楚莊王以夏姬子連尹襄老襄老
死其子黑要烝焉淫母而謂之烝知烝是上淫蓋訓烝爲
進言自進與之淫也世家云初宣公愛夫人夷姜烝淫而
謂之夫人馬遷謬耳 注左右至爲號 正義曰公子法
無左右明其因母爲號公羊稱諸侯取一國則二國往媵
之以有二媵故分爲左右說公羊者言右媵貴於左媵義
或當然此左右公子蓋宣公之兄弟也 載其旌 正義
曰代之而載其旌蓋旌有志識故也世家云與大子白旄
而告盜曰見白旄者殺之或當以白旄爲旌但馬遷演此
文而爲之說其辭至
鄙未必其言可信也

經十有七年春正月丙辰公會齊侯紀侯

盟于黃

黃齊地

二月丙午公會邾儀父盟于越

進魯地稱字義與莒盟同二月無丙
午丙午三月四日也日月必有誤

五月丙午及齊

師戰于奚

奚魯地皆陳曰戰

六月丁丑蔡侯封人卒

十一年大秋八月蔡季自陳歸于蔡

季蔡侯弟也言歸焉

陳所納

癸巳葬蔡相侯

無傳稱侯蓋謬誤三月而葬速

疏

注稱侯蓋謬誤

正義曰五等諸侯卒則各書其爵葬則舉謚稱公禮之常也此無貶責而獨稱侯故云蓋謬誤也釋例曰卒而外赴者皆正爵而稱名愼死考終不敢違大典也書葬者皆從主人私稱客主之人敬各有本謙敬各得其所而後二國之禮成也葬蔡相侯獨不稱公劉賈許曰相卒而季歸無臣子之辭也蔡侯無子以弟承位羣臣無廢主社稷不乏祀故傳稱蔡人嘉之非貶所也杞伯稱子傳為三發蔡侯有貶傳亦宜說史書謬誤疑有關文是其疑之意

及宋人衛人伐邾冬十月朔日有食之

甲乙

者歷之紀也晦朔者日月之會也日食不可以不存晦朔晦朔須甲乙而可推故日食必以書朔日為例

傳十七年春盟于黃平齊紀且謀衛故也

齊欲滅紀衛逐其君

及邾儀父盟于趙尋蔑之盟也

蔑盟

在隱元年

夏及齊師戰于奚疆事也

爭疆界也

於是

齊人侵魯疆疆吏來告公曰疆場之事慎

守其一而備其不虞

虞度也不度猶不意也

姑盡所備

焉事至而戰又何謁焉

齊背盟而來公以信待故不書侵伐

疏

傳

場至不虞

正義曰疆場謂界畔也至此易主故名曰場

典封疆者不得已往使人無使人來侵已謹慎守其一家

之所有以備

不意度之事

蔡相侯卒蔡人召蔡季于陳

相侯

無子故召季而立之季內得國人之望外有諸侯之助故書字以善得衆稱歸以明外納

秋蔡季

自陳歸于蔡蔡人嘉之也

嘉之故以字告

伐邾宋

志也

邾宋爭疆魯然宋志背趙之盟

冬十月朔日有食之不

書日官失之也天子有日官諸侯有日御

日官日御典歷數者

日官居卿以底日禮也

日官天子掌歷者不在六

卿之數而位從卿故言居卿也底平也謂平歷數

日御不失日以授百官

于朝

日官平歷以班諸侯諸侯奉之不失天時以授百官

疏

注日官至歷數正義曰周禮大史

掌正歲年以序事頒告朔于邦國然則天子掌歷者謂大史也大史下大夫非卿故不在六卿之數傳言居卿則是尊之若卿故知非卿而位從卿故言居卿也平歷數者謂掌作歷數平其遲速而頒於邦國也晦朔弦望交會有期日月五星行道有度歷而數之故曰歷數也

初鄭伯將以高渠彌爲

卿昭公惡之固諫不聽昭公立懼其殺已

也辛卯弑昭公而立公子亶

公子亶昭公弟

君子謂

昭公知所惡矣公子達曰

公子達魯大夫

高伯其爲

戮乎復惡已甚矣

復重也本爲昭公所惡而復弑君重爲惡也

疏

君子

至惡矣 正義曰弑君者人臣之極惡也昭公惡其人其
人果行大惡是昭公知所惡矣言昭公惡之不妥也韓子
以爲君子言知所惡者非多其知之明而嫌其心不斷也
曰知之若是其明也而不如早誅焉以及於死故言知所
惡以見其無權也昭公知其惡而不能行其誅致使渠彌
含憎懼死以徼幸故昭公不免於弑戒人君使彊於斷也
注公子達魯大夫 正義曰知非鄭人者若是鄭人當在
君子之前言之傳先載君子之議後陳子達之言是達聞
其言而評之與臧文仲聞蒙六
之滅其事相類故知魯人也

經十有八年春王正月公會齊侯于濼

濼水

在濟南歷城縣西北入濟

公與夫人姜氏遂如齊

公本與夫人俱行至

濼公與齊侯行會禮故先書會濼既會而相隨至齊故曰遂

疏

公與至如齊 正義曰僖十一年公及夫

人會齊侯于陽穀彼言及此不言及者公羊傳曰公何以不言及夫人夫人外也言夫人淫於齊侯而踈外公故不言及也穀梁傳曰不言及夫人何也以夫人之伉不稱數也言夫人驕伉不可及故舍而不數也杜無明解傳載申繻之言譏公男女相瀆蓋以相褻瀆之故果致大禍時史譏其男女無別故不書及也 注公本至曰遂 正義曰

據傳文知其嚮會之時即與夫人俱行至於濞水之上不言及夫人會者夫人從公行耳其會之時夫人不與既會乃相隨嚮齊故如齊之上始書 夏四月丙子公薨

夫人公自因會而行故言遂耳 丁酉公之喪至自齊 傳無

于齊 不言戕諱之也戕 例在宣十八年 告廟也丁酉五月 秋七月冬十有二月己丑葬

我君桓公 葬緩慢也

傳十八年春公將有行遂與姜氏如齊

始

行事申繻曰女有家男有室無相瀆也謂之

有禮易此必敗

女安夫之家夫安妻之室遠此則為瀆今公將姜氏如齊故知其當致禍

亂

疏

女有家男有室

正義曰沈氏云卿大夫稱家

家者內外之大名戶內曰室但男子一家之主職

主內外故曰家婦人主閨內之事故為室也劉炫云釋宮云宮謂之室其內謂之家則家之與室義無以異欲見男

女之別故以室屬之其實室家同也

公會齊侯于濼遂及文姜如

齊齊侯通焉公謫之

謫讀也

以告

夫人告齊侯

夏四

月丙子享公

齊侯為公設享燕之禮

使公子彭生乘公

公薨于車

上車曰乘彭生多力扯公幹而殺之

魯人告于齊曰

寡君畏君之威不敢寧居來脩舊好禮成而不反無所歸咎惡於諸侯請以彭生除

之

除恥辱之惡也

齊人殺彭生

不書非卿

疏

注上車至殺之正義曰

莊元年公羊傳曰夫人譖公於齊侯齊侯怒與之飲酒於其出焉使公子彭生送之於其乘焉擯幹而殺之何休云擯祈聲也齊世家云襄公使力士彭生抱上魯君車因搢殺魯桓公下車則死矣擯搢拉音義同也

秋齊

侯師于首止

陳師首止討鄭弑君也首止衛地陳留襄邑縣東南有首鄉

子亶

會之高渠彌相

不知齊欲討己

七月戊戌齊人殺

子亶而輶高渠彌

車裂曰輶

祭仲逆鄭子于陳

而立之

鄭子昭公弟子儀也

是行也祭仲知之故稱疾

不往人曰祭仲以知免仲曰信也

時人譏祭仲失忠臣

之節仲以子亶爲渠彌所立本既不正又不能固位安民宜其見除故即而然識者之言以明本意

疏

注

裂曰輶

正義曰襄二十二年傳稱輶觀起於四竟又曰

觀起車裂是其事也周禮滌狼氏誓僕右曰殺誓馭曰車

輶然則周法

有此刑也

周公欲弑莊王而立王子克

莊王

桓王太子王子

克莊王弟子儀

辛伯告王遂與王殺周公黑

肩王子克奔燕

辛伯周大夫

初子儀有寵於桓

王相王屬諸周公辛伯諫曰並后妾如后匹

嫡

庶如嫡

兩政

臣擅命

耦國

都如國

亂之本也周

公弗從故及

難及於也

春秋正義卷第七

鄉貢進士馮嗣祖校勘

春秋正義卷第八

孫干

國子祭酒上護軍曹子縣開國子臣孔願達等奉

勅撰

莊公

疏

正義曰魯世家云莊公名同桓公之子文姜所生即桓六年子同生者也以莊王四年即

位證法勝敵克壯曰莊是歲歲在鶉火

經元年春王正月

疏

王正月正義曰此月無事而空書月者莊雖不即

君位而亦改元朝廟與民更始史書其事見此月公宜即位而父弒母出不忍即位故空書其文閔僖亦然

三月夫人孫于齊

夫人莊公母也魯人責之故出奔內諱奔謂之孫猶孫讓而去

疏

注夫人至而去正義曰夫人孫意傳文不明故云魯人責之蓋責其訴公於齊侯而使公見殺故慙懼

而出奔也公羊傳曰孫者何孫猶孫也內諱奔謂之孫穀梁傳曰孫之爲言猶孫也諱奔也杜用彼爲說昔帝堯孫位以讓虞舜故假彼美事而爲之名猶孫讓而去釋例曰使若不爲臣子所逐自孫位而去者

夏單

伯送王姬

無傳單伯天子卿也單采地伯爵也王將嫁女于齊既命魯爲主故單伯送女不稱

使也王姬不稱字以王爲尊且別於內女也天子嫁女於諸侯使同姓諸侯主之不親昏尊卑不敵

疏

注單

伯至不敵

正義曰檢經上下公卿書爵大夫書字單伯書爵故爲卿也單者天子畿內地名人君賜臣以邑今采

取賦稅謂之采地禮運曰諸侯有國以處其子孫大夫有采以處其子孫是謂食邑爲采地單氏世仕王朝此及文公之世皆云單伯成公以下常稱單子知伯子皆爵也此時稱伯後降爲子耳又解不稱王使之意王於時將遣魯

主昏必先有命豈得未嘗命魯徑送女來故知王已命魯
爲主魯已承受王命單伯送女付魯而已不復重宣王命
故不稱使也十一年王姬不云王使送者爲送者微也以
姬繫王不稱女字以王爲尊故繫之於王且以別於內女
內女則以字配姓謂之伯姬叔姬是也公羊傳曰使我主
之曷爲使我主之天子嫁女乎諸侯必使諸侯同姓者主
之諸侯嫁女于大夫必使大夫同姓者主之所以然者昏
之行禮必賓主相敵天子於諸侯諸侯於大夫不親昏者
尊卑不敵故也二王之後雖王所賓客示崇先代而已不
得即與王敵嫁於二王之後亦使諸侯主之秦漢以來使
三公主之
呼爲公主
秋築王姬之館于外
公在諒闇慮齊侯
當親迎不忍便以
禮接於廟又不敢逆
王命故築舍於外
疏
注公在至於外 正義曰穀梁
傳曰築之外變之正也仇謙之
人非所以接昏姻也衰麻非所以接弁冕也其意言公與
齊爲讎又身有重服不得與齊侯爲禮故築于外也左氏

先儒亦用此爲說杜案傳文稱請以彭生除之齊人雖爲殺彭生心實讎齊但不敢逆王命故以諒闇爲辭故築館于外杜謂諸侯之喪既葬則衰麻除矣不得以喪服爲言也若讎不除服未釋則諸侯之國同姓多矣天王不應強使魯侯冒斬衰接父讎與之行吉禮也以此益明杜諒闇之言爲得其實徒以昏姻吉禮行事在廟公在諒闇之內慮齊侯當來親迎不可便以全吉之禮接賓於廟又讎除服釋不敢逆王命辭主昏故築舍於外使齊侯從外迎之

冬十月乙亥陳侯林卒

無傳未同盟而赴以名

王使榮

叔來錫桓公命

無傳榮叔周大夫榮氏叔字錫賜也追命桓公褒稱其德若昭七年

王追命衛襄之比

疏

注榮叔至之比正義曰公羊傳曰錫者何賜也命者何加我服也又詩唐風無衣

之篇晉人爲其君請命於天子之使以無衣爲辭則王賜諸侯當有服也傳稱王賜晉惠公命受玉情則王賜又有

王也但賜諸侯以王者欲使執而朝觀所以合瑞今追命
桓公若追命衛襄之比止應褒稱其德賜之策書或當有
服以表尊卑不復合瑞未必有王也釋例曰天子錫命其
詳未聞諸侯或即位而見錫或歷年乃加錫或已薨而追
錫魯桓薨後見錫則亦衛襄之比也魯文即位見錫則亦
晉惠之比也魯成八年齊靈二十三年乃見錫隨恩所加
得失存乎其事言存乎其事者觀其錫之早晚知恩之厚
薄觀其人之善惡知事之得失故傳不復顯言其是非也
杜於追命衛襄之下注云命如今之哀策魏晉以來唯天
子崩乃有哀策將葬於是遺奠讀之陳大行功德敘臣子
哀情非此類也人臣之喪不作哀策良臣既卒或贈之以
官褒德敘哀載之於策將葬賜其家以告柩如今哀策蓋
此謂也

王姬歸于齊

無傳不書逆公不與接

疏

注不書逆公不與接正義曰

成九年伯姬歸于宋杜云宋不使卿逆非禮以逆者非卿
故不書此云公不與接者杜意以公不與接雖卿亦不書

也所以知者十一年齊侯來逆共姬而經不書故也又嫁伯姬于宋魯與宋無故此時有故知不與接也春秋之例送女不書者取受我而厚之此單伯書者爲送至於魯不至於齊故也

齊師遷紀邾鄆

邾

無傳齊欲滅紀故徙其三邑之民而取其地邾在東莞臨朐縣東南邾在朱虛縣東南北海都昌縣西有

訾城

注齊欲至訾城

正義曰齊人遷此三邑非三邑之人自遷也故知齊欲滅紀故徙其三邑之民而

取其地也蘇氏云直取其地不取其民故云遷不云取不言所往之處者志在去之而已非欲安存其人故與宋人遷宿文同其文異於邢遷也釋例曰邢遷于夷儀則以日遷爲文宋人遷宿齊人遷陽則以宋齊爲文各從彼此遷之實記注之常辭亦非例也邾在東莞言郡邾在朱虛不言郡者釋例土地名朱虛亦屬東莞使之蒙上郡

傳元年春不稱即位文姜出故也

文姜母桓公行

爲齊所殺故不敢還莊公父弑母出故不忍行即位之禮
據文姜未還故傳稱文姜出也姜於是感公意而還不書
不告

疏

注文姜至告廟正義曰不稱即位爲文姜出
故也則即位之日文姜未還故知莊公以父弑

母出不忍行其即位之禮也經書三月夫人孫于齊則是
夫人來而復去故知文姜於是感公意而還也三月以來
經傳皆無夫人還事故解之還不書不告廟釋例曰文姜
之身終始七如齊再如莒皆以淫行書行而不書反則元
年之還亦不告廟推此可知也公羊傳曰夫人固在齊矣
其言孫于齊何念母也正月以存君念母以首事穀梁傳
曰接練時錄母之變始人之也其意言文姜往年如齊至
此年三月猶尚不反三月練祭念及其母乃書其出奔非
三月始從魯去也左氏先儒皆用此說杜不然者史之所
書據實而錄未有虛書其事者也夫人若遂不還則孫已
久矣何故至是三月始言孫于齊乎公若念及於母自可
迎使來歸何以反書其孫豈莊公召命史官使書其母孫

乎又禮三年之喪期月而鍊桓公以往年四月薨至今年三月未得一期何故已得爲鍊而云接鍊歸變存君念母也若以經無還文即言留齊不反則自是以後亦無還文二年夫人會齊侯于禚豈復自齊會之哉以此知三月始從魯去也

三月夫人孫于齊不稱姜氏絕不爲親

禮也

姜氏齊姓於文姜之義宜與齊絕而復奔齊故於其奔去姜氏以示義

疏

注姜氏至示義

正義曰文姜終始皆稱姜氏唯此文獨異故傳解其意云不稱姜氏絕不爲親言於夫人之義宜與齊絕不復爲親也姜氏者齊之姓也禮婦人在家則天父出嫁則天夫爲夫斬衰三年爲兄大功九月今兄殺已夫於文姜之義宜與齊絕姜意不與齊絕而復奔之故於其奔也特去姜氏去姜氏者若言夫人不是齊女不姓姜氏以示應絕之義應絕不絕所以刺文姜也傳言禮者爲夫絕兄禮之意也公羊傳曰夫人何以不稱姜氏貶曷爲貶與弑公也其

與弑公奈何夫人譖公於齊侯公曰同非吾子齊侯之于
也齊侯怒使公子彭生搯幹而殺之穀梁傳亦云不言氏
姓貶之也左氏先儒取二傳爲說言傳稱絕不爲親禮也
謂莊公絕母不復以之爲親爲父絕母得禮尊父之義故
曰禮也杜不然者釋例曰文姜與公如齊以淫見譴懼而
歸訴於襄公襄公殺公而委罪於彭生弑公之謀姜所不
與疑懼而自留於齊莊公感其不反以闕即位之禮故姜
氏自齊而還魯魯人探情以責之故復出奔夫子以爲姜
氏罪不與弑於莊公之義當以母淫於齊而絕其齊親內
全母子之道故經不稱姜氏傳曰絕不爲親禮也明絕之
於齊也文姜稱夫人明母義存也哀姜外淫故孫稱姜氏
明義異也觀此解之意夫人宜與齊絕釋例之文言莊公
宜與齊絕者夫人猶尚宜絕莊公固宜絕矣先儒謂莊公
宜與母絕杜意莊公宜與齊絕故偏據莊公爲文所以排
舊說耳其實夫人及

秋築王姬之館于外爲外

禮也

齊疆魯弱又委罪於彭生魯不能讎

至之變

注齊疆

正義曰傳不直言禮而云爲外禮者蔡之是常未足褒美
正爲築之于外是應變之禮故解其意齊疆魯弱又委罪
彭生魯既不能讎齊雖內實深讎外若無然既不敢讎王
命又不欲見齊侯因其喪制未闕故異其禮爲之於外是
其得禮之變也樂息爲闕則闕訓爲息也本闕言其不止
息也王姬之館必築之者公羊傳曰主王姬者必爲之改
築於路寢則不可小寢則嫌羣公子之舍則以卑矣其道
必爲之改築者也穀梁傳曰於廟則已尊於寢則已卑爲
之築節矣鄭箴膏肓云宮廟朝廷各有定處無所館天子
之女故宜築于宮外是言須築之意也但杜意若其內不
恨齊非有喪制不須築於城之外耳此言外者謂城之外
說公羊穀梁者亦以爲城外然王姬來嫁必須築館所以
十一年王姬不築館者或
因其舊館或築而不書也

經二年春王二月葬陳莊公

無傳魯往會之故書例在昭六年

夏公子慶父帥師伐於餘丘

無傳於餘丘國也莊公時年十五

則慶父莊公庶兄

疏

注於餘至庶兄一

正義曰公羊穀梁皆以於餘丘爲邾之別邑左氏無傳正以春

秋上下未有伐人之邑而不繫國者此無所繫故知是國釋例注闕不知其處蓋近魯小國也莊公時年十五者以相六年生至此二年爲十五莊二十七年公羊傳曰公子慶父公子牙公子友皆莊公之母弟也左氏先儒用此爲說杜以不然故明之釋例曰經書公子慶父伐於餘丘而公羊以爲莊公母弟計其年歲既未能統軍又無晉悼王孫滿幼知之文此蓋公羊之妄而先儒曾不覺悟取以爲左氏義今推案傳之上下羽父之弑隱公皆諮謀於桓公則桓公已成人也傳曰生桓公而惠公薨指明仲子唯有此男非謂生在薨年也桓以成人而弑隱即位乃娶於齊

自應有長庶故氏曰孟此明證也公疾問後於叔牙牙稱
慶父材疑同母也傳稱季友文姜之愛子與公同生故以
死奉般情義相推考之左氏有若符契是杜明其異母之
意也氏曰孟氏傳文實然而經稱仲孫杜無明釋八年傳
稱仲慶父其舉謚稱之則謂之共仲蓋慶父雖爲庶長而
以仲爲字其後子孫以字爲氏是以經書仲孫時人以其
庶長稱孟故傳稱孟孫其以謚配字而謂之共仲猶臧僖
伯管敬仲之類也劉炫云蓋慶父自稱仲欲同於正適言
己少次莊公爲三家之長故以莊公爲伯而自稱仲春秋
之例皆傳言實而經順其意經稱當時之事書其自稱之
辭其人自稱仲孫不得不書爲仲傳序已適之事舉其時
人之語時人呼爲孟氏不得不以孟錄論語云孟孫問孝
於我是時人呼云孟氏也楚公子棄疾弑君取
國改名爲居經書楚子居卒是從其自稱也

秋七月

齊王姬卒

無傳魯爲之
主比之內女

疏

注魯爲至內女正義
曰他國夫人之卒例皆

不書唯魯女為諸侯之妻書其卒耳王姬非是內女亦書其卒為比之內女故也檀弓曰齊告王姬之喪魯莊公為之大功或曰由魯嫁故為之服姊妹之服是其比內女也冬十有二月夫人姜

氏會齊侯于禚夫人行不以禮故還皆乙酉宋

公馮卒無傳再與**疏**注再與和同盟 正義曰

穀丘是再也

傳二年冬夫人姜氏會齊侯于禚書薨也

文姜前與公俱如齊後懼而出奔至此始與齊好會會非夫人之事顯然書之傳曰書薨薨在夫人文姜比年出會

其義皆同

經三年春王正月溺會齊師伐衛

溺魯大夫疾其專命

而行故

去氏

疏

注溺魯至去氏

正義曰隱四年羣會宋公

公弗許固請而行故書曰羣帥師疾之也彼不稱公子傳言疾之今溺亦不稱公子傳亦言疾之知其事與羣同疾

其專命而行故去氏也公子非氏貶與氏同故言氏也

夏四月葬宋莊公

無傳

五月葬桓王秋紀季以鄫入于齊

季紀侯弟鄫紀邑在

齊國東安平縣齊欲滅紀故季以邑入齊為附庸先祀不廢社稷有奉故書字貴之

疏

注季紀至貴之正

義曰公羊傳曰紀季者何紀侯之弟也何以不名賢也何賢乎紀季請後五廟以存姑姊妹穀梁傳曰鄫紀之邑也

入于齊者以鄫事齊也杜取彼為說知季是紀侯之弟以鄫邑入齊為附庸之君附屬齊國也諸侯之卿例當書名

善其能自存立故書字貴之也釋例曰齊侯鄭伯許朝于紀欲以襲之紀人大懼而謀難於魯請王命以求成于齊公告不能齊遂偪之遷其三邑國有旦夕之危而不能自入爲附庸故分季以鄆使請事于齊大去之後季爲附庸先祀不廢社稷有奉季之力也故書字不書名書入不書叛也判分也傳曰始分爲紀侯大去張本也劉賈謂紀季以鄆奔齊不言叛不能專鄆也傳稱紀侯不能下齊以與紀季季非叛也紀亡之後叔姬歸于鄆明爲附庸猶得專鄆故可歸也是杜其說貴之意也以叔姬歸鄆知鄆爲附庸附庸之君雖無爵命而分地建國南面之主得立宗廟守祭祀僖二十一年傳曰任宿須句顓臾皆風姓也實司天禘與有濟之祀論語云夫顓臾昔者先王以爲東蒙主須句顓臾皆附庸也得祀所出之祖冬公次于滑滑鄭主其竟內山川明得祀先君奉社稷地在陳留襄邑縣西北傳例曰凡師過信爲次兵未有所加所次則書之既書兵所加則不書其所次以事爲宜非

虛次

疏

注滑鄭至虛次

正義曰此解略而釋例詳釋例曰凡師一宿爲舍再宿爲信過信爲次此周公之

典以詳錄師出入行止遲速因爲之名也兵事尚速老師費財不可以久故春秋告命三日以上必記其次舍之與信不書者輕碎不以告也兵未有所加所次則書之以示遲速公次于滑師次于郎是也既書兵所加則不書其所次以事爲宜非虛次諸父兵而不書次是也既書兵所加而又書次者義有取於次遂伐楚次于陘盟于杜丘遂次于阡是也所記或次在事前次以成事也或次在事後事成而次也皆隨事實無義例也杜言既書兵所加則不書其次者或伐或戰曠日持久其間必有三日之次既書戰伐則不書次雖次在事前次在事後皆不書也既書兵所加而又書次者義在取於次齊侯伐楚楚彊齊欲緩之以德故不速進而次于陘盟于杜丘本爲救徐各使大夫救徐次阡以爲之援義取於次故書兵所加而又書其次次在事前謂僖元年齊師宋師曹師次于聶北救邢也次在

事後謂襄二十三年叔孫豹帥師救晉次于雍榆也。鬲之下公羊傳曰：曷爲先言次而後言救君也？雍榆之下公羊傳曰：曷爲先言救而後言次？先通君命也。左氏先儒取彼爲說，言齊桓君也。進止自由，故先次後救。叔孫臣也，先通君命，故先救後次。杜以傳無此言，故改正其謬言。此二事或次以成事，或事成而次皆隨事實。先後而書之，無義例也。先儒又言書次者皆善之辭，釋例曰：叔孫救晉次于雍榆，傳曰：禮者善其宗助盟主，非以次爲禮也。齊桓次于鬲，北救邢，亦以存邢具其器，用師人無私見善不衣次也。而賈氏皆即以爲善次，次之與否自是臨時用兵之宜，非禮之所素制也。言非素制者，非禮家制，此次名以爲善號也。沈氏云：將會鄭伯，非軍旅而書次者，古者君行師從卿行旅從，故亦從師行之例也。

傳三年春溺會齊師伐衛疾之也

傳重明上例

夏五月葬桓王緩也

以桓十五年三月崩七年乃葬故曰緩

秋紀

季以鄫入于齊紀於是乎始判

判分也言分爲附庸始於

此冬公次于滑將會鄭伯謀紀故也鄭伯

辭以難

厲公在櫟故

凡師一宿爲舍再宿爲信過

信爲次

爲經書次例也舍宿不書輕也言凡師通君臣

疏

注爲經至君臣正義曰舍若軍行

一日止而舍息也信者住經再宿得相信問也穀梁傳曰次止也則次亦止舍之名過信以上雖多日亦爲次不復別立名也通君臣者公次于滑君也叔孫豹次于雍榆臣也但是師行皆從此例君將不言帥師故止云公次亦師次也非師之次則不在此例釋例譏賈氏云若魯公次乾侯之以非爲用師不應在例而復例之亦爲濫也

經四年春王二月夫人姜氏享齊侯于祝

丘

無傳享食也兩君相見之禮非夫
人所用直書以見其失祝丘魯地

疏

注享食至魯
地正義曰

鄭玄儀禮注云饗謂享大牢以飲賓則享是飲酒大禮與
會小別而以享爲會者言夫人與齊侯會而記享禮故書
享齊侯也定十年夾谷之會傳稱齊侯將享公孔丘拒之
乃不果享是享者兩君相見之禮二年穀梁傳曰婦人不
言會言會非正也饗甚矣是享非夫人所當用也禮不合
用而夫人用之故直書以見其失也定本享會作享食

三月紀伯姬卒

無傳隱二年裂繻所逆者內女唯
諸侯夫人卒葬皆書恩成於敵體

疏

注隱二至敵體正義曰穀梁傳曰外夫人不卒此
其言卒何也吾女也適諸侯則尊同以吾爲之變卒

之也爲之變者爲之服也禮諸侯絕期尊同則爲之變服
服大功九月恩成於敵體故書其卒適大夫則略之釋例

曰內女唯諸侯夫人卒乃書恩成於敵體其非適諸侯則略之以服制相準也生書其來而死不錄其卒從外大夫之比也

夏齊侯陳侯鄭伯遇于垂無紀侯

大去其國

以國與季季奉社稷故不言滅不見迫逐故不言奔大去者不反之辭

疏

注以國至之辭正義曰傳稱紀侯不能下齊以與紀季是往年分鄰與之紀國猶在今則全以紀國與之故云以國與季釋例曰紀侯力弱慮窮自以列國不忍屈臣於齊使季以鄰求安而脫身外寓季果爲附庸社稷有奉故不言滅不見迫逐故不言奔大去者不反之辭蓋時史即實而言仲尼弗改故傳不言故書書曰也是說大去之意也滅人國者皆毀其宗廟遷其社稷紀季雖降爲附庸得自立廟社而其國不滅也諸侯之奔皆被逐而出此則不見迫逐故不言奔時史謂之大去仲尼以爲得理故因而用之十二年叔姬歸于鄫則紀季雖全得紀國亦不移就紀

都紀之宗廟社稷皆遷之於鄫承祀如本故爲不滅雖云國祚不滅其實爲齊所吞紀之器物財賄亦應爲齊所得成二年傳稱紀獻玉磬目之以紀得非滅紀所得也季旣入臣於齊縱使齊不自取必應以之爲賂假令季以賂齊亦是滅紀

所得也

六月乙丑齊侯葬紀伯姬

無傳紀季入鄫

爲齊附庸而紀侯大去其國齊侯加禮初附以崇厚義故攝伯姬之喪而以紀國夫人禮葬之

疏

注紀季至

葬之

正義曰紀侯由齊大去則是齊爲紀讎而葬其夫人故解其意云云雖爲齊侯所葬亦由魯往會之故書釋

例曰紀侯大去其國今第納邑以齊齊侯嘉而愍之恩及伯姬伯姬魯女故以來告大夫會葬故書齊侯葬紀伯姬也不書謚者三國之婦夫妻皆降莫與之謚而賈許方以諸侯禮說又失之也

秋七月冬公

及齊人狩于禚

無傳公越竟與齊微者俱狩失禮可知

傳四年春王三月楚武王荆尸授師子焉

以伐隨

尸陳也荆亦楚也更爲楚陳兵之法楊雄方
言子者戟也然則楚始於此參用戟爲陳

將

齊入告夫人鄧曼曰余心蕩

將授兵於廟故
齊蕩動散也

鄧

曼歎曰王祿盡矣盈而蕩天之道也先君

其知之矣故臨武事將發大命而蕩王心

焉

楚爲小國辟陋在夷至此武王始起其衆僭號稱王
陳兵授師志意盈滿臨齊而散故鄧曼以天地鬼神

爲徵應
之符

若師徒無虧王薨於行國之福也

王薨

於行不
死於敵

王遂行卒於櫛木之下

櫛木
木名

令尹闕

祁莫敖屈重除道梁澁營軍臨隨隨人懼

行成

時秘王喪故爲奇兵更開直道澁水在義陽厥縣西東南入鄖水梁橋也隨人不意其至故懼而行

成莫敖以王命入盟隨侯且請爲會於漢

汭而還

汭內也謂漢西

濟漢而後發喪

疏

注尸陳至爲陳正義曰

尸陳也釋詁文荆即楚之舊邑故云荆亦楚也楚本小國地狹民少雖時復出師未自爲法式今始言荆尸則武王初爲此楚國陳兵之法名曰荆尸使後人用之宣十二年傳稱荆尸而舉是遵行之也楊雄以爾雅釋古今之語作書擬之采異方之語謂之方言方言云戟謂之子郭璞云取名於鉤子也戟是擊刺之兵有上刺之刃又有下鉤之刃故以鉤子爲名也始云授師子焉是往前未以此器授師故云然則楚始於此參用戟爲陳言參用之者參雜用

之陳之所用非專用戟

注櫛木木名

正義曰此字之

音或爲曼或爲朗若以甫爲聲當作曼以兩爲聲當作朗

字體難定故兩爲之音杜直云木名不知木何所以木有

似掄者俗呼爲朗掄蓋爲朗也

注時祔至行成 正義

曰除道謂除治新路故知更開直道梁滌爲作梁於滌故

爲橋也釋例曰義陽廐縣西有滌水源出縣北從縣西東

南至隨縣入鄧水杜以滌解滌蓋聲相近而字轉耳

且

請至發喪

正義曰莫敖既與隨侯盟且又請隨侯與楚

爲會禮於漢水之汭而我還楚也隨侯畏楚遂從莫

紀

敖爲會禮會訖隨侯因濟漢還國而後發王喪也

侯不能下齊以與紀季

不能降屈事齊盡以

夏

紀侯大去其國違齊難也

也 違辟

經五年春王正月夏夫人姜氏如齊師

無傳

傳

音

夫人至齊師正義曰於時齊無征伐之事不知

疏

師在何處蓋齊侯疆理紀地有師在紀杜云書茲

茲發夫人當向紀地從之不言會者往其軍內就齊侯耳不行會禮秋邠犁來來朝

附庸國也東海昌慮縣冬公會齊人宋人陳人

東北有郕城犁來名

冬公會齊人宋人陳人

蔡人伐衛

傳五年秋邠犁來來朝名未王命也

未受爵命爲諸

侯傳發附庸稱名例也其後數從齊桓以尊周室王命以爲小邾子

疏

注未受至邾子正義曰邠者附庸

之國犁來其君之名傳言未王命者解其稱名之意由未得爵命爲諸侯故稱名也經書其名傳言未王命此傳所發即是附庸稱名之例例當稱名故儀父稱字爲貴之也邠之上世出於邾國世本云邾顏居邾肥徙邠宋仲子汪

云邾顏別封小子肥於邾爲小邾子則顏是邾君肥始封
邾譜云小邾邾侯之後也夷父顏有功於周其子友別封
爲附庸居邾曾孫犁來始見春秋附從齊桓以尊周室命
爲小邾子穆公之孫惠公以下春秋後六世而楚滅之世
本言肥杜譜言友當是一人僖七年經
書小邾子來朝知齊桓請王命命之
冬伐衛納惠

公也

惠公朔也桓十
六年出奔齊

經六年春王正月壬子突救衛

王人王之微
官也雖官卑

而見授以大事故
稱人而又稱字

疏

注王人至稱字 正義曰昭十二
年傳稱叔孫昭子三命踰父兄則

昭子之父叔孫豹再命也再命而名見於經知諸侯之卿
再命三命皆書名一命乃稱人諸侯之臣既然則王朝之
臣亦然周禮王之上士三命中士再命下士一命故杜以
爲劉夏石尚稱名氏者上士中士也稱王人者下士也僖

八年公羊傳曰王人微者知此王人亦微者故云王人王之微官也春秋之世二字而子在上者皆是字故知子突是字救衛必以師救而文不稱師於例爲將卑師少以卑官而帥少師救衛不能使衛侯不入是無功也無功而稱字者以朔旣讒借取國而又不能於民王意即定黔牟不欲使朔得入故遣師救之時史惡諸侯逆王命故尊王使言子突雖則官卑蒙王授以大事故稱人而又稱字貴王人所以責諸侯也釋例曰莊六年五國諸侯犯逆王命以納衛朔大其事故字王人謂之子突是說進之意也進之不稱名而越稱字者王之上士下士爵同而命異耳進之同中士未足以爲榮故超從大夫之例稱字以貴之也文二年垂隴之會晉士穀堪其事即書名氏似若眞爲卿然故不復稱人此貴子突止爲勳貴諸侯非是人實堪進故稱人依其本班稱字見其別有所爲耳穀梁傳曰王人卑者也稱名貴之也善救衛也救者善則伐者不正矣杜意取彼爲說唯以子突爲字耳范甯注穀梁亦云此名當爲

字誤

爾夏六月衛侯朔入于衛

朔為諸侯所納不稱歸而以國逆為文朔

懼失衆心以國逆告也

疏

注朔為至八年正義曰去年齊宋陳蔡伐衛傳曰納惠

公也此年衛侯得入則是諸侯納之當言歸而經書入成十五年宋華元奔晉宋人迎而反之當言復歸而經書歸釋例曰朔懼有違衆之犯而以國逆告華元實國逆欲挾晉以自助故以外納赴春秋從而書之示二子之情也凡諸侯外納有三一者以言語告請得入蔡季歸于蔡是也二者與師送入其國楚人圍陳納頓子于頓是也三者所納之君別在他國而諸侯師伐彼國秋公至自伐衛令其得入今公及諸侯伐衛是也

秋公至自伐衛

無傳告

無傳

冬

齊人來歸衛俘

公羊穀梁

經傳皆言

於廟也

疏

注公羊至囚也

正義曰釋衛寶此傳亦言寶唯此經言俘疑經誤俘囚也

梁經傳及左氏傳皆同唯左氏經獨言衛俘考三家經傳
有六而其五皆言寶此必左氏經之獨誤也案談文保從
人臬省聲古文保不省然則古字通用寶或作保字與俘
相似故誤作俘耳杜旣以爲誤而又解俘爲囚是其不敢
正決故
且從之

傳六年春王人救衛夏衛侯入放公子黔

牟于周放甯跪于秦殺左公子洩右公子

職

甯跪衛大夫宥之以遠曰放

乃即位君子以二公子之

立黔牟爲不度矣夫能固位者必度於本

末而後立衷焉不知其本不謀知本之不

枝弗強

本末終始也。喪節適也。譬之樹本。本弱者其枝必披。非人力所能強成。

詩云本

枝百世

詩大雅言文王本枝俱茂蕃滋百世也。



曰君子以二公子之正義

立默牟也。爲不知揆度形勢矣。夫立人爲君。使能自堅固其位者。必當揆度於本末。度其本者。謂其人才德賢善。根本牢固。度其末者。謂其人終能保有邦國。蕃育子孫。知其堪能自固而後立。其衷焉。衷謂節適。言使得節適時乃立之也。若不能知其本之可立與否。則不當謀之。如似樹木。知其根本之弱。不能生長枝葉。以喻所立之人材力劣弱。不能保有邦國。蕃育子孫。則不須自強立之。詩以樹木本幹喻適枝葉。喻庶言文王子孫本幹枝葉適子庶子皆傳國百世。由文王之德。堪使蕃滋故也。劉炫云。度其本謂思所立之人有母氏之寵。有先君之愛。有彊臣之援。爲國人所信服也。度其末謂思所立之人有度。並有知謀有治術。爲下民所愛樂也。

冬齊人來歸

衛寶文姜請之也

公親與齊共伐衛事畢而還文姜淫於齊侯故求其所獲珍寶

使以歸魯欲說魯以謝慙

楚文王伐申過鄧鄧祁侯曰吾

甥也

祁謚也姊妹之子曰甥

止而享之騅甥聃甥養甥

請殺楚子

皆鄧甥仕於舅氏也

鄧侯弗許三甥曰亡

鄧國者必此人也若不早圖後君噬齊

若

腹齊喻不可及

其及圖之乎圖之此爲時矣鄧侯曰

人將不食吾餘

言自害其甥必爲人所賤

對曰若不從三

臣抑社稷實不血食而君焉取餘

言君無復餘

弗

從還年楚子伐鄧伐申還十六年楚復伐

鄧滅之魯莊公十六年楚終強盛為經書楚事張本**疏**注祁謚王曰甥正義曰謚法經典

不易曰祁衛有石祁子亦謚也釋親云謂我舅者吾謂之甥是姊妹之子曰甥人將不食吾餘正義曰食謂啜

之為甥設耳而因享害之所有餘食更為人設之將賤吾不肯復食啜吾之餘食也膏肓以為楚鄧疆弱相將若從

三甥之言楚子雖死鄧滅曾不旋踵若剗腹去疾欲炭止沸左氏為短鄭箴云楚之疆盛從滅鄧以後於時楚未為

疆何得云疆弱相將蘇氏云三甥既有此語左氏出史記之文錄其實事非君子之論何以非之注魯莊公十六

年正義曰知非楚文王十六年者以文王莊五年即位至十九年卒唯十五年耳

經七年春夫人姜氏會齊侯于防防魯地夏

四月辛卯夜恒星不見

恒常也謂常見之星辛卯四月五日月光尚微蓋時

無雲日光不以昏沒

疏

注恒常至昏沒正義曰恒常釋詁文夜者自昏至旦之總名但此經下言夜中則

此言夜者夜未至中謂初昏之後耳非竟夜不見星也穀梁夜作昔傳曰日入至於星出謂之昔不見者可以見也必如彼言星出以前名之曰昔則名昔之時法當未有星矣何以怪其不見而書爲異也明經所言夜者夜昏之後星應見之時而不見耳公羊傳曰恒星者何列星也言天官列宿常見之星也於時周之四月則夏之仲春月今仲春之月日在奎昏弧中鄭立云弧在與鬼南則於時南方之星盡當列見謂常見之星者謂南方星也杜以長歷校之知辛卯是四月五日也杜以五日月光尚微不能奄星使不見若有雲蔽當時復無雲蓋日光不以昏沒是故以爲異

夜中星隕如雨

如而也夜半乃有雲星落而且雨其數多皆記異也日光不匿

恒星不見而云夜

疏

注如而至知之

正義曰公羊說

中者以水漏知之

隕如雨與雨偕也借訓為俱與雨俱下不得為狀似雨也故轉如為而謂星落而且雨其數多與雨雜下所落非一星也非常為異害物為災此二事雖是天之變異不見物被災害皆記異也星隕非常固可記異雨乃常事亦言之者見星之隕其勢宜明時乃陰雨雨內見星所以為異主言星之異不言雨之為異也夜之早晚以星為驗日光不匿恒星不見而云夜中者以水漏知之漏者晝夜百刻於時春分之月夜當五十刻二十五刻而夜半也

秋

大水

傳無

無麥苗

今五月周之秋平地出水

疏

注今

五至之苗 正義曰直言無麥苗似是麥之苗而知麥苗別者公羊傳曰曷為先言無麥而後言無苗待無麥然後書無苗如彼傳文知麥苗別也且此秋今之五月麥已熟矣不得方云麥之無苗故知熟麥及五稼之苗皆為水漂

殺也種之曰稼斂之曰穡月令五時食穀黍稷麻麥豆周禮謂之五穀故云五稼之苗何休云禾初生曰苗秀曰禾

冬夫人姜氏會齊侯于穀

無傳穀齊地今濟北穀城縣

傳七年春文姜會齊侯于防齊志也

文姜數與

齊侯會至齊地則茲發夫人至魯地則齊侯之志故傳略舉二端以言之

疏

注文姜至言之正義曰文姜數

與齊侯會者二年于禚四年于祝丘五年如齊師此年于防于穀是也哀十五年傳稱齊致禚媚杏於衛則禚是齊地定五年傳稱季平子行東野卒于房則防是魯地傳於齊地言書茲於魯地言齊志故知至齊地則茲發夫人至魯地則齊侯之志也二年會之始此年會之末故傳略舉二端以言之明其餘意同也杜于禚于穀皆言齊地于祝丘言魯地見其有二意若其不然相五年經書城祝丘祝丘魯地不須解之釋例曰婦人無外事見兄弟不踰閭故

其他行非禮所及亦例所不存而當其時實有出入或以
事宜或以淫縱小君之行不得不書故直書其行而其善
惡各繫於本會于謚傳稱書姦夫人入齊地也會于
防傳稱齊志齊侯入魯地也於經無例傳以實言之夏

恒星不見夜明也星隕如雨與雨偕也

俱

也秋無麥苗不害嘉穀也

黍稷尚可更種故曰不害嘉穀

經八年春王正月師次于郎以俟陳人蔡

人

無傳期共伐邾陳蔡不至故駐師于郎以待之

疏

注期共至待之正義曰唯言以俟陳蔡不知

何故待之下有師及齊師圍邾或與陳蔡同計故云期共伐邾陳蔡不至故待之賈逵及說穀梁者皆云陳蔡欲伐魯故待之陳蔡於魯竟絕路遙春秋以來未嘗措怨何因輒伐魯也又俟者相須同行之辭非防寇拒敵之稱若是

畏其來伐當謂之禦不得稱俟故知期共伐邲耳何休服虔亦言欲共伐邲

甲午治兵

於廟習號令

疏

注治兵至圍邲正義曰周禮中春教振旅中秋教治兵穀梁傳曰出曰治兵

習戰也入曰振旅習戰也公羊傳曰出曰祠兵入曰振旅其禮一也皆習戰也釋天云出爲治兵尚威武也入爲振旅反尊卑也孫炎云出則幼賤在前貴勇力也入則尊老在前復常法也彼言治兵振旅皆謂因田獵而選車徒教戰法習號令知此治兵亦是習號令也此治兵於廟欲就尊嚴之處使之畏威用命耳但軍旅之衆非廟內所容止應告於宗廟出在門巷習之昭十八年傳稱鄭人簡兵大蒐將爲蒐除杜云治兵於廟城內地迫故除廣之是告於廟習於巷也下有圍邲知治兵爲圍邲也沈云周禮中秋治兵月令孟春令云是月也不可以稱兵所以甲午治兵者以爲圍邲故非時治兵猶如備難而城雖非時不譏沈又云治兵之禮必須告廟告廟雖是內事治兵乃是外事

故雖告廟仍用甲午且治兵則征伐之類又爲圍郕雖在郊內亦用剛日甲午治兵公羊以爲祠兵謂殺牲饗士卒

夏師及齊師圍郕郕降于齊師

二國同討而齊獨納

郕

疏

師及至齊師正義曰於例將卑師衆稱師此直言師則公不自將傳稱仲慶父請伐齊師聞郕降

齊師在國請耳非是軍中請也

秋師還

時史善公克己復禮全軍而還故特書師還

疏

時注

史至師還

正義曰春秋之例公行征伐還則書至命將出師未有書師還者也慶父請伐齊師欲以自圍郕之師

迴伐齊師若用其言則方相戰鬪師或喪敗公乃自責無德引罪歸己時史善公克己復禮全軍而還喜其得還故特書師還也傳言君子是以善魯莊公君子謂當時之史書此師還以善魯莊公也仲足以爲得理故因而用之克己復禮論語文也克勝也已雖恨齊勝情而止責己而不責於人合於禮意僖三十年秦晉圍鄭傳稱秦人竊與鄭

孟子犯請擊秦師晉侯不許與此事同而彼無善文者魯莊中平之主能有善事故爲可嘉晉文身爲霸主而私自恨鄭引秦共伐而秦人背之失其所與則爲不知得免不知之譏已爲幸矣雖不從子犯未足可尚時史不善其事故仲尼亦無褒文

冬十有一月癸未齊無知弒其君

諸兒

稱臣臣之罪也

傳八年春治兵于廟禮也夏師及齊師圍

邾邾降于齊師仲慶父請伐齊師

齊不與魯共其功故

欲伐之公曰不可我實不德齊師何罪罪我之

由夏書曰臯陶邁種德

夏書逸書也稱臯陶能勉種德邁勉也

德

乃降姑務脩德以待時乎

言苟有德乃爲人所降服姑且也

秋

師還君子是以善魯莊公

傳言經所以即用舊史之文

疏

夏書至乃降

正義曰此虞書皋陶謨之文以述禹事故傳謂之夏書孔安國以爲邁行種布降下也言皋陶能行

布其德德乃下洽於民故民歸之今引之斷章取證降義

當言皋陶能布行其德由其有德乃爲人降服也杜不見古文故以爲逸書以邁爲勉言皋陶能勉力種樹功德不

知德乃降亦是書文謂爲莊公之語故隔從下注言能慕

皋陶之種德乃人自降服

之自恨不能如皋陶也

齊侯使連稱管至父

戍葵丘

連稱管至父皆齊大夫戍守也葵丘齊地臨淄縣西有地名葵丘

瓜時而

往曰及瓜而代期戍公問不至

問命

請代

弗許故謀作亂僖公之母弟曰夷仲年生

公孫無知有寵於僖公衣服禮秩如適

適太

子襄公絀之二人因之以作亂

二人連稱管至父

連

稱有從妹在公宮無寵使間公

伺公之閒隙

曰捷

吾以女爲夫人

捷克也宜無知之言

冬十二月齊侯游

于姑棼遂田于貝丘

姑棼貝丘皆齊地田獵也樂安博昌縣南有地名貝丘

見大豕從者曰公子彭生也

公見大豕而從者見彭生皆妖鬼

公怒曰彭生敢見射之豕人立而啼公懼

隊于車傷足喪屨反誅屨於徒人費

誅責也

弗得鞭之見血走出遇賊于門劫而束之費曰我奚御哉袒而示之背信之費請先

入

詐欲助賊

伏公而出鬪死于門中石之紛如死

于階下

石之紛如齊小臣亦鬪死

遂入殺孟陽于牀

孟陽亦小臣代

公居牀

曰非君也不類見公之足于戶下遂弑

之而立無知

經書十一月癸未長歷推之月六日也傳云十二月傳誤

初襄公

立無常

政令無常

鮑叔牙曰君使民慢亂將作

矣奉公子小白出奔莒

鮑叔牙小白傳
小白僖公庶子

亂作

管夷吾召忽奉公子糾來奔

管夷吾召忽皆子糾傳也子糾小白

庶兄來不書皆非卿也爲九年公伐齊納子糾齊小白入于齊傳

初公孫無知虐于

雍廩

雍廩齊大夫爲殺無知傳

經九年春齊人殺無知

無知弑君而立未列於會故不書爵例在成十

六年疏

注無知至六年齊君矣而不言弑其君者爲未列於會故不書爵

不書爵者正謂不書弑其君也釋例曰諸侯不受先君之命而篡立得與諸侯會者則以成君書之齊商人蔡侯般之屬是也若未得接於諸侯則不稱爵楚公子棄疾殺公子比蔡人殺陳佗齊人殺無知衛人殺州吁公子瑕之屬

正義曰無知弑君自立則是爲

是也諸侯篡立雖以會諸侯爲正此列國之制也至於國內策名委質即君臣之分已定故雖殺不成君亦與成君同義也是言殺而不稱君之意也曹伯負芻殺大子而自立成十五年晉侯討而執之十六年曹人請于晉曰若有罪則君列諸會矣是列會則成君故指彼以爲例

公及齊大夫盟于莒

齊亂

無君故大夫得敵於公蓋欲迎子糾也來者非一人故不稱名莒魯地琅邪緡縣北有莒亭

疏

注齊亂至

莒亭

正義曰僖二十九年傳曰在禮卿不會公侯會伯

子男可也是大夫不得敵公也若敵公則經沒公不書而貶卿稱人翟泉之盟是也此不沒公者齊亂無君故大夫得敵公既得敵公當書名氏而直言齊大夫者來者非一人故不稱名也文七年宋人殺其大夫

夏公伐齊納

子糾

疏

公伐齊納子糾

正義曰公羊傳曰糾者何公子糾也何以不稱公子君前臣名也何休

嫌常爲齊君在魯君前不爲臣禮故去父子見臣於魯也賈逵云不言公子次正也公羊之說不可通於左氏次正不稱公子其事又無所出案今定本經文糾之上且有子字自外入內不稱公子者多唯有楚公子比稱公子蓋告辭有詳略故爲文不同此有伐齊之文故不須言于齊納捷苗于邾爲無伐邾之文故須言于邾

齊小

白入于齊

二公子各有黨故雖盟而迎子糾當須伐乃得入又出在小白之後小白稱入從國逆之

文本

無位

注二公至無位

正義曰傳稱鮑叔牙以小白奔莒管夷吾召忽奉子糾來奔則二子在國寵

均勢敵故國內各有其黨今齊大夫來盟于莒直是子糾之黨來迎子糾耳小白之黨猶自向莒迎小白也若其舉國同心共推子糾來迎即宜付之不須以盟要之今既與之盟而興師送糾是一公子各自有黨須伐乃得入故公伐齊也昭十三年傳稱桓公有國高以爲內主則國子高子是小白之黨也彼迎小白既早公送子糾又遲公伐齊

納子糾始行即書小白入齊得告乃書故至齊之時出小白之後也傳例曰凡去國國逆而立之曰入小白稱入從國逆之文以其本無位也若本有位則當云復歸賈服以爲齊大夫來迎子糾公不亟遣而盟以要之齊人歸迎小白謂迎小白者還是盟薳大夫故杜言各自有黨以排之

秋七月丁酉葬齊襄

公

無傳九月乃葬亂故

八月庚申及齊師戰于乾時我

師敗績

小白既定而公猶不退師歷時而戰戰遂大敗不稱公戰公敗諱之乾時齊地時水在樂安界

歧流旱則竭涸故曰乾時

疏

注小白至乾時正義曰公以夏伐齊已出小白之後齊人得葬襄公便是國

寧位定公可退而不退戰而敗績是公之罪時史書策不稱公戰公敗爲公諱也若言此戰非公是將卑師衆故直言師戰師敗耳此戰雖諱猶書敗升陘之戰敗九月齊亦不書者彼爲獲公胄恥諱之深故不書敗也

九月齊

人取子糾殺之

公子糾賊亂則書齊實告殺而書齊取殺者時史惡齊志在誦以求管仲

非不忍其親故極言之

疏

取子糾殺之

正義曰此名糾耳稱子者公羊傳曰其稱子糾何貴也其貴

奈何宜為君者也何休云以君薨稱子某言之者著其室為君從未踰年君例賈逵云稱子者愍之案定本上納子

糾已稱子則此言子非愍之也沈云齊人稱子糾故魯史從其所稱而經書子糾知者傳云子糾親也請君討之豈

復是愍之乎劉與賈同注公子至言之正義曰諸侯之臣為卿乃見經公子為賊亂者則書其名不問位之貴

賤釋例曰禍福不告則不書然則國之大事見告則皆承告而書貴賤各以所告為文也福莫大於享國有家禍莫

甚於骨肉相殘故公子取國及為魯見殺者亦皆書之不必繫於為卿故子糾意懷以公子見書於經也是說公子

書經之意也

冬浚洙

無傳洙水在魯城北下合泗浚深之為齊備

疏

注洙水至齊備正

義曰釋例云洙水出魯國東北西南入沭水下合泗公羊傳曰洙者何水也浚之者何深之也曷為深之畏齊也是畏齊故深之為阻固也

傳九年春雍廩殺無知公及齊大夫盟于

莒齊無君也夏公伐齊納子糾桓公自莒

先入桓公小白秋師及齊師戰于乾時我師敗

績公喪戎路傳乘而歸戎路兵車傳乘乘他車秦子梁

子以公旗辟于下道二子公御及戎右也以誤齊師是以皆

止止獲鮑叔帥師來言曰子糾親也請君

討之

鮑叔乘勝而進軍志在生得管仲故託不忍之辭

管召讎也請受

而甘心焉

管仲射桓公故曰讎甘心言欲快意殺之

乃殺子糾于

生竇

生竇魯地

召忽死之管仲請囚鮑叔受之

及堂阜而稅之

堂阜齊地東莞蒙陰縣西北有夷吾亭或曰鮑叔解夷吾縛於此因以為

名歸而以告曰管夷吾治於高傒

高傒齊卿高敬仲也

言管仲治理政事之才多於敬仲

使相可也公從之

疏

鮑叔至可也正義

曰此傳大略世有管子書者或疑是後人所錄其言甚謚其小序篇曰桓公自昔反於齊使鮑叔牙為宰鮑叔辭曰君有加惠於臣使臣不凍餒則是君之賜也若必治國家則非臣之所能也其唯夷吾乎臣之所不如夷吾者五寬

惠愛民臣不如也治國不失秉臣不如也忠信可結於諸
侯臣不如也制禮義可法於四方臣不如也介冑執枹立
於軍門使百姓皆曰勇臣不如也夫管子民之父母也將
欲治其子不可棄其父母公曰吾夷吾親射寡人中鉤殆
於死今乃用之可乎鮑叔曰彼爲其君勤也君若宥而反
之其爲君猶是也公曰然則爲之奈何鮑叔曰君使人請
之魯公曰夫施伯魯之謀臣也彼知吾將用之必不吾與
鮑叔曰君詔使者曰寡君有不令之臣在君之國願請之
以戮於羣臣魯君必諾且施伯之知夷吾之才必將致魯
之政夷吾受之則魯能弱齊矣夷吾不受彼知其將反齊
必殺之君亟請之不然無及公乃使鮑叔行成曰公子糾
親也請君討之魯人爲殺公子糾又曰管仲讎也請受而
戮之魯君許諾施伯謂魯侯曰勿與非戮之也將用其刃
也管仲天下之賢人今齊求而得之則必長爲魯國憂君
何不殺之而授其屍魯君曰諾將殺管仲鮑叔進曰殺之
齊是戮齊也殺之魯是戮魯也寡君願生得之以徇於國

爲羣臣戮若不生得是君與寡君之賊比也非敝邑之所請也使臣不敢受命於是乎魯君乃不殺遂生束縛而以與齊鮑叔受而哭之三舉施伯從而笑之謂大夫曰管仲必不死矣鮑叔之不忍戮賢人其知知稱賢以自成也至於堂阜之上鮑叔拔而浴之三桓公親迎於郊遂與歸禮之於廟三酌而問爲政焉外傳齊語與管子大同管子當是本耳管子無治於高僎之言鮑叔之美管子其言非一說者各記所聞故不同耳

經十年春王正月公敗齊師于長勺

齊人雖成列魯

以權譎稽之列成而不得用故以未陳爲文例在十一年長勺魯地

疏

注齊人至魯地正義曰例稱敵未

陳曰敗某師皆陳曰戰此傳稱齊人成陳擊鼓不應稱敗齊師故解之孫子兵書曰誓稽之使失其先後謂稽留彼敵不時與戰使先後失其次第魯以曹劌之語設權譎詐以稽留之列成而不得用與未陳相似故以未陳爲文

釋例曰長勺之役雖俱陳而鼓音不齊齊將李之役越人患吳之整以死士亂吳雖皆已陳猶以獨克爲文舉其權詐是也此注稽或作掩誤耳今定本作稽

二月公侵宋

無傳侵例在二十九年

三

月宋人遷宿

無傳宋強遷之而取其地故文異於邢遷

夏六月齊師

宋師次于郎

不言侵伐齊爲兵主背

疏

注不言至

義曰此春敗齊師于長勺傳稱齊師伐我則今次于郎亦是欲來伐我而經並不稱侵伐侵伐者責罪之文也桓十年齊侯鄭伯來戰于郎傳曰我有辭也故不稱侵伐則知此與長勺不書侵伐亦爲我有辭也我有辭者齊來伐我爲公伐齊納子糾來報伐也公之伐齊大夫來盟于莒許以子糾爲君令魯伐齊納子糾彼自背盟伐魯非責魯也魯有此辭故齊人不合伐也杜言二公子各有黨則迎子糾者非小白之徒而責齊背盟者言彼莒盟大夫背盟而

從小白誤公使伐齊耳不言桓公背盟也杜以傳於公
長句之役有伐我之語故就傳爲解而以此同之

敗宋師于乘丘乘丘魯地秋九月荆敗蔡師于

莘

荆楚本號後改爲楚楚辟陋在夷於此始通上國
然告命之辭猶未合典禮故不稱將帥莘蔡地

疏

注荆楚至蔡地正義曰荆楚一木二名故以爲國
號亦得二名終莊公之世經皆書荆僂之元年乃書

楚人伐鄭蓋於爾時始改爲楚以後常稱楚也他國雖將
有尊卑師有多少或稱師或稱將不得直書國名史之書
策承彼告辭此直稱國知其告命以蔡侯獻舞歸

獻舞

疏

以蔡侯獻舞歸正義曰穀梁傳曰以歸猶愈

蔡季

疏

乎執也杜於隱七年注云但言以歸非執也則

以歸者直將與共歸不被囚執其恥輕於執也釋例得獲
例曰敵國交兵亦有兵器之獲欲殊別君臣故於君曰滅

於臣曰獲國君者社稷之主百姓之望當與社稷宗廟共
其存亡者也而見獲於敵國雖存若亡死之與生皆與滅
同至於偏軍元帥君之臣僕出身致命榮辱得失自其常
事故傳曰胡子髡沈子逞滅獲陳夏齧君臣之辭也如杜
此言師敗身虜亦應稱滅此不言滅而云以歸者釋例所
云據宗廟社稷已亡而君見獲於敵君身雖在與亡無異
皆以滅爲文則定六年鄭游速帥師滅許以許男斯歸是
也若社稷宗廟不亡君身見獲於敵則云以歸此蔡侯獻
舞歸是也劉炫云在陳死則稱滅以還者則言以歸以規杜氏非也

冬十月齊師滅

譚

譚國在濟南平陵縣西南傳曰譚無禮此直釋所
以見滅經無義例他皆放此滅例在文十五年

譚子奔莒

不言出奔國滅無所出

疏

注不言至所出正義曰公羊傳曰何以

不言出國已滅矣無所出也

傳十年春齊師伐我

不書侵伐齊背
蘇之盟我有辭

公將戰

曹劌請見

曹劌
魯人

其鄉人曰肉食者謀之又

何間焉

肉食在位者
間猶與也

劌曰肉食者鄙未能

遠謀乃入見問何以戰公曰衣食所安弗

敢專也必以分人對曰小惠未徧民弗從

也

分公衣食所惠不
過左右故曰未徧

公曰犧牲玉帛弗敢加

也必以信

祝辭不敢以小
爲大以惡爲美

對曰小信未孚神

弗福也

孚大
信也

公曰小大之獄雖不能察必

以情

必盡己情
察審也

對曰忠之屬也

上思利
民忠也

可以一

戰戰則請從公與之乘

共乘
兵車

戰于長勺公

將鼓之蒯曰未可齊人三鼓蒯曰可矣齊

師敗績公將馳之蒯曰未可下視其轍

視
車

跡也登軾而望之曰可矣遂逐齊師既克公

問其故對曰夫戰勇氣也一鼓作氣再而

衰三而竭彼竭我盈故克之夫大國難測

也懼有伏焉

恐詐
奔

吾視其轍亂望其旗靡

故逐之

旗靡敝
亂怖遽

逐

注曹劇魯人
沫亦云魯人

正義曰史記作
注肉食至與也

正義曰孟子論庶人云五畝之宅樹之以桑五十者可以
衣帛雞豚狗彘之畜無失其時七十者可以肉食是賤人
不得食肉故云在位者也襄二十八年傳說子雅子尾之
食云公膳日雙雞昭四年傳說頒冰之法云食肉之祿冰
皆與焉大夫命婦喪浴用冰蓋位爲大夫乃得食肉也間
謂間雜言不應間其中而爲之謀故云間猶與也 衣食
所安 正義曰公意衣食二者雖所以安身然亦不敢專
己有之必以之分人 犧牲玉帛 正義曰四者皆祭神
之物曲禮曰天子以犧牛諸侯以肥牛鄭立云犧純毛也
肥養於滌也然則牲謂三牲牛羊豕也犧者牲之純色也
魯自得用天子之禮要犧牲相配之語未必爲得用乃言
之也 注乎大信也 正義曰乎亦信耳以言小信未乎
故解乎爲大信以形之 注上思利民忠也 正義曰相
六年傳文也言以情審察不用使之有枉則是思欲利民

故爲忠之屬也 登軾而望之 正正義曰考工記云兵

車之廣六尺有六寸三分車廣去一以爲隧隧謂與內前

後深四尺四寸也三分其隧一在前二在後以揉其式式

在輿間從前量之深一尺四寸三分寸之二也以其廣之

半爲之式崇崇三尺三寸也謂當車輿之內去前軫一尺

四寸三分寸之二下去車板三尺三寸橫施一木名之曰

軾得使人立於其後時依倚之曹 夏六月齊師宋

剋登軾得臣云君馮軾皆謂此也

師次于郎公子偃曰宋師不整可敗也 公

偃魯大夫 宋敗齊必還請擊之公弗許自雩門

竊出蒙臯比而先犯之 雩門魯南城 公從之

大敗宋師于乘丘齊師乃還 疏 注雩門至 虎皮 正

義曰雩門爲魯南城門蓋時人猶以名之故知也僖二十八年傳稱胥臣蒙馬以虎皮此云蒙臯比而先犯之事與彼同知臯比是虎皮也以胥臣之事譬之必知定是虎皮其名曰臯比則其義未聞樂記云倒載干戈包之以虎皮名之曰建櫜鄭玄以爲兵甲之衣曰櫜櫜韜也而其字或作建臯故服虔引以解此

蔡哀侯娶

于陳息侯亦娶焉息嬀將歸過蔡蔡侯曰

吾嬀也

妻之姊妹曰嬀

止而見之弗賓

不禮敬也

息侯聞

之怒使謂楚文王曰伐我吾求救於蔡而

伐之楚子從之秋九月楚敗蔡師于莘以

蔡侯獻舞歸

疏

注妻之姊妹曰嬀親云妻之姊妹同出爲嬀孫炎

正義曰釋

云同出俱已嫁也

齊侯之出也過譚譚不禮焉及其

入也諸侯皆賀譚又不至

以九年入

冬齊師滅

譚譚無禮也譚子奔莒同盟故也

傳言譚不能及

遠所以亡

經十有一年春王正月

無傳

夏五月戊寅公

敗宋師于郕

郕魯地傳例曰敵未陳曰敗某師

疏

公敗宋師于郕正義曰往年公

敗宋師于乘丘今爲乘丘之役侵我則是報復前怨魯當無辭亦不稱侵伐者莊立以來未嘗犯宋宋黨齊伐我故敗于乘丘今復重來更是宋之可責非魯罪也秋宋大水

公使弔之故書

冬王姬

歸于齊

魯主臣不書齊侯逆不見公

傳十一年夏宋爲乘丘之役故侵我公禦之宋師未陳而薄之敗諸郛凡師敵未陳

曰敗某師

通謂設權譎變詐以勝敵彼我不得成列成列而不得用故以未陳獨敗爲文皆

陳曰戰

堅而有備各得其所成敗決於志力者也

大崩曰敗績

師徒撓敗

若沮岸崩山喪其功績故曰敗績

得雋曰克

謂若大叔段之比才力足以服衆威權足以自

固進不成爲外寇強敵退復校壯有二君之難而實非二君克而勝之則不言彼敗績但書所克之名

覆

而敗之曰取某師

覆謂威力兼備若羅網所掩覆一軍皆見禽制故以取爲文

京師敗曰王師敗績于某

王者無敵於天下
下非所得與戰者然

春秋之世據有其事事列於經則不得不因申其
義有時而敗則以自敗爲文明天下莫之得校

疏

通注

謂至爲文正義曰設權譎變詐以勝敵者謂若長勺之
役待齊人三鼓氣衰乃擊之定十四年雋李之役越子患
吳之整使罪人屬劍自剄吳師屬之目越子因而伐之此
二者敵雖已陳設權勝之成列而不得用也此及昭元年
晉荀吳敗狄于大鹵傳皆云未陳而薄之是其未成列也
彼我不得成列與成列而不得用皆以未陳獨敗爲文言
彼不能拒而此獨克之也昭五年叔弓敗莒師于蚡泉傳
曰莒未陳也此已發例彼復發者釋例曰魯敗宋莒再發
未陳之例者嫌君臣有異也注堅而至者也正義曰
戰者共關之辭彼此成列權無所施故爲各得其所成敗決
於志力者也兩國交戰必有勝負或有未至成敗各自收
斂故有言戰不言敗者桓十年齊侯鄭伯來戰于郎十二

年及鄭師伐宋丁未戰于宋如此之類交戰而未至於敗故不書敗也或有彼實未陳應從未陳之例亦書戰者或有實敗而不書敗者皆從告辭也釋例曰今狐之役晉人潛師夜起而書戰者晉諱背其前意而夜薄秦師以戰告也河曲之戰秦晉交綏長岸之戰吳楚兩敗交綏並退軍士未慙吳楚俱病莫肯以告故皆書戰而不書敗也邲之戰上軍先陳林父乃敗故書戰又書敗也注師徒至敗績正義曰師徒撓敗成二年傳文穀梁傳曰高曰崩厚曰崩解其師非高厚而稱崩意沮訓壞也沮岸謂河岸崩也師旅大敗似岸崩山崩也績訓爲功喪其功績故曰敗績諸言敗績者皆云某師敗績唯成十六年言楚子鄭師敗績者釋例曰鄢陵之戰楚師徒未大崩楚子傷目而退故指事而言也言楚子身敗非師敗也故言楚子敗績信十五年晉侯及秦伯戰于韓獲晉侯其君被獲而不書敗者晉侯戎馬還濟而止爲秦所獲師不大崩故不書敗也城濮之戰傳稱楚左右師潰子玉收其卒而止故不敗是

二軍敗而經書敗績鄢陵之戰傳稱子反曰臣之卒實奔
是一軍敗而杜云師未大崩然則敗績者是大崩之名敗
多存少乃稱敗績敗少存多則不稱敗績也 注謂若至之
名 正義曰克訓勝也戰勝其師獲得其軍內之雄雉者
故云得雉曰克春秋稱克者唯有叔段一事而已既非敵
國相伐又非君之討臣而於戰陳之例別立此名彼傳復
云如二君故曰克故具迹叔段之事以充之凡例乃是舊
典非獨爲段發故云叔段之比釋例與此盡同 注覆謂
至爲文 正義曰取謂盡取無遺漏之意也哀九年宋皇
瑗取鄭師于雍丘傳稱皇瑗圍鄭師每日遷舍壘合鄭師
哭是自知盡死無逃逸之路也又曰使有能者無死是其
合軍之內死生在宋也取狀如此而云覆而敗之知其如
羅網掩覆一軍皆見禽制故以取爲文服虔云覆隱也設
伏而敗之謂攻其無備出其不意敵人不知敗之易故曰
取即如服言與未陳何異而別以爲例謂之取也荀吳敗
狄于大原於越敗吳于檇李並攻其無備出其不意而經

不言取鄭二公子敗燕師于北制鄭人大敗戎師是設以
敗之而傳不言取服謂此爲取何也宋圍鄭師壘合而
自知必敗非敵人不知而書取何也注王者至得校
正義曰此亦周公舊凡杜解舊凡之意得有王師敗績者
以周公制禮理包盛衰故周禮載大喪及王師不功之事
故舊凡例有敗績之文杜以尊卑逆順言之天王不應有
戰敗之事遂申說凡例故云無敵於天下天下非所得與
戰者然春秋之世據有其事成元年王師敗績于茅戎是
事列於經丘明不得不因申舊凡之義蘇氏之說義亦如
此沈氏不解杜意以京師敗績非周公舊凡是孔子新意
丘明爲傳不得不因申孔子新意之義劉秋宋大水
炫亦不達杜旨謂杜與沈氏意同非也

公使弔焉曰天作淫雨害於衆盛若之何

不弔

不爲天
所愍弔

對曰孤實不敬天降之災又以

爲君憂拜命之辱

謝辱厚命

臧文仲曰宋其興

乎

臧文仲魯大夫

禹湯罪已其興也悖焉

悖盛貌

桀

紂罪人其亡也忽焉

忽速貌

且列國有凶稱

孤禮也

列國諸侯無凶則常稱寡人

言懼而名禮其庶乎

言懼罪已名禮稱孤其庶庶幾於興

既而聞之曰公子御說之辭

也

宋公莊子

臧孫達曰是宜爲君有恤民之

心

禹湯罪已桀紂罪人有罪在予一人是罪已也

正義曰湯誥云其爾萬方

忠良剝剔孕婦是罪人也禹桀之時書多亡矣固亦庶有此事沈引帝王世紀云禹見罪人下車泣之是罪已也桀

殺關龍逢是罪人也

注列國至寡人

正義曰列國謂

大國也曲禮曰庶方小侯自稱曰孤諸侯與民言自稱曰

寡人其在凶服曰適子孤鄭玄云與臣言亦自謂寡人是

無凶則常稱寡人有凶則稱孤也既而至之心正義

曰謂御說明年爲君之後方始聞之聞之時已爲君故

云是人宜其爲君也傳以御說有禮故以此言實之冬

齊侯來逆共姬

齊桓公也

乘丘之役

在十年

公以金

僕姑射南宮長萬

金僕姑矢名南宮長萬宋大夫

公右欸孫

生搏之

搏取也不書獲萬時未爲卿

宋人請之宋公靳之

戲而相愧曰靳魯聽其得還

曰始吾敬子

今子魯囚也吾弗

敬子矣病之

萬不以爲戲而以爲己病爲宋萬弑君傳

疏

注金僕姑矢名正義曰

用之射人必知是矢其名僕姑其義未聞 公右欲孫生
正義曰檀弓云魯莊公及宋人戰于乘丘縣賁父御卜國
爲右車右與此不同者禮記後人所錄聞於所聞之口其
事未必實也案傳云公子偃先犯宋師公從而大敗之則
本非交戰禮記稱馬驚敗績公隊佐車授綏御與車右皆
死之必如記言則是魯師敗績經安得稱公敗宋師于乘
丘傳記不同固當記文妄耳 注戲而至得還 正義曰
服虔云恥而惡之曰靳傳稱宋人請之若是恥惡其人
不應爲之請魯故杜以爲戲而相愧曰靳鄭玄注禮記儒
行云遭人名爲儒而以儒靳故相戲俗有靳故之語知是戲
而相愧之名也公羊傳以爲宋萬與閔公博婦人皆在側
萬曰甚矣魯侯之淑魯侯之美閔公矜此婦人妬其言曰
此虜也魯侯之美惡乎至何休云惡乎至猶
何所至萬怒搏閔公絕其脰是其靳之事也

經十有二年春王三月紀叔姬歸于鄆

無傳

紀侯去國而死叔姬歸魯紀季自定於齊而後歸之全守節義以終婦道故繫之紀而以初嫁爲文賢之也來歸不書非寧且

疏

注紀侯至大歸正義曰公羊傳曰其言歸于鄆何隱之也何隱爾其國亡矣徒歸

非大歸于叔爾穀梁傳曰其曰歸何吾女也失國喜得其所故言歸焉爾杜略取彼意爲說釋例與此盡同大意以其賢愍其國亡乃依附於叔故書之耳夏四月秋八月甲午宋萬弑

其君捷及其大夫仇牧

捷閔公不書葬亂也萬及仇牧皆宋卿仇牧稱名不

誓而遇賊無善事可褒

疏

注捷閔至可褒正義曰隱十一年公羊傳曰君弑臣不討賊非臣也子不復

讎非子也葬生者之事也春秋君弑賊不討不書葬以爲不繫乎臣子也左氏無此義故杜明之不書葬爲亂故也凡葬魯不會則不書若使宋亂不葬魯本無可會之理兼見此義故言亂也萬及仇牧並名見於經知皆卿也萬不

書氏者釋例曰宋萬賈氏以為未賜族案傳稱南宮長萬則為已氏南宮不得為未賜族也推尋經文自莊公以上諸弑君者皆不書氏閔公以下皆書氏亦足明時史之異同非仲尼所皆貶也是杜意以為史有詳略無義例也文八年宋人殺其大夫司馬傳曰司馬握節以死故書以官然則有善可褒當變文以見義此仇牧書名不警而遇賊無善可褒故不變其文公羊善其不畏彊禦故言此以異之

冬十月宋萬出奔

陳

奔例在宣十年

傳十二年秋宋萬弑閔公于蒙澤

蒙澤宋地梁國有蒙

縣

遇仇牧于門批而殺之

手批之

遇大宰督

于東宮之西又殺之

殺督不書宋不以告

立子游

子游宋公子

羣公子奔蕭公子御說奔亳

蕭宋邑今沛國蕭縣亳宋邑蒙

縣西北有亳城

南宮牛猛獲帥師圍亳

牛長萬之子猛獲其黨

冬

十月蕭叔大心

叔蕭大夫名

及戴武宣穆莊之族

宋五公之子孫

以曹師伐之殺南宮牛于師殺子游

于宋立桓公

桓公御說

猛獲奔衛南宮萬奔陳

以乘車輦其母一日而至

乘車非兵車駕人曰輦宋去陳二百六十

里言萬之多力

宋人請猛獲于衛衛人欲勿與石祁

子曰不可

石祁子衛大夫

天下之惡一也惡於宋而

保於我保之何補得一夫而失一國與惡

而棄好非謀也

宋衛本同好國

衛人歸之亦請南宮

萬于陳以賂陳人使婦人飲之酒而以犀

革裹之比及宋手足皆見宋人皆醢之

醢肉

醢猛獲

疏

注蒙澤至蒙縣

正義曰昭十三年楚公子比自晉歸于楚弑其君虔于乾谿書地此弑

閔公子蒙澤不書地者釋例曰先儒旁采二傳橫生異例宋之蒙澤楚之乾谿俱在國內閔公之弑則以不書蒙澤國內爲義楚弑靈王復以地乾谿爲失所明仲尼本不以爲義例則丘明亦無異文也是亦言史自詳略無義例也

注子游宋公子

正義曰世族譜子游雜人不知何公之

子注叔蕭大夫名

正義曰卿大夫采邑之長則謂之

齊公邑之長則曰大夫此則是宋蕭邑大夫也以此年有
齊宋人以蕭邑別封其人爲附庸二十三年經書蕭叔
公附庸例稱名故杜以叔爲名于陳以賂正義曰繼
以賂爲句言用賂請于陳也請猛獲于衛不言以賂蓋於
衛無賂

經十有三年春齊侯宋人陳人蔡人邾人

會于北杏

北杏齊地

夏六月齊人滅遂

遂國在齊北蛇丘縣

東秋七月冬公會齊侯盟于柯

此柯今齊北東阿齊之阿

邑猶祝柯今爲祝阿

傳十三年春會于北杏以平宋亂

宋有弑君之亂齊桓

欲脩霸業

遂人不至夏齊人滅遂而戍之

戍守也

疏

注宋有至霸業者為會之意欲平除宋督弒君之賊此云平宋亂者

正義曰桓二年會于稷以成宋亂

宋萬已誅宋新立君其位未定齊桓欲脩霸業為會以安定之非欲平除新君故宋人聽命來列於會也

冬

盟于柯始及齊平也

始與齊相通好

宋人背北杏

之會

經十有四年春齊人陳人曹人伐宋

皆北杏

故

夏單伯會伐宋

既伐宋單伯乃至故曰會伐宋單伯周大夫

疏

注既

伐至大夫

正義曰傳稱諸侯伐宋齊請師于周則伐事已成單伯始至故云會伐宋言來就宋地會之也元年注

單伯天子卿也此云周大夫
著大夫亦卿之揔號故兩言之
秋七月荆入蔡例

五年冬單伯會齊侯宋公衛侯鄭伯于鄆

鄆衛地今東郡鄆城也齊相脩霸業卒平宋亂宋
人服從歸功天子故赴以單伯會諸侯爲文

疏伯

至于鄆正義曰春秋因魯史之文魯史自書其事會他
國者皆言已往會之不問君之與臣會諸侯者皆魯人在
會字之上若微人姓會則會上無字直言其會明魯往會
之微人不合書名書其所爲之事而已十六年會齊侯宋
公陳侯衛侯鄭伯許男滑伯滕子同盟于幽是也若魯人
不與而諸侯自會則并序諸侯言會于某十五年齊侯宋
公陳侯衛侯鄭伯會于鄆是也雖霸主召會諸侯霸主之
身列在諸侯之上耳不言霸主會諸侯以其俱是王臣不
得與諸侯爲主故也若霸主之國遣大夫往會諸侯雖政
在霸國大夫名列諸侯之下由非諸侯之主列位從其班

爵文十四年公會宋公陳侯衛侯鄭伯許男曹伯晉趙盾
同盟于新城是也若王臣在會不問尊卑皆列諸侯之上
僖八年公會王人齊侯宋公衛侯許男曹伯陳世子款盟于
洮九年公會宰周公齊侯宋子衛侯鄭伯許男曹伯于葵
丘是也此會魯人不與單伯宜列在諸侯之上下言會于
鄆耳今會字乃在齊侯之上是齊桓歸功天子故赴以單
伯會諸侯爲文所以尊天子示名義也此會魯白不與魯
所與者皆魯人在上史文以魯爲主耳當會之時以大小
爲序魯不在上也釋例曰魯爲春秋主常列諸侯上非其
實次也子帛卿也依魯大夫之比列於莒上故傳曰魯故
也叔孫豹曰宋衛吾匹也又曰諸侯之會寡君未嘗後衛
君是魯在衛上也宋既先代之後又襄公一合諸侯以
齊桓之伯或在齊
上則魯次宋也

傳十四年春諸侯伐宋齊請師于周

齊桓
公

子故請師假王命以示大順經書人傳言諸侯者摠衆國之辭

夏單伯會之取成

于宋而還

疏

注齊欲至之辭

正義曰齊既以諸侯伐宋而更請師于周者齊桓始脩

霸業方欲尊崇天子故請師假王命以示大順耳非慮伐不克而藉王威也經書人而傳言諸侯先儒以爲諸如此輩皆是諸侯之身釋例曰傳滅入例衛侯燬滅邢同姓故名又云穀伯綏鄧侯吾離來朝名賤之也又云不書蔡許之君乘楚車也謂之失位此皆貶諸侯之例例不稱人也諸侯在事傳有明文而經稱人者凡十一條立明不示其義而諸儒皆據案生意原無所出貶諸侯而去爵稱人是爲君臣同文非止等差之謂也又澶淵大夫之會傳曰不書其人案經皆去名稱人至諸侯親城綠陵傳亦曰不書其人而經摠稱諸侯此大夫及諸侯經傳所以爲別也通按春秋自宣公五年以下百數十年諸侯之咎甚多而皆無與稱人者益明此蓋當時告命記注之異非仲尼所以

爲例故也是言諸侯之貶或書名或沒而不書必不得稱人故以此經書人傳言諸侯爲摠衆國之辭僖元年齊師宋師曹師救邢於例將平師衆稱師則三國皆大夫鄭師也傳稱諸侯救邢亦是摠衆國之辭與此同也

厲公自櫟侵鄭

厲公以桓十五年入櫟遂居之

及大陵獲傅

瑕

大陵鄭地傳瑕鄭大夫

傅瑕曰苟舍我吾請納君與

之盟而赦之六月甲子傅瑕殺鄭子及其

二子而納厲公

鄭子莊四年稱伯會諸侯今見殺不稱君無諡者微弱臣子不以君禮成

喪告

諸侯初內蛇與外蛇鬪於鄭南門中內蛇

死六年而厲公入公聞之問於申繻曰猶

有妖乎對曰人之所忌其氣燄以取之妖

由人興也

尚書洛誥無若火始燄燄未盛而進退之時以喻人心不堅正

人無覺

焉妖不自作人棄常則妖興故有妖厲公

入逐殺傅瑕使謂原繁曰傅瑕貳

言有二心於己

周

有常刑既伏其罪矣納我而無二心者吾

皆許之上大夫之事吾願與伯父圖之

上大

夫卿也伯父謂原繁疑原繁有二心

且寡人出伯父無裏言

無納我之言

入又不念寡人

下親附已

寡人憾焉對曰先君

桓公命我先人典司宗祏

桓公鄭始受封君也宗祏宗廟中藏主石

室言已世爲宗廟守臣

社稷有主而外其心其何貳如

之苟主社稷國內之民其誰不爲臣臣無

二心天之制也子儀在位十四年矣

子儀鄭子也

而謀召君者庸非貳乎

庸用也

莊公之子猶

有八人若皆以官爵行賂勸貳而可以濟

事君其若之何臣聞命矣乃縊而死

疏

六年

而厲公入

正義曰服虔云蛇北方水物水成數六故六年而厲公入猶有至有妖正義曰公聞厲公之入問

申繻曰猶有蛇妖而厲公得入乎古者由猶二字義得
用申繻對公曰人之所忌謂子儀畏懼厲公心不堅正
其畏忌之氣餒餒未盛而進退之時以取此妖來應人也
蛇闕之事由人興也若使人無罅隙焉則妖孽不能自作
人棄其常則妖自興以此故有妖棄常謂既不能彊又不
能弱失常度也 注桓公至守臣 正義曰桓公初封西

鄭蓋是畿內之國周禮王子母弟有功者得立祖王之廟
故桓公始封為君即命臣使典宗祫宗祫者慮有非常火
災於廟之北壁內為石室以藏木主有事則
出而祭之既祭納於石室祫字從示神之也 蔡哀侯

為莘故繩息媯以語楚子 莘役在十
年繩譽也 楚子如

息以食入享遂滅息 偽設享
食之具 以息媯歸生

堵敖及成王焉未言 未與
王言 楚子問之對曰

吾一婦人而事二夫縱弗能死其又奚言

楚子以蔡侯滅息遂伐蔡欲以說息嬖秋七月

楚入蔡君子曰商書所謂惡之易也如火

之燎于原不可鄉邇其猶可撲滅者其如

蔡哀侯乎商書盤庚言惡易長而難滅**疏**注繩譽也正義曰字書繩作詭字

從言訓為譽冬會于鄆宋服故也

經十有五年春齊侯宋公陳侯衛侯鄭伯

會于鄆夏夫人姜氏如齊無傳夫人文姜齊桓公姊妹父母在則禮

有歸寧沒

疏

注夫人至卿寧 正義曰文姜僖公之女故為桓公姊妹詩美后妃之德云歸寧父

母是父母在則禮有歸寧襄十二年傳曰秦嬴歸于楚楚司馬子庚聘于秦為夫人寧禮也是父母沒則使卿寧兄弟不得自歸也但不知今桓公有母以否故杜不明言得失 秋宋人齊人邾人

伐邾

宋主兵故序齊上

鄭人侵宋冬十月

傳十五年春復會焉齊始霸也

始為諸侯長

秋

諸侯為宋伐邾

邾附庸屬宋而叛故齊桓為之伐邾

鄭人間之

而侵宋

春秋正義卷第八

鄉貢進士馮嗣祖校勘

春秋正義卷第九

隱七年

莊公



國子祭酒上護軍曲阜縣開國子臣孔穎達等奉

勅撰

經十有六年春王正月夏宋人齊人衛人

伐鄭

宋主兵也班序上下以國大小為次征伐則以主兵為先春秋之常也他皆放此

疏

注宋

主至放此正義曰往年齊桓治霸未敢即尸其任救患討罪今為宋伐鄭仍使宋自報怨故宋主兵序於齊上也諸侯會許男在曹滑之上班序上下以國大小為次不以爵之尊卑也隱五年邾人鄭人伐宋附庸在伯爵之上是以主兵為先也歷檢上下皆然知是春秋常法禮記祭義云有虞氏貴德而尚齒夏后氏貴爵而尚齒殷人貴富而

尚齒周人貴親而尚齒而春秋序會不先同姓而大秋國在上者孔子脩春秋有變周之文從殷之質故也

荆伐鄭冬十有二月會齊侯宋公陳侯衛

侯鄭伯許男滑伯滕子同盟于幽

書會魯會之不書其

人微者也言同盟服異也陳國小每盟會皆在衛下齊桓始霸楚亦始彊陳侯介於二大國之間而為三恪之客故齊桓因而進之遂班在衛上終於春秋滑國都費河南緱氏縣幽宋地

疏

正義曰公羊傳

曰同盟者何同欲也穀梁傳曰同者同尊周也杜云服異者亦是同其欲同尊周也書同盟者當盟之時告神稱同釋例曰盟者假神明以要不信故載辭或稱同以服異為言也是言載辭稱同也二十七年同盟于幽傳曰陳鄭服也文十四年同盟于新城傳曰從於楚者服且謀邾也成五年同盟于蟲牢傳曰鄭服也七年同盟于馬陵傳曰尋

歲年之盟且莒服故也襄三年同盟于雞澤傳曰晉爲鄭服故合諸侯二十五年同盟于重丘傳曰齊成故也昭十三年同盟于平丘傳曰齊服也如此之類皆是服異故稱同也喪服繼父不同居傳曰嘗同居乃爲異居未嘗同居則不爲異居春秋同盟亦猶是也嘗同盟而異乃稱服異未嘗同盟則不爲服異故盟不稱同也僖二年齊侯宋公江人黃人盟于貫傳曰服江黃也定四年陳許頓胡楚之屬國皆來會于召陵其下云公及諸侯盟于皐鼬二盟並不稱同皆爲未嘗同盟非服異故不稱同也應稱同而不稱同者僖五年首止之盟鄭伯逃歸七年盟于甯母鄭伯使大子華聽命於會而不稱同者鄭心未服故傳稱子華請去三族管仲曰君其勿許鄭必受盟是甯母之時鄭未服也八年盟于洮鄭伯乞盟傳稱請服也而洮盟不稱同者鄭伯始請服耳未列於會故不稱同也文十五年夏晉卻缺帥師伐蔡戊申入蔡其父諸侯盟于扈傳稱晉侯宋公衛侯蔡侯陳侯鄭伯許男曹伯盟于扈則是蔡新來服

不稱同者傳稱卻欲入蔡以城下之盟而還是則蔡已先
服故不稱同也宣十二年同盟于清丘傳曰恤病討貳十
七年同盟于斷道傳曰討貳也成九年同盟于蒲傳曰爲
歸汶陽之田故諸侯貳於吾晉人懼會於蒲以尋馬陵之
盟十五年同盟于戚傳曰討曹成公也十七年同盟于柯
陵傳曰尋戚之盟也十八年同盟于虛打傳曰謀救宋也
此六盟皆非服異稱同盟者清丘斷道與蒲於時諸侯已
有二心同心討貳故稱同盟戚與虛打同心疾惡故稱同
盟柯陵之盟鄭人不服欲令諸侯同心伐鄭故稱同盟猶
襄十八年諸侯同心疾齊稱同圍齊自此以前陳在衛下
今在上知齊桓始進之釋例班序譜自隱至莊十四年四
十三歲衛與陳凡四會衛在陳上自莊十五年盡僖十七
年三十五歲凡八會陳在衛上故知是
齊桓進之遂班在衛上終於春秋也

邾子克卒

無傳

克儀父名稱子者蓋齊桓

疏

注克儀至同盟 正義曰
此杏之會邾人在焉今而

請王命以爲諸侯再同盟

穆子故云蓋齊侯請王命以為諸侯得為子爵見經也隱元年盟于蔑桓十七年盟于越再同盟也

傳十六年夏諸侯伐鄭宋故也鄭侵宋故鄭伯自

櫟入在十四年緩告于楚秋楚伐鄭及櫟為不禮

故也鄭伯治與於雍糾之亂者在桓十五年九月殺

公子闕剛強鉏二子祭仲黨斷足曰剛公父定叔出奔

衛共叔段之孫定謚也三年而復之曰不可使共叔無

後於鄭使以十月入曰良月也就盈數焉

數滿於十君子謂強鉏不能衛其足言其不能早辟害**疏**注二

子至曰刑 正義曰周禮司刑刑罪五百尚書呂刑刑罰之屬五百孔安國云刑足曰刑釋言云跽刑也李巡曰斷足曰刑也說文云刑絕也則刑刑是斷絕之名斬足之罪故云斷足曰刑 注數滿於十 正義曰易繫辭

云天一地二天三地四天五地六天七地八天九地十至十而止是數滿於十也閔元年傳曰萬盈數也數至十則小盈至萬則大盈傳具載定叔事者服虔云定叔之祖共叔段有伐君之罪宜世不長而云不可使共叔無後於鄭言其刑之偏頗鄭厲公以孽篡適同惡相恤故黨於共叔欲令其後不絕傳所以惡厲公也 冬同盟

于幽鄭成也王使虢公命曲沃伯以一軍

爲晉侯

曲沃武公遂并晉國僖王因就命爲晉侯小國故一軍

疏

注曲沃至一軍正義曰桓

八年傳稱曲沃武公滅翼其年冬王命虢仲立晉哀侯之弟緡于晉至是乃并之也晉世家云曲沃武公伐晉侯緡

滅之盡以其寶器賂獻於周僖王僖王命曲沃武公爲晉君列爲諸侯於是盡并晉地而有之曲沃武公已即位三十七年矣自桓叔始封曲沃以至武公滅晉凡六十七歲而卒代晉爲諸侯是僖王命之事也周禮小國一軍晉土地雖大以初并晉國故以小國之禮命之

初晉武公伐夷執夷詭諸

夷詭諸周大夫夷采地名

蔣國請而免之

蔣國周大夫

旣而弗報

詭諸不報施於蔣國

故子國作亂謂晉人曰與我伐夷

而取其地

使晉取夷地

遂以晉師伐夷殺夷詭諸

周公忌父出奔虢

周公忌父王卿士辟子國之難

惠王立而

復之

魯桓十五年經書桓王崩魯莊三年經書葬桓王自此以來周有莊王又有僖王崩葬皆不見於經

傳王室微弱不能復自通於諸侯故傳因周
公忌父之事而見惠王惠王立在此年之末
正義曰史記十二諸侯年表云莊王元年當魯桓十六年
即位十五年而崩傳王元年當魯莊十三年即位五年而
崩惠王元年當魯莊十八年即位在此年而此年傳說
惠王之立者杜云傳因周公忌父之事而見惠王立在此
年之末是杜以周公忌父此年出
奔至惠王立而得復與史記不違

經十有七年春齊人執鄭詹

齊桓始霸鄭既伐
宋又不朝齊詹爲

鄭執政大臣詣齊見執不稱行人罪之也行人例
在襄十一年諸執大夫皆稱人以執之大夫賤故

疏

注齊

桓至賤故正義曰僖七年傳曰鄭有叔詹堵叔師叔先
言詹是詹最貴也且傳稱鄭不朝也以君不朝而詹被執
明詹是執政大臣爲不道君使朝故執之也若詹不至齊
則無由被執知是詣齊見執蓋聘齊也昭八年楚人執陳

行人干徵師殺之傳曰罪不在行人也無罪乃稱行人說
不稱行人罪之也襄十一年楚人執鄭行人良霄傳曰書
曰行人言使人也言使人者言非使人之罪也書曰者是
仲尼新意故指以爲例也執諸侯有稱人稱侯之異執大
夫者悉皆稱人以執之爲大夫賤故也劉炫以此注云詣
齊見執釋例曰詹本非出使謂二者自相矛盾今知非者
齊以鄭不朝而責於鄭鄭令詹詣齊謝罪齊人執之故釋
例云元非出聘之使集解云詣齊被執二文雖異事實同
耳劉炫不尋此意

夏齊人殲于遂

殲盡也齊人戍遂
說而無備遂人討

乃爲規過非也

而盡殺之故時史

疏

注殲盡至爲文

正義曰殲盡也

因以自盡爲文
釋詁文舍人曰殲衆之盡也時史
惡其輕敵而以自盡爲文罪齊戍也釋例曰齊人殲于遂
鄭棄其師亦時史即事以安文或從赴辭故傳亦不顯明
義例
秋鄭詹自齊逃來

無傳詹不能伏節守死以解
國患而遁逃苟免書逃以賤

之

疏

注詹不至賤之正義曰伏節守死以解國患當如昭元年叔孫豹之居位待罪也逃若匹夫逃竄故云

書逃以賤之鄭詹自齊逃來過魯而後歸鄭故書之

冬多麋

無傳麋多則害五稼故以災書

疏

注麋多至災書正義曰麋是澤獸魯所常有是年暴多多則害五稼故言多以災書也

傳十七年春齊人執鄭詹鄭不朝也夏遂

因氏頌氏工婁氏須遂氏饗齊戍醉而殺

之齊人殲焉

饗酒會也四族遂之彊宗齊滅遂戍之在十三年

經十有八年春王三月日有食之

無傳不書日官失之

疏

注不書日官失之正義曰經亦無朔字當云不書朔與日注不言朔脫也

夏公追我

下濟西

戎來侵魯公逐之於濟水之西

秋有蜚

蜚短狐也蓋以含沙射人爲災

疏

左盛短至爲災

正義曰穀梁傳曰蜚射人者也洪範五行傳曰蜚如蠆三足生於南越南越婦人多淫故其地多

盛淫女惑亂之氣所生也陸璣毛詩義疏云蜚短狐也一名射景如蠆三足在江淮水中人在岸上景見水中投人

景則投之故曰射景或謂含沙射人入皮肌其創如疥服虔云編身漢漢武或故爲災沈氏云此有蜚傳重發例者

以蜚蠆與蜚同是害禾稼此蜚則害人故傳特發之

冬十月

傳十八年春虢公晉侯朝王王饗醴命之

宥

主之觀羣后始則行饗禮先置醴酒示不忘古飲宴則命以幣物宥助也所以助歡敬之意言備設皆

賜玉五穀馬三匹非禮也

雙正王命諸侯名

爲穀

王命諸侯名

爲穀

王命諸侯名

爲穀

王命諸侯名

位不同禮亦異數不以禮假人

侯而與公同賜是借人禮

疏

注王之至備設 正義曰王饗醴命之賓者王爲之設饗禮置醴酒命之以幣物所以助歡也賓助釋詁文周禮掌客王待諸侯之禮上公三饗三食三燕侯伯三饗再食再燕子男壹饗壹食壹燕三禮先言饗是王之覲羣后始則行饗禮也酒正辨五齊之名一曰泛齊二曰醴齊三曰盎齊四曰緹齊五曰沈齊鄭注云泛者成而滓浮泛泛然醴猶體也成而汁滓相將如今恬酒矣盎猶翁也成而翁翁然葱白色緹者成而紅赤沈者成而滓沈如今造清矣自醴以上尤濁然則以其尤濁故先置之示不忘古也知者禮運云燔黍捭豚下即云以燔炙以爲醴酪是醴酒在先而有故曰先置醴酒示不忘古也詩序曰鹿鳴燕羣臣嘉賓也既飲食之又實幣帛箚篚以將其厚意聘禮云若不親食使大夫朝服致之以侑幣致饗以酬幣亦如之是饗禮有酬幣也禮主人酌酒於賓曰獻賓荅主人曰酢主

人又酌以酬賓曰酬謂之酬幣蓋於酬酒之時賜之幣也
所賜之物即下玉馬是也傳稱饗醴命宥言其備設盛禮
也此注命之宥者命在下以幣物宥助僖二十八年命晉
侯宥注云命晉侯助以束帛以將厚意皆命不同者以彼
有命晉侯之事故也 注雙玉爲穀 正義曰倉頡篇穀
作珏雙玉爲穀故字從兩玉 注侯而至人禮 正義曰
虢君不知何爵稱公謂爲三公也周禮王之三公八命侯
伯七命是其名位不同也其禮各以命數爲節是禮亦異
數也今侯而與公同賜是借人禮也假借同義 虢公晉
取者假爲上聲借爲入聲與者假借皆爲去聲 虢公晉
侯鄭伯使原莊公逆王后于陳陳嬀歸于
京師 虢晉朝王鄭伯又以齊執其卿故求王爲援皆在
周倡義爲王定昏陳人敬從得同姓宗國之禮故
傳詳其事 實惠后 陳嬀後號惠后寵愛少子亂周室
不書不告 實惠后 事在僖二十四年故傳於此並正

其後

夏公追戎于濟西不言其來諱之也

戎來

稱侵魯魯人不知去乃

追之故諱不言其來

疏

注戎來至其來正義曰傳例有鐘鼓曰伐無曰侵戎之來也

魯人不知宜無鐘鼓故以侵言之釋例曰戎之入魯魯人不知去而遠追又無其獲邊竟不備候不在疆所以為諱

諱此君之闕亦所以示戒將來之君也

秋有螽為災也初楚武王

克權使鬬緡尹之

權國名南郡當陽縣東南有權城鬬緡楚大夫

以叛

圍而殺之

緡以權叛

遷權於那處

那處楚地南郡緡縣東南有那口城

使

閻敖尹之

閻敖楚大夫

及文王即位與巴人伐申

而驚其師

驚巴師

巴人叛楚而伐那處取之

遂門于楚

攻楚城門

閻敖游涌而逸

涌水在南郡華容縣閻敖

既不能守城又游涌水而走

楚子殺之其族爲亂冬巴人因

之以伐楚

疏

關緡尹之正義曰尹訓正也楚官多以尹爲名此滅權爲邑使緡爲長故曰

也尹

經十有九年春王正月夏四月秋公子結

媵陳人之婦于鄆遂及齊侯宋公盟

無傳公子結魯

大夫公羊穀梁皆以爲魯女媵陳侯之婦其稱陳人之婦未入國略言也大夫出竟有可以安社稷利國家者則專之可也結在鄆聞齊宋有會權事之宜去其本職遂與二君爲盟故備書之本非魯公意而又失媵陳之好故冬各

來

鄆

注公子至來伐 正義曰公羊傳曰媵者何諸侯

娶一國則二國往媵之媵不書此何以書爲其有
遂事書大夫無遂事此其言遂何聘禮大夫受命不受辭
出竟有可以安社稷利國家者則專之可也穀梁文雖不
明其意亦爲魯女左氏無傳取彼爲說故云公羊穀梁皆
以爲魯女媵陳侯之婦穀梁傳曰其口陳人之婦略之也
以未入國略而不言陳侯夫人成九年伯姬歸于宋晉衛
齊三國來媵然則爲人媵者皆送至嫁女之國使之從適
而行此鄆是衛之東地蓋陳取衛女爲婦魯使公子結送
媵向衛至鄆聞齊宋爲會將謀伐魯故權事之宜去其本
職不復送女至衛遂與二君會盟故備書之也送女至鄆
停女會盟鄆是盟處故言于鄆非本期送女使至鄆也既
盟之後遂不復送女其盟本非公意又失媵陳之好故至
冬而三國來伐結之此盟於魯無益故無嘉善之文文八
年冬十月壬午公子遂會晉趙盾盟于衡雍乙酉公子遂
會維戎盟于暴四日之間不容反報亦是專命而盟患難

俱解故再稱名氏珍而貴之與此異也宣十二年宋華椒承羣僞之言以誤其國宋人被伐而敗華椒今三國代魯不貶公子結者結之爲盟本欲安社稷利國家與華椒事異故不貶

夫人姜氏如莒

無傳

非父母國而往書姦

疏

注非父至書姦正義曰此既無傳不知何爲如莒婦人不以禮出爲姦故曰書姦

冬齊人宋人陳人伐我西鄙

無傳幽之盟魯使微者會鄆之盟又

使媵臣行所以受敵鄙邊邑

傳十九年春楚子禦之敗於津

禦巴人爲巴人所敗

津楚地或曰江陵縣有津鄉

還鬻拳弗納遂伐黃

鬻拳楚大閭黃羸姓國今

弋陽縣

敗黃師于蹇陵

蹇陵黃地

還及湫有疾

南郡郢縣東南有湫

城

夏六月庚申卒鬻拳葬諸夕室

夕室地名

亦

亦自殺也而葬於經皇

經皇冢前闕生守門故死不失職

初

鬻拳強諫楚子楚子弗從臨之以兵懼而

從之鬻拳曰吾懼君以兵罪莫大焉遂自

刖也楚人以爲大閹謂之大伯

若今城門校尉官

使

其後掌之

使其子孫常主此官

君子曰鬻拳可謂愛

君矣諫以自納於刑刑猶不忘納君於善

言愛君明非臣法也楚能盡其忠愛所以興

疏

注黃贏姓

正義曰世本

正義曰鬻

拳自殺以殉當是近墓之地宣十四年傳稱楚子聞宋殺
申舟投袂而起屨及於室皇劔及於寢門之外則室皇近
於門外當是寢門闕也知此經皇亦是冢前闕也且此人
生爲大閹職掌守門明此亦是守門示死不失職也餘書
無經皇之名蓋唯楚有此號也 以爲大閹謂之大伯
正義曰周禮天官闢人掌守王宮之中門之禁鄭玄云闢
人司昏晨以啓閉者刑人墨者使守門秋官掌戮墨者使
守門刑者使守圜則闢不使刑而鬻拳得爲闢者周禮地
官之屬有司門下大夫二人掌授管鍵以啓閉國門鄭玄
云若今城門校尉主王城十二門此注亦云若今城門校
尉官然則鬻拳本是大臣楚人以其賢而使典此職非爲
刑而役之其爲大閹者當如地官之司門非天官之闢人
亦主晨昏開閉通以闢爲名焉謂之大伯伯長也爲門官
之長也 注言愛君明非臣法也 正義曰何休膏肓云
人臣諫君非有死亡之急而以兵臨君開筭弑之路左
氏以爲愛君於義左氏爲短故注言此以釋何休之難初

王姚嬖于莊王生子穰

王姚莊王之妾也姚姓

子穰有

寵薦爲國爲之師及惠王即位

周惠王莊王孫

取薦

國之圃以爲囿

圃園也囿苑也

邊伯之宮近於王宮

王取之

邊伯周大夫

王奪子禽祝跪與詹父田

三子周大

而收膳夫之秩

膳夫石速也秩祿也

故薦國邊伯石

速詹父子禽祝跪作亂因蘇氏

蘇氏周大夫桓王奪其十

二邑以與鄭自此以來遂不和

秋五大夫奉子穰以伐王

石速士也故不

在五大夫數

不克出奔溫

溫蘇氏邑

蘇子奉子穰以奔

衛衛師燕師伐周

燕南

冬立子續

疏

注園苑也

正義曰冢宰職云園圃毓草木鄭玄云樹果蔽曰園園其樊也詩云折柳樊圃成十八年築鹿園然則圃以蕃為之所以樹果蔽園則築牆為之所

經二十年春王二月夫人姜氏如莒

無傳

夏

齊大災

無傳來告以火故書天火曰災例在宣十六年

秋七月冬齊人伐

戎

無傳

疏

注來告至六年正義曰襄九年三十年宋災昭九年陳災十八年宋衛陳鄭災皆不言

大知此來告以大故書大也

傳二十年春鄭伯和王室不克

克能也

執燕仲

父

燕仲父南燕伯爲伐周故

夏鄭伯遂以王歸王處于櫟

秋王及鄭伯入于鄆

鄆王所取鄭邑

遂入成周取其

寶器而還冬王子穧享五大夫樂及徧舞

皆舞六代之樂

鄭伯聞之見虢叔

叔虢公字

曰寡人聞之哀

樂失時殃咎必至今王子穧歌舞不倦樂

禍也夫司寇行戮

司寇刑官

君爲之不舉

去盛

而

況敢樂禍乎奸王之位禍孰大焉臨禍忘

憂必及之盍納王乎虢公曰寡人之願

也疏

注燕仲父南燕伯正義曰譜亦云南燕伯爵不知所出服虔亦云南燕伯爵注皆舞六代之樂

正義曰言樂又徧舞則樂之所有舞悉周徧故知皆舞六代之樂也周禮大司樂以樂舞教國子舞雲門大卷大咸大磬大夏大濩大武鄭玄云此周所存六代之樂也傳記所說雲門大卷黃帝也大咸堯也大韶舜也大夏禹也大濩湯也大武周武王也是爲六代奏黃鍾歌大呂舞雲門以祀天神奏大蕤歌應鍾舞咸池以祭地示奏姑洗歌南呂舞大磬以祀四望奏蕤賓歌林鍾舞大夏以祭山川奏夷則歌中呂舞大濩以享先妣奏無射歌夾鍾舞大武以享先祖注去盛饌正義曰周禮膳夫職曰王日一舉鼎十有二物皆有俎以樂侑食大喪則不舉大荒則不舉大札則不舉天地有災則不舉邦有大故則不舉鄭玄云殺牲盛饌曰舉襄二十六年傳曰古之治民者將刑爲之不舉不舉則微樂是不舉者貶膳食微樂也

經二十有一年春王正月夏五月辛酉鄭

伯突卒

十六年與魯大夫盟于幽

秋七月戊戌夫人姜氏

薨

無傳薨寢祔姑赴於諸侯故具小君禮書之

葬

注薨寢至書之正義曰經無所闕禮具可知

杜為此注者以先儒之說使莊公絕母子之親故於此明之知母子不絕下葬注亦然

冬十有二

月葬鄭厲公

無傳八月乃葬緩慢也

傳二十一年春胥命于弭夏同伐王城

鄭

相命弭鄭地

鄭伯將王自圉門入虢叔自北門入

殺王子績及五大夫鄭伯享王于闕西辟

樂備

闕象魏也樂備備六代之樂

王與之武公之略自虎

牢以東

略界也鄭武公傳平王平王賜之自虎牢以東後失其地故惠王今復與之虎牢河南成皋縣

原伯曰鄭伯效尤其亦將有咎

原伯原莊公也言效子積

舞編樂

五月鄭厲公卒王巡虢守

巡守於虢國也天子省方謂之巡守

虢公為王宮于玼

玼虢地

王與之酒泉

酒泉周邑

鄭伯之享王也王以后之盤盥予之

后王后也盤盥

而以鏡為飾也今西方羗胡猶然古之遺服

虢公請器王予之爵

爵飲酒器鄭

伯由是始惡於王

為僖二十四年鄭執王使張本

冬王歸自虢

傳言王

疏

注闕象魏也

正義曰定二年雉門及兩觀

之偏也

疏

災注云兩觀闕也禮運云昔者仲尼與於蜡

賓事畢出遊於觀之上鄭玄云觀闕也釋宮云觀謂之闕

郭璞云宮門雙闕周禮大宰正月之吉縣治象之法于象

魏使萬民觀治象鄭衆云象魏闕也哀三年魯災傳稱季

栢子御公立于象魏之外命藏象魏曰舊章不可亡也由

此言之則觀闕象魏其事一也劉熙釋名云闕在門兩旁

中央闕然爲道也然則其上縣法象其狀巍巍然高大謂

之象魏使人觀之謂之觀也闕西辟者辟是旁側之語也

服虔云西辟西偏也當謂兩觀之內道之西也注略界

至臯縣正義曰孟子云仁政必自經界始昭七年傳曰

天子經略諸侯正封封略之內何非君土孟子經界即傳

之經略且云封略之內封是竟則知略是界也武公東鄭

之始封君也言武公之略則是武公舊竟若其由來不失

不須今日復與故知後失其地惠王今復與之隱十一年

王取鄆劉蕢荊之田于鄆蓋桓王之世失之也注巡守

至巡守 正義曰孟子云諸侯適天子曰述職天子適諸侯曰巡守守者守也言諸侯爲天子守土天子時巡行之易稱后不省方故云天子省方謂之巡守 注后王至適服 正義曰輦是帶也鑑是鏡也此與定六年傳皆輦鑑雙言則輦鑑一物故知以鏡飾帶舉今羗胡之服以明之號公至於王 正義曰鄭伯謂厲公子文公也服虔云輦鑑王后婦人之物非所以賜有功爵飲酒器王爵也一升曰爵爵人之所貴者言鄭伯以其父得賜不如號公爲是始惡於王積而成怨僖二十四年遂執王使此爲彼張本

經二十有二年春王正月肆大眚

無傳赦有罪也易稱

赦過宥罪書稱眚災肆赦傳稱肆眚圍鄭皆放赦罪人蕩滌衆故以新其心有時而用之非制所常故書注赦有至故書 正義曰肆大眚者肆緩也眚過也緩縱大過是赦有罪也大罪猶赦則小罪亦赦之猶今赦書大

疏

辟罪以下悉皆原免也易解卦象云雷雨作解君子以赦過宥罪解卦坎下震上震爲雷坎爲雨雷動雨下而萬物解散故君子以此卦象而放赦有過寬宥罪人也書稱眚災肆赦舜典文孔安國云眚過災害肆緩也過而有害當緩赦之肆眚圜鄭襄九年傳文也此諸言肆眚者皆是放赦罪人蕩滌衆故除其瑕穢以新其心也必其國有大患非赦不解或上有嘉慶須布大恩如是乃行此事故釋例曰天有四時得以成歲雷霆以振之霜雪以齊之春陽以煖之雲雨以潤之然後能相育也天且弗違而況於人乎物不可終否故受之以同人同人者與人同也解天下之至結成天下之壘壘肆大眚之謂也堯曰咨爾舜有罪不敢赦所以須待革命有時而用之非制所常故書之也杜唯言有時用之亦不知此時何以須赦穀梁傳曰肆大眚爲嫌天子之葬也其意言文姜有罪不合以禮而葬若不赦不復書葬嫌天子許之明須赦而後得葬故爲赦也賈逵以文姜爲有罪故赦而後葬以說臣子也魯大赦國也

罪過欲令文姜之過因是得除以葬文姜杜不明說要文姜出奔之日尚稱夫人夫人之名未嘗有貶何須以赦除之此赦必不爲文姜也但夫人以去年七月薨十一月則當合葬乃至此年正月經七月始葬如此遲緩必是國家有事須赦解之但不知其所由耳

癸丑葬我小君文姜

無傳反哭成喪故稱

小陳人殺其公子御寇

宣公大子也陳人惡其殺大子之名故不稱君父以

國討公

疏

注宣公至子告

正義曰傳言大子必是大子也僖五年晉侯殺其世子申生稱君稱世

子告
子此不然者釋例曰古者討殺其大夫各以罪狀宣告諸侯所以懲不義重刑戮也晉侯使以殺大子申生之故來告衛殺孔達傳載其辭辭雖有臨時之狀其告則常也然則殺大夫公子當以罪狀告人此傳不說御寇之罪則陳人不以罪告而經書公子是惡殺大子之名故不稱君父以國討公子告

夏五月

疏

夏五月

正義曰釋例曰年之四時雖或無事必空書首月以紀時
變以明歷數莊公獨稱夏五月及經四時有不具者丘明

無文皆闕繆也秋七月丙申及齊高傒盟于防無傳高傒齊之

貴卿而與魯之微者盟齊相謙接諸侯以崇霸業冬公如齊納幣無傳公不使卿而親

納幣非禮也母喪未再期而圖昏二疏注公不至明故正義曰釋例曰宋

公使華元來聘聘不應使卿故傳明言其得禮也是納幣當使

壽來納幣納幣應使卿故傳明言其得禮也是納幣當使

卿公不使卿親納幣非禮也

傳二十二年春陳人殺其太子御寇傳稱太子以實言

陳公子完與顓孫奔齊公子完顓孫皆御寇之黨顓孫自齊

來奔

不書非卿

齊侯使敬仲爲卿

敬仲陳公子字

辭曰羈

旅之臣

羈寄也旅客也

幸若獲宥及於寬政

宥赦也

赦

其不閑於教訓而免於罪戾弛於負擔

弛去

離也

君之惠也所獲多矣敢辱高位以速官

謗

敢不敢也

請以死告

以死自誓

詩云翹翹車乘招我以

弓豈不欲往畏我友朋

逸詩也翹翹遠貌古者聘士以弓言雖貪顯命懼爲

朋友所譏責

使爲工正

掌百工之官

飲桓公酒樂

齊桓賢之故就其家

會據主人之辭故言飲桓公酒

公曰以火繼之辭曰臣卜其晝

未卜其夜不敢君子曰酒以成禮不繼以

淫義也淫樂以君成禮弗納於淫仁也初

懿氏卜妻敬仲懿氏陳大夫龜曰卜其妻占之曰吉懿氏妻

是謂鳳皇于飛和鳴鏘鏘雄曰鳳雌曰皇雄雌俱飛相和而鳴鏘鏘

然猶敬仲夫妻相隨適齊有聲譽有嫪之後將育于姜嫪陳姓姜齊姓五

世其昌並於正卿八世之後莫之與京京大也

陳厲公蔡出也姊妹之子曰出故蔡人殺五父而

立之五父陳佗也殺陳佗在桓六年生敬仲其少也周史有

以周易見陳侯者

周大史也

陳侯使筮之

著曰筮

遇

觀

三三坤下巽上觀

之否

三三坤下乾上否觀六四變而爲否

曰是謂觀

國之光利用賓于王

此周易觀卦六四爻辭易之爲書六爻皆有變象又有互

體聖人隨其義而論之

此其代陳有國乎不在此其在

異國非此其身在其子孫光遠而自他有

耀者也坤土也巽風也乾天也風爲天於

土上山也

巽變爲乾故曰風爲天自二至四有艮象艮爲山

有山之材而

照之以天光於是乎居土上

山則材之所生土有乾下有坤故言

居土上照之以天光

故曰觀國之光利用賓于王

四為諸侯變而

之乾有國朝王之家

庭實旅百奉之以玉帛天地之美

具焉故曰利用賓于王

艮為門庭乾為金玉坤為布帛諸侯朝王陳贄幣之

象旅陳也百言物備

猶有觀焉故曰其在後乎

因觀文以博占故言

猶有觀非在己之言故知在子孫

風行而著於土故曰其在異

國乎若在異國必姜姓也姜大嶽之後也

姜姓之先為堯四嶽

山嶽則配天物莫能兩大陳衰此

其昌乎

變而象艮故知當興於大嶽之後得大歲之權則有配天之大功故知陳必衰

及陳

之初亡也

昭八年楚滅陳

陳桓子始大於齊

桓子敬仲五世孫陳無宇

其後亡也

哀十七年楚復滅陳

成子得政

成子陳常也敬仲八世孫陳宇有禮於齊

子孫世不忘德德協於上故傳備言其終始上筮者聖人所以定猶豫決疑似因生義教者也尚書洪範通龜筮以同卿士之數南朔上亂而遇元吉惠伯荅以忠信則可臧會卜僭遂獲其應丘明故舉諸縣驗於行事者以示來世而君子志其善者

疏

注齊桓至公酒世設享禮以召君者皆大臣擅寵

正義曰春秋之

如衛公叔文子宋桓魋之徒始爲之耳爲之非禮法也敬仲羈旅之臣且知禮者也必不召公臨已知是桓公賢之自就其家會也據敬仲爲主人之辭故言飲公酒耳臣卜至不敢正義曰服虔云臣將享君必卜之示戒愼也此桓公自就其家非敬仲發心請享不得言將享必卜也蓋桓公告其往日乃卜之耳言未卜其夜者詩云厭厭夜

飲在宗載考鄭玄三考成也夜飲之禮在宗室同姓則成
於庶姓諱之則止引此敬仲之事云此之謂不成是言敬
仲非齊同姓故不敢也注龜曰卜正義曰曲禮文也周
禮大卜掌三兆之法一曰玉兆二曰瓦兆三曰原兆其經
兆之體皆百有二十其頌皆千有二百鄭玄云兆者灼龜
發於火其形可占者其象似玉瓦原之疊罇是用名之焉
原原田也頌謂繇也每體十繇然則卜人所占之語古人
謂之爲繇其辭視兆而作出於臨時之占或是舊辭或是
新造猶如筮者引周易或別造辭卜之繇辭未必皆在其
頌千有二百之中也此傳鳳皇于飛下盡莫之與京襄十
年傳稱衛卜禦寇姜氏問繇曰兆如山陵有夫出征而喪
其雄哀九年傳稱晉趙鞅卜救鄭遇水適火史龜曰是謂
沈陽可以興兵利以伐姜不利于商三者皆是繇辭其辭
並韻則繇辭法當韻也郭璞撰自所卜事謂之辭林其辭
皆韻習於古也注雄曰至聲舉正義曰釋鳥云鷗鳳
其雌皇郭璞云瑞應鳥說文云鳳神鳥也天老曰鳳之象

也鴻前鑿後蛇頸魚尾鵠頰鴛思龍文龜背燕頤雞喙五色備舉出於東方君子之國翱翔四海之外過崑崙飲砥柱濯羽弱水莫宿丹穴見則天下大安寧從鳥凡聲鳳飛則羣鳥從之以萬數故古文鳳作朋字山海經云丹穴之山有鳥焉其狀如鶴五采而文名曰鳳皇首文曰德翼文曰順背文曰義膺文曰仁腹文曰信是鳥也飲食則自歌自舞是說鳳皇之狀也鳳皇雄雌俱飛喻敬仲夫妻相隨鏘鏘鳴之聲故以喻有聲譽也 五世至與京 正義曰五世其昌言其始昌盛也並於正卿位與卿並得爲上大夫也莫之與京謂無與之比大言其位最高也五世八世當是卜兆之間有其象傳言其占之辭不言其知之意固非後學所得詳之 注姊妹之子曰出 正義曰釋親云男子謂姊妹之子爲出言姊妹出嫁而生子也 注周大史也 正義曰直言周史知是大史者周禮大史掌書昭二年傳稱韓宣子觀書於大史氏此以周易見陳侯故知是大史也以周易見者自以知周易見陳侯言已明易

能筮故陳侯使之筮也 注著曰筮 正義曰曲禮文也
其揲著求卦之法則易繫辭具焉 遇觀之否 正義曰
此注坤下巽上觀坤下乾上否及六四爻變諸如此輩皆
據周易之文知之劉炫規過云觀之否者爲觀卦之否爻
屯之比者屯卦之比爻皆不取後卦之義今刪定以爲不
然何者以閔元年畢萬筮仕遇屯之比云屯固比入倍十
五年晉獻公筮嫁伯姬得歸妹之睽云士刲羊亦無贏歸
妹上六爻辭又云歸妹睽孤寇張之弧睽之上九爻辭又
云歸妹之睽猶無相也昭五年明夷之謙云明夷于飛垂
其翼又云謙不足飛不翔此之等類皆取前後二卦以占
吉凶今人之筮亦皆如此故賈服及杜並皆同焉劉炫苟
異前儒好爲別見以規杜氏非也沈云遇者不期而會之
名筮者所得卦之吉凶非有宿契逢遇而已故謂之遇劉
炫云下體坤坤爲地爲衆上體巽巽爲風爲木互體有艮
艮爲門闕地上有木而爲門闕宮室之象宮室而可風化
使天下之衆觀焉故謂之觀也下體坤坤爲地上體乾乾

爲天天不下降地不上騰天地不通其氣上下否塞故謂之否也 是謂至子孫 正義曰觀國之光利用賓于王二句周易文也此先云不在此其在異國後云非此其身在其子孫所以在下覆結先云其在後乎後云在異國者其在異國之下更欲演說異國是大嶽姜姓其言稍多且須以結末故進其在後乎於上先解之也庭實旅百以下方解利用賓于王則上句故曰觀國之下未須賓王之句而再言利用賓于王者蓋以觀國之光即是朝王之事直言觀光於文不足故連言賓王但未解賓王之義故於下更重解之傳稱引詩斷章則引易論事亦未必如本此言觀國之光謂所爲筮者觀他人有國之光榮也此有國之人利用爲賓客於王朝也其意言見其子孫有國作賓於王家耳非其身也代陳有國言代陳正適子孫有其國家陳滅此興是代之也 注此周至論之 正義曰易之爲書揲著求爻重爻爲卦爻有七八九六其七八者六爻並皆不變卦下惣爲之辭名之曰彖彖者才也惣論一卦之

才德若乾元亨利貞之類皆是也其九六者當爻有變每
爻別爲其辭名之曰象象者像也指言一爻所像若乾初
九潛龍勿用之類皆是也不變者聚而爲彖其變者散而
爲象計每於一卦當畫兩體但以此爻陰陽既同唯變否
有異且每爻異辭不可爻作二畫從上可知故不畫二也
傳之筮者指取易義不爲論卦丘明不畫卦也諸爲注者
皆言上體下體若其畫卦示人則當不煩此注注亦不畫
卦也今書有畫卦者當是後之學者自恐不識私畫以備
忘遂傳之耳每爻各有象辭是六爻皆有變象二至四三
至五兩體交互各成一卦先儒謂之互體聖人隨其義而
論之或取爻象或取互體言其取義無常也 光遠至耀者
也 正義曰易稱觀國之光故解其光義言光在此處遠
照於他物從他物之上而有明耀者也謂光能遠照於他
物有明故下云照之以天光是也 於土上山也 正義
曰六四之爻位在坤上坤爲土地山是地之高者居於土
上是爲土上山也又巽變爲乾六四變爲九四從上至四

互體有艮之象艮為山故言山也 有山至于王 正義曰山則材之所生此人有山之材言其必大富也上天以明臨下照之以天光言天子臨照之也於是乎又居於土上既富矣而被天照又復居有土地是為國君之象也易位四為諸侯變而為乾乾為天子是有國朝王之象故曰觀國之光利用賓于王 庭實至于王 正義曰觀禮侯氏執圭見王王受圭禮成乃出又入行享禮獻國之所有此說行享禮也旅陳也庭之所實陳有百品百品言物備也奉之以玉帛謂執玉帛而致享禮也說天之照有地之材天子賜之土田國君獻國所有天地之美備具焉朝王之儀畢足矣故曰利用賓于王 正義曰正義曰易說卦艮為門闕乾為金玉坤為布帛禮以玉帛有庭傳言庭實故改言艮為門庭耳故言諸侯朝三時皆束者謂陳之以行享禮也觀禮侯氏既見三乃云三享皆束帛加璧庭實唯國所有鄭云云四當為三大者人疏曰諸侯廟中將幣皆三享其禮差天無取於四也初享或用馬

或用虎豹之皮其次享三牲魚膳豆之實也金也丹漆絲纁竹箭也其餘無常皆此物也一國之所有惟國所有分爲三享皆以璧帛致之禮記云天子之享三牲與三牲魚膳四海九州之美味也邊豆之薦四時之氣也內金示和也束帛加璧尊德也爲前列先也金次之見情也丹漆絲纁竹箭與衆共財也其餘無常也其所以其國之所有則致遠物也郊特牲曰旅幣無万所以別土地之宜而節遠邇之期也龜爲前列先知也以鐘次之以和居參之也虎豹之皮示服猛也束帛加璧尊德也鄭玄觀禮之注所言出於彼也杜言贊幣即龜所謂璧帛也此奉之以王帛執以致庭實耳其王帛不入王也觀禮侯氏致享執至致命王撫之而已不受之也又曰侯氏降授宰幣是庭實之幣皆庭受之唯馬受之於門外耳洙陳釋詁文也百者言其物備也 注因觀至子孫 正義曰以卦名觀者因觀文以博占也觀者視他之辭此賓王之事若所爲者身自當有則不應觀他此卦猶有觀焉觀非在

其人觀他有之故知在其子孫也

風行而著於土

義曰服虔云巽在坤上故爲著土也

一曰巽爲風復爲木

風吹木實落去更生他土而長育是爲在異國

注姜姓

至四嶽

正義曰周語稱堯命禹治水共之從孫四嶽佐

之胙四嶽國命爲侯伯賜姓曰姜氏曰有呂賈遠云共其

工也從孫同姓末嗣之孫四岳官名大岳也主四岳之祭

焉然則以其主嶽之祀尊之故稱大也

正義曰六四爻變爲九四與二共爲艮象艮爲山故知與

於山嶽之國姜姓大岳之後知其將育于姜地之高者莫

過於山詩云崧高維嶽駿極于天言其大能至天故山嶽

則配天也且乾在上艮在下亦是山嶽配天之象此人子

孫養於大嶽之後官尊位貴得大嶽之權則其功德有配

天之天然天子其功配天今縱得大嶽之權唯諸侯耳言

配天者以其功大故甚言之物莫能兩大此有與兆故知

陳必衰也

注桓子至無字

正義曰史記田完世家完

卒謚爲敬仲仲生桓孟夷夷生湣孟莊莊生文子須無文

子生桓子無字是爲敬仲五世孫也 注成子至放此
正義曰沈氏云世家桓子生武子啓及僖子乞卒子常
代之是爲田成子是於敬仲爲七世言八世者據其相代
在位爲八世也成子弑簡公專齊政是莫之與大也成子
生襄子磐磐生莊子白白生大公和和遷齊康公於海上
和立爲齊侯和孫威王稱王四世而秦滅之作傳之時字
之子孫已盛故傳備言其終始也世家云敬仲之如齊以
陳字爲曰氏左傳終始稱陳田必非敬仲所改未知何時
改耳左傳之初至此始有卜筮故杜於此通說之曲禮曰
卜筮者先聖王之所以使民決嫌疑定猶豫也是先王立
之本意也因而生義教謂教人以行義行善則德協於卜
行惡則遇吉反凶必以行義乃可卜也洪範曰汝則有大
疑謀及乃心謀及卿士謀及庶人謀及卜筮謀及卿士而
以卜筮同之是通龜筮以同卿士之數也南蒯卜爲亂不
信則不可臧會卜爲僭不信乃遽吉二事相反故特引之
言卜筮應人行也南蒯在昭十二年臧會在昭二十五年

南蒯筮而言卜者卜筮通言耳杜引洪範者欲明龜筮必神靈故云以同卿士之數言龜筮所見纔與卿士同耳又引南蒯者明吉凶由行不由卜筮欲使人脩德行不可純信卜筮也又引臧會者吉凶亦由卜筮不可專在於行欲使人敬卜筮也故丘明舉縣驗於行事者以示來世脩德行敬龜筮言驗於行事者南蒯則行驗而龜筮不驗臧會則行不驗而龜筮驗言君子志其善者遠者善者謂勸人脩德行敬龜筮是也遠者謂舉其大綱勸人爲善長久遠道非有臨時應驗此遠者即上善者言其事謂之善指其教謂之遠劉炫云計春秋之時卜筮多矣丘明所載唯二十許事舉其縣驗於行事者其不驗者不載之君子之人當記其忠之善者知之遠者他皆放此

經二十有三年春公至自齊

無筮

祭叔來聘

無傳穀梁以祭叔爲祭公來聘魯天子內臣不得外交故不言使不與其得使聘



注穀梁至使聘正

義曰諸言聘者皆言某侯使某來聘此不言使左氏無傳故取穀梁爲說穀梁傳云其不言使何也穀子之內臣也不正其外交故不與使也然則言內臣不與使交必是畿內之國畿內之國非唯祭耳傳不言爲祭公來聘杜言爲祭公來聘者但祭叔連祭爲文必是祭人祭叔是虞公之弟此祭叔或是祭公之弟故以爲爲祭公來聘天子內臣不得外交諸侯故不言使不與其得使聘也魯受其聘行其禮故書聘耳二十五年陳女叔來聘直之故不名此無可嘉亦稱叔者杜意叔爲名

夏公如齊觀社

齊因祭社蒐軍

爲字無以可知故不明言

實故公

疏

注齊因至觀之

正義曰魯語說此事云夫往觀之

社觀戎器也襄二十四年傳稱楚子使遠啓疆如齊齊社蒐軍實使客觀之知此亦然故公往觀之釋例曰凡公出朝聘奔喪會葬皆但書如不言其事此春秋之常然則喪葬常事故不書觀社非常故特書

公至自

齊無傳荆人來聘

無傳不書荆子使其來聘君臣同辭者蓋楚之始通未成其禮

疏

注不書至其禮

正義曰釋例曰楚之君臣最多混錯此

乃楚之初興未闢周之典禮告命之辭自生同異楚武王

熊達始居江漢之間然猶未能自同列國故稱荆敗蔡師

荆人來聘從其所居之稱而摠其君臣是言楚之始通未

成其禮之意言君臣同辭者此云荆人來聘是臣來也僖

二十一年楚人使宜申來獻捷言使則是君也而經亦書

楚人是君

公及齊侯遇于穀

無傳

臣同辭

蕭叔朝公無傳

蕭附庸國叔名就穀朝公故不言來

疏

注蕭附至野合正義曰無爵而

凡在外朝則禮不得具嘉禮不野合

稱朝知是附庸國也郊儀父貴之乃書字此無所貴知叔

爲名也公羊傳曰其言朝公何公在外也文連遇于穀是

就穀朝公穀是齊地故不言來也定十四年大蒐于比蒲

邾子來會公比蒲魯地故言來也穀梁傳曰朝於廟正也

於外非正也是言在外行朝則禮不得具定十年傳稱嘉樂不野合知嘉禮亦不野合嘉禮謂善禮非五禮之嘉也

朝於五禮屬賓

秋丹桓公楹

桓公廟也楹柱也

冬十有一月曹伯

射姑卒

無傳未同盟而赴以名

十有二月甲寅公會齊

侯盟于扈

無傳扈鄭地在滎陽卷縣西北

傳二十三年夏公如齊觀社非禮也曹劌

諫曰不可夫禮所以整民也故會以訓上

下之則制財用之節

貢賦多少

朝以正班爵之義

帥長幼之序征伐以討其不然

不然不用命

諸侯

有王

從王

王有巡守

省四

以大習之

大習會

非

是君不舉矣君舉必書

書於策

書而不法後

嗣何觀

疏

夫禮至不然

正義曰夫禮者所以整理天下之民民謂此庶貴賤者皆是也諸侯

會聚所謀皆是尊王室脩臣禮故會以訓上下之則以諸侯事天子訓在下事其君也於會必號令諸國出貢賦多

少即是制財用之節度也禮使小國朝大國是朝以正班爵之等義也爵同則小國在下是帥長幼之次序也諸侯

之序以爵不以年此言長幼謂國大小也沈氏云爵同者據年之長幼故云帥長幼之序不朝不會則征討之故言

征伐以討其不然

晉栢莊之族偪

栢叔莊伯之子孫強盛偪迫公室

獻公

患之士蔣曰去富子則羣公子可謀也已

士為晉大夫富子
二族之富強者

公曰爾試其事士為與羣公

子謀譖富子而去之

以罪狀誣之同族惡其富強故士為得因而間之用其所

親為譖則似信離其骨肉則黨弱羣公子終所以見滅

秋丹栢宮之楹

經二十有四年春王三月刻栢宮桷

刻鏤也桷椽也

將逆夫人故為盛飾

疏

注刻鏤至盛飾鏤木謂之刻刻木鏤金其事相類故以刻

正義曰釋器云金謂之

為鏤也桷謂之榱榱即椽也穀梁傳曰刻桷非正也夫人所以崇宗廟也取非禮與非正而加之於宗廟以飾夫人非正也刻栢宮桷丹栢宮楹斥言栢宮以惡莊也是言丹楹刻桷皆為將逆夫人故為盛飾

葬曹莊

公傳夏公如齊逆女

無傳親逆禮也

疏

注親逆禮也正義曰公羊傳

曰何以書親迎禮也親逆是正禮有故得使卿逆亦無譏也

秋公至自齊無八

丁丑夫人姜氏入

哀姜也公羊傳以爲姜氏要公不與公俱入蓋以孟任故丁丑入而

明日乃朝廟

疏

注哀姜至朝廟正義曰公羊傳曰其言入何難也其難奈何夫人不可使入與公有所

約然後入唯言有所要不知要何事故云蓋以孟任故也明日戊寅大夫宗婦覲用幣夫人若未朝廟不得受臣覲

禮知明日乃朝廟既朝乃見大夫宗婦杜言朝廟者爲覲用幣發也書入不書至者釋例曰莊公額割臂之盟崇寵

孟任故即位二十三年乃娶元妃雖丹楹刻桷身自納幣而有孟任之嫌故與姜氏俱反而異入經所以不以至禮

也書戊寅大夫宗婦覲用幣

宗婦同姓大夫之婦禮小君至大夫執贄

以見明臣子之道莊公欲奢夸夫人故使大夫宗婦同贄俱見

疏

注宗婦至俱見正義曰襄二年葬齊姜

傳稱齊侯使諸姜宗婦來送葬諸姜是同姓之女知宗婦是同姓大夫之婦也禮小君至大夫執贄以見明臣子之道禮亦無此文士相見禮稱大夫始見于君執贄夫人尊與君同臣始為臣有見君之禮明小君初至亦當有禮以見也且傳唯譏婦贄不宜用幣不言觀之為非知其禮當然也大夫當用羔鴈用幣亦為非禮也莊公欲奢夸夫人故使男女同贄惡其男女無別且譏僭為失禮故書之

大水

傳無

冬我侵曹

傳無

曹羈出奔陳

無傳羈蓋曹世子也先君既葬而不稱爵者微弱不能自定曹人以名赴

疏

注羈蓋至名赴正義曰此事左氏穀梁並無傳公羊以曹羈為曹大夫三諫不從而出奔杜以此經書

曹羈出奔陳亦歸于曹與鄭忽出奔衛突歸于鄭其文相類故附彼為之說稱蓋為疑辭微弱不能自定曹人以名赴亦如鄭

赤歸于曹

無傳赤曹僖公也蓋為我所納故曰歸

疏

注赤曹至曰歸

正義曰史記曹世家與年表皆云僖公名夷三家經傳有五而皆言赤杜以鄭突類之知赤是曹君故以赤爲僖公書有舛誤何必史記是而杜說非也傳例曰諸侯納之曰歸以戎侵曹而赤歸故云蓋爲戎所納也賈逵以爲羈是曹君赤是戎之外孫故戎侵曹逐羈而立赤亦以意言之無所據也

郭公

無傳蓋經闕誤也自曹羈以下

公羊穀梁之說既不了又不

疏

注蓋經至采用正義曰公羊穀梁並以赤歸

于曹郭公連文爲句言郭公名赤失國而歸于曹是爲說不了故不采用

傳二十四年春刻其桷皆非禮也

并非丹楹故言皆

御孫諫曰臣聞之儉德之共也侈惡之大

也

御孫魯大夫

先君有共德而君納諸大惡無乃

不可乎

以不丹楨刻楠為共

疏

注并非丹楨故言皆正義曰穀梁傳曰禮楨天子諸侯黹堊

大夫倉土黹丹楨非禮也注云黹堊黑色黹黃色又曰禮天子之楠斷之龔之加密石焉諸侯之楠斷之龔之大夫斷之士斷本刻楠非正也加密石注云以細石磨之晉語云天子之室斷其椽而龔之加密石焉諸侯龔之大夫斷之士首之言雖小異要知正禮楨不丹楠不刻故云皆非禮也

秋哀姜至公使宗

婦覲用幣非禮也

傳不言大夫唯舉非常

御孫曰男贄

大者玉帛

公侯伯子男執玉諸侯世子附庸孤卿執帛

小者禽鳥

卿執

羔大夫執鴈士執雉

以章物也

章所執之物別貴賤

女贄不過榛栗

棗脩以告虔也

榛小栗脩脯虔敬也皆取其名以示敬

今男女曰

執是無別也男女之別國之大節也而中

夫人亂之無乃不可乎

疏

注傳不至非常義曰士相見禮云下

大夫相見以鴈上大夫相見以羔如士相見之禮始見於君執摯鄭玄云士大夫一也如彼禮文大夫始見於君用羔鴈始見夫人亦當然則大夫用幣亦非常而以大夫爲常者禮孤執皮帛則諸侯之臣有執帛者矣大夫執帛唯上僭耳其帛猶是男子所執婦人執幣則全非常事御孫唯諫婦人不宜執幣丘明爲諫發傳故唯舉非常也左傳諸爲諫者或言諫曰或不言諫意在載辭不爲例也注公侯至執帛正義曰周禮大宗伯職云公執桓圭侯執信圭伯執躬圭子執穀璧男執蒲璧是公侯伯子男皆執玉也典命職曰凡諸侯之適子誓於天子攝其君則下其君之禮一等未誓則以皮帛繼子男公之孤四命以皮帛眡小國之君是諸侯世子與孤卿執帛也附庸雖則無

文而爲一國之主來則謂之爲朝未有爵命不合執玉明
與世子同執帛也且哀七年傳稱禹合諸侯於塗山執玉
帛者萬國附庸是國明執帛者附庸也鄭玄周禮注云皮
帛者束帛而表以皮爲之飾皮虎豹皮帛如今璧色繒也
周禮以王作六瑞以禽作六摯則瑞摯有異而此傳玉帛
同言摯者鄭玄曲禮注云摯之言至也當謂執之見人以
表至誠也典瑞注云瑞節信也禮天子執冒以見諸侯諸
侯執圭璧以朝天子天子以冒冒之以爲信故以瑞爲名
皮帛以下無此合信之事故以摯爲名其實皆以表至誠
故傳通以摯言之凡摯皆以爵不以命數也 注卿執至
執雉 正義曰周禮大宗伯職文也鄭玄云羔取其羣而
不失其類鴈取其候時而行雉取其守介而死不失其節
鷩取其不飛遷鷩取其守時而動曲禮曰飾羔鴈者以續
言天子之臣飾羔鴈以布又畫之諸侯之臣飾以布不畫
之自雉以下無飾 注榛小至示敬 正義曰曲禮云婦
人之摯揄揄脯脰棗栗鄭玄云婦人無外事見以著物也

楫榛木名楫枳也有實今邳剡之東食之榛實似栗而小
鄭又注周禮腊人云薄折曰脯捶之而施薑桂曰鍛脩然
則脩脯大同故以脩爲脯也虔敬釋詁文皆取其名以示
敬者先儒以爲栗取其戰栗也棗取其早起也脩取其自
脩也唯榛無說蓋以榛聲近虔取其虔於事也

晉士蒍又與群公子謀

使殺游氏之二子

游氏二子亦桓莊之族

士蒍告晉侯曰

可矣不過二年君必無患

經二十有五年春陳侯使女叔來聘

女叔陳卿女氏

夏五月癸丑衛侯朔卒

無傳惠公也書名十
六年與內大夫盟于

幽六月辛未朔日有食之鼓用牲于社

鼓伐也

用牲以祭社傳
例曰非常也

疏

注鼓伐至常也 正義曰尚書召誥云用牲于郊牛二如此之類言用牲

者皆用之以祭知此用牲以祭社也鼓之所用必是伐之
伐理可見故不言伐被牲不言用則牲無所施於文不足
故言用牲傳稱正月之朔慤未作日有食之於是乎用幣
于社伐鼓于朝正月謂周六月也此經雖書六月社以長
歷校之此是七月七月用鼓非常月也鼓當于朝而此鼓
于社非其處也社應用幣而於社用牲非所用也一舉而
有三失伯姬歸于杞無傳不書逆故譏之

秋大水鼓用

牲于社于門

門國門也傳例曰亦非常也

疏

注門國門也 正義曰祭法云天子

立七祀諸侯立五祀其門皆曰國門知此門亦國門國門
謂城門也傳稱天災有幣無牲非日月之眚不鼓則鼓與
性二事皆失故譏之冬公子友如陳無傳報女叔之聘諸魯出朝聘皆書如不果彼國必

成其禮故不稱朝聘春秋之常也公子友莊公之母弟稱公子者史策之通言母弟至親異於他臣其相殺害則稱弟以示義至於嘉好之事兄弟篤睦非例所興或稱弟或稱公子仍舊史之文也母弟例在宣十七年

疏

注報女至七年正義曰魯出朝聘多有在道復者假令得到彼國尚不知受之以否故皆書如如者往也直言往彼而已不果彼國必成其禮故不稱朝聘爲春秋之常也僖二十八年公朝于王所朝訖乃書故即稱爲朝此公子友莊公之母弟也於莊世稱公子昭元年陳公子招陳哀公母弟也於哀世稱公子故解之稱公子者史策之通言也釋例曰庶弟不得稱弟而母弟得稱公子秦伯之弟鍼適晉女叔齊曰秦公子必歸此公子亦國之常言得兩通之證也是言公子母弟得通言之意也釋例又曰兄而害弟則稱弟以章元罪弟又害兄則去弟以罪弟身統論其義兄弟二人交相殺害各有曲直存弟則示兄曲也是言其相殺害則稱弟以示義也釋例又曰若夫朝聘盟會嘉

好之事此乃兄弟之篤睦非義例之所興故仍舊史之策
或稱弟或稱公子踐土之盟叔武不稱弟此其義也案經
相三年齊侯使其弟年來聘十四年鄭伯使其弟語來盟
成十年衛侯之弟黑背帥師侵鄭彼皆稱弟季友陳招並
稱公子俱無褒貶所稱不同知是史文之
異不爲義例仲尼無所見義故仍舊史耳

傳二十五年春陳女叔來聘始結陳好也

嘉之故不名

季友相魯原仲相陳二人有舊故女叔來聘季友冬亦報聘嘉好接備卿以字

爲嘉則稱名其常也

夏六月辛未朔日有食之鼓用牲

于社非常也

非常鼓之月長歷推之辛未實七月朔置閏失所故致月錯

唯正

月之朔慝未作

正月夏之四月周之六月謂正陽之月今書六月而傳云唯者明此

月非正陽月也
也隱陰氣

日有食之於是乎用幣于社伐

鼓于朝

日食歷之常也然食於正陽之月則諸侯用幣于社請救於上公伐鼓于朝退而自責以明陰

不宜侵陽臣不宜

掩君以示大義

疏

注非常至月錯正義曰此及文十五年昭十七年皆書六月朔日

有食之昭十七年傳稱祝史請所帛幣昭子許之平子禦之曰止也唯正月朔隱未作日有食之於是乎有伐鼓用幣禮也其餘則否大史曰在此月也經書六月而史言在此月則知傳言正月之朔隱未作者謂此周之六月夏之四月也文十五年傳直說天子諸侯鼓幣異禮不言非常知彼言六月直六月也此亦六月而云非常下句始言唯正月之朔有用幣伐鼓之禮明此經雖書六月實非六月故云非常鼓之月長歷推此辛未爲七月之朔由置閏失所故致月錯不應置閏而置閏誤使七月爲六月也釋例曰莊二十五年經書六月辛未朔日有食之實是七月朔

非六月故傳云非常也唯正月之朔有用幣伐鼓明此食
非用幣伐鼓常月因變而起歷誤也文十五年經文皆同
而更復發傳曰非禮者明前傳欲以審正陽之月後傳發
例欲以明諸侯之禮此乃聖賢之微旨而先儒所未喻也
劉炫云知非五月朔者昭二十四年五月日有食之傳云
日過分而未至此若是五月亦應云過分而未至也今言
慝未作則是已作之辭故知非五月案二十四年八月丁
丑夫人姜氏入從彼推之則六月辛未朔非有差錯杜云
置閏失所者以二十四年八月以前誤置一閏非是八月
以來始錯也 注正月至陰氣 正義曰昭十七年傳大
史論正月之事云當夏四月是謂孟夏知正月是夏之四
月周之六月也詩云正月繁霜鄭玄云夏之四月建巳純
陽用事是謂正月爲正陽之月慝惡也人情愛陽而惡陰
故爲陰爲惡故云慝陰氣也未作謂陰氣未起也 注日
食至大義 正義曰古之歷書亡矣漢興以來草創其術
三統以爲五月二十三分月之二十而日月交會近世爲

歷者皆以爲一百七十三日有餘而日一食是日食者歷之常也古之聖王因事設戒夫以昭昭大明照臨下土忽爾殲亡俾晝作夜其爲怪異莫斯之甚故立求神請救之禮責躬罪己之法正陽之月陽氣尤盛於此尤盛之月而爲弱陰所侵故尤忌之杜是上公之神尊於諸侯故用幣于杜請救於上公伐鼓于朝退而自攻責也日食者月揜之也日者陽之精月者陰之精日君道也月臣道也以明陰不宜侵陽臣不宜揜君以示大義也昭二十九年傳曰故有五行之官是謂五官實列受氏姓封爲上公祀爲貴神社稷五祀是尊是奉故杜以社爲上公之神

水鼓用牲于社于門亦非常也

失常禮

凡天災

有幣無牲

天災日月食大水也祈請而已不用牲也

非日月之眚不

鼓

眚猶災也月侵日爲眚陰陽逆順之事賢聖所重故特鼓之

疏

注天災至牲也正義曰傳言亦

非常亦上日食也但日食之鼓非常月伐鼓于社非常禮
大水用牲亦非常禮俱是非常故亦前也傳既亦前即登
凡例知天災之言兼日食大水也天之見異所以謹告人
君欲令改過脩善非爲求人飲食既遇天災隨時即告唯
當告請而已是故有幣無牲若乃亢旱歷時霖雨不止然
後禱祀羣神求弭災沴者設禮以祭祭必有牲詩雲漢之
篇美宣王爲旱禱請自郊徂宮無所不祭云靡神不舉靡
愛斯牲是其爲旱禱祭皆用牲也祭法曰埋少牢於泰昭
祭時也相近於坎壇祭寒暑也王宮祭日也夜明祭月也
幽榮祭星也雩祭祭水旱也鄭玄云凡此以下皆祭用少
牢寒暑不時則或禳之或祈之是說祈禱之祭皆用牲
注皆猶至鼓之正義曰易稱是謂災眚書稱眚災肆赦
是眚災相類故云眚猶災也月侵日爲眚陰犯陽爲逆逆
順之事賢聖所重故見其逆事而特鼓之此據日食爲說
耳傳稱日月之眚日月並言則月食亦有鼓周禮大僕職
云凡軍旅田役贊王鼓救日月亦如之是日食月食皆有

鼓也穀梁傳曰天子救日置五麾陳五兵五鼓諸侯置三麾陳三鼓三兵大夫擊門士擊柝左氏雖無傳義或然也

晉士蔦使羣公子盡殺游氏之族乃城聚

而處之

聚晉

冬晉侯圍聚盡殺羣公子

卒如士蔦之計

經二十有六年春公伐戎無傳夏公至自伐

戎無傳曹殺其大夫

無傳不稱名非其罪例在文七年

秋公會宋

人齊人伐徐

無傳宋序齊上主兵

冬十有二月癸亥朔

日有食之

無傳

疏

注不稱至七年

正義曰文七年傳稱書曰宋人殺其大夫不稱名

衆也且言非其罪也
是仲尼新意變例也

傳二十六年春晉士蔦大司空

大司空卿官

夏士

蔦城絳以深其宮

絳晉所都也今平陽絳邑縣

疏

注大司空卿官正

義曰傳於比年以來說士蔦為獻公設計晉國以安今又言大司空明任以卿位也直言司空者是大夫即司空亞旅皆受一命之服是也晉自文公以後世為盟主征伐諸國卿以軍將為名司空非復卿官故文二年司空士穀非卿也雖則非卿職掌不異成十八年傳口右秋虢人侵行幸為司空使脩士蔦之法是其典事同也

秋虢人侵

晉冬虢人又侵晉

為傳明年晉將伐虢張本此年經傳各自言其事者或經是直

丈或策書雖存而簡牘散落不究其本末故傳不復申解但言傳事而已

疏

注為傳至而已正義曰此年傳

不解經經傳各自言事伐我日食體例已舉或可經是直文不須傳說曹殺大夫宋齊伐徐或須說其所以此去丘

亡或或解經彼經皆是直文故就此一說言下以明上

經二十有七年春公會杞伯姬于洮

伯姬莊公女洮

疏

注伯姬莊公女正義曰上二十五年始歸于杞莊公無母而此來寧知是莊公女也會女非常故

於此言女以辯之

夏六月公會齊侯宋公陳侯鄭伯

同盟于幽秋公子友如陳葬原仲

原仲陳大夫原氏仲

字也禮臣既卒不名故稱字季友違禮會外大大葬具見其事亦所以知譏

疏

注原仲至知譏正義曰

王藻記云士於君所言大夫沒矣則稱謚若字相二年穀梁傳曰子既死父不忍稱其名臣既死君不忍稱其名是禮臣卒不名陳人不稱其名故魯史亦書其字冬杞伯姬來

傳例曰歸寧

莒慶

來逆叔姬

無傳慶嘗大夫叔姬莊公女卿自為逆則稱字例在宣五年

杞伯來朝

無傳杞稱伯者蓋為時王所黜

公會齊侯于城濮

無傳城濮衛地將討衛也

疏

注杞稱至所黜

正義曰杞二年杞侯來朝十二年公會杞侯莒子盟于曲池自爾以來不見經傳從此稱伯終於

春秋故云蓋為時王所黜於時周王當相莊僖惠不知何王黜之

傳二十七年春公會杞伯姬于洮非事也

非諸侯之事

天子非展義不巡守

天子巡守所以宣布德義

諸侯

非民事不舉卿非君命不越竟夏同盟于

幽陳鄭服也

二十二年陳亂而齊納敬仲二十五年鄭文公之四年獲成於楚皆有二心於

齊今始服也

疏

注二十至服也 正義曰比年以來陳鄭無不服之狀此言其服故注者原之二十一年

鄭厲公卒二十五年是鄭文公之四年也文十七年傳稱鄭子家與趙宣子書云文公四年二月壬戌為齊侵蔡亦獲成於楚是二十五年既與楚平故至此始服也 秋公子友如陳葬原仲

非禮也原仲季友之舊也冬杞伯姬來歸

寧也

寧問父母安否

凡諸侯之女歸寧曰來出曰來

歸

歸不反之辭

夫人歸寧曰如某出曰歸于某

疏

凡諸至于某 正義曰釋例曰歸寧者女子既嫁有時而歸問父母之寧否父母沒則使卿歸問兄弟也出者謂杞士出而見絕者也歸者有所往之稱來者有所反之言故嫁謂之歸而寧謂之來見絕而出則以來歸為辭來而不

反也如某者非終安之稱歸于某者亦不反之辭是解其
文異之意也此杞伯姬來寧也宣十六年郊伯姬來歸出
也文九年夫人姜氏如齊歸寧也魯之夫人無被出者文
十八年夫人姜氏歸于齊雖子死自去歸而不反亦出之
類故與出同文

晉侯將伐虢士蒍曰不可虢公驕若

驟得勝於我必棄其民

棄民不養之

無衆而後

伐之欲禦我誰與夫禮樂慈愛戰所畜也

夫民讓事樂和愛親哀喪而後可用也

上之使民

以義讓哀樂爲本言不可力強

虢弗畜也亟戰將饑

言虢不畜義讓而力戰

疏

夫禮至用也

正義曰禮樂慈愛謂國君教民民間有此四者畜聚此事然後可與人戰故云戰所畜也

士蒞既言其自更以其義覆之禮尚謙讓事謂禮也樂以和親樂和謂樂也慈謂愛之深也愛親謂慈也愛極然後哀喪哀喪謂愛也民間有此四事然後可用以戰王使召伯廖賜齊侯命

召伯廖王卿士賜命為侯伯

且請伐衛以其立子殯也

立子殯在十九

年

疏

注召伯至侯伯

正義曰召伯稱爵如是王之卿士召康公之封召也當在西都畿內釋例曰扶風

雍縣東南有召亭也春秋時召伯猶是召公之後西都既已賜秦則東都別有召地不復知其所在僖二十八年傳稱王命尹氏及王子虎策命晉侯為侯伯則知此賜齊侯命者亦賜命為侯伯也彼注云周禮九命作伯則此亦九命之伯謂九州之長為二伯也僖元年傳曰凡侯伯救患分災討罪禮也注云侯伯州長也彼主說齊桓之事亦謂九州之長非州牧也言州長者兼見州牧之事耳

經二十有八年春王三月甲寅齊人伐衛

衛人及齊人戰衛人敗績

齊侯稱人者諱取賂而還以賤者告不地

者史失之

疏

注齊侯至失之正義曰傳稱齊侯而經書人知其諱取賂以賤者告也詩美僖公之伐淮夷

得其元龜象齒大賂南金襄十一年傳稱晉侯伐鄭受鄭之賂告于諸侯皆不以爲諱而此諱之者彼服罪致賂乃以得賂爲榮此舍罪受賂故以受之爲恥會于稷舍宋督取郕鼎亦此之類也戰皆書地此獨不地知是史失之也莊十年公羊傳曰戰不言伐圍不言戰入不言圍滅不言入書其重者左氏無此義而泓韓鞏郕令狐河曲鄆陵城濮大棘彭衙長岸柏舉之屬皆書戰不書伐此書伐又書戰襄十八年諸侯同圍齊言圍不言伐文十五年晉卻缺伐蔡戎申入蔡書伐又書入丘明無文杜不爲說皆是從告而書史有詳略無義例也此經旣言齊人伐衛不言齊

及衛戰而言衛人及齊人戰者公羊以爲伐人者爲客被
伐者爲主以主及客故使衛人主齊尋衆經傳令狐河曲
大棘彭衙長岸泓韓之屬皆以主及客也乾時升陞及鞏
皆魯與人戰以魯爲主城濮鄆陵與邾外楚而內晉也柏
舉內蔡而外楚也被伐
爲主或如公羊之說
夏四月丁未邾子貜

卒

無傳未同盟而赴以名

秋荆伐鄭公會齊人宋人

救鄭冬築郕

郕魯下邑傳例曰邑曰築

疏

注郕魯至曰築正義曰國都爲

上邑爲下故云魯下邑成十八年築鹿囿傳曰書不時也此傳唯發城築之例不言時與不時者春秋重土功無備而興作者傳每事各言時與不時以別有所備禦如書旱雩之別過雩也其有所畏懼而興作者唯一發而已襄十九年城西郭傳曰懼齊也是其事也此年大無麥禾時歲饑虛恐或侵伐故築之以備難從西郭之例故不發傳也

大無麥禾

書於冬者五穀畢入計食不足而後書也

疏

注書於至書也正義曰麥孰於

夏禾成在秋而書於冬者計食不足而後摠書之此年不言水旱而得無麥禾者服虔曰陰陽不和土氣不養故禾麥不成也傳言饑而經不書者得齊之糴救民之急不至於饑也傳言饑者指未糴之前說告糴之意故言饑也

臧孫辰告糴于齊

臧孫辰魯大夫臧文仲

疏

臧孫至于齊正義曰何休

云買穀曰糴告糴者將貨財告齊以買穀魯語云文仲以瑩圭與玉磬如齊告糴曰不腆先君之敝器敢告滯積以紓執事齊人歸其玉而與之糴公羊傳曰何以不稱使以爲臧孫辰之私行也君子之爲國也必有三年之委一年不孰告糴譏也穀梁亦然據經魯臣出使例不言使何以當怪此也傳言告糴禮也必不得如二傳之說服虔云不言如重穀急辭以其情急於糴故不言如齊告糴乞師則情緩於穀故云如楚乞師

注臧孫至文仲

正義曰世

本孝公生僖伯 驅驅生哀伯 達達生伯
併併生文仲 辰辰是臧 僖伯曾孫

傳二十八年春齊侯伐衛戰敗衛師數之

以王命取賂而還晉獻公娶于賈無子賈姬

也 烝於齊姜齊姜武公妾 生秦穆夫人及太子

申生又娶二女於戎大戎狐姬生重耳大戎唐叔

子孫列在戎狄者 小戎子生夷吾小戎允姓之戎子女也 晉伐驪戎

驪戎男女以驪姬驪戎在京兆新豐縣其君姬子帝姓其魯男也納女於人曰女皇

生奚齊其娣生卓子驪姬嬖欲立其子賂

外嬖梁五與東關嬖五

姓梁名五在閨闈之外者東關嬖五別在關塞

者亦名五皆大夫爲獸公所嬖幸視聽外事

使言於公曰曲沃君之

宗也

曲沃桓叔所封先君宗廟所在

蒲與二屈君之疆也

蒲今平陽蒲子

縣二屈今平陽北屈縣或云二當爲北

不可以無主宗邑無主則

民不威疆場無主則啓戎心戎之生心民

慢其政國之患也若使大子主曲沃而重

耳夷吾主蒲與屈則可以威民而懼戎且

旌君伐

旌章也伐功也

使俱曰狄之廣莫於晉爲

都晉之啓土不亦宜乎

廣莫狄地之曠絕也即謂蒲子北屈也言遣二公子

出都之則晉方當大開土界獻公未決故復使二五俱說此美

晉侯說之夏使大

子居曲沃重耳居蒲城夷吾居屈羣公

子皆鄙

鄙邊邑

唯二姬之子在絳二五卒與驪

姬諧羣公子而立奚齊晉人謂之二五耦

二耦耦耦廣一尺共起一伐言二人俱共禦傷晉室若此

疏

注大戎至狄者正義曰晉語云狐氏出自唐

叔狐伯行之子實生重耳又曰狐偃其舅也

注小戎至女也正義曰昭九年傳稱晉率陰戎伐潁王使辭於晉

曰先王居櫟枕于四裔故允姓之姦居于瓜州知戎爲允姓也凡言子者通男女也知子謂女也二戎相對爲大小

也 楚令尹子元欲蠱丈夫人

文王夫人息嬀也于元文三弟蠱惑

以淫事

爲館於其宮側而振萬焉

振動也萬舞也

夫人

聞之泣曰先君以是舞也習戎備也今令

尹不尋諸仇讎而於未亡人之側不亦異

乎

尋用也婦人既寡自稱未亡人

御人以告子元

御人夫人之侍人

子元

曰婦人不忘襲讎我反忘之秋子元以車

六百乘伐鄭入于桔枋之門

桔枋鄭遠郊之門也

子元

闕御彊闕梧耿之不比爲旆

子元自與三子侍建旆以居前廣充

幅長尋曰旄
繼旄曰旒

闕班王孫游王孫喜殿

三子在後
為反樂

衆車入自純門及達市

純門鄭外郭門也
達市郭內道上市縣

縣

門不發楚言而出子元曰鄭有人焉

縣門旄
於內城

門鄭示楚以間暇故不閉城門出
兵而效楚言故子元畏之不敢進諸侯救鄭楚師

夜遁鄭人將奔桐丘

許昌縣東北
有桐丘城

謀告曰楚

幕有烏乃止

謀間也
幕帳也

疏

魯文夫人
年傳稱周易女惑男謂之

正義曰昭元

蠱知蠱謂惑以淫事

注枯扶至門也

正義曰此已入
一門矣又云入自純門又是入一門矣復言縣門不發則

更有一門矣不發是城門則知純門外郭門枯扶遠郊門
也尚書費誓序云東郊弗開是郊有門也 注子元至曰

旆 正義曰軍行之次旆最在先故宣十二年傳稱令尹南棘反旆是旆居前而殿在後也釋天云緇廣充幅長尋

曰旆繼旆曰旆郭璞云旆帛全幅長八尺旆帛續旆未為燕尾者 冬饑臧孫辰告糴

于齊禮也 經書大無麥禾傳言饑傳又先書饑在築郿上者說始糴經在下須得糴嫌或諱饑

故曰 築郿非都也凡邑有宗廟先君之主曰

都無曰邑邑曰築都曰城 周禮四縣為都四井為邑然宗廟所在則雖邑

曰都尊之也言凡邑則他築非例 注周禮至非例 正義曰周禮小司徒職云九夫為井四井為邑四

邑為丘四丘為甸四甸為縣四縣為都注引此者以證都大邑小耳經傳之言都邑者非是都則四縣邑皆四井此

傳所發乃為小邑發例大者皆名都都則悉書曰城小邑有宗廟則雖小曰都無乃為邑邑則曰築都則曰城為尊

宗廟故小邑與大都同名釋例曰若邑有先君宗廟雖小曰都尊其所居而大之也然則都而無廟固宜稱城城漆是也而潁氏唯繫於有先君之廟患漆本非魯邑因說曰漆有邾之舊廟襄使魯人尊邾之廢廟與先君同非經傳意也又解傳言凡邑則主爲邑言則他築非例也若築臺築園築王姬之館則皆稱爲築無大小之異

經二十有九年春新延廡

傳例曰書不時言新者皆舊物不可用更

造之

疏

注傳例至之辭

正義曰馬之所處謂之廡延

辭是廡之名名之曰延其義不可知也公羊傳曰新延廡者何脩舊也謂舊廡敝壞不可因而補治故言新爲更造之辭也傳言新作延廡而經無作字僖二十年新作南門定二年新作雉門及兩觀皆言新作而此獨無作是作傳之後轉寫闕文也釋例曰言新意所起言作以與事通謂興起功役之事摠而言之不復分別因舊而與造新也經書延廡稱新而不言作傳言新作延廡書不時也

此稱經文而以不時為譏義不在作也然尋傳足以知經闕作字也而劉賈云言新有故木言作有新木延廢不書作所用之木非公命也凡諸興造固當有新固當有因本為春秋微義直記別此門此觀有新木故木既已鄰近且材木者立廢之具也公命立廢則眾用皆隨之矣焉有所用之木非公命也此為匠人受命立廢而盜共其用豈然

哉平夏鄭人侵許傳例曰無鐘鼓曰侵秋有蜚傳例曰為災冬十

有二月紀叔姬卒無傳紀國雖滅叔姬執節守義故繫之紀賢而錄之城

諸及防諸防皆魯邑傳例曰書時也諸非備難而興作傳皆重云時以釋之他皆放此諸今城陽諸縣

䟽城諸及防正義曰此言城諸及防文十二年城諸及鄆定十四年城莒父及宵襄十年傳晉師城梧及

制同時城一邑者皆言及穀梁傳曰以大及小也何休云諸君邑防臣邑言及別君臣之義賈逵云言及先後之辭

杜不爲注先
後之辭是也

傳二十九年春新作延廡書不時也

經無作
字蓋闕

凡馬日中而出日中而入

日中春秋分也治廡當
以秋分因馬向入而脩

之今以春作
故曰不時

疏

注日中至不時
正義曰中者謂日之
長短與夜中分故春秋二節謂之春分

秋分也釋例曰春秋分而晝夜等謂之日中凡馬春分百
草始繁則牧於坰野秋分農功始藏水寒草枯則皆還廡
此周典之制也今春而作廡已失
民務又違馬節故曰書不時也夏鄭人侵許凡師

有鐘鼓曰伐

罪聲其

無曰侵

鐘鼓
無聲

輕曰襲

掩其
不備

疏

凡師至曰襲
正義曰釋例曰侵伐襲者師旅討罪
之名也鳴鐘鼓以聲其過曰伐寢鐘鼓以入其竟曰

侵掩其不備曰襲此所以別興師用兵之狀也然則春秋之弑兵加於人唯此三名擊鼓斬木俱名爲伐鳴鐘鼓聲其罪往討伐之若擊鼓斬木然侵者加陵之意寢其鐘鼓潛入其竟往侵陵之襲者重衣之名倍道輕行掩其不備忽然而至若披衣然立此三名制計罪之等級也周禮大司馬掌九伐之法賊賢害民則伐之負固不服則侵之天子計罪無掩襲之事唯侵伐二名名與禮合而禮更有七名馮弱犯寡則眚之暴內陵外則壇之野荒民散則削之賊殺其親則正之放弑其君則殘之犯令陵政則杜之內外亂鳥獸行則滅之彼謂王者行兵此據當時實事時無其事則傳不爲例其滅與入爲例故不列於此

秋有蜚爲災也凡物不爲災不書冬十二月城諸及防書時也凡土功

龍見而畢務戒事也

謂今九月周十一月龍星角亢晨見東方二務始畢

戒民以土功事

火見而致用

大火心星次角亢見者致築作之物

水昏正而

栽

謂今十月定星昏而中於是樹板幹而興作

日至而畢

日南至微陽始動故土功息

疏

凡土至而畢正義曰釋例曰都邑者人之聚也國

家之藩衛百姓之保郭不固則敗不脩則壞故雖不臨寇必於農隙備其守禦無妨民務傳曰龍見而畢務戒事也謂夏之九月周之十一月龍星角亢晨見東方於是納其禾稼三務始畢而戒民以土功事也火見而致用大火星次角亢而晨見於是致其用也水昏正而栽謂夏之十月定星昏而中於是樹板幹而興作焉日至而畢謂日既南至微陽始動故土功息傳既顯稱凡例而書時書不時各重發者皆以別無備而興作如書旱雩之別過雩也若城西郭傳特曰懼齊此其意也然則此發例者止謂預脩備禦非有當時之急故擇間月而爲之若當時交急則不拘此制畢者竟也畢務謂農務竟而民間也日至而畢

謂土功竟也冬至之後當更脩來年農事不得復興土功也 注謂今至功事 正義曰今之九月則季秋也月令季秋之月日在房漢書律歷志論星之度數云角十二亢九氐十五自角之初至房初三十六度晨謂夜之將且於晨之時日體在房故角亢見在東方也東方之宿盡爲龍星角即蒼龍角也故角亢專得龍名戒謂今語之也春夏秋三時之務始畢民將閑暇故預令語民將有土功之事使自備也 注大火至之物 正義曰襄九年傳曰心爲大火星度心五尾十八月今孟冬之月日在尾自心初至於尾末二十三度十月之初心星次角亢之後而晨見東方也致築作之物謂板榦杙掘諸是城之所用皆致之於作所也 注謂今至興作 正義曰五行北方水故北方之宿爲水星言水昏正者夜之初昏水星有正中者耳非北方七宿皆正中也詩云定之方中作于楚宮釋天云營室謂之定孫炎云定正也天下作宮室者皆以營室爲正周語曰營室之中土功其始是定星昏而正爲土功之大

候故知水昏正謂十月定星昏而正中時也鄭玄詩箋云定星昏中而正謂小雪時小雪十月之中氣月令仲冬之月昏東壁中室十六度日行一度是十月半而室中十一月初而壁中禮記中庸云栽者培之栽者樹立之語故知樹板幹而起首興作也釋詁云榱榱榱也舍人曰榱正也築牆所立兩木也榱所以當牆之兩邊郭土者也然則榱在牆之兩端當樹立之即榱是也榱則在兩邊郭土即板是也板榱既異而云樹板榱者因類連言耳

樊皮

叛王

樊皮周大夫樊其采地皮名

經三十年春王正月夏次于成

無傳將卑師少故直言次

齊將降郭

疏

注將卑至設備

正義曰於例將卑師少

故設備

稱人人謂大夫身也大夫卑名氏不見故

稱人他國可言某人魯事不得自稱魯人故魯之大夫使出者皆言其所為之事而已此大夫帥師而次于成故直

言次也穀梁傳曰次止也有畏也欲救郭而不能是為降郭故設備也

秋七月齊人降

郭

無傳郭紀附庸國東平無鹽縣東北有郭城小國孤危不能自固蓋齊遂以兵威脅使降附

疏

注郭紀至降附

正義曰公羊穀梁傳並不郭紀之遺邑也釋例曰劉賈依二傳以為郭紀之遺邑計紀侯去國至此二十七年紀侯猶不堪齊而去則邑不得獨存此蓋附庸小國若郭郭者也是言郭為附庸之意不言郭降于齊

而云齊人降郭又不言侵伐故云蓋以兵威脅使降附

八月癸亥葬紀叔姬

無傳以賢錄也無臣子故不作謚

九月庚午朔日有食之鼓用

牲于社

傳無

冬公及齊侯遇于魯濟

濟水歷齊魯界在齊

界為齊濟在魯界為魯濟蓋魯地

疏

注濟水至魯地正義曰釋例曰濟水自滎陽卷縣東經陳留至濟

陰北經高平東平至濟北東北經濟南至樂安博昌縣入海案高平東平魯西界也濟南樂安齊竟內也指言魯濟故疑魯地遇于齊人伐山戎山戎北狄

傳三十年春王命虢公討樊皮夏四月丙

辰虢公入樊執樊仲皮歸于京師楚公子

元歸自伐鄭而處王宮欲遂蠱文夫人闕射師諫則

執而梏之射師闕廉也足曰桎手曰梏秋申公闕班殺子元

闕穀於菟爲令尹自毀其家以申楚縣也楚階號縣尹皆稱公

紓楚國之難闕穀於菟令尹子疏注射師至曰桎正義曰杜此注

與譜並以射師與關侯為一又不知何據也服虔云射師若敖子闕班也射師被桎不害舍之何以得殺子元也知射師與班必非一人也杜預以為闕射師若敖子闕班若敖孫周禮掌囚上罪桎桎而桎中罪桎桎下罪桎桎桎共文萃施於手知桎亦手也鄭玄亦云在手曰桎在足曰桎是先儒同此說也易大畜六四童牛之桎牛云桎者牛雖無手謂桎前足也

冬遇于魯濟謀山戎也以其病燕

故也

齊桓行霸故欲為燕謀難燕國今薊縣

經三十有一年春築臺于郎

無傳刺奢且非土功之時

夏

四月薛伯卒

無傳未同盟

築臺于薛

無傳薛魯地

六月

齊侯來獻戎捷

傳例曰諸侯不相遺俘捷獲也獻奉上之辭齊侯以獻捷禮來故書

以示秋築臺于秦

無傳東平范縣西北有秦亭

冬不雨

無傳不書

早不為災例在僖三年

疏

注傳例至示過而有獲獻其所獲故以捷為獲也釋例

正義曰捷勝也戰勝

曰歸者遺也獻者自下奉上之稱遺者敵體相與之辭傳曰諸侯不相遺俘齊侯楚人失辭稱獻失禮遺俘故因其來辭見自卑也以其大卑故書以示過此經言獻捷傳言遺俘則是獻捷獻囚俘也襄八年邢丘之會傳稱鄭伯獻捷于會又曰獲司馬變獻于邢丘是獻俘謂之捷也襄二十五年鄭公孫舍之帥師入陳傳稱司空致地司徒致民是不以俘囚歸也亦云子產獻捷于晉然則無囚而獻其功空有器物亦稱捷也

傳三十一年夏六月齊侯來獻戎捷非禮

也凡諸侯有四夷之功則獻于王王以警

于夷

以警懼
夷秋

中國則否諸侯不相遺俘

雖夷
秋俘

猶不以
相遺

經三十有二年春城小穀

小穀齊邑濟北穀城
縣城中有管仲井大

都以名通者
則不繫國

疏

注小穀至繫國 正義曰傳稱爲管仲
知是齊邑管仲所食采邑也吳滅州來

晉滅下陽如此之類皆不繫國知大都以名通者則不繫
國也華亥向寧入于宋南里以叛南里非大都不得以名
通故繫之宋耳賈逵云不繫齊者世
其祿然則彼不繫者豈皆世其祿乎夏宋公齊侯遇

于梁丘

齊善宋之請見故進其班
梁丘在高平昌邑縣西南

秋七月癸巳公

子牙卒

牙慶父同母弟僖叔也飲酖而死不以罪告
故得書卒書日者公有疾不責公不與小飲八

月癸亥公薨于路寢

路寢正寢也公薨皆書其所詳凶變

疏

注路寢至

凶變正義曰公羊傳曰路寢者何正寢也喪大記曰男子不死於婦人之手婦人不死於男子之手君夫人卒于路寢鄭玄云言死必於正處也是薨于路寢得其正也言詳凶變者釋例云詳內事謹凶變

冬十月

己未子般卒

子般莊公大子先君未葬故不稱爵不書殺諱之也

疏

注子般至諱之

也正義曰傳稱公疾問後於叔牙若已有大子則不應須問當問之時似未有大子也季友以死奉般酖殺叔牙蓋於爾時始命為大子公薨而般立知其為大子也子惡之死也直書子卒不書名此子般及子野皆書名者釋例曰公子惡魯之正適嗣位竟喪則魯君也襄仲倚齊而弑之國以為諱故不稱若言君之子也及子般子野或見殺或不勝喪言罪則不足成貶焉為孝而滅性故直略而書卒也又曰未成君而卒若君未葬則嗣子書名在喪之禮

也既葬則詞君諒闇羣臣復言危喪則立君也文公既葬襄仲殺惡及視書曰子卒與未成君同文所以為諱也如杜此言未葬之前生則直稱子死則書曰子某卒猶外諸侯生稱其爵死書其名以為禮之常也既葬則嗣子成君以理而卒當稱公薨全成君也子惡父既葬魯人諱其弑不得稱君其實已葬不得從子稱子野未葬之例故書子卒而不稱名以示似未成君其實已成為君上不得同閔公下不得同般野故直書為子繫之於父若言君之子也公羊以為君存稱世子君薨稱子某既葬稱子踰年稱公據子般子野卒似欲當然但左氏稱宋桓公卒未葬而襄公會諸侯故曰子即發例曰凡在喪公侯曰公子慶子是未葬稱子傳之明文不得如公羊說也

公子慶

父如齊

無傳慶父既殺子般季友出奔國人不與故懼而適齊欲以求援時無君假赴告之禮而行

狄伐邢

無傳邢國在廣平襄國縣

疏

狄伐邢注無傳正義曰明年有傳而言無者明年自為

管仲之言發端耳非說此
年伐邢之事故言無傳

傳三十二年春城小穀爲管仲也

公感齊桓
之德故爲

管仲城
私邑

齊侯爲楚伐鄭之故請會于諸侯

楚
伐

鄭在二十八年
謀爲鄭報楚

宋公請先見于齊侯夏遇于梁

丘秋七月有神降于莘

有神聲以接
人莘號地

惠王問諸

內史過曰是何故也

內史過
周大夫

對曰國之將興

明神降之監其德也將亡神又降之觀其

惡也故有得神以興亦有以亡虞夏商周

皆有之

亦有神異

王曰若之何對曰以其物享

焉其至之日亦其物也

享祭也若以甲乙日至祭先脾玉用蒼服上青

以此類祭之

王從之內史過往聞虢請命

聞虢請於神求賜土

田之命

反曰虢必亡矣虐而聽於神神居莘六

月虢公使祝應宗區史囂享焉神賜之土

田

祝大祝宗人史大史應區囂皆名

史囂曰虢其亡乎吾聞之

國將興聽於民

政順民心

將亡聽於神

求福於神

神聰

明正直而壹者也依人而行

唯德是與

虢多涼德

其何土之能得

涼薄也爲僖二年晉滅下陽傳

疏

注有神至虢地正義曰易稱神

也者妙萬物而爲言者也雖復鬼神之神亦無形象可見今言神降則人皆聞知故知有神謂有神聲以接人也吳孫權時有神自稱王表言語與人無異而形不可見今此神降于莘蓋亦王表之類神者氣也當在入上今下接人故稱降也國語說此事稱內史過對王云昔昭王娶於房曰房后實有爽德協於丹朱丹朱馮身以儀之生穆王焉若由是觀之其丹朱之神乎下說神居莘而虢公請土內史過往聞虢請命知莘是虢地虞夏商周皆有之正義曰國語內史過曰夏之興也祝融降於崇山其亡也回祿信於黔隧商之興也禘祫次於丕山其亡也夷羊在牧周之興也鸞鸞鳴於岐山其衰也杜伯射宣王於鎬是夏商周之所有也其虞則國語不言焉未知其所謂也服虔云虞舜祖考來格鳳皇來儀百獸率舞舜虞書夔說舜樂所致非神降也必其傳會尚書以爲得神以興則虞

舜得神以亡者又安在也

注享祭至祭之

正義

曰此降莘之神非祀典所載神必須祭故內史過令以其物享之其物不知所謂更以至日釋之謂此神初降之日以其至日之物也月令春其日甲乙夏其日丙丁中央土其日戊己秋其日庚辛冬其日壬癸所用之物月令具有其文注引甲乙所用舉一隅也丙丁日至祭用肺玉服皆赤也戊己日至祭用心玉服皆黃也庚辛日至祭用肝玉服皆白也壬癸日至祭用腎玉服皆玄也

神居莘六月

正義曰國語稱惠王十五年神降于莘年表惠王元年是魯莊公之十八年則此年惠王十五年也上云七月神降則今年七月降也居莘六月虢公使祝史享焉則今年十二月也內史過往已聞虢請命則過至虢亦十二月也傳先說王事使了後論虢事以終內史之言故文倒耳神聰至能得正義曰國語曰耳目心之樞機也故必聰和而視正聽和則聰視正則明然則所謂聰明者不聽淫辭不視邪人之謂也襄七年傳曰正直爲正正曲爲直言正

者能自正直者能正人曲而壹者言其一心不二意也依人而行謂善則就之惡則去之號多難德神所不依其何五之能得言賜之七田必虛妄也若神所不依則不應賜土而言神賜之土田者神厭其人不告以實猶晉獻公筮以驪姬為夫人亦云吉耳

初公築臺臨黨氏

黨氏魯大夫築臺不書不告廟

見孟任從之闕

孟任黨氏女闕不從公

而以夫人言許之

許以為夫人

割臂盟公生子般焉雩講于梁氏女

公子觀之

雩祭天也講肄也梁氏魯大夫女公子子般妹

圉人犂自牆外

與之戲

圉人掌養馬者以慢言戲之

子般怒使鞭之公曰不

如殺之是不可鞭犂有力焉能投蓋于稷

門蓋覆也稷門魯南城門走而自投接其屋之橫反覆門上公疾問後於叔牙

對曰慶父材蓋欲進其同母兄問於季友對曰臣以

死奉般季友莊公母弟故欲立般公曰鄉者牙曰慶父材

成季使以君命命僖叔待于鍼巫氏成季季友也鍼巫氏

魯大使鍼季酖之酖鳥名其羽有毒以畫酒飲之則死曰飲此則

有後於魯國不然死且無後飲之歸及逵

泉而卒立叔孫氏逵泉魯地不以罪誅故得立後世其祿八月癸

亥公薨于路寢子般即位次于黨氏即喪位次舍也

冬十月己未共仲使圉人犂賊子般于黨

氏

共仲慶父

成季奔陳

出奔不書國亂史失之

立閔公

閔公莊公庶子於是

年八

疏

從之闕

正義曰服虔云從之言欲與通也

歲

注雩祭至肄也

正義曰魯以周公之故得郊

祀上天故雩亦祭天也文四年傳曰臣以爲肄業及之也肄謂習業故講爲肄注圉人掌養馬者正義曰周禮

圉人掌養馬芻牧之事昭七年傳曰馬有圉牛有牧注蓋覆至門上正義曰稷門爲魯南城門蓋時人猶以名

之故知也投蓋者謂自投其身以蓋物故以爲走而自投反覆門上劉炫規過云公言犂有力焉如杜此說勁捷耳

非有力也當謂投車蓋過於稷門今知不然者周禮車蓋以物帛爲之輕而帆風非可投之物且傳直云投蓋于稷

門不云過稷門明知目投反覆稷門之上今時猶然且游楚超乘而出女曰子南夫也則勁捷之人亦是勇力之事

劉君以勁捷非力而規杜氏非也 注酖鳥至則死 正義曰說文云鳩毒鳥也一名運日廣雅云鳩鳥雄曰運日雌曰陰諧廣志曰鳩鳥形似鷹大如鷄毛黑喙長七八寸黃赤如金食蛇及椽實常居高山巔晉語諸公讚云鳩鳥食蝮以羽翮櫟酒水中飲之則殺人舊制鳩不得渡江有重法石崇爲南中郎得鳩以與王愷養之大如鵝喙長尺餘純食蛇虺司隸傳祇於愷家得此鳥奏之宣示百官燒於都街是說鳩鳥之狀也以其因酒毒人故字或爲酖

注閔公至八歲 正義曰傳稱閔公哀姜之娣叔姜之子哀姜以二十四年八月始入娣必與適俱行當以二十五年生子故云八歲

春秋正義卷第九

鄉貢進士馮嗣祖校勘

春秋正義卷第十

國子祭酒上護軍曲阜縣開國子臣孔穎達等奉

勅撰

閔公



正義曰魯世家閔公名開莊公之子惠王十六年即位杜世族譜云名啓方漢景帝諱啓啓開因是而亂杜譜云啓方從世本文謚法在國逢難曰閔是歲歲在大梁

經元年春王正月齊人救邢夏六月辛酉

葬我君莊公秋八月公及齊侯盟于落姑

落姑齊地

季子來歸

季子公子友之字季子忠於社稷爲國人所思故賢而字之齊侯許

納故

疏

注季子至曰歸正義曰季是友之字也子者

曰歸男子之美稱國人賢而思之得其還魯喜而呼

曰季子來歸史因其言而書之傳稱請復季友

齊侯許之

是得齊之力齊侯許納故曰歸也冬齊仲

孫來仲孫齊大夫以事出疆因來省難非齊侯命故不

疏

實省難其志也故經但書仲孫之來而傳尋仲孫之志

而字仲孫也杜言以事出疆或使向他國因來省魯難非

齊侯命之使來來而不稱君命故不言齊侯使也諸侯之

卿例當書名此人還國使齊侯務寧魯難明年即有高子

來盟是齊侯用其言魯人知其事不書其名嘉而字之杜

云稱字嘉之則仲孫是字猶楚之孫伯或亦以孫為字也

來者身來至魯是事實也省難心自省之是其志也雖志

在省難不告魯人云已省其難故經據實事但

書仲孫之來傳尋仲孫之志言其來省難也

傳元年春不書即位亂故也

國亂不得成禮

狄人伐

邢

狄伐邢在往年冬

管敬仲言於齊侯曰戎狄豺

狼不可厭也

敬仲管夷吾

諸夏親暱不可棄也

諸夏中國也暱近也

宴安酖毒不可懷也

以宴安比之酖毒

詩云

豈不懷歸畏此簡書

詩小雅也文王爲西伯勞來諸侯之詩

簡

書同惡相恤之謂也

同恤所惡

請救邢以從簡

書齊人救邢

疏

戎狄至簡書心若豺狼之獸不可厭足也言其

正義曰戎狄之

當伐戎狄也諸夏之國皆親近之人不可遺棄也言其當救邢也宴安自逸若酖毒之藥不可懷戀也言其當自勞

也詩小雅出車之篇美文三勞來諸侯令賢臣出使此臣
在外思歸而以王事自勉言我豈不思歸乎誠思歸也但
畏此簡書來告急耳諸侯有事則書之於簡遣使執簡以
告命告則須救故畏而不歸也此簡書者同有所惡則相
憂之謂也請救邢以從簡書傳稱勤則不匱安則敗名齊
侯縱心宴安不欲征伐安則自損其身故言酖毒以勸之
釋獸云豺狗足郭璞云腳似狗說文云豺狼屬狗聲釋獸
又云狼牡糴牡狼舍人曰牡名糴牡名狼陸璣毛詩義疏
云狼鳴能小能大善爲小兒啼聲以誘人去數十步其猛
健者雖善用兵者不能免也二者皆貪殘之獸故比戎狄
也 注敬仲管夷吾 正義曰敬謚謚法夙夜勤事曰敬
仲字管夷吾名也 注諸夏至近也 正義曰此言諸
夏襄四年傳魏絳云諸華必叛華夏皆謂中國也中國而
謂之華夏者夏大也言有禮儀之大有文章之華也暱近
釋詁文舍人曰暱戚之近也 言中國諸侯情親而路近 夏六月葬莊公亂故

是以緩

十一月乃葬

秋八月公及齊侯盟于落姑

請復季友也

閔公初立國家多難以季子忠賢故請霸主而復之

齊侯許

之使召諸陳公次于郎以待之

非師旅之事故不書次

季子來歸嘉之也冬齊仲孫湫來省難

湫仲

孫書曰仲孫亦嘉之也仲孫歸曰不去慶

父魯難未已

時慶父亦已還魯

公曰若之何而去之

對曰難不已將自斃

斃踣也

君其待之公曰

魯可取乎對曰不可猶秉周禮周禮所以

本也臣聞之國將亡本必先顛而後枝葉

從之魯不棄周禮未可動也君其務寧魯

難而親之親有禮因重固能重能固則當就成之
注

重至成之正義曰服虔云重不可動因其不可動而堅固之杜以此傳四句相類間攜貳攜貳皆間之覆昏亂昏

亂皆敗之知此重固皆離而相疑者則當因而間之覆

昏亂覆敗也霸王之器也霸王所用故以器為喻晉侯作

二軍晉本一軍見莊十六年公將上軍太子申生將下

軍趙夙御戎畢萬為右為公御右也夙趙襄子畢萬魏犢祖父


注為公至祖父

正義曰史記趙世家夙生共孟孟生趙

襄晉語云趙襄先君之戎御趙夙之弟也杜以夙為襄兄

從晉語也魏世家畢萬生武子世本畢萬生芒季季

生武仲州州即驪也杜以萬為驪之祖父依世本也

以

滅耿滅霍滅魏

平陽皮氏縣東南有耿鄉永安縣東北有霍大山三國皆姬姓還

為大子城曲沃賜趙夙耿賜畢萬魏以為

大夫士蔦曰大子不得立矣分之都城而

位以卿先為之極又焉得立

位以卿謂將下軍

不

如逃之無使罪至為吳大伯不亦可乎

大伯

周大王之適子知其父欲立季歷故讓位而適吳

疏

注大伯至適吳正義曰史記吳世家云吳大伯弟

仲雍皆周大王之子而王季歷之兄也季歷賢而有聖子
昌大王欲立季歷以及昌於是大伯仲雍二人乃奔荊蠻
以辟季歷季歷果立是爲王
季是大伯讓位適吳之事
猶有令名與其及也

言雖去猶有令名

疏

猶有至及也

正義曰言逃雖失
勝於留而及禍

者爲勝勸
之使逃

且諺曰心苟無瑕何恤乎無家天

若祚大子其無咎乎

爲晉殺
申生傳

卜偃曰畢萬

之後必大

卜偃晉掌
卜大夫

萬盈數也魏大名也

疏

萬盈至名也



正義曰以算法從一至萬每十則改
名至萬以後稱一萬十萬百萬千萬萬萬始名億從


是以往皆以萬爲極是至萬則數滿也論
語云巍巍乎其有成功是魏爲高大之名

以是始賞


天啓之矣天子曰兆民諸侯曰萬民今名

之大以從盈數其必有衆以魏從萬有衆象初畢萬

筮仕於晉遇屯  震下坎 之比  坤下坎

初九變而爲比  遇屯之比 正義曰震下坎上爲屯說卦云

象坤下坎上爲比說卦坎爲水坤爲地水潤下而地受之相親比之象也 辛廖占之曰吉

辛廖晉  注辛廖晉大夫 正義曰杜云辛廖晉大夫

大夫 則以畢萬筮仕在晉國而筮劉炫云若在晉國而筮何得云筮仕於晉又辛甲辛有並是周人何故辛

廖獨爲晉大夫今知不然者傳以畢萬是畢國子孫今乃筮仕於晉言於晉以對畢耳非謂筮時在他國也案昭十五年傳云及辛有之二子董之晉於是乎有董史注云辛

有周人二子適晉爲大史則辛氏雖出於周枝流於晉劉
炫用服氏之說以爲畢萬在周筮仕於晉又以晉國不得
有姓辛而規杜
屯固比入吉孰大焉其必蕃
過其義非也

昌
屯險難所以爲堅同
比親密所以得入
震爲土
震變爲坤
車從馬

震爲車
坤爲馬
疏
注震爲車坤爲馬
正義曰晉語云司空季
子占公子重耳之筮云震車也坤彖云利牝

馬之貞是坤爲馬也下注震爲足震
爲長男坤爲母坤爲衆皆說卦文也
足居之
震爲足

長之
震爲長男
母覆之
坤爲母
衆歸之
坤爲衆

不易
初一爻變有此
六義不可易也
合而能固安而能殺公

侯之卦也
比合屯固坤安震
殺故曰公侯之卦
疏
注比合至之卦
正義曰震之爲殺傳無

明文晉語云震車也車有威武昭二十五年傳云為刑罰威獄以類其震曜殺戮是震為威武殺戮之意故震為殺也

公侯之子孫必復其始

萬畢公高之後傳為魏之子孫衆多張本

疏

必復其始

正義曰萬是畢公之後公侯之子孫必當復其初始言此人子孫又將為公侯也及春秋之

後三家分晉而魏為諸侯是其筮之驗也

經二年春王正月齊人遷陽

無傳陽國名蓋齊人偪徙之

疏

注陽國至徙之杜世族譜土地名闕不知所在與宋人遷宿文同知

正義曰世本無有陽國不知何姓

陽是國名蓋齊人偪遷之

夏五月乙酉吉禘于莊公

三年喪畢

致新死者之主於廟廟之遠主當遷入祧因是大祭以審昭穆謂之禘莊公喪制未闋時別立廟廟成而吉祭又不

於大廟故詳

疏

注三年至示譏

正義曰僖三十三年

書以示譏 傳曰凡君薨卒哭而祔祔而作主特祀於主烝嘗禘於廟禘祀爲吉祭說喪事而言禘知禘是喪終而吉祭也襄十五年晉悼公卒十六年傳稱晉人答穆叔云以寡君之未禘祀知三年喪畢乃爲禘也喪畢而爲禘祭知致新死之主於廟也新主入廟則遠主當遷知其遷入祧者祭法云天子七廟有二祧則祧是遠祖廟也周禮掌祧掌守先王先公之廟祧其遺衣服藏焉廟之遠主其廟旣遷主無所處固當遷入祧也鄭立以二祧爲文王武王之廟遷主入廟當各從其班穆入文祧昭入武祧禮諸侯五廟更無別祧則當謂大祖之廟爲祧也遠主初始入祧新死之主又當與先君相接故禮因是而爲大祭以審序昭穆故謂之禘禘者諦也言使昭穆之次審諦而不亂也莊公以其三十二年八月薨至此年五月唯二十二月故喪制未闕也公羊傳曰其言于莊公何未可以稱宮廟也曷爲未可以稱宮廟在三年之中矣三年之中未得

以禮遷廟而特云莊公知爲莊公別立廟廟成而吉祭也
僖八年禘于大廟文二年大事于大廟宣八年有事于大
廟彼言大事有事亦禘祭也則禘禮必于大廟今未可以
吉祭而爲吉祭又不于大廟故詳書以示譏也既云吉禘
又云于莊公

秋八月辛丑公薨

實弑書薨又不地者皆史策諱

是其詳也

之九月夫人姜氏孫于邾

哀姜外淫故孫稱姜氏

疏 注哀

姜至姜氏 正義曰此決莊元年夫人孫于齊不稱姜氏也賈服之說皆以爲文姜殺夫罪重故去姜氏哀姜殺子罪輕故不去姜氏故杜爲此言以異之言外淫者謂與外姓爲淫

公子慶父出奔

莒

弑閔公故

冬齊高子來盟

無傳蓋高侯也齊侯使來平魯亂僖公新立因

遂結盟故不稱使也魯人貴之故不書名子男子之美稱

疏

注蓋高至美稱正義曰莊二十二年及齊高

侯盟于防自爾以來不見經傳故云蓋高侯也往年仲孫
湫勸齊侯使寧魯難今而高子適魯知齊侯使來平魯亂
也當齊侯初命高子之時慶父未出僖公未立及其至魯
值僖公新立因遂與魯結盟而立之不云齊侯使者盟非
齊侯之命故不稱使也齊侯不使之盟而高子輒爲盟者
齊侯使之來平魯亂新君既立遂盟而安之亦足稱齊侯
之意其盟非專擅也魯人不能自安高子盟以安之魯人
貴之故不書其名子者男子之美稱故呼之曰高子穀梁
傳曰其曰來喜之也其曰高子貴之也盟立僖公也然則
盟立僖公必僖公共盟不言公及齊高子盟者桓十四年
鄭伯使其弟語來盟文十五年宋華孫來盟皆不言公及
則不書公者春秋之常也晉荀庚衛孫良夫並爲來聘既
行聘禮更與公盟非是直爲
十有二月狄入衛
書
盟來故聘後別言及耳
入
不能有其地例
鄭奔其師
高克見惡久不得還師
潰而克奔陳故克狀其
在襄十三年

事以告魯也

疏

注高克至魯也

正義曰此事詩序具焉大夫出奔多是本國來告傳稱晉侯使以殺大

子申生之故來告又衛殺孔達告於諸侯是其本國告也
宣十年傳例曰凡諸侯之大夫違告於諸侯曰某氏之守
臣某失守宗廟敢告是大夫私家之告辭昭二十六年王
子朝奔楚傳稱告于諸侯是奔者自告也此鄭文公心惡
高克而欲得遠之克既奔陳無罪可告故杜以為高克自
狀其事以告魯魯史以為克若將師出奔是為弃師之道
不書高克出奔而書鄭棄其師者案詩序云公子素惡高
克進之不以禮文公退之不以道危國亡師之本是棄其
師也穀梁傳曰鄭棄其師惡其長也兼不及其眾則是棄其師也

傳二年春虢公敗犬戎于渭汭

犬戎西戎別在中國者渭

水出隴西東入河

疏

注犬戎至曰汭

正義曰西方曰水之隈曲曰汭戎知犬戎是西戎別在中國者也

釋例曰渭水出隴西狄道縣烏鼠同穴山東經南安天水洛陽扶風始平京兆至弘農華陰縣入河釋丘云隩隩厓內爲隩外爲隈李廵曰厓內近水爲隩孫炎云內隈曲裏也彼雖不言汭汭即隩也而汭字以內爲聲明是水之隈

曲之內也

舟之僑曰無德而祿殃也殃將至矣

遂奔晉

舟之僑號大夫

夏吉禘于莊公速也初公

傳奪卜齎田公不禁

卜齎魯大夫也公即位年八歲知愛其傳而遂成其

意以奪齎田齎忿其傳并及公故慶父因之

疏

注卜齎至因之正義曰莊公三十二年注云閔公於是

年八歲此云即位年八歲者閔公之年歲傳文不明服虔於莊三十二年注云閔公於是年九歲於此注云公即位時年九歲僖二年注云閔公死時年九歲杜知其不可故於莊公之末注言年八歲以異之嗣子位定於初喪言即

位者亦謂初
立之年也

秋八月辛丑共仲使卜齋賊父

于武闈

宮中小門
謂之闈

䟽

注宮中小門謂之闈
曰釋邑云宮中之門謂之闈

正義

其小者謂之闈小闈謂之閣彼就小門之內更別以爲二
名大率宮中之門皆小故云宮中小門也名之曰武則其

義未
聞

成季以僖公適邾

僖公閔公庶
兄成風之子

共仲奔

莒乃入立之以賂求共仲于莒莒人歸之

及密使公子魚請

密魯地琅邪費縣北有
密魯亭公子魚奚斯也

不許

哭而往共仲曰奚斯之聲也乃縊

慶父之罪
雖重季子

推親親之恩欲同之叔牙存孟氏
之族故略其罪不書殺又不書卒

䟽

注慶父至書卒
正義曰叔牙云慶

父材者始有區慶父之心本其惡未幾見故季子隱之而書其卒若自死然慶父猶二君其罪已重者計當書其誅殺季子推親親之恩欲同之叔牙也孟氏之族故略其罪不書殺也又不可全同叔牙故又不書也子孫終為

孟氏是季子推親親之恩枉正法耳

閔公哀姜之姊也姜之子也

故齊人立之共仲通於哀姜哀姜欲立之

閔公之死也哀姜與知之故孫于邾齊人

取而殺之于夷以其尸歸

為僖元年齊人殺哀姜傳夷魯地

僖

公請而葬之

哀姜之罪已重而僖公請其喪還者外欲固齊以居厚内存母子不絕之義為

國家之大計

成季之將生也桓公使卜楚丘之

父卜之

卜楚丘魯掌卜大夫

曰男也其名曰友在公之

右

在右言用事

間于兩社為公室輔

兩社周社亳社兩社之間

朝廷執政所在



注兩社至所在封以為社若封諸侯隨方割其土包之以白

正義曰王者取五色之土

茅賜之使立國社魯是周之諸侯故國社謂之周社哀四年亳社災是魯國有亳社穀梁傳曰亳社者亳之社也亳亡國也亡國之社以為廟屏戒也則亳社在宗廟之前也周禮小宗伯掌建國之神位右社稷左宗廟則諸侯亦當然定二年雉門及兩觀災則兩觀在雉門外也禮運云昔者仲尼與於蜡賓事畢出遊於觀之上蜡祭在廟故出廟而遊於觀也由此言之宗廟社稷在雉門之外分左右廂也鄭玄考校禮文以為魯制三門庫雉路天子諸侯皆三朝圖宗人之嘉事則有路寢庭朝日出視朝則在路門之外其詢國危詢國遷詢立君周禮朝士所掌外朝之位者

乃在雒門之外耳雒門之外左有亳社右有周社間于兩社是在兩社之間朝廷詢謀大事則在此處是執政之所也

在季氏亡則魯不昌

疏

正義曰服虔云謂季友出奔魯弑二君案傳子

般既死乃云成季奔陳閔公既死乃云成季適邾皆君死乃出奔非由出奔乃致君死杜雖無注義必不然當謂季友子孫與魯升降從此以後季氏世為上卿終於春秋禮記稱悼公之喪季昭子問為君何食以後雖則無文當是與魯俱

又筮之遇大有

䷍

乾下離

之乾

䷀

乾下乾

有六五變而為乾

曰同復于父敬如君所

筮者之辭也乾為君父辭

變為乾故曰同復於父見敬與君同

疏

注筮者至君同正義曰此雖六五爻變不取周易之文筮者推演

卦意自為其辭也雖是乾子還變為乾故云同復于父言其尊與父同也國人敬之其敬如君之處所言其貴

與君同也說卦乾為君父言其身之尊則云同復于父言其為人所敬則云敬如君所屬意異故分為二也

及生有文在其手曰友遂以命之遂以冬為名

十二月狄人伐衛衛懿公好鶴正義曰陸璣毛

詩義疏云鶴形狀大如鵝長脚青翼高三赤餘赤目赤頰喙長四寸餘多純白或有蒼色蒼色者今人謂之赤頰常夜半鳴故淮南子曰雞知將旦鶴知夜半其鳴高亮聞八九里雌者聲差下今吳人園囿中及士大夫家皆養之

鶴有乘軒者軒大夫車**疏**注軒大夫車正義曰定十三年傳稱齊侯欲諸大夫之

軒故杜云軒大夫車也服虔云車有藩曰軒將戰國人受甲者皆曰

使鶴鶴實有祿位余焉能戰公與石祁子

玦與甯莊子矢使守

莊子甯速也玦玉玦

曰以此贊國

擇利而爲之

贊助也玦示以當決斷矢示以禦難

與夫人繡衣曰

聽於二子

取其文章順序

渠孔御戎子伯爲右黃夷

前驅孔嬰齊殿

傳言衛侯失民有素雖臨事而戒猶無所及

及狄人

戰于熒澤衛師敗績遂滅衛

此熒澤當在河北君死國散經不書

滅者狄不能赴衛之君臣皆盡無復文告齊桓爲之告諸侯言狄已去言衛之存故但以入爲文

疏

注熒

澤當在河北

正義曰禹貢豫州滎波既猪導沅水入于

河溢爲滎在河南此時衛都河北爲狄所敗乃東徙渡河

故知此熒澤當在河北但沅水入河乃決被

河南多故專得滎名其北雖少亦稱滎也

衛侯不

去其旗是以甚敗狄人囚史華龍滑與禮

孔以逐衛人二人曰我大史也實掌其祭

不先國不可得也夷狄畏鬼故恐言當先白神乃先之至則

告守曰不可待也守石甯二大夫夜與國人出狄

入衛遂從之又敗諸河衛將東走渡河狄復逐而敗之初惠

公之即位也少蓋年十五六**疏**注蓋年十五六正義曰衛宣公以隱四年立

相十二年卒終始二十年耳即位之後乃納急子之妻生壽及朔朔既有兄知其蓋年十五六耳齊人

使昭伯烝於宣姜不可強之昭伯惠公庶兄宣公子頑也昭伯不

可生齊子戴公文公宋栢夫人許穆夫人

文公爲衛之多患也先適齊及敗宋栢公

逆諸河迎衛敗衆宵濟夜渡畏狄衛之遺民男女七

百有三十人益之以共滕之民爲五千人

共及滕衛別邑立戴公以廬于曹廬舍也曹衛下邑戴公名甲立其年卒而

立文疏注廬舍至文公道義曰周禮秋官野廬氏掌道路宿息地官遺人云凡國野之道十里有廬

廬有飲食是廬爲舍也廬于曹者言隨宜寄舍耳曹邑雖

闕不知其處當在河東近楚丘也戴公名中世本世家文

經傳皆云十二月狄入衛衛人東徙渡河收集離散乃立

戴公此年之末文公即位計戴公爲君不過十數日耳言

一年卒者滅而復興不是嗣位故成喪爲謚文公繼世而立明年始爲元年故戴公雖復日少亦稱一年年表亦以此年爲戴公元年今許穆夫人賦載馳載馳詩衛風也許穆

定本云以其年卒 夫人痛衛之亡思歸唁之不可故作詩以言志 齊侯使公子無虧帥車

三百乘甲士三千人以成曹無虧齊桓公子武孟也車甲之賦異

於常故傳 別見之 歸公乘馬祭服五稱牛羊豕雞狗

皆三百與朋材歸遺也四馬曰乘衣單複具曰稱門材使先立門戶 疏注歸遺至

門戶正義曰歸者不反之辭故爲遺也周禮校人云乘馬一師四圍圍養一馬故云四馬曰乘以乘車并師五人

必駕四馬故也喪大記曰袍必有表不禪衣必有裳謂之一稱是衣禪複具曰稱 歸夫人魚

軒魚軒夫人車

疏

注魚軒至為飾

正義曰詩云象

以魚皮為飾
皮可以飾器物者唯魚獸耳故云以魚皮為飾陸機毛詩義疏云魚獸似猪東海有之其皮背上有斑文腹下有純青今人以為弓韃步又者也其皮雖乾燥為弓韃矢服經年海水將潮及天陰毛皆起水潮還及晴則毛復如故雖在數千里外可以知海水之潮自相感也

重飾三十兩

以錦錦之熟細者重二丈雙行故曰

兩三十兩

疏

注重錦至匹也

正曰云服虔云重牢也

三十匹也
孰細者雜記曰納幣一束束五兩兩五尋八尺曰尋則五尋四文謂之兩者分為兩段故也謂之匹者兩兩合卷若

匹偶然也

鄭人惡高克使帥師次于河上久而

弗召師潰而歸高克奔陳

高克鄭大夫也好利而不顧其君文公惡

之而不能遠故使帥師而不召鄭人爲之賦清人清人詩鄭風也刺文公退

臣不以道危國亡師之本晉侯使太子申生伐東山臯落

氏赤狄別種也**疏**注赤狄至氏族正義曰狄有赤臯落其氏族狄白狄成十三年傳晉侯使呂相

絕秦云白狄及君同州則白狄與秦相近當在晉西此云東山當在晉東宣十五年晉師滅赤狄潞氏潞則上黨潞

縣在晉之東此云伐東山臯落氏知此亦在晉東是赤狄別種也臯落其氏族也此族之人狄之渠帥也里

克諫曰太子奉冢祀社稷之粢盛里克晉大夫冢大也

以朝夕視君膳者也膳厨**疏**注膳厨膳正義曰鄭玄膳夫注云

膳之言善也今時美物曰珍膳是膳者美食之名厨者造食之處故云膳厨膳也禮記云文王之爲世子食上必在

視寒煖之節會下問所膳命膳宰然後退是大子朝夕視君膳者也

故曰冢子君行

則守有守則從從曰撫軍守曰監國古之

制也夫帥師專行謀

帥師者必專謀軍事

誓軍旅

宜號令也

君與國政之所圖也非大子之事也

國政正卿

師在制命而已

命將軍所制

稟命則不威專命則

不孝故君之嗣適不可以帥師君失其官

帥師不威將焉用之

大子統師是失其官也專命則不孝是為帥必不威也

且臣聞臯落氏將戰君其舍之公曰寡人

有子未知其誰立焉不對而退見大子大

子曰吾其廢乎對曰告之以臨民謂居曲沃教

之以軍旅謂將下軍不共是懼何故廢乎疏

對曰告之至廢乎正義曰克謂大子還曲沃告百姓以臨示下民之事并敘之軍旅之法不共是二事為懼矣何

故憂其廢乎且子懼不孝無懼弗得立脩己而不

責人則免於難大子帥師公衣之偏衣偏衣

左右異色其半似公服疏注偏衣至公服正義曰下云服其身則衣之純言此偏衣不純知其左右異

色也又云衣身之偏言公以身衣之偏半衣大子知其半似公服也佩之金玦以金為玦狐

突御戎先友爲右

狄突伯行重耳外祖父也爲申生御申生以天子將上軍

梁餘

子養御罕夷先丹木爲右

罕夷晉下軍卿也梁餘子養爲罕夷御

羊

舌大夫爲尉

羊舌大夫叔向祖父也尉軍尉

先友曰衣身之偏

偏半也握兵之要

謂佩金玦將上軍

在此行也子其勉之

偏躬無慝

分身衣之半非惡意也

兵要遠災

威權在己可以遠害

親

以無災又何患焉狐突歎曰時事之徵也

歎

先友爲不知君心

衣身之章也

章貴賤

佩衷之旗也

旗表也所

以表明其中心

故敬其事則命以始

賞以春夏

服其身則衣之

純

必以純色為服

用其衷則佩之度

衷中也佩玉者士君子常度

今命以時卒閔其事也

冬十二月閔盡之時

衣之

服遠其躬也

老雜色

佩以金玦弃其衷也服

以遠之時以閔之老涼冬殺金寒玦離胡

可恃也

寒涼殺離言無溫潤玦如環而缺不連

雖欲勉之狄可盡

乎梁餘子養曰帥師者受命於廟受脤於

社

脤宜社之肉盛以脤器

有常服矣不獲而老命可知

也

韋弁服軍之常也老偏衣

死而不孝不如逃之罕夷曰

尤奇無常

雜色奇怪非常之服

金玦不復雖復何爲君

有心矣

有害大子之心

先丹木曰是服也狂夫阻之

阻疑也言雖狂夫猶知有疑

曰盡敵而反

曰公辭

敵可盡乎雖盡

敵猶有內讒不如違之

違去也

狐突欲行

行亦去也

羊舌大夫曰不可違命不孝弃事不忠雖

知其寒惡不可取子其死之

寒薄也

疏

狐突至死之

正義曰傳之上下諸言某御戎某爲右者謂國君自將此大子亦然者攝君之事故與君同文也傳歷言將帥御右者以下各有言故此舉其目先友不知君有害大子之心故推此衣佩以爲善事勸之狐突歎先友不知君意乃擗

言時衣佩三者反覆以答之罕夷唯舉服佩二事故云
奇無常金玦不復也其梁餘子養先丹木唯言服舉其重
者故子養云不獲而老命可知也先丹木云是服也狂夫
阻之是皆勸大子之行也狐突以衆言同已故決意欲行
羊舌大夫乃以忠孝之事勸之使留名以意之所見故其
言或深或淺 注羊舌至軍尉 正義曰羊舌氏也爵爲
大夫號曰羊舌大夫不知其名何也此人生羊舌職職生
叔向故爲叔向祖父譜云羊舌氏晉之公族羊舌其所食
邑也或曰羊舌氏姓李名果有人盜羊而遺其頭不敢不
受受而埋之後盜羊事發辭連李氏李氏掘羊頭而示之
以明己不食唯識其舌舌存得免號曰羊舌氏也或曰者
不知誰爲此言杜所不從記異聞耳 服以至情也 正
義曰服以遠之覆上衣之老服也時以闕之覆上命以時
卒也上先時後服此先服後時者以下連老涼冬殺之文
又欲使冬殺與金玦相近冬殺是時故退之在下言老涼
則申上衣之老服也冬殺則申上命以時卒也老涼據服

冬殺據時耳金寒玦離申上佩以金玦也金是秋之寒氣
故言金寒也 注脈宜至脈器 正義曰釋天云起大事
動大衆必先有事乎社而後出謂之宜知出兵必祭社祭
社名爲宜周禮大宗伯以脈膳之禮親兄弟之國定十四
年天王使石尚來歸脈知脈是器物可執之以賜人也今
言受脈於社明是祭社之肉盛以脈器賜元帥也地官掌
蜃祭祀共蜃器之蜃鄭玄云蜃大蛤蜃之器以蜃飾因名焉
注阻疑也 正義曰劉炫云阻疑以意訓耳今言猶云阻疑
是阻得爲疑也言雖狂夫猶知於此服有疑也服虔云阻止
也方相之士蒙玄衣朱裳主索室中歐疫號之爲狂夫止此
服言君與大子以狂夫所止之服衣之晉語云且是之衣也
狂夫阻之衣也韋昭云狂夫方相氏之士也阻古詛字也將
服是衣必先詛之是由無正訓各以意解劉以爲方相氏狂
夫所服玄衣朱裳左右同色不得爲偏衣也當服此衣非是
意所止也詛乃服之文無所出故杜別爲此解 注曰公辭
正義曰言公辭者當以公賜之偏衣金玦推其義理原公

之意而爲之作辭非
公出言作此辭也

太子將戰狐突諫曰不可

昔辛伯諗周桓公

諗告也事在
桓十八年

云內寵並后

外寵二政嬖子配適大都耦國亂之本也

周公弗從故及於難今亂本成矣

驪姬爲內
寵二五爲

外寵奚齊爲嬖子曲沃
爲大都故曰亂本成

立可必乎

疏

注驪姬至本
成正義曰

辛伯之語先有成文其內寵之徒不爲晉發故劉炫云二
五嬖賤不得爲二政大子不以曲沃作亂不得爲大都而
杜云驪姬爲內寵二五爲外寵奚齊爲嬖子曲沃爲大都
者今刪定以爲辛伯之言雖不爲晉要晉國之亂事理相
當故杜以事託之二五爲耦墾傷晉室曲沃疆大大子奔
之又築屈與蒲終爲禍難但此據大子故以曲沃爲文劉

君不達此旨而為規過違傳意也孝而安民子其圖之奉身為孝不戰為安

民與其危身以速罪也有功益見害故言孰與危身以召罪**疏**

孝而至罪也正義曰去則孝而安民留則危身召罪等與其危身以召罪也豈若孝而安民乎勸使逃也成

風聞成季之繇乃事之成風莊公之妾僖公之母也繇卦兆之占辭而

屬僖公焉故成季立之僖之元年齊桓公

遷邢于夷儀二年封衛于楚丘邢遷如歸

衛國忘亡忘其滅亡之困衛文公大布之衣大帛之

冠大布麤布大帛厚縵蓋用諸侯諒闇之服務材訓農通商惠工加惠

於百工賞其利器用

敬教勸學授方任能

方百事之宜也

疏

材務

至任能

正義曰務材務在植材用也訓農訓民勤農業

也通商通商販之絡各貨利往來也惠工加恩惠於百工

賞其利器用也敬教敬民五教也勸學勸民學問也授

方授民以事皆有方法也任能其所委任信用能人也元

年革車三十乘季年乃三百乘

衛文公以此年冬立齊桓

公始平魯亂故傳因言齊之所以霸衛之所由興革車兵車季年在僖二十五年蓋招懷逆散故能致十倍之衆

春秋正義卷第十

卷第十

十

十

春秋正義卷第十一

小
大

國子祭酒上護軍曲阜縣開國子臣孔穎達等奉

勅撰

僖公疏

正義曰魯世家僖公名申莊公之子閔公庶兄其母成風所生也惠王十八年即位謚法

小心畏忌曰僖
是歲歲在鶉首

經元年春王正月齊師宋師曹伯次于聶

北救邢

齊師諸侯之師救邢次于聶北者案兵觀虜以待事也次例在莊三年聶北邢地

疏

注齊師至邢地正義曰公羊穀梁皆以爲齊師宋師曹師皆是侯伯之身公羊稱不與諸侯專封故變稱師耳此

時方始救邢邢本不滅何以言其封也左氏無此義將畢
師衆稱師此三國皆師多而大夫將故名氏不見並稱師
公羊以爲此言次于聶北救邢與襄二十三年叔孫豹救
晉次于雍榆二事相反爲之作說言此是君也進止自由
彼是臣也先通君命賈服取以爲說杜以傳無此事故不
用其言釋例曰所記或次在事前次以成事也或次在事
後事成而次也皆隨事實無義例也此時狄人尚彊未可
即擊案兵觀勢以待其事須可擊乃擊之故次在事前

夏六月邢遷于夷儀

邢遷如歸故以自
遷爲辭夷儀邢地

疏

注邢

遷至邢地正義曰傳稱師逐狄人具邢器用而遷之則是諸侯遷邢也而文作邢自遷者以邢遷如歸故以自遷爲文公羊傳曰遷者何其意也遷之者何非其意也言邢遷于夷儀許遷于白羽者皆是其國之意自欲遷之宋人遷宿齊人遷陽者他人強遷其國之意不欲遷也

齊師宋師曹師城邢

傳例曰救患分災禮也一事而再

疏

注傳例至師故正義曰春秋之例

先會而後盟者會則具序諸國盟則摠稱諸侯公羊謂之前目而後凡此上文已列三國之師救邢救邢與城邢猶是一事相連耳而再列三國之師不依前目後凡者於文不可言諸侯師故也案此十五年歷序諸侯盟于牡丘下書諸侯之大夫救徐襄二十七年歷序諸國大夫會于宋下云諸侯大夫盟于宋此不言諸侯之師城邢者此與會盟小異十四年諸侯城緣陵爲其事有關故摠稱諸侯此若云諸侯之師城邢似爲其事有關摠書爲貶故雖則煩文而再

列三國

秋七月戊辰夫人姜氏薨于夷齊

人以歸

傳在閔二年不言齊人殺

疏

正義曰傳在閔

二年者彼因孫于邾遂終言之實齊人殺之諱故不言殺也夫人之薨例不書地書地者明其在外而薨若言夫人

自行至夷遇疾而薨

齊人乃以其喪歸耳 楚人伐鄭

荊始改號曰楚

疏

注荊始改號曰

楚 正義曰此前常呼為荆此後遂稱為楚據其見經為言故云荆始改號莊二十八年仍書荆伐鄭自爾至今不

知何年改

八月公會齊侯宋公鄭伯曹伯邾人

于榿

榿宋地陳國陳縣西北有榿城公及其會而不書盟還不以盟告

疏

注榿宋至盟告正

義曰經書會于榿傳言盟于犂犂即榿也而經不書盟釋例曰盟于鄆盟于犂盟于戚公既在會而不書其盟以理

推之會注盟前知非後盟也 益公還告會而不告盟也

九月公敗邾師于偃

偃邾地

冬十月壬午公子友帥師敗莒師于

鄆獲莒挈

鄆魯地挈莒子之弟不書弟者非卿非卿則不應書嘉季友之功故特書其所

獲大夫生死皆曰獲
獲例在昭二十三年

疏

注卿魯至三年 正義曰傳言
莒子之弟而經不書弟者諸侯

之臣爲卿乃見經見經則備書名氏若言莒子之弟挈則
是爲卿之備文此不書弟見其非卿也傳曰非卿也嘉獲
之也以非卿不應書經嘉季友之功能獲莒之大將故特
書所獲以美季子公羊亦云此何以書大季子之獲也釋
例曰莒挈非卿非卿則不應書今嘉獲故特
書之特書猶不稱弟明諸書弟者皆卿也 十有二月

丁巳夫人氏之喪至自齊

僖公請而葬之故告
於廟而書喪至也齊

侯既殺哀姜以其尸歸絕之於魯
僖公請其喪而還不稱姜闕文

疏

正義曰齊人治哀
姜之罪取而殺之則位絕於魯非復魯之夫人其死不合

書之於策以僖公請而葬之外欲固齊以居厚内存母子
不絕之義故具書於經薨葬備禮諱之若言無罪而自死
然既諱其殺不宜有貶公羊傳曰夫人何以不稱姜氏貶

曷爲貶與弒公也穀梁傳曰其不言姜以其殺二子貶之也或曰爲齊桓諱殺同姓也賈逵云殺子輕故但貶姜然則姜氏者夫人之姓二字共爲一義不得去姜存氏去氏存姜若其必有所貶自可替其尊號去一姜字復何所明於薨於葬未嘗有貶何故喪至獨去一姜公羊傳又曰曷爲不於祔焉貶貶必於其重者莫重乎其以喪至也案禮之成否在於薨葬何以喪至獨得爲重喪至已加貶責於葬不應備文何故葬我小君復得成禮正以薨葬備禮知其無所貶責故杜以經無姜字直是闕文公羊穀梁見其文闕妄爲之說耳

傳元年春不稱即位公出故也

國亂身出復入故即位之禮有

闕公出復入不書諱之也諱國惡禮也

掩惡

揚善義存君親故通有諱例皆當時臣子率意而隱故無深淺常準聖賢從之以通人理有時而聽之可也

疏

元年至禮也 正義曰去年八月閔公死僖公出奔邾九月慶父出奔莒公即歸魯言公出故者公出而

復歸即位之禮有關爲往年公出奔之故非言應即位之時公在外也齊小白陽生之徒皆出而復入經書其入僖公類之亦應書入往年公出復入不書諱之國內有亂致令公出不書公出復入諱國亂也國亂國之惡事諱國惡是禮也時史諱而不書仲尼因而不改嫌諱非禮故以禮居之 注掩惡至可也 正義曰坊記曰善則稱君過則稱己則民作忠善則稱親過則稱己則民作孝是掩惡揚善之義義存君與親也君親之惡務欲掩之是故聖賢作法通有諱例諱雖有例而事無定體或諱大不諱小或諱小不諱大皆當時臣子率己之意而爲之隱故無深淺常準隱十年公羊傳曰於外大惡書小惡不書於內大惡諱小惡書必如彼言是有常準歷檢春秋都無定例納暴惡於易田諱田而不諱鼎公入小於公出諱入而不諱孫是其無常準也既無常準隨諱深淺舊史有所辟諱聖賢因

而從之以通人事之理故容有掩惡之法釋例曰有時而聽之則可也正以為後法則不經故不奪其所諱亦不為之定制言若正為後法每事皆諱則為惡者無復忌憚居上者不知所懲不可盡令諱也人之所極唯君與親纔有小惡即發其短非復臣子之心全無愛敬之義是故不抑不勸有時聽之以為諱惡者禮也無隱者直也二者俱通以為世諸侯救邢實大夫而曰諸侯摠衆國之辭

疏

注實大至之辭正義曰

於例將卑師衆稱師三國並稱為師皆是大夫將也實大夫也而曰諸侯摠衆國之辭也桓五年蔡人衛人陳人從王伐鄭傳曰王以諸侯伐鄭彼亦大夫將摠衆國而稱諸侯也先儒以為此役諸侯身行故言此以異之邢人

潰出奔師

奔聶北之師也邢潰不書不告也

師遂逐狄人具

邢器用而遷之師無私焉

皆撰具遷之無所私取

疏

注皆

撰至私取正義曰邢人潰而奔師棄其家之器物師逐狄人爲之斂聚皆撰具以還邢人師人無所私取善齊桓委任得人用夏邢遷于夷儀諸侯城之救患兵嚴整也

也凡侯伯救患分災討罪禮也

侯伯州長也分穀帛

疏

注侯伯至穀帛正義曰此因齊侯發例齊侯之爲侯伯當是王之二伯此言州長必是九州之長但州牧於其竟內亦當救患討罪以州牧亦掌此事故言州長以包之有災害者分之財物知分者分穀帛也秋楚人

伐鄭鄭即齊故也盟于犂謀救鄭也

犂即樞也地有

二九月公敗邾師于偃虛丘之戌將歸者也

虛丘邾地邾人既送哀姜還齊人殺之因戌虛丘欲以侵魯公以義求齊齊送姜氏之喪邾人懼乃歸故公要而敗

之



注虛丘至敗之正義曰犂之盟也邾人在焉公既盟而敗其師傳不明言其故直云虛丘之戍不

知虛丘誰地何故戍之服虔云虛丘魯邑魯有亂邾使兵戍虛丘魯與邾無怨因兵將還要而敗之所以惡僖公也邾之於魯本無怨惡僖公奔邾則為之外主國亂則戍其內邑無故而敗其師亡信皆義莫斯之甚非僖公作頌之主所當行也杜以為不然故別為此說此說亦無所據要其理當然也案十二月夫人之喪始至此九月敗邾師而云以義求齊齊送姜氏之喪者夫人以七月薨公即求齊齊既許之邾聞許而將歸魯得許而敗邾師耳

冬

莒人來求賂

求還慶父之賂

公子友敗諸鄆獲莒子

之弟挈非卿也嘉獲之也

莒既不能為魯討慶父受魯之賂而又重

來其求無厭故嘉季友之獲而書之

公賜季友汶陽之田及費

汶陽

田汶水北地汶水出泰山萊蕪縣西入濟

疏

注汶陽至入濟

正義曰水北

水出泰山萊蕪縣西南經濟北至東平須昌縣入濟

夫人氏之喪至自齊

君子以齊人之殺哀姜也爲已甚矣女子

從人者也

言女子有三從之義在夫家
有罪非父母家所宜計也

經二年春王正月城楚丘

楚丘衛邑不言城衛衛未遷

疏

注楚丘至未遷

正義曰此決城郭也彼既遷訖乃爲城之不言城夷儀而言城郭郭已遷也此則先城楚丘將以

封衛言城楚丘不言城衛衛未遷也

夏五月辛巳葬我小君哀姜

無傳反哭成喪故稱小君例在定十五年

虞師晉師滅下陽

下陽號邑在河東大

陽縣晉於此始赴見
經滅例在襄十三年

秋九月齊侯宋公江人黃

人盟于貫

貫宋地梁國蒙縣西北有貫城貫與貫字相似江國在汝南安陽縣

疏

江人黃人正義曰公羊穀梁皆云江人黃人遠國之辭言其實是君也以其遠國降而稱入賈云江黃稱人刺不度德善鄰恃齊肯楚終爲楚所滅其意雖異皆以江人黃人爲國君親來赴以諸侯之貶不至稱人則此稱人者皆是其國之大夫耳齊桓威德稍盛遠國來服齊桓謙以接遠故與宋公會之冬十月不雨

傳在三年楚人侵鄭

傳二年春諸侯城楚丘而封衛焉

君死國滅故傳言封

疏

注君死至言封正義曰封者聚土之名也天子之建諸侯必分之土地立其疆界聚土爲封以記之故

建國謂之封國衛是舊國今云封者以其君死國滅更封建之故云封也

也諸侯既罷而魯後至諱不及期故以獨城為文晉荀息請以屈產之

乘與垂棘之璧假道於虞以伐虢荀息荀叔也屈

地生良馬垂棘出美玉故以為名四馬曰乘自晉適虢途出於虞故借道

過他邦至于竟使次介假道束帛將命于朝下大夫取以入告出許是禮過他國必假道也聘尚假道況乎伐國故

請以璧馬假借也穀梁傳曰借道乎虞公曰是吾寶也對曰若得

道於虞猶外府也公曰宮之奇存焉宮之奇虞

忠臣對曰宮之奇之為人也懦而不能彊諫

儒弱也

且少長於君君暱之雖諫將不聽

親而抑之

必輕其言

乃使荀息假道於虞曰冀爲不道入

自顛軫伐鄆三門

前是冀伐虞至鄆鄆虞邑河東大陽縣東共有顛軫坂

疏

注前是至軫坂

正義曰虞虞以爲冀爲不道伐鄆三門

謂冀伐晉也冀之既病亦唯君故謂虞助晉也將欲假道

稱前恩以誘之案傳荀息以寶假道公尚慮虞不許則晉

之於虞舊非與國若其嘗經助晉則是昔來通好何憂乎

不許而請進國之美寶尚畏官之奇諫乎故杜以爲冀自

伐虞虞自報冀以虞能報冀晉不能報號言已弱以示其

恥言虞彊以說其心

冀之既病則亦唯君故

言

此雖無文理必然也

報伐冀使病將欲假道故稱虞彊以說

其心冀國名平陽皮氏縣東北有冀亭

今虢爲不道

保於逆旅

逆旅客舍也號稍遣人分

依客舍以聚眾抄晉邊邑

王道旅三

義曰晉語云陽處父過甯舍於逆旅甯嬴氏知逆旅是客舍也逆迎也旅客也迎止賓客之處也保者固守之語知其分依客舍伺候抄晉邊邑既又入而保之觀其此語則號晉接鄰但向其都邑須過虞竟當以從彼詣號路遙山險易來難往故也

以侵敝邑之南鄙敢請假道以請

罪于號

問號伐已以何罪

虞公許之且請先伐號

喜

厚賂而欲求媚

宮之奇諫不聽遂起師夏晉里克

荀息帥師會虞師伐號滅下陽

晉猶主兵不信虞

疏

注晉猶至信虞

正義曰如傳之言直云會虞虞伐號未知誰爲兵主但下云先書虞賄故也若虞爲兵主

自當在先不須云先書虞也明晉實爲主而仲尼先書虞故知晉猶主兵不信虞也

先書虞賄

故也

虞非倡兵之首而先書之惡貪賄也

秋盟于貫服江黃也

江黃

楚與國也始來服齊故爲合諸侯

齊寺人貂始漏師于多魚

寺人內奄

官腎貂也多魚地名闕齊柄多嬖寵內則如夫人者六人外則幸腎貂易牙之等終以此亂國傳言貂於此始擅貴

寵漏洩桓公軍事爲齊亂張本

疏

注寺人至張本之屬有內小臣奄上士四人寺人王

正義曰周禮內宰

之正內五人內腎倍寺人之數寺人掌王之內人及女宮之戒令內腎掌內外之通令皆掌婦人之事是自內小臣以下皆用奄人爲官也鄭玄云腎未冠者之官名然則此人名貂勿童爲內腎之官以爲齊侯所寵後雖年長遂呼爲腎貂焉此時爲寺人之官故稱寺人貂也言漏師者漏泄師之密謀也漏師已是大罪此云始者言其終又甚焉

故言始以為虢公敗戎于桑田桑田虢地在弘農陝縣東北

晉十偃曰虢必亡矣亡下陽不懼而又有

功是天奪之鑒鑒所以自照而益其疾也驕則生疾

必易晉而不撫其民矣不可以五稔稔熟也為

下五年晉冬楚人伐鄭闕章囚鄭聃伯經書

滅虢張本侵傳言伐本以伐興權行侵掠為後年楚伐鄭鄭伯欲成張本

經三年春王正月不雨夏四月不雨一時不雨則書

首月傳例曰不疏注一時至為災正義曰一時不雨則書首月者解去冬今春也書首月

曰旱不為災

者皆竟時不雨次月不雨不復書也故夏四月不雨五月
不雨不復書六月得雨乃書之此由不雨日久方始追書
其事每時一書所以詳其文也不於去年冬十月及今年
正月不雨注必於夏四月不雨注者以下有六月雨既備
書則五月不雨亦應備書今唯云夏四月不雨故杜云二
時不雨則書首月以解五月不書不雨之意又二年自十
有二月不雨至于秋七月十三年自正月不雨至于秋七
月二者皆摠書不雨又不書得雨之月與此年書不雨文
異者穀梁傳曰一時言不雨者閔雨也閔雨者有志乎民
者也六月雨雨云者喜雨也喜雨者有志乎民者也文
二年傳曰歷時而言不雨文不憂雨也不憂雨者無志乎
民也言僖有憂民之志故每時一書文無憂民之志是以
歷時摠書賈逵取以爲說

徐人取舒

無傳徐國在下
邳僖縣東南舒

國今廬江舒縣勝國而不用

疏

注徐國至三年 正義
曰諸侯相滅亡者多是

土壤鄰接思啓封疆今檢杜注徐在下邳舒在鹽江相去甚遙而越竟滅國無傳無注不知所以襄十三年傳例曰凡書取言易也用大師焉曰滅然則滅之與取俱是絕其國家有其土地難則稱滅易則爲取釋例曰用大師起大衆重力以昭敵國而有之故曰勝國通以滅爲文也取者乘其衰亂或受其潰叛或用小師而不頓兵勞力則直言取如取如攜言其易也是勝

六月雨

示旱不竟夏

秋齊

侯宋公江人黃人會于陽穀

陽穀齊地在東平須昌縣北

冬公子友如齊涖盟

涖臨也

䟽

注涖臨也

正義曰公羊傳曰涖盟

者何往盟乎彼也來盟者何來盟于我也盟者殺牲歃血告誓神明人臨其上從我去者出我之意故言往彼臨視從外至者我共臨視故直舉其來 楚人伐鄭

傳三年春不雨夏六月雨自十月不雨至

于五月不曰旱不爲災也

周六月夏四月於
捲種五稼無損

秋

會于陽穀謀伐楚也

二年楚
侵鄭故

齊侯爲陽穀

之會來尋盟冬公子友如齊涖盟

公時不會
陽穀故齊

侯自陽穀遣人詰魯求尋盟
魯使上卿詣齊受盟謙也

楚人伐鄭鄭伯欲

成孔叔不可曰齊方勤我

孔叔鄭大夫
勤恤鄭難

弃德

不祥

祥善
也

齊侯與蔡姬乘舟于圉蕩公

蔡姬

齊侯夫人蕩搖也圉
死也蓋魚池在苑中

公懼變色禁之不可公怒

歸之未之絕也蔡人嫁之

為明年齊侵蔡傳

經四年春王正月公會齊侯宋公陳侯衛

侯鄭伯許男曹伯侵蔡蔡潰

民逃其上曰潰例在文三年

遂伐楚次于陘

遂兩事之辭楚彊齊欲綏之以德故不速進而次陘陘楚地潁川召

陵縣南有陘亭

疏

注遂兩事之辭逆王后于紀公羊傳曰遂者何生事也謂本

正義曰桓八年祭公來遂

無向紀之心至魯始生意也穀梁傳曰遂繼事之辭也此云兩事之辭謂既有上事復為下事不以本謀有心無心

為異也此齊侯先有伐楚之心因行而侵蔡耳三十年襄仲將聘于周遂初聘于晉桓十八年公將有行遂與姜氏

如齊如此之類本謀為二事也六年諸侯伐鄭楚人圍許諸侯遂救許莊十九年公子結媵陳人之婦于鄆遂及齊

侯宋公盟如此之類本無謀而因事便行也但是
兩事皆稱爲遂故曰兩事之辭不別本謀與否
夏許

男新臣卒

未同盟而赴以名

疏

許男新臣卒正義曰成十三年曹伯盧卒于師此

不言于師者穀梁傳曰諸侯死於國不地死於外地死於師何爲不地內扣師也注云齊桓威德洽著諸侯安之雖卒於外與其在國同賈逵云不言於師善會主加禮若卒於國左氏無此義釋例曰若卒于朝會或書師或書地者史之成文非義所存然則或言于師或不言于師亦是史有詳略無義例也注稱赴以名者公雖在軍死須相赴史得赴乃

楚屈完來盟于師盟于召陵

屈完楚大

夫也楚子遣完如師以觀齊屈完親齊之盛因而求盟故不稱使以完來盟爲文齊桓退舍以禮楚故盟召陵召陵

潁川縣也

疏

注屈完至縣也

正義曰公羊傳曰屈完者何楚大夫也何以不稱使尊屈完也曷爲尊屈完

以當桓公也其意言屈字楚之貴者尊之以敵齊侯若屈
字足以自專無假君命不爲楚子所使故作自來之文服
虔取以爲說案孔子曰君使臣以禮臣事君以忠此聖人
之明訓也今乃尊人之臣許其不爲君使輕人之主以爲
不合使臣是乃縱羣下次覲覲教彊臣以專恣約之以禮
豈當然乎故杜別爲此解楚子本使屈字如師以觀齊師
之彊弱彊則欲服弱則欲拒屈字觀齊之盛因則求盟盟
非楚子之意故不稱使以屈字自來盟爲文穀梁傳曰其
不言使權在屈字也是其權盟之宜自求與齊盟也字之
本意欲即盟於軍齊桓喜其來服退舍以禮楚言來盟于
師書屈字之意也盟于召陵書實盟之所也成二年齊侯使
國佐如師不言來而此言來者彼旣云如師不須稱來此
不言如師故云來耳此旣云來盟不復須言及屈字盟彼
無來盟之文故別言及國佐盟意異於此故文不同服虔
云言來者外楚也孺楚無罪言來以外之來者目外之文
非別罪之所在君以言來即爲罪楚則仲孫高子之來也

復外齊而罪之乎且惡楚者當惡其辟在蠻夷負齊人固不服不服之日容可外之服而又外欲何爲也

執陳轅濤塗

轅濤塗陳大夫

秋及江人黃人伐陳

受齊命討陳之罪而以與謀爲文者時

疏

注受齊至七年正義曰

直言及江黃者將思師少故不言主師言徼者及之宜七年傳例曰凡師出與謀曰及不與謀曰會而春秋征伐受命於盟主者實是與謀皆不言及釋例曰盟主之令則上行乎下非匹敵和成之類故雖或先謀皆從不與謀之例然則此伐陳者受齊之命討陳之罪亦是上行乎下而經書及者於時齊師不行使魯爲主魯與江黃謀之然後共伐故以與謀爲文

八月公至自伐楚

無傳告于廟

葬許穆

公冬十有二月公孫茲帥師會齊人宋人

衛人鄭人許人曹人侵陳

公孫茲叔牙
子叔孫戴伯

傳四年春齊侯以諸侯之師侵蔡蔡潰遂

伐楚楚子使與師言曰君處北海寡人處

南海唯是風馬牛不相及也

楚界猶未至南海
因齊處北海遂稱

所近牛馬風逸蓋末
界之微事故以取喻

疏

注楚界至取喻
三年傳稱楚子囊述共王之德

正義曰襄十

撫有變夷奄征南海唯言征南海耳其竟未必至南海也
因齊實處北海遂稱所近言其相去遠也服虔云風放也
牡牡相誘謂之風尚書稱馬牛其風此言風馬牛謂馬牛
風逸牡牡相誘蓋是末界之微事言此事不相及故以取
喻不相
干也
不虞君之涉吾地也何故管仲對

曰昔召康公命我先君大公

召康公周大保召公奭也

曰

五侯九伯女實征之以夾輔周室

五等諸侯九州之伯

皆得征討其罪齊桓因此命以夸楚

疏

召康公曰康

正義曰謚法安樂撫民注五等至夸楚

正義曰

大公爲王宮之伯得以王命征討天下隨罪所在各致其罰故五等諸侯九州之伯皆得征討其罪齊桓因大公有此王命言已上世先公得征討有罪所以夸楚也鄭玄以爲周之制每州以一侯爲牧二伯佐之九州有九侯十八伯大公爲東西大伯中分天下者當各統四侯半一侯不可分故言五侯其伯則各有九亨侯爲牧伯佐之言是周制其事無所出也且征者征其所統之國非征侯伯之身何當校計人數以充五九之言即如其言使伯佐牧二伯共佐治而已非是分州之半復安得征九伯也校數煩碎非復人情故先儒無同之者

賜我先

君履東至于海西至于河南至于穆陵北

至于無棣

穆陵無棣皆齊竟也履所踐履之界齊桓又因以自言其盛

疏

東至于海

西至于河 正義曰釋例曰海自遼西北平漁陽章武渤海樂陵樂安北海東萊城陽東海廣陵吳郡會稽十四郡之東界以東河出西平西南二千里從西平東北經金城故北地朔方五原至故雲中南經平陽河東之西界東經河東河內之南界東北經汲郡頓丘陽平平原樂陵之東南入海杜之此言據其當時之河耳禹貢導河積石至于龍門南至于華陰東至于底柱又東至于孟津東過洛汭至于大伾北過降水至于大陸又北播爲九河同爲逆河入于海案驗其地自大伾以上河道不改大伾以下即是汲郡以東河水東流秦漢以來始然也古之河道自大伾而北過降水故迹不可復知其大陸則趙地之廣澤也大陸以北播爲九河九河故道河間成平以南平原鬲縣以

北其九河者徒駭一大史二馬頰三覆釜四胡蘇五簡六
紫七鉤盤八鬲津九徒駭最西以次而東故鄭注禹貢河
間弓高縣往往有其處中候云齊桓霸過八流以自廣計
桓公之時齊之西竟當在九河之最西徒駭蓋是齊之西
界其東至于海當盡
樂安北界之東界也 爾貢包茅不入王祭不共

無以縮酒寡人是徵

包裹束也茅菁茅也束茅而灌之以酒爲縮酒尚書包匭

菁茅茅之爲異未審

疏

注包裹至未審正義曰禹貢荊州包匭菁茅孔安國云其所包裹而致者匭匣也

菁以爲菹茅以縮酒郊特牲云縮酌用茅鄭玄云沛之以茅縮去滓也周禮甸師祭祀共蕭茅鄭興云蕭字或爲菹菹讀爲縮束茅立之祭前沃酒其上酒滲下去若神飲之故謂之縮縮滲也故齊桓公責楚不貢包茅王祭不共無以縮酒杜用彼鄭興之說也孔安國以菁與茅別杜云茅菁茅則以菁茅爲一特令荊州貢茅必當異於餘處但更

無傳說故云茅之爲異未審也沈氏云大史公封禪書云江淮之間一茅三脊杜云未審者以三脊之茅比目之魚比翼之鳥皆是靈物不可常貢故杜云未審也

昭王南征而不復寡人

是問

昭王成王之孫南巡狩涉漢舡壞而溺周人諱而不赴諸侯不知其故故問之

疏

注昭王至

問之正義曰昭王成王之孫周本紀文也呂氏春秋季夏紀云周昭王親將征荆蠻辛餘靡長且多力爲王右還反涉漢梁敗王及祭公隕于漢中辛餘靡振王北濟反振祭公高誘注引此傳云昭王之不復君其問謂水濱由此言之昭王爲沒於漢立餘靡焉得振王北濟也振王爲虛誠如高誘之注又稱梁敗復非舡壞舊說皆言漢濱之人以膠膠舡故得水而壞昭王溺焉不知本出何書

對曰貢之不入寡君之

罪也敢不共給昭王之不復君其問諸水

濱

昭王時漢非楚竟故不受罪

疏

注昭王至受罪正義曰楚世家成王封熊繹於楚以子男之田

國居丹陽宋仲子云丹陽南郡枝江縣也枝江去漢其路甚遙昭王時漢非楚竟故不受罪也師進次

于陘

楚不服罪故復進師

夏楚子使屈完如師

如陘之師觀彊

師退次于召陵

字請盟故

齊侯陳諸侯之師

與屈完乘而觀之

乘共載

齊侯曰豈不穀是

為先君之好是繼與不穀同好如何

言諸侯之附從

非為己乃尋先君之好謙而自廣因求與楚同好孤寡不穀諸侯謙稱

疏

注言諸至謙稱正義曰諸侯之

交必稱先君以相接此時諸侯有魯宋陳衛鄭許曹桓公以前皆嘗與齊交接故齊侯稱繼先君之好謙以自廣也

老子曰孤寡不穀王侯之謙稱也曲禮云諸侯與民言自稱寡人庶方小侯自稱曰孤其在四夷雖大曰子於內自稱不穀禮記雖爲定例事在臨時所稱此齊侯自稱不穀襄王出奔亦稱不穀皆出自當時之意耳爾雅訓穀爲善穀是養人之物言我不似穀之養人是謙也 對曰君惠徼福於敝邑

之社稷辱收寡君寡君之願也齊侯曰以

此衆戰誰能禦之以此攻城何城不克對

曰君若以德綏諸侯誰敢不服君若以力

楚國方城以爲城漢水以爲池

方城山在南陽葉縣南以

言竟土之遠漢水出武都至江夏南入江言其險固以當城池

雖衆無所用之屈

宗及諸侯盟陳轅濤塗謂鄭申侯曰師出

於陳鄭之間國必甚病

申侯鄭大夫當有共給之費故

若出

於東方觀兵於東夷循海而歸其可也

東夷

郊莒徐夷也

觀兵示威

申侯曰善濤塗以告齊侯許之

許出東方

申侯見曰師老矣若出於東方而遇

敵懼不可用也若出於陳鄭之間共其資

糧扉屨其可也

扉草屨

疏

資糧扉屨

正義曰少儀云君將適他臣如致

金玉化貝於君則曰致馬資於有司鄭玄云資猶用也然則諸所費用之物皆爲資也糧謂米粟行道之食也扉屨

俱是在足之物善惡異名耳揚雄方言云屣屣屣也然作之曰屣麻作之曰屣不借粗者謂之屣喪服傳曰疏屣者屣屣通言耳相形以曉人也定本爲草屣

齊侯說

與之虎牢

還以鄭邑賜之

執轅濤塗秋伐陳討

不忠也

以濤塗爲誤軍道

許穆公卒于師葬之以侯

禮也

男而以侯禮加一等

凡諸侯薨于朝會加一等

諸侯命有三等公爲上等侯伯爲中等子男爲下等

死王事加二等

謂以死勤

王於是有所以褒斂

褒衣、服也謂加二等

疏

諸侯薨至二等正義曰

沈氏云朝會亦王事而別言死王事者謂因王事或戰陳而死故別其文也

冬叔孫戴伯

帥師會諸侯之師侵陳陳成歸轅濤塗

陳服

罪故歸其大夫戴謚也

初晉獻公欲以驪姬爲夫人卜

之不吉筮之吉

疏

卜之不吉筮之吉正義曰曲禮云卜筮不相襲鄭玄云卜不

吉則又筮筮不吉則又卜是瀆龜筮也晉獻公卜娶驪姬不吉公曰筮之是也如彼記文卜之不吉不合更筮但獻公既愛驪姬欲必尊其位故卜既不吉更令筮之異乎筮而得吉所以遂己心也詩云我龜既厭不我告猶鄭玄云卜筮數而瀆龜龜靈厭之不復告其所圖之吉凶由是貴瀆龜筮不復告之以實故終實不吉而筮稱其告是筮非不知而不以實告也周禮筮人云凡國之大事先筮而後卜鄭玄云當用卜者先筮之即事漸也於筮之凶則止不卜而傳稱桓公卜季友晉獻公卜驪姬晉文公卜納王趙鞅卜救鄭皆先卜而後筮者周禮言其正法耳春秋之世

臨時請問者或卜或筮出自當時之心不必皆先筮後卜
崔靈恩以爲國之大事先筮而後卜筮凶則止不卜者筮
必以三代之法若三法皆凶則止不卜若兩法是凶一法
爲吉名爲筮逆猶是疑限故更卜以決之則洪範筮逆龜
從是也故大卜掌三兆三易儀禮特牲少牢筮皆
旅占是筮有衆占之法則靈恩之說義亦可通 公曰

從筮卜人曰筮短龜長不如從長

物生而後有象象而

後有滋滋而後有數龜象筮數故象長數短

疏

注物生至數短 正義曰筮數以上皆十五年傳文象者

物初生之形數者物滋息之狀凡物皆先有形象乃有滋息是數從象生也龜以本象金木水火土之兆以示人故爲長筮以末數七八九六之策以示人故爲短周禮占人掌占龜鄭玄云占人亦占筮言掌占龜者筮短龜長主於長者亦用此傳爲說按易繫辭云著之德圓而神卦之德方以知神以知來知以藏往然則知來藏往是爲極妙雖

龜之長無以加此聖人演筮以爲易所知豈短於卜卜人欲令公舍筮從卜故云筮短龜長非是龜能實長杜欲成筮短龜長之意故引傳文以證之若至理而言卜筮實無長短

且其繇曰專之渝

攘公之瑜

繇卜兆辭渝變也攘除也瑜美也言變乃除公之美

一薰一蕕

十年尚猶有臭

薰香草猶臭草十年有臭言善易消惡難除

疏

專之至有

臭

正義曰言公若專心愛之公心必將改變變乃除公之美公先有美此人將除去之薰是香草猶是臭草一薰

一猶言分數正等使之相和雖積十年尚猶有臭氣香氣盡而臭氣存言善惡聚而多少敵善不能止惡而惡能消

善

注繇卜至之美

正義曰筮卦之辭亦名爲繇但此

是卜人之言知是卜兆辭也卜人舉此辭以止公則兆頌舊

有此辭非卜人始爲之也卜人言其辭而不言其意不知得何兆此義何所出也渝變攘除皆釋言文也釋畜云夏

羊牡羴牡殺則羴是羊之各美善之字皆從羊故羴爲美也變乃除公之美言公心必變而除公美也 注薰香至

難除

正義曰此傳之意言善惡相雜二字皆從草知是

香草臭草也月令五時各言其臭中央土云其臭香易繫辭云其臭如蘭傳稱在君之臭味則臭是氣之摠名元非善惡之稱但既謂善氣爲香故專以惡氣爲臭耳十是數之小成故舉以爲言焉十年香氣盡矣惡氣尚存言善易消而惡難滅也杜知舊是臭者內則云牛夜鳴則膺彼膺亦是臭義其字雖異其意亦同尚猶有臭猶則尚之義重言之耳猶尚書云弗遑暇食遑則暇也 必不

可弗聽立之生奚齊其娣生卓子及將立

奚齊既與中大夫成謀姬謂大子曰君夢

齊姜必速祭之

齊姜大子母言求食

大子祭于曲沃歸

胙于公

胙祭之酒曰

公田姬寘諸宮六日公至毒

而獻之

毒酒經宿輒敗而經六日明公之惑

公祭之地地墳與犬

犬斃與小臣小臣亦斃

疏

公田至亦斃正義曰晉語說此事云公

田驪姬受胙乃寘酖於酒寘堇於肉公至召申生獻公祭地地墳申生恐而出驪姬與犬肉犬斃飲小臣酒亦斃此傳既略當如國語也賈逵云堇烏頭也穀梁傳曰以酖為酒藥脯以毒注毒酒至之惑正義曰毒酒經宿便敗而公不怪其六日仍得如故明姬泣曰賊由太子公之惑於驪姬不以六日為怪也

太子奔新城

新城曲沃

公叔其傅杜原款或謂

太子子辭君必辯焉

以六日之狀自理

太子曰君非

姬氏居不安食不飽我辭姬必有罪君老

矣吾又不樂

吾自理則姬死姬死則君必不樂不樂為由吾也

曰子其

行乎太子曰君實不察其罪被此名也以

出人誰納我十二月戊申縊于新城姬遂

譖二公子曰皆知之重耳奔蒲蒲夷吾奔屈

二子時在朝為明年晉殺申生傳

經五年春晉侯殺其世子申生

稱晉侯惡用讒書春從告

疏

注稱晉至從告

正義曰公羊傳曰曷為直稱晉侯以殺殺世子母弟直稱君者甚之也言父子相殘惡

之甚者是惡甚用讒殺大子故斥言晉侯以罪之罪晉侯則申生無罪也傳稱晉侯使以殺大子申生之故來告實以去年死告稱今年殺故以今年書也釋例曰晉魯久不交使而告殺申生則所告不必嘗有王帛之使但欲廣聲其罪耳言廣聲其罪則晉侯謂讒言為實誣加大子以罪時史知其實改告而書之此傳不言書曰則是舊史然也

杞伯姬來朝其子

無傳伯姬來寧寧成風也朝其子者時子年在十歲左右因有

諸侯子得行朝義而卒不成

疏

注伯姬至其子正義曰伯姬未必是成風所

生但哀姜既死成風得為夫人縱非其母亦得歸寧也沈氏云伯姬以莊二十五年六月歸于杞假令後年生子則其年十四矣杜云十歲左右者以其從母言朝故云十歲左右也桓九年曹伯使世子射姑來朝是諸侯之子得有攝君之禮行朝之義但此子幼弱而卒不成朝故繫於母而曰朝其子也若其能行朝禮則世子當如射姑伯姬別

言來耳

夏公孫茲如牟

叔孫戴伯娶於牟卿非君命不越竟故奉公命聘於牟因

自爲

疏

注叔孫至爲逆十五年邾人牟人葛人來朝自爾以來更不朝

聘於魯魯不應使卿聘此小國當是叔孫聘妻已定但卿非君命不得越竟故咨公請使奉君命以聘因自爲逆婦

故傳稱娶焉明其因娶而聘

公及齊侯宋公陳侯衛侯鄭

伯許男曹伯會王世子于首止

而殊會尊之也首止衛地

惠王太子鄭也不名

陳留襄邑縣東南有首鄉

秋八月諸侯盟于首

止

間無異事復稱諸侯者王世子不盟故也王之世子尊與王同齊桓行霸翼戴天子尊崇王室故殊貴世子

疏

注間無至世子

正義曰公羊傳曰諸侯何以不序一事而再見者前目而後凡也言此諸侯還是上會

之諸侯故從省文不復序也昭十三年秋公會劉子晉侯云云于平丘八月甲戌同盟于平丘不言諸侯者爲間無異事故也九年夏公會宰周公齊侯云云于葵丘九月諸侯盟于葵丘言諸侯者爲其間有伯姬卒故也此會盟之間無他異事復稱諸侯者爲王世子不盟故也穀梁傳曰復舉諸侯何也尊王世子而不敢與盟也釋例曰未有臣而盟君臣而盟君是子可盟父故春秋王世子以下會諸侯者皆同會而不同盟是解復言諸侯者見王世子不與盟也王世子者王之儲副周禮膳夫掌養王及后世子歲終則會唯王及后世子之膳不會是其尊與王同也齊桓行霸翼戴天子尊崇王室故殊貴王之世子於會則歷序諸侯言會王世子則王世子不序諸侯之列也盟則諸侯自盟世子不與是殊貴世子也

鄭伯逃歸不盟

逃其師而歸也
逃例在文三年

疏

注逃其至三年正義曰禮君行師從卿行旅從雖則會盟必有師旅鄭伯棄其師衆輕身逃歸釋例曰

國君而逃師棄盟違其典儀棄其章服羣臣不知其謀杜
稷不保其安此與匹夫逃竄無異故例在上曰逃是言稱
逃之意也逃在盟前辟盟而逃故云逃
歸不盟公還先告會盟故後書鄭伯
楚人滅弦弦

子奔黃

弦國在弋陽
縣東南

九月戊申朔日有食之

無冬晉人執虞公

虞公貪璧馬之寶距絕忠諫稱
人以執同於無道於其民之例

例在成十五年所以罪虞且言易也晉侯脩虞
之祀而歸其職貢於王故不以滅同姓為譏

疏

注虞
公至

為譏正義曰書晉人執虞公則從無道於民之例虞公
於傳六有不道之狀但虞公貪璧馬之寶拒絕忠諫諫者
所以安存社稷祐下民志在貪寶無恤民之意即為不
道於民是故以人以執之也實是滅其國而言執其君者
所以罪虞公且言執之易釋例曰虞公昧於貨賄貪以自
亡國非其國臣非其臣晉人取之若執一夫故稱人以執

而不言滅罪言言易也二十五年衛侯燬滅邢傳曰同姓也故名者晉之同姓不言晉侯名者傳稱晉侯脩虞祀且歸其歲於王是之故不以滅同姓為歲謂不書晉侯名也

傳五年春王正月辛亥朔日南至

周正月今十一月冬

至之日日南極公既視朝遂登觀臺以望而書禮也

視朝親告朝也觀臺臺上構屋可以遠觀者也朝旦冬至歷數之所始治歷者因此則可以明其術數審別陰陽叙事訓民魯君不能常脩此禮故善公之得禮凡分至啓閉必書雲物

秋分也至冬夏至也啓立春立夏閏立秋立冬雲物氣色災變也傳重申周典不言公者日官掌其職

為

備故也

素察妖祥逆為之備

疏

辛亥至備故也正義曰辛亥朔者月一日也日南至者冬至

日也天子班朔於諸侯諸侯受而藏之於太祖廟每月之朔告廟受而行之諸侯有觀臺所以望氣祥也公既親自行此視朔之禮遂以其日往登觀臺之上以瞻望雲及物之氣色而書其所見之物是禮也凡春秋分冬夏至立春立夏爲啓立秋立冬爲閉用此八節之日必登觀臺書其所見雲物氣色若有雲物變異則是歲之妖祥既見其事後必有驗書之者爲豫備故也視朔者月朔之禮也登臺者至日之禮也公常以一日視朔至日登臺但此朔即是至日故視朔而遂登臺也注周正至南極正義曰日之行天有南有北常立八尺之表以候景之短長夏至之景尺有五寸日最長而景最短是謂日北至也自是以後日稍近南冬至之景一丈三尺日最短而景最長是謂日南至也冬至者十一月之中氣中氣者月半之氣也月朔而已得中氣是必前月閏閏前之月則中氣在晦閏後之月則中氣在朔閏者聚殘餘分之月其月無中氣半屬前月半屬後月是去年閏十二月十六日已得此年正月朔

大雪節故此正月朔得冬至也而杜長歷傳元年閏十一月此年閏十二月又閏之相去歷家大率三十二月耳杜於此閏相去凡五十月不與歷數同者杜推勘春秋日月上下置閏或稀或概自準春秋時法故不與常歷同 注視朔至得禮正義曰視朔者公親告廟受朔即聽視此朔之政是其親告朔也禮天子曰靈臺諸侯曰觀臺釋宮云四方而高曰臺臺上構屋可以遠觀望故謂之觀臺也古之爲歷者皆舉其大數周年有三百六十五日四分日之一分爲十二月則一月各有三十日十六分日之七是故從前月初節至後月初節必三十日有餘也其日月之行天也日行遲月行疾每二十九日過半而月及日謂之一月故從朔至朔唯二十九日過半耳計一歲則有餘十一日而不得周年故作閏月以補之計十九年而有七閏古歷十九年爲一章以其閏餘盡故也步歷之始以朔旦冬至爲首歷之上元其年是十一月朔旦冬至至十九年閏餘盡復得十一月朔旦冬至故以十九年爲一章積章成

部積部成紀治歷者以此章部爲法因此可以明其術數推之而知氣朔也審別陰陽寒暑不失其時也所以陳敘時事教訓下民魯君不能常脩此事故善公之得禮也注分春至其職正義曰一年分爲四時時皆九十餘日春之半秋之半晝夜長短等晝夜中分百刻故春秋之半稱春秋分也冬之半夏之半晝夜長短極極訓爲至故冬夏之半稱冬夏至也四時之氣寒暑不同春夏生物秋冬殺物生物則當啓殺物則當閉故立春立夏爲啓立秋立冬爲閉言物謂氣色者謂非雲而別有氣色杜恐與雲相亂故別云氣色也周禮保章氏以五雲之物辨吉凶水旱降豐荒之祲象鄭玄云物色也視日旁雲氣之色降下也知水旱所下之國鄭衆云以二至二分觀雲色青爲蟲白爲喪赤爲兵荒黑爲水黃爲豐衆之此言蓋出占候之書計雲氣之占不啻盡此而已但出絕其學故莫能知焉左傳諸所發凡皆是周之舊典旣言禮也更復發凡是重申周典也直言必書雲物不更云是日官掌其職非公所

當親也劉炫規云書雲物亦是親爲之但上文有公既視朝故下文去公字耳今刪定知不然者上言公既視朝是傳家之語下文必書雲物是周公舊凡舊凡之文包諸侯天子若諸侯稱公書雲物則天子當稱王書雲物是知舊凡元無王公之文日官掌其事若以上文有公既視朝故去公字然則周公舊凡豈豫知有公既視朝沒去公字乎荀生異見妄規杜氏非也

晉侯使以殺太子申生之故

來告

釋經必須告乃書

初晉侯使士蒍爲二公子築

蒲與屈不慎寘薪焉

不謹

疏

注不謹慎正義曰不謹慎所爲多寘

薪於中焉若今樅木

夷吾訴之公使讓之

諫讓

士蒍稽

首而對曰疏

七蒍稽首

正義曰周禮大祝辨九拜一曰稽首二曰頓首三曰空首鄭玄云

稽首拜頭至地也頓首拜頭叩地也空首拜頭至手所謂拜手也鄭唯解此三者拜之形容所以爲異也稽首頭至地頭下緩至地也頓首頭不至地暫一叩之而已尚書母稱拜手稽首者初爲拜頭至手乃復申頭以至地至手是爲拜手至地乃爲稽首然則凡爲稽首者皆先爲拜手乃成稽首故尚書拜手稽首連言之傳雖不言拜手當亦先爲拜手乃爲稽首稽首拜手共成一拜之禮此其爲敬之極故臣於君乃然孔安國以爲盡禮致敬知此是禮之極盡也大祝九拜云四曰振動五曰吉拜六曰凶拜七曰奇拜八曰褒拜九曰肅拜鄭玄云振動戰栗變動之拜吉拜拜而後稽顙謂齊衰不杖以下者凶拜稽顙而後拜謂三年服者奇拜謂一拜荅臣下拜褒拜再拜拜神與尸肅拜今時禮也介者不拜說者又以爲稽首臣拜君也頓首謂敵者相拜也空手謂君荅臣拜也臣聞之

無喪而感憂必讎焉

讎猶對也

無戎而城讎必

保焉

保而守之

寇讎之保又何慎焉守官廢

命不敬固讎之保不忠失忠與敬何以

事君詩云懷德惟寧宗子惟城

詩大雅懷德以安則

宗子之固若城

疏

詩云至惟城和也寧安也

正義曰詩大雅板之七章懷撫民則其國唯安矣

但能以德安國則宗子之固若城

君其脩德而固宗子何城如

之

言城不如固宗子

三年將尋師焉焉用慎

尋用也

退

而賦曰狐裘尫茸一國三公吾誰適從

士

自作詩也尫茸亂貌公與三公子為三言城不堅則為公子所訴為公所讓堅之則為固讎不忠無以事君故不知

所及難公使寺人披伐蒲重耳曰君父之

命不校乃徇曰校者吾讎也踰垣而走披

斬其祛遂出奔翟

祛袂也

疏

注祛袂也正義曰禮深衣記云袂之長

短反詘之及肘喪服云袂屬幅祛尺二寸幅謂衣之身也

袂屬於幅長於手反屈至肘則從幅盡於袖口揔名爲袂

其袂近口又別名爲祛此斬其祛斬其袖之末也詩唐風

燕裘傳云祛袂末鄭玄玉藻注云祛袂口也但祛是揔名

得以袂表祛故云祛袂

會于首止會王太子鄭謀寧周也

惠王以惠后故

將廢太子而立王子帶故香

疏

注意王三子皆位正義曰二十四年傳曰

不穀不德得罪于母氏之寵子帶書曰天三出居于鄭辟
母弟之難也如彼傳文則襄王與子帶俱是惠后所生但
其母鍾愛其少子故欲廢太子而立之周本至云襄王母
早死後母曰惠后生叔帶與傳不同史記繆也七年惠王
崩襄王畏子帶不敢發喪知此時有廢太子之意故齊相帥諸侯會太子定其位安王國也

陳轅宣

仲怨鄭申侯之反已於召陵

宣轅轅
潯塗

故勸

之城其賜邑

齊桓所
賜虎牢

曰美城之大名也子

孫不忘吾助子請乃爲之請於諸侯而城

之美

樓櫓之
備美設

遂譖諸鄭伯曰美城其賜邑

將以叛也申侯由是得罪

爲七年鄭
殺申侯傳

秋諸

侯盟王使周公召鄭伯曰吾撫女以從楚

輔之以晉可以少安

周公宰孔也王恨齊桓定大子之位故召鄭伯使叛齊也

晉楚不服於齊故以鎮安鄭

鄭伯喜於王命而懼其不朝

於齊也故逃歸不盟孔叔止之曰國君不

可以輕輕則失親

孔叔鄭大夫親黨援也

失親患必至

病而乞盟所喪多矣君必悔之弗聽逃其

師而歸楚鬪穀於菟滅弦弦子奔黃於是

江黃道柘方睦於齊皆弦姻也

姻外親也道國在汝南安

陽縣南栢國名汝
南西平縣有栢亭

弦子恃之而不事楚又不設

備故亡晉侯復假道於虞以伐虢宮之

竒諫曰虢虞之表也虢亡虞必從之晉

不可啓寇不可翫

翫習也

一之謂甚其可再

乎

爲二年假晉道滅下陽

諺所謂輔車相依脣亡齒

寒者其虞虢之謂也

輔頰輔車牙車

疏

注輔頰輔車牙車正義

曰易咸卦上九咸其輔頰舌三者並言則各爲一物廣雅云輔頰也則輔頰爲一釋名曰頤或曰輔車其骨彊可以輔持其口或謂牙車牙所載也或謂頤車也衛風碩人云巧笑倩兮毛傳云好口輔也如此諸文牙車頤車牙下骨

之名也類之與輔口旁肌之名也蓋輔車一處
分為二名耳輔為外表車是內骨故云相依也
公曰晉

吾宗也豈害我哉對曰大伯虞仲大王之

昭也大伯不從是以不嗣
大伯虞仲皆大王之子不從父命俱讓適

吳仲雍支子別封西吳虞公其後也穆生昭
昭生穆以世次計故大伯虞仲於周為昭號仲號

叔王季之穆也
王季者大伯虞仲之母弟也號仲號叔王季之子文王之母弟也仲

叔皆號疏
注王季至君字正義曰大伯虞仲辟季歷適荆蠻若有適庶不須相辟知其皆同母也

周本紀云古公有長子曰大伯次曰虞仲大姜生季歷如史記之文似王季與大伯別母馬遷之言疏繆耳此言號

仲號叔王季之穆國語稱文王敬友二號故亦以為文王母弟母弟之言事無所出仲叔皆文王之時號君字也據

傳文鄭滅一虢晉滅一虢不知誰是仲後誰是叔後賈逵云虢仲封東虢制是也虢叔封西虢虢公是也馬融云虢叔同母弟虢仲異母弟虢仲封下陽虢叔封上陽案傳上陽下陽同是虢國之邑不得分封二人也若二虢共處鄭復安得虢國而滅之雖賈之言亦無明證各以意斷不可審知

爲文王卿士勲在

王室藏於盟府

盟府司盟之官

疏

注盟府司盟之官正義曰周禮司盟掌

盟載之法會同則掌其盟約之載既盟則貳之鄭玄云貳之者寫副當以授六官唯言會同之盟不掌勲功之事而得有二虢之勲藏在盟府者凡諸侯初受封爵必有盟誓之言檀弓云衛大史柳莊死公與之邑襄氏與縣潘氏書而納諸棺曰世世萬子孫毋變也其言即盟誓之辭也漢書功臣侯表記高祖即位八載天下乃平始論功而定封侯者一百四十三人封爵之誓曰使黃河如帶泰山若礪國以永存爰及苗裔其誓即盟之類事必有因於古明知

以勲受封必有盟要其辭當藏於司盟之府也

將號是滅何愛於虞且

虞能親於栢莊乎其愛之也

疏

其愛之也正義曰愛

之謂愛虞也虞豈能親於栢莊乎其當愛此虞也服虔其作甚注云愛之甚當謂愛栢莊之族甚也愛之若甚何以誅之且文勢不順又栢莊之族何罪而以為戮改字失真繆之甚也

不唯偏乎

栢叔莊伯之族晉獻公之從祖昆弟

親

以寵偏猶尚害之況以國乎

疏

注栢叔至五年正

義曰莊伯之族從父昆弟也栢叔之族從祖昆弟也唯言從祖昆弟舉疎者而略言耳

公曰吾享

祀豐粢神必據我

按猶

對曰臣聞之鬼神

非人實親惟德是依故周書曰皇天無親

惟德是輔

周書逸書

又曰黍稷非馨明德惟馨

馨香之遠聞

又曰民不易物惟德馨物

黍稷性玉無德則不

見饗有德則見饗

言物一而異用

疏

周書至繫物

正義曰皇天無親惟德是輔蔡仲之命文也黍稷非

馨明德惟馨君陳文也人不異物惟德其物旅葵文也杜不見古文故以爲逸書此傳與書異者其作繫師授不同字改易耳其意亦不異也民不易物者設有二人俱以物祭其祭相似不改易此物唯有德者繫此乃是物無德而薦神所不享則此物不是物也如是則非德民不和神不享矣

神所馮依將在德矣若晉取虞而明德以

薦馨香神其吐之乎弗聽許晉使宮之奇

以其族行

行去也

曰虞不臘矣

臘歲終祭衆神之名

疏

以其族行

正義曰晉語云宮之奇諫而不聽出謂其子曰將亡矣吾不去懼及焉以其帑適西山韋昭云西山

國西界也虞不臘矣正義曰月令孟冬臘門闕及先祖五祀臘之見於傳記者唯月令與此二文而已秦本紀

惠王十二年初臘始皇三十一年更改臘曰嘉平蔡邕獨斷

云臘者歲終大祭縱吏民宴飲非迎氣故但送不迎應劭風

俗通云案禮傳夏曰嘉平殷曰清祀周曰大蜡漢改曰臘臘者

獵也田獵取獸祭先祖也此言虞不臘矣明當時有臘祭

周時臘與大蜡各爲一祭言

漢改曰臘不蜡而爲臘耳

在此行也晉不更舉

矣

不更舉兵

八月甲午晉侯圍上陽

上陽虢國都在弘農陝縣

東問於卜偃曰吾其濟乎對曰克之公曰

何時對曰童謠云丙之辰龍尾伏辰

龍尾星

也日月之會曰辰日在尾故尾星伏不見

均服振振取虢之旂

戎事上下同服振振

盛貌旂軍之旌旗

鶉之賁賁天策焞焞火中成軍

虢公其奔

鶉鶉火星也賁賁鳥星之體也天策傳說星時近日星微焞焞無光耀也言丙子平

旦鶉火中軍事有成功也此已上皆童謠言也童亂之子未有念慮之感而會成嬖戲之言似若有馮者其言或中或否博覽之士能懼思之人兼而志之以爲鑒戒以爲將來之驗有益於世教其九月十月

之交乎

以星驗推之知九月十月之交謂夏之九月十月也交晦朔交會

丙子旦

日在尾月在策

是夜日月合朔於尾月行疾故至旦而過在策 鶉火中

必是時也

疏

童謠至時也 正義曰釋樂云徒歌謂之謠言無樂而空歌其聲道遙然也於

時有童釋之子爲此謠歌之辭故卜偃取以對公也夜之向明爲晨日月聚會爲辰星宿不見爲伏言乙日夜半之後丙日將旦之時龍尾之星伏在合辰之下當是之時軍人上下均同其服振振然而盛旂者晉軍旂也而往取虢故云取虢之旂南方鶉鳥之星其體貴貴然見於南方天策之星近日煇煇然無光耀甚微也鶉火之次正中於南方爾時其當成軍事也虢公其當奔走也旣引童謠之言乃復指其時日在夏之九月十月之交乎謂九月十月晦朔之交也十月朔丙子之日平旦時日體在尾星月在天策星鶉火正中於南方必是時克之 注龍尾至不見正義曰東方七宿皆爲蒼龍之宿其龍南首北尾角是龍角尾即龍尾故云龍尾尾星也日月之會爲辰昭七年傳

文於時日體在尾尾星與日同處共日俱出入故常伏不見也丙之晨者說文云晨早昧爽也謂夜將旦雞鳴時也注戎事上下同服正義曰周禮司服職云凡兵事韋弁服鄭玄云韋弁以韎韋爲弁又以爲衣裳今時五伯緹衣古兵服之遺色然則在兵之服皆韋弁均服者謂兵戎之事貴賤上下均同此服也注鶉鶉至世教正義曰南方七宿皆爲朱鳥之宿其鳥西首東尾故未爲鶉首午爲鶉火巳爲鶉尾鶉火星者謂柳星張也天策傳說星史記天官書之文莊子云傳說得之以騎箕尾傳說殷高宗之相死而託神於此星故名爲傳說星也傳說之星在尾之末合朔在尾故其星近日星微焯焯然無光耀也說文云齒毀齒也男八月齒生八歲而齒女七月齒生七歲而齒童齒之子未有念慮之感不解自爲文辭而羣聚集會成此嬉遊遊戲之言其言韻而有理似若有神馮之者其言或中或否不可常用博覽之士及能懼思之人兼而志之以爲鑒戒以爲將來之驗有益於世教故書傳時有采用之

者文三年傳曰孟明之臣也其不解也能懼思也能懼思之人謂孟明之類也

注是夜至在策正義曰以三統

歷推之此夜是月小餘盡夜半合朔在尾十四度從乙夜半至平旦日行四分度之一月行三度有餘故丙子旦日在尾星月在天策鶉火之次正中也月令孟冬之月日在尾昏危中旦七星中七星則鶉火次之星也

冬

十二月丙子朔晉滅虢虢公醜奔京師

不書

不告也周十二月夏之十月師還館于虞遂襲虞滅之

執虞公及其大夫井伯以媵秦穆姬

秦穆姬晉

獻公女送女曰媵以屈辱之而脩虞祀且歸其職貢於王

虞所

命祀故書曰晉人執虞公罪虞且言易也

疏

注虞所命祀 正義曰虞受王所命之祀謂天子命
虞使祀其竟內山川之神也既滅其國故代虞祭之

經六年春王正月夏公會齊侯宋公陳侯

衛侯曹伯伐鄭圍新城

新城鄭新密
今滎陽密縣

秋楚人

圍許

楚子不親圍
以圍者告

諸侯遂救許

皆伐鄭之諸侯
故不復更叙

冬公至自伐鄭

無傳

疏

公至自伐鄭

正義曰二
十八年公會晉侯云云于

溫諸侯遂圍許二十九年公至自圍許此年會伐鄭遂救
許不稱至自救許而云至自伐鄭與溫會反者釋例曰諸
若此類事勢相接或以始致或以終致蓋時史之異也此
事當由公至自告廟所告不同史依告而書不爲義例

傳六年春晉侯使賈華伐屈夷吾不能守

盟而行

賈華晉大夫非不欲效力不能守言不如重耳之賢

將奔狄邵芮

曰後出同走罪也

嫌與重耳同謀而相隨

不如之梁梁

近秦而幸焉乃之梁

以梁為秦所親幸秦既大國且穆姬在焉故欲因以求入

夏諸侯伐鄭以其逃首止之盟故也

首止盟在五年

圍新密鄭所以不時城也

實新密而經言新城者鄭以非時興土功

齊桓聲其罪以告諸侯

疏

注實新至諸侯人新築密邑故傳稱新密經不稱圍新

正義曰密是邑名鄭

密言圍新城傳云鄭所以不時城也解經言新城之意鄭以非時築城違違害民齊桓聲其罪以告諸侯故書新城以新城為鄭之罪狀劉炫云元王之制諸侯無故不造城造城則攻其所造司馬法曰庄城攻其所產是也

秋

楚子圍許以救鄭諸侯救許乃還冬蔡穆

侯將許僖公以見楚子於武城

楚子退舍武城猶有忿志

而諸侯各罷兵故蔡侯將許君歸楚武城楚地在南陽宛縣北

許男面縛銜壁大

夫衰經士輿觀

縛手於後唯見其面以壁爲質手縛故銜之懸棺也將受死故衰經

楚子問諸逢伯

逢伯楚大夫

對曰昔武王克殷

微子啓如是

微子啓紂庶兄宋之祖也



正義曰宋宋世家

云微子開者殷帝乙之首子而帝紂之庶兄周武王克殷微子乃持其祭器造於軍門肉袒面縛左牽羊右把茅膝行而前以告於是武王乃釋微子復其位成王誅武庚乃命微子代殷之後國於宋史記之言多有錯謬微子子縛

於後故以口銜璧又焉得系
羊把茅也此皆馬遷之妄耳武王親釋其縛受

其璧而被之被除凶之禮焚其櫬禮而命之使

復其所楚子從之疏
注被除凶之禮正義曰周禮女巫掌歲時被除謂

之被除明是除凶之禮也襄二十九年稱公臨楚喪使巫以挑荊先被殯此亦當以挑荊被之

經十年春齊人伐鄭夏小邾子來朝無傳

來始得王命而來朝也鄭殺其大夫申侯申侯鄭卿專利

而不厭故稱名以殺罪之也例在文六年秋七月公會齊侯宋公陳

世子款鄭世子華盟寧母
高平方與縣東有泥母亭音如

密

曹伯班卒

無傳五年曰盟于首止

公子友如齊

無傳罷盟

而聘謝不敏也

冬葬曹昭公

無傳

傳七年春齊人伐鄭孔叔言於鄭伯曰諺

有之曰心則不競何憚於病

競疆也憚難也

既不

能疆又不能弱所以斃也國危矣請下齊

以救國公曰吾知其所由來矣姑少待我

欲以巾

疏

心則至於病正義曰競疆也言心則不能疆盛則當須屈服於人何得難於屈服之

病而不下齊

吾知其所由來矣

正義曰孔叔既請鄭伯下齊公初欲下齊不知何事而來得說於齊後更云吾

知其說齊所由來矣謂由殺申侯說齊之事得來矣對曰朝不及夕何以

待君夏鄭殺申侯以說于齊且用陳轅濤

塗之譖也

濤塗譖在五年

初申侯申出也

姊妹之子為出

有

寵於楚文王文王將死與之璧使行曰唯

我知女女專利而不厭予取予求不女疵

瑕也

從我取從我求我不以女為罪

後之人將求多於女

謂嗣君也求多以禮義大望責之

女必不免我死女必速行無

適小國將不女容焉

政狹法峻

既葬出奔鄭又

有寵於厲公子文聞其死也曰古人有言
曰知臣莫若君弗可改也已秋盟于甯母
謀鄭故也管仲言於齊侯曰臣聞之招攜
以禮懷遠以德攜離也德禮不易無人不懷

齊侯脩禮於諸侯諸侯官受方物

諸侯官司各於

齊受其方所當

疏

注諸侯至之物人云侯服貢祀物甸服貢蠙物男服

正義曰周禮大行

貢天子之物

貢器物采服貢服物衛服貢材物要服貢貨物鄭玄云祀
貢者犧牲之屬蠙物魚也器物尊彝之屬服物玄纁絺
纈也材物八材也貨物龜貝也如彼禮文諸侯所貢之物
皆以服數爲差尚書禹貢任土作貢皆貢土地所生不計

路之遠近然則周禮雖依服數亦貢土地所生不宜遠求
他方之物以貢王也王室盛明之時每國貢有常職天子
既衰諸侯情慢貢賦之事無復定準故霸主惣帥諸侯尊
崇天子量其國之大小號令所出之物傳言諸侯各使官
司取齊約束受其方所當貢天子之物

言其一聽齊令美齊侯能以禮服諸侯

鄭伯使太子

華聽命於會言於齊侯曰洩氏孔氏子人

氏三族實違君命

三族鄭大夫

君若去之以爲

成我以鄭爲內臣君亦無所不利焉

以鄭事齊

如封內臣

齊侯將許之管仲曰君以禮與信屬

諸侯而以姦終之無乃不可乎子父不奸

之謂禮守命其時之謂信

守君命共時事

違此二

者姦莫大焉公曰諸侯有討於鄭未捷今

苟有釁從之不亦可乎

子華犯父命是其釁陳

對曰

君若紘之以德加之以訓辭而帥諸侯以

討鄭鄭將覆亡之不暇豈敢不懼若憖其

罪人以臨之

憖將領也子華好父之命即罪人

鄭有辭矣何懼

以大義爲辭

且夫合諸侯以崇德也會而列姦何

以示後嗣

列姦用子華

疏

注列姦用子華正義曰經書齊侯宋公陳世子款鄭世

子華盟于甯母則已列於會矣管仲方云會而列茲何以
示後嗣者桓公列之於會直是列其身耳管仲言列茲者
謂將用其茲謀故杜云列茲用子華也不受子華之請即
是會不列茲他國無事可記齊史無所可隱故下句言他
國記茲則廢君盟齊

史隱諱則損盛德也

夫諸侯之會其德刑禮

義無國不記記茲之位

位會位也子華為茲人而列在會位將為諸侯

所記君盟替矣

替廢也

作而不記非盛德也

君舉必書雖復齊史隱諱亦損盛德

君其勿許鄭必受盟夫子

華既為太子而求介於大國以弱其國亦

必不免

介因也

鄭有叔詹堵叔師叔三良為

政未可閒也齊侯辭焉子華由是得罪於

鄭冬鄭伯使請盟于齊

以齊侯不聽子華故

閏月惠

王崩襄王惡大叔帶之難

襄王惠王太子鄭也大叔帶襄王弟

惠后之子也有寵於惠后惠后欲立之未及而卒

懼不立不發喪而告

難于齊

為八年盟兆傳

經八年春王正月公會王人齊侯宋公衛

侯許男曹伯陳世子款盟于洮

王人與諸侯盟不譏者王

室有難故洮昔地

疏

注王人至曹地正義曰公羊傳曰王人微者曷為序乎諸侯之上先王命也穀梁

傳曰王人之先諸侯何也貴王命也弁冕雖重必加於首
周室雖衰必先諸侯釋例以爲中士稱名下士稱人此言
王人是天子之下士也諸侯相與爲盟所以同彛王室天
子之臣不與諸侯共盟釋例曰未有臣而盟君臣而盟君
是子可盟父故春秋王世子以下會諸侯者皆同會而不
同盟是言王臣正法不與諸侯盟也二十八年踐土之盟
傳稱王子虎盟諸侯于王庭杜云王子虎臨盟不同歆故
不書宣七年傳曰諸侯盟于黑壤王叔桓公臨之以謀不
睦杜云王叔桓公銜天子之命以監臨諸侯不同歆尊卑
之別也哀十三年傳曰公會單平公晉定公吳夫差于黃
池杜云平公周卿士也不書尊之不與會此三者王臣皆
不與盟是其正法然也若天子初立王室不安命臣使結
盟諸侯以安王室雖非正法事勢宜然旣無褒美亦無貶
責此王人與諸侯盟不譏者王室有難王勅使來盟故也
文十年及蘇子盟于女栗傳曰頃王立故也襄三年公會
單子晉侯云云盟于雞澤杜云周靈王新即位使王官伯

出與諸侯盟以安王室皆事與此同以情義可許故都無貶責二十九年翟泉之盟於時諸侯輯睦王室無虞而王子虎下盟列國以瀆大典故貶稱王人是依禮不合故據法貶之春秋王臣與諸侯會盟凡十有餘事譏與不譏皆從此

鄭伯乞盟

新服未與會故不序列別言乞盟

疏

注新服至乞盟正義曰

鄭伯往年使子華聽命心猶未服齊桓拒子華之請故今始服從齊桓以其新服尚未與之會故不序列而別言乞盟止言乞盟不知與盟以否傳稱鄭伯乞盟請服也既言請服義無不受當是既盟之後而別與之盟諸言乞師皆乞得其師知此乞盟亦乞得其

夏狄伐晉秋七月

禘于大廟用致夫人

禘三年大祭之名大廟周公廟致者致新死之主於廟而

列之昭穆夫人淫而與殺不薨於寢於禮不應致故僖公疑其禮歷三禘今果行之嫌異常故書之

疏

注禘

三至書之 正義曰釋天云禘大祭也言其大於四時之祭故爲三年大祭之名言每積三年而一爲此祭也大廟廟之大者故爲周公廟釋例曰三年喪畢致新死之主以進於廟廟之遠主當遷入祧於是乃大祭於大廟以審定昭穆謂之禘是說致者致新死之主於廟而列之昭穆也此致致哀姜也哀姜薨已多年非復新死而於今始致者傳發凡例夫人不薨于寢則不致哀姜例不應致故僖公疑其禮喪畢之日不作禘祭之禮以致之既不爲哀姜作喪畢禘祭其禘自從閔公數之二年除閔喪爲禘至五年復禘今八年復禘姜死以來已歷三禘今因禘祭果復行之三年一禘禘自是常不爲夫人禘祭因禘而致夫人嫌其異於常禮故史官書之若其不致夫人則此禘得常不書爲用致夫人而書之耳 冬十有二月丁未天王崩 實以前年閏月崩以今年十二月丁未告

傳八年春盟于洮謀王室也鄭伯乞盟請

服也襄王定位而後發喪

王人會洮還而後王位定

晉里

克帥師梁由靡御虢射爲右以敗狄于采

桑

傳言前年事也平陽北屈縣西南有采桑津

梁由靡曰狄無恥從

之必大克

不恥走故可逐

里克曰懼之而已無速

衆狄

恐怨深而羣黨來報

虢射曰期年狄必至示之弱

矣夏狄伐晉報采桑之役也復期月

明期

年之言驗

秋禘而致哀姜焉非禮也凡夫人不

薨于寢不殯于廟不赴于同不祔于姑則

弗致也

寢小寢同同盟葬又不可以殯過廟據經哀姜薨葬之文則爲殯廟赴同祔姑今當以不薨于

寢不得

疏

凡夫至致也 正義曰夫人薨葬之禮有赴

致也

疏

同祔姑反哭三事而已此說致之禮加以薨

寢殯廟而不言反哭者蓋以致於廟者終始成其尊死生之禮畢不薨于寢死不得其所也不殯于廟葬之不以禮也死葬非禮則先神恥之故不具四事皆不合致反哭者直爲書葬以否假使不書其葬夫人之禮亦成自是生者之可譏非爲死者之有失雖不反哭亦得致之故於此不言反哭也 注寢小至致也 正義曰喪大記云男子不

死於婦人之手婦人不死於男子之手君夫人卒於路寢旣言婦人不死於男子之手必不得死於君之路寢言夫人卒於路寢謂卒於夫人之大寢對君路寢爲小故云小寢也同者同盟之國也檀弓曰喪之朝也順死者之孝心

也其哀離其室也故至於祖考之廟而後行殷朝而殯於祖周朝而遂葬士喪禮朝而遂葬與記正同知周法不殯於廟而此傳及襄四年皆云不殯于廟以爲失禮知其將葬之時不以殯過廟耳殯過廟者將葬之時從殯宮出告廟乃葬非是殯尸於廟中也據經哀姜薨葬之文知其赴同拊姑可矣亦知其殯於廟者以元年十二月喪至二年五月始葬明至則殯於寢也既殯於寢自然葬當朝廟故據葬文亦知殯廟唯當以不薨於寢不得致耳

王人來告喪難故也是以緩

有大叔帶之難

宋公

疾大子茲父固請曰目夷長且仁君其立

之

茲父襄公也目夷茲父庶兄子魚也

公命子魚子魚辭曰能

以國讓仁孰大焉臣不及也且又不順

立庶

禮不順

遂走而退

經九年春王三月丁丑宋公御說卒

四同盟

疏

注四同盟正義曰御說以莊十三年即位十六年盟于幽十九年于鄆二十七年于幽僖元年于榿四

年于召陵五年于首止七年于甯母八年于洮皆魯宋俱在是爲八同盟不數莊公之盟榿盟經不書亦不數故云四同盟劉君乃數莊公之盟又不數召陵以爲六同盟而規杜非也夏公會宰周公

齊侯宋子衛侯鄭伯許男曹伯于葵丘

周公宰孔也宰官周采地天子三公不字宋子襄公也傳例曰在喪公侯曰子陳留外黃縣東有葵丘

疏

注周公至葵丘正義曰傳稱王使宰孔賜齊侯胙知周公即宰孔也其官爲大宰采地名爲周天子三公故稱公

孔則其名也穀梁傳曰天子之宰通於四海其意言宰者
六官之長官名通於海內是故書其官名也通于四海者
當謂大宰之長官耳其屬官不應得通而宰恒宰渠伯糾
則必非長官亦稱爲宰者蓋自宰夫以上皆通也釋例曰
今案春秋以考之其稱公者皆三公非五等之公也是言
祭公周公皆三公也釋例又曰王之公卿皆書爵則卿亦
不字杜云三公不字者以入春秋以來家父南季皆大夫
稱字宰周公文承其後故云不字不於祭公逆王后注者
因歷序諸國而言之莊八年傳曰連稱管至父戍葵丘杜
云齊地臨淄縣西有地名葵丘知此葵丘與彼異者傳稱
齊侯不務德而勤遠略西爲此會則此地遠處齊西不得
近在臨淄故釋例以爲宋地陳留外黃縣東有葵丘或曰
河東汾陰縣爲葵丘非也經書夏會葵丘九月乃盟

秋

七月乙酉伯姬卒

無傳公羊穀梁曰未適人故不
稱國已許嫁則以成人之禮書

不復殤也婦人許嫁而笄猶丈夫之冠

疏

注公羊至之冠正義曰公羊傳曰此未適人何以卒許嫁矣

婦人許嫁字而笄之死則以成人之喪治之穀梁傳意亦與之同嫁於大夫死不書卒此許嫁者嫁於國君也但未往彼國不成彼國之婦故不稱國也喪服小記曰男子冠而婦人笄其義一也是許嫁而笄猶丈夫之冠也禮男子冠而不爲殤婦人笄而不爲殤故以成人之喪治之爲之服成人之服禮姊妹在室竊出嫁大功檀弓曰姑姊妹之薄也蓋有受我而厚之者爲夫厚之故我降之也曾子問云取女有吉日而女死如之何孔子曰婿齊衰而弔既葬而降之其夫不爲服則兄弟不爲降禮諸侯絕旁期此爲將嫁於諸侯故書其卒既書其卒當服其本服爲之齊衰期也但於時服

九月戊辰諸侯盟于葵丘

夏會葵丘

否不可知耳

次伯姬卒丈夫不相比故重言諸侯宰孔先歸不與盟

疏

注夏會至與盟正義曰葵丘會後即盟不言諸侯

爲閒無異事故也此亦會後爲盟簡有伯姬卒盟會文不
相比故重言諸侯又傳稱宰孔先歸則宰孔不明其云宰
孔先歸不與盟者欲見縱無
伯姬之卒亦當重言諸侯

甲子晉侯佹諸卒

未同盟而赴以名甲子九月十一
日戊辰十五日也書在盟後從赴

疏

正義曰甲子在戊

辰之前而書在盟後從赴從赴者赴在盟後也春秋之世
史失其守赴告之文多違禮制計諸侯之薨當具以薨之
月日告於鄰國隱三年傳曰壬戌平王崩赴以庚戌故書
之是赴者妄稱日也襄二十八年傳曰王人來告喪問崩
日以甲寅告故書之是元赴不以日被問乃稱日也文十
四年傳曰七月乙卯夜齊商人弒舍齊人定懿公使來告
難故書以九月是赴者不言死月魯史不復審問即書以
來告之月也此甲子晉侯卒蓋赴以日而不以月魯史不
復審問書其來告之日唯稱甲子而已不知甲子是何月
之日故在戊辰後也若赴以九月告魯魯史當推其日之

先後不得甲子在戊辰後也
明告不以月故書其日耳

冬晉里克殺其君

之子奚齊

獻公未葬奚齊未成君故稱君之子
奚齊受命繼位無罪故里克稱名

傳九年春宋桓公卒未葬而襄公會諸侯

故曰子凡在喪王曰小童公侯曰子

在喪未葬

也小童者童蒙幼末之稱子者繼父之辭公侯位尊上連王者下迄伯子男周唐王在喪稱子一人創禮稱亦不言小童或所稱之辭各有所施此謂王自稱之辭非諸下所得書故經無其事傳通取舊典之文以事相接

疏

注在喪至相接正義曰既言桓公未葬即發在喪之例
知其喪謂未葬也童者未冠之名童而又小故爲童蒙
幼末之稱易家卦云匪我童蒙童蒙求我蒙謂闇昧也
幼童於事多闇昧是以謂之童蒙焉曲禮曰夫人自稱於

其君曰小童鄭立云小童若云未成人也王崩未葬嗣王
自稱亦言己未成人也子者對父之名故云繫父之辭以
未成君故繫於父不忍絕之稱也諸侯爵有五等唯言公
侯曰子以公侯尊也傳稱在禮卿不會公侯會伯子男可
也又子產云鄭伯男也使從公侯之貢懼弗給也是公侯
之尊絕於伯子男也此既言王即云公侯是其與王相連
特爲公侯立稱伯子男不得同之也春秋無伯子男在喪
之事既不爲立稱又不得成君不知其當何所稱也然案
桓十一年鄭忽出奔衛莊二十四年曹羈出奔陳杜云先
君既葬不稱爵者國人賤之以名赴則既葬稱爵未葬稱
名也周康王在喪稱子一人釗尚書康王之誥也曲禮云
君天下者曰天子朝諸侯分職授政曰余一人天子未除
喪曰余小子是禮天子自稱亦不言小童也此言王曰小
童必有稱之時或所稱之辭各有所施但不知施何處耳
如曲禮之文天子未除喪曰余小子則是未得稱一人而
康王在喪稱子一人釗者當以諸侯列土之君將欲各歸

其國故正其成君之稱以答諸侯也此小童者王謙自稱之辭非諸下所得書故經無其事其公侯曰子乃是史書之文二者非相類之事而非爲一凡是傳通取舊與之文以事類相接耳非言小童是策書之例也釋例郊祭燕會例不云地祇及杓祠者經無其事故傳略而不言此王曰小童亦經無其事所以言之者郊祭等例多故經無者略之此王曰小童與公侯相接其文簡約經雖無事亦連而言之釋例曰位彌高者事彌重重慮周於經遠故儀制異於凡人存其實篤其志足以叙親疎之情通萬事之理而已故諸列國之君在喪或不得已而脩會盟之事唯公侯特稱子以別尊卑是言獨爲公侯立稱之意春秋公侯稱子皆是其父未葬唯二十五年公會衛子莒慶盟于泚於時衛文公已葬而成公稱子釋例曰衛文公欲平莒於魯未終而薨故稱子尋父之志魯人由此亦脩文公之好此孝子之至感人情之所篤故成公雖已免喪至於此盟降從在喪之名故經隨而書子傳從而釋之云脩文公之好也

夏會于葵丘尋盟且脩好禮也王使宰孔

賜齊侯胙

胙祭肉尊之比二王後

疏

注胙祭至王後正義曰傳稱大子祭于曲沃

歸胙于公此言天子有事于文武賜齊侯以胙知胙是祭肉也周禮大宗伯以脰膾之禮親兄弟之國鄭玄云脰膾杜稷宗廟之肉以賜同姓之國同福祿也脰膾即胙肉也言親兄弟之國則異姓不合賜也二十四年傳曰宋先代之後也於周爲客天子有事膾焉是言二王之後禮合得之今賜齊侯是尊之比二王後也

曰天子

有事于文武

有祭事也

使孔賜伯舅胙

天子謂異姓諸

侯曰伯舅

齊侯將下拜孔曰且有後命天子使

孔曰以伯舅耄老加勞賜一級無下拜

十七

曰耄級等也

對曰天威不遠顏咫尺

言天威察不遠威嚴常在

顏面之前八寸曰咫

小白余敢貪天子之命無下拜

小白

齊侯名余身也

恐墮越于下

墮越顛隊也據天王居上故言恐顛隊于下

以遺

天子羞敢不下拜下拜登受

拜堂下受昨於堂上

疏

注天子至伯舅

正義曰曲禮曰五官之長曰伯天子同姓謂之伯父異姓謂之伯舅鄭玄云謂為三公者周禮九

命作伯齊桓是九命之伯故以伯舅呼之

注七十曰耄級等也

正義曰釋言云耄耄也舍人云年六十稱也郭璞云八十為耄釋名云八十曰耄耄鐵也皮黑如鐵彼說或云六十或云八十杜云七十曰耄耄者耄之年齒既無明

文曲禮云七十曰老爾雅以耄為老故以為七十曲禮升階之法云涉級聚足是級為等也法當下拜賜之勿下是

階之法云涉級聚足是級為等也法當下拜賜之勿下是

進一等

注言天至曰咫

正義曰顏謂額也揚雄方言

云顏額謂額也中夏謂之額東齊謂之額河嶺淮泗之間

謂之顏魯語云肅慎氏貢楮矢長尺有咫賈逵亦云八寸

曰咫說文云周制寸尺咫尋皆以人之體爲法中婦人手

長八寸謂之咫周尺也

注小白至身也

正義曰諸自

稱余者當稱名之庶耳齊侯既稱小白而復言余故解之

余身釋詁文舍人曰余卑謙之身也孫炎曰余舒遲之身

也郭璞曰今人亦自呼爲身

下拜登受

正義曰觀禮

天子賜侯氏以車服諸公奉篚服加命書于其上升自西

階東面大史氏右侯氏升西面立大史述命侯氏降兩階

之間北面再拜稽首升成拜彼侯氏降

階再拜是此下拜也升成拜是此登受

侯于葵丘曰凡我同盟之人既盟之後言

歸于好

義取脩好故

宰孔先歸

既會先

遇

傳顯其盟辭

諸侯去

晉侯曰可無會也

晉侯欲來會葵丘

齊侯不務德

而勤遠略故北伐山戎

在莊三

南伐楚

在四

年西為此會也東略之不知西則否矣

言或

向東必不能復西略

其在亂乎君務靖亂無勤於行

在存

也微戒獻公言晉將有亂

晉侯乃還

不復會齊

九月晉獻公卒

里克平鄭欲納文公故以三公子之徒作

亂

平鄭晉大夫三公子申生重耳夷吾

初獻公使荀息傅奚齊

公疾召之曰以是藐諸孤

言其幼賤與諸子將藐

疏

注言

其至縣賴 正義曰賴者縣遠之言諸子皆長而奚齊獨
幼是大小相去縣賴也賴諸孤者言年既幼釋縣賴於諸

子之

辱在大夫其若之何

欲屈辱荀息使保護之

稽首

而對曰臣竭其股肱之力加之以忠貞其

濟君之靈也不濟則以死繼之公曰何謂

忠貞對曰公家之利知無不爲忠也送往

事居耦俱無猜貞也

往死者居生者耦兩也送死
事生兩無疑恨所謂正也

及里克將殺奚齊先生告荀息曰二怨將作

三公子之徒

秦晉輔之子將何如荀息曰將死之

里克曰無益也荀叔曰吾與先君言言矣不

可以貳能欲復言而愛身乎

荀叔荀息也復言言可復也

雖無益也將焉辟之

疏

能欲復言而愛身乎正義曰意能欲使前言

可反復而行之得愛惜身命不死乎

且人之欲善誰不如我我欲

無貳而能謂人已乎

言不能止里克使不忠於申生等

冬十月

里克殺奚齊于次

次喪

書曰殺其君之子

未葬也荀息將死之人曰不如立卓子而

輔之荀息立公子卓以葬十一月里克殺

公子卓于朝荀息死之君子曰詩所謂白

圭之玷尚可磨也斯言之玷不可爲也詩大

雅言此言之闕
難治甚於白圭荀息有焉有此詩人
重言之義齊侯以諸

侯之師伐晉及高粱而還討平亂也高粱
晉地

在平陽
縣西南令不及魯故不書前已發不書例今復重
發嫌霸者異於凡諸侯

晉卻芮使夷吾重賂秦以求入卻芮卻克祖
父從夷吾者

曰人實有國我何愛焉言國非已之有何
愛而不以賂秦入而

能民土於何有從之能得民不
患無土齊隰朋帥師

會秦師納晉惠公

陽明齊大夫
惠公夷吾

秦伯謂卻芮

曰公子誰恃對曰臣聞亡人無黨有黨

必有讎

言夷吾無黨無黨則無
讎易出易入以微勸秦

疏

注言夷至勸秦
正義曰秦伯問公

子誰恃問公子於晉國之臣倚恃誰爲內主也對言夷吾

無黨無讎者由無黨故往前易出無讎故此時易入言易

出易入以微勸秦使納之夷吾弱不好弄

弄戲也

能鬪不過

有節制

長亦不改不識其他公謂公孫枝曰

夷吾其定乎

公孫枝秦大夫
夫子桑也

對曰臣聞之唯則

定國詩曰不識不知順帝之則文王之謂

也

詩大雅帝天也則法也言文王闇行自然合天之法

又曰不僭不賊鮮不

爲則

僭過差也賊傷害也皆忌克也能不然則可爲人法則

無好無惡不忌

不克之謂也今其言多忌克

既僭而賊

難哉

言能

自定

公曰忌則多怨又焉能克是吾利也

其言雖多忌適足以自害不能勝人也秦伯慮其還害已故曰是吾利

疏

唯則至利也正義曰唯身有

則者乃能定國也詩美文王之德不記識古事不學知今事常順天之法則而行之爲此行者文王之謂也又曰人行不僭差不賊害能如此者少不爲人所法則言必爲人所法則也此二詩所云者無所偏好無所私惡不爲忌差不好勝人之謂也今其此夷吾之言多有所忌多欲陵人以此而求安定難哉今其言多忌克覆上不思不克上既

有無好無惡不覆之者以身行忌克則有私好私惡之心
舉忌克足以包好惡也公曰多忌於人則多爲人怨又焉
能勝人此乃是吾之利也無好無惡言文王之行也不忌
不克述抑篇之義也引二詩於前以此言結之 注詩大
至之法 正義曰詩大雅皇矣之篇也則法釋詁文彼鄭
箋云其爲人不識古不知今順天之法而行之是言闇行
自然合天地之法也禮記稱天無私覆地無私載合天地
法者即無偏好無私惡之謂也 注僭過至法則 正義
曰詩大雅抑之篇也彼毛傳云僭差也鄭玄云不殘賊是
賊爲害也心有所忌則多過差志在陵人必多爲賊害下
云不忌不克覆述此文故言僭賊者皆忌克也 注其言
至吾利 正義曰心忌前人則人亦忌己志在陵人則人
亦陵己若使入皆忌之入皆陵之是適足以自害不能勝
人也秦伯聞其忌克慮其還來害己故以不能勝人爲是
也 吾利 宋襄公即位以公子目夷爲仁使爲

左師以聽政於是宋治故魚氏世爲左師

經十年春王正月公如齊

無傳

狄滅溫溫子

奔衛

蓋中國之狄滅而居其土地

晉里克弑其君卓及其

大夫荀息

弑卓在前年而以今春書者從赴也獻公既葬卓已免喪故稱君也荀息稱名者雖

欲復言本無遠謀從君於昏

疏

注弑卓至於昏正義曰傳於前年甚詳經以今年書之明赴以今年弑

也傳稱立公子卓以葬是免喪始死故稱君也文七年宋人殺其大夫傳曰不稱名衆也且言非其罪也死者不稱名非其罪故知稱名者皆有罪也荀息稱名者不知奚齊卓子之不可立又不能誅里克以存君是其雖欲復言本無遠謀也襄十九年齊殺其大夫高厚傳稱從君於昏獻公惑於驪姬殺適立庶荀息知其事而爲之傳奚齊是其

從君於昏也

夏齊侯許男伐北戎

無傳北戎山戎

晉殺

其大夫里克

奚齊者先君所命卓子又以在國嗣位罪未爲無道而里克親爲三怨之主累

弑二君故稱名以罪之

疏

注奚齊至罪之正義曰宣四年傳例曰弑君稱君君無道也稱臣臣之罪也

里克殺奚齊弑卓子皆書里克之名是奚齊與卓子未爲無道也殺大夫傳言不稱名者爲無罪則稱名爲有罪故今稱里克之名以罪之

秋七月夕人雨雪

無傳平地尺爲大雪

傳十年春狄滅溫蘇子無信也蘇子叛王

即狄又不能於狄狄人伐之王不救故滅

蘇子奔衛

蘇子周司寇蘇公之後也國於溫故曰溫子叛王事在莊十九年

疏

注蘇

子至九年

正義曰尚書立政云司寇蘇公成十一年傳

曰昔周克商蘇公生以溫爲司寇以此知蘇子司寇蘇公

之後也國名爲蘇所都之邑名爲溫

故溫蘇遠見於經是得兩稱故也

夏四月周公忌

父王子黨會齊隰朋立晉侯

周公忌父周卿士王子黨周大

夫

晉侯殺里克以說

自解說不篡

將殺里克公使

謂之曰微子則不及此雖然子弑二君與

一大夫爲子君者不亦難乎對曰不有廢

也君何以興欲加之罪其無辭乎

言欲加已罪不

患無辭

臣聞命矣伏劒而死於是不鄭聘于

秦且謝緩賂故不及

平鄭里克黨以在秦故不及里克俱死

疏

欲加

至辭乎正義曰言君今欲加臣之罪其畏無辭以罪臣乎言必方便有辭耳

晉侯改葬共

太子

共太子申生也

秋狐突適下國

下國曲沃新城

遇太子

太子使登僕

忽如夢而相見狐突本爲申生御故復使登車爲僕

而告之

曰夷吾無禮余得請於帝矣

請罰夷吾

將以晉

界秦秦將祀余對曰臣聞之神不歆非類

民不祀非族君祀無乃殄乎

歆饗也殄絕也

且民

何罪失刑之祀君其圖之君曰諾吾將復

請七日新城西偏將有巫者而見我焉新城

曲沃也將因巫而見許之遂不見狐突許其言申生之象亦沒及期而往

告之曰帝許我罰有罪矣敝於韓敝敗也韓晉地

獨敝惠公故言罰有罪明不復以晉界秦夷吾忌克多怨終於失國雖改葬加謚申生猶念傳言鬼神所馮有時而

信疏注下國曲沃新城正義曰曲沃邑也而稱國者

并晉國遷居而就之此曲沃晉之舊國故謂之為下國也

夷吾無禮正義曰賈逵云烝於獻公夫人賈君故曰

無禮馬融云申生不自明而死夷吾改葬之章父之過故曰無禮杜不為注當以鬼神之意難得而知夷吾無禮或

非一事不可指言故不說也神不至非族正義曰傳稱

非我族類其心必異則族類一也皆謂非其子孫妄祀他

人父祖則鬼神不歆享之耳祭法云聖王之制祭祀也法施於民則祀之以死勤事則祀之以勞定國則祀之能禦大菑則祀之能捍大患則祀之若農棄爲稷后土爲社社稷功被天下乃令率土報功如此之徒非獨歆己之族若功不被於下民名不載於祀典唯其子孫祀之神亦不歆他族然則秦非晉類而使祀申生祀之大失也晉無罪而滅以畀秦刑之濫也天豈不達此事而待狐突之言方改圖者民之與神不相雜擾雖理有大歸非尙爲小惠豈有一人冤枉即能訴天天受人訴辭便將滅國此事本是妖夢假託上天非天實爲之人能改易傳言鬼神所馮有時而信非言此事實是天心不可執其言而以人事爲難也七日至我焉正義曰申生謂狐突云更經七日於新城西偏將有巫者而與之俱見我焉故杜云將因巫而見注敝敗至而信正義曰晉語云惠公即位出共世子而改葬之臭徹於外國人誦之曰貞之不報孰是人斯而有是臭也貞爲不聽信爲不誠不更厥正大命其傾倚兮

遠兮心之哀兮歲之二七其靡有咎兮郭偃曰甚哉善之難也君改葬共君以爲榮也而惡滋章十四年君之冢祀其替乎亦是申生猶忿之事

丕鄭之如秦也言於秦伯曰呂

甥卻稱冀芮實爲不從若重問以召之

三子晉大夫不從不與秦賂問聘問之幣臣出晉君君納重耳蔑不

濟矣蔑無也冬秦伯使冷至報問且召三子

冷至秦大夫卻芮曰幣重而言甘誘我也遂殺丕

鄭祁舉祁舉晉大夫及七輿大夫侯伯七命副車七乘左行共

華右行賈華叔堅驪歎疊虎特宮山祁皆

里平之黨也

七子七
輿大夫

平豹奔秦

平豹平
鄭之子

言

於秦伯曰晉侯背大主而忌小怨民弗與

也伐之必出

大主秦也
小怨里平

公曰失衆焉能殺

謂殺

里平之黨

違禍誰能出君

謂豹辟禍也爲明
年晉殺平鄭傳

疏

注三

子至之幣

正義曰曲禮云九以弓劍苞苴簞筭問人者
鄭玄云問猶遺也重問謂多以財貨遺之也下云幣重而

言甘故云問聘問之幣也

七輿大夫

正義曰周禮
大行人云侯伯七命貳車七乘貳副也每車一大夫

主之謂之七輿大夫服虔云上軍之輿帥七人屬申生
者襄二十三年下軍輿帥七人往前申生將上軍今七

輿大夫爲申生報怨樂盈將下軍
故七輿大夫與樂氏炫謂服言是

經十有一年春晉殺其大夫平鄭父

以私怨謀

亂國書名罪之書春從告

夏公及夫人姜氏會齊侯于陽

穀

無傳婦人送迎不出門見兄弟不踰閭與公俱會齊侯非禮

秋八月大雩

無傳

過時故書

冬楚人伐黃

傳十一年春晉侯使以平鄭之亂來告

釋經

書在

天王使召武公內史過賜晉侯命

王天

周襄王召武公周卿士內史過周大夫諸侯即位天子賜之命圭爲瑞

受玉惰過歸告

王曰晉侯其無後乎王賜之命而惰於受

瑞先自奔也已其何繼之有禮國之幹也
敬禮之與也不敬則禮不行禮不行則上

下昏何以長世

爲惠公不終張本

疏

天王至長世正義曰召武公亦名過周

語云襄王使召公過及內史過賜晉惠公命晉侯執玉卑拜不稽首內史過歸以告王曰晉不亡其君必無後不敬王命棄其禮也執玉卑替其質也拜不稽首無其王也替質無鎮無王無人晉侯無王人亦將無之欲替其鎮人亦將替之其言多而小異孔晁云左丘明集其典雅令辭與經相發明者以爲春秋傳其高論善言別爲國語凡左傳國語有事同而辭異者以其詳於左傳而略於國語詳於國語而略於左傳
夏揚拒泉臯

伊雒之戎同伐京師

疏

伊雒之戎正義曰釋例曰諸雜戎居伊水雒

水之間者河南雒陽縣西南有戎城伊水出上雒盧氏縣
熊耳山東北至河南雒陽縣入雒雒水出上雒縣冢領山

東北經弘農至
河南鞏縣入河
入王城焚東門
揚拒泉皋皆戎邑及諸雜戎居伊水

雒水之間者今
伊闕北有泉亭
王子帶召之也
王子帶甘昭公也召戎欲因以篡位

秦晉伐戎以救周秋晉侯平戎于王
為二十四

年天王出居鄭傳
黃人不歸楚貢冬楚人伐黃
黃人恃齊故

經十有二年春王三月庚午日有食之
無傳

不書朔官失之
夏楚人滅黃秋七月冬十有二月

丁丑陳侯杵臼卒
無傳遣世子與偕公同盟甯母及洮

傳十二年春諸侯城衛楚丘之郭懼狄難

也

楚丘衛國都郭郭也為明年春秋侵衛傳

疏

注楚丘至衛傳正義曰衛以二年遷於楚丘諸侯為之

築其城至此為之築其郭公羊傳曰郭者何郭也不單言衛而言衛楚丘者見楚丘未有郭也諸侯不告魯不與故不書無經而為傳者其言必有所為故云為狄侵衛傳黃人恃諸侯之睦于

齊也不共楚職曰自郢及我九百里焉能

害我夏楚滅黃

郢楚都

王以戎難故討王子

帶

子帶前年召戎伐周

秋王子帶奔齊冬齊侯使管

夷吾平戎于王使隰朋平戎于晉

平和也前年晉

救周伐戎故戎與周晉不和

王以上卿之禮饗管仲管仲辭

曰臣賤有司也有天子之二守國高在

子國

高子天子所命爲齊守臣皆上卿也莊二十二年高僂始見經傳二十八年國歸父乃見傳歸父之父曰懿仲高僂之子曰莊子不知今當誰也若節春秋來承王命何以禮焉

節時也

陪臣敢辭

諸侯之臣曰陪臣

王曰舅氏

伯舅之使故曰

舅氏余嘉乃勲應乃懿德謂督不忘往踐乃

職無逆朕命

功勲美德可謂正而不可忘者不言位而言職者管仲位卑而執齊政故欲以

職尊

疏

余嘉至朕命正義曰余朕皆我也乃女也應當也懿美也督正也言我善女功勲當女美德

謂女功德正而不可忘宜受此禮往居
女職無得逆我之命欲令受上卿之禮
管仲受下卿

之禮而還

管仲不敢以職自高卒受本位之禮

君子曰管氏之

世祀也宜哉讓不忘其上詩曰愷悌君子

神所勞矣

詩大雅愷樂也悌易也言樂易君子為神所勞來故世祀也管仲之後於齊沒不復

見傳亦舉其無驗

疏

君子至宜哉正義曰丘明之意假稱君子論管氏應合世祀也宜哉而遂不世祀

子孫絕滅是行善無驗故杜注云傳亦舉其無驗是也

注詩大至無驗正義曰詩大雅旱麓之篇愷樂悌易皆

釋詁文樂易言志度弘簡折樂而和易也世族譜管氏出自周穆王成十一年傳有齊管子奚譜以為雜人則非管仲之子孫也哀十六年傳稱楚白公殺齊管脩杜云管脩楚賢大夫故齊管仲之後是管仲之後於齊沒不復見也

經十有三年春狄侵衛

傳在前年春

夏四月葬

陳宣公

無傳

公會齊侯宋公陳侯衛侯鄭伯

許男曹伯于鹹

鹹衛地東郡濮陽縣東南有鹹城

秋九月大

雩

無傳書過

冬公子友如齊

無傳

傳十三年春齊侯使仲孫湫聘于周且言

王子帶

前年王子帶奔齊言欲復之

事畢不與王言

不言子帶

事

歸復命曰未可王怒未怠其十年乎不

十年王弗召也夏會于鹹淮夷病杞故且

謀王室也秋爲戎難故諸侯戍周齊仲孫

湫致之

戍守也致諸侯戍卒于周

冬晉荐饑

災禾皆不熟

使乞

糴于秦秦伯謂子桑與諸平對曰重施而

報君將何求

言不損秦

重施而不報其民必攜

攜而討焉無衆必敗

不義故民離

謂百里與諸

平

百里秦大夫

對曰天災流行國家代有救災

恤鄰道也行道有福平鄭之子豹在秦請

伐晉

欲爲父報怨

秦伯曰其君是惡其民何罪

秦於是乎輸粟于晉自雍及絳相繼

雍秦國都

絳晉國都

命之曰汎舟之役

從渭水運入河汾

疏

晉荐饑正義曰釋

天云穀不熟爲饑仍饑爲荐李邕曰穀不成熟曰饑連歲不熟曰荐

注從渭水運入河汾

正義曰秦都雍雍臨渭晉都絳絳臨汾渭水從雍而東至弘農華陰縣入河從

河逆流而北上至河東汾陰縣乃東入汾逆流東行而通

絳故杜云從渭水運入河汾也

經十有四年春諸侯城緣陵

緣陵杞邑辟淮夷遷都於緣陵

夏六月季姬及鄆子遇于防使鄆子來朝

季姬魯女鄆夫人也鄆子本無朝志爲季姬所召而來故言使鄆子來朝鄆國今琅邪鄆縣

秋八月

辛卯沙鹿崩

沙鹿山名平陽元城縣東有沙鹿土山在晉地災害繫於所災所害故不繫國

疏

注沙鹿至繫國正義曰公羊傳曰沙鹿者何河上之邑也穀梁傳曰林屬於山爲鹿沙山名也服虔云

沙山名鹿山足林屬於山曰鹿取穀梁爲說也漢書元后傳稱后祖翁孺自東平陵徙魏郡元城委粟里元城建公曰昔春秋沙鹿崩晉史卜之曰陰爲陽雄土火相乘故有沙鹿崩崩後六百四十五年宜有聖女興今王翁孺徙正值其地日月當之元城郭東有五鹿之虛即沙鹿地計爾時去聖猶近所言當得其實故以沙鹿爲山名依漢書爲義也沙鹿實是晉地不言晉沙鹿者凡有災害繫於所災所害之處不繫於所屬之國故不繫晉也釋例曰陳旣已滅降爲楚縣而書陳災者猶晉之梁山沙鹿崩不書晉也災害繫於所災所害故以所在爲名災爲陳災成周宣榭火害爲梁山沙鹿崩山崩必狄侵鄭

無傳冬蔡侯矜

卒

無傳未同盟而赴以名

傳十四年春諸侯城緣陵而遷杞焉不書

其人有闕也

闕謂器用不具城池未固而去爲惠不終也澶淵之會既而無歸大夫不書而

國別稱人今此摠曰諸侯君臣之辭不言城杞杞未遷也

疏

注闕謂至遷也正義曰元年齊師宋師曹師

城邢傳稱具邢器用而遷之師無私焉是器用具而城池固故具列三國之師詳其文以美之也今此摠云諸侯城緣陵不言某侯某侯與城邢文異不具書其所城之人爲其有闕也知闕爲器用不具城池不固而去爲惠不終故摠言諸侯以譏之凡諸侯盟會不歷序其人摠言諸侯者皆是譏之辭文十五年諸侯盟于扈傳曰書曰諸侯無能爲也十七年諸侯會于扈傳曰書曰諸侯無功也是其摠言諸侯皆譏辭也十六年會于淮傳稱城鄆役人病不果

城而還亦是爲惠不終而淮會具書其人者淮之會爲謀
鄆且東略非爲城鄆而聚會既會之後乃欲城鄆而不果
本意不城鄆無可貶也先儒以爲諸侯有過貶而稱人杜
據澶淵之會與此傳文知諸侯之貶不至稱人故釋例曰
傳減入例衛侯燬滅邢同姓故名云穀伯綏鄆侯吾離
來朝名賤之也又云不書蔡許之君乘楚車也謂之失位
此皆諸侯貶之例例不稱人也諸侯在事傳有明文而經
稱人者凡十一條立明不示其義而諸儒皆據案生意原
無所出貶諸侯而去爵稱人是爲君臣同文非正等差之
謂也又澶淵大夫之會傳曰不書其人案經皆去名稱入
至諸侯親城緣陵傳亦曰不書其人而經摠稱諸侯此大
夫及諸侯經傳所以爲別也通按春秋自宣公五年以下
百數十年諸侯之數甚多而皆無貶稱人者益明
此蓋當時告命注記之異非仲尼所以爲例故也

鄆季

姬來寧公怒止之以鄆子之不朝也

來寧
不書

而後年書歸鄩更嫁之文也
明公絕鄩昏既來朝而還

夏遇于防而使來朝

秋八月辛卯沙鹿崩晉卜偃曰期年將有

大咎幾亡國

國主山川山崩川竭亡國之咎

疏

注國主至之咎正義曰成五年傳

曰國主山川故山崩川竭君為之不舉周語幽王二年西
周三川皆震伯陽父曰昔伊雒竭而夏亡河竭而商亡國
必依山川山崩川竭亡國之咎也卜偃明達災異以山崩
為亡國之咎知其將有大咎不言知之意非末學者所得
詳也釋例曰天人之際或異而無威或威而不可知沙鹿
崩因謂期年將有大咎梁山崩則云山有朽壤而自崩此
皆聖賢之讖言達者所宜先識
是說卜偃之言非後人所能測

冬秦饑使乞糴于

晉晉人弗與慶鄭曰背施無親

慶鄭晉大夫

幸

災不仁貪愛不祥怒鄰不義四德皆失何

以守國號射曰皮之不存毛將安傅

號射惠公

舅也皮以喻所許秦城毛以喻釋言既背秦施爲怨以深雖與之釋猶無皮而施毛也

疏

注號射惠公舅正

義曰晉語云秦餽惠公命輸之粟號射請勿與慶鄭請與之公曰非鄰之所知也遂不與秦侵晉至于韓公謂慶鄭曰寇深矣奈何慶鄭曰非鄰之所知也君其訊射也公曰舅所病也是號射爲惠公之舅也

慶鄭

曰弃信背鄰惠孰恤之無信惠作失援必

斃是則然矣號射曰無損於怨而厚於寇

不如勿與

言與秦粟不足解怨適足深秦怨

慶鄭曰背施幸

災民所弃也近猶辭之況怨敵乎弗聽退

曰君其悔是哉

經十有五年春王正月公如齊

無傳諸侯五年再相朝禮

也例在文

十五年

疏

注諸侯至五年正義曰文十五年曹伯來朝傳曰禮也諸侯五年再相朝以脩王

命古之制也杜云十一年曹伯來朝雖至此乃來亦五年也此十年公如齊至此則六年非五年再朝之事杜引之者以去朝歲亦五年故引證之劉炫云杜云禮者謂文十五年傳爲禮此仍非禮也楚人伐徐

三月公會齊侯宋公陳侯衛侯鄭伯許男

曹伯盟于牡丘

牡丘地名關

遂次于匡

匡衛地在陳留長垣縣西

南公孫敖帥師及諸侯之大夫救徐公孫敖慶父之

子諸侯既盟次匡皆遣大夫將兵救徐故不復具列國別也夏五月日有食之

秋七月齊師曹師伐厲厲楚與國義陽隨縣北有厲鄉八月

冬螽無傳為災九月公至自會無傳季姬歸于鄆

無傳來寧不書此書者以明中絕己卯晦震夷伯之廟夷伯魯大夫展

氏之祖父夷謚伯字震者**疏**注夷伯至書字正義曰雷電擊之大夫既卒書字公羊穀梁傳皆以晦為冥

謂晝日間冥也杜以長歷推己卯晦九月三十日春秋值朔書朔值晦書晦無義例也傳稱於是展氏有隱慝焉知此夷伯展氏之祖父也大夫之謚多連字稱之不知夷伯其名為何又不知今之展氏其人是誰故漫言祖父耳謚

法安人好靜曰夷是夷爲謚也伯是其字也說文云震劈歷振物者雷陰陽激曜也然則震是劈歷而言雷電擊之者劈歷有聲有光雷電之大者耳故言雷電以明之玉藻云士於君所言大夫沒矣則稱謚若字是大夫既沒禮當

書其

冬宋人伐曹楚人敗徐于婁林

婁林徐地

下邳僮縣東南有婁亭

十有一月壬戌晉侯及秦伯戰

于韓獲晉侯

例得大夫曰獲晉侯背施無親懷諫違上故貶絕下衆臣之例而不言

以歸不書敗績晉師不大崩

疏

注例得至大崩正義曰諸侯與大夫因戰而被殺者昭二十三年傳例

君死曰滅大夫死曰獲其被囚虜者大夫生死同名皆稱爲獲國君生獲則曰以歸蔡侯獻舞沈子嘉胡子豹之類皆是也今此晉侯稱獲故解之不書敗績晉侯之車還潁而被執耳其師不大崩也

傳十五年春楚人伐徐徐即諸夏故也三

月盟于牡丘尋葵丘之盟且救徐也

葵丘盟在

九年孟穆伯帥師及諸侯之師救徐諸侯次

于匡以待之夏五月日有食之不書朔與

日官失之也

疏

夏五至失之正義曰桓十七年已有例此重發者沈氏云彼直不

書日今朝日皆不書故重發之

秋伐厲以救徐也晉侯之入

也秦穆姬屬賈君焉

晉侯入在九年穆姬申生姊秦穆夫人賈君晉獻公

次妃賈女也

且曰盡納羣公子

羣公子晉武獻之族宣二年傳曰驪姬之亂

詛無畜
羣公子

晉侯烝於賈君又不納羣公子是

以穆姬怨之晉侯許賂中大夫

中大夫國內執政里平等

既而皆背之賂秦伯以河外列城五東盡

虢略南及華山內及解梁城既而不與

河外河南

也東盡虢略從河南而東盡虢界也解梁城今河東解縣也華山在弘農華陰縣西南

疏

注晉侯至女也

正義曰莊二十八年傳曰晉獻公娶于賈無子烝於齊姜生秦穆夫人及大子申生先言穆姬後言申生知是申生姊也言娶于賈則是正妃杜言次妃者蓋杜別有所見也晉世家云申生母齊桓女也同母女弟爲秦穆夫人夷吾母重耳母女弟也案傳申生之母本是武公之妾武公末年齊桓始立不得爲齊桓女也虢射惠公之舅狐偃文公之

舅二母不得爲姊妹也皆馬遷之妄耳 注中大至平等

正義曰晉語稱夷吾謂秦公子繫曰中大夫里克與我矣

吾命之以汾陽之田百萬平鄭與我矣吾命之以負蔡之

田七十萬此外猶應更有賂也 注河外至西南 正義

曰河自龍門而南至華陰而東晉在西河之東南河之北

以河北爲內河南爲外虢略虢之竟界也獻公滅虢而有

之今許以賂秦列城五者自華山而東盡虢之東界其間

有五城也傳稱許君焦瑕蓋焦瑕是其二其餘三城不可

知也列城猶列國言是城之大者解梁

城則在河北非此河外五城之數也 晉饑秦輸

之粟 在十三年 秦饑晉閉之糴 在十四年 故秦伯伐

晉卜徒父筮之吉 徒父秦之掌龜卜者卜人而用

筮不能通三易之占故據其所

見雜占 正義曰徒父以卜冠名知

而言之 是掌龜卜者卜人當卜而今用筮知其本非

而用筮

見雜占


所掌不能通三易之占其卦遇蠱不引易文是據其所見
雜占而言之劉炫云案成十六年筮卦遇復云南國蹇射
其元王中厥目亦是雜占則筮法亦用雜占不必皆取易
辭而云不能通三易之占者今刪定以為此云涉河侯車
敗失云千乘三去獲其雄狐了無周易片意又云卜徒父
筮之是卜人掌筮故杜云不能通三易而成十六年非卜
人為筮且南國蹇雖非易辭還是周易之象
涉河侯車

敗詰之

秦伯之軍涉河則晉侯車敗也
秦伯不解謂敗在己故詰之

對曰乃大

吉也三敗必獲晉君其卦遇蠱



巽下艮
上蠱

曰千乘三去三去之餘獲其雄狐夫狐蠱

必其君也

於周易利涉大川往有事也亦秦勝晉之
卦也今此所言蓋卜筮書雜辭以狐蠱為

君其義欲以喻晉
惠公其象未聞

蠱之貞風也其悔山也

卦內

為貞外卦為悔巽為
風秦象艮為山晉象

歲云秋矣我落其實而

取其材所以克也

周九月夏之七月孟秋也艮為山山有木今歲已秋風吹落山

木之實則材
為人所取

實落材亡不敗何待三敗及韓

晉侯車
三壞

疏

汪秦伯至詰之

正義曰如杜此意則下千乘三去謂晉侯之乘車三度敗壞而去三去

之後而獲晉君也劉炫以為侯者五等摠名國君大號以涉河侯車敗為秦伯車敗又云韓戰之前秦晉未有交兵何得言晉侯車有三敗以為秦伯車三敗也今刪定知不然者以秦是伯爵晉實是侯爵既云侯車敗故知是晉侯車敗秦伯乍聞車敗謂敗在己不述其言故致詰問也又以韓戰之前秦晉未有交兵何得言晉侯車有三敗者此

謂車有敗壞非兵敗也劉君數生異見以規杜非也 注

巽下艮上蠱 正義曰艮剛巽柔剛上而柔下巽順艮止

既順而止無所爭競可以有事故曰蠱序卦曰蠱者事也

注於周至未聞 正義曰筮者若取周易則其事可推此

不引易意不可知故杜舍此傳文而以周易言之蠱卦彖

云利涉大川往有事也秦晉隔河往而有事亦是秦勝晉

之卦也今此所言不出於易蓋卜筮之書別有雜辭此雜

辭不出周易無可據而推求故云其象未聞 注內卦至

晉象 正義曰筮之畫卦從下而始故以下為內上為外

此言貞風悔山知內為貞外為悔洪範論筮云曰貞曰悔

是筮之二體有貞悔之名也貞正也筮者先為下體而以

上卦重之是內為正也乾之上九稱亢龍有悔從下而上

物極則悔是外為悔也凡筮者先為其內後為其外內卦

為己身外卦為他人故巽為秦象艮為晉象 注晉侯車

三壞 正義曰謂晉之車乘三度與秦戰而敗壞非謂晉

侯親乘之車也杜言晉侯車壞者成上侯車敗之文故也

且晉之車摠屬晉侯亦得云晉侯車也劉炫云此一句是史家序事充卜人之語言秦伯之直三經敗壞乃至於韓

而晉始懼

晉侯謂慶鄭曰寇深矣若之何對曰

君實深之可若何公曰不孫卜右慶鄭吉

弗使

惡其不孫不以爲車右此夷吾之多忌

步揚御戎家僕徒

爲右

步揚卻驪之父

乘小駟鄭入也

鄭所獻馬名小駟

慶鄭

曰古者大事必乘其產生其水土而知其

人心安其教訓而服習其道唯所納之無

不如志今乘異產以從戎事及懼而變將

與人易

變易人章

亂氣狡憤陰血周作張脉僨

與外彊中乾

狡戾也僨動也氣狡憤於外則血脉必周身而作隨氣張動外雖有彊形而內

實乾



亂氣至中乾

正義曰言馬之亂氣狡戾而僨血偏身而動作張脉動起外雖有彊形而實乾

蒲陰為陽內為陰血在膚內故稱陰血血既動作脉必張竭外言張脉也氣憤於外內必乾燥內血為力故內潤則起故乾則弱言乾竭者竭強內盡也內乾則力盡進退不可周旋不能

君必悔之弗聽九月晉侯逆秦師使韓簡

視師

韓簡晉大夫韓萬之孫

復曰師少於我闕士倍我

公曰何故對曰出因其資

謂奔梁求秦

入用其

寵

為秦所納

饑食其粟三施而無報是以來也

今又擊之我怠秦奮倍猶未也公曰一夫

不可狃況國乎

狃快也言辟秦則使快來

遂使請戰曰寡

人不佞能合其眾而不能離也君若不還

無所逃命秦伯使公孫枝對曰君之未入

寡人懼之入而未定列猶吾憂也

列位也

苟

列定矣敢不承命韓簡退曰吾幸而得囚

得囚為幸言必敗

壬戌戰于韓原

九月十三日

晉戎馬還

寧而止

寧泥也還便旋也小駟不調故陪涅中

疏

注九月十三日正義曰以經書十一月

壬戌恐與經壬戌相亂故顯言之下注云十一月壬戌十四日是也

公號慶鄭慶鄭

曰復諫違卜

悔戾也

固敗是求又何逃焉遂

去之梁由靡御韓簡號射為右輅秦伯將

止之

輅迎也止獲也

鄭以救公誤之遂失秦伯秦獲

晉侯以歸

經書十一月壬戌十四日經從赴

晉大夫反首拔舍

從之

反首亂頭髮反下垂也拔草舍止壞形毀服

秦伯使辭焉曰二

三子何其感也寡人之從君而西也亦晉

之妖夢是踐豈敢以至

狐突不寐而與袖言故謂之妖夢申生言帝許

罰有罪今將晉君而西以厭息此語踐厭也

晉大夫三拜稽首曰君履

后土而戴皇天皇天后土實聞君之言羣

臣敢在下風穆姬聞晉侯將至以天子蠶

弘與女簡璧登臺而履薪焉

蠶康公名弘其母弟

也簡璧蠶弘姊妹古之宮闈者皆居之臺以抗絕之穆姬欲自罪故登臺而荐之以薪左右上下者皆履柴乃得通

使以免服衰經逆且告

免衰經遭喪之服令行人服此服迎秦伯且告

將以恥辱自殺

疏

注蠶康至得通正義曰文十八年秦伯蠶卒即此康公也蠶弘連文即言與女簡璧知

弘是懿弟簡璧是其姊妹也劉向列女傳說此事云與大
子懿公子弘與女簡璧亦以簡璧爲女也此言登臺履薪
是自囚之事哀八年傳稱邾子又無道吳子囚諸樓臺稱
之以棘以此二文知古之宮闈者皆居之於臺以抗絕之
俗本作履者履是在足之服故踐者亦稱履是以誤焉定
本作履薪 注免喪王自殺 正義曰初死則有免服成
則衰經皆爲遭喪之服傳文於此或有曰上天降災使我
兩君相見不以王帛而以興戎若晉君朝以入則婢子夕
以死夕以入則朝以死唯君裁之左傳本無此言後人妄
增之耳何以知其然二十二年傳曰寡君之使婢子侍執
巾擲社云婢子婦人之卑稱若此有婢子不當舍此而注
彼也又此注云且告夫人將以恥辱自殺若有此辭不煩
此注服虔解誼其文甚煩傳本若有此文服虔必應多解
何由四十餘字不解一言亦至二十二年始解婢子明是
本無之也今

曰上天降災使我兩君匪以王

定本亦無

帛相見而以興戎若晉君朝以入則婢子

夕以死夕以入則朝以死唯君裁之乃舍

諸靈臺

在京兆鄠縣周之故臺亦所以抗絕令不得通外內

大夫請以入

公曰獲晉侯以厚歸也既而喪歸焉用之

若將晉侯入則夫人或自殺

大夫其何有焉

何有猶何得

且晉

人感憂以重我

謂反首拔舍

天地以要我不圖

晉憂重其怒也我食吾言背天地也

消食

也重怒難任背天不祥必歸晉君

任當也

公子執紼曰不如殺之無聚慝焉

公子執紼秦大夫恐夷

吾歸復相聚爲惡

子桑曰歸之而質其大子必得大

成晉未可滅而殺其君祇以成惡

祇適也且

史佚有言曰無始禍

史佚周武王時大史名佚

無怙亂

恃人

亂爲己利

無重怒重怒難任陵人不祥乃許晉

平晉侯使卻乞告瑕呂飴甥且召之

卻乞晉大

夫也瑕呂飴甥即呂甥也蓋姓瑕呂名飴甥字子金晉侯聞秦將許之平故告呂甥召使迎己

子金教

之言曰朝國人而以君命賞

恐國人不從故先賞之於朝

且告之曰孤雖歸辱社稷矣其下貳圉也

貳代也圉惠公太子懷公

眾皆哭

哀君不還國

晉於是乎作爰

田

分公田之稅應入公者爰之於所賞之眾

呂甥曰君亡之不恤而

羣臣是憂惠之至也將若君何眾曰何爲

而可對曰征繕以輔孺子

征賦也繕治也諸侯孺子天子圉

聞之喪君有君羣臣輯睦甲兵益多好我

者勸惡我者懼庶有益乎眾說晉於是乎

作州兵

玉黨爲州州二千五百家也因此又使州長各繕甲兵

疏

作爰田正義曰服虔孔

昆皆云爰易也賞衆以田易其疆畔杜言爰之於所賞之衆則亦以爰爲易謂舊入公者今改易與所賞之衆作

州兵正義曰周禮鄉大夫以歲時登其夫家之衆寡辨其可任者州長則否今以州長管人既少督察易精故使

州長治之初晉獻公筮嫁伯姬於秦遇歸妹䷵

之睽䷥兌下震上歸妹史蘇占之曰

不吉史蘇晉卜筮之史其繇曰士刲羊亦無盂也女

承筐亦無貺也周易歸妹上六爻辭也盂血也貺賜也刲羊士之功承筐女之職上

六無應所求不獲故下刲無血上承無實不吉之象也離爲中女震爲長男故稱士女西鄰責言

不可償也將嫁女於西而遇不吉之卦故知有責讓之言不可報償歸妹之

睽猶無相也

歸妹女嫁之卦睽乖離之象故曰無相相助也

震之離亦

離之震

二卦變而氣相通

為雷為火為羸敗姬

秦

姓姬晉姓震為雷離為火火動熾而害其母女嫁反害其家之象故曰為羸敗姬

車說其輶

火焚其旗不利行師敗于宗丘

輶車下縛也丘猶邑也震

為車離為火上六爻在震則無應故車脫輶在離則失位故火焚旗言皆失車火之用也車敗旗焚故不利行師火

還害母故敗不出國近在宗邑

歸妹睽孤寇張之弧

此睽上九爻辭也虞

睽之極故曰睽孤失位孤絕故遇寇難而有弓矢之警皆不吉之象

姪其從姑

震為木離為火

火從水生離為震妹於火為姑謂我姪者我謂之姑謂子圉質秦

六年其逋逃歸

其國而奔其家

逋亡也家謂子園歸懷羸

明年其死於

高粱之虛

惠公死之明年文公入殺懷公于高粱高梁晉地在平陽楊氏縣西南凡筮者用周

易則其象可推非此而往則臨時占者或取於象或取於氣或取於時曰王相以成其占若盡附會以爻象則構虛而不經故略言其歸趣他皆放此

疏

遇歸妹之睽正義曰兌下震上為歸妹震為長男兌為少女兌說

也震動也少陰而承長陽說以動是嫁妹之象婦人謂嫁為歸故名此卦為歸妹兌下離上為睽兌為澤離為火火動而上澤動而下乖離之象故名此卦為睽睽乖也史蘇至之虛正義曰易歸妹上六爻辭女承筐無實士刲羊無血無攸利此引彼文而以血為虛實為睽唯倒其句改兩字而加二亦耳其意亦不異也二句以外皆史蘇自行卦意而為之辭非易文也易之爻辭亦名為繇故云其繇曰刲刺也賜賜也刺所以求血士刲羊亦無血筐所以

承賜女承箴亦無賜皆所求無獲是不吉之象西方鄰國有責讓之言不可報償也嫁妹者欲其與夫和親而其父變爲睽歸妹之值睽父既嫁而更乖張猶如無助者也言夫不助妻故乖離也震變爲離離還變爲震震爲雷離爲火震變爲離是雷變爲火以其雷爲火爲此羸敗姬言秦將敗晉也震爲車上六爻在震體則無其應是爲車則脫其輟離爲火上九爻在離體則失其位是爲火則焚其旗車敗旗焚是不利於行師若其行師敗於宗族之丘邑也以其變爲睽卦復就睽卦求之睽卦則上九孤絕失位是乖離而孤獨也孤獨無助遇寇難則張之弧弧弓也遇寇張弓怖懼警備亦是不吉之象姪其從姑言兄子其當從至姑家與同處也在姑家六年其將逋亡逃歸其本國而棄遺其家室言將棄妻而獨歸也歸家之明年其將死於高梁之虛筮嫁女而得此卦是不吉之象 注周易至士女 正義曰易之爻辭無二亦字傳文加之言男亦猶女女亦猶男其意同也易言血而此言孟知孟是血也睽

賜釋詁文剗刺也厨宰男子之事故剗羊士之功也筐篚婦人所掌故承筐女之職也上爻與三其位相值一陰一陽乃爲相應上三俱是陰爻是爲無應動而無人應之所求無獲故下剗無血上承無實是不吉之象上爻變則是震爲離離爲中女故稱女承筐震爲長男男稱士故爲士剗羊王弼以兌爲羊羊謂三也上六處卦之窮仰無所承下又無應爲女而上承則虛筐而莫之與爲士而下命則剗羊而無血不應所命也言士發命而莫之應女承筐而莫之與是不吉之象服虔以離爲戈兵兌爲羊震變爲離是用兵剗羊之象也三至五有坎象坎爲血血在羊上故剗無血也震爲竹竹爲筐震變爲離離爲火火動而上其施不下故筐無實也此士剗羊女承筐是歸妹上六爻辭直據上六之一爻故杜云上六無應所求不獲故下剗無血上承無實與王輔嗣同則不須變爲離卦自有士女之義今杜云離爲中女便是據變之後始有此承筐之象旣爲離卦則上九有應所以與易說卦不同者但易之所論

當卦爲義此既用筮法震變爲離故以離震雜說其理與易不同故服虔亦稱離爲戈兵用變爲說也 注將嫁至

報償

正義曰如杜此言直以遇卦不吉則知言不可償不知其象何所出也服虔以爲三至五爲坎坎爲月月生

西方故爲西鄰坎爲水兌爲澤澤聚水故坎責之澤澤償水則竭故責言不可償此取象甚迂杜言虛而不經謂此

類也

注歸妹至助也

正義曰杜意嫁女而遇睽離之

爻即是無相助也不知其象所出服虔云兌爲金離爲火

金火相遇而相害故無助也

注二卦至相通

正義曰

爲震與離通也震既與離通則離亦與震通言此二卦相

通者與下張本震爲雷雷是動離爲火震之離是動來適

火離之震是火往適動欲明火之動熾之意

注羸秦至

敗姬

正義曰震爲雷離爲火說卦文服虔云離爲日爲

火秦嬴姓水位三至五有坎象水勝火故爲羸敗姬 注

輓車至宗邑

正義曰子夏易傳云輓車下伏兔也今人

謂之車展形如伏兔以繩縛於軸因名縛也土之高者曰

丘衆之所聚爲邑故丘猶邑也晉語震爲車也說卦離爲火也上爻在震則無應故車脫輹三亦陰爻是無應也在離則失位故火焚其旗初三五奇爲陽位二四上耦爲陰位在離則變爲陽而居陰位是失位也師行必乘車而建旗車敗旗焚故不利行師也火還害母故敗不出國近在宗邑也服虔云五至三有坎爲水象震爲車車得水而脫其輹也震爲龍龍爲諸侯旗離之震故火焚其旗也震東方木兌西方金木遇金必敗韓有先君之宗廟故曰宗丘

注此睽至之象 正義曰睽卦上九云上九睽孤見豕負塗載鬼一車先張之弧後說之弧匪寇昏媾往遇雨則吉彼文甚多此略取之先張之弧謂見寇而張弓故曰遇寇難而有弓矢之警皆不吉之象服虔云坎爲寇爲弓故曰寇張之弧 注震爲至質秦 正義曰釋親云父之姊妹爲姑女子謂舅弟之子爲姪是謂我姪者我謂之姑 注遁亡至懷羸 正義曰桓十八年傳曰女有家男有室室家通言耳夫謂妻爲家棄其家謂棄其妻故爲懷羸

也子國以十七年質于秦二十二年逃歸是六年乃遁也
注惠公至放此正義曰周以二十二年歸二十三年

惠公死二十四年二月殺懷公于高粱是爲惠公死之明年也此筮之意言六年遁明年死則是逃歸之明年而云惠公死之明年者以二月即死據夏正言之猶是逃歸之明年也但周正已改故以惠公證之耳春秋筮事旣多此占最少其象故杜因而明之云用周易則其象可推非周易則不可得知本意所取不在周易若盡皆附會爻象以求其事則象非其類事非其實全構虛而不經故略言歸趣而已不能盡得其象也陰陽書以爲春則木王火相土死金囚水休時日王相謂此也

及惠公在秦曰先君若從史

蘇之占吾不及此夫韓簡侍曰龜象也筮數也物生而後有象象而後有滋滋而後

有數先君之敗德及可數乎史蘇是占勿

從何益

言龜以象示筮以數告象數相因而生然後有占占所以知吉凶不能變吉凶故先君敗德非

筮數所生雖復不能從史蘇不能益禍

詩曰下民之孽匪降自天傳

沓背憎職競由人

詩小雅言民之有邪惡非天所降傳沓面語背相憎疾皆人競

所主作因以諷諫惠公有以召此禍也

疏

韓簡至何益龜灼以出兆是龜以金木水火

正義曰卜之用

士之象而告人筮之用著揲以爲卦是筮以陰陽著策之數而告人也凡是動植飛走之物物既生訖而後有其形象既爲形象而後滋多滋多而後始有頭數其意言龜以象而示人筮以數而告人惠公之意以先君若從史蘇之占不嫁伯姬於秦已便不及此禍尤先君不從卜筮也韓簡之意以爲惠公及禍自由先君獻公廢適立庶之敗德

不由卜筮故云先君之敗德既定致公今及此禍可由筮數始生之乎敗德有其象數龜筮從後而知因嫁女於秦見於著非故云史蘇是占縱使當時不從何能加益此禍明禍敗既定龜筮知之從之不能損不從不能益也 注言龜至益禍 正義曰謂象生而後有數是數因象而生也若易之卦象則因數而生故先揲著而後得卦是象從數生也上云龜象筮數下直言數不言象者上揲論卜筮故龜筮並言當時唯筮伯姬故下直舉數耳 詩曰至山人正義曰詩小雅十月之交篇也下民之有邪惡妖孽非是下自上天今小人傳傳皆相對譚語背則相憎主於競逐爲惡者由人耳因以諷諫惠公言善惡由公耳

震夷伯之廟罪之也

於是展氏有隱慝焉

隱惡非法所得尊貴罪所不加是以聖人因天

地之變自然之妖以感動之知達之主則識先聖之情以自厲中下之主亦信妖祥以不妄神道助教唯此爲深

疏

注隱惡至為深 正義曰隱訓惡也隱蔽之惡不見於外非法令所得繩也其人尊貴非刑罰所能加也

忽有震破其廟乃是幽冥加罪聖人因天地之變自然之妖故章其事以感動穢行之人使自懲肅也知達之主則識先聖之情知此欲以懼愚人也中下之主亦信此妖祥之事謂身為惡行神必加禍以此不妄動作易稱聖人以神道設教故云神道助教唯此事為深因此遂沉解春秋諸有妖祥之事皆為此也 冬宋人伐

曹討舊怨也

莊十四年曹與諸侯伐宋

楚敗徐于婁林

徐恃救也

恃齊救

十月晉陰飴甥會秦伯盟

于王城

陰飴甥即呂甥也食采於陰故曰陰飴甥王城秦地馮翊臨晉縣東有王城今名武鄉

秦伯曰晉國和乎對曰不和小人恥失其

君而悼喪其親

痛其親爲秦所殺

不憚征繕以立

圉也曰必報讎寧事戎狄君子愛其君而
知其罪不憚征繕以待秦命曰必報德有
死無二以此不和秦伯曰國謂君何對曰
小人感謂之不免君子恕以爲必歸小人
曰我毒秦秦豈歸君

毒謂三施不報

君子曰我

知罪矣秦必歸君貳而執之服而舍之德
莫厚焉刑莫威焉服者懷德貳者畏刑此

一役也

言還惠公位諸侯威服復可當一舉之功

疏

注言還至之功正義曰服虔云一役者

謂韓戰之役知不然者呂甥之言勸秦伯而納晉侯假稱君子之意若納晉君可以更當一役之功欲深勸秦伯若直論韓戰之役於秦未有深刺何肯納也故杜別為其說劉炫以服義規之雖於理亦通未為殊絕

秦可

以霸納而不定廢而不立以德為怨秦不

其然秦伯曰是吾心也改館晉侯饋七牢

焉

牛羊豕各一為一牢

蛾析謂慶鄭曰盍行乎

蛾析晉大

夫對曰陷君於敗

謂呼不往誤晉師失秦伯

敗而不死又

使失刑非人臣也臣而不臣行將焉入十

一月晉侯歸丁丑殺慶鄭而後入

丁丑月二十九日

是歲晉又饑秦伯又餽之粟曰吾怨其君而矜其民且吾聞唐叔之封也箕子曰其

後必大晉其庸可冀乎

唐叔晉始封之君武王之子箕子殷王帝乙之

子紂之庶兄

姑樹德焉以待能者於是秦始征

晉河東置官司焉

正義曰唐叔晉始

疏

注唐叔至庶兄

封之君晉世家文也宋世家云箕子者紂親戚也止云親戚不知爲父也兄也鄭玄王肅皆以箕子爲紂之諸父服杜以爲紂之庶兄既無正丈夫各以其意言耳歷檢諸書不見箕子之名唯司馬遷注莊子云晉餘箕子名不知其然

否

春秋正義卷第十一

春秋正義卷第十二

孫曰

僖公

國子祭酒上護軍曲阜縣開國子臣孔穎達等奉

勅撰

經十有六年春王正月戊申朔隕石于宋

五

隕落也聞其隕視之石數之五各隨其聞見先後而記之莊七年星隕如雨見星之隕而隊於四遠若山若水

不見在地之驗此則見在地之驗



注隕落至而書

而不見始隕之星史各據事而書

正義曰隕落釋詁

文公羊傳曰曷爲先言質而後言石質石記聞聞其碩然視之則石察之則五是隨聞見先後而記之也傳稱隕星也則石亦是星而與星隕文倒故解之彼見星之隕不見在地之驗此見在地之石不見始隕之星史各據事而書

故文異也三十三年書隕霜者亦見在地之霜不見在天
之驗故霜上言隕與此同也星石霜言隕雪雹蟲言雨者
其狀似雨者稱雨

是月六鷁退飛過宋都

是月隕石

之月重言是月嫌同日鷁水鳥高飛遇
風而退宋人以爲灾告於諸侯故書

疏

注是月至故
書正義曰

月令諸言是月皆是前事之月知此是隕石之月也石隕
鷁退俱是宋事事相類而同時告故重言是月嫌同日也
告者不以鷁退之日告故言是月以異之鷁水鳥者相傳
爲然春秋考異郵云鷁者毛羽之蟲生陰而屬於陽洪範
五行傳曰鷁者陽禽鷁字或作鷁廣志云鷁古退飛者今
以其首爲船頭莊子去鷁之相視眸子不運而風化博物
志云雄雌相視則孕或曰雄鳴上風雌承下風則亦孕是
也鳥飛不能自退傳言風也是鳥高飛遇風而退却也公
羊傳曰視之則六察之則鷁徐而察之則退飛是亦隨見
先後而書之魯史而記宋事知其宋人以爲灾告於諸侯

故書

三月壬申公子季友卒

無傳稱字者貴之公與小敏故書日

疏

注稱字至書日仲遂叔肸之類皆名字雙舉劉炫以季為氏而規杜

正義曰季是其字友是其名猶如

過非也炫云季友仲遂皆生賜族非字也

夏四月丙申鄆季姬卒

無傳

秋七月甲子公孫茲卒

無傳

冬十有二月公

會齊侯宋公陳侯衛侯鄭伯許男邢侯曹

伯于淮

臨淮郡左右

疏

注臨淮郡左右

正義曰淮水

必是會于水旁不得會于水內杜牧指其處無以可明故云臨淮郡左右

傳十六年春隕石于宋五隕星也

但言星則隕星使石

隕故重
言隕星

疏

注但言至隕也 正義曰下云風也是風使
言隕星也則隕是星使石隕故重

言隕星以明所隕之石即是星也易稱在天成象在地成

形則星之在上其形不可知也古今之說星隕至地皆言

為石經書在地之驗故言隕三傳本在天之時故言隕星

不知星之在上其形不可知也古今之說星隕至地皆言

不說難得而知 六鷁退飛過宋都風也 六鷁遇正風而

得而知 六鷁退飛過宋都風也 六鷁遇正風而

物害故不 周內史叔興聘于宋宋襄公問焉

記風之異 曰是何祥也吉凶乎 在 祥吉凶之先見者襄公

曰是何祥也吉凶乎 在 祥吉凶之先見者襄公

六音祥白祥之類惡事亦稱為祥祥是愼名公問是何祥也吉凶焉在故杜預以吉凶解之言吉凶先見皆為祥也襄公以為石隕鷦退能為禍福之始對曰今茲魯多故問其所在蓋當慮其在已故問之

大喪

今茲此歲

明年齊有亂君將得諸侯而不

終

魯喪齊亂宋襄不終別以政刑吉凶他占知之

疏

注魯喪至知之正義曰此三者救與止言其

事不說知之所由或觀政教刑法或他事別有占驗故云別以政刑他占知之言知之不由石鷦也劉炫云政者若周大夫入陳竟見官職不脩君臣南冠如夏氏知簡夷將亂子貢見公執玉卑知其替死也刑者若夷吾忌克多怨君子知其不終也吉凶有二陰陽調序四海玉燭時吉也陰陽錯逆寒暑失度民多疾病五穀不登時凶也父為子孝君義臣忠人吉也父不父子不子君不君臣不臣人凶也

返而告人曰君先

問是陰陽之事非吉凶所生也

言石隕鵠逆陰陽錯逆所

為非人所生襄公不知陰陽而問人事故曰君失問

叔與自以對非其實恐為有識以讓故曰而告人

注言石至告人

正義曰劉炫云言是陰陽之事也則知

事由陰陽若陰陽順序則物皆得性必無妖異故云陰陽錯逆所為非人吉凶所生也傳稱天反時為灾地反物為妖人反德為亂亂則妖灾生洪範咎徵曰恒雨若之類皆言人有愆失乃致陰陽錯逆而占陰陽錯逆非人而生者石隕鵠飛事由陰陽錯逆陰陽錯逆乃是人行所致襄公不問己行何失致有此異乃謂既有此異將來必有吉凶故答云是乃陰陽之事非將來吉凶所生言將來若有吉凶協此石鵠之異耳非始從石鵠而出也襄公不知陰陽錯逆為既往之咎乃謂將來吉凶出石鵠之間是不知陰陽而空問人事故云君失問也叔與若以實對當云由君愆失致有此異今乃別以政刑他占橫說齊亂魯喪自

以對非其實恐為有識所譏故退而告人以此言也服虔
太鷁退風咎君行所致非吉凶所從生襄公不問已行何
失而致此變但問吉凶焉在以為石隕鷁退吉凶所從而
生故太君失問是劉炫用服虔為說也今劉定以杜注去
石鷁陰陽錯逆所為非人所生則陰陽錯逆自然有此非
由人事之失致此錯逆又吉凶不由石鷁所生故傳云是
陰陽之事非吉凶所生是吉凶不由石鷁石鷁不由於人
則吉凶之來別由人行得失耳故釋例云或異而無感或
感而不可知如此之類是也其傳云亂則妖災生洪範曰
在恒雨若此皆假之陰陽以為勸戒神道助教非實辭也
但聖賢之說未知孰是

吉凶山人吾不敢逆君

故也

積善餘慶積惡餘殃故曰吉凶由人



注積善

正義曰積善餘慶積惡餘殃凡文言文也言將來吉凶
由人行所致行善則有吉行惡則有凶吉凶自由於君不

從石鷄而出吾不敢逆君之心故假他占以對之

夏齊伐厲不克救徐

而還

十五年齊伐厲以救徐

秋狄侵晉取狐廚受鐸涉

汾及昆都因晉敗也

狄受鐸昆都晉三邑平陽臨汾縣西北有狐谷亭汾水

出大原

疏

注狐廚至入河折而西入于河

義曰汾水從平陽南流

狐廚乃在縣之西北則狐廚受鐸皆在汾北狄自北而侵南涉汾水至于昆都此都在汾南也

王以戎

難告王齊齊徵諸侯而戍周

十一年戎伐京師以來遂為王

室難

冬十一月乙卯鄭殺子華

然管仲之言十

二月會于淮謀節且東略也

鄭為淮夷所病故

城鄆

役人病有夜登丘而呼曰齊有亂不果城

而還

役人遇厲氣不堪
又駐故作妖言

經十有七年春齊人徐人伐英氏夏滅項

項國今汝陰項縣公在會

疏

注項國至諱之正義曰
知非師少不言師而言諱

之者沈士襄十三年傳去用大師焉曰滅此既稱滅故知
用大師劉炫去案傳齊人以爲討討其滅國非討用師既
不諱滅何以諱師炫謂將卑師少稱人不可自言魯人秋
故不稱師炫不達此旨以爲將卑師少以規杜過非也

夫人姜氏會齊侯于卞

卞今魯國卞縣

疏

夫人至于卞正義曰婦

人送迎不出門見兄弟踰閭今出會齊侯無譏文者凡
夫人之行得禮失禮有書其事善惡自明故於文悉無褒

既此時公為齊人所止夫人會以釋之縱使違禮不合賁責

九月公至自會

既

見執于齊猶以會致者諱之

冬十有二月乙亥齊侯小白卒

與僖公八同

疏

注與僖至以名

正義曰元年蓋于葵

盟赴以名

三年公子友如齊蒞盟五年于首止七

年于寤母八年于洮九年于葵丘十五年于牡丘四年與屈字盟于召陵諸侯皆在公亦與焉故為八也同盟相赴以名主謂當時兩君但與其父盟亦得以名赴其子耳與僖盟既多故不復通數莊閔也

傳十七年春齊人為徐伐英氏以報婁林

之役也

英氏楚與國婁林役在十五年

夏晉大子圉為質於秦

秦歸河東而妻之

秦征河東置官司在十五年

惠公之在

梁也梁伯妻之梁嬴孕過期

過十月不產
懷子曰孕

疏

注過十至曰孕

正義曰十月而產婦人大期又家語云
人十月而生故知過期過十月也易稱婦孕不育說文云

孕懷

子也卜招父與其子卜之

卜招父
梁大卜

其子曰將生

一男一女招曰然男為人臣女為人妾故名

男曰圉女曰妾

圉養馬者
不聘曰妾

疏

注圉養至曰妾
正義曰昭七年傳曰馬

有圉牛有牧內則去聘
則為妻奔則為妾是也

及子圉西質妾為宮女

焉

官事秦
為妾

師滅項

師魯

淮之會公有諸侯

之事未歸而取項

淮會在前年冬諸侯
之事會同講禮之事

齊人

以爲討而止公

內諱執皆言止

秋聲姜以公故會齊

侯于卞

聲姜僖公夫人齊女

九月公至書曰至自會猶

有諸侯之事焉且諱之也

恥見執故託會以告廟

疏

猶有

至諱之也正義曰實無諸侯之事而言至自會者尚似有諸侯之事焉

齊侯之夫人三

王姬徐嬴蔡姬皆無子齊侯好內多內寵

內嬖如夫人者六人長衛姬生武孟

武孟公子

無虧少衛姬生惠公

公子元

鄭姬生孝公

公子昭

葛嬴生昭公

公子潘

密姬生懿公

公子商人

宋華

子生公子雍

華氏之女子姓

公與管仲屬孝公於

宋襄公以為大子雍巫有寵於衛共姬因

寺人貂以薦羞於公

雍巫雍人名巫即易牙



注雍巫至易牙

正義曰周禮掌食之官有內雍外雍此人為雍官名巫而字易牙也

亦有寵公許之

立武孟

易牙既有寵於公為長衛姬請立武孟

管仲卒五公子

皆求立冬十月乙亥齊桓公卒

乙亥月八日

易

牙入與寺人貂因內寵以殺羣吏

內寵內官之有

權寵者

而立公子無虧孝公奔宋十二月乙

亥赴辛巳夜殞

六十七日乃殞

經十有八年春王正月宋公曹伯衛人邾

人伐齊

納孝公

夏師救齊

無傳

五月戊寅宋師

及齊師戰于虧齊師敗績

無虧旣死曹衛邾先去魯亦罷歸故宋師

獨與齊戰不稱宋公不親戰也大崩曰敗績虧齊地

狄救齊

無傳救四公子之徒

秋八

月丁亥葬齊桓公

十一月而葬亂故八月無丁亥日誤

冬邢人狄

人伐衛

狄稱人者史異辭傳無義例

疏

注狄稱至義例正義曰決上狄救齊不稱人

也於例將卑師衆稱師將卑師少稱人謂中夏諸侯之例此稱邢人是將卑師少者夷狄旣無爵命非有君臣之別

文多稱戎稱狄令君臣同文或單稱狄或稱狄人是時史異辭非褒貶也穀梁傳曰狄其稱人何也善累而後進之伐衛所以救齊也其意以為上已救齊今復伐衛救齊故進之稱人左氏無此義故為史異辭

傳十八年春宋襄公以諸侯伐齊三月齊

人殺無虧

以說宋

鄭伯始朝于楚

中國無霸故

楚

子賜之金既而悔之與之盟曰無以鑄兵

楚金

故以鑄三鐘

古者以銅為兵傳言楚無霸者遠也



注楚金利正

義曰考工記云吳越之劍是也

齊人將立孝公不勝四公子

之徒遂與宋人戰

無虧已死故曰四公子

夏五月宋敗

齊師于虧立孝公而還秋八月葬齊桓公

孝公立而後得葬冬邢人狄人伐衛圍蒐圃衛侯以

國讓父兄子弟及朝衆曰苟能治之煨請

從焉煨衛文公名衆不可不聽衛侯諫而後師于訾婁

陳師訾婁訾婁衛邑狄師還獨言狄還則邢留距衛言邢所以終爲衛所滅梁伯益

其國而不能實也多築城邑而無民以實之命曰新里秦

取之

經十有九年春王三月宋人執滕子嬰齊

稱人以執宋以罪及民告例在武十五年

疏

注稱人至從赴正

義曰此云宋人執滕子下云邾人執鄆子二君於傳無不道之狀而皆稱人以執是宋公欲重其罪以罪及民告故史從而書之以示虛實釋例曰凡諸侯無加民之惡而稱人以執皆時之赴告欲重其罪以加民爲辭國史承之書之於策而簡牘之記具存夫子因示虛實故傳隨而著其本狀以明得失也滕子鄆子皆稱人見執宋欲重二國之罪故以不道赴或名或不名從所告之文也傳具載子魚之辭以虐二國之君見義明非罪也杜言書名從赴者諸侯被執其罪與不罪直以執者稱人稱侯爲異傳例不以書名爲義釋例曰諸見執者已在罪賤之地書名與否非例所加故但言執某侯也其意言被執已是罪賤書名更無可加故不復以名爲義旣不以爲義而被執者有名與不名知其皆從赴也

夏六月宋公曹人邾人盟于曹南

無傳曹雖與盟而猶不肯致餼無地主之
禮故不以國地而曰曹南所以及秋而見圍

疏

注曹雖至

見圍

正義曰哀十二年傳曰諸侯之會侯伯致禮地主

歸錄桓十四年公會鄭伯于曹傳曰曹人致餼禮也春秋

諸會於國都者即以國都名為會地地主不序於列此會

地於曹南則在曹之都也在曹之都而曹人在列是曹雖

與盟而心猶不服秋宋人圍曹傳曰討不服也以不服而

被圍知此地以曹南即是不服之狀明是不肯致餼無地

主之禮以此故不以國地而曰曹南所以及

秋而見圍以秋見圍知此時不服故注言之

鄆子會

盟于邾

不及曹南之盟諸侯既罷鄆乃會之於邾故不言如會

疏

注不及至如會正

義曰諸侯盟于曹南鄆子欲往會之未至於曹諸侯既罷

以邾既盟訖故如邾會之本意欲往會盟未至於曹諸侯

已去其實至於邾國故書會盟于邾言其意欲盟也二十

八年踐土盟下云陳侯如會彼謂往至會所此不至會所

故嘗其所至而不言如會襄七年鄆之會下鄭伯驍頑如
會未見諸侯丙戌卒于鄆亦不至會所而云如會者其意
欲會而注道身喪故亦書其所至義與此同但卒執事異
故文異耳鄆子不及曹南而至於鄆國蓋宋公知其不在
故使邾子執之已酉邾人執鄆子用之邾人以執宋以

雖失大國會盟之信然宋用之爲罰已虐故直書用之言
若用畜產也不書社赴不及也不書宋使邾而以邾自用
爲文南面之君善惡自疏注稱人至他命正義曰昭
專不得託之於他命十一年楚執蔡世子友用之

與此執鄆子用之皆惡其無道直書用之言其若用畜牲
所以惡楚宋也惡宋而以邾自用爲文者南面之君善惡
自尊不得託之他命事實惡宋亦所以惡邾也傳稱用之
于社而經不書一社故云赴不及也劉炫規過云執蔡世
子友用之不言岡山此何須云于社今刪定知不然者以
莊二十五年鼓用牲于社今鄆子既同畜牲而用當云邾

人用鄆子于社今不云于社故知赴不及則
昭十一年執蔡世子友用之亦赴不及也 秋宋人圍

曹衛人伐邢 代邢在圍曹前
經書在後從赴 冬會陳人蔡人

楚人鄭人盟于齊 地於齊齊
亦與盟 疏 注地於至與盟
正義曰地於

齊者言即以齊為所盟之地也傳稱陳穆公請脩桓公之
好而為此盟明是齊亦與盟地於齊而齊不序諸盟會以
國都而地主不列於序者地主
梁亡 以自亡為文非
亦與盟會皆以此而知之耳 者之罪所以惡梁

疏 注以自至惡梁 正義曰諸侯受命天子分地建國
無相滅之理此以自亡為文不書所取之國以為梁

國自亡非復取者之罪所以深惡梁耳非言秦得滅人國
也釋例曰作事不時則怨讎動於民彼梁伯者虛與無虞
之力詐稱無害之寇遂溝其官以盪百姓之心開大國之
惡是妖蒙之先飭自亡之實應故不言秦滅梁而以自亡

文為

傳十九年春遂城而居之

承前年傳取新里故不復言秦也為此冬

梁亡傳

宋人執滕宣公夏宋公使邾文公用

鄆子于次睢之社欲以屬東夷

睢水受汴東經陳留梁譙

沛彭城縣入泗此水次有妖神東夷皆社祠之蓋殺人而用祭

疏

欲以屬東夷正義曰屬訓聚也殺鄆子

以懼東夷使東夷聚來歸己也齊桓以德屬諸侯諸侯聚歸齊桓注睢水至用祭正義曰釋例曰汴水自滎陽

受河睢水受汴東經陳留梁國譙郡沛國至彭城縣入泗凡水首從水出謂之受流歸他水謂之入漢書之例為然

言汴從河出睢從汴出也次謂水幸也下云用諸淫昏之鬼則此祀不在祀典故云此水次有妖神妖神而謂之社

傳言以屬東夷則此是東夷之神故言東夷皆社祠之類
炫云案昭十年季甲子伐莒獻俘用八於亳社彼亳社
舊不用人杜何以知此社殺人而用祭乎今知不然者彼
傳云始用人於亳社故知舊來不用此云使邾文公用鄭
子于次睢之社既不言始明知舊
俗用之劉取彼而規杜過非也

司馬子魚曰古

者六畜不相爲用

司馬子魚公子目夷也六畜不
相爲用謂若祭馬先用馬

疏

注司馬至用馬 正義曰爾雅釋畜馬牛羊豕犬雞
謂六畜周禮謂之六牲養之曰畜用之曰牲其實

一物也此云六畜不相爲用昭十一年傳曰五牲不相爲
用彼注不云馬而以其餘當之明其俱爲祭祀所用彼此
同也周禮校人春祭馬祖鄭立云馬祖天駟也孝經說曰
房爲龍馬六畜之言先祖者唯此一丈而已以外牛羊之
等其祖不知爲何神也謂若祭馬先用馬略舉一隅據
有文者言之耳沈氏云春秋說天苑主牛又有天雞天狗

天豕以馬祖類之此等各有其祖

小事不用大牲

疏

小事不用大牲正義曰

雜記言魯廟用羊門夾室皆用雞隱十一年傳稱鄭伯之詛使卒出殿行出犬雞如此之類皆是不用大牲也

而

況敢用人乎祭祀以爲人也民神之主也

用人其誰饗之齊桓公存三亡國以屬諸

侯

三亡國魯衛邢

疏

注三亡國魯衛邢有夫人慶父之亂二君弑死國絕無嗣

正義曰齊語云魯

桓公使高子存之狄人攻邢桓公築夷儀以封之狄人攻衛衛人出廬于曹桓公城楚丘以封之是也衛則狄滅之矣魯邢不滅而言亡者美大齊桓之功耳

義士猶曰薄德

謂欲因亂取魯緩救邢衛

今一會而虐二國之君

宋公三月以會召諸侯執滕子六月而會盟其

月二十二日執鄩子故
云一會而虐二國之君

又用諸淫昏之鬼

非周社故

將以求霸不亦難乎得死爲幸

恐其亡國

秋衛人

伐邢以報菟圃之役

邢不速退所以獨見伐

於是衛大

旱卜有事於山川不吉

有事祭也

甯莊子曰昔

周饑克殷而年豐今邢方無道諸侯無伯

伯長也

天其或者欲使衛討邢乎從之師興

而兩宋人圍曹討不服也

曹南盟不脩地主之禮故

子魚

言於宋公曰文王聞崇德亂而伐之軍三

旬而不降

崇崇侯虎

退脩教而復伐之因壘而

降

復往攻之備不改前而崇自服

詩曰刑于寡妻至于兄弟

以御于家邦

詩大雅言文王之教自近及遠寡妻嫡妻謂大姒也刑法也

今君

德無乃猶有所闕而以伐人若之何盍姑

內省德乎無闕而後動陳穆公請脩好於

諸侯以無忘齊桓之德冬盟于齊脩桓公

之好也

宋襄暴虐故思齊桓

梁亡不書其主自取之也

不書取梁者主名

初梁伯好土功亟城而弗處民罷

而弗堪則曰某寇將至乃溝公宮溝曰秦

將襲我民懼而潰秦遂取梁

經二十年春新作南門

魯城南門也本名稷門
僖公更高大之今猶不

與諸門同眇名高門也言新以易
舊言作以興事皆更造之文也

疏

正義曰魯城南門

本名稷門今新作者新脩彼稷門更令高大因改名高門
此事非有所據魯人相傳云然今時魯人其言猶如此也
新者易舊之意作者興事之辭皆是更造之文也劉賈先
儒皆云言新有故本言作有新本故為此言以異之釋例
曰言新意所起言作以興事通謂興起功役
之事愬而言之不復分別因舊與造新也

夏部子

來朝

無傳部
姬姓國

疏

注部姬姓國 正義曰二十四年傳
雷辰所云部之初封文王之子聃

之第以後更無所聞唯此年一見而已無時君謚號不知葬滅之

五月乙巳西宮災

無傳西宮公別宮也天



注西宮至六年正義曰穀

火曰災例在宣十六年



梁以西宮為閔公之廟禮宗

廟在左不得稱西宮也公羊傳曰西宮者何小寢也小寢則曷為謂之西宮有西宮則有東宮矣此注取公羊為說

故云公別宮也

鄭人入滑

入例在襄十三年

秋齊人狄人盟

于邢冬楚人伐隨

傳二十年春新作南門書不時也

失土功之時

凡

啓塞從時

門戶道橋謂之啓城郭牆塹謂之塞皆官民之開閉不可一日而闕故特隨壞時而

治之今僖公脩飾城門非開閉之急故以土功之制

疏

譏之傳嫌啓塞皆從土功之時故別起從時之例

注門戶至之例 正義曰傳唯言啓塞從時不知啓塞之言意何所謂服虔云閤扇所以開鍵閉所以塞月令仲春脩閤扇孟冬脩鍵閉從時從此時也傳既云作門不時更發從時之例則啓塞之事當是城門之類安得以爲閤扇鍵閉細小之物乎若是仲春孟冬傳何以不言春冬而直云從時知從何時豈丘明作傳不了待月令而後明哉故杜更爲別說雖杜之言亦無明證正以門戶道橋所以開人行路故以爲啓城郭牆塹所以障蔽往來故以爲塞雖言無所據而理在可通此二事者皆官民之所開閉終當須之不可一日而闕言從時者特從壞時而脩之不得拘以土功時月也此新作南門者當時不是傾壞倍公欲脩飾使高大耳非開閉之急得待土功閒月今以日至之後興造此門故以土功之制譏之云書不時也傳既譏倍公作門不時嫌門戶牆塹之類交急之事亦待土功之月故別起從時之例言啓塞不須待時其新作門須待時耳杜云城郭謂之塞亦得從壞時而治之所以春秋築城每云

書不時者謂非因破壞而輒脩理故謂之不時釋例曰門戶道橋城郭牆塹官民之開閉不可一日闕者也故特隨壞時而脩之皆當其時而訖不必用土功之常時也故傳既曰書不時又曰啓塞從時重發以明二義其他急事亦包之也魯城南面三門隱公元年開一門故今南有四門僖公意更繕治高大稷門非啓塞之義而以日至之後興功故經書春傳曰書不時言失土功之時也啓塞之事猶得從宜而脩之

滑人叛鄭而服

於衛夏鄭公子士洩堵寇帥師入滑

公子士鄭

文公子洩堵寇鄭大夫

秋齊狄盟于邢爲邢謀衛難也

於是衛方病邢隨以漢東諸侯叛楚冬楚鬬穀於莠帥師伐隨取成而還君子曰隨

之見伐不量力也量力而動其過鮮矣善

敗由己而由人乎哉詩曰豈不夙夜謂行

多露

詩召南言豈不欲早暮而行懼多露之濡己以喻遠禮而行必有汙辱是亦量宜相時而動之義

宋襄公欲合諸侯臧文仲聞之曰以欲從

人則可

屈己之欲從衆之善

以人從欲鮮濟

為明年鹿亡盟傳

經二十有一年春秋侵衛

無傳為邢故

宋人齊

人楚人盟于鹿上

鹿上宋地汝陰有原鹿縣宋為盟主故在齊人上

夏

大旱

雩不獲雨故書旱自夏及秋五稼皆不收

疏

注雩不至不收曰春秋之例旱則脩雩

正義

旱必為旱而經或書旱或書旱者旱而得雨喜旱有從書
旱不書旱旱不得雨則書旱明災成此時旱不獲雨故書
旱也周之夏即今之二月三月四月也於時方欲下種此
月不雨未能成災而書夏大旱者此後雖得少雨而終是
不堪生殖從夏及秋五稼悉皆不收不收之後擇最早之
月而書之故書夏大旱也劉炫云大旱而不書饑者傳本
是歲也饑而不
害故不書饑

秋宋公楚子陳侯蔡侯鄭伯

許男曹伯會于孟

孟宋地楚始與中
國行會禮故稱爵

執宋公以

伐宋

不言楚執宋公者宋無德而爭盟為
諸侯所伐故楚見宋國共執之文

冬公伐邾

無傳為邾
滅須句故

楚人使宜申來獻捷

無傳獻宋捷也
不言宋者秋伐

宋冬來獻捷事不異年從可知
不稱楚子使來不稱君命行禮

十有二月癸丑公

會諸侯盟于薄釋宋公

諸侯既與楚共伐宋服故為薄盟以釋之公

本無會期聞盟而往故書公會諸侯



注諸侯至諸侯正義曰諸侯之被執者皆不書其釋釋而公不與

又不告故魯史不得書之此由公往與盟見其得釋故書之耳文七年公會諸侯晉大夫盟于扈傳曰公後至故不書所會凡會諸侯不書所會後也後至不書其國辟不敏也此盟亦惣言諸侯不書其國似是公之後期故解之魯先不屬楚公本無會期聞盟而往故書公會諸侯非後期也公非後期而惣書諸侯者此則會孟之諸侯也一事而再見者前目而後凡自謂前已歷序故後惣言耳非為魯公變文也

傳二十一年春宋人為鹿上之盟以求諸

侯於楚楚人許之公子目夷曰小國爭盟

禍也宋其亡乎幸而後敗

謂軍敗

夏大旱公

欲焚巫尪

巫尪女巫也主祈禱請雨者或以爲尪非巫也瘠病之人其面上向俗謂天哀其病

恐雨入其臯故爲之

疏

注巫尪至焚之正義曰周禮

早是以公欲焚之

女巫職去旱暵則舞雩此以爲

早欲焚之故知巫尪女巫也并以巫尪爲女巫則尪是劣弱之稱當以女巫尪弱故稱尪也或以爲尪非巫也巫是

禱神之人尪是瘠病之人二者非一物也尪是病人天恐雨入其臯俗有此說不出傳記義或當然故兩解之也檀

弓去歲旱穆公召縣子而問然曰天久不雨吾欲暴尪而

笑若曰天則不雨而暴人之疾子虐無乃不可與鄭玄去

尪者面鄉天觀天哀而雨之又曰然則吾欲暴巫而笑若鄭玄去巫主接神亦觀天哀而雨之彼欲暴人疾而求雨故鄭玄以爲觀天哀而下雨此欲燒殺以求雨故杜以爲天哀之而不雨意異故解異也禮記既言暴尪又別言暴

巫尨非一物記言暴人之疾則尨是病人或說是也

臧文仲曰非旱備也

脩城郭貶食省用務穡勸分

穡儉也勸分有無相濟

䟽

注穡儉也

正義曰穡是愛惜之義故爲儉也襄二十四年穀梁傳曰五穀不升謂之大侵大侵之禮君

食不兼味臺榭不塗弛侯廷道不除百官布而不制鬼神禱而不祀曲禮云歲凶年穀不登君膳不祭肺馬不食穀如此之類皆是務爲儉也務爲儉穡而脩城郭者服虔云國家凶荒則無道之國乘而加兵故脩城郭爲守備也

此其務也巫尨何爲天欲殺之則如勿生

若能爲旱焚之滋甚公從之是歲也饑而

不害

不傷害民

秋諸侯會宋公于孟子魚曰禍

其在此乎君欲已甚其何以堪之於是楚

執宋公以伐宋冬會于薄以釋之子魚曰

禍猶未也未足以懲君

爲二十二年戰泓傳

任宿須

句籲吏風姓也實司大睥與有濟之祀

司主

也大睥伏羲四國伏羲之後故主其祀任今任城縣也籲吏在泰山南武陽縣東北須句在東平須昌縣西北四國

封近於濟故世祀之

以服事諸夏

與諸夏同服王事

邾人滅須

句須句子來奔因成風也

須句成風家

成風爲

之言於公曰崇明祀保小寡周禮也

明祀大睥有濟

之祀保
安也

蠻夷猾夏周禍也

此邾滅須句而曰蠻夷昭二十三年叔孫

豹曰邾又夷也然則邾雖曹姓之國迫近諸戎雜用夷禮故極言之猾夏亂諸夏

疏

注此邾至諸夏正

義曰蠻夷猾夏舜典文猾訓為亂故云亂諸夏也此注引昭二十三年傳當云叔孫婁曰編檢古本皆作豹字蓋注

後即

若封須句是崇睥濟而脩祀紓禍也

紓解也為明年伐邾傳

經二十有二年春公伐邾取須句

須句雖別國而削弱

不能自通為魯私屬若顯更之比魯謂之社稷之臣故滅奔及反其君皆略不備書唯書伐邾取須句

疏

注須句至須句正義曰上傳云須句子則須句子爵故云雖別國而不能自通為魯私屬若襄公之世鄆國屬魯

故知如顯史之比略不備書也

夏宋公衛侯許男滕子伐鄭

秋八月丁未及邾人戰于升陘

升陘魯地邾人縣公胃于

魚門故深恥之不言公又不言師敗績

冬十有一月己巳朔宋公

及楚人戰于泓宋師敗績

泓水名宋伐鄭楚救之故戰也楚告命不

以主帥人數故略稱人

傳二十二年春伐邾取須句反其君焉禮

也

得恤寡小之禮

三月鄭伯如楚夏宋公伐鄭子

魚曰所謂禍在此矣

怒鄭至楚故伐之焉下泓戰起

初平王之

東遷也

周幽王爲犬戎所滅平王嗣立故東遷洛邑

辛有適伊川見

被髮而祭於野者

辛有周大夫伊川周地伊水也

曰不及百年

此其戎乎其禮先亡矣

被髮而祭有象夷狄

疏

其禮先亡矣

正義曰其中國之禮先亡矣

秋秦晉遷陸渾之戎于伊川

允姓之戎居陸渾在秦晉西北二國誘而徙之伊川遂從戎號至今爲陸渾縣也計此去辛有過百年而云不及百

年傳舉其事驗不必其年信

疏

注允姓至年信曰先王居棹杙于四裔故允姓之戎

正義曰昭九年傳

居于瓜州伯父惠公歸自秦而誘以來是此戎爲允姓也彼注云瓜州今敦煌則陸渾是敦煌之地名也徙之伊川

復以陸渾爲名故至今爲陸渾縣十一年傳稱伊洛之戎同伐京師則伊洛先有戎矣而以今始遷戎爲辛有言驗

者蓋今之遷戎始居
被髮祭野之處故耳 晉大子圉爲質於秦將逃

歸謂嬴氏曰與子歸乎
嬴氏秦所妻子圉懷嬴也 對曰子

晉大子而辱於秦子之欲歸不亦宜乎寡

君之使婢子侍執巾櫛
婢子婦人之卑稱  注婢子婦人之

卑稱正義曰曲禮云夫人自稱於其君曰小童 以固

子也從子而歸弃君命也不敢從亦不敢

言遂逃歸
傳終史蘇之占 富辰言於王曰請召大

叔
富辰周大夫大叔王子帶十二年奔齊 詩曰協比其鄰昏姻

孔云

詩小雅言王者為政先和協近親則昏姻甚相歸附也鄰猶近也孔甚也云旋也

疏

詩曰

至孔云

正義曰詩小雅正月之篇也毛傳云洽合鄰近

云旋也言王者和合親比其近親則昏姻甚迴旋而相歸

附其詩之意欲令

王親親以及遠

吾兄弟之不協焉能怨諸侯

之不睦王說王子帶自齊復歸于京師王

召之也

傳終仲孫湫之言也為二十四年天王出居于鄭起

邾人以須句故

出師公卑邾不設備而禦之

卑小也

臧文仲

曰國無小不可易也無備雖衆不可恃也

詩曰戰戰矜矜如臨深淵如履薄冰

詩小雅

嘗戒懼

又曰敬之敬之天惟顯思

顯明也思猶辭也

命

不易哉

周頌言有國宜敬戒天明臨下奉承其命甚難

疏

敬之至易哉正義曰詩周頌

羣臣進戒成王之辭言爲國君者宜敬之哉敬之哉天之
道唯明見思言天之臨下善惡必察奉承天命不易哉言
其承天命甚爲難
先王之明德猶無不難也無不懼

也況我小國乎君其無謂邾小逢蠱蠱有毒

疏

逢蠱有毒正義曰說文云蠱飛蟲螫人者也蠱毒蟲也方言云燕趙謂蠱爲蠱蝥其小者謂之蠱蝥通

俗文云蠱長尾謂之蠱蝥毒傷人曰蛆張列字或作蠱

而況國乎弗聽八月

丁未公及邾師戰于升陘我師敗績邾人

獲公冑縣諸魚門

冑，楚魚門，郢城門。

統

注：冑，楚魚門。義曰：說文，冑，

楚鮑首鎡也。書傳皆云：冑，無鮑鮑之文。言鮑鮑舉今以曉古，蓋秦漢以來語。

楚人伐宋以

救鄭宋公將戰大司馬固諫曰天之弃商

久矣君將興之弗可赦也已

大司馬固，莊公之孫，公孫固也。言君

與天所弃必不可不知赦楚勿與戰。

弗聽冬十一月己巳朔宋公

及楚人戰于泓宋人既成列楚人未既濟

未盡渡泓水。

司馬曰

子魚也。

彼衆我寡及其未既濟

也請擊之公曰不可既濟而未成列又以

告公曰未可既陳而後擊之宋師敗績公

傷股門官殲焉

門官守門者師行則在君左右殲盡也

疏

注門官至盡也

正義曰周禮虎賁氏掌先後王而趨以卒伍軍旅會同亦如之舍則守王閑王在國則守王宮國有大故則守王門諸侯之禮亡其官屬不可得而知此門官蓋亦天子虎賁氏之類故在國則守門師行則在君左右近公故盡死也

殲盡釋詁文舍人云殲衆之盡也

國人皆咎公公曰君子不重

傷不禽二毛

二毛頭白有二三

古之爲軍也不以阻

隘也

不因阻隘以求勝

寡人雖亡國之餘

宋商紂之後

不

鼓不成列

取以詐勝

疏

不鼓不成列鼓以戰因謂交戰爲鼓彼不成

正義曰軍法鳴

列而鼓以擊之是詐以求勝故注云取以詐謀

子魚曰君未知戰勅敵

之人隘而不列天贊我也

勅強也言楚在險隘不得陳列天所以佐

宋阻而鼓之不亦可乎猶有懼焉

雖因阻擊之猶

恐不勝

且今之勅者皆吾敵也

疏

且今至吾敵也正義曰

言用兵之法前敵無間彊弱不可遺留且復若留彊者還爲己害故曰且今之陳上不被損傷材力彊者皆能與吾相敵若其不殺還來害我是以雖及胡者獲則取之何有恩義於二毛之人

雖及胡者

疏

雖及胡者

正義曰證法保民者父曰胡胡是老之稱也釋詁云耆壽也舍人曰耆耑也血氣精華翫竭

言色赤黑如狗矣孫炎曰耆而如凍梨色似浮垢老人壽樹也

獲則取之何有於

二毛

今之勅者謂與吾競者胡考元老之稱

明恥教戰求殺敵也

明設刑戮以恥不果

傷未及死如何勿重

言尚能害己

若愛

重傷則如勿傷愛其二毛則如服焉

言苟不欲

傷殺敵人則本可不須闕

疏

若受至服焉之語然猶似敢即不敢若受彼重傷則

正義曰如猶不如古人

不如本勿傷之若愛其二毛不欲傷害則不如早服從之何須與戰

三軍以利用也

利

興金鼓以聲氣也

鼓以佐士衆之聲氣

疏

注鼓以至聲氣正義曰言金鼓

以聲氣謂金鼓佐士衆之聲氣下文聲盛致志者謂士衆由聞金鼓聲氣滿盛能致勇武之志以擊前敵爲此前敵僥巖未陳鼓而擊之可也注不言金當以金有止衆之時不是盡以聲氣故也周禮鼓人掌教六鼓四金之音聲以

御聲樂以和軍旅以正田役以金鐸和鼓以金錡節鼓以金鐃止鼓以金鐸通鼓是鐃錡皆助鼓以聲氣其鐃則鳴之以止鼓大司馬教戰法亦云三刺之後乃鼓退鳴鐃且却哀十一年傳陳書曰此行也吾聞鼓而已不聞金矣杜云鼓以進軍金以退軍不聞金言將死也是金有止鼓之時非盡用以聲氣注不言金見此意也

利而

用之阻隘可也聲盛致志鼓儼可也

儼巖未整陳

丙子晨鄭文夫人芊氏姜氏勞楚子於柯

澤

楚子還過鄭鄭文公夫人芊氏楚女姜氏齊女也柯澤鄭地

疏

注楚子至鄭地正義曰以芊是

楚姓姜是齊姓故云楚女齊女耳亦無明文言之二者共以夫人冠之蓋俱是夫人禮無二適而有兩夫人者當時借恣不楚子使師緡示之俘馘師緡楚樂師也如禮也俘所得囚馘所

耳
疏

注師縉至截耳 正義曰書傳所言師曠師曹師
縉師縉之類皆是樂師知此師縉亦樂師也釋詁

云俘取也馘獲也李巡云囚敵曰俘伐執之曰取郭璞云
今以獲賊耳為馘毛詩傳曰殺而獻其耳曰馘鄭箋云馘
所格者左耳也然則俘者生執囚之馘者殺其人截取其左耳欲以計功也 君子曰非禮

也婦人送迎不出門見兄弟不踰閭

閭門限

疏

注閭門限 正義曰釋宮云扶謂之閭孫炎曰扶門
限也經傳諸注皆以閭為門限謂門下橫木為外內

之限 戎事不邇女器

邇近也器物也言俘
也非近婦人之物

丁丑

楚子入享于鄭

為鄭九獻

用上公之禮九
獻酒而禮畢

疏

注用上至禮畢 正義曰周禮大行人云上公九獻侯伯
七獻子男五獻案儀禮主人酌以獻賓賓酢主人主人又

酌以酬賓乃成一獻之禮九獻者九為獻而禮始畢也楚實子爵以霸主自許故鄉以極禮待之庭實

旅百

庭中所陳品數百也

疏

注庭中至百也亡庭實所有及所加蓬豆無以言

正義曰饗禮既

之然鄭注周禮享禮兼燕禮食禮與殯禮略同掌客去饗餼之禮其死牢如殯之陳上公殯五牢飪一牢陳在西階之前正鼎九牛一羊二豕三魚四腊五腸胃六膚七鮮魚八鮮腊九從北南陳又有陪鼎三卿鼎一在牛鼎之後鼎一在羊鼎之後饒鼎一在豕鼎之後脰四牢陳於東階之前牢列九鼎無陪鼎也侯伯殯四牢飪一牢脰三牢子男殯三牢飪一牢脰二牢其陳列皆如上公又上公醢六十甕從陳於庭碑東醢六十甕從陳於碑西侯伯醢醢百甕子男八十甕其陳如上公又上公米百有二十官橫陳於醢醢之間侯伯百官子男八十官陳如上公此殯禮庭實之物饗饋亦然掌客上公豆四十侯伯三十二子男二十四鄭注云公四十豆堂上十六西夾東夾各十二侯伯

三十二豆堂上十二西夾東夾各十子男二十四豆堂上
十二西夾東夾各六然邊數亦然其邊豆之物者周禮邊
人掌四邊之實朝事之邊其實麴黃白黑形鹽膾鮑魚鱠
饋食之邊其實棗栗桃乾榛榛實加邊之實菱芡栗脯羞
邊之實糗餌粉養醢人掌四豆之實朝事之豆其實韭菹
醢醢昌本麋鷄菁菹鹿鷄茆菹麋鷄饋食之豆其實葵菹
蕸醢脾析麋醢蜃蚘醢豚拍魚醢加豆之實芹菹兔醢深
蒲醢醢筍菹鴈醢筍菹魚醢羞豆之實醢食糝食此等所
陳雖為祭祀下六賓客亦如之是賓客與祭祀不異故三
十年饗有昌歆白黑形鹽公食大夫禮亦有昌本之屬此
云加邊豆六品必是此等之物但傳文不具無以言之
加邊豆六品

食物六品
加於邊豆

籩豆禮
食器

享畢夜出文芊送于軍取鄭二姬

以歸

二姬文
丰女也

叔詹曰楚王其不没乎

不以
壽終

為禮卒於無別無別不可謂禮將何以沒

諸侯是以知其不遂霸也

言楚子所以師敗城濮終為商臣所執

經二十有三年春齊侯伐宋圍緡

緡宋邑高平昌邑縣

東南有東緡城

夏五月庚寅宋公茲父卒

三同盟

疏

注三

同盟正義曰茲父以九年即位其年盟于葵丘十五年于牡丘唯與魯同此二盟而已而云三者并數盟于薄釋宋公也案經盟于薄始云釋宋公則盟薄之時宋公未得與盟而數之者以凡盟之法皆舍其前惡結其後好故宣十五年楚人圍宋圍後始盟及城下之盟皆是其事今釋宋公之後恐楚人伐宋宋公恨楚故盟以結之若未釋宋公之前何須盟誓但經文欲顯公會之事故盟秋在釋前劉炫以宋公不與薄盟而規杜氏非也

楚人伐陳

疏

楚人伐陳
帥師伐陳則是楚之貴卿也而稱人

正義曰傳稱楚成得臣

者釋例曰楚之君臣最多混錯此乃楚之初興未開周之典禮告命之書自生異同猶秦之辟陋不與中國準故成
二年以上春秋未以入例也如杜
彼言楚不以得臣名告故稱人耳
冬十有一月杞子

卒

傳例曰不書名未同盟也杞入春秋稱侯
莊二十七年絀稱伯至此用夷禮貶稱子

傳二十三年春齊侯伐宋圍緡以討其不

與盟于齊也

十九年盟于齊以無忘桓公之德而宋
獨不會復召齊人共盟庶上故今討之

夏五月宋襄公卒傷於泓故也

終子魚之言
得死焉幸

秋楚成得臣帥師伐陳討其貳於宋也

得成

臣子

遂取焦夷城頓而還

焦今譙縣也夷一名城父今譙郡城父縣

二地皆陳邑頓國今汝陰南頓縣

子文以為之功使為令尹叔

伯曰子若國何

叔伯楚大夫選呂臣也以為子王不任令尹

對曰吾

以靖國也夫有大功而無貴仕

貴仕貴位

其人

能靖者與有幾

言必矜功為亂不可不賞

九月晉惠公卒

經在明年從赴

懷公命無從亡人

懷公子圉亡人重耳

期期而不

至無赦狐突之子毛及偃從重耳在秦弗

召

偃子犯也

冬懷公執狐突曰子來則免

未期而執

突以不召子故對曰子之能仕父教之忠古之制也

策名委質貳乃辟也名書於所臣之策屈膝而君事之則不可以貳辟罪也

疏

注名書至罪也 正義曰策簡策也質形體也古之仕者於所臣之人書己名於策以明繫屬之也拜則

屈膝而委身體於地以明敬奉之也名繫於彼所事之君則不可以貳心辟罪釋詁文 今臣之子

名在重耳有年數矣若又召之教之貳也

父教子貳何以事君刑之不濫君之明也

臣之願也淫刑以逞誰則無罪臣聞命矣

乃殺之卜偃稱疾不出曰周書有之乃大

明服

周書康誥言君能大明則民服

己則不明而殺人以逞

不亦難乎民不見德而唯戮是聞其何後

之有

言懷公必無後於晉焉二十四年殺懷公張本

十一月杞成公卒書

曰子杞夷也

成公始行夷禮以終其身故於卒貶之杞實稱伯仲尼以文貶稱子故傳言書

曰子以明之

疏

注成公至明之正義曰何休膏肓難左氏云杞子卒豈當用夷禮死乎故解之此杞成

公始行夷禮以終其身故於卒貶之卒者人之終於終貶之見其終身行夷禮也於時杞實稱伯唯此獨稱子是仲尼以文貶之稱子貶之而曰子者曲禮曰其在東夷北狄西戎南蠻雖大曰子四夷之君爵不過子故貶之焉子言如夷狄之大國耳
不書名未同盟也凡諸侯同盟死

則赴以名禮也

隱十年已見今重發不書名者疑降爵故也此兄又爲國史承告而書

例赴以名則亦書之

謂未同盟

不然則否

謂同盟而

不以名告辟不敏也

敏猶審也同盟然後告名赴者之禮也承赴然後書策史官之制也內外

之宜不同故傳重詳其義

疏

不書至敏也正義曰隱七年已有例矣今重發者釋例曰杞侯降爵嫌有異

同故傳重發不書之例又更發凡者以明雖薨赴有法若或違之國史亦承告而書不必攷正也赴以名則亦書之者謂諸侯雖不同盟或以名赴也不然則否辟不敏者謂雖同盟而赴不以名則亦不書名以審違謬也

公子重耳之及於難也晉人伐諸蒲城

在事

年五蒲城人欲戰重耳不可曰保君父之命

而享其生祿

享受也保猶恃也

疏

享其生祿正義曰人以祿生故謂之生祿

於是乎得人

以祿致衆

有人而校罪莫大焉

校

也吾其奔也遂奔狄從者狐偃趙衰

夙弟

顓頊魏武子

武子魏嬖

司空季子

胥臣曰季也時狐毛賈佗皆從而

歟此五人賢而有大功

疏

注胥臣至大功也晉有曰邑蓋食采於曰邑字季子而

爲司空之官故名氏互見也不言狐毛賈佗而獨舉此五人者賢而有大功故也顓頊歸晉尋即被戕而言大功者

當爲從亡之時有大功也晉語稱公子長事賈佗佗非不賢蓋傳文意之所在便即言之未必五人皆賢於賈佗

狄人伐廆咎如

廆咎如赤狄之別種也隗姓

疏

注廆咎如至隗姓正義曰

成三年晉郤克衛孫良夫伐廬咎如傳曰討赤狄之餘焉
彼言赤狄之餘知是赤狄之別種也女曰叔隗季隗知爲
隗姓也獲其二女叔隗季隗納諸公子公子

取季隗生伯僚叔劉以叔隗妻趙衰生

盾盾趙宜子將適齊謂季隗曰待我二十五

年不來而後嫁對曰我二十五年矣又如

是而嫁則就木焉言將死入木不復成嫁請待子處狄

十二年而行以五年奔狄至十六年而去過衛衛文公不

禮焉出於五鹿五鹿衛地今衛縣西北有地名五鹿陽平元城縣東亦有五鹿乞

食於野人野人與之塊公子怒欲鞭之子

犯曰天賜也

得土有國之祥故以為天賜

稽首受而載之

疏

乞食至載之正義曰晉語云過五鹿乞食於野人野人舉塊以與之公子怒將鞭之子犯曰天賜也民

以土服又何求焉天事必象十二年必獲此土二三子志之歲在壽星及鶉尾其有此土乎天以命矣復於壽星獲於諸侯天之道也由是始之有此其以戊申乎所以申土也再拜稽首受而載之及齊齊桓

公妻之有馬二十乘

四馬為乘八十四匹也

公子安之

從者以為不可將行謀於桑下

齊桓既卒知孝公不可恃

故蠶妾在其上以告姜氏姜氏殺之

姜氏重耳

妻恐孝公怒其去
故殺妻以滅口

疏

乃齊至殺之 正義曰晉語云齊
侯妻之甚善焉有馬二十乘將死

於齊而已曰民生安樂孰知其他桓公卒孝公即位諸侯
叛齊子犯知齊之不可以動而知文公之安齊有終焉之
心欲行而患之與從者謀於桑下釁妻
在焉莫知其也在也妻告姜氏姜氏殺之 而謂公子曰

子有四方之志其聞之者吾殺之矣公子
曰無之姜曰行也懷與安實敗名公子不
可姜與子犯謀醉而遣之醒以戈逐子犯

無去志

疏

醒以戈逐子犯 正義曰晉語云逐子犯曰
若無所濟吾食舅氏肉其知饜乎舅犯走且

故怒

對曰若無所濟吾未知死所誰能與豺狼爭食若克有成
公子無亦晉之柔嘉是以甘食偃之肉腥臊將焉用之遂

行
及曹曹共公聞其駢脅欲觀其裸

浴薄而觀之

薄迫也駢脅合幹

疏

及曹至觀之正義曰斷其裸以上爲句

裸謂赤體無衣也駢脅非裸不見故欲觀其裸伺其浴乃逼迫以觀之晉語云曹共公聞其駢脅欲觀其狀止其舍謀其將浴設微薄而觀之孔晁云謀候也微蔽也注薄迫至合幹正義曰薄者逼近之意故爲迫也說文云駢脅并幹也肋脅骨也廣雅云脅幹謂之肋孔晁云聞公子脅幹是一骨故欲觀之通俗文曰腋下謂之脅如此諸說則脅是腋下之名其骨謂之肋幹是肋之別名駢訓比也骨相比迫若一骨然

僂負羈之妻

曰吾觀晉公子之從者皆足以相國若以

相

若遂以爲傳相

夫子必反其國反其國必得志

於諸侯得志於諸侯而誅無禮曹其首也

子盍蚤自貳焉

自貳自別異於曹

乃饋盤飧寘璧

焉

臣無竟外之交故用盤藏璧飧中不欲令人見

公子受飧反璧及宋

宋襄公贈之以馬二十乘

贈送也

及鄭鄭文公

亦不禮焉叔詹諫曰臣聞天之所啓人弗及

也

啓開也

䟽

天之所啓

正義曰啓開也凡是天開道者非人所能及欲令鄭伯禮之

晉

公子有三焉天其或者將建諸

䟽

天其或者正

義曰天意不可必知故言或者謂天意或當然也

君其禮焉男女同姓

其生不蕃

蕃息也

䟽

男女至不蕃不取同姓譬遠禮而取故其生

正義曰禮取妻

子不能蕃息昌盛也晉語曰同姓不昏懼不殖也又曰異姓則異德異德則異類異類雖近男女相及以生民也同姓則同德同德則同心同心則同志同志雖遠男女不相及畏黷故也黷則生怨怨亂育災災育滅姓是故取辟則姓畏亂災也周禮不得取同姓彼遂演說其意耳未必取同姓者皆滅姓也

晉公子姬出

也而至于今一也

大戎狐姬之子故曰姬出

離外之患

齊

在而天不靖晉國殆將啓之二也有三士

足以上人而從之三也

國語狐偃趙衰賈佗三人皆卿才

䟽

注國語至卿才正義曰晉語云雋負羈言於曹伯曰晉公子生十七年而亡卿才三人從之可謂賢乎宋公孫

言於襄公曰晉公子好善不厭父事狐偃師事趙衰而長
事賈佗此三人者實左右之公子居則下之動則諮焉傳
負羈言有卿才公孫固說
其名氏知是一物故并引之

晉鄭同儕

儕等也

其過

子弟固將禮焉況天之所啓乎弗聽及楚楚
子饗之曰公子若反晉國則何以報不穀
對曰子女玉帛則君有之羽毛齒革則君
地生焉其波及晉國者君之餘也其何以
報君曰雖然何以報我對曰若以君之靈
得反晉國晉楚治兵遇於中原其辟君三

舍若不獲命

三退不得楚止命也

其左執鞭弭右屬橐

鞬以與君周旋

弭弓末無緣者橐以受箭鞬以受弓屬著也周旋相追逐也

疏

注弭弓至逐也

正義曰釋器云弓有緣者謂之弓無緣者謂之弭李巡曰骨飾兩頭曰弓不以骨飾兩

頭曰弭孫炎曰緣謂繳束而漆之弭謂不以繳束骨飾兩頭者也二說雖反俱以弭為弓末也詩云載櫜弓矢則弓

矢所藏俱名橐也昭元年傳伍舉請垂橐而入注云示無弓則橐亦受弓之物方言云弓藏謂之鞬此橐鞬二物必

一弓一矢以鞬是受弓故云橐以受箭因對文而分之耳孔晁云馬鞭及弓分在兩手欲辟右帶橐鞬之文故云左

執子玉請殺之

畏其志大

楚子曰晉公子廣而

儉

志廣而體儉

文而有禮其從者肅而寬

肅敬也

忠而能力

疏

廣而至能力 正義曰廣大者失於奢僭故美其能儉也文華者失於傲

慢故美其能有禮也能敬者失於褊急故美其能寬容也忠誠者未必有力故美其能勤也此四者每兩事相反而

美其能兼有之

晉侯無親外內惡之

晉侯惠公也

吾聞

姬姓唐叔之後其後衰者也其將由晉公

子乎天將興之誰能廢之違天必有大咎

乃送諸秦秦伯納女五人懷嬴與焉

懷嬴子圉

妻子圉諡懷公故號爲懷嬴

奉匱沃盥既而揮之

匱沃盥器也揮灑也

疏

注匱沃至滿也 正義曰說文云匱似羹魁柄中有道可以注水盥澡手也從曰水臨皿然則匱者盛水

器也盥謂洗手也沃謂澆水也懷嬴奉匜盛水爲公子澆水今公子洗手旣而以濕手揮之使水淋漓其衣故去揮

也湔怒曰秦晉匹也何以卑我也匹敵公子懼

降服而囚

去上服自拘因以謝之

疏

注去上至謝之正義曰晉語說此事云公子

欲辭司空季子子犯子餘勸取之乃歸女而納幣且逆孔晁云歸懷嬴更以貴妾禮迎之也服虔云申意於楚子申於知已降服於懷他日公享之子犯曰吾不如

衰之文也

有文辭也

請使衰從公子賦河水

河水

逸詩義取河水朝宗于海海喻秦

公賦六月

六月詩小雅道尹吉甫佐宣王征伐喻公子還

晉必能斥王國古者禮會因古詩以見意故言賦詩斷章也其全稱詩篇者多取首章之義他皆放此

疏

注六月至放此正義曰杜言全引詩篇者多取首章之義
劉炫規過云策春秋賦詩有雖舉篇名不取首章之義者
故襄二十七年公孫段賦桑扈趙孟曰匪交匪敖乃是卒章
又昭元年云令尹賦大明之首章既特言首章明知舉篇名
者不是首章今刪定知不然者以文四年賦湛露云天子當
陽又文十三年文子賦四月是皆取首章若取餘章者傳皆指
言其事則賦載馳之四章綠衣之卒章是也所以令尹特言大
明首章者令尹意特取首章明德故傳指言首章與餘別
也杜言多取首章言多則非是摠皆如此劉趙衰曰重
以春秋賦詩有不取首章以規杜氏非也

耳拜賜公子降拜稽首公降一級而辭焉

階下

一級辭公
子稽首

衰曰君稱所以佐天子者命重耳

重耳敢不拜

詩首章言序王國次章言佐天子故趙
衰因通言之爲明年秦伯納之張本

經二十有四年春王正月夏狄伐鄭秋七

月冬天王出居于鄭

襄王也天子以天下爲家故所在稱居天子無外而

書出者譏王蔽於匹夫之孝不顧天下之重因其辟母弟之難書出言其自絕於周

疏

天王出居于鄭正

義曰出居實出奔也出謂出畿內居若移居然天子以下爲家所在皆得安居故爲天子別立此名釋例曰天子以天下爲家故傳曰凡自周無出今以出居爲名而不書奔殊之於別國晉侯夷吾卒

文公定位而後告未同盟而赴以名

傳二十四年春王正月秦伯納之不書不

告入也

納重耳也

及河子犯以璧授公子曰臣負

羈縻從君巡於天下

羈馬羈縻馬縻

疏

注羈馬羈縻馬縻正義曰說

文云羈馬絡頭也又曰馬絆紕係也少儀云犬則執紕牛則執紕馬則執鞫服虔云一日犬縻曰紕古者行則有犬杜今正以紕為馬縻者紕是係之別名係馬係狗皆得稱紕彼對文耳散則可以通巡於天下用馬為多故主於馬

耳臣之罪甚多矣臣猶知之而況君乎請

由此亡公子曰所不與舅氏同心者有如

白水

子犯重耳舅也言與舅氏同心之明如白水猶詩言謂子不信有如皦日

疏

注子犯至

皦日正義曰諸言有如皆是誓辭有如日有如河有如皦日有如白水皆取明白之義言心之明白如日如水也有如上帝有如先君言上帝投其璧于河質信先君明見其心意亦同也

於河濟

河圍令狐入桑泉取曰衰

桑泉在河東解縣西解縣東南有曰城

二月甲午晉師軍于廬柳

懷公遣軍距重耳

秦伯

使公子絳如晉師師退軍于郇

解縣西北有郇城

辛丑狐偃及秦晉之大夫盟于郇壬寅公

子入于晉師丙午入于曲沃丁未朝于武

宮

文公之祖武公廟

戊申使殺懷公于高粱不書

亦不告也

懷公奔高粱高粱在平陽楊縣西南再發不告者言外諸侯入及見殺亦皆須告乃

策書于

呂卻畏偁

呂甥卻芮惠公舊臣故畏爲文公所偁害

將焚公宮

而弑晉侯寺人披請見公使讓之且辭焉

辭不見

曰蒲城之役

在年

君命一宿女即至

即日

至

其後余從狄君以田渭濱

田獵

女爲惠公

來求殺余命女三宿女中宿至雖有君命

何其速也夫祛猶在

披所斬文公衣袂也

疏

夫祛猶在正義曰夫

辭也彼時斬祛之恨今日猶在

女其行乎對曰臣謂君之入也

其知之矣

知君人之道

若猶未也又將及難君

命無二古之制也除君之惡唯力是視蒲

人狄人余何有焉

當二君世君為蒲狄之人於我有何義

今君即位

其無蒲狄乎

疏

蒲人至狄乎正義曰言獻公之時君為狄時君為蒲已人惠公之時君為狄

國人余未事君何有恩義於君焉今君即位其無蒲狄乎言有人在蒲在狄為君猶是也

齊桓公置

射鉤而使管仲相

乾時之夜管仲射桓公中帶鉤

君若易之

何辱命焉

言若反齊桓已將自去不須辱君命

行者甚眾豈唯

刑臣

被奄人故稱刑臣

疏

行者至刑臣正義曰公言女其行乎欲使之出奔也公若反齊桓

念舊惡則出奔者甚眾多矣豈唯刑臣一人乎言畏罪者皆將去

公見之以難告

邵欲焚公宮

三月晉侯濟會秦伯于王城己丑晦

公宮火瑕甥卻芮不獲公乃如河上秦伯

誘而殺之晉侯逆夫人嬴氏以歸

秦穆公女文嬴也

秦伯送衛於晉三千人實紀綱之僕

新有呂卻

之難國未輯睦故以兵衛文公諸門戶僕隸之事皆秦卒共之爲之紀綱

疏

注新有至紀綱正義曰新有呂

卻之難國未輯睦恐晉人情不可信故秦伯以兵衛文公也說文古綱維紘繩也紀絲別也則綱是維之大繩紀者別理絲縷諸門戶僕隸之事皆使秦卒共之與晉人爲紀綱謂爲之首領主帥也初晉侯之

賢頭須守藏者也

頭須一曰里鳧須賢左右小吏

疏

注頭須至小吏正

義曰一曰里鳧須者史記謂之里鳧須與傳文不同必有一謬故辨出其別不敢正之鄭玄周禮注云賢未冠者之

官名

其出也竊藏以逃

文公出時

盡用以求納之

求

文公

及入求見公辭焉以沐謂僕人曰沐則

心覆

䟽

沐則心覆

正義曰韋昭

心覆則圖反

宜吾不得見也居者爲社稷之守行者爲

羈紲之僕其亦可也何必罪居者國君而

讎匹夫懼者甚衆矣僕人以告公遽見之

言弃小怨所以能安衆

狄人歸季隗于晉而請其二子

二子伯儵叔劉

文公妻趙衰生原同舛括樓嬰

原舛樓三

三子之邑

趙姬請逆盾與母

趙姬文公之也盾狄女叔隗之子

子

餘辭

子餘趙衰字

姬曰得寵而忘舊何以使人必

逆之固請許之來以盾爲才固請于公以

爲嫡子而使其三子下之以叔隗爲內子

而已下之

卿之嫡妻爲內子皆非此年事蓋因狄人歸季隗遂終言叔隗

晉侯賞

從亡者介之推不言祿祿亦弗及

介推文公微臣之語

助

推曰獻公之子九人唯君在矣惠懷無

親外內奔之天未絕晉必將有主主晉祀

者非君而誰天實置之而二三子以爲己力不亦誣乎竊人之財猶謂之盜況貪天之功以爲己力乎下義其罪上賞其姦上

下相蒙

蒙欺也

難與處矣

疏

下義至處矣

正義曰在下者以貪

天之功爲立君之義是下義其罪也在上者以立君之勲賞盜天之罪是上賞其姦也居下者義其罪是下欺上也居上者賞其姦是上欺下也如此上下相欺蒙難可與並居處矣其母曰盍亦求之

怨言不食其食

怨言謂上下相蒙難與處

其母曰亦使知

之若何

既不求之且欲令推達言於文公

對曰言身之文也

身將隱焉用文之是求顯也其母曰能如

是乎與女偕隱

偕俱也

遂隱而死晉侯求之

不獲以緇上爲之田曰以志吾過且旌善

人

旌表也西河界休縣南有地名縣上

鄭之入滑也滑人聽命

入滑在二十年

師還又即衛鄭公子士洩堵俞彌帥師

伐滑

堵俞彌鄭大夫

王使伯服游孫伯如鄭請滑

子二

周大夫

鄭伯怨惠王之入而不與厲公爵也

事在莊二十一年

又怨襄王之與衛滑也

怨王助衛為滑諸

故不聽王命而執二子王怒將以狄伐鄭

富辰諫曰不可臣聞之大上以德撫民

無

其次親親以相及也

先親以及疏推恩以成義

疏

大上至及

也正義曰曲禮云大上貴德其次務施報鄭玄以大上為帝皇之世其次謂三王以來則以大上其次為世代之先後也襄二十四年傳曰大上立德其次立功其次立言杜以立德謂黃帝堯舜立功謂禹稷立言謂史佚周任則以人之賢愚為上次非復年代之先後也然則大上謂人之最大上上聖之人也以德撫民唯能是用不簡親疎也其次聖之人則親其所親以漸相及而至於遠人為下周公親親之事張本也周公亦是上聖不以德而先親者

制法爲後不獨爲身
聖人之身不恃親也

昔周公弔二叔之不咸故

封建親戚以蕃屏周

弔傷也咸同也周公傷夏殷之叔世疏其親戚以至滅亡

故廣封其兄弟管蔡邲霍魯衛毛聃郤雍曹滕畢

原鄩郇文之昭也

十六國皆文王子也管國在榮陽京縣東北雍國在河內山陽

縣西畢國在長安縣西北鄩國在始平鄆縣東

邲晉應韓武之穆也

四國

皆武王子應國在襄陽城父縣西南韓國在河東郡界河內野王縣西北有邲城

凡蔣邢茅

昨祭周公之胤也

胤嗣也蔣在弋陽期思縣高平昌邑縣西有茅鄉東郡燕縣西

南有昨亭

疏

昔周至胤也正義曰伯仲叔季長幼之次也故通謂國衰爲叔世將亡爲季世昔周公傷彼

夏殷二國叔世疎其親戚今使宗族之不同心以相斥輔
至於滅亡故封立親戚爲諸侯之君以爲蕃籬屏蔽周室
言封此以下文武周公之子孫爲二十六國也此二十六
國武王克商之後下及成康之世乃可封建畢矣非是一
時封建非盡周公所爲富辰盡以其事屬周公者以武王
克殷周公爲輔又攝政制禮成一代大法雖非悉周公所
爲皆是周公之法故歸之於周公耳昭二十八年傳曰昔
武王克商光有天下兄弟之國十有五人姬姓之國四十
人彼言由其克商乃得封建兄弟歸功於武王耳亦非武
王之時已建五十五國其後不復封人也昭二十六年傳
曰昔武王克殷成王靖四方康王息民並建母弟以蕃屏
周昭九年傳曰文武成康之建母弟以蕃屏周則康王之
世尚有封國非獨周公時也且見於經傳者管叔蔡叔霍
叔周公攝政之初以流言見黜則三叔之國已是武王封
矣尚書康誥之篇周公營洛之時始封康叔于衛洛誥之
篇周公致政之月始封伯禽于魯書傳稱成王削桐葉爲

珪以封唐叔如此之類不得爲武王封也凡蔣邢茅庶
周公之胤也豈周公自封哉固當成王即政之後武王
王之時始封之耳 注弔傷至兄弟 正義曰弔傷俱是
悼往之辭威訓爲皆故爲同也昭六年傳曰夏有亂政而
作禹刑商有亂政而作湯刑周有亂政而作九刑三辟之
興皆叔世也彼叔世謂三代之末世知此二叔亦二代之
末世也二代之末踈其親戚以至滅亡周公創其如此故
制禮設法親其所親廣封兄弟以自蕃衛也蕃屏者分地
以建諸侯使與京師作蕃籬屏扞也鄭衆賈逵皆以二叔
爲管叔蔡叔傷其不和睦而流言作亂故封建親戚鄭玄
詩箋亦然案其封建之中方有管蔡豈傷其作亂始封建
之馬融以爲夏殷叔世故杜同之 注十六至縣東 正
義曰文之昭者自后稷以後一昭一穆文王於次爲穆故
文子爲昭武子爲穆昭二十八年傳稱武王兄弟之國十
五人此十六彼十五者人異故說異耳非武王時十五而
周公加一也此十六國所在之地蔡邕魯衛邵曹滕七國

當時皆在已經解訖霍在閔元年原在隱十一年鄆在此
年春亦已解訖其毛聃闕故唯解管雍畢鄆也武穆四國
晉時見在故唯解應韓邦也周公之胤邢國
見在隱七年解訖凡祭闕故唯解蔣茅胙也 召穆公

思周德之不類故糾合宗族于成周而作

詩

類善也糾收也召穆公周卿士名虎召采地扶風雍
縣東南有召亭周厲王之時周德衰微兄弟道缺召

穆公于東都收會宗族特作此
周公之樂歌常棣詩屬小雅

曰常棣之華鄂不

韡韡

常棣棣也鄂然華外發不韡韡言韡韡
以喻兄弟和睦則強盛而有光輝韡韡然

凡今

之人莫如兄弟

言致韡韡之盛
莫如親兄弟

其四章曰兄

弟閱于牆外禦其侮

閱訟爭貌言內雖不和
猶宜外扞異族之侵侮

疏

召穆至其侮 正義曰常棣之詩周公所作故周語說此事云周文公之詩曰即明是周公作也召穆公厲王時人於時周德既衰兄弟道缺召穆公思周德之不善致使兄弟之恩缺收合宗族於成周爲設燕會而作此周公樂歌之詩曰常棣之木華鄂鄂然外發之時豈不韡韡而光明乎以衆華俱外發實韡韡而光明以喻兄弟衆多而相和睦豈不彊盛而有光輝乎言兄弟和睦實彊盛而有光輝兄弟和睦則彊盛如是然則凡今日天下之人欲致此韡韡之盛莫如兄弟之相親也其四章曰兄弟或有自不相善可爭訟于牆內若有他人侵之則同心合意外禦其他人之侵侮也 注類善至小雅 正義曰類善釋詁文剏者聚合之意故爲收也召穆公厲王宣王之臣詩江漢序云命召公平淮夷經曰王命召虎是也思周德之不善故知是厲王之時周德衰微兄弟道缺也召穆公於東都會宗族蓋當宣王之時若當厲王之時天子疎之召公雖則聚會不能使之親也於會之上作此周公之樂歌欲感切宗

族使相親也劉炫云杜云常棣詩屬小雅明是周公所作也

注常棣至韓然

正義曰常棣棣釋本文也舍人曰

常棣一名棣郭璞曰今關西山中有棣樹子似櫻桃可啖鄂鄂然華外發者華聚而發於外鄂鄂然而光明也不韓

韓乎言其實韓韓也

古之人語有聲而倒者詩文多有此類注閱訟爭貌正義曰釋言云閱很也孫炎云相很

戾也李巡本作恨注云相怨恨以心相怨恨而爲閱是爲爭訟貌也

如是則兄弟雖

有小忿不廢懿親

懿美也

今天子不忍小忿

以弃鄭親其若之何庸勲親親暱近尊賢

德之大者也

庸用也暱親也

即聾從昧與頑用器

姦之大者也弃德崇姦禍之大者也

崇聚也

疏

庸勲至茲之大 正義曰親暱尊是愛敬之辭也即從與是依就之意也其庸即用也用其有功勲者親

其親族親者暱其道路近者尊其有賢行者此四事是德之大者也即訓就也就其耳聾者從其目昧者與其心頑者用其口囁者此四事是茲之大者也勲親近賢據事上爲名聾昧頑囁據身上爲名以狄無他事故於耳目心口之上爲惡名耳下文各以四事覆之唯棄嬖寵而用三良是言鄭伯之賢與上文倒隨便言耳杜言三良叔詹堵叔師叔所謂尊賢如杜此注則謂鄭伯尊賢與上文尊賢乖者能用三良則是鄭伯之賢王則當尊此鄭伯但杜注省略耳鄭有平惠之勲 平王東遷晉鄭是依惠王出奔號鄭納之是其勲也又有

厲宣之親

鄭始封之祖桓公友周厲王之子宣王之母弟

弃嬖寵而用

三良

七年殺嬖臣申侯十六年殺寵子子華也三良叔詹堵叔師叔所謂尊賢

於諸姬

爲近

道近當
禮之

四德具矣耳不聽五聲之和爲

聾目不別五色之章爲昧心不則德義之

經爲頑口不道忠信之言爲嚚狄皆則之

四姦具矣周之有懿德也猶曰莫如兄弟

故封建之

當周公時故言
周之有懿德

其懷柔天下也猶

懼有外侮扞禦侮者莫如親親故以親

周召穆公亦云

周公作詩召公
歌之故言亦云

今周德既衰

於是乎又渝周召以從諸姦無乃不可乎

變周召親兄弟之道

民未忘禍王又興之

前有子頹之亂中有叔帶召狄故曰民未

忘禍

其若文武何

言將廢文武之功業

王弗聽使頹叔桃子

出狄師

二子周大夫

夏狄伐鄭取櫟王德狄人將

以其女爲后

疏

王德狄人正義曰荷其恩者謂之爲德古人有此語也

富辰

諫曰不可臣聞之曰報者倦矣施者未厭

施功

勞也有勞則望報過甚

狄固貪惓王又啓之

疏

狄固貪惓正義曰方言云殺

人取財曰惓

女德無極婦怨無終

婦女之志近之則不知止遠之則忿怨無已猶己也

狄必爲患王又弗聽初甘昭公有寵於惠后

甘昭公王子帶也食邑於甘河南縣西南有甘水

惠后將立之未及而卒昭

公奔齊

奔齊在十二年

王復之

在二十二年

又通於隗氏

隗氏

王所立秋后

王替隗氏

替廢也

頹叔桃子曰我實使狄

狄其怨我遂奉大叔以狄師攻王王御士將

禦之

周禮工之御士十二人

疏

注周禮至二人之官唯夏官大僕之屬有御僕下士十

正義曰周禮無御士

有二人掌王之燕令鄭玄云燕居時之令以親近王故欲爲王禦寇

王曰先后其謂我何

先后惠后也誅大叔恐違先后志

寧使諸侯圖之王遂出及坎飲

國人納之

坎飲周地在河南鞏縣東

秋頹叔桃子奉大叔以狄

師伐周大敗周師獲周公忌父原伯毛伯

富辰

原毛皆采邑

疏

注原毛皆采邑正義曰此原伯毛伯蓋是文王之子原毛之後世爲王

臣仍爲伯爵或本封絕滅食采畿內故云皆采邑也

王出適鄭處于汜

鄭南汜也

在襄城

疏

注鄭南至縣南正義曰南汜是襄城縣南縣南則鄭之西南之竟南近於楚西近於周故王

處于汜及楚伐鄭師于汜皆以爲南汜其東汜在中牟縣南去鄭城既近三十年秦晉圍鄭秦軍汜南故爲東汜各隨其所近而言也
大叔以隗氏居于溫鄭子華之弟

子臧出奔宋

十六年殺子華故

好聚鵠冠

鵠鳥名聚鵠羽以爲冠非

法之

疏

注鵠鳥至之服正義曰釋鳥云翠鵠李巡曰鵠一名爲翠其羽可以爲飾樊光云青羽出交

州郭璞云似燕紺色生鬱林說文云翠青羽雀也案漢書尉他獻文帝翠鳥毛然則鷩羽可以飾器物聚此鷩羽以

為冠也鄭伯聞而惡之惡其服非法使盜誘之八月

盜殺之于陳宋之間君子曰服之不衷身

之災也衷猶適也詩曰彼己之子不稱其服詩曹風刺

小人在位言彼人之德不稱其服子臧之服不稱也夫詩曰自

詒伊慙其子臧之謂矣詩小雅詒遺也慙憂也取其自遺憂夏

書曰地平天成稱也夏書逸書地平其化天成其施上下相稱為宜

疏注夏書至為宜正義曰此是大禹謨之文以說禹事故傳通以其篇為夏書彼孔安國云水土治曰平

五行序曰成水土既治是地平其化五行既序
是天成其施杜雖不見孔傳於義亦不相違也宋及楚

平宋成公如楚還入於鄭鄭伯將享之問

禮於皇武子皇武子鄭卿對曰宋先代之後也於

周為客天子有事膳焉有事祭宗廟也膳祭肉尊之故賜以祭胾

有喪拜焉宋弔周喪王特拜謝之**疏**注宋弔至謝之正義曰禮弔喪之法皆主人

拜其弔者謝其勤勞平者不答拜以其為事而來不自同於賓客此皆據弔及主人敵禮以上若其臣下來弔則主

人不拜宋是先代之後王以敵禮待之故拜其來弔其餘諸侯則否豐厚可也鄭伯

從之享宋公有加禮也禮物事事加厚善鄭能尊先代冬王

使來告難曰不穀不德得罪于母之寵

子帶鄙在鄭地汜

也鄙野

敢告叔父

天子謂同姓諸侯曰

叔父臧文仲對曰天子蒙塵于外敢不奔問

官守

官守王之羣臣

王使簡師父告于晉使左鄢

父告于秦

二子周大夫

天子無出書曰天王出

居于鄭辟母弟之難也

叔帶襄王同母弟

天子凶

服降名禮也

凶服素服降名稱不穀

鄭伯與孔將鉏石

甲父侯宣多省視官具于汜

三子鄭大夫省官司具器用

疏

省視官具 正義曰鄭伯與三大夫每日親自省視當國官司今具其器用送之於死而後聽其私政也

而後聽其私政禮也

得先君後己之禮

衛人將伐邢

禮至曰不得其守國不可得也

禮至衛大夫守謂邢正卿

子國我請昆弟仕焉乃往得仕

為明年滅邢傳

經二十有五年春王正月丙午衛侯燬滅

邢

衛邢同姬姓惡其親親相滅故稱名罪之

疏

注衛邢至罪之曲禮曰諸侯不生名滅同

正義曰

姓名傳去同姓也故名然則諸侯位貴居尊故不斥其名書名則是罪絕之事故去罪之也

夏四月

癸酉衛侯燬卒

無傳五同盟

疏

注五同盟正義曰燬以元年即位四年

盟于召陵五年于首止八年于兆九年于葵
丘十五年于牡丘皆魯衛俱在是五同盟也 **宋蕩伯**

姬來逆婦

無傳伯姬魯女為宋大夫蕩氏妻也自為其子來逆稱婦姑存之辭婦人越竟迎婦

非禮

疏

注伯姬至故書正義曰伯姬魯女而以宋蕩故書冠之知為宋大夫蕩氏妻也婦者對姑之文姑

即伯姬故知自為子來逆婦公羊傳曰宋蕩伯姬者何蕩氏之母也其稱婦何有姑之辭也穀梁傳曰婦人既嫁不踰竟是婦人越竟逆婦非禮也以非禮故書之紀裂繻來逆女此云逆婦者姑自來逆故即稱婦也宋有蕩氏者宋相公生公子蕩蕩生公孫壽壽生蕩意諸意諸之後以蕩為氏則此人字蕩也故云蕩氏妻 **宋殺其**

大夫

無傳其事則未聞於例為大夫無罪故不稱名

秋楚人圍陳納頓

子于頓

頓迫於陳而出奔楚故楚圍陳以納頓子不言遂明一事也子玉稱人從告頓子不言歸興師

見納

疏

注頓迫至納故正義曰圍陳而納頓子明頓子迫於陳而出奔也楚人納之知其出奔楚也

公羊傳曰何以不言遂兩之一舉兵而行此兩意非因前生後故不言遂明此圍陳納頓子正是一事釋例曰傳稱諸侯納之曰歸今經諸稱納者皆有與師見納之事不待例而自明故但言納不復言歸歸納不須兩見故云頓子不言歸與

師見納故

葬衛文公

無傳

冬十有二月癸亥

公會衛子莒慶盟于洮

洮魯地衛文公既葬成公不稱爵者述父之志

降名從未成君故書子以善之莒慶不稱氏未賜族

疏

注洮魯至賜族正義曰八年盟于洮杜云曹地三

十一年魯始得曹田此時不得為魯地注誤耳禮先君既葬則嗣子成君此文公既葬成公不稱爵者釋例曰文公欲平莒於魯未終而薨故衛子尋父之志魯人由此亦備文公之好此孝子之至感而人情之所篤故成公雖已免

喪至於此盟會降以在喪自名猶武王伐紂稱天子發
經隨而書子傳從而釋之曰脩文公之好也是說書子
之事

傳二十五年春衛人伐邢二禮從國子巡

城掖以赴外殺之

疏

掖以赴外正義曰
文云掖持臂也謂執持

臂投之城外也掖本持臂之名遂謂
臂下脅上爲掖是因名轉而相生也
正月丙午衛侯

燬滅邢同姓也故名禮至爲銘曰余掖殺

國子莫余敢止

惡其不知恥詐以滅
同姓而反銘功於器

秦伯師于

河上將納王狐偃言於晉侯曰求諸侯莫

如勤王

勤納王也

諸侯信之且大義也繼文之

業而信宣於諸侯今爲可矣

晉文侯仇爲平王侯伯斥輔周

室

疏

繼文之業使信義宣布於諸侯今日納王是爲可矣

正義曰言欲繼文侯之功業而使

使

卜偃卜之曰吉遇黃帝戰于阪泉之兆

黃帝

與神農之後姜氏戰于阪泉之野勝之今得其兆故以爲吉

疏

注黃帝至爲吉正義曰大戴禮五帝德

曰黃帝與赤帝戰于阪泉之野晉語云昔少典娶於有蟠氏生黃帝炎帝黃帝爲姬炎帝爲姜二帝用師以相濟也

韋昭注云濟當爲擠擠滅也史記稱黃帝伐炎帝之後于阪泉之野炎帝即神農也黃帝將戰卜得吉兆今卜復得

彼兆故以爲吉也

公曰吾不堪也

對

文公自以爲己當此兆故曰不堪

爲吉也

對

文公自以爲己當此兆故曰不堪

對

曰周禮未改今之王古之帝也

言周德雖衰其命未改今


之周王自當帝兆不謂晉

公曰筮之筮之遇大有



乾下離上

大之睽



兌下離上睽大有九三變而為睽

曰吉遇公用亨

于天子之卦

大有九三爻辭也三為三公而得位變而為兌兌為說得位而說故能為王所

饗戰克而王饗吉孰大焉

言一筮



戰克而王饗

正義曰卜遇黃帝吉兆是戰克也筮得大有是王亨也

且是卦也

方更摠言二卦之義不繫

於一夫為澤以當日天子降心以逆公不亦

可乎

乾為天兌為澤乾變為兌而上當離離為日日之在天垂曜在澤天子在上說心在下是降心逆公

大有去睽而復亦其所也

言去睽卦還歸大有亦有天子

降心之象乾尊離卑晉侯辭秦師而下

辭讓秦師使還順流

故曰三月甲辰次于陽樊右師圍溫

大叔在溫故

左師逆王夏四月丁巳王入于王城取大

叔于溫殺之于隰城戊午晉侯朝王王享

醴命之宥

既行享禮而設醴酒又加之

請隧弗

許

關地通路曰隧王之葬禮也諸侯皆縣柩而下

疏

注關地至而下正義曰隱元年傳曰關地及

泉隧而相見是關地通路曰隧也天子之葬棺重禮大尤須謹慎去墳遠而關地通路從遠處而漸邪下之諸侯以

下棺輕禮小臨壙上而直縣下之故隧爲王之葬禮諸侯皆縣柩而下故不得用隧晉侯請隧者欲請以王禮葬也

曰王章也

章顯王者與諸侯異

未有代德而有二王

亦叔父之所惡也與之陽樊溫原櫝茅之

田晉於是始啓南陽

在晉山南河北故曰南陽

陽樊不服

圍之倉葛呼曰

倉葛陽樊人

德以柔中國刑以

威四夷宜吾不敢服也此誰非王之親姻

其俘之也乃出其民

取其土而已

秋秦晉伐邾

邾本

在商密秦楚界上小國其後遷於南郡郡縣

疏

注邾本至郡縣

正義曰言本在商密者據在後移邾縣

郢都以為本耳其實此時在商密後始遷於郢縣國至被
而滅故彼縣專得郢名當此秦晉伐郢之時國名為郢
所都之邑名商密楚以申息之師戍商密者正謂戍
郢國也析是郢之別邑戍入居析地為商密之援

楚

闕克屈禦寇以申息之師戍商密

闕克申公
子儀屈集

寇息公子邊商密郢別邑今南鄉丹水
縣戍守也二子屯兵於析以為商密援

秦人過析隈

入而係輿人以圍商密昏而傳焉

析楚邑一
名白羽今

南鄉析縣隈隱蔽之處係縛輿人詐為克析得
其囚俘者昏而傳城不欲令商密知囚非析人

宵坎血

加書僞與子儀子邊盟者

掘地為坎以埋盟之
餘血加盟書其上

商密人懼曰秦取析矣戍人反矣乃降秦

師秦師囚申公子儀息公子邊以歸

商密既降

析成亦敗故得四二子

楚令尹子玉追秦師弗及

不復言晉

者秦為兵主

遂圍陳納頓子于頓

為頓園陳

冬晉侯圍

原命三日之糧原不降命去之謀出

謀闢也

曰原將降矣軍吏曰請待之公曰信國之

寶也民之所庇也得原失信何以庇之所

亡滋多退一舍而原降遷原伯貫于冀

伯貫

周守原大夫也

趙衰為原大夫狐漆為溫大夫

狐漆狐毛

之衛人平莒于我十二月盟于洮脩衛文

公之好且及莒平也

莒以元年酈之役怨魯衛文公將平之未及而卒成公追

成父志降名以行事故曰脩文公之好

晉侯問原守於寺人勃鞞

勃鞞披也

對曰昔趙衰以壺飧從徑餒而弗食

言其廉且仁不忘君也徑猶行也

疏

注言其至行也正義曰杜以徑猶行者以傳文為徑故釋為行上

讀為義劉炫改徑為經謂經歷飢餒下屬為句輒改其字以規杜氏非也

故使處原

從披言也

衰雖有大功猶簡小善以進之示不遺勞

經二十有六年春王正月己未公會莒子

衛甯速盟于向

向莒地甯速衛大夫莊子也

齊人侵我西

鄙小追齊師至鄆弗及

公逐齊師遠至齊地故書之濟北穀城縣西有

地名

疏

齊人至弗及

正義曰於例將卑師少稱人將卑師衆稱師此來去一也而師人異文者穀梁

傳曰其侵也曰人其追也曰師以公之弗及大之也此傳無解或如穀梁之言美公能逐其師若言追大師然變文

以美公猶嘉季子之獲而書莒罕也公追戎于濟西不言所至此言至鄆者美公遠追能遠至齊地故書之也相十

年齊侯衛侯鄭伯來戰于郎傳曰不書侵伐我有辭也此齊人侵我討洮向二盟與莒和好我亦無罪而書侵者於

時晉文初起諸侯無伯齊侯是桓公之子欲以盟主自居魯不告齊而私爲此盟非有正禮可辭齊侯容得侵伐故

從本

夏齊人伐我北鄙

孝公未入魯竟

衛人

文

先使微者伐之

伐齊公子遂如楚乞師

公子遂魯卿也乞不保得之辭

疏

注公

子至之辭正義曰公子遂名書於經則是卿也而云大夫者大夫是摠辭也今定本爲魯卿乞則自我之心得否在於彼國乞者執謙之意不保必得之辭釋例曰凡乞者深求過理之辭執謙以偪成其計故雖小國之乞大國大國之乞小國亦皆從不與謀之例臧宣叔卻錡乞師是也然則與謀者彼此合計同謀共行乞師者取彼之力我獨用之故不從與謀之例公羊傳曰乞者何卑辭也曷爲內外同辭重師也曷爲重師師出不正反戰不正勝穀梁亦同其意以爲兵凶器戰危事用師必有死傷不可必全得歸本不可謂之假借故皆以乞爲名秋楚人

滅夔以夔子歸

夔楚同姓國今建平秭歸縣夔有不祀之罪故不識楚滅同姓

冬

楚人伐宋圍緡公以楚師伐齊取穀

傳例曰師

能左右之曰以

公至自伐齊

無傳

傳二十六年春王正月公會莒茲平公

茲平

時君之號莒夷無諡以號爲稱

甯莊子盟于向尋洮之盟也

先盟在前年

齊師侵我西鄙討是二盟也夏齊孝

公伐我北鄙衛人伐齊洮之盟故也公使

展喜犒師

勞齊師

䟽

注勞齊師食餉饋軍帥之名也服虔云以

正義曰犒者以酒

師枯槁故饋之飲食勞苦謂之勞也魯語云使展喜以膏沐犒師

使受命于展禽

柳下

䟽

注柳下惠正義曰魯語展禽對臧文仲云獲聞之是其人氏展名獲字禽柳下是其所食之

邑名謚曰惠列女傳柳下惠死門人將謚之妻曰夫子之謚宜為惠乎門人從以為謚莊子云柳下季者季是五十

字禽是

齊侯未入竟展喜從之曰寡君聞

君親舉玉趾將辱於敝邑使下臣犒執事

言執事不敢斥尊

齊侯曰魯人恐乎對曰小人恐矣

君子則否齊侯曰室如縣罄野無青草何

恃而不恐

如而也時夏四月今之二月野物未成故言居室而資糧縣盡在野則無蔬食之物

所以

疏

注如而至當恐正義曰服虔云言室屋皆發撤攘祿在如縣罄孔晃曰縣罄但有楠無覆蓋杜

以下云野無青草言在野無青草可食明此在室無資糧可敢故改如為而言居室而資糧縣盡劉炫云如罄在縣

下無粟帛炫乃以服義規杜非也

對曰恃先王之命昔周公大

公股肱周室夾輔成王成王勞之而賜之

盟曰世世子孫無相害也載在盟府

載載書也

大師職之

職主也大公為大師兼主司盟之官

桓公是以糾合諸

侯而謀其不協彌縫其闕而斥救其災昭

舊職也及君即位諸侯之望曰其率桓之

功

率循也

我敝邑用不敢保聚

用此舊盟故不聚眾保守

曰

豈其嗣世九年而弃命廢職其若先君何

君必不然恃此以不恐齊侯乃還東門裏

仲臧文仲如楚乞師

襄仲居東門故以為氏臧文仲為襄仲副使故不書

臧孫見子玉而道之伐齊宋以其不臣也

言其不臣事周室可
以此罪責而伐之

夔子不祀祝融與鬻熊祝融

高辛氏之火正楚之遠祖也鬻熊祝融之
十二世孫夔楚之別封故亦世紹其祀

疏

注祝融至其祀正

義曰楚世家云楚之先出自帝顓頊高陽高陽生稱稱生
卷章卷章生重黎黎為高辛氏火正帝嚳命曰祝融帝誅
重黎而以其弟吳回居火正為祝融吳回生陸終陸終生
季連季連芊姓楚其後也其後中微或在中國或在蠻夷
不能紀其世周文王之時季連之苗裔曰鬻熊事文王曾
孫熊繹成王封於楚是祝融鬻熊皆為楚之遠祖也自祝

融至鬻熊司馬遷不能紀其世杜言十二世不知出何書
故劉炫規杜云計其間出一千二百年略而言之則百
年爲一世計父子爲十二世何以得近千二百年乎今刪
定知不然者以其間或兄弟伯叔相及皆爲君故年多而
世少或可轉寫誤劉更無別

楚人讓之對曰我先

王熊摯有疾鬼神弗赦而自竄于夔

熊摯楚嫡

子有疾不得嗣位
故別封爲夔子

疏

注熊摯至夔子

正義曰傳言熊摯有疾是以失楚明是適子有疾

不得嗣位楚世家無其事不知熊摯是何君之適何時封
夔案鄭語孔晁注云熊繹玄孫曰熊摯有疾楚人廢之立
其弟熊延熊摯自棄於夔子孫有功王命爲夔子亦不知所據也

吾是以失楚又

何祀焉

廢其常祀而飾辭文過

秋楚成得臣鬬宜申

帥師滅夔以夔子歸

成得臣令尹子玉也
鬬宜申司馬子西也

宋以

其善於晉侯也

重耳之出也宋襄
公贈馬二十乘

叛楚即晉

冬楚令尹子玉司馬子西帥師伐宋圍緡

公以楚師伐齊取穀凡師能左右之曰以

左右謂進

疏

凡師至曰以正義曰能左右者為欲左
退在已則左欲右則右故注云謂進退在已釋例

曰凡師能左右之曰以謂求助於諸侯而專制其用征伐
進退帥意而行故變會及之文而曰以施於匹敵相用者
若伯主之命則上行於下非例所及也吳雖大國順蔡侯
之請自將其衆唯蔡侯之命故亦言以吳子也傳例稱師
則諸不言師者皆不用以為例也以之於言所涉甚多劉
賈許穎既守例為斷又亦不能盡通諸以唯雜取晉人

執季孫以歸劉子單子以王猛居于皇尹氏毛伯以王子
朝奔楚隨示以義數事而已又云諸稱以皆小以大下以
上非其宜也尋案晉侯以季孫歸又非

寘相公子雍

於穀易牙奉之以爲魯援

雍本與孝公爭立故使居穀以偏齊

楚申公叔侯戍之

爲二十八年楚子使申叔去穀張本

桓公之子

七人爲七大夫於楚

言孝公不能撫公族

春秋正義卷第十二

春秋正義卷第十三

僖公

僖公

國子祭酒上護軍曹阜縣開國子臣孔穎達等奉

勅撰

經二十有七年春杞子來朝夏六月庚寅

齊侯昭卒

十九年與魯大夫盟于齊

秋八月乙未葬齊孝

公

無傳三月而葬速

乙巳公子遂帥師入杞

弗地曰入八月

無乙巳乙巳九月六月

冬楚人陳侯蔡侯鄭伯許男圍

宋

傳言楚子使子玉去宋經書人者耻不得志以微者告猶序諸侯之上楚主兵故

疏

注傳言至

兵故正義曰此年傳云楚子及諸侯圍宋則是楚子親自來也十二月公會諸侯盟于宋公爲楚子在宋而往會之明與楚子共盟也明年傳晉侯執曹伯分曹衛之田以畀宋人其下始云楚子入居于申使子玉去宋由此而言楚子初來圍宋必親至宋國使子玉主兵明年見晉之盛身始去之獨留子玉於宋耳杜以諸侯之貶不至稱人今言楚人不得爲楚子之身也子玉楚之正卿宜書其名今書曰楚人非子玉也故以耻不得志以微者告也若然莊二十八年齊人伐衛杜云齊侯稱人者諱取賂而還以戲者告二十二年宋公及楚人戰于泓杜云楚告命不以主帥人數故略稱人則以彼二解義亦得通仇傳有子玉在宋之文故據子玉解之所以引通其義也初圍宋在此年冬楚子入居于申乃是明年三月圍至明年不克始是不得志耳非是初圍之時爲不得志也杜意當以此爲明年始告告以今冬圍耳下句即有公會諸侯于宋楚未來告而公得往會之者公傳聞即往非待告也其書圍宋之事

必待專使來告傳聞行言不得書也然若成十三年公會諸侯伐秦傳稱戰于麻隧秦師敗績而經無戰敗之事杜云時公在師復不須告蓋經文闕漏傳文獨存即如彼言公見其事不復須告此時公會諸侯于宋即是親見宋圍何以不即書之而云待楚告者案檢上下襄十一年公會晉侯云云伐鄭傳稱鄭人行成下言晉趙武入盟鄭伯鄭子展出盟晉侯杜云二盟不書不告二十五年公會晉侯云云于夷儀傳稱伐齊齊人使隰鉏請成慶封如師杜云慶封獨使於晉不通諸侯故不書二十六年傳六月公會晉趙武宋向戌鄭良霄曹人于濶淵晉人執甯喜以歸杜云歸晉而後告諸侯故經書在秋此三事者公雖在會不告不書所言不須告者皆謂公親行其事麻隧公親在戰故云不復須告此時公往與盟不與圍宋故圍宋之事必待告乃書既以微者來告猶序諸侯之上者春秋之例會同以國大小爲序征伐則以主兵在前此序諸侯之上由楚主兵故也

十有二月甲戌

公會諸侯盟于宋

無傳諸侯伐宋公與楚有奸而往會之非後期宋方見圍無嫌

於與盟故直以宋地

疏

注諸侯至宋地正義曰陳蔡鄭許皆是楚之屬國楚子帥而與之圍宋往年公使

公子遂如楚乞師始與之通和好魯非楚之屬國圍宋之事公不與謀直聞其在宋往會之耳非是楚來召公公自往會之非後期也言此者文七年扈之盟爲公後期不序其國而摠曰諸侯此亦摠曰諸侯有後期之嫌故明之非爲後期而摠稱諸侯即上圍宋之諸侯也一事而再見者前目而後凡常例也圍稱楚人以微者告魯此與諸侯盟會必是楚子親之不復別言楚子者上已歷序諸侯遂令楚子當楚人之處即從摠文故不復曲序之也凡盟會以國爲地者必國主與其盟會此時宋方見圍無嫌與盟故直以宋地也

傳二十七年春杞桓公來朝用夷禮故曰

子杞先代之後而迫於東夷風俗雜壤言語衣服有

而美故杞子卒傳言其夷也今稱朝者始於朝禮終

而不全異於介葛公卑杞杞不共也杞用夷禮夏

齊孝公卒有齊怨前年齊再伐魯不廢喪紀禮也

弔贈之數不廢喪紀正義曰周禮小司徒掌喪紀

不有廢疏之禁令庖人掌喪紀之庶羞樂記曰衰麻

哭泣所以節喪紀也言喪紀者多矣喪紀者喪事之總秋

名諸侯相於唯有弔贈故注云弔贈之數不有廢也

入杞責無禮也責不共也楚子將圍宋使子文

治兵於睽子文時不為令尹故云使終朝而畢不

戮一人終朝自旦及食時也子文子玉復治兵於

欲委重於子玉故略其事

薦

子玉爲今尹故薦楚邑

終日而畢轍七人貫三人耳

國老皆賀子文子文飲之酒

賀子玉堪其事

薦賈尚

幼後至不賀

薦賈伯贏孫叔敖之父幼少也

子文問之對曰

不知所賀子之傳政於子玉曰以靖國也

靖諸內而敗諸外所獲幾何子玉之敗子

之舉也舉以敗國將何賀焉子玉剛而無

禮不可以治民過三百乘其不能以入矣

苟入而賀何後之有

三百乘二萬二千五百人

疏

貫三人耳正義曰耳

助句也 國老皆賀 正義曰王制云有虞氏養國老於上

庠養庶老於下庠然則國老者國之卿大夫士之致仕者

也 子之至國也 正義曰二十三年子玉伐陳城頓而

還子文使爲今尹叔伯曰子若國何對曰吾以靖國也夫

有大功而無貴仕其人能靖者與有幾子文恐子玉矜功

爲亂故授今尹異以靖國家此舉其前言以非之 過三

至入矣 正義曰若使爲帥過 冬楚子及諸侯圍

三百乘其必不能入前敵矣

宋宋公孫固如晉告急 公孫固宋 莊公孫 先軫曰

報施救患取威定霸於是乎在矣 先軫晉下 軍之佐原

軫也報宋 贈馬之施 疏 注先軫至之施 正義曰劉炫云下蒐于

以規杜氏知不然者以大欲救宋即蒐拔廬先軫此語與

蒐相近不知未蒐之前先軫身作何官故以蒐後下軍之

佐明之然先軫後年亦為中軍帥不云中軍帥者相去既遠又隔下軍之佐故杜不言之

狐偃曰

楚始得曹而新昏於衛若伐曹衛楚必救

之則齊宋免矣

前年楚使申叔侯戍穀以偏齊

於是乎蒐于

被廬

晉常以蒐禮改政今敬其始也被廬晉地

作三軍

閔元年晉獻公作二軍今

復大國

謀元帥

中軍

趙衰曰卻縠可臣亟聞

其言矣說禮樂而斯詩書詩書義之府也

禮樂德之則也德義利之本也

疏

謀元帥正義

曰元長也謂將帥之長軍行則重者居中故晉以中軍為尊而上軍次之其二軍則上軍為尊故閔元年晉侯作二

軍公將上軍 說禮至本也 正義曰說謂愛樂之躬謂
厚重之詩之大旨勸善懲惡書之為訓尊賢伐罪奉上以
道禁民為非之謂義詩書義之府藏也禮者謙卑恭謹行
歸於敬樂者欣喜歡娛事合於愛揆度於內舉措得中之
謂德禮樂者德之法則也心說禮樂志重詩書遵禮樂以
布德習詩書以行義有德有義利民之本也晉語云文公
問元帥於趙衰對曰郤縠可年五十矣守學彌惇夫好先
王之法者德義之府也夫德義生民之本也能躬篤不忘
百姓請使郤縠公從之

夏書曰賦納以言明試以功車

服以庸

尚書虞夏書也賦納以言觀其志也明試以功
考其事也車服以庸報其勞也賦猶取也庸功

也 君其試之

疏

夏書至試之 正義曰夏書言用
臣之法賦取也取人納用以其言

察其言觀其志也分明試用以其功考其功觀其能也而
賜之車服以報其庸庸亦功也知其有功乃賜之古人之

法如此君其試用之注尚書至功也正義曰此古文

虞書益稷之篇漢魏諸儒不見古文因伏生之謬從堯典

至胤征凡二十篇摠名曰虞夏書以與禹對言故傳通謂

大禹謨以下皆為夏書也古本作敷納以言明庶以功敷

作賦庶作試師受不同古字改易耳賦稅者取受之義故

為取也庸功釋詁文辭典云敷奏以言明試以功車服以

庸文雖略同此引夏書非舜典也乃使卻縠將中軍卻縠佐之

使狐偃將上軍讓於狐毛而佐之狐毛偃之兄命

趙衰為卿讓於欒枝先軫欒枝貞子也使欒

枝將下軍先軫佐之荀林父御戎魏犢為

右荀林父中行栢子晉侯始入而教其民二年欲用

之

二十四年入

子犯曰民未知義未安其居

義無

則苟

疏

注狐毛偃之兄 正義曰晉語偃辭曰毛之知

賢於臣其齒又長毛也不在位不敢開命

注

無義則苟生

正義曰未知君臣之義不作長久之圖苟且為生以過朝夕是未安其居

於是乎出

定襄王

二十五年定襄王以示事君之義

入務利民民懷生矣

將用之子犯曰民未知信未宣其用

宣明也

明於見用之信

疏

入務至生矣 正義曰利民之事非止二塗

晉語說文公為政云棄責薄歛施舍分災救

乏振滯斤困資無輕關易道通賢寬農務稽勸分省用足財利器明德以厚民性皆是利民之事民懷生者謂有懷

義之心不復苟且劉炫云生既厚民皆懷戀居處

注未

明於見用之信

正義曰信是人之所用若未伐原示信

民未明於信是人用故傳云未宜其用云見用者言信見焉人所

於是乎伐原以

示之信

伐原在二十五年

民易資者不求豐焉

不詳以求

多明徵其辭

重言信

公曰可矣乎子犯曰民

未知禮未生其共於是乎大蒐以示之禮

蒐順少長明貴賤

作執秩以正其官

執秩主爵秩之官

民聽不

惑而後用之出穀成釋宋圍

楚子使申叔去穀子玉云宋

一戰而霸文之教也

謂明年戰城濮

疏

文之教也正義曰論語云上

好禮則民莫敢不勸上好義則民莫敢不服上好信則民莫敢不用情今晉侯以義信禮教民然後用之是文德之

教也明年傳君子謂晉於是役也能以德
攻注云以文德教民而後用之謂此役也

經二十有八年春晉侯侵曹晉侯伐衛

晉侯者曹
衛兩來告

公子買戍衛不卒戍刺之

公子買魯
大夫子叢

也內殺大夫皆書刺言用周禮三刺之法示不枉濫也公
實畏晉殺子叢而誣叢以廢戍之罪恐不為遠近所信故

顯書

疏

注公子至其罪

正義曰經言買傳言叢著名

其罪

疏

買字叢或字相似而一謬也周禮司刺掌三刺

之法以贊司寇聽獄訟一刺曰訊群臣再刺曰訊羣吏三
刺曰訊萬民鄭立去刺殺也訊而有罪則殺之訊言也內
殺大夫此及成十六年刺公子偃皆書刺者若不用彼三
刺之法言問臣吏萬民皆言合殺乃始殺之以示不枉濫
也此三刺之法位在外朝庫門之外皋門之內故小司寇
掌外朝之政三公及州長百姓北面羣臣西面羣吏東面

於此記之也魯史獨設此名所以異於外也公羊以爲內諱殺大夫謂之刺以爲諸侯不得專殺故諱言刺之其意小異於此公實畏晉殺子叢以說晉言成衛者叢之所爲又歸罪於叢言不終成事故殺之恐不爲遠近所信故顯書子叢之罪也然魯殺子叢本有兩意謂楚云不卒成謂晉云叢欲成衛今經之所書書謂楚之辭不書謂晉之辭者以魯先與楚同好恐楚疑之故顯書不卒成之罪以告屬楚諸侯心實畏晉未敢宣露故經不書告晉之辭蘇云公子買不卒成者告晉楚之辭也謂晉云公子買比來成衛今不使終其成事是以殺之謂楚云比令公子買爲楚成衛其買不終成事是以殺之

楚人救衛三月丙午晉侯入

曲執曹伯界宋人

界與也執諸侯當以歸京師發欲怒楚使戰故以與宋所謂譎

而不

疏

注界與也正義曰劉炫云公羊傳曰界者何與也其言以界宋人何與使聽之何休云宋

人者明聽訟必師斷與其師眾共之穀梁傳曰界與也其
曰入何也不以晉侯界宋公也注云界上與下之辭故不
以侯界公案傳執曹伯分曹衛之田以界宋人則田亦稱
人非爲斷獄故稱人也若不使晉侯與宋公自可改其界
名何以名之爲界而使義不得與也若與宋人豈宋國卑
賤之人得獨受曹伯而治之乎二傳之言皆不得合左氏
當以人爲衆辭舉國而稱之耳

夏四月己巳晉侯齊師宋師

秦師及楚人戰于城濮楚師敗績

宋公齊國歸父

秦小子憖既次城濮以師屬晉不與戰也子玉及
陳蔡之師不書楚人恥敗告文略也大崩曰敗績

疏

宋注

公至敗績

正義曰於例將卑師眾稱師此齊宋秦皆文

稱師則將非尊者傳云宋公齊國歸父秦小子憖次于城
濮及其交戰唯言晉師陳于莘此說晉之將帥與楚相敵
都不言齊宋公卿知其既次城濮以師屬晉不與戰也沈

氏云定四年戰于柏舉傳稱蔡侯吳子唐侯伐楚杜云唐侯不書兵屬於吳蔡今宋齊秦屬晉而書之者彼柏舉之戰唐師并屬吳蔡與之同陳故不書此齊宋師等雖屬晉猶異陳故得書之傳稱子玉及陳蔡之師皆在於陳而不書者楚人恥敗告辭略故史不得書之劉炫規過以爲晉人告略今知不然者但於此戰時魯猶屬楚凡禍福相告必同好之國故知楚人來告也楚人來告不言陳蔡者取其諸國皆在不能敵晉故略言楚人而已若其晉告則應矜其勝事以少敗多何肯略其陳蔡而不告也劉以爲晉人來告而規杜氏非也 楚殺其大

夫得臣

子玉違其君命以取敗稱名以殺罪之

衛侯出奔楚五月

癸丑公會晉侯齊侯宋公蔡侯鄭伯衛子

莒子盟于踐土

踐土鄭地王子虎臨盟不同軟故不書衛侯出奔其弟叔武攝位受盟非

王命所加從未成君之禮故稱子而序鄭伯之下經書
癸丑月十八日也傳書癸亥月二十八日經傳必有誤
注踐土至有誤正義曰傳稱王子虎盟諸侯于王庭而
不書子虎知子虎臨盟不與歆定四年傳稱踐土之盟其
載書云王若曰晉重魯申衛武蔡甲午鄭捷齊潘宋王臣
莒期其次與會不同者會之班次以國大小爲序及其盟
也王臣臨之異姓爲後故載書之次與會異也定四年召
陵之會傳稱祝佗言於萇弘曰踐土之盟衛成公不在夷
叔其母弟也猶先蔡萇弘說告劉子乃長衛侯於盟如彼
傳丈則踐土召陵二盟衛皆先蔡而經書諸國之序二會
皆蔡在衛先者釋例曰周之宗盟異姓爲後故踐土載書
齊宋雖大降於鄭衛斥周而言止謂王官之宰臨盟者也
其餘雜盟未必皆然踐土召陵二會蔡在衛上時國次也
至盟乃正其高下者敬恭明神本其始也是言盟會異次
之意也如釋例之言王官之宰臨盟乃以異姓爲後則二
十九年翟泉之盟王子虎在焉宣七年黑壤之盟王叔桓

公臨之彼二盟亦當異姓爲後與會異次也八年洮之盟王人在列杜指王官之宰則卑者未必能別同姓異姓若無王官之伯則以大小爲序襄二十七年宋之盟晉楚爭先是其餘雜盟不先同姓之文也周禮典命云諸侯之適子誓於天子攝其君則下其君一等未誓則以皮帛繼子男叔武是衛侯之弟未得從世子之法攝位受盟舊無正禮其班位高下出於主會之意以其非王命所加使從未成君之禮故稱子而序於鄭伯之下蓋晉文之意使然

陳侯如會

無傳陳本與楚楚敗懼而屬晉來不及盟故曰如會

疏

陳侯如會正義曰沈

氏云八年鄭伯云乞盟此直云如會者彼及其盟故云乞盟此則不及其盟又陳侯不乞故與彼文異

公

朝于王所

無傳王在踐土非京師故曰王所

疏

注王在至王所正義曰穀梁傳曰

朝不言所言所者非其所也是其由非京師故稱王所也公羊傳曰曷爲不言公如京師天子在是也曷爲不言天

子在不與致天子也其意言晉文公召王來踐土左傳於此無召王之事直云作王宮于踐土杜云襄王聞晉戰勝自往勞之故為作宮則以王意自往非晉召之不同公羊說也

六月衛侯鄭自

楚復歸于衛

復其位曰復歸晉人感叔武之賢而復衛侯衛侯之入由于叔武故以國逆為

文例在成

衛元咺出奔晉

元咺衛大夫雖為叔武訟訴失君臣之節故無

賢文奔例

疏

注元咺至十年

正義曰宣十年齊崔氏

在宣十年

疏

出奔衛傳曰書曰崔氏非其罪也文八年

宋司城來奔傳言司城效節於府人而出故書以官貴之也然書官及氏為貴則書名不是賢文以元咺訴君於晉所訴雖直令君陷罪失君臣之節故無賢文書其名從本文也

陳侯款卒

無傳凡四同盟

疏

注凡四同盟正義曰款以十三年即位十五年盟于牡丘十九年于齊二十一年于薄二十七年于宋

魯陳俱在是
四同盟也

秋杞伯姬來

無傳莊公女
歸寧曰來

公子遂

如齊

無傳
聘也

冬公會晉侯齊侯宋公蔡侯鄭

伯陳子莒子邾子秦人于溫

陳共公稱子先君
未葬例在九年宋

襄公稱子自在本班陳共公稱子降在鄭下陳懷公
稱子而在鄭上傳無義例蓋主會所次非褒貶也

疏

注陳共至貶也

正義曰陳侯款經不書葬正以稱子知

其先君未葬也宋襄稱子九年葵丘會也陳共公稱子此

會也陳懷公稱子定四年召陵會也其班次上下傳無義

例故疑主會所次非褒貶也桓十六年公會宋公衛侯陳

侯蔡侯伐鄭杜云蔡常在衛上今序陳下蓋後至二十九

年翟泉之盟秦人在陳蔡之下傳歷序諸侯之卿而有秦

小子慙杜云秦小子慙在蔡下者若宋向戌之後會彼二

事班失其次杜以後至釋之知此陳共公稱子降在鄭下

非後至者杜以後至爲說亦無明文正以國之大小班序
先定今乃退在小國之下因向成有後至之譏故取以爲
說耳未成君者例無定式不知所由故言蓋爲疑辭疑主
會之意亦未必不由後至而降之禮雜記云君薨大子號
稱子待猶君也然則待之如君在本班

天王狩于河

陽

晉地今河內有河陽縣晉實召王爲
其辭逆而意順故經以王狩爲辭

壬申公朝

于王所

壬申十月十日有
日而無月史闕文

晉人執衛侯歸之

于京師

稱人以執罪及民也例在成十五
年諸侯不得相治故歸之京師

疏

晉人
至京

正義曰成十五年晉侯執曹伯歸于京師彼不言之
此言之者公羊傳曰歸之于者罪已定矣歸于者罪未定
也左氏無此義

衛元咺自晉復歸于衛

元咺
與衛

正是史異辭耳

侯訟得勝而歸從國逆例者明

諸侯遂圍許

會溫諸侯

也。許此再會不至

曹伯襄復歸于曹

晉感侯之

故因會共伐之

言遂得復而行不歸國也

疏

注晉感至之例正

義曰侯孺愛君以請此曹伯從國逆之例成十六年曹人再請於晉乃釋成公而云曹伯歸自京師從外納之文者彼國人請君自是恒事此侯孺實筮史致其誠心晉侯感其言而特釋之所以顯侯孺故從國逆例也

傳二十八年春晉侯將伐曹假道于衛

曹在

衛東

衛人弗許還自南河濟

從汲郡南渡出衛南而東

侵

曹伐衛正月戊申取五鹿

五鹿衛地

二月晉卻

穀卒原軫將中軍胥臣佐下軍上德也軫先

以下軍佐超將中軍故曰上德胥臣司空季子晉侯齊侯盟于欽孟欽孟

衛地衛侯請盟晉人弗許衛侯欲與楚國人

不欲故出其君以說于晉衛侯出居于襄

牛襄牛衛地公子買戍衛晉伐衛衛楚之昏姻楚人

救衛不克公懼於晉殺子叢以說焉召子叢而殺之

以謝謂楚人不卒戍也詐告楚人言子叢不終戍事而歸故殺之殺子叢在

楚救衛下經在上晉侯圍曹門焉多死攻曹城門曹

者救衛赴晚至

人尸諸城上

碑晉死人於城上

晉侯患之聽與人之

謀曰稱舍於墓

與衆也舍墓爲將發冢

師遷焉曹人

兇懼

遷至曹人墓兇兇恐懼聲

疏

與人至於墓正義曰此謀字或作誦涉下文而誤耳其云誦

者皆誦如詩賦此稱舍於墓直是計謀之言不得爲誦今定本作謀

爲其所得者棺

而出之因其兇也而攻之三月丙午入曹數

之以其不用僖負羈而乘軒者三百人也

且曰獻狀

軒大夫車言其無德居位者多故責其功狀

令無入僖負

羈之官而免其族報施也

報殯壁之施

魏讎牛顓

顏怒曰勞之不圖報於何有

二子各有從亡之勞

疏

勞之至何有

正義曰二子有從行之勞未得厚賞故言

勞苦之大不嘗圖謀其報此小惠於何有義恨公忘已而

念彼

燕僖負羈氏

燕燒也

魏犇傷於胷公欲

殺之而愛其材

材力

使問且視之病將殺之

魏犇束曾見使者曰以君之靈不有寧也

言不以病故自安寧

距躍三百曲踊三百

距躍超越也曲踊跳踊也百猶勸也

乃舍之殺顛顏以徇于師

疏

正義曰詩稱魚

躍易言龍躍則躍是舉身向上之名禮記婦人踊不絕地則踊亦向上之名詩云踊躍用兵則踴躍二事勢相類也

說文云躍迅也踊跳也然則躍以疾生名故以距躍為超
越言距地向前跳而越物過也曲踊以曲為言則謂向上
跳而折復下故以曲踊為跳踊耳言直上向下而已以傷
病之人而再言三百不可為六百跳也杜言百猶勦亦不
知勦何所謂蓋復訓勦為

立舟之僑以為戎右

舟之

僑故號臣閔二年奔晉
以代魏犢為先歸張本

宋人使門尹般如晉師

告急

門尹般
宋大夫

公曰宋人告急舍之則絕

與

絕

告楚不許我欲戰矣齊秦未可若之何

未肯

先軫曰使宋舍我而賂齊秦

求救於
齊秦

藉

之告楚

假借齊秦
使為宋請

我執曹君而分曹衛之田

以賜宋人楚愛曹衛必不許也

不許齊
秦之請 真

賂怒頑能無戰乎

言齊秦喜得宋賂而怒楚之頑
必自戰也不可告請故曰頑

公說執曹伯分曹衛之田以畀宋人楚子

入居于申

申在方城
內故曰入

使申叔去穀

二十六年
申叔成穀

使

子玉去宋曰無從晉師晉侯在外十九年

矣而果得晉國

晉侯生十七年而亡亡十九年
而反凡三十六年至此四十矣險

阻艱難備嘗之矣民之情僞盡知之矣天

假之年

獻公之子九人唯文
公在故曰天假之年

而除其害

除惠
懷呂

卻天之所置其可廢乎軍志曰允當則歸

無求過分又曰知難而退又曰有德不可敵

此三志者晉之謂矣

謂今與晉遇當用此三志



軍志至謂

曰允當則歸謂信當分理則須歸還無求過分決戰取勝也知難而退謂知前敵之難則須退避也有德不可敵謂必知敵彊不須與競也此三志者與晉相遇之謂矣劉炫云此志三去者情有淺深允當則歸謂彼雖可勝得當則還言前人弱於己也知難而退謂勝不可必早自收斂言前人與己敵也有德不可敵謂必知彼彊不須與競言前人彊於己也三者從弱至彊揔

子玉使伯欒請戰

伯欒子越椒也

曰非敢必有功也願以閒執讒

伯比之孫

慝之口

間執猶塞也。譏慝若薦賈之言。謂子玉不能以三百乘入。

王怒少與之

師唯西廣東宮與若敖之六卒實從之

楚子

還申遣此兵以就前圍宋之衆。楚有左右廣又大子有官甲分取以給之。若敖楚武王之祖父。葬若敖者子玉之祖也。六卒子玉宗人之兵六百人言不悉師以益之。

疏

注楚子至益之。正義曰宣十二年傳樂武子說楚

事云其君之戎分爲二廣。廣有一卒。卒偏之兩。是楚有左右廣也。周禮車僕掌戎路之革。廣車之革。鄭玄云廣車橫陳之車。襄十一年鄭人賂晉侯以廣車。蓋兵車之名。名之爲廣。因即以車表兵。謂屬西廣之兵也。文元年商臣以官甲圍成王。是東宮兵也。周禮司馬凡制軍百人爲卒。知六卒六百人也。

子玉使宛春告

於晉師曰請復衛侯而封曹臣亦釋宋之

圍

衛侯未出竟曹伯見執在宋已失位故言復衛封曹

子犯曰子玉無禮

哉君取一臣取二

君取一以釋宋圍惠晉侯臣取二復曹衛為己功

不

可失矣

言可伐

先軫曰子與之定人之謂禮

楚一言而定三國我一言而亡之我則無

禮何以戰乎不許楚言是弃宋也救而弃

之謂諸侯何

言將為諸侯所怪

楚有三施我有三怨

怨讎已多將何以戰不如私許復曹衛以

攜之

私許二國使告絕于楚而後復之攜難也

執宛春以怒楚既戰

而後圖之

須勝負決乃定計

公說乃拘宛春於衛且

私許復曹衛曹衛告絕於楚子玉怒從晉

師晉師退軍吏曰以君辟臣辱也且楚師

老矣何故退子犯曰師直為壯曲為老豈

在父乎微楚之惠不及此

重耳過楚楚成王有贈送之惠

退

三舍辟之所以報也

一舍三十里初楚子云若反國何以報我故以退三舍為

報背惠食言以亢其讎

亢猶當也讎謂楚也

我曲楚直

其眾素飽不可謂老

直氣盈飽

我退而楚還我

將何求若其不還君退臣犯曲在彼矣退

三舍疏

先軫曰子與之正義曰以子犯言爲無理故先言子與之欲令子犯與子玉復衛封曹

既言此以荅子犯然後復言其不可之理更別爲之立計使私許復曹衛以攜之背惠食言正義曰釋詁云食

僞也孫炎云食言之僞尚書湯誓云爾無不信朕不食言孔安國云食盡其言僞不實也哀二十五年傳孟武伯惡

郭重曰何肥也公曰是食言多矣能無肥乎然則食言者言而不行如食之消散後終不行則前言爲僞通爲僞言

爲食言故爾雅訓食爲僞也注直氣盈飽正義曰素訓爲空忿怒之深空腹不食直氣盈飽也

欲止子玉不可夏四月戊辰晉侯宋公齊

國歸父崔夭秦小子憖次于城濮

國歸父崔夭齊大夫

也小子慈秦穆公子也城濮衛地

楚師背鄩而舍

鄩丘陵險阻名

晉侯

患之聽輿人之誦

恐衆畏險故聽其歌誦

曰原田每每

舍其舊而新是謀

高平曰原喻晉軍美盛若原田之草每每然可以謀立新功不

足念舊惠

公疑焉

疑衆謂己背舊謀新

子犯曰戰也戰而捷

必得諸侯若其不捷表裏山河必無害也

晉國外河而內山

公曰若楚惠何欒貞子曰漢陽諸

姬楚實盡之

貞子欒枝也水北曰陽姬姓之國在漢北者楚盡滅之

思小惠

而忘大恥不如戰也晉侯夢與楚子搏

搏手

搏楚子伏已而監其腦監也是以懼子犯曰

吉我得天楚伏其罪吾且柔之矣晉侯上向故得天楚

子下向地故伏其罪腦所以柔物
疏正義曰兵法右背

子犯審見事宜故權言以荅夢
山陵前左水澤楚師背鄴而舍知其背丘陵也蓋所舍之

處有丘陵名鄴其處有險阻也
注監也
正義曰監

之為噍未見正訓蓋相傳為然服虔云如俗語相罵云噍女腦矣
子玉使鬬勃請

戰鬬勃楚大夫曰請與君之士戲君馮軾而觀

之得臣與寓目焉寓寄也晉侯使欒枝對曰

寡君聞命矣楚君之惠未之敢忘是以在

此爲大夫退其敢當君乎既不獲命矣

不獲

止命敢煩大夫謂二三子

煩闕勃令戒勅子玉子西之屬

戒爾

車乘敬爾君事詰朝將見

詰朝平旦

晉車七百

乘韃鞮鞅鞹

五萬二千五百人在背曰韃在胷曰鞅在腹曰鞅在後曰鞹言駕乘脩備

疏

注五萬至脩備正義曰說文云韃著掖皮也鞅引軸也鞅頸皮也此注與說文不同蓋以時驗而爲解

也駟馬挽車有皮在背者有約胷者有在腹爲帶者有繫絆其足者從馬上而下次之在後正謂在足是也傳唯舉

四事文無所結舉其小事皆具言其駕乘脩備明諸事皆備也

晉侯登有莘之虛

以觀師曰少長有禮其可用也

有莘故國名少長猶言大

小
遂伐其木以益其兵

伐木以益攻戰之具輿曳柴亦是也

已

已晉師陳于莘北胥臣以下軍之佐當陳

蔡子玉以若敖之六卒將中軍曰今日必

無晉矣子西將左子上將右

子西闕宜申子上闕勃

胥

臣蒙馬以虎皮先犯陳蔡陳蔡奔楚右師

潰

陳蔡屬楚右師

狐毛設二旆而退之

旆大旗也又建二旆而退

使若大將稍却

欒枝使輿曳柴而偽遁

曳柴起塵詐爲衆走

楚

師馳之原軫卻溱以中軍公族橫擊之

公族

公所率之軍狐毛狐偃以上軍夾攻子西楚左師

潰楚師敗績子玉收其卒而止故不敗三軍

唯中軍字是大崩晉師三日館穀館舍也食楚軍穀三日及癸酉

而還甲午至于衡雍作王宮于踐土衡雍鄭地今榮

陽卷縣襄王聞晉戰勝自往勞之故為作宮鄉役之三月鄉猶屬也城濮役之前三

月鄭伯如楚致其師為楚師既敗而懼使

子人九行成于晉子人氏九名**疏**鄭伯至而懼正義曰致其師者致

其鄭國之師許以佐楚也戰時雖無鄭師要本心佐楚故既敗而懼注子人氏九名正義曰桓十四年鄭伯使

其弟語來盟傳稱子人來盟杜云子人即弟語也其後為
子人氏七年傳子華云泄氏孔氏子人氏三族實違君命
今子人九必是語之後也杜譜以九為雜人謬矣

晉欒枝入盟鄭伯五月

丙午晉侯及鄭伯盟于衡雍

疏

晉欒至衡雍正義曰此二

盟及上文晉侯齊侯盟于
斂孟皆不書者皆不告也

丁未獻楚俘于王駟介

百乘徒兵千

駟介四馬被甲徒兵步卒

鄭伯傳王用平禮

也

傳相也以周平王享晉文侯仇之禮享晉侯

己酉王享醴命晉侯

宥

既饗又命晉侯助以束帛以將厚意

王命尹氏及王子虎內

史叔興父策命晉侯為侯伯

以策書命晉侯為侯伯也周禮九命作

伯尹氏王子虎皆王卿士也叔
與父大夫也三官命之以寵晉

賜之大輅之服戎

輅之服

大輅金輅戎輅戎
車二輅各有服

疏

注以策至寵晉正義
曰周語稱晉文公初立

襄王使大宰文公及內史叔興賜文公命注國語者皆以
爲大宰文公即王子虎也今尹氏又在王子虎之上故以
爲皆卿士唯叔興是大夫或云皆大夫皆字妄耳九命者
大宗伯云一命受職再命受服三命受位四命受器五命
賜則六命賜官七命賜國八命作牧九命作伯注大輅
至有服正義曰周禮巾車金路鉤樊纓九就建大旂以
賓同姓以封革路龍勒條纓五就建大白以即戎金路以
封同姓知大輅是金輅也革路以即戎言戎輅戎車即周
禮之革路二輅各有服者周禮司服侯伯之服自鷩冕而
下凡兵事韋弁服金輅祭祀所乘其大輅之服當謂鷩冕
之服戎輅之服
當謂韋弁服也

彤弓一彤矢百旅弓矢千

彤赤
弓旅

黑弓弓一矢百則矢千弓十
矣諸侯賜弓矢然後專征伐

名 虎賁三百人曰王謂叔父敬服王命

以綏四國糾逖王慝

逖遠也有惡於王者糾而遠之

疏

注形赤至

征伐 正義曰彤赤旅黑舊說皆然說文彤從丹旅從立
是赤黑之別也周禮司弓矢掌六弓王弓弧弓以授射甲
革槡質者夾弓庾弓以授射矟侯鳥獸者唐弓大弓以授
學射者使者勞者鄭玄云勞者勤勞王事若晉文侯文公
受王弓矢之賜者考工記弓人云往體多來體寡謂之夾
庾之屬往體寡來體多謂之王弓之屬往體來體若一謂
之唐弓之屬然則唐大是弓強弱之名彤旅是弓所漆之
色王弧則合九而成規唐大合七而成規夾庾合五而成
規司弓矢又有八矢枉矢潔矢利矢射用諸中城車戰殺
矢鏃矢用諸近射田獵增矢第矢用諸弋射恒矢庠矢

詠散射鄭注約考工記云枉矢之屬五分二在前三在後
殺矢之屬三分一在前二在後矰矢之屬七分三在前四
在後恒矢之屬軒輶中其枉殺矰恒弓所用絜鍤弗庫弩
所用彼司弓矢既云枉矢絜矢用諸守城車戰此天子賜
諸侯弓矢使用之以戰則彤矢茲矢當彼枉矢也但弓矢
相配彊弓用重矢弱弓用輕矢既唐弓大弓彊弱中其恒
矢軒輶亦中又司弓矢云恒矢庫矢用諸散射鄭玄云散
射謂禮射及習射也此賜弓矢則禮樂之事彤矢茲矢或
當恒矢也茲弓矢千具於彤而略於茲準之則矢千弓千
也諸侯賜弓矢然後專征伐王制文注拒黑至器名
正義曰拒黑黍釋草文李巡云黑黍一名拒黍周禮鬯之
掌共秬鬯而飾之鄭玄云鬯釀秬為酒芬香條暢於上下
也鬱人掌裸器凡祭祀之裸事和鬱鬯以實彝而陳之禮
祭祀必先裸是用之以降神也釋器云彝卣壺器也李巡
曰卣鬯之罇也孫炎曰罇彝為上壺為下卣居中詩江
漢篇述宣王賜召穆公云拒鬯一卣告子文人鄭箋云賜

之使祭其宗廟告其先祖也當賜之時實之於苴其祭則陳之於彛也虎賁三百正義曰國語云天子有虎賁

習武訓諸侯有旅賁禦災害大夫有貳車備承事士有陪乘告奔走周禮司馬之屬虎賁氏下大夫二人虎士八百

人掌先後王而趨以卒伍軍旅會同亦如之舍則守王闕注逖遠至遠之正義曰逖遠釋詁文糾者繩治之名有

惡於王者當繩治之而使遠於王也晉侯三辭從命曰重耳敢再

拜稽首奉揚天子之不顯休命稽首首至地

也受策以出出入三覲出入猶去來也從來至去凡三見王衛侯

聞楚師敗懼出奔楚遂適陳自襄牛出使元咺

奉叔武以受盟奉使攝君事癸亥王子虎盟諸

侯于王庭

踐土宮之庭書
踐土別於京師

要言曰皆弊王室

無相害也有渝此盟明神殛之俾隊其師

無克祚國

弊助也渝變也殛誅也
俾使也隊隕也克能也

及而玄孫無

有老幼君子謂是盟也信

信義

謂晉於是

役也能以德攻

以文德教民
而後用之

疏

注獎助至能也
正義曰勸弊者佐

助之意故為助
也餘皆釋言文

初楚子玉自為瓊弁玉纓未之

服也

弁以鹿子皮為之瓊王之別名次
之以飾弁及纓詩云會弁如星

疏

注弁以至
如星正

義曰禮稱皮弁明其用皮也知以鹿子皮者相傳為然至
今仍用之詩毛傳六瓊王之美者則瓊亦玉也選美者飾

弁以惡者飾纓耳周禮弁師掌王之皮弁會五采王璫鄭
玄云會縫中也璫讀如綦綦結也皮弁之縫中每貫結五
采王以為飾謂之綦又諸侯及孤卿大夫之皮弁各以其
等為之鄭玄云孤則璫飾四三命之卿璫飾三再命之大
夫璫飾二是諸侯之臣其皮弁得以玉為飾也弁師又云
王五采諸侯三采鄭玄云王璫飾十二上公九侯伯七子
男五卿大夫皆二采璫飾各如其命數鄭又云三采朱白
蒼二采朱綠其纓之飾則無以言之蓋以玉飾纓之末耳
詩云會弁如星衛風淇奥篇也鄭箋云會謂
弁之縫中飾之以玉璫璫而處狀似星也

先戰夢

河神謂已曰畀余余賜女孟諸之麋

孟諸
宋藪

澤水草之

弗致也

疏

注孟諸至曰麋

正義曰釋
地云十藪宋有孟諸郭璞云

今在梁國睢陽縣東北周禮職方氏正東曰青州其澤藪
曰望諸禹貢豫州導菏澤被孟豬明皆是一物而字改易

耳釋才云水草交為涓李廵曰水中有草木交會曰涓古字皆得通用故此作廉耳

人心與子

西使榮黃諫

大心子王之族子也王剛復故因榮黃榮榮季也

聽榮季曰死而利國猶或為之況瓊玉乎

是糞土也而可以濟師將何愛焉

因神之欲以附百姓之願

濟師

疏

注因神至之理

正義曰劉炫云神道冥昧與之理人不交楚師之敗未必由此但於時戰在河旁

河神許助若子玉從神所求不惜瓊玉則國人以爲神得所欲必將助已自當三軍用命戰士爭先亦既不遂神心入謂神必不助則衆意皆沮莫不畏敵且兵凶戰危必有傷殺三軍之命在茲一舉猶尚愛惜此物是無恤民之心在軍之士誰肯競勸故云因神之欲以附百姓之願是濟師之理也裨竈請用璫罍櫜火非神所求若從而與之則

驚動民意且災不可免徒長妖妄故子產不與異於此也

弗聽出告二子曰非

神敗令尹今尹其不勤民實自敗也

盡心盡力無所愛惜

勤為既敗王使謂之曰大夫若入其若申息

之老何

申息二邑子弟皆從子玉而死言訂以見其父老

子西孫伯曰得

臣將死二臣止之曰君其將以為戮

孫伯與大心子

王于也二子以此答王使言欲令子玉往就君戮

及連穀而死

至連穀王無赦命故自戮

也文十年傳曰城濮之役王使止子玉曰無死不及子西亦自救縊而縣絕故得不死王時別遣追前使連穀楚地殺得臣經在踐土盟上傳在下者晉侯聞之而後
親晉事畢而次及楚屬文之宜

喜可知也

喜見於顏色

曰莫余毒也已為呂

實為令尹奉已而已不在民矣

言其自守無大志

或

訴元咺於衛侯曰立叔武矣其子角從公

公使殺之

角元咺子

咺不廢命奉夷叔以入守

夷

六月晉人復衛侯

以叔武受盟於踐土故聽衛侯歸

甯武子

與衛人盟于宛濮

武子甯俞也陳留長垣縣西南有宛亭近濮水

曰天

禍衛國君臣不協以及此憂也

衛侯欲與楚國人不欲故

不和也

今天誘其衷

衷中也

使皆降心以相從也

不有居者誰守社稷不有行者誰扞牧圉

牛曰牧馬曰圉

不協之故用昭乞盟于爾大神以誘

天衷自今日以往既盟之後行者無保其

力居者無懼其罪有渝此盟以相及也

相及明神先君是糾是殛國人聞此盟也而

後不貳

傳言叔武之賢衛侯所以書復歸

衛侯先期入

不信

叔武甯子先長牂守門以爲使也與之乘而

入

長牂衛大夫甯子惠公之欲速故先入欲安喻國人

公子歆犬華仲前驅

衛侯遂驅奄奄宰子子叔武將沐聞君至喜捉髮走未備二了衛大夫

出前驅射而殺之公知其無罪也枕之股

而哭之公以叔武尸枕其股歛犬走出手射叔武故公使殺之

元咺出奔晉元咺以衛侯驅入殺叔武故至晉愬之城濮之戰晉

中軍風于澤牛馬因風而走皆失之亡大旆之左旂旂大

旂名繫旄曰旂通帛曰旂疏注夷謚正義曰謚法安民好靖曰夷注牛馬至失之正義曰劉炫規過以

為放牛馬於澤遺失大旂左旂不失牛馬今刪定知不然者若不失牛馬唯亡左旂罪未至重何須殺之以徇牛馬是軍之要用於事尤重故費誓云馬牛其風臣妾逋逃則有常刑今旂亡左旂又失牛馬為罪至重故殺之以徇若

牛馬不失又大旆在軍何得因放牛馬而亡左旂故知風于澤者為別失馬牛又於軍中亡失大旆之左旂故杜云掌此二事而不脩理劉以為不失牛馬而規杜過非也注大旆至曰旂正義曰釋天云繡廣充幅長尋曰旂

旂曰旂則旆是旗之尾也今別名大旆則此旆有異於常故以大旆為旗名上云狐毛設二旆而退之亦此類也通帛為纛周禮司常文也鄭玄云通帛謂大赤從周正色無飾釋天云因章曰旂孫炎曰因其繒色以為旗章不畫之是也謂之左旂蓋是左軍所建者此亦於事難明不可強說

祁瞞奸命

掌此二事而不脩為

奸軍

司馬殺之以徇于諸侯使茅茷代之師

還壬午濟河舟之僑先歸士會攝右

權代舟之

僑也士會隨武子士蒍之孫

秋七月丙申振旅愷以入于晉

仁樂也

獻俘授馘飲至大賞

授數也獻楚俘於廟

徵會討

貳

徵召諸侯將冬會于溫

殺舟之僑以徇于國民於是

大服君子謂文公其能刑矣三罪而民服

三罪顛頡祁瞞舟之僑

詩云惠此中國以綏四方不失

賞刑之謂也

詩大雅言賞刑不失則中國受惠四方安靖

冬會于溫

討不服也

討讞許

疏

注愷樂也

正義曰大司馬云若師有功則左執律右秉鉞以

先愷樂獻于社注云律所以聽軍聲鉞所以為將威兵樂曰愷司馬法曰得意則愷樂愷歌示喜也

衛侯

與元咺訟

爭戰叔武事

審武子為輔鉞莊子為坐

士榮爲大士

大士治獄官也周禮命夫命婦不躬坐獄訟元咺又不宜與其君對坐故使鍼

莊子爲主又使衛之忠臣及其獄官質正元咺傳曰王叔之宰與伯與之大夫坐獄於王庭各不身親蓋今長吏有

罪先驗吏

卒之義

注大士至之義

正義曰周禮獄官多以士爲名鄭玄云士察也主察獄訟之事

者周禮命夫命婦不躬坐獄訟小司寇職文也鄭玄云爲治獄吏襲尊者也躬身也不身坐必使其屬若子弟也喪服傳曰命夫者其男子之爲大夫者命婦者其婦人之爲大夫妻者凡斷獄訟皆令競者坐而受其辭故云不躬坐也大司寇云以兩造禁民訟以兩劑禁民獄鄭玄云訟謂以財貨相告者獄謂相告以罪名者對文則小別散則可以通獄訟皆爭罪之事也元咺不宜與君對坐故使鍼莊子代衛侯爲坐獄之主審子爲輔輔莊子也以審子位高故先言之士榮亦輔莊子舉其官名以其主獄事故亦使輔之與晉之獄官對理質正元咺也所引傳曰在襄十年

衛侯不勝

三子辭屈

殺士榮則鍼莊子謂甯俞

忠而免之執衛侯歸之于京師宣諸深室

深室別

爲囚室甯子職納橐餽焉

甯俞以君在幽隘故親以衣食爲己職橐衣之

橐餽廢也言其忠主所慮者深

元咺歸于衛立公子瑕

瑕衛公子適也

疏

注甯俞至者深慮君飢渴且防酖毒也

正義曰甯俞親以衣食爲己職者

橐所以盛衣亦可以盛食宜二年傳曰爲之簞食與肉寘諸橐以與之是也釋言曰餽餽也甯廢也郭璞曰餽廢也

孫炎曰甯淖廢也然則廢之與甯稠淖之異名耳

是會也晉侯召王以諸

侯見且使王狩

晉侯大合諸侯而欲尊事天子以爲名義自嫌強大不敢朝周喻王出狩

因得盡羣臣之禮
皆請而不正之事
仲尼曰以臣召君不可以訓

故書曰天王狩于河陽言非其地也
使若天
王自狩

以失地故書河陽實
以屬晉非王狩地
疏
注晉侯至之事正義曰晉侯本
意止欲大合諸侯之師共尊事

天子以爲臣之名義實無觀觐之心但於時周室既衰天子微弱忽然帥九國之師將數十萬衆入京師以臨天子似有篡奪之謀恐爲天子拒逆或復天子怖懼棄位出奔則晉侯心實盡誠無辭可解故自嫌彊大不敢朝王故召諸侯來會于溫溫去京師路近因加諷諭令王就會受朝天子不可以受朝爲辭故令假稱出狩若言王自出狩諸侯因會遇王遂共朝王得盡君臣之禮皆孔子所謂請而不正之事穀梁傳曰全天王之行也爲若將狩而遇諸侯也朝也爲天王諱也是使王狩之意也公羊以爲踐土與此皆是晉侯召王何休云時晉文公年老恐霸功不成故

白天子曰諸侯不可卒致願王居說上下謂諸侯曰天子在是不可不朝迫使正君臣明主法案溫去京師路無百里晉侯已能致之於溫何故不能致之於洛何休妄造其辭事非晉侯之意故杜氏正之自嫌彊大不敢朝周耳注使若至狩地正義曰此傳稱仲左之語即云書曰明是仲左新意非舊文也杜以書曰爲仲左新意亦以此而知之聖人作法所以貽訓後世以目召君不可以爲教訓故改正舊史舊史當依實而書言晉侯召王且使王狩仲左書曰天王狩于河陽言天王自來狩獵于河陽之地使若獵失其地故書之以譏王然釋例曰天子諸侯田獵皆於其封內不越國而取諸人河陽實以屬晉非王狩所故言非其地且明德也義在隱其召君之闕是說改史之意也計天王之狩失地不書因此實非王地借之以改舊史若譏王狩然實不譏王也穀梁傳曰水北爲陽山南爲陽溫河陽也會于溫言小諸侯以河陽言之大天子也然河陽與溫止是一地天子來就諸侯假辭以稱狩耳左氏無

此義但會指所在之地故言溫狩是田獵之所故廣言其地蘇氏云明晉侯之德沒其召君書天子之狩顯其失地便是褒諸侯貶天子所以然者此亦假其失地之文欲明王狩所在非實貶也若隱其召君則全沒不書於義爲可必書天子非地之狩者若全沒其文無以明晉侯尊崇天子之德故書天子出狩諸侯往朝且明德也

隱其召君之闕欲以明晉之功德河陽之狩趙盾之弑治之罪皆違凡變例以起大義危疑之理故特稱仲丘以明之

疏

注隱其至明之正義曰晉侯所以召王志在算

之德功德謂算事天子是也丘明爲傳所以寫仲丘之意凡所改易皆是仲丘而於河陽之狩趙盾之弑泄治之罪此三事特稱仲丘曰昔史策所書皆書實事晉侯召王使狩而作自狩之文是言不實也凡例弑君稱君君無道盡公不君而稱臣以弑似君無過也大夫無罪見殺不書其名泄治忠諫而被殺書名乃罪合死也此三事皆違凡與

例以起大義危疑之理恐人不信
壬申公朝于王

所 執衛侯經在朝王下
疏
壬申公朝于王所 正義
傳在上者告執晚
曰傳之上下例不虛舉經

文此虛舉經者終上晉
丁丑諸侯圍許
十月十五日有日無

侯召王以諸侯見之事
晉侯有疾曹伯之醫侯孺貨筮史
賢掌通內

外者史
使曰以曹為解
以滅曹
齊桓公為會

晉史
而封異姓
封邢
今君為會而滅同姓曹叔

振鐸文之昭也
叔振鐸曹始封
先君唐叔武之

穆也且合諸侯而滅兄弟非禮也與衛偕

命

私許復曹衛

而不與偕復非信也同罪異罰

非刑也

衛已復故

禮以行義信以守禮刑以正

邪舍此三者君將若之何公說復曹伯遂

會諸侯于許晉侯作三行以禦狄荀林父

將中行屠擊將右行先蔑將左行

晉置上中下三軍今

復增置三行以辟天子六軍之名三行無佐疑大夫帥

經二十有九年春介葛盧來

介東夷國也在城陽黔陬縣葛

盧介君名也不稱朝不見公且不能行朝禮雖不見公國賓禮之故書

公至自圍許

無傳

夏六月會王人晉人宋人齊人陳人蔡人秦人

盟于翟泉

翟泉今洛陽城內大倉西南池水也魯侯諱盟天子大夫諸侯大夫又違禮盟公侯

王子虎違禮下盟故不言公會又皆稱人

疏

注翟泉至稱人卿不書罪之也在禮卿不會公

正義曰傳曰

侯唯言諸侯之卿會魯君罪耳不言罪魯侯與子虎知其亦有罪者襄二十六年公會晉人鄭良霄宋人曹人于澶淵被爲趙武敵公貶之稱人而文不沒公此沒公不書明公別有罪五年公及齊侯宋公云云會王世子于首止王世子不盟也九年公會宰周公云云于葵丘宰周公不盟也往年踐土之會王子虎盟諸侯于王庭宣七年黑壤之會王叔桓公臨之王之公卿皆不與諸侯共盟則知諸侯不合盟王臣王臣不合與於盟今王子虎亦貶稱人知魯侯諱盟天子大夫故沒公不書也王子虎違禮下盟故貶稱人

秋大雨雹冬介葛

盧來

傳二十九年春介葛盧來朝舍于昌衍之

魯縣東南公在會饋之芻米禮也嫌公行不當致饋故

禮疏饋之芻米正義曰周禮掌客天子待諸侯之禮上公饗餼九牢饗五牢餼四牢車禾視死

牢十車則禾五十車車米視生牢十車則米四十車

似伯饗餼七牢禾四十車米三十車子男饗餼五牢禾三

十車米二十車芻薪皆倍禾也聘禮卿饗餼五牢禾米與

子男同其附庸執帛與公之孤同則饗餼亦五牢禾三十車

一十車薪芻倍禾則此饋夏公會王子虎晉狐

宋公孫固齊國歸父陳轅濤塗秦小子

慙盟于翟泉尋踐土之盟且謀伐鄭也

經書

蔡人而傳無名氏即微者秦小子

疏

且謀伐鄭正義曰晉侯受命鄭伯

傳王踐土與溫二會咸在鄭無叛晉之狀而此會謀伐鄭者文公昔嘗過鄭鄭不禮焉城濮戰前鄭復如楚雖以楚敗之後畏威來會晉侯以大義受之內實懷恨此會鄭人不至必有背晉之心故謀伐之也晉語城濮戰下稱文公誅觀狀以伐鄭及其裨鄭人以名寶行成公不許得叔詹將烹而舍之左傳無伐鄭之事蓋溫會以後已嘗伐鄭鄭至今未服故此會謀伐明年遂與秦圍之得曰且貳於楚也是鄭自知負晉故有貳心也

注經書云後會

正義

曰經若貶卿稱人傳則言其名氏若傳無名氏則本是微人此經書蔡人而傳無名氏此是實蔡之微者秦是大國小子慙名見於傳而在蔡微者之後若宋向戌之後會也襄二十六年公會晉人鄭良霄宋人曾人于澶淵傳曰趙

武不書尊公也向戌不書後也鄭先宋不失所也宋是大國常在鄭先向戌既以會公貶又以後至退其班使在鄭下此小子慙既以會公貶又退之在蔡下若彼宋向戌之後會也然向戌後會傳為發之經書良霄以駁向戌之後今小子慙既是後會傳不為發又不書蔡人之名以駁之者但秦辟陋西戎未同中國蔡人又蔡之微者不合書名故傳不發之經不貶責也公孫固序在齊上者蓋為大司馬尊於歸父歸父雖執齊政不廢身非上卿如管仲之類猶文十七年陳公孫寧襄二十七年陳孔奭皆序在衛下杜去非上卿即此類也卿不立首罪之也晉侯始霸翼戴天子諸侯輯睦王室無虞王太子傷教故貶諸大夫諱公與盟在禮卿不賈公侯會伯子田刀可也諸卿之見貶亦兼有此闕故傳重發之



注大國至必成之

正義曰昭二十三年傳叔孫婁曰列國之卿當小國之君
固周制也是其可以會伯子男也諸卿見貶兼有此闕者
謂諸卿既上盟天子大夫又上敵公侯故云兼案杜上注
經云諸侯大夫違禮盟公侯又注傳云諸侯大夫上敵公
侯則是惟責諸侯大夫上敵公侯不責上盟天子之使而
言兼有此闕者以魯君上盟天子之使已諱而不書則諸
侯之臣罪在可悉故傳云卿不書罪之略言其事故杜經
傳二注唯言敵公侯不云盟王使以其可知故也劉炫以爲
直責其敵公侯不責其盟王使以規杜氏必如劉義則是
君盟王使乃爲有罪臣盟王使譏無貶責便是君臣易位
尊卑失序聖人垂訓豈若是乎

秋大雨雹爲災也冬介葛盧

來以未見公故復來朝禮之加燕好

燕燕禮也

好好貨也一歲
再來故加之

介葛盧聞牛鳴曰是生三犧

皆用之矣其音云問之而信

傳言人聽或通鳥獸之情

疏

注傳言至之情

正義曰周禮夷隸掌與鳥言貉隸掌與

獸言鄭司農云夷狄之人或曉鳥獸之言鄭玄云夷隸

東夷所獲貉隸征東北夷所獲然則介葛盧是東夷之國其土俗有知者故介葛盧曉之

經三十年春王正月夏狄侵齊秋衛殺其

大夫元咺及公子瑕

咺見殺稱名者訟君求直又先歸立公子瑕非國人所與

罪之也瑕立經年未

疏

注咺見至稱君正義曰咺既稱名故知以訟君立瑕為咺之

會諸侯故不稱君

罪狀春秋之世諸侯雖篡弑而立已列於會雖復見弑耶

成為君齊商人蔡侯班之屬是也瑕立雖已經年未會諸

侯故不稱君既不成君即與元咺同為國討之辭元咺先

死故稱及也瑕若成君當據周敵治庶為文書曰衛弑其

君衛侯鄭歸于衛魯為之請故從諸侯納晉人

秦人圍鄭晉軍函陵秦軍汜南各使微者圍鄭故稱人介人侵蕭無傳

冬天王使宰周公來聘周公天子三公兼冢宰也公子遂

如京師遂如晉如京師報宰周公

傳三十年春晉人侵鄭以觀其可攻與否

狄閒晉之有鄭虞也夏狄侵齊齊晉與國晉侯

使醫衍酖衛侯衍醫名晉侯實怨衛侯欲殺而罪不及死故使醫因治疾而加酖毒

疏注衍醫至酖毒正義曰周禮大司馬以九伐之法正邦國賊殺其親則正之鄭玄去正之者執而治其

罪王霸記曰正殺之也春秋僖二十八年晉人執衛侯歸之於京師坐殺其弟叔武如鄭彼言則衛侯合死而云罪不及死者衛侯之心疑叔武耳前驅歆犬卜君意而殺之非衛侯命殺也公知其無罪執股而哭又命殺歆犬是則殺非公意也故不至死若然則是衛侯無罪而往年衛侯與元咺訟衛侯不勝殺士榮則鍼莊子者用護疑賢弟俞盟先期入是衛侯之罪也罪不合死而晉侯心怨欲得殺之故使醫因治疾而加酖毒若不治疾不得使醫故知因治疾也魯語士晉人執衛成公歸之于周使醫酖之不死醫亦不誅臧文仲言於僖公曰夫衛君殆無罪矣今晉侯酖衛侯而不死亦不計其使者諱而惡殺之也是罪不合死之事也

甯俞化其醫使薄

其酖不死

甯俞視衛侯衣食故得知之

公爲之請納玉於王

與晉侯皆十穀王許之

雙玉曰穀公本與衛同好故爲之請

秋乃

釋衛侯衛侯使賂周款治塵曰苟能納我

吾使爾為卿恐元咺距已故賂周治周治殺元咺及子

適子儀子儀蝦母弟不書殺賤也公入祀先君周治既服

將命服卿服將入廟受命周款先入及門遇疾而死治

塵辭卿見周款死而懼**疏**注服卿至受命正義曰言祀先君而服將命知其將入廟也

必入廟者祭統云古者明君爵有德而祿有功必賜爵祿於大廟示不敢專也命臣必在廟而王制云爵人於朝者

朝上詢於衆人位定然後入廟受命今世受官猶然九月甲午晉侯秦伯圍

鄭以其無禮於晉文公亡過鄭鄭不禮之且貳於楚也

晉軍函陵秦軍汜南

此東汜也在滎陽中牟縣南

疏

注此東汜正

義曰劉炫云二十四年王出適鄭處于汜注云鄭南汜也釋例土地名僖二十四年汜下云此南汜也周王出居于汜楚伐鄭師于汜襄城縣南汜城是也此年汜下云此東汜也秦軍汜南晉伐鄭師于汜滎陽中牟縣南汜澤是也杜考校既精當不徒爾尋討傳文未見杜意

佚之狐言於鄭伯曰國

危矣若使燭之武見秦君師必退

佚之狐燭之武皆鄭

大夫公從之辭曰臣之壯也猶不如人今老

矣無能爲也已公曰吾不能早用子今急

而求子是寡人之過也然鄭亡子亦有不

利焉許之夜縋而出

縋縣城而下

見秦伯曰秦晉

圍鄭鄭既知亡矣若亡鄭而有益於君敢

以煩執事

執事亦謂秦

越國以鄙遠君知其難

也

設得鄭以為秦邊邑則越晉而難保

焉用亡鄭以陪鄰

陪益也

鄰

之厚君之薄也若舍鄭以為東道主行李

之往來共其乏困

行李使人

君亦無所害

疏

注

李使人

正義曰襄八年傳云一介行李杜云行李行人也

昭十三年傳云行理之命杜云行理使人李理字異為注

則同都不解理字周語行理以節逆之賈逵云理吏也小行人也孔晃注國語其本亦作李字注云行李行人之官

也然則兩字通用本多作理訓之為吏故為行人使人也

且君嘗為晉君賜矣

許君焦瑕朝濟而夕設版焉君之所知也

晉君謂惠公也焦瑕晉河外五城之二邑朝濟河而夕設版築以距秦言皆秦之速

夫晉何厭

之有既東封鄭又欲肆其西封

肆封疆也肆由也

不

闕秦焉取之闕秦以利晉唯君圖之秦伯

說與鄭人盟

疏

不闕秦焉取之闕秦家更何處取之言有心取秦

正義曰沈云不

先謀取鄭言滅秦以將利晉益大疆土

使杞子逢孫揚孫戍之乃

還

三子秦大夫反為鄭守

子犯請擊之公曰不可微夫

人之力不及此

請擊秦也夫
人謂秦穆公

因人之力而敝之

不仁失其所與不知以亂易整不武

秦晉和
整而還

相攻更
為亂也

吾其還也亦去之初鄭公子蘭出奔

晉

蘭鄭
穆公

從於晉侯伐鄭請無與圍鄭許之

使待命于東

晉東
界

鄭石甲父侯宣多逆以

為大子以求成于晉晉人許之

二子鄭大夫
言穆公所以

立

冬王使周公閱來聘饗有昌歠白黑形

鹽

昌歠昌
蒸黍形
鹽鹽形
象虎

䟽

注昌歠至象虎
正義
曰昌歠饗之所設必是

籩豆之實周禮臨人朝事之豆其實有昌本麋鷄野玄云
昌本昌蒲根切之四寸為菹彼昌本可以為菹知此昌歆
即是昌蒲菹也齊有那歆魯有公甫歆其音為觸說文云
歆盛氣怒也從欠蜀聲此昌歆之音相傳為在威反不知
其字與彼為同為異編檢書傳昌蒲之草無此別名未知
其所由也此云白黑下云嘉穀穀之白黑唯稻黍為然下
云鹽虎形知其形象虎也

辭曰國君文足昭也武可畏也

則有備物之饗以象其德薦五味羞嘉穀

鹽虎形

嘉穀熬稻黍也以象其文也鹽虎形以象武也

以獻其功吾何以

堪之

疏

辭曰至堪之

正義曰周禮掌客王巡守百官從者所過之國共其積膳三公膳上公之

禮卿大夫膳子男之禮宰周公是天子三公其主國待之當算於國君但周公自謙不敢當比國君耳

既云備物之饗以象其德及說備物之下即云以獻其功
功德互見之耳獻其功者獻謂呈見旌表之也備設以象
德薦獻以見功故
東門襄仲將聘于周遂初聘
象獻分配為文

于晉

公既命襄仲聘周未行故曰將又命自周
聘晉故曰遂自入春秋魯始聘晉故曰初

疏

注公

既至曰初正義曰經書實行之事傳說將命之初故云
命之將聘于周未行又命之遂聘于晉令其從周即去更
不廻也賈服不曉傳意解為
先聘晉後聘周故杜詳說之

經三十有一年春取濟西田

晉分曹田以賜魯
故不繫曹不用師

徒故

疏

注晉分至曰取

正義曰濟西之田實是曹地
曰取晉文分以賜魯故不繫於曹不繫晉者晉本意

賜諸侯不為己有故亦不繫晉也昭四年傳例
曰凡克邑不用師徒曰取取田取邑義亦同也
公子遂

如晉夏四月卜郊不從乃免牲

龜曰卜不從不吉也

卜郊不吉故免牲免猶縱也

疏

注龜曰至縱也正義曰龜曰卜曲禮文也洪範稽疑云龜從筮從謂從

人之心也人心欲吉不從是不吉也卜郊不吉不復爲郊牲無所用故免牲免猶縱放不殺之也穀梁傳曰免牲者爲之緇衣纁裳有司玄端奉送至南郊免牛亦然左傳無說其事或然也相五年傳例曰凡祀啓蟄而郊啓蟄周之三月也今於夏四月卜郊者傳舉節氣有前有却但使春分未過仍得爲郊故四月得卜郊也故釋例曰凡十二月而節氣有二十四共通三百六十六日分爲四時間之以閏月故節不必得恒在其月初而中氣亦不得恒在其月之半是以傳舉天宿氣節爲文而不以月爲正僖公襄公夏四月卜郊但譏其非所宜卜而不譏其四月不可郊也孟獻子曰啓蟄而郊郊而後耕耕謂春分也言得啓蟄當卜郊不得過春分耳是言四月得郊也周禮大宰職云祀五帝前

期十日帥執事而卜日然則將祭必卜日之前豫卜之也
言四卜郊者蓋三月每旬一卜至四月上旬更一卜乃成
爲四卜也此言四卜郊不從襄七年三卜郊不從公羊傳
曰曷爲或言三卜或言四卜三卜禮也四卜非禮也三卜
何以禮求吉之道三今左傳以爲禮不卜常祀
則一卜亦非不云四非而三是異於公羊說

猶三望

三望分野之星國中山川皆因郊祀望而祭之

疏注三望至之辭

正義曰公羊傳曰三望者何望祭也然則曷祭祭泰山河
海鄭玄以爲望者祭山川之名諸侯之祭山川在其地則
祭之非其地則不祭且魯竟不及於河禹貢海岱及淮惟
徐州徐即魯地三望謂淮海岱也賈逵服虔以爲三望分
野之星國中山川今杜亦從之以襄九年傳曰陶唐氏之
火正闕伯居商丘祀大火相土因之故商主大火昭元年
傳云辰爲商星參爲晉星楚語云天子禴祀羣神品物諸
侯二玉後祀天地三辰及其土地之山川注國語者皆云

諸侯二王後祀天地三辰日月星也非二王後祀分野星
辰山川也以此知三望分野之星國內山川其義是也昭
七年夏四月甲辰朔日有食之於時夏之二月日在降婁
傳稱去衛地如魯地於十二次豕韋衛地降婁魯地魯祭
分野之星其祭婁婁之神也此三望者因郊祀天而望祭
之於法不獨祭也魯既廢郊天而獨脩小祀故曰猶公羊
穀梁皆云猶秋七月冬祀伯姬來求婦無傳
者可止之辭自爲秋七月冬祀伯姬來求婦
其子辟秋狄園衛十有二月衛遷于帝丘難也
成昏成昏帝丘今東郡濮陽縣故疏注辟狄至帝丘正義曰傳
帝顓頊之虛故曰帝丘稱狄園衛衛遷于帝丘蓋有
阻險可以辟狄難也釋例曰帝丘故帝顓頊之虛故曰
帝丘昆吾氏因之故曰昆吾之虛東郡濮陽縣是也

傳三十一年春取濟西田分曹地也年晉文

討曹分其地竟界未定至是乃以賜諸侯

使臧文仲往宿於重館

高平

方與縣西北有重鄆城

重館人告曰晉新得諸侯必親

其共不速行將無及也從之分曹地自洮

以南東傳于濟盡曹地也

文仲不書請田而已非聘享會同也濟水

自滎陽東過魯之西至樂安入海

疏

重館至曹地正義曰魯語說此事云獲地於諸侯為多臧文仲反

既復命為之請曰地之多重館人之力也臣聞之曰善有章雖賤賞也今一言而辟竟其章大矣請賞之乃出而爵

之襄仲如晉拜曹田也夏四月四卜郊不

從乃免牲非禮也

諸侯不得郊天魯以周公故得用天子禮樂故郊為魯常祀

猶三望亦非禮也禮不卜常祀

必其時

而卜

其牲曰

卜牲與日知吉凶

牛卜曰牲

既得吉日則牛改名曰牲

牲

成而卜郊上怠慢也

怠於古典慢瀆龜策

望郊之細也

不郊亦無望可也

疏

注諸侯至常祀明堂位稱成王幼弱周公

正義曰

踐天子之位以治天下制禮作樂七年致政於成王成王以周公爲有勲勞於天下命魯公世世祀周公以天子之禮樂是以魯君孟春乘大路載弧韜旂十有二旒日月之章祀帝于郊配以后稷天子之禮也是魯以周公之故得用天子禮樂天子命之則爲常祀故郊爲魯之常祀也記言正月謂周正建子之月與傳啓蟄而郊其月不同禮記是後儒所作不可以難左傳注既得至曰牲正義曰上云卜其牲日則牲之與日俱卜之也必當先卜牲而後

卜日卜得吉日則改牛爲牲然則牛雖卜吉未得稱牲牲是成用之名不可改名爲牲更卜吉凶明知卜牛在卜日之前也此言免牲是已得吉日牲既成矣

成七年乃免牛是未得吉日牲未成也

秋晉蒐于

清原作五軍以禦狄

二十八年晉作三行今罷之更爲上下新軍河東聞喜縣

北有趙衰爲卿

二十七年命趙衰爲卿諱於欒枝今始從原大夫爲新軍帥

疏

趙衰爲卿

正義曰晉語云文公命趙衰爲卿諱於欒枝

先軫後又使爲卿諱於狐偃狐毛卒又使爲卿諱於先且居公曰趙衰三諱其所諱皆社稷之衛也廢諱是廢德也以趙衰故蒐于清原作五軍使趙衰將新上軍箕鄭佐之胥嬰將下軍先都佐之如彼文止謂趙衰作五軍故特言趙衰爲卿以見之於時舊三軍之將佐先軫將中軍卻縠佐之先且居將上軍狐偃佐之欒枝

冬狄圍衛衛遷

將下軍胥臣佐之國語有其文也

于帝丘卜曰三百年衛成公夢康叔曰相

奪子享

相夏后啓之孫居帝丘享祭也

疏

卜曰三百年正義曰案史記衛世家及年表

衛從此年以後歷十九君積四百二十年衛元君乃徙于野王元君卒子角代立秦滅衛廢角爲庶人注相夏至祭也正義曰夏本紀禹生啓啓生大康及仲康仲康生相是爲啓之孫也周禮祭人鬼曰享公命祀

相甯武子不可曰鬼神非其族類不歆其

祀

歆猶饗也

杞鄫何事

言祀鄫夏後自當祀相

相之不享於

此久矣非衛之罪也

言帝丘久不祀相非衛所絕

不可以間

成王周公之命祀

諸侯受命各有常祀

請改祀命

改祀相之

命

䟽

注改祀相之命 正義曰昭七年傳稱晉居夏虛祀鯀而晉侯疾瘳此衛居帝丘而不合祀相者祭

法士鯀障洪水而殛死載在祀典傳稱實爲夏郊三代祀之周室既衰晉爲盟主當代天子祭絕祀之神故祭鯀爲得禮相無功德於民惟當子孫自祭故稱祀鄭何事非衛之罪與鯀異也 鄭洩駕惡公子

瑕鄭伯亦惡之故公子瑕出奔楚

瑕文公子傳爲納瑕

張本洩駕亦鄭大夫隱五年洩駕距此九十年疑非一人

經三十有二年春王正月夏四月己丑鄭

伯捷卒

無傳文公也三同盟

䟽

注文公也三同盟正義口經無其葬故言其謚也捷以

莊二十二年即位至此與魯十餘同盟言三同盟者但杜數同盟不例若同盟少者數先君之盟或數大夫之盟或

欽經不書盟而傳載盟者若同盟多者唯數今君或就今君之中數其大會盟之顯著者此言三同盟者皆據王臣臨盟則八年盟于泚九年于葵丘二十八年于踐土是也劉炫不尋杜意而規其繆非也

衛人侵狄

報前年狄圍衛

秋衛人及狄盟

不地者就狄盧帳盟

疏

注不地至帳盟正義曰

會狄于攢函言地今不言地故云就盧帳盟盧帳即是狄人所居之處上云衛人侵狄及狄盟猶若公如晉及晉侵盟是指其所居之處故不言地也劉炫云春秋時戎狄錯居中國此狄無國都處所直云及狄盟盟於狄之處也以狄俗逐水草無城郭宮室故云就盧帳盟

冬十有二月己卯晉侯重

耳卒

同盟踐土翟泉

傳三十二年春楚闕章請平于晉晉陽處

父報之晉楚始通

陽處父晉大夫晉楚自春秋以來始交使令為和同

夏

狄有亂衛人侵狄狄請平焉秋衛人及狄

盟冬晉文公卒庚辰將殯于曲沃

殯室棺也曲沃有舊

疏

注殯室至宮焉

正義曰周禮鄉師職云大喪及葬與匠師御柩及窆執斧以涖匠師昭十二年傳

曰日中而壙禮記皆作封封壙室聲相近而字改易耳皆謂葬時下棺之名也殯則橫置於西序亦是下棺於地故殯為室棺也晉武公自曲沃而兼晉國曲沃有舊時宮廟故公卒而往殯焉禮諸侯五日而殯案經文以己卯卒庚辰是卒之明日即將殯者以曲沃路遠故早行耳禮在牀曰尸在棺曰柩下云柩有聲明是斂於棺而後行也

出

絳柩有聲如牛

如牛向聲

卜偃使大夫拜曰君

命大事將有西師過軼我擊之必大捷焉

聲自軼出故曰君命大事戎事也卜偃聞秦密謀故因軼聲以正衆心杞子自鄭使告

于秦

三十年秦使大夫杞子戍鄭

曰鄭人使我掌其北門之

管

管籥也

若潛師以來國可得也穆公訪諸

蹇叔蹇叔曰勞師以襲遠非所聞也

蹇叔秦大夫

夫師勞力竭遠主備之無乃不可乎師知

所爲鄭必知之勤而無所必有悖心

將害良音

且行千里其誰不知公辭焉

辭不受其言

召孟

明西乞白乙使出師於東門之外

孟明百里
孟明視西

乞西乞術白

乙白乙丙

疏

注孟明至乙丙

正義曰世族譜以百

視字孟明也古人之言名字者皆先字後名而連言之其
術丙必是名西乞白乙或字或氏不可明也譜云或以爲
西乞術白乙丙爲蹇叔子案傳稱蹇叔之子與師言其在師中
而已若是西乞白乙則爲將帥不得去與也或說必妄記異聞耳

蹇叔哭之曰孟子吾見師之出而不見其

入也公使謂之曰爾何知中壽爾墓之木

拱矣

合手曰拱言其
過老悖不可用

蹇叔之子與師哭而送

之曰晉人禦師必於殽

殽在弘農
澠池縣西

殽有二陵

焉

大阜曰陵

其南陵夏后皋之墓也

皋夏桀之祖父

其

北陵文王之所辟風雨也

此道在二穀之間南谷中谷深委曲兩山

相嶽故可以辟風雨古道由此魏武帝西討巴漢惡其險而更開北山高道

必死是間

其

深險故

余收爾骨焉秦師遂東

為明年晉敗秦于穀傳

疏

中壽

正義曰上壽百二十歲中壽百下壽八十

注大

阜曰陵

正義曰釋地云高平曰陸大陸曰阜大阜曰陵

李廵曰高平謂土地豐正名為陸大陸謂土地高大名曰

阜阜最高大為陵

注阜

夏桀之祖父

正義曰夏本紀

文桀父名發桀名履癸

注此道至高道

正義曰此道

見在穀是山名俗呼為土穀石穀其阨道在兩穀之間山

高而曲兩山參差相映其下雨所不及故可以辟風雨也

公羊傳曰蹇叔送其子而戒之曰爾即死必於穀之嶽巖

是文王之所辟風雨者故此注言兩出相嶽故可以辟風雨者杜氏此言或取公羊之意嶽字蓋從山但嶽巖是山之貌而云相嶽文亦不順未能審杜意也何休云其處險阻隘勢一人可要百故文王過之驅馳常若辟風雨

經三十有三年春王二月秦人入滑

滅而書入不能

有其地

齊侯使國歸父來聘夏四月辛巳晉

人及姜戎敗秦師于殽

晉侯諱背喪用兵故通以賤者告姜戎姜

姓之戎居晉南鄙戎子駒支之先也晉人角之諸戎犄之不同陳故言及

疏

注晉侯至言及正

義曰杜以諸侯之貶不至稱人故知諱在喪用兵以賤者告也襄十四年傳戎子駒支自陳此事云謂我諸戎四嶽之裔胄且此云姜戎知是姜姓之戎也角之犄之皆彼傳文耳彼云晉禦其上戎亢其下是不同陳故言

及也諸戰之陳共用師
不言及者皆同陳也

癸巳葬晉文公狄侵齊

公伐邾取訾婁秋公子遂帥師伐邾晉人

敗狄于箕

大原陽邑縣南有箕城
卻缺稱人者未為卿

疏

注大原至為
卿正義曰

劉炫云案傳晉侯親兵先軫死敵則將帥非卻缺也而稱
人者晉諱而以微人告令知不然者以戰于穀文公未葬
故諱其背殯用兵此則文公既葬之後於禮得從戎事又
敗狄有功又何恥諱而以微者告故杜云卻缺稱人未為
卿劉以晉侯稱人同於
穀諱而規杜氏非也

冬十月公如齊十有二

月公至自齊乙巳公薨于小寢

小寢內寢也
乙巳十一月

十二月經書
十二月誤

隕霜不殺草李梅實

無傳書時失
也周十一月

今九月霜當微而重重而不能殺草所以爲災

疏

注書時至爲災正義曰此在十二月下杜以長歷按之

乙巳是十一月十二日謂經十二月爲誤遂以此經四事皆爲十一月夏之九月霜不應重重又不能殺草所以爲災也此云隕霜不殺草定元年冬十月隕霜殺菽穀梁傳曰未可以殺而殺舉重可殺而不殺舉輕其意言菽重草

輕也晉人陳人鄭人伐許

傳三十三年春秦師過周北門左右免胄

而下

王城之北門冑堯鑿兵車非大將御者在中故左右下御不下

疏

注王城至不下正義曰

成二年傳稱晉解張御卻克鄭丘綏爲右張侯曰矢貫子手及肘左輪朱穀傷手而血淲左輪是御者在左大將居中也宣十二年傳稱楚許伯御樂伯攝叔爲右樂伯云左射以蔽是射在左而御在中也鄭玄詩箋云兵車之法左

人持弓右人持矛中人御車故左右下御不下

超乘者三百乘王孫滿

尚幼觀之言於王曰秦師輕而無禮必敗

謂過天子門不卷

疏

注謂過至示勇

正義曰服虔云

甲束兵超乘示勇

無禮謂過天子門不橐甲束兵而

但免胄呂氏春秋說此事云師行過周王孫滿曰過天子之城宜橐甲束兵左右皆下然則過天子門當卷甲束兵

必古有此禮或出司馬兵法其書既亡未見其本

輕則寡謀無禮則脫

易

也入險而脫又不能謀能無敗乎及滑鄭

商人弦高將市於周遇之以乘韋先牛十

二犒師

商行賈也乘四韋先韋乃入牛古者將獻遺於人必有以先之

疏

汪商行至先之正

義曰周禮大宰以九職任萬民六曰商賈阜通貨賄鄭玄
去行曰商處曰賈易去商旅不行是商行賈坐而言行賈
者相形以曉人也乘車必駕四馬因以乘爲四名禮言乘
矢謂四矢此言乘車謂四車也遺人之物必以輕先重後
故先韋乃入牛也老子去雖有拱壁以先四馬
不如坐進此道是古者將獻饋必有以先之 曰寡君

聞吾子將步師出於敝邑敢犒從者不腆

敝邑爲從者之淹居則具一日之積

腆厚也淹久也

積芻米行則備一夕之衛且使遽告于鄭

遽傳

車

疏

注腆厚至菜薪

正義曰腆厚淹久經傳常訓也

周禮大行人去王待諸侯之禮上公五積侯伯四

積子男三積積皆謂米禾芻薪知此亦然案掌客上公五積
皆視飡牽鄭注去飡牽謂牽牲以往不殺也亦有米禾芻薪

鄭又注去上公殯五牢米二十車禾三十車侯伯四牢米禾皆二十車子男三牢米十車禾二十車芻薪皆倍其禾

積既視殯則米禾芻薪與殯同注遽傳車正義曰釋言云駟遽傳也孫炎曰傳車驛馬也鄭穆公使

視客館視秦三大夫之舍則束載厲兵秣馬矣兵

待秦師使皇武子辭焉曰吾子淹久於敝邑

唯是脯資餼牽竭矣資糧也生曰餼牽謂牛羊豕為吾子之

將行也示知其情鄭之有原圃猶秦之有具囿

也原圃具囿皆囿名吾子取其麋鹿以間敝邑若

何使秦戍自取麋鹿以為行資令敝邑得間杞子奔

暇若何猶如何滎陽中牟縣西有圃田澤

齊逢孫揚孫奔宋孟明曰鄭有備矣不可

冀也攻之不克圍之不繼吾其還也滅滑

而還

疏

注資糧至羊豕 正義曰聘禮歸殯饗餼五牢飪一牢腥二牢餼二牢以飪是熟肉腥是

生肉知餼是未殺故去生曰餼牛羊豕可牽行故去產謂牛羊豕也 注原圃具圃皆圃名 正義曰下注去中半

孫西有圃田澤則原圃地名以其地爲圃知與具圃皆圃名也圃者所以養禽獸故令自取其麋鹿焉天子曰苑諸

侯曰

齊國莊子來聘自郊勞至于贈賄禮

成而加之以敏

迎來曰郊勞送去曰贈賄敏審當於事

臧文仲言

於公曰國子爲政齊猶有禮君其朝焉臣

聞之服於有禮社稷之衛也

為公如齊傳

疏

注

來至於事

正義曰聘禮賓至于近郊君使卿朝服用束帛

勞及聘事皆畢乃去賓遂行舍於郊公使卿贈如覲幣是

來有郊勞去有贈賄也

晉原軫曰秦違蹇叔而以貪勤

民天奉我也

奉與也

奉不可失敵不可縱縱

敵患生違天不祥必伐秦師樂枝曰未報

秦施而伐其師其為死君乎

言以君死故忘秦施

先軫

曰秦不哀吾喪而伐吾同姓秦則無禮何

施之為

言秦以無禮加已施不足顧

吾聞之一日縱敵數世

之患也謀及子孫可謂死君乎

言不可謂背君

遂

發命遽興姜戎子墨衰經

晉文公未葬故襄公稱子以凶服從戎故

墨之

梁弘御戎萊駒爲右夏四月辛巳敗秦

師于殽獲百里孟明視西乞術白乙丙以

歸遂墨以葬文公晉於是始墨

後遂常以爲俗記禮所由

變

文嬴請三帥

文嬴晉文公始適秦秦穆公所妻夫人襄公嫡母三帥孟明等

曰

彼實搆吾二君寡君若得而食之不厭君

何辱討焉使歸就戮于秦以逞寡君之志

若何公許之先軫朝問秦囚公曰夫人請

之吾舍之矣先軫怒曰武夫力而拘諸原

婦人暫而免諸國

暫猶卒也

墮軍實而長寇讎

亡無日矣

墮毀也

不顧而唾公使陽處父追

之及諸河則在舟中矣釋左驂以公命贈

孟明

欲使還拜謝因而執之

孟明稽首曰君之惠不以

累臣費鼓

累囚繫也殺人以血塗鼓謂之費鼓

使歸就戮于秦

寡君之以爲戮死且不朽若從君惠而免

之三年將拜君賜

意欲報

秦伯素服郊次

特之於郊

鄉師而哭曰孤違蹇叔以辱二三子

孤之罪也不替孟明孤之過也大夫何罪

且吾不以一眚掩大德

青過也

狄侵齊因晉

喪也公伐邾取訾婁以報升陘之役

在二十二年

邾人不設備秋襄仲復伐邾

魯亦因晉喪以陵小國

秋

伐晉及箕八月戊子晉侯敗狄于箕卻缺

獲白狄子

白狄狄別種也故西河郡有白部胡

先軫曰匹夫逞

志於君

謂不顧而唾

而無討敢不自討乎免胄入

狄師死焉狄人歸其元

元首

面如生

言其有異於人

初

曰季使過冀見冀缺釋其妻饁之

曰季晉臣也冀晉邑

釋鋤也野饋曰饁

敬相待如賓與之歸言諸文公曰

敬德之聚也能敬必有德德以治民君請

用之臣聞之出門如賓

如見大賓

承事如祭

常謹

敬也仁之則也公曰其父有罪可乎

缺父冀芮欲殺文公

在二十四年

對曰舜之罪也殛鯀其舉也興禹

禹鯀

子管敬仲相之賊也實相以濟康誥曰父

不慈子不祗兄不友弟不共不相及也康誥

周書祗敬也詩云采葑采菲無以下體君取節焉

可也詩國風也葑菲之菜上善下惡食之者不以其惡而弃其善言可取其善節文公以

爲下軍大夫反自箕襄公以三命命先且

居將中軍且居先軫之子其父死敵故進之以再命命先茅

之縣賞胥臣曰舉卻缺子之功也先茅絕後故取其縣

以賞胥臣以一命命卻缺爲卿復與之異還其父故

邑亦未有軍行

雖登卿位未有軍列

疏

卻缺獲白狄子正義曰宣十五年

晉師滅赤狄潞氏以潞子嬰兒歸彼書於經而此不書者蓋略賤之不以告也注曰季至曰盭正義曰世本云

垂作耨釋器云斨斨謂之定李巡曰鋤也廣雅云定謂之耨呂氏春秋云耨柄尺此其度也其耨六寸所以間稼也

高誘注云耨耘苗也六寸所以入苗間也釋名云耨鋤嫗婦禾也釋詁云盭餽也孫炎曰盭野之餽也康誥至及

也正義曰此雖言康誥曰直引康誥之意耳非康誥之全文也彼云子弗祗服厥父事大傷厥考心于父不能字

厥子乃疾厥子于弟弗念天顯乃弗克恭厥兄兄亦不念鞠子哀大不友于弟曰乃其速由文王作罰刑茲無赦其

意言不慈不祗不友不恭各用文王之法刑之不是罪子又罪父刑弟復刑兄是其不相及也注詩國至善節

正義曰彼毛傳曰葑蘋也菲芴也釋草云蘋葑孫炎曰蘋一名葑鄭玄坊記注云葑蔓菁也釋草又云菲芴也孫炎

曰蒿類也陸璣毛詩義疏云葑蒿菁幽州人或謂之芥也
非似蒿莖蘊葉厚而長有毛三月中蒸養為茹滑美又可
以為羹是也此二菜其根有惡時故云上善下惡食之者
取善節也注且居至進之正義曰且居父在之時已

將上軍以父死敵故進之冬公如齊朝且弔有狄師也反

薨于小寢即安也小寢夫人寢也譏公就所安不終于路寢晉陳鄭

伐許討其貳於楚也楚令尹子上侵陳蔡

陳蔡成遂伐鄭將納公子瑕三十一年瑕奔楚門于

桔枳之門瑕覆于周氏之注車傾覆池水中外僕髡

屯禽之以獻殺瑕以獻鄭伯文夫人歛而葬之鄆城

之下

鄭文公夫人也鄆城故鄆國在滎陽密縣東北傳言穆公所以遂有國

晉陽處父

侵蔡楚子上救之與晉師夾泚而軍

泚水出魯陽縣

東經襄城定陵入汝

陽子患之使謂子上曰吾聞之文

不犯順武不違敵子若欲戰則吾退舍子

濟而陳

欲辟楚使渡成陳而後戰

遲速唯命不然紓我

紓緩

也老師費財亦無益也

師父為老

乃駕以待子上

欲涉大孫伯曰不可晉人無信半涉而薄

我悔敗何及不如紓之乃退舍

楚退欲使晉渡

陽

子宣言曰楚師遁矣遂歸楚師亦歸大子

商臣譖子上曰受晉賂而辟之楚之恥也

罪莫大焉王殺子上

商臣怨子上止王立己故譖之

葬僖公緩

文公元年經書四月葬僖公僖公實以今年十一月薨并閏七月乃葬故傳云緩自此以下遂因說作主祭祀之事文相次也皆當次在經葬僖公下今在此簡編倒錯作主非禮也

文二年乃作主遂因葬文

通議

疏

注文公至倒錯已公薨杜以長歷推之十一月十二日有乙巳

正義曰經書十二月下云乙巳

乙巳非十二月文元年傳曰於是閏三月非禮也故至四月并閏爲七月禮當五月而葬今乃七月始葬故傳曰緩也左氏爲傳凡有譏者皆先言所譏乃復述其事自此以下不論葬緩既言葬之緩遂因說作主祭祀之事皆事與

葬連故文扣次耳僖公葬在明年而此年有傳知其當在
明年經葬僖公下今在此者簡編倒錯故爾杜以此年空
說葬事而其上無經文元年空舉經而其下無傳故謂此
年之傳當在彼經之下於理誠為順序於文失於重疊此
云葬僖公彼又云葬僖公重生文者亦既錯謬必乖其本
或由編絕之處三字分簡彼有葬無公此有公無葬後人
並添足之致使彼此共乘一文
耳若其不然不知所以謬也

凡君薨卒哭而祔

祔而作主特祀於主

既葬反虞則免喪故曰卒哭
哭止也以新死者之神祔之

於祖尸柩已遠孝子思慕故造木主立几筵焉特用喪禮
祭祀於寢不同之於宗廟言凡君者謂諸侯以上不通於
卿大夫
烝嘗禘於廟
冬祭曰烝秋祭曰嘗新主既
特祀於寢則宗廟四時常祀自
如舊也三年禮畢又
大禘乃皆同於吉

疏

凡君至於廟正義曰釋例云
此諸侯之禮故稱君君既葬反

虞則免喪故曰卒哭哭止也以新死者之神祔之於祖尸
柩既已遠矣神形又不可得而見矣孝子之思彌篤枋榱
求索不知所至故造木主立凡筵特用喪禮祭祀於寢不
同之於宗廟宗廟則復用四時烝嘗之禮也三年喪畢致
新死者之主以進於廟廟之遠主當遷入祧於是乃大祭
於大廟以審定昭穆謂之禘此皆自諸侯上達天子之制
也其意與此注同文少詳耳劉炫云既言作主非禮因言
作主祭祀吉凶之節凡諸侯之薨葬日而虞從是以後間
日一虞七虞之後明日而爲卒哭之祭卒哭之明日而作
祔祭以新死之神祔於祖父於此祔祭而作木主以依神
其主在寢特用喪禮祭祀於在寢之主其四時常祭祔祠
烝嘗及三年喪畢爲大祀禘祭並行之於廟正禮當如是
耳今以葬僖公後積十月始作僖公木主是作主大緩故
爲非禮也 注既葬至大夫 正義曰檀弓曰既封有司
以几筵舍奠於墓左反日中而虞葬日虞弗忍一日離也
雜記曰士三虞大夫五諸侯七士虞記曰始虞用柔日再

虞皆如初三虞卒哭用剛日如士虞之禮諸侯七虞其六
虞用柔日最後虞改用剛日間一日乃卒哭卒哭亦用剛
日則諸侯卒哭在葬後十四日也然始免喪與葬不得相
遠共在一月之內故杜每云既葬卒哭喪麻除是其不甚
相遠然喪事先遠日則葬在月半之後葬後行虞虞後卒
哭所以得同月者但卜葬雖先遠日但葬是喪之大事又
有虞祔之祭當應及早爲之使得容其虞祔禮云喪事先
遠日謂練祥禫除之屬晉平公之喪大夫欲見新君王與
文伯宴搏以魯壺皆是既葬之後未卒哭之前雜記曰天
子七日而葬九人而卒哭諸侯五月而葬七月而卒哭釋
例口禮記後人所作不與春秋同是七虞九虞杜所不用
或云杜亦同之解云此注言虞則免喪者謂七虞皆畢乃
免喪免喪後日爲卒哭也理亦通耳檀弓曰葬日虞是日
也以虞易奠卒哭曰成事是日也以吉祭易喪祭是葬前
奠而不祭至虞乃爲喪祭卒哭乃爲吉祭也自初死至於
卒哭晝夜哭無時謂之卒哭者卒此無時之哭自此以後

唯朝夕哭耳天子諸侯則於此除喪全不復哭也檀弓於
卒哭之下云明日祔於祖父士虞記亦云卒哭明日以其
班祔是以新死之神祔之於祖也於此之時葬已多日尸
柩既已遠矣孝子思慕彌篤彷徨不知所至故造木主立
几筵以依神也作主致之於寢特用喪祭之禮祭之於寢
不同祭之於宗廟也大夫以下不得稱君此言凡君者謂
諸侯以上耳不得通於卿大夫也文二年公羊傳曰主者
曷用虞主用桑練主用栗鄭玄注禮用公羊之說以爲虞
已有主此傳稱祔而作主者虞而作主禮本無文不可以
公羊而疑左氏也注冬祭至於吉正義曰周禮禮記
諸文皆有之也新主既特祀於寢則其餘宗廟四時常祀
自如舊不廢也三年喪畢新主入廟廟之遠主當遷入桃
乃爲大祭於大廟以審昭穆謂之爲禘於是新死者乃得
同於吉也釋例曰舊說以爲諸侯喪三年之後乃祫嘗案
傳襄公十五年冬十一月晉侯周卒十六年春葬晉悼公
改服脩官烝于曲沃會于渙梁其冬穆叔如晉且言齊故

晉人答以寡君之未禘祀其後晉人欲朝于鄭鄭公孫僑云溴梁之明年公孫夏從寡君以朝于君見於甯耐與執膳焉此皆春秋之明證也是言知諸侯卒哭以後時祭不廢之事也釋例又曰凡三年喪畢然後禘於是遂以三年爲節仍計除喪即吉之月十日而後行事無復常月也是以經書禘及大事傳唯見莊公之速他無非時之議也如例所言除喪即吉禘遂以三年爲常則新君即位二年而禘五年又禘八年又禘僖八年禘于大廟宣八年有事于大廟定八年從祀先公皆得三年之常期也案元年夫人姜氏薨當以三年喪畢而禘再經三年則九年乃可禘耳而得八年禘者哀姜喪畢不爲作禘八年因禘祭乃致之故計閔公之喪數之耳昭十五年有事于武宮計非禘年而爲禘者釋例曰禘于大廟禮之常也各於其宮時之爲也雖非三年大祭而書禘用禘禮也昭二十五年傳曰將禘於襄公亦其義也三年之禘自國之常常事不書故唯書此數事祭雖得常亦記仲遂叔弓之非常也如杜此言

昭十五年雖非禘年用禘禮故稱禘也鄭玄解禮三年一
禘五年一禘杜解左傳都不言禘者以左傳無禘語則禘
禘正是一祭故杜以審諦昭穆謂之爲禘明其更無禘也
古禮多亡未知孰是且使禮傳各從其家而爲之說耳劉
炫云以正經無禘文也唯禮記毛詩有禘字耳釋天云禘
大祭也則祭無大於禘者若禘大於禘禘焉得稱大乎

春秋正義卷第十三

[illegible]

春秋正義卷第十四

平
平

國子祭酒上護軍曲阜縣開國子臣孔穎達等奉

勅撰

文公疏

正義曰魯世家文公名興僖公之子夫人聲姜所生以襄王二十六年即位證法慈惠愛

民曰文是歲歲在降婁

經元年春王正月公即位

無傳先君未葬而公即位不可曠年無君

疏

注先君至無君正義曰諸侯之禮既葬成君先君雖則未葬既踰年矣而君即位者不可曠年無君故

也即位必於歲首若歲首不行此禮餘月不得行之便是曠年無君故雖則未葬亦即行之釋例云遭喪繼立者每

新年正月必改元正位百官以序故國史書即位於策以表之文公成公先君之喪未葬而書即位因三正之始明繼嗣之正表朝饗以固百姓之心此乃國君明分制之大禮譬周康王寐覺黼裳以行事事畢然後反喪服也雖年年行即位之禮名通於國內必湏既葬卒哭乃免喪古之制也杜引領命康王之事以譬此者彼是既殯此是踰年雖時不同取其暫服吉服事相似耳康王之誥云王義嗣德荅拜彼始殯訖即呼爲王知諸侯既殯臣子亦呼爲公既尸其位名號即成但先君未葬事猶聽於冢宰未得即成爲君八年八月天王崩九年春毛伯來求金傳曰不書王命未葬也是踰年未葬不得命臣出使必待卒哭乃免喪也

二月癸亥日有

食之

無傳癸亥月一日不書朔官失之

天王使叔服來會葬

叔氏服字諸侯喪天子使大夫會葬禮也

疏

注叔氏至禮也正義曰四年風氏薨五年王使榮叔歸合且

賈召昭公來會葬傳曰禮也夫人之喪會葬為禮知諸侯之喪天子使大夫會葬為得禮也蘇氏云外卿來會葬不書此書者尊王使故特書之傳稱內史叔服內史於周禮為中大夫天子大夫例書字知叔氏服字也 夏

四月丁巳葬我君僖公

七月而葬經

天王使毛伯

來錫公命

毛國伯爵諸侯為王卿士者諸侯即位天子賜以命圭合瑞為信信十一年王賜晉侯命

亦其

疏

注毛國至此也正義曰僖二十四年傳有原比也伯毛伯杜云原毛皆采邑此毛與彼計是二人

而注不同者此毛當是文王之子封為畿外之國於時諸侯無復有毛或世事王新本封絕滅從此以後常稱毛伯國名尚存仍為伯爵必受得采邑為畿內諸侯故注彼云采邑此云國也封爵既存故云諸侯為王卿士者周禮大宗伯以玉作六瑞以等邦國王執鎮圭公執桓圭侯執信圭伯執躬圭子執綬璧男執蒲璧采官王人相圭以下

皆謂之命圭是用之以命諸侯也諸侯即位天子賜之以命圭魯是侯爵當賜之以信圭也玉人又云天子執冒四寸以朝諸侯其冒邪刻其下與圭頭相合諸侯執圭以朝天子天子執冒以冒之觀其相當以否所以合瑞為信也僖十一年晉惠公新立王賜之命此亦新立是其比也傳稱晉侯受玉情以此知賜命必有玉也公羊傳曰錫者何賜也命者何加我服也唐風無衣之篇晉人為其君請命於天子之使以無衣為辭則賜命亦有服杜不言服者主於玉而略之耳

晉侯伐衛

晉襄公先告諸侯而伐衛雖大略之耳

叔

孫得臣如京師

得臣叔牙之孫

衛人伐晉

衛孔達為政不共盟

主與兵鄰國受討喪邑故貶稱人

秋公孫敖會晉侯于戚

戚衛邑在

頓丘衛縣西禮卿不會公侯而春秋魯大夫皆不貶者體例已舉故據用魯史成文而已內稱公卒稱薨皆用魯史

疏

注成衛至魯史正義曰僖二十九年翟泉之盟諸侯之卿為會魯侯故貶稱人則魯卿會他諸侯亦全

貶而春秋魯大夫皆不貶者貶他國之卿已成體例體例已舉於魯不須加貶理足可明故據用魯史成文不復改易也他國君書卒及爵內常稱公稱薨亦體例已舉皆用魯史也

冬十月丁未楚

世子商臣弑其君頹

商臣穆王也弑君例在宣四年公孫敖

如齊

傳例曰殆聘焉禮也

傳元年春王使內史叔服來會葬公孫敖

聞其能相人也

公孫敖魯大夫哀公之子

見其二子焉叔

服曰穀也食子難也收子

穀女為難惠叔食子未卒死共養者也收

子葬子

穀也豐下必有後於魯國

豐下蓋面方為八年

公孫敖

於是閏三月非禮也

於歷法閏當在僂公末年諱於今年

三月置閏蓋時達歷者所議

先王之正時也履端於始舉

正於中歸餘於終

於歷之始以爲術之端首其之日三百六十有大日月之行

又有遲速而必分為十二月車中氣以正月有餘日則歸之於終積而為閏故言歸餘於終

履端於

始序則不愆

四時無愆過

舉正於中民則不惑

斗建不失其次寒暑不失其常故無疑惑

歸餘於終事則不悖

四時

得所則事無悖亂

疏

於是至不悖正義曰於是年魯歷置閏閏三月非禮也言於禮置閏不當在此月

也因論置閏之法先王之正時也履端於始復步也謂推步歷之初始以爲術歷之端首舉月之正半在於中氣歸其餘分置於終末言於終末乃置閏也更復申之履端於始序則不愆謂四時之序不愆過也舉正於中民視瞻則不疑惑也歸餘於終於時事則不悖亂也此年不合置閏而置閏則不是歸餘於終故爲非禮也注於歷至所譏正義曰古今歷法推閏月之術皆以閏餘減章歲餘以歲中乘之章閏而一所得爲積月命起天正筭外閏所在也其有進退以中氣定之無中氣則閏月也古歷十九年爲一章章有七閏入章三年閏九月六年閏六月九年閏三月十一年閏十一月十四年閏八月十七年閏四月十九年閏十二月此據元首初章若於後漸積餘分大率三十二年閏二月則置閏不必恒同初章閏月僖五年正月辛亥朔日南至治歷者皆以彼爲章首之歲漢書律歷志云文公元年距僖五年辛亥二十九歲是歲閏餘十三閏當在十一月後而在三月故傳曰非禮也志之所言閏當在此年十

一月後今三月已即置閏是嫌閏月大近前也杜以爲僖三十年閏九月文二年閏正月故言於歷法閏當在僖公末年誤於今年置閏嫌置閏大近後也杜爲長歷置閏疏數無復定準凡爲歷者閏前之月中氣在晦閏後之月中氣在朔僖五年正月朔且冬至則四年當閏十二月也杜長歷僖元年閏十一月五年閏十二月與常歷不同者杜以襄二十七年再失閏司歷過昭二十年二月巳丑日南至哀十二年十二月蝥云火猶西流司歷過則春秋之世歷法錯失所置閏月或先或後不與常同杜唯勘經傳上下日月以爲長歷若日月同者則數年不置閏月若日月不同須置閏乃同者則未滿三十二月頻置閏所以異於常歷故釋例云春秋日有頻月而食者有曠年不食者理不得一一如筭以守恒數故歷無有不失也始失於毫毛尚未可覺積而成多以失弦望朔晦則不得不改憲以順之書所謂欽若昊天歷象日月星辰易所謂治歷明時言當順天以求合非苟合以驗天者也故當脩經傳日月以

考晦朔以推時驗下又云據經傳微旨考日辰晦朔以相發明爲經傳長歷未必得天蓋春秋當時之歷也是杜自言不與常歷同 注步歷至於終 正義曰日月轉運於天猶如人之行步故推歷謂之步歷步歷之始以爲術之端首謂歷之上元必以日月之全數爲始於前更無餘分以此日爲術之端首故言履端於始也朞之日三百六十有六日謂從冬至至冬至必滿此數乃周天也日月之行有遲有速日行遲月行速凡二十九日過半月行及日謂之一月過半者謂一日於歷法分爲九百四十分月行及日必四百九十九分是過半二十九分今一歲氣周有三百六十五日四分日之一其十二月一周唯三百五十四日是少十一日四分日之一未得氣周細而言之歲止少弱十一日所以然者一月有餘分二十九一年十二月有餘分三百四十八是一歲既得三百五十四日又得餘分三百四十八其四分日之一一日爲九百四十分則四分日之一爲二百三十五分令於餘分三百四十八內取

二百三十五以當卻四分日之一餘分仍有一百一十三其整日唯有十一日又以餘分一百一十三減其一日九百四十分唯有八百二十七分是一年有餘十日八百二十七分少一百一十三分不成十一日也劉炫云則一歲爲十二月猶有十一日有餘未得周也分一周之日爲十二月則每月常三十日餘計月及日爲一月則每月唯二十九日餘前朔後朔相去二十九日餘前氣後氣相去三十日餘每月參差氣漸不正但觀中氣所在以爲此月之正取中氣以正月故言舉正於中也月朔之與月節每月剩一日有餘所有餘日歸之於終積成一月則置之爲閏故言歸餘於終 注斗建至疑惑 正義曰閏後之月中氣在朔則斗柄月初已指所建之辰閏前之月中氣在晦則斗柄月末方指所建之辰故舉月之正在於中氣則斗柄常不失其所指之次如是乃得寒暑不失其常 夏

四月丁巳葬僖公

傳皆不虛載經文而此經孤見知僖公末年傳宜在此下

王

使毛伯衛來賜公命

衛毛伯字

叔孫得臣如周拜

謝賜

疏

注衛毛伯字

正義曰知是字者以天子公卿例書

命

爵不言名大夫稱字故毛伯雖卿或稱字案倍九年

公會宰周公云云杜云三公不字明卿或書字

晉文公之季年諸侯朝晉

孔達

衛成公不朝使孔達侵鄭伐縣訾及匡

達

衛大夫匡在穎川新汲縣東北

晉襄公既祥

諸侯雖諒闇亦因祥祭爲位而哭

使

告于諸侯而伐衛及南陽

今河內地

先且居曰

效尤禍也

尤衛不朝故伐今不朝王是效衛致禍王在溫故勸之

請君朝

王臣從師晉侯朝王于濫先且居胥臣伐

衛五月辛酉朔晉師圍戚六月戊戌取之

獲孫昭子

昭子衛大夫食戚邑

衛人使告于陳陳共公

曰更伐之我辭之

是伐求和而競大甚故使報伐示已力足以距晉

衛

孔達帥師伐晉君子以為古古者越國而

謀

合古之道而失今事霸主之體故國失其邑身見執辱

疏

晉襄公既祥正義曰禮恭而小祥

晉文公以僖三十二年十二月卒則三十三年十二月為小祥此云既祥謂小祥也

注合古至執辱

正義曰釋

例云衛孔達為政不共盟主與兵於鄰國受討喪邑窘而告陳雖從陳之謀僅得自定以謀而濟故君子但言令古而不釋其尤也劉炫云春秋之時天子微弱霸主秉德刑以長諸侯諸侯從時命以事霸主大字小小事大所以相保

也晉之與衛小大不同而耻於受屈望以疆獲免明王在上理在可然度時之宜則非善計君子以爲合古之道失當今之宜亦不言其謀全非理也

秋晉侯疆戚田故公孫敖會

之

晉取衛田正其疆界

初楚子將以商臣爲大子訪諸

令尹子上子上曰君之齒未也

齒年也言尚少

而

又多愛黜乃亂也楚國之舉恒在少者

舉立

也

且是人也蠹目而駢聲忍人也

能忍行不義

不

可立也弗聽旣又欲立王子職而黜大子

商臣

職商臣庶弟

商臣聞之而未察告其師潘

崇曰若之何而察之潘崇曰享江芊而勿

敬也

江芊成王妹嫁於一

從之江芊怒曰呼役夫

呼發聲也

役夫賤者稱

宜君王之欲殺女而立職也告潘崇

曰信矣潘崇曰能事諸乎

問能事職不

曰不能能

行乎曰不能能行大事乎曰能

大事謂弑君

冬

十月以宮甲圍成王

大子宮甲僖二十八年王以東宮卒從子玉蓋取此宮甲

王請食熊蹯而死

熊掌難熟莫以將有外救

弗聽丁未王

縊諡之曰靈不暝曰成乃暝

言其忍甚未歛而加惡諡

疏

注言其至惡謚正義曰既見其不順目則是未歛於棺故知未歛也禮葬乃加謚未歛而加惡謚言其忍之甚也冤枉之人衆矣未有能見其靈此事特爲商臣忍甚耳相譚以爲自縊而死其目未合尸冷乃瞑非由謚之善惡也亂而不損曰靈安民立政曰成穆王立以其爲大子之室與

潘崇使爲大師且掌環列之尹

環列之尹官衛之官列兵

而環

疏

爲大子之室正義曰商臣今既爲王以其爲大子之時所居室內財物僕妾盡以與潘崇非

與其所居之宮室也

穆伯如齊始聘焉禮也

穆伯公孫敖

凡

君即位卿出並聘踐脩舊好要結外援

踐猶

續行也

好事鄰國以衛社稷忠信卑讓之道

也忠德之正也信德之固也卑讓德之基

也

傳因此發凡以明諸侯諒闇則國事皆用吉禮

疏

凡君至並聘正義曰即位者既葬除喪即成君之

吉位也唯以既葬為限不以踰年為斷八年八月天王崩九年春毛伯來求金傳曰不書王命未葬也是未葬雖踰年不得命臣出使也宣十年夏四月齊侯元卒六月葬齊惠公冬齊侯使國佐來聘是既葬未踰年得命臣出使也何休膏肓以為三年之喪使卿出聘於義左氏為短鄭康成歲云周禮諸侯邦交歲相問殷相聘世相朝左氏合古禮何以

殺之役

在僖三十三年

晉人既歸秦帥秦大夫

及左右皆言於秦伯曰是敗也孟明之罪也必殺之秦伯曰是孤之罪也周芮良夫

之詩曰大風有隧貪人敗類

詩大雅陸蹊徑也周大夫芮伯刺厲

王言貪人之敗善類若大風之行毀壞衆物所在成蹊徑

聽言則對誦言如醉

言昏亂之君不好典誦之言聞之若醉得道聽塗說之言則喜而答對

匪用其良覆俾

我悖

覆反也俾使也不用良臣之言反使我爲悖亂

是貪故也孤之謂

矣孤實貪以禍夫子夫子何罪復使爲政

爲明年秦晉

戰彭衙傳

經二年春王二月甲子晉侯及秦師戰于

彭衙秦師敗績

孟明名氏不見非命卿也大崩曰敗績馮翊郃陽縣西北有彭衙城

疏

注孟明至衙城正義曰於例將平師衆稱師今稱秦師知將非尊者故云孟明名氏不見非命卿也傳稱秦伯不廢孟明復使爲政則孟明秦之執政之卿也而言非卿者成二年注云曹大夫常不書而書公子首者首命於國備於禮成爲卿故也然則備卿禮乃成爲卿禮不備則不書秦是辟陋之國不以卿禮成孟明不言孟明非執政也此年晉士穀堪其事故名書於垂隴襄二十九年鄭公孫段攝卿以行名見於城杞況此真卿而不書者以秦辟陋在戎異於中國禮命不足故云非命卿也

丁丑作僖公主

主者躬人以栗

三年喪終則遷入於廟

疏

注主者至於廟正義曰主所用木經無正文公羊傳曰主者曷用虞主用桑

練主用栗左傳唯言柎而作主主一而已非虞練再作公羊之言不可通於此也論語哀公問社於宰我宰我對曰夏后氏以松殷人以柏周人以栗先儒舊解或有以爲宗廟主者故杜依用之案古論語及孔鄭皆以爲社主社爲

木主者古論不行於世且杜主周禮謂之田主無單稱主者以張包周等並爲廟主故杜所依用劉炫就此以規杜過未爲三月乙巳及晉處父盟

處父爲晉正卿不能斥君以禮而親

與公盟故貶其族族去則非卿故以微人常稱爲耦以直厭不直不地者盟晉都

疏

注處父至晉都正

義曰春秋卿則書名氏賤者則稱人外卿之貶例皆稱人魯卿之貶乃去其族去族與稱人相類即是不爲卿也處父爲晉正卿不能斥君以禮君使盟魯即從君命親與公盟故貶去其族若言處父是晉之賤人則不復書公直言及晉處父盟若言魯之賤人往與之盟也魯之賤人不合書名舉其所爲之事而已言及不言名是微人之常稱也以微人常稱與處父爲偶若處父亦賤人也魯以微人敵微人直也晉以卿敵公不直也如此書經者以魯之直厭晉之不直也然則不貶處父稱人者貶之稱人則惡名不見貶其族留其名所以惡處父也釋例曰隨此稱人

則所罪之名不章故特書處父也翟泉澶淵亦會公侯所以稱人者以其衆卿非一伊例摠厥不地者盟於晉之都也諸侯會聚盟於他國之都者即以國名爲盟地魯之君臣獨往他國而與之盟者不復舉國地三年冬公如晉十月公及晉侯盟是也

夏六月公孫敖會宋公陳侯鄭

伯晉士穀盟于垂隴

垂隴鄭地滎陽縣東有隴城士穀出盟諸侯受成於衛故

貴而書

自十有二月不雨至于秋七月

無傳周七月今

五月也不雨足爲災不書旱五穀猶有收也

八月丁卯大事于大廟

躋僖公

大事禘也躋升也僖公閔公庶兄繼閔而立廟坐宜次閔下今升在閔上故書而譏之時未應

吉禘而於大廟行之其譏已明

疏

注大事至其文正義曰昭十五年有事于

武宮傳稱禘于武宮有事是禘則知大事亦是禘也躋升也
釋詁文公羊傳曰躋者何升也禘祭之禮審諦昭穆諸廟已
毀未毀之主皆於大祖廟中以昭穆爲次序父爲昭子爲穆大
祖東向昭南向穆北向孫從王父以次而下祭畢則復其廟其
兄弟相代則昭穆同班近據春秋以來惠公與莊公當同
南面西上隱桓與閔僖亦同北面西上僖是閔之庶兄繼
閔而立昭穆雖同位次閔下今升在閔上故書而譏之僖
公以其三十三年十一月薨至此年十一月喪服始畢今
始八月時未應吉禘而於大廟行之與閔公二年吉禘于
莊公其違禮同也彼書吉禘其譏已明則此亦從譏可知
不復更譏其速也徒猶空也空以逆祀之故亂國大典故
特大其事謂之太事譏逆祀也釋例曰文公二年僖公之
喪未終未應行吉禘之禮而於大廟行之其譏已明徒以
躋僖而退閔故特大其事異其文定八年亦特書順祀皆
所以起非常也有事于武宮及順祀傳冬晉人宋人
皆稱禘則知大事有事于大廟亦禘也

陳人鄭人伐秦

四人皆卿秦穆悔過終用孟

明故貶四國大夫以尊秦

注四人至尊秦正義曰四國大夫傳皆言名氏是四人皆卿也秦穆悔過終用孟明仲尼特善其事無辭可以寄文故貶四國大夫稱人所以尊崇秦德以諸侯之名無所可加貶大夫以尊秦大夫非有罪也襄八年邢丘之會晉悼霸功既就德立刑行貶諸侯之卿以尊晉侯其事與此同也釋例曰秦伯終用孟明而致敗敗而罪已赦其闕而養其志孟明增脩其德以霸西戎夫子嘉之故於伐秦之役貶四國大夫四國大夫奉君命而行今以一義變例故稱尊秦謂之崇德明

公子遂如齊納幣

傳曰禮罪不在四國大夫也

喪終此年十一月則納幣在十二月也士昏六禮其一納采納徵始有玄纁束帛諸侯則謂之納幣其禮與士禮不同蓋公爲大子

時已行昏禮

疏

注傳曰至昏禮

正義曰公羊傳曰此何以書譏何譏爾譏喪娶也要在

三年之外則何譏乎喪娶三年之內不圖昏其意謂此喪服未畢而行昏禮也何休據此作膏肓以左氏爲短今左氏傳謂之禮也必是喪服已終杜以長歷推之知僖公以其三十三年十一月薨至此年十一月喪已畢矣納幣雖則無月以傳言禮則知納在十二月也士昏六禮其一納采次有問名納吉至納徵始有玄纁束帛士謂之納徵諸侯則謂之納幣以其幣帛多其禮大與士禮不同故異其名也案士之昏禮納采問名同日行事納采者納其采擇之禮主人既許賓即問名將歸卜其吉凶也卜而得吉又遣使納吉如納采之禮納吉之後方始納徵徵成也使使納幣以成昏禮也此納幣以前已有三禮須再度遣使一月之內不容三遣適齊蓋公爲大子時已行昏禮疑在僖公之世已行納采納吉今續而處之也杜言其一納采欲明納徵之前更有昏禮納幣非昏禮之始豫爲下句公爲大子時已行昏禮張本也大子昏禮理自不書雖則公昏唯書納幣其納采納吉亦不書也釋例曰諸侯昏禮亡

以士昏禮準之不得唯止於納幣逆女逆女納幣二事皆
必使卿行卿行則書之他禮非卿則不書也宋公使華元
來聘聘不應使卿故傳但言聘共姬也使公孫壽來納幣
納幣應使卿故傳明言得禮也魯君之昏亦唯存納幣逆
女此其
義也

傳二年春秦孟明視帥師伐晉以報殽之

役二月晉侯禦之先且居將中軍趙衰佐

之

代邵漆

王官無地御戎

代梁弘

狐鞫居為右

鞫居續簡伯

甲子及秦師戰于彭衙秦師敗績晉

人謂秦拜賜之師

以孟明言三年將拜君賜故嗤之

戰於殽

也晉梁弘御戎萊駒爲右戰之明日晉襄
公縛秦囚使萊駒以戈斬之囚呼萊駒失
戈狼睥取戈以斬囚禽之以從公乘遂以
爲右箕之役箕役在僖三十三年先軫黜之而立續簡伯

疏

箕之至黜之正義曰御與車右雖有常員必臨戰更選定之韓之戰卜右慶鄭告是其事也自殺戰

之後狼睥爲右箕之役將戰選右先軫
黜之箕戰先軫死爲非旣戰乃黜之也狼睥怒其友

曰盍死之睥曰吾未獲死所未得可死處其友曰

吾與女爲難

欲共殺先軫

睥曰周志有之勇則害

上不登於明堂

周志周書也明堂祖廟也所以死策功序德故不義之士不得升

而不義非勇也共用之謂勇

共用死

吾以勇

求右無勇而黜亦其所也

言今死而不義更成無勇宜見退

謂

上不我知黜而宜乃知我矣

言今見黜而合宜則吾不得復言上

不我知 子姑待之

疏

周志至待之

正義曰周之志記有之曰有勇以害在上則爲

不義之人不得升於明堂若殺先軫則必死死而不義非勇也如以死共國家之用是之謂勇吾自以有勇之故求爲車右若殺先軫則是無勇無勇而被黜退亦是得其所也吾復安得爲恨吾今恨者謂在上不我知也言其不知我有勇也若殺先軫即是成爲無勇無勇被黜退則黜而合其宜也乃是在上知我矣不得言在上不我知也子且

待之

注周志至得外

正義曰志者記也謂之周志明

是周世之書不知其書何所名也鄭玄以爲明堂在國之陽與祖廟別處左氏舊說及賈逵盧植蔡邕服虔等皆以祖廟與明堂爲一故杜同之祭統云古者明君必賜爵祿於大廟傳稱公行還告廟舍爵策勳是明堂之中所以策功序德故不義之人不得升之也害上即是不義故不得

登明堂也

及彭衙旣陳以其屬馳秦師死焉

己兵屬

晉師從之大敗秦師君子謂狼曠於是乎

君子詩曰君子如怒亂庶遄沮

詩小雅言君子之怒必以止亂

遄疾也沮止也

又曰王赫斯怒爰整其旅

詩大雅言文王赫然奮怒

則整師旅以討亂

怒不作亂而以從師可謂君子矣

秦伯猶用孟明孟明增脩國政重施於民

趙成子言於諸大夫曰成子秦師又至將必

辟之懼而增德不可當也詩曰母念爾祖

聿脩厥德詩大雅言念其祖考則宜述脩其德以顯之母念念也孟明念之

矣念德不忘其可敵乎為明年秦人伐晉傳丁丑作僖

公主書不時也過葬十月故曰不時例在僖三十三年**疏**注過葬至三年正

義曰僖三十三年傳已發例言作主非禮此復云書不時者彼因葬緩遂通譏作主之失未辯失之所由於此又言不時以明失禮之狀接成彼義也晉人以公不朝來討公如晉

夏四月己巳晉人使陽處父盟公以恥之

使大夫盟公欲以恥辱魯也經書三月乙巳經傳必有誤也書曰及晉處父盟

以厭之也厭猶損也晉以非禮盟公故文厭之以示譏適晉不書諱

之也不書公如晉公未至六月穆伯會諸侯及

晉司空士穀盟于垂隴晉討衛故也計元年衛人伐

晉士穀士為子書士穀堪其事也晉司空非卿也以士穀能堪卿事故書

陳侯為衛請成于晉執孔達以說陳始與衛謀謂可以

強得免今晉不聽故疏公未至諸侯正義曰沈云非更執孔達以苟免也公命不書此穆伯會諸侯公未

至而書者此公既在外命正卿守國故守國之臣亦合告廟而行故得書之也注晉司至故書正義曰傳舉司空之官云堪其事乃書之明本不當書故知非卿也成二年傳稱魯賜晉三帥三命之服司空亞旅皆受一命之服是其知司空非卿之文也秋八月丁卯大事于大廟躋僖

公逆祀也

僖是閔兄不得為父子嘗為臣位應在下今居閔上故曰逆祀

於是夏

父弗忌為宗伯

宗伯掌宗廟昭穆之禮

尊僖公且明見

曰吾見新鬼大故鬼小

新鬼僖公既為兄死時年又長故鬼閔公死時

年少弗忌明言其所見

疏

注僖是至逆祀穆兄弟昭穆故同僖閔不得為父子同

正義曰禮父子異昭

為穆耳當閔在僖上今升僖先閔故云逆祀二公位次之逆非昭穆亂也魯語云將躋僖公宗有司曰非昭穆也弗

忌曰我爲宗伯明者爲昭其次爲穆何常之有如彼所
以閔僖異昭穆者位次之逆如昭穆之亂假昭穆以言之
非謂異昭穆也若兄弟相代即異昭穆設令兄弟四人皆
立爲君則祖父之廟即已從毀知其理必不然故先儒無
作此說 注宗伯至之禮 正義曰周禮大宗伯掌建邦
之神人鬼地祇之禮小宗伯掌建國之神位辯廟祧之
昭穆諸侯之官所掌亦當然也 注新鬼至所見 正義
曰且明見者既尊崇僖公且明言其意之所見見其順大
小升聖賢也劉炫以爲直據兄弟大小爲義不須云死之
長幼以規杜氏今刪定知不然者以傳云新鬼大故鬼小
則大小之語揔該諸事非直 先大後小順也躋聖
獨據兄弟明知亦據平時也 賢明也 又以僖公 明順禮也君子以爲失禮

疏

君子以爲失禮 正義曰傳有評論皆託之君子此
下盡先姑以來皆是一君子之辭耳引詩二文於詩

之下名言君子者君子謂年詩之人此論事君子又引彼作詩君子以爲證耳僖公薨後始作魯頌爲傳之時乃設此辭非常時君子有此言也弗忌之意以先大後小爲順故言明順禮也君子之意以臣不先君爲順故云禮無不順各言其順順不同也魯語展禽云夏父弗忌必有天禮殃其葬也焚煙達于上孔晁云已葬而柩焚煙達搏外禮

無不順祀國之大事也而逆之可謂禮乎

子雖齊聖不先父食父矣齊肅也臣繼君猶子繼父故禹

不先鯀湯不先契鯀禹父契湯十三世祖**疏**注鯀禹至世祖正義曰

鯀禹父夏本紀文也契湯十三世祖殷本紀文契生昭明昭明生相土相土生昌若昌若生曹圉曹圉生冥冥生振振生微微生報丁報丁生報乙報乙生報丙報丙生主壬主壬生主癸主癸生天乙天乙即湯也下注云不甯后稷

子周本紀文服虔云周家祖后稷以配天明不可先也故言不先不啻禹湯異代之主故言不先鯀契也然則文武大聖后稷賢耳非是不可先也下句引詩皇祖后稷不欲重文故舉不啻以辟之

文武不先不

啻

不啻后稷子

宋祖帝乙鄭祖厲王猶上祖也

帝乙微子父厲王鄭桓公父二國不以帝乙厲王不肖而猶尊尚之

疏

注帝乙至尚之正義曰帝乙微子父宋

世家文厲王鄭桓公父鄭世家文微子桓公宋鄭始祖也言宋祖帝乙鄭祖厲王則二國立其廟而祖祀之微子不先帝乙桓公不先厲王猶上祖也言不以不肖猶尊尚之也宋爲王者之後得祀殷之先王帝乙之廟不毀者蓋以爲其所出故特存爲周制王子有功德出封者得廟祀所出之王魯以周公之故得立文王之廟襄十二年傳稱魯爲諸姬臨於周廟周廟文王廟也鄭之桓武世有大功故得立厲王之廟昭十八年傳稱鄭人救火使祝史徙主祀

於周廟周廟厲王廟也

是以魯頌曰春秋匪解享祀不

忒皇皇后帝皇祖后稷

忒差也皇皇美也后帝天也詩頌僖公郊祭上天配

以后

疏

魯頌至后稷正義曰魯頌闕宮之篇美僖公之德也上皇皇爲美下皇爲君言僖公春秋祭

祀非有懈倦其所享祀不有差忒所祀之神有皇皇之美者爲君之上天配之以君祖后稷也

君子曰

禮謂其后稷親而先帝也

先稱帝也

詩曰問我諸

姑遂及伯姊

詩邶風也衛女思歸而不得故願致問於姑姊

君子曰禮

謂其姊親而先姑也

僖親文公父夏父弗忌欲阿時君先其所親故傳以此二詩深責其

意仲居曰臧文仲其不仁者三不知者三下

展禽

展禽柳下惠也文仲知柳下惠之賢而使在下位已欲立而立人

廢六關

塞關陽關

之屬凡六關所以禁絕末遊而廢之

矣織蒲三不仁也

宋人販席言其與民爭利

作

虛器

謂居蔡山節藻撓也有其器而無其位故曰虛

縱逆祀

聽夏父躋僖公

祀爰

居三不知也

海鳥曰爰居止於魯東門外文仲以爲神命國人祀之

疏

仲臣至知

也正義曰魯臣多矣而獨譏文仲者以文仲執國之政有大知之名爲不知之事故特譏之其餘則不足責矣論語稱仁者愛人知者不惑故以害於物者爲不仁聞於事者爲不知卑下展禽而不肯舉薦廢去六關而不設防禁矣織蒲席而與民爭利此三事爲不仁也無其位而作虛器不知禮而縱逆祀不識鳥而祀爰居此三事爲不知也注展禽至立人正義曰論語云臧文仲其竊位者與知柳下惠之賢而不與立也又曰仁者已欲立而立人知賢不

舉是無恕心故爲不仁也 注塞關至廢之 正義曰昭
五年傳稱孟丙仲壬之子殺豎牛於塞關之外襄十七年
傳稱師自陽關逆臧孫二關見於傳如此之屬凡有六也
民以田農爲本商賈爲末農民力以自食商民遊以求食
漢書賈誼說上曰今歐民而歸之農皆著其本各食其力
末伎遊食之民轉而緣南畝則畜積足矣杜稱末遊者謂
此末伎遊食之民也周禮司關司貨賄之出入掌其治禁
是所以禁約末遊者令其出入有度今而廢之使末遊之
人無所禁約損害農民是不仁也 注家人至爭利 正
義曰家語說此事作妾織席知織蒲是爲席以販賣之也
大學云食祿之家不與民爭利故以此爲不仁也 注謂
居至曰虛 正義曰論語云子曰臧文仲居蔡山節藻梲
何如其知也鄭玄云節栢也刻之爲山梲梁上楹也畫以
藻文蔡謂國君之中龜山節藻梲天子之廟飾皆非文仲
所當有之有其器而無其位故曰虛君子下不僭上其居
奢如此是不知也 注海鳥至祀之 正義曰魯語云海鳥

曰爰居止於魚東門之外三日臧文仲命國人祭之展禽
曰越哉臧孫之爲政也夫祀國之大節也節政之所成也
故制祭祀以爲國典今無故而加典非政之宜也今海鳥
至已不知而祀之以爲國典難以言仁且知矣無功而祀
之非仁也弗知而不問非知也今茲海其有災乎
夫廣川之鳥獸皆知辟其災是歲海多大風冬煖冬晉

先且居宋公子成陳轅選鄭公子歸生伐

秦取汪及彭衙而還以報彭衙之役卿不

書爲穆公故尊秦也謂之崇德襄仲如齊

納幣禮也凡君即位好舅甥脩昏姻娶元

妃以奉采盛孝也

謂諒闇既終嘉好之事通于外
內外內之禮始備此除凶之即

位也於是遣卿申好舅甥之國脩禮以昏姻也元姬嫡夫人奉棗盛共祭祀 孝禮之始也

經三年春王正月叔孫得臣會晉人宋人

陳人衛人鄭人伐沈沈潰 傳例曰民逃其上曰潰沈國名也汝南平

與縣北有沈亭夏五月王子虎卒 不書爵者天王赴也翟泉之盟雖輕假王

命周王因以同盟之例爲赴 疏 注不書至爲赴正義曰王子虎即王叔文公也謚之爲文必當有

爵不書爵者畿內之國不得外交諸侯其臣不敢赴魯必天子爲之赴赴以王子爲親不復言其爵也翟泉之盟子虎在列而貶之稱人若王使來盟則不應貶責不假王命則不得與盟故知於時輕假王命周王遂以同盟之禮爲之赴魯傳稱來赴弔如同盟禮也 秦人伐晉 晉人恥是其來赴往弔皆如同盟之禮

微者 秋楚人圍江雨蝨于宋 自上而隲有似於雨宋人以其死焉

得天祐喜而冬公如晉十有二月己巳公及

來告故書晉侯盟晉陽處父帥師伐楚以救江

傳三年春莊叔會諸侯之師伐沈以其服

於楚也沈潰凡民逃其上曰潰在上曰逃

潰衆散流移若積水之潰自壞之象也國君輕走羣臣不

知其謀與匹夫逃竄無異是以在衆曰潰在上曰逃各以

類常 **疏** 凡民至曰逃 正義曰公羊傳曰潰者何下叛

之 上也國曰潰邑曰叛釋例曰衆保於城城保於

德言上能以德附衆以功底下民信其德恃其固故能交

相依懷以衛社稷苟無固志盈城之衆一朝而散如積水

三

三

三

三

三

之敗故曰潰潰者衆散流遁之辭也國君而逃師棄盟違其典儀棄其車服羣臣不知其謀社稷不保其安此與匹夫逃竄無異是以在衆爲潰在君爲逃以別上下之名無取於別國邑也賈穎以爲舉國曰潰一邑曰叛案左氏無此義也傳曰陳侯如楚慶氏以陳叛此則舉國不必言潰也叛者舉城而屬他非民潰之謂也是解潰逃之義也僖五年首止之盟鄭伯逃歸襄七年鄆之會陳侯逃歸皆書於經十年傳厥貉之會麋子逃歸不書者於時楚會諸侯魯不與楚不告故不書也襄十六年溴梁之會傳稱高厚逃歸不書於經者釋例云例之潰逃指爲一國一軍一邑君民相湏爲用變文以別之也鄭詹見囚於齊自齊逃來此爲逸囚無不可逃春秋指事而書所謂民逃非在上之逃也而賈氏復申以入例亦不安也如例所言高厚之逃縱有師衆止同逸囚之限非是逃例然鄭詹書而高厚不書者鄭詹爲逃來向魯故書高厚不別赴故不書

衛侯如陳拜晉成也

二年陳侯爲
衛請成于晉

夏四月乙亥王叔文公卒來赴

弔如同盟禮也

王子虎與僖公同盟於翟泉文公足同盟之子故赴以名傳因王子虎異

於諸侯王叔又未與文公盟故於此顯示體例也經書五月又不書日從赴也

疏

注王子至赴也正義曰

隱七年傳例曰凡諸侯同盟於是稱名故薨則赴以名者指謂同盟之二君耳不言與其父盟得以名赴其子但同盟稱名則兩君相知君既知之則國內皆知故彼父雖卒得以名赴其子此理雖爾凡例未明王子虎與僖同盟文公是其同盟之子今乃以名赴文是其於禮合赴此類多矣傳因王子虎天子之臣異於諸侯王子又未與文公同盟故於此顯示體例則其餘從可知也

秦伯伐晉濟河焚舟

示必死也

取王官及郊

王官郊晉地

晉人不出遂自茅津

濟封殺尸而還

茅津在河東大陽縣西封理藏之

遂霸西戎用

孟明也君子是以知秦穆公之爲君也舉

人之周也

周備也不偏以一惡弃其善

與人之壹也

壹無二心

孟明之臣也其不解也能懼思也子桑之

忠也其知人也能舉善也

子桑公孫枝舉孟明者

詩曰

于以采蘩于沼于汙于以用之公侯之事

秦穆有焉

詩國風言沼汙之蘩至薄猶采以共公侯以喻秦穆不遺小善

夙夜匪

解以事一人孟明有焉

詩大雅美仲山甫也一人天子也

詒

厥孫謀以燕翼子子桑有焉

詒遺也燕安也異成也詩大雅

美武王能遺其子孫善謀以安

成子孫言子桑有舉善之謀

疏

注詒遺至之謀正義門詒遺釋詁文燕

之焉安常訓也翼者贊成之義故焉成也詩大雅文王有聲之篇美武王之事言子桑有此義也

秋雨

蝥于宋隊而死也

蝥飛至宋隊地而死若雨

楚師圍江晉

先僕伐楚以救江

晉救江在雨蝥下故使圍江之經隨在雨蝥下

疏

注

救至蝥下

正義曰先僕救江經無其事但實在雨蝥之後不進救江於前而退圍江於下欲令下與與父救江相

接故也

冬晉以江故告于周

欲假天子之威以伐楚

王叔相公

晉陽處父伐楚以救江

桓公周卿上王叔文公之子桓公不書示威名不親

伐
疏

注桓公至親伐正義田王叔文公不知何王之
子字叔遂以叔爲氏桓公是其子王叔陳生是其

後也衛有公叔文子此人蓋以王叔爲氏也門于方城遇息公子朱而

還

子朱楚大夫伐江之帥也聞
晉師起而江兵解故晉亦還

晉人懼其無禮

於公也請改盟

改三年處
父之盟

公如晉及晉侯

盟晉侯饗公賦菁菁者莪

菁菁者莪詩小雅
取其既見君子樂

且有儀

莊叔以公降拜

謝疑以公
也君子也

曰小國受命

於大國敢不慎儀君貺之以大禮何樂如

之抑小國之樂大國之惠也晉侯降辭

降

辭讓

公

登成拜

俱還上成拜禮

疏

注俱還上成拜禮

正義

公命小臣辭賓升成拜鄭玄云升成拜復再拜稽首也先時君辭之於禮若未成然此莊叔以公降拜晉侯降辭以禮未成故更登成拜是公賦嘉樂嘉樂詩大雅取其顯顯令德宜民宜人受祿于天

經四年春公至自晉

無傳

夏逆婦姜于齊

婦稱

有姑

疏

逆婦姜于齊

正義曰桓三年齊侯送姜氏于之辭謹注云已去齊國故不言女未至於魯故不稱

夫人然則往逆當稱逆女國當稱夫人此時逆則卿不行入復不告至其逆經略異於常文徒以有姑故稱婦以齊女則稱姜直云也

姜于齊略賤之文也

狄侵齊

無傳

秋楚人滅江

滅例在十五年

疏

注滅例在十五年正義曰案莊十年齊師滅譚注云滅例在文十五年滅莒滅黃

滅莒皆不注獨更於此言者沈氏云滅譚爲入春秋之初故須指其例莒黃等傳皆載其見滅所由今滅江傳無事跡恐異於餘滅故更引滅例云在十五年

晉侯伐秦衛侯使甯俞

來聘冬十有一月壬寅夫人風氏薨

傷公母風姓也

赴同祔姑故稱夫人

疏

注傷公至夫人正義曰杜言此者以成風本是莊公之妾嫌其不成夫人故明之

也釋例曰凡妾子爲君其母猶爲夫人雖先君不命其母母以子貴其適夫又薨則尊得加於臣子内外之禮皆如夫人矣故妣氏之喪責以小君不成成風之喪王使會葬傳曰禮也是言適夫人既死妾母於法得成夫人也

傳四年春晉人歸孔達于衛以爲衛之良

也故免之

二年衛執孔達以說晉

夏衛侯如晉拜

謝歸孔達

曹伯如晉會正

會受貢賦之政而傳言襄公能繼文之業而諸侯服從

逆婦

姜于齊卿不行非禮也

禮諸侯有故則使卿逆

君子是以

知出姜之不允於魯也

允信也始來不見尊貴故終不為國人所敬信也文

公薨而見出故曰出姜

曰貴聘而賤逆之

公子遂納幣是貴聘也

君

而卑之立而廢之

君小君也不以夫人禮逆是卑廢之

弃信而壞

其主在國必亂在家必士

主內主外

不允宜哉

詩曰畏天之威于時保之教主之謂也

詩

言畏天威是保福祿

秋晉侯伐秦圍郿新城以報王

官之役

郿新筑秦邑也王宮役在前年

楚人滅江秦伯爲之

降服出次不舉過數

降服素服也出次辟正寢不舉去盛饌鄰國之禮有數今

秦伯

疏

注降服至過之秦伯素服郊次意與此同

正義曰僖三十三年傳曰

出次出於官而別次舍故云辟正寢也殺牲盛饌曰舉知不舉去盛饌也鄰國之禮有數不知其數幾何以言過數知其必有數耳哀十年傳稱齊人弒悼公赴於師吳子三日哭于軍門之外鄰國之數蓋三日也

大夫

諫公曰同盟滅雖不能救敢不矜乎吾自

懼也

秦江同盟不告故不書

君子曰詩云惟彼二國其

政不獲惟此四國爰究爰度其秦穆之謂

矣

詩大雅言夏商之君政不得人心故四方諸侯皆懼而謀度其政事也言秦穆亦能感江之滅懼而心政

爰於也究度皆謀也

疏

下皆無詩云則傳文本自略也詩意言魯

彼夏商二國其政不得民心致使國家喪滅維此四方之國見其亡滅於是自謀於是自度其政事自體己之滅亡也此詩所言其秦穆之謂也此詩大雅皇矣之篇

衛甯武子來聘公與之

宴爲賦湛露及彤弓

非禮之常公特命樂人以示意故言爲賦湛露彤弓詩小

雅

疏

注非禮至小雅正義曰諸自賦詩以表己志者斷章以取義意不限詩之尊卑若使工人作樂則

有常禮穆叔所云肆夏楚過渠天子所以享元侯也文王大明縣則兩君相見之樂也燕饗者諸侯燕其羣臣及燕

聘問之賓禮也歌鹿鳴四牡皇皇者事如彼所云蓋尊卑之常禮也自賦者或全取一篇或止取一章未有頓賦兩篇者也其使工人歌樂各以二篇爲斷此其所以異也此時武子來聘魯公燕之於法宮賦鹿鳴之三今賦湛露彤弓非是禮之常法傳特云爲賦知公特命樂人歌此二篇以示意也此二篇天子燕諸侯之詩公非天子賓非諸侯不知歌此欲示何意蓋以武子有令名歌此疑是試之耳

不辭又不荅賦使

行人私焉

私問之

對曰臣以爲肄業及之

也

肄習也魯人失所賦竊武子佯不知此其愚不可及

疏

注肄習至可及正義曰說文肄訓爲陳

字從長聿聲肄訓爲習字從聿牙聲古書經傳所作字皆同耳臣以爲工人自習詩業以及此篇非謂歌之以爲己也魯人失於所賦辭則章主之失荅則己當其寵故不辭又不荅佯若不知其所爲如愚人然論語云竊武子其知

可及其愚不可及此亦是愚之一事也然禮賓無答賦之法而怪其不答賦者非常之賦宜有對答故也昔

諸侯朝正於王

朝而受政教也

王宴樂之於是乎賦

湛露則天子當陽諸侯用命也

湛露曰湛湛露斯匪陽不

晞晞乾也言露見日而乾猶諸侯稟天子命而行

疏

天子當陽正義曰湛露詩云湛湛露斯匪陽不晞

陽謂日也言天子當日諸侯當露也

諸侯敵王所愾而獻其功

敵猶

當也愾恨怒也

疏

諸侯至其功恨怒之意當王所怒謂往征伐之勝而獻其

正義曰敵者相當之言愾是

功也彤弓序云天子賜有功諸侯也

王於是乎賜之彤弓一彤矢

百玃弓矢千以覺報宴

覺明也謂諸侯有四夷之功王賜之弓矢又爲

歌彤弓以明報功宴樂

疏

注覺明至宴樂

正義曰覺者悟知之

一年傳曰諸侯有四夷之功則獻于王中國則否禮諸侯賜弓矢然後專征伐故有功則賜之以弓矢又歌此彤弓之詩以明天子之心知是報功宴樂也詩言一朝饗之則是為設饗禮此云宴者明其為宴樂耳非言設宴禮也

今陪臣來繼舊好

方論天子之樂故自稱陪臣

君辱貺之

其敢干大禮以自取戾

貺賜也干犯也戾罪也

冬成風

薨

為明年王使來含贈傳一

經五年春王正月王使榮叔歸含且贈

珠玉曰含

含口實車馬曰贈

疏

王使至且贈

正義曰公羊傳曰其言歸含且贈何兼之兼之非禮也賈服云含贈當異

人今一人兼兩使故書且以譏之案禮雜記諸侯相弔之禮舍綏贈臨同日而畢與介代有事焉不言遣異使也諸侯相於則唯遣一使而責天子於諸侯必當異人禮何所出而非責王也春秋之世風教陵遲吉凶賀弔罕能如禮王之崩葬魯多不行魯之有喪寧能盡至王歸含贈二事而已宰咺又贈而不含不至全無所譏不含又無貶責既含且贈便責兼之不可是禮備不如不備行禮不如不行豈有如此之理哉左傳舉來含且贈會葬二事乃云禮也則二事俱是得禮無譏兼之之意也言且者見有二禮而已宰咺言來歸此不言來者穀梁傳曰其不言來者不用事之用也贈以早而含以晚其意以爲含者所以實口當及未殯而至以其至晚故不言來以責王也案雜記含者執璧將命坐委于殯東南有蓋席既葬蒲席然則含襚者所以助喪盡恩示其有禮而已既葬猶尚致之不必以濟其用天子之與鄰國莫不道路長遠赴者猶尚不至責其未殯而來此是理之不通也且來者自外之文非是褒貶之

意九年秦人來歸僖公成風之盜襚衣是歛之所用彼最
晚矣何以復言來乎言來與不言來史異文耳宰咺秦人
歸之既晚故舉其所爲之人此夫人新薨言歸含贈焉夫
人可知故不言歸夫人含贈也何休膏肓以爲禮尊不舍
卑又不兼二禮左氏以爲禮於義爲短鄭康成歲云禮天
子於二王後之喪含爲先從次之贈次之賻次之於諸侯
含之贈之小君亦如之於諸侯臣從之諸侯相於如天子
於二王後於卿大夫如天子於諸侯於士如天子於諸侯
臣何休云尊不舍卑是違禮非經意其一人兼歸二禮亦
是爲譏如康成言尊不舍卑禮無其事康成以爲譏一人
兼二事者非左氏意也 注珠玉至曰贈 正義曰周禮
玉府大喪共含玉穀梁傳曰貝玉曰含士喪禮含用米貝
莊子說發冢之事云徐徐破其頰無傷口中珠是含有用
珠者也故云珠玉曰含何休云天子以珠周禮大喪共玉
不共珠也莊子所言發冢未必發天子冢也雜記云諸侯
相含以璧未知何人用珠耳公羊傳曰含者何口實也孝

子不忍虛其親之口故以米貝珠玉實之謂之飯含禮弓
曰飯用米貝弗忍虛也不以食道用美焉爾士喪禮用生
稻米是不以食道也
車馬曰賵公羊傳文
三月辛亥葬我小君成風

無傳反哭成喪
故曰葬我小君

王使召伯來會葬

召伯天子卿也召采地伯

爵也來不及葬不識
者不失五月之內

夏公孫敖如晉

無傳秦人入

都

入例在十五年

秋楚人滅六

六國今廣江六縣

冬十月甲

申許男業卒

無傳與傳公六同盟

疏

注與僖公六同盟正義曰業以僖五年

即位其年盟于首止八年于泚九年于葵丘十五年于牡丘二十一年于薄二十七年于宋魯許俱在是六同盟也

傳五年春王使榮叔來含且賵召昭公來

會葬禮也

成風莊公之妻天子以夫人禮贈之明母以子貴故曰禮

疏

注成風至曰禮

正義曰傳舉二事以一禮結之則含贈會葬皆得禮也釋例稱贈賻棧舍摠謂之贈言以夫人禮贈之指為賻舍也

初都叛楚即秦又貳於楚夏秦人入都六

人叛楚即東夷秋楚成大心仲歸帥師滅

六

仲歸子家冬楚公子變滅蓼

蓼國今安豐縣

臧文仲聞

六與蓼滅曰臯陶庭堅不祀忽諸德之不

建民之無援哀哉

蓼與六皆臯陶後也傷二國之君不能建德結援大國忽然而

亡晉陽處父聘于衛反過甯甯嬴從之

甯

邑汲郡脩武縣也
嬴逆旅大夫

及溫而還其妻問之嬴曰以

剛商書曰沈漸剛克高明柔克

沈漸猶滯溺也
高明猶克

爽也言各當以剛柔勝已本性乃能成全也此在洪範今謂之周書

疏

注審晉至大夫正義曰晉語說此

事云舍於逆旅審嬴氏注國語者賈逵孔晁皆以審嬴爲掌逆旅之大夫故杜亦同之劉炫以審嬴直是逆旅之主非大夫今刪定知不然者若是逆旅之主則身爲匹庶是卑賤之人猶如重館人告文仲重丘人罵孫蒯止應稱人而已何得名氏見傳杜以傳載名氏故爲逆旅大夫劉炫以爲客舍主人而規杜氏非也

注沈漸至周書正義

曰此傳引周書是洪範之三德也彼說人之三德乃以此言覆之孔安國以此二句爲天地之德故注云沈漸謂地雖柔亦有剛能出金石高明謂天言天爲剛德亦有柔克不干四時杜以傳證人性即以人事解之沈漸謂人性之

沈滯懦弱也高明謂人性之高亢明爽也滯溺者當以剛勝其本性亢爽者當以柔勝其本性必自屈矯已乃能成全不然則沈漸失於弱高明失於剛不能保其身也此文在洪範今謂之周書箕子商人所說故傳謂之商書

子壹之其不没乎

陽子性純剛

天為剛德猶不

干時

寒暑相順

況在人乎且華而不實怨之所

聚也

言過其行

犯而聚怨不可以定身

剛則犯人

余

懼不獲其利而離其難是以去之

為六年晉殺處父傳

晉趙成子欒貞子霍伯曰季皆卒

成子趙衰新上軍帥

中軍佐也貞子欒枝下軍帥也霍伯先且居中軍帥也曰季胥臣下軍佐也為六年蒐於夷傳

疏

注成子至

夷傳 正義曰城濮之戰先軫卻縠將中軍狐毛狐偃將上軍欒枝胥臣將下軍晉語云狐毛卒先且居將上軍清原之蒐三軍如故趙衰箕鄭將新上軍胥嬰先都將新下軍箕之役先軫死先且居將中軍不知誰代且居將上軍也此言趙衰新上軍帥中軍佐并舉二官二年彭衙之役云先且居將中軍趙衰佐之注云代卻縠是趙衰新上軍帥中軍佐也

經六年春葬許僖公

無傳

夏季孫行父如陳

行父季友孫

秋季孫行父如晉八月乙亥晉侯驩

卒

再同盟

䟽

注再同盟

正義曰二年及晉處父盟三年公及晉侯盟是再同盟也

冬

十月公子遂如晉葬晉襄公

卿共葬事文襄之制也三月而

葬

疏

注卿共至葬速

正義曰昭三十年傳曰先王之

之霸也其務不煩諸侯君

晉殺其大夫陽處父

處

侵官宜爲國討

晉狐射姑出奔狄

射姑狐偃子

在宣

十年閏月不告月猶朝于廟

諸侯每月必告朝

公以閏非常月故闕不告朔怠慢政事雖

疏

注諸侯至

朝于廟則如勿朝故曰猶猶者可止之辭

義曰周禮大史頒告朔于邦國鄭玄云天子頒朔于諸侯

諸侯藏之祖廟至朔朝于廟告而受行之論語云子貢欲

去告朔之餼羊是用特羊告於廟謂之告朔人君即以此

日聽視此朔之政謂之視朔十六年公四不視朔僖五年

傳曰公既視朔是也視朔者聽治此月之政亦謂之聽朔

玉藻云天子聽朔於南門之外是也其日又以禮祭於宗

廟謂之朝廟周禮謂之朝耳司尊彝去追享朝享是也其
歲首爲之則謂之朝正襄二十九年正月公在楚傳曰釋
不朝正于廟是也告朔視朔聽朔朝廟朝享朝正二禮各
有三名同日而爲之也文公以閏非常月故闕不告朔告
朔之禮大朝廟之禮小文公怠慢政事既不告朔雖朝于
廟則如勿朝故書猶朝于廟言猶以譏之必於月朔爲此
告朔聽朔之禮者釋例曰人君者設官分職以爲民極遠
細事以全委任之責縱諸下以盡知力之用揔成敗以效
能否執八柄以明誅賞故自非機事皆委心焉誠信足以
相感事實盡而不擁故受位居職者思効忠善日夜自進而
無所顧忌也天下之細事無數一日二日萬端人君之明
有所不照人君之力有所不堪則不得不借問近習有時
而用之如此則六鄉六遂之長雖躬履此事躬造此官當
皆移聽於內官迴心於左右政之舛亂恒必由此聖人知
其不可故簡其節敬其事因月朔朝廟遷坐正位會羣吏
而聽大政考其所行而決其煩疑非徒議將然也乃所以

考已然又惡其密聽之亂公也故顯衆以斷之是以上下
交泰官人以理萬民以察天下以治也文公謂閨非常月
緣以闕禮傳因所闕而明言典制雖朝于廟則如勿朝故
經稱猶朝于廟也經稱告月傳言告朔明告月必以朔也
每月之朔必朝於廟因聽政事事故而禮成故告以特羊
然則朝廟朝正告朔視朔皆同日之事所從言之異耳是
言聽朝朝廟之義也玉藻說天子之禮云聽朔於南門之
外諸侯皮弁聽朔於大廟鄭玄以爲明堂在國之陽南門
之外謂明堂也諸侯告朔以特羊則天子以特牛與天子
用特牛告其帝及其神配以文王武王諸侯用特羊告大
祖而已杜以明堂與祖廟爲一但明堂是祭天之處天子
告朔雖杜之義亦應告人帝朝享即月祭是也祭法云王
立七廟曰考廟王考廟皇考廟顯考廟祖考廟皆月祭之
二祧享嘗乃止諸侯立五廟曰考廟王考廟皇考廟皆月祭之顯
考廟祖考廟享嘗乃止然則天子告朔於明堂朝享於五
廟諸侯告朔於太廟朝享自皇考以下三廟耳皆先告朔

後朝廟朝廟小於告朔文公廢其大而行其小故云猶朝于廟公羊傳曰猶者可止之辭也天子玄冕以視朔皮弁以日視朝諸侯皮弁以聽朔朝服以日視朝其閏月則聽朔於明堂闔門左扉立於其中聽政於路寢門終月故於文王在門爲閏

傳六年春晉蒐于夷舍三軍

信三十一年晉蒐清原作五軍

今舍二軍復三軍之制夷晉地前年四卿卒故蒐以謀軍帥

疏

注信三至軍帥正義曰清原之蒐五軍

十卿有先軫卻縠漆先且居狐偃欒枝胥臣趙衰箕鄭胥嬰先都箕之役先軫死往歲趙衰欒枝先且居胥臣卒八年傳說此蒐之事云晉侯將登箕鄭父先都則卻縠狐偃胥嬰亦先卒矣清原十卿唯有箕鄭先都在耳故蒐以謀軍帥服虔云使射姑代先且居趙盾代趙衰也箕鄭將上軍林父佐也先蔑將下軍先都佐也改蒐于董趙盾將中軍

射姑奔狄先克

使狐射姑將中軍

代先

趙盾

佐之

代趙襄也

陽處父至自溫

往年聘衛過溫今始至

改蒐于董易中軍

易以趙盾為帥射姑佐之河東汾陰縣有董亭

陽子

成季之屬也

處父嘗為趙襄屬大夫

疏

注處父至大夫義曰僖三十一年清

正

原之蒐襄始為卿三十三年處父已專帥侵蔡則處父之屬成子未有多年蓋情素相親而黨於趙氏耳非專以嘗

為其屬也

故黨於趙氏且謂趙盾能曰使能國

之利也是以上之宣子於是乎始為國政

宣趙盾謚

制事典

典常也

正法罪

輕重當

辟獄刑

辟

也董逋逃

董督也

由質要

由用也質要券契也

治舊滂

治理

本秩禮

貴賤不失其本

續常職

脩廢官

出滯淹

拔賢能也

既成以授大傅陽子與大師賈佗

使行諸晉國以爲常法

賈佗以公族從文公而不在五人之數

疏

宣子至常法正義曰制事典者正國之百事使有常也正法罪者準所犯輕重豫爲之法使在後依用

之也辟獄刑者有事在官未決斷者令於令理治之也董逋逃者舊有逋逃負罪播越者督察追捕之也由質要者謂斷爭財之獄用券契正定之也治舊滂者國之舊政滂穢不潔理治改正之也本秩禮者時有僭踰貴賤相濫本其次秩使如舊也續常職者職有廢闕任賢使能令續故常也出滯淹者賢能之人沈滯田里拔出而官爵之也此

謂所爲制作法式者豫爲將來使案而遵行臨時決斷者將爲故事使後人放習故得行諸晉國以爲常法也 注
辟猶理也 正義曰辟訓爲法依法臨決是理治之也此與上句所以爲異者正法罪謂準狀制罪爲將來之法若今之造律令也辟獄刑謂有獄未決斷當時之罪若昭十四年韓宣子命斷舊獄之類是也 注董督也 正義曰釋詁云董督正也俱訓爲正是董得爲督謂督察之也注由用也質要契券 正義曰周禮小宰以官府之八成經邦治四曰聽稱責以傳別六曰聽取予以書契七曰聽賣買以質劑鄭衆云稱責謂貸子也傳別謂券書也聽訟責者以券書決之傳傳著約束於文書也別別爲兩兩家各得一也鄭玄云傳別謂爲大手書於一札中字別之書契謂出子受入之凡要也質劑謂兩書一札同而別之長曰質短曰劑傳別質劑皆今之券書也事異其名耳如彼禮文知質要是契券也 注治理滂緘 正義曰滂者緣之別名不潔之稱也法有不便於民事者不利於國是

為政之滂穢也治理改正使潔清也注賈佗至之數

正義曰晉語宋公孫固云晉公子長事賈佗又曰賈佗公

族也而多識以共敬公子居則下之動則咨焉是以公族

從文公也尚書周官大師大保天子三公也宣十六

年傳晉侯請于王命士會將中軍且為大傅則大傅尊於

中軍之將與大師皆為孤卿也周禮上公之國有孤一人

王制諸侯三卿晉侯爵也而有三軍六卿復有孤二人者

晉為霸主多置羣官共時所須不能如禮孤尊於卿法由

在上故宣子注或臧文仲以陳衛之睦也欲求

授二孤使行之

好於陳夏丕文子聘于陳且娶焉臣非君命不越竟故

因聘而秦伯任好卒任好秦穆公名以子車氏之三

子奄息仲行鍼虎為殉子車秦大夫氏也皆

秦之良也國人哀之爲之賦黃鳥

黃鳥詩秦風義取黃

鳥止于棘桑梓來得其所傷三良不然

君子曰秦穆之不爲盟主

也宜哉死而弃民先王違世猶詔之法而

況奪之善人乎詩曰人之云亡邦國殄瘁

詩大雅言善人亡則國瘁病

無古人之謂若之何奪之古

之王者知命之不長是以並建聖哲

建立聖知以司

牧樹之風聲

因土地風俗爲立聲教之法

分之采物

旌旗衣服各有

分著之話言

話善也爲作善言遺戒

爲之律度

鍾律度量所以治歷

明時陳之藝極藝華也極中也貢獻多少之法引之

表儀引道也表儀猶威儀予之法制告之訓典訓典先王之書教

之防利防惡與利委之常秩委任也常秩官司之常職道之以禮

則使毋失其土宜衆隸賴之而後即命即就

也聖王同之今縱無法以遺後嗣而又收

其良以死難以在上矣君子是以知秦之

不復東征也不能復征討東方諸侯為霸主**疏**古之至不長正義曰知命之不長

知其必將有死不得長生又視故制法度以遺後人非獨為當己之世設善法也並建聖哲以下即位便為之非臨

死始爲此也下云衆隸賴之而後即命言其施行此事功
成乃就死耳非謂設此法以擬死也 注建立至牧民
正義曰此說王者之事或封爲諸侯或置之羣官聖哲是
人之雋者故總言之耳 注因土至之法 正義曰漢書
地理志云凡民性有剛柔緩急聲音不同繫水土之風氣
故謂之風好惡取舍動靜無常隨君上之情欲故謂之俗
王制云廣谷大川異制民生其間者異俗器械異制衣服
異宜脩其教不易其俗齊其政不易其宜故聖王爲教因
其土地風俗爲立善聲教也聲教人之所立故言樹之今
杜云因土地風俗爲立聲教之法如杜此言唯樹以聲而傳
云樹之風聲而風亦樹者其實風俗亦是人君教化故孝
經云移風易俗孔注尚書云立其善風揚其善聲是也
注旌旗至分制 正義曰采物謂采章物色旌旗衣服尊
卑不同名位高下各有品制天子所有分而與之故云分
之定四年傳稱分魯公以大路大旂之類皆是也 注話
善至遺戒 正義曰著之話言爲作善言遺戒著於竹帛

故言著之也 注鐘律至明時 正義曰周語云先王之制鐘也律度量衡於是乎生小大器用於是乎出又曰古之神瞽考中聲而量之以制度律均鐘百官執儀其意言度律之聲以爲鐘之均於鍾律取法爲度量衡也故漢書律歷志云推歷生律莫不用焉度量衡皆出於黃鐘之律也度者分寸尺丈引所以度長短也本起於黃鐘之長以子穀秬黍之中者一黍之廣度之九十黃鐘之長一黍爲一分十分爲寸十寸爲尺十尺爲丈十丈爲引而五度審矣量者合升斗斛所以量多少也本起於黃鐘之侖以子穀秬黍中者千有二百實其侖合侖爲合十合爲升十升爲斗十斗爲斛而五量嘉矣權者銖兩斤鈞石所以稱輕重也本起黃鐘之重一侖容千二百黍重十二銖兩之爲兩十六兩爲斤三十斤爲鈞四鈞爲石而五衡謹矣權衡一物衡平也權重也稱上謂之衡稱鍾謂之權所從言之異耳其鍾者亦起於律故服虔云鳧氏爲鍾各自計律倍而半之黃鐘之管長九寸則黃鐘之鍾長二尺二寸半

餘鐘亦各自計律倍而半之度量衡其本俱出於律傳言
律度注言度量其言不及衡者文雖不足理實兼之易革
卦象云君子以治歷明時此律度量衡皆推歷爲之爲此
法以繫天下使之明四時也 注藝準至無極 正義曰
藝是率限極是中正制貢賦多少之法立其準限中正使
不多不少陳之以示民故言陳之所引傳曰及又曰皆昭
十三年子產辭也 注引道至威儀 正義曰引謂在前
故爲道也長章儀飾故猶威儀也威儀禮則王者制之以
道民言引之道之不用重文故異之也 注訓典先王之
書 正義曰訓典先王之書教訓之典取其言以語之故
言告之法制謂王者身自制作已之所有故言子之 注
防惡興利 正義曰防者防使勿然故爲防惡利者務生
此利故爲興利傳言防利於文不足互見以曉人也此最
爲急故特言教之 注委任至常職 正義曰設官分職
當委任責成故言委之常秩謂
職掌位次故爲官司之常職

秋季文子將聘於

晉使求遭喪之禮以行

季文子季孫行父也聞晉侯疾故

其人

曰將焉用之

其人從者

文子曰備豫不虞古之

善教也求而無之實難

難卒得

過求何害

所謂

文子

疏

注季文至疾故

正義曰劉炫以爲聘使之法自須造遭喪之禮而行防其未然也非是聞晉

侯有疾今知不然者依聘禮出使唯以幣物而行無別齎遺喪之禮若主國有凶則臨時辦備今文子聘晉待求遺喪之禮出聘之後晉侯遂卒考其情事有異尋當臨晉侯之疾何爲不可劉炫以不聞晉侯之疾而規杜氏恐非其

義也八月乙亥晉襄公卒靈公少晉人以難

故欲立長君

立少君恐有難

趙孟曰立公子雍

趙

趙盾也公子雍文公子襄公庶弟杜祁之子

好善而長先君愛之且

近於秦秦舊好也置善則固事長則順立

愛則孝結舊則安為難故故欲立長君有

此四德者難必抒矣

抒除也

賈季曰不如立

公子樂

樂文公子

辰嬴嬖於二君

辰嬴懷嬴也二君懷公文公也

立

其子民必安之趙孟曰辰嬴賤班在九人

班位也

其子何震之有

震歲也

且為二嬖淫也

為先君子不能求大而出在小國辟也母

淫子辟無威陳小而遠無援將何安焉杜

祁以君故讓偁姑而上之

杜祁杜伯之後祁姓也偁姑姑姓之女生

襄公爲卅子故杜祁讓使在己上

以狄故讓季隗而已次之故

班在四

以季隗是文公託狄時妻故復讓之然則杜祁本班在二

先君是以愛

其子而仕諸秦爲亞卿焉

亞次也言其賢故位尊

秦大

而近足以爲援母義子愛足以威民立之

不亦可乎使先蔑士會如秦逆公子雍

先蔑

士伯也士會隨季也

賈季亦使召公子樂于陳趙孟使

殺諸郚

郚晉地

疏

注抒除也而為訓者鬼之為言歸也春之為

正義曰字有聲相近

言蠢也其類多矣抒聲近除故為除也服虔作紆紆緩也偏姑正義曰譜以偏為國名地闕不知所在

賈季怨陽子之易其班也

本中軍帥易以為佐

而知

其無援於晉也

少族多怨

九月賈季使續鞫居

殺陽處父

鞫居狐氏之族

書曰晉殺其大夫侵官

也

君已命帥處父易之故曰侵官

冬十月襄仲如晉葬襄公

十一月丙寅晉殺續簡伯

簡伯續鞫居十一月無丙寅丙寅十二月

八日也日月必有誤

賈季奔狄宣子使史駢送其帑

帑妻

子也宣子以賈季中軍之佐同官故夷之蒐賈季戮史駢史駢之

人欲盡殺賈氏以報焉史駢曰不可吾聞

前志有之曰敵惠敵怨不在後嗣忠之道

也敵猶對也若及子孫則為非對非對則為遷怒夫子禮於賈季我以

其寵報私怨無乃不可乎言己蒙宣子寵位介人之

寵非勇也介因也損怨益仇非知也殺季家欲以除怨宣

子將復怨己是益仇以私害公非忠也釋此三者何以

事夫子盡具其帑與其器用財賄親帥扞

之送致諸竟

扞衛也

疏

注幣妻于也

正義曰

妻故毛傳以幣為子此傳無妻故杜并妻言之幣者細弱之疏妻子俱得稱之傳稱以害為幣為尾猶尚稱幣況妻

說文云幣金幣所藏字書幣從子經傳妻幣亦從巾

報怨謂有怨於彼不可解彼人之于是父祖受人之惠子

或皆不知乃是更復長怨故恩

也 閏以正時 四時漸差則 時以

作事 順時 事以厚生 事不失時 生民之道於

是乎在矣不告閏朔弃時政也何以為民

經七年春公伐邾三月甲戌取須句

須句魯之

封內屬國也僖公反其君之後邾復滅之書取易也例在襄十三年

遂城邾

無傳因伐邾師以城

邾邾魯邑卞縣南有邾城備邾難

夏四月宋公王臣卒

二年與魯大夫盟於

疏

注二年至垂隴位與僖盟于踐土

正義曰王臣以僖二十四年即隴位與僖盟于踐土翟泉今唯言垂隴據與文同盟

言之杜注或兼取前世或止取時君不爲例也

宋人殺其大夫

宋人攻昭公并殺二

大夫故以非罪書

戊子晉人及秦人戰于令狐

趙盾廢嫡而外

求君故貶稱人晉諱皆先蔑而夜薄秦師以戰告

晉先蔑奔秦

不言出在外奔

狄

侵我西鄙秋八月公會諸侯晉大夫盟于

扈

扈鄭地滎陽卷縣西北有扈亭不分別書會人摠言諸侯晉大夫盟者公後會而及其盟

冬徐

伐莒

不書將帥徐夷告辭略

公孫敖如莒泣盟

傳七年春公伐邾間晉難也

公因霸國有難而侵小

三

月甲戌取須句寘文公子焉非禮也

邾文公子

叛在魯故公使爲守須句大夫也絕大皞之祀以與鄰國叛臣故曰非禮

夏四月宋成公

卒於是公子成爲右師

莊公子

公孫友爲左

師

日夷子

樂豫爲司馬

戴公玄孫

鱗矐爲司徒

相公

孫矐公子蕩爲司城

相公子也以武公名廢司空爲司城

華御事

為司寇

華元父也傳言六卿皆公族昭公不親信之所以致亂

疏

注戴公玄孫鱗曜相

公孫

正義曰世本戴公生樂甫術術生碩甫澤澤生季甫甫生子僕伊與樂豫是也世本又云桓公生公子鱗鱗

生東鄉曜是也

昭公將去羣公子樂豫曰不可公族

公室之枝葉也若去之則本根無所庇廕

矣葛藟猶能庇其本根

葛之能藟蔓繁滋者以本枝廕庇之多

故君子以為比

謂詩人取以喻九族兄弟

況國君乎此諺

所謂庇焉而縱尋斧焉者也

縱放也

必不可

君其圖之親之以德皆股肱也誰敢攜貳

若之何去之不聽穆襄之族率國人以攻

公

穆公襄公之子孫昭公所欲去者

殺公孫固公孫鄭于公

宮

二子在公宮故爲亂兵所殺

六卿和公室樂豫舍司馬

以讓公子卬

卬昭公弟

昭公即位而葬書曰宋

人殺其大夫不稱名衆也且言非其罪也

不稱殺者及死者名殺者衆故名不可知死者無罪則例不稱名

疏

葛藟至爲比正義曰此引葛藟王

風葛藟之篇也彼毛傳以之爲興此云君子以爲比者但比之隱者謂之興興之顯者謂之比比之與興深淺爲異耳此傳近取庇根理淺故以爲比毛意遠取河潤義深故以爲興由意不同故比興異耳注二子至所殺 正義

曰經書宋人殺其大夫傳言不稱名非其罪則此二子名氏當見於經亦卿官也僖二十二年傳稱大司馬固於時又有司馬子魚上文樂豫爲司馬下云六卿和公室六卿之外有此二子蓋是孤卿之官也宋是上公禮得有孤且春秋之時不必如禮 注不稱至稱名 正義曰傳云不稱名怪殺者死者並不名也又言衆也解殺者不名言殺者衆多其名不可知也且言非其罪也解死者不名言死者無罪則於例不稱名也此傳言書曰是仲尼新意殺大夫有例無凡故每言書曰所謂曲而暢之也此言死者無罪故不稱名則被殺書名皆爲有罪故諸是大夫被殺書名者杜皆言其罪狀正以此傳爲例故也釋例曰大臣相殺死者無罪則兩稱名氏以示殺者之罪王札子殺召伯毛伯是也若死者有罪則不稱殺者名氏晉殺其大夫陽處父是也若爲賊者多因亂而殺則亦稱國人殺者主名不分故也主名不分死者雖名氏可知亦隨而去之嫌於罪死者也士殺大夫則書曰盜盜殺鄭公子駢公子發公

孫輒是也若然宋之穆襄之族既非六卿於例名氏不見亦應書盜而不言盜者彼殺鄭卿者知是尉止司臣之類故書盜以惡其人此則不得主名書盜不知所惡故不書其盜耳若知其人則亦書盜也 秦康公

送公子雍于晉曰文公之入也無衛故有

呂卻之難

僖二十四年文公入

乃多與之徒衛穆嬴曰

抱大子以啼于朝曰先君何罪其嗣亦何

罪舍適嗣不立而外求君將焉寘此

穆嬴襄公夫人

靈公母也

出朝則抱以適趙氏頓首於宣子曰先

君奉此子也而屬諸子曰此子也才吾受

子之賜不才吾唯子之怨

欲使宣子教訓之

今君雖

終言猶在耳

在宣子之耳

而奔之若何宣子與諸

大夫皆患穆嬴且畏偪

畏國人以大義來偪己

乃背先

蔑而立靈公以禦秦師箕鄭居守趙盾將

中軍先克佐之

克先且居子代狐射姑

荀林父佐上軍

箕鄭將上軍居守故佐獨行

先蔑將下軍先都佐之步招

御戎戎津爲右及董陰

先蔑士會逆公子雍前還晉晉人始以逆雍出

軍卒然變計立靈公故軍右戎御猶在職董陰晉地

疏

注先蔑至晉地正義曰諸言御戎爲右皆是君之

御右知此步招戎津始以逆雍出軍此疑為雍之御右也
改立靈公故御右猶在職也十二年河曲之戰僖稱范無
恤御戎注云代步招晉君不行有御戎者成二年楚令尹
子重為陽橋之役王卒盡行彭名御戎注云王卒盡行故
王戎車亦行然則河曲之戰亦公卒盡行公之戎車亦行
故御戎在職也此時未至令狐令狐猶是晉地知董陰亦
是晉地也

宣子曰我若受秦秦則賓也不受寇

也既不受矣而復緩師秦將生心先人有

奪人之心奪敵之戰心也軍之善謀也逐寇如追

逃軍之善政也訓卒利兵秣馬蓐食潛師

夜起蓐食早食於寢蓐也戊子敗秦師于令狐至于剗

首己丑先蔑奔秦士會從之

從刺首去也今狐在河東當與刺首

相先蔑之使也荀林父止之曰夫人大子

猶在而外求君此必不行子以疾辭若何

不然將及

禍將及己

攝卿以往可也何必子同

官為寮吾嘗同寮敢不盡心乎弗聽為賦

板之三章

板詩大雅其三章義取勿荒之言猶不可忽况同寮乎值二十八在林父料中行先

茂將左行

又弗聽及亡荀伯盡送其帑及其器

用財賄於秦曰為同寮故也

荀伯林父

士會在

秦三年不見士伯

士伯先蔑

其人曰能亡人於

國

言能使人俱亡於晉國

不能見於此焉用之

何用如此

士

季曰吾與之同罪

俱有迎公子雍之罪

非義之也將何

見焉

言己非慕先蔑之義而從之

及歸遂不見

責先蔑為正卿而不斥諫

且俱出奔恐有黨也
士會歸在十三年

狄侵我西鄙公使告于晉

趙宣子使因賈季問酆舒且讓之

酆舒狄相讓其伐魯

酆舒問於賈季曰趙衰趙盾孰賢對曰趙

衰冬日之日也趙盾夏日之日也

冬日可愛夏日可畏

秋八月齊侯宋公衛侯陳侯鄭伯許男曹

伯會晉趙盾盟于扈晉侯立故也公後至

故不書所會凡會諸侯不書所會後也

所會謂不具列公侯及卿大夫後至不書其國辟不敏也

還自釋凡例之意

疏 凡會至不敏 正義曰僖十四年諸侯城

盟于扈傳曰書曰諸侯無能爲也十七年諸侯會于扈傳

曰書曰諸侯無功也然則摠稱諸侯皆是罪諸侯也此摠稱

諸侯不稱所會爲公後也傳還自釋凡例云後至不書其

國者辟不敏也不敏猶不達也諱國皆在公獨後至是公

不達於事辟公之不達於事諸公罪而歸責於諸侯者

穆

若言諸侯無功然故貶諸侯而摠之所以辟公耻也

伯娶于莒曰戴已生文伯其娣聲已生惠

叔

穆伯公孫敖也文伯穀也惠叔難也

戴已卒又聘于莒莒人

以聲已

辭則爲襄仲聘焉

襄仲公孫敖從父昆弟

冬徐

伐莒莒人來請盟

見伐故欲結援

穆伯如莒蒞盟

且爲仲逆及鄆陵登城見之美

鄆陵莒邑

自爲

娶之仲請攻之公將許之叔仲惠伯諫

惠伯

叔牙

曰臣聞之兵作於內爲亂於外爲寇

寇猶及人亂自及也今臣作亂而君不禁

以啓寇讎若之何公止之惠伯成之平二使

仲舍之

舍不娶

公孫敖反之還莒復爲兄弟

如初從之

爲明年公孫敖奔莒傳

晉卻缺言於趙宣子

曰日衛不睦故取其地

日往日取衛地在元年

今已睦矣

可以歸之叛而不討何以示威服而不柔

何以示懷

柔安也

非威非懷何以示德無德

何以主盟子爲正卿以主諸侯而不務德

將若之何夏書曰

逸書

戒之用休

有休則戒之以勿休

董

之用威

董督也有罪則督之以威刑

勸之以九歌勿使壞九

功之德皆可歌也謂之九歌六府三事謂

之九功水火金木土穀謂之六府正德利

用厚生謂之三事義而行之謂之德禮

正德

德也禮以制財用之節又以厚生民之命

無禮不樂所由叛也若吾

子之德莫可歌也其誰來之

來猶歸也

盍使睦

者歌吾子乎宣子說之

爲明年晉歸鄭衛田張本

疏

夏書至三

事正義曰此虞書大禹謨之文也以其夏禹之言故傳謂之夏書勿使壞以上皆彼正文唯彼言俾勿壞俾亦使

也一字別耳彼上文云水火金木土穀惟修正德利用厚生惟和九功惟叙九叙惟歌乃次此辭下去帝曰六府三事允治卻缺令宣子修德行禮使人歌樂故先引勸之以九歌然後卻言六府三事無禮至叛也正義曰在上爲政無禮則民不樂是叛之所由注爲明至張本正義曰鄭往前侵衛田今晉令鄭歸還衛田也言歸鄭衛田者謂晉歸以鄭所取衛田故杜下注云臣本衛邑中屬鄭今晉令鄭還衛是也然晉亦還衛田獨言鄭還衛田者以鄭歸衛田爲主遂略之劉炫謂爲歸鄭及歸衛田怪傳文歸衛不歸鄭而規杜氏非也

經八年春王正月夏四月秋八月戊申天

王崩冬十月壬午公子遂會晉趙盾盟于

衡雍

壬午月五日

乙酉公子遂會雒戎盟于暴

乙酉

月八日也暴鄭地公子遂不受命而盟
宜去族善其解國患故稱公子以貴之

疏

注乙酉至貴
正義曰

以壬午乙酉相去四日其間不容報君見其專命之意故
注詳其日也衡雍鄭地心亦鄭地臣無專命之義故輩
溺皆去其族此公子遂不受君命因事遂行輒與戎盟宜
去其族傳言書曰公子遂珍之是善其解國患故稱公子
以貴之也釋例曰人臣受命不受辭出竟有可以利社稷
者專之可也故襄仲始盟趙盾遂盟伊洛之戎四日之間
經再書公子不可以遂事常辭顯之也

公孫敖如京師不至而復

丙戌奔莒

不言出受命
而出自外行

螽

無傳爲
災故書

宋人殺其

大夫司馬宋司

來奔

司馬死不舍節司城奉
身而退故皆書官而不

名貴
之

傳八年春晉侯使解揚歸斥戚之田于衛

斥本衛邑中屬鄭孔達伐不能克今晉令鄭還衛及取戚田皆見元年且復致公壻池

之封自申至于虎牢之竟公壻池晉君女壻又取衛地以封之今并

還衛也申鄭地傳言趙盾所以能相幼主而盟諸侯**疏**注公壻至諸侯正義曰釋親云女子子之夫

為壻傳稱公壻知是晉君之女壻池其名也杜以上言歸斥戚之田于衛又言且復致則晉亦致于衛故言又取衛

地以封之今并還衛也劉炫云服虔以為致之于鄭以服言是規杜已釋之夏秦人伐晉

取武城以報令狐之役今狐役在七年秋襄王崩為公

孫敖如晉人以扈之盟來討前年盟扈公後至冬襄

周弔傳

仲會晉趙孟于衛雍報扈之盟也遂會

伊雒之戎

伊雒之戎討伐魯公子遂不及復君故專命與之盟

書曰公子

遂珍之也

珍貴也大夫出竟有可以安社稷利國家者專之可也

疏

注珍貴至可也

正義曰傳多言貴之而此言珍之事同而文異故以珍為貴也大夫出竟以下皆莊十九年公羊傳文

穆伯

如周弔喪不至以幣奔莒從已氏焉

已氏莒女

宋襄夫人襄王之姊也昭公不禮焉

昭公適祖

母夫人因戴氏之族

華樂皇皆戴族

以殺襄公之孫

孔叔公孫鍾離及大司馬公子卬皆昭公

之黨也司馬握節以死故書以官

節國之符信也握之

以死示

疏

注節國至廢命節而辨其用守邦國者用玉節守都鄙者用

正義曰周禮掌節掌守邦

角節鄭玄云玉節有五則典瑞云穀圭以和難以聘女牙璋以起軍旅以治兵守珍圭以徵守以恤凶荒琬圭以治德以結好琰圭以易行以除慝其角節鄭注云未聞此司馬司城以事在官蓋執此等之玉節小行人云守都鄙者用管節此司馬司城或食采地即都鄙之主此節或是管節也掌節又云山國出虎節土國用人節澤國用龍節鄭注云鑄金爲之謂王使之使於土國之等掌節又云門關用符節貨賄用璽節道路用旌節鄭玄云門關者謂司門司關也道路者謂天子之鄉遂大夫也其諸侯之國及門關鄉遂亦有節小行人云山國用虎節土國用人節澤國用龍節謂已是山澤之國出使用龍虎之節小行人又云道路用旌節門關用符節都鄙用管節鄭注云道路謂諸

侯鄉遂及諸侯司門司關都鄙之等也今之爲官授以此節今握節以死示己不廢命也此夫人殺而經書宋人殺其大夫者夫人與君共有國家尊與君同不得爲兩下相殺故同國討之文雖同國討稱人實非國討之例以其死者不稱名

無罪故也

司城蕩意諸來奔效節於府人而

出

效猶致也意諸公子蕩之孫

公以其官逆之皆復之亦

書以官皆貴之也

卿違從大夫公賢其效節故以本官逆之請宋而復之司城官

屬悉來奔

䟽

注卿違至皆復七年傳文也效節於府人然後出奔示已

故言皆復解任而退不敢帶官而逃公賢其效節故以本官逆之爲是書宋司城來奔善其人故書其官也請宋復之事在十一年一人不得言皆知司城官

屬悉與來奔還悉與皆復也

夷之蒐晉侯將登

箕鄭父先都

登之於上軍也夷蒐在六年

而使士穀梁益耳

將中軍

士穀本司空

先克曰狐趙之勲不可廢

也從之

狐偃趙衰有從亡之勲

先克奪蒯得田于董

陰

七年晉禦秦師於董陰以軍事奪其田也先克中軍佐

故箕鄭父先都

士穀梁益耳蒯得作亂

為明年殺先克張本

疏

注登之至六年

正義曰清原之蒐箕鄭佐新上軍先都佐新下軍二人先為卿矣而復欲登之知登於上軍也然則七年令狐之戰傳歷言諸軍將佐箕鄭將上軍先都佐下軍先都不登容可怨恨箕鄭不失其登而亦共作亂者蓋先克之薦狐趙并亦請退箕鄭先都先都於時即佐下軍箕鄭雖得不退因此意望以成小憾及狐射姑出奔箕鄭位次宜佐中軍

而先克伐射始箕鄭守其故磯整以此而恨也

經九年春毛伯來求金

求金以共葬事雖踰年而未葬故不稱王使

夫

人姜氏如齊

無傳歸寧

二月叔孫得臣如京師

辛丑葬襄王

卿共葬事禮也

疏

注卿共葬事禮也正義曰言禮者以明天子之喪

卿弔卿會葬諸侯不親行也釋例曰萬國之數至衆封疆之守至重故天王之喪諸侯不得越竟而奔脩服於其國卿共弔送之禮既葬卒哭而除凶魯侯無故而穆伯如周弔焉此天子崩諸侯遣卿弔送之經傳也杜以往年穆伯弔喪今令會葬事傳無譏文知其禮當然也昭三十年傳鄭游吉云靈王之喪我先君簡公在楚以不在楚即當親行而言禮不親者彼言由君在楚上卿守國故使少卿印段往耳非言君當親行也

晉人殺其大夫先都

下軍佐也以作亂討故書名

三月夫人姜氏至自齊

無傳告于

廟

䟽

夫人至自齊正義曰蘇氏云夫人歸寧書至唯有此耳餘不書者或禮儀不備或淫縱不告廟也

晉人殺其大夫士穀及箕鄭父

與先都同罪也

楚

人伐鄭

楚子師於狼淵不親伐

公子遂會晉人宋人衛

人許人救鄭夏狄侵齊

無傳

秋八月曹伯襄

卒

無傳七年同盟于扈

䟽

注七年同盟于扈正義曰襄以僖八年即位其年盟于洮九年于葵丘

十五年于牡丘二十一年于薄今唯言于扈據文公言之

九月癸酉地震

無傳地道安靜

以動為異故書

䟽

汪地道至故書正義曰穀梁傳曰震動也公羊傳曰震者何動地也何休曰傳先言動

五十二

春秋左傳卷下

五十一

五十二

者喻若物之動地以曉人也周語伯陽父曰陽伏而不能
出陰迫而不能烝遂於是是有地震孔晃云陽氣伏於陰下
見迫於陰故不能升以至於地
動是地道安靜以動為異也
冬楚子使椒來聘

稱君以使大夫其禮辭與
中國同椒不書氏史略文
疏 注稱君至略文 正義曰
莊二十三年荆人來聘不

稱楚子使某至此稱君以使大夫其禮與中國同其禮既
同椒亦宜書其氏今不書氏傳無貶文知是史辭自略無
義例也釋例曰楚殺得臣與宜申賈氏皆以為陋案楚殺
大夫公子側成熊之等六十七人皆稱氏族無為獨於此二
人陋也斯蓋非史策舊法故無凡例當時諸國以意而赴
其自來聘使者辭有詳略仲尼修春秋因采以示義義之
所起則刊而正之不者即而示之不皆刊正也諸侯之卿
當以名氏備書於經其加貶損則直稱人若有褒異則或
稱官或但稱氏若無褒無貶傳所不發者則皆就舊文或
未賜族或時有詳略也推尋經文自莊公以上諸執君者

皆不書氏閔公以下皆書氏亦足以明時史之同異非仲尼所皆貶也 秦人來歸僖

公成風之祿

衣服曰祿秦辟陋故不稱使不稱夫人從來者辭

葬曹共

公

無傳

疏

注衣服至者辭正義曰隱元年公羊傳曰衣被曰祿穀梁傳曰衣衾曰祿禮稱祿

者君使臣致服故云衣服曰祿也秦處西戎其國辟陋故不稱君使猶楚在莊世稱荆人來聘也成風夫人也來者不言夫人從來者之辭也先言僖公僖公先薨也不言及并致之也

傳九年春王正月己酉使賊殺先克

箕鄭等所使也

亂殺先克不赴故不書

乙丑晉人殺先都梁益耳

乙丑正月十九

日經書二月從告

毛伯衛來求金非禮也

天子不私求財故曰非禮不

書王命未葬也二月莊叔如周葬襄王

疏

莊叔如周葬襄子也正義曰虛舉此經者嫌莊叔別以他事使周葬王更使人會故明之

三月甲戌

晉人殺箕鄭父士穀蒯得

梁益耳蒯得不書皆非卿

疏

梁注

益至非卿

正義曰士穀書經則是卿也七年令狐之戰三軍將佐無士穀十二年河曲之戰三軍將佐杜注無代

士穀者而士穀得爲卿者先蔑奔秦傳無其代十二年欒盾將下軍注云代先蔑者據傳成文言之耳未必不是士穀代先蔑欒盾代士穀也箕鄭上軍將也傳文先箕鄭後士穀士穀若將下軍即是位之次也其事似然或者晉於將佐之外猶別有散位從卿若卻缺趙穿之類也傳箕鄭先士穀經士穀先箕鄭者經以殺之先後傳以位次序列傳蒯得居下知其以位次也賈逵云箕鄭稱及非首謀案襄二十三年陳殺其大夫慶虎及慶賁杜云言及史異辭

無義例則此亦然也

范山言於楚子曰晉君少不在諸

侯北方可圖也

范山楚大夫

楚子師于狼淵以伐

鄭

陳師狼淵爲伐鄭援也
穎川穎陰縣西有狼陂

囚公子堅公子尤及

樂耳

三子鄭大夫

鄭及楚平公子遂會晉趙盾

宋華耦衛孔達許大夫救鄭不及楚師卿

不書緩也以懲不恪

華耦華父督曾孫公羊遂獨不在貶者諸魯事自非指爲

其國褒貶則皆從國史不同之

疏

注華耦至族此正義曰在禮卿不會公

於他國此春秋大意他皆放此

侯會則貶之稱人元年公孫敖會晉侯子戚文無所貶此公子遂與諸國同行諸卿皆貶遂獨不貶諸如此類莫不

盡然知諸於魯事自非指爲其國褒貶皆
從魯史以其體例已舉不假改正故也 夏楚侵陳

克壺丘

壺丘陳邑

以其服於晉也秋楚公子朱自

東夷伐陳

子朱息公也

陳人敗之獲公子茂陳

懼乃及楚平

以小勝大故懼而請平也傳言晉君少楚陵中國明年所以有厥路之會

冬

楚子越椒來聘執幣傲

子越椒令尹子文從子傲不敬

叔仲

惠伯曰是必滅若敖氏之宗傲其先君神

弗福也

十二年傳曰先君之敝器使下臣致諸執事明奉使皆告廟故言傲其先君也爲宣四年楚滅

若敖氏張本

秦人來歸僖公成風之祔禮也

秦慕諸夏欲順

敬於魯因有翟泉之盟故追贈僖公并及成風本非魯諸方嶽同盟無相赴弔之制故不譏其緩而以接好爲禮諸

侯相弔賀也雖不當事苟有禮焉書也以

無忘舊好

送死不及尸故曰不當事書者書於典策垂示子孫使無忘過厚之好

疏

諸侯至舊好

正義曰此雖廣言諸侯主爲秦人發傳隱元年王使來賄尚譏其緩若是同盟之國必譏其緩可知

釋例曰秦之與魯本非方嶽同盟魯薨不赴秦秦不賄魯自是其常也僖穆二公雖有同盟之義二君已卒則二子不得用同盟之禮也今秦康公遠慕諸華欲通敬於魯無以爲辭因翟泉有盟追贈僖公并及成風假弔禮而行故曰禮也送死不及尸謂不當其事書者書之於策垂之子孫以示過厚之好也是言此傳主爲秦也僖公成風服除久矣今始來弔贈當以變禮待之檀弓曰衛將軍文子之喪既除喪而後越人來弔主人深衣練冠待於廟垂涕洟

子游曰將軍文氏之子其庶幾乎亡於禮者之禮也其動也中是古有以服終來弔者也何休膏肓云禮主於敬一使兼二喪又於禮既緩而左氏以之為禮非也鄭箋云若以為緩案禮衛將軍文子之喪既除喪而越人來弔子游何得善之是鄭不非其緩也若譏一使兼二禮雜記諸侯弔禮有含襚賵臨何以一使兼行知休言非也

經十年春王三月辛卯臧孫辰卒無傳公與小欽故書

夏秦伐晉不稱將師告辭略楚殺其大夫宜申宜申子西

也謀弑君故書名自正月不雨至于秋七月無傳義與二年同

及蘇子盟于女栗女栗地名闕蘇子周卿士頃三新立故與魯盟親諸侯也冬

狄侵宋無傳楚子蔡侯次于厥貉厥貉地名闕將伐宋

而未行
故書次

傳十年春晉人伐秦取少梁

少梁馮翊夏陽縣

夏

秦伯伐晉取北徵

報少梁

初楚范巫喬似

喬似

范邑之巫

謂成王與子玉子西曰三君皆將強死

城濮之役王思之故使止子玉曰母死不

及止子西子西縊而縣絕

在僖二十八年

王使適

至遂止之使為商公

商楚邑今上雒商縣

汭漢汭江將

入郢

汭順流汭逆流

王在渚宮

小洲

下見之懼而辭

曰臣免於死又有讒言謂臣將逃臣歸死

於司敗也陳名司寇為司敗子三使為二尹

掌百工之官又與子家謀弑穆王穆王聞之五月殺闕

宜申及仲歸仲子家非物**疏**皆將強死正義曰強健也無病而死謂被也

注汭順流汭逆流正義曰商在漢水北漢水東流而南

入江子西既至商邑聞讒不敢居商縣汭漢水順流而下

至江乃汭流逆上渚宮當郢都之南故王在渚宮下見之

也下注云小洲曰渚釋水文注陳楚名司寇為

司敗正義曰言歸死於司敗知司敗主刑之

官司寇是也論語有陳司敗知陳楚同此名也秋七

月及蘇子盟于女栗頃王立故也僖十年秋滅溫蘇子

奔衛今復見
荒王復之

陳侯鄭伯會楚子于息冬遂及

蔡侯次于厥貉

陳鄭及宋麋子不書者宋鄭執卑苟
免為楚僕任受役於司馬麋子恥之

遂逃而歸三君失位降爵故不列
於諸侯宋鄭猶然則陳侯必同也

將以伐宋宋華

御事曰楚欲弱我也先為之弱乎何必使

誘我我實不能民何罪乃逆楚子勞且聽

命

時楚欲誘呼宋共
戰御事華元父

遂道以田孟諸

孟諸宋大藪
也在梁國睢

陽縣
東北

宋公為右孟鄭伯為左孟

孟田獵
陳名

期

思公復遂為右司馬

復遂楚期思邑公
今弋陽期思縣

子朱及

文之無畏爲左司馬

將獵張兩甄故置二左司馬然則右司馬一人當中央

命

夙駕載燧

燧取火者

宋公違命

不夙駕載燧

無畏扶其

僕以徇或謂子舟曰國君不可戮也子舟曰

當官而行何彊之有

子舟無畏字

詩曰剛亦不吐柔

亦不茹

詩大雅美仲山甫不辟彊禦

毋縱詭隨以謹罔極

詩大

雅詭人隨人無正心者謹猶慎也罔無也極中也

是亦非辟彊也敢愛死

以亂官乎

爲宣十四年宋人殺子舟張本

疏

注陳鄭至同也正義曰杜以陳鄭會楚

子于息遂與蔡侯次于厥貉則陳鄭當在次也傳稱厥貉之會麋子逃歸則麋子當在也宋公逆楚子則宋公亦在

也獨書楚子蔡侯不言陳鄭宋麇故述其事而爲之說言
宋陳鄭三君降爵麇子逃歸故不書也劉炫以爲告文略
故不書陳鄭宋今知不然者此楚會諸侯必是楚人來告
若楚人來告當以得諸侯爲榮何以略其宋鄭陳乎麇子
不會傳云逃歸宋鄭二國爲楚僕役猶如許蔡二君降乘
楚車許蔡既不書於經故知宋鄭失位不見此乃傳事分
明故杜爲此解劉炫直以告文略以規杜氏非也 注將
獵至中央 正義曰宋公爲右孟無畏爲左司馬而扶宋
公之僕自謂當官而行明無畏當右子朱當左是其張兩
甄故置二左司馬使各掌一甄自然右司馬一人當中央
也 母縱至罔極 正義曰無縱此詭人隨人無正心者
以謹勅彼無中正之人言小罪尚不赦則大罪不敢爲也

厥貉之會麇子逃歸

爲明年楚
子伐麇傳

春秋正義卷第十四

春秋正義卷第十五

孫氏

文公

國子祭酒上護軍曲阜縣開國子臣孔穎達等奉

勅撰

經十有一年春楚子伐麇

計前年楚麇貉會

夏叔彭

生會晉卻缺于承匡

承匡宋地在陳留襄邑縣西彭生叔仲惠伯卻缺冀缺

秋曹伯來朝公子遂如宋狄侵齊冬十月

甲午叔孫得臣敗狄于鹹

鹹魯地

傳十一年春楚子伐麇成大心敗麇師於

防渚

成大心子玉之子大孫伯也防渚麋地

潘崇復伐麋至于錫

穴

錫穴麋地

夏叔仲惠伯會晉卻缺于承匡謀

諸侯之從於楚者

九年陳鄭及楚平十年宋聽楚命

秋曹文公

來朝即位而來見也襄仲聘于宋且言司

城蕩意諸而復之

八年意諸來奔歸不書史失之

因賀楚師

之不害也

往年楚次厥貉將以伐宋

疏

注八年至失之

正義曰諸侯之卿出奔而復

歸者宋華元衛孫林父之徒皆書其歸則蕩意諸之歸亦當書之服虔云反不書者施而不德衛冀隆亦同服義而難杜云襄二十九年樂氏施而不德春秋所善不書意諸之歸則是施而不德且經所不書傳即發文史失之即不

書曰史失之之類是也此既無傳何知史失杜必以爲史失者案衛侯鄭之歸于衛也僖公納賂而請之衛侯朔之入于衛也莊公興師而納之歸邾子益于邾自我而歸之皆受魯施並書於經何獨意諸施而不德若意諸施而不德彼何故施而德之春秋公侯大夫失位出奔得人力而反者多矣若皆施而不德不應赴告諸侯魯以不書爲是則書者爲非何以無貶責之文定人之謂禮存亡之謂義未有禮義在可諱之竟故杜以爲史官失之故不書於策

鄭瞞侵齊

鄭瞞狄國名防風之後漆姓

遂伐我公卜使叔

孫得臣追之吉侯叔夏御莊叔

莊叔得臣

繇房

甥爲右富父終甥駟乘

駟乘四人共車

疏

注鄭瞞至漆姓正

義曰狄是北夷大號鄭瞞是其國名魯語云吳伐越墮會稽獲骨節專車吳子使來聘問之仲尼仲尼宴之客執骨

而問曰敢問骨何為大仲尼曰昔禹致羣臣於會稽之山
防風氏後至禹殺而戮之其骨節專車此為大矣客曰防
風氏何守仲尼曰汪芒氏之君守封隅之山者也為漆姓
在虞夏商為汪芒氏於周為長狄氏今日大人客曰人長
之極幾何仲尼曰儵儵氏長三尺短之至也長者不過十
之數之極也此言長狄狄之長者彼言於周為長狄知鄭
瞞即是防風氏之後故以國語為說服云伐我不書諱之

冬十月甲午敗狄于

鹹獲長狄僑如

僑如鄭瞞國之君蓋長三丈獲僑如不書賤夷狄也

疏

僑注

如至狄也正義曰經書敗狄于鹹即是敗一國也敗其
國而獲此人傳不言是其將帥知是其國之君也穀梁傳
曰長狄瓦石不能害叔孫得臣最善射者射其目身橫九
畝斷其首而載之眉見於戰何休云蓋長百尺魯語仲尼
所云此十倍僬僂氏之長者故云蓋長三大魯語言不過
十之是疑之言故云蓋也宣十五年晉師滅赤狄潞氏以

潞子嬰兒歸彼獲嬰兒歸之此獲僑姑不書者潞國大其君貴故書之此國小僑如賤不書賤夷狄也富

父終甥椿其喉以戈殺之椿猶埋其首於衝也

子駒之門子駒魯郭門骨節非常以命宣伯得

待事而名其三子因名疏椿其喉以戈殺之正義曰

宣伯曰僑如以旌其功考工記戈之長六尺六寸耳

得及長狄之喉者兵車之法皆三人共乘魯宋與長狄之戰車皆四乘改其乘必長其兵謂之戈蓋形如戈也注

得臣至其功正義曰襄三十年傳說此事云叔孫莊叔

敗狄于鹹獲長狄僑如及虺也豹也皆以名其子定八年

傳稱魯苦越生子將待事而名之陽州之役獲焉故名之

曰陽州知得臣亦待事以名其三子以旌章其功也此三

子未必同年而生或生訖待事或事後

始生欲以章已功取彼名而名之也

初宋武公之

世鄭瞞伐宋

在春秋前

司徒皇父師師禦之而

班御皇父充石

皇父戴公子充石皇父名

公子穀甥爲右司

寇牛父駟乘以敗狄于長丘

長丘宋地

獲長狄緣

斯

緣斯僞如之先

皇父之二子死焉

皇父與穀甥及牛父皆死故形班獨

受

疏

注在春秋前

正義曰史記十二諸侯年表宋武公即位十八年以魯惠公二十一年卒卒在春秋前

二十六年不知鄭瞞以何年伐宋也

注皇父至父名

正義曰皇父戴公子世本文古人連言名字者皆先字後

名且此人子孫以皇爲氏知皇父字充石名

獲長狄緣

正義曰服虔云不言所埋埋其身首同處於戰地可知

注皇父至受賞 正義曰賈逵云皇父與穀生牛父三子皆死鄭衆以爲穀生牛父二人死耳皇父不死馬融

以爲皇父之二子從父在軍爲敵所殺名不見者方道二
子死故得勝之如今皆元誰殺緣斯服虔云殺紂斯者未
必三子之手士卒獲之耳下言宋公以門賞彤班班爲皇
父御而有賞三子不見賞疑皆死賈君爲近之如馬之言
於傳文爲順但班獨受賞
知三子皆死故杜亦同之

宋公於是以門賞彤

班使食其征

門關門
征稅也

謂之彤門

疏

注門關門
征稅也

正義曰禮唯關門有征知門是關門也周禮司關司貨賄
之出入掌其治禁與其征厲國凶禮則無關門之征鄭玄
云山廬者貨賄之稅孟子曰關幾而不征則天下行旅皆
說而願出於其塗矣如彼文知出入關者必有征稅但不
知幾而稅一也然據禮文城門亦有征必知關門者以關
門征稅其數既多故昭二十年偃介之關暴征其私是關
禁之重異於城門此云
食其征稅故知關稅也

晉之滅潞也

在宣十
五年

獲僑

如之弟焚如齊襄公之二年

魯桓之十六年

鄭瞞

伐齊齊王子成父獲其弟榮如

榮如焚如之弟焚如後死

而先說者欲其兄弟伯季相次榮如以魯桓十六年死至宣十五年一百三歲其兄猶在傳言既長且壽有異於人

王子成父齊大夫

埋其首於周首之北門

周首齊邑濟北穀城縣東

北有周首亭

衛人獲其季弟簡如

伐齊退走至衛見獲

鄭瞞

由是遂亡

長狄之種絕

疏

注長狄之種絕正義曰此時長狄種絕仲尼猶云今日

此

大人者言當時呼往前長狄為大人未必其時有之若當時猶有其種吳人不應怪其骨也但如此傳文長狄有種種類相生當有支胤唯獲蠻人云其種遂絕深可疑之命守封隅之山照之以溱為姓則是世為國主歸歷四代安

得更無支屬唯有四人且君為民心方以類聚不應獨立
三丈之君使牧八尺之民又三丈之人誰為匹配豈有三
丈之妻為之生產乎人情度之深可惑也國語仲丘之談
左傳丘明所說通賢大聖立此格言不可論其是非實疑
之久矣蘇氏云國語稱今日大人但逆居夷狄不在中國
故云遂亡公羊穀梁並云長狄兄弟三人一之齊一之魯
一之晉何以書記異猶如史記所云秦時大人見於臨洮

成太子朱儒自安於

夫鍾

安處也夫
鍾邨邑

國人弗徇

徇順也為明年
邨伯來奔傳

經十有二年春王正月邨伯來奔

稱爵見公
以諸侯禮

疏

注稱爵至迎之正義曰此實大子公以諸侯禮
逆之公既尊之為者史遂從公之意成十年晉侯

有疾立大子州蒲為君會諸侯伐鄭經即書為晉侯史
官不可反公之心追言世子從君所稱更是其實故也杞

伯來朝

復稱伯
舍夷禮

二月庚子子叔姬卒

既嫁成
人雖見

出奔猶以
恩錄其卒

疏

注既嫁至其卒 正義曰天子諸侯絕期
嫁女於諸侯則尊同恩成於敵體其禮不

用降卒則服大功九月叔姬既為杞之夫人雖見出棄猶
以恩錄其卒喪服女子既嫁而反在父母之室從本服為
之齊衰期此既書其卒當服其本服杜預不知此叔姬是
何公之女要姑與姊妹皆服期也釋岡曰一棄之女反在
父母之室則與既葬成人者同故亦書卒也
杞叔姬卒穀梁以為公母姊妹謂同母姊 夏楚人圍

巢

巢吳楚間小國廬江
六縣東有居巢城

秋滕子來朝秦伯使術

來聘

術不稱氏
史略文

冬十有二月戊午晉人秦人

戰于河曲

不書敗績文綏而退不大崩也稱人秦晉
無功以微者告也皆陳曰戰例在莊十一

年河曲在河東蒲坂縣南

季孫行父帥師城諸及鄆

鄆昔所爭者

城陽姑幕縣南有負亭負即鄆也以其遠偏外國故帥師城之

傳十二年春邾伯卒邾人立君

大子自安於外邑故

大

子以夫鍾與邾邾來奔

邾邾亦邑

公以諸侯逆

之非禮也

非公寵叛人

故書曰邾伯來奔不書

地尊諸侯也

既尊以為諸侯故不復見其竊邑之罪

杞桓公來朝

始朝公也

公即位始來朝



始朝公也

正義曰劉炫云魯公新立鄰國及時來朝則曰公

即位而來朝晚則云始朝公也諸侯自新立來及時者則云即位而來見晚則云始見霸主即位魯君往朝則曰朝

嗣君魯君新立往朝大國則曰即位而往見也

且請絕叔姬而無絕昏

公許之

不絕昏立其娣以為夫人不書大歸未歸而卒

疏

注不絕至而卒正義曰傳言請無

絕昏成五年有杞叔姬來歸故知立其娣為夫人也其娣亦字叔者周之法稱叔也釋例曰杞桓公以僖二十三年即位襄六年卒凡在位七十一年文成之世經書叔姬二人一人卒一人出皆杞桓公夫人也傳例出曰來歸不書來歸未歸而卒也既歸而卒亦當書之成五年杞叔姬來歸八年書卒是也宣十六年邾伯姬來歸後不書卒者或更嫁於大夫故不書卒耳

二月叔姬卒不言杞絕也

既許其絕

故不言杞

書叔姬言非女也

女未笄而卒不書

楚令尹

大孫伯卒成嘉為令尹

若敖曾孫子孔

羣舒叛楚

羣舒偃姓舒庸舒鳩之屬今廬夏子孔執舒子平

及宗子遂圍巢

平舒君名宗巢二國羣舒之屬

疏

注羣舒至龍舒正義曰

世本偃姓舒庸舒蓼舒鳩舒龍舒鮑舒龔以其非一故言屬以包之秋滕昭公來朝

亦始朝公也秦伯使西乞術來聘且言將

伐晉襄仲辭王曰君不忘先君之好照臨

魯國鎮撫其社稷重之以大器寡君敢辭

王

大器圭璋也不欲與秦爲好故辭王

疏

注大器至辭王正義曰聘君用圭享用璧聘夫人用璋享用

琮聘禮記曰凡四器圭唯其所寶以聘可也故知所言大器是圭璋也考工記玉人云瑑圭璋八寸璧琮八寸以規

聘聘禮記云所以朝天子圭與璫皆九寸問諸侯朱綠纁八寸鄭玄云於天子曰聘於諸侯曰問記之於聘文互相備言互相備者朝諸侯與天子同聘天子與諸侯同也所言朝圭九寸聘圭八寸謂上公禮也使臣出聘降君一等故八寸則侯伯之使當璫圭六寸子男之使當璫璧四寸也聘義曰以圭璋聘重禮也已聘而還圭璋此輕財而重禮之義也然則王必還其來使而下云致諸執事以爲瑞節及襄仲辭之者禮聘終雖復得還王初聘之時其意欲致與主國但主國謙退禮終還之且襄仲辭之者爲不欲與秦爲好

對曰不腆敝器

不足辭也

腆厚也

主人三辭賓荅曰寡君願

徼福于周公魯公以事君

徼要也魯公伯禽也言願事君以并

蒙先君之福

不腆先君之敝器使下臣致諸執事

以為瑞節

節信也出聘必告廟故稱先君之器

要結好命所以

藉寡君之命結二國之好

藉薦也

疏

正義曰禮

禮執圭所以致君命君命致藉王而後通若坐之有薦席然故以藉為薦也

是以敢致之

襄仲曰不有君子其能國乎國無陋矣

厚賄之

賄贈送也

秦為令狐之役故冬秦伯伐

晉取羈馬

今狐沒在七年羈馬晉邑

晉人禦之趙盾將

中軍荀林父佐之

林父代先克

卻缺將上軍

代箕

鄭史駢佐之

代林父

欒盾將下軍

欒枝子代先蔑

胥

甲佐之

胥臣子代先都

范無恤御戎

代步招

以從秦

師于河曲史駢曰秦不能久請深壘固軍

以待之從之

疏

深壘固軍所與築土自衛謂之為壘深者高

正義曰壘壁也軍營

也高其壘以為軍之阻固案觀禮說為壇深四尺鄭注云深高也是其義也

秦人欲戰秦

伯謂士會曰若何而戰

晉士會七年奔秦

對曰趙氏

新出其屬曰史駢必實為此謀將以老我

師也

史駢趙盾屬大夫新出佐上軍

趙有側室曰穿晉君之

壻也

側室支子穿趙夙庶孫

疏

注側室至庶孫世子云公若有出疆之政庶子

正義曰文王

守公宮正室守大廟鄭玄云正室適子也正室是適子知側室是支子言在適子之側也世族譜穿趙風之孫則是趙盾從父昆弟之子也盾為正室故謂穿為側室

穿別為邯鄲氏趙旃趙勝邯鄲午是其後也

有寵而

弱不在軍事

弱年少也又未嘗涉知軍事

好勇而狂且惡

更駢之佐上軍也若使輕者肆焉其可

肆

往而退也

秦伯以璧祈戰于河

禱求勝

十二月戊

午秦軍掩晉上軍趙穿追之不及

上軍不動趙穿

獨追之

反怒曰裒糧坐甲固敵是求敵至不

擊將何俟焉

疏

裒糧坐甲

正義曰甲者所以制禦非常臨敵則被之於身未

戰且坐之於地

軍吏曰將有待也

待可擊

穿曰我不知

謀將獨出乃以其屬出宣子曰秦獲穿

也獲一卿矣

僖三十三年晉侯以一命命卻缺為卿不在軍帥之數然則晉自有散位從卿

者秦以勝歸我何以報乃皆出戰交綏

司馬

法曰逐奔不遠從綏不及逐奔不遠則難誘從綏不及則難陷然則古名退軍為綏秦晉志未能堅戰短兵未致爭

而兩退故

疏

注司馬至兩退正義曰魏武全引司馬法云將軍死綏舊說綏卻也言軍卻將當

死綏必是退軍之名綏訓為安蓋兵書務在進取耻言其退以安行即為大罪故以綏為名焉

秦行人

夜戒晉師曰兩君之士皆未憚也明日請

相見也

愁缺也

疏

注愁缺也

正義曰愁者缺之貌今人猶謂缺為愁也沈氏云方言云愁

傷傷即缺也下云死傷未收則是已有死者但不至大崩未甚喪敗故為皆未缺耳

史駢曰使

者目動而言肆懼我也

目動心不安言肆聲放失常節

將遁

矣薄諸河必敗之

薄迫也

胥甲趙穿當軍門

呼曰死傷未收而弃之不惠也不待期而

薄人於險無勇也乃止

晉師止為宣元年放胥甲傳

秦師

夜遁復侵晉入瑕城諸及鄆書時也

經十有三年春王正月夏五月壬午陳侯

朔卒

無傳再同盟

疏

注再同盟 正義曰朔以僖二十九年即位其年盟于翟泉文二年

于垂離七年于扈云再

同盟者據文公言之

邾子蘧蒢卒

未同盟而赴以名

疏

注未同盟而赴以名

正義曰蘧蒢邾子瑱之子也莊二十九年即位僖元年與魯盟于牟而云未同盟蓋據文公

為言故云未同盟劉炫以葬盟規之非也

自正月不雨至于秋七月

無傳義與二年同

大室屋壞

大廟之室

疏

注大廟之室 正義曰傳稱書不共

則於此室當共知大廟之室也明堂位曰祀周公於大廟

此周公之廟壞也不直言大廟壞而云大室屋壞者大廟

之制其簷四阿而下當其室中又拔出為重屋明堂位云

大廟天子明堂復廟重檐天子之廟飾鄭云復廟重屋也

是天子之廟上為重屋此是大廟當中之室其上之屋壞

非大廟全壞也公羊經作世室傳曰世室者何魯公之廟

也周公稱大廟魯公稱世室羣公稱宮此魯公之廟也曷
為謂之世室世室猶世世不毀也左傳不辨此是何公之
廟而經謂之大室則此室是室之最大者故知是周公之
廟非魯公也明堂位曰魯公之廟文世室也武公之廟武
世室也不毀則稱世室世室非一君廟名若是伯禽之廟
則宜舉其號謚且左氏經為大室不作世室故左氏先師
賈服等皆以為大廟之室也壞必更作書其壞而不書作
者隨即脩之故不書也定二年五月雉門及兩觀災十月
新作雉門及兩觀啓塞從
時譏其緩作故別書之耳

冬公如晉衛侯會公于

沓

沓地

狄侵衛

無傳

十有二月己丑公及晉

侯盟

十二月無己丑已丑十一月十一日

公還自晉鄭伯會公

于棐

棐鄭地

傳十二年春晉侯使詹嘉處瑕以守桃林之

塞

詹嘉晉大夫賜其瑕邑今帥衆守桃林以備秦桃林在弘農華陰縣東潼關

䟽

注詹嘉至潼關

正義曰桃林之塞在南河之南遠處晉之南竟從秦適周乃由此路使詹嘉守此塞者以秦與東方諸侯遠結恩好及西乞聘魯亦應更交餘國慮其要結外援東西圖已故使守此阨塞欲斷其來往故也 晉人患

秦之用士會也夏六卿相見於諸浮

諸浮晉地

䟽

六卿相見於諸浮正義曰六卿在朝旦夕聚集而特云相見於諸浮者將欲密謀慮其漏泄故出就外野屏人私議諸浮當是城外之近地耳 趙宣子曰隨會在秦賈季在

狄難日至矣若之何

六年賈季奔狄

中行栢子曰

請復賈季

中行桓子荀林父也僖二十八年始將中行故以為氏

能外事

且由舊勲

有狐偃之舊勲

䟽

能外事

正義曰賈季是狐突之孫狐偃之子本是狄人

能知外竟之事謂知狄之情得豫為之備

卻成子曰賈季亂且罪大

殺陽處父故

不如隨會能賤而有恥

䟽

能賤而有恥正義曰服虔

云謂能處賤且又知恥言不可汚辱

柔而不犯

不可犯以不義

其知足使

也且無罪乃使魏壽餘偽以魏叛者以誘

士會執其帑於晉使夜逸

魏壽餘畢萬之後帑後帑壽餘子

䟽

注魏壽餘畢萬之後

正義曰閔元年晉侯賜畢萬魏魏犢者萬之孫為魏之止適壽餘為魏邑之主當是犢之

親故云畢萬之後

請自歸于秦秦伯許之

許受其邑

履士

會之足於朝

躡士會足欲使行

秦伯師于河西

將取魏

魏人在東

今河北縣於秦為在河之東

壽餘曰請東人之

能與夫二三有司言者吾與之先

欲與晉人有秦者共

先告喻魏有司

疏

請東至之先有寸能堪與彼魏

正義曰請舊是東方之人并邑二三有司說歸秦之言

者吾與先行

使士會士會辭曰晉人虎狼也若

背其言臣死妻子為戮無益於君不可

悔也

辭行示已無去心

疏

臣死至悔也

正義曰言身拘死於晉妻子為戮於秦必無益於君

不可改悔

秦伯曰若背其言所不歸爾幣者有

如河

言必歸其妻
子明白如河

乃行繞朝贈之以策

策馬
過臨

別授之馬過並示己所
策以展情繞朝秦大夫

曰子無謂秦無人吾謀

適不用也

示己覺
其情

既濟魏人譟而還

喜得
士會

秦

人歸其帑其處者為劉氏

士會堯後劉累之
胤別族復累之姓

疏

注策馬過

正義曰服虔云繞朝以策書贈士會杜
不然者壽餘請訖士會即行不暇書策為辭且事既

密不宜以簡贈人傳稱以書相與皆云與書此獨不宜云
贈之以策知是馬過過杖也 其處者為劉氏 正義曰
伍員屬其子於齊使為王孫氏者知己將死豫令改族其
傳又為而發之士會之帑在秦不顯於會之身復無所辟

傳說處秦爲劉氏未知何意言此討尋上下其文不類深
疑此句或非本旨蓋以爲漢室初興捐棄古學左氏不顯
於世先儒無以自申劉氏從秦從魏其源本出劉累插注
此辭將以媚於世明帝時賈逵上疏云五經皆無證圖讖
明劉氏爲堯後者而左氏獨有明文竊謂前世藉此以求
道通故後引之以爲證耳注士會至之姓正義曰昭二
十九年傳稱陶唐氏既衰其後曰劉累能飲食龍夏王孔
甲賜氏曰御龍襄二十四年傳范宣子云句之祖自虞以
上爲陶唐氏在夏爲御龍氏在商爲豕韋氏在周爲唐杜
氏晉主夏盟爲范氏晉語云昔隰叔子違周難於晉生子
輿爲司空世及武子佐文襄輔成景是以受隨范賈逵云
隰叔杜伯之子周宣王殺杜伯其子逃奔晉子輿士蒍也
武子蒍之孫即士會也人世本土蒍生士伯缺缺生士會
會生士燮會是蒍之孫是爲堯後也會子在秦不被賜族
故自復累之姓爲劉氏秦滅魏劉氏徙大梁又
高祖之祖爲豐公又徙沛故高祖爲沛人也漢

邾文公

卜遷于繹

繹邾邑魯國鄉縣北有繹山

史曰利於民而不

利於君邾子曰苟利於民孤之利也天生民而樹之君以利之也民旣利矣孤必與焉左右曰命可長也君何弗爲邾子曰命在養民死之短長時也民苟利矣遷也吉

莫如之

左右以一人之命爲言文公以百姓之命爲主一人之命各有短長不可如何百姓之命乃傳

世無窮故徙之

遂遷于繹五月邾文公卒君子曰

知命

疏

注繹邾至繹山正義曰邾都本在鄒縣鄒縣北有繹山徙都於彼山旁山旁當有舊邑

故曰繹邾邑也邾既遷都於此竟內別有繹邑宣十年公
孫歸父帥師伐邾取繹取彼之別邑不取邾之國都也但
邾是小國彼繹邑亦取繹山為名應近邾之都耳 注左
右至徙之 正義曰史明卜筮知國遷君必死不知君命
自當卒也左右之意謂不遷命可長左右勸君勿遷以一
人之命為言也文公之意人君之命在於養民遷則民利
志在必遷以百姓之命為主也一人之命各有短長短
先定不遷亦死是不可如何百姓之命利在水土遷就善
居則民安樂乃傳世無窮也晉遷新田十世之利衛遷帝
丘卜曰三百年是傳世也 君子曰知命 正義曰俗人
見其早卒謂其由遷而死死之短長有時不遷至期亦卒
傳言君子曰知命所以證俗人之惑邾文公以莊二十九
年即位至今五十一年 秋七月大室之屋壞書

不共也

簡慢宗廟使至傾頽

疏

書不共 正義曰釋
例曰大室之屋國

所尊朽而不緒久旱遇雨乃冬公如晉朝且尋盟

衛侯會公子沓請平于晉公還鄭伯會公

于斐亦請平于晉公皆成之鄭衛貳于楚畏晉故因公請平

鄭伯與公宴于斐子家賦鴻鴈子家鄭大夫公子歸生也

鴻鴈詩小雅義取侯伯哀恤鰥寡有征行之勞言鄭國寡弱欲使魯侯還晉恤之季文子曰

寡君未免於此言亦同有微弱之憂文子賦四月四月詩小

雅義取行役踰時思歸祭祀不欲爲還晉子家賦載馳之四章載馳詩鄭風四

章以下義取小國有急欲引大國以救助文子賦采薇之四章采薇詩小

雅取其豈敢定居一月三
捷許爲鄭還不敢安居

鄭伯拜

謝公

公荅拜

疏

注子家至恤之

正義曰鴻鴈美宣王勞來諸侯之
詩也首章云之子于征劬勞于野爰及矜人哀此鰥

寡之子侯伯卿士也存省諸侯劬勞外野爰曰也矜憐也
王命之曰當及此可憐之人謂貧窮者又當哀此鰥夫寡

婦當收斂之使有依附子家言鄭寡弱欲使魯侯遠行還

晉存恤之也

注四月至還晉 正義曰四月大夫行役

之怨詩也首章云四月維夏六月徂暑先祖匪人胡寧忍
子大夫言已四月初夏而行至六月往暑矣寒暑易節尚

不得歸我之先祖非人乎王者何當施忍於我不使得祭
祀也文子言已思歸祭祀不欲更復還晉 注載馳至救

助 正義曰載馳許穆夫人聞衛之滅思歸唁兄之詩也
其四章曰陟彼阿丘言采其蕪女子善懷亦各有行許人

尤之衆釋且狂其五章曰我行其野芄芄其麥控于大邦
誰因誰極大夫君子無我有尤百爾所思不如我所之此

義取小國有急控告大國文在五章而傳言四章故云四章以下言其并賦五章注一月三捷正義曰捷勝也三者謂侵也伐也戰也

經十有四年春王正月公至自晉無傳告於廟邾

人伐我南鄙叔彭生帥師伐邾夏五月乙

亥齊侯潘卒七年盟于扈乙亥四月二十九日書五月從赴疏注七年至從赴

正義曰齊世家孝公卒弟潘殺孝公子而立是為昭公昭公則以僖二十八年即位其年盟于踐土據文公言之唯同扈之盟耳杜以長曆校之知乙亥是四月二十九日書五月從赴者蓋赴以五月到唯言卒日不言其月即書其所至六月公會宋公陳侯衛侯鄭伯許男

曹伯晉趙盾癸酉同盟于新城

新城宋地在梁國穀

熟縣秋七月有星孛入于北斗

孛彗也既見而移入北斗

非常所有故書之

疏

注孛彗至書之正義曰公羊傳曰孛者何彗星也其言入于北斗何北斗有中

何以書記異也穀梁傳曰孛之爲言猶弗也其曰入北斗斗有環域也釋天云彗星爲攬槍郭璞曰妖星也亦謂之孛言其形孛孛似掃彗也經言入于北斗則從他處而入是既見而移入北斗也彗星長有尾入于北斗杓中妖星非

常所有故書

公至自會

無傳

晉人納捷菑于邾弗

克納

邾有成君晉趙盾不度於義而大興諸侯之師涉邾之竟見辭而退雖有服義之善所與者廣所害

者衆故

疏

納捷菑于邾正義曰捷菑不言邾者下有于邾之文莊公伐齊納子糾不言齊者上有

伐齊之文與此同也僖二十五年楚人圍陳納頓子千頓
昭十二年齊高偃納北燕伯于陽彼舊是國君故稱其國
哀二年晉趙鞅納衛世子蒯聵于戚世子之尊以名體國
上下又無衛文故亦稱國與此異也齊小白齊陽生許叔
蔡季之屬經無納文又復得國與此不同也劉炫云已去
邾國又非邾君故不稱邾捷菑也得國爲君皆舉國言之
齊小白入

九月甲申公孫敖卒于齊

既許復之故從

大夫例

疏

注既許至書卒 正義曰傳稱請葬不許明

年傳云葬視共仲則是不得從大夫禮葬而得從大夫例書卒者卒葬異禮事不相連隱公書薨不書葬不成喪不以君禮成其喪也不以君禮猶得書公薨敖雖不以卿禮葬既許
齊公子商人弑其君舍
合未

其復得從例書卒
踰年而稱君者先君既葬舍已即位弑君例在宣四年

疏

注舍未至四年 正義曰公羊之例既葬稱子

踰年稱公左氏則不然僖九年九月晉侯詭諸卒冬晉里克殺其君之子奚齊傳曰書曰殺其君之子未葬也荀息立公子卓以葬十一月里克殺公子卓于朝經書里克弑其君卓是未葬稱子既葬稱君不待踰年始稱君也此稱弑其君舍舍已成君故云未踰年而稱君者先君既葬舍已即位也傳云五月昭公卒舍即位後七月爲商人所弑經傳無葬昭公之文又齊侯以五月而卒傳稱七月弑舍時未合葬知已葬者正以舍已稱君決知既葬春秋之世多不如禮葬之早晚時有遲速雖復違禮而葬後君葬訖即成成君非計禮之葬日始成君也宣十年夏四月齊侯元卒六月葬齊惠公冬齊侯使國佐來聘是葬速成君之文也杜以成君在於既葬不以踰年爲限此言未踰年者意在排舊

說也

宋子哀來奔

大夫奔例書名氏貴之故書字

疏

注大夫至書字

正義曰崔杼無罪書崔氏出奔此貴子哀書其字者於例字貴於名故儀父女叔之徒皆書其字則書字是貴之常

例也崔氏傳曰且告以族
故因稱氏唯以不名為義

冬單伯如齊

單伯周卿士為魯如

齊故

齊人執單伯

諸侯無執王使之義故不依行人例

疏

注諸侯至人例

正義曰諸侯執諸侯之大夫無罪則稱行人以見無罪之
義王者之使不問有罪無罪諸侯皆不得執之執之則為
不臣以諸侯無執王使之義故單伯不依行人例言單伯
身雖無罪不依使例故不稱行人也諸侯不得執王使而
諸侯之史得貶王使者史之所書周公定法
已君有過猶尚書之王使有愆亦得貶也

齊人執

子叔姬

叔姬魯女齊侯舍之母不稱夫人自魯錄之父母辭

疏

注叔姬至母辭正義曰傳稱子

叔姬妃齊昭公知舍之母也不稱夫人自魯錄之父母辭
亦不知是何公之女魯是其父母家不言文公是其父稱
子叔姬者服云子殺身執閔之故言子為在室
辭十二年子叔姬卒已被杞絕是並在室也

傳十四年春頃王崩周公閱與王孫蘇爭政

故不赴凡崩薨不赴則不書禍福不告亦

不書

奔亡禍也
歸復福也

懲不敬也

欲使怠慢
者自戒

疏

注奔亡
至福也

正義曰因崩薨而言禍福則禍亦崩薨之類福是反禍者也福莫大於享國有家禍莫甚於亡家喪國禍亦崩薨之類相次之物且奔亡歸復其事多矣雖有出入之例未見不告之義此傳於崩薨之末言之故知奔亡是禍歸復是

福也

邾文公之卒也

在前年

公使弔焉不敬邾

人來討伐我南鄙故惠伯伐邾子叔姬妃

齊昭公生舍叔姬無寵舍無威公子商人

驟施於國

驟數也商人桓公子

而多聚士盡其家貨

於公有司以繼之

家財盡從公及國之有司富者貸

夏五月

昭公卒舍即位邾文公元妃齊姜生定公

二妃晉姬生捷菑文公卒邾人立定公捷

菑奔晉六月同盟于新城從於楚者服

從楚

者陳鄭宋

且謀邾也

謀納捷菑

秋七月乙卯夜齊商人

弑舍而讓元

元商人兄齊惠公也書九月從告七月無乙卯日誤

元曰爾求

之久矣我能事爾爾不可多蓄憾

不為君則恨多

春秋左傳卷之三
將免我乎爾爲之

言將復殺我

疏

將免我乎正義曰言爾已殺君矣

我若爲君爾將肯放免我乎言特復殺我劉炫云爾將免我爲君之事乎

有星孛入于

北斗周内史叔服曰不出七年宋齊晉之

君皆將死亂

後三年宋弑昭公五年齊弑懿公七年晉弑靈公史服但言事徵而不論

其占固非末學所得詳言

疏

注後三至詳言正義曰昭十七年傳申須云彗所以除舊布新也天事恒象

又二十六年傳晏子曰天之有彗也以除穢也宋齊晉三國之君並爲無道皆有穢德今彗出而彼死是除穢之事但木朔何以知此三君當之史服但言事徵不言其占非末學所得詳言故言其驗而不推其義

晉趙

盾以諸侯之師八百乘納捷菑于邾

八百乘六

萬人言力有餘邾人辭曰齊出糴且長糴且定公宣子曰

辭順而弗從不祥乃還立適以長故曰辭順周公將與

王孫蘇訟于晉王叛王孫蘇王匡王叛不與而使

尹氏與聃啓訟周公于晉訟理之尹氏周卿士聃啓周大夫趙

宣子平王室而復之使復和親楚莊王立穆王子也

子孔潘崇將襲羣舒使公子燮與子儀

守而代舒蓼舒即羣舒二子作亂城郢而使賊

殺子孔不克而還八月二子以楚子出將

如商密

國語曰楚莊王幼弱子儀爲師王子變爲傳

疏

國語至爲傳正義曰楚語蔡聲子云楚

莊王方弱申公子儀父爲師王子變爲傅使潘崇子孔帥師以伐舒變及儀父施二帥而分其室師還至則以王如廬廬戢黎殺二子而復生廬戢黎及叔麋誘之遂殺

鬬克及公子變

廬今襄陽中廬縣戢黎廬大夫叔麋其佐鬬克子儀也

初

鬬克囚于秦

在僖二十五年

秦有殺之敗

在僖三十三年

而使歸求成成而不得志

無賞報也

公子

變求令尹而不得故二子作亂

傳言楚莊幼弱

國內亂所以不能與晉競

穆伯之從已氏也

在八年

魯人立文

伯穆伯之子穀也穆伯生二子於莒而求復文伯

以爲請襄仲使無知聽命復而不出不得使與聽政

事終寢於家故出入不書三年而盡室以復適莒文伯疾

而請曰穀之子弱子穀戲子年尚幼請立難也難穀弟

許之文伯卒立惠叔穆伯請重賂以求復

惠叔以爲請許之將來九月卒于齊告喪

請葬弗許請以卿禮葬宋高哀爲蕭封人以爲

卿蕭宋附庸仕附庸還升爲卿不義宋公而出遂來奔出而

待放從放所
來故曰遂

書曰宋子哀來奔貴之也

貴其不食

汚君之祿
辟禍遠也

疏

注蕭宋至為卿 正義曰蕭本宋邑莊十
二年宋萬弒閔公蕭叔大心者 蕭邑之

大夫也平宋亂立桓公宋人賞其勞以蕭邑封叔為附庸
莊二十二年蕭叔朝公是為附庸故稱朝附庸宋國故云

宋附庸也宣十二年楚子滅蕭此時蕭國
仍在高哀仕於蕭國遂被拔擢升為宋卿

齊人定懿

公使來告難故書以九月

齊人不服故三月而
後定書以九月明經

日月皆
從起

齊公子元不順懿公之為政也終

不曰公曰夫已氏

猶言
某甲

疏

注齊人至從赴 正
義曰商人實以七月

試舍取其位而齊人未服三月而後定定訖始來告不告
舍死之月唯言商人弒舍魯史以其九月來告即書之於

九月如此傳文告以九月即書九月明經之日月皆從赴而書非褒貶詳略也杜言此者排先儒言日月有褒貶之義注猶言某甲正義曰心惡其政不以爲公凡與人言欲稱君者終不謂之爲公曰夫已氏片懿公之名也劉

云甲已俱是名故云猶言某甲

襄仲使告于王請以王寵求

昭姬于齊

昭姬子叔姬

曰殺其子焉用其母請

受而罪之冬單伯如齊請子叔姬齊人執

之

恨魯恃王勢以求女故

又執子叔姬

欲以恥辱魯

經十有五年春季孫行父如晉三月宋司

馬華孫來盟

華孫奉使鄰國能臨事制宜至魯而後定盟故不稱使其官皆從故書司

馬

疏

注華孫至司馬 正義曰成三年晉侯使荀庚來聘衛侯使孫良夫來聘丙午及荀庚盟丁未及孫

良夫盟彼先以君命行聘禮既而別與之盟故書聘又書盟此雖使來聘魯不令結盟故書盟不稱使也僖四年楚屈完來盟于師即其比也諸侯之卿例書名氏以華耦能率其屬宮備禮盡儀故貴其人書其官也八年宋人殺其大夫司馬宋司城來奔唯言其官不言氏族此既書司馬復曰華孫者劉炫云或以為華耦貴之既深故特書族案傳華耦魯人以為蔽則君子不許是魯貴之不深蓋史有文質故辭有詳略也 夏曹伯來朝

齊人歸公孫敖之喪

大夫喪還不書善魯感子以赦父躬公族之恩崇仁孝之

教故特錄敖喪歸以示義

疏

注大夫至示義 正義曰桓十八年公之喪至曰齊僖元年夫人氏之喪至自

齊二注皆云告於廟也是公與夫人薨于外竟皆啓廟告至例書於策宣八年仲遂子垂成十七年公孫嬰齊卒

于廋服皆不書喪至是大夫喪還例不書此獨書齊人歸公孫敖之喪者釋例曰公孫敖縱情棄命既已絕位非大夫也而備書於經者惠叔毀請於朝感子以赦父躬公族之恩崇仁孝之教故曰爲孟氏月國故是也不言來者魯人取之齊人送之非有專使特來故不言來哀八年齊人歸讎及闡注云不言來命歸之無指使此亦彼之類也六

月辛丑朔日有食之鼓用牲于社

傳例曰非禮也

單

伯至自齊晉卻缺帥師伐蔡戊申入蔡

傳例

曰獲大城曰入

秋齊人侵我西鄙季孫行父如晉

冬十有一月諸侯盟于扈

將伐齊晉侯受賂而止故摠曰諸侯言不

足序

十有二月齊人來歸子叔姬

齊人以王故來送子

叔姬故與直出者異文

疏

注齊人至異文歸是直出之文也

正義曰傳例出曰來

叔姬故與直出異文也使者卑微不可言齊侯使人故云齊人來歸九年秦人來歸僖公成風之禭定十年齊人來歸鄆譙龜陰之田成九年晉人來媵之類皆是來者微賤不得稱君命故舉國稱人

齊侯侵我

西鄙遂伐曹入其郭

郭郭也

傳十五年春季文子如晉為單伯與子叔

姬故也

因晉請齊

三月宋華耦來盟其官皆從

之書曰宋司馬華孫貴之也

古之盟會必備威儀崇贊幣賔

望以成禮為敬故傳曰卿行旅從春秋時率多不能備儀華孫能率其屬以從古興所以敬事而自重使重而事敬

則魯尊而禮篤故貴而不名

公與之宴辭曰君之先臣督得

罪於宋殤公名在諸侯之策臣承其祀其

敢辱君

耦華督曾孫也督弑殤公在桓二年耦自請以罪人子孫故不敢屈辱魯君對共宴會

承命於亞旅

亞旅上大夫也

魯人以爲敏

無故揚其先祖之罪是不

敏魯人以爲敏明

疏

注古之至不名正義曰杜檢傳文諸言書曰者皆是仲尼新意此

君子所不與也

云其官皆從即云書曰司馬貴之明是貴其官從故書其官也聘禮之文有上介衆介至所聘之國誓于其竟則史讀書司馬執策賈人拭玉有司展幣其從羣官多矣詩歸蠻之篇言大臣出行微臣隨從傳稱卿行旅從昭六年楚公子棄疾聘晉至於鄭竟而誓知其從人多矣盟會禮重於聘知古之盟會必備威儀崇贄幣賓之與主以成禮爲

敏故傳云其官皆從貴之也春秋之時率多不能備其儀故傳每言一箇行李是也華孫今獨能率其官屬以從古典所以敬其君事而自鎮重也使人既重而承事恭敬則魯被辱而賓禮篤也奉使鄰國能尊主厚禮是可貴之事故仲尼貴而不名至宴無故揚其先祖之罪爲已謙辭是不敏之極魯人以爲敏明君子所不與言仲尼貴其官從君子嗤其失辭有善有惡傳兩舉之也釋例曰古之盟會必備禮儀示等威明貴賤各以成禮爲節制兼備則名位不愆華孫居擾攘之世而能率由古典所以敬事而自重使重而事敬則魯尊而禮篤故貴之也至於宴會追稱先人之罪爲已謙辭謙以失辭故傳云魯人以爲敏明君子所不與也是言善惡兩舉之事也襄五年傳曰楚殺其大夫公子壬夫貪也君子謂楚共王於是不刑言貪也罪壬夫不刑責共王亦是兩舉之文其事類於此也服虔云華耦爲卿侈而不度以君命脩好結盟舉其官屬從之空官廢職魯人不知其非反尊貴之其意以爲貴之者魯人

貴之非君子貴之案經成父與魯結好子哀不義宋公城效節來奔單伯自齊命傳皆言書曰貴之實善而貴之也此亦云書田司馬孫貴之何故惡而貴之也劉炫又難云此爲不知其非成父豈亦魯不知其非而貴之乎孔子脩春秋裁其得夫其藥貶善惡章於其篇感否示於來世若魯人所善亦古之所惡亦惡之已無心於抑揚遂逐魯人之善惡前筆之勞何所施用約之以理豈其然哉其官皆從謂共聘之官無關富有留治政者豈舉朝盡行而責其空官也若以從即責空官聘禮官屬不少豈周公妄制禮乎注亞旅上大夫也正義曰尚書牧誓武王呼羣官而誓曰司徒司馬司空旅孔安國云亞次也旅衆也衆大夫其位卿成二年傳魯賜晉三帥三命之服候正亞旅受一命服皆卿後即次亞旅知是上大夫也華孫不敢當君請上大夫之宴魯人正義曰

魯人

夏曹伯來朝禮也諸侯五年再相

鈍之人

朝以脩王命古之制也

十一年曹伯來朝雖至此乃來亦五年傳爲冬

齊侯伐曹張本

疏

諸侯至制也侯之邦交

正義曰周禮大行人云凡諸侯相朝皆小國朝於大國或敵

立云父死子立曰世凡諸侯相朝皆小國朝於大國或敵國相爲賓或彼君新立此往朝爲或此君新即位自往朝彼皆是世相朝也襄元十來朝傳曰凡諸侯即位小國朝之是此新立而彼朝之也文九年曹伯襄卒十一年曹伯來朝傳曰即位而不見也是彼新立而朝此也則知春秋之時猶有世相朝也公與周禮合也周禮諸侯邦交唯有此法無五年再朝之制此云古之制也必是古有此法但禮文殘缺未知古是一何時鄭立云古者據今而述前代之言夏殷之時天子蓋六年一巡狩諸侯間而朝天子其不朝者朝罷朝五年再朝者似如此然則古者據今時而道前世耳不必皆道前代傳稱古者越國而謀非謂前代之人有此謀也古人不言非謂前代之人有此言也詩

云我思古人非思夏殷之人也此云古者亦非必夏殷鄭
言夏殷禮非也僖十五年公如齊杜云諸侯五年再相朝
禮也引此證彼則是當時正法非謂前代禮也或人見僖
公朝齊杜引此爲證遂言五年再相朝是事霸主之法然
則魯非霸主曹伯何以朝之曹豈雅魯爲霸主而屈已以
朝之也且云古之制也則是古之聖王制爲此法天子不
衰諸侯無霸明德天子豈慮世事霸王威權不行而爲之
制此法歐諸侯以朝之此不達理之言耳然則諸侯之邦
交者將以協近鄰結恩好安杜稷息民人土宇相望竟界
連接一卅一朝䟽闊天甚其於間服之年必有相朝之法
周禮言世相朝者以其一舊一新彼此未狎於此之際必
須往朝舉其禮之大者不言唯有此事五年再相朝正是
周禮之制周禮之不具耳文襄之霸其務不煩諸侯以五
年再朝往來大數更制三年一聘五年一朝所以說諸侯
也五年一朝者亦謂朝大國耳且彼因說弔葬非獨霸主
之喪明使諸侯相共行此禮也霸王遭時制宜非能創制

改物諸侯或從時令或奉舊章此在文襄之後仍守舊章
故五年再相朝也傳言古之制以文襄已改故也昭十三
年歲聘間朝是周之諸侯朝天子之法故釋例引之云明王
之制朝聘以志業以解朝聘之數尚書周官六年五服一
朝孔傳云一朝會京師是再朝甸會周之正禮也若然大
行人云侯服一歲一見甸服二歲一見男服三歲一見采
服四歲一見衛服五歲一見要服六歲一見何於服數朝
者大行人所云謂貢物而見或君自至或遣臣來除此貢
物之外別有朝會之禮沈氏以爲諸侯五年再相朝及昭
十三年皆爲朝牧伯之法以間朝以講禮與再朝而會是
三歲之朝與六年之朝大率言之是五年之內再相朝也
但魯非曹之伯國而沈云朝牧伯之禮又昭十三年朝盟
主之法亦無明證沈氏之言未可從也

齊人或爲孟氏謀

孟氏公孫
敖家慶父

爲長庶故
或稱孟氏

曰魯爾親也飾棺寘諸堂阜

堂阜
齊魯

竟上地飾棺不殯示無所歸魯必取之從之卞人以告

邑大惠叔猶毀以為請教卒則惠叔請之至今期年而猶未已毀過喪

禮立於朝以待命許之取而殯之殯於孟氏之寢終叔

服之言齊人送之書曰齊人歸公孫敖之喪

為孟氏且國故山為惠叔毀請且國之公族故聽其歸殯而書之葬視

共仲制如慶父皆以罪降疏江孟氏至孟氏正義曰公孫敖慶父之子杜以慶父與莊公異母

庶長稱孟雖疆同於適曰稱為仲以其實是長庶故時人或稱孟氏注堂阜至正義曰喪大託云飾棺君

龍帷黼荒火三列黻三列素錦褚加帷荒纁紐六大夫畫帷畫荒火三列黻三列素錦褚纁紐二玄紐二鄭玄云

飾棺者以華道路及壙中不欲使衆惡其親也荒冢山在
旁曰帷在上曰荒皆所以示柳也士布帷布荒君大夫加
文章焉黼荒緣邊爲黼文黻荒緣邊爲雲氣火黻爲列於
其中耳褚以襯覆棺乃加帷荒於其上紐所以連結帷荒
者也禮之飾棺唯有此耳齊人教之飾棺蓋依此大夫之
制而爲之飾置諸堂阜故爲不殯示無所歸冀魯人哀之
也沈氏云飾棺即雜記云諸侯死於道其輅有綈緇布裳
帷素錦以爲屋而行大夫死於道以布爲輅而行義或當
然注卞人魯卞邑大夫正義曰治邑大夫例呼爲人
孔子父爲鄆邑大夫謂之鄆人知此卞人是卞邑大夫其
邑近堂阜故見之而告魚君注敖卒至喪禮正義曰
敖卒已向周年猶尚毀以爲請知敖卒即請至今未已也
傳言猶毀是不復應毀然知毀過喪禮也劉炫云敖去年
九月卒至今年夏據月未市不得稱期年今知非者註以
傳云惠叔猶毀據日月之久欲盛言其遠故云期年但首
尾二年亦得爲期年之義劉以未周十二月而規杜氏非

也聲已不視惟堂而哭

聲已惠叔母怨故從呂女故惟堂

仲欲勿哭

怨故取其妻

惠伯曰喪親之終也

惠伯

叔彭生雖不能始善終可也

疏

惟堂禮弓云尸未設

飾故惟堂小歛而徹作至大歛之節又惟堂以至於殯惟堂雜記云朝夕哭則不惟今聲已恨穆伯故朝夕哭仍惟堂禮弓又云惟殯非古古徹姜之哭穆伯始也與此相類也敬姜者穆伯妻文伯之母也穆伯季悼子之子公

甫靖與教非一人

史佚有言曰兄弟致美

各盡其美義乃終救

乏賀善弔災祭敬喪哀情雖不同母絕其

愛親之道也子無生道何怨於人襄仲說

帥兄弟以哭之



祭敬至道也

正義曰祭敬者

喪哀者謂兄弟死喪之事獨其哀也情雖不同謂內相怨恨情雖不能和同當無絕其愛是相親之道也

其二子來

敖在苦所生

孟獻子愛之聞於國

獻子

穀之子仲孫蔑

或譖之曰將殺子獻子以告季文子

二子曰夫子以愛我聞我以將殺子聞不

亦遠於禮乎遠禮不如死一人門子句躄

一人門于戾丘皆死

句躄戾丘魯邑有寇攻門二子禦之而死



注

正義曰句躄戾立有寇攻門不書

六月

云魯國中小寇非其國侵伐故不書也

丑朔日有食之鼓用牲于社非禮也

得常鼓之月而

於社用牲為非禮

疏

注得常至非禮正義曰此與莊二十五年經文正同彼傳云非常此傳云非禮者彼失

常鼓之月言鼓之為非常此得常鼓之月而用牲為非禮彼云六月實是七月傳因日月之變以起時歷之誤故釋例曰文十五年與莊二十五年經文皆同而更復發傳曰非禮者明前傳欲以審正陽之月後傳發例欲以明諸侯之禮而用牲為非禮也此乃聖賢之微旨而先儒所未喻也是解二傳不同之意
日有食之天

子不舉

去盛

疏

注去盛饌正義曰周禮膳夫掌王之食飲膳羞以養王及后世子王日

一舉鼎十有二物皆有俎天地有災則不舉鄭玄云殺牲盛饌曰舉今云天子不舉是去盛饌與膳食也

伐鼓

于社

責羣陰伐猶擊也

疏

注責羣陰伐猶擊也正義曰社祭土而主陰氣也君南

北壙下答陰之義也論語云鳴鼓而攻之伐鼓者是攻主
之事故云責羣陰也日食者陰侵陽故責陰以救日孔安
國尚書傳云凡日食天子伐鼓于社責上公然則社以上公
配食天子伐鼓以責羣陰亦以責上公也諸侯用幣于社請上
公亦以請羣陰也互相備也

諸侯用幣于社

社尊於諸侯故請
殺而不敢責之

疏

注社尊至責之

正義曰昭二十九年傳曰封為上
公祀為貴神社稷五祀是算是奉是社為上公之神

尊於諸侯禮用幣者皆是告請神明之事以社尊故用幣
請救而不敢攻責也陰侵陽而請陰者請止而勿侵陽也

伐鼓于朝

退自責

以昭事神訓民事君

天子不舉諸侯

用幣所以事神尊卑異制所以訓民

疏

注天子至訓民

正義曰天子不舉自貶食耳而以為事神者畏敬

神明乃自貶損微膳不舉亦是事神之義故通以不舉為事神也

示有等威古之道

也

等威儀之等差

齊人許單伯請而赦之使來致

命

以單伯執節不移且畏晉故許之

書曰單伯至自齊貴之

也

單伯爲魯拘執既免而不廢禮終來致命故貴而告廟

新城之盟

在前年

蔡

人不與

不會盟

晉卻缺以上軍下軍伐蔡

兼帥

二

軍曰君弱不可以怠

怠解也

戊申入蔡以城

下之盟而還凡勝國曰滅之

勝國絕其社稷有其土地

獲

大城焉曰入之

得大都而不有

疏

凡勝至入之此傳已發凡例襄十三

正義曰

年復發傳云用大師曰滅弗地曰入再發例者兵之所加不可細舉故舉舊策之典以例而言用大師起大衆重

以陷敵因而有之故曰勝國通以滅爲文也以成師重
雖獲大城得而弗有故直以出入爲辭曰入之而已城不
包地國不通邑滅邑必主大師是故再發例也

秋齊人侵我西鄙故季

文子告于晉冬十一月晉侯宋公衛侯蔡

侯陳侯鄭伯許男曹伯盟于扈尋新城之

盟且謀伐齊也

齊執王使且數伐魯

齊人賂晉侯故

不克而還於是齊難是以公不會

明今不序

書曰諸侯盟于扈無能爲故也

惡其

受賂不能討齊凡諸侯會公不與不書諱君惡也

謂國無難不會義事故為惡不書謂不國別序諸侯

與而不書後也

謂後期也

今貶諸侯似為公諱故傳發例以明之

疏

凡諸侯至後也

正義曰七年公會諸侯晉大夫盟于扈傳曰

公後至故不書所會因發例云凡會諸侯不書所會後也後至不書其國辟不敏也彼乃義事而公後期諱若之惡故摠稱諸侯此亦摠稱諸侯不書非公之罪而經文相似傳辯其嫌故更復發例而以善形惡凡諸侯為義事聚會而公不與則不歷書諸國諱惡也若公實與會而亦不書諸國為公後期也即七年扈之盟是也今於此會受賂舍罪致使魯有齊襄公賂不與非公之罪經與後期文同似為公諱故傳發例以明之此會公雖不與非公惡也

齊人來歸子叔姬王故也

單伯雖見執能守節不移終達王命使叔姬得

歸

齊侯侵我西鄙謂諸侯不能也

不能討

遂伐曹入其郛討其來朝也

此年夏朝

季文子

曰齊侯其不免乎已則無禮

執王使而伐無罪

而討

於有禮者曰女何故行禮禮以順天天之

道也

疏

曰女至道也而爲之辭也

正義曰言曰者原齊侯之意責曹曰女何故行禮謂責於朝

魯也天道以卑承尊人道以小事大禮者自卑而尊人朝者謙順以行禮行禮以順天是天之道也

已則

反天而又以討人難以免矣詩曰胡不相

畏不畏于天

詩小雅

疏

詩曰至于天

正義曰此詩小雅雨無正之篇胡何

也詩人責朝廷之臣女羣臣上下何以不始畏乎女上下不相畏乃是不畏于天也

君子之不

虐幼賤畏于天也在周頌曰畏天之威于

時保之

詩周頌言畏天威于是保福祿

不畏于天將何能保

以亂取國奉禮以守猶懼不終多行無禮

弗能在矣

為十八年齊弑商人傳

經十有六年春季孫行父會齊侯于陽穀

齊侯弗及盟

及與也

夏五月公四不視朝

諸侯每月

必告朔聽政因朝於廟今公以疾闕不得視二月三月四月五月朔也春秋十二公以疾不視朔非一也義無所取故特舉此以表行事因

疏

注諸侯至詐齊正義曰天明公之實有疾非詐齊子頌朔於諸侯諸侯受而

之於祖廟每月之朔以待羊告人受而施行之遂聽治
月之政謂之視朔因以其日又以朝享之禮祭皇考以下
謂之朝廟此年公疾自二月至於五月已經四月不得視
朔故書公四不視朔傳稱正月及齊平公有疾使季文子
會齊侯則正月初疾不得視二月朔至五月而四故知不得
視二月三月四月五月朔也春秋十二公二百四十二年計有
三千餘月公以疾不視朔當非一也餘皆不書而此獨書
者公身有疾不得視朔國事不廢義無所取因此齊侯疑
公故特舉此以表行事餘皆從可知也釋例曰魯之羣公以
疾不視朔多矣因有事而見一比猶釋不朝正之義是其
事也又於時齊侯不信公實有疾書此者且明公實有疾非
詐齊也史之所書當書其始不於二月書之而以五月書者
二月公始有疾未知來月瘳否不得豫書其數至六月公
瘳乃積前數之闕故以五月書四也昭二十三年公如晉
至河有疾乃復彼書有疾此不言有疾者在道而還容有
他故昭十二年十三年公如晉至河乃復皆爲晉人辭公而

還非為疾也故須言有疾以辯之公不視朔唯有疾耳無所分辯故不書疾也告朔謂告於祖廟視朔謂聽治月政視朔由公疾而廢其告朔或有司告之不必寢也論語云于貢欲去告朔之餼羊必是廢其禮而羊在蓋從是以後更有不告朔者故欲去其羊耳六年閏月不告月書經以譏之在後若不告朔不復書之者蓋以閏月不告其譏已明故於後不復譏之閏二年古禘于莊公已譏其遠丈二年大事于大廟不復譏之當亦如彼之類不重譏也

六月戊辰公子遂及齊侯盟于鄆丘

信公疾且

以賂故鄆丘齊地

秋八月辛未夫人姜氏薨

僖公夫人文公

母也毀泉臺

泉臺臺名毀壞之也

楚人秦人巴人滅庸

冬十有一月宋人弑其君杵臼

稱君君無道也例在宣四年

傳十六年春王正月及齊平

齊前年再伐魯魯為受弱故平

公有疾使季文子會齊侯于陽穀請盟齊

侯不肯曰請侯君間

間疾

夏五月公四不

視朔疾也公使襄仲納賂于齊侯故盟于

鄆丘有蛇自泉宮出入于國如先君之數

伯禽至信公十上君

秋八月辛未聲姜薨毀泉臺

魯人

焉蛇妖所出而

疏

注伯禽至七君

正義曰魯世家

幽公國弟微公潰子厲公權弟獻公具子順公湣弟武公敬子懿公戲弟孝公稱子惠公弗皇子隱公息姑弟桓公

允子莊公同子閔公開兄僖公申周公不之魯從魯公數
之爲十七君也 毀泉臺 正義曰蛇自宮出而毀其
臺則臺在宮內人見從宮而出毀臺并毀其宮也 注魯
人至壞之 正義曰人見蛇出而姜薨以爲臺是妖之穴
仍謂此處有妖更將爲害毀之所以絕其源安民意也故
釋例曰衆蛇自泉臺出如先君之數入於國聲姜之薨適
與妖會而國以爲災遂毀泉臺書毀而不變文以示義者
君人之心一國之俗須此爲安故不譏也以不變文知不
譏也不書蛇入國者黠鵠非魯國之有故書其所無 楚
蛇是魯地所有姜薨不由此蛇凡物不爲災則不書也

大饑戎伐其西南至于阜山師于大林又

伐其東南至于陽丘以侵訾枝

戎山夷也大
林陽丘訾枝

皆楚
邑

庸人帥羣蠻以叛楚

庸今上庸縣
屬楚之小國

麇

人率百濮聚於選將伐楚

選楚地百濮夷也

於

是申息之北門不啓

備中國

楚人謀徙於阪高

楚險地

蔣賈曰不可我能往寇亦能往不如

伐庸夫麋與百濮謂我饑不能師故伐我

也若我出師必懼而歸百濮離居將各走

其邑誰暇謀人乃出師旬有五日百濮乃

罷

濮夷無屯聚見難則散歸

自廬以往振廩同食

往往伐庸也振發也

廩倉也同食上下無異饌也

次于句滋

楚西界也

使廬戢黎侵

庸

戰黎廬大夫

及庸方城

方城庸地上庸縣東有方城亭

庸人逐

之因子揚窓

窓戰黎官屬

三宿而逸曰庸師衆

羣蠻聚焉不如復大師

還復句蒞師

且起王卒

合而後進師叔曰不可

師叔楚大夫潘圻也

姑又與之

遇以驕之彼驕我怒而後可克先君蚡冒

所以服陘隰也

蚡冒楚武王父陘隰地名

又與之遇七遇

皆北

軍走曰北

唯裨僚魚人實逐之

裨僚魚庸三邑魚魚復縣

今巴東永安縣輕楚故但使三邑人逐之

庸人曰楚不足與戰矣遂

不設備楚子乘駟會師于臨品

駟傳車也
臨品地名

分爲二隊

隊部也兩
道攻之

子越自石溪子貝自仞

以伐庸

子越闕椒也石
溪仞入庸道

秦人巴人從楚師羣

蠻從楚子盟

蠻見楚
疆故

遂滅庸

傳言楚有
謀臣所以

興

疏

注戎山夷也
正義曰四夷之名隨方定稱則

曰東夷西戎南蠻北狄其當處立名則各從方

號故北戎病燕齊侯伐山戎北方得有戎故楚西亦
有戎戎是山間之民夷爲四方摠號故云戎山夷也

注選楚地百濮夷也

正義曰將欲伐楚聚於此地

故知是楚地也牧誓武王伐紂有庸濮從之孔安國

云庸濮在江漢之南是濮爲西南夷也釋例曰建寧郡南
有濮夷濮夷無君長摠統各以邑落自聚故稱百濮也下

云各走其邑是無君長統之申息之北門不啓正義
曰申息北接中國有寇必從北來故二邑北門不敢開也

注蚡冒至地名

正義曰劉炫云案楚世家蚡冒卒弟熊

達殺蚡冒子而代立是為楚武王則蚡冒是兄不得為父
今知不然者以世家之文多有紕繆與經傳異者非是一
條杜氏非不見其文但見而不用耳劉以世家而規杜非
也言服陘隰則陘隰本是他國蚡冒始服之也釋例陘隰
與僖四年次于陘為一地潁川召陵縣南有陘亭楚自武
王始居江漢之間則蚡冒之時未至中上不應已能越申
息遠服潁川之邑疑非也注駟傳車也正義曰釋言

云駟傳也舍人曰駟尊者之傳也郭璞曰傳車驛馬之名也

宋公子鮑禮於國

人鮑昭公庶弟文公也

宋饑竭其粟而貸之年自七十

以上無不饋詒也時加羞珍異

羞進也

無日

不數於六卿之門

數不

國之材人無不事

也

有賢材者

親自相以下無不恤也

相鮑之曾祖

公子

鮑美而豔襄夫人欲通之

鮑適祖母

而不可

禮以

自防閑

乃助之施昭公無道國人奉公子鮑

以因夫人於是華元爲右師

元華督曾孫代公子成

公

孫友爲左師華耦爲司馬

代公

鱗鱓爲司

徒蕩意諸爲司城公子朝爲司寇

代華御事

初

司城蕩卒公孫壽辭司城

壽蕩之子

請使意

諸爲之

意諸壽之子

既而告人曰君無道吾官

近懼及焉

己禍及

弃官則族無所庇子身

之貳也姑紓死焉

姑且也紓緩也

雖亡子猶不亡

族

己在故也

既夫人將使公田孟諸而殺之公

知之盡以寶行蕩意諸曰盍適諸侯公曰

不能其大夫至于君祖母以及國人

君祖母諸侯祖

母之稱謂襄夫人

諸侯誰納我且既爲人君而又爲

人臣不如死盡以其寶賜左右而使行

法行

也夫人使謂司城去公對曰臣之而逃其

難若後君何

言無以事後君

冬十一月甲寅宋昭

公將田孟諸未至夫人王姬使帥甸攻而

殺之

襄夫人周襄王姊故稱王姬帥甸郊甸之帥

蕩意諸死之

不書不告

書曰宋人弑其君杵臼君無道也

始例發於臣之

罪今稱國人故重明君罪

文公即位使母弟須爲司城

代意

諸華耦卒而使蕩虺爲司馬

虺意諸之弟

疏

宋公

至恤也正義曰禮於國人摠言接待之也竭其粟而貸邦國之飢民也禮與人物曰饋詒遺也饋詒皆是典之屬

之名也民年自七十以上無有不饋遺以飲食也珍異謂非常美食羞進也時加進珍異者謂四時初出珍異之物也無有一日不數數於六卿之門言參請不絕也國之賢材之人無不事公子皆事之也其族親自桓公以下子孫無不恤公子皆賑恤之也 注元華督曾孫 正義曰世本云華督生世子家家生華孫御事事生華元右師是也 注君祖至夫人 正義曰哀十六年傳蒯聵告周云蒯聵得罪于君父君母謂母爲君母則祖母爲君祖母矣故云君祖母者諸侯祖母之稱也昭公成公之子襄公之孫故襄夫人是其祖母也 注襄夫至之師 正義曰周禮戴師云以宅田士田賈田任近郊之地以官田牛田賞田牧田任遠郊之地以公邑之田任甸地以家邑之田任稍地以小都之田任縣地以大都之田任疆地凡任地近郊十畝一遠郊二十而三甸稍縣都皆無過十二畝從國都而出計遠近節級而別爲之名鄭玄引司馬法王國百里爲郊二百里爲州甸三百里爲野稍四百里爲縣五百里爲都

諸侯之與天子竟踐不同亦當近國焉郊外爲甸天子之甸爲公邑之田則諸侯之甸亦公邑也帥甸者甸地之帥當是公邑之大夫也獨言帥甸無以相明故舉類言之云郊甸之帥其實正是甸地之帥非郊地之帥也一注始例至君罪正義曰宣四年傳例曰凡弑君稱君君無道也稱臣臣之罪也彼是弑君大例經下注云例在宣四年指彼例也彼雖在此之後乃是例之初始故謂彼爲始例彼因歸生弑君而發傳例是始例發於臣之罪也此稱宋人弑其君文異於彼故重明君罪謂與彼例爲重也釋例曰鄭靈宋昭文異而例同重發以同之

經十有七年春晉人衛人陳人鄭人伐宋

自閔僖已下終於春秋陳侯常在衛侯上今大夫會疏在衛下傳不言陳公孫寧後至則寧位非上卿故也注自閔至故也正義曰釋例班序諸自隱至莊十四年一十三歲衛與陳凡四會衛在陳上莊十五年盡僖十七

年三十五歲凡八會陳在衛上莊十六年幽盟之下注云齊
桓始霸楚亦始彊陳侯介於二大國之間而爲三恪之客故
齊桓因而進之遂班在衛上終於春秋但齊桓升陳於衛
上乃在莊之中年不得以莊爲始故云自閔僖以下終於
春秋陳侯常在衛上也今此大夫會伐宋貶之稱人而陳
在衛下襄二十六年澶淵之會傳稱宋向戌後至退在鄭
良霄之下此傳具歷序大夫之名不言公孫寧以後至被
退成三年傳曰次國之上卿當大國之中中當其下下當
其上大夫彼言大夫位有尊卑次序以之升降則公孫寧位
非上卿故降在衛下也檢春秋上下亦有後至無傳而杜云
後至者則秦小子憖是也案彼則公孫寧未
必非後至但杜弘通兩解故云非上卿耳

夏四月癸

亥葬我小君聲姜齊侯伐我西鄙

西當爲北
蓋經誤

疏

注西當爲北蓋經誤正義曰經言西鄙傳言北鄙
服虔以爲再來伐魯西鄙書北鄙不書諱仍見伐秦

經十五年秋齊人侵我西鄙冬齊侯侵我西鄙僖二十六年春齊人侵我西鄙夏齊人伐我北鄙皆仍見侵伐書而不諱此何獨諱而不書凡言諱者諱國惡也齊侯無道而伐我我非有惡而可諱何以諱其仍伐故知正是一事經文誤耳知非傳誤者魯求與平即盟于穀穀是濟北穀城縣也穀在魯北知北鄙是也

六月癸未

公及齊侯盟于穀諸侯會于扈

昭公雖以無道見弑而文

公猶宜以弑君受討故林父伐宋以失所稱人晉侯平宋以無功不序明君雖不君臣不可不臣所以皆大教

疏

注昭公至大教

正義曰弑君稱君君之罪者欲以懲創

人君使為鑒戒不書弑者之名以見君亦合死其君雖則

合死要非臣所得弑故文公宜以弑君受討林父稱人諸

侯不序責死者罪弑者所以督大教大教謂尊君卑臣之

秋公至自穀

無傳

冬公子遂如齊

傳十七年春晉荀林父衛孔達陳公孫寧

鄭石楚伐宋討曰何故弑君猶立文公而

還卿不書失其所也

卿不書謂稱人

夏四月癸亥葬

聲姜有齊難是以緩

過五月之例

齊侯伐我北

鄙襄仲請盟六月盟于穀

晉不能救魯故請服

晉侯

蒐于黃父

一名黑壤

遂復合諸侯于扈平宋

也

傳不列諸國而言復合則如二十五年會扈之諸侯可知也

公不與會齊難

故也書曰諸侯無功也

刺發二宋而復不能

於是晉

侯不見鄭伯以爲貳於楚也鄭子家使執

訃而與之書以告趙宣子

執訃通訃問之
宣子爲書與宣子曰

寡君即位三年

魯文二年

召蔡侯而與之事君

九月蔡侯入于敝邑以行

行朝晉也

敝邑以侯

宣多之難寡君是以不得與蔡侯偕

宣多既立

穆公恃寵專權

十一月克減侯宣多而隨蔡侯以朝

于執事

減損也難未盡而
行言汲汲于朝晉

十二年六月歸生

仁寡君之嫡夷

歸生子家名
夷太子名

以請陳侯于楚

而朝諸君

請陳于楚與俱朝晉

十四年七月寡君又

朝以歲陳事

歲勅也勅成前好

十五年五月陳侯

自敝邑往朝于君往年正月燭之武往朝

夷也

將夷往朝晉

八月寡君又往朝以陳蔡之

密邇於楚而不敢貳焉則敝邑之故也

密邇

比近也

雖敝邑之事君何以不免

元元罪也

在位

之中一朝于襄

襄公

而再見于君

君重公也

夷

與孤之二三臣相及於絳

孤之二三臣請朝之武歸生自謂也絳晉

國都雖我小國則蔑以過之矣今大國曰爾

未逞吾志敝邑有亡無以加焉古人有言

曰畏首畏尾身其餘幾言首尾有畏則身中不畏者少又

曰鹿死不擇音音所秣蔭之虞古字聲同皆相假借小國之事

大國也德則其人也以德加己則以人道相事不德則其

鹿也鋌而走險急何能擇鋌疾走貌言急則欲蔭秣於楚如鹿赴險

命之罔極亦知亡矣言晉命無極將悉敝賦以

待於儵唯執事命之儵晉鄭之竟言欲以兵距晉文公三

年六月壬申朝于齊

鄭文二年六月壬申魯莊二十三年六月二十日

四年二月壬戌為齊侵蔡

魯莊二十五年二月無壬戌壬戌三

月二十日亦獲成於楚

鄭與楚成

居大國之間而從

於彊令豈其罪也

令號令也

大國若弗圖無所

逃命晉鞏朝行成於鄭趙穿公壻池為質

焉

趙穿卿也公壻池晉侯女壻

疏

使執訊而與之書執訊使之行適晉也與之書與

正義曰使

此執訊書令持以告宣子

注藏勅也

正義曰藏之為勅無正訓也先儒相傳為然賈服皆云藏勅也一朝至

于君正義曰鄭穆公以僖三十三年即位晉襄公以文公六年卒一朝于襄三年十一月也再見於君十四年七

月往年八月也或者十四年七月寡君又朝勅成陳事再見于君謂往年正月燭之武往朝夷八月寡君又朝是也孤之二三臣正義曰禮諸侯與臣民言自謂寡人小國之君自稱曰孤臣與他國之人言稱己君爲寡君此歸生對晉稱己君當云寡君之二三臣昭十九年子產對晉人云寡君之二三臣札瘥夭昏是其事也此言孤者蓋鄭伯身自對晉或自稱孤歸生因即以孤言其君也注音所至假借正義曰釋言云庇麻蔭也舍人曰庇蔽也蔭依止也郭璞曰今俗呼樹蔭爲蔭杜意言本當作蔭古字聲同皆相假借故傳作音言鹿死不擇庇蔭之處喻己不擇所從之國欲從楚也服虔云鹿得美草呦呦相呼至於困迫將死不暇復擇善音急之至也劉炫從服說以爲音聲謂不擇音聲而出之而難杜今知不然者以傳云鋌而走險急何能擇言走險論其依止之處以其怖急得險則停不能選擇寬靜蔭之所傳文所論止言其出處所在不論音聲好惡故杜不依服義劉以爲音聲而規杜非也

注鋌疾走貌正義曰鋌文連走故爲疾走貌

秋周甘斨敗戎于邲垂

乘其飲酒也

鄒周大夫邲垂周地河南新城縣北有垂亭爲成元年晉侯平戎于王張本

冬

十月鄭太子夷石楚爲質于晉

夷靈公之石楚鄭大夫

襄仲如齊拜穀之盟復曰臣聞齊人將食

魯之麥以臣觀之將不能齊君之語偷臧

文仲有言曰民主偷必死

偷猶苟且

經十有八年春王二月丁丑公薨于臺下

秦伯瑩卒

無傳未同盟而赴以名

夏五月戊戌齊人

弑其君商人

不稱盜罪商人

六月癸酉葬我君文

公秋公子遂叔孫得臣如齊

書二卿以兩事行非相爲介

冬十月子卒

先君既葬不稱君者魯人諱弑不稱君書之子在喪之稱

夫人

姜氏歸于齊季孫行父如齊

無傳

莒弑其君

庶其

稱君君無道也

疏

注不稱盜罪商人臣臣之罪賤臣弑君則稱盜哀四年

正義曰弑君稱

盜殺蔡侯申是也盜字當臣名之處以賤不得書名變文謂之盜耳此弑商人者邢歆問職亦應書盜不稱盜弑者

罪商人今從弑君稱君之例也

注書二至爲介正義

曰卿爲卿介則書使不書介僖二十六年公子遂臧孫辰

如楚乞師書遂不書辰是其正也襄十四年季孫宿叔老並書之者晉人敬之自爾以後晉人輕魯幣而益敬其使

故特兩書之於法不應書也此傳稱惠公立故且葬是以兩事行非相爲介故並書之耳定六年季孫斯仲孫何忌如晉傳稱栢子獻鄭俘孟孫報夫人之幣亦以兩事行故並書之但彼非是同時受命經應各自爲文但以晉人輕之故不各自別書與此意少異也注先君至之稱正義曰齊公子商人弑其君舍以先君既葬故稱君也此亦先君既葬不稱君者魯人諱弑成君以未成君書之也子者葬前在喪之稱也若言猶在喪而自卒然諱之也釋例曰公子惡魯之正適嗣位免喪則魯君也襄仲倚齊而弑之國以爲諱故不稱君若言君之子也注稱君君無道也正義曰楚世子商臣弑君言世子此傳稱大子僕因國人以弑紀公不稱世子而稱君者以見君無道傳言多行無禮於國是其無道之狀十六年宋人弑其君杵臼稱國又稱人此直云莒弑其君庶其不稱人者釋例曰劉賈許穎以爲君惡及國朝則稱國以弑君惡及國人則稱人以弑案傳鄭靈宋昭經文異而例同故重發以同之子

弑其父又嫌異於他臣亦重明其不異既不碎辯國之與人而傳云莒紀公多行無禮於國大子僕因國人以弑之經但稱國不稱人知國之與人雖言別而事同也

傳十八年春齊侯戒師期將以伐魯而有疾醫

曰不及秋將死公聞之卜曰尚無及期尚庶

幾也欲令先師期死惠伯令龜以卜事告龜卜楚丘占之曰

齊侯不及期非疾也君亦不聞言君先齊侯終令

龜有咎言令龜者亦有凶咎見於卜兆為惠伯死張本二月丁丑公

薨注以上事告龜正義曰周禮大卜大祭祀則視高命龜鄭玄云命龜告龜以所卜之事士燕

禮下葬命龜云哀子其來日某卜葬其父其甫考降無有近悔如此之類是令龜之辭也令者告令使知其意與命

同也齊懿公之爲公子也與邴歆之父爭田

弗勝及即位乃掘而用之斷其尸足而使歆僕

僕御也納閭職之妻而使職驂乘驂乘陪乘夏五

月公游于申池齊南城西門名申門齊城無池唯此門左右有池疑此則是二

人浴于池歆以扑扶職扑簪也扶擊也職怒歆

曰人奪女妻而不怒一扶女庸何傷職曰

與則其父而弗能病者何如言不以父乃謀

外傳大 卷之三 三十三 二

弑懿公納諸竹中歸舍爵而行

飲酒訖乃去言齊人惡懿

公二人無所畏

齊人立公子元

桓公子

六月葬文公

秋襄仲莊叔如齊惠公立故且拜葬也

襄仲

賀惠公立莊叔謝齊來會葬

文公二妃敬嬴生宣公敬嬴嬖

而私事襄仲宣公長而屬諸襄仲襄仲欲

立之叔仲不可

叔仲惠伯

仲見于齊侯而請之齊

侯新立而欲親魯許之冬十月仲殺惡及

視而立宣公

惡大子視其母采殺視不書賤之

書曰子卒諱之

也仲以君命召惠伯

詐以子惡命

其宰公冉務人止

之曰入必死叔仲曰死君命可也公冉務人曰

若君命可死非君命何聽弗聽乃入殺而埋

之馬矢之中

惠伯死不書者史畏襄仲不敢書殺惠伯

公冉務人奉其

帑以奔蔡既而復叔仲氏

不絕其後

夫人姜氏歸

于齊大歸也

惡視之母出姜也嫌與有罪出者異故復發傳

將行哭而過

市曰天乎仲為不道殺適立庶市人皆哭魯

人謂之哀姜

所謂出姜不允於魯

○

襄仲至許之正義曰惡是齊甥齊侯許廢惡者惡以

世適嗣立不受齊恩宣以非分得國荷恩必厚齊侯新立欲
親魯爲援故許之注詐以子惡命正義曰傳因殺惡之下即
云而立宣公其實宣公之立當在惠伯死後惡雖已死未告
外人故詐以子惡之命召惠伯使入公舟務人疑其宮內有
變謂非子惡之命故云入必死耳亦未是審知惡已死也
莒紀公生天子僕又生

季佗愛季佗而黜僕且多行無禮於國

紀號也莒

夷無謚故有別號

僕因國人以弑紀公以其寶玉來奔

納諸宣公公命與之邑曰今日必授季文子

使司寇出諸竟曰今日必達

未見公而文子出之故來不書

公問

其故季文子使大史克對曰先大夫臧文仲

教行父事君之禮行父奉以周旋弗敢失
隊曰見有禮於其君者事之如孝子之養
父母也見無禮於其君者誅之如鷹鷂之
逐鳥雀也先君周公制周禮曰則以觀德

則法也合法則為言德

德以處事

處猶事也

事以度功

度量功也

功

以食民

食養也

作誓命曰毀則為賊

誓要信也毀則壞法

也

也掩賊為藏

掩匿也

竊賄為盜

賄賄也

盜器為

也

茲器國用也

主藏之名

以掩賊為名

賴茲之用

用茲器也

爲大凶德有常無赦

刑有常

在九刑不忘

誓命

以下皆九刑之書
九刑之書今亡

行父還觀莒僕莫可則也

還猶

周旋

孝敬忠信爲吉德盜賊藏茲爲凶德

夫莒僕則其孝敬則弑君父矣則其忠信

則竊寶王矣其人則盜賊也其器則茲非

也

兆域也

保而利之則主藏也以訓則昏民無

則焉不度於善

度居也

而皆在於凶德是以

去之昔高陽氏有才子八人

高陽帝顓頊之號八人其苗裔

蒼舒隤散擣戴大臨有降庭堅仲容叔達

此即垂益禹臯陶之倫庭堅即臯陶字

齊聖廣淵明允篤誠天下

之民謂之八愷

齊中也淵深也允信也篤厚也愷和也

高辛氏有

才子八人

高辛帝號是號八人亦其苗裔

伯奮仲堪叔獻季

仲伯虎仲熊叔豹季狸

此即稷契朱虎熊羆之倫

忠肅共

懿宣慈惠和天下之民謂之八元

肅敬也懿美也宣徧

也元善也

此十六族也世濟其美不隕其名

濟成也隕

也陳以至千堯堯不能舉舜臣堯舉八愷使

主后土

后土地官禹作司空平水土即主地之官

以揆百事莫不時

序地平天成

揆度也成亦平也

舉八元使布五教于

四方

契作司徒五教在寬故知契在八元之中

父義我母慈兄友弟

共子孝內平外成

內諸夏外夷狄

昔帝鴻氏有不

才子

帝鴻黃帝

掩義隱賊好行凶德醜類惡物

頑嚚不友是與比周

醜亦惡也比近也周密也

天下之民

謂之渾敦

謂驩堯渾敦不開通之貌

少皞氏有不才子

少皞金天氏之號次黃帝毀信廢忠崇飾惡言靖譖庸

回服讒蒐慝以誣盛德

崇聚也靖安也庸用也回邪也服行也蒐隱也

慝惡也盛德賢人也

天下之民謂之窮奇

謂其工其行窮其好奇

項氏有不才子不可教訓不知話言

話善也

告之則頑

德義不入心

舍之則器

不道也

傲很明

德以亂天常天下之民謂之梟桀

謂梟桀梟謂凶無俾

匹之貌

此三族也世濟其凶增其惡名以至于

堯堯不能去

大以宜公比堯行父比舜故言堯亦不能去須賢臣而除之

縉

雲氏有不才子

增雲黃帝時官名

貪于飲食冒于

貨賄侵欲崇侈不可盈厭聚斂積實不知

紀極不分孤寡不恤窮匱

冒亦貢也盈滿也實財也

天下

之民以比三凶

非堯子孫故別以比三凶

謂之饕餮

貪財為饕

貪食為饕舜臣堯

為堯臣

賓于四門

開四門達四聰以賓禮眾賢

流

四凶族

案四凶罪狀而流放之

渾敦窮奇檮杌號食餐投

諸四裔以禦魑魅

投奔也裔遠也放之四遠使當魑魅之災魑魅山林異氣所生

為人害者

是以堯崩而天下如一同心戴舜以

為天子以其舉十六相去四凶也故虞書

數舜之功曰慎徽五典五典克從無違教

也

徽美也典常也此八元之功

曰納于百揆百揆時序無

廢事也

此八愷之功

曰賓于四門四門穆穆無凶

人也

流四凶

舜有大功二十而爲天子

舉十六相去四凶也

今行父雖未獲一吉人去一凶矣於舜之

功二十之一也庶幾免於戾乎

史克激稱以辯宣公之惑

釋行父之志故其言美惡有過辭蓋事宜也

疏

如鷹鷂之逐鳥雀正義曰釋鳥云鷹來鳩郭璞曰來當爲

爽字之誤耳左傳作爽鳩是也又云晨風鷽舍人曰晨風名鷽鷽執子鳥名郭璞曰鷽屬也先君至不忘正義曰

言制周禮曰作誓命曰謂制禮之時有此語爲此誓耳此非周禮之文亦無誓命之書在後作九刑者記其誓命之言著於九刑之書耳德者得也自得於心心之所得有惡有善欲知善惡以法觀之合法則爲吉德不合法則爲凶德故曰則以觀德也既有善德乃能制斷事宜故曰德以處事也既爲其事務求成功度量功勳必功成乃善故曰事以度功也民不自治立君牧養作事成功所以養食下民故曰功以食民也其意言在上位者必有法則乃爲養民之主將言莒僕無可法則故言此以張本也又作要信誓命以戒後人曰有人毀法則者是爲賊言其賊敗法也掩匿賊人是爲藏言其藏罪人也竊人財賄謂之爲盜盜人器用謂之爲姦姦主爲藏匿罪人之名恃賴姦人所盜之用爲極大之凶德有常刑無赦其事在九刑之書不遺忘也以宜公容納莒僕爲主藏受其寶玉爲賴姦故舉此以極諫也 注誓命至今亡 正義曰昭六年傳曰夏有亂政而作禹刑商有亂政而作湯刑周有亂政而作九刑三辟

之興皆叔世也叔世謂衰世世衰民慢作嚴刑以督之稱
其創制聖王以爲所作之法夏作禹刑商作湯刑則周作
九刑作周公之刑也此云周公作誓命其事在九刑知自
誓命以下皆九刑之書所載也謂之九刑必其諸法有
九而九刑之書今亡不知九者何謂服虔云正刑一議刑
八即引小司寇八議議親故賢能功貴勤實之辟此八
議者載於司寇之章周公已制之矣後世更作何所復加
且所議八等之人就其所犯正刑議其可赦以否八者所
議其刑一也安得謂之八刑杜知其不可故不解之注
高陽至苗世正義曰先儒舊說及譙周考史皆以顓
顓帝嚳爲帝之身號高陽高辛皆國民土地之號高陽次
少昊高辛次高陽是也高辛之後孔子之錄尚書自堯爲
始史籍之說皇帝其言不經大戴禮五帝德司馬遷五帝
紀皆言顓顓帝嚳代則一人春秋緯命歷序顓顓傳九世
帝嚳傳八世典籍散亡無以取信要二帝子孫至舜時始
用必非帝之親子其八人者不能知其出生本系統派遠

近故略言其舊齊王一注此即至陶字正義曰司馬遷
采帝系世本以爲史記其夏本紀稱禹是顓頊之後秦本
紀稱皋陶是顓頊之後伯益則皋陶之子垂之所出史無
其文舊說相傳亦出顓頊故云此即垂益禹皋陶之倫也
服虔云八人禹垂之屬也六年傳臧文仲聞六與蓼滅云
皋陶庭堅不祀忽諸知庭堅皋陶爲一人其餘則不知誰
爲禹誰爲益故云之倫之屬不敢斥言也班固漢書有古
今人表銓量古人爲九等之次雖知禹益必在八愷稷契
必在八元不能識知其人不得自相分配故八元八愷與
皋陶禹稷並不出其名亦爲不知故也鄭玄注論語云皋
陶爲士師號曰庭堅杜云庭堅皋陶字者古人名之與字
難得審知言字者明其是一人也齊聖至八愷正義
曰此并序八人摠言其德或原其心或據其行一字爲一
事其義亦更相通齊者中也率心由道舉措皆中也聖者
通也博達衆務庶事盡通也廣者寬也器宇宏大度量寬
弘也淵者深也知能周備思慮深遠也明者達也曉解事

務照見幽微也允者信也終始不愆言行相副也篤者厚也志性良謹交遊款密也誠者實也秉心純直布行貞實也以其德行如是天下之民爲其美目謂之八愷愷和也言其和於物也孟子曰伊尹聖人之和者也 注齊中至和也 正義曰齊中釋言文允信篤厚釋詁文愷訓爲樂樂亦和也深水謂之淵故淵爲深也 注此即至之倫正義曰契後爲殷稷後爲周史記殷周皆爲帝嚳之後也此言伯虎仲熊尚書有朱虎熊羆二者其字相類知此即稷契朱虎熊羆之倫也尚書更有夔龍之徒亦應有在元愷之內者但更無明證名字又殊不知與誰爲一故不復言之史記稷契皆爲帝嚳之子而上句注云其苗裔者史記堯亦帝嚳之子則稷契堯之親弟以堯之聖有大賢之弟久而不知舜始舉用以情而測理必不然且云世濟其美其間必應累世不容高卒之下即至其身馬遷傳聞於人未必盡得其實世族譜取史記之說又從而譏之云案鯀則舜之五世從祖父也而及舜共爲堯臣堯則舜之三

從高祖而妻其女此史記之疑者然則以其不可悉信故
言苗裔以該之忠肅至八元 正義曰此亦揔言其德於
義亦得相通忠者與人無隱盡心奉上也肅者敬也應機
敏達臨事恪勤也共者治身克謹當官理治也懿者美也
保己精粹立行純厚也宣者徧也應受多方知恩周徧也
慈者愛出於心恩被於物也惠者性多哀矜好拯窮墮也
和者體度寬簡物無乖爭也以其德行如是天下之民爲
之美目謂之八元元善也言其善於事也論語曰善人爲
邦百年亦可以勝殘去殺矣 注肅敬至善也 正義曰
肅敬釋訓文懿美釋詁文宣徧釋言文易文言曰元者善
之長也 此十六至其名 正義曰此十六人耳而謂之
族者以其各有親屬故稱族也世濟其美後世承前世之
美不墮其名不隊前世之美名言其世有賢人積善而至
其身也劉炫云各有大功皆賜氏族故稱族 注后土至
之官 正義曰后訓君也天稱皇天故地稱后土舜典云
伯禹作司空呂刑云禹平水土則禹是主地之官故云主

后土也 以揆至天成 正義曰用禹爲主后土之官今以揆度百事百事無不揆度於是皆有次序得地平其化天成其施言有成功也 注揆度也成亦平也 正義曰揆度釋言六度百事者今之豫自籌度爲之數量法制事成則平其可否使之揔衆務也地平天成大禹謨之文孔安國云水上治曰平五行叙曰成釋詁云成平也是成亦爲平其義一也 注契作至之中 正義曰舜典云帝曰契百姓不親五品不遜汝作司徒敬敷五教在寬尚書契數五教此云舉八元使布五教以此故知契在八元中也然則尚書禹作司空此云舉八愷使主后土以此亦知禹在八愷中也但不知八愷之中何者是禹八元之中何者是契耳主后土布五教是事之大者故舉以爲言非是各令八人共主一事故主土唯禹主教唯契餘當別有所主或助而爲之尚書稱益佐禹治水是其助之事也 父義至外成 正義曰一家之內父母兄弟子尊平有五品父不義母不慈兄不友弟不共子不孝是五品不遜順也故

使契爲司徒布五教於四方教父以義教母以慈教兄以友教弟以共教子以孝是之謂五教此五教可常行又謂之五典也諸夏夷狄皆從其教是爲內平外成所云五典克從即此內平外成之謂也 掩義至渾敦 正義曰掩蓋義事而不行隱蔽其外而陰爲賊害也其有凶醜之類穢惡之物心頑而不則德義之經口囁而不道忠信之言如此惡人不可與之親友者此不才子於是與之相附近相親密言惡人所愛愛同己者也以其爲惡如是故天下之民爲之惡目謂之渾敦渾敦不開通之貌言其無所知也服虔用山海經以爲驩兜人面馬喙渾敦亦爲獸名 注醜亦至密也 正義曰醜亦惡也物亦類也指謂惡人等輩重複而言之耳比是相近也周是親密也唯是親愛之義非爲善惡之名論語云君子周而不比小人比而不周以君子小人相對故鄭玄云忠信爲周阿黨爲比觀文爲說也 注謂驩至之貌 正義曰此傳所言說虞書之事彼云四罪謂共工驩兜三苗鯀也此傳四凶乃謂之渾敦

窮奇檮杌饕餮檢其事以識其人堯典帝言共工之行去
靖言庸違傳說窮奇之惡云靖譖庸回二文正同知窮奇
是共工也堯典帝求賢人驩兜舉共工應帝是與共工相
比傳說渾敦之惡云醜類惡物是與比周知渾敦是驩兜
也堯典帝言鯀行云弗哉方命圯族傳說檮杌之罪云告
頑舍器傲很明德即是弗戾圯族之狀且鯀是顓頊之後
知檮杌是鯀也尚書無三苗罪狀既甄去三凶自然饕餮
是三苗矣先儒盡然更無異說皆以行狀驗而知之也莊
子稱南方之神其名爲檮杌北方之神其名爲忽中央之神
其名爲混沌混沌無七竅儻忽爲鑿之一日爲一竅七日
而混沌死混沌與渾敦字之異耳莊子雖則寓言要以無
竅爲混沌是渾敦爲不開通之貌此四凶者渾敦檮杌以
狀貌爲之名窮奇饕餮以義理爲之名古人之意自異耳
服虔索神異經云檮杌狀似虎毫長二尺人面虎足豬牙
尾長丈八尺能闢不退饕餮獸名身如羊人面目在腋下
食人 注少暉至黃帝 正義曰金天國號少暉身號饕

周云金天氏能脩大暉之法故曰少暉也其次黃帝則昭
十七年傳有其事 毀信至盛德 正義曰毀信者謂信
不足行毀壞之也廢忠者謂忠爲無益廢棄之也以惡言
爲善尊崇脩飾之安於讒譖信用回邪常行讒疾陰隱爲
惡以証罔盛德之賢人也天下之民謂之窮奇言其行窮
困所好奇異也 注崇聚至人也 正義曰釋詁云崇充
也舍人曰威大充盛盛大亦集聚之義故崇爲聚也庸用
靖安回邪慝惡常訓也服從是奉行之義也蒐索隱伏是
蒐得爲隱也服虔亦以蒐爲隱慝謂陰隱爲惡也成德
謂成就之德故爲賢人也定本成德爲盛德 注謂共至
好奇 正義曰孔安國云共工官稱也其人爲此官故尚
書舉其官也行惡終必窮故云其行窮也好惡言好讒慝
是所好奇異於人也 注方以至除之 正義曰宣公不
能去莒僕而行父能去之恐宣公以不去之爲耻行父以
去之爲專史克方以宣公比堯行父比舜故言堯朝有四
凶堯亦不能去須賢臣而除之所以雪宣公不去之恥解

行父專擅之失也然則聖主莫過於堯任賢王政所急大
聖之朝不才摠萃雖曰帝其難之且復何其甚也此四凶
之人才實中品雖行有不善未有大惡故能仕於聖世致
位大官自非聖舜登庸大禹致力則滔天之害未或可平
以舜禹之成功見此徒之多罪勲業既謝愆釁自生爲聖
所誅其咎益大且虞史欲盛章舜德歸罪惡於前人史克
以宣公比堯同四凶於莒僕此等並非下愚未有大惡其
爲不善唯帝所知尚書將言求舜以見帝之知人此傳安
慰宣公故言堯不能去辭各有爲情頗增甚學者當以意
達文不可即以爲實 注縉雲黃帝時官名 正義曰昭
十七年傳稱黃帝以雲名官故知縉雲黃帝時官名字書
縉赤縉也服虔云夏官爲縉雲氏 貨賄 正義曰鄭注
周禮云金玉曰貨布帛曰賄 注貪財至爲餐 正義曰
此無正文先儒賈服等相傳爲然 注爲堯臣 正義曰
昭七年傳稱王臣公公臣大夫謂王以公爲臣公以大夫
爲臣皆是上臣下也而此云舜臣堯謂爲臣以事堯乃是

下臣上也文同義異意足相顧故辯之云爲堯臣 注開
四至衆賢 正義曰賓于四門是禮賢之事而舜典下文
云開四門明四目達四聰言開闢四方之門未開者廣視
聽於四方使天下無壅塞亦是賓禮衆賢之事意同於上
故引以解之 注投棄至害者 正義曰投者擲去故爲
棄也舜典云流共工于幽洲放驩兜于崇山竄三苗于三
危殛鯀于羽山四罪而天下咸服孔安國云幽洲北裔崇
山南裔三危西裔羽山東裔在海中是放之四方之遠處
螭魅若欲害人則使此四者當彼螭魅之災令代善人受
害也宜三年傳王孫滿說九鼎云鑄鼎象物百物而爲之
備民入川澤山林不逢不若螭魅罔兩莫能逢之知螭魅是
山林異氣所生爲人害者也 故虞至人也 正義曰此虞
書舜典之篇也三事六句舜典本文其云無遠教也無廢
事也無凶人也是史克解虞書之意也每引一事以一句
解之故每事言曰 注史克至且也 正義曰宣公貪寶
玉而受莒僕爲惑已大行父違君命而逐出之其專已甚

故史克激揚而言舜之事堯以辨宣公之惑以解行父之志方欲盛談善惡說事必當增其故其言美惡有大過之辭言美則大美言惡則大惡禹則鯀之子也說禹則云世濟其美言鯀則云世濟其凶明其餘亦有大過非其實也蓋事勢宜然耳何休以爲孔子云蕩蕩乎堯之爲君唯天爲大唯堯則之今如左氏堯在位數十年久仰元愷而不能舉養育凶人以爲民害而不能去則孔子稱堯虛言也桀紂爲惡一世則誅四凶歷數千歲而無誅放易云積不善之家必有余殃虛言也左氏爲短但堯之爲君能舉士六相去四凶四凶之人未必世濟其惡祖史克欲明行父之志欲辯宣公之惑故美惡過辭

宋武氏之族道

昭公子將奉司城須以作亂

文公弑昭公故武氏欲因其子以作

亂司城須十二月宋公殺母弟須及昭公子

文公弟

使戴莊桓之族攻武氏於司馬子伯之館

戴族華葉也莊族公孫師也桓族向魚鱗蕩也司馬子伯華耦也

遂出武穆之族

穆族黨於武氏故

使公孫師為司城

公孫師莊公之孫

公子朝

卒使樂呂為司寇以靖國人

樂呂戴公之曾孫為宣三年宋

師園

疏

注樂呂戴公曾孫正義曰世本云戴公生樂甫術術生碩甫澤澤生夷父須須生大司寇呂

今云曾孫誤也

春秋正義卷第十五

春秋正義卷第十六

孫氏

國子祭酒上護軍曲阜縣開國子臣孔穎達等奉

勅撰

宣公疏

正義曰魯世家云宣公名倭或作接文公之子敬嬴所生以年王五年即位是歲歲在壽

星謚法善問周達曰宣

經元年春王正月公即位

無傳

公子遂如齊

逆女

不譏喪娶者不待貶責而自明也卿為君逆例在文四年

疏

注不譏至四年正義曰文公喪

未期此時已娶違禮不譏者此事甚惡言不待貶責而其惡自明也昭元年公羊傳曰春秋不待貶絕而罪惡見者

不貶絕以見罪惡貶絕然後罪惡見者貶絕以見罪惡是其義也文四年逆婦姜于齊傳云卿不行非禮也是卿爲

君逆之

三月遂以夫人婦姜至自齊

稱婦有姑之辭

不書氏

疏

注稱婦至闕文正義曰宣公母敬嬴在是史闕文有姑也夫人以姜爲姓舉姓而稱姜氏去氏

稱姜則不成文義知不稱氏者史闕文也傳言新作延廐而經無作字是作傳之時經猶未闕於後經始闕耳此文傳亦無氏知是本史先闕故云史闕文而不云經闕文也史文旣闕仲尼不正之者以無所褒貶故因其詳略也諸經所闕者或史文先闕仲尼不改或仲尼具文在後始闕公羊穀梁漢初始爲其傳見其闕文妄爲之說非其實也公羊傳曰夫人何以不稱姜氏貶曷爲貶譏喪娶喪娶者公也則曷爲貶夫人內無貶于公之道內無貶于公之道則曷爲貶夫人夫人與公一體也穀梁之意亦然先儒取以爲說服虔云古者一禮不備貞女不從故詩云雖速我

訟亦不共從宣公既以喪娶夫人從亦非禮故不稱氏見
略賤之也杜不然者女之出嫁重由父母夫來取之父母
許之豈得問禮具否拒逆昏姻之命從夫喪娶父母之從
自可罪其父母何以貶責夫人共其貶責夫人當去夫人
之號減一氏字復何所明夫人之稱姜氏猶遂之稱公子
也舍遂之族而去子稱公可乎亦知遂不可去子稱公夫
人復安可以去氏稱姜也逆婦姜子齊以卿不行變文略
賤此經貶遂不稱公子以成夫人之尊非略賤之事也詩
責彊暴之男行不由禮陳其爭訟之辭述其守貞之意此
豈是宣公淫掠而欲令齊女守貞哉

夏季孫

行父如齊晉放其大夫胥甲父于衛

受罪者

黜免宥之以遠

疏

注放者至以遠

正義曰舜典云流宥五刑孔安國云以流放之法寬五刑是放者有罪

當刑而不忍刑之寬其罪而放棄之也三諫不從待放而去者彼雖無罪君不用其言任今自去亦是放棄之義放

之與奔俱是去國而去情小異釋例曰奔者迫窘而去逃死四鄰不以禮出也放者受罪黜免宥之以遠也臣之事君三諫不從有待放之禮故傳曰義則進否則奉身而退迫窘而出奔及以禮見放俱去其國故傳通以違爲文仲左修春秋又以所稱爲優劣也言優劣者放者君舍其罪緩步而出是其優也奔者止則懼死奔馳而去是其劣也昭八年楚人執陳公子招放之于越哀三年蔡人放其大夫公孫獵于吳與此胥甲父等皆甘心受罪黜其官位宥之以適速方是實放而書放也襄二十九年傳稱齊公孫萬公孫寗放其大夫高止於北燕書曰出奔罪高止也高止好以事自爲功且專故難及之彼罪高止故實放而書奔也然則文十四年傳稱宋高哀不義宋公而出遂來奔高哀無罪亦改放而書奔者放者緣遣者之意爲義奔者指去國之人立文據其所往之處皆是從外來耳高哀身來至魯自魯而稱來奔不書宋人之意故不得言放此乃外內之文異耳叛者以地適他稱叛入魯則稱來奔亦此

公會齊侯于平州平州齊地在泰山牟縣西公子遂

如齊六月齊人取濟西田魯以賂齊齊人不取秋

邾子來朝無傳楚子鄭人侵陳遂侵宋晉趙

盾帥師救陳傳言救陳宋經無宋字蓋闕疏注傳言至蓋闕正義曰陳宋俱被

楚侵明其並救二國傳稱救陳宋而經無宋字故設疑云蓋闕也服虔云趙盾既救陳而楚師侵宋趙盾欲救宋而楚師解去案經傳皆言侵陳遂侵宋陳在宋南是先侵陳去陳乃侵宋也若趙盾越宋而南救陳猶及楚師止則救宋安得不及楚也若言欲救宋而楚師解去則救陳之時楚師已向宋矣何以書救陳也蓋以陳既被侵方始告晉晉人起師救陳楚又移師侵宋晉師止至於鄭楚師既已去矣故諸國會于裴林同共伐鄭裴林鄭地明晉始至鄭

不得與楚相遇故竟無戰事
言救陳宋者皆是致其意耳

宋公陳侯衛侯曹伯

會晉師于棐林伐鄭

晉師救陳宋四國君往會
之共伐鄭也不言會趙盾

取於兵會非好會也棐林鄭

疏

注晉師至林鄭

正義

地焚陽宛陵縣東南有林鄭

曰晉本與師為救陳宋

但楚師已去故四國之君往會晉師與共伐鄭言于棐林

者行會禮然後伐相十五年公會宋公衛侯陳侯于袤伐

鄭亦行會禮乃伐與此同也晉師趙盾為將不言會趙盾

而言晉師者取於兵會非好會言所會會其兵非會其人

故稱師案定八年公會晉師于瓦注云卿不書禮不敵公

知此非為趙盾不敵公侯稱師者沈氏云此會有宋公陳

侯等猶成二年會于蜀有蔡許之君故知此非為趙盾不

得敵諸侯但取於兵會彼會于瓦唯有公故知與此異耳

冬晉趙穿帥師侵崇晉人宋人伐鄭

傳元年春王正月公子遂如齊逆女尊君

命也

諸侯之卿出入稱名氏所以尊君命也傳於此發者與還文不同故釋之

三月遂以

夫人

婦姜至自齊尊夫人也

遂不言公子替其尊稱所以成小君

之尊也公子當時之寵號非族也

故傳不言舍族釋例論之備矣

疏

注諸侯至釋之正義曰氏者位尊

乃賜具臣之寵號具名氏所以尊君命言君命重故貴臣行行人貴則君命尊也諸侯之卿出入稱名氏者若宋華元衛元咺之類是也如魯卿公孫敖喪歸尚稱氏明生歸亦然其歸父意如叔孫咺不稱氏者各有所為與常例不同也會盟征伐具名氏者皆是尊君命也傳獨於此發者為其與還文不同故於此釋之釋例曰昏禮雖奉時君之命其言必稱先君以為禮辭故公子翬逆女傳曰脩先君之好公子遂逆女傳稱曰尊君命互發其義也

注遂不

至備矣

正義曰公子亦是寵號其事與族相似魯臣有

罪則貶去其族族去則非卿今遂與夫人俱至物無兩大人

不並尊若從夫人者尊則夫人卑矣故替其尊稱令從夫

人者卑則夫人尊矣釋例曰往必稱族以示其重還雖在

室必舍族以替之所以成小君之尊是其義也成十四年

叔孫僑如逆女及以夫人至其文與此正同彼傳云稱族

尊君命舍族尊夫人此傳不言稱族舍族者釋例曰傳云

公子遂如齊逆女尊君命也遂以夫人婦姜至自齊尊夫

人也叔孫僑如逆女則往曰稱族還曰舍族然則公子公

孫繫公之常言非族也是言公子非族故與彼異文公子

雖則非族稱舍亦與族同故其言尊君命尊夫人與彼亦

便異也所以異者族必君賜乃稱之公子公孫繫公之常言

不須待賜乃稱之月夏季支子如齊納賂以請會

宣公墓立未列

晉人討不用命者放胥甲父于衛

於會故以賂請之

胥甲下軍佐文十二年
戰河曲不肯薄秦於險

而立胥克

克甲之子

先辛奔齊

辛甲之

疏

注胥甲至於險

正義曰案彼傳胥甲與趙

穿是晉君之壻或本罪
輕於胥甲故得無咎

會于平州以定公位

篡立者諸侯既

與之會則不得復討臣子殺之
與弒君同故公與齊會而位定

疏

注篡立至位定正義曰春秋之世王政

不行諸侯自相推戴廢立不由天子篡弒而立則鄰國討
之若與之會則序之於列成其為君諸侯既已為會則臣

子不得復討若其殺之則與弒君罪同宣公殺子惡而取
國常畏魯人討己心不自安納賂請會故既與齊會而公

位乃定成十五年戚之會計曹成公成公得列于會後曹
人請于晉曰先君無乃有罪乎若有罪則君列諸會矣是

列會則
位定也

東門襄仲如齊拜成

謝得

六月齊人取

濟西之田爲立公故以賂齊也

濟西故曹地
僖三十一年

晉文以
分魯宋人之弑昭公也

在文十
六年

晉荀林父以諸

侯之師伐宋宋及晉平宋文公受盟于晉

又會諸侯于扈將爲魯討齊皆取賂而還

文十五年十七年
二扈之盟皆受賂鄭穆公曰晉不足與也遂受

盟于楚

疏

注文十至受賂
賂而還必有二事乃得稱皆故指二扈之

正義曰杜以傳言皆取

盟以充皆義劉炫云案傳數晉罪近發宋弑昭公前扈之
盟文所不及何當虛指其事言皆取賂炫謂宋及晉平取宋
賂爲魯討齊取齊賂也案此言會諸侯于扈文承宋人之
弑昭公下知非十七年會于扈旣取宋賂又取齊賂而稱

皆必爲十七年十五年二扈之盟者案十七年會于扈尋
檢經傳全無爲魯討齊之事豈得違背經傳妄指十七年
乎但宋弑昭公其罪既大故先言之爲魯討齊其失小故
後言之劉炫以傳文先後顛倒又以會于扈爲十七年之
事違背經傳而規杜非也取賂而還書本或云取齊賂而
還檢勘古本及杜注意並無齊字文十七年宋及晉平唯
受宋賂十五年會扈受齊賂耳傳言皆
者皆齊宋也故知皆取齊賂者非也

陳共公之卒

楚人不禮焉

卒在文
十三年

陳靈公受盟于晉秋楚

子侵陳遂侵宋晉趙盾帥師救陳宋會于

棐林以伐鄭也楚蔣賈救鄭遇于北林

與
晉

師相遇葵陽中牟縣
西南有林亭在鄭北

囚晉解揚晉人乃還

解揚晉
大夫

晉欲求成於秦趙穿曰我侵崇秦急崇必

救之

崇秦之與國

吾以求成焉冬趙穿侵崇秦

弗與成

疏

秦急崇正義曰崇是秦之與國故秦人急於援崇

晉人伐鄭

以報北林之役

報四解揚

於是晉侯侈趙宣子

為政驟諫而不入故不競於楚

競強也為明年鄭伐宋張本

經二年春王二月壬子宋華元帥師及鄭

公子歸生帥師戰于大棘宋師敗績獲宋

華元

得大夫生死皆曰獲例在昭二十三年大棘在陳留襄邑縣南

疏

宋華至生帥師正義曰

此華元歸生及哀二年趙鞅罕達客主各言帥師者皆是將尊師衆故並具其文或於歸生之下無帥師之字脫耳注得大至縣南正義曰此獲華元生也哀十一年獲齊國書死也以此知生死皆曰獲昭二十三年傳云書曰胡子髡沈子逞滅獲陳夏徵君臣之辭也傳言書曰是仲尼變例也秦師伐晉夏晉人

宋人衛人陳人侵鄭

鄭爲楚伐宋獲其大夫晉趙盾與諸侯之師將爲宋報恥

畏楚而還失霸者之義故取稱人

疏

注鄭爲至稱人正義曰諸經取諸侯之卿稱人者傳皆言其名氏

此傳唯稱趙盾及諸侯之師侵鄭諸侯之將不言名氏則實是微者非取之也趙盾畏楚而還故取之稱人釋例曰鄭受楚命伐宋大敗宋師獲其二卿此晉之不競也晉於是申命衆國大起其衆將以雪宋之恥取威定霸趙盾爲政而畏越椒之盛不敢遂其所志託辭班師失宋之心孤諸侯之望所以致取也秋九月乙丑

晉趙盾弑其君夷臯

靈公不君而稱臣以弑者以示良史之法深責執政

之臣例

疏

注靈公至四年弑君而傳云靈公不君又以明於例此弑宜

正義曰釋例曰經書趙盾

稱君也弑非趙盾而經不變文者以示良史之意深責執政之臣傳故特見仲尼曰越竟乃免明盾亦應受罪也雖原其本心而春秋不赦其罪蓋爲教之遠防

冬十月乙亥天王崩

無傳

傳二年春鄭公子歸生受命于楚伐宋

楚受

命也宋華元樂呂御之二月壬子戰于大棘

宋師敗績囚華元獲樂呂

樂呂司寇獲不書非元帥也獲生死通名

經言獲華元故傳特護之曰囚以明其生獲故得見贖而還

及甲車四百六十乘

俘二百五十人馘百人狂狡輅鄭人鄭人

入于井

狂狡宋大夫輅迎也

倒戟而出之獲狂狡君子

曰失禮違命宜其爲禽也戎昭果毅以聽

之之謂禮

聽謂常存於耳著於心想聞其政令

殺敵爲果致果

爲毅易之戮也

易反

將戰華元殺羊食士

其御羊斟不與及戰曰疇昔之羊子爲政

疇昔猶前日也

今日之事我爲政與入鄭師故敗君

子謂羊斟非人也以其私憾敗國殄民

憾恨

也殄盡也

於是刑孰大焉詩所謂人之無良者

詩小雅義取不良之人相怨以云

其羊斟之謂乎殘民以逞宋

人以兵車百乘文馬百駟

畫馬爲文四百匹

以贖華

元于鄭半入華元逃歸立于門外告而入

告宋城門而後入言不苟

見叔牂曰子之馬然也

叔牂羊斟也卑賤得

先歸華元見而慰之

對曰非馬也其人也

叔牂知前言以顯故不敢謬罪

既

合而來奔

叔牂言畢遂奔魯合猶答也

宋城華元爲植巡

功

植將主也

城者謳曰睥其目瞞其腹弃甲而復

驛出目瞠大腹
奔甲謂亡師

于思于思弃甲復來

于思多
鬚之貌

使

其驂乘謂之曰牛則有皮犀兕尚多弃甲

則那

那猶何也

役人曰從其有皮丹漆若何華

元曰去之夫其口衆我寡

傳言華元不吝其欲寬而容衆

疏

君子至戮也

正義曰軍法以殺敵爲上將軍臨戰必三令五申之狂狡失即戎之禮違元帥之命曲法以拯鄭人宜

其爲禽也昭明也兵戎之事明此果毅以聽之之謂禮能殺敵人是名爲果言能果敢以除賊致此果敢乃名爲毅

言能彊毅以立功易之戮也反易此道則合刑戮也昭謂明曉此禮致謂達之於敵殺彊也能致用此意乃爲彊人

言在軍對敵必須殺也尚書成湯數桀之罪以誓衆云爾尚輔子一人致天之罰子其大賚汝爾不從誓言子則孥

戮汝武王數紂之罪以誓衆云昂哉夫子尚桓桓如虎如
龍如熊如羆于商郊爾所不弔其于爾躬有戮二王以至
聖伐至惡尚誓衆使多殺是軍法務在多殺殺敵乃爲禮
也公羊善宋襄公不鼓不成列以爲文王之戰亦不過此
武王之戰旣知不然文王之戰豈當若是審如公羊之言
文王未曉戰法其不能身定天下豈爲此乎 注疇昔猶
前日也 正義曰禮記檀弓云孔子謂子貢曰吾疇昔之
夜夢坐奠於兩楹之間鄭玄云疇昔猶前日也是相傳爲
然 注畫馬爲文 正義曰謂文飾雕畫之若朱其尾鬣
之類也 見叔至來奔 正義曰叔牂卑賤故得先歸華
元見而安慰之曰往奔入鄭軍者子之馬自然非子之罪
叔牂自知前言已顯不敢隱諱乃對元曰非馬也其人也
言是已爲之叔牂旣答華元而即來奔魯耳服虔載三說
皆以子之馬然爲叔牂之語對曰以下爲華元之辭賈逵
云叔牂宋守門大夫華元旣見叔牂牂謂華元曰子見獲
於鄭者是由子之馬使然也華元對曰非馬自奔也其人

爲之也謂羊斟驅入鄭也奔走也言宋人贖我之事既和
合而我即來奔耳鄭衆云叔牂即羊斟也在先得歸華元
見叔牂牂即誣之曰奔入鄭軍者子之馬然也非我也華
元對曰非馬也其人也言是女驅之耳叔牂既與華元合
語而即來奔魯又一說叔牂宋人見宋以馬贖華元謂
元以贖得歸謂元曰子之得來當以馬贖故然華元
曰非馬也其人也言己不由馬贖自以人事來耳贖事既
合而我即來奔杜以傳文見叔牂而即言曰則曰下皆當
爲華元之語不得爲叔牂之辭且以華元與賤人交語而
稱對曰謂歸國而言來奔皆於文不順又羊斟與叔牂當
是名字相配故不從三家而別爲之說采鄭氏來奔爲奔
魯耳合是聚合言語故云合猶答也 注植將主也 正
義曰周禮大司馬大役屬其植鄭司農云植謂部曲將吏
故宋城華元爲植巡功是植謂將領主帥監作者也巡功
謂巡城檢作功也 注睥出目瞠大腹 正義曰說文云
睥大目也目大則出見故云出目也瞠是腹之狀腹以大

爲異故爲大腹也

注于思多鬚之類

正義曰賈逵以

爲白頭獬成十五年華元爲右師距此三十二年計未得

頭白故杜以爲多鬚獬亦是以意言之耳

犀兕尚多

義曰釋獸云犀似豕郭璞曰形似水牛豬頭大腹庫臍

有三蹄黑色三角一在頂上一在額上一在鼻上鼻上者

食角也小而不櫛好食棘亦有一角者劉歆期交州記曰

犀出九德毛如豕蹄有甲頭似馬吳錄地理志云武陵阮

南縣以南皆有犀釋獸云兕似牛郭璞云一角青色重千

斤說文云兕如野牛青毛其皮堅厚可制鎧交州記曰兕

出九德有一角角長三尺餘形如馬鞭柄徧檢書傳犀兕

二獸並出南方非宋所有假令汲及宋

秦師伐晉以

國必不能多言尚多者苟以荅謳者耳

報崇也

伐崇在元年

遂圍焦

焦晉河外邑

夏晉趙盾

救焦遂自陰地及諸侯之師侵鄭

陰地晉河南山北自

上洛以東至陸渾

以報大棘之役楚闕椒救鄭曰能

欲諸侯而惡其難乎遂次于鄭以待晉師

趙盾曰彼宗競于楚殆將斃矣

競強也闕椒若敖之族自

子文以來世爲令尹

姑益其疾乃去之

欲示弱以驕之傳言趙盾所以稱人且爲

四年楚滅若敖氏張本

晉靈公不君

失君道也以明於例應稱國以弑

厚

斂以彫牆

彫畫也

從臺上彈人而觀其辟丸

也宰夫胹熊蹯不熟殺之寘諸畚使婦人

載以過朝

畚以草索爲之筐屬

趙盾士季見其手問其

故而患之將諫士季曰諫而不入則莫之

繼也會請先不入則子繼之三進及溜而

後視之

士季隨會也三進三伏公不省而又前也公知欲諫故佯不視

曰吾知所過

矣將改之稽首而對曰人誰無過過而能

改善莫大焉詩曰靡不有初鮮克有終

詩大

雅也夫如是則能補過者鮮矣君能有終則

社稷之固也豈唯羣臣賴之又曰衮職有

闕惟仲山甫補之能補過也

詩大雅也衮君之上服闕過也

言服衮者有過則仲山甫能補之

君能補過衮不廢矣

常服衮也

猶

不改宣子驟諫公患之使鉏麇賊之

鉏麇晉力

士晨往寢門闢矣盛服將朝尚早坐而假

寐

不解衣冠而睡

麇退歎而言曰不忘恭敬民之

主也賊民之主不忠弃君之命不信有二

於此不如死也觸槐而死

槐趙盾庭樹

秋九月晉

侯飲趙盾酒伏甲將攻之其右提彌明知

之

右車

趨登曰臣侍君宴過三爵非禮也

遂扶以下公嗾夫獒焉明搏而殺之

獒猛犬也

盾曰弃人用犬雖猛何爲

責公不養士而更以犬爲己用

且出提彌明死之初宣子田於首山舍于

翳桑

田獵也翳桑桑之多蔭翳者首山在河東蒲坂縣東南

見靈輒餓問

其病

靈輒晉人

曰不食三日矣食之舍其半問

之曰宦三年矣

宦學也

未知母之存否今近

焉

去家近

請以遺之使盡之而爲之簞食與

肉

簞筭也

寘諸橐以與之旣而與爲公介

靈輒

爲公甲士倒戟以禦公徒而免之問何故對曰

翳桑之餓人也問其名居問所居不告而退

不望報也遂自亡也輒亦去乙丑趙穿攻靈公於桃

園穿趙盾之從父昆弟子乙丑九月二十七日宣子未出山而復晉竟之山

也盾出奔聞公弑而還大史書曰趙盾弑其君以示於

朝宣子曰不然對曰子爲正卿亡不越竟

反不討賊非子而誰宣子曰烏呼我之懷

矣自詒伊戚其我之謂矣逸詩也言人多所懷應則自遺憂

孔子曰董狐古之良史也書癸不隱

不隱盾之

罪趙宣子古之良大夫也為癸受惡

善其為法

受惜也越竟乃免

越竟則君臣之義絕可以不計賊

宣子使趙

穿逆公子黑臀于周而立之

黑臀晉文公子

壬申朝

于武宮

壬申十月五日既有日而無月冬又在壬申下明傳文無較例

初麗姬之

亂詛無畜羣公子

詛盟誓

自是晉無公族

無公

子故廢公族之官

及成公即位乃宦卿之適而為之

田以為公族

宦仕也為置田邑以為公族大夫

又宦其餘子亦

為餘子

餘子適子之母弟也亦治餘子之政

其庶子為公行

庶子妻也掌

率公戎行

晉於是公族餘子公行

皆官名

趙盾

請以括為公族

括趙盾異母弟趙姬之中子屏季也

曰君姬氏

之愛子也

趙姬文公女成公姊也

微君姬氏則臣狄人

也公許之

盾狄外孫也姬氏逆之以為適事見僖二十四年

冬趙盾為旄

車之族

旄車公行之官盾本卿適其子當為公族辟屏季故更掌旄車

使屏季以

其故族為公族大夫

盾以其故官屬與屏季使為衰之適

疏

宰

縣熊蹯

正義曰字書過孰曰縣命此宰夫縣熊蹯其蹯

不至於孰以其違命故殺之注春以至官屬

正義曰

周禮挈壺氏挈畚以令軍糧鄭衆云縣畚于廩假之處畚所以盛糧之器故以畚表廩說文云畚蒲器可以盛糧韓詩外傳云鮑焦挈畚采蔬遇子貢於道是畚可以盛糧盛菜以草索爲之今人猶有此器形制似筥故爲筥屬過朝以示人今衆懼已將諫至繼之正義曰言二人將欲相隨入諫士季謂盾曰子是尊卿今與子俱諫而不入則莫之能繼續爲諫會是卑卿請先往諫不入則子繼之三進及溜正義曰溜謂簷下水溜之處入門伏而不省起而更進三進而及於君之屋溜言迫於公之前也趨登至非禮正義曰此言飲趙盾酒是小飲酒耳非正燕禮燕禮獻酬之後方脫屣升堂行無筭爵非止三爵而已其侍君小飲則三爵而退至燕云君子之飲酒也受一爵而色洒如也二爵而言言斯禮已三爵而油油以退鄭玄云禮飲過三爵則敬殺可以去矣是三爵禮訖自當退也提彌明言此之時未必已過三爵假此辭以悟趙盾耳遂扶至絜焉正義曰服虔本扶作跣注云趙盾徒跣而

下走禮脫屨而升堂降階乃納屨堂上無屨跣則是常何
須云遂跣而下且遂者因上生下之言提彌明言訖而遂
不得爲趙盾遂也杜本作扶言扶盾下階也服虔云嗾嘑
也夫語辭嗾犬名公乃嘑夫嗾使之噬盾也釋畜云狗四
尺爲嗾是大犬之名以其使之噬盾故云嗾猛犬也注
官學也正義曰曲禮云官學事師則二者俱是學也但
官者學仕官學者尋經藝以此爲異耳注箠箠也正
義曰鄭玄曲禮注云圓曰箠方曰箠然則俱是竹器方圓
異名耳故以箠爲箠鄭玄論語注亦云箠箠也注穿趙
至弟子正義曰晉語云趙衰趙夙之弟也族譜盾是衰
子穿是夙孫是穿爲盾之從父昆弟之子也世本夙爲衰
祖穿爲夙之曾孫世本轉寫多誤其本未必然也注越
竟至討賊正義曰哀八年傳公山不狃云君子違不適
讎國未臣而有伐之奔命焉死之可也注云未臣所適之
國則可還奔命死其難如彼傳文雖則出奔臣義未絕此
注云越竟則君臣之義絕者以仲尼云越竟乃免出竟則

免責明其義已絕也襄三十年鄭人殺良霄傳曰不稱大
夫言自外入也去國不稱大夫是爲義絕之驗且受君之
命乃得爲臣今君欲殺已逃奔他國君之於臣旣已絕矣
臣之於君能無絕乎董狐云子爲正卿反不討賊明其威
足討賊卿位猶在故責之耳我以君寵得爲國卿杖君之
威故羣下用命亦旣失位出奔國人不復畏我國內自有
賊亂非我所能禁之故越竟得免由義絕故也不扭之言
謂已以他故出奔非是君欲殺已閔其宗國宜還救之昭
二十一年宋公子城以晉師救宋是其事也襄二十七年
傳曰崔氏之亂申鮮虞來奔僕賃於野以喪莊公彼是公
之寵臣去國而行君服豈復責無罪而將見殺逃竄而得
免死者皆令反服君子禮禮弓曰穆公問於子思曰爲舊
君反服古與子思曰古之君子進人以禮退人以禮故有
舊君反服之禮也今之君子進人若將加諸膝退人若將
隊諸淵無爲戎首不亦善乎又何反服之禮之有是言去
國雖同本情有異不可以一槩論也 注黑臀晉文公子

正義曰周語單襄公云吾聞成公之生也其母夢神規其
臀以黑曰使有晉國故命之曰黑臀晉世家成公者文公
少子其母周女也 初麗至公子 正義曰服虔云麗姬
與獻公及諸大夫詛無畜羣公子欲令其二子專國杜雖
不注義似不然若麗姬身爲此詛姬死即應復常何得比
至於今國無公族豈復文襄之霸遂踵麗姬法乎蓋爲奚
齊卓子以庶篡適晉國創其爲亂不用復畜公子案檢傳
文及國語文公之子雍在秦樂在陳黑臀在周襄公之孫
談在周則是晉之公子悉皆出在他國是其因行而不改
成公今始革之故傳本其初也則是國內因麗姬之亂乃
設此詛非麗姬自爲詛也若麗姬爲詛不須言麗姬之亂
以言之亂知其創麗姬也自此之後雖立公族而顯者亦
少唯有悼公之弟揚于悼公之子憖二人名見於傳昭十
八年鄭人救火子產辭晉公子公孫於東門以外更無其
人良由偏於六卿不被任用故耳 注無公至之官 正
義曰不畜羣公子故無公族是公族之官掌教公之子弟

也下注云餘子適子之母弟亦治餘子之政餘子屬餘子之官則適子屬公族之官也孔晁注國語云公族大夫掌公族及卿大夫子弟之官是卿之適子屬公族也晉語云欒伯請公族悼公曰荀家悖惠荀會文敏驥也果敢無忌慎靖使茲四人者爲之背梁之性難正也故使悖惠者殺之文敏者道之果敢者諗之慎靖者脩之使茲四人者爲公族大夫是公族主教誨也注餘子至之政正義曰下庶子爲妾子知餘子則是適子之母弟也言亦爲餘子則知餘子之官亦治餘子之政令主教卿大夫適妻之次子也下云庶子爲公行掌率公之戎車則公行不教庶子然則卿大夫之妾子亦是餘子之官教之矣注庶子至戎行正義曰下句趙盾自以爲庶爲旌車之族則旌車之族即公行也掌車而謂之公行知其掌率公戎車之行列也晉於至公行正義曰此晉有公族餘子公行詩魏風有公族公路公行其公族公行既同公路似此餘子但餘子不主路車公路非餘子也當與公行爲一以其

主君路車謂之公路主車行列謂之公行其實正是一官
詩人變文以韻句耳周禮無此三官之名夏官有諸子下
大夫二人掌國子之倅事與公族同也春官有巾車下大
夫二人掌王之五路事與公行同也無與餘子同者天子
諸侯禮異耳注旒車至旒車正義曰主公車行列謂
之公行車皆建旒謂之旒車之族詩云子子干旒又曰建
旒設旒是公車必建旒也周禮主車之官謂之巾車巾者
衣也主衣飾之車謂之巾車此掌建旒之車謂之旒車之
族盾本卿之適子其子世承正適當爲公族使辟屏季故
更爲旒車之族自以身爲妾子故使其子爲妾子之官知
非盾身自爲旒車之族而云使其子者旒車之族賤官耳
盾身旣爲正卿無容返掌賤職六年經稱晉趙盾衛孫免
侵陳仍書於經非身退位故知使其子耳原同長而使趙
括者沈氏云以其君姬氏之愛子故使之非正適也注
盾以至之適正義曰族即屬也故官屬者父時舊官屬
也將父時官屬盡與外季使季爲我之正適也盾之此意

欲令身死之後使屏季承其父後爲趙氏宗
主但晉人以盾之忠更使其子朔承盾後耳

經三年春王正月郊牛之口傷改卜牛牛

死乃不郊

牛不稱牲未卜日

猶三望葬匡王

無傳四月而葬速

楚子伐陸渾之戎夏楚人侵鄭秋赤狄侵

齊

無傳

宋師圍曹冬十月丙戌鄭伯蘭卒

再與文

同盟

疏

注再與文同盟即位文二年盟于垂隴七年于扈十四年于

正義曰蘭以僖三十三年

新城魯鄭俱在當言三同盟而云再者以扈之盟經文不序諸侯故不數劉炫規之非也

葬鄭穆

公傳

傳三年春不郊而望皆非禮也

言牛雖傷死當更改卜取

其吉者郊不可廢也前年冬天王崩未葬而郊者不以王事廢天事禮記曾子問天子崩未殯五祀不行既殯而祭自啓至于反哭五祀之祭不行已葬而祭望郊之屬也不郊亦無望

可也

已有例在僖三十一年復發傳者嫌牛死與卜不從異

疏

注言牛至而祭正義曰案經牛

死在正月郊當用三月其間足得養牛牛雖一傷一死當更改卜取其吉者郊天之禮不可廢也牛死而遂不郊故爲非禮也不郊非禮則於禮得郊禮諸侯爲天子斬衰天王崩未葬而得郊者不以王事廢天事也引曾子問者舉輕以明重也初死以至於殯啓殯以至反哭於此之間五祀之祭不行耳既殯之後啓殯以前五祀之祭猶尚不廢郊天必不廢矣故鄭注云郊社亦然王制云喪三年不祭唯祭天地社稷爲越紼而行事鄭玄云不敢以卑廢尊紼

輜車索禮天子殯於西序橫輜車而塗之繫紼以備火災
言越紼而行事是在殯得祭也案曾子問既殯而祭其祭
也尸入三飯不侑醑不酢而已矣謂尸唯三飯祝不侑勸
其食食罷主人酌酒醑尸尸不酢主人曾子問又云已葬
而祭祝畢獻而已謂尸飯而侑勸訖醑尸尸酢主人酢訖
又布祝席祝坐主人酌酒以獻祝獻畢而止故鄭注云既
葬彌吉畢獻祝而後止是也鄭又注彼云天子七祀言五
者闕中言之案禮記祭法云王爲羣姓立七祀曰司命曰
中霤曰國門曰國行曰泰厲曰戶曰竈王自爲立七祀諸
侯爲國立五祀曰司命曰中霤曰國門曰國行曰公厲諸
侯自爲立五祀大夫立三祀曰族厲曰門曰行適士立二
祀曰門曰行庶士庶人立一祀或立戶或立竈是其義也

晉侯伐鄭及延鄭及晉平士會入盟

延鄭地
爲夏楚

浸鄭
傳

楚子伐陸渾之戎遂至於雒觀兵于

周疆

雒水出上雒冢領山至河南鞏縣入河

定王使王孫滿勞楚

子

王孫滿周大夫

楚子問鼎之大小輕重焉

示欲偏周取天下

對曰在德不在鼎昔夏之方有德也

禹之世

遠方圖物

圖畫山川奇異之物而獻之

貢金九牧

使九州之牧貢金

鑄

鼎象物

象所圖物著之於鼎

百物而爲之備使民知神

姦

圖鬼神百物之形使民逆備之

故民入川澤山林不逢不若

若順也

螭魅罔兩

螭山神獸形魅怪物罔兩水神

莫能逢之

逢遇也

用能協于上下以承天休

民無災害則上下和而受天祐

桀有

昏德鼎遷于商載祀六百

載祀皆年

商紂暴虐

鼎遷于周德之休明雖小重也

不可

其姦

回昏亂雖大輕也

言可移

天祚明德有所底

止

底致也

成王定鼎于郊鄩

郊鄩今河南也武王遷之成王定之

卜

世三十卜年七百天所命也周德雖衰天

命未改鼎之輕重未可問也

疏

螭山至水神正義曰螭山神

獸形魅怪物先儒相傳爲然魯語仲尼云木石之怪夔罔兩水之怪龍罔象則罔兩是木石之神杜以爲水神者魯語賈逵註云罔兩罔象言有夔龍之形而無實體然則罔兩罔象皆是虛無當總彼之意非神名也上句言山林川

澤則螭魅罔兩四神文十八年注螭魅山林異氣所生螭魅既為山林之神則罔兩宜為川澤之神故以為水神也

注載祀皆年

正義曰釋天云唐虞曰載商曰祀周曰年

孫炎云載取物終更始祀取四時祭祀一訖年取年穀一

孰是載祀皆年之別名複言之耳律歷志云商三十一王

六百二十九年

卜世至七百

正義曰律歷志云周三

十六王八百六十

七年過卜數也夏楚人侵鄭鄭即晉故也宋

七年過卜數也

文公即位三年殺母弟須及昭公子武氏

之謀也

武氏謀奉弟須及昭公子以作亂事在文十八年

使戴桓之族攻

武氏於司馬子伯之館盡逐武穆之族武

穆之族以曹師伐宋秋宋師圍曹報武氏

之亂也冬鄭穆公卒初鄭文公有賤妾曰

燕姑

姑南燕姓

夢天使與已蘭

蘭香草

曰余為伯

儵余而祖也

伯儵南燕祖

以是為而子

以蘭為女子名

以蘭

有國香人服媚之如是

媚愛也欲令人愛之如蘭

既而文

公見之與之蘭而御之辭曰妾不才幸而

有子將不信敢徵蘭乎

懼將不見信故欲計所賜蘭為懷子月數

公

曰諾生穆公名之曰蘭文公報鄭子之妃

曰陳嬀

鄭子文公叔父子儀也漢律淫季父之妻曰報

生子華子臧子

臧得罪而出

出奔宋

誘子華而殺之南里

在僖十六年

年南里

鄭地

使盜殺子臧於陳宋之間

在僖二十四年

又娶

于江生公子士朝于楚楚人酖之及葉而

死

葉楚地今南陽葉縣

又娶于蘇生子瑕子俞彌俞彌

早卒洩駕惡瑕文公亦惡之故不立也

洩駕

鄭大夫

公逐羣公子公子蘭奔晉從晉文公伐

鄭

在僖三十一年

石癸曰吾聞姬姑耦其子孫必蕃

姑姓宣為姬配稱

姑吉人也后稷之元妃也

姑姓之女為后稷妃

吳齊

周是以興故曰吉久

今公子蘭婚甥也天或啓之必將

爲君其後必蕃先納之可以元寵

元極也

與

孔將鉏侯宣多納之盟于大宮而立之

大宮

鄭祖廟

以與晉平穆公有疾曰蘭死吾其死乎

吾所以生也刈蘭而卒

傳言穆氏所以大興於鄭天所啓也

疏

夢天使與己蘭正義曰夢言天者皆非天也此旣言天使與己蘭即云余爲伯儵儵即非天也伯儵不得自稱爲

天天不得變爲伯儵明是夢者恍惚之言耳成五年晉趙嬰夢天使謂己祭余余福女上天之神聰明正直寧當就

溢亂之人降福以求食乎昭四年叔孫穆子夢天壓己弗勝號腎牛助而勝之若是上天之神寧當與腎牛爭力而

不勝也明皆恍惚之言或別有邪神夢者不識而妄稱天
耳。朝于楚。正義曰諸侯天子攝行父事稱朝此公子
士非天子亦稱朝者以天子稱朝
故傳亦通言之其實合稱聘耳

經四年春王正月公及齊侯平莒及邾莒

人不肯公伐莒取向

莒邾二國相怨故公與齊侯
共平之向莒邑東海承縣東

南有向城
遠疑也

秦伯稻卒

無傳米
同國也

夏六月乙酉鄭公

子歸生弑其君夷

傳例曰稱臣之罪也子公實
弑而書子家罪其權不足也

赤狄侵齊

無傳

秋公如齊

無傳公至自齊

告于

廟例在
桓二年

冬楚子伐鄭

傳四年春公及齊侯平莒及邾莒人不肯

公伐莒取向非禮也平國以禮不以亂伐

而不治亂也責公下先以禮治之而用伐以亂平亂何治之

有無治何以行禮楚人獻鼃於鄭靈公穆公

大子夷也公子宋與子家將見宋子公也子家歸生子公之食

指動第二指也以示子家曰他日我如此必嘗異

味及入宰夫將解鼃相視而笑公問之所問

笑子家以告及食大夫鼃召子公而弗與

也

欲使指動無效

子公怒染指於鼎嘗之而出公怒

欲殺子公子公與子家謀先

先公為難

子家曰畜

老猶憚殺之

六畜

而況君乎反譖子家子家

懼而從之

譖子家於公

夏弑靈公書曰鄭公子

歸生弑其君夷權不足也

子家權不足以禦亂懼譖而從弑君故書

以首惡

君子曰仁而不武無能達也

初稱畜老仁也不討子公

是不武也故不能自通於仁道而陷弑君之罪

凡弑君稱君君無道也稱

臣臣之罪也

稱君謂唯書君名而稱國以弑言衆所共絕也稱臣者謂書弑者之名以示來

世終爲不義改殺稱弑其惡名取
有漸也書弑之義釋例論之備矣

鄭人立子良

穆公

庶子辭曰以賢則去疾不足

去疾子良名

以順則公

子堅長乃立襄公

襄公堅也

襄公將去穆氏

逐羣兄弟

而舍子良

以其諺已

子良不可曰穆氏宜存則

固願也若將亡之則亦皆亡去疾何爲

何爲

獨乃舍之皆爲大夫

疏

注第二拾射禮云右巨指鉤弦鄭

正義曰大

玄云右巨指右手大臂也又曰設決朱極三鄭玄云極猶放也所以韜指利放弦也以朱韋爲之三者食指將拍無名指小指短不用然則手之五指之名口巨指食指將拍無名指小指也定十四年傳闕問傷將拍取其一履注云

其足大指見斬遂失屨謂大指爲將指者將者言其將領諸指也足之用力大指爲多手之取物中指最長故足以大指爲將指手以中指爲將指其食指者食所偏用服虔云俗所謂噍鹽指也 龜 正義曰說文云龜大鼈也玄中

要記曰千歲之龜能與人語 凡弑至之罪 正義曰晉語云趙宣子曰大者天地其次君臣則君臣之交猶父子也君無可弑之理而云弑君稱君君無道者弑君之人固爲大罪欲見君之無道罪亦合弑所以懲創將來之君兩見其義非赦弑君之人以弑之爲無罪也釋例曰天生民而樹之君使司牧之羣物所以繫命故戴之如天親之如父母仰之如日月事之如神明其或受雪霜之嚴雷電之威則奉身歸命有死無貳故傳曰君天也天可逃乎此人臣所執之常也然本無父子自然之恩末無家人習翫之愛高下之隔縣殊壑之否高端是以居上者降心以察下表誠以感之茲後能親親也若元高自肆羣下絕望情義地隔是謂路人之非君臣也人心苟離則位號雖存無以

自周故傳例曰弑君稱君無道稱臣之罪稱君者
唯書君名而稱國稱人以弑言衆之所共絕也稱臣者謂
書弑者主名以垂來世終爲不義而不可赦也然君雖不
君臣不可以不弑故宋昭之惡罪及國人晉荀林父討宋
曰何故弑君偕立文公而還深見貶削懷諸賊亂以爲心
者固不容於誅也若鄭之歸生齊之陳乞楚之公子比雖
本無其心春秋之義亦同大罪是以君子慎所以立也諸
侯不受先君之命而篡立得與諸侯會者則以成君書之
齊商人蔡侯班之屬是也若未得接於諸侯則不稱爵楚
公子棄疾殺公子比蔡人殺陳他齊人殺無知衛人殺州
吁公子瑕之屬是也諸侯篡立雖以會諸侯爲正此列國
之制也至於國內策名委質即君臣之分已定故殺不成
君者亦與成君同義傳曰會于平州以定公位又云若有
罪則君列諸會矣此以會爲斷也經書趙盾弑君而傳云
靈公不君又以明於例此弑宜稱君也弑非趙盾而經不
變文者以示良史之意深責執政之臣傳特見仲尼曰越

竟乃免明盾亦應受罪也醫不三卅不服其藥古之慎刑
也人子之孝當盡心嘗禱而已藥物之齊非所習也許止
身爲國嗣國非無醫而輕果進藥故罪同於弑二者雖原
其本心而春秋不赦蓋爲教之遠防也楚靈無道於民於
例當稱國以弑公子比首兵自立楚衆散歸而靈王縊死
故以比爲弑主也比旣得國國人驚亂棄疾從而扇之比
懼自殺皆棄疾之由故書公子棄疾殺公子比也左氏義
例止此而已其餘小異皆從赴也劉賈許穎以爲君惡及
國朝則稱國以弑君惡及國人則稱人以弑案傳鄭靈宋
昭經文異而例同故重發以同之予弑其父又嫌異於他
臣亦重明其不異旣不碎別國之與人而傳云莒紀公多
行無禮於國太子僕因國人以弑之經但稱國不稱人知
國之與人雖言別而事一也杜言小異從赴者宋之蒙澤
楚之乾谿俱是國內而弑捷不書蒙澤齊商人衛州吁俱
是公子而州吁不稱公子諸如此類所有不同皆從赴也
此弑君之例有君罪臣罪之異而諸侯出奔皆不書逐君

之人以罪臣者以君之見弑未必皆爲無道故立臣罪之文以見君有無罪死者國君而被臣逐悉是不能固位其罪皆在於君故杜諸侯出奔例云諸侯奔者皆迫逐而苟免非自出也仲尼之經更沒逐者主名以自奔爲文者責其不能自安自固所犯非徒所逐之臣也蔡侯朱雖無罪據其失位出奔亦其咎也是說逐君無罪臣之文意也

初楚司馬子良生子越椒子文曰必殺之

子文子良之兄

是子也熊虎之狀而豺狼之聲弗殺

必滅若敖氏矣諺曰狼子野心是乃狼也其可畜乎子良不可子文以爲太感及將死聚其族曰椒也知政乃速行矣無及於

難且泣曰鬼猶求食若敖氏之鬼不其餒

而

而語助言必餒

及令尹子文卒鬬般爲令尹

般子文之子子

場

子越爲司馬蒍賈爲工正譖子揚而殺

之子越爲令尹己爲司馬

賈爲椒譖子揚而己得椒處

子

越又惡之

賈惡

乃以若敖氏之族圍伯嬴於

轅陽而殺之

圍囚也伯嬴蒍賈也轅陽楚邑

遂處烝野將攻

王王以三王之子爲質焉弗受

烝野楚邑三王文成穆

師于漳澨

漳澨漳水邊

秋七月戊戌楚子與若敖

氏戰于皐澣

皐澣楚地

伯棼射王汰輶及鼓跗

著於丁寧

伯棼越椒也輶車輶汰過也箭過車輶上丁寧鉦也

又射汰輶以

貫笠轂

兵車無蓋尊者則邊人執笠依轂而立以禦寒暑名曰笠轂此言箭過車輶及王之蓋

師懼退王使巡師曰吾先君文王克息獲

三矢焉伯棼竊其二盡於是矣鼓而進之

遂滅若敖氏初若敖娶於邲

邲國名

生鬬伯比

若敖卒從其母畜於邲

畜養也

淫於邲子之

女生子文焉邲夫人使奔諸夢中

夢澤名江夏安陸縣

城東南有雲夢城

虎乳之邳子田見之懼而歸夫人

以告

告女私通所生

遂使收之楚人謂乳穀謂虎

於菟故命之曰鬬穀於菟以其女妻伯比

伯比所淫者

實為令尹子文

鬬氏始自子文為令尹

其孫箴尹

克黃

歲尹官名克黃子揚之子

使於齊還及宋聞亂其人

曰不可以入矣箴尹曰弃君之命獨誰受

之君天也天可逃乎遂歸復命而自拘於

司敗王思子文之治楚國也曰子文無後

何以勸善使復其所改命曰生

易其名也

疏

注漳

滋漳水邊

正義曰釋例云漳水出新城沔鄉縣南至荆

山東南經襄陽南郡當陽縣入沮爾雅水邊之名唯有厓

渙岸潏無以滋爲水邊者但此云漳滋成十五年云決睢

滋睢漳皆水名舉水名而言滋知滋是水邊也及鼓跗

著於丁寧正義曰車上不得置箕虞以縣鼓故爲作跗

若般之楹鼓也言著於丁寧則丁寧是器晉語云伐備鐘

鼓聲其罪也戰以淳于丁寧傲其民也是丁寧戰之用也

周禮鼓人以金錡和鼓鄭玄云錡淳于也其形圓如確頭

以金鑄節鼓鄭玄云鑄鉦也形如小鐘軍行鳴之以爲鼓

節是錡即淳于鑄即丁寧故先儒皆以鑄爲鉦之別名丁

寧即是鉦也注兵車至之蓋正義曰服虔云笠轂轂

之蓋如笠所以蔽轂上以禦矢也一曰車轂上鐵也或曰

兵車旁幔輪謂之笠轂杜以彼所不安故改之而爲此說

亦是以意而言差於人情爲允耳王使至是矣正義

曰此是疆軍人之心耳息有此矢矢當有法不得無人學作
唯三而已且射中王車由射之工不由矢善若其由矢王
國猶有一矢何不一發以取越椒注易其名正義曰
言越椒之亂合誅絕其族今更存立故命曰生言應死而

重冬楚子伐鄭鄭未服也

前年楚侵鄭不獲成故曰未服

經五年春公如齊夏公至自齊秋九月齊

高固來逆叔姬

高固齊大夫不書女歸降於諸侯

疏

注高固至諸侯正義曰

僖五年公孫茲如牟注云娶於牟也卿非君命不越竟故
奉公命聘於牟因自爲逆然則此高固亦是因來聘而自
逆也經書公孫茲如牟是以聘爲文此高固以逆爲文不
言聘者此二者皆以非君之命不得越竟請君行聘而因
自逆妾本意爲逆不爲聘也從魯而出私娶輕而君命重
故書聘不書逆自外而來則嫁共重而受聘輕故書逆不

書聘內外之異文耳諸侯嫁女於大夫則使大夫爲之主而書於經者行禮爲尊卑不敵故使大夫爲主耳其女適他族以先公之遺體許人必告於廟故書之耳嫁於諸侯者皆書其歸此不書歸者差降於諸侯也非齊夫人不得言歸于齊若言歸于齊高氏則下嫁於大夫非公之敵故不得書其歸也

叔孫得臣卒

無傳

不書日公不與小敵

冬齊高固及子叔姬來

叔姬寧固反馬

疏

注叔姬寧固反馬 正義曰傳言來反馬也據高固爲文耳嫌叔姬亦爲反馬故辨之二者各有所爲而相隨行耳女既適人當稱夫族宋蕩伯姬是其事也叔姬已適高氏而猶言子叔姬者以其新歸於夫反馬乃成爲婦今始來反馬故以父母之辭言之

楚人伐鄭

傳五年春公如齊高固使齊侯止公請叔

姬焉

留公強成昏

夏公至自齊書過也

公既見止連昏於鄰

國之臣厭尊毀列累其先君而於廟行飲至之禮故書以示過

疏

注公既至示過正義曰凡公行還書至

者往反無咎喜之而告廟也公如齊見止求與高固為昏方始得歸當以恥而不告亦復告廟飲至故依常書之以

示過釋例曰凡反行飲至必以嘉會昭告祖禰有功則舍爵策勲無勲無勞告事而已若夫執止之辱厭尊毀列所

以累其先君忝其社稷故當克躬罪已不以嘉禮自終宣公如齊既已見止連昏於鄰國之臣而行飲至之禮故傳

曰書過也言書過者書之以示公過也

秋九月齊高固來逆女自

為也故書曰逆叔姬卿自逆也

適諸侯稱女適大夫稱字

所以別尊卑也此春秋新例故稱書曰而不言凡也不於莊二十七年發例者嫌見迫而成昏因明之

疏

注適諸至明之 正義曰俱是外來逆女適諸侯諸侯遣
臣來逆則稱逆女紀裂繻來逆女是也適大夫大夫自來
逆則稱所逆之字此高固來逆叔姬是也二文不同所以
別尊卑也傳言卿自逆者別其與君逆也莊二十七年莒
慶來逆叔姬文與此同不於彼發例者嫌此高固冬來
見迫而成昏與常例或異故因此以明其不異也

反馬也

禮送女留其送馬謙不敢自安三月廟見遣使
反馬高固遂與叔姬俱寧故經傳具見以示譏

疏

注禮送至示譏 正義曰禮送女適於夫氏留其所
送之馬謙不敢自安於夫若被出棄則將乘之以歸故

留之也至三月廟見夫婦之情既固則夫家遣使反其所
留之馬以示與之偕老不復歸也法當遣使不合親行高
固因叔姬歸寧遂親自反馬與之俱來故經傳具見其事
以示譏也儀禮昏禮者士之禮也其禮無反馬故何休據
之作膏肓以難左氏言禮無反馬之法鄭玄荅之曰冠義
云無大夫冠禮而有其昏禮則昏禮者天子諸侯大夫皆

異也士昏禮云主人爵弁纁裳緇衣乘墨車從車二乘婦車亦如之此婦車出於夫家則士妻始嫁乘夫家之車也詩鵲巢云之子于歸百兩御之又曰之子于歸百兩將之將送也國君之禮夫人始嫁自乘其家之車也則天子諸侯嫁女留其乘車可知也高固大夫也來反馬則大夫亦留其車也禮雖散亡以詩之義論之大夫以上其嫁皆有留車反馬之禮留車妻之道也反馬壻之義也高固以秋九月來逆叔姬冬來反馬則婦入三月祭行乃反馬禮也是說禮有反馬之法唯高固不宜親行耳杜言三月廟見謂無舅姑者士昏禮婦至其夕成昏質明贊見婦於舅姑若舅姑既沒則婦入三月乃奠菜鄭玄云奠菜者祭菜也又記曰婦入三月然後祭行鄭玄云謂助祭也曾子問篇端稱孔子曰三月而廟見稱來婦也擇日而祭於廟成婦之義也鄭玄云謂舅姑沒者也是舅姑沒者以三月而祭因以三月爲反馬之節舅姑存者亦當以三月反馬也士昏禮又稱若不親迎則婦入三月然後壻見於妻之父母

此高固親迎則不須更見故譏其親反馬也案杜注經云叔姬寧固反馬傳唯舉反馬不言寧者以寧是常事唯反馬非禮故傳舉其非禮者

楚子伐鄭陳及楚平晉荀林父

救鄭伐陳

爲明年晉衛侵陳傳

經六年春晉趙盾衛孫免侵陳夏四月秋

八月螽

無傳

冬十月

傳六年春晉衛侵陳陳即楚故也夏定王

使子服求后于齊

子服周大夫

秋赤狄伐晉圍懷

及邢丘

邢丘今河內平皋縣

晉侯欲伐之中行桓子曰使

疾其民

驕則數戰為民所疾

以盈其貫將可殪也

殪盡也貫猶習

也周書曰殪戎殷

周書康誥也義取周武王以兵伐殷盡滅之

此類

之謂也

為十五年晉滅狄傳

疏

注殪盡至習也云貫習也殪死也言其死盡故

正義曰釋詁

以殪為盡盈其貫者杜以為盈滿其心使貫習來伐劉炫云案尚書泰誓武王數紂之惡云商罪貫盈言紂之為惡如物在繩索之貫不得為習也今知不然者以詩稱射則貫兮先儒亦以為習故杜用焉義得兩通劉直以尚書之文而規杜過恐非也周書曰殪戎殷正義曰如杜所注或訓為兵謂以兵伐殷而殪盡也殪字宜在下以周書本文故其冬召桓公逆王后于齊召桓公王卿士事字在上不關魯故不書為成二年王楚人伐鄭取成而還九年十一年傳所稱厲之役蓋在此

鄭公子曼滿與王子伯廖語欲為卿

二子鄭大夫

伯廖告人曰無德而貪其在周易豐

離下震之離



豐上六變而為純離也周易論變故雖不筮必以變言其義豐上六曰豐

其屋部其家闕其戶閒其無人三歲不覲凶義取無德而大其屋不過三歲必滅亡

弗過之矣

不過三年間一歲鄭人殺之



注豐上至滅亡正義曰豐卦震上離下

震為動離為明動而益明豐大之義豐卦上六變而為純離之卦故為豐之離也杜以筮得此卦爻變而為彼卦可言遇觀之否遇坤之比耳此直口語不是撰著而亦言豐之離者周易論變為義故雖不筮論易者必以變言其義故言豐之離也杜又引豐上六至不覲凶皆周易之文也王弼以為上六以陰處極而最在外不履於位深自幽隱

絕跡深藏者也。蔀者覆郭之物也。豐大其屋，又郭蔽其家，聞之甚也。以甚閭而處大屋，不能久享其利。其屋雖大，其室將空。故窺其戶而閔然，無人也。經三歲而不能顯見，則凶伯廖引此者，義取無德而居，乃屋不過三歲必滅亡。

經七年春，衛侯使孫良夫來盟。

疏 衛侯至來盟。

正義曰：文二年，晉人以公不朝，使陽處父盟。公以恥之，書曰：「及晉處父盟，去其族以厭恥也。」然則公與大夫對盟，則為恥辱。此良夫來盟，無貶責者。彼公親朝晉，晉侯不與公盟，故遣大夫敵公，是為恥辱。此不貶責者，其君不得親來，遣臣來與公盟，示對彼君非為恥也。

夏公會齊侯、伐萊。

傳 例曰：不與謀也。萊國今

東萊。

秋公至自伐萊。

傳 無

大旱。

傳 無傳書旱而不書雩，雩無功，武不雩。

冬公會晉侯、宋公、衛侯、鄭伯、曹伯于黑壤。

傳七年春衛孫栢子來盟始通且謀會晉

也

公即位衛始脩好

夏公會齊侯伐萊不與謀也凡

師出與謀曰及不與謀曰會

與謀者謂同志之國相與講議利害計成

而行之故以相連及爲文若不獲已應命而出則以外合爲文皆據魯而言師者國之大事存亡之所由故詳其舉

動以例

疏

凡師至曰會正義曰釋例曰與謀者同志之國彼我之計未定相與共謀講議利害計

成而後行之故以相連及爲文不與謀而出師者謂不得已而應命故以外合爲文皆據魯而言之也公親會齊侯

伐萊而傳以師出示例所以通卿大夫帥師者也魯既春會于曹以謀伐鄭夏遂起師而更從不與謀之文者厲

公篡大子忽之位謀而納之非正故諱從不與謀之例若夫盟主之令則上行乎下非匹敵和成之類故雖或先謀

皆從不與謀之例成八年晉士父來聘且言將伐邾下云
會伐邾是也凡乞師者深求過理之辭執謙以偏成其計
故雖小國乞之於大國大國乞之於小國亦皆從不與謀
之例臧宣叔卻錡是也傳以師出爲例是唯繫於戰伐而
劉賈許顥濫以經諸及字爲義本不在例今欲強合之所
以多相錯伐也杜言小乞大乞小者僖二十六年公子
遂如楚乞師成二年臧宣叔如晉乞師是小國乞於大國
也成十三年卻錡來乞師十六年欒黶來乞師十七年荀
弼來乞師十八年士魴來乞師是大國乞於小國也與謀
者心俱欲伐彼此同謀乞師者非彼所欲乞來爲已也我
乞彼者彼不與我謀彼乞我者我不與彼謀是故凡言乞
者皆從不與謀之例宣叔且小乞大卻錡是大乞小除晉
乞魯以外更無大乞小者是以舉卻錡以辨乞小之事耳晉
是盟主自是上行乎下例無與謀之文不由卻錡乞師乃
從不與謀之例

赤狄侵晉取向陰之禾

此無秋字蓋
闕文晉用桓

子謀故

疏

注此無秋字蓋闕文正義曰苗秀乃名為

縱狄

禾夏則無禾可取知此取必在秋此無秋字

蓋闕文鄭及晉平公于宋之謀也故相鄭伯

以會冬盟于黑壤王叔桓公臨之以謀不

睦王叔桓公周卿士衛大子之命以晉侯之立也

年公不朝焉又不使大夫聘晉人止公于

會盟于黃父公不與盟以賂免黃父即黑壤故

黑壤之盟不書諱之也慢盟主以取執止之辱故諱之

諱之正義曰昭十三年公會劉子晉侯云云于平丘八月甲戌同盟于平丘公不與盟於時晉以讒慝弘多不與

公盟公不得與非國之故書其同盟而顯言不與此時
公實有罪為晉所執不得與盟是公之恥故諱而不書其
盟若言諸侯實不盟公無所可與然

經八年春公至自會

無傳義與五年書過同

疏

注義與五年書過同

正義曰被執不以為恥而亦告廟飲至故書之以示過也故杜云義與五年書過同

夏六月公子

遂如齊至黃乃復

無傳蓋有疾而還大夫受命而

疏

注蓋有至禮也

正義曰下言其卒故疑有疾而還也聘禮曰賓入竟而一而死遂也若賓死未將命則

既斂于棺造于朝介將命哀丁五年傳曰有朝聘而終以尸將事之禮是入所聘之竟也則當遂行黃是齊竟遂以疾

還非禮也

辛巳有事于太廟仲遂卒于垂

有事祭也仲遂

卒與祭同日略書有事爲繹張本不言公子因上行還間
無異事省文從可知也稱字時君所嘉無義例也垂齊地
非魯竟

壬午猶繹萬入云攸

繹又祭陳昨日之禮所以賓尸萬舞

名篇管也猶者可止之辭魯人午卿佐之喪不
宜作樂而不知廢繹故內舞去其聲聞

疏

注有事至

書地

正義曰有事祭也者謂諸祭也釋例以昭十五年

有事于武宮傳稱禘于武公則知此言有事亦是禘也祭
之日仲遂卒不言禘而略言有事者禘事得常不主書禘
爲下繹祭張本耳上言公子遂如齊此言仲遂卒不言公
子者此書有事爲仲遂卒而書之與上相連猶是一事因
上行還間無異事省公子之文從可知也衛氏難杜云其
間有辛巳有事于大廟何得爲間無異事秦氏釋云有事
于大廟是爲仲遂卒起文止是一事故云間無異事也既
不書公子而稱仲遂者時君所嘉寵故稱其字非義例也
定五年傳季平子行東野卒于房房是魯地卒於竟內故

不書其地。地是齊地。非魯竟故書地也。注釋又至聲聞正義曰。繹又祭釋天文孫炎云。祭之明日。尋繹復祭也。公羊傳曰。繹者何。祭之明日也。穀梁傳云。繹者祭之旦日之享賓也。天子諸侯謂之爲繹。少牢饋食大夫之禮也。謂之賓尸。釋詁云。繹陳也。是陳昨日之禮。以賓敬此尸也。公羊傳曰。萬者何。干舞也。箛者何。箛舞也。其言萬入去箛何。去其有聲者。廢其無聲者。知其不可而爲之也。猶者何。通可以已也。是萬爲舞名。禮明堂位曰。朱干玉戚。冕而舞大武。干楯也。戚斧也。此舞者。左手執楯。右手執斧。故謂之武舞。言王者以萬人服天下。故以萬爲名。詩言碩人之舞。云左手執箛。右手秉翟。鄭云。箛如管。六孔。何休云。吹之以節舞也。故吹箛而舞。謂之文舞。魯人知卿佐之喪。不宜作樂。故去其有聲。而不知廢繹。納舞去箛。惡其聲聞也。尋杜注意。直云萬舞名。又注隱五年。亦直云萬舞也。下問羽數。則萬是舞之大名。不取公羊萬是干舞之義。則執羽吹箛。是爲萬舞。故杜云。納舞去箛。惡其聲聞。是無干舞箛舞之別。

名也沈氏云案曾子問嘗禘郊社簠簋既陳天子崩后之喪廢則卿喪不廢正祭繹是又祭為輕故當廢之戊

子夫人嬴氏薨

無傳宜公母也

晉師白狄伐秦楚人

滅舒蓼秋七月甲子日有食之既

無傳月三十日食

冬十月己丑葬我小君敬嬴

敬諡嬴姓也反哭成喪故稱葬小君

雨不克葬庚寅日中而克葬

克成也

疏

正義曰注敬諡也

謚法夙夜勤事曰敬

雨不至克葬

正義曰定十五年九月丁巳葬我君定公雨不克葬戊午日下晁乃克葬彼

云乃此云而者公羊傳曰而者何難也乃者何難也曷為或言而或言乃乃難乎而也何休云難者臣子重難不得

以山日葬其君言乃者內而深言而者外而淺下具日曷久故言乃左氏無傳杜又不說或如公羊之言或是史家

異城平陽

今泰山有平陽縣

楚師伐陳

傳八年春白狄及晉平夏會晉伐秦

經在仲遂

卒下從赴

晉人獲秦謀殺諸絳市六日而蘇

蓋記

異也

有事于大廟襄仲卒而繹非禮也楚為

衆舒叛故伐舒蓼滅之

舒蓼二國名

楚子疆之

正其界也

及滑汭

滑水名

盟吳越而還

吳國今吳郡越國今會稽山陰

縣也傳言楚疆吳越服從

疏

注舒蓼二國名者蓋轉寫誤當云一國名索釋例土地

正義曰舒蓼二國名

名有舒韞舒舒蓼舒庸舒補以為五名則與文五年滅蓼同其蓼滅後更復故楚今更滅之劉炫以社為二國而規

之非也

盟吳越而還

正義曰譜云吳姬姓周文王之

子大伯仲雍之後大伯仲雍謫其弟季歷而去之荆蠻自

號句吳句或爲工夷言發聲也大伯無子而卒仲雍嗣之

當武王克殷而因封其曾孫周章於吳爲吳子又別封章

弟虞仲於虞自太伯五世而得封十二世而晉滅虞虞滅

而吳始大至壽夢而稱王壽夢以上世數可知而不紀其

年壽夢元年魯成公之六年也夫差十五年獲麟之歲也

二十三年魯哀公之二十二年而越滅吳越如姓其先夏

后少康之庶子也封於會稽自號於越於者夷言發聲也

濱在南海不與中國通後二十餘世至於允常魯定公五

年始伐吳允常卒子句踐立是爲越王越王元年魯定公

之十四年也魯哀公二十二年句踐滅吳霸中國卒春秋

後七世大爲楚所破遂微弱矣外傳曰芊姓

歸越越本楚之別封也或非夏后之後也

晉是月克有

蠱疾

惑以

卻缺爲政

代趙

秋廢胥克使趙

朔佐下軍

朔盾之子代胥克為成十七年胥童怨卻氏張本

冬葬敬嬴

旱無麻始用葛菲

記禮變之所由菲所以引柩殯則有之以備火葬則以下柩

雨不克葬禮也禮卜葬先遠日辟不懷也

懷忌

疏

注記禮至下柩

正義曰禮記諸言自某始者

皆與後人為始此云始用葛菲則自此以後常用葛故云記禮變之所由菲字禮或作縹或作縹繩之別名也周禮遂人大喪屬六紼天子用六也喪大記君葬用四紼大夫士葬周二紼是紼者所以引柩也於殯則已有之繫於輅車以備火災有災則引柩以辟火及葬則用之以下柩也 雨不至懷也 正義曰曲禮云凡卜筮日旬之外曰遠某日旬之內曰近某日喪事先遠日吉事先近日鄭玄云喪事葬與練祥也吉事祭祀冠取之屬也然則先近日先卜上旬不吉卜次旬又不吉卜下旬喪事則

先卜下自卜葬先卜遠日辟不思念其親似欲汲汲而早葬之也今若冒雨而葬亦是不思其親欲得早葬故舉卜葬先遠日以證爲雨而止禮也王制云庶人城平陽書葬不爲雨止者鄭玄云雖雨猶葬禮儀少也

時也陳及晉平楚師伐陳取成而還

言晉楚爭強

經九年春王正月公如齊

無傳

公至自齊

無傳

夏

仲孫蔑如京師齊侯伐萊

無傳

秋取根牟

根牟

東夷國也今琅邪陽都縣東有牟鄉

八月滕子卒

未同盟

九月晉侯宋

公衛侯鄭伯曹伯會于扈晉荀林父帥師

伐陳辛酉晉侯黑臀卒于扈

卒於竟外故書地四與文同盟

九月無辛酉日誤

疏

注卒於至日誤正義曰釋例扈是鄭地故云卒於竟外黑臀以二年始立而云四

與文同盟者杜注春秋又為釋例前後經傳勘當備盡豈晉侯二年始立不干文公之世而云四與文同盟必是後寫之誤蘇氏亦以為然劉炫以此規杜非也其君卒或書地或不書地皆從赴今云卒於竟外故書地者據晉侯實地在竟外卒非以為例也劉炫云襄七年鄭伯髡頑卒于鄆昭二十五年宋公佐卒于曲棘竟內亦書地非竟外九月無辛酉者下有十月癸酉杜以長歷推之癸酉是十月十六日辛酉在前十二日耳故云九月無辛酉上有八月下有十月非

冬十月癸酉衛侯鄭卒

無傳三與文同盟

疏

注三與文同盟正義曰鄭父燬以僖二十五年卒鄭代立其年盟于洮二十六年于向二十八年于踐土文七年于扈十四年于新城唯二與文同盟云三者以二三字體相近轉寫之誤耳若其不然杜無容不委劉炫以此規杜

也非宋人圍滕楚子伐鄭晉卻缺帥師救鄭

陳殺其大夫洩冶

洩冶直諫於湣亂之朝以取死故不爲春秋所貴而書名

疏

注洩冶至書名正義曰文八年宋人殺其大夫司馬貴之而不名此書洩冶之名是不爲春秋所貴故書名傳稱臣者所以治煩去惑是以伏死而爭則直諫者臣之盡忠之事洩冶忠諫而死不爲春秋所貴者釋例曰魯哀之可諫者甚衆未聞仲尼之書言至於陳恒弑其君孔子沐浴而朝告於哀公求討不義顯事施舍足以致益者固人臣之所當造膝也若乃情色之惑君不能得之於臣父不能得之於子臣子而欲顯直於其君父適所以益謗而致罪也陳靈公宣淫悖德亂倫志同禽獸非盡言所救洩冶進無斥濟遠策退不危行言孫安昏亂之朝慕匹夫之直忘遽氏可卷之德死而無益故經同罪賤之文傳特稱仲尼以明之忠爲令德非其人猶不可況不令乎此其義也是

說不貴洩治之意也然則比干諫紂而死孔子稱殷有二
仁焉善比干者家語云子貢曰陳靈公君臣宣淫於朝洩
治諫而殺之是與比干諫死同可謂仁乎孔子曰比干於
紂親則諸父官則少師忠款之心在於存宗廟而已固當
以必死爭之冀身死之後紂當悔悟本志存於仁者也洩
治之於靈公位在大夫無骨肉之親懷寵不去仕於亂朝
以區區之身欲止一國之淆昏死而無益可謂狷矣詩云
民之多辟無自立辟其洩治之謂乎是言洩治之行不得
同於比干之意也

傳九年春王使來徵聘

徵召也言周微也徵聘不書微加諷喻不指斥

夏孟獻子聘於周王以為有禮厚賄之秋

取根牟言易也滕昭公卒

為宋園滕傳

會于扈討

不睦也

陳謀齊

陳侯不會

前年與楚成故

晉荀林父以

諸侯之師伐陳

不書諸侯師林父帥之無將帥

晉侯卒于扈乃

還

疏

注不書至將帥師宋師秦師及楚人戰于城濮彼注云宋公齊

正義曰僖二十八年晉侯齊

國歸父秦小子憖既次城濮以師屬晉不與戰也彼以師屬晉而經書其師此全不書者彼雖公卿不行仍有大夫帥之將卑師衆故稱師耳此則全無將帥以兵付晉并入晉軍林父獨自帥之故唯書林父伐陳也冬宋

人圍滕因其喪也陳靈公與孔寧儀行父

通於夏姬皆衷其相服以戲于朝

二子陳卿夏姬鄭穆

公女陳大夫御叔妻衷懷也相服近身衣

洩冶諫曰公卿宣淫民無

效焉

宣示也

且聞不令君其納之

納藏祖服

公曰

吾能改矣公告二子二子請殺之公弗禁

遂殺洩冶孔子曰詩云民之多辟無自立

辟其洩冶之謂乎

辟邪也辟法也詩大雅言邪辟之世不可立法國無道危行言

孫楚子爲厲之役故伐鄭

六年楚伐鄭取成於厲既成鄭伯逃歸事

見十一年晉卻缺救鄭鄭伯敗楚師于柳林

柳林

鄭地國人皆喜唯子良憂曰是國之災也吾

死無日矣

自是晉楚交兵伐鄭十二年卒有楚子入鄭之禍

經十年春公如齊公至自齊無傳齊人歸我

濟西田

元年以賂齊也不言來公如齊因受之

夏四月丙辰日有

食之

無傳不書朔官失之

己巳齊侯元卒

未同盟而赴以名

齊崔

氏出奔衛

齊略見舉族出因其告辭以見無罪

疏

注齊略至無罪正義曰崔杼有寵

於惠公惠公既薨高國二家恐其藉前世之寵又有寵於新君故畏其偪己因君薨而逐之崔杼未有罪也齊人疑其事故不言其名略言崔氏見其舉族出奔耳及仲尼脩之大夫出奔無罪不名不名即是無罪故因告稱氏而書氏以見無罪若貴之或稱官或稱字如司城子哀之類是也公如齊五月公至自

齊

無傳

癸巳陳夏徵舒弑其君平國

徵舒陳大夫也靈公

惡不加民故稱臣以弑

六月宋師伐滕公孫歸父如齊

葬齊惠公

無傳歸父襄仲之子

晉人宋人衛人曹人伐

鄭

鄭及楚平故

秋天王使王季子來聘

王季子者公羊

以為天王之母弟然則字季子天子大夫稱字

疏

注王季至稱字正義曰公羊傳曰王季子者何天子之

大夫也其稱王季子何貴也其貴奈何母弟也是公羊以為天王之母弟也母弟而稱季子然則字季子也天子大夫例稱字襄三十年天王殺其弟佞夫母弟稱弟此不言王弟者釋例云朝聘盟會嘉好之事此兄弟之篤睦非義例之所與故仍舊史之策或稱弟或稱公子是申義無所見故因其舊文其相殺害乃稱弟以示義耳

公孫

歸父帥師伐邾取繹

繹邾邑魯國邾縣北有繹山

疏

注繹邾至

繹山 正義曰文十三年傳稱邾邾于繹則繹為邾之都矣更別有繹邑今魯伐取之非取邾之都也亦因繹山為

名蓋近在邾都之旁耳

大水

無傳

季孫行父如齊冬公孫

歸父如齊齊侯使國佐來聘

葬成君故齊君命使也

饑

無傳有水災嘉穀不成

楚子伐鄭

傳十年春公如齊齊侯以我服故歸濟西

之田

公比年朝齊故

夏齊惠公卒崔杼有寵於惠公

高國畏其偪也

高國二家齊正卿

公卒而逐之奔衛

書曰崔氏非其罪也且告以族不以名

典策之法

告者皆當書以名今齊特以族告夫子因而存之以示無罪又言且告以族不以名者明春秋有因而用之不肯改

舊凡諸侯之大夫違違奔放也告於諸侯曰某

氏之守臣某上某出者姓下某出者名失守宗廟敢告所有

玉帛之使者則告玉帛之使謂聘不然則否思好不接故亦

不疏法典策至改舊正義曰傳言且告以族不以名知法當以名告而齊人誤以族告也釋例云若乃

稱同城以貴效節於府人書歸父之還以善復命於介因齊人告辭以著其無罪蓋隨事以示褒貶也傳既云書曰

崔氏以明非罪復云且告以族不以名知典策之書舊當以名通也齊國雖繆以族告適合仲尼所褒之實因而不

革以示無罪且明春秋之作或因仍舊史成文不必皆有改也何休膏肓以為公羊譏世卿而難左氏蘇氏釋云崔杼

祖父名不見經則知非世卿且春秋之時諸侯擅相征伐
猶尚不識世卿雖曰非禮夫子何由獨責又鄭駁異義引
尚書世選爾勞又引詩刺幽王絕功臣之世然則與滅繼
絕王者之常識世卿之文其義何在 注連奔放也 正
義曰釋例曰迫窘而奔及以禮見放俱去其國故傳通以
連爲文是言連兼奔放也 注上某至某名一正義曰
若言崔氏之守臣杼也大夫受氏當世守宗廟故謂之守
臣言守宗廟之臣也僖十二年管仲云天子之二守高國
在彼謂天子命之爲守國之臣與此異也知此異於彼者
豈天子命者出奔乃得告於諸侯餘臣出奔不得告也且
下句云失守宗廟知守臣謂守宗廟之臣非守國也天子
賜姓諸侯賜族對文則姓與族別散文則可以通禮謂族
人爲庶姓故云上某出者姓其實正是族也 注玉帛之
使謂聘 正義曰聘禮曰執玉致命執帛致享故云玉帛
之使謂聘也下注云恩好不接故亦不告又昭二十年曹
公孫會自鄆出奔宋注云嘗有玉帛之使來告故書則杜

意以爲奔者之身嘗有玉帛之使於彼國已經相接則告之若奔者未嘗往聘恩好不接則不告唯告奔者嘗聘之國餘不告也劉炫以爲玉帛之使謂國公如齊奔喪家有交好之國皆告非指奔者之一身

公親奔喪非禮也公出朝會奔喪會葬皆書如不言其事史之常也

陳靈公與孔寧

儀行父飲酒於夏氏公謂行父曰徵舒似

女對曰亦似君徵舒病之

靈公即位於今十五年徵舒已爲卿年大

無嫌是公子蓋以夏姬淫放故謂其子多似以爲戲

公出自其廐射而殺之

二子奔楚滕人恃晉而不事宋六月宋師

伐滕鄭及楚平

前年敗楚師恐楚深怨故與之平

諸侯之師伐

鄭取成而還秋劉康公來報聘

報王獻子之聘

也其後食采於劉

師伐邾取繹

為子家如齊傳

季子之聘聘于

齊

齊侯初即位

冬子家如齊伐邾故也

魯侵小邾為齊所討

故往謝

國武子來報聘

報文子也

楚子伐鄭晉士

會救鄭逐楚師于潁北

潁水出河南陽城至下蔡入淮

諸侯之

師戍鄭

疏

注潁水至入淮

正義曰釋例曰潁水出河南陽城縣陽乾山東南經潁川汝陰至

淮南下蔡縣入淮也

鄭子家卒鄭人討幽公之亂斲子

家之棺而逐其族

以四年弑君故也斲薄其棺不使從卿禮

改葬幽

公謚之曰靈**疏**

注以四至卿禮正義曰喪大記云君大棺八寸屬六寸槨四寸上

大夫大棺八寸屬六寸下大夫大棺六寸屬四寸士棺六寸然則子家上大夫棺當八寸今斂薄其棺不使從卿禮耳不知斂薄之使從何禮也幽公正義曰謚法動靜亂常曰幽

經十有一年春王正月夏楚子陳侯鄭伯

盟于辰陵

楚復伐鄭故受盟也辰陵陳地潁川長平縣東南有辰亭

公孫歸父

會齊人伐莒

無傳

秋晉侯會狄于欒函

晉侯往會之故

以狄爲會主

疏

注晉侯至狄地魯不與者皆歷序諸國云會于某地上

盟于辰陵即其事也狄從諸夏序列亦然僖二十年齊人狄人盟于邢是也此異於彼而云晉侯會狄是狄在彼地

晉往會之故傳說晉大夫欲召狄卻成子勸其勤是晉侯自往故以狄爲會主成十五年會吳于鍾離襄十年會吳于柎其意與此同冬十月楚人殺陳夏徵舒

不言楚子而稱人討

賊辭

疏

注不言至辭也正義曰討賊辭者言弑君之賊人人皆欲殺之作舉國共殺之文故不言楚

子也襄二十七年衛殺其大夫甯喜亦是討賊但衛人自殺其臣故稱大夫徵舒非楚之臣不得言殺其大夫諸放殺及執他國之臣皆不言某國大夫者以人臣卑賤故沒其爵號而空書名氏丁亥楚子入

陳

楚子先殺徵舒而欲縣陳後得申叔時諫乃復封陳不有其地故書入在殺徵舒之後

疏

注楚

子至之後正義曰案傳楚子爲陳討夏氏亂遂入陳殺夏徵舒轅諸栗門此經先書殺夏徵舒後書入陳者據先後事實爲文故杜注云楚子先殺徵舒而欲縣陳後得申叔時諫乃復封陳不有其地故書入在殺徵舒之後是其事

也劉炫云楚子入陳乃殺徵舒經先書殺徵舒後言入陳者以楚子本意止欲討賊無心滅陳及殺徵舒滅陳為縣後得申叔時諫乃復封陳於例不有其地故云入陳言楚人既殺徵舒楚子乃復入陳納二子於陳入陳之文為下納張本傳云書曰入陳納公孫寧儀行父于陳書有禮也入納連文是入為納也昭八年楚師滅陳執公子招放于越殺陳孔奐彼心欲滅陳此則主為討賊無心滅陳而復封之君子善其自悔故退入陳於下隱其縣陳之過若其不然當云楚子入陳殺夏徵舒如此則楚子本為入陳因入乃討陳賊則是惡楚子故書入在殺徵舒之後

納

公孫寧儀行父于陳

二子淫昏亂人也君弑之後能外託楚以求報君之讎內

結強援於國故楚莊得平步而討陳除弑君之賊於時陳成公播蕩於晉定亡君之嗣靈公成喪賊討國復功足以補過故君子善楚復之

疏

注二子至復之正義曰二子與君淫昏致使君死國亂實罪人也今楚子入

陳而納之乃是納罪人也計應罪楚子而傳言書曰入陳納公孫寧儀行父于陳書有禮也既善楚子有禮則是恕彼之過故杜迹其合恕之由言賊討國復是二子之力其功足以補過故君子善楚復之賈逵云二子不繫之陳絕於陳也惡其與君淫故絕之善楚有禮也案子糾捷菑皆不繫國自是例之常賈說非也釋例云賈氏依放穀梁云稱納者內難之辭納公孫寧儀行父于陳言書有禮不可言內難也陳縣而見復上下交驩二人雖有淫縱之闕今道楚臣陳賊討君葬威權方盛傳稱其禮理無所難此先儒說之不安也杜言於時陳成公播蕩於晉者此傳云陳侯在晉襄二十五年傳云夏氏之亂成公播蕩是也

傳十年春楚子伐鄭及櫟子良曰晉楚不務德而兵爭與其來者可也晉楚無信

我焉得有信乃從楚夏楚盟于辰陵陳鄭

服也傳言楚與晉狎主盟楚左尹子重侵宋子重公子嬰齊莊王弟

王待諸郟郟楚地令尹蔣為艾獵城沂艾獵孫叔敖也沂楚

邑使封人慮事封人其時主築城者慮事無慮計功以授司徒司徒

掌量功命日命作日數分財用財用築作具平板榦榦

也稱畚築量輕重畚盛土器程土物為作程限議遠邇均

逸略基趾趾城足略行也具餼糧餼乾食也度有司謀監正

事三旬而成十日為旬不愆于素不過素所慮之期也傳言叔敖之能



使注艾獵孫叔敖正義曰服虔亦云艾獵為賈之

民子孫叔敖也此年云令尹為艾獵明年云令尹孫

叔敖明一人也世本艾獵為叔敖之兄世本多誤本不必

然注封人至計功正義曰周禮封人凡封國封其四疆

造都邑之封域者亦如之大司馬大役與慮事受其要以

待考而賞誅鄭玄云慮事者封人也於有役司馬與之屬

賦丈尺與其用人數也是封人主造城邑計度人數此云

使封人故云其時主築城者慮事者謀慮城築之事無則

慮之訖則計功也史書多有無慮之語皆謂揆度前事也

注榦植也正義曰釋詁云植榦榦也舍人曰植正也築牆

所立兩木也榦所以當牆兩邊郭土者也彼植為榦故謂

榦為植謂牆之兩頭立木也板在兩旁即郭土者即彼文

榦也平板榦者等其高下使城齊也榦者築程土物

正義曰畚者盛土之器築者築土之杵司馬法輦車所載

二築是也稱畚築者量其輕重均負土與築者之

力也程土物謂鍬鑿畚舉之屬為作程限備豫也

晉郤

成子求成于衆狄衆狄疾赤狄之役遂服

于晉

赤狄潞氏最強故服役衆狄

秋會于欒函衆狄服也

是行也諸大夫欲召狄卻成子曰吾聞之

非德莫如勤非勤何以求人能勤有繼其

從之也

勤則功繼之

詩曰文王既勤止

詩頌文王勤以創業

文

王猶勤況寡德乎冬楚子爲陳夏氏亂故

伐陳

十年夏舒弑君

謂陳人無勤將討於少西氏

少西舒舒之祖子夏之名

遂入陳殺夏舒輟諸栗門

輟車

裂也乘門

因縣陳

滅陳以爲楚縣

陳侯在晉

靈公子成公午

申

叔時使於齊反復命而退王使譖之曰夏

徵舒爲不道弑其君寡人以諸侯討而戮

之諸侯縣公皆慶寡人

楚縣大夫皆僭稱公

女獨不慶

寡人何故對曰猶可辭乎王曰可哉曰夏

徵舒弑其君其罪大矣討而戮之君之義

也抑人亦有言曰牽牛以蹊人之田

抑辭也蹊徑也

而奪之牛牽牛以蹊者信有罪矣而奪之

牛罰已重矣諸侯之從也曰討有罪也今
縣陳貪其富也以討召諸侯而以貪歸之
無乃不可乎王曰善哉吾未之聞也反之
可乎對曰可哉吾儕小人所謂取諸其懷
而與之也

叔時謙言小人意淺謂譬如取人物於其懷而還之焉愈於不還

乃復

封陳鄉取一人焉以歸謂之夏州

州鄉屬示討夏氏所

獲也故書曰楚子入陳納公孫寧儀行父于

陳書有禮也

沒其縣陳本意全以討亂存國爲文善其復禮

跡

注少西至之名正

義曰禮以王父字為氏徵舒以夏為氏知子夏是字少西是名言少西氏者氏猶家也言將討少西之家以諸侯討而戮之正義曰經無諸侯而云以諸侯討之諸侯皆慶者時有楚之屬國從行也十二年邲之戰經不書唐而傳云唐侯為左拒昭十七年長岸之戰經不書隨而傳言使隨人守舟明此時亦有諸侯但為楚私屬不以告耳

謂之夏州正義曰謂之夏州者討夏氏鄉取一人以歸楚而成一州故謂之夏州注沒其至復禮正義曰言

入陳納人為有禮也直言入陳納人是沒其縣陳本意言陳國見存入而納此人耳是全以討亂存國為文所以善

其得禮厲之役鄭伯逃歸蓋在六年自是楚未得志焉

鄭既受盟于辰陵又徵事于晉為明年楚圍鄭傳十年鄭

及楚平既無其事辰陵盟後鄭徵事晉又無端跡傳皆特發以明經也自厲之役鄭南北兩屬故未得志九年楚子

伐鄭不以黑壤與伐遠稱厲之役者志
恨在厲役此皆傳上下相包通之義也

疏

注爲明至義也 正義曰

十年鄭及楚平既無其事謂經無之也鄭微事晉又無端
跡亦謂經所無也傳若不發此語不知楚以何故明年忽
然圍鄭爲此特發此傳以明後年圍鄭之經也自厲役以
來鄭南北兩屬不專心於楚故楚未得志而明年圍之七
年晉爲黑壤之會鄭伯在焉厲役在黑壤之前九年傳言
楚子爲厲之役故伐鄭事在黑壤之後而彼傳不以黑壤
與伐而遠稱厲之役者楚子之志所恨在於厲役迭歸不
爲黑壤會晉故也上指厲役下指辰陵中也黑壤此皆傳
上下相包
通之義也

春秋正義卷第十六

修職郎新差充婺州學教授趙才燕

春秋正義卷第十七

昭二十

宣公

國子祭酒上護軍曹皐縣開國子臣孔穎達等奉

勅撰

經十有二年春葬陳靈公

無傳賊討國復二十一月然後得葬楚

子圍鄭

前年盟辰陵而又微事晉故

夏六月乙卯晉荀林

父帥師及楚子戰于邲晉師敗績

晉上軍成陳故書戰

邲鄭地

疏

注晉上至鄭地正義曰此一軍成陳兩軍不成陳成陳者雖少以戰爲文案昭二十三年雞

父之戰六國成陳而楚不成陳成陳者多而以敗爲文者六國雖衆楚爲兵主楚既未陳故以獨敗爲文與此異也

秋七月冬十有二月戊寅楚子滅蕭

蕭宋附庸

國十二月無戊寅

疏

注蕭宋至九日

正義曰莊十二年

戊寅十一月九日

疏

年宋萬弒閔公蕭叔大心者宋蕭

邑之大夫也平宋亂立桓公宋人嘉之以蕭邑封叔爲附庸莊二十三年蕭叔朝公是其事也此年楚子滅蕭定十一年宋公之弟辰入于蕭以叛則此後復爲宋邑也杜以長歷校之十二月無戊寅戊寅乃是十一月九日此不言月誤長歷云日月必有誤者案傳稱師人多寒若是十一月則今之九月未是寒時當月是而日誤也

晉

人宋人衛人曹人同盟于清丘

晉衛背盟故大夫稱人宋

華椒承羣僞之言以誤其國宋雖有守信之善而椒猶不免譏清丘衛地在今濮陽縣東南

疏

注晉衛至

東南正義曰傳云盟曰恤病討貳陳貳於楚而宋伐之衛救陳不討貳也楚伐宋而晉衛不救不恤病也是晉衛

背盟故貶其大夫而稱人曹是小國貶與不貶俱當稱人故不言曹也明年傳稱君子曰清丘之盟唯宋可以免則宋不違盟而亦貶宋卿者彼晉衛曹並皆僞妄華椒承羣僞之言以誤其國致使宋爲盟故伐陳衛人救之楚人討之伐陳怒楚被伐無救宋雖有守信之善而椒猶不免譏者爲諸國失信而累及椒也晉衛不信乃在盟後非是心欲不信而妄作此盟當盟之時未有不信之狀在後違約不可豫知而亦并責椒者君子結交當擇善而從之所與不善必將敗德椒與不信約盟則是不信之黨雖獨守信并亦貶之戒後之人使擇交也

宋師伐陳

衛人救陳

背清丘之盟

傳十二年春楚子圍鄭旬有七日鄭人卜

行成不吉卜臨于大宮

臨哭也大宮鄭祖廟

且巷出車

吉

出車於巷示將見遷不得安居

國人大臨守陴者皆哭

上陴城

倪皆哭所以告楚窮也

楚子退師鄭人脩城進復圍之

三月克之

哀其窮哭故為退師而猶不服故復圍之九十日

入自皇門至

于逵路

塗方九軌曰逵

鄭伯肉袒牽羊以逆

肉袒牽羊示服為臣

僕曰孤不天

不為天所祐

不能事君使君懷怒以

及敝邑孤之罪也敢不唯命是聽其俘諸

江南以實海濱亦唯命其翦以賜諸侯使

臣妾之亦唯命

翦削也

若惠顧前好

楚鄭世有盟誓之好

傲福於厲宣相武不泯其社稷

周厲王宣王鄭之所自出

也鄭相公武公始封之賢君也願其要福于此四君使社稷不滅泯猶滅也

使改事君夷

於九縣

楚滅九國以為縣願得比之

君之惠也孤之願也非

所敢望也敢布腹心君實圖之左右曰不

可許也得國無救主曰且君能下人必能

信用其民矣庸可幾乎退三十里而許之

平

退一舍以禮鄭

潘厓入盟子良出質

潘厓楚大夫子良鄭伯弟

疏

注臨哭至祖廟

正義曰宋雜記客致舍贈訖請臨裏十二年傳吳子壽夢卒臨于周廟故云臨哭也官即廟也象

其尊貌則謂之爲廟言其牆屋則稱之爲宮大宮宮之大者鄭祖廟者謂鄭大祖之廟也 注陴城上俾倪 正義曰陴城上小牆俾倪者看視之名襄六年晏弱圍萊瑳之環城傳於堞注云堞女牆也又二十五年吳子門于巢巢牛臣隱於短牆以射之二十七年盧蒲癸攻崔氏崔氏堞其官而守之注云堞短垣也陴堞俾倪短牆短垣女牆皆一物也說文云堞城上女垣也廣雅云陴俾倪女牆也釋名云城上垣曰陴於其孔中俾倪非常亦言陴益也助城之高也或曰女牆言其卑小比之於城如女子之於丈夫也 注哀其至十日 正義曰杜以二月克之謂圍經三月方始克之故云九十日也知非季春克之者下云六月晉師救鄭及河聞鄭旣及定平桓子欲還是將欲至河鄭猶未敗至河聞敗猶欲選師在國聞敗師必不發若是季春克之不應比至六月而百人不聞以此知三月非季春也經傳皆言春圍鄭不知圍以何月爲始圍經旬有七日爲之退師聞其脩城乃復更進進圍三月方始克之則從

初以至於克凡經一百二十許日蓋以三月始圍至六月乃克也

注周厲至滅也

正義曰鄭桓公是周厲王之

子宣王母弟又宣王封之故僖二十四年及此皆厲宣並言之桓公始封西鄭武公始居東鄭二公是始封之賢君若其存鄭則四君祐楚故願楚要福於此四君使社稷不滅泯滅也釋詁文

注楚滅至此之

正義曰楚滅諸國

見於傳者哀十七年稱文王縣申息莊六年稱楚滅鄧十八年稱武王克權僖五年滅弦十二年滅黃二十六年滅麇文四年滅江五年滅六又滅蓼十六年滅庸凡十一國見於傳僖二十八年傳曰漢陽諸姬楚實盡之則楚之滅國多矣言九縣者申息定是其二餘不知所謂蘇氏沈氏以權是小國庸先屬楚自外爲九也

庸可幾乎正義

曰庸用也幾讀如翼言用可翼幸而得之乎何必滅其國

夏六月晉師救鄭荀

林父將中軍

代卻

先穀佐之

彘季代

士會將

上軍

河曲之役卻缺將上軍宣八年代趙盾為政將中軍士會代將上軍

卻克佐之

缺

之子代史駢

趙朔將下軍

代藥盾

藥書佐之

藥盾之子代趙朔

趙括趙嬰齊為中軍大夫

括嬰齊皆趙盾異母弟

鞏朔

韓穿為上軍大夫荀首趙同為下軍大夫

荀首林父弟趙同趙嬰兒

韓厥為司馬

韓萬玄孫

及河聞鄭既

及楚平栢子欲還曰無及於鄭而勦民焉

用之

栢子林父勦勞也

楚歸而動不後

動兵伐鄭

隨武子

曰善

武子士會

會聞用師觀釁而動

釁罪也

德刑

政事典禮不易不可敵也不爲是征

言征伐
有罪

不爲
有禮

楚君討鄭怒其貳而哀其卑叛而伐

之服而舍之德刑成矣伐叛刑也柔服德

也二者立矣昔歲入陳

討徵
舒

今茲入鄭民

不罷勞君無怨讀

讀
謗也

政有經矣

經常
也

荆

尸而舉

荆楚也尸陳也楚武王始
更爲此陳法遂以爲名

商農工賈不

敗其業而卒乘輯睦

步曰卒
車曰乘

事不奸矣

奸
犯

也
薦敖爲宰擇楚國之令典

宰令尹薦
敖孫叔敖

軍行

右轅左追蓐

在車之右者挾轅爲戰備在左者追求草蓐爲宿備傳曰令尹南轅又曰改乘

轅楚陳以轅爲主

前茅慮無

慮無如今軍行前有斥候踰伏皆持以絳及白爲幡見騎賊舉

絳幡見步賊舉白幡備慮有無也茅明也或曰時楚以茅爲旌識

中權後勁

中軍制謀後以

精兵爲殿

百官象物而動軍政不戒而備

物猶類也戒勅

令能用典矣其君之舉也內姓選於親外

姓選於舊

言親疏並用

舉不失德賞不失勞老

有加惠

賜老則不計勞

旅有施舍

旅客來者施之以惠舍不勞役

君子

小人物有服章

尊卑別也

貴有常尊賤有等威

威儀有等差

禮不逆矣德立刑行政成事時典從

禮順若之何敵之見可而進知難而退軍

之善政也兼弱攻昧武之善經也

昧昏亂經法也

子

姑整軍而經武乎

姑且也

猶有弱而昧者何

必楚仲虺有言曰取亂侮亡兼弱也

仲虺湯左

相薛之祖奚仲之後

洵曰於鑠王師遵養時晦

洵詩頌篇名

美也言美武王能遵天之道須暗昧者惡積而後取之

耆昧也

耆致也致討於昧

武曰

無競惟烈

武詩頌篇名烈業也言武王兼弱取昧故成無疆之業

撫弱耆昧

以務烈所可也

言當務從武王之功業撫而取之

彘子曰不可

子

先穀晉所以霸師武臣力也今失諸侯不可

謂力有敵而不從不可謂武由我失霸不

如死且成師以出聞敵彊而退非夫也

夫

夫命為軍帥而卒以非夫唯羣子能我弗

為也以中軍佐濟

佐彘子所帥也濟渡河

知莊子曰此

師殆哉

莊子荀首

周易有之在師

三三

坎下坤上師

之

臨

三三

兌下坤上臨師初六變而之臨

曰師出以律否臧凶

此師

卦初六爻辭 執事順成爲臧逆爲否今彖子逆

律法否不也 故應不衆散爲弱坎爲衆今變 川壅爲澤坎爲

變爲兌兌爲 有律以如己也如從也法行則人從

澤是川見壅 爲法象今爲衆則散爲川則 故曰律否臧且律竭

也竭敗也坎變 盈而以竭天且不整所以凶也

爲兌是法敗 不行之謂臨水變爲澤乃成臨 有

帥而不從臨孰甚焉此之謂矣譬彖子之違

果遇必敗遇 彖子尸之主此 雖免而歸必

有大咎

為明年晉人殺先穀傳

韓獻子謂栢子

獻子韓展

曰

彘子以偏師陷子罪大矣子為元帥師不

用命誰之罪也失屬亡師為罪已重不如

進也

令鄭屬楚故曰失屬彘子以偏師陷故曰亡師

事之不捷惡有所

分

捷成也

與其專罪六人同之不猶愈乎

三軍皆服

則六卿同罪不得獨責元帥

師遂濟楚子北師次於郟

郟北

沈尹將中軍

沈或作寢寢縣也今汝陰固始縣

子重將左子反

將右將飲馬於河而歸

子反公

聞晉師既

濟王欲還嬖人伍參欲戰

參伍奢之祖父

令尹孫叔

敖弗欲曰昔歲入陳今茲入鄭不無事矣

戰而不捷參之肉其足食乎參曰若事之

捷孫叔爲無謀矣不捷參之肉將在晉軍

可得食乎令尹南轅反旆

迴車南鄉旆軍前大旗

伍參

言於王曰晉之從政者新未能行令其佐

先穀剛愎不仁未肯用命

愎慢也

其三帥者

專行不獲

欲專其所行而不得

聽而無上衆誰適從

聽彘子趙同趙括則爲軍無上今衆不知所從

此行也晉師必敗且君

而逃臣若社稷何王病之告令尹改乘轅而北之次于管以待之晉師在敖鄆之間

敖陽京縣東北有管城敖鄆二山在敖陽縣西北

鄭皇戌使如晉師曰鄭

之從楚社稷之故也未有貳心楚師驟勝

而驕其師老矣而不設備子擊之鄭師爲

承

承繼

楚師必敗彘子曰敗楚服鄭於此在

矣必許之欒武子曰

武子樂書

楚自克庸以來

在文十六年

其君無日不討國人而訓之

討治于也

民生之不易禍至之無日戒懼之不可以

怠

于曰也

在軍無日不討軍實而申儆之

軍實

軍器

于勝之不可保紂之百克而卒無後訓

之以若敖蚡冒筭路藍縷以啓山林

若敖蚡冒皆楚

之先君筭路柴車藍縷敝衣言此二君勤儉以啓土

箴之曰民生在勤勤則

不匱不可謂驕

箴誠

先大夫子犯有言曰師

直爲壯曲爲老我則不德而徼怨于楚我

曲楚直不可謂老

不德謂以力爭諸侯微要也

其君之戎

分爲二廣

君之親兵

廣有一卒卒偏之兩

十五乘爲一廣

司馬法百人爲卒二十五人爲兩車十五乘爲大偏今廣十五乘亦用舊偏法復以二十五人爲承副

右

廣初駕數及日中左則受之以至于昏內

官序當其夜

內官近官序次也

以待不虞不可謂

無備子良鄭之良也師叔楚之崇也

師叔潘厯

爲楚人所崇貴

師叔入盟子良在楚楚鄭親矣來

勸我戰我克則來不克遂往以我卜也鄭

不可從趙括趙同曰率師以來唯敵是求

克敵得屬又何侯必從彘子得屬知季曰

原屏咎之徒也知季莊子也原趙同外趙括徒黨也趙莊子曰樂

伯善哉莊子趙朔樂伯武子實其言必長晉國實猶充也言樂書之

身行能充此言則當執晉國之政也楚少宰如晉師少宰官名曰寡君

少遭閔凶不能文閔憂也聞二先君之出入此

行也二先君楚成王穆王將鄭是訓定豈敢求罪于晉

二三子無淹久淹留也隨季對曰昔平王命

我先君文侯曰與鄭夾輔周室毋廢王命

今鄭不率

率遵也

寡君使羣臣問諸鄭豈敢

辱候人

候人謂伺候望敵者

敢拜君命之辱邕子以為

諂使趙括從而更之曰行人失辭

言誤對

寡

君使羣臣遷大國之迹於鄭

遷徙也

曰無辟

敵羣臣無所逃命楚子又使求成于晉晉

人許之盟有日矣

有期日

楚許伯御樂伯攝

叔為右以致晉師

單車挑戰又示不欲崇和以疑晉之羣帥

許伯曰

吾聞致師者御靡旌摩壘而還

靡族驅摩也摩近也

樂伯曰吾聞致師者左射以敢

左車左也敢矢之善者

代御執轡御下兩馬掉鞅而還

兩飾也掉正也示閒暇

攝叔曰吾聞致師者右入壘折馘

折馘斷耳

執

俘而還皆行其所聞而復晉人逐之左右

角之

張兩角從旁夾攻之

樂伯左射馬而右射人角不

能進矢一而已麋興於前射麋麗龜

麗著

也龜背之隆高當心者

晉鮑癸當其後使攝叔奉麋獻

焉曰以歲之非時獻禽之未至敢膳諸從

者鮑癸止之曰其左善射其右有辭君子

也既免止不復逐晉魏錡求公族未得錡魏錡子欲為公族大夫

而怒欲敗晉師請致師弗許請使許之遂

往請戰而還楚潘黨逐之及熒澤見六麋

射一麋以顧獻曰子有軍事獸人無乃不

給於鮮敢獻於從者熒澤在熒陽縣東新殺為鮮見六得一言其不如楚叔

黨命去之叔黨潘黨潘厄之于趙旃求卿未得旃趙穿子且

怒於失楚之致師者請挑戰弗許請召盟

許之與魏錡皆命而往郤獻子曰二憾往

矣

獻子郤克

弗備必敗彘子曰鄭人勸戰弗敢

從也楚人求成弗能好也師無成命多備

何爲士季曰備之善若二子怒楚楚人乘

我喪師無日矣

乘猶登也

不如備之楚之無惡

除備而盟何損於好若以惡來有備不敗

且雖諸侯相見軍衛不徹警也

徹去也

彘子

不可

不肯設備

士季使鞏朔韓穿帥七覆于敖

前

帥將也覆爲伏兵七處

故上軍不敗趙嬰齊使其徒

先具舟于河故敗而先濟潘黨既逐魏錡

言魏錡見逐而退

趙旃夜至於楚軍

二人雖俱受命而行不相隨趙旃在後至

席於軍門之外使其徒入之

布席坐示無所畏也

楚子

爲乘廣三十乘分爲左右右廣雞鳴而駕

日中而說

說舍也

左則受之日入而說許偃御

右廣養由基爲右彭名御左廣屈蕩爲右

楚王更迭載之故各有御右

乙卯王乘左廣以逐趙旃趙旃

弃車而走林屈蕩搏之得其甲裳

下曰裳

晉

人懼二子之怒楚師也使輶車逆之

輶車兵車

名潘黨望其塵使騁而告曰晉師至矣楚

人亦懼王之入晉軍也遂出陳孫叔曰進

之寧我薄人無人薄我詩云元戎十乘以

先啓行先人也

元戎戎車在前也詩小雅言王者軍行必有戎車十乘在前開道先人爲

備軍志曰先人有奪人之心薄之也

奪敵心

遂疾進師車馳卒奔乘晉軍栢子不知所

爲鼓於軍中曰先濟者有賞中軍下軍爭

舟舟中之指可掬也

兩手曰掬

晉師右移上軍

未動

言餘軍皆移去唯上軍在經所以書戰言猶有陳

工尹齊將右拒卒

以逐下軍

工尹齊楚大夫右拒陳名

楚子使唐狡與蔡鳩居

告唐惠侯

二子楚大夫唐屬楚之小國義陽安昌縣東南有上唐鄉

曰不穀不

德而貪以遇大敵不穀之罪也然楚不克

君之羞也敢藉君靈以濟楚師

藉猶假借也

使

潘黨率游闕四十乘

游車補闕者

從唐侯以爲左

拒以從上軍駒伯曰待諸乎

駒伯卻克上軍佐也

隨季

曰楚師方壯若萃於我吾師必盡

萃集也

不

如收而去之分謗生民不亦可乎

同奔爲分謗不戰爲

生民毀其卒而退不敗

以其所將卒爲軍後殿

王見右廣

將從之乘屈蕩戶之曰君以此始亦必以

終

戶止也中易乘則恐軍人惑

自是楚之乘廣先左

以乘左得勝故

晉

人或以廣隊不能進

廣兵車

楚人憇之脫扁

甚教也局少進馬還又甚之拔旆投衡乃出

車上兵蘭還便旋不進旆大旗也拔顧曰吾不如大國之數

奔也趙旆以其良馬二濟其兄與叔父以

他馬反遇敵不能去弃車而走林逢大夫

與其二子乘逢謂其二子無顧不欲見顧曰

趙僂在後僂老稱也怒之使下拍木曰尸女於

是授趙旆綏以免明日以表尸之表所指木取其尸皆

重獲在木下兄弟累尸而死楚熊負羈囚知罃知莊

子以其族反之

負羈楚大夫知罃知莊子之子族家兵反還戰

廚武子

御

武子魏錡

下軍之士多從之

知莊子下軍大夫故

每射抽

矢箠納諸廚子之房

抽擢也箠好箭房箭舍

廚子怒曰

非子之求而蒲之愛

蒲楊柳可為箭

黃澤之蒲可

勝既乎

董澤澤名河東聞喜縣東北有董池既盡也

知季曰不以人

子吾子其可得乎吾不可以苟射故也射

連尹襄老獲之遂載其尸射公子穀臣囚

之以二者還

穀臣楚王子

及昏楚師軍於郟晉之

餘師不能軍

不能成營也

宵濟亦終夜有聲

言其兵衆

將不能用

丙辰楚重至於郢

重輜重也

遂次于衡雍

潘黨曰君盍築武軍

築軍營以章武功

而收晉尸

以爲京觀

積尸封土其上謂之京觀

臣聞克敵必示子孫

以無忘武功楚子曰非爾所知也夫文止

戈爲武

文

武王克商作頌曰載戢干戈載

櫜弓矢

戰藏也櫜韜也詩美武王能誅滅暴亂而息兵

我求懿德肆于

時夏允王保之

肆遂也夏大也言武王既息兵又能求美德故遂大而信王保天下又

作武其卒章曰耆定爾功

武頌篇名耆致也言武王誅紂致定

其功其三曰鋪時繹思我祖惟求定

其三三篇鋪布也繹

陳也時是也思辭也頌美武王能布政陳教使天下歸往求安定

其六曰綏萬邦屢

豐年

其六六篇綏安也屢數也言武王既安天下數致豐年此三六之數與今詩頌篇次不同蓋楚樂歌

之次夫武禁暴戢兵保大定功安民和衆豐

財者也

此武七德

故使子孫無忘其章

著之篇章使子孫不

忘今我使二國暴骨暴矣觀兵以威諸侯

兵不戢矣暴而不戢安能保大猶有晉在

焉得定功所違民欲猶多民何安焉無德

而強爭諸侯何以和衆利人之幾幾危也而安

人之亂以爲己榮何以豐財兵動則年荒武有

七德我無一焉何以示子孫其爲先君宮

告成事而已祀先君告戰勝武非吾功也古者明王

伐不敬取其鯨鯢而封之以爲大戮於是

乎有京觀以懲淫慝鯨鯢大魚名以喻不義之人吞食小國今罪

無所晉罪無所犯也而民皆盡忠以死君命又可以

為京觀乎祀于河作先君宮告成事而還

傳言楚莊有

疏

注彘季代林父正義曰服虔云食采禮所以遂興於彘武當然也文十二年河曲之戰荀

林父佐中軍史駢佐上軍欒盾將下軍自爾以來傳無其代知先穀代林父卻克代史駢趙朔代欒盾也八年傳趙朔佐下軍知欒書代趙朔也案傳文皆稱彘子今注云彘季者勘譜亦以彘子彘季為一人則杜若別有所據書傳殘缺不可得而知也劉炫云傳文皆稱彘子何以知是彘季以穀非彘季以規杜今知非者杜以子為男子之稱季是幼少之辭季之與子是得通稱子路或為季路舉其常稱謂之子論其字謂之季故公子友或稱季友而劉以傳唯稱彘子無彘季而規杜非也注韓萬玄孫正義曰韓世家云韓之先事晉得封韓原曰韓武子後三世有韓厥世本云相叔生子萬萬生求伯求伯生子與子與生獻子厥史記所云武子蓋韓萬也如彼二文厥是萬之曾孫

而服虔杜預皆言厥韓萬立孫不知何所據也 注釁罪也 正義曰釁訓爲罪者釁是間隙之名今人謂瓦裂龜裂皆爲釁既有間隙故得爲罪也 德刑至是征 正義曰旣言觀釁而動更說無釁之事德刑政事典禮此六事行之不變易者不可與之敵也聖王之制征伐者爲有罪者耳不爲是六事不爲者行征伐也此舉六事之目下文歷說楚不易六事以充之 君無怨讎 正義曰讎謗也政有常則民不恨故國君無人怨無人謗擊鼓怨州吁鄭人謗子產是有怨謗也 商農至其業 正義曰齊語云公曰成民之事若何管子對曰四民者勿使雜處公曰處士工商農若何管子對曰昔聖王之制也處士就間燕處工就官府處商就市井處農就田野彼四民謂士農工商此數亦四無士而有賈者此武子意言舉兵動衆四者不敗其業發兵則以士從征不容復就間燕故不云士而分商賈爲二行曰商坐曰賈雖同是販賣而行坐異業發兵征伐四者悉皆不與故惣云不敗其業也 注寧今至水

教正義曰周禮六卿大宰爲長遂以宰爲上卿之號楚臣令尹爲長故從他國論之謂令尹爲宰楚國仍別有大宰之官但位任卑耳傳稱大宰伯州黎是也楚國名上卿爲令尹者釋詁云令善也釋言云尹正也言用善人正此官也楚官多以尹爲名皆取其正直也注在車至爲主正義曰司馬法兵車一乘有甲士三人步卒七十二人甲士在車不共碎役所言左右者分步卒爲左右也兵車一轅服馬夾之而言挾轅者步卒被分在右者當軍行之時又分之使在兩廂挾轅以爲戰備楚陳以轅爲主故以轅表車正是挾車嚴兵以備不虞也其應在左者使之追求草蓐令離道求草不近兵車也蓐謂卧止之草故云爲宿備也此是在道時然故云軍行右轅左追蓐至於對陳之時則各在車之左右故豫定左右之分在道分使之耳注慮無至旌識正義曰茅明也在前者明爲思慮其所無之事恐其卒有非常當預告軍中兵衆使知而爲之備也如今軍行謂當杜之時行軍有此法也前有斥候喻伏

者令人遠在軍前斥度候望慮有伏兵使踰行之持以鋒
及白爲幡與軍人爲私號也曲禮曰前有水則載青旌前
有塵埃則載鳴鳶前有車騎則載飛鴻前有士師則載虎
皮前有摯獸則載貔貅其事與此見賊舉幡相似也茅明
釋言文舍人曰茅昧之明也注物猶至初令正義曰
類謂旌旗畫物類也百官尊卑不同所建各有其物象其
所建之物而行動軍之政教不待約勒號令而自備辦也
周禮大司馬中秋教治兵辨旗物之用王載太常諸侯載
旂軍吏載旗師都載旃鄉遂載物郊野載旒百官載旗鄭
玄云軍吏諸軍帥也師都遂大夫也鄉遂鄉大夫也或載
旃或載物衆屬軍吏無所將也郊謂鄉遂之州長縣正以
下野謂公邑大夫載旌者以其將美卒也百官卿大夫
也載旗者以其屬衛王也凡旌旗有軍衆者畫異物無者
帛而已是其尊卑所建各有物類也案春官司常職云及
國之大閱贊司馬頒旗物王建大常諸侯建旂孤卿建旌
大夫士建物師都建旗州里建旗縣鄙建旒道車載旒旌

車建旌俱是周禮而所建不同者大司馬所云中秋教治兵之法司常所云中冬教大閱之法鄭玄云凡頒旗物以出軍之旗則如秋以尊卑之常建則如冬大閱備軍禮旌旗不如出軍時空辟實也是爲時不同故所建異此云象物而動謂軍行之時當指治兵之法也其君至施舍正義曰內姓謂同姓也其君之舉用人也於同姓則選之於親於外姓則選之於舊於親內選賢於舊內選賢言唯賢是任不以親以舊便即用之所舉不失有德所賞不失有勞必有德乃舉有勞乃賞言不賞無勞不舉無德臣民年老有加增恩惠外來旅客有施舍常法謂羈旅之臣以其新來施以恩惠舍不勞役也注賜老則不計勞正義曰老有恩惠當謂年老有加增恩惠不論有勞與無勞也劉炫云老者當有恩惠之賜非勞役之限但恩惠則賞賜之以文連賞不失勞之下故杜云賜老則不計勞劉炫以不計勞之文而規杜氏一何煩碎注威儀有等差正義曰言貴有常尊則當云威有常卑而云賤有等威者

威儀等差文兼貴賤既屬常尊於貴遂屬等威於賤使互相發明耳 德立至敵之 正義曰功德苦其不止刑威苦其不行政以成就爲上事以得時爲善典貴其從禮惡其逆故云德立刑行政成事時典從禮順各以義理相配爲文皆是不易之事既歷序此事乃云若之何敵之則上德刑政事典禮不易不可敵也 注仲虺至之後 正義曰取亂侮亡尚書仲虺之誥文也定元年傳薛宰曰薛之皇祖奚仲居薛以爲夏車正仲虺居薛以爲湯左相二人皆是薛祖是仲虺爲奚仲之後 注詩至取之 正義曰詩經無洵字序云言能洵先祖之道以養天下故以洵爲名焉鑠美釋詁文於歎辭也時是也晦昧也言於乎美哉武王之用師也能遵天之道養是闇昧之君待闇昧者惡積而後取之言遵天之道者上天誅紂之期未至武王靖以待之是其遵天之道也 注耆致至於昧 正義曰耆音指指致聲相近故爲致也致計於昧者言養之使昧然後可計之上句云兼弱攻昧引仲虺之言以證兼弱

引武王之事以證攻昧此不云攻昧而言者昧者以為詩
之意言養紂而不言伐紂不得謂之攻昧故緣詩之意言
致之於昧然後攻之注武詩至之業正義曰烈
業也釋詁文競彊也詩意言無彊乎唯武王之功業言克
商功業實爲彊也此引武詩承兼弱攻昧之下故杜以傳
意解之言武王兼弱取昧故成此無彊之業此詩爲武二
篇並無兼弱之事因傳上文連言之撫弱至可也正義曰上言兼弱此云撫弱言其撫養而取之未必皆攻伐
以求之也此撫弱即覆上仲虺有言兼弱也耆昧即覆上
爲曰於鏖王師耆昧也以務烈所覆上武曰無競惟烈士
會言不須敵楚兼撫餘諸侯弱者致討諸侯昧者以務武
王烈業之所可也晉所至佐濟正義曰言晉之所以
得爲霸主者由軍師之武羣臣有力以有武力成此霸功
今失諸侯不可謂之爲力見敵不能從不可謂之爲武命
爲軍帥者三軍將佐皆受君命爲軍之主帥以中軍佐濟
謂一軍之內將佐分之各有所帥故注云佐彘子所帥也

傳二十八年胥臣以下軍之佐與此同也 知莊子至大
咎 正義曰莊子見墨子逆命必當有禍乃論其事云此
師之行甚危殆哉周易之書而有此事師之初六變而爲
臨初六爻辭云軍師之出當須以法若不善則致其凶
既引易文以人從律今者師出乃以律從人則有不臧之
凶又覆解不臧之義云執事上下相順和成則爲臧若相
違逆則爲不臧既釋不臧之事又釋以律之意坎爲衆今
變爲兌兌爲柔弱是衆散爲弱坎爲川今變爲兌兌爲澤
是川壅爲澤坎爲法象今爲衆則弱爲川則壅是法律破
壞從人之象故曰律否臧以釋易文律否臧之義否臧易
注云爲師之始齊師者也齊衆以律失律則散故師出以
律律不可失失律而臧何異於否失今有功法所不赦故
師出不以律否臧皆凶釋否臧既了又釋凶之一字故云
且律竭言法律竭盡也川水當盈而以竭盡且又被天塞
不得整流似法當嚴整而以破壞被人違逆不得施行所
以致此凶禍解釋凶義既了以盡易意然後論墨子之愚

當此初六之禍故云水之不行是謂臨矣彘子有帥不從
欲論不行之臨事誰甚於彘子周易所言是彘子之謂若
能違辟前敵於事猶可若果敢遇敵必致禍敗也此禍敗
之事彘子主受之雖在敵免死而歸必有大咎也師坎爲
水坤爲衆衆行如水師出之象故名其卦爲師服虔云坎
爲水坤爲衆又互體震震爲雷雷鼓類又爲長子長子帥
衆鳴鼓巡水而行行師之象也臨兌爲澤坤爲地居地而
俯視於澤臨下之義故名爲臨 注坎爲至柔弱 正義
曰晉語文公筮尚有晉國司空季子占之曰震雷也車也
坎水也衆也主雷與車而尚水與衆是坎爲衆也易說卦
兌爲少女故爲柔弱衆聚則彊散則弱坎變爲兌是衆散
爲弱也 注坎爲至見壅 正義曰說卦坎爲溝瀆溝瀆
即是川也說卦兌爲澤川是流水今變爲澤是川見壅也
注如從至之象 正義曰釋詁云如往也往是相從之義
故訓爲從也法行則人從之率人以從法也法敗則法從
人人各有心棄法不用是法從人也釋言云坎律銓也樊

光曰坎卦水也水性平律亦平銓亦平也郭璞曰易坎卦主
法法律皆所以銓量輕重是坎爲法象也今坎變爲兌爲衆
則散而爲弱爲川則壅而爲澤是失法之所用法敗從人之
象也 注竭敗至法敗 正義曰竭是水涸之名坎爲水
爲法水之竭似法之敗故云竭敗也坎變爲兌則爲水不
流水不流則爲法不行失爲坎之用是法敗之象 注水
遇至涸也 正義曰哀九年傳曰如川之滿不可涸也水
當盈川而以壅故竭是水遇天塞不得整流則竭涸也天
遇是壅塞之義故云遇天塞也 注主此禍 正義曰釋
言訓尸爲主故云主此禍也服虔亦云主此禍也又引易
師卦六五長子帥師弟子與尸凶長子帥師以中行也弟
子與尸使不當也佐之於元帥弟子也而專以師濟使不
當也軍必破敗而與尸案下句云雖免而歸則謂彘子當
在陳而死師卦有與尸之語其言尸之或容有此意但尸
字不可兩解故杜略去之 注沈或至始縣 正義曰楚
官多名爲尹沈者或是邑名而其字或作寢哀十八年有

寢。吳由于因解寢爲縣名不言寢是而沈非也。次于
管。正義曰土地名滎陽京縣東北有管城古管國也。
注若敖至啓土。正義曰楚世家云熊罥卒子熊儀立是爲
若敖若敖卒子霄敖立霄敖卒子熊貽立是爲蚡冒蚡冒卒
弟熊達立是爲楚武王案杜注文十六年傳蚡冒楚武王
父不從史記也以荆竹織門謂之算門則算路亦以荆竹
編車故謂算路爲柴車方言云楚謂凡人貧衣破醜敝爲
藍縷藍縷謂敝衣也服虔云言其縷破藍藍然。廣有至
之兩。正義曰兩廣之別各有一卒之兵百人也一卒之
外復有十五乘之偏并二十五人之兩旣言一卒又云卒
偏之兩言卒之者成辭婉句耳或解云兩屬於偏云偏之
兩者謂偏家之兩和不然者案成七年以兩之一卒亦云
之字豈又是兩家之卒且杜注云十五乘爲大偏今楚亦
用舊偏法此一廣之中實有此偏非是偏名爲兩而出一
卒別復有偏之一兩二十五人從之劉炫云兩廣之別各
有一卒百人一卒外復有偏一兩二十五人兵法十五乘

爲偏偏有一兩從之兩是偏家之物故謂此爲偏之兩其實一廣十五乘有一百二十五人從之 注十五至承剛正義曰下云楚子爲乘廣三十乘分爲左右知十五乘爲一廣也史記稱齊景公時有司馬田穰苴善用兵至六國時齊威王使大夫追論古者司馬兵法附穰苴於其中凡一百五十篇號曰司馬法百人爲卒二十五人爲兩十五乘爲偏偏皆司馬法之文百人爲卒二十五人爲兩周禮亦有此文但周禮無偏偏故杜并引司馬法耳此云大偏對成七年九乘爲小偏故此爲大偏也桓五年二十五乘爲偏戰時臨陳所用不同不可與此相對爲大小杜注多少皆妄文也言亦用舊偏法者謂楚雖荆尸而舉仍用舊偏舊偏於穰苴前已有則應周禮有文但以亡沒者多故禮文不具 右廣至其夜 正義曰右廣雞鳴初駕數及日中則左廣受而代之以至於昏此晝日事也其內官親近王者爲次序以當其夜若今宿直遞持更也 以我卜也 正義曰將我晉戰之勝負卜其遂來遂往猶人操蓍者

善惡而卜其去之與住也注二先至穆王正義曰莊
十六年楚始伐鄭文王之世也二十八年子元伐鄭成王
之初也僖五年首止之會鄭伯逃歸自是以後鄭始時復
從楚成王以前鄭未屬楚故出入此行唯成穆耳今之莊
王成王孫穆王子出入此行猶往來於鄭注單車至羣
帥正義曰周禮環人掌致師鄭玄云致師致其必戰之
志則致師者致已欲戰之意於敵人故單車揚威武以挑
之下云趙旃請挑戰是也挑彼晉師故言以致晉師也楚
子既求成而又令挑戰示其不欲崇和以疑誤晉之羣帥
注左車至善者正義曰兵車自非元帥皆射者在左御
在中央故云左車左樂伯居左故稱左也下云莊子抽矢
葢納諸廚子之房選好矢而留之知葢是矢之善者注
兩飾至閒暇正義曰兩飾指正皆無明訓服虔亦云是
相傳爲然也飾馬者謂隨宜刷刮馬又正其鞅以示閒暇
注麗著至心者正義曰易離卦彖云離麗也日月麗乎
天百穀草木麗乎土是麗爲著之義龜之形背高而前後

下此射麋麗龜謂著其高處故杜以龜爲背之隆高當
心者服虔亦是相傳爲此說也 以歲至從者 正義
曰周禮獸人冬獻狼夏獻麋春秋獻獸物者謂獻之以共
王之膳耳非能徧及於百官也禮冬獵曰狩言圍守而取
之獲禽多也於時虞人所獻或頒及羣臣故言歲之非時
獻禽之未至以爲語之辭耳 注鍾魏犢子 正義曰服
虔亦以爲犢子世本以爲犢孫世本多誤未必然也 使
其徒入之 正義曰使已從人入壘以取俘馘也 注鮑
車兵車名 正義曰襄十一年鄭人賂晉侯以廣車輅車
淳十五乘甲兵備甲兵從之是丘軍明矣鄭玄云廣車橫
陳之車服虔云輅車屯守之車古名難得而知其義或當
然矣 注元戎至爲備 正義曰元大也戎車也詩小雅
六月之篇言王者軍行必有大車 丁乘常在軍前以開道
諸軍從行所以先人爲備也詩毛傳云夏后氏曰鉤車先
正也殷曰寅車先疾也周曰元戎先良也三代行軍皆前
有此車其名司馬法之文也其先正先疾先良毛解其名

鄭玄又釋其意鉤車備設鉤聲其行曲直有正故曰先正
寅進也此車能進取遠道故曰先疾元戎大車之善者故
曰先良也 晉師至未動 正義曰晉之三軍上軍在左
中軍在中下軍在右言晉之中軍下軍敗走在上軍之右
者皆移唯上軍未動故杜云餘軍皆移去唯上軍在 告
唐惠侯 正義曰此未戰之前告經不書唐侯者爲楚私
屬故不見也 注游車補闕者 正義曰周禮車僕有闕
車之倅鄭玄云闕車所用補闕之車也此言游闕知游車
以擬補闕今使從唐侯是補闕也 注以乘左得勝故
正義曰桓八年傳云楚人尚左君必左者謂置車尚左故
君在左此言先左謂乘廣先左耳上文且則右廣初駕日
中乃授左廣則舊法先乘右廣今楚王偶然乘左廣以逐
趙旂因是而得戰勝以爲宜乘左廣自是以後乘廣先左
以乘左得勝故也 注廣兵車 正義曰襄十一年鄭人
賂晉侯以廣車定四年史皇以乘廣死是兵車稱廣也此
言晉人廣隊下云按孫投衡軍行則旂在軍前不是車皆

有旆也此蓋是晉人在軍之前載旆之車 注悉教至兵
蘭 正義曰旆旆皆教人之語知悉爲教也服虔
云旆旆木有木橫投於旆間一曰旆車前橫木張衡西京
賦云旗不脫旆薛綜注云旆所以止旗今杜以旆爲車上
兵蘭各以意言皆無明證而禮扛鼎之木其名曰旆則旆
是橫木之名教之旆旆則旆是可脫之物杜云兵蘭蓋橫
木車前以約車上之兵器慮其落也隊坑則橫木有礙故
不能進 注還便至差輕 正義曰旆旆風重故馬便旋
而不能進釋文云緇廣充幅長尋曰旆繼旆曰旆郭璞曰
帛續旆末爲燕尾者此旆能扇風使重令馬不能進則其
制必大矣故云旆大旗也城濮之役亡大旆之左旆此之
類也旆縣於竿插之車上衡是馬頸上橫木故拔取旗竿
投於衡上卧之使不帆風則於車差輕故得出坑也恍是
扇風之名今人船上張布以鄣風名之曰帆 注兄弟累
尸而死 正義曰獲者被殺之名並皆被殺唯當言皆獲
耳欲見尸相重累之皆獲故杜辨之云兄弟累尸而死累

即傳之重也 可勝既乎 正義曰重物不可舉者謂之
不勝用之不可盡者亦言不勝史傳多有其事今人無復
此語故少難解耳既盡也可勝盡乎言用之不可盡也
不以至故也 正義曰言我不以好箭射楚貴人之子而
質之吾之子其可得乎吾爲此計者不可用惡箭苟且爲
射故也 注重輜重也 正義曰輜重載物之車也說文
云輜一名駟前後蔽也蔽前後以載物謂之輜車載物必
重謂之重車人挽以行謂之輦輦重輦一物也襄十年傳
稱秦董父輦重如役挽此車也輜重載器物糧食常在軍
後故乙卯日戰丙辰始至於郟也周禮鄉師大軍旅會同
正治其徒役與其輦輦鄭玄云輦駕馬輦人挽行所以載
任器也止以爲蕃營司馬法曰夏后氏謂輦曰余車殷曰
胡奴車周曰輜輦輦一斧一斤一鑿一捭一鋤周輦加二
版二築又曰夏后氏二十人而輦殷十八人而輦周十五
人而輦說者以爲夏出師不踰時殷踰時周歷時故前世
輦少而後世輦多 武王至保之 正義曰昔武王克商

周公爲之作頌曰武王誅紂之後則戢藏其干戈則橐韜其弓矢言旣誅暴亂則無復所用故韜藏之懿美也肆遂也時是也夏大也允信也武王以天下旣定又能求美德之士而任用之故於是功業遂大信哉唯我武王保之美武王能保天下也 注戢藏至息兵 正義曰戢訓爲斂聚斂藏之義故爲藏也橐一名韜盛弓矢之衣也干戈弓矢藏而不復用是美武王能誅滅暴亂而息兵也此所引者周頌時邁之篇也詩序云頌者以其成功告於神明則頌詩功成乃作此傳言武王克商作頌者武王克商後世追爲作頌頌其克商之功非克商即作也國語引此云周文公之頌曰則此周公所作也傳言克商作頌者包下三篇皆述武王之事 注肆遂至天下 正義曰肆之爲遂相傳爲此訓也夏大釋詁文求美德謂求而任用之遂大者功業遂大也 又作至爾功 正義曰旣作時邁又作武篇也頌皆一章言其卒章者謂終章之句也言武王誅紂致定爾武之大功也 其三至求定 正義曰其三周

頌賚之篇也鋪布也繹陳也徂往也言武王能布陳政教
被其時之民歸武王者皆云我往惟自求安定美武王能
安民故民歸之也 注其三至安定 正義曰鋪是布散
之義故爲布也繹陳釋詁文思是語之辭不爲義也 其
六至豐年 正義曰其六周頌柝之篇也綏安也屢數也
言武王伐紂安天下萬國數有豐熟之年美武王能和衆
國豐民財也 注其六至之第 正義曰綏安釋詁文屢
數常訓也杜以其三其六與今詩頌篇次不同故爲疑辭
蓋楚樂歌之第言楚之樂人歌周頌者別爲次第故賚第
三柝第六也劉炫以爲其三其六者是楚子第三引鋪時
繹思第六引綏萬邦今刪定知非者此傳若是舊文及傳
家叙事容可言楚子第三引鋪時繹思第六引綏萬邦此
既引楚子之言明知先有三六之語故楚子引之得云其
三其六若楚子始第三引詩第六引詩豈得自言其三曰
其六曰劉以其三其六爲楚子引詩次第以規杜過何辟
之甚沈氏難云襄二十九年季札觀樂篇次不同杜云仲

屋未刪定此亦不同而云楚樂歌之次者襄二十九年雖
少有篇次不同大略不甚乖越故云仲屋未刪定以前此
之三六全與詩次不同故云楚樂歌之第今周頌篇次相
第八賚第九也 夫武至財者也 正義曰楚子既引四
篇乃陳七德則四篇之內有此七者之義戰于戈橐弓矢
禁暴戢兵也時夏保之保大也耆定爾功定功也我徂求
定安民也綏萬邦和衆也屢豐年豐財也我徂求定是能
安民故徃求定也綏萬國由德能和衆故萬國安也 注
著之至不忘 正義曰杜以不忘其章謂子孫不忘上四
篇之詩故云著之篇章使子孫不忘必知然者以文承武
王克商作頌之後文連四篇詩義故以爲著之篇章劉炫
云能有七德故子孫不忘章明功業橫取下文京觀爲無
忘其章明武功以規杜失非也 注祀先君告戰勝 正
義曰禮記曾子問稱古者師行必以遷廟主行載于齊車
言必有尊也尚書甘誓云用命賞于祖謂遷廟之祖主也
爲先君官爲此遷主作官於此祀之告成事告戰勝也

天傳記云牧之野武王之大事也既事而奠於牧室亦是新作室而奠祭也曾子問又曰無遷主則何主孔子曰天子諸侯將出必以幣帛皮圭告子祖禰遂奉以出載于齊車以行每舍奠焉而後就舍注鯨鯢大魚名正義曰裴淵廣州記云鯨鯢長百尺雄曰鯨雌曰鯢目即明月珠也故死即不見眼睛也周處風土記云鯨鯢海中大魚也俗說出入穴即為潮水

是役也鄭石制實入楚師將以

分鄭而立公子魚臣辛未鄭殺僕叔及子

服

僕叔魚臣也子服石制也

君子曰史佚所謂毋怙亂者

謂是類也

言恃人之亂以要利

詩曰亂離瘼矣爰其適

歸

詩小雅離憂也瘼病也爰於也言禍亂憂病於何所歸乎歎之

歸於怙亂者也

夫

恃亂則禍歸之

疏

是役至魚臣

正義曰入楚師言入此楚師於鄭國服虔云入楚師使楚師來入鄭

是也此石制引楚師入鄭將以分鄭國以半與楚取半立公子魚臣爲鄭君已欲擅其寵也

注詩小至歎之

正義曰詩小雅四月之篇也離憂瘼病爰於皆釋詁文言時世禍亂必有憂病者於何其所適歸乎歎此禍亂不知將

何所歸也

鄭伯許男如楚

爲十四年晉伐鄭傳

秋晉師歸相子

請死晉侯欲許之士貞子諫曰不可

貞子士

城濮之役晉師三日穀

在僖二

文公猶有憂

色左右曰有喜而憂如有憂而喜乎

言憂喜失時

公曰得臣猶在吾愛未歇也

歇盡也

困獸猶鬥

況國相乎及楚殺子玉

子玉得臣

公喜而後可知

也

喜見於顏色

曰莫余毒也已

是晉再克而楚再

成王至穆王

敗也楚是以再世不競

警晉也

警戒也

而又殺林父以重楚勝其無乃

久不競乎林父之事君也進思盡忠退思

補過社稷之衛也若之何殺之夫其敗也

如日月之食焉何損於明晉侯使復其位

言晉景所

䟽

相子請死

正義曰檀弓云謀人之軍師敗則死之謀人之邦邑危則亡之今相子

以不失霸

將軍師敗故請死 進思至補過 正義曰孝經有此二句孔安國云進見於君則必竭其忠貞之節以圖國事直道正辭有犯無隱退還所職思其事宜獻可替否以補主過此孔意進謂見君退謂還私職也或當以此二句據臣心爲文文旣據臣君在其上施之於君則稱進內省其身則稱退盡忠者盡己之心以進獻於君補過者內修己心以補君愆失故以盡忠爲進補過爲退耳非謂進見與退還也 冬楚子伐蕭宋華椒

以蔡人救蕭蕭人囚熊相且僚及公子丙王

曰勿殺吾退蕭人殺之王怒遂圍蕭蕭潰

申公巫臣曰師人多寒王巡三軍拊而勉

之拊撫慰勉之 三軍之士皆如挾纊 續緜也言說以忘寒 遂傳

於蕭還無社與司馬卯言號申叔展

還無社蕭

大夫司馬卯申叔展皆楚大夫也無社素識叔展故因卯呼之

叔展曰有麥麴乎

曰無有山鞠窮乎曰無

麥麴鞠窮所以禦濕欲使無社逃泥水中無社

不解故曰無軍中不敢正言故謬語

河魚腹疾奈何

叔展言無禦濕藥將病

曰

目於眚井而拯之

無社意解欲入井故使叔展視虛廢井而求拯已出溺為拯

若為茅經哭井則已

叔展又教結茅以表井須哭乃應以為信

明日

蕭潰申叔視其井則茅經存焉號而出之

號哭也傳言蕭人無守心

疏

蕭潰正義曰實未潰史以實王之意故言潰知者下云明日蕭潰是也

續縣也

正義曰王藻云續爲繭縕爲袍鄭玄云續新綿

也注交麴至謬語正義曰交麴鞠窮所以禦濕賈逵

有此言則相傳爲此說也尚書說命云若作酒醴爾惟麴

蘖則交麴作酒之物本草有穹窮者是藥草之名觀傳文

勢欲使無社逃於泥水中而問有此物以否知是禦濕所

用但不知若爲用之耳河魚至拯之正義曰上句是

叔展之言曰下是無社對語無社頻荅言無叔展乃言必

須入水故以水厄告之云如似河中之魚久在水內則生

腹疾無此二物其奈濕何無社乃解其意告叔展云當目

視於管井而拯出之出溺爲拯方言文若爲至則已

正義曰此亦叔展之言也無社既解其意令展視井拯已

但廢井必多不可知處故教無社令結茅爲經置於井上

又恐無社錯應他人更教之云若號哭

向井則是我之己身已展叔自謂也

晉原穀宋華

椒衛孔達曹人同盟于清丘

原穀

曰恤病討

貳於是卿不書不實其言也

宋伐陳衛救之不討貳也楚伐宋晉

不救不恤病也

宋爲盟故伐陳

陳貳於楚故

衛人救之孔達

曰先君有約言焉若大國討我則死之

成衛

公與陳共公有舊好故孔達欲背盟救

疏

注原穀先穀正義曰杜譜

陳而以死謝晉爲十四年衛殺孔達傳

以爲雜人則不知誰之子也案傳先軫或稱原軫此蓋先軫之後也傳有名號之異杜譜皆並言之先穀之下不言

原穀是杜脫也上文稱爲彘子服虔以爲食菜於彘今復稱原原其上世所食也於時趙氏有原同蓋分原邑而共

食之

也

經十有三年春齊師伐莒夏楚子伐宋秋

冬螽

無傳焉
災故書

冬晉殺其大夫先穀

書名以
罪討

傳十三年春齊師伐莒莒恃晉而不事齊

故也夏楚子伐宋以其救蕭也

救蕭在前年

君

子曰清丘之盟唯宋可以免焉

宋討陳之貳
今宋見伐晉

衛不顧盟以恤宋而經同貶宋大夫傳嫌
華椒之罪累及其國故曰唯宋可以免

疏

注宋討至
以免正

義曰往年清丘之盟宋卿亦貶傳稱不實其言此年宋被
楚伐而晉衛不救即是不實之狀於此發傳言唯宋可以
免者意在責諸國耳嫌華椒之罪累及其國恐言宋亦有
罪宜其不救但盟之不信唯椒身合貶宋國無罪言唯宋
可以免見諸
國皆合責也秋赤狄伐晉及清先穀召之也

邲戰不得志故召狄
欲爲變清一名清原

冬晉人討邲之敗與清之

師歸罪於先穀而殺之盡滅其族君子曰

惡之來也已則取之其先穀之謂乎

盡滅其族

爲誅已甚故

疏

注盡滅至來也

正義曰先穀之罪不

曰惡之來也

疏

合滅族盡滅其族爲誅已甚亦是晉刑

大過是爲大惡君子既嫌晉刑大過又尤先穀自招故曰
惡之來也已自取之惡之來也言大惡之事來先穀之家

清丘之盟晉以衛之救陳也討焉

尋清丘之盟以責衛

使人弗去曰罪無所歸將加而師孔達曰

苟利社稷請以我說

欲自殺以說晉

罪我之由我則

爲政而亢大國之討將以誰任

亢禦也謂禦宋討陳也

我則死之

爲明年殺孔達傳

經十有四年春衛殺其大夫孔達

書名背盟于大國罪

之夏五月壬申曹伯壽卒

無傳文十四年盟新城

晉侯

伐鄭秋九月楚子圍宋葬曹文公

無傳

孫歸父會齊侯于穀

傳十四年春孔達縊而死衛人以說于晉

而免

以殺告故免于伐

遂告于諸侯曰寡君有不令

之臣達構我敝邑于大國既伏其罪矣敢

告

諸殺大夫亦皆告

衛人以爲成勞復室其子

以有平國

之功故以女妻之

使復其位

襲父位

疏

注以有至妻之正義曰釋詁以平爲成

則成亦平也男子謂妻爲室故杜以爲衛人以其父有平定國家之勞復以女妻之言衛侯以女妻之也劉炫以爲傳文無衛侯之女爲孔達之妻復室其子謂復以室家還其子謂達既被誅家當沒入官復以孔達財物家室還其子今知非者案檢傳文上孔達云荀利社稷請以我說是孔達忠於衛國本實無罪所以合於諸侯祗欲虛以說晉衛人荷其功力何得沒其家資男子謂妻爲室則室者對夫之言故傳云女有家男有室今若以孔達之妻而還其子便則以母還子不得云復室其子又諸國大夫之妻傳皆不載其氏姓何得獨責孔達之妻須言衛侯之女既言

復室其子明孔達之事則衛侯之女可知劉以孔達之妻爲衛侯之女於傳無文以規杜過於義非也

夏

晉侯伐鄭爲郟故也

晉敗於郟鄭遂屬楚

告於諸侯蒐

焉而還

蒐簡閱車馬

中行栢子之謀也曰示之以

整使謀而來鄭人懼使子張代子良于楚

十二年子良質於楚子張穆公孫

鄭伯如楚謀晉故也鄭以子

良爲有禮故召之

有讓國之禮

楚子使申舟聘

于齊曰無假道于宋

申舟無畏

亦使公子馮聘

于晉不假道于鄭申舟以子孟諸之役惡宋

文十年楚子田孟
諸無畏扶宋公僕

曰鄭昭宋聶

昭明也
聶閭也

晉使不害

我則必死王曰殺女我伐之見犀而行

犀申

舟子以子託
王示必死

及宋宋人止之華元曰過我而

不假道鄙我也鄙我亡也

以我比其邊鄙
是與亡國同

殺

其使者必伐我伐我亦亡也亡一也乃殺

之楚子聞之投袂而起

投振也
袂袖也

屨及於室

皇

室皇寢
門闕

劒及於寢門之外車及於蒲胥之

市秋九月楚子圍宋

䟽

注昭明也聶閭也
義曰人之聽視聰明唯正

在耳目而已鄭昭言其目明則宋不明也宋聾言其耳聞則鄭不聞也耳目各舉一事而對以相反言宋不解事必殺我也注室皇寢門闕正義曰下云劬及於寢門之外則履之所及未至於外故以室皇為寢門之闕謂至門逐及也莊十九年甯拳葬於經皇注云經皇冢前闕者亦以此而知也經傳通謂兩觀為闕唯指雉門以雉門高大為縣舊章而使民觀之故雉門之觀特得闕名名為闕者以其在門兩旁而中央闕然為道雖則小門亦如此耳故杜於寢門冢門皆以闕言之此作室彼作經字異音同未知孰是其名為室皇及市名蒲胥其義皆未聞冬

公孫歸父會齊侯于穀見晏相子與之言

魯樂相子告高宣子

相子晏嬰父宣子高固

曰子家其亡

乎懷於魯矣

子家歸父字懷思也

懷必貪貪必謀人謀

人人亦謀已一國謀之何以不亡

為十八年歸父奔齊

傳

疏

與之言魯樂至不亡

正義曰樂謂樂居高位也

懷於

高位必貪貪必計謀去他人既謀去他人他人亦謀去已一國之人謀去之何以不至亡也

孟獻子

言於公曰臣聞小國之免於大國也聘而

獻物

物玉帛皮幣也

於是有庭實旅百

主人亦設豆百品實於

庭以

朝而獻功

獻其治國若征伐之功於牧伯

於是有容貌采

章嘉淑而有加貨

容貌威儀容顏也采章車服文章也嘉淑今辭稱讚也加貨命

宿幣帛也言往共則來報亦備

謀其不免也誅而薦賄則無

及也

薦進也見責而往則不足解罪

今楚在宋君其圖之公

說

為明年歸父會楚子傳

疏

孟獻至公說正義曰臣聞小國之免罪於大國也使卿往聘大國

而獻其玉帛皮幣之物於是主人亦禮待之庭前所實豆醢醢有百品也君自親朝於牧伯之國而獻其治國之功若征伐之功於是主人敬以待之主人之身有威儀容貍車服之飾有物采文章嘉淑皆善也有善言辭善稱讚燕而送賓有加增賄貨言賓往既共則主報亦厚禮使小國如此朝聘大國者謀其不免於罪也若不往朝聘待其被誅責而始薦賄貨則無及於好事矣今楚子在宋君其圖之勸君使往聘也劉炫以為皆是賓事聘而獻物謂獻其國內之物於是所獻之物庭中實之有百品謂聘享之禮龜金竹箭之屬有百品也朝而獻功言治國有功故土饒物產於是有益縑璣組羽毛齒革乃得為容貍之物采文章嘉淑謂美善之物加貨謂賄賂之多多獻賄賂以謀其

不免於罪也 注物玉帛皮幣也 正義曰聘禮賓執圭以致命享用束帛加璧夫人聘用璋享用圭繅束帛加琮其享幣又有皮馬是聘所獻物有玉帛皮幣也 注主人至荅賓 正義曰聘禮君使卿韋弁服歸饗餼五牢有司入陳鼎豆簋鉶醢醢百糗米百飧黍稷稻粱皆設於中庭是主人設籩豆百品實於庭以荅賓也劉炫謂治國有功土饒云云炫以杜注莊二十二年庭實旅百奉之以玉帛諸侯朝王陳贄幣之象則朝聘陳幣亦實百品於庭非獨主人也 注容貌至亦備 正義曰杜謂於是者皆主人之事故以容貌爲威儀容顏當謂善爲威儀容顏以接賓也采章車服文章謂主人陳設物采文章以接賓周禮車逆之類也嘉淑皆誠爲善容貌文章以外別言善善故以爲令辭稱讚謂接賓之時善言辭善稱讚也加貨謂好貨加增於常若僖二十六年介葛盧來朝禮之加燕好成十三年孟獻子爲介王重賄之之類故以加貨爲命賓幣帛也劉炫云案此勸君行聘唯當論聘之義深不宜言

主之禮備豈虛楚不禮而言此也君之威儀無時可舍豈待朝聘賓至乃始審威儀正顏色無賓客則廢容儀容儀非報賓之物何言報禮備又獻其治國劉炫云傳稱朝以正班爵之儀率長幼之序則不名獻功成二年王禮羣伯如侯伯克敵使大夫告慶之禮則侯伯克敵祇合使大夫告王征伐之功何故說朝獻牧伯禮小朝大小國不合專征復有何功可獻炫謂采章加貨則聘享獻國所有玄纁璣組羽毛齒革皆充衣服旌旗之飾可以爲容貌物采文章嘉淑謂美善之物加貨言賄賂之多皆賓所獻亦庭實也於聘摠言庭實於朝指其所有詳於君略於臣也案莊二十二年傳庭實旅百則朝者庭實又成二年傳云侯伯克敵使大夫告慶之禮據此文則聘賓有庭實又庭實旅百與容貌采章相對杜何知庭實容貌之等非是賓之所必有必爲主人之物又君無獻征伐之功何以知獻功於牧伯今知劉說非者僖二十二年楚子入享于鄭庭實旅百加籩豆六品又昭五年燕有好貨殮有陪鼎僖二十九年

介葛盧來朝禮之加燕好此傳云嘉淑而有加貨故知貨庭實之等皆是主人待賓之物禮傳賓之於主無加貨之文故杜爲此解襄八年鄭伯親獻蔡捷于邢丘是獻征伐之功於牧伯也劉荀違杜義以爲庭實旅百及容穀采章嘉淑加貨之等並爲賓物又以諸侯親朝無獻征伐之功以規杜氏違經背傳於義非也

經十有五年春公孫歸父會楚子于宋夏

五月宋人及楚人平

平者摠言二國和故不書其人

疏

注平者至其人

正義曰平者和也言其先不平而今始平小服大弱下彊之意昭七年暨齊平燕與齊平也定十年及齊平十一年及鄭平魯與平也諸言平者皆舉國言平摠言二國和同之意故不書其人謂不書公卿也燕暨齊平不言人此言宋人楚人吏異辭耳穀梁傳曰人者衆辭也平稱衆上下欲之也賈逵云稱人衆辭善其與衆同欲然則彼不稱人

者豈唯國君欲平而在下不欲平乎傳載盟辭則此平有盟不書盟者釋例曰宋人及楚人平實盟書平從赴辭也

六月癸卯晉師滅赤狄潞氏以潞子嬰兒

歸

潞赤狄之別種氏國故稱氏子爵也林父稱師從告

疏

注潞赤至從告正義曰狄有赤狄

白狄就其赤白之間各自別有種類此潞是國名赤狄之內別種一國夷狄祖其雄豪者子孫則稱豪名爲種若中國之始封君也謂之赤白其義未聞蓋其俗尚赤衣白衣也傳稱天子建德因生以賜姓胙之土而命之氏者即以國名爲氏但華夏不須言夏國名不以氏配赤狄旣須言狄單國不復成文故以氏配之潞氏甲氏皐落氏皆是也杜言氏國故稱氏雖指解此狄而中國亦然劉炫云狄稱種者周禮內宰上春生種種之種賤之同之草木故稱種林父尊卿當稱帥師今從將卑師衆之例直稱師者從告也

秦人伐晉無王札

子殺召伯毛伯

稱殺者名兩下相殺之辭兩下相殺則殺者有罪王札子王子札也蓋經

文倒

疏

注稱殺至札字正義曰穀梁傳曰不言其兩下相殺也言兩臣下自相殺非君殺臣不得言

其大夫也釋例曰大臣相殺死者無罪則兩稱名氏以示殺者之罪王札子殺召伯毛伯是也若死者有罪不稱殺

者名氏晉殺其大夫陽處父是也傳稱此人爲王子捷捷札一人而札在子上故疑經文倒札字也公羊傳曰王札

子者何長庶之號也何休云天子之庶兄也左傳言札爲王孫蘇所使非是尊貴不得爲王之庶兄故譜以爲雜人

不知何

秋

無

仲孫蔑會齊高固于無婁

無

無婁

初稅畝

公田之法十取其一本又履其餘畝復十

杞邑

疏

注公田至曰初正義曰公羊傳曰古者什一而藉古者曷爲什一而藉什一者天下之中正

故曰

初

而藉古者曷爲什一而藉什一者天下之中正

也多乎什一大桀小桀寡乎什一大貉小貉什一者天下
之中正也什一行而頌聲作矣何休云多取於民比於桀
鑿貉無百官制度之費稅薄穀梁傳亦云古什一而藉孟
子云夏后氏五十而貢殷人七十而助周人百畝而徹其
實皆什一也趙岐注云民耕五十畝者貢上五畝耕七十
畝者以七畝助公家耕百畝者徹取十畝以爲賦雖異名
而多少同故云皆什一也書傳言十一者多矣故杜言古
者公田之法十取其一謂十畝內取一舊法旣已十畝取
一矣今又履其餘畝更復十收其一乃是十取其二故論
語云哀公曰二吾猶不足謂十內稅二猶尚不足則從此
之後遂以十二爲常故曰初言初稅十二自此始也諸書
皆言十一而周禮載師云凡任地近郊十一遠郊二十而
三甸稍縣都皆無過十二漆林之征二十而五者彼謂
王畿之內所共多故賦稅重諸書所言十一皆謂畿外
之國故鄭立云十一而稅謂之徹徹通也爲天下之通法
言天下皆十一耳不言畿內亦十一也孟子又曰方里爲

井井九百畝其中爲公田八家皆私百畝同養公田公事
畢然後敢治私事漢書食貨志取彼意而爲之文云井田
方一里是爲九夫八家共之各受私田百畝公田十畝是
爲八百八十畝餘二十畝爲廬舍諸儒多用彼爲義如彼
所言則家別一百一十畝是爲十外稅一也鄭玄詩箋云
井稅一夫其田百畝則九而稅一其意異於漢書不以志
爲說也又孟子對滕文公云請野九一而助國中什一使
自賦鄭玄周禮匠人注引孟子此言乃云是邦國亦異外
內之法則鄭玄以爲諸侯郊外郊內其法不同郊內十一
使自賦其一郊外九而助一是爲二十而稅二故鄭玄又
云諸侯謂之徹者通其率以十一爲正言郊內郊外相通
其率爲十稅一也杜本直云十取其一則又異於鄭唯謂
一夫百畝以十畝歸公今又履其餘畝稅之更十取一耳
履畝穀梁傳文也趙岐不解夏五十殷七十之意蓋古者人
多田少一夫唯得五十七十畝耳五十而貢貢五畝七十
而助助七畝好惡於此鄭注考工記云周人畿內用夏之

貢法邦國用
殷之助法

冬蜾生

蟲子以冬生遇寒而死故不成蟲

疏

注蟲子至成蟲

正義曰釋蟲云草蟲負蟄蜚蠊蟥李巡云皆分別蝗子異方之語也釋蟲又云蜾蜉蜉李巡云蜾蜉一名蜾蜉蜉子也郭璞云蝗子未有翅者劉敞以為蜾蜉有翅者非也如李郭之說是蜾蜉為蟲子也上云秋蟲秋而生子於地至今其子復生遇寒而死故不成災傳稱凡物不為災不書此不為災而書之者傳云幸之也此年既饑若使蜾蜉早生更為民害則其困甚矣喜其冬生以為國家之幸故喜而書之公羊傳亦云蜾生不書此何以書幸之也

饑

風雨不和

疏

注風雨至不豐正義曰此年秋蟲知不五稼不豐為蟲而饑者春秋書蟲多矣有蟲之年皆

不書饑而此獨書饑知年饑不專為蟲故云風雨不和五稼不豐也

傳十五年春公孫歸父會楚子于宋

終前年傳

宋人使樂嬰齊告急于晉晉侯欲救之伯

宗曰不可

伯宗晉大夫

古人有言曰雖鞭之長不

及馬腹

言非所擊

天方授楚未可與爭雖晉之

彊能違天乎諺曰高下在心

度時制宜

川澤納汙

受汙

山藪藏疾

山之有林藪毒害者居之

瑾瑜匿瑕

匿亦藏也雖美

玉之質亦或居藏瑕穢

國君舍垢

忍垢恥

天之道也

晉侯恥不救宋

故伯宗爲說小惡不損大德之喻

君其待之

待楚衰

乃止使解揚如

宋使無降楚曰晉師悉起將至矣鄭人囚

而獻諸楚楚子厚賂之使反其言

反言晉不殺

不

許三而許之登諸樓車使呼宋人而告之

樓車車上望櫓

遂致其君命楚子將殺之使與之言

曰爾既許不穀而反之何故非我無信女

則棄之速即爾刑對曰臣聞之君能制命

爲義臣能承命爲信信載義而行之爲利

謀不失利以衛社稷民之主也義無二信

欲爲義者不行兩信

信無二命

欲行信者不受二命

君之賂臣不知

命也受命以出有死無責責廢隊也又可賂乎臣

之許君以成命也成其君命死而成命臣之祿

也寡君有信臣己不廢命下臣獲考考成也死又何

求楚子舍之以歸夏五月楚師將去宋在宋

積九月不能服宋故申犀稽首於王之馬前曰母畏知

死而不敢廢王命王棄言焉王不能荅宋

宋而去故曰弃言申叔時僕僕御也曰築室反耕者宋

必聽命從之築室於宋分兵歸田示無去志王從其言宋人懼使華

元夜入楚師登子反之牀起之曰寡君使

元以病告

兵法因其鄉人而用之必先知其中將左右謁者門者舍人之姓名因而利道之事

元蓋用此術得以自通

曰敝邑易子而食析骸以爨

燹也

雖然城下之盟有以國斃不能從也

寧以國斃不從

城下盟

去我三十里唯命是聽子反之盟

而告王退三十里宋及楚平華元爲質盟

曰我無爾詐爾無我虞

楚不詐宋宋不備楚盟不書不告

疏

川澤至藏疾正義曰周禮澤虞之官有大澤大藪小澤小藪爾雅十藪皆是大澤則藪是澤類鄭玄周禮注云澤

水所鍾也水希曰藪是藪者澤之少水之名也川澤山藪
相配爲文者川是流水澤是委水俱是水故摠云納汗言
其納汗濁也山有木藪有草毒螫之蟲在草在木故俱云
藏疾言其藏毒害也藪是澤類而杜云山之有林藪者藪
雖澤類傳文與山相連藪是草木積聚之處近山近澤皆
得稱藪上既有川澤之文下別云山藪之事此藪近山故
杜云山之有林藪也劉炫以爲澤旁之藪以規杜氏非也
注匿亦至瑕穢正義曰瑾瑜玉之美名聘義曰瑕不揜
瑜瑜不揜瑕鄭玄云瑕玉之病也瑜其中間美者玉之性
善惡不相揜此云匿瑕似以美匿惡故云匿亦藏也言玉
質雖美亦瑕藏其中不言瑜能揜蓋瑕也子反懼與之
盟正義曰服虔云與華元私盟許爲退師若孟任割臂
與魯莊公盟下云盟曰是兩國平後共盟而潞子嬰覓
楚人爲此辭耳非此華元子反私盟之辭也

之夫人晉景公之姊也酆舒爲政而殺之

又傷潞子之目

鄆舒潞相

晉侯將伐之諸大夫皆

曰不可鄆舒有三雋才

雋絕異也言有才藝勝人者三

不如待

後之人伯宗曰必伐之狄有五罪雋才雖

多何補焉不祀一也耆酒二也棄仲章而

奪黎氏地三也

仲章潞賢人也黎氏黎侯國上黨壺關縣有黎亭

虐我伯

姬四也傷其君目五也怙其雋才而不以

茂德茲益罪也後之人或者將敬奉德義

以事神人而申固其命

審其政令

若之何待之不

討有罪曰將待後後有辭而討焉母乃不

可乎夫恃才與眾亡之道也商紂由之故

滅

山用也

天尸時為災

寒暑易節

地反物為妖

羣物失性

民反德為亂亂則妖災生故文反正為乏

字盡在狄矣晉侯從之六月癸卯晉荀林

父敗赤狄于曲梁辛亥滅潞

曲梁今廣平曲梁縣也書癸卯從赴

豐舒奔衛衛人歸諸晉晉人殺之

疏

注傳絕至

者三正義曰辨名記云倍人曰戎十人曰選倍選曰僞千人曰英倍英曰賢萬人曰桀倍桀曰聖是僞為絕異之

稱也有三僞才知其有才藝勝人者三事耳不知三者何事也 不祀至五也 正義曰此五者從輕至重不祀雖爲六罪廢祀未是害物故先言之耆酒則廢亂政事有害於民故次之棄賢人而侵鄰國其害已大又次之殺夫人傷君目罪之大者故後言之棄仲章而奪黎氏地是爲二事而并數爲一者俱是爲政之惡故并數之奪黎氏地已盡奪之使黎侯失位故下云立黎侯而還更復其國也商紂由之故滅 正義曰史記殷本紀云紂賢辯捷疾聞見甚敏材力過人手格猛獸知足以拒諫飾是非之端矜人臣以能高天下以聲以爲皆出己之下武王伐滅之是由恃才僞故滅也 天反至災生 正義曰據其害物謂之災言其恠異謂之妖時由天物在地故屬災於天屬妖於地其實民有亂德感動天地天地謂之見變妖災因民而生天地共爲之耳非獨天爲災而地爲妖民謂人也感動天地皆是人君感之非庶民也昭七年傳曰國無政不用善則自取謫於日月之災言以政取謫是其由君不由

民以民表人故釋例引此即改民爲人是其民謂人也傳
言天災地妖民亂歷序以尊卑爲次更言亂則妖災生明
妖災由民起妖災亦通言耳天雖四時氣唯寒暑故杜以
反時爲寒暑易節物則其數無窮故惣云羣物失性反其
常性即是妖也釋例曰物者雜而言之則昆蟲草木之類
也大而言之則歲時日月星辰之謂也歲者水旱饑饉也
時者寒暑風雨震電雪霜也日月者薄食夜明也星辰者
彗孛賁錯失其次也山崩地震者陽伏而不能出陰迫而
不能升也凡天反其時地反其物以害其物性皆爲妖災
是言妖災皆通天地共爲之也此傳地反物者唯言妖耳
洪範五行傳則有妖孽禍病咎祥六者之名以積漸爲義
漢書五行志說此六名云凡草木物之類謂之妖妖猶天胎
言尚微也蟲豸之類謂之孽孽則牙孽矣及六畜謂之禍
言其著也及人謂之病病病類言浸深也甚則異物生謂
之眚自外來謂之祥是六名以漸爲稱唯眚祥有外內之
異耳大旨皆是妖也 故文反正爲乏 正義曰許慎說

文序云蒼頡之初作書蓋依類象形謂之文其後形聲相益謂之字文者物象之本字者華乳而生是文謂之字也制字之體文反正爲乏服虔云言人反正者皆乏絕之道也人反德則妖災生妖災王則國滅亡是乏絕之道也

盡在秋矣正義曰言盡在秋矣則秋皆有之其反德爲亂則五罪是也天地災妖傳不指作不知於時澤國有何

災何王孫蘇與召氏毛氏爭政三人皆王卿士使王

子捷殺召戴公及毛伯衛王子捷即王札子卒立召

襄襄召戴公之子疏卒立召襄正義曰卒終也謂後終立之非此時即立毛氏後亦不滅但傳不

言之耳秋七月秦桓公伐晉次于輔氏晉地壬午

晉侯治兵于稷以略狄土略取也稷晉地河東聞喜縣西有稷山壬

午七月二十九日晉時新破狄土地未安權秦師之弱故別遣魏顆距秦而東行定狄地立黎侯而

還

狄奪其地故晉復立之

及雒魏顆敗秦師于輔氏

侯晉

還及雒也雒晉地

獲杜回秦之力人也初魏武子有

嬖妾無子武子疾命顆曰必嫁是

武子魏犢顆之父

疾病則曰必以爲殉及卒顆嫁之曰疾病

則亂吾從其治也及輔氏之役顆見老人

結草以亢杜回

亢禦也

杜回躓而顛故獲之夜

夢之曰余而所嫁婦人之父也

而女也

爾用先

人之治命余是以報

傳舉此以示教

晉侯賞相子狄

臣千室

千室

亦賞士伯以瓜衍之縣

士伯士貞子

曰

吾獲狄土子之功也微子吾喪伯氏矣

伯相

子字邲之敗晉侯將殺林父士伯諫而止

羊舌職說是賞也

職叔向父

曰

周書所謂庸庸祗祗者謂此物也夫

周書康誥庸用

也祗敬也物事也言文王能用可用敬可敬

士伯庸中行伯

言中行伯可用

君信

之亦庸士伯此之謂明德矣文王所以造

周不是過也故詩曰陳錫載周能施也

錫賜

也詩大雅言文王布陳大利以賜天下故能載行周道福流子孫

率是道也其何

不濟晉侯使趙同獻狄俘于周不敬劉康

公曰不及十年原叔必有大咎

劉康公王季子也原叔趙

同也天奪之魄矣

心之精爽是謂魂魄爲成八年晉殺趙同傳

疏

注心之至同傳

正義曰心之精爽是謂魂魄魄去之何以能久昭二十五年傳文

初稅畝非禮也穀

出不過藉

周法民耕百畝公田十畝借民力而治之稅不過此

以豐財也

疏

初稅至財也正義曰藉者借也民之田穀出共公者不過取所借之田欲以豐民之財故不多稅也既

譏其稅畝言非禮乃舉正禮言穀出不過藉則知所稅畝者是藉外更稅故杜以爲十一外更十取一且以哀公之

言驗之知十二冬蜚生饑幸之也蜚未為災而書之者幸其冬生

而稅自此始也不為物害時歲雖

饑猶喜而書之疏冬蜚生饑幸之也正義曰幸之

饑連蜚生乃云幸之者以歲饑而復有災則民彌益其困由饑之故乃以為幸故傳連饑釋之

經十有六年春王正月晉人滅赤狄甲氏

及留吁甲氏留吁赤狄別種晉既滅潞氏今又并盡其餘黨士會稱人從告夏成周宣

榭火傳例曰人火之也成周洛陽宣榭講武屋別在洛陽者爾雅曰無室曰榭謂屋歇前疏注

例至歇前正義曰楚語云先王之為臺榭也榭不過講軍實臺不過望氛祥知榭是講武屋也名之曰宣則其義

未聞服虔云宣揚威武之處義或當然也成周周之下都此榭別在洛陽講習武事則往就之爾雅釋官云無室曰

謝云閣謂之臺有木者謂之榭李巡曰臺積土為之所
以觀望臺上有屋謂之榭則榭是臺上之屋居臺而臨觀
講武故無室而歇前歇前者無壁也如今廳是也公羊以
為宣宮之榭謂宣王之廟也以其中與其廟不毀與左氏
異也秋邾伯姬來歸冬大有年無傳

傳十六年春晉士會帥師滅赤狄甲氏及

留吁鐸辰

鐸辰不書
留吁之屬

三月獻狄俘

獻于王也

晉侯

請于王戊申以黻冕命士會將中軍且為

大傳

代林父將中軍且加以大傳之
官黻冕命卿之服大傳孤卿

於是晉國之

盜逃奔于秦羊舌職曰吾聞之禹稱善人

稱舉也

不善人遠此之謂也夫詩曰戰戰兢兢

兢如臨深淵如履薄冰善人在上也

言善人居位則

無不戒懼

善人在上則國無幸民諺曰民之多

幸國之不幸也是無善人之謂也

疏

注代林至

孤卿

正義曰晉之中軍之將執政之上卿也大傳又尊

於上卿且加大傳以褒顯之禮命臣者皆賜之以服使服

而受命傳言以黻冕者黻冕是命孤卿之服故以之命士

會也論語稱禹惡衣服而致美乎黻冕鄭玄云黻祭服之

衣冕其冠也此云黻冕亦當然也黻蔽膝也祭服謂之黻

其他服謂之韠俱以韋為之制同而色異韠各從棠色黻

則其色皆赤尊卑以深淺為異天子純朱諸侯黃朱大夫

赤而已大夫以上冕服悉皆有黻故禹言黻冕此亦云黻

冕但冕服自有尊卑耳周禮司服孤之服自希冕而下此士會黻冕當是希冕也天子太傅三公之官也諸侯大傅孤卿之官也周禮典命云公之孤四命卿衆云九命上公得置孤卿一久春秋時晉爲霸主侯亦置孤卿文六年有大傅陽子大師賈他則晉嘗置二孤夏成周宣榭火人火之也

凡火人火曰火天火曰災

疏

凡火至曰災正義曰人火從

人而起人失火而爲害本其火之所來故指火體而謂之爲火天火則自然而起不能本其火體故以其所害言之謂之爲災聖人重天變故異其秋郟伯姬來歸出名春秋書災多矣唯此言火耳

也爲毛召之難故王室復亂

毛召難在前年

王孫蘇

奔晉晉人復之

毛召之黨欲討蘇氏故出奔

冬晉侯使士會

平王室定王享之原襄公相禮

原襄公周大夫相佐也

穀烝

烝升也升穀於俎

武子私問其故

享當體薦而穀烝故恠問之武

士會謚季其字

王聞之召武子曰季氏而弗聞乎王

享有體薦

享則半解其體而薦之所以示共儉

宴有折俎

體解節折升之

於俎物皆可食所以示慈惠也

公當享卿當宴王室之禮也

公謂

諸侯武子歸而講求典禮以脩晉國之瀆

言傳

典禮之廢久

疏

注烝升也升穀於俎皆謂之烝故烝爲升也鄭立詩箋云凡非穀

正義曰禮升穀於俎

而食之曰穀則穀是可食之名切肉爲穀乃升於俎故謂之穀烝

注享當至其字正義曰若公侯來朝王爲設

享則當有體薦薦其半體亦謂之房烝武子謂已被王享亦當房烝今乃殺烝故恠而問之 注享則至共儉 正義曰王爲公侯設享則半解其體而薦之爲不食故不解折所以示共儉也示共儉與下示慈惠成十二年傳文 注體解至惠也 正義曰王爲公侯設宴禮體解節折并之於俎即殺烝是也其物解折使皆可食共食噉之所以示慈惠也其宴飲殺烝其數無文若祭祀體解案特牲饋食禮有九體則肩一臂二肱三肫四胛五正脊六橫脊七長脅八短脅九此謂士禮也若大夫禮則十一體加胾胾代脅其諸侯天子無文或同十一 注公謂諸侯 正義曰五等諸侯並名爲公故云公謂諸侯言諸侯親來則爲之設享又設燕也享用體薦燕用折俎若使卿來雖爲設享仍用公之燕法亦用折俎是王室待賓之禮也周語說此甚詳王召士季曰子弗聞乎禘郊之事則有全烝王公立飲則有房烝親戚宴享則有殺烝今叔父使士季實來唯是先王之宴禮欲以貽爾體解節折而共飲食之於是

平有折俎以示容合好將安用全烝注國語者皆云禘祭宗廟郊祭天地則有全其牲體而升於俎謂之全烝王公立飫即享禮也禮之立成者名爲飫半解其體而升於俎謂之房烝傳言體薦即房烝也親戚宴享則宴享禮同皆體解節折乃升於俎謂之殺烝此傳略而爲文猶是彼意故注皆取彼解之

經十有七年春王正月庚子許男錫我卒

無傳再與文同盟

疏

注再與文同盟正義曰錫我以文六年即位七年盟于亳十四年于新城魯許俱

在是再同盟也

丁未蔡侯申卒

無傳未同盟而赴以名丁未二月四日

夏葬

許昭公

無傳

葬蔡文公

無傳

六月癸卯日有食

之

無傳不書朔官失之

己未公會晉侯衛侯曹伯邾

子同盟于斷道

斷道晉地

秋公至自會

無冬十

有一月壬午公弟叔肝卒

傳例曰公母弟

傳十七年春晉侯使郤克徵會于齊

徵召也欲

為斷道會

齊頃公帷婦人使觀之郤子登婦人

笑於房

跛而登階故笑之

獻子怒出而誓曰所不

此報無能涉河

不復渡河而東

獻子先歸使樂京

廬待命于齊曰不得齊事無復命矣

樂京廬郤

克之介使得齊之罪乃復命

郤子至請伐齊晉侯弗許請以

其私屬又弗許

私屬家衆也爲成二年戰于鞏傳

齊侯使高固

晏弱蔡朝南郭偃會

晏弱桓子

及斂孟高固逃

歸

聞卻克怒故

夏會于斷道討貳也盟于卷楚

卷楚即斷道

辭齊人晉人執晏弱于野王執蔡朝

于原執南郭偃于溫

執三子不書非卿野王縣今屬河內

苗賁皇

使見晏桓子

賁皇楚鬬椒之子楚滅闕氏而奔晉食邑于苗地晏弱時在野王故因使而見

之歸言於晉侯曰夫晏子何罪昔者諸侯

事吾先君皆如不逮

言汲汲也

舉言羣臣不信

諸侯皆有貳志

舉亦皆也

齊君恐不得禮

不見禮待

故不出而使四子來左右或沮之

沮止也

曰君

不出必執吾使故高子及斂孟而逃夫三

子者曰若絕君好寧歸死焉爲是犯難而

來吾若善逆彼

彼齊三人

以懷來者吾又執之

以信齊沮吾不既過矣乎過而不改而又

久之以成其悔何利之有焉使反者得辭

反者高固謂得不當來之辭

而害來者以懼諸侯將焉用

之晉人緩之逸

緩不拘執使得逃去也傳言晉不能脩禮諸侯所以貳

疏

注跋而登階

正義曰沈氏引穀梁傳云魯行父禿晉卻

克跋衛孫良夫眇曹公子首偃故歸入笑之是以知卻克

跋也穀梁傳定本作卻克眇衛孫良夫跋

以信齊沮

正義曰使沮者之言信也

而又至有焉

正義曰晏相

子等懼晉之命不得已而來恨齊侯之使也今晉不以禮

待之而又父執之以成其悔恨言本恨齊今又恨晉齊侯

見晉如此將有背晉之心齊若叛晉

何利之有言此者勸晉侯免之耳

秋八月晉師還

范武子將老

老致仕初受隨故曰隨武子後更受范復為范武子

召文子曰

變乎吾聞之喜怒以類者鮮

文子士會之子變其名

易

者實多

易遷怒也

詩曰君子如怒亂庶遄沮君

子如社亂庶端已

詩小雅也端速也沮止也社禘也

君子之喜

怒以已亂也弗已者必益之郤子其或者

欲已亂於齊乎不然余懼其益之也余將

老使郤子逞其志庶有豸乎

豸解也欲使郤子從政快志以

止爾從二三子唯敬

二三子晉諸大夫

乃請老郤獻

子爲政

疏

注豸解也正義曰方言文正

冬公弟叔肸卒公

母弟也凡大子之母弟公在曰公子不在

曰弟

以兄爲尊

凡稱弟皆母弟也

此策書之通例也庶弟不得稱公弟

而母弟或稱公子若嘉好之事則仍舊史之文唯相殺害
然後據例以示義所以篤親親之恩崇友于之好釋例論
之備

疏

凡大至弟也正義曰此例再言凡者前凡明
稱母弟之人適子及妾子之等後凡明策書稱

弟者皆母弟之義公之母弟見經者鄭段魯公子友衛叔
武實母弟而不稱弟陳公子招昭元年稱公子八年稱弟
釋例曰母弟之寵異於衆弟蓋緣自然之情以養母氏之
志公在雖俱稱公子其兄爲君則特稱弟殊而異之親而
睦之旣以隆友于之恩亦以獎爲人弟之敬成相親之益
也通庶子爲君故不言夫人之子而曰母弟母弟之見於
經者二十而傳之所發六條而已凡稱弟皆母弟此策書
之通例也庶弟不得稱弟而母弟得稱公子故傳之所發
隨而釋之諸稱弟者不言皆必稱弟也秦伯之弟鍼適晉
女叔齊曰秦公子必歸此公子亦國之常言得兩通之證
也仲尼因母弟之例據例以興義鄭伯懷害弟之心天王
綏羣臣以殺其弟夫子探書其志故顯稱二兄以首惡使

夫稱弟不開反謀也鄭段去弟身爲謀首也然則兄而害弟稱弟以章兄罪弟又害兄則去弟以罪弟身也推此以觀其餘秦伯之弟鍼陳侯之弟黃衛侯之弟鱣出奔皆是兄害其弟者也秦伯有千乘之國而不能容其母弟傳曰罪秦伯歸罪秦伯則鍼罪輕也陳侯不能制禦臣下使逐其弟傳言非罪非黃之罪則罪在陳侯此互舉之文也至於陳招殺兄之子宋辰率羣卿以背宗國拔大邑以成叛逆然不推刃於其兄故以首惡稱弟稱名從兩下相殺也統論其義兄第二人交相殺害各有曲直存弟則示兄曲也鄭伯既云失教若依例存弟則嫌善段故特去弟兩見其義也若夫朝聘盟會嘉好之事此乃兄弟之篤睦非義例之所興故仍舊史之策或稱弟或稱公子踐土之盟叔武不稱弟此其義也言挈非卿非卿則不應書今嘉復故特書特書猶不稱弟明諸書弟者皆卿也先儒說母弟善惡褒貶既多相錯涉又云稱弟皆謂公子不爲大夫者得以君爲尊案傳言挈非卿乃法所不書書而不言弟非得以君

爲尊也凡聘享嘉好之事於是使卿故夷仲年之聘皆以卿稱第而行此例所謂凡稱第皆母弟左傳明文而自違之穎氏又曰臣無竟外之交故去第以取季友子招樂夏故去第以懲過鄭段去第唯以名通故謂之取今此二人皆稱公子公子者名號之美稱又非貶所也劉炫云再言凡者前凡據適妻子爲文後凡據妾子爲君母弟不得稱弟故更言凡也

經十有八年春晉侯衛世子臧伐齊公伐

杞無傳夏四月秋七月邾人戕郕子于郕傳例

曰自外曰戕邾大夫就郕殺郕子疏注傳例至郕子正義曰杜以會盟之例卿則書名氏大夫則稱人

此稱邾人故云邾大夫耳賈甲戌楚子旅卒未同盟而達亦云邾使大夫往殘賊之

赴以名吳楚之葬僭而不與故絕而不書同之夷蠻以徵求名之偽

疏

注未同至之偽正義曰諸侯之葬

魯不會則不書知吳楚之葬爲僭不書者襄二十九年傳稱葬楚康王公親送葬經亦不書故知其不爲魯不會也禮坊記曰天無二日土無二王示民有君臣之別春秋不稱楚越之王喪恐民之惑也鄭玄云楚越之君僭號稱王不稱其喪謂不書葬也公羊傳曰吳楚之君不書葬辟其號也辟其號者五等諸侯死則稱爵書卒及葬則從彼臣子之辭皆稱爲公若書楚葬亦宜從彼所稱當云葬楚莊王以此僭而不與不得稱王故遂絕之而不書其葬同之蠻夷言其不足紀錄以懲創自求名號之僞同公孫歸父之蠻夷者蠻夷卒亦不書言其不書似之也

如晉日冬十月壬戌公薨于路寢歸父還自

晉至笙遂奔齊

大夫還不書春秋之常也今書歸父還奔善其能以禮退不書族者

非常所及今特書略之
筮魯竟外故不言出

傳十八年春晉侯衛太子臧伐齊至于陽

穀齊侯會晉侯盟于繒以公子彊爲質于

晉晉師還蔡朝南郭偃逃歸晉既與齊盟守者解緩故得逃

夏公使如楚乞師欲以伐齊公不事齊齊與晉盟故懼而乞

師于楚不書微者行秋邾人戕郕子于郕凡自虐其君

曰弑自外曰戕戕戕皆殺也所以別內外之名弑者積微而起所以相測量非一朝一夕

之漸戕者卒暴之名疏注弑戕至之名正義曰弑者試也言臣下伺候間隙試犯其君戕者殘也言外人

卒暴而來殘賊殺害也弑戕皆是殺也所以別內外之名耳釋例曰列國之君而受害於臣子其所由者積微而起所以相測量非一朝一夕之漸故改殺爲弑戕者卒暴之名有國之君當重門設險而輕近暴客變起倉卒亦因事而見戒也臣弑其君子弑其父世之惡逆君子難言故春秋諸自內虐其君者通以弑爲文也春秋弑君多矣其戕唯此一事自弑其君足明無道臣罪之例戕者外人所殺爲無防被害皆是君自招之縱使君或無道其惡不加外國不得從弑君之例也若戰死則書滅此謂在國見殺耳

楚莊王卒楚師不出

旣而用晉師

成二年戰于鞏是

楚於是乎有蜀之役

在成二年冬蜀魯地泰山博縣西北有蜀亭

公孫歸父以襄仲之立

公也有寵

歸父襄仲子

欲去三桓以張公室

三時

相強公室弱故欲去之以張大公室

與公謀而聘于晉欲以晉人

去之冬公薨季文子言於朝曰使我殺適

立庶以失大援者仲也夫

適謂子惡齊外甥襄仲殺之而立宣公南

通於楚既不能固又不能堅事齊晉故云失大援也

臧宣叔怒曰當其時不

能治也後之人何罪子欲去之許請去之

宣叔文仲子武仲父許其名也時爲司寇主行刑言子自以歸父害己欲去者許請爲子去之

遂逐東

門氏

襄仲居東門故曰東門氏

子家還及笙

子家歸父

壇帷復

命於介

除地爲壇而張帷介副也將去使介反命於君

既復命袒括髮

以麻約髮

即位哭三踊而出

依在國喪禮設哭位公薨故

遂奔齊

書曰歸父還自晉善之也

疏

復命於介正義曰聘禮復命

之禮云公南鄉使者執圭反命曰以君命聘于某君某君受幣于某宮某君再拜以享某君某君再拜若聘君薨于後歸執圭復命于殯升自西階不升堂子即位不哭辨復命如聘子臣皆哭與介入北鄉哭出袒括髮入門右即位踊是君之存亡皆有復命之法今身將出奔不得親自復命故立介於位介當南面歸父於介前北面執圭復命既復命之後北面哭乃退括髮訖前即位北面哭三踊而出以復命之語語介使知令介以此言告於殯也

春秋正義卷第十七

修成郎新差充婺州州學教授趙君棟點勘

春秋正義卷第十八

國子祭酒上護軍曲阜縣開國子臣孔穎達等奉

勅撰

成公

疏

正義曰魯世家云成公名黑肱宣公之子穆姜所生以定王十七年即位謚法

安民立政曰成釋例曰計公衛之年成公又非穆姜所生不知其母何氏也案宣元年夫入婦姜至自齊即穆姜也至此十八年耳二年傳稱公衛爲質於楚公衛成歸子孫無恙爲質則其年已長成公若是穆姜之子也

有成長之理

經元年春王正月公即位

無傳

二月辛酉葬

我君宣公無冰

無傳周二月今之十

疏

注周二至

冬溫 正義曰襄二十八年春無冰彼春無月則是竟春無冰此亦應竟春無冰而書在二月下者以盛寒之月書之也穀梁傳曰終時無冰則志此未終時而言無冰何也終無冰矣加之終之辭也其意言此月寒最甚此月無冰則終無冰矣杜預言今之十二月者見此意也冬而無冰是時之失故書之記冬溫也 三月作丘

甲

周禮九夫爲井四井爲邑四邑爲丘丘十六井出戎馬一匹牛三頭四丘爲甸甸六十四井出長轂一乘

戎馬四匹牛十二頭甲士三人步卒七十二人此甸所賦今魯使丘出之譏重斂故書

疏

注周禮至故書

正義曰周禮九夫爲井四井爲邑四邑爲丘四丘爲甸小司徒職文也司馬法六尺爲步步百爲畝畝百爲夫夫三爲屋屋三爲井四井爲邑四邑爲丘丘有戎馬一匹牛三頭是曰匹馬丘牛四丘爲甸甸六十四井出長轂一乘馬

四匹牛十二頭甲士三人步卒七十二人戈楯具謂之乘馬然則杜之此注多是司馬法文而獨以周禮冠之者以司馬法祖述周禮其所陳者即是周法言此是周之禮法耳不言周禮有此文也鄭注論語云司馬法成方十里出革車一乘與此不同者鄭注小司徒云方十里爲成緣邊一里治溝洫實出稅者方八里六十四井案鄭注小司徒又引司馬法云成出革車一乘甲士十人徒二十人十成爲終千井革車十乘甲士百人徒二百人十終爲同萬井革車百乘甲士千人徒二千人與此車一乘甲士三人步卒七十二人不同者小司徒辨畿內都鄙之地域鄭所引士十人徒二十人者謂公卿大夫畿內采地之制此之所謂諸侯邦國出軍之法故不同也古者用兵天子先用六鄉六鄉不足取六遂六遂不足取公卿采邑及諸侯邦國若諸侯出兵先盡三鄉三遂鄉遂不足然後摠徵竟內之兵案此一車甲士步卒摠七十五人周禮大司馬五人爲伍五伍爲兩四兩爲卒五卒爲旅五旅爲師五師爲軍大

數不同者大司馬所云謂鄉遂出軍及臨時對敵布陳用兵之法此甲士三人步卒七十二人謂徵課邦國出兵之時所徵之兵既至臨陳還同鄉遂之法必知臨敵用鄉遂法者以桓五年戰于繻葛先偏後伍又宣十二年廣有一卒卒偏之兩及尚書牧誓云千夫長百夫長是臨時對敵皆用卒兩師旅也長轂馬牛甲兵戈楯皆一甸之民同共此物若鄉遂所用車馬甲兵之屬皆國家所共知者以一鄉出一軍則是家出一人其物不可私備故也此言四丘爲甸並據上地言之若以上中下地相通則二甸共出長轂一乘耳甸即采也六十四井出車一乘是故以甸爲名此一乘甲兵甸之所賦今魯使丘出甸賦乃四倍於常議其重斂故書之也穀梁傳曰作爲也丘爲甲也丘甲國之事也丘作甲非正也古者立國家百官具農工皆有職以事上古者有四民有士民有商民有農民有工民丘作甲非正也其意以爲四邑爲丘使一丘農民皆作甲以農爲工失其本業故譏之今左氏經傳並言作丘甲耳重斂之

事傳無明文而知必異穀梁以為丘作甸甲者以傳云為齊難故作丘甲以慮有齊難而多作甲兵知使丘為甸甲而倍作之也士卒牛馬悉倍於常而獨言甲者甲是新作之物其餘斂充之耳非作之也譏其新作故舉甲言之初稅畝言初此不言初者此備齊難暫為之耳非是終用故不言初然則築城備難非時不譏此亦備難而譏之者魯是大國甲兵先多僖公之世頌云公車千乘昭公之蒐傳稱革車千乘此時亦應然也其甲足以拒敵而又加之重斂故

譏之

夏臧孫許及晉侯盟于赤棘

晉地

秋王

師敗績于茅戎

茅戎之師故以自敗為文不書

敗地而書茅戎

冬十一月

傳元年春晉侯使瑕嘉平戎于王

平文十七年郊垂之

得屠嘉與瑕故謂之瑕嘉

單襄公如晉拜成

聖義公王卿士謝晉為平戎

劉康公徵戎將遂伐之

襄公三季二也戎二遷欲要其無備

叔

服曰背盟而欺大國此必敗

叔服周內史

背盟不

祥欺大國不義神人弗助將何以勝不聽

遂伐茅戎三月癸未敗績于徐吾氏

徐吾氏茅

戎之別也

疏

注康公至無備正義曰宣十年經書王季子來聘傳言劉康公知即王季子也傳言平戎于

王戎必遣使詣周受平但康公要戎者非要戎平還之使單侵來平不足伐也欲伐其國耳以未平之日設備禦周今既平矣戎必無備要其無備將遂往伐之故下云遂伐茅戎起兵伐其國也敗績于徐吾氏正義曰敗于徐

吾之地也茅戎已是戎內之別徐吾又是
茅戎之內聚落之名王師與茅戎戰之處為齊難故

作丘甲

前年魯乞師於楚欲以伐齊
楚師不出故懼而作丘甲

聞齊將出

楚師夏盟于赤棘

與晉盟
惟齊楚

秋王人來告敗

解經所以
秋乃書

冬臧宣叔令脩賦繕宇

治宇
城郭

具守

備曰齊楚結好我新與晉盟晉楚爭盟齊

師必至雖晉人伐齊楚必救之是齊楚同

我也

同共
也

知難而有備乃可以逞

逞解也為
二年齊侯

伐我
傳

經二年春齊侯伐我北鄙夏四月丙戌衛

孫良夫帥師及齊師戰于新築衛師敗績

新築衛地皆陳曰戰大出曰敗六月癸酉季孫行

父臧孫許叔孫僑如公孫嬰齊帥師會晉

卻克衛孫良夫曹公子首及齊侯戰于鞌

齊師敗績魯乞師於晉而不以與謀之例者從盟王

七年曹大夫常不書而書公子首者首**疏**注魯乞至齊

命於國備於禮成爲卿故也鞌齊地**疏**正義曰

此云盟主之令故不從與謀釋例云乞師不得從與謀所

以不同者以事得兩通故互言之魯於聘與盟會雖二卿

並行止書一使至於行師用兵則並書諸將此書四卿昭
定之世或書三卿或書二卿皆謂重兵故書之其他國唯
書元帥詳內略外也書曹公子首者釋例曰公侯伯子男
及卿大夫士命數周官具有等差當春秋時漸以變改是
故仲丘丘明據時之宜從而然之不復與周官同也命者
其君正爵命之於朝其宮室車旗衣服禮儀各如其命數
皆以卿禮書於經衛之於晉不得比次國則邾莒杞鄆之
屬固以微矣此等諸國當時附隨大國不得列於會者甚
衆及其得列上不能自通於天子下無暇於備禮成制故
與於盟會戰伐甚多唯曹公子首得見經其餘或命而禮
儀不備或未加命數故皆不
書之是言首成爲卿故書

秋七月齊侯使國佐

如師己酉及國佐盟于表婁

穀梁曰鞏去齊
五百里表婁去

齊五
十里

疏

注穀梁至十里正義曰齊之四竟不應過還
且鞏已足齊地未必竟上之邑豈得去齊有五

百里乎殺梁又云宣戰經地五百里則是甚言之耳釋八
例土地名寧與袁婁並闕不知其處遠近無以驗之

月壬午宋公鮑卒

未同盟而赴以名

庚寅衛侯速卒

宣十七年盟于斷道據傳庚寅九月七日

取汶陽田

晉使齊還魯故書取不以好得故不言歸

疏

注晉使至言歸直書取哀八年齊人歸譖及闕此不言齊人歸者不

以好得非齊歸我故不言歸

以好得非齊歸我故不言歸

冬楚師鄭師侵衛

子重不書不親伐

疏

注子重不書不親伐

正義曰僖二十五年楚人圍陳注云子玉稱人從告此云子重不書不親伐者彼以路遠或

當不以實告此傳言侵衛遂侵我道路既近告當以實經傳皆言楚師例是將卑師衆故以爲子重不親伐所以弘

通其義也

十有一月公會楚公子嬰齊于蜀

公與

大夫會不貶嬰齊者

疏

注公與至君故正義曰傳稱

時有許蔡之君故在禮卿不會公侯會公侯則貶之而稱人翟泉之盟是也此嬰齊會公計亦應貶而不貶者爲其會有蔡許之君蔡侯許男與公相敵嬰齊不與公敵故不貶也傳稱孟孫賂楚楚人許平即云十一月公及楚公子嬰齊蔡侯許男秦右大夫說宋華元陳公孫寧衛孫良夫鄭公子去疾及齊國之大夫盟于蜀凡會且盟者必先會而後盟盟時蔡許在列會時必亦在焉以二君乘楚車謂之失位經雖抑而不書會時其身實在且二君與楚同行無容不列於會故知二君在會嬰齊不敵公也或以爲於時兵將嬰齊爲主蔡許爲王左右隸屬嬰齊則二君卑於嬰齊何由得與公敵斯不然矣征伐以主兵爲先盟會以尊卑爲序春秋之常也僖二十二年楚人陳侯蔡侯鄭伯許男圍宋楚既稱人必非貴者爲其主兵猶序於上文七年公會諸侯晉大夫盟于扈傳曰齊侯宋公衛侯陳侯鄭伯許男曹伯會晉趙盾盟于扈於時晉爲盟主召

諸侯使集會而趙盾猶序於下文不先諸侯則知此時行
兵楚爲其主會則蔡許在先故二君自敵公明嬰齊不敵
公也襄二十六年公會晉人鄭良霄宋人曹人于澶淵傳
曰公會晉趙武宋向戌鄭良霄曹人于澶淵趙武不書尊
公也於是衛侯會之然則時有衛侯猶貶趙武者於時衛
侯雖往晉將執之不得與會而趙武敵公故貶之也彼傳
又曰晉人執甯喜北宮遺使女齊以先歸衛侯如晉晉人
執之於會已執其卿衛侯如晉晉即執之明其不得與會
公無所敵故趙武敵公與此異也 丙申公及楚人秦人宋人陳

人衛人鄭人齊人曹人邾人薛人鄆人盟

于蜀

齊在鄭下非卿傳曰卿不書匱盟也然則楚卿
於是始與中國準自此以下楚卿不書皆貶惡

也
疏

注齊在至惡也 正義曰諸會盟同地而間無他
事者例不重序其人此會盟別序者前會之時唯

公會楚耳蔡許從楚而行唯應蔡許在列秦宋以下諸國
未至會盟人別故別序也諸征伐會盟實卿而貶稱人者
傳皆言其名氏實是大夫而本合稱人者則傳皆言大夫
此傳鄭公子去疾以上言其名氏則皆是卿也齊國之大
夫則實是大夫故齊在鄭下爲非卿故也傳曰卿不書置
盟也謂置盟之故并貶楚卿楚卿於是盟上始與中國相
準釋例曰楚之君臣最多混錯舊說亦隨文強生善惡之
狀混漬無已其不能得辭則皆言惡蠻夷得志然當齊桓
之盛而經以屈字微之者必有其貶非抑楚也此乃楚之
初興未開周之典禮告命之書自生同異猶秦之辟陋不
與中國準故春秋未以存例也楚之熊繹始封於楚辟
在荆山葦路藍縷以處草莽不王熊渠始居江漢之間
然未能自同於列國終經稱荆王秦師滅之而楚人來聘從其所
居之稱而擡其君臣至於魯僖公十四年楚人來聘從其所
下僖二十一年魯僖公之世楚人來聘從其所下僖二十一年魯僖公之世
于孟楚之君臣也國列然楚之君臣也國列然楚之君臣也國列然楚之君臣也

成二年楚公子嬰之孫乃具列懷曰不書置盟也兼為
楚臣示例也自此以後春秋未改入無自此以下褒貶之
義可得而論之也杜預兼為後示例者解傳言置盟之
意傳言卿不書言諸侯之卿不書言楚卿亦不
書是兼為
楚卿示例

傳二年春齊侯伐我北鄙圍龍

龍魯邑在泰山博縣西南

頃公之嬖人盧蒲就魁門焉

攻龍門也

龍人囚

之齊侯曰勿殺吾與而盟無入而封

封竟

弗

聽殺而膊諸城上

膊磔也

齊侯親鼓士陵城

三日取龍遂南侵及巢丘

取龍侵巢丘不書其義未聞

衛

侯使孫良夫石稷寧相向禽將侵齊與齊

師遇

齊伐魯還相遇於衛地良夫孫林父之父石稷石碯四世孫寧相寧俞子

石子欲還

孫子曰不可以師伐人遇其師而還將謂

君何

言無以答君

若知不能則如無出今既遇矣

不如戰也夏有

國文失新

石成子曰師敗矣

子不少須衆懼盡

成漢石碯也衛師已敗而孫良夫復欲逃故成子欲使須救

子喪師徒何以復命皆不對又曰子國卿

也隕子辱矣

讀見

子以衆退我此乃止

於我

此止禦齊師

且告車來甚衆

新築人孫子

齊師

乃止次于鞠居

鞠居衛地

新築人仲叔于奚救

孫栢子栢子是以免

于奚守新築大夫

既衛人賞之

以邑

賞于奚

辭請曲縣

軒縣也周禮天子樂宮縣四縣諸侯軒縣闕南方

繁

纓以朝許之

繁纓馬飾皆諸侯之服

仲尼聞之曰惜也

不如多與之邑唯器與名不可以假人

器車服名

爵號

君之所司也名以出信

名位不愆為民所信

信以守

器

動不失信則車服可保

器以藏禮

車服所以表尊卑

禮以行義

尊卑有禮
各得其宜

義以生利

得其宜
則利生

利以平民政之

大節也若以假人與人政也政亡則國家

從之弗可止也已

疏

注膊磔也
正義曰周禮
掌戮掌斬殺賊謀而搏之

鄭玄云搏當爲膊諸城上之膊字之誤也膊謂去衣磔之
方言云膊曝也

注取龍至未聞
正義曰外取內邑非

魯之罪無所可諱而此獨不書故杜云其義未聞賈逵云
殺盧蒲就魁不與齊盟以亡其邑故諱不書耳案楚子滅

蕭嬰齊入莒皆殺楚人而經不變文以加罪此何當改文
以諱惡也哀八年齊人取讎及闡以淫女見取猶尚書之
此殺敵見取何以當諱知諱義不通故不從也

正義曰子者指斥孫子其言並告諸將言皆不對者孫子
與甯相向禽皆不對又曰子國卿也乃專與孫子言耳

注于奚守新築大夫
正義曰大夫守邑以邑冠之呼爲

其人孔子父鄒邑大夫傳稱鄒人訖論語謂孔子爲鄒人之子即此類也 注軒縣至南方 正義曰周禮小胥正

樂縣之位王宮縣諸侯軒縣卿大夫判縣士特縣鄭衆云官縣四面縣軒縣去其一面判縣又去一面特縣又去一面四面象宮室四面有牆故謂之官縣軒縣三面其形曲故春秋傳曰請曲縣繁纓以朝諸侯之禮也鄭玄云樂縣謂鍾磬之屬縣於筓虞者軒縣去南面辟王也判縣左右之合又空北面特縣縣於東方或於階間而已是先儒皆以闕南方故曲也家語說此事云請曲縣之樂繁纓以朝王肅云軒縣闕一面故謂之曲縣 注繁纓至之服 正義曰周禮巾車掌王之五路王路樊纓十有再就以祀金路樊纓九就同姓以封象路樊纓七就異姓以封革路條纓五就以封四衛木路前樊鵠纓以封蕃國鄭玄云樊讀如鞶帶之鞶謂今馬大帶也纓今馬鞅也王路金路象路其樊及纓皆以五彩屬飾之就成也王路十二成金路九成象路七成革路樊纓以條絲飾之而五成木路以淺黑

飾章爲樊鵠色飾章爲纓亦五成是言天子諸侯樊纓之飾繁即輦也字之異耳巾車又云孤乘夏篆卿乘夏綬大夫乘墨車士乘棧車其飾皆無樊纓是繁纓爲馬之飾皆諸侯之服也案儀禮旣夕士薦馬纓三就又諸侯之卿有受革輅木輅之賜皆有繁纓而云諸侯之服者以與曲縣相對又干奚所請故云諸侯之服且諸侯之卿特賜乃有大輅士喪禮爲送葬設盛服耳皆非正法所有也仲尼至止也已正義曰仲尼在後聞之曰此曲縣繁纓可惜也不如多與之邑唯車服之器與爵號之名不可以借人也此名號車服是君之所主也名位不愆則爲下民所信此名所以出信也動不失信然後車服可保此信所以守車服之器也禮明尊卑之別車服以表尊卑車服之器其中所以藏禮言禮藏於車服之中也義者宜也尊卑各有其禮上下乃得其宜此禮所以行其物宜也物皆得宜然則是利生焉此義所以生利益也利益所以成民此乃政教之大節也若以名器借人則是與人政也政教旣亡則

國家從之而亡不復可救止也已言利以平民者平成也
每事有利所以成就下民使國益民皆是利也此以曲縣
繁纓與人假人器耳名孫栢子還於新築不入
器俱是可重故并言名

不入遂如晉乞師臧宣叔亦如晉乞師皆

主卻獻子宣十七年卻克至齊爲婦人所笑遂怒故魯衛因之孫栢子臧宣叔皆不以國命各

自詣卻克故不書晉侯許之七百乘五萬二千五百人卻子曰

此城濮之賦也城濮在僖二十八年有先君之明與先

大夫之肅故捷克於先大夫無能爲役中

爲之役使請八百乘許之六萬卻克將中軍士燮

佐上軍

范文子代荀庚

樂書將下軍

代趙朔

韓厥爲司

馬以救魯衛臧宣叔逆晉師且道之季文

子帥師會之及衛地韓獻子將斬人卻獻

子馳將救之至則旣斬之矣卻子使速以

徇告其僕曰吾以分謗也

不欲使韓氏獨受謗

師從齊

師于華

華齊地

六月壬申師至于靡笄之下

靡笄山名

齊侯使請戰曰子以君師辱於敝邑

不腆敝賦詰朝請見

詰朝平旦

對曰晉與魯衛

兄弟也來告曰大國朝夕釋憾於敝邑之

地

大國謂齊敝邑魯衛自稱

寡君不忍使羣臣請於大國

無令輿師淹於君地

輿衆也淹久也

能進不能退君

無所辱命

言自欲戰不復須君命

齊侯曰大夫之許寡

人之願也若其不許亦將見也齊高固入

晉師桀石以投人

桀擔也

禽之而乘其車

旣獲

其人因釋已車而載所獲者車

繫桑本焉以徇齊壘

將至齊壘以桑樹繫

車而走欲自異

曰欲勇者賈余餘勇

賈買也言已勇有餘欲賣之

癸

酉師陳于鞏邴夏御齊侯逢丑父爲右晉

解張御卻克鄭丘緩爲右齊侯曰余姑翦

滅此而朝食姑且也翦盡也不介馬而馳之介甲也卻

克傷於矢流血及屨未絕鼓音中軍將自執旗鼓故雖傷

而擊鼓曰余病矣張侯曰自始合而矢貫余

手及肘余折以御左輪朱殷豈敢言病吾

子忍之張侯解張也朱血色血色久則殷殷音近烟今人謂赤黑爲殷色言血多汚車輪御猶不

敢息緩曰自始合苟有險余必下推車子豈

識之然子病矣

以其不識已推車

張侯曰師之耳目

在吾旗鼓進退從之此車一人殿之可以

集事

殿鎮也集成也

若之何其以病敗君之大事

也擐甲執兵固即死也

擐貫也即就也

病未及死吾

子勉之左并轡右援枹而鼓馬逸不能止

師從之

晉師從卻克車

齊師敗績逐之三周華不注

華不注山名

韓厥夢子輿謂已曰旦辟左右

子輿韓厥父

故中御而從齊侯

居中代御者自非元帥御者皆在中將在左

邴夏

曰射其御者君子也公曰謂之君子而射

之非禮也

齊侯不知戎禮

射其左越于車下

越隊也

射其右斃于車中綦母張喪車從韓厥曰

請寓乘

綦母張晉大夫寓寄也

從左右皆肘之使立於

後

以左右皆死不欲使立其處

韓厥俛定其右

俛俯也右被射仆車中故

俯安隱之

逢丑父與公易位

居公處

將及華泉驂

絙於木而止

驂馬絙也

丑父寢於轡中

轡士車

蛇出

於其下以肱擊之傷而匿之故不能推車

而及

為韓厥所及丑父欲為右故匿其傷

韓厥執繫馬前

繫馬絆也執之

示脩臣僕之職

再拜稽首奉觴加璧以進

進觴璧亦以示敬

曰

寡君使羣臣為魯衛請曰無令輿師陷入

君地

本但為二國救請不欲乃過入君地謙辭

下臣不幸屬當戎行

無所逃隱

屬適

且懼奔辟而忝兩君臣辱戎

士

若奔辟則為辱晉君并為齊侯羞故言二君此蓋韓厥自處臣僕謙敬之飾言

敢告不敏

攝官承乏

言欲以己不敏攝承空乏從君俱還

丑父使公下如華

泉取飲鄭周父御佐車宛棧為右載齊侯

以免

佐車副車

韓厥獻丑父卻獻子將戮之呼

曰自今無有代其君任患者有一於此將

爲戮乎卻子曰人不難以死免其君我戮

之不祥赦之以勸事君者乃免之齊侯免

求丑父三入三出

重其代已故三入晉軍求之

每出齊師以

帥退入于狄卒

齊師大敗皆有退心故齊侯輕出其衆以帥厲退者遂迸入狄卒秋

卒者狄人從晉討齊者

狄卒皆抽戈楯冒之以入于衛

師衛師免之

狄衛畏齊之強故不敢害齊侯皆共免護之

遂自徐關

入齊侯見保者曰勉之齊師敗矣

所過城邑皆勉勵其

守辟女子

使辟君也齊侯單還故婦人不辟之

女子曰君免乎曰

免矣曰銳司徒免乎曰免矣

銳司徒主銳兵者

曰苟

君與吾父免矣可若何

言餘人不復如何

乃奔

走辟君

齊侯以為有禮

先問君後問父故也

既而問之辟司徒

之妻也

辟司徒主壘壁者

予之石窳

石窳邑名濟北盧縣東有地名石窳

晉

師從齊師入自丘輿擊馬陘

丘輿馬陘皆齊邑

齊侯

使賓媚人賂以紀甌玉磬與地

媚人國佐也甌玉甌皆滅紀所

得不可則聽客之所為賓媚人致賂晉人

不可曰必以蕭同叔子為質同叔蕭君之字齊侯外祖父子

女也難斥言其母故遠言之而使齊之封內盡東其畝使壅畝東

西行對曰蕭同叔子非他寡君之母也若以

匹敵則亦晉君之母也吾子布大命於諸

侯而曰必質其母以為信其若王命何言遠

王命且是以不孝令也詩曰孝子不匱永錫

爾類詩大雅言孝心不乏者又能以孝道長賜其志類若以不孝令於

諸侯其無乃非德類也乎

不以孝德賜同類

先王疆

理天下物土之宜而布其利

疆界也理正也物土之宜播殖之物

各從土宜

故詩曰我疆我理南東其畝

詩小雅或南或東從

其土宜

今吾子疆理諸侯而曰盡東其畝而

已唯吾子戎車是利

晉之伐齊循莒東行易

無顧土宜

其無乃非先王之命也乎反先王則不義

何以爲盟主其晉實有闕

闕失

四王之王也

禹湯文武

樹德而濟同欲焉

樹立也濟成也

五伯之霸

也

夏伯昆吾商伯大彭
不章周伯齊桓晉文

勤而撫之以役王命

役事

也

今吾子求合諸侯以逞無疆之欲

疆竟也

詩曰布政優優百祿是遒

詩頌殷湯布政優和
故百祿來聚道聚也

子實不優而弃百祿諸侯何害焉

言不能為
諸侯害

不然

不見許

寡君之命使臣則有辭矣曰子

以君師辱於敝邑不腆敝賦以犒從者

戰而

曰犒為
孫辭

畏君之震師徒撓敗

震動撓
曲也

吾子惠

徼齊國之福不泯其社稷使繼舊好唯是

先君之敝器土地不敢愛子又不許請收

合餘燼

燼火餘木

背城借一

欲於城下復借一戰

敝邑之幸

亦云從也況其不幸敢不唯命是聽

言完全之

時尚不敢違晉令若不倖則從命

魯衛諫曰齊疾我矣

諫卻克也

其

死亡者皆親暱也子若不許讎我必甚唯

子則又何求子得其國寶

謂獻器

我亦得地

齊歸所侵

而紆於難

齊服則難緩

其榮多矣齊晉亦

唯天所授豈必晉晉人許之對曰羣臣帥

賦輿

賦輿猶兵車

以爲魯衛請若苟有以藉口

而復於寡君

藉薦復白也

君之惠也敢不唯命

是聽禽鄭自師逆公

禽鄭魯大夫歸逆公會晉師

秋七月

晉師及齊國佐盟于爰婁使齊人歸我汶

陽之田公會晉師于上鄆

上鄆地闕公會晉師不書史闕

賜

三帥先路三命之服

三帥卻克士燮欒書已嘗受王先路之賜今改而易新并

此車所建所服之物

司馬司空輿帥候正亞旅皆受一

命之服

晉司馬司空皆大夫輿帥主兵車候正主斥候亞旅亦大夫也皆魯侯賜

疏

注范文子

代荀庚 正義曰宣十二年邲之戰傳稱荀林父將中軍先穀佐之士會將上軍卻克佐之趙朔將下軍欒書佐之十三年晉殺先穀當是士會佐中軍卻克將上軍不知誰代卻克佐上軍疑是荀首爲之十六年士會將中軍則林父卒矣當是卻克佐中軍疑是荀首將上軍荀庚佐之十七年士會請老卻克將中軍當是荀首佐中軍荀庚將上軍所以知者此年傳稱楚屈巫對莊王云知罃之父中行伯之季弟也新佐中軍則荀首於莊王之世已佐中軍明士會老後卻克遷而荀首代也首於邲戰尚爲大夫不應宜之末年得佐中軍故疑先穀死後代卻克佐上軍也明年荀庚來聘傳稱中行伯之於晉也其位在三則此時荀庚將上軍矣林父卒來已久不應始用荀庚故疑林父卒後荀庚即佐上軍士會老後荀庚轉將上軍故杜以爲士變代荀庚也邲戰以來趙朔無代今欒書將下軍則趙朔卒矣故知欒書代趙朔不知此時誰代欒書佐下軍也注中軍至不息 正義曰以卻克爲中軍之將言已之傷

而未絕鼓音明是法當自執旗鼓也周禮大僕軍旅田役
贊王鼓鄭玄云王通鼓佐擊其餘而上云齊侯親鼓則天
子諸侯自將兵者亦親執旗鼓以令衆若之至事也
正義曰卻克云余病矣言已不堪擊鼓欲有退軍之意故
責之云如之何其以身病之故欲喪敗君之大事也援
枹而鼓正義曰說文云援引也枹擊鼓杖也援枹而鼓
謂引杖以擊之注居中至在左正義曰韓厥爲司馬
亦是軍之諸將也以夢之故乃居中爲御明其本不當中
先非御者若御不在中又不須云此御以此知自非元帥
其餘軍之諸將皆御者在中將在中左注齊侯不知戎禮
正義曰僖二十二年傳曰雖及胡者獲則取之明恥教戰
求殺敵也宣二年傳曰戎昭果毅以聽之之謂禮殺敵爲
果致果爲毅是戎事以殺敵爲禮齊侯謂射君子爲非禮
者乃是齊侯不知戎禮也皆肘之正義曰說文云肘
臂節也謂左右爲山處故以肘排退之韓厥俛定其右
正義曰言此者爲下丑父與公易位由厥之俯故不覺其

易禁毋張蓋助厥定右故並不見之

注轡士車

正義

曰周禮中車士乘棧車鄭玄云棧車不革輓而漆之考工記與人云棧車欲弁鄭玄云爲其無革輓不堅易圻壞然則弁者謂上狹下闊也轡與棧字異音義同耳 韓厥至以進 正義曰襄二十五年鄭公孫舍之帥師入陳傳曰陳侯免擁社子展執紼而見再拜稽首承飲而進獻事與此同唯無壁耳蓋古者有此禮彼雖敗績猶是國君故戰勝之將示之以臣禮事之不忍即加屈辱所以申貴賤之義晉語云靡笄之役卻獻子伐齊齊侯來獻之以得殞命之禮也服虔引司馬法其有殞命以行禮如會所用儀也若殞命則左結旗司馬授飲右持苞壺左承飲以進杜不引之者蓋彼此不甚相當故也 注重其至求之 正義曰劉炫以齊侯三入齊軍又三出齊軍以求丑父每出之時齊之將帥敗而怖懼以師而退不待齊侯致使齊侯入于狄卒今知不然者以傳文三入在前三出在後若用此說齊侯先在晉軍今入齊軍得以三入在前今齊侯既先

在齊軍欲出求丑父應先出後入不應先入後出且初時
二出容有二入在後之出遂入狄卒有出無入何得云三
入又以傳文師帥兩字分明故杜以爲齊侯每出齊師以
帥屬退者每出之文別自爲義不計上之三出劉君不達
此旨妄規杜失非也 注媚人至所得 正義曰經書齊
侯使國佐如師故知賓媚人即國佐也杜譜云國佐賓媚
人武子三事互見於經傳不知賓媚人是何等名號也鄭
衆注考工記云甌無底甌方言云甌自關而東謂之甌知
甌是甌也下云子得其國寶知甌亦以玉爲之傳文王在
甌磬之間明二者皆是玉也莊四年紀侯大去其國不言
齊滅而云滅紀所得者紀侯被偪而去後齊侯收其民人
又取其珍寶此則與滅無異故爲此解 蕭同至類也乎
正義曰蕭同叔子非他人是寡君之母也若以匹敵言之
則亦晉君之母也吾子布大命於諸侯而曰必質其諸侯
之母以爲信其不王命何莊王之命諸侯也使之孝於母
親其類今輕慢其母不愛同類即是違王命也奈此王命

何乎今輕齊侯之母亦是輕晉侯之母自輕其母即是不孝且告語諸侯云以母爲質是此者以不孝之事令諸侯也詩之意言孝子所以行孝不爲匱乏之道故以孝道長賜女之族類諸侯皆晉侯之類晉侯皆以孝德賜同類若以不孝之事號令諸侯其無乃非是以孝德賜同類乎責其違孝道也所引詩者大雅既醉之篇詩曰至其畝正義曰此詩小雅信南山之篇四王至之欲正義曰禹湯文武四王之王天下也立德於民而成其同欲民有所欲上即同之東畝南畝皆順民意五伯之霸諸侯也唯勤勞其功而撫順之以奉事王命而已不改王之制度也吾子求合諸侯以快其無疆畔之欲止求自快已欲不與民同是違王霸之政也注夏伯至晉文正義曰鄭語云祝融能昭顯天地之光明其後八姓昆吾爲夏伯矣大彭豷韋爲商伯論語云管仲相桓公霸諸侯昭九年傳曰文之伯也豈能改物是三代有五伯矣伯者長也言爲諸侯之長也鄭玄云天子衰諸侯興故曰霸霸把也言把持

王者之政教故其字或作伯或作霸也 詩曰至害焉
正義曰詩商頌言成湯布政優優然而寬故百種福祿於
是聚歸之子實不能優寬而自棄福祿於諸侯何害言不
能爲諸侯害也所引詩者商頌長發之篇 注戰而曰犒
爲孫辭 正義曰士卒之勞於外師衆枯槁以酒食勞之
謂之犒師此以師拒戰非犒勞之義而亦稱犒者言以此
師衆往當待之如以酒食犒之然爲孫順之辭耳 注言
字至從命 正義曰言於先字全福幸之時尚不違晉故
言亦云從也是指其實事劉炫以爲齊人請戰言敝邑脫
或有幸戰勝亦云從也虛稱未然之事乖違文勢上下苟
異杜氏而規其過非也 注藉薦復白也 正義曰禮承
玉之物名爲縹藉藉是承薦之言故爲薦也復者報命於
君故爲白也言無物則空口以爲報少有所得則與口爲
藉故曰藉口服虔云今河南俗語治生求利少有所得皆
言可用藉手矣 注上鄭至史闕 正義曰定八年經書
公會晉師于瓦此獨不書故云史闕謂舊史先闕故仲尼

脩經無之 賜三至之服 正義曰周禮典命公之孤四
命其卿三命其大夫再命其士一命侯伯之卿大夫士亦
如之此三帥皆卿也本國三命故魯賜以三命之服司馬
司空與帥候正亞旅皆大夫本國一命故皆受一命之服
於卿言賜於大夫言受互相足也周禮大夫再命此司馬
司空等皆一命者春秋之時其事已異於周禮故大夫一
命 注三帥至之物 正義曰三卿各統一軍故總稱三
帥魯君之賜晉臣正可知其法所得服改新以與之耳不
得特命他臣發初賜以此物且彼若先無此物則無由敢
受魯賜故杜以爲此三帥已嘗受王先路之賜今改而易
新并此車所建之旌旗所著之衣服皆賜之也案釋例先
路者革路若木路或云先或云次蓋以就數爲差其受之
於王則稱大杜言革路若木路者或用革或用木也知受
之於王則稱大者鄭子蟠叔孫穆子受之於王皆稱大是
也革木是卿大夫車之尊者故云大路金路是諸侯車之
尊者亦稱大則定四年大路大旂是也王路天子車之尊

者亦稱大故顧命云大路在賓階面是也言所建所服之物者周禮巾車革路建大白以即戎司服云凡兵事韋弁服巾車又云木路建大麾以田司服又云凡田冠弁服然則此車所建或是大白大麾所服或是韋弁冠弁劉炫以爲旣言先路則是晉君之賜杜云受王先路之賜非其義也今知不然者杜以穆叔子蟜嘗受王路故杜據而言之釋例應云受王大路之賜言先路者順傳先路之文故也劉以爲嘗受晉君賜而規杜氏非也注晉司至侯賜正義曰司馬司空本是卿官之名但晉之諸卿皆以三軍將佐爲號其司馬司空皆爲大夫之官仍有爲卿之嫌故云晉司馬司空皆大夫也明他國以爲卿晉以爲大夫也與帥至於亞旅本是大夫官名故又云亦大夫也軍行有此大夫從者司馬主甲兵司空主管壘與帥主兵車候正主斥候亞旅次於卿是衆大夫也無專職掌散共軍事故後言之直言受服嫌非

魯賜故云皆魯侯賜

八月宋文公卒始厚葬

用蜃炭益車馬始用殉

燒蛤爲炭以瘞壙多埋車馬用人從葬

重

器備

重猶多也

樽有四阿棺有翰檜

四阿四注樽也翰旁飾檜

上飾皆王禮

君子謂華元樂舉於是乎不臣臣治

煩去惑者也是以伏死而爭今二子者君

生則縱其惑

謂文十八年殺母弟須

死又益其侈是棄

君於惡也何臣之爲

若言何用爲臣

疏

注燒蛤至從葬正義曰晉語云

雀入于海爲蛤雉入于淮爲蜃月令孟冬雉入大水爲蜃鄭玄云大水謂淮也大蛤曰蜃則蜃者蛤之類也周禮掌蜃掌斂互物蜃物以共闔壙之蜃鄭玄云互物蚌蛤之屬闔猶塞也將井棹先塞下以蜃禦濕也是用蜃以瘞壙也

禮檀弓記曰塗車芻靈自古有之鄭玄云芻靈束茅爲人馬謂之靈者神之類也不解塗車當是用泥爲車也傳言益車馬者謂用此塗車茅馬益多於常故云多埋車馬也鄭玄云殺人以衛死者曰殉言殉還其左右也言始用殉則自此以後宋君葬常用殉故謂此爲始也劉炫以爲用蜃炭者用蜃復用炭知不然者杜以傳用蜃炭共文故知燒蛤爲炭又且炭亦灰之類雖灰亦得稱炭劉君以爲用蜃復用炭而規杜氏非也注重猶多也正義曰重謂重疊故猶多多爲明器也言器備者士喪禮下篇陳明器云用器弓矢耒耜斂斂區役器甲冑干竿燕器杖笠翬其器有共用之器有備禦之器故言器備注四阿至王禮正義曰周禮匠人云殷人四阿重屋鄭玄云阿棟也四角設棟也是爲四注椁也士喪禮下篇陳明器云抗木橫三縮二謂於椁之上設此木從二橫三以負土則士之椁上平也今此椁上四注而下則其上方而尖也禮天子椁題湊諸侯不題湊不題湊則無四阿釋詁云楨翰榦也舍

人曰槨正也築牆所立兩木也翰所以當牆兩邊障土者也翰在牆之旁則知此翰亦在旁也詩云會弁如星鄭玄云會謂弁之縫中言其際會之處也會在弁之上知此槨亦在上棺有此物明是其飾故以爲旁飾上飾也言樽有棺有則是本不當有言其厚葬譏其奢僭宋公所僭必僭天子明此四阿翰檜皆是王之禮也蜃炭言用亦本不當用其蜃炭蓋亦王之禮也車馬器備法得有之言益言重但譏其多耳殉則本不得然非譏其僭注若言何用爲臣正義曰言何用爲臣是不成臣也言雖有若無九劉君還以爲不成臣與杜義無別而規杜氏非也

月衛穆公卒晉三子自役弔焉哭於大門

之外

師還過衛故因弔之未復命故不敢成禮

衛人逆之

逆於門外設喪位

婦

人哭於門內

喪位婦人哭於堂賓在門外故移在門內

送亦如之遂

常以葬

至葬行此禮

疏

哭於至以葬正義曰哭於大門之外謂大門外之西東面衛

人逆之謂大門外之東西面各從賓主之位婦人哭於門內謂門內之西東面以堂上在西東面故也至於三子之去衛人逆之其位亦如之自此有鄰國弔者常行此禮以至於葬沈氏云雜記弔者即位于門西東面主孤西面相者受命曰孤某使某請事客曰寡君使某如何不淑相者入告出曰孤某須矣弔者入主人升堂西面弔者升自西階東面致命此臣奉君命行弔之禮今三子師行經衛竟不敢成禮故於大門之外注喪位婦人哭於堂正義曰喪大記云君之喪夫人坐于西方內命婦姑姊妹子姓立于西方外命婦率外宗哭于堂上北面又曰婦人迎客送客不下堂是喪位婦人哭於堂

楚之討陳夏氏也

在宣十一年

莊

王欲納夏姬申公巫臣曰不可君召諸侯

以討罪也今納夏姬貪其色也貪色為淫

淫為大罰周書曰明德慎罰周書文王所

以造周也明德務崇之之謂也慎罰務去

之之謂也若興諸侯以取大罰非慎之也

君其圖之王乃止子反欲取之巫臣曰是

不祥人也是天子蠻子蠻鄭靈公夏姬之兄殺死無後殺御

叔御叔夏姬之夫亦早死弑靈侯陳靈公也戮夏南夏姬子出

孔儀孔寧儀行父喪陳國楚滅陳何不祥如是人

生實難其有不獲死乎

言死易得無爲取夏姬以速之

天下

多美婦人何必是子反乃止王以子連尹

襄老襄老死於邲不獲其尸

邲戰在宣十二年

其子

黑要烝焉

黑要襄老子

巫臣使道焉曰歸吾聘

女

道夏姬使歸鄭

又使自鄭召之曰尸可得也

襄老尸

必來逆之姬以告王王問諸屈巫

屈巫巫臣

對

曰其信知罃之父成公之嬖也而中行伯

之季弟也

知罃父荀首也中行伯荀林父也邲之戰楚人囚知罃

新佐中軍

而善鄭皇成甚愛此子

愛知營也

其必因鄭而

歸王子與襄老之尸以求之

王子楚公子穀臣也邲之戰荀首囚

之鄭人懼於邲之役而欲求媚於晉其必

許之王遣夏姬歸將行謂送者曰不得尸

吾不反矣巫臣聘諸鄭鄭伯許之

聘夏姬

及

共王即位將爲陽橋之役

楚伐魯至陽橋在此年冬

使屈

巫聘于齊且告師期巫臣盡室以行

室家盡去

申叔跪從其父將適郢遇之

叔跪申叔時之子

曰異

哉夫子有三軍之懼而又有桑中之喜宜

將竊妻以逃者也

桑中衛風
淫奔之詩

及鄭使介反幣

而以夏姬行

介副也
幣聘物

將奔齊齊師新敗曰

吾不處不勝之國遂奔晉而因郤至

至郤克
族子

以臣於晉晉人使為邢大夫

邢晉
邑

子反請

以重幣錮之

禁錮勿
令仕

王曰止其自為謀也

則過矣其為吾先君謀也則忠忠社稷之

固也所蓋多矣

蓋覆
也

且彼若能利國家雖

重幣晉將可乎

言不許

若無益於晉晉將棄

之何勞錮焉

為七年楚滅巫臣族晉南通吳張本

疏

周書至謂也正義曰周書康

誥之篇周公述文王之事以告康叔云惟乃丕顯考文王克明德慎罰巫臣既引其言乃申其意言文王能為此行故所以造周國也務崇之謂務欲崇益道德務去之謂務欲去其刑罰天子蠻殺御叔正義曰子蠻御叔自以短命死耳似天鍾美於是致使物無兩大故亦以二事為夏姬之罪歸吾聘女正義曰禮記內則云聘則為妻奔則為妾道之云大歸鄭國吾依禮聘女以為妻也注至邵克族子止義曰世本邵豹生莫芮芮生缺缺生克又云豹生義義生步楊楊生蒲城鵠居居生至如世本克是豹之曾孫至是豹之玄孫於克為二從兄弟子注禁錮勿令仕正義曰說文云錮鑄塞也鐵器穿穴者鑄鐵以塞之使不漏禁人使不得仕官者其事亦似之故謂之禁錮

今世猶然

晉師歸范文子後入武子曰無爲吾

望爾也乎

武子士會文子之父

對曰師有功國人喜以

逆之先入必屬耳目焉是代帥受名也故

不敢武子曰吾知免矣

知其不益已禍

郤伯見公曰

子之力也夫對曰君之訓也二三子之力

也臣何力之有焉

郤伯郤克

范叔見勞之如郤

伯對曰庚所命也克之制也變何力之有

焉

荀庚將上軍時不出范文子上軍佐代行故稱帥以謗

欒伯見公亦如

之對曰燮之詔也士用命也書何力之有

焉詔告也樂書下軍帥故推功上軍傳言晉將帥克讓所以能勝齊宣公使求好

于楚莊王卒宣公薨不克作好在宣十八年公即

位受盟于晉元年盟赤棘會晉伐齊衛人不行

使于楚不聘楚而亦受盟于晉從於伐齊故

楚令尹子重為陽橋之役以救齊將起師

子重曰君弱傳曰寡人生十年而喪先君共王即位至是二年蓋年十二三矣羣

臣不如先大夫師衆而後可詩曰濟濟多

士文王以寧

詩大雅言文王以衆士安

夫文王猶用衆況

吾儕乎

儕等

且先君莊王屬之曰無德以及

遠方莫如惠恤其民而善用之乃大戶

闕民

戶已責

責責責

逮鰥

施及老鰥

救乏赦罪悉師王

卒盡行彭名御戎蔡景公爲左許靈公爲

右

王卒盡行故王戎車亦行雖無楚王今二君當左右之位

二君弱皆強冠

之冬楚師侵衛遂侵我師于蜀

公賂之而退故不書侵

使臧孫往

臧孫宣叔也

辭曰楚遠而久固將退

矣無功而受名臣不敢

不敢虛受退楚名

楚侵及陽

橋

陽橋魯地

孟孫請往賂之

楚侵遂深故孟孫請以賂往孟孫獻子也

以

執斲執鍼織紵

執斲匠人執鍼女工織紵織繒布者

皆百人公衡

爲質

公衡成公子

以請盟楚人許平十一月公及

楚公子嬰齊蔡侯許男秦右大夫說宋華

元陳公孫寧衛孫良夫鄭公子去疾及齊

國之大夫盟于蜀

齊大夫不書其名非卿也

卿不書匱盟

也於是乎畏晉而竊與楚盟故曰匱盟

匱

也蔡侯許男不書乘楚車也謂之失位乘楚

王車為左右則失位也卿不書則稱人諸侯不書皆不見經君臣之別君子曰位其不

可不慎也乎蔡許之君一失其位不得列

於諸侯況其下乎詩曰不解于位民之攸

暨詩大雅言在上者勤正其位則國安而民息也攸所也暨息也其是之謂矣楚

師及宋公衡逃歸臧宣叔曰衡父不忍數

年之不宴宴樂也以棄魯國國將若之何誰

居後之人必有任是夫國棄矣居辭也言後人必有當此

患
是行也晉辟楚畏其衆也君子曰衆之

不可以已也大夫爲政猶以衆克況明君

而善用其衆乎大誓所謂商兆民離周十

人同者衆也

大誓周書萬億曰兆民離則弱合則成衆言殷以散亡周以衆興

疏

注王卒至之位

正義曰諸言御戎皆御君之戎車此云

彭名御戎知王戎車亦行也若君親在軍則君當車中御

者在左勇力之士在右故御戎戎右常連言之此王車雖

行王身不在故不立戎右使御者在中令蔡許二君居王

車上當左右之位若夾衛王然下注云乘楚王車爲左右

是二君皆在車之上也注齊大至卿也正義曰諸大

夫盟會經貶之稱人或揔言大夫若實是國卿本合書名

者傳即顯其名氏若本是大夫不合書名者傳直言其大

夫見其貶與不貶俱當稱人故不復言其名氏此傳言齊國之大夫傳不顯其名爲非卿故也襄十六年泲梁之會經書戊寅大夫盟傳云於是叔孫豹晉荀偃宋向戌衛甯殖鄭公孫蠆小邾之大夫盟於時會上鄭之下有曹莒邾薛杞而小邾之大夫最處其下舉小邾而上包之此盟鄭人之下有齊曹邾薛鄆俱是大夫齊最在上舉齊而下揔之止爲齊若是卿則合言石氏此會非卿故舉齊也注匱乏也正義曰私竊爲盟盟終不固此盟是匱乏之道也傳旣言匱盟以解經又目解名曰匱盟之意於是乎畏晉而竊與楚盟故曰此是匱乏之盟也諸侯之卿竊與楚盟而仲尼貶之言其不應背晉故責之也責諸侯之背晉是成晉爲盟主也哀十二年公會吳于橐皋吳子請盟公不欲使子貢辭之而私與衛侯宋瑒盟彼畏吳而竊相與盟不貶者不與吳爲盟主言其私盟可許但魯自畏吳不書其盟其情無可責也釋例曰諸侯畏晉而竊與楚盟書盟而貶其卿此所以貶晉爲盟主也吳之強大始於會

鄆終於黃池凡三會三盟唯書會伐而不書盟者吳以盟主自居而行其夷禮儀不典則盟神不獨非所以結信義昭明德故不錄其盟不與其成爲盟主也既不與吳之爲盟主則宋魯衛三國私盟可許故無貶文是也若然僖二十一年公會諸侯盟于薄二十七年公會諸侯盟于宋彼二者皆顯與楚盟並無貶責此竊與楚盟而貶之者當僖公之時齊桓公卒晉文未與中國無伯唯彊是與雖遠共楚盟無所可去此時晉爲盟主堪率諸侯私竊爲盟心實畏晉故貶之不然諸侯之卿畏晉容可貶之楚之彊盛恒與晉敵非是畏晉卿亦貶者楚旣彊盛應顯然作盟今私竊受盟不敢宣露亦是畏晉之義且成晉爲伯事須貶楚注乘楚至之別正義曰小國之從大國其征伐也皆自乘其車自率其軍至戰陳之時與同出力耳此二君棄已之車乘楚之乘乃爲楚王左右則是失位旣失其位非復國君故僖與盟會並皆不序經書楚師鄭師侵衛於時蔡許在吳公會楚公子嬰齊于蜀蔡許亦在也及

盟又蔡許之君在焉侵也會也盟也三事並失其位經悉不書故傳於盟下釋之明上侵衛會蜀皆失位也舊說諸侯之貶亦書爲人杜意謂諸侯之貶不至於人故因此而又明之卿不書則稱人諸侯不書則全不見經此是君臣之別明貶諸侯無稱人之法也詩曰至收塹正義曰此大雅假樂之篇大誓至衆也正義曰秦誓云受有

億兆夷人離心離德子有亂臣十人同心同德此言大誓所謂者引其意非本文也晉侯使鞏

朔獻齊捷于周王弗見使單襄公辭焉曰

蠻夷戎狄不式王命式用淫泆毀常王命

伐之則有獻捷王親受而勞之所以懲不

敬勸有功也兄弟甥舅侵敗王略兄弟同姓國甥舅異

姓國略經略法度

王命伐之告事而已不獻其功所

以敬親暱

告代事而不獻因倖

禁淫慝也

淫慝爲越掠百姓取因倖也

今叔父克遂有功于齊

克能也

而不使命卿

鎮撫王室所使來撫余一人而鞏伯實來

未有職司於王室

鞏朔上軍大夫非命卿名位不達於王室

又奸先

王之禮

謂獻齊捷

余雖欲於鞏伯

欲受其獻

其敢廢

舊典以忝叔父夫齊甥舅之國也而大師

之後也

齊世與周昏故曰甥舅

寧不亦淫從其欲以怒

叔父抑豈不可諫誨士莊伯不能對

莊伯
鞏朝

王使委於三吏

委屬也三吏三公也

禮之如侯伯克敵

使大夫告慶之禮降於卿禮一等王以鞏

伯宴而私賄之使相告之曰非禮也勿籍

相相禮者籍書也王畏

疏

注三吏三公也

正義曰曲

晉故私宴賄以慰鞏朝

禮云五官之長曰伯其擯於天子也曰天子之吏鄭玄云謂三公也是三公稱吏故知三吏三公也

禮之至一等正義曰如侯伯克敵使大夫告慶之禮則不得依獻捷之禮其獻捷之禮王待之必重於告慶之禮鞏朝晉之上軍大夫也縱使得如獻捷之

禮亦當降卿禮一等傳言降於卿禮一等以見王待鞏朝不失榮也

經三年春王正月公會晉侯宋公衛侯曹

伯伐鄭

宋衛未葬而稱爵以接鄰國非禮也

疏

注宋衛至禮也正義曰僖九年傳曰宋

桓公卒未葬而襄公會諸侯故曰子凡在喪公侯曰子傳因未葬而發在喪之例是先君未葬嗣君不得稱爵以會諸侯也知非踰年得成君者文八年八月天王崩九年春毛伯來求金傳曰不書王命未葬也彼王既踰年矣猶不得稱王命臣知諸侯雖則踰年但是未葬不得稱爵以接鄰國正以王不命臣明知其非禮也

辛亥葬

衛穆公

無傳

二月公至自伐鄭

無傳

甲子新宮

災三日哭

無傳三年喪畢宣公神主新入廟故謂之新宮書三日哭善得禮宗廟親之神靈所

獨居而遇災故哀而哭之

疏

注三年至哭之正義曰公羊傳曰新宮者何宣公之宮也宣宮則曷爲謂之

新宮不忍言也其言三日哭何廟災三日哭禮也穀梁傳曰新宮者禰宮也三日哭哀也其哀禮也迫近不敢稱謚恭也二傳皆以新宮爲宣官三日哭爲得禮故杜依用之宣公以其十八年冬十月薨至二年十月而大祥祥而禘祭神主新始入廟故謂之新宮禮檀弓記曰有焚其先人之室則三日哭故曰新宮火亦三日哭鄭玄云謂人燒其宗廟新宮火人火也記稱新宮火者指此新宮災耳傳例曰天火曰災人火曰火三家經傳有五字皆爲災鄭玄以爲人火雖非其義要天火人火其哭皆當三日是其善得禮也哀三年相宮僖宮災不言哭而此言三日哭者釋例曰新宮者宣公之廟父廟也諒闋始闋而遇天災故感而哭之以致哀異於餘廟也

乙亥葬宋

文公

無傳七月而葬緩

夏公如晉鄭公子去疾帥師

伐許公至自晉

無傳

秋叔孫僑如帥師圍棘

棘汶陽田之邑
在濟北蛇丘縣

大雩

無傳以過時書

晉卻克衛孫良夫

伐唐咎如

赤狄別種

冬十有一月晉侯使荀庚

來聘衛侯使孫良夫來聘丙午及荀庚盟

丁未及孫良夫盟

先晉後衛尊霸主

疏

及荀庚盟正義曰隱元年及

宋人盟于宿魯之微者及之也此言及荀庚盟及孫良夫盟十一年及卻犇盟皆是公自及之非臣及之也知者僖二十八年傳晉欒枝入盟鄭伯襄十一年傳晉趙武入盟鄭伯鄭子展出盟晉侯臣對君者皆君自與盟知此使來亦公自與盟也上言來聘盟又不鄭伐許無傳不書地盟於國都公親可知故不言公將帥告辭略注不書至辭略正義曰直舉國名傳無其說知是告辭略故史異文耳賈逵云鄭小國與大國爭

諸侯仍伐許不稱將帥夷狄之刺無知也此年夏鄭公子去疾帥師伐許明年冬鄭伯伐許先後並無貶責何獨此

伐偏

刺之

傳三年春諸侯伐鄭次于伯牛討邲之役

也

伯牛鄭地邲役在宣十二年

遂東侵鄭

晉潛軍深入

鄭公子

偃帥師禦之

偃穆公子

使東鄙覆諸鄆

覆伏兵

敗

諸丘與

鄆丘與皆鄭地晉僂軍爲鄭所敗故不書

皇戌如楚獻捷

夏公如晉拜汶陽之田

前年晉使齊歸魯汶陽田故

許恃楚

而不事鄭鄭子良伐許晉人歸楚公子穀

臣與連尹襄老之尸于楚以求知罃邲之戰楚獲知

罃於是荀首泣中軍矣荀首知罃父故楚人許

之王送知罃曰子其怨我乎對曰二國治

戎臣不才不勝其任以為俘馘執事不以

釁鼓以血塗鼓為釁鼓使歸即戮君之惠也臣實不

才又誰敢怨王曰然則德我乎對曰二國

圖其社稷而求紓其民紓緩也各懲其忿以

相宥也宥赦也兩釋釁囚以成其好釁繫也二

國有好臣不與及其誰敢德

言二國本不爲己

王曰

子歸何以報我對曰臣不任受怨君亦不

任受德無怨無德不知所報王曰雖然必

告不穀對曰以君之靈纍臣得歸骨於晉

寡君之以爲戮死且不朽

戮其不勝任

若從君之

惠而免之以賜君之外臣首

稱於異國君曰外臣

首其

請於寡君而以戮於宗亦死且不朽若不

獲命

君不許戮

而使嗣宗職

嗣其祖宗之位職

次及於事

而帥偏師以脩封疆雖遇執事

遇楚將帥

其弗

敢違

違辟也

其竭力致死無有二心以盡臣

禮所以報也王曰晉未可與爭重為之禮

而歸之

疏

注以血至釁鼓正義曰說文釁血祭也禮雜記釁廟之禮云雍人舉羊升屋自中

中屋南面剗羊血流于前乃降釁廟以血塗廟知釁鼓以血塗鼓也然則德我乎正義曰德加於彼彼荷其恩

故謂荷恩為德論語以德報德傳稱王德狄人皆是也死且不朽正義曰懷荷君恩身雖死而朽腐此恩不朽

腐也死尚不朽以示其至死不忘也秋叔孫僑如圍棘取汶陽之

田棘不服故圍之

僑如叔孫得臣子

晉卻克衛孫良

夫伐唐咎如討赤狄之餘焉

宣十五年晉滅赤狄潞氏其餘民散

入唐咎如故討之

唐咎如潰上矢民也

此傳釋經之文而經無唐咎如潰蓋

經闕此四字

疏

注宣十至討之正義曰謂赤狄餘民散入咎如之內今伐咎如者來就咎如之內討彼

赤狄餘黨然唐咎如容赤狄餘民則咎如亦赤狄矣劉炫以爲唐咎如之國即是赤狄之餘今知不然者以赤狄之國種類極多潞氏甲氏鐸辰皐落氏等皆是其類並爲建國假令潞氏甲氏鐸辰皐落雖滅自外猶存則是不滅者多止應言討赤狄之類不得稱餘且伐者聲其鍾鼓討者責其罪狀以唐咎如容受赤狄餘黨故伐而討責若以唐咎如即是赤狄之餘應取土地與兵絕滅何當唯伐討而已劉以唐咎如即是赤狄之餘而規杜非也

注此傳至

四字正義曰傳言上矢民也釋經潰文若經無潰文則傳無所解故疑經闕此四字釋例曰傳云唐咎如潰上矢

民也今經但言伐虜咎如無虜咎如潰之文若經本無此文則丘明爲橫益經文而加失民之傳也是言知經闕之意也文三年潰逃已有例矣復發傳者嫌夷狄異於中國故重發也

冬十一月晉侯使

荀庚來聘且尋盟

尋元年赤棘盟荀庚林父之子

衛侯使孫

良夫來聘且尋盟

尋宣七年盟

公問諸臧宣叔曰

中行伯之於晉也其位在三

下卿

孫子之於

衛也位爲上卿將誰先對曰次國之上卿

當大國之中中當其下下當其上大夫

降二等

小國之上卿當大國之下卿中當其上大

夫下當其下大夫

降大國二等

上下如是古之制

也

古制公為大國侯伯為次國子男為小國

衛在晉不得為次國

春秋時以

強弱為大小故衛雖侯爵猶為小國

晉為盟主其將先之

計等則二人位

敵以盟主故先晉

丙午盟晉丁未盟衛禮也

疏

其位在

正義曰於時卻克將中軍荀首佐之荀庚將上軍是其位在也注云下卿者傳稱小國之上卿當大國之下卿又言衛在晉不得為次國則以衛為小國荀庚若是中卿自然當先晉矣乃云晉為盟主其將先之直以盟主先晉明是二人位等以此知荀庚是下卿也晉立三軍將佐有六第三猶為下卿則其餘皆下卿也蓋以諸侯之禮唯合三卿三是其正故定以三人為上中下餘皆從下卿也卿有上下往年賜晉三帥皆以三命之服者侯伯之卿禮皆三

命上卿下卿命不異也。注春秋至小國。正義曰古制公爲大國侯伯爲次國子男爲小國以土地之大小命數爲等差也。春秋之世疆陵弱大吞小爵雖不能自改地則以力外降諸侯聚會疆者爲雄史書時事大小爲序此事不可改易仲尼即用之宋公在齊侯之下許男在曹伯之上不復計爵之尊卑故衛雖侯爵猶爲小國以地狹小故也。襄二十五年傳子產論晉曰今大國多數圻矣圻方千里是晉有方千里者三四也。昭五年十三年傳皆言晉有革車四千乘計衛比於晉不過當五六分之一耳故不得爲次國其爲次國者當齊秦乎。十二月甲

戌晉作六軍

爲六軍僭王也萬二千五百人爲軍

韓厥趙括鞏朔

韓穿荀騅趙旃皆爲卿賞鞏之功也

韓厥爲新

中軍趙括佐之鞏朔爲新上軍韓穿佐之荀騅爲新下軍趙旃佐之晉舊自有三軍今增此故爲六軍

鞏朔

注韓厥至六軍

正義曰杜知韓厥為新中軍及上下新

軍將佐者以下六年傳云韓厥將新中軍且為僕大夫時

晉更增置新中上下三軍韓厥將新

中軍名居其首故杜依名配其將佐齊侯朝于晉將

授玉

行朝禮

卻克趨進曰此行也君為婦人之

笑辱也寡君未之敢任

言齊侯之來以謝婦人之笑非為脩好故云晉

君不任當此

晉侯享齊侯齊侯視韓厥韓厥曰君

知厥也乎齊侯曰服改矣

戎朝異服也言服改明識其人

韓厥登

舉爵曰臣之不敢愛死為兩君之在此堂

也

疏

將授玉

正義曰玉謂所執之圭也凡諸侯相朝外堂授玉於兩楹之間於此時卻克趨進故記之

也史記齊世家曰頃公十一年晉初置六軍頃公朝晉欲
尊王晉景公景公不敢當晉世家云景公十二年齊頃公
如晉欲上尊景公爲王景公讓不敢然此時天子雖微諸
侯並盛晉文不敢請隧楚莊不敢問鼎又齊弱於晉所較
不多豈爲一戰而勝便即以王相許準時度勢理必不然
竊原馬遷之意所以有此說者當讀此傳將授玉以爲將
授王遂飾成爲此謬辭耳 注戎朝異服 正義曰周禮
司服凡兵事韋弁服禮玉藻記云諸侯皮弁以聽朝朝服
以日視朝聘禮賓皮弁聘公皮弁迎賓迎聘客尚以皮弁
迎朝賓必皮弁矣在朝君臣同服公當皮弁則韓厥於時
亦皮弁也鄭立云韋弁以韎韋爲弁又以爲衣裳春秋傳
曰晉卻至衣韎韋之跗注是也皮弁之服十五外白布衣
素積以爲裳是戎朝異服也

荀瑩之在楚也鄭賈人有將
寘諸褚中以出既謀之未行而楚人歸之

賈人如晉荀罃善視之如實出己賈人曰
吾無其功敢有其實乎吾小人不可以厚

誣君子遂適齊

傳言知
然之賢

經四年春宋公使華元來聘三月壬申鄭

伯堅卒

無傳二年大夫盟于蜀
壬申二月二十八日

杞伯來朝夏四

月甲寅臧孫許卒

無傳

公如晉葬鄭襄公

無傳

秋公至自晉冬城鄆

無傳公欲叛晉
故城而爲備

疏

冬城鄆
正義曰

釋例土地名魯有二鄆文十二年城諸及鄆杜云此東鄆
莒魯所爭者城陽姑幕縣南有負亭或曰鄆即負也成十

六年傳晉人執季文子公待于鄆杜云此西鄆昭公所出居者東鄆廩丘縣東有鄆城然則此為公欲叛晉故城鄆以為備當西鄆也 鄭伯伐許

傳四年春宋華元來聘通嗣君也宋共公即位 疏

通嗣君也 正義曰文元年公孫敖如齊傳曰始聘焉禮也凡君即位卿出並聘踐脩舊好要結外援好事鄰國以

衛社稷忠信卑謗之道也其事與此一也謂君初即位聘鄰國耳在魯而出謂之始聘自外而來謂之通嗣君言彼

君嗣位以來未與魯通於此始通之也 杞伯來朝歸叔姬故也將出

叔姬先脩禮 朝魯言其故 夏公如晉晉侯見公不敬季文

子曰晉侯必不免言將不能壽終也 詩曰敬之

後十年陷廁而死

敬之天惟顯思命不易哉

詩頌言天道顯明受其命甚難不可不敬

以奉之

夫晉侯之命在諸侯矣可不敬乎

敬諸

侯則得天命

秋公至自晉欲求成于楚而叛晉季

文子曰不可晉雖無道未可叛也國大臣

睦而邇於我

邇近也

諸侯聽焉未可以貳

聽服

也史佚之志有之

周文王太史

曰非我族類其

心必異楚雖大非吾族也

與魯異姓

其肯字我

乎公乃止

字受也

冬十一月鄭公孫申帥師

疆許田

前年鄭伐許侵其田今正其界

許人敗諸展陂鄭伯伐

許取鉏任泠訖之田

展陂亦許地

晉欒書將中軍

代郤克

荀首佐之士燮佐上軍以救許伐鄭

取汜祭

汜祭鄭地成臯縣東有汜水

楚子反救鄭鄭伯與

許男訟焉

於子反前爭曲直

皇戌攝鄭伯之辭

代之對

子反不能決也曰君若辱在寡君寡君與

其二三臣共聽兩君之所欲成其可知也

欲使自屈在楚子前決之

不然側不足以知二國之成

側子

反名為明年許
想鄭於楚張本

疏

注汜祭至汜水 正義曰杜注葵陽
中牟縣有東汜襄城縣有南汜知此

汜祭非彼二汜而以成臯縣東有汜水者以傳為晉伐鄭
取汜祭既為晉人所取當是鄭之西北界即今之汜水也
字書水旁已為汜水旁已為汜字相亂也
漢書音義亦為汜今汜水上源謂汜谷 晉趙嬰女通

于趙莊姬

趙嬰趙盾弟莊姬
趙朔妻朔盾之子

經五年春王正月杞叔姬來歸

出也傳
在前年

疏

杞叔姬來歸

正義曰杞既出之猶稱杞者雜記曰諸侯
出夫人夫人比至于其國以夫人之禮行至以夫人入鄭

玄云行道以夫人之禮者棄妻
致命其家乃義絕不用此為始

仲孫蔑如宋夏叔

孫僑如會晉荀首于穀

穀齊地

梁山崩

記異也
梁山在

馮翊夏陽縣北

疏

注記異也

正義曰公羊傳曰梁山崩何以

山崩無所害故爲異也

秋大水

傳無

冬十有一月己酉天王

崩十有二月己丑公會晉侯齊侯宋公衛

侯鄭伯曹伯邾子杞伯同盟于蟲牢

蟲牢鄭地

陳留封丘縣

北有桐牢

傳五年春原屏放諸齊

放趙嬰也原同屏季嬰之兄

嬰曰

我在故藥氏不作我亡吾二昆其憂哉且

人各有能有不能

言已雖淫而能令莊姬護趙氏

舍我何害

弗聽嬰夢天使謂已祭余余福女使問諸

士貞伯貞伯曰不識也既而告其人

自告貞伯從人

曰神福仁而禍淫淫而無罰福也祭其得

亡乎

以得放遺爲福

祭之之明日而亡

爲八年晉殺趙同趙括傳

疏

注自告貞伯從人正義曰嫌告趙嬰使人故云自告貞伯從人也若告趙嬰使人不得云神福仁而禍淫

孟

獻子如宋報華元也

前年宋華元來聘

夏晉荀首

如齊逆女故宣伯餽諸穀

野饋曰餽運糧饋之敬大國也

疏

注野饋至大國正義曰釋詁云饋饋也孫炎曰饋野之饋也彼言野饋饋田農在野之人此言野饋饋在野行路

之人俱是在野皆以野言之謂之禪者言其
運糧饋之彼自逆女而往饋之者敬大國也
梁山崩晉

侯以傳召伯宗傳伯宗辟重曰辟傳重載之車

重人曰待我不如捷之速也捷邪問其所曰絳

人也問絳事焉曰梁山崩將召伯宗謀之

問將若之何曰山有朽壤而崩可若何國

主山川主謂所主祭故山崩川竭君爲之不舉

去盛降服損盛乘縵車無文徹樂息八音出次

舍於郊祝幣陳玉帛史辭自罪責以禮焉禮山川其

如此而已雖伯宗若之何伯宗請見之

見之

於晉

不可

不肯

遂以告而從之

從重人言

疏

捷

邪出正義曰捷亦速也方行則遲邪出則速楚辭謂邪行小道爲捷徑是捷爲邪出

注車無文

正義曰周禮巾

車掌王之五路皆不言車有文飾其下服車五乘孤乘夏篆卿乘夏綬大夫乘墨車鄭玄云夏篆五采畫轂約也夏綬亦五采畫無瑑耳墨車不畫也孤之車尚有瑑約明諸侯之車必有瑑約詩所謂約軼錯衡是其事也乘綬車無文蓋乘大夫墨車也觀禮侯氏乘墨車乃朝鄭玄云墨車大夫制也乘之者入天子之國車服不可盡同也彼爲適王尚乘墨車明此山崩降服亦乘墨車也

注舍於郊

正義曰僖三十三年傳秦伯以師敗于殽素服郊次此言

出次降服明亦次於郊也文四年傳楚人滅江秦伯爲之降服出次注云辟正寢與此文互相見也

許靈

公愬鄭伯于楚

前此年鄭
伐許故

六月鄭悼公如楚

訟不勝楚人執皇成及子國

以鄭伯不直故也
子國鄭穆公子

故鄭伯歸使公子偃請成于晉秋八月鄭

伯及晉趙同盟于垂棘

垂棘
晉地

宋公子圍龜

為質于楚而歸

圍龜文
公子

華元享之請鼓譟

以出鼓譟以復入

出入輒
擊鼓

曰習攻華氏宋公

殺之

蓋宣十五年宋楚平後華元使圍
龜代已為質故怨而欲攻華氏

冬同盟于

蟲牢鄭服也諸侯謀復會宋公使向為人

辭以子靈之難

子靈園龜也宋公不欲會以新誅子靈為辭為明年侵宋傳

十一

月己酉定王崩

經在蟲年盟上傳在下月倒錯衆家傳悉無此八字或衍文

疏

注經在王衍文正義曰傳不虛舉經文此無所明又上下倒錯諸家之傳又悉無此言必是衍文此杜以疑事母

質不敢輒去之耳

經六年春王正月公至自會

傳無

二月辛巳

立武宮

魯人自鞏之功至今無患故築武軍文作先君武公宮以告成事欲以示後世

疏

注魯人至後世正義曰杜以傳稱季文子以鞏之功立武宮鞏在二年今始立武官故云魯人自鞏之功至今無患追思鞏戰以為己功故築武軍又作先君武公之廟以告戰勝之事欲以章示後世明己之功也其意言築為武

軍又作武公之廟公羊傳曰武官者何武公之官也是立
官爲武公廟也武公是成公九世之祖其廟豈已久矣今
復立之以爲不毀之廟禮明堂位曰魯公之廟文世室也
武公之廟武世室也世室言其世世不毀劉炫以爲直立
武公之官不築武軍今知不然者以下傳云聽於人以救
其難不可以立武立武由己非由人也丘明譏魯立武
以章武功明非徒築宮而已又宣十二年潘黨請築武軍
楚子云武有七德我無一焉武非吾功遂不敢築武軍以
明武功此則丘明譏魯章武功明亦築武軍也若其唯築
武官傳應云不可以立武官不得置稱武也劉以爲唯築
武公之官而
規杜非也

取鄆

附庸國也

衛孫良夫帥師侵宋

夏六月邾子來朝

無傳

公孫嬰齊如晉

嬰齊叔肝

子壬申鄭伯費卒

前年同盟蟲牢

秋仲孫蔑叔孫

僑如帥師侵宋楚公子嬰齊帥師伐鄭冬

季孫行父如晉晉欒書帥師救鄭

傳六年春鄭伯如晉拜成

謝前年再盟

子游相

子游

公子偃

授玉于東楹之東

禮授玉兩楹之間鄭伯行疾故東過

士貞

伯曰鄭伯其死乎自棄也已視流而行

速不安其位宜不能久

視流不端諦

疏

注禮授至東過正

義曰聘禮云公受玉于中堂與東楹之間鄭玄云中堂南北之中也入堂之深尊賓事也東楹之間亦以君行一臣行二也聘禮大夫奉命來聘君臣不敵故授玉于東楹之間國君來朝尊卑禮敵且傳言東楹之東以議鄭伯行速

明禮當授王
于兩楹之間

二月季文子以鞏之功立武宮

非禮也

宣十二年潘黨勸楚子立武軍楚子答以武有
七德非己所堪其爲先君官告成事而已今魯

倚晉之功又非霸主
而立武宮故譏之

聽於人以救其難不可以

立武立武由己非由人也

言請人救難
勝非己功

疏

宣

十至譏之 正義曰服虔云鞏之戰禱武公以求勝故立
其宮案定元年傳昭公出故季平子禱于煬公立煬宮此
若爲禱而立可以不言禱
也無驗之說故不可從 取鄭言易也三月晉伯

宗夏陽說衛孫良夫甯相鄭人伊雒之戎

陸渾蠻氏侵宋

夏陽說晉大夫蠻氏戎別種也河
南新城縣東南有蠻城經唯書孫

良夫獨衛告也

以其辭會也

辭會在師于鉞衛人前年

師于鉞衛人不

保

不守備

說欲襲衛曰雖不可入多俘而歸

有罪不及死伯宗曰不可衛唯信晉故師

在其郊而不設備若襲之是棄信也雖多

衛俘而晉無信何以求諸侯乃止師還衛

人登陴

聞說謀故

晉人謀去故絳

晉復命新田爲絳故謂此故絳

諸大夫皆曰必居郕瑕氏之地

郕瑕古國名河東解縣西

北有郕城

沃饒而近鹽

鹽鹽也犄氏縣鹽池是

國利君樂不

可失也韓獻子將新中軍且爲僕大夫

兼大

僕公揖而入獻子從公立於寢庭

路寢之庭

謂

獻子曰何如

問諸大夫言是非

對曰不可郇瑕氏土

薄水淺

土薄地下

其惡易覲

惡疾赤覲成也

易覲則民

愁民愁則墊隘

墊隘羸困也

於是乎有沈溺重

隍之疾

沈溺濕疾重隍足腫

不如新田

今平陽絳邑縣是

土厚

水深居之不疾

高燥故

有汾澮以流其惡

汾水

出大原經絳北西南入河澮水出平陽絳縣南西入汾惡垢穢

且民從教

無災患

十世

之利也夫山澤林監國之寶也國饒則民

驕佚

財易致則民驕侈

近寶公室乃貧不可謂樂

近寶

則民不務本公說從之夏四月丁丑晉遷于新田

爲季孫如晉傳

疏

沃饒至失也正義曰土田良沃五穀饒多民豐則國利財多則君樂其處不可失也

注監鹽至池是

正義曰說文云鹽河東鹽池袤五十一

里廣七里周物百一十六里字從鹽省古聲然則鹽是鹽

之名監雖是鹽唯此池之鹽獨名爲鹽餘鹽不名鹽也

注路寢之庭

正義曰禮玉藻云君日出而視朝退適路

寢聽政知寢庭是路寢之庭也沈氏云大僕職云王視燕

朝則正位掌摯相鄭注云燕朝朝於路寢之庭韓獻子既

爲僕大夫故知寢庭路寢之庭也其路門之外朝則司士

掌焉故司士掌治朝之儀治朝則路門之外每日治朝事

之朝也其庫門之外朝則朝士掌焉故朝士云掌外朝之法此是詢衆庶問罪人之處也凡人君內朝二外朝一內朝二者路門內外之朝也外朝一者庫門外之朝也若諸侯三門臯應路外朝則在應門外魯之三門庫雉路則外朝在雉門外注惡疾疥觀成也正義曰下云土原水深居之不疾此云土薄水淺必居之多疾以此知惡是疾疥也爾雅訓觀爲見杜以惡爲疾疥疾疥非難見之物唯苦其病成耳故訓觀爲成言其病易成由水土惡故也

易觀至塾隘正義曰疾疥易成則下民愁苦民既愁苦則必羸困羸困而謂之塾隘者方言云塾下也地之下濕狹隘猶人之羸瘦困苦故杜以塾隘爲羸困也且民至利也正義曰民有災患則不暇從上無災患則從教化

十者數之小成故云十世之利也注財易至驕侈正義曰魯語敬姜云昔者聖王之處民也擇瘠土而居之勞其民而用之故長王天下夫民勞則思思則善心生逸則淫淫則忘善忘善則惡心生沃土之民不材逸也瘠土之

民莫不向義勞也敬姜此語自是激發之辭未必聖王盡然要亦有此理也大史公書稱武王克殷患殷民富侈大史公曰奢昏厚葬以破其產為其富而驕佚故設法以貧之也管子曰倉廩實而知禮節衣食足而知榮辱謹生於有餘爭生於不足論語稱孔子適衛欲先富後教為其貧而無耻欲營生以富之也此皆觀民設教故其理不同若遷都近鹽則民皆商販則富者彌富驕侈而難治貧者益貧飢寒而犯法且貧者資富而致貧富者削貧而為富惡民之富乃是慈民之貧欲使貧富均而勞逸等也注近實則民不務本正義曰農桑人之本也商販事之末也若民居近實則棄本逐末廢農為商則貧富兼并若貧富兼并則貧多富少貧者無財以共富者不可以倍稅賦稅少則公室貧也六月鄭悼公卒終士貞伯之言子叔聲伯

如晉命伐宋

晉人命聲伯

秋孟獻子叔孫宣伯

侵宋晉命也楚子重伐鄭鄭從晉故也前年

從晉冬季文子如晉賀遷也晉欒書救鄭

與楚師遇於繞角繞角鄭地楚師還晉師遂侵

蔡楚公子申公子成以申息之師救蔡申息

楚二縣禦諸桑隧汝南則陵縣東有桑里在上蔡西南趙同趙括

欲戰請於武子武子將許之武子欒書知莊子

荀首中軍佐范文子士燮上軍佐韓獻子韓厥新中軍將諫曰

不可吾來救鄭楚師去我吾遂至於此此蔡

地是遷戮也戮而不已又怒楚師戰必不

克

遷戮不義怒敵難當故不克

雖克不令成師以出而敗

楚之二縣何榮之有焉

六軍悉出故曰成師以大勝小不足為榮

若

不能敗為辱已甚不如還也乃遂還於是

軍帥之欲戰者眾或謂欒武子曰聖人與

眾同欲是以濟事子盍從眾

盍何不也

子為大

政

中軍元帥

將酌於民者也

酌取民心以為政

子之佐十

一人

六軍之卿佐

其不欲戰者三人而已

知范韓也

欲

戰者可謂衆矣商書曰三人占從二人衆

故也

商書洪範

武子曰善鈞從衆

鈞等也

夫善衆

之主也三卿爲主可謂衆矣

三卿皆晉之賢人

從之

不亦可乎

傳善樂書得從衆之義且爲八年晉侵蔡傳

疏

子之佐十一人正義曰

服虔云是時樂書將中軍荀首佐之荀庚將上軍士變佐之卻錡將下軍趙同佐之韓厥將新中軍趙括佐之鞏朔將新上軍韓穿佐之荀驍將新下軍趙旃佐之注商書洪範正義曰武王克殷始作洪範今見在周書傳謂之商書者以箕子商人所陳故也

經七年春王正月魑鼠食郊牛角改卜牛

鼯鼠又食其角乃免牛

無傳稱牛未卜日免放也免牛可也不郊非禮

也

疏

鼯鼠至免牛正義曰釋獸云鼯鼠李巡曰鼯鼠鼠一名鼯鼠孫炎曰有螫毒者蓋如今鼠狼咬卜

牛下重言鼯鼠又食其角不重言牛者何休云言角牛可知後食牛者未必故鼠故重言鼠咬卜被食角者言乃免牛則前食角者亦免之矣從下免省文也注稱牛至禮也正義曰僖三十一年傳曰牛卜日曰牲今稱牛是未卜日也免放也放

不殺遂不郊也 吳伐郟夏五月曹伯來朝不

郊猶三望

無傳書不郊間有事三望非禮

秋楚公子嬰齊帥

師伐鄭公會晉侯齊侯宋公衛侯曹伯莒

子邾子杞伯救鄭八月戊辰同盟于馬陵

馬陵衛地陽平元城縣東南有地名馬陵

公至自會

無傳

吳入州來

州來

楚邑淮南下蔡縣是也

多大雩

無傳書過

衛孫林父出奔晉

傳七年春吳伐郟郟成季文子曰中國不

振旅蠻夷入伐而莫之或恤

振整也旅衆也

無弔者

也夫

言中國不能相恤恤故夷狄內侵

詩曰不弔昊天亂靡有

定其此之謂乎

詩小雅刺在上者不能弔愍下民故號天告亂

有上不

弔其誰不受亂

上謂霸主

吾亡無日矣君子曰

知懼如是斯不亡矣

疏

詩曰至有定正義曰此詩小雅節南山之篇

鄭子良相成公以如晉見且拜師

謝前年晉救鄭之師

為楚伐鄭張本

夏曹宣公來朝

疏

曹宣公來朝正義曰此文及八年傳召桓公

來賜公命並無所解釋而虛載經文者釋例曰其經傳事同而文異者或告命之辭有差異或氏族名號當須互見

此蓋須互見名號故舉之也

秋楚子重伐鄭師于汜

汜鄭地在襄城縣南

諸侯救鄭鄭共仲侯羽軍楚師

二子鄭大夫

囚

鄭公鍾儀獻諸晉八月同盟于馬陵尋蟲

牢之盟且苦服故也

蟲牢盟在五年苦本屬齊齊服故苦從之

晉人

以鍾儀歸囚諸軍府

軍藏府也為九年晉侯見鍾儀張本

楚圍宋

之役

在宣十
四年

師還子重請取於申呂以爲賞

田王許之

分申呂之
田以自賞

申公巫臣曰不可此申

呂所以邑也是以爲賦以御北方若取之

是無申呂也

言申呂賴此田成邑耳不得此
田則無以出兵賦而二邑壞也

晉鄭

必至于漢王乃止子重是以怨巫臣子反

欲取夏姬巫臣止之遂取以行子反亦怨

之及共王即位

楚共王以魯成
公元年即位

子重子反殺巫

臣之族子闍子蕩及清尹弗忌

皆巫臣
之族

及襄

老之子黑要

以夏姬故并怨黑要

而分其室子重取子

閭之室使沈尹與王子罷分子蕩之室子

反取黑要與清尹之室巫臣自晉遺二子

書

子重子反

曰爾以讒慝貪恠事君而多殺不

辜余必使爾罷於奔命以死巫臣請使於

吳晉侯許之吳子壽夢說之乃通吳于晉

壽夢季

扎父

以兩之一卒適吳舍偏兩之一焉

司馬法百

人為卒二十五人為兩車九乘為小偏十五乘為大偏蓋留九乘車及一兩二十五人令吳習之

與其

射御教吳乘車教之戰陳教之叛楚

前是吳常

屬楚寘其子狐庸焉使爲行人於吳吳始伐

楚伐巢伐徐

巢徐楚屬國

子重奔命

救徐巢

馬陵之

會吳入州來子重自鄭奔命

因伐鄭而行

子重

子反於是乎一歲七奔命蠻夷屬於楚者

吳盡取之是以始大通吳於上國

上國諸夏

疏

以兩至一焉正義曰以兩之一謂將二十五人也又言卒謂更將百人也言之者婉句耳凡將一百二十五人適吳也舍偏謂舍一偏之車九乘也兩之一焉又舍二十五人也凡舍九乘車二十五人與吳矣發首言兩之一者爲

舍此兩之一故先言之又言卒者見巫臣所將非唯有一兩也司馬法車九乘為小偏十五乘為大偏傳言偏不言大當是留九乘車矣唯言留一偏不見元將車數不知去時幾乘車去也丘明為傳辭皆易解此獨蹇澁或誤本文蘇氏云舍九乘車以六乘車還則以去時十五乘車傳不言者以舍既稱偏明去時有車可知從省文也沈氏云聘使未有將兵車者今此特將兵車為方欲教吳戰陳故與常不同

衛定公惡孫林

父冬孫林父出奔晉

林父孫良夫之子

衛侯如晉

晉反戚焉

戚林父邑林父出奔戚隨屬晉

疏

注戚林至屬晉正義曰傳言晉反戚焉

則戚已屬晉襄二十六年衛孫林父入于戚以叛此不言叛故解之戚是孫氏世所食邑林父出奔之後戚自從隨而屬晉非林父入而將去故不言叛也

經八年春晉侯使韓穿來言汶陽之田歸

之于齊

齊服事晉故晉來語魯使還二年所取田

晉欒書帥師侵

蔡公孫嬰齊如莒宋公使華元來聘夏宋

公使公孫壽來納幣

昏聘不使卿今華元將命故特書之宋公無主昏者

自命之故稱使也公孫壽蕩意諸之父

疏

注昏聘至之父正義曰傳於華元來聘之下云聘共姬也則

華元新始告魯欲圖爲昏昏禮發首云昏禮下達乃言納采鄭立云達通也將欲與彼合昏姻必先使媒氏下通其言女氏許之乃後使人納其采擇之禮此華元來聘則彼昏禮所謂下達者也古禮使媒諸侯不可求媒於他國自使臣行則亦媒之義昏有六禮下達之後初有納采擇之禮既行納采其日即行問名問女之名將歸卜其吉凶也

歸既卜得吉又使使者往告謂之納吉納吉則昏禮定矣
復遣納徵徵成也納幣以成昏禮士禮納徵有玄纁束帛
儼皮其諸侯謂之納幣以其幣多故指幣言之納幣以後
又有請期親迎是之謂六禮也計華元來聘之後當有納
采納吉二使二使之後乃次納幣今唯書納幣者納采納
吉其使非卿故不書也釋例曰諸侯昏禮亡以士昏禮準
之不得唯止於納幣逆女納幣逆女二事皆必使卿行卿
行則書之他禮非卿則不書也宋公使華元來聘聘不應
使卿故傳但言聘共姬也使公孫壽來納幣納幣應使卿
故傳明言得禮也魯君之昏喻存納幣逆女此其義也是
言聘女不應使卿今華元以卿將命故特書之也隱二年
公羊傳曰昏禮不稱立人宋公使公孫壽來納幣則其稱
主人何辭窮也辭窮者何無母之禮有母則母命之宋公
無主昏者宋公自命之故稱宋公使公孫壽來也公孫壽
蕩意諸之父者

文十六年傳文

王曰殺其大夫趙同趙括

傳曰原
屏咎之

徒也明本不以德義自居五

疏

三傳曰至稱名正義曰傳稱莊姬譖之則是

同括無罪大夫無罪見殺例不書名此並書名故解之宜十二年傳曰原屏咎之徒也明本不以德義自居而妄叨高位宜其見討今雖實不作亂從告而稱其名言從告者凡殺大夫必以其實有罪告不肯言其無罪魯史詳其曲直乃立其文故所

秋七月天子使召伯來賜公

命

諸侯即位天子賜以命圭與之合瑞八年乃來緩也天子天王王者之通稱

疏

注諸侯至通稱

正義曰天子賜諸侯之命書傳亦無正禮唯文元年天王使毛伯來錫公命僖十一年傳王賜晉惠公命周語王賜晉文公命皆是即位而賜之又賜之以圭擬朝而合瑞諸侯即位禮必朝王明當即位即賜之命今八年乃來是緩也隱元年宰嚭來賜為其緩書名以譏之此亦緩也而不譏之者彼贈死不及尸弔生不及哀子氏未薨而豫凶事所

失者大故特譏之春秋之時賜命禮廢唯文公即位而賜成公八年乃賜桓公死後追賜其餘皆不得賜苟以得之爲榮故不復譏其緩也且賜之以圭者爲朝而合瑞魯尚不朝天子不宜譏天子賜緩也天子之見經者三十有二稱天王者二十五稱王者六稱天子者一即此事是也三稱並行傳無異說故知天子天王王者之通稱也其不同者史異辭耳公羊傳曰其稱天子何元年春王正月正也其餘皆通矣杜用彼說也賈逵云諸夏稱天子畿內曰主夷狄曰天子王使榮叔歸令且贈以恩深加禮妾母恩同畿內故稱王成公八年乃得賜命與夷狄同故稱天子左氏無此義故杜不從之

冬十月癸卯杞叔姬卒

前五年來歸者女既

適人雖見出奔猶以成人禮書之終爲杞伯所葬故稱杞叔姬

晉侯使士燮來聘

叔孫僑如會晉士燮齊人邾人伐郕

先謀而稱

會盟主之命不

衛人來媵

古者諸侯取適夫人及左媵各有姪娣皆同姓之

國國三人凡九女所以廣繼嗣也

魯將嫁伯姬於宋故衛來媵之

疏

注古者至媵之正義曰莊十九年

公羊傳曰媵者何諸侯娶一國則二國往媵之以姪娣從姪者何兄之子也娣者何弟也諸侯一聘九女是諸侯要適夫人及左右媵各有姪娣也傳曰同姓媵之異姓則否是夫人與媵皆同姓之國也魯衛同姓故來媵之釋例曰古者諸侯之娶適夫人及左右媵各有姪娣皆同姓之國國三人凡九女參骨肉至親所以息陰訟陰訟息所以廣繼嗣也當時雖無其人必待年而送之所以絕望求塞非常也辭稱慈惠不教故遣大夫隨之亦謂之媵臣所以將謙敬之實也夫人薨不更聘必以姪娣媵繼室一與之醮則終身不二所以重昏姻固人倫人倫之義既固上足以奉宗廟下足以繼後世此夫婦之義也

傳八年春晉侯使韓穿來言汶陽之田歸

之于齊季文子餞之

餞送行飲酒

私焉

私與之言

曰大

國制義以爲盟主是以諸侯懷德畏討無有貳心謂汶陽之田敝邑之舊也而用師

於齊使歸諸敝邑

用師宰之戰

今有二命曰歸

諸齊信以行義義以成命小國所望而懷

也信不可知義無所立四方諸侯其誰不

解體

言不須肅敬於晉

詩曰女也不爽士貳其行士

也罔極二三其德

莫若也極中也詩衛風婦人怨又去下一其行喻魯事晉猶女

之不敢過差而晉有罔極之心反二三其德

七年之中一與一奪二

三孰甚焉士之二三猶喪妃耦而況霸主

霸主將德是以

以用也

而二三之其何以長有

諸侯乎詩曰猶之未遠是用大簡

猶圖也簡諫也詩大

雅言王者圖事不遠故用大道諫之

行父懼晉之不遠猶而失諸

侯也是以敢私言之

疏

注餞送行飲酒

正義曰詩大雅韓奕篇云韓

侯出祖出宿于屠顯父餞之清酒百壺是餞為送行飲酒也大國至盟主正義曰義者宜也事得其宜謂之為

義汶陽之田宜其歸魯是歸魯爲義歸齊不義大國當制其義事以爲諸侯之盟主 信以至解體 正義曰言之

有信義事乃行是信以行義事必以義命乃成就故義以成命也杖信以行義事以義而命諸侯故小國所望而歸

之懷歸也言而無信則信不可知所命非義則義無所立如是則四方諸侯其誰不解體謂事晉之心皆踈慢也

詩曰至其德 正義曰衛風氓之篇 詩曰至言之 正義曰詩大雅板之篇也言王者之所圖謀其事未能長遠

我以此是故用大道諫王行父今亦懼晉之不能遠圖而因此以失諸侯是以敢私言之私布此言即是大諫也 晉

欒書侵蔡 六年未得志故 遂侵楚獲申 驪申驪楚大夫 楚

師之還也 謂六年遇於繞角時 晉侵沈獲沈子揖初

從知范韓也 繞角之役欒書從知莊子范文子韓獻子之言不與楚戰自是常從其謀師出

有功故傳善之沈
國今汝南平與縣

君子曰從善如流宜哉

宜有功也如流

喻詩曰愷悌君子遐不作人

遐遠也作用也詩大雅言文王能遠

用善人不語助

求善也夫作人斯有功績矣是行也

鄭伯將會晉師

會伐蔡之師

門于許東門大獲

焉

過許見其無備因攻之

疏

楚師之還於彼言者因其今獲申驪追言六

正義曰還在六年不

年侵沈述樂書得從善之功故於此并言

聲伯如莒

逆也

自為逆婦而書者因聘而逆

宋華元來聘聘共姬也

穆姜之女成公姊妹為宋共公夫人聘不應使卿故傳發其事而曰

夏宋公使公孫

壽來納幣禮也

納幣應使卿

疏

注穆姜之女 正義曰明年季文子如宋

致女還稱宋土之樂穆姜出拜謝之知是穆姜所生之女也

晉趙莊姬爲趙嬰

之亡故譖之于晉侯

趙嬰亡在五年

曰原屏將爲亂

欒卻爲徵

欒氏卻氏亦徵其爲亂

六月晉討趙同趙括

武從姬氏畜于公宮

趙武莊姬之子莊姬晉成公女畜養也

以其

田與祁奚韓厥言於晉侯曰成季之勲宣

孟之忠

成季趙衰宣孟趙盾

而無後爲善者其懼矣

三代之令王皆數百年保天之祿夫豈無

辟王賴前哲以免也

言三代亦有邪辟之君但賴其先人以免禍耳

周

書曰不敢侮鰥寡所以明德也

周書康誥言文王不侮鰥

寡而德益明欲

乃立武而反其田焉

疏

注趙武至養也

晉侯之法文王

正義曰史記趙世家云趙朔娶晉成公姊爲夫人案傳趙衰適妻是文公之女若朔妻成公之姊則亦文公之女父之從母不可以爲妻且文公之卒距此四十六年莊姬此時尚少不得爲成公姊也賈服先儒皆以爲成公之女故杜從之史記又稱有屠岸賈者有寵於靈公此時爲司寇追論趙盾弑君之事誅趙氏殺趙朔趙同趙括而滅其族案二年傳欒書將下軍則於時朔已死矣同括爲莊姬所譖此年見殺趙朔不得與同括俱死也於時晉君明諸臣彊無容有屠岸賈輒厠其間得如此專恣又說云公孫杵臼取他兒代武死程嬰匿武於山中居十五年因晉侯有

疾韓厥乃請立武爲趙氏後與左傳皆違馬遷妄說不可從也夫豈至免也正義曰此趙同趙括謂天祿之父

祖若桀紂之輩雖邪辟子孫賴禹湯之功而食天祿秋召桓公來賜公命相

公周卿士晉侯使申公巫臣如吳假道于莒與

渠丘公立於池上渠丘公莒子朱也池城池也渠丘邑名莒縣有蘧里曰城

已惡莒子曰辟陋在夷其孰以我爲虞虞度

也對曰夫狡焉狡猾之人思啓封疆以利社稷

者何國蔑有唯然故多大國矣唯或思或

縱也世有思開封疆者有縱其暴掠者莒人當唯此爲命勇夫重閉況國

乎

為明年
昔潰傳

疏

注渠丘至遽里 正義曰十四年昔子
朱卒知渠丘公即是朱也渠丘昔之邑

名夷不當有謚或作別號此朱以邑名為號不知其
故何也 唯然 正義曰俗本唯作雖今定本作唯

冬

杞叔姬卒來歸自杞故書

愍其見出來歸故書
卒也若更適大夫則

不復
書卒

晉士燮來聘言伐邾也以其事吳故

七年邾
與吳成

公賂之請緩師文子不可

文子
士燮

曰君命

無貳失信不立禮無加貨事無二成

公私不
兩成

君後諸侯是寡君不得事君也

欲與
魯絕

燮將

復之季孫懼使宣伯帥師會伐邾衛人來

媵共姬禮也凡諸侯嫁女同姓媵之異姓

則否

必以同姓者參骨肉至親所以息陰訟

疏

衛人至則否正義曰膏肓以為媵不必同姓

所以博異氣今左傳異姓則否十年齊人來媵何以無貶刺之文左氏為短鄭歲云禮稱納女於天子云備百姓於國君云備酒漿不得云百姓是不博異氣也齊是大國今來媵我得之為榮不得貶也

經九年春王正月杞伯來逆叔姬之喪以

歸公會晉侯齊侯宋公衛侯鄭伯曹伯莒

子杞伯同盟于蒲

蒲衛地在長垣縣西南

公至自會

無傳

二月伯姬歸于宋

宋不使卿逆非禮

夏季孫行父如

宋致女

女嫁三月又使大夫隨加聘問謂之致女所以致成婦禮篤昏姻之好

晉人

來媵

媵伯姬也

疏

注女嫁至之好正義曰桓三年九月夫人姜氏至自齊冬齊侯使其弟

年來聘傳曰齊仲年來聘致夫人也此二月伯姬歸于宋夏季孫行父如宋致女二者其間並近三月禮婦入三月廟見知致女必以三月蓋廟見之後婦禮既成使大夫聘問謂之致女致其成婦之禮存謙敬序殷勤所以篤昏姻之好也仲年行父俱是致女而彼言聘者在魯而出則曰致女在他國而來則但言聘外內之異文也以彼言聘而實是致女故二注皆言使大夫隨加聘問爲此也

秋七月丙子齊侯無野

卒

無傳五同盟丙子六月一日書七月從赴

疏

注五同盟正義曰無野以宣十年即位此二年及

國佐盟于袤婁又盟于蜀五年于蟲牢七年于馬陵此年于蒲皆魯齊俱在是五同盟也晉人執鄭

伯鄭伯既受盟於蒲又受楚賂會於鄧故晉執之晉

欒書帥師伐鄭冬十有一月葬齊頃公無傳

楚公子嬰齊帥師伐莒庚申莒潰民逃其上曰潰

楚人入鄆鄆莒別邑也楚偏師入鄆故稱人秦人白狄伐晉

鄭人圍許城中城魯邑也在東海廩丘縣西南此閏月城在十一月之後十二月

之前故傳疏注魯邑至書時正義曰長歷推此年閏

日書時十一月傳城中城文在十二月上而云書

時也即是閏月城之閏月半後即是十二月節故水昏已正而城之是得時也

傳九年春杞桓公來逆叔姬之喪請之也

叔姬已絕於杞魯復強請杞使還取葬

杞叔姬卒為杞故也

還為杞婦故卒

稱杞

逆叔姬為我也

既棄而復逆其喪明為魯故

為歸汶陽

之田故諸侯貳於晉

歸田在前年

晉人懼會於

蒲以尋馬陵之盟

馬陵盟在七年

季文子謂范文

子曰德則不競尋盟何為

競強也

范文子曰

勤以撫之寬以待之堅彊以御之明神以

要之柔服而伐貳德之次也是行也將始

會吳吳人不至

為十五年會鍾離傳

二月伯姬歸于宋

為致女復命起

楚人以重賂求鄭鄭伯會楚公子成

于鄧

為晉人執鄭伯傳

夏季文子如宋致女復命公

享之賦韓奕之五章

韓奕詩大雅篇名其五章言蹠父嫁女於韓侯為女相所

居莫如韓樂文子喻魯侯有蹠父之德宋公如韓侯宋土如韓樂

穆姜出于房再拜

曰大夫勤辱不忘先君以及嗣君施及未

亡人

穆姜伯姬母聞文子言宋樂喜而出謝其行勞婦人夫死自稱未亡人

先君猶

有望也

言先君亦望文子之若此

敢拜大夫之重勤又賦

綠衣之卒章而入

綠衣詩邶風也取其我思古人實獲我心喻文子言得己意

晉人來媵禮也

同姓故

秋鄭伯如晉晉人討

其貳於楚也執諸銅鞮

銅鞮晉別縣在上黨

欒書伐鄭

鄭人使伯蠲行成晉人殺之非禮也兵交

使在其間可也

明殺行人例

楚子重侵陳以救鄭

陳與晉故

晉侯觀于軍府見鍾儀問之曰南冠

而縶者誰也

南冠楚冠縶拘執

有司對曰鄭人所獻

楚囚也使稅之

鄭獻鍾儀在七年稅解也

召而弔之再拜

稽首問其族對曰泠人也

泠人樂官

公曰能樂

乎對曰先父之職官也敢有二事

言不敢使學他事

與之琴操南音

南音楚聲

公曰君王何如對曰

非小人之所得知也固問之對曰其爲大

子也師保奉之以朝于嬰齊而夕于側也

嬰齊令尹子重側司馬子反言其尊卿敬老不知其他公語范文子

文子曰楚囚君子也言稱先職不背本也

樂操土風不忘舊也稱天子抑無私也

其舍

近事而遠稱少小以示性所自然明至誠名其二卿尊君也

尊晉君也不

背本仁也不忘舊信也無私忠也尊君敏

也

敏達也

仁以接事信以守之忠以成之敏

以行之事雖大必濟

言有此四德必能成大事

君盍歸之

使合晉楚之成公從之重爲之禮使歸求

成

爲下十二月晉楚結成張本

疏

注南冠楚冠官儀云法冠一曰柱後冠左傳

正義曰應劭漢

南冠而執則楚冠也秦滅楚以其冠賜近臣御衣服之即今解豸冠也古有解豸獸觸不直者故執憲以其角形爲

冠令觸人也

注冷人樂官正義曰詩簡兮序云衛之

賢者仕於冷官鄭玄云冷官樂官也冷氏世掌樂官而善

焉故後世多號樂官爲冷官呂氏春秋稱黃帝使冷倫自大夏之西崑崙之陰取竹斷兩節而吹之以爲黃鐘之宮

昭二十一年傳景王鑄無射泠州鳩非之是泠氏世掌樂官也周語云景王鑄鐘成泠人告和魯語云泠蕭詠歌及鹿鳴之三此稱泠人詩稱泠官是泠爲樂官之名也注舍其至至誠正義曰楚王旣爲君矣不言爲君時事而遠稱大子者若言爲君時事嫌爲君隱惡或疑已在君位矯情爲善舍其當時近事遠稱大子少小者未爲君時不須隱蔽以示正性自然言其從小如此以明己之至誠無所私也禮君前臣名字則貴於名此道二卿之名不言字是尊晉君也

冬十一月楚子重自陳伐莒圍渠丘

渠丘城惡衆潰奔莒戊申楚入渠丘

月六日

莒

人囚楚公子平楚人曰勿殺吾歸而俘莒

人殺之楚師圍莒莒城亦惡庚申莒潰

月十

八楚遂入鄆莒無備故也

終巫臣之言

君子曰恃

陋而不備罪之大者也備豫不虞善之大者也莒恃其陋而不脩城郭浹辰之間而

楚克其三都無備也夫

浹辰十二日也

詩曰雖有絲

麻無弃菅蒯雖有姬姜無棄蕉萃凡百君

子莫不代匱言備之不可以已也

逸詩也姬姜大國之

女蕉萃陋賤之人

疏

注浹辰十二日也從甲至癸爲十日從子至亥爲十二辰周

正義曰浹爲周币也

禮縣治象浹日而斂之謂周甲癸十日此言浹辰謂周子亥十二辰故爲十二日也無棄菅蒯正義曰釋草云

白華野菅郭璞曰菅茅屬陸璣毛詩疏曰菅似茅滑澤無毛羽宜爲索漚及曝尤善蒯與菅連亦菅之類喪服疏履者傳曰蒯蒯之菲也可以爲屨明朋如菅並可代絲麻之乏故云無棄也秦人白狄伐晉

諸侯貳故也鄭人圍許示晉不急君也

此秋

晉執鄭伯

是則公孫申謀之曰我出師以圍許

示不

爲將改立君者而紓晉使

紓緩也勿亟遣使詣晉示

欲更立君

晉必歸君

爲明年晉侯歸鄭伯張本

城中城書時也

十二月楚子使公子辰如晉報鍾儀之使

請修好結成

鍾儀奉晉命歸故楚報之

經十年春衛侯之弟黑背帥師侵鄭夏四

月五卜郊不從乃不郊

無傳卜常祀不郊皆非禮故書

疏

上注

常至故書正義曰曲禮論卜筮云旬之外曰遠某日旬之內曰近某日則卜者每旬一卜傳稱啓蟄而郊則周之三月郊之大期此云五卜者當是三月三卜四月又二卜皆不吉乃止也僖三十一年傳云禮不卜常祀不應卜而卜以不吉而不郊皆非禮也五月公會晉侯齊侯宋公衛侯

曹伯伐鄭

晉侯太子州蒲也稱爵見其代父居位失人子之禮

疏

注晉侯至之禮

正義曰如傳文知晉侯是大子也漢末有汝南應劭作舊君諱議云昔者周穆王名滿晉厲公名州滿又有王孫滿是同名不諱則此為州滿或為州滿誤耳今定本作滿傳無譏文知譏其生代父位失人子之禮者傳稱凡在喪公

侯曰子父喪代位尚不稱君生代父位識之必矣傳言立大子以爲君若其不識則不須此傳是顯其識之意齊

人來媵

無傳媵伯姬也異姓來媵非禮也

丙午晉侯孺卒

六

盟據傳丙午六月七日有日無月

疏

注六同盟正義曰孺以宣九年即位十七年盟于斷道元年于赤

棘二年于裘婁五年于蟲牢七年于馬陵九年于蒲皆魯晉俱在是六同盟也秋七月公如

晉冬十月

傳十年春晉侯使糴莠如楚

糴莠晉大夫

報大宰

子商之使也

子商楚公子辰使在前年

衛子叔黑背侵鄭晉

命也

晉命衛使侵鄭

鄭公子班聞叔申之謀

改立君之謀

三

月子如立公子繻

子如公
子班

夏四月鄭人殺繻

立髡頑子如奔許

髡頑鄭成
公大子

欒武子曰鄭人

立君我執一人焉何益不如伐鄭而歸其

君以求成焉晉侯有疾五月晉立大子州

蒲以爲君而會諸侯伐鄭

生立子爲君此父不
父子不子經因書晉

侯其
惡明

鄭子罕賂以褱鐘

子罕穆公子褱鐘
鄭襄公之廟鐘

子然

盟于脩澤子駟爲質

子然子駟皆穆公子熒
陽卷縣東有脩武亭

辛巳

鄭伯歸

鄭伯歸不書
鄭不告入

晉侯夢大厲被髮及

地搏膺而踊曰殺余孫不義

厲鬼也趙氏之先祖也八年晉侯殺

趙同趙括故怒

余得請於帝矣壞大門及寢門而入

公懼入于室又壞戶公覺召桑田巫

桑田晉邑

巫言如夢

巫云鬼怒如公所夢

公曰何如曰不食新矣

言公不得及食新矣

公疾病求醫于秦秦伯使醫緩爲

之

緩醫名爲猶治也

未至公夢疾爲二醫子曰彼良

醫也懼傷我焉逃之其一曰居肅之上膏

之下若我何

肅也心下爲膏

醫至曰疾不可爲也

在育之上膏之下攻之不可達之不及藥

不至焉不可為也達針公曰良醫也厚為之

禮而歸之六月丙午晉侯欲麥周六月今四月麥始熟

使甸人獻麥甸人主為公田者饋人為之召桑田巫

示而殺之將食張如廁陷而卒張腹滿也小臣

有晨夢負公以登天及日中負晉侯出諸

廁遂以為殉傳言巫以明術見殺小臣以言夢自禍**疏**注厲鬼至故怒正義曰

鬼怒言殺余孫不義必是枉死者之祖也景公即位以來唯枉殺趙同趙括故知是趙氏之先祖趙氏先祖其人非

一鬼不自言其名未知誰之鬼世本云公明生趙夙晉語云趙衰趙夙之弟則括之祖公明是也服虔又以爲公明之鬼凡爲疫厲之鬼皆妖邪之氣未必真是彼人故杜不復指斥注育蒿也心下爲膏正義曰此賈逵之言杜

依川之古今傳文皆以爲膏之下賈服何休諸儒等亦皆以爲膏雖疑者爲脂釋者爲膏其實凝者亦曰膏故內則云小切狼臙膏則此膏謂連心脂膏也劉炫以爲釋者爲膏連心之脂不得稱膏以爲膏當爲蒿改易傳文而規杜

氏非也鄭伯討立君者戊申殺叔申叔禽

弟叔申君子曰忠爲令德非其人猶不可況

不令乎言叔申爲忠不**疏**注叔禽叔申弟正義曰此無文也以禽與申

俱死當是坐其兄弟知是弟也忠爲至令乎正義曰言叔申忠誠爲此令善之德施之於鄭伯施非得其善人

猶尚不可何況不有令德者乎言令德者往年公孫申曰
我出師以圍許為將改立君者而紆晉使晉必歸君是也

秋公如晉親吊晉人止公使送葬於是糴

莩未反是春晉使糴莩至楚結成晉謂魯二冬葬

晉景公公送葬諸侯莫在魯人辱之故不

書諱之也諱不書晉葬也

春秋正義卷第十八

修職郎新差充婺州州學教授趙

春秋正義卷第十九

成公

國子祭酒上護軍曲阜縣開國子臣孔穎達等奉

勅撰

經十有一年春王三月公至自晉

正月公在晉不書諱

見

疏

注正月至見止

正義曰襄二十九年正月公在楚傳曰釋不朝正于廟也彼以踰年故書正月公

在楚此亦踰年不書正月公在晉者爲諱見止故正月不以告廟案春秋上下公之在晉諱與不諱悉皆不書此言

諱見止者以此兼有諱義故詳之也宣五年傳公如齊高固使齊侯止公請叔姬焉夏公至自齊書過也注云公既

見止連昏於鄰國之臣厭尊毀列累其先君而於廟行飲至之禮故書以示過宣七年公會晉侯云云于黑壤傳

晉侯以公不朝又不聘止公于會不與公盟八年公至自
晉注云義與五年書過同此亦見止還而告至杜不言義
與書過同者公實不貳於楚晉以無罪止公非所當諱故
依法告至然則正月諱不告者正月公猶被執守臣若其
告廟當云公被晉執故諱而不
告公還不以爲恥故告至耳 晉侯使卻曄來聘

己丑及卻曄盟

卻曄卻克從父兄弟

疏

注卻曄至兄弟正義曰案世本卻豹生

冀芮芮生缺缺生克也又云豹生義義生步揚揚生州州即曄也如彼文則曄與克俱是豹之曾孫當爲從祖昆弟服虔以爲從祖昆弟杜云從父昆弟或父當爲祖字誤耳夏季孫行父如晉秋叔

孫僑如如齊冬十月

傳十一年春王三月公至自晉晉人以公

爲貳於楚故止公公請受盟而後使歸

前

七月公如晉平至是乃得歸

卻犇來聘且泣盟

公請受盟故使大夫來臨

之聲伯之母不聘

聲伯之母叔肝之妻不聘無媒禮

穆姜曰吾不

以妾爲姒

昆弟之妻相謂爲姒穆姜宜公夫人宣公叔肝同母昆弟

疏

注昆弟之妻相

謂爲姒

正義曰世人多疑婦姒之名皆以爲兄妻呼弟

妻爲娣弟妻呼兄妻爲姒因房感於傳文不知何以爲說

今謂母婦之類隨夫尊卑娣姒之名從身長幼以其俱來

夫族其夫班班既同尊卑無以相加道從身之少長喪服

小功章曰娣姒婦報傳曰娣姒婦者弟長也以弟長解娣姒

言娣是弟姒是長也公羊傳亦云娣者何弟也是其以弟解

娣自然以長解姒長謂身之年長非天之年長也釋親云

長婦謂稚婦爲娣姒婦謂長婦爲姒婦止言婦之長稚

不言夫之大小今穆姜謂聲伯之母為妣昭二十八年傳叔向之嫂謂叔向之妻為妣二者皆呼夫弟之妻為妣豈計夫之長幼乎釋親又云女子同出謂先生為妣後生為娣孫炎云同出謂俱嫁事一夫也事一夫者以己生先後為娣妣則知娣妣以己之年非夫之年也故賈逵鄭玄及此注皆云兄弟之妻相謂為妣言兩人相謂謂長者為妣知娣妣之名不計夫之長幼也

生聲伯而出之嫁於齊管于

奚生二子而寡以歸聲伯聲伯以其外弟

為大夫

外弟管于奚之子為魯大夫

而嫁其外妹於施孝叔

孝叔魯惠公五世孫

卻曄來聘求婦於聲伯聲伯奪施

氏婦以與之婦人曰鳥獸猶不失儷

儷耦也

疏

注儷耦也 正義曰禮謂兩皮爲儷皮儷兩也故爲耦

子將若何曰吾不

能死亡

言不與卻犇婦懼能忿致禍

婦人遂行生二子於卻

氏卻氏亡晉人歸之施氏施氏逆諸河沈

其二子

沈之於河

婦人怒曰已不能庇其伉儷而

亡之

伉敵也

疏

注伉敵也 正義曰伉者相當之言故爲敵也伉儷者言是相敵之匹耦

又

不能字人之孤而殺之

字受也

將何以終遂誓

施氏

約誓不復爲之婦也傳言卻犇淫縱所以亡也

夏季文子如晉報聘

且涖盟也

卻犇文子交盟魯晉之君其意一也故但書來盟奉重略輕

疏

注卻犇至昧輕

正義曰晉臣來盟於魯魯臣往盟於晉俱是相要其意一也意既同矣可書一以包二官舉重而略輕遣使為輕君親為重故卻犇書聘又書盟文子直書如晉略言其聘而已衛懿隆難以為他卿來敵魯君春秋所諱魯卿出敵他國顧書名氏則應卻犇來盟為輕行父盟晉為重今書卻犇之盟則是舉輕略重何得云舉重略輕蘇氏釋云所言輕重者自謂魯之君臣臣盟為輕君盟為重二國各稟君命奉使而行非開敵公之義其意不同不得相難

周

公楚惡惠襄之偪也

惠王襄王之族

且與伯與爭政

伯與周卿士

不勝怒而出及陽樊

陽樊晉地

王使劉子

復之盟于鄆而入三日復出奔晉

王既復之而復

出所以自絕於周為明年周公出奔傳鄆周邑

秋宣伯聘于齊以脩前

好

鞏以前之好

晉卻至與周爭鄆田

鄆溫別邑今河內懷縣西

南有鄆人亭

王命劉康公單襄公訟諸晉卻至曰

溫吾故也故不敢失

言溫鄆氏舊邑

疏

注言溫鄆氏舊邑正義曰鄆

溫之別邑本從溫內分以溫屬晉鄆屬周溫是鄆氏舊邑鄆氏既已得溫則謂從溫而分以者亦宜從溫而屬鄆以故鄆至爭之其制子單子之言襄王勞文公而賜之溫於時鄆已分矣賜晉以溫不與以鄆也狐氏陽氏先與溫已於時亦不得與鄆本未嘗屬晉故為王官之邑劉子單子曰昔周克

商使諸侯撫封

各撫有其封內之地

蘇忿生以溫為司

寇與檀伯達封于河

蘇忿生周武王司寇蘇公也與檀伯達俱封於河內

疏

注蘇然至公也正義曰尚書立政云周公若曰大史司寇蘇公此傳與彼俱言蘇公爲司寇明是一人

此言克商即爲司寇是爲武王司寇

蘇氏即狄又不能於狄而奔

衛

事在僖十年

襄王勞文公而賜之溫

在僖二十五年

氏陽氏先處之

狐漆陽處父先食溫地

而後及子若治其

故則王官之邑也子安得之晉侯使卻至

勿敢爭

傳言卻至貪所以亡

宋華元善於令尹子重

又善於欒武子聞楚人旣許晉糴莜成而

使歸復命矣

在往

冬華元如楚遂如晉合

晉楚之成

為明年盟宋西門外張本

秦晉為成將會于令

狐晉侯先至焉秦伯不肯涉河次于王城

使史鰌盟晉侯于河東

史鰌秦大夫

晉卻犇盟

秦伯于河西

就盟王城

范文子曰是盟也何益

齊盟所以質信也

齊一心質成也

會所信之始也始

之不從其可質乎秦伯歸而背晉成

為十三年

伐秦傳

經十有二年春周公出奔晉夏公會晉侯

衛侯于瑣澤

瑣澤地

秋晉人敗狄于交剛

交剛

地冬十月

傳十二年春王使以周公之難來告

周公奔在前年

書曰周公出奔晉凡自周無出周公自出

故也

天子無外故奔者不言出周公爲王所復而自絕於周故書出以非之

疏

注天子至非之

正義曰凡言出者謂出其封內天子以天下爲家本無出封之理以無外之故雖有出奔之人史策皆不言出昭二十六年尹氏召伯毛伯以王子朝奔楚實出而不言出是其事也襄王蔽於匹夫之孝不顧天下之重故書云出居于鄭此周公王既復之而又自出故書云出奔是不應言出而言出皆所以罪賁之也鄭玄答孫皓曰凡自周無出

者周無放臣之法罪大者刑之小則宥之以爲實無以法
案書流宥五刑則宥者流之非不出也舜放四罪投之四
裔安得不出畿乎若如周禮無流放之文即云周無放臣
之法禮三諫不從待放於郊然則周臣三諫不從終是不
蒙王放欲令諫者何所措身左傳發凡自是書策之例
因即以爲周制謂其實無出者執文害意爲蔽何甚

宋

華元克合晉楚之成

終前年事

夏五月晉士燮

會楚公子罷許偃

二子楚大夫

癸亥盟于宋西

門之外曰凡晉楚無相加戎好惡同之同

恤蓄危備救凶患若有害楚則晉伐之在

晉楚亦如之交贄往來道路無雍

贄幣也

疏

注贄幣也正義曰傳言交贄往來謂聘使來去也聘禮賓執圭以通命執幣以致享故知贄是幣謂聘享之幣也

謀其不協而討不庭

討背叛不來在王庭者

有渝此盟

明神殛之

殛誅也

俾隊其師無克胙國

俾使也隊失也

鄭伯如晉聽成

聽猶受也晉楚既成鄭往受命

會于瑣澤成故

也

晉既與楚成合諸侯以申成好

狄人閒宋之盟以侵晉而不

設備秋晉人敗狄于交剛晉郤至如楚聘

且涖盟楚子享之子反相爲地室而縣焉

縣鐘鼓也

郤至將登

登堂

金奏作於下

擊鐘而奏樂

疏

注擊鐘而奏樂 正義曰作樂謂之奏奏樂先擊鐘故周禮大司樂樂師每事皆云令奏鐘鼓以鐘先擊故先言鐘也鐘以金爲之謂之金奏故鐘師掌金奏鄭玄云金奏擊金以爲奏樂之節金謂鐘及鐸也鄭玄燕禮注云以鐘鐸播之鼓磬應之所謂金奏也是金爲奏節之初故傳云金奏作於下作樂先擊鐘故注云擊鐘而奏樂也禮記仲尼燕居云兩君相見入門而縣興升堂而樂闕郊特牲曰賓入大門而奏肆夏示易以敬也鄭玄云賓朝聘者朝聘連言之則燕享朝賓聘客皆入門卽奏樂矣其實朝賓入門而奏樂聘客則至庭乃奏樂此卻至將登堂始奏樂者縣當在庭而楚之爲地室而縣將登乃奏皆所以見異故欲以驚賓矣燕享聘客皆當入門奏肆夏若燕已之羣臣則有王事之勞者乃得樂納賓其常燕唯有升歌閒合而已無納賓之樂也故燕禮記云若以樂納賓則賓及庭奏肆夏鄭玄云卿大夫有王事之勞者則奏此樂焉是燕已之巨無王事之勞者不以樂納賓也

驚而

走出子反曰日云莫矣寡君須矣吾子其

入也賓曰君不忘先君之好施及下臣貺

之以大禮重之以備樂

貺賜也

疏

驚而至備樂正義曰卒聞

地下鐘聲出其不意故驚而走出其出實為驚怖因即飾辭辭樂言己不敢當大禮匿其驚走之意

如天

之福兩君相見何以代此下臣不敢

言此兩君相見

之禮

疏

注言此至之禮

正義曰仲尼燕居云兩君相見入門而縣興是賓入門作樂為兩君相見之禮也

而燕禮雖兼聘問之賓以燕己臣為主而云若以樂納賓燕己之臣尚有以樂納賓之法則燕享聘客必以樂納賓矣故鄭玄郊特牲注云賓朝聘者朝聘並言則君臣同樂卻至不敢同君故以之為辭耳非謂禮不得也

子

反曰如天之福兩君相見無亦唯是一矢

以相加遺焉用樂

言兩君戰乃相見無用此樂

疏

注言兩至此樂正

義曰子反意言晉楚並是大國不肯相朝唯戰乃相見其相見之時唯當用是一矢以相加陵相遺與耳無為用此

樂也寡君須矣吾子其入也賓曰

傳諸交謬得賓主辭者多

曰賓主以明之

疏

注傳諸至明之正義曰知傳諸交謬得賓主辭多曰賓主者此傳每稱卻至為賓文十

二年傳稱西乞術為賓并稱主人曰之類是也

若譟之以一矢禍之大

者其何福之為世之治也諸侯閒於天子

之事則相朝也

三事閒缺則俗私好

於是乎有享宴之

禮享以訓共儉

享有體薦設凡而不倚爵盈而不飲肴乾而不食所以訓共儉

疏

注享有至共儉

正義曰享有體薦宣十六年傳文也設凡而不倚爵盈而不飲昭五年傳文也禮聘義記曰聘之

禮至大禮也酒清人渴而不敢飲也肉乾人飢而不敢食也彼言聘禮即是聘賓之禮此事皆所以教訓共儉也

宴以示慈惠

宴則折俎相與共食

疏

注宴則至共食正義曰宣十六年傳云宴有折

俎宴則節折其肉升之於俎相與共啗食之所以表示慈惠也

共儉以行禮而慈

惠以布政政以禮成民是以息百官承事

朝而不少

不少言無事

疏

朝而不少正義曰旦見君謂之朝莫見君謂之夕哀十四年

傳稱子我夕晉語稱叔向夕皆謂夕見君也人息事少故百官承奉職事皆朝朝而莫不少夕言無事也

公侯之所以扞城其民也

扞蔽也言享宴結好鄰國所以蔽扞其民

疏

注扞蔽至其民正義曰扞者扞禦寇難故為蔽也言燕享結好與鄰國通和甲兵不興人得安息所以

蔽扞其民若如城然故云所以扞城其民也

故詩曰赳赳武夫公侯

干城

詩周南之風赳赳武貌干扞也言公侯之與武夫止于扞難而已

疏

注詩周至而已正義曰詩周南兔置之篇言兔置之人亦是賢者其人乃是赳赳然雄武之夫與公侯共扞城其民也引詩之意言世

治無事公侯之與武夫設共儉慈惠之禮與人扞難而已不侵伐他國也干扞釋言文及其亂也

諸侯貪冒侵欲不忌爭尋常以盡其民

八尺

曰尋倍尋曰常倍尋尺丈之地以相攻伐

疏

注八尺至攻伐正義曰周禮考工記云人長八尺父長尋有

四尺崇於人四尺車戰常崇於父四尺是八尺曰尋倍尋
曰常喻其少故言爭尺丈之地以相攻伐盡殺其民孟子
曰爭城以戰殺人盈城爭地以戰殺人盈野是謂盡殺其民也

武夫以為已

腹心股肱爪牙

略取也言武夫則公侯制禦武夫以
從已志使侵官鄰國為搏噬之用無

已



法略取至無已

正義曰武夫有武能為人之扞
蔽世治則公侯同於武夫同其腹心相與扞已民

而已不侵犯他人也世亂則使武夫同於公侯其公侯欲
得拓竟寬土則制禦武夫以從已志使武夫為已腹心股
肱爪牙今之侵害鄰國搏噬也噬齧也夫能搏噬譬之於犬為搏噬之用無已時也

故詩曰起

起武夫公侯腹心

舉詩之正以駁亂義詩言治世
則武夫能合德公侯外為扞城

內制其腹心



注舉詩三腹心正義曰此亦兔置之篇美
賢人之事而引之以證世亂故解之此舉詩

之正以駁世亂之義詩言治世則武夫能合德公侯外則
扞城其民內則制其腹心也以其人心則本貪縱之則害
物矣美公侯能以武夫制己腹
心自守扞難而已不害人也 天下有道則公侯

能爲民干城而制其腹心亂則反之

略其武夫以爲

己腹心

疏

天下至反之正義曰天下有道之時則公侯能爲民干城禦難而使武夫制其己之腹

爪牙

心不侵犯他國也亂則反之不復扞蔽己民乃以武夫從己腹心將武夫爲股肱爪牙以侵害他國是反治世也晉楚世爲仇敵常有相害之心子反言一矢相加仍懷戰鬪之意故卻至言世治則自守世亂則相侵害答上一矢之言冀得久爲和好故說此也 今吾子之言亂之道也不可

以爲法然吾子主也至敢不從遂入卒事

歸以語范文子文子曰無禮必食言吾死

無日矣夫

言晉楚不能久和必復相伐爲十六年鄢陵戰張本

疏

無禮至矣夫正義

曰以一矢爲辭是無禮也食言是其將背盟也背盟必相伐故爲死之無日矣冬楚公子罷

如晉聘且涖盟

報郤至

十二月晉侯及楚公子

罷盟于赤棘

晉地

經十有三年春晉侯使郤錡來乞師

將伐秦也

侯伯當召兵

疏

注將伐至謙辭正義曰晉雖是侯伯而乞師謙辭恐魯不與若言召兵或容辭說言乞則

不得不與釋例曰乞師者深求過理之辭執謙以逼成其計是解乞爲謙意

三月公如京師

代秦道過京師因朝王

疏

注伐秦至朝王正義曰公本為伐秦道過京師因往朝王不稱朝而言公如

京師者以明公朝于王所王不在京師故指言王所據王言之不得不稱朝此則王在京師京師是國之摠號不斥王身不可稱朝故依尋常朝聘鄰國之文稱如而已劉炫云公朝聘皆言如不果彼國必成其禮或在道而還如者書其始發言往而已言公朝王所者發國不為朝王至被遇王朝之朝訖乃書故稱朝也此過京師亦宜稱朝言如者發雖主為伐秦即有朝王之意書其初發故言如也

夏五月公自京師遂

會晉侯齊侯宋公衛侯鄭伯曹伯邾人

滕人伐秦曹伯盟卒于師

五同

疏

注五同盟正

義曰盧以宣十五年即位十七年盟于斷道成二年于素婁又于蜀五年于蟲牢七年于馬陵九年于蒲兒六同盟

宣公不宣公秋七月公至自伐秦傳無之莽曹

宣公

傳十三年春晉侯使卻錡來乞師將事不

敬將事致君命孟獻子曰卻氏其亡乎禮身之

幹也敬身之基也卻子無基且先君之嗣

卿也受命以求師將社稷是衛而惰齊君

命也不亡何為卻錡卻克子故曰嗣卿疏禮身

正義曰幹以樹木為喻基以牆屋為喻樹木以木根為幹有幹故枝葉茂焉牆屋以下土為基有基乃牆屋成

焉人身以禮敬為本必有禮敬身乃得存郤子三月公無基則亦無幹但言有所局不復得言幹耳

如京師宣伯欲賜欲王請先使王以行人

之禮禮焉不加孟獻子從王以為介而重

賄之介輔招威儀者獻子相
宣伯至賄之正義

魯成公來朝使叔孫僑如先聘且告見王孫說與之語說言於王曰魯叔孫之來有異焉其幣薄而言諂殆請之也若請之必欲賜也且其狀方上而銳下宜觸冒人王其勿賜若貪陵之人來而盈願是不賞善也且財不給王使私問諸魯魯人云請之也王遂不賜禮如行人孔晃云行大使人也以使人之禮禮之不從聘者之賜禮也又曰魯侯至仲孫蔑為介王孫說與之公及諸侯朝王遂從語說諱說以語王王厚賄之

劉康公成肅公會晉侯伐秦

劉康公王季子劉成二公不書

兵下加秦

成子受脤于社不敬

脤宜社之肉也盛以脤器故曰脤宜

之

注脤宜至之名

正義曰宜者祭社之名脤是盛

名肉之器受脤于社受祭社之胙肉也周禮享胙饔

祀共脤器之脤鄭立云飾祭器之屬也春秋定十四年

天王使石尚來歸脤脤之器以脤飾因名焉鄭衆云脤可

以白器令色白是盛以脤器故曰脤也既言宜社又自飾

宜名釋天云起大事動大衆必先有事乎社而後出謂之

宜孫炎曰有事祭也宜求見

祐也是宜者出兵祭社之名

劉子曰吾聞之民受

天地之中以生所謂命也是以有動作禮

義威儀之則以定命也能者養之以福

儀以致福不能者敗以取禍是故君子勤禮小

人盡力勤禮莫如致敬盡力莫如躬篤敬

在養神篤在守業國之大事在祀與我祀

有執膳膳祭肉戎有受賑神之節也交神之節

今成子情奔其命矣情則失中和之氣其不反乎為成

蕭公卒于**疏**民受至反乎正義曰天地之中謂中和之氣也民者人也言人受此天地中和之

故孝悌說云命者人之所稟受度是也命雖受之天地短

長有本順理則壽考逆理則夭折是以有動作禮義威儀之法則以定此命言有法則命之長短得定無法則夭折

無恒也。故人有能者，養其威儀禮法，以往適於福，或本分之外，更得延長，也不能者，敗其威儀禮法，而身自取禍。或本分之內，仍有減割也，為其求福畏禍之故。君子勤懼以臨下，小人盡力以事上，勤禮莫如臨事致敬，盡力莫如用心。勤篤敬之所施，在於養神朝廷百官，事神必敬篤，在守業尊野四民，勿使失業也。國之大事，在祀與戎，宗廟之祀，則有執膳，其戎之祭，則有受脰，此是交神之大節也。今成子受脰而惰，是自棄其命矣。死必在邇，此行其不得反乎禍之往也。養之以福，謂將身向福也。敗以取禍，謂禍及身也。福則人之所欲，作往就之辭也。禍則人之所惡，作自來之語也。故則所施有處，故言致敬也。厚則唯在己身，無所可致，故重言躬篤也。執膳受脰俱是於祭末受而執之，互相見也。劉炫云：命者冥也，言其生育之性得之於冥，非也。

注膳祭肉

正義曰：詩詠祭祀之禮，云為俎孔碩，或燔

或炙，又曰旨酒欣欣，燔炙芬芬。毛傳云：傳火曰燔，祭肉有燔而薦者，因謂祭肉為膳也。

夏四月戊

午晉侯使呂相絕秦呂相傳餉于秦曰晉逮我

獻公及穆公晉獻公秦穆公相好勦力同心申之以

盟誓重之以昏姻穆公夫人獻公之女**疏**勦力同心正義曰孔安國以

勦力爲陳力以論語有陳力就列故也勦力猶言勉力努力耳天禍晉國文公如

齊惠公如秦辟驪姬也不言狄梁舉所恃大國無祿獻公即

世穆公不忘舊德俾我惠公用能奉祀于

晉僖十年秦納惠公又不能成大勲而爲韓之師僖十年

五年秦伐晉又不至之師正義曰言秦既納惠公又不能遂成大功而復伐晉爲此韓之師也

下云亦悔于厥心
謂秦悔伐晉也

亦悔于厥心用集我文公

集

也是穆之成也

成功於晉

文公躬擐甲胄跋履

山川

草行爲跋

踰越險阻征東之諸侯虞夏商

周之胤而朝諸秦則亦既報舊德矣鄭人

怒君之疆場我文公帥諸侯及秦圍鄭

自

以鄭貳於楚故圍之鄭非侵秦也晉以此誣秦事在僖三十年

秦大夫不詢于我

寡君擅及鄭盟

詢謀也盟者秦伯謙言大夫

諸侯疾之將

致命于秦

致死命而討秦時無諸侯蓋諸侯遇致此意

疏

注致死至此意正義曰

劉炫以爲秦今知不然者凡誣秦者謂加之罪傳辭少
略者可得辨証今傳云諸侯疾之將致命于秦文公恐懼
綏靜諸侯又云我有大造于西傳文既詳明諸侯實有此
意若無諸侯何得稱爲大造且秦師襲鄭鄭亦疾秦此則
諸侯之義也劉以爲實無諸侯而規其過非也

文公恐懼綏靜諸侯秦師
克還無害則是我有大造于西也

造成也言晉有

成功於秦無祿文公即世穆爲不弔

不見弔傷

疏

注不見弔

正義曰曲禮云知生者弔知死者傷知生而不知死
弔而不傷知死而不知生傷而不弔鄭玄云人恩各施於
所知弔傷皆謂致命辭也禮記諸侯使人弔辭曰寡君聞
君之喪寡君使某如何不淑此施於生者傷辭未聞也說
晉有衍弔辭云皇天降災子遭罹之如何不淑
此施於死者蓋傷辭畢退皆哭是弔傷之事

蔑死我

君寡我襄公

寡弱也

○

及死至襄公

正義曰輕蔑

寡弱而

迭我殺地奸絕我好

○

奸絕我好

斷絕不復與

伐我保城殄滅我費滑

伐保城誣之費滑滑

國都於費

○

注伐保至氏縣

正義曰伐我涑川作我

今緞氏縣

王官傳皆無文獨謂此爲誣者於時輕行

襲鄭不得在道用兵故知此伐保城是誣之也春秋之時

更無費國秦唯滅滑不滅費知費即滑也國都於費國邑

並舉以散離我兄弟撓亂我同盟

滑音傾

覆我國家我襄公未忘君之舊勲

納文公之勲

而懼社稷之隕是以有殺之師

在僖三十三年

願赦罪于穆公

晉欲求解於秦

穆公弗聽而即楚

謀我天誘其衷成王隕命

秦使闕克歸楚求成事見文十四年文元

年楚弑

疏

注秦使至成王闕克囚于秦秦有殺之敗使歸求成僖三十

正義曰文十四年傳云初

三年秦敗于殺文元年楚弑成王故謀不成也

穆公是以不克逞志于

我

逞快也

穆襄即世康靈即位

文六年晉襄秦穆皆卒

康公我之自出

晉外切

又欲闕翦我公室傾

覆我社稷

疏

闕翦我公室翦謂滅削言欲損害晉之公室

正義曰闕爲缺損

帥

我蠶賊以來蕩搖我邊疆

蠶賊食禾稼也名謂秦納公子

疇

疏

注繫賊至蟲名正義曰釋蟲云食根蠹食節賊是食禾稼之蟲也納雍害晉若蟲食不然彼晉自

召雍非秦罪也

我是以有令狐之役

在文七年

康猶不

俊入我河曲

俊改也

伐我涑川俘我王官

涑水出河東聞喜縣西南至蒲坂縣入河

翦我羈馬我是以有河曲

之戰

在文十二年

東道之不通則是康公絕我

好也

言康公自絕故不復東通晉

及君之嗣也

君秦桓公

我君景

公引領西望曰庶撫我乎

望秦撫恤晉

君亦不惠

稱盟

不肯稱晉望而共盟

利吾有狄難

謂晉滅潞氏時

入我河縣

焚我箕部芟夷我農功

夷傷也

虔劉我邊垂

虔劉皆殺也

疏

注虔劉皆殺也方言云虔殺也重言殺者亦圓文耳

正義曰劉殺釋詁文

我

是以有輔氏之聚

聚衆也在宣十五年

疏

注聚衆也正義曰謂聚衆以

拒秦也以上有殺之師令狐之役河曲之戰不用重文故變文言聚古人爲文亦有辟耳

君亦悔禍

之延

延長也

而欲徼福于先君獻穆

晉獻秦穆

使

伯車來命我景公

伯車秦桓公子

曰吾與女同好奔

惡復脩舊德以追念前勲言誓未就景公

即世我寡君是以有令狐之會

令狐會在十一年申厲公

之命宜言寡人稱君設也

疏

注令狐至誤也

正義曰劉炫以爲臣

人稱君設也君皆曰寡君今呂相雖奉君命兼有已語稱寡君正是其理杜何知宜爲寡人稱君爲誤今刪定知劉說非者以呂相奉厲公之命而往絕秦則皆是厲公之言不得兼有已語案隱十一年鄭伯告討大夫云假手于我寡人今呂相稱厲公之命還與自稱無異亦當云我寡人故知稱君爲誤

君又不祥

祥善也

背弃盟誓白狄及君同州

及與

疏

白狄及君同州正

義曰周禮職方氏正西曰雍州其川涇汭其浸渭洛皆秦地也正北曰并州其澤藪曰昭餘祁其川虢池嘔夷皆晉地也是秦屬雍而晉屬并白狄蓋狄之西偏屬雍州也

君之仇讎而我

昏姻也

季隗齊答如赤狄之女也

疏

注季隗至文公正義曰三年晉

衛伐虜咎如傳曰討赤狄之餘焉知咎如是赤狄也文公所奔之狄不言赤白以其伐赤不應赤自相伐知白狄伐之也其女雖是赤狄之種而由白狄以納文公得以白狄爲昏姻也且此辭多誣欲親狄以曲秦故引狄爲昏姻耳晉人自數伐狄寧復顧昏姻也杜以傳有季隗之事引之以證昏姻未必晉於白狄處無昏姻

君來賜

命曰吾與女伐狄寡君不敢顧昏姻畏君

之威而受命于吏君有二心於狄曰晉將

伐女狄應且憎是用告我

言狄雖應答秦而心實憎秦無信

楚

人惡君之二三其德也亦來告我曰秦背

令狐之盟而來求盟于我昭告昊天上帝

秦三公楚三王

三公穆康公三王成穆莊

疏

昭告昊天上帝正義曰禮諸侯不

得祭天其盟不主天神鄭玄觀禮注云王巡守之盟其神主日諸侯之盟其神主山川襄十一年亳城北之盟其載書云司慎司盟名山名川注云二司天神唯告天之別神不告昊天上帝此秦楚爲盟告天帝者春秋之時不能如禮且此辭多誣未必是實晉與諸國結盟皆不告昊天上帝何由秦楚獨敢告之蓋欲示楚人恨秦之深言其所告處重

耳曰余雖與晉出入

出入猶往來

余唯利是視

不穀惡其無成德是用宣之以懲不壹

疏

以懲不壹正義曰楚道秦人用心不壹其盟不足與固宣示諸侯以懲創不壹之人

諸侯備聞

此言斯是用痛心疾首暱就寡人

疾亦痛也暱親也

寡人帥以聽命唯好是求君若惠顧諸侯

矜哀寡人而賜之盟則寡人之願也其承

寧諸侯以退

承君之意以寧靜諸侯

豈敢徼亂

徼要也

君

若不施大惠寡人不佞其不能以諸侯退

矣

疏

寡人不佞之辭也

正義曰服虔云佞才也不才者自謙云焉用佞禦人以口給屢憎於人則

佞非善事而以不佞為謙者佞是口才捷利之名本非善惡之稱但為佞有善有惡耳為善敏捷是善佞為惡敏捷

是惡佞但君子欲訥於言而敏於行言之雖多情或不信故云焉用佞耳

敢盡布之執事

俾執事實圖利之

也

秦桓公既與晉厲

公為令狐之盟而又召狄與楚欲道以伐

晉諸侯是以睦於晉晉辭多誣秦故傳抄此三事以正秦罪晉

欒書將中軍荀庚佐之庚代荀首士燮將上軍

代荀庚卻錡佐之代士燮韓厥將下軍代卻錡荀

彘佐之代趙同趙旃將新軍代韓厥卻至佐之

代趙括卻毅御戎欒鍼為右卻毅卻至第欒鍼欒書子孟

獻子曰晉帥乘和師必有大功帥軍帥參車七五

月丁亥晉師以諸侯之師及秦師戰于麻

隧秦師敗績獲秦成差及不更女父

不更秦爵戰敗

績不書以爲晉直秦曲則韓役書戰時公在師復不須告克獲有功亦無所諱然經又闕漏傳文獨存

師

注不更至獨存正義曰秦之官爵有此不更之名知女父是人之名字不更是官爵之號漢書稱商君爲法於秦戰斬一首者賜爵一級其爵名一爲公士二上造三簪裹四不更五大夫六公大夫七官大夫八公乘九五大夫十左庶長十一右庶長十二左更十三中更十四右更十五少上造十六大上造十七駟車庶長十八大車庶長十九關內侯二十徹侯商君者商鞅也秦孝公之相封於商號爲商君案傳此有下更女父襄十一年有庶長鮑庶長武春秋之世已有山名蓋後世以漸增之商君定爲二十非是商君書新作也其名之義難得而知耳傳言戰敗而經不書杜以意測之不知其故欲以爲秦曲晉直不以曲者敵直故不書戰則信十五年韓之戰秦直晉曲書戰于韓

也欲以爲不告故不言當時公親在師復不須告也欲以爲無功諱負則克獲有功亦無所諱也再三揆度不識所以故云蓋經文闕漏佚文獨存也經文依史官策書策書所無故經文遂闕也傳文采於簡牘簡牘先有故傳文獨存也

曹宣公卒于師師遂濟涇及侯麗而還

涇水出安定東南經扶風京兆高陸縣入渭也

疏

注涇水至渭也正義曰釋例曰涇水出安定朝那縣西

東南經新平扶風至京兆高陸縣入渭

迂晉侯于新楚

迂迎也既戰晉侯止新楚

故師還過迎之麻隧侯麗新楚皆秦地

疏

注迂迎至秦地正義曰經書公會晉侯齊侯宋公衛侯鄭伯

曹伯邾人滕人伐秦是伐時諸侯親行也傳云晉師以諸侯之師及秦師戰則知諸侯不親行也蓋皆別次以待之新楚當是晉侯次之處也以傳不言其次成肅公卒于晉侯或聞戰勝而移處故云止新楚也

瑕終劉子之言瑕晉地

六月丁卯夜鄭公子班自訾

求入于大宮不能殺子印子羽

訾鄭地大宮鄭祖廟

十年班出奔許今欲還為亂子印子羽皆穆公子

反軍于市己巳子駟

帥國人盟于大宮

子駟穆公子

遂從而盡焚之燒

也殺子如子駟孫叔孫知

子如公子班子駟班弟孫叔子如子孫知

子駟

疏

注子如至駟子正義曰子如即是子班據傳可知以外無文見其同時被殺必是近親相傳

為此說耳

曹人使公子負芻守使公子欣時逆

曹伯之喪

二子皆曹宣公庶子

秋負芻殺其大子而自

立也

宣公大子

諸侯乃請討之晉人以其役之

勞請俟他年冬葬曹宣公既葬子臧將亡

子臧公子欣時

國人皆將從之

不義其舞故

成公乃懼

成公負郭

告罪且請焉

請留子臧

乃反而致其邑

還邑於成公為十五

年執曹

伯傳

經十有四年春王正月莒子朱卒

無傳九年盟于

蒲

夏衛孫林父自晉歸于衛

晉納之故曰歸

秋叔

孫僑如如齊逆女

成公逆夫人最為得禮而經無納幣者文闕絕也

疏

注

公至絕也正義曰釋例曰成公逆女及夫人至最為得禮故詳其文丘明謂之微而顯婉而成章也然則杜以傳文詳知其最得禮也釋例又云成公娶夫人而不納幣此經文闕也貴聘而賤逆失禮之微者傳猶詳之言其不終若實不納幣非所略也是言闕之意也闕絕者闕而文斷絕蓋疑仲尼脩定後其文始闕若脩時已闕傳應言其故也

也鄭公子喜帥師伐許九月僑如以夫人

婦姜氏至自齊冬十月庚寅衛侯臧卒同五

盟

疏

注五同盟正義曰臧父速以二年八月卒而臧代立其年十一月衛大夫與公盟于蜀三年孫良

夫來盟五年于燕七年于馬陵九年于蒲皆魯衛俱在是五同盟也秦伯卒無傳三年大夫盟於

蜀而不赴以名

例在隱七年

傳十四年春衛侯如晉晉侯強見孫林父

焉

林父以七年奔晉強見欲歸之

定公不可夏衛侯既歸晉

侯使卻犂送孫林父而見之衛侯欲辭定

姜曰不可

定姜定公夫人

是先君宗卿之嗣也

同姓

疏

注同姓之卿王義曰世本孫氏出於衛武公至林父八世是同姓也

大國又以

爲請不許將亡雖惡之不猶愈於亡乎君

其忍之

違大國必見代故亡

安民而宥宗卿不亦可乎

衛侯見而復之

復林父位

衛侯饗苦成叔

成叔卻犂

甯

惠子相

相佐禮惠子甯殖

苦成叔傲甯子曰苦成家

其亡乎古之爲享食也以觀威儀省禍福

也故詩曰兕觥其觶旨酒思柔

詩小雅言君子好禮飲酒皆思

柔德雖設兕觥觶然不用以兕觥爲觶所以罰不敬觶陳設之貌

彼交匪傲萬福

來求

彼之交於事而不惰

今夫子傲取禍之道

也

爲十七年

邠氏亡

詩曰至來求

正義曰兕觥罰酒之爵言古之王者與羣臣燕飲無失禮者用

兕觥之爵其觶然坐陳設之無所可罰在席飲美酒者皆能思柔順中和故不用也彼飲燕君子與人交接非有傲慢之心故萬種福祿求來歸之注詩小至之貌正義曰詩小雅桑扈之章言設爵不用之意君子好禮與於燕

者皆思柔順之德無過可罰故雖設饋爵不用之也兕是
獸名饋是爵稱知兕饋以兕角爲饋也周禮小胥職云饋
其不敬者是所以罰不敬也異義韓詩說饋五升所以罰
不敬也饋卽序也著明之貌君子有過然明著詩毛傳說
饋大七升許慎云饋罰有過一飲七升爲過多當謂五升
是也詩良朋云有觶其角則觶是角貌此詩之意指其角
貌言陳設不用

秋宣伯如齊逆女稱族尊君

命也



稱族尊君命 正義曰宣元年已發尊君命

且公子非族故重明之何休言難左氏叔孫僑如舍族
爲尊夫人案襄二十七年豹及諸侯之大夫盟復何所尊
而亦舍族春秋之例一事無見者亦以省文耳左氏爲短
鄭箴云左氏以豹違命故貶之而去族今僑如無罪而亦
去族故以爲尊夫人也春秋有事異文同則此類也八月鄭子罕伐許置焉

為許所敗 戊戌鄭伯復伐許庚子入其郭郭郭也

許人平以叔申之封四年鄭公孫申疆許田許人敗之不得定其封疆今許以

是所封田求和於鄭九月僑如以夫人婦姜氏至自齊

舍族尊夫人也舍族謂不稱叔孫故君子曰春秋之

稱微而顯辭微而義顯志而晦志記也晦亦微也謂約言以記事事叙而

微婉而成章婉曲也謂屈曲其辭有所辭諱以示大順而成篇章盡而不汙

謂直言其事盡其事實無所汙曲懲惡而勸善善名必書惡名不滅所以為懲勸非

聖人誰能脩之此五者皆史策成衛侯有疾使孔成

子甯惠子立敬奴之子衍以爲太子

成子孔達

之孫敬奴定

公妾衍獻公

冬十月衛定公卒夫人姜氏既

哭而息見太子之不哀也不內酌飲歎曰

是夫也將不唯衛國之敗其必始於未亡

人

定姜言獻公行無禮必從己始下言暴妾使余是也

嗚呼天禍衛國也

夫吾不獲鰥也使主社稷

鰥衍之母弟

大夫聞之

無不聳懼孫文子自是不敢舍其重器於

衛

寶器

盡寘諸戚

寘置也戚孫氏邑

而甚善晉大夫

備亂起欲以爲援爲襄
十四年衛侯出奔傳

經十有五年春王二月葬衛定公無傳三月

乙巳仲嬰齊卒

無傳襄仲子公孫歸父弟宣十八年逐東門氏既而又使嬰齊紹其

後曰

疏

注襄仲至仲氏正義曰公羊穀梁皆以嬰齊仲氏爲仲遂之子歸父之弟也以爲歸父之弟則同

其言稱仲之意則異公羊以爲弟無後兄之義使嬰齊爲歸父之子則爲仲遂之孫故以王父字爲氏穀梁以爲宣八年仲遂卒者爲殺子赤踈之不使稱公子父既見踈不得稱公子故其子由父亦踈之不得稱公孫故別言仲氏杜之此注其言不明當以爲襄仲歸父本以東門爲氏及命嬰齊紹歸父之後改之曰仲氏也劉炫云仲遂受賜爲仲氏故其子
癸丑公會晉侯衛侯鄭伯曹伯
孫稱仲氏耳

宋世子成齊國佐邾人同盟于戚晉侯執

曹伯歸于京師

不稱人以執者曹伯罪不及民歸之京師禮也

疏

注不稱至

禮也正義曰諸傳於其事之下發凡例者杜皆於經之下引傳而言傳例曰今傳因曹伯發凡杜不引傳例者傳據稱人以執爲例却云不然則否曹伯稱侯以執從不然之例故杜不得引之也不稱人以執者曹伯罪不及民其稱人之例於義爲然也諸侯不得相治故歸之京師使天子治之是禮也釋例曰執諸侯當歸于京師而或以歸或歸于諸侯皆失其所從實而顯之義可知也

公至自會

無傳

夏六月宋

公固卒

四同盟

疏

注四同盟

正義曰固父鮑以二年八月卒而固代立其年十一月宋大

夫與公盟于蜀五年于蟲牢七年于馬陵九年于蒲皆魯宋俱在是爲四同盟楚子伐鄭秋

八月庚辰葬宋共公

三月而葬速

宋華元出奔

晉宋華元自晉歸于宋

華元欲挾晉以自重故以外納告



注華元至納告正義曰案傳華元奔晉魚石即議止之魚石自止華元于河上元始至河本未至晉既書奔晉又書自晉歸者華元既出宋即來告華元既歸宋復來告十年傳例曰凡去其國國逆而立之曰入復其位曰復歸諸侯納之曰歸此是魚石止之宜從國逆之例而為諸侯納之文書口自晉歸者華元與欒書和善怖懼桓族欲挾晉以自重以晉納告于諸侯春秋從而書之以示元之本情故也 宋殺其大夫山

不書

氏明肯其族

宋魚石出奔楚

公子目夷之曾孫

冬十有一月

叔孫僑如會晉士燮齊高無咎宋華元衛

孫林父鄭公子鮑邾人會吳于鍾離

吳夷未嘗

與中國會今始來通晉帥諸侯大夫而會之故殊會明本非同好鍾離楚邑淮南縣許遷于葉許畏鄭南依楚故以自遷為文葉今南陽葉縣也

傳十五年春會于戚討曹成公也

討其殺大子而自立

事在十三年執而歸諸京師書曰晉侯執曹伯不

及其民也

惡不及民

凡君不道於其民諸侯討而

執之則曰某人執某侯

稱人示眾所欲執

不然則否

謂身犯不義者

疏

凡君至則否正義曰春秋執諸侯多矣或名或否此例不言之者釋例曰諸侯見執

者已在罪賤之地書名與否非例所加故但書執某侯也
天生民而樹之君使司牧之勿使失性若乃肆於民上人
懷怨讎諸侯致計則稱某人執某侯衆討之文也諸侯雖
身犯不義而惡不及民則不稱人以執之晉侯執曹伯是
也諸無加民之惡而稱人以執皆時之赴告欲重其罪以
加民爲辭國史承以書策而簡牘之記具存夫子因示虛
實傳隨而著其本
狀以明得失也 諸侯將見子臧於王而立之

子臧辭曰前志有之曰聖達節

聖人應天命不拘常禮

次守節

謂賢者

下失節

愚者妄動

爲君非吾節

也雖不能聖敢失守乎遂逃奔宋

疏

聖達至守

乎 正義曰節猶分也人生天地之間性命各有其分聖人達於天命識已知分若以歷數在己則當奉承靈命不

復拘君臣之交上下之禮舜禹受終湯武革命是言達
者也若自知己分不合高位得而不取與而不受子
札衛公子郢楚公子間如此之類皆守節者也下愚之人
不識己分併張妄作取非其理二紀亂常如此之輩古今
多矣州吁無知之等皆失節者也子臧自以身是庶子不
合有國故言爲君非吾節也雖不能爲聖敢失其守焉者

平夏六月宋共公卒

爲下宋
亂起

楚將北師

使
衛

子囊曰新與晉盟而背之無乃不可乎子

反曰敵利則進何盟之有

晉楚盟在十二年子
囊莊王子公子貞

申叔時老矣在申

老歸
本邑

聞之曰子反必不

免信以守禮禮以庇身信禮之亡欲免得

乎

言不
得免

楚子侵鄭及暴隧遂侵衛及首止

鄭子罕侵楚取新石

新石
楚邑

欒武子欲報楚

韓獻子曰無庸

庸用
也

使重其罪民將叛之

背
盟

數戰
罪也

無民孰戰

為明年晉敗
楚於鄢陵傳

秋八月葬宋共

公於是華元為右師魚石為左師蕩澤為

司馬

蕩澤公孫
壽之孫

華喜為司徒

華父督
之玄孫

公孫師為

司城

莊公
孫

向為人為大司寇鱗朱為少司

寇

鱗
孫

向帶為大宰魚府為少宰蕩澤弱

公室殺公子肥

輕公室以爲弱故殺其枝黨肥文公子

華元曰我

爲右師君臣之訓師所司也今公室卑而

不能正

不能討蕩澤

吾罪大矣不能治官敢賴寵

乎乃出奔晉二華戴族也

華元華喜

司城莊族

也六官者皆桓族也

魚石蕩澤向爲人鱗朱向帶魚府皆出桓公

魚

石將止華元魚府曰右師反必討是無桓

氏也

恐華元還討蕩澤并及六族

魚石曰右師苟獲反雖

許之討必不敢

言畏桓族強

且多大功國人與之

不反懼栢氏之無祀於宋也

華元大功克合晉楚之成劫子

反以免

右師討猶有戌在

向戌栢公曾孫言其賢華元必不討

疏

注蕩澤云云

正義曰世本云公孫壽生大司馬廵也

生司馬澤也華喜督之立孫者又云督生世子家家生季

老老生司徒鄭鄭生司徒喜也公孫師莊公之孫者又云

莊公生右師戌戌生司城師也鱗朱鱗矐孫者云云栢公

生公子鱗鱗生東卿矐矐生司徒文文生大司寇子奏奏

生小司寇朱也向戌栢公曾孫者又云栢公生向父矐矐

生司城訾守守生小司寇矐

栢氏雖亡必偏

偏不盡

魚

及合左師左師即向戌也

石自止華元于河上請討許之乃反使華喜

公孫師帥國人攻蕩氏殺子山

喜師非栢族故使攻之

書曰宋殺其大夫山言背其族也

蕩氏宋公族還害公

室故去族以示其罪

魚石向爲人鱗朱向帶魚府出舍

於睢上

睢水名五大夫畏同族罪及將出奔

華元使止之不可冬十

月華元自止之不可乃反

五子不止華元還

魚府曰

今不從不得入矣

不得復入宋

右師視速而言

疾有異志焉若不我納今將馳矣登丘而

望之則馳騁而從之

五子亦馳逐之

則決睢滋

滋水涯決壞也

閉門登陴矣左師二司寇二宰遂出奔楚

四大夫不書
獨魚石告

疏

注四大至石告 正義曰襄元年傳謂此五人爲五大夫故除去魚石謂之四

大夫也彼四大夫所以不書者宋人獨以魚石告不以四人告也服虔云魚石卿故書以爲四人非卿故不書杜不然者案文七年傳云宋成公卒於是公子成爲右師公孫友爲左師樂豫爲司馬鱗曜爲司徒公子蕩爲司城華御事爲司寇六卿和公室哀二十六年傳宋景公無子於是皇緩爲右師皇非我爲大司馬皇懷爲司徒靈不緩爲左師樂茂爲司城樂朱鉏爲大司寇六卿三族降聽政據彼二文則向爲人爲大司寇亦是卿也若五人皆告爲卿則書向爲人亦當書之何以獨書魚石杜言獨以魚石告正爲向爲人不書故也或少司寇二宰等六卿之外亦是卿官合書名氏猶如魯之三卿外別有公孫嬰齊臧孫許但非如六卿等世掌國政也

華元使向
戌爲左師老佐爲司馬樂裔爲司寇以靖

國人

老佐戴公五世孫

晉三卻害伯宗譖而殺之及

藥弗忌

藥弗忌晉賢大夫

伯州犁奔楚

伯宗子

韓獻子

曰卻氏其不免乎善人天地之紀也而驟

絕之不亡何待

既殺伯宗又及弗忌故曰驟也爲十七年晉殺三卻傳

初伯

宗每朝其妻必戒之曰盜憎主人民惡其

上子好直言必及於難

傳見雖婦人

十月會

吳于鍾離始通吳也

始與中國接

許靈公畏偪

于鄭請遷于楚辛丑楚公子申遷許于葉

經十有六年春王正月雨木冰

無傳記寒過節水封著樹

疏

正月雨木冰 正義曰正月今之仲冬時猶有雨木是盛寒雨下即著樹為冰記寒甚之過其節度公羊

穀梁皆云雨而木冰是冰封著樹也今世時有之皆寒甚所致也

夏四月辛未滕子

卒

不書名未同盟

鄭公子喜帥師侵宋

喜穆公子子罕也

六

月丙寅朔日有食之

無傳

晉侯使欒黶來乞

師

將伐鄭欒黶欒書子

注

欒黶欒書子之八屬高為公族大夫此時欒書尚

正義曰十八年悼公

在歷未為卿而得名列經者事二十九年鄭公孫段未為卿而見經杜云蓋以攝卿行然則此亦當以攝卿故書

甲午晦晉侯及欒子鄭伯戰于鄆陵楚子

鄭師敗績

楚師未大崩楚子傷目而還故曰

楚

注

師至敗績

正義曰此戰楚師未至於敗而楚子身傷故

書楚子敗績也泓之戰宋公傷股師亦敗故書師敗而

不書宋公敗也君將不言帥師以君重於師也陳以師

相敵死亡既多舉師為重故師敗君傷者唯書師敗而已

不復言君身敗也劉炫又云若君將被殺獲者復以殺獲

者為重既書師敗又書殺獲即韓之戰獲晉侯大棘之戰

獲華元雞父之戰

獲胡沈之君是也

楚殺其大夫公子側

側子反背

以敗師

故書名秋公會晉侯齊侯衛侯宋華元邾人

于沙隨

沙隨宋地梁國寧

不見公

諱者耻輕於執止

疏

注不及至執止

正義曰諸公被執者皆諱不書執

此會晉侯不肯見公不諱之者公為國內有故不及

正義曰諸公被執者皆諱不書執

此會晉侯不肯見公不諱之者公為國內有故不及

正義曰諸公被執者皆諱不書執

戰期雖不見公非公之罪是為耻輕於執止故直書之以示諫公之意冀公改過無後犯及歸書公至自會以無罪不諱故依法告廟也公至自會無傳公會尹子晉侯齊國

佐邾人伐鄭

尹子王卿上子爵

曹伯歸自京師

為晉

侯所赦故書歸諸侯歸國或書名或不書名或言歸自某或言自某歸傳無義例從告辭

九月晉人

執季孫行父舍之于茗丘

茗丘晉地舍之茗丘明不以歸不稱行人

非使人

疏

注若丘至使人

正義曰昭十三年晉人執季孫意知以歸此言舍之茗丘明其不以歸也大

夫因使被執無罪者則重行人以見無罪於時行父從公伐鄭在軍見執雖與無罪不稱行人以其非使人故也季孫意知得釋而歸意知至自晉此行父得釋不書至者釋例曰賈氏以為晉執行父舍于茗丘言失其所不書至

者刺晉聽障之示已無罪也魯傳四之若丘以別晉都
無義例也公待于鄆與行父俱歸厭於公尊故不書行父
至耳若欲示無罪則宜於執見義今既直書其執處絕不
書至乃所以示終於是執非示無罪也穀梁以行父至不
致者爲公立故
與杜義合也 冬十月乙亥叔孫僑如出奔齊

公未歸命 國人逐之 十有二月乙丑季孫行父及晉郤

犇盟于扈 晉許魯平故盟 公至自會 無傳伐而以會致史異文 乙

酉刺公子偃 魯殺大夫皆言刺義取於周禮三刺之法

傳十六年春楚子自武城使公子成以汝

陰之田求成于鄭 汝水之南近鄭地 鄭叛晉子駟從

楚子盟于武城

為晉伐鄭起

夏四月滕文公卒

鄭子罕伐宋

勝宋之與國鄭因勝有喪而伐宋故傳舉勝侯卒侵伐經傳異文經從告傳言

實他皆放此

宋將鉏樂懼敗諸洧陂

敗鄭師也樂懼戴公六世孫將鉏樂

氏族

疏

注樂懼至氏族本有文也將鉏為樂氏之族不知所出杜謬於樂

正義曰樂懼是戴公六世孫世

氏之下樂鉏將鉏為一人傳無樂鉏之文不知其故何也

退舍於夫渠不做

宋師不做

備鄭人覆之敗諸洧陵獲將鉏樂懼宋恃

勝也

洧陂夫渠洧陵皆宋地

衛侯伐鄭至于鳴鴈為晉故

也

鳴鴈在陳留雍丘縣西北

晉侯將伐鄭范文子曰若逞

吾願諸侯皆叛晉可以逞

逞快也晉厲公無道三卻驕故欲使諸侯

叛冀其懼而思德

若唯鄭叛晉國之憂可立俟也藥

武子曰不可以當吾世而失諸侯必伐鄭

乃與師藥書將中軍士變佐之

代荀庚

疏

藥書

至變佐之

正義曰晉語云郟陵之役晉伐鄭荆救之藥

武子將上軍范文子將下軍與此異者彼孔晃注云上下

中軍之上下也傳曰藥書將中軍士變佐之又曰藥范以

其族夾公行引此為正是彼謂分中軍為二將將上而佐

將卻錡將上軍

代士

荀偃佐之

代卻錡

韓

荀庚子

厥將下軍卻至佐新軍荀罃居守

荀罃下軍佐於

是卻犇代趙旂將新軍新上下軍罷矣

疏

注荀犇至罷矣正義曰十三年傳云韓厥將下軍荀犇佐之

又此年末傳云知武子佐下軍卻犇將新軍是其文也三年作六軍其新三軍將佐六人皆賞犇之功死亡不復補至此唯有韓厥在耳卻至佐新軍不言中下是新軍唯一知新上下軍於是罷矣

卻犇如衛

遂如齊皆乞師焉藥廐來乞師孟獻子曰

有勝矣

卑諺有禮故知其將勝楚

戊寅晉師起鄭人聞有

晉師使告于楚姚句耳與往

句耳鄭大夫與往非使也為先歸張

本楚子救鄭司馬將中軍

子反

令尹將左

子重

右尹子辛將右

公子壬夫

過申子反入見申叔

時

叔時老
在申

曰師其何如對曰德刑詳義禮信

戰之器也

器
用也

德以施惠刑以正邪詳以事

神義以建利禮以順時信以守物民生厚

而德正

財足則
思無邪

用利而事節

動不失利
事得其節

時

順而物成

羣生
得所

上下和睦周旋不逆

動順
理

求無不具

下應
上

各知其極

無二
心

故詩曰立

我烝民莫匪爾極

烝衆也極中也詩頌言先
王立其衆民無不得中正

是

以神降之福時無災害民生敦厯和同以

聽

聽大也

莫不盡力以從上命致死以補

其闕

闕戰死者

此戰之所由克也今楚內奔其

民

不施惠

而外絕其好

義不建利

瀆齊盟

不詳事神

而

食話言

信不守物

奸時以動

禮不順時周四月今三月妨農業

而疲

民以逞

刑不正邪而苟快意

民不知信進退罪也人恤

所底其誰致死

底至也

子其勉之吾不復見

子矣

言其必敗不反

疏

對曰至子矣正義曰叔時此對首尾相成先舉六名云戰之器也言有

此六事乃可以戰若器用然也自德以施惠至信以守物辨六事施用之處也自民生厚至所由克言能用六事得

戰勝之意也自今楚內棄其民至疲民以逞言楚不行六
事也民不知信以下言楚必敗之意也德者得也自得於
心美行之大名有大德者以德撫人是德用之以施恩惠
也有姦邪者斷以刑罰是刑用之以正邪辟也詳則祥也
古字同耳釋詁云祥善也李巡曰祥福之善也事神得福
乃名爲祥是祥用之以事神也義者宜也物皆得宜利乃
生焉故義所以生立利益也禮者履也其所踐履常適時
要故禮所以順時事也言而無信物將散矣故信所以守
羣物也人君用此道以撫下民民之生計豐厚財用足則
民之德皆正矣德謂人之性行論語云民德歸厚矣即是
正也此一句覆上德以施惠由上施恩惠故民生計豐厚
也財用有利益而每事得節飢則有食寒則有衣其事皆
得節矣此一句覆上義以建利也政不擾民時節皆順春
種夏耨而物得成矣此一句覆上禮以順時也自上及下
和睦而相親周旋運轉不有違逆上之所求下無不具下
民自知其中無復二心故詩美先王成立我之衆民無不

於女先王得其中正言先王善養下民使得中也自上下
和睦以下至莫匪爾極摠論在上德義禮三事以教於下
則在下之人皆無邪惡以信自守即包上刑以正邪信以
守物二句也聖王先成於民而後致力於神民既如此是
以明神下之福祐時無水旱災害此覆上詳以享神之故
下民生計皆豐厚而多大人皆和同其心以聽進止無不
盡己之力以從上命戰陳之上有被殺傷者皆致其死命
以補其空闕之處此戰之所由得而勝也今楚內棄其國
內之民不行施惠是無德也外絕其鄰國之好不得其利
是無義也與晉結盟而復背之責責齊同之盟是無詳也
與人要言人背其語食消善言是無信也夏之二月農事
正煩奸犯時節而動兵伐人是無禮也晉人無罪苟欲伐
之疲勞下民以快己欲是無刑也六事皆無是無器也無
器而戰其可勝乎上若有信民知所適二既無信不知所
從從前言則違後令從後令則背前言人既不知在二之
信其進與退皆得罪也人人憂其討五不知己之性命將

至何處其誰肯就死而戰也子其勉力爲之此行也必敗
吾不復得見子矣知其必死與之兵訣也 注 烝衆三

正 正義曰 烝衆釋詰文極中常訓也詩頌思文之篇美

后覆之德周諺云育我先王世后覆故杜以先王言之言

先王后覆立其寡人無不得其中正也當堯之末洪水滔

天人不粒食皆失其正性后覆撥人耕稼以養之各復本

性故無不得中正也 注 勢厚厖大也 正義曰 皆釋詰

文也言人之生若財物足皆豐厚而多大管子曰倉廩

實而知禮節衣食足而知榮辱諱生於有餘爭生於不足

是其人生厚大則心和而聽上命也 注 禮不至農業

正義曰 沈氏云晉亦奸時所以無天殃者以鄭既有罪晉

人討之楚黨有罪之鄭故獨謂之奸時 注 刑不至快意

正義曰 魯語曰大刑用甲兵其次用斧鉞故大者陳之原

野小者致之市朝則征伐之刑刑之大者刑不正邪而苟

快意正謂伐晉是也此六句言楚無上六事隨便而言故

與上不次服虔以外絕其好爲刑不正邪也食話言爲義

不建利也疲民以逞爲信不守物也杜以食話言是之
不信也快意征伐是刑之失所也故不從舊說注底至
也正義曰底聲近至故爲至也在上之信不著於人
令無常動靖恣意或乍東乍西或欲遲欲速每事如此不
可測量人不知信進退獲罪人人各憂其身不知性命所至誰肯致死戰也姚句耳先歸

子駟問焉對曰其行速過險而不整速則

失志

不思慮也

不整喪列志失列喪將何以戰

楚懼不可用也五月晉師濟河聞楚師將

至范文子欲反曰我僞逃楚可以紓憂

紓緩也

夫合諸侯非吾所能也以遺能者我若羣

臣輯睦以事君多矣武子曰不可六月晉

楚遇於鄢陵范文子不欲戰卻至曰韓之

戰惠公不振旅

衆散敗也在僖十五年

箕之役先軫不

反命

死於狄也在僖三十三年

邲之師荀伯不復從

荀林父奔走不

復故道在宣十二年

皆晉之耻也子亦見先君之事矣

見先君成敗之事

今我辟楚又益耻也文子曰吾先

君之亟戰也有故

亟數也

秦狄齊楚皆彊不

盡力子孫將弱今三彊服矣

齊秦狄

敵楚而

已唯聖人能外內無患自非聖人外寧必

有內憂

驕亢則憂患生也

孟釋楚以爲外懼乎甲

午晦楚晨壓晉軍而陳

壓箠其未備

軍吏患之

范匄趨進

匄子

曰塞井夷竈陳於軍中而

䟽行首

䟽行首者當陳前決開營壘爲戰道

晉楚唯天所授何患

焉文子執戈逐之曰國之存亡天也童子

何知焉欒書曰楚師輕窵固壘而待之三

日必退退而擊之必獲勝焉郤至曰楚有

六間不可失也其二卿相惡

子重子反

王卒以舊

罷老不代

鄭陳而不整

不整列

蠻軍而不陳

蠻夷從楚者不

結

陳不違晦

晦月終陰之盡故兵家以爲忌

疏

注晦月至爲忌正義曰日爲陽精

月爲陰精兵尚殺害陰之道也行兵貴月盛之時晦是月終陰之盡也故兵家以晦爲忌不用晦日陳兵也昭二十三年七月戊辰晦吳敗楚師于雞父吳犯兵忌而戰勝者杜云違兵忌晦戰擊楚所不意彼知楚有可敗之機晦是兵家所忌原楚之情必以吳爲不

動故以晦日掩之擊楚不備故也

在陳而頤

頤喧唯也

合

底

舊不必良以犯天忌我必克之楚子登

而加頤

陳合宜靜而益有聲

各顧其後莫有鬪心

人所

巢車以望晉軍

巢車車上為櫓

疏

注巢車車上為櫓正義曰說文云輶兵高車加巢

以望敵也櫓澤中守草樓也是巢與櫓俱是樓之別名

子重使大宰伯州犂侍

于王後

州犂晉伯宗子前年奔楚

王曰騁而左右何也

騁走也

曰

召軍吏也皆聚於中軍矣曰合謀也張幕矣

曰虔卜於先君也

虔敬也

徹幕矣曰將發命也

甚踴且塵上矣曰將塞井夷竈而為行也

夷平

也皆乘矣左右執兵而下矣曰聽誓也

左將帥右車右

疏

注左將帥右車右正義曰兵車唯元帥在中御者在左也其餘將帥皆御者在中將帥在左也左右

執兵而下唯御者持車不下耳

戰乎曰未可知也乘而左右皆下

矣曰戰禱也

禱請於鬼神

伯州犁以公卒告王

公晉侯

苗

賁皇在晉侯之側亦以王卒告

賁皇楚鬬椒子宣四年奔晉

皆

曰國士在且厚不可當也

晉侯左右皆以伯州犁在楚知晉之情且謂楚衆多故憚

合戰與苗

疏

注晉侯至意異正義曰服虔以此皆曰之文在賁皇意異州犁賁皇之下解云賁皇州犁皆言曰晉楚之士

皆在君側且陳厚不可當以爲州犁言晉疆賁皇言楚疆故云皆曰也若如服言賁皇旣言楚不可當何故復請分良以擊其

左右故杜不用其說晉侯左右皆爲此言以憚伯州犁耳

苗賁皇言於晉侯曰楚

之良在其中軍王族而已請分良以擊其左右

而三軍萃於王卒

萃集也

必大敗之公筮之

史曰吉其卦遇復



震下坤上復無變

䷗

注震下至無變

正義曰說卦震為雷坤為地復象曰雷在地中復服虔云復反也陰盛於上陽動於下以喻小人作亂於上聖人興道於下萬物復萌制度復理故曰復也其筮六爻無變者故言其所遇之卦而已

曰南國蹇

射其元王中厥目

此卜者辭也復陽長之卦陽氣起子商行推陰故曰南國蹇也南國

勢蹇則離受其咎離為諸侯又為目陽氣激南飛矢之象故曰射其元王中厥目

䷗

注此卜至厥目正

義曰此實筮也而言卜者卜筮通言耳此既不用周易而別為之辭蓋卜筮之書更有此類筮者據而言耳服虔以為陽氣觸地射出為射之象杜以陽氣激南為飛矢之象二者無所依馮各以意說得失終於無驗是非無以可明

今以杜言離為諸侯者案禮器云大明生於東君西酌犧象鄭公云象日出東方而西行也詩邶柏舟鄭箋云日君

象也說卦離為日故為諸侯 國蹙王傷不敗何待公從之其從

言而 有淖於前 淖泥也 乃皆左右相違於淖

戰 也 違辟 步毅御晉厲公欒鍼為右 步毅即 彭

名御楚共王潘黨為右石首御鄭成公唐

苟為右欒范以其族夾公行 二族強故 疏

注二族至左右 正義曰劉炫云族者屬也屬謂中軍以中軍夾公耳非謂宗族之兵今知非者杜云二族者順傳之文

無明言宗族之事劉誣杜 陷於淖欒書將載晉侯以為宗族妄規其過非也

鍼曰書退國有大任焉得專之

在君前故子名其父大任謂元

帥之

疏

國有至專之正義曰言國有元帥之大任何得專意廢之而為御也注在君至其父正義曰曲禮

曰父前子名君前臣名鄭玄六對至尊無大小皆相名以君至尊為在君前以子名其父

且侵官冒也

載公為侵官

失官慢也

去將而御失官也

離局姦也

遠其部曲為離局

有

三罪焉不可犯也乃撤公以出於淖

撤舉也

疏

注撤舉也正義曰說文云撤舉出也公在於淖知撤當訓為舉也

癸巳潘尫之黨與

養由基蹲甲而射之徹七札焉

黨潘尫之子蹲聚也一發

達七札言其能陷堅

疏

潘尫之黨正義曰潘尫之子其名為黨襄二十三年申鮮虞之傳擊辭與此同古人為

文略言耳

以示王曰君有二臣如此何憂於戰

子二

以射

王怒曰大辱國

賤其不尚知謀

詰朝爾射死藝

言女

以射自多必當以藝死也詰朝猶明朝是戰日

呂錡夢射月中之退入於

泥

呂錡魏錡

占之曰姬姓日也

周世姬姓尊

異姓月也

異姓卑

必楚王也射而中之退入於泥亦必死矣

錡自

入泥亦死象

及戰射共王中呂王召養由基與之兩

矢使射呂錡中項伏弋

弋衣

以一矢復命

言一

發而中

卻至三遇楚子之卒見楚子必下免

曹而趨風

疾如風

楚子使工尹襄問之以弓

問遺也

疏

注問遺也正義曰遺人以物謂之爲問問弦多以琴問子貢以弓論語云問人於他邦皆是

也曰方事之殷也

也

有韎韐之跗注君子

也

韎赤色跗注戎服若袴而屬於跗與袴連

疏

注韎赤至袴連鄭立詩注云韎茅蒐染也

正義曰

韎聲也韋昭云茅蒐今絳草也急疾呼茅蒐成韎也茅蒐即今之蒨也賈逵云一染曰韎釋器云一染謂之緇謂一

入赤爲淺赤色也跗注兵戎之服自要以下而注於脚跗謂屬袴於下與跗相連周禮司服凡兵事韋弁服鄭立去

韋弁以韎韐爲弁又以爲衣裳晉郤至衣韎韐之跗注是也鄭以跗當爲幅謂裁韋若布帛之幅相縫屬鄭言以爲

衣裳則衣裳不連聘禮君使卿韋弁歸饗餼鄭立去其服蓋韎布以爲衣而素裳鄭以彼非戎事當爲素裳明衣裳

蓋韎布以爲衣而素裳鄭以彼非戎事當爲素裳明衣裳

不連跣杜言連者謂要跣連耳若然在軍之服其色皆同所謂均服振振上下同色卻至與眾同服所以獨見識者

禮法雖有此服軍士未必盡然識見不穀而趨無卻至服必鮮華故楚王偏識之

乃傷乎

恐其傷

卻至見客免胄承命曰君之

外臣至從寡君之戎事以君之靈聞蒙甲

胄

閒猶近也

不敢拜命

介者不拜

疏

注介者不拜正義曰曲禮云介者不拜

為其拜而菱拜鄭玄云菱則失容節菱猶詐也慮其笮甲折

敢告不寧君命之

辱

以君辱賜命故不敢自安

疏

注以君至自安正義曰劉炫以為楚王云無乃傷乎恐其傷也答云敢

告不寧告其身不傷耳魏犢云不有寧也以傷為寧此與魏犢相似今知不然者案僖二十八年魏犢云以君之靈

不有寧也謂不有被傷以自寧也知不與彼同者以彼云
不有寧謂不有損傷此直云不寧既無有字又先無被傷
之狀與魏犢不同也案檢杜注敢告不寧君命之辱宜連
讀之若敢告不寧別自爲句則君命之辱一句零行無所
依附故知與彼不同劉君不尋此

意以爲與魏犢相似而規杜非也

者

言君辱命來問以有軍事不得
答故肅使者肅手至地若今擗

疏

注言君至今擗
正義曰周禮

大祝辨九拜九曰肅拜鄭司農云肅拜但俯下手今時擗
是也說文云擗舉手下手也其勢如今揖之小別晉宋儀
注貴人待賤人
賤人拜貴人擗

三肅使者而退晉韓厥從鄭

伯

從逐也

其御杜溷羅曰速從之其御屢顧不

在馬可及也韓厥曰不可以再辱國君乃

止

二年案戰韓厥已辱齊侯

郤至從鄭伯其右第翰胡曰

謀輅之余從之乘而俘以下

欲遣輕兵單進以距鄭伯車前而自

後登其車以執之

疏

注欲遣至執之

正義曰說文云謀軍中反間也兵書有反間之法謂詐為敵國之入入

其軍中伺候閒隙以反告已軍今謂之細作人也此欲令謀迎鄭伯則非一人細作於時鄭伯退走故杜以為輕兵單進遠鄭伯之前逆距鄭伯使鄭伯前視輕兵不復顧後得自後登其車以執之也鄭軍亂走輕兵獨出其間亦謀之類故翰胡得以此謀言之 郤至曰傷國君有刑亦止石首

曰衛懿公唯不去其旗是以敗於熒乃內

旌於弢中

熒戰在閔二年

疏

內旌於弢中

正義曰旌謂鄭伯所建之旗弢是盛旌之

囊也周禮全羽爲旒析羽爲旌謂空建鳥羽者也但九旗竿首皆有析羽故旌爲之摠名故此傳鄭伯與子重所建皆以旌言之其鄭伯所建當是交龍之旗子重所建當是熊虎之旗周禮中秋教治兵辨旗物諸侯載旂軍吏載旗鄭玄云軍吏諸軍帥也凡旌旗有軍衆者畫異物無者帛而已子重爲將自然當建熊虎之旗

唐苟

謂石首曰子在君側敗者壹大我不如子

子以君免我請止乃死

敗者壹大謂軍大崩也言石首亦君之親臣而執御

與車右不同故首當御君以退己當死戰

楚師薄於險

薄迫也

叔山冉

謂養由基曰雖君有命爲國故子必射

有王

死藝

乃射再發盡殪叔山冉搏人以投中

車折軾晉師乃止

言二子皆有過人之能

囚楚公子筏

為卻至見諸張本

疏

囚楚公子筏正義曰晉語謂之王子發鉤蓋一名一字也

藥鍼見

子重之旌請曰楚人謂夫旌子重之麾也

彼其子重也日臣之使於楚也子重問晉

國之勇臣對曰好以衆整曰又何如

又問其餘臣

對曰好以暇

暇間暇

今兩國治戎行人不使

不可謂整臨事而食言不可謂暇

食好整請之言

攝飲焉

攝持也持飲往飲子重

公許之使行人執榼承

飲造于子重

承奉也

曰寡君之使使鍼御持

矛

御侍也

是以不得犒從者使某攝飲子重

曰夫子嘗與吾言於楚必是故也不亦識

乎

知其以往言好暇故致飲

受而飲之免使者而復鼓

免脫也

旦

而戰見星未已子反命軍吏察夷傷

夷亦傷也

疏

注夷亦傷正義曰服虔云金創為夷杜以戰用五金唯受無刃所言傷者皆刃傷也何須於此獨辨金

木故知夷亦傷也復言之耳

補卒乘

補死也

繕甲兵

繕治也

展車

馬

展陳也

雞鳴而食唯命是聽

復欲戰也

晉人患

之苗賁皇徇曰蒐乘補卒

蒐閱也

秣馬利兵

秣穀馬也

脩陳固列

固堅也

蓐食申禱

申重也

明日

復戰乃逸楚囚

逸縱也

王聞之召子反謀穀

陽腎獻飲於子反子反醉而不能見

穀陽子反內腎

疏

注穀陽子反內腎：正義曰鄭玄云腎未冠者之名故杜以為內腎也案呂氏春秋云荆共王與晉厲公戰

于鄢陵荆師敗共王傷臨戰司馬子反渴而求飲腎陽穀操酒而進之子反曰却酒也腎陽穀曰非酒也子反曰却酒也腎陽穀又曰非酒也子反受而飲之子反之為人嗜酒甘而不能絕於口醉戰既罷共王欲復戰而謀使召司馬子反子反辭以心疾共王駕往視之入幄中聞酒臭而還曰今日之戰不穀親傷所恃者司馬也而司馬又若

此不穀無與復戰矣於是遂罷師去之斬司馬子反以爲戮與此不同者傳依簡牘本紀彼采傳聞異辭所說既殊

其丈亦異王曰天敗楚也夫余不可以待乃宵

遁晉入楚軍三日穀食楚粟三日也范文子立於

戎馬之前曰君幼諸臣不佞佞才也何以及

此君其戒之戒勿驕周書曰惟命不于常有

德之謂周書康誥言勝無常命惟德是與**疏**注周書至是與正義曰周公稱成王之命告

康叔以此言也唯上天之命不常於一人也言善則得之惡則失之唯有德者於是與之楚師還及

瑕瑕楚地王使謂子反曰先大夫之覆師徒

者君不在

謂子玉敗城濮時王不在軍

子無以為過不穀

之罪也子反再拜稽首曰君賜臣死死且

不朽

王引過亦所以責子反

臣之卒實奔臣之罪也子

重使謂子反曰初隕師徒者而亦聞之矣

盍圖之

聞子玉自殺終二卿相惡

對曰雖微先大夫有之

大夫命側側敢不義

言以義命已不敢不受

疏

雖微至不義正義

曰微無也縱使雖無先大夫有此舊事今大夫將義命已敢不以爲之義乎

側亡君師敢

忘其死王使止之弗及而卒戰之日齊國佐

高無咎至于師

無咎高固子

衛侯出于衛公出

于壞隤

壞隤魯邑齊衛皆後非獨魯明晉以僞如故不見公

疏

衛侯至壞隤正義曰出于

衛者已出衛竟也公出于壞隤始從壞隤而出猶未出魯竟下云公待於壞隤設守而後行是出國止於壞隤更從

壞隤而出

宣伯通於穆姜

穆姜成公母

欲去季孟而取

其室

季文子孟獻子

將行穆姜送公而使逐二子

公以晉難告

會晉伐鄭

曰請反而聽命姜怒公

子偃公子鉏趨過

二子公庶弟

疏

注二子公庶弟正義曰沈氏云以

刺公子偃不云弟故也

指之曰女不可是皆君也

言欲廢公更立

君公待於壞隤申宮倣備申勅設守而後

行是以後後晉楚戰期使孟獻子守于公宮秋

會于沙隨謀伐鄭也鄭猶未服宣伯使告郤犇曰

魯侯待于壞隤以待勝者觀晉楚之勝負郤犇將新

軍且為公族大夫以主東諸侯主齊魯之蜀取

貨于宣伯而訴公于晉侯訴譖也晉侯不見

公曹人請于晉曰自我先君宣公即世在

三國入曰若之何憂猶未弭弭息也既葬國人皆將從子臧

所謂憂未息

而又討我寡君

前年晉侯執曹伯

以亡曹國社稷

之鎮公子

謂子臧逃奔宋

是大泯曹也

泯滅也

先君無乃

有罪乎

言人君無罪而見討得無以先君故

若有罪則君列諸

會矣

諸侯雖有篡弑之罪侯伯已與之會則不復討前年會于戚曹伯在列盟畢乃執之故曹人以爲無

罪

疏

注諸侯至無罪春秋之世王政不行若篡弑而立則侯伯既列於

正義曰諸侯廢立當由天子但

會便是已成爲君臣人不得殺之鄰國不得復討往年爲戚之會主爲討曹但晉侯既列於會盟畢乃始執之故曹人以爲無罪也宣元年會于平州以定公位齊非侯伯而得公位定者縱非侯伯乃是疆鄰既得與會即爲黨援晉若討魯齊必救之於是晉國竟不伐魯是由會齊而公位遂定也
君唯不遺德刑

遺失也 以伯諸侯豈獨遺諸敝邑敢私布之

為曹伯歸不以名告傳

疏

注為曹至告傳

正義曰諸侯被執及

侯尊貴不斥其名曲禮曰諸侯不生名諸侯失地名滅同姓名是諸侯稱名者是罪責之事彼告者亦量其事之善否惡之則以名告故釋例曰蔡侯般弑父自立楚子欲顯行刑誅以章伯業誘而殺之蔡人深怨故稱名以告春秋從而書之是告者謂其有罪則稱名以告謂其無罪則告不以名此曹人訴君無罪晉侯從而釋之言其無罪而歸故晉人不以名告下云晉侯謂子臧反吾歸而君是晉人告其歸也此傳說曹伯無罪是為經不以名告之傳也

七月公會尹武公及諸侯伐鄭將行姜又

命公如初

復欲使公逐季孟

公又申守而行諸侯之

師次于鄭西我師次于督揚不敢過鄭

督揚

鄭東子叔聲伯使叔孫豹請逆于晉師

豹叔孫喬如弟也喬如

注豹叔至齊齊

正義曰此

於是遂作亂豹因奔齊

齊昭四年傳稱穆子去叔孫氏及庚宗遇婦人使私為食

而宿焉後生豎牛適齊娶於國氏生孟丙仲壬乃云宣伯

奔齊穆子饋之則似豹在齊多年僑如始往故服虔以為

叔孫豹先在齊矣此時從國佐在師聲伯令人就齊師使

豹豹不忘宗國聞白國佐為魯請逆杜不然者若豹以前

在齊則非復魯臣聲伯正可因之以請不得云聲伯使豹

聲伯安得專使背叛之臣也又聲伯豈無魯人可使而崎

嶇艱險遠使他國之人乎今傳言聲伯使豹明在魯軍得

為聲伯使耳下云聲伯食使者而後食不言食豹而言食

使者明豹因請逆遂即不還逆者豹之介耳於時魯師在

鄭從鄭向齊塗出於魯豹必過魯乃去故得宿於庚宗彼傳因言宿於庚宗遂議娶於國氏生二子耳二子之生必在僑如奔後豹之還魯雖無歸年而襄二年始見於經豈牛已能奉雉故杜以為此年去彼年歸故下注云傳因言其終為食於鄭郊師逆以至聲伯戒叔孫以必須所逆晉師至乃食聲

伯四日不食以待之食使者使者豹之介而後食

言其忠也諸侯遷于制田熒陽宛陵縣東有制澤知武子佐

下軍武子荀榮以諸侯之師侵陳至于鳴鹿陳國

武平縣西南有鹿邑遂侵蔡未反侵陳蔡不書公不與諸侯遷于潁

上戊午鄭子罕宵軍之宋齊衛皆失軍

將主與軍相失
宋衛不書後也

疏

注將主至後也正義曰服虔以失軍

罕宵軍之則軍諸侯之營不軍其輜重安得為失軍糧也
故杜以為將主與軍相失謂夜裏進散相失耳此諸侯即
伐鄭之諸侯也經書公會尹子晉侯齊國佐邾人伐鄭不
書宋衛傳言宋衛皆失軍則宋衛在矣在而不書後至故
也曹人復請于晉晉侯謂子臧反吾歸而

君

以曹人重
子臧故

子臧反曹伯歸

子臧自
宋還

子臧盡致

其邑與卿而不出

仕不出

宣伯使告卻棼曰

魯之有季孟猶晉之有欒范也政令於是

乎成今其謀曰晉政多門不可從也

政不寧
由君

事齊楚有亡而已蔑從晉矣

蔑無也

若欲得

志於魯請止行父而殺之

行父季文子也

我斃蔑也

蔑孟獻子時留守公宮

而事晉蔑有貳矣魯不貳小

國必睦不然歸必叛矣九月晉人執季文

子于茗丘公還待于鄆

鄆魯西邑東郡廩丘縣東有鄆城

使

子叔聲伯請季孫于晉卻曄曰苟去仲孫

蔑而止季孫行父吾與子國親於公室

親魯

甚於晉公室

對曰僑如之情子必聞之矣

聞其淫惡情

若

去蔑與行父是大弃魯國而罪寡君也若
猶不弃而惠徼周公之福使寡君得事晉
君則夫二人者魯國社稷之臣也若朝亡

之魯必夕亡以魯之密邇仇讎

仇讎謂齊楚

疏

若朝至夕亡

正義曰朝亡之謂朝失蔑與行父也魯必夕亡謂亡屬他國也下云亡而爲讎是欲棄晉而屬齊楚

亡而爲讎治之何及

言魯屬齊楚則還爲晉讎

卻棼曰吾

爲子請邑對曰嬰齊魯之常隸也

隸賤官

敢

介大國以求厚焉

介因也

承寡君之命以請

承奉也

若得所請吾子之賜多矣又何求范

文子謂欒武子曰季孫於魯相二君矣

二君

宣成

妾不衣帛馬不食粟可不謂忠乎信讓

慝而弃忠良若諸侯何子叔嬰齊奉君命

無私

不受卻
驛請邑

謀國家不貳

謂四日不食
以堅事晉

圖其

身不忘其君

辭邑不食皆
先君而後身

若虛其請是弃善

人也子其圖之乃許魯平赦季孫冬十月

出叔孫僑如而盟之僑如奔齊

諸大夫共盟
以僑如爲戒

十二月季孫及郤犢盟于扈歸刺公子偃

偃與鉏俱為姜所指而獨殺偃偃與謀召叔孫豹于齊而立之此近

七月聲伯使豹請逆於晉問魯人將討僑如豹乃辟其難先奔齊生二子而魯乃召之故襄二年豹始見經傳於此

因言其終齊聲孟子通僑如聲孟子齊靈公母宋女使立於

高國之間位比二卿僑如曰不可以再罪奔衛

亦間於卿傳亦終言僑如之佞晉侯使郤至獻楚捷

于周與單襄公語驟稱其伐伐功也䟽晉侯至其

伐正義曰周語稱郤至見召桓公與之語召桓公以告單襄公非郤至自與襄公語也襄公論郤至將死荅召桓

公語耳非語諸大夫也其文與此小異其意與此大同周語詳而此傳略先賢或以爲國語非丘明所作爲其或有與傳不同故也驟稱其伐謂數數自伐其功周語說卻至自伐之言多矣其辭不可具載

單子語

諸大夫曰溫季其亡乎

溫季

疏

溫季其亡乎

正義曰周語單

襄公荅召桓公云人有言曰兵在頸者其卻至之謂乎位即具論卻至之失乃曰以吾觀之兵在其頸不可久也

於七人之下

佐新軍位在八

疏

位於七人之下此時欒書將中軍士燮佐

正義曰

之卻錡將上軍荀偃佐之韓厥將下軍荀瑩佐之卻擘將新軍卻至佐之是位在七人之下

而求掩

其上

稱己之伐掩上功

疏

注稱己至上功卻至自稱己有大功欲求晉國之

正義曰周語曰

政召桓公謂之曰吾子則賢矣晉國之舉不失其次吾懼政之未及子也至謂召桓公曰何次之有先大夫荀伯下

軍之佐以爲政趙宣子未有軍行而以爲政今欒伯自下
軍往是三子也吾又過之無不及也若佐新軍而以之爲
政不亦可乎將必怨之所聚亂之本也多怨而
求之是掩上功

階亂何以在位

怨爲亂階

夏書曰怨豈在明不

見是圖

逸書也不見細微也

將愼其細也今而明之其

可乎

言卻至顯稱己功所以明怨咎

疏

夏書至可乎五子之歌第一章也其爲人

正義曰夏書

所怨者豈必在明白之處乎其於人所不見當於是圖謀
之此書之言將謂愼其細小之事者也今乃明明言之道
己欲掩其上此事甚明其可乎言
必不可也杜不見古文故云逸書

經十有七年春衛北宮括帥師侵鄭

括成公會

孫夏公會尹子單子晉侯齊侯宋公衛侯

曹伯邾人伐鄭

晉未能服鄭故假天子威周使二卿會之晉爲兵主而猶先尹單尊

王命也單伯稱子蓋降爵

六月乙酉同盟于柯陵

柯陵鄭地秋

公至自會

無傳

齊高無咎出奔莒九月辛丑

用郊

無傳九月郊祭非禮明矣書用郊從史文

疏

九月至史文正義曰傳例啓蟄而郊今九月

郊祀是非禮明矣公羊傳曰用者何用者不宜用也九月非所用郊也穀梁傳曰夏之始可以承春以秋之末承春之始蓋不可矣九月用郊用者不宜用也賈逵以二傳爲說諸書用者不宜用也釋例曰辛丑用郊文異而立明不發傳因時史之辭非聖賢意也劉賈以爲諸言用皆不宜用反於禮者也施之用郊似若有義至於用幣用節子諸

若此比皆當須書用以別所用者也若不言用則事敘不明所謂辭窮非聖人故造此用以示義也且諸過祀三望之類奚獨皆不書用邪案左氏傳用幣于社傳曰得禮非有用牙於齊師孔子以為義無不宜用之例也丘明云我師豈欺我哉

晉侯使荀瑩來乞師無傳將冬公會單

子晉侯宋公衛侯曹伯齊人邾人伐鄭鄭

未服十有一月公至自伐鄭無傳壬申公孫

嬰齊卒于貍脰十一月無壬申疏注十一至脰關

推十一月丁亥朔六日壬辰十六日壬寅二十六日壬子十日丙申二十二日戊申不知壬申二字何者為誤長歷云公羊穀梁傳及諸儒皆以為十月十五日也十月庚午國鄭十三日也推至壬申誠在十五日然據傳曰十一月

諸侯還自鄭壬申至于狸服而卒此非十月分明誤在日也又杜於土地之篇凡有地名二十六所不知所在之國狸服即是其一不知是何國之地故直云闕也杜又稱舊說曰壬申十月十五日狸服魯地也傳曰十月庚午圍鄭則二日未得及魯竟也釋例又曰魯大夫卒其竟內則不書地傳稱季平子行東野卒于房是也以此益明狸服非魯地矣以下有十二月丁巳朔逆而推之故諸舊說皆以壬申爲十月十五日也公羊穀梁傳以爲待公至然後卒大夫故十月之日書在十一月之下於左傳則不通故杜以爲日誤

十有二月丁巳朔

日有食之

無傳

邾子貜且卒

無傳五同盟

䟽

注五同盟正

義曰貜且以文十四年即位宣十七年盟于斷道成二年于蜀五年于蟲牢七年于馬陵九年于蒲十五年于戚此年于柯陵凡七同盟而云五者沈以杜數同盟之例但有君盟者不數大夫之盟此二年盟蜀十七年盟柯陵皆邾

之大夫故不數之劉炫井
數二盟而規其過非也

晉殺其大夫卻錡卻犛

卻至楚人滅舒庸

傳十七年春王正月鄭子駟侵晉虛滑

虛滑晉二邑滑

故滑國爲秦所滅
時屬晉後屬周

疏

注虛滑至屬周正義曰僖三十三年秦人滅滑經書入則是滅而

不有不知滅後屬何國也此言侵晉知此時屬晉耳襄十八年傳楚公子格侵費滑胥靡注云胥靡鄭邑不言費滑杜意當以費滑爲周邑也然則若是周邑當言侵周以別之定六年傳稱鄭伐周馮滑胥靡爾時胥靡亦爲周邑蓋費滑胥靡周鄭之間襄時屬鄭定時屬周衛北宮括救晉侵鄭至于

高氏

不書救以侵告高氏在陽翟縣西南

夏五月鄭大子髡頑

侯孺爲質於楚

侯孺鄭大夫

楚公子成公子寅

成鄭公會尹武公單襄公及諸侯伐鄭自

戲童至于曲洧

今新汲縣治曲洧城臨洧水

疏

注洧水正義曰釋例云

洧水出滎陽密縣西北陽城山東南至潁川長平縣入潁

晉范文子反自鄆陵

前年鄆陵戰還

使其祝宗析死

祝宗主祭祀析禱者

曰君驕侈而

克敵是天益其疾也難將作矣愛我者唯

祝我使我速死無及於難范氏之福也六

月戊辰士燮卒

傳言厲公無道故賢臣憂懼因禱自裁

疏

注傳言至自裁

正義曰劉炫以爲士變及一昭子之卒適與死會非自殺今知非者以傳云使祝宗祈死又云祝我使我速死無及於難是其欲死之意叔孫昭子心懷憂懼亦與此同身皆並卒故知自裁若其二人之死適與死會春秋之內唯有兩人願死何得身死皆與相當故杜斟酌傳文以爲自殺劉以爲偶然而死以規杜失非也何休膏肓以爲人生有三命有壽命以保度有隨命以督行有遭命以擯暴未聞死可祈也故杜以爲因禱自裁也傳記此事者欲見厲公無

道賢臣

乙酉同盟于柯陵尋戚之盟也

戚盟在十

憂懼

年五楚子重救鄭師于首止諸侯還

畏楚

齊

慶克通于聲孟子與婦人蒙衣乘輦而入

于閔

慶克慶封父蒙衣亦爲婦人服與婦人相冒閔巷門

疏

于閔正義曰釋宮云宮中術謂之

壹術門謂之閔孫炎曰術舍
閒道也李巡曰閔術頭門也
鮑牽見之以告國武

子

鮑牽鮑叔牙曾孫

武子召慶克而謂之慶克久不

出

慙卧於家夫

而告夫人曰國子謫我

謫譴責也

夫

人怒國子相靈公以會

會伐鄭

高鮑處守

高無咎鮑

牽

及還將至閉門而索客

蒐索備姦人

孟子訴

之曰高鮑將不納君而立公子角國子知

之

角頃公子

秋七月壬寅刖鮑牽而逐高無咎

無咎奔莒高弱以盧叛

弱無咎子盧高氏邑

齊人來

召鮑國而立之

國牽之弟文子

初鮑國去鮑氏而來

爲施孝叔臣施氏卜宰

立家宰

吉施

氏之宰有百室之邑與

以讓鮑國而致邑焉施孝叔曰子實吉對

曰能與忠良吉孰大焉鮑國相施氏忠故

齊人取以爲鮑氏後仲尼曰鮑莊子之知

不如葵葵猶能衛其足

葵傾葉向日以蔽其根言鮑牽居亂不能危行

言孫冬諸侯伐鄭

前夏未得志故

十月庚午圍鄭楚公

子申救鄭師于汝上十一月諸侯還

不書圍畏楚救

不成圍

疏

汝上正義曰釋例云汝水出南陽魯縣大蓋山東北至河南梁縣東南經襄城潁川汝

而還南至汝陰襄

初聲伯夢涉汭

汭水出汲郡林慮縣東北至魏郡長

信縣入淮

或與己瓊瑰食之

瓊玉瑰珠也食珠玉含象

疏

注瓊玉至

清水

含象正義曰瓊是玉之美者廣雅云玫瑰珠也呂靖韻集云玫瑰火齊珠也含者或用玉或用珠故夢食珠玉為

含象也詩毛傳云瓊瑰石而次玉禮緯天子含用珠諸侯

用玉大夫用碧此聲伯得有瓊瑰者案周禮天子含用玉

則禮緯之文未可全依或可珠

泣而為瓊瑰盈其

懷

淚下化為珠玉滿其懷

從而歌之曰濟汭之水贈我以

瓊瑰歸乎歸乎瓊瑰盈吾懷乎

從就也夢中爲此歌

懼不敢占也還自鄭壬申至于狸脰而占

之曰余恐死故不敢占也今衆繁而從余

三年矣無傷也言之之莫而卒

繁猶多也傳戒數占夢

疏

今衆至傷也

正義曰聲伯之意以初得此夢謂凶在己懼不敢占今衆既繁多而從余三年余之此夢

凶災散在衆人不

在己也故云無傷齊侯使崔杼爲大夫使慶克

佐之帥師圍盧

討高弱

國佐從諸侯圍鄭以

難請而歸

請於諸侯

遂如盧師殺慶克以穀叛

疾克淫亂故殺之

齊侯與之盟于徐關而復之十二

月盧降使國勝告難于晉待命于清國勝

佐子使以高氏難告晉齊欲討國佐故留其子於外清陽平樂縣是為明年殺國佐傳



待命于清正

義曰欲遣國勝告難故令待進止之命在于清地非是使還待命

晉厲公侈多外

嬖

外嬖愛幸大夫

反自鄆陵欲盡去羣大夫而立

其左右

終如士變言

胥童以胥克之廢也怨卻氏

童胥克之子宣八年卻缺廢胥克

而嬖於厲公卻錡奪夷陽五

田五亦嬖於厲公卻犢與長魚矯爭田執

而格之

也格械

與其父母妻子同一轅

也

既矯亦嬖於厲公藥書怨卻至以其不從

己而敗楚師也欲廢之

鄧陵戰藥書欲固墨卻至言楚有六間以取勝也

使楚公子茷告公曰此戰也卻至實召寡

君

鄧陵戰晉四公子茷以歸

以東師之未至也

齊魯衛之師

與

軍帥之不具也曰此必敗

荀彘位下軍居守卻犂將新軍乞師故言

不具吾因奉孫周以事君

孫周晉襄公曾孫悼公君楚王也

疏

注孫周至悼公正義曰晉世家云悼公周者其先祖父捷晉襄公少子也不得立號為桓叔桓叔生惠伯談談生

悼公周是周為襄公曾孫也

公告欒書書曰其有焉不然

豈其死之不恤而受敵使乎

謂鄢陵戰時楚子問卻至以弓

君盍嘗使諸周而察之也

嘗試

卻至聘于周

欒書使孫周見之公使覘之信

覘伺也

遂怨

卻至厲公田與婦人先殺而飲酒後使大

夫殺

傳言厲公無道先婦人而後卿佐

卻至奉豕

進之於公

寺人孟

張奪之

寺人奄士

卻至射而殺之公曰季子欺

余

季子卻至公反以爲卻至奪孟張豕

厲公將作難胥童曰必

先三郤族大多怨去大族不偪

不偪公室

敵多

怨有庸

計多怨者易有功

公曰然郤氏聞之郤錡

欲攻公曰雖死君必危郤至曰人所以立

信知勇也信不叛君知不害民勇不作亂

失茲三者其誰與我死而多怨將安用之

言俱死無用多其怨咎

君實有臣而殺之其謂君何我

之有罪吾死後矣若殺不辜將失其民欲

安得乎

言不得安君位

待命而已受君之祿是以聚

黨有黨而爭命

爭死

罪孰大焉

傳言郤至無反心

壬午

胥童夷羊五帥甲八日將攻郤氏

八百人

長魚

矯請無用衆公使清沸魍助之

沸魍亦嬖人

抽

戈結衽

衽裳

而僞訟者

僞與清沸魍訟

三郤將謀

於榭

榭講武堂

疏

注榭講武堂講軍實焉是榭爲講武堂傳言將謀於

正義曰楚語云榭不過

榭似仍未至榭猶在塗也下云殺駒伯苦成叔於其位位所坐之處則已至榭矣三郤慮公殺已謀欲自安未及謀而已死故云將耳非謂未至榭也或可將謀於榭是未至榭故杜云位所坐處也謂當時隨便所坐之處故長魚矯得僞訟而殺之若已矯以戈殺駒伯苦成叔於至榭不應就榭僞訟

其位

位所坐處也駒伯卻錡苦成叔卻犂

溫季曰逃威也遂趨

至卻

本意欲棄君命而死今矯等不以君命而來故欲逃凶賊為害故曰威言可畏也或曰威當為藏

矯及

諸其車以戈殺之皆尸諸朝

陳其尸於朝

胥童

以甲劫藥書中行偃於朝矯曰不殺二子

憂必及君公曰一朝而尸三卿余不忍益

也對曰人將忍君

人謂書與偃

疏

一朝而尸三卿正義曰一朝謂一

旦也晉語說此事一旦而尸三卿不可益也

臣聞亂在外為姦在內

為軌御姦以德

德綏遠

御軌以刑

刑治近

不施

而殺不可謂德臣偏而不討不可謂刑德

刑不立茲執並至臣請行遂出奔狄行去也

公使辭於二子辭謝書與偃曰寡人有討於卻氏

卻氏既伏其辜矣大夫無辱其復職位胥童

劫而執之故云辱皆再拜稽首曰君討有罪而免臣

於死君之惠也二臣雖死敢忘君德乃皆

歸公使胥童爲卿公遊于匠麗氏匠麗嬖大夫家

藥書中行偃遂執公焉召士甸士甸辭辭不

往召韓厥韓厥辭曰昔吾畜於趙氏孟姬

之讒吾能違兵

畜養也違去也韓厥少為趙盾所待養及孟姬之亂晉將討趙氏而

厥去其兵示不與黨言此者明已無所偏助孟姬亂在八年

古人有言曰殺老

牛莫之敢尸而況君乎二三子不能事君

焉用厥也

尸主也

舒庸人以楚師之敗也

敗於

鄢陵舒庸東夷國

道吳人圍巢伐駕圍釐虺

巢駕釐虺楚四

邑遂恃吳而不設備楚公子橐師襲舒

庸滅之閏月乙卯晦橐書中行偃殺胥童

以其劫
已故

民不與郤氏胥童道君為亂故皆

書曰晉殺其大夫

厲公以私欲殺三郤而三郤死
不以無罪書書偃以家怨害胥

童而胥童受國討文明郤氏
失民胥童道亂宜其為國戮

疏

注厲公至國戮正義
曰厲公以私欲殺三郤

則三郤無罪經應直云晉殺其大夫不應稱名也又胥童
為樂書中行偃所殺乃直是兩下相殺今經書二者並為
國討之文故傳解之言民不與郤氏郤氏有罪也胥童道
君為亂胥童有罪也故皆書曰晉殺其大夫以二者據其
死狀皆非國討故傳正其二者之罪解其並為國討之意
劉炫云杜言三郤不以無罪書正謂不書盜書盜即無罪
也胥童之死本非國家所殺故特言胥童受國討文其實
傳意并論郤氏受國討故云皆書曰晉殺其大夫也杜又
云郤氏失民胥童道亂乃摠釋
傳並言二者皆為國討之意也

經十有八年春王正月晉殺其大夫胥童

傳在前年經
在今春從告

庚申晉弑其君州蒲

不稱臣
君無道

齊

殺其大夫國佐

國武子

公如晉夏楚子鄭伯

伐宋宋魚石復入于彭城

傳例曰以惡入也彭
城宋邑今彭城縣

公至自晉晉侯使士勾來聘秋杞伯來朝

八月邾子來朝築鹿囿

築牆為
鹿苑

己丑公薨

于路寢冬楚人鄭人侵宋

子重先遣輕軍侵宋
故稱人而不言伐

晉侯使士魴來乞師十有二月仲孫蔑會

晉侯宋公衛侯邾子齊崔杼同盟于虛打

虛打地闕丁未葬我君成公

傳十八年春王正月庚申晉欒書中行偃

使程滑弑厲公程滑晉大夫葬之于翼東門之外

以車一乘言不以君禮葬諸侯葬車七乘**疏**注言不至七乘正義曰周禮大行人上公貳

車九乘侯伯七乘子男五乘謂生時副貳之車也其送葬亦當如之今唯一乘是不以君禮葬也以晉是侯爵故指言侯禮七乘耳諸侯各依命數不是皆七乘也襄二十五年傳齊人葬莊公下車七乘杜以特言七乘明七非舊制故彼注云齊舊依上公禮九乘以齊嘗為侯使荀偃士伯因而用九九非侯之正法故此以正言之使荀偃士

魴逆周子于京師而立之

悼公

生十四年矣

大夫逆于清原周子曰孤始願不及此雖

及此豈非天乎

言有命

抑人之求君使出命

也立而不從將安用君二三子用我今日

否亦今日共而從君神之所福也

傳言其少

能自

對曰羣臣之願也敢不唯命是聽庚

午盟而入

與諸大夫盟

館于伯子同氏

晉大夫家館舍也

辛

巳朝于武宮

武公典沃始命君

疏

辛巳朝于武宮

正義曰服虔本作辛未晉語

亦作辛巳孔晁云以辛未盟入國辛巳朝祖廟取其新也

案晉語稱庚午大夫逆于清原傳云庚午盟而入逆日即

盟非辛未也傳與晉語皆云辛巳朝于武官服本自誤耳孔晁強欲合之非也

逐不臣者七

人夷字五之屬周子有兄而無慧不能辨菽麥故

不可立

菽大豆也豆麥殊形易別故以為菽者之候不慧蓋世所謂白癡

齊為慶氏

之難

前年國佐殺慶克

故甲申晦齊侯使士華免以

戈殺國佐于內宮之朝

華免齊大夫內宮夫人宮

疏

注華免至

人宮

正義曰杜世族譜於齊國雜人之中有華免而

無士字此注以華免為大夫則士首為士官也士官掌

刑故使殺國佐也於夫人之官有朝羣妾之師逃于夫

處云內官之朝蓋齊侯召入與語而殺之

人之宮

伏兵內宮恐不勝

書曰齊殺其大夫國佐奔

命專殺以穀叛故也

國佐本疾淫亂殺慶克齊以是討之嫌其罪不及死故傳

明言其三罪

使清人殺國勝

勝國佐子前年待命于清者

國弱來奔

弱勝之弟

王湫奔萊

湫國佐黨

慶封為大夫慶佐為司

寇

封佐皆慶克子

既齊侯反國弱使嗣國氏禮也

佐

罪不及不祀

二月乙酉朔晉悼公即位于朝

朝廟五日

而即位也厲公殺絕故悼公不以嗣子居喪

疏

注朝廟至居喪已距乙酉五日先定所脩之

正義曰辛

政待朔且而後施之故五日也晉語云正月乙酉公即位孔晁云二月即位言正月者記者誤也厲公被殺而嗣絕

卷之六

六

故悼公自外而入即位之日印命百官施布政教與居喪
即位其禮不同釋例曰屬公見殺悼公自外紹立本非君
臣無喪制也若然禮喪服小記云與諸侯為兄弟者服斬
鄭玄云謂卿大夫以下也與尊者為親不敢以輕服服之
言諸侯者明雖在異國猶來為三年也計厲是文公之曾
孫悼是文公之玄孫有總麻之親法當服斬而云無喪制
者悼之父祖去晉適周與木親隔絕無往來恩義厲既見
殺悼即被迎迎之以為晉君即與厲公體敵且葬厲公以
車一乘國內尚不以為君不可責悼公服始命百官始
斬也縱使當為之斬絕而別立亦非嗣矣始命百官為
政
施舍已責施恩惠舍勞役止逋責逮鰥寡惠及微振廢
滯起舊德斥乏困救災患斥亦救也禁淫慝薄賦
斂宥罪戾宥寬也節器用節省也時用民使民以時

欲無犯時

不繼私欲

使魏相士魴魏頡趙武爲

卿

相魏錡子魴士會子頡魏頡子武趙朝子此四人其父祖皆有勞於晉國

疏

注相魏至晉國正

義曰晉語云使呂宣子佐下軍曰邲之役呂錡佐知莊子於下軍然楚公子穀臣與連尹襄老以免其子鄢陵之役親射楚王而敗楚師以定晉國而無後其子不可不崇也使彘共子將新軍曰武子之季文子之母弟也武子宣法以定晉國文子勤身以定諸侯二子之德其可忘乎故以彘季屏其宗使令狐文子佐之曰黃克潞之役秦來圖敗晉功魏頡以其身退秦于輔氏親亡杜回其勲銘于景鍾至于今不忘其子不可不與也彼言呂宣子魏相也彘共子士魴也今狐文子魏頡也云曰呂宣子卒公以趙文子能恤大事使佐下軍趙武父祖功名顯著故不復序之是四人父祖皆有勞於晉國

荀家荀會藥厲韓無忌爲公族

大夫使訓卿之子弟共儉孝弟

無忌韓厥子

疏

荀家至孝弟

正義曰晉語云康伯樂公族大夫公曰荀家情惠荀會文敏賢也果敢無忌悼靖膏梁之性難正也

故使悼惠者教之文敏者道之果敢者勸之悼靖者脩之

使茲四人者爲公族大夫也公族大夫藏掌教誨故使訓

卿之子弟今之共儉孝弟也晉語云韓獻子老使公族穆

子受事于朝辭曰厲公之亂無忌備公族弗能死孔晁云

備公族大夫則韓無忌先爲公族大夫今

言使爲之者悼公始命百官更改新授之

使士渥濁

爲大傳使脩范武子之法

渥濁士貞子武子爲景公大傳

右

行辛爲司空使脩士薦之法

辛將右行因以爲氏

弁糾御戎校正屬焉

弁糾藥糾也校正主馬官

士薦獻公司空也

使訓諸御知義

戎士尚節義

荀賓爲右司士

屬焉

司士車右之官

使訓勇力之士時使

勇力皆車

右也勇力多不順命故訓之以共時之使

疏

使士渥至時使正義曰晉語曰君知士貞子之帥志博聞而

宣惠於教也使爲大傅知右行辛之能以數宣物定功也使爲司空知藥糾之能御以存於正也使爲戎御知荀賓之有功力而不暴也使爲戎右是四人者皆公知其能而使之耳范武子爲大傅孤也士蒨爲司空卿也皆前世能者其法可遵故使二大夫居其官而脩其法也二人皆是大夫非孤卿也注辛將至焉氏正義曰僖二十八年晉作三行三十一年即罷之以爲五軍其覽三行無多年歲彼云屠擊時右行未知此人即屠擊之子孫也爲是其祖代屠擊也正以荀林父將中行遂以中行爲氏故謂此人之先將不行因以爲氏耳注并糾至馬官正義曰

以晉語知是渠也周禮大御御官之長別有戎僕掌御
戎車春秋征伐之世以御戎爲重此御戎當是御之尊者
校正當周禮校人校人掌王馬之政竊九年傳曰命校正
出馬知是主馬之官也周禮校人不屬大御此蓋諸侯兼
官或是悼公新法此傳所言諸官皆不得與周禮同也
注戎士尚節義正義曰此訓諸御謂諸是御車之人設
今國有千乘乘有一御皆今此官教之戎士尚節義故訓
之使知義如羊斟之徒是不知義也周禮校人主養馬耳
不知御事此言校正屬焉乃去訓御蓋今校正助御戎訓
御注司士車右之官正義曰周禮司士掌羣臣之版
以詔王治其職非車右之類不得屬車右也周禮有司右
上士也掌羣右之政凡國之勇力之士能用五兵者屬焉
其下更有戎右中大夫齊右下大夫道右上士此三右或
官尊於司右而司右掌其政今春秋之世車右爲尊此司士
蓋周禮司右之類故爲車右屬官服虔以爲司士主右之官
謂司右也注勇力至之使正義曰所訓勇力之士皆謂

為車右者也設令國有千乘乘有一右揔使此官訓之勇
力之士失於強暴如魏犢之徒不順上命故訓之使共時
之使不犯法也卿無共御立軍尉以攝之省卿戎御

御而

疏

卿無至攝之正義曰卿謂軍之諸將也若梁
餘子養御罕夷解張御郤克之類徃前恒有定

貞掌共御御今始省其常貞唯立軍尉之
官臨有軍事使兼攝之今軍尉兼卿御也祁奚為中

軍尉羊舌職佐之魏絳為司馬

魏犢子也

張老

為候奄鐸遏寇為上軍尉籍偃為之司馬

偃籍談父為
上軍司馬

使訓五乘親以聽命

相親以
聽上命

程

鄭為乘馬御六驥屬焉使訓羣驥知禮

程鄭

荀氏別族乘馬御乘車之僕也六騶六閑之騶周禮諸侯有六閑馬乘車尚禮容故制羣騶使知禮

疏

祁奚

至知禮正義曰晉語云公知祁奚之果而不淫也使爲

元尉知羊舌職之聰敏肅給也使佐之知魏絳之勇而不

亂也使爲元司馬知張武之知而不詐也使爲元候知鐸過

寇之共敬而信彊也使爲典尉知荀偃之停帥舊職而共

儉也使爲典司馬知程鄭爲端而一淫且好諫而不隱也

使爲贊僕晉語皆稱其才而用之善公之知人也言元尉

元司馬元候者此皆中軍之官元大也中軍尊故稱大也與

尉與司馬者皆上軍官也與衆也言與諸軍同故稱衆也從

車者爲卒在車者爲乘使此中軍與上軍軍尉司馬各教

其軍之士卒使相親以聽在上之命注程鄭至知禮

正義曰荀氏別族世本有又周禮齊僕下大夫掌馭金路

以賓朝覲宗遇饗食皆乘金路杜言乘馬御乘車之僕則

當彼齊僕也晉語謂之贊僕當時之官名耳周禮掌馬之

官無名騶者襄二十三年傳稱豐點爲孟氏之御騶則騶

亦御之類月令季秋天子乃教田獵命僕夫七駟咸駕載旌旄則駟是主駕之官也鄭玄云七駟謂趣馬主爲諸官駕說者也周禮趣馬下士掌駕說之頒是駟爲主駕之官駕車以共御者程鄭爲乘馬御御之貴者故今掌駕之官亦屬之校人職云良馬三乘爲卓卓一趣馬趣馬下士三卓爲繫繫一馭夫馭夫中士六繫爲廐廐一僕夫僕夫上士天子十有二閑邦國六閑鄭玄云每廐爲一閑閑有二百一十六匹如彼計之每廐有趣馬十八人六閑之駟有一百八人皆屬程鄭而使摠領之也戎車貴彊力乘車尚禮容故訓羣駟使知禮令教馬進退使合禮法也校人乘馬一師四圉三乘爲卓卓一趣馬三卓爲繫繫一馭夫六繫爲廐廐一僕夫六廐成校校有左右天子十二閑馬六種邦國六閑馬四種家四閑馬二種鄭玄云每廐爲一閑二百一十六匹易乾爲馬此應乾之策也校有左右則天子良馬五種各有四百三十二匹合二千一百六十四駕馬三之四百三十二匹則千二百九十六匹合三千四

百五十六匹詩云駟牡三千舉大數也玉路駕種馬戎路
駕戎馬金路駕齊馬象路駕道馬田路駕田馬騶馬給官
中之役邦國六閑四種去種戎其齊道田各用一閑騶馬
三之則千二百九十六匹大夫四閑二種去齊道田馬一
閑騶馬三之則八百六十四匹四匹一師也十二匹一
趣馬也三十六匹一馭夫也二百一十六匹一僕夫也凡

六官之長皆民譽也

大國三卿晉時置六卿為
軍帥故德舉六官則知羣

官無非
其人

疏

凡六至譽也正義曰上已歷言諸官特為
公所知者更復揔言所任皆得其人於時晉

立六卿卿下各有統領羣官并一凡六官之在民上為長
者皆是有德有能之人是民所褒譽者也使魏相以下至
程鄭為乘馬御以上凡有八條之官魏相等為卿一也荀
家等為公族大夫二也士渥濁為大傅三也右行辛為司
空四也弁糾為御戎五也荀賓為右六也祁奚為中軍尉
至籍偃為司馬七也程鄭為乘馬御八也自公族大夫以

下七條各去使爲某事而卿下不去使者以卿摠攝羣職
非偏主一事故也公族大傅司空不云某官屬焉者以其
當官自主更無餘官來屬其祁奚爲中軍尉及羊舌職張
老魏絳鐸遏寇籍偃雖是數官摠爲一條使訓卒乘親以
聽命此唯有中軍上軍無下軍之官者蓋時下軍無闕不
別立其官故也其卿無共御立軍尉以攝之一句爲下祁
奚爲中軍尉緒緒也大略所叙皆尊官在前卑官在後
注大國至其人正義曰大國三卿是正法當時晉置六
卿爲三軍之將佐皆是帥也於是晉又更置新軍凡有四
軍八卿但新軍或置或廢故傳不數之耳六官之長非獨
卿身乃謂其下凡爲人之長者皆有氏之美
譽故摠舉六官則知羣官知非其人者也

舉不失職

官不易方

官守其責無相踰

疏

舉不三易方

正義曰所

職者也文任文官武任武官其用爲官各守其業不踰易
其方也若文人爲武武人爲文則違方易務不能守其業

矣爵不踰德是德師不陵正旅不偏師正

將命卿也師二千五百人之帥也旅五百人之帥也言上下有禮不相陵偏注正軍至陵

傳言不陵不偏者皆謂下不陵偏其上旅卑於師師卑於正知正是軍將命卿也唯舉師旅不相陵偏言上下有禮

皆不相陵偏也民無謗言所以復霸也此以上通言悼公所以復霸也

在在即位所以復霸正義曰霸者把也把持王政鄭之年玄云天子衰諸侯興故曰霸夏有昆吾商有

豕韋大彭周有齊桓晉文此最彊者也故書傳通謂彼五人爲五霸耳但霸是彊國爲之天子既衰諸侯無主若有

彊者即營霸業其數無定限也而何休以霸不過五不許悼公爲霸以鄉曲之學足以忿人傳稱文襄之霸襄承文

後紹繼其業以後漸弱公如晉朝嗣君也夏六至悼乃彊故云復霸

月鄭伯侵宋及曹門外

曹門宋城門

遂會楚子

伐宋取朝郟楚子辛鄭皇辰侵城郛取幽

丘同伐彭城

朝郟城郛幽丘皆宋邑

納宋魚石向爲人

鱗朱向帶魚府焉

五子以十五年出奔楚獨書魚石爲帥告

以三百

乘戍之而還書曰復入

惡其依阻大國以兵威還故書復入

凡去

其國國逆而立之曰入

謂本無位紹繼而立

復其位曰

復歸

亦國逆

諸侯納之曰歸

謂諸侯以言語告請而納之有位無位皆

曰以惡曰復入

謂身爲戎首稱兵入伐害國殄民者也此四條所以明外內之援辨逆順

之辭通君臣取

疏

凡去至復入

正義曰釋例曰凡去

國有家之大例其國者通謂君臣及公子母弟也國
逆而立之本無位則稱入本有位則稱復歸齊小白入于
齊無位也衛侯鄭復歸于衛復其位也諸侯納之有位無
位皆曰歸衛孫林父蔡季是也身為戎首則曰復入晉欒
盈是也此所以明外內之援辨逆順之辭故經正魚石衛
圻以表舊制傳稱凡例摠而明之也衛人逆公子晉于邢
宜稱入善其得衆公子友忠於社稷區人所思焉故閔公
爲落姑之盟以復之夫衛公子晉絕位而在邢魯之季子
勢弱而出奔咸得民望享國有家是以聖人貴之殊其文
也莊六年五國諸侯犯逆王命以納衛朔大其事故字王
人謂之子突朔懼有違衆之犯而以國逆告華元實國迎
欲挾晉以自助故以外納赴春秋從而書之以示二子之
情也韓魏有耦國之疆陳蔡有復國之端故晉趙鞅楚公
子比皆稱歸從諸侯納之例言非晉楚之所能制也侯儒
受君以請故曹伯有國逆之辭許始復國故許叔有國逆

之文此皆時史因周典以起時事之情也傳例稱諸侯納
之曰歸今檢經諸稱納者皆有與師見納之事不須例而
自明故但言納而不復言歸也衛侯鄭曹伯負芻皆見執
在周晉魯請而復之鄭書歸于衛負芻稱歸自京師所發
事同而文異者例意本在於歸不以他文爲義也賈氏又
以爲諸歸國稱所自之國所自之國有力也案楚公子比
去晉而不送是無援於外而經書自晉陳侯吳蔡侯廬皆
平王所封可謂有力而不言自楚此旣明證又春秋稱入
其例有二施於師旅則曰不地在於歸復則曰國逆國逆
又以立爲例逆而不立則皆非例所及鄭之良霄以寇而
入入即見殺而復例之例稱凡去其國明非夫子之制也
周敬王王子猛不書出而書入襄王書出而不書入凡自
周無出故非春秋舊例也諸在例外稱入直是自外入內
記事者常辭義無所取而賈氏雖夫人姜氏之入皆以爲
例如此甚多又依放穀梁云稱納者內難之辭因附會諸
納爲義至於納北燕伯于陽傳稱因其衆窮不能遁乃云

時陽守距難故稱納此又無證經書楚人圍陳納頓子于頓則頓國之所欲也此無伯傳有因衆之文不可言內難也又書納公孫寧儀行父于陳陳縣而見復上下交驩二人雖有淫縱之闕今道楚斥陳賊討君葬威權方盛傳稱有禮理無有難此皆先說之不安也沈氏云國逆而立之曰入唯謂國君知不兼臣者以臣而無位本賤不書故知臣無國逆之例也其復入唯謂臣知者以君雖不君臣不可不臣君若入國臣無違拒之法且杜云身爲戎首稱兵入伐是我首指臣爲文故知不得兼君也杜所以云四條者通君臣取國有家之大例即是事通君臣者此據大略而言不復曲細爲別也

宋人患之西鉏吾曰何也

西鉏吾宋大夫

若楚人與吾同惡以德於我吾固事之也

不敢貳矣

惡謂魚石

大國無厭鄙我猶憾

言已事之則以我爲

鄙邑猶恨不足此吾患也

不然而收吾憎使贊其政

謂不同惡魚石

而用之以閒吾釁亦吾患也

疏

不然而至吾患正義曰不然

謂不與吾同惡也而收取吾之所憎謂魚石是也使佐其楚國之政以伺閒吾之釁隙而侵伐我如此則亦是吾之

所患若晉用楚材皆為楚國之患焉是也今將崇諸侯之姦而拔其

地崇長也謂楚今取彭城以封魚石披猶分也

以塞夷庚

夷庚吳晉往來之要道楚封魚

石於彭城欲以絕吳晉之道

疏

注夷庚至之道正義曰夷平也詩序云由庚萬物得由其道是以夷為

道也此云以塞夷庚下云而懼吳晉知謂塞吳晉往來之要道也吳晉往來路由彭城楚取彭城以封魚石欲以斷絕吳晉往來之道使其不得往來故吳晉所以懼耳若其不然何以獨云懼吳晉也夷庚止謂吳晉往來之平道耳

非山川險難之名故杜
土地名不得指其所在
逞姦而攜服毒諸侯而

懼吳晉

隔吳晉之道
故懼攜離也

疏

逞姦而攜服正義曰逞快
也封魚石為快姦人也攜離

也諸侯見楚助賊服從者其
心皆離是離其服從者之心

吾庸多矣非吾憂也

且事晉何為晉必恤之

言宋常事晉何
為顧有此患難

公至

自晉晉范宣子來聘且拜朝也

拜謝公朝

君子

謂晉於是乎有禮

有卑讓
之禮

秋杞桓公來朝

勞公且問晉故公以晉君語之

語其
德政

杞伯

於是驟朝于晉而請為昏

為平公不
微樂張本

疏

驟朝
于晉

正義曰詩云載驟駉駉駉是疾行之名從魯即疾朝于晉也

七月宋老佐華喜園

彭城老佐卒焉

言所以不克彭城

八月邾宣公來

朝即位而來見也築鹿囿書不時也

非土功時

己丑公薨于路寢言道也

在路寢得君薨之道

疏

言

也正義曰喪大記云君夫人卒於路寢是在路寢得君薨之道也

冬十一月楚子重

救彭城伐宋

使偏師與鄭人侵宋子重為後鎮

宋華元如晉告

急韓獻子為政

於是藥書卒韓厥代將中軍

曰欲求得人必

先勤之

勤恤其急

成霸安疆自宋始矣

疏

成霸安疆

正義曰謂文公成霸安疆自宋
為始言今宋有患不可不救也

晉侯師于台谷以

救宋

台谷地關

遇楚師於靡角之谷楚師還

畏晉

強也靡角宋地

晉士魴來乞師

將救宋

季文子問師數

於臧武仲

武仲宣叔之子

對曰伐鄭之役知伯實

來下軍之佐也

知伯荀懿

今彘季亦佐下軍

彘季口士魴如

伐鄭可也

伐鄭在十七年

事大國無失班爵而加

敬焉禮也從之

從武仲言

十二月孟獻子會于虛

打謀救宋也宋人辭諸侯而請師以圍彭

城

不敢煩諸侯故但請其師為襄元年圍彭城傳

孟獻子請于諸侯而

先歸會葬丁未葬我君成公書順也

薨于路寢

五月而葬國家安靜世

適承嗣故曰書順也

疏

書順也 正義曰自此以前莊宣薨于路寢桓莊僖文宣

皆書葬矣今於此公薨之下言道也於葬之下言書順也獨發傳者隱桓閔皆為人所殺僖公薨于小寢文公薨于臺下皆其薨不得道也莊宣雖薨于路寢莊則子般見殺宣則歸父出奔家國不安非是得道順禮得道順禮唯成公耳故傳於此發之釋例曰魯君薨葬多不順制唯成公薨于路寢五月而葬國家安靜世適承嗣故傳見莊之緩舉成書順以包之是也

春秋正義卷第十九

春秋正義卷第二十

孫氏

孫氏

孫氏

國子祭酒上護軍曲阜縣開國子臣孔穎達等奉

勅撰

襄公

疏

正義曰魯世宗云襄公名午成公之子定姒所生以簡王十四年即位謚法因事有功曰

襄是歲歲在壽星

經元年春王正月公即位

無傳於是公年四歲

疏

注於是公

年四歲正義曰九年傳曰會于沙隨之歲寡君以生晉侯曰十二年矣知於是公年四歲

仲孫蔑

會晉欒黶宋華元衛甯殖曹人莒人邾

人滕人薛人圍宋彭城

魯與謀於虎打而書會者稟命霸主非匹敵故

夏晉韓厥帥師伐鄭仲孫蔑會齊崔杼曹

人邾人杞人次于鄆

鄆鄭地在陳留襄邑縣東南書次兵不加鄭次鄆以

待晉師

疏

注鄆鄭至晉師所次則書之以示遲速既書兵所加則不書其

正義曰釋例曰兵未有所加

所次此書次于鄆者為武魯齊曹邾杞其兵皆不加鄭故書次也傳曰於是東諸侯之師次于鄆以待晉師是韓厥伐鄭此次以待之

秋楚公子壬夫帥師侵宋九月辛

酉天王崩

無傳辛酉九月十五日

疏

注辛酉九月十五日正義曰顯言此日者欲

明下冬聘是十月之初為王崩日近赴人未至故也

邾子來朝冬衛侯使

公孫剽來聘

剽子叔黑背子

晉侯使荀營來聘

冬者

十月初也王崩赴未至皆未聞喪故各得行朝聘之禮而傳善之

疏

正義曰禮記曾子注冬者至善之

問曰諸侯相見揖讓入門不得終禮廢者幾孔子曰六天子崩大廟火日食后夫人之喪雨露胙失容則廢是王崩

當廢禮也今傳釋此朝聘皆云禮也知此冬者是十月之初崩赴未至由其俱未聞喪故得以吉行禮而傳善之

傳元年春己亥圍宋彭城

下有二月則此己亥為正月正月無己亥

疏

注下有至日誤正義曰長歷推此年正月庚戌朔其月無己亥圍宋彭城經在正月之下傳文下

有二月則己亥必是正月月不容誤知是日誤

非宋地追書也

成十八年楚取彭城

以封魚石故曰非宋地夫子治春秋追書繫之宋

疏

注成十至之宋正義曰公羊傳曰宋華元曷為與

諸侯圖宋彭城爲宋誅也其爲宋誅奈何魚石走之楚
爲之伐宋取彭城以封魚石成十八年傳曰楚伐彭城納
魚石焉以三百乘戍之而還西鉏吾曰崇諸侯之姦而拔
其地不言取爲楚邑而云拔地長姦是左氏之意亦爲楚
以彭城封魚石爲國故注言封魚石也既列爲國非復宋
地傳言追書是仲尼新意故云夫子治春秋追書繫之宋
也言追書者其地已非宋有追來使屬宋耳非謂夫子在
後追書前事若以追爲在後追前則仲尼新意皆是追書
前事非獨此爲追書也

於是爲宋討魚石故稱宋且不

登叛人也

登成也不與其專邑叛君故使彭城還繫宋

謂之宋志

稱宋

亦以成

疏

於是至宋志正義曰魚石舊是宋人今還取宋地以自封若其不繫於宋則成此魚石

爲一國之君夫子追繫於宋乃有二意於是爲宋討魚石宜繫於宋且又不成此爲叛人使得取君之邑以爲一國

之主有此二意故繫之於宋謂之宋志者言宋人志在攻
取彭城故以魚石繫之於宋成此宋人之志 注登成至
繫宋 正義曰登成釋詁文不與其專邑叛君不與楚得
取邑封人故使彭城還繫於宋也釋例曰楚人棄君助臣
取宋彭成以封叛者削正興偽雖非復宋地故追書繫宋
不與楚之所得是其義也言不登叛人則叛罪重矣不書
魚石以彭城叛者孫林父將戚而出故得書云孫林父入
于戚以叛此則因楚之力取彭城與宋交爭非欲出附他
國故言復入也若揔而言之俱是背叛於君故云不登叛
人也 注稱宋至宋志 正義曰此與隱元年謂之鄭志
義勢同也鄭伯實不獲段而經書克謂之鄭志言鄭伯志
在於殺雖實不克段而書之爲克見鄭伯之志也此彭城
實非宋地而經書爲宋謂之宋志言宋人志在取之雖實
非宋地而繫之於宋成宋人之志也夫子脩春秋而傳以此
二條特言謂之宋志謂之鄭志者夫子所脩春秋或言或
取皆是夫子之志非取國人之心此宋志鄭志者以日八

是夫子所脩還取二國本志故也案下十年戊鄭虎牢傳云非鄭地也言將歸焉杜云繫之于鄭以見晉志即此類也於此二事傳例已明故彼不云謂之晉志也

彭城降晉晉人以宋五

大夫在彭城者歸寘諸瓠丘

彭城降不書賤略之瓠丘晉地河東

東垣縣東南有瓠丘五大夫

疏

注彭城至略之

正義

魚石向爲人鱗朱向帶魚府

曰案莊八年郕降于齊

師既書於經則知彭城之降亦合書也今不書者但以其賤故略之也晉欒盈復入于晉下云晉人殺欒盈而書於經此彭城降所以賤略不書者彼以殺之爲重來告故書此以降中爲輕故爲賤略

齊人不曾

彭城晉人以爲討二月齊太子光爲質於

晉

光齊靈公太子

夏五月晉韓厥荀偃帥諸侯之

師伐鄭入其郛

荀偃不書非元帥

疏

韓厥至其郛正義曰傳唯言諸侯

之師不見諸侯之國未知諸侯之師是何國師也於是東諸侯之師次于鄆以待晉師則次鄆之師皆不與伐鄭此諸侯之師其中必無齊魯曹邾也案上圍彭城除此五國以外猶有宋衛莒滕薛下云晉侯衛侯次于戚以爲之援則衛師從伐明矣明年戚之會知武子云滕薛小邾之不至皆齊故於戚之會始怪滕薛不來明此時伐鄭滕薛在矣東諸侯皆次于鄆莒在齊魯之東若其在此當與東人同次前圍彭城亦無小邾此時或無莒與小邾耳諸侯之師當是宋衛滕薛也賈逵云韓厥荀偃帥諸侯之師謂帥宋衛滕薛伐鄭齊魯曹邾杞次于鄆故諸侯之師不序也入郛不書者晉人先以鄭罪今於諸侯故書伐鄭入郛既敗鄭不復告故不書注荀偃不書非元帥正義曰魯師出征並舉諸將他國之師唯書元帥詳敗其徒內略外春秋之常故注爲注復時一言之耳

兵於洧上

徒兵步兵洧水出密縣東南至長平入潁

疏

注徒兵步兵正義曰論語云

以吾從大夫之後不可徒行徒猶空也謂無車空行也此行謂之徒行故步兵謂之徒兵也隱四年傳云敗鄭徒兵

注云時鄭不車戰則此亦然也

於是東諸侯之師次于鄆以

待晉師

齊魯曹邾杞

晉師自鄆以鄆之師侵楚

焦夷及陳

於是孟獻子自鄆先歸不與侵陳楚故不書

疏

注於是至不書正義曰

獻子先歸傳無其事正以不書侵楚侵陳知其必先歸矣若獻子從師則書不待告以獻子先歸晉不告魯故侵陳楚皆不書也然不知獻子何以先歸傳既不言未測其故也今贊云則先歸者以前年虛打會獻子先歸會葬今公雖即位年又幼小君既新立故獻子先歸

晉侯衛侯次于戚以爲之

援

為韓厥援

秋楚子辛救鄭侵宋呂留

呂留二縣今屬彭城

郡

鄭子然侵宋取大丘

譙國鄆縣東北有大丘城迂迴疑

九

月邾子來朝禮也

邾宣公

冬衛子叔晉知武

子來聘禮也凡諸侯即位小國朝之

小事

大國聘焉

大事

以繼好結信謀事補闕禮

之大者也

闕猶過也禮以安國家利民人為大

經二年春王正月葬簡王

無傳五月而葬速

鄭師伐

宋

書伐從告

夏五月庚寅夫人姜氏薨六月庚

辰鄭伯賁卒

未與襄同盟而赴以名庚辰七月九日書六月經誤

疏

注未與至經誤

正義曰賁以成六年即位九年盟于蒲十五年于戚又七年楚子重伐鄭諸侯救鄭而楚退同盟于馬陵諸侯雖不重序明亦與鄭同盟則是與成三同盟矣與其父盟於法得以名赴其子此云未與襄同盟而赴以名者言其嘗與成同盟於法得以名赴襄也此類多矣注皆云與其父同盟而已此注特言未與襄同盟者以此時鄭既從楚嫌其已背前盟不合更以名赴故明之也此經云六月庚辰鄭伯賁卒傳言七月庚辰鄭伯賁卒經傳必有誤者杜以長歷校之此年六月壬寅朔其月無庚辰七月壬申朔九日得庚辰則傳與歷合知傳是而經誤也此經六月七月其文皆具所言誤者非徒字誤而已乃是書經為誤七月之事錯書以為六月故長歷云書於六月經誤言元本書之誤非字誤也

晉師宋師衛甯殖侵鄭

宋雖非卿師重故叙衛上

疏

注宋雖至衛上 正義曰於例將卑師衆稱師將尊師少
稱將此晉宋稱師不書將非卿也衛甯殖書將不稱師師
少也晉爲兵主故當先書宋雖 秋七月仲孫蔑會
非卿以師爲重故序甯殖之上

晉荀罃宋華元衛孫林父曹人邾人于戚

己丑葬我小君齊姜

齊謚也三月而葬速

疏

注齊謚至葬速正

義曰謚法執心克莊曰齊是齊爲謚也葬而舉謚禮之常
也此特云齊謚者以謚齊者少且齊齊同字夫人齊女嫌
齊非謚晉大子申生之母稱齊姜者 叔孫豹如宋
齊女姓姜氏彼齊非謚故此須明之 於
此始自齊 冬仲孫蔑會晉荀罃齊崔杼宋華
還爲卿

元衛孫林父曹人邾人滕人薛人小邾人

于戚遂城虎牢

以偏鄭

疏

遂城虎牢

正義曰虎牢是鄭舊邑此時屬晉

而不繫晉者莊三十二年注云大都以名通者則不繫國此以名通故不繫晉也十年成鄭虎牢繫於鄭者傳曰非鄭地也言將歸焉彼為將歸鄭而繫之鄭也或當虎牢雖已屬晉晉人新得不為已有故不繫晉也楚殺

其大夫公子申

傳二年春鄭師侵宋楚令也

以彭城故

齊侯伐

萊萊人使正輿子賂夙沙衛以索馬牛皆

百匹

夙沙衛齊寺人索簡擇好者

疏

傳馬牛皆百匹馬法丘出馬一匹牛三頭則

正義曰司

牛當稱頭而亦云匹者因馬而名牛曰匹并言之耳經傳之文此類多矣易繫辭云潤之以風雨論語云沽酒市脯

不食玉藻云大夫不得造車馬皆從一而省文也

齊師乃還君子是以

知齊靈公之為靈也

謚法亂而不損曰靈言謚應其行

夏齊姜

薨初穆姜使擇美楨

楨梓之屬

疏

正義曰釋木云

槐小葉曰楨郭璞曰槐當為楸楸細葉者為楨又云大而散楸小而散楨樊光云大老也散楸皮也皮老而麤楸者為楸小少也少而麤楸者為楨又云椅梓郭璞曰即楸也如彼所云楸梓皆楨之小別故云梓之屬也

以首

為觀與頌琴

觀棺也頌琴琴名猶言雅琴皆欲以送終

疏

注觀棺至送終正義曰

以論死者言觀知觀是棺也四年注云觀觀身棺也以親近其身故以觀為名焉禮記檀弓曰天子之棺四重水兕革棺一柩棺一梓棺二鄭玄云柩棺也所謂柩棺也梓棺二所謂屬與大棺也記文從內向外水兕革棺最近尸也

次柩以輶爲之次屬與大棺乃以梓爲之檀弓又云君即位而爲柩鄭玄云柩謂地棺親尸者柩堅著之言也天子柩內又有水兕革棺喪大記云君大棺八寸屬六寸柩四寸如彼記文諸侯之棺三重親身之棺名之爲柩柩即櫬是也其柩用輶爲之屬與大棺乃用梓耳此以梓爲櫬者名之曰櫬其內必無棺也擇槨爲櫬其櫬必用梓也記唯言即位爲柩不言柩所用木鄭玄據天子之棺其柩用地即云柩謂地棺也天子之柩自用地則諸侯不必然據此傳文諸侯之柩必用梓也頌琴者詩爲樂章琴瑟必以歌詩詩有雅頌故以頌爲琴名猶如言雅琴也櫬琴同文知皆欲以

送終也

季文子取以葬君子曰非禮也禮無

所逆婦養姑者也虧姑以成婦逆莫大

焉

穆姜成公母齊姜成公婦

詩曰其惟哲人告之話言順

德之行

詩大雅哲知也詒善也言知者行事無不順

季孫於是為不

哲矣

言述德

疏

詩曰至哲矣也其能有知之人告之以善言則順從

正義曰詩大雅抑之篇

之為美德之行矣言知者行事無有不順從者

且姜氏

君之妣也

襄公適母故曰君之妣

疏

注襄公至之妣曰曲禮曰生日父曰母

正義

死曰考曰妣襄公是成公之妾定姒所生齊姜是其適母故曰君之妣也

詩曰為酒為醴

烝畀祖妣以洽百禮降福孔偕

詩周頌烝進也畀與也偕

徧也言敬事祖妣則鬼神降福季孫葬姜氏不以禮是不敬祖妣

疏

詩曰至孔偕義曰詩周頌豐年

正

之篇也豐有之年多病多黍釀之為酒為醴以進與祖妣以洽百禮之禮為烝嘗之祭鬼神享之則下與福祐甚

周徧言今事姓失禮神將不福祐之也烝進昇與齊
皆釋詁文倍訓爲俱俱亦徧之義也釋言云孔甚也

侯使諸姜宗婦來送葬

宗婦同姓大夫之婦
婦人越疆送葬非禮

疏

注宗婦至非禮正義曰諸姜同姓之女也宗婦同
姓之婦也夫人齊姜是齊國之女故使其宗親之婦

女來會葬也齊爲姜姓歷世多矣不可姜姓之女姜姓之
婦令其皆來魯國莊二十四年大夫宗婦觀用幣者宗婦
是同姓大夫之婦知此宗婦亦是同姓大夫之婦然則諸
姜是齊同姓之女嫁與齊大夫之爲妻者也禮記檀弓云
婦人不越疆而弔人是越疆送葬非禮也

召萊子萊子不會故晏弱

城東陽以偪之

爲六年滅萊傳
東陽齊竟上邑

疏

召萊子萊子
不會正義

曰世族譜不知萊國之姓齊侯召萊子者不爲其姓姜也
以其比鄰小國意陵蔑之故召之欲使從送諸姜宗婦來

向魯耳萊子以其輕侮故不肯會鄭成公疾子駟請息肩於晉

欲辟楚役以負擔喻公曰楚君以鄭故親集矢於其目

謂鄢陵戰晉射楚王目非異人任寡人也言楚子任此患不為他人蓋在已

若背之是弃力與言其誰暱我言盟誓之言免

寡人唯二三子疏集矢至三子正義曰說文云鳥之短尾者摠名為佳佳

在木上為集集是鳥止之名矢有羽似鳥故亦稱集也楚君被射目者非是為異人也任此患者為寡人也今若背

之棄其助鄭之力與盟誓之言他人其誰肯親我乎免寡人此棄力背言之責唯二三子耳秋七月

庚辰鄭伯賁卒於是子罕當國攝君疏子罕

當國

正義曰禮君薨聽於冢宰不須攝行君事此今子

罕當國者鄭國聞於晉楚國家多難喪代之際或致傾危

蓋成公顧命使之當國非常法也子駟為政已是正卿知

當國者為攝君事矣沈氏云魯襄四歲國家無虞今僖公

年雖長大為偏於晉

子駟為政

為政

子國為司

楚故今子罕當國也

子駟為政

為政

子國為司

馬晉師侵鄭

晉伐喪非禮

諸大夫欲從晉子駟曰

官命未改

成公未葬嗣君未免喪故言未改不欲違先君意

疏

官命未改正義曰先

君既葬嗣君正位乃得建官命臣十六年晉侯改服脩官

是其事也先君未葬皆因舊事不得建官命臣故云官命

未改庶事悉皆未改不可即違先

會于戚謀鄭故

君言此者不用從晉之意故也

會于戚謀鄭故

也

鄭久叛晉謀討之

孟獻子曰請城虎牢以偏鄭

虎牢舊鄭邑今屬晉知武子曰善鄭之會吾子聞崔子

之言今不來矣

元年孟獻子與齊崔杼次于鄆崔杼有不服晉之言獻子以告知武

子

疏

止元年至武子正義曰元年代鄭次于鄆唯有韓厥荀偃於時武子未必在軍當是此會始告之

耳滕薛小邾之不至皆齊故也

三國齊之屬

寡

君之憂不唯鄭

言復憂齊叛

營將復於寡君而

請於齊

以城事自晉君而請齊會之欲以觀齊志

得請而告吾子

之功也

得請謂齊人應命告諸侯會築虎牢

若不得請事將在齊

將伐齊

吾子之請諸侯之福也

城虎牢足以

豈

唯寡君賴之

傳言苟營能用善謀

穆叔聘于宋通嗣君

也冬復會于戚齊崔武子及滕薛小邾之

大夫皆會知武子之言故也

武子言事將在齊齊人懼帥小國而

會之遂城虎牢鄭人乃成

如孟獻子之謀

楚公子申

爲右司馬多受小國之賂以偪子重子辛

偪奪其權勢

楚人殺之故書曰楚殺其大夫公子

申

言所以致國討之文

經三年春楚公子嬰齊帥師伐吳公如晉

夏四月壬戌公及晉侯盟于長檮

晉侯出其國都

與公盟

疏

注晉侯至于外

正義曰文三年公如晉公

于外其國都與公盟于長檮蓋近城之地盟訖還入於晉故公歸書曰公至自晉也文三年盟于晉都此盟出城外者出

與不出皆由晉侯意耳此或是悼公謙以待人不

公至

自晉

無傳不以長檮至本非會

疏

注不以至非會

正義曰假令公朝於晉更與晉侯餘處別會

即從會所而歸亦得書曰公至自晉何則一行而有二事者或以始致或以終致出自當時之意書其所告之事而已所告先後無定也但此盟于長檮晉侯為盟之故暫出城耳本非別期也晉之與齊得以自晉告廟不得以長檮告也注言本非會解其必不得以長檮到之意也

六月公會單子晉侯宋

公衛侯鄭伯莒子邾子齊世子光己未同

盟于雞澤

雞澤在廣平曲梁縣西南周靈王新即位使王宮伯出與諸侯盟以安王室故無譏

疏

注雞澤至無譏正義曰諸侯不得盟天子之臣天子之臣不得與諸侯聚盟則加以貶責僖二十九年

翟泉之盟貶王下虎稱人是其事也僖八年洮之盟王人在列傳曰謀王室也諸侯共謀王室不譏王人在盟是由襄王新立命遣與盟故耳此盟單子在列於經亦無譏文靈王以往年新立明是王新即位使王官之伯出與諸侯結盟以安王室故無所譏與洮之盟同也釋例曰未有臣而盟君臣而盟君是子可盟父故春秋王世子以下會諸侯者皆同會而不同盟洮之盟王室有子帶之難襄王懼不得立告難于齊遣王人與諸侯盟故傳釋之曰謀王室以明王勅其來盟非諸侯所敢與也踐土之盟王子虎臨諸侯而不與同歆故經但列諸侯而傳具載其實此實

聖賢之垂意以爲將來之永法也一年之間諸侯輯睦異戴天子而翟泉之盟子虎在列君子以爲非天子之命而上下常節故不存魯侯而人子虎以示篤戒也今雞澤之會單子與盟亦王所命也杜言王使盟者傳無其文正以經無貶責知

陳侯使袁僑如會

陳疾楚政而來屬晉本非召會

是命使盟也

而自來故

言如會

疏

注陳疾至如會

正義曰凡盟主召其同好之國刻期而與結盟來不及期則加貶

責他國後期則沒其國而不序於列魯君後期則摠稱諸侯不復國別歷序文七年公會諸侯晉大夫盟于扈是也僖二十八年踐土之盟陳侯如會此袁僑如會皆本非同好慕義而來喜其來而不責其晚故言陳疾楚政而來屬晉本非召會而袁僑自來不言如會解其後至特書而不貶之意也七年鄆伯鮒頃如會自是後書而來其人未見諸侯在道而卒故書如

戊寅叔孫豹及諸侯之

會爲卒張本與此異也

大夫及陳袁僑盟

諸侯既盟袁僑乃至故使大夫列與之盟言諸侯之大夫則在

雞澤之諸侯也袁僑者明諸侯大夫所以盟盟袁僑也據傳盟在秋長曆推戊寅七月十三日經誤

疏

注諸侯至經誤

正義曰諸侯盟會歷序國君其下云某人某人皆是大夫也若卿來則書卿名氏文十四年公會

宋公陳侯衛侯鄭伯許男曹伯晉趙盾于新城如此之類其事多矣此袁僑來若及盟即序於列當在世子光下今諸侯既盟袁僑乃至不可特爲袁僑更復重盟若其不與之盟則又逆陳來意以袁僑是大夫故使大夫盟之若其陳侯自來諸侯雖則盟訖亦當更與之盟不得使大夫也凡諸侯盟會皆先目後凡上文雞澤之會既以具序諸侯此摠言諸侯大夫則雞澤諸侯足以明矣故不復具序諸國從省文耳諸侯大夫既以摠書而獨見叔孫豹者經據魯史魯史所記詳內略外僖十五年牡丘之盟下公孫叔帥師及諸侯之大夫救徐獨書魯臣亦此類也言諸侯之

大夫其內可以兼表僑而殊表僑言及陳表僑盟者明此
諸侯之大夫所以為此盟者止為盟陳表僑耳且上文難
澤之會其內未有陳侯直言諸侯之
大夫則不得包陳表僑故殊之也
秋公至自會
無傳

冬晉荀罃帥師伐許

傳三年春楚子重伐吳為簡之師
簡選練克

鳩茲至于衡山
鳩茲吳邑在丹陽無湖縣東今
辛夷也衡山在吳興烏程縣南使

鄧廖帥組甲三百被練三千
組甲被練皆戰備
也組甲漆甲成組

文被練
練袍
疏
注組甲至練袍正義曰賈逵云組甲以組
綴甲車士服之被練帛也以帛綴甲步卒服

之凡甲所以為固者以盈竅也帛盈竅而任力者半甲者
所服組盈竅而盡任力尊者所服馬融云組甲以組為甲

裏公族所服被練以練爲甲裏卑者所服然則甲貴牢固
組練俱用絲也練若不固宜皆用組何當造不牢之甲而
令步卒服之豈欲其被傷故使甲不牢也若練以綴甲何
以謂之彼也又組是條繩不可以爲衣服安得以爲甲裏
杜言組甲漆甲成組文今時漆甲有爲文者被練文不言
甲必非甲名被是被覆衣著之名故以爲練袍被於身上
雖並無明證而

杜要愜人情

以侵吳吳人要而擊之獲鄧廖

其能免者組甲八十被練三百而已子重

歸旣飲至三日吳人伐楚取駕駕良邑也

鄧廖亦楚之良也君子謂子重於是役也

所獲不如所亡

當時君子

疏

注當時君子正義曰傳言君子多矣獨此言當時

君子者諸言君子論議往事多是立明自言託之君子此
傳君子謂子重亡多於獲楚人以君子之言咎責子重不
得為後世君子故云當時君子楚人以是咎子重子重病之

遂遇心疾而卒

憂患故成心疾

公如晉始朝也

即公

位而朝

夏盟於長樗孟獻子相公稽首

也稽

首首至地

疏

注稽首首至地

正義曰周禮九

知武子曰

天子在而君辱稽首寡君懼矣

稽首事天子之禮

孟獻子曰以敝邑介在東表密邇仇讎

仇讎

謂齊楚與晉爭

寡君將君是望敢不稽首

傳言獻子能固事盟主

晉為鄭服故且欲脩吳好鄭服前年將合諸

侯使士匄告于齊曰寡君使匄以歲之不

易不虞之不戒寡君願與一二兄弟相見

不易多難也虞度也戒備也列國之君相謂兄弟以謀不協請君臨之使

匄乞盟齊侯欲勿許而難為不協乃盟於

郕外與士匄盟**䟽**盟於郕外正義曰此是士匄適齊齊侯與盟其盟不離城之左右

若是地名山名不得有外內之異爾雅云厓內為隩外為隈李巡曰厓內近水為隩外為隈孫炎曰內曲裏也外曲表也是水有內外之異知此郕為水名其水蓋曲而近城故稱郕外邾奚請老老致仕

晉侯問嗣焉

嗣續其職者

稱解狐其讎也將立

之而卒

解狐卒

疏

讎也

正義曰讎者相負挾怨之名奚負狐狐負奚皆謂之讎此是

奚負狐也不是舉之以解怨故下云稱其讎不為誚也

又問焉對曰午也可

午祁奚子

於是羊舌職死矣晉侯曰孰可以代

之對曰赤也可

赤職之子伯華

於是使祁午為中軍

尉羊舌赤佐之

各代其父

君子謂祁奚於是能

舉善矣稱其讎不為誚立其子不為比舉

其偏不為黨

誚媚也偏屬也

疏

稱其至為黨

正義曰設令他人稱其讎則誚以求

媚也立其子則心在親比也舉其偏則情相阿黨也今祁
奚以其人實善故舉薦之人見彼善知奚不諂不比不黨
也諂者阿順曲從以求波意故以諂為媚媚愛也言為諂
以求愛也偏者半廂之名故傳多云東偏西偏軍師屬己
分之別行謂之偏師傳云彘子以偏師陷是偏為廂屬之
名也祁奚為中軍尉羊舌職佐之職屬祁奚復舉其子是
舉其偏屬也

商書曰無偏無黨王道蕩蕩

商書洪範也蕩

蕩平正無私

其祁奚之謂矣解狐得舉

未得位故曰得舉

祁

午得位伯華得官建一官而三物成

一官軍尉物事

也

疏

建一官而三物成

正義曰尉佐同掌一事故為建一官也三事成者成其得舉得位得官也官位

一也變文相辟耳服虔云所舉三賢各能成其職事案解狐得舉而死身未居職何成事之有

能舉善

也夫唯善故能舉其類詩云惟其有之是

以似之祁奚有焉

詩小雅言唯有德之人能舉似己者

疏

詩云至似之

正義曰此小雅裳裳者華之篇也其卒章大右之右之君子有之維其有之是以似之

六月公會

單頃公及諸侯己未同盟于雞澤

單頃公王卿士

晉侯使荀會逆吳子于淮上吳子不至

道遠

多難楚子辛為令尹侵欲於小國陳成公使

袁僑如會求成

患楚侵欲袁僑

疏

侵欲於小國正義曰多有

所欲求索無厭侵害小國故小國怨也

晉侯使和組父告于諸侯

告陳服

秋叔孫豹及諸侯之大夫及陳袁僑

盟陳請服也

其君不來使大夫盟之匹敵之宜

晉侯之弟揚干

亂行於曲梁

行陳次

魏絳戮其僕

僕御也

疏

魏絳

戮其僕

正義曰以車亂行是御者之罪故戮其僕也周禮司寇之屬有掌戮之官鄭立云戮猶辱也既斬殺又辱

之其職云掌斬殺賊謀而膊之凡殺其親者焚之殺王之親者辜之殺人者踣諸市肆之三日鄭立云膊謂去衣陳之焚燒也辜謂磔之踣僵尸也肆猶申也陳也彼膊焚辜肆皆謂陳以示人然則此言戮者非徒殺之而已乃殺之

以徇諸軍昭四年楚戮慶封負之斧鉞以徇於諸侯先徇乃殺之也成二年韓獻子既斬人郤子使速以徇是殺之

而後徇也此戮即彼徇之謂也文十年楚申舟扶宋公之僕以徇或曰國君不可戮也彼挾以徇亦稱為戮下云至

僕以徇或曰國君不可戮也彼挾以徇亦稱為戮下云至

於用鉞當是殺之乃以徇也

晉侯怒謂羊舌赤曰合諸侯

以爲榮也揚干爲戮何辱如之必殺魏絳

無失也對曰絳無貳志事君不辟難有罪

不逃刑其將來辭何辱命焉言終魏絳至

授僕人書

僕人晉侯御僕

疏

事君至逃刑絳之宿心舊行耳非獨爲此

正義曰此言

事而言也服虔云謂敢斬揚干之僕是不辟獲死之難然則斬僕依軍法也豈是絳之罪而得謂之有罪不逃刑乎不逃不辟此事自亦是矣要將伏劒士魴張老止

之公讀其書曰日君乏使使臣斯司馬

斯此

也

疏

將伏劍 正義曰謂仰劍刃身伏其上而取死也

臣聞師衆以順

爲武

順莫敢違

軍事有死無犯爲敬

守官行法雖死不敢有違

君合諸侯臣敢不敬君師不武執事不敬

罪莫大焉臣懼其死以及揚干無所逃罪

懼自犯不武不敬之罪

不能致訓至於用鉞

用鉞斬揚干之僕

疏

臣聞至用鉞 正義曰臣聞師旅兵衆順從上命莫敢違逆是爲威武此據在軍之衆也軍旅之事守官

行法欲討罪人雖有死難不敢辟死犯違法令而從舍罪人是爲共敬也君命既合諸侯臣豈敢畏懼死罪放舍罪人不爲共敬也今君之師衆違命亂行既已不武謂揚干也執事之臣畏懼其死罪不戮罪人是爲不敬御絳自謂

也不武不敬罪莫大焉是揚干與已皆有大罪臣若不討
非直臣有死罪揚干亦合有死罪臣懼身之死罪連及揚
干是臣罪更重無所逃辟重罪也不能以禮漸
致教訓至於用鉞以斬其僕是臣之罪重也
臣之罪

重敢有不從以怒君心

言不敢不從戮

請歸死於

司寇

致尸於司寇使戮之

公跣而出曰寡人之言親愛

也吾子之討軍禮也寡人有弟弗能教訓
使干大命寡人之過也子無重寡人之過

聽絳死

敢以為請

請使無死

晉侯以魏絳為能以

刑佐民矣反役與之禮食使佐新軍

羣臣旅會

今欲顯絳故特為設禮食

疏

與之禮食正義曰與之禮食者若公食大夫禮以大夫為賓公親為之特設

禮食

使佐新軍

正義曰服虔云於是魏頡卒矣使趙

武將新軍代魏頡升魏絳佐新軍代趙武也世族譜魏顥

魏絳俱是魏犢之子顥長生頡則絳是頡之叔父顥別為

令狐氏絳為魏氏蓋顥長而庶絳幼而適故也魏世家武

子生悼子悼子生絳則絳是犢孫計其年

張老為中

世孫應是也先儒悉皆不然未知何故

軍司馬

代魏絳

士富為侯奄

代張老士富士會別族

楚司

馬公子何忌侵陳陳叛故也許靈公事楚

不會于雞澤冬晉知武子帥師伐許

經四年春王三月己酉陳侯午卒

前年大夫盟雞澤三

月無己
酉日誤
夏叔孫豹如晉秋七月戊子夫人姒

氏薨

成公妾襄公母姒杞姓

疏

注成公至杞姓正義曰二年齊姜薨葬者是成公夫人故此

為成公之妾也據傳匠慶之言知是襄公之母以子既為君故得稱夫人而言薨也於時諸國杞鄫之徒皆姒姓據大者言之故云姒杞姓疑是杞女而未審故也葬陳成公傳無八月辛亥

葬我小君定姒

無傳定謚也赴同拊姑反哭成喪皆以正夫人禮母以子貴踰月而

葬速疏

注定謚至葬速正義曰謚法純行不爽曰定舊說妾子為君其母不得成為夫人故杜詳言之於

例赴同稱薨也拊姑稱小君也反哭成喪書葬也今定姒三禮皆具薨葬儀文皆以正夫人之禮者由母以子貴故也釋例曰凡妾子為君其母猶為夫人雖先君不命其母母以子貴其適夫人薨則尊得加於臣子而內外之禮皆

如夫人矣故妣氏之妻責以小君不成成風之喪王使來會葬傳曰禮也夫人如氏薨葬皆以禮備爲文明季文子雖議從略賤聞匠慶之言懼而備禮殯葬無闕也禮公子爲其母練冠繅緣旣葬除之及其嗣位爲君非復公子適母薨則申其母尊而先儒同之公子亦謬矣是杜言妾母得爲夫人之意也季孫初議欲不成定如之喪匠慶以君長懼之乃略取季孫之木君子謂之多行無禮必自及也則季孫初議是無禮也旣季孫議爲無禮明知於禮得成是知妾母成尊是爲正法但尊無二上適母若在君尚不得盡禮於其母臣民豈得以夫人之禮事之哉適母旣薨則君得盡禮君旣盡夫人之禮事其母臣民豈得以妾意遇之哉故適母薨則妾母尊也哀姜旣薨成風乃正出姜旣出敬嬴乃王齊姜旣薨定如乃正襄公一世無娶夫人之文故齊歸得正也鄭玄以爲正夫人有以罪廢妾母得成爲夫人也哀姜雖被齊殺僖公請而葬之案經薨葬備文安得以罪黜也又齊姜非以罪黜定如薨葬成尊成風

定姒並無譏文冬公如晉陳人圍頓

傳四年春楚師爲陳叛故猶在繁陽

前年何忌

之師侵陳今猶未還繁陽楚地在汝南銅陽縣南韓獻子患之言於朝

曰文王帥殷之叛國以事紂唯知時也

知時

未可今我易之難哉

晉力未能服楚受陳爲非時

三月陳

成公卒楚人將伐陳聞喪乃止

軍禮不伐喪

疏

注軍禮不伐喪正義曰十九年晉士勾侵齊至穀聞齊侯卒乃還傳曰聞喪而還禮也是軍禮不伐喪

陳人不聽命

不聽楚命

臧武仲聞之曰陳不服

於楚必亡大國行禮焉而不服在大猶有

咎而況小平夏楚彭名侵陳陳無禮故也

爲下陳穆叔如晉報知武子之聘也武子聘在元年

晉侯享之金奏肆夏之三不拜肆夏樂曲名周禮以鐘鼓

奏九夏其二曰肆夏一名樊三曰韶夏一名遏四曰納夏一名渠蓋擊鐘而奏此三夏曲工歌文王

之三又不拜工樂人也文王之三大雅之首文王大明縣歌鹿鳴之

三三拜小雅之首鹿鳴**疏**金奏至三拜正義曰奏謂作樂也作樂先擊

鐘鐘是金也故稱金奏周禮鐘師掌金奏鄭玄大金奏擊金以爲奏樂之節金謂鐘及鐃也又燕禮注云以鐘鐃

之鼓磬應之所謂金奏也此晉人作樂先歌肆夏肆夏是
作樂之初故於肆夏先言金奏也次工歌文王樂已先作
非復以金爲始故言工歌也於文王已言工歌鹿鳴又略
不言工互見以從省耳其實金奏肆夏亦是工人歌之工
歌文王擊金仍亦不息其歌鹿鳴亦是工歌之耳一注肆
夏至夏曲正義曰周禮鐘師凡樂言以鐘鼓奏九夏王
夏肆夏昭夏納夏章夏齊夏族夏陂言驚夏言以鐘鼓奏
之也又以文王類之知是樂曲名也杜子春云王出入奏
王夏尸出入奏肆夏牲出入奏昭夏四方賓來奏納夏臣
有功奏章夏夫人祭奏齊夏族人侍奏族夏賓醉而出奏
陂夏公出入奏驚夏定本納夏爲夏納此傳直言之三不
辨其三之名魯語同說此事而云金奏肆夏繁遏渠天子
所以享元侯也文王大明繇則兩君相元之樂也文王之
三盡文王大明繇以文王爲首并取其六二篇以爲三則
知肆夏之三以肆夏爲首亦并取其六一夏以爲三也且
下云三夏天子所以享元侯也三者皆名爲夏知是其次

二夏并肆夏爲三也周禮謂之肆昭納魯語謂之繁過渠故杜以爲每夏而有二名肆夏一名樊紹夏一名過納夏一名渠先儒所說義多不同周禮注載杜子春云肆夏與文王鹿鳴俱稱三謂其三章也以此知肆夏詩也呂叔玉云肆夏繁過渠皆周頌也肆夏時邁也繁過執競也渠思文也肆遂也夏大也言遂於大位謂王位也故時邁曰肆于時夏允王保之繁多也過止也言福祿止於周之多也故執競曰降福穰穰降福簡簡福祿來反渠大也言以后稷配天王道之大也故思文曰思文后稷克配彼天鄭玄云以文王鹿鳴言之則九夏皆詩篇名頌之族類也此歌之大者載在樂章樂崩亦從而亡是以頌不能具數家之說各以意言經典散亡無以取正劉炫云杜爲此解頗允三夏之名而分字配篇不甚愜當何則文王之三即文王是其一大明縣是其二鹿鳴之三則鹿鳴是其一四杜皇皇者華是其二然則肆夏之三亦當肆夏是其一樊過渠是其二安得復以樊爲肆夏之別名也若樊即是肆夏何須重

舉二名雖恥習前蹤亦未踰先哲今刪定知不然者以此
文云肆夏之三是自肆夏以下有三故爲韶夏納夏凡爲
三夏但此三夏各有別名故國語謂之繁過渠是一字以
當一夏若國語直云金奏繁過渠則三夏之名沒而不顯
故於繁字之上特以肆夏冠之云肆夏繁過渠是肆夏明
過是韶夏渠是納夏也國語舉其難明以合左氏三夏之
義劉不曉杜之深意遂欲妄從先儒先儒之說何所馮準
先儒以樊過二字共爲執競以渠之一字爲爲思文分字
既無定限文句多少任意則杜以樊共肆夏爲句何爲不
可劉君乃與奪恣情不顧曲直妄規杜過於義深非也

韓獻子使行人子貢問之

行人通使之官

疏

注行人通使之官

正義曰周禮大行人掌大賓之禮大客之儀小行人掌使適四方協賓客之禮諸侯行人當亦通掌此事故爲通使之官也此言韓獻子使行人問魯云晉侯使使行人問者彼孔晁注云韓獻子白晉侯使行人問也

子以君命辱於敝邑先君之禮藉之以樂

以辱吾子

藉薦也

吾子舍其大而重拜其細

敢問何禮也對曰三夏天子所以尊元侯

也使臣弗敢與聞

元侯牧伯

疏

注元侯牧伯正義曰周禮大宗伯云八

命作牧九命作伯鄭玄云牧謂侯伯有功德者加命得專征伐於諸侯也伯謂上公有功德者

侯九伯者也鄭司農云牧一州之牧也伯長諸侯為方伯也然則牧是州長伯是二伯雖命數不同俱是諸侯之長

也元長也謂之長侯明是牧伯

文王兩君相見之樂也臣不敢

及

及與也文王之三皆稱文王之德受命作周故諸侯會同以相樂

疏

注及與至相樂正義曰

及與也釋詁文言不敢與在其聞而聞之魯語并陳兩事乃摠云皆昭令德以合好非使臣之所敢聞彼俱不敢聞此分之爲等級耳詩序文王言文王受命作周大明言文王有明德故天復命武王伐紂繇言文王之興本由大王是文王之三皆稱文王之德能受天命造立周國故諸侯會同歌此以相燕樂也朝而設享是亦二君聚會故以會同言之肆夏旣亡不知其篇之義故唯取詩意以解文王鹿鳴耳詩是樂章樂歌詩篇聖王因其尊卑定其差等詩有四始風也小雅也大雅也頌也鄭立以肆夏爲頌之族類其差與頌同矣天子享元侯歌肆夏則於其餘諸侯不得用肆夏矣當歌文王與兩君相見同也然則兩元侯相見與天子享之禮同亦歌肆夏之類仲尼燕居兩君相見升歌清廟謂元侯也不歌肆夏肆天子也諸侯來朝乃歌文王遣臣來聘必不得同矣當歌鹿鳴也傳言文王兩君相見之樂則其臣來聘不得與其君同亦當歌鹿鳴也燕禮雖以已臣爲主兼燕四方之賓其樂歌鹿鳴是其定差

也燕禮升歌訖乃爲笙歌三篇堂下吹笙以播詩也笙歌
訖乃爲間歌六篇堂上歌一篇堂下吹一篇相間代也故
燕禮云乃間歌魚麗笙由庚歌南有嘉魚笙崇丘歌南山
有臺笙由儀是也間歌訖遂合鄉樂周南關雎葛覃卷耳
召南鵲巢采芣采蘋合樂謂堂上堂下合作樂也鄉樂者
風詩也燕禮歌小雅而合鄉樂以合卑於歌一等則知諸
所歌者其合樂用詩皆卑於升歌一等故鄭立詩譜云天
子享元侯歌肆夏合文王於諸侯歌文王合鹿鳴諸侯於
鄰國之君與天子於諸侯同天子諸侯燕其羣臣及聘問
之賓皆歌鹿鳴合鄉樂笙閒所用則鄭立云未聞也燕禮
升歌小雅笙歌閒歌亦用小雅則笙閒用詩與升歌差同
而云未聞者升歌合樂其用風雅皆用發首二篇笙用南
陔閒用魚麗不復更用其首篇未聞者未知其用何篇也
此傳言三夏天子所以享元侯則文王兩君相見之樂亦
謂享也雖不言燕燕亦當然此傳晉侯享穆叔焉歌鹿鳴
穆叔以己所當得三拜而受燕禮也二歌鹿鳴則是享燕

同樂明享之與燕用樂各自同矣若然肆夏之爲樂章樂之最尊者兩君相見猶尚不得用之而燕禮者諸侯燕已羣臣之禮而記云若以樂納賓則賓及庭奏肆夏鄭玄云卿大夫有王事之勞者則奏此樂所以得用之者彼謂納賓之樂郊特牲云賓入大門而奏肆夏示易以敬也鄭玄云賓朝聘者是朝賓聘客俱得用之與此升歌異也

鹿鳴君所以嘉賓君也敢不拜嘉

晉以叔孫爲嘉賓故

歌鹿鳴之詩取其我有嘉賓叔孫奉君命而來嘉叔孫乃所以嘉魯君

疏

注晉以至魯君正義曰詩序言

鹿鳴燕羣臣嘉賓正謂燕已之臣以己臣爲嘉賓耳叔孫以晉歌此篇者以己爲嘉賓故拜受之也燕禮記云若與四方之賓燕則公迎之于大門內鄭玄云四方之賓謂來聘者也是燕聘客唯君迎爲異餘悉與己臣同也

四

牡君所以勞使臣也敢不重拜

詩言使臣乘四牡駉駉然

行不止勤勞也晉以叔孫來聘故以此勞之

疏

注詩言至勞之正義曰詩序曰四牡勞使臣之來謂遣

臣出使來歸乃勞之也叔孫以晉歌此篇勞已來聘故重拜受之也魯語云四牡君之所以章臣之勤也敢不拜章

皇皇者華君教使臣曰必諮於周

皇皇者華君遣使臣

之詩言忠臣奉使能光輝君命如華之皇皇然又當諮于忠信以補己不及忠信爲周其詩曰周爰諮諏周爰諮謀周爰諮度周爰諮詢言必

疏

注皇皇至四事正義曰此詩本意文王教出使之

臣使遠而有光華又當諮問善道於忠信之人今晉君歌此以寵穆叔穆叔執謙以爲晉侯所教故云君教使臣下云臣獲五善敢不重拜與詩本意異也忠信爲周魯語文也爰於也若遇忠信之人於是訪問詢度諏謀等四事也魯語云皇皇者華君教使臣曰每懷靡及諏謀度詢必咨於周敢不拜教臣聞之訪問於

善為咨

問善道

咨親為詢

問親戚之義

咨禮為度

問禮宜

咨事為諏

問政事

咨難為謀

問患難

疏

咨親

至為謀

正義曰魯語言此四事唯咨親為詢與此文同其餘咨材為諏咨事為謀咨義為度三者與此皆異韋昭

改從此傳注云材當為事事當

為難孔晁注云材謂政幹也臣獲五善敢不重

拜

五善為諮詢度諏謀

疏

臣獲五善一善故并咨為五魯語云君既使臣

以大禮重之以六德孔晁云既有五善又自謂無及成焉

六德言自謂知所無及懷謙以問知者此亦即是一德故

為六德也皆是受君之教乃知如此亦是君之所賜故云臣獲也

秋定姒薨不殯

于廟無襯不虞

親親身棺季孫以定姒本賤既無器備議其喪制欲殯不過廟又不

反哭

疏

注親親至反哭

正義曰觀者親身之棺初死即

哭當有之將葬以殯過廟葬訖乃為虞祭今定初

堯匠慶以君長懼之乃始作觀知此是季孫以定初本賤

素無器備議其喪制欲如此耳非是終久遂無之也檀弓

曰君即位而為禭夫人尊與君同亦當生已有觀今議欲

不為是素無器備故始議之也檀弓又曰喪之朝也順死

者之孝心也其哀離其室也故至於祖考之廟而後行殷

朝而殯於祖周朝而遂葬士喪禮朝而遂葬與記正同知

周法不殯于廟而此及僖八年傳皆云不殯于廟以為非

禮知其將葬之時不以殯過廟耳非是殯尸於廟中也葬

訖日中反虞於正寢謂之反哭

今欲不虞者欲不為反哭也

匠慶謂季文子

魯大

曰子為正卿而小君之喪不成

謂如季孫

夫人禮

不終君也

慢其母是不

君長誰受其咎

不成

終事君之道

慢其母是不

君長誰受其咎

言襄公長將責季孫

初季孫爲己樹六櫟於蒲圃東門

之外

蒲圃場圃名季文子樹櫟欲自爲櫟

疏

注蒲圃至爲櫟正義曰詩云九月築場圃毛傳云

春夏爲圃秋冬爲場樹菜蔬爲圃治禾黍爲場場圃同地耳故社以場明圃圃名蒲也櫟是爲櫟之木知季孫樹之

欲自爲櫟也

匠慶請木

爲定似作櫟

季孫曰略

不以道取爲略

匠

慶用蒲圃之櫟季孫不御

御止也傳言遂得成禮故經無異文

君子曰志所謂多行無禮必自及也其

是之謂乎

疏

季孫至謂乎正義曰不以道取爲略今律略人略賣人是也季孫言略

令匠慶略他木也官非無木可用意欲不成其喪請木不順其意怒慶此請令略木爲之也匠慶又忿季孫未必無

木可用故取季孫之櫨其意言遣我略人我止略女季孫
令之爲略匠慶奉命而略雖自被略不得止之季孫此議
自是無禮也被匠慶略木是自及也君子言古之志記所
謂多行無禮必自及者其季孫之謂平而釋例論此去議
從略賤彼自是解正義之語與此不以道取爲略別也
注御止至異文 正義曰止寇謂之禦御即禦也故訓爲

止季孫本議欲無櫨不虞今傳唯言取木爲櫨而已尚不
知得殯廟虞祭以否不虞即是不反哭不反哭則不得書

葬今定以薨葬備文則因匠慶之 冬公如晉聽政 受

言遂得每事成禮是故經無異文 賦多少 晉侯享公公請屬鄆 鄆小國也欲得使屬

之政 使助魯出貢賦公時年七歲蓋 鄆如須句顯吏之比 正

相者爲之言鄆今琅邪鄆縣 義曰附庸附大國耳 鄆乃子爵而欲得屬魯者春秋之世小國不能自通多附
於大國二十七年齊人請邾宋人請滕邾滕猶尚附人況

疏

節又小也故杜謗之如須句顯史之比須句亦子爵使助魯出貢賦耳時公年七歲未能自謀蓋國內共為此計使

相者代公言之

晉侯不許孟獻子曰以寡君之密

邇於仇讎而願固事君無失官命

晉官發發之命

疏

注晉官發發之命

正義曰二年鄭子駟以君初喪云官命未改此魯以國小賦重恐失官命二者官命

雖同而主意有異故杜彼以去葬解之此以發發解之觀文為說

鄆無賦於司馬

晉司馬又掌諸侯之賦

為執事朝夕之命敝邑敝邑褊

小闕而為罪

闕不共也

寡君是以願借助焉

借鄆

以自助 晉侯許之

焉明年叔孫為鄆世子巫如晉傳

楚人使頓間

陳而侵伐之故陳人圍頓

闕何

無終子嘉

父使孟樂如晉

無終山戎國名
孟樂其使臣

因魏莊子納

虎豹之皮以請和諸戎

欲戎與晉和
莊子魏絳

晉侯曰

戎狄無親而貪不如伐之魏絳曰諸侯新

服陳新來和將觀於我我德則睦否則攜

貳勞師於戎而楚伐陳必弗能救是弃陳

也諸華必叛

諸華
中國

戎禽獸也獲戎失華無

乃不可乎夏訓有之曰有窮后羿

夏訓夏書
有窮國名

后君也羿有窮君之號

疏

注夏訓至之號 正義曰夏書五子之歌云太康尸位以逸豫敗于有洛之表

十旬弗反有窮后羿因民弗忍距于河厥弟五人御其母以從五子咸怨述大禹之戒以作歌其一曰皇祖有訓是大禹立言以訓後故傳謂此書爲夏訓也羿居窮石之地故以窮爲國號以有配之猶言有周有夏也后君也窮國之君曰羿羿是有窮君之號 公曰后羿何如 怪其言不次故問之 對曰昔

有夏之方衰也后羿自鉅遷于窮石因夏

民以代夏政

禹孫太康淫於失國夏人立其弟仲康仲康亦繼弱仲康卒子相立羿遂代相

號曰有窮鉏

疏

江禹孫至國名 正義曰夏本紀禹生啓啓生太康是禹孫也爲羿所距書序

云太康失邦是爲淫放失國也本紀又云太康崩弟仲康立尚書序征六惟仲康肇位四海 一曰公羿登太康而

立其弟仲康爲天子則仲康之立但羿握其權仲康不能除去之耳哀元年傳稱有司說殺斟灌以滅后相相依斟灌故滅之是相立爲天子乃出依斟灌則相之立也蓋亦羿立之矣此傳言羿代夏政云不脩民事寒浞殺羿言取其國家則羿必自立爲天子也當是逐出后相羿乃自立相依斟灌斟尋夏桀殺尚不滅蓋與羿並稱王也及寒浞殺羿因羿室而生澆豷已長大自能用師始滅后相相死之後始生少康少康生杼杼又年長已堪誘殪方始滅浞而立少康計太康失邦及少康紹國向有百載乃滅有窮據此傳文夏亂甚矣而夏本紀云仲康崩子相立相崩子少康立都不言羿

恃其射也

羿善射



江羿善射

正義曰尚書云太康尸位以逸豫有窮后羿因民弗忍距于河孔安國云羿諸侯名杜云有窮君之號則與孔不同也羿善射論語文也說文云羿帝嚳射官也賈逵云羿之先祖世爲先王射官故帝嚳賜羿弓矢使司射淮南子云

堯時十日並出堯使羿射九日而落之楚辭天問云羿彈日烏焉解羽歸藏易亦云羿彈十日也言雖不經難以取信要言堯時有羿堯時亦有羿則羿是善射之號不脩非復人之名字信如彼言則不知此羿名爲何也

民事而淫于原獸

淫放原野

弃武羅伯因熊羆

尤圉

四子皆羿之賢臣

而用寒浞寒浞伯明氏之讒

子弟也

寒國北海平壽縣東有寒亭伯明其君名

伯明后寒弃之夷

羿收之

夷氏

疏

伯明后寒弃之正義曰寒是國名伯明寒君之名也后君也伯明君此寒國

之時而棄不收采也

注夷氏正義曰此傳再言夷羿故以夷爲氏也

正信而使之以爲

己相浞行媚于內

內宮

而施賂于外愚弄

其民

欺罔之

而虞羿于田

樂之以游田

樹之詐慝

以取其國家

樹立也

外內咸服

詐信

羿猶不悛

悛改也

將歸自田

羿獵還

家衆殺而亨之以食

其子

食羿子

疏

家衆殺而亨之衆人反羿以從

正義曰家衆謂羿之家衆人反羿以從

逢蒙學射於羿盡羿之道思天下唯羿爲愈已於是殺羿則殺羿者逢蒙也

其子不忍食

諸死于窮門

殺之於國門

靡奔有萑氏

靡夏遺臣事羿者有

萑國名今平原萑縣

浞因羿室

就其妃妾

生澆及豷恃其讒

慝詐僞而不德于民使澆用師滅斟灌及

斟尋氏

二國夏同姓諸侯仲康之子后相所依樂安
壽光縣東南有准亭北海平壽縣東南有斟

亭

疏

注二國夏同姓諸侯
正義曰世本文也

處澆于過處豷于戈

過戈皆國名東萊掖縣北
有過鄉戈在宋鄭之間

疏

注戈在宋鄭之間
正義曰哀十二年傳曰宋鄭之

閒有隙地焉曰
出戈錫是也

靡自有萁氏收二國之燼

燼

民

疏

注燼遺民 正義曰樵燭既燒之餘名之曰燼二
國之燼謂澆之所殺死亡之餘遺脫之民也思報

父兄之讎故靡
得收而用之

以滅浞而立少康

少康夏后
相之子

少

康滅澆于過后杼滅豷于戈

后杼少
康子

疏

注

杼少康子 正義曰夏本
紀少康崩子帝杼立是也

有窮由是遂亡失人

故也

湜因羿室故不改有窮之號

疏

有窮至故也

正義曰有窮遂亡謂湜亡也武羅伯因熊

是國之大患故言之以規悼公也

昔周辛甲之爲

大史也命百官官箴王闕

辛甲周武王大史闕過也使百官各爲箴

辭戒

疏

注辛甲至王過

正義曰晉語稱文王訪于辛尹賢達以爲辛甲尹佚則辛甲文王之臣而下

及武王但文王之時天命未改未得命百官官箴王闕故以爲武王時大史也闕謂過失也大史號令百官每官各爲箴辭以戒王若箴之療疾故名箴焉言官箴者各以其官所掌而爲箴辭虞人掌獵故以獵爲箴也漢成帝時揚雄愛虞箴遂依放之作十二州二十五官箴後亡失九篇後漢崔駰駰子瑋瑋子寔世補其闕及臨邑侯劉陶除大傳胡廣各有所增凡四十八篇廣乃次於虞人之箴而題之署曰百官箴皆放此虞箴爲之

虞人掌田獵 **疏** 注虞人掌田獵 正義曰周禮山虞大田獵則萊山田之野澤虞大田獵則萊澤野萊謂

芟其草萊以爲殺圍之處詩曰芒芒禹迹畫爲九毛傳云大艾草以爲防是也

州 **疏** 注芒芒至分也 正義曰畫分者言畫分也 **疏** 注芒芒至分也 正義曰畫分者言

都不言竟界以餘州所至則冀州可知也八州各言竟界云濟河惟兗州海岱惟青州海岱及淮惟徐州淮海惟揚

州荆及衡陽惟荊州荊河惟豫州華陽黑水經啓九道惟梁州黑水西河惟雍州是禹所畫分也

啓開九州 **疏** 注啓開九州之道 正義曰既分海內以爲州之道九州遂皆以九言之禹貢云九州攸同九山

刊旅九川獮源九澤既陂故此亦言九道言禹開通九州之道也 民有寢廟獸有

茂草各有攸處德用不擾 人神各有所在帝 歸故德不亂

夷羿冒于原獸

冒貪也

疏

在帝夷羿正義曰帝王之號當時所稱三代

稱王自以德劣於前諫而不稱爲帝其統天下實與帝同所謂今之王古之帝也後人之稱先代或以王言帝或以帝言王史記於夏殷諸王皆稱爲帝此羿篡立爲王故以帝稱焉忘其國恤而思

其麀牡

言但念獵

武不可重

重猶數也

疏

注重猶數也正義曰杜讀

爲重累之重故爲數也服虔云重猶大也言武事不可大任

用不恢于夏家

羿

好武雖有夏家而不能恢大之

獸臣司原敢告僕夫

獸臣虞人告僕夫不敢斥

尊虞箴如是可不懲乎於是晉侯好田故

魏絳及之

及后羿事

疏

於是至及之正義曰魏絳本意主勸和戎忽云有窮后羿以

開公問遂說昇事以及虞箴乃與初言不相應會故傳爲此二句以解魏絳之意 公曰然則莫

如和戎乎對曰和戎有五利焉戎狄荐居

貴貨易土

荐聚也易猶輕也

疏

注荐聚也正義曰釋言去荐再也孫炎曰荐草生

之再也即荐是聚也服虔去荐草也言狄人逐水草而居徙無常處劉炫案莊子去麀鹿食荐即荐是草也服言是

土可賈焉一也邊鄙不聳民狎其野穡人

成功二也

聳懼狎冒也

戎狄事晉四鄰振動諸

侯威懷三也以德綏戎師徒不勤甲兵不

頓四也

頓壞也

疏

注頓壞也正義曰頓謂挫傷折壞今俗語云委頓是也

鑒于

后羿而用德度

以后羿為鑒戒

遠至邇安五也君

其圖之公說使魏絳盟諸戎脩民事田以

時

傳言晉侯能用善謀

冬十月邾人莒人伐鄆臧紇

救鄆侵邾敗於狐駘

臧紇武仲也鄆屬魯故救之狐駘邾地魯國菑縣東

南有日

疏

注菑縣

正義曰魯國地理志曰菑讀如藩屏之藩言魯國南藩也汝南陳子游為魯相

子游者藩之子也國人辟諱遂改皮音而為菑字因而不改也

國人逆喪者皆髻

魯於是乎始髻

髻麻髮合結也遭喪者多故不能備凶服髻而已

疏

注

麻至而已正義曰髻之形制禮無明文先世儒者各以意說鄭眾以為象麻與髮相半結之馬融以為屈布為巾

高四寸著於顙上鄭玄以爲去纓而紛案檀弓記稱南宮
縚之妻孔子之兄女也縚母喪孔子誨之髽曰爾母從從
爾爾母扈扈爾鄭玄去從從謂大高扈扈謂大廣若布高
四寸則有定制何當慮其從從扈扈而誨之哉如鄭玄去
纓而空露其紛則髮上本無服矣喪服女子在室爲父髽
衰三年空露紛髮安得與衰共文而謂之髽衰也魯人逆
喪皆髽豈直露紛迎喪哉凶服以麻表髽字從髟是髮之
服也杜以鄭衆爲長故用其說言麻髮合結亦當麻髮半
也於時魯師大敗遭喪者多婦人迎子迎夫不能備其凶
服唯髽而已同路迎喪以髽相弔傳言魯於是始髽者自
此以後遂以髽爲弔服雖有吉者亦髽以弔人檀弓曰魯
婦人之髽而弔也自敗於壺始始也鄭玄去時家家有喪
髽而相弔知於是始髽者始用髽相弔也髽者依喪服婦
人爲斬衰三年者髽故喪服云女子子在室笄髽衰三
年是也其齊衰期亦髽故檀弓云南宮縚之妻之姑之喪
夫子誨之髽是也其婦人弔服則鄭注檀弓云大夫之妻

錫衰士之妻則疑棄
皆吉筭無首案總也

國人誦之曰臧之狐裘敗

我於狐貍

臧紇時服狐裘

我君小子朱儒是使朱

儒朱儒使我敗於邾

襄公幼弱故曰小子臧紇短小故曰朱儒敗不書魯

人諱之

經五年春公至自晉夏鄭伯使公子發來

聘

發子產父

叔孫豹鄆卅子巫如晉

比魯大夫故書巫如晉

仲孫蔑衛孫林父會吳于善道

魯衛俱受命於晉故不言

及吳先在善道二大夫往

䟽

注魯衛至地闕正義曰諸言及者皆魯君命之使

與彼行故稱及彼此傳稱晉將爲吳合諸侯使魯衛先會之魯衛俱受命於晉非是魯君命蔑使與林父會吳故不言及也下文戚之會序吳於列書公會晉侯去云吳人鄫人于戚此不序吳於林父之下而別去魯吳者爲吳人先在善道蔑與林父往彼會之故去會吳也十年會吳于祖成十五年會吳于鍾離皆是吳在彼地往彼會之故殊會吳也公羊以爲外吳言春秋內其國而外諸夏內諸夏而外夷狄故殊會以外之左氏無此義杜不從公羊故皆去吳在彼也下戚會不殊吳者來會于戚故與諸國同序列也

秋大雩楚殺其大

夫公子壬夫

書名罪其貪

公會晉侯宋公陳侯

衛侯鄭伯曹伯莒子邾子滕子薛伯齊世

子光吳人鄫人于戚

穆叔使鄫人聽命于會故鄫見經不復殊吳者吳來

會于戚

公至自會

無傳

冬戍陳

諸侯在戚會皆受命戍陳各還國遣戍不

復有告命故獨書魯戍

疏

注諸侯至魯戍年戍鄭虎牢僖二年城楚丘棠傳皆諸

國同行而經獨書魯者城楚丘傳去不書所會後也彼為魯人後期諸侯已散故作獨城之文此則於戚之會受命

戍陳十年諸侯伐鄭於伐鄭受命戍鄭虎牢還國各自遣戍更無告命故獨書魯戍也

楚公子

貞帥師伐陳公會晉侯宋公衛侯鄭伯曹

伯齊世子光救陳十有二月公至自救陳

無傳

辛未季孫行父卒

傳五年春公至自晉

公在晉既聽屬鄆聞其見伐遇命滅統出救故

傳稱經公至以明之

王使王叔陳生愬戎于晉

王叔周卿士也戎陵

越周室故告愬盟主

晉人執之士魴如京師言王叔

之貳於戎也

王叔反有二心於戎失奉使之義故晉執之

夏鄭子國

來聘通嗣君也

鄭僖公初即位

穆叔覲鄆大夫于

晉以成屬鄆

覲見也前年請屬鄆故將鄆大夫巫如晉以成之

疏

注覲見至成之

正義曰覲見釋詁文也前年魯請屬鄆雖被晉許而鄆人未知故將巫至晉以成之

書曰叔孫

豹鄆大夫巫如晉言比諸魯大夫也

豹與巫俱受命

於魯故經不書及比之魯大夫

疏

注豹與巫大夫正義曰巫若自受命命賜豹言及今巫來至魯魯侯

命之令與豹同行與豹俱受魯命故經不言及比之魯大夫也魯大夫兩人同行皆不言及文十八年公子遂叔孫得臣如齊定六年季孫斯仲孫何忌如晉其類皆是也

吳子使壽越如晉

吳大辭不會于雞澤之故三年會雞澤吳不至今來謝之且

請聽諸侯之好更請晉人將爲之合諸侯

使魯衛先會吳且告會期以其道遠故使魯衛先告期故孟

獻子孫文子會吳于善道二子皆受晉命而行秋大

雩旱也雩夏祭所以祈甘雨若旱則又脩其禮故雖秋雩非書過也然經與過雩同文是以傳每

釋之曰旱也雩而獲疏注雩夏至書旱正義曰例稱雨故書雩而不書旱龍見而雩是夏祭常禮所以祈

甘雨也過時則書若值歲旱則又脩此雩禮而爲祈禱故雖秋雩非書過也此是爲旱而雩非常雩過時也但經書大雩則過雩旱雩無以相別故爲旱而雩傳皆言旱以釋之釋例曰始夏而雩者爲純陽用事防有旱災而祈之也至於四時之旱又因用此禮而求雨故亦曰雩經書雩而傳不以旱釋之者皆過雩也經書過雩則與旱雩不別故傳皆發之是解發傳言旱之意也雩爲旱禱而不書旱者雩而獲雨故書雩而不書旱雩不得雨則書旱以明災成雩二十一年夏大旱是也雩而獲雨則書雩穀梁傳文也

楚人討陳叛故

討治也

曰由今尹子辛實侵欲焉乃殺之書曰楚殺其大夫公子壬夫貪也君子謂楚共王於是不刑

陳之叛楚罪在子辛共王既不能素明法教陳叛之日又不能嚴斷威刑以謝小國

而擁其罪人與兵致討加禮於陳而陳恨彌篤乃怨而歸
罪子辛子辛之貪雖足以取死然共王用刑為失其節故
言不

疏

注陳之至不刑正義曰釋例曰陳之叛楚罪
在子辛共王既不能明法示教以肅大臣陳叛

之日又不能嚴斷威刑以謝小國而擁其罪人以興兵致
討暴師經年加禮於陳陳恨彌篤乃愠而歸罪子辛子辛
之貪雖足以取死然共王用刑為失其節故君子論之以
為不刑也加禮於陳者謂四年楚將伐陳聞喪乃止是也
不刑者言不得
用刑之道也

詩曰周道挺挺我心局局講

事不令集人來定

逸詩也挺挺正直也局局明察
也講謀也言謀事不善當聚致

賢人以

已則無信而殺人以逞不亦難乎

王共

伐宋封魚石背盟敗于鄢陵殺子反公子申及壬夫
八年之中戮殺三卿欲以屬諸侯故君子以為不可

疏

注共王至不可 正義曰釋例以君子此言止為殺公子
申與壬夫二人而已此注又兼言殺子反者傳言已則無
信尤共王也背盟而敗于鄢陵及殺子反皆是共王無信
之事故追言之也殺此三卿欲令諸侯息忿還來屬已故
言欲以屬諸侯以屬諸侯者僖十九年傳文也逞訓解也
共王殺此三人望解已意而諸侯不從意竟不解故云殺
人以逞不 夏書曰成允成功 亦逸書也允信也言
亦難乎 信成然後有成功

疏

注亦逸至成功 正義曰此虞書大禹謨之文禹是
夏王故傳稱夏書杜不見古文故稱逸書亦亦前逸

詩也彼舜謂禹能成聲教之信成治水之功為二事此傳
引之言共王無信故無成功杜順傳意言信成然後有成

功為一
事也

九月丙午盟于戚會吳且命成陳也

公及其會而不書盟非
公後會蓋不以盟告廟

疏

注公及至告廟 正義曰凡
諸侯會而盟者皆先會而後

盟非先盟而後會既及其會知非後盟釋例曰盟于鄆盟于華盟于戚公既在會而不書其盟者以理推之會在盟前知非後盟也蓋公還告會而不告盟也穆叔以屬鄆為不利使鄆

大夫聽命于會

鄆近魯竟故欲以為屬國既而與莒有忿魯不能救恐致譴責故復

乞還之傳言鄆人所以見於戚會

楚子囊為令尹

公子貞

范宣子

曰我喪陳矣楚人討貳而立子囊必改行

改子辛所行

而疾討陳

疾急也

陳近於楚民朝夕急

能無往乎有陳非吾事也無之而後可

言晉

力不能及陳故七年陳侯逃歸

冬諸侯戍陳

備楚

子囊伐陳十

一月甲午會于城棣以救之

公及救陳而不
及會故不書城

棣城棣鄭地陳留酸
棣縣西南有棣城

疏

注公及至城棣
五年公會宋公衛侯陳侯于袤

正義曰相十

伐鄭既會而伐并會書之計此亦當書會
故解之公及救陳而不及其會故不書會

季文子卒

大夫入斂公在位

在阼階
西鄉

疏

注在阼階西鄉
正義曰喪大記去

大夫之喪將大斂既鋪絞紛衾衣君至主人迎先入門右
巫止于門外君釋菜祝先入升堂君即位于序端士喪禮
君若有賜焉則視斂既布衣君至君升自阼階西鄉以君
臨士喪西鄉知臨大夫之喪即位于序端者亦西鄉也鄭
玄士冠禮注云阼猶酢也東階所以荅酢賓客也堂東西
牆謂之序劉炫又引記云君既即位于序端卿大夫即位
于堂廉楹西北面東上主人房外南面主婦尸西東面遷
尸卒斂率告主人降北面于堂下君撫之主人拜稽顙君

降升主人馮之命主婦馮之士之喪
將大斂君不在其餘禮猶大夫也

宰庀家器爲

葬備

庀具也

無衣帛之妾無食粟之馬無

藏金玉無重器備

器備謂珍寶甲兵之物

君子是以知

季文子之忠於公室也相三君矣而無私

積可不謂忠乎

疏

相三君矣

正義曰季孫行父以文六年見經則爲卿父

矣宣公之初襄仲執政宣八年仲遂卒後始文子得政故至今爲相三君也

經六年春王三月壬午杞伯姑容卒夏宋

華弱來奔

華椒孫

秋葬杞桓公

無傳

滕子來朝

莒人滅鄆冬叔孫豹如邾季孫宿如晉

父行

之十有二月齊侯滅萊

書十二
月從告

傳六年春杞桓公卒始赴以名同盟故也

杞入春秋未嘗書名桓公

疏

注杞入至以名正義曰
杞入春秋以來唯僖二十

三與成同盟故赴以名

三年杞成公卒用夷禮書杞子卒未嘗書杞君之名也世
本杞桓公是成公之弟成公卒而桓公立至此七十一年

唯成五年盟于蟲牢七年于馬陵九年于蒲魯杞俱在未
嘗與襄同盟嫌其不合以名赴故傳發之釋例曰杞伯姑
容未與襄同盟而事逮其父用同盟之禮蓋繼好之義
也嫌於赴非所盟之君故傳曰始赴以名同盟故也

宋

華弱與樂轡少相狎長相優又相謗也

狎親習也

疏

注狎親至戲也正義曰論語云雖狎必

優調戲也變曲禮云賢者狎而敬之狎是相褻慢相

貫習之名也二十八年傳稱慶氏之徒觀優至於魚里是

優為戲名也晉語有優施史記滑稽傳有優孟優旃皆善

為優遂以優著名

子蕩怒以弓梏華弱于朝

是優為調戲也

子蕩樂嚮也張弓以貫其

頸若械之在手故曰梏

疏

注子蕩至曰梏正義曰

貫者穿也張弓以貫脊其

頸頸穿於弓之中故曰貫其頸周禮掌囚有梏桎在手曰

梏在足曰桎頸貫於弓若手在梏故云以弓梏也桎梏俱

名為械釋名云械者戒也

戒止人使不得遊行也平公見之曰司武而

梏於朝難以勝矣

司武司馬言其懦

弱不足以勝敵

遂逐之

夏宋華弱來奔司城子罕曰同罪異罰非

刑也專戮於朝罪孰大焉亦逐子蕩子蕩

射子罕之門曰幾日而不我從言我射女門女亦當以不

勝任子罕善之如初言子罕雖見辱不
見逐**疏**至如

初正義曰子罕以華弱奔後而發此言蓋以告諸大夫非告君也亦逐子蕩一句亦是子罕之語說子蕩之罪言

亦宜逐子蕩也子蕩恐即被逐故射子罕之門宋亦不復逐之子蕩作被逐之意故云幾日而不我從也宋人不復

更逐故子罕善之如初不恨其射門也或當實逐子蕩故子蕩云幾日而不我從理亦通也
注言子至得安
正義曰服虔云言子罕不阿同族亦逐樂轡以正國法忠之

至也及樂轡射其門畏從華弱之罰復善樂轡如初是為

茹柔吐剛喪其志矣傳故舉之明春秋之義善惡俱見杜以春秋之世君弱臣彊莫不蓋失掩罪以相忍為國向成

欲蓋華臣子罕不怨樂轡皆忍忿求安之事不足以爲大
尤知傳載此言是善其得安非尤其從惡故異於服也

秋滕成公來朝始朝公也莒人滅鄆鄆恃

賂也

鄆有貢賦之賂在魯恃之而慢莒故滅之

冬穆叔如邾聘且脩

平

平四年孤駘戰

晉人以鄆故來討曰何故亡鄆

鄆屬魯恃賂而慢莒魯不致力輔助無何以還晉尋便見滅故晉責魯

季武子如晉見

且聽命

始代父爲卿見大國且謝亡鄆聽命受罪

疏

注始代至受罪正義曰昭二年晉

韓宣子來聘傳曰告爲政而來見也大國政卿尚來見小國知此傳言見者是始代父爲政卿往見於大國也十

一月齊侯滅萊萊恃謀也

賂夙沙衛之謀也事在二年

於

鄭子國之來聘也四月晏弱城東陽而遂

圍萊

子國聘在五年二年晏弱城東陽至五年四月復託治城因遂圍萊

甲寅堙之

環城傳於堞

堞女牆也堙土山也周城爲土山及女牆

疏

注堞女至女牆正義曰

兵書攻城有爲堙之法宣十五年公羊傳曰子反乘堙而窺宋城是堙爲土山使高與城等而攻之也言環城是環遶其城知周币其城爲土山也及杞桓公卒之月

此年三月

乙未

王湫帥師及正輿子棠人軍齊師

王湫故齊人成十八

年奔萊正輿子棠大夫棠萊邑也北海即墨縣有棠鄉三人帥別邑兵來解圍

齊師大敗之

敗湫

丁未入萊萊共公浮柔奔棠正輿子

王湫奔莒莒人殺之四月陳無宇獻萊宗

器于襄宮

無宇栢子陳完立孫襄宮齊襄公廟

晏弱圍棠十一

月丙辰而滅之遷萊于郕

遷萊子于郕國

疏

遷萊于郕

正義曰郕即小邾也二年傳曰滕薛小邾之不至皆齊故也小邾附屬於齊故滅萊國而遷其君於小邾使之寄居

以終身也

高厚崔杼定其田

定其疆界高厚高固子

經七年春邾子來朝夏四月三卜郊不從乃

免牲

稱牲既卜日也卜郊又非禮也

疏

夏四月至免牲正義曰周禮大宰職六祀五帝前期十

日帥執事而卜日然則將祭十日之前預卜之蓋一旬一卜也例稱啓蟄而郊建寅之月也此四月三卜蓋三月二

四月又一卜也春分之前猶是啓蟄節內於法仍可以
郊據傳獻子之言三卜在春分之後則初卜即已大晚故
三卜而涉於春分也人心欲其吉不吉是不從不從則不
郊故免牲而不殺也注稱牲至禮也正義曰僖三十
一年夏四月四卜郊不從乃免牲傳曰禮不卜常祀而卜
其牲日牛卜日曰牲牲成而卜郊上怠慢此經與彼正同
唯四卜三卜爲異耳彼言其非則此亦非也牛已稱牲是
既卜日矣牲既成矣而又卜郊與僖同譏故去又非禮也

小邾子來朝城費

南遺假事難而城之

疏

注南遺至城之正義曰此傳唯

說南遺請城之由不言時與不時則知南遺假託言有事難而請城之

秋季孫宿如衛

八月螽

無傳爲災故書

冬十月衛侯使孫林父來

聘壬戌及孫林父盟楚公子貞帥師圍陳

十有二月公會晉侯宋公陳侯衛侯曹伯

莒子邾子于郕

謀救陳陳侯逃歸不成救故不書救也郕鄭地

疏

注謀救至

鄭地

正義曰楚既圍陳而陳侯亦列於會者當是圍之不密故陳侯得出會求救也陳侯逃歸陳遂屬楚諸侯不

與楚戰各自罷歸不成爲救故不書救也

鄭伯髡頑如會未見諸侯

丙戌卒于鄆

實爲子駟所弑以瘡疾赴故不書弑稱名爲書卒同盟故也如會會於鄆也未

見諸侯未至會所而死鄆鄭地不欲

疏

注實爲至會上正義曰魯之隱

再稱鄭伯故約文上其名於會上

閔實被弑而書薨諱而不言弑則亦不以被弑赴諸侯此

鄭伯實爲子駟所弑而以瘡疾赴於諸侯亦如隱閔之類

諱而不言弑故魯史不得書弑也穀梁傳曰禮諸侯不生名此其生名何也卒之名也卒之名則何爲加之如會之上

見以如會卒也是言書名為書卒而稱之也三年盟于雞澤五年盟于戚魯鄭俱在同盟故赴以名法當書名故進名於上其名本為下卒非是生名之也如會者會諸侯於鄆欲往赴其會也公羊傳曰未見諸侯其言如會何致其意也原其意本欲往會故書之也未見諸侯言其未至會所而死非至會而不見也書卒于鄆者赴以所卒之地故

書之陳侯逃歸

畏楚逃晉而歸

傳七年春郊子來朝始朝公也夏四月三

卜郊不從乃免牲孟獻子曰吾乃今而後

知有卜筮夫郊祀后稷以祈農事也

郊祀后稷

以配天后稷周始祖能播殖者

疏

生郊祀至殖者

正義曰言后稷周始祖能播殖者辨知后稷是何人

不爲能播殖故祀以祈農事言謂郊天以祈農耳案孝經云孝莫大於嚴父嚴父莫大於配天則周公其人也昔者周公郊祀后稷以配天宗祀文王於明堂以配上帝止云配天而祀之不言祈農也郊特牲說郊天之義曰萬物本乎天人本乎祖此所以配上帝也郊之祭也大報本反始也宣三年公羊傳曰郊則曷爲必祭稷王者必以其祖配王者則曷爲必以其祖配自出者無匹不行自外至者無主不止何休云天道闇昧故推人道以接之不以文王配者重本尊始之義也據此諸文則郊祭天者爲物本於天故祭天以報本神必須配故推祖以配天止報生成之恩非求未來之福此傳專言郊祀后稷主爲祈農事者斯有旨矣祭祀老爲報亡往非求將來之福也但祭爲明神所享神以將來致福將來而獲多福乃由祭以得之禮器稱君子曰祭祀不祈祭者意雖不祈其實福以祭降以祭獲福即祈之義也宗廟之祭緣生事死盡其孝順之心非求耕稼之利少牢饋食者大夫之祭禮也其祭之末尸嘏主人使女受福于

天宜稼于田彼豈爲田而祭哉神以宜田福之耳郊天之義亦猶是也神以人爲主人以穀爲命人以精意事天天以宜稼祐人以此謂之祈農本意非祈農也詩噫嘻序曰春夏祈穀于上帝禮孟春之月月令曰是月也天子乃以元日祈穀于上帝即是郊天之祭也其下即云乃擇元辰天子親載耒耜躬耕帝籍是郊而後耕也獻子此言正與禮合孝經止言尊嚴其父主述孝子之志本意不說郊天之祭無由得有祈穀之言何休膏肓執彼難此追而想之亦可以歎息也

是故啓蟄而郊郊而後耕今旣耕而

卜郊宜其不從也

啓蟄夏正建寅之月耕謂春分

疏

注啓蟄至春分正

義曰釋例曰歷法正月節立春啓蟄爲中氣二月節驚蟄春分爲中氣是啓蟄爲夏正建寅之月中氣也月令祈穀之後即擇日而耕初耕亦在正月傳言旣耕而卜郊宜其不從是此卜之時已涉春分之節時過不復可郊故言耕

謂春分指釋獻子言耕是春分之節不謂春分始可耕也
釋例又曰僖公襄公夏四月卜郊但識其非所宜卜不識
其四月不可郊也正獻子曰啓蟄而郊郊而後耕耕謂春
分也言得啓蟄即當卜郊不得過春分也是言此卜在春
分之後故獻子譏之據傳獻子此言郊天之禮必用周之
三月而雜記云孟獻子曰正月日至可以有事於上帝七
月日至可以有事於祖七月而禘獻子爲之也此與禮記
俱稱獻子二文不同必有一謬禮記後人所錄左傳當得
其真若七月而禘獻子爲之則當獻子之時應有七月禘
者烝嘗過則書禘過亦宜書何以獻子之時不書七月禘
也足知禮記之言非獻子矣

南遺爲費宰

費季氏邑

叔仲昭伯

爲隧正

隧正主役徒昭伯叔仲惠伯之孫

疏

注隧正主役徒正義曰九年注云隧正官名

五縣爲隧則隧正當周禮之遂人也掌諸遂之政今徒役出諸遂之民故爲主役徒者

欲善季

氏而求媚於南遺謂遺請城費

使遺請城

吾多

與而役故季氏城費

傳言祿去公室季氏所以強

小邾穆

公來朝亦始朝公也

亦邾子也

秋季武子如衛

報子叔之聘且辭緩報非貳也

子叔聘在元年言國家多

難故不時報

冬十月晉韓獻子告老公族穆子有

廢疾

穆子韓厥長子成十年為公族大夫

將立之

代厥為卿

辭曰詩

曰豈不夙夜謂行多露

詩言雖欲早夜而行履多露之濡已義取非禮

不可妄行

疏

詩曰至多露正義曰詩國風召南行露之首章也言人行者豈不欲早夜而行乎謂早夜而

行別多露濡已義取非禮不可以妄行
穆子引之言非其才不可以妄居官位
又曰弗躬弗

親庶民弗信
詩小雅幾在位者不躬親政事則庶民不奉信其命言已有疾不能躬親政事

疏
弗躬至弗信 正義曰此詩小雅節南山之篇詩注云言王之政不躬而親之則恩澤不信於衆民矣

無忌不才讓其可乎請立起也
無忌穆子名起無忌弟宣

也與田蘇游而曰好仁
田蘇晉賢人蘇言起好仁詩曰靖

共爾位好是正直神之聽之介爾景福
靖安

也介助也景大也詩小雅言君子當思不出其位求正直之人與之並立如是則神明順之致大福也恤

民爲德
靖共其位所以恤民正直爲正
正己心正曲爲直

正人

參和為仁

德正直三者備乃為仁

如是則神聽之

介福降之立之不亦可乎

言起有此三德故可立

疏

詩曰至可乎

正義曰詩小雅小明之篇言人能安靖共敬以居則之職位愛好正直之人與之共處於朝則神明

聽順之當助女以大福也既引詩文又述其意能憂念下

民是為德也正直己心是為正也能以己正正人之曲是

為直也此德也正也直也三者和備是為仁也人能如是

則神明聽順之大福降與之田蘇是知人者也田蘇言起

好仁起必備有此行立之不亦可乎注介助也景大也

正義曰定本介景皆為大也注靖共至恤民正義曰

天生烝民立君以牧之君不獨治為臣以佐之君之與臣

皆為恤民而設之也能安靖共敬在其職位是之所以憂

也

庚戌使宣子朝遂老

韓厥致仕

晉侯謂韓無

忌仁使掌公族大夫

為之師長

疏

注為之師長正義曰無忌先為公

正

族大夫今言使掌是與諸公族大夫為師長也

衛孫文子來聘且拜武

子之言

緩報非貳之言

而尋孫栢子之盟

盟在成三年

公

登亦登

禮登階臣後君一等

疏

注禮登至一等公迎賓于大門內及廟門公揖

正義曰聘禮

入立于中庭納賓賓入三揖至下階三讓公升二等鄭立云先賓升二等亦欲君行一臣行二言君先升二等然後

臣始升一等是禮登階臣當後君一等

叔孫穆子相趨進曰諸侯

之會寡君未嘗後衛君

敵體並登

今吾子不後

寡君寡君未知所過吾子其少安

安徐也

孫

子無辭亦無悛容

悛改也

穆叔曰孫子必亡

爲臣而君過而不悛亡之本也詩曰退食

自公委蛇委蛇

委蛇順貌詩召南言人臣自公門入私門無不順禮

謂從

者也

從順也

衡而委蛇必折

衡橫也橫不順道必毀折爲十四年林父

逐君起本

疏

詩曰至必折言大夫賢者退朝而食從公門入私門委蛇委

蛇然委蛇順從之貌詩之此意謂順者也今孫子爲臣而君自處是橫不順道以橫道而爲委蛇其人必將毀折不

得終其

職位

楚子囊圍陳會于鄢以救之

晉會諸侯

鄭僖公之爲太子也於成之十六年

魯成公

疏

注魯成公 正義曰杜必言魯成公者欲明非鄭成公也知非者以鄭成公成七年即位至襄二年卒唯

十四年無十六年故也

與子罕適晉不禮焉又與子豐

適楚亦不禮焉

子豐穆公子

及其元年朝于晉

鄭僖元年魯襄三年

子豐欲愬諸晉而廢之子罕止之

及將會于鄆子駟相又不禮焉侍者諫不

聽又諫殺之及鄆子駟使賊夜弑僖公而

以瘡疾赴于諸侯

傳言經所以不書弑

簡公生五年奉

而立之

僖公

陳人患楚

楚圍陳故

慶虎慶寅謂

楚人曰吾使公子黃往而執之

二慶陳執政大夫公子黃

哀公第

疏

使公子黃往正義曰於時楚師圍陳使公子黃往入楚軍也

楚人從之

為執黃

二慶使告陳侯于會

郕之會

曰楚人執

公子黃矣君若不來羣臣不忍社稷宗廟

懼有二圖

背君屬楚

陳侯逃歸

郕會所以不書救

經八年春王正月公如晉夏葬鄭僖公

傳

鄭人侵蔡獲蔡公子變

鄭子國稱人刺其無故侵蔡以生國患變蔡莊

公

疏

注鄭子至公子

正義曰此決舍之入陳鄭有宿怨此時與蔡無怨晉復無命使侵無故與師以生

國患以其動而無謀故貶之釋例曰陳蔡楚之與國鄭欲求親於晉故伐而入之晉士莊伯詰其侵小且問陳之罪子產荅以東門之役故免於譏及其後蔡既無晉令又無直辭君死主少興師以求媚於晉不能以德懷親以直報怨故二大夫異於子產也陳之見伐本以助晉晉不違勞而以法詰之得盟主遠理故仲尼曰晉為伯鄭入陳非文辭不為功善之也

季孫宿會晉侯鄭伯齊人宋人衛

人邾人于邢丘

時公在晉晉悼難勞諸侯唯使大夫聽命故季孫在會而公先歸

疏

注時公至先歸正義曰公以正月如晉此公之下始云公至則晉侯適會公乃歸魯季孫蓋從公朝晉

即從晉赴會故季孫在會而公先歸

公至自晉

無傳

莒人伐我東鄙

秋九月大雩冬楚公子貞帥師伐鄭晉侯

使士匄來聘

傳八年春公如晉朝且聽朝聘之數

晉悼復脩

霸業故朝而

疏

注晉悼至多少

正義曰昭三年鄭子

稟其多少

大叔去文襄之霸也令諸侯三歲而聘

五歲而朝自襄以後晉德少衰諸侯朝聘無復定準今晉悼復脩霸業更合諸侯故公朝晉而稟其多少如公朝者蓋亦非一晉侯謙不敢在國約束故出外合之又難煩諸侯使大夫聽命故爲邢丘之會以命朝聘之數數之多少傳亦無文據子大叔之言不說悼公之法而遠陳文襄之令則悼公此命還同文襄耳非復別制法也

鄭

羣公子以僖公之死也謀子駟子駟先之

夏四月庚辰辟殺子狐子熙子侯子丁

辟罪

也加罪

疏

注辟罪至戮之

正義曰辟罪釋詁文也不以戮之

駟知其謀已不以罪殺恐動衆心故加誣以罪言其罪自當死非爲己討所以自解說也

孫擊孫

惡出奔衛

二孫子

疏

注二孫子孤之子

正義曰

傳爲此說也

庚寅鄭子國子耳侵蔡獲蔡司馬

公子燹

鄭侵蔡欲以求媚於晉子耳

疏

注鄭侵至

義曰於時鄭無蔡怨又無晉令鄭自發心侵蔡知欲求媚於晉也獲其將必與之戰戰敗乃獲之不言敗者唯以獲

告不告

鄭人皆喜唯子產不順

子產子國子

曰

小國無文德而有武功禍莫大焉楚人來

討能勿從乎從之晉師必至晉楚伐鄭自

今鄭國不四五年弗得寧矣子國怒之曰

爾何知國有大命而有正卿童子言焉將

為戮矣

大命起師行軍之命

五月甲辰會于邢丘以

命朝聘之數使諸侯之大夫聽命季孫宿

齊高厚宋向戌衛甯殖邾大夫會之

晉難重煩

諸侯故使大夫聽命

鄭伯獻捷于會故親聽命

獻蔡捷也

大

夫不書尊晉侯也

晉悼復文襄之業制朝聘之節儉而有禮德義可尊故退諸侯

大夫以

疏

注晉悼至崇之

正義曰禮卿不會公侯會

崇之則貶之稱人自是常例而云尊晉侯者此有鄭伯在會自與晉侯相敵諸卿不敵晉侯無罪不合貶也但欲尊晉侯無辭以見之故貶大夫以尊之大夫非有罪也文二年晉宋陳鄭四國之卿伐秦皆貶稱人尊秦謂之崇德其意與此同也諸侯之卿皆貶而獨不貶季孫宿者文元年公孫敖會晉侯于戚注去禮卿不會公侯而春秋魯大大皆不貶者體例已舉故據用魯史成文是其義也言儉而有禮德義可尊者難煩諸侯使大夫聽命即亦是有禮之事也

莒人伐我東

鄙以疆鄆田

莒既滅鄆魯侵其西界故伐魯東鄙以正其封疆

秋九月

大雩旱也冬楚子囊伐鄭討其侵蔡也子

駟子國子耳欲從楚子孔子矯子展欲待

晉

待晉來救子孔穆公子子
矯子游子子展子平子

子駟曰周詩有之

曰俟河之清人壽幾何

逸詩也言人壽促而河
清遲喻晉之不可待

兆云詢多職競作羅

兆上詢謀也職主也言既
卜且謀多則競作羅網之

難無
成功

疏

兆云詢多 正義曰杜云兆上詢謀也
既卜且謀各如杜此言則云是語辭

謀之

多族民之多違

族家也

事滋無成

滋益也

民急

矣姑從楚以紓言民晉師至吾又從之敬

共幣帛以待來言小國之道也犧牲玉帛

待於二竟

二竟晉
楚界上

以待彊者而庇民焉寇

不為害民不罷兵不亦可乎子展曰小所

以事大信也小國無信兵亂日至亡無日

矣五會之信謂三年會雞澤五年會戚又會城隸七年會鄆八年會邢丘**疏**注謂

三至邢丘正義曰鄆之會鄭伯未至而卒亦數之者鄭伯雖身死耳其會與鄭同謀故數之今將背

之雖楚救我將安用之言失信得楚不足貴親我無

成晉親鄭鄙我是欲楚欲以鄭為鄙已而反欲與成不可從也言子

駟不不如待晉晉君方明四軍無闕八卿

和睦必不弃鄭四軍謂上中下新軍也軍有二卿**疏**正義曰八卿和睦

卿者據九年傳荀罃將中軍士句佐之荀偃將上軍蔣起佐之欒黶將下軍士魴佐之趙武將新軍魏絳佐之

楚師遼遠糧食將盡必將速歸何患焉

舍之聞之

舍之子展名

杖莫如信宇守以老楚

杖信以待晉不亦可乎子駟曰詩云謀夫

孔多是用不集

詩小雅孔甚也集就也言人欲為政是非相亂而不成

發

言盈庭誰敢執其咎

言謀者多若有不善無適受其咎

如匪行

邁謀是用不得于道

匪彼也行邁謀謀於路人也不得于道衆無適從

疏

詩云至于道 正義曰詩小雅小旻之三章也言謀事之夫甚多是非相奪無可適從爲是之故其事用

此益不成也發言訥訥不盈滿於庭無能決當是非事若不成誰敢執其咎責者如彼道上行入每得人即與之謀意無所從焉是之故用此不得于正道也注匪彼至適從正義曰鄭玄以匪而非如非行邁之謀言止而不行坐圖遠近也杜以如者如似他物故以匪為彼言如彼行人逢值此路問其所從也鄭以行為道邁為行言道上行入杜亦當然請從楚驂也受其咎驂子驂名乃及楚平

使王子伯駢告于晉

伯駢鄭大夫

曰君命敝邑

脩而車賦倣而師徒以討亂略蔡人不從

敝邑之人不敢寧處悉索敝賦

索盡也

以討

于蔡獲司馬燮戲于邢丘今楚來討曰女

何故稱兵于蔡

稱舉也

焚我郊保

郭外曰郊保也

馮陵我城郭

馮迫也

敝邑之衆夫婦男女不

皇啓處以相救也

皇暇也啓跪也

疏

注皇暇也啓跪也正義曰皆釋言文

也舍人曰閒暇無事也李巡曰啓小跪也

翦焉傾覆無所控告

翦盡也控告

也引民死亡者非其父兄即其子弟夫人愁

痛

夫人猶夫人也

不知所庇民知窮困而受盟于

楚孤也與其二三臣不能禁止

孤鄭伯

不敢

不告知武子使行人子貢對之曰君有楚

命

見討之命

亦不使一个行李告于寡君

一个獨使

也行季行人也

而即安于楚君之所欲也誰敢違君

寡君將帥諸侯以見于城下唯君圖之

明

年晉伐鄭傳

晉范宣子來聘且拜公之辱

謝公此春秋

告將用師于鄭公享之宣子賦標有梅

標有梅詩召南標落也梅盛極則落詩人以興女色盛則有衰衆士求之宜及其時宣子欲魯及時共討鄭取其汲

汲相赴

季武子曰誰敢哉

言誰敢不從命

今譬於草

木寡君在君君之臭味也

言同

歡以承命

何時之有

遲速無時

武子賦角弓

角弓詩小雅取其兄弟昏姻無

相遠矣

賁將出武子賦彤弓

彤弓天子賜有功諸侯之詩欲使晉君繼

文之業復受彤弓於王

宣子曰城濮之役

在僖二十八年

我先

君文公獻功于衡雍受彤弓于襄王以為

子孫藏

藏之以示子孫

句也先君守官之嗣也敢

不承命

言已嗣其父祖為先君守官不敢廢命欲斥晉君

君子以為知

禮

彤弓之義義在晉君故范句受之所謂知禮

疏

注彤弓至知禮正義曰文四年齊俞來聘焉

賦彤弓齊俞不敢當此賦彤弓而宣子受之故解其意彼以彤弓當齊俞故齊俞不敢受此賦彤弓其義在於晉君

春秋正義卷第二十一
非常范句故范句
受之而爲知禮也

春秋正義卷第二十

春秋正義卷第二十二

襄公

襄公

國子祭酒上護軍曲阜縣開國子臣孔穎達等

勅撰

經九年春宋災

天火曰災來告故書

疏

注天火至故書正義曰得告則書

史之常例於此須言告者公羊傳曰外災不書此何以書為王者之後記災也曷為或言災或言火大者曰災小者曰火然則內何以不言火內不言火者甚之也公羊此言不可通於左氏故杜明為此注以異之

夏季

孫宿如晉五月辛酉夫人姜氏薨

成公母

秋

八月癸未葬我小君穆姜

無傳四月而葬速

冬公

會晉侯宋公衛侯曹伯莒子邾子滕子薛

伯杞伯小邾子齊世子光伐鄭十有二月

己亥同盟于戲

伐鄭而書同盟則鄭受盟可知傳言十一月己亥以長歷推之十二

月無己亥經

疏

注代鄭至鄭地公命尹子云云

伐鄭六月乙酉同盟于

誤戲鄭地柯陵於時鄭實不服諸侯自同盟耳鄭不與盟也此注云

伐鄭而書同盟則鄭受盟可知者此盟鄭與傳文分明不

是準約同盟之文始知鄭與盟也杜言此解經於盟不書

鄭伯之意耳經若重定諸侯必當鄭伯在列但經已前目

諸侯不復重序鄭伯不見故特解之以其伐鄭而書同盟

則鄭與盟可知同盟之文足以包鄭故不復見鄭伯耳非

謂因伐而同盟者所伐之國必與也柯陵之盟鄭實不服

諸侯自相與盟非同鄭也文同事異不可執彼以例此十

一年諸侯伐鄭同盟于城北其文與此同矣此經書十一月己亥同盟于戲傳曰十一月己亥同盟于戲經傳不同必有一誤而傳於戲盟之下更言十二月癸亥門其三門己亥在癸亥之前二十四日杜以長歷推之十一月庚寅朔十日得己亥十二月己未朔五日得癸亥故長歷參校上下己亥在十一月十日又十二月五日有癸亥則其月不得有己亥經書十二月誤也此誤者唯以一字誤爲二非書經誤也

楚子伐鄭

傳九年春宋災樂喜爲司城以爲政

樂喜子罕

也爲政卿知將有火災素戒爲備火之政



注樂喜至之政年及成十五年二傳言宋六卿

正義曰文七

之次皆云右師左師曰馬司徒司城司寇其右師最貴故華元曰我爲右師君之訓師所司也然則宋國之法當右師爲政卿今言司城爲政卿者蓋宋以華閱是華元之子以元有大功使閱其父耳子罕賢知故特使爲政齊

任管夷吾魯任叔孫也皆位卑而執國政此亦當然也此傳言以為政者以為無火之政耳但從此以後歷檢傳文鄭人請賊宋人歡王按築臺之謳削向戌之賞皆是政卿之任故言為政卿也下晉侯云宋災於是乎知有天道是宋人自知天道當有火災故子罕素相戒勸為備火之政也自伯氏司里以下巷伯微宮以上皆是子罕素戒之也其享祀之事是二使伯氏司里伯氏宋大夫司里里宰卿命之非子罕也氏至里宰 正義曰釋言云里邑也李巡云里居之邑也是里為邑居之名也周禮五鄰為里以五鄰必同居故以里為名里長謂之宰周禮里宰每里下士一人謂六遂之內二十五家之長也此言司里謂司城內之民若今城內之坊里也里必有長不知其官之名周禮有里宰故以宰言之非是郊外之民二十五家之長也使伯氏司此城內諸里之長令各率里內之民表火道以來皆使此伯氏率里民為之

火所未至徹小

屋塗大屋

大屋難徹就塗之

陳畚揭具綆缶

畚箕揭

土舉綆汲

疏

注畚箕至汲器所以盛糧也宣二年注云畚以草索為之

正義曰說文云畚蒲器

其器可以盛糧又可以盛土也論語稱為山用箕是箕為盛土之器故以畚為箕籠也說文云揭執持也執持者執持此舉其臂如戟形故也其字從手謂以手持物也與畚共文畚是盛土之器則揭是舉土之物也綆者汲水之索儀禮謂之綆方言云自關而東周洛韓魏之間謂之綆爾西謂之綆釋器云盎謂之缶說文云缶瓦器所以盛酒漿亦謂之罌罌可以汲水故云汲器也易井卦亦謂取井水為汲也

備水器

盆罌之屬

疏

注盆罌之屬

正義曰周禮凌人春始治罌鄭玄云罌如甄大口以盛冰則罌是盛水之器知備水器者備盆罌之屬

量輕重

計人力所任

蓄水潦積土塗巡丈城

繕守備

巡行也丈度也繕治也行度守備之處恐因災有亂

疏

巡丈城正義曰十尺為

丈巡行其城以丈度之故云丈城

表火道

火起則從其所趣標表之

使華臣具

正徒

華臣華元子為司徒正徒役徒也司徒之所主也

疏

正義曰周禮大司徒掌徒庶之政令小司徒凡用衆庶則掌其政教凡國之大事致民是司徒掌役徒也言具正徒司里所使遂正所

納皆是臨時調民而役之若今之夫役也司徒所具正徒者常共官役若今之正丁也

令隧正

納郊保奔火所

隧正官名也五縣為隧納聚郊野保守之民使隨火所起往救之

疏

注隧正至救之正義曰此隧正當天子之遂大夫故遂大夫職云各掌其遂之政令遂人職云五家為

鄰五鄰為里四里為鄣五鄣為鄙五鄙為縣五縣為遂鄭司農云王國百里內為六鄉外為六遂鄭云六鄉內比閭

機黨州鄉郊外鄰里鄙縣遂異其名者示相愛耳尚書
費誓云魯人三郊三遂然則諸侯之有鄉遂亦以郊內郊
外別之也郊內屬鄉者近於國都司徒自率之以入城矣
郊外屬遂者是郊野保守之民不可全離所守司徒令遂
正量其多少納之於國隨火所起而奔往救之華臣直言
具正徒不言其事者以是郊內之民共救火百役即上畜
水潦積土塗之類非唯救火而已若郊保之民
既遠故使隨火所起奔往救之直救火而已

使華閼

討右官官庀其司

亦華元子代元為右師討治也庀具也使具其官屬

向

戍討左亦如之

向戍左師

使樂端庀刑器亦如

之

樂端司寇刑器刑書

疏

注樂端至刑書刑器知其為司寇也

正義曰此人掌具也恐其為火所焚

當是國之所重必非刑人之器故以刑器為刑書也哀三年魯人救火云出禮書御書書不名器此言刑器必載於

器物鄭鑄刑鼎而叔向責之晉鑄刑鼎而仲尼譏之彼鑄之於鼎以示下民故譏其使民知之此言刑器必不在鼎當書於器物官府自掌之不知其在何器也或書之於版號此版爲刑器耳

使皇鄭命校

正出馬工正出車備甲兵庀武守

皇鄭皇父充石

之後校正主馬工正主車使各備其官



注皇鄭至其官

正義曰服虔云皇鄭皇父充石之後十世宗

卿爲人之子大司馬叔也車馬甲兵司馬之職使皇鄭掌此事皇鄭必是司馬也校正主馬於周禮爲校人是司馬之屬官也周禮司馬之屬無主車之官巾車車僕職皆掌車乃爲宗伯之屬昭四年傳云夫子爲司馬與工正肅服是諸侯之官司馬之屬有工正主車也國有火災恐致姦寇故使司馬命此二官出車馬備甲兵以防非常也傳言庀武守者甲兵器械藏於府庫若今武庫使具其守守此武庫也此事輕於車馬故後言之

使西鉏

吾丘府守

鉏吾大宰也
府六官之典



注鉏吾至之典

正義

賈逵云然相傳說耳不知其本何所出也周禮大宰之職掌建邦之六典以佐王治邦國一曰治典二曰教典三曰禮典四曰政典五曰刑典六曰事典六官之典謂此也杜以府爲六官之典當謂六官之典其事載之於書故使具其守劉炫以爲府守謂府庫守藏今知不然者以百司府藏已屬左右二師上華閔討右官官疋其司向戌討左亦如之則是府庫之物二師摠令羣官所主案哀三年魯遭火災出禮書御書藏象魏皆以典籍爲重明此府守是六官之典若以爲府庫財物便是不重六典唯貴財物劉以爲府庫而規杜非也

令司宮巷伯

倣宮

司宮奄臣巷伯寺人皆掌宮內之事



注司宮至之事

正義曰

肝爲司宮欲加宮刑以此知司宮奄臣謂奄人爲臣主司宮內周禮無司宮巷伯之官唯有內小臣奄上士四人掌

王后之命正其服位鄭玄云奄稱士者異其賢也奄人之官此最爲長則司宮當天子之內小臣也周禮又云寺人王之正內五人鄭玄云正內路寢也釋宮云宮中巷謂之壺孫炎曰巷舍間道也王肅云今後宮稱永巷是巷者宮內道名伯長也是宮內門巷之長也周禮內小臣其次即有寺人故知巷伯是寺人也又以詩篇名巷伯經云寺人孟子作爲此詩故知巷伯寺人一也鄭

一師令四鄉

正敬享

二師左右師也鄉正鄉大夫享祀也



正義曰周禮大司徒

云五家爲比五比爲閭四閭爲族五族爲黨五黨爲州五州爲鄉鄉大夫每鄉卿一人天子六鄉即以卿爲之長此傳云二師令四鄉正則列立鄉正非卿典之但其所職掌當天子之鄉大夫耳周禮鄉大夫各掌其鄉之政教正月之吉受教法于司徒退而頒之于其鄉則鄉正當屬司徒此傳言二師命之者上文右師計右左師計左則宋國之

法二師分掌其方左右各掌其二鄉并言其事故云二鄉命四鄉正也費誓云魯人三郊三遂則魯立三鄉此六命四鄉正則宋立四鄉也周禮鄉爲一軍大國三軍宋是大國不過三軍而有四鄉者當時所立非正法也於時宋置六鄉況四鄉乎周禮祭人鬼曰享故享爲祀也止令敬身不知所享何神周禮大祝國有災災彌祀社稷禱祠鄭玄云天災疫癘水旱也彌猶徧也徧祀社稷及諸所禱又大司徒以荒政十有二聚萬民其十有一曰索鬼神鄭衆云索鬼神求廢祀而脩之雲漢之詩所謂靡神不舉靡愛斯牲者也彼凶荒之年水旱之災尚索鬼神而祭之此遇天火爲災亦當徧祀羣神其所合祭皆應祭之也蓋火起始命之祭耳

祝宗用馬于四

墉祀盤庚于西門之外

祝大祝祝宗宗人墉城也用馬祭于四城以禳火

盤庚殷王宋之遠祖城積陰之氣故祀之凡天災有幣無牲用馬祀盤庚皆非禮

疏

注祝大至非禮正

義曰周禮大祝掌六祝之辭以事鬼神祇祈福祥小宗伯掌建國之神位特牲少牢士大夫之祭祀也皆宗人掌其事然則諸是祭神言辭大祝掌之禮儀宗人掌之故所有祭祀皆祝宗同行此事別命祝宗使奉此祭非鄉正所爲也文承二師命下亦是二師命之不復言命者亦從上省文也用馬者以馬爲牲祭於四面之城以饗火也饗郤也郤火使滅也盤庚湯之九世孫般之第十九王也自盤庚至紂又十二王而般滅盤庚弟小乙是宋微子之八世祖也盤庚之爲殷王無大功德而祀盤庚者當時之意不知何故特祀之也祀盤庚不別言牲明其祀亦用馬也城以積土爲之土積則爲陰積積陰之氣或能制火故祭城以饗火禮亦無此法也莊二十五年傳例曰凡天災有幣無牲用馬祀盤庚皆非禮言用馬祭城祭盤庚皆非禮也此備火災所使羣官急者在前緩者在後故先伯氏司里次華臣具正徒次到隧正納郊保然後二師掇凡羣官先右後左尊卑之次也以刑器車馬甲兵典法國之所重故持

命三官庀具其物先外官備具敕火然後及內故次司官巷伯人事既畢乃祭享鬼神故次敬享祀盤庚之事也

晉侯問於士弱

弱士渥濁之子莊子

曰吾聞之宋災

於是乎知有天道何故

問宋何故自知天道將災

對曰古

之火正或食於心或食於味以出內火是

故味爲鶉火心爲大火

謂火正之官配食於火星建辰之月鶉火星昏

在南方則令民放火歲成之月大火星伏在日下夜不得見則令民內火禁放火

疏

注謂火至放火正

義曰昭二十九年傳五行之官有木正火正金正水正土正立此五官各當其職封禪上公祀焉貴神謂能其事者後世祀之火正之官居職有功德火星之時以此火正之神配食也五行之官每歲五時祀之謂之五祀月令云其

神句芒祝融后土蓐收玄冥臨五帝而食其神矣而火正
又配食於火星者以其於火有功然火星又祭之后稷得
配天又配稷火正何故不得配帝又配星也有天下者祭
百神天子祭天之時因祭四方之星諸侯祭其分野之星
其祭火星皆以火正配食也火正配火星而食有此傳文
其金木水土之正不知配何神而食經典散亡不可知也
周禮司燿掌行火之政今季春出火民咸從之季秋內火
民亦如之鄭玄云火所以用陶治民隨國而爲之鄭司農
云以三月本時昏心星見於辰上使民出火九月本黃昏
心星伏在戌上使民內火故春秋傳曰以出內火周禮所
言皆據夏正故杜以周禮之意解其心昧爲火之由建辰
之月即月令季春之月日在胃昏七星中南方七星有井
鬼柳星張翼軫七者共爲朱鳥之宿星即七星也昧謂柳
也春秋緯文耀鉤云昧謂鳥陽七星爲頸宋均注云陽猶
首也柳謂之昧昧鳥首也七星爲朱鳥頸也昧與頸共在
於午者鳥之止宿口屈在頸七星與昧體相接連故也鵠

火星昏而在南方於此之時令民放火味星爲火之候故於十二大珠爲鶉火也建戌之月即月令季秋之月日在房東方七宿角亢氐房心尾箕七者共爲蒼龍之宿釋天云大辰房心尾也大辰謂之大辰孫炎曰龍星明者以爲時候大火心也在中昴明故時候主焉以是故此傳心爲大火九月日體在房房心相近與日俱出俱沒伏在日下不得出見故令民內火禁放火也火官合配其人蓋多不知誰食於心誰食於味也此傳鶉火大火共爲出火之候周禮之注不言味者以味非內火之候故唯指大火以解出內之文故其言不及味也

陶唐氏

之火正閼伯居商丘

陶唐竟有天下號閼伯高辛氏之子傳曰遷閼伯于商丘

主辰辰大火也今爲宋星然則商丘在宋地



正義曰史記五帝本紀云帝堯爲陶唐

氏是堯有天下以陶唐爲代號也氏猶突也古言高辛氏陶唐氏猶言周家夏家也閼伯高辛氏之子遷閼伯于商

丘主辰皆昭元年傳文也爾雅以大辰為大辰是辰為大火也昭十七年傳云宋大辰之曜是火為宋星也閼伯已居商丘祀大火今天火為宋星則知宋亦居商丘以此明之故云然則商丘在宋地也釋例云宋商商丘三名一地梁國睢陽縣也傳曰陶唐氏之火正閼伯居商丘祀大火又曰宋大辰之虛也然則商丘在宋或以為漳水之南故殷虛為商丘非也是由商丘所在祀大火而火紀不明故釋例與此注俱以閼伯明之

時焉

謂出內火時

相土因之故商主大火

相土契孫商之祖也

始代閼伯之後



祀大火至大火正義曰祀大火者居商丘祀大火

星也相土因之復主大火是商丘之地屬大火也然則在地之土各有上天之分周禮保章氏以星土辨九州之地所封封域皆有分星鄭玄云星土星所主土也封疆界也大界則曰九州州中諸國之封域於星亦有分焉

矣今其存可言者十二次之分也星紀吳越也玄枵齊也
姬訾衛也降婁魯也大梁趙也實沈晉也鶉首秦也鳥火
周也鶉尾楚也壽星鄭也大火宋也析木燕也是言地屬
於天各有其分之事也鄭唯云其存可言不知存者本是
誰說其見於傳記者則此云商主大火昭元年傳云參爲
晉星二十八年傳云龍宋鄭之星則蒼龍之方有宋鄭之
分也又曰以害鳥帑周楚惡之則朱鳥之方有周楚之分
也昭七年四月日食傳稱魯衛惡之去衛地如魯地則春
分之日在魯衛之分也又十年傳曰今茲歲在顓頊之虛
姜氏任氏實守其地則於時歲星在齊薛之分也又三十
二年傳曰越得歲而吳伐之凶則於時歲星在吳越之分
也晉語云實沈之虛晉人是居周語云歲在鶉火我有周
之分野是有分野之言也天有十二次地有九州以此九
州當彼十二次周禮雖云皆有分星不知其分誰分之也
何必所分能當天地星氣在於東吳越實在東南魯衛
東方諸侯遙屬戌亥之次又三宗分晉方始有趙而韓魏

無分趙獨有之漢書地理志分郡國以配諸大其地分或多或少鵠首極多鵠火甚狹徒以引傳爲說其源不可得而聞之於其分野或有災祥而爲占者多得其効蓋古之聖哲有以度知非後人所能測也 注相土至大火 正義曰殷本紀契生昭明昭明生相土相土是契孫也本紀云帝舜封契於商鄭玄云商國在大華之陽皇甫謐云今上洛商縣是也如鄭玄意契居上洛之商至相土而遷於宋之商及湯有天下遠取契所封商以爲一大代大號服虔云相土居商丘故湯以爲天下號王肅書序注云契孫相土居商丘故湯以爲國號案詩述后稷云即有邠家室述契云天命玄鳥降而生商即稷封邠而契封商也若契之居商即是商丘則契已居之不得云相土因關伯也若別有商地則湯之爲商不是因相土矣且經傳言商未有稱商丘者釋例云宋之先契佐唐虞封於商武王封微子啓爲宋公都商丘是同鄭玄說也傳言商主大火商謂宋也宋主大火耳成湯不主火也宋是商後謂宋爲商昭八年

傳曰自恨年至于商衛是名宋為商之小祥例曰商宋一地謂此商也相土商之祖孝是湯之祖外宋之祖也堯封關伯於商丘比及相土應歷數世故商代關伯之後居商丘祀大火也 商人閱其禍數

之釁必始於火是以日知其有天道也 閱

數也商人數所更歷恒多火災宋 義曰閱猶數也釁



商人至道也 正

是殷商之後故知天道之災必火 謂開隙也商人謂殷商之人為王之時數其禍敗之釁隙必始於火言其政教有失將欲致禍既開禍敗之釁必有火災應之地今宋是商後亦如商世欲有禍敗必初始於火是以言日知其有天道也然殷商不居商丘必有火者以商是相土子孫相土居商丘祀火之故故火之為災連及殷商之世也傳雖言此而已亦不知爾時宋有何失而致此 公曰可必乎對曰在道國亂無象不

可知也

言國無道則災變亦殊故不可必知



公曰至知也

正義曰公曰此事可必乎但有

愆夫必致火乎對曰在其君之所行道耳若時政小失天未棄之或下災異冀其覺悟或可常有火災也若國家昏亂無復常象不可知也象謂妖祥有所象似以戒人也國若無道災變亦殊既無所象故不可必知也

夏

季武子如晉報宣子之聘也

宣子聘在八年

穆姜

薨於東宮

大子宮也穆姜淫僑如欲廢成公故徙居東宮事在成十六年

始往而

筮之遇艮之八

三三艮下艮上艮周禮大卜掌三易三三然則雜用連山歸藏周易二易

皆以七八為占



注艮下至之八

正義曰周禮大卜掌三易之法一曰連山二曰歸藏三

故言遇艮之八



掌三易之法一曰連山二曰歸藏三

曰周易鄭玄云易者揲著變易之數可占者也名曰連山似山之出內雲氣也歸藏者萬物莫不歸而藏於其中也

漢範言卜筮之法云三人占則從二人之言孔安國六夏
般周卜筮各異三法並卜從二人之言是言筮用三易之
事也大卜周官而職掌三易然則周世之卜雜用連山歸
藏周易也周易之爻唯有九六此筮乃言遇艮之八二易
皆以七八爲占故此筮遇八謂艮之第二爻不變者是八
也據著求爻繫辭有法其揲所得有七八九六說者謂七
爲少陽八爲少陰其爻不變也九爲老陽六爲老陰其爻
皆變也周易以變爲占占九六之爻傳之諸筮皆是占變
爻也其連山歸藏以不變爲占占七八之爻二易並亡不
知實然以否世有歸藏易者僞妄之書非般易也假令二
易俱占七八亦不知此筮爲用連山爲用歸藏所云遇艮
之八不知意何所道以爲先代之易其言亦無所據賈鄭
先儒相傳云耳先儒爲此意者此言遇艮之八下文穆姜
云是於周易晉語公子重耳筮得貞屯悔豫皆八其下司
空季子云是在周易並於遇八之
下別言周易知此遇八非周易也

史曰是謂艮之隨

三三震下兌上隨史疑古易遇八為不利



注震下至

故更以周易占變爻得隨卦而論之
義曰震為雷兌為澤象曰澤中有雷隨鄭玄云震動也兌
說也內動之以德外說之以言則天下之民慕其行而隨
從之故謂之隨也史疑古易遇八者為不利故更以
周易占變變其爻乃得隨卦而論之所以說姜意也

其出也

史謂隨非
開固之卦

君必速出姜曰亡

亡猶
無也

是

於周易曰隨元亨利貞無咎

易筮皆以變者
占遇一爻變義

異則論彖故姜亦以彖為占也
史據周易故指言周易以折之



注易筮至折之
義曰易筮皆以變者

為占傳之諸筮皆是也若一爻獨變則得指論此爻遇一
爻變以上或二爻三爻皆變則每爻義異不知所從則當
摠論彖辭故姜亦以彖為占此元亨利貞無咎是隨卦之
彖辭也史言是謂艮之隨者據周易而言故姜亦指言周

易以折之也周易卦下之辭謂之爲彖彖者統論一卦之
體明其所由之主隨彖六元亨利貞無咎者元長也長亦
大也亨通也貞正也隨卦震下兌上以剛下柔動而適說
故物皆隨之而不能大通於事逆於時也相隨而不爲利
正其適邪淫則災之道也必有此元亨利貞
四德乃得無咎過耳無此四德則不免於咎元體之長
也亨嘉之會也利義之和也貞事之幹也
體仁足以長人嘉德足以合禮利物足以
和義貞固足以幹事然故不可誣也是以
雖隨無咎
言不誣四德乃遇隨無咎明無
四德者則爲淫而相隨非吉事今我婦
人而與於亂固在下位
婦人卑
於丈夫而有不仁

不可謂元不靖國家不可謂亨作而害身

不可謂利弃位而姣

姣淫之別名

不可謂貞有四

德者隨而無咎我皆無之豈隨也哉我則

取惡能無咎乎必死於此弗得出矣

傳言穆姜

辯而



元體至出矣

正義曰自幹事以上與周易文

不德言正同彼云元者善之長此云體之長彼云嘉會足以合體此云嘉德唯二字異耳其意亦不異也元者始也長也物得其始為衆善之長於人則謂首為元元是體之長以善為體知亦善之長也亨通也嘉善也物無不通則為衆善之會故通者善之會也物得裁成乃名為義義理和協乃得其利故利者義之和也貞正也物得其正乃成幹用故正者事之幹也體仁以仁為體也君子體是

仁人堪得與人爲長體仁足以長人也身有美德動與體
合嘉德足以合體也以己利物義事和協利物足以和義
也正而牢固事得幹濟貞固足以幹事也此四德者在身
必然固不可誣罔也是以雖得隨卦而其身無咎今我婦
人也而與於僞如之亂婦人卑於男子固在下位而有不
仁之行不可謂之元也不安靖國家欲除去季孟不可謂
之亨也作爲亂事而自害其身使於東宮不可謂之利
也棄夫人之德位而與僞如淫狡不可謂之貞也有此元
亨利貞四德乃得隨而無咎四德我皆無之豈當隨卦也
哉我則自取此惡其身能無咎乎必死於此宮不能出矣
注言不至吉事 正義曰不誣四德者四德實有於身不
可誣罔以無爲有也如是必遇隨卦可得身無咎王明其
無此四德而遇隨卦者乃遇淫而相隨非是善事故得隨
必有咎也穆姜自以身無四德遇隨爲惡其意謂隨爲惡
卦故大雖隨無咎 注狡淫之列名 正義曰服虔讀姦
爲放效之效言效小人爲淫淫自出於心非效人也今時

俗語謂淫爲姦故以姦爲淫之別名

秦景公使士雅乞師于楚將

以伐晉楚子許之子囊曰不可當今吾不

能與晉爭晉君類能而使之

隨所能

舉不失

選

得所選

官不易方

方猶宜也

其卿讓於善

讓勝己者

其大夫不失守

各任其職

其士競於教

奉上命

其庶

人力於農穡

種曰農收曰穡

疏

注種曰農收曰穡曰農是力田之名詩毛傳

正義

去種之曰稼斂之曰穡稼者言如嫁女之有所生也穡愛也言愛惜而收斂之也此文穡無所對故以農爲種名其實農是營田之名種曰稼也

實農是營田之名種曰稼也

商工阜隸不知遷業

四民不雜

疏

注四民不雜 正義曰齊語四民者士農工商此傳言其

士競於教是說士也庶人力於農穡是說農也士農工商

唯有工商在耳故以卑隸賤官足成其句杜言

四民不雜通上士庶為四非以卑隸工商為四也

韓厥老

矣知營稟焉以為政代將中軍范匄少於中行

偃而上之使佐中軍使匄佐中軍韓起少於

欒黶而欒黶士魴上之使佐上軍欒魴讓起

魴佐之魏絳多功以趙武為賢而為之佐

武新軍將君明臣忠上讓下競尊官相讓當是時

也晉不可敵事之而後可君其圖之王曰

吾既許之矣雖不與晉必將出師秋楚子

師于武城以爲秦援秦人侵晉晉饑弗能

報也爲十年晉伐秦傳冬十月諸侯伐鄭鄭從楚也庚午

季武子齊崔杼宋皇鄭從荀偃士匄門于

鄆門鄆城門也三國從中軍衛北宮括曹人邾人從荀

偃韓起門于師之梁師之梁亦鄭城門三國從上軍滕人薛人

從欒黶士魴門于北門二國從下軍杞人邾人

從趙武魏絳斬行栗二國從新軍行栗表道樹**疏**斬行栗正義曰行

道也謂之行栗必是道上之栗周語云
列樹以表道知此行栗是表道之樹

甲戌師于汜

衆軍還聚汜

汜鄭地東汜

令於諸侯曰脩器備

戰備

盛餼糧

餼乾

歸老幼

示將

居疾于虎牢

諸侯已取鄭虎牢故使諸軍疾

病息

肆眚圍鄭

肆緩也眚過也不書圍鄭過服不成圍

疏

注肆緩至成圍正

義曰肆訓為緩緩從罪人謂放赦之也將求民力開恩赦罪赦諸侯之軍內犯法者服虔以為放鄭囚案傳未與鄭戰無囚可放設使有囚可放鄭人以戰而獲非有所犯不得謂之肆眚也不書圍鄭者此肆眚圍鄭是號令之辭耳鄭人聞而逆服

鄭人恐乃行成

與晉

中行獻

子曰遂圍之以待楚人之救也而與之戰

不然無成

然子掩也恐楚
救鄭鄭復屬之

知武子曰許之

盟而還師以敝楚人

也

吾三分四軍

分四軍為

三

疏

注分四軍為三部
為十二部鄭眾以為分四軍為三部杜以分為十

正義曰賈逵以為三分四軍

二則一部人少不足充敵故從鄭說分四軍為三部晉各一動而楚三來欲罷楚使不能也

與諸侯

之銳以逆來者

來者楚也

於我未病楚不能矣

晉各一動而楚三來故曰不能

猶愈於戰

勝聚戰

暴骨以逞不

可以爭

言爭當以謀不可以暴骨

大勞未艾君子勞心小

人勞力先王之制也

艾息也言當從勞心之勞

諸侯皆不

欲戰乃許鄭成十一月己亥同盟于戲鄭

服也

鄭服故言同

將盟鄭六卿公子駢

駢子公子

發

子國

公子嘉

子孔

公孫輒

子耳

公孫蠆

子蟻

公孫

舍之

子晨

及其大夫門子皆從鄭伯

門子卿之適子

疏

注門子卿之適子正義曰周禮小宗伯掌三族之別以辨親疏其正室皆謂之門子鄭玄云正室適子也將代父

當門者也是卿之適子為門子也

晉士莊子為載書

莊子士弱載書盟書

曰

自今日既盟之後鄭國而不唯晉命是聽

而或有異志者有如此盟

如違盟之罰

公子駢趨

進曰天禍鄭國使介居二大國之間

介猶聞也

大國不加德音而亂以要之

謂以兵亂之力強要鄭

使

其鬼神不獲歆其禋祀其民人不獲享其

土利夫婦辛苦墊隘無所底告

墊隘猶委頓底至也

自

今日既盟之後鄭國而不唯有禮與彊可

以庇民者是從而敢有異志者亦如之

亦如

此盟荀偃曰改載書

子驪亦以所言載於策故欲改之

公孫舍之

曰昭大神要言焉

要誓以告神

若可改也大國亦

可叛也知武子謂獻子曰我實不德而要
人以盟豈禮也哉非禮何以主盟姑盟而
退脩德息師而來終必獲鄭何必今日我
之不德民將弃我豈唯鄭若能休和遠人
將至何恃於鄭乃盟而還遂兩用載書晉人不得
志於鄭以諸侯復伐之十二月癸亥門其

三門

三門鄭門師之梁北門也癸亥月五日晉界三分其軍各攻一門

閏月戊寅

濟于陰阪侵鄭

以長歷參校上下此年不得有閏月戊寅戊寅是十二月二十日疑

閏月當爲門五日五字上與門合爲閏則後學者自然轉
日爲月晉人三番四軍更攻鄭門門各五日晉各一攻鄭
三受敵欲以苦之癸亥去戊寅十六日以癸亥始攻攻輒
五日凡十五日鄭故不服而去明日戊寅濟于陰阪復侵
鄭外邑陰



注以長至消津正義曰杜以長歷推之
此年無閏故知此閏字當爲門五又月當

爲日也晉人分四軍爲三番以二番爲待楚之備一番以
攻鄭之門一番一門以癸亥初攻每門五日積十五日欲
以苦鄭而來楚也楚不敢來鄭猶不服至明日戊寅濟于
陰阪復侵鄭外邑而後歸也鄭都洧水之旁故知陰阪洧
津也衛氏難云案昭二十年朔旦冬至其年云閏月戊辰
殺宣姜又二十二年云閏月取前城並不應有閏而傳稱
閏是史之錯失不必皆在應閏之照杜豈得云此年不得
有閏而改爲門五日也若然閏月殺宣姜閏月取前城皆
爲門五日乎秦氏釋云以傳云三分四軍又云十二月癸
亥門其三門旣言三分則三番攻門計癸亥至戊寅十六

日番別攻門五日三十五日明日戊寅濟于陰阪上下
符合故杜爲此解蘇氏又云案長歷襄十年十一月丁未
是二十四日十一年四月己亥是十九日據丁未至己亥
一百七十三日計十年十一月之後十一年四月之前除
兩箇殘月唯置四箇整月用日不盡尚餘二十九日故杜
爲長歷於十年十一月後置閏既十年有閏明九年無閏

也次于陰口而還

陰口鄭地名

子孔曰晉師可擊

也師老而勞且有歸志必大克之子展曰

不可

傳言子展能守信

公送晉侯晉侯以公宴于河

上問公年季武子對曰會于沙隨之歲寡

君以生

沙隨在成十六年

晉侯曰十二年矣是謂一

終一星終也

歲星十二歲而一周天



注歲星至周天正義曰直言一星終知

是歲星者以古今歷書推步五星金水日行一度土三百七十七日行星十二度火七百八十日行星四百一十五度四者皆不得十二年而一終唯木三百九十八日行星三十三度十二年而彊一周舉其大數十二年而一終故知是
國君十五而生子冠而生子禮也

冠成人之

服故必冠而後生子

君可以冠矣大夫盍爲冠具武子

對曰君冠必以裸享之禮行之

裸謂灌鬯酒也享祭先君

也
以金石之樂節之

以鐘磬爲舉動之節

以先君之桃

處之

諸侯以始祖之廟爲桃



君冠至處之禮之大者當祭以告神故有裸

正義曰冠是嘉

去之禮以祭祀也國君無故不徹縣故有金石之樂行冠
禮之時爲舉動之節也冠必在廟故先君之祧處之也既
行裸享祭必有樂所言金石節之謂冠時之樂非祭祀之
樂也諸侯之冠禮亡唯有士冠禮在耳其禮亦行事於廟
而不爲祭祀士無樂可設而唯處祧同耳士冠必三加始
加緇布冠次加皮弁次加爵弁公則四大戴禮公冠篇於
士三冠後更加玄冕是也案此傳文則諸侯十二加冠也
又云十三生伯邑考則十二加冠親迎于渭用天子禮則
天子十二冠也晉語柯陵會趙武冠見范文子冠時年十
六七則大夫十六冠也士庶則二十而冠故曲禮云二十
曰弱冠是也 注裸謂至君也 正義曰周禮大宗伯以
肆獻裸享先王鬱人凡祭祀之裸事和鬱鬯以實鼻而陳
之鄭玄云鬱鬱金香草也鬯釀秬爲酒芬香條暢於上下
也築鬱金煮之以和鬯酒郊特牲云灌用鬯臭鄭玄云灌
謂以圭瓚酌鬯始獻神也然則裸即灌也故云裸謂灌也
酒也裸是祭初之禮故事之以表祭也周禮祭人鬼曰享

故云享祭先君也劉炫云冠是大禮當徧告羣廟注諸侯至為祧正義曰祭法云遠廟為祧天子有二祧鄭玄云祧之言超也超上去意也諸侯無祧聘禮云不腆先君之祧是謂始祖廟也聘禮注云天子七廟文武為祧諸侯五廟則祧始祖也是亦廟也言祧者祧尊而廟親待賓客者上尊者然則彼以始祖之尊故特言祧耳昭元年傳云取愛豐氏之祧大夫之廟亦以祧言之是尊之意也不待至魯而假於衛者及諸侯賓客未散故也今寡

君在行未可具也請及兄弟之國而假備

焉晉侯曰諾公還及衛冠于成公之廟成公

今衛獻公之曾祖從衛所處**疏**注成公至所處正義曰成公是獻公曾祖衛世家文也服虔以成公是

衛之曾祖即云祧謂曾祖之廟也曾祖之廟何以獨有祧昭王制大夫三廟一昭一穆與大祖之廟為三鄭之豐氏

豈得立曾祖之廟乎而亦謂之祧也杜言從衛所處

排舊說也以晉悼欲速故寄衛廟而假鐘磬其裸真之禮

歸魯乃祭耳

假鐘磬焉禮也楚子伐鄭

與晉成故

子

駟將及楚平子孔子矯曰與大國盟口血

未乾而背之可乎子駟子展曰吾盟固云

唯彊是從今楚師至晉不我救則楚彊矣

盟誓之言豈敢背之且要盟無質神弗臨

也

實主也

疏

注實主也

正義曰實之為主以意言耳無正訓也晉云唯晉命是聽鄭云唯彊是從二

辭俱以告神是其無定主也服虔云質誠也無忠誠之信故神弗臨也

所臨唯信信者

言之瑞也

瑞符也

善之主也是故臨之

神臨之

明

神不蠲要盟

也蠲解也

背之可也乃及楚平公

子罷戎入盟同盟于中分

中分鄭城中里名罷戎楚大夫

䟽

注中分鄭城中里名正義曰言入盟是城盟也入城而言盟地知是城內里名

楚莊夫人

卒

共王母

王未能定鄭而歸晉侯歸謀所以

息民魏絳請施舍

施恩惠舍勞役

輸積聚以貸

輸盡也

自公以下苟有積者盡出之國無滯積

散在

亦無困人

不匱

公無禁利

與民共

亦無貪

民

禮讓行

祈以幣更

性不用

賓以特牲

務崇省

器

用不作

因仍舊

車服從給

足給事也

行之期年國乃

有節三駕而楚不能與爭

三駕三興師謂十年師於牛首十一年師

於向其秋觀兵於鄭東門自是鄭遂服

經十年春公會晉侯宋公衛侯曹伯莒子

邾子滕子薛伯杞伯小邾子齊世子光會

吳于柤

吳子在柤晉以諸侯往會之故曰會吳吳不稱子從所稱也柤楚地

疏

注吳子至楚地

正義曰成十五年諸侯大夫會吳于鍾離五年魯衛會吳于善道皆大夫來也此齊公會吳子壽夢則吳子自來也

五年戚之會吳序鄒上此殊吳者亦如鍾離善道晉以諸侯往彼會之故曰會吳也哀十三年公會晉侯及吳子于黃池彼稱吳子此不稱子者從其所稱也蘇氏云謂諸侯直稱之曰吳故從諸侯之所稱也至於黃池之會自去其僭號而稱子以告令諸侯故諸侯亦從而稱之也劉炫云從所稱者諸侯盟會則必自言其爵盟則自言其名故盟得以名告仲會得以爵書策吳是東夷之君未開諸夏之禮於此自稱爲吳不知以爵告衆故從所稱書吳也故釋例云吳晚通上國故其君臣朝會不同夏五月甲於例亦猶楚之初始是言吳未知稱爵也

午遂滅偃陽

偃陽姁姓國今彭城傳陽縣也因祖會而滅之故曰遂



注偃陽至

曰遂正義曰偃陽姁姓傳文也鄭語云姁姓鄆鄆路偃陽也遂者因上事生下事之辭此因祖會而遂滅偃陽雖復隔以日月文猶繫於會祖因公至自會無楚公會祖而始謀滅之故言遂也

子貞鄭公孫輒帥師伐宋晉師伐秦

荀不親

兵

注荀營至兵也 正義曰傳稱荀營伐秦而經不書營知營不親兵以師告也

秋莒人

伐我東鄙公會晉侯宋公衛侯曹伯莒子

邾子齊世子光滕子薛伯杞伯小邾子伐

鄭

齊世子光先至於師為盟主所尊故在滕上

疏

注齊世至滕上 正義曰周禮典命諸侯之適

子誓於天子攝其君則下其君之禮一等未誓則以皮帛繼

子男鄭玄去誓猶命也言誓者明天子既命以為之嗣也十

九年傳去光之立也列於諸侯矣則光未誓者也法當繼

於子男之下祖之會列於小邾之下是其正也於此伐也傳

稱崔杼使大子光先至于師故長於滕晉悼以齊是大國

光復先至心善其共遂遷其班為盟主所尊故在滕上言

也

也

也

也

其非正法也

冬盜殺鄭公子駢公子發公孫輒

非國

討當兩稱名氏殺者非卿故稱盜以盜為文故不得言其大夫

疏

注非國至大夫正義曰若國家討而殺

之則舉國名言殺其大夫若非國討兩下相殺則兩書名氏王札子殺召伯毛伯是也此非國討亦當兩書名氏但殺之者尉止司臣之徒皆非卿也非卿則名氏不合見經故稱之為盜凡言其者是其所有也君是臣之君故書弑其君臣是君之臣故書殺其大夫盜者寇賊之名賊之不繫於國被殺者非盜之所有既以盜為文故不得言其大夫若如他物殺之然哀四年盜殺蔡侯申注云賊者故稱盜不言弑其君賊盜也文十六年公羊傳曰大夫弑君稱名氏賊者窮諸人大夫相殺稱人賊者窮諸盜其義雖不可通於左氏其言賊盜之意則同

成鄭虎

牢

伐鄭諸侯各受晉命成虎牢不復為告命故獨書魯成而不叙諸侯

楚公子貞帥

師救鄭公至自伐鄭

無傳

傳十年春會于相會吳子壽夢也

壽夢吳子乘

疏

注壽夢吳子乘云壽夢發聲吳蠻夷言多發聲數語共成一言壽夢

正義曰十二年吳子乘卒是也服虔

言也經言乘傳言壽夢欲使學者知之也然壽夢與乘聲小相涉服以經傳之異即欲使同之然則餘祭戴吳豈復同聲也當是名字之異故未言之

三月癸丑齊高厚相大子光

以先會諸侯于鍾離不敬

吳子未至光從東道與東諸侯會遇非本

期地故不書會高厚高固

注

注吳子至六日

正義曰

子也癸丑月二十六日

注

言先會諸侯則是會期未

到故知吳子未至而諸侯自會也相與鍾離相近地在宋之東南知光從東道與東方諸侯遇蓋邾莒滕薛之徒自

相會遇也本非期會之地會亦不以告魯故不書也如杜
此注則吳子未至亦未赴於柵而上注云吳子在柵諸侯
往會之者吳子元遣告晉言已至柵而已非晉侯自期於
柵召吳子使赴也成之會則吳子在善道召使赴戚故與
諸國同序於列也杜明言癸丑是三月二十六日下四月
戊午云月一日五月庚寅云月四日甲午云月八日所以
明言日者欲證成九年閏月爲門五日於上下日月相賞
故杜備言其日也劉炫曰杜言癸丑二十六日者見與下
四月一日會相近知非二會也

士莊子曰高子相大子以會諸

侯將杜稷是衛而皆不敬

厚與光俱不敬

弃社稷

也其將不免乎

爲十九年齊殺高厚二十五年弑其君光傳

夏四月

戊午會于柵

經書春書始行也戊午月一日

疏

注經書春書始行正義曰傳言夏會

而經書春知經書始行傳言會日也諸赴盟會者初去告
行而已盟會必行還乃書何則初去之時未知所會幾國
豈得即書會也明其皆是行還告廟乃書之耳但所書者
或追記發國之初或即書所會之日此會祖以其經傳不
同乃知春行夏會其餘傳無會日亦應有如此者如此之
類是追記初行也二十年六月庚申公會晉侯云云于澶
淵戊戌五年十二月己丑公會晉侯云云于蟲牢如此之類
是即書會日也此蓋舊無定法史官不同故立文異耳

晉荀偃士匄請伐偃陽而封宋向戌焉

宋以

常事晉而向戌有賢行故欲封之爲附庸

荀偃曰城小而固勝之不

武弗勝爲笑固請丙寅圍之弗克

丙寅四月九日

孟氏之臣秦董父輦重如役

董父孟獻子家臣步挽重車以

從

疏

輦重如役

正義曰重者車名也載物必重謂之

師重人挽以行謂之輦軍行以載器物止則以爲落

營此人挽此重車以從役

也宣十二年解已具之

偏陽人啓門諸侯之

士門焉

見門開故攻之

縣門發耶人紇挾之以出

門者

疏

門者諸侯之士在門內者也紇耶邑大夫仲尼父

叔梁紇也耶邑魯縣東南莖城是也言紇多力挾

舉縣門出

疏

縣門至門者

正義曰縣門者編版廣長

在內者如門施關機以縣門上有寇則發機而下

之諸侯之士攻偏陽之門已有入者縣門乃發耶人紇挾

而舉之以出門者門者謂攻門者也紇爲耶邑大夫公邑

大夫皆以邑名冠之呼爲某人孔子之父名紇字叔梁古

人名字並言者皆先字而後名故史記孔子世家稱爲叔

梁紇也服虔云扶輦也謂以木輦挾將

門使舉今下容人出也門者下屬爲句狄虎彌建大

車之輪而蒙之以甲以爲櫓

狄虎彌魯人也蒙覆也櫓大楯

左執之右拔戟以成一隊

百人爲隊

疏

狄虎至一隊正義

曰鄭玄云大車平地載任之車也考工記車人爲車柯長三尺大車轂長半柯輪崇三柯是輪高九尺其車固圓周二丈七尺建立也立此大車之輪而覆之以甲以爲櫓也考工記及長尋有四尺車戟常崇於父四尺八尺曰尋倍尋曰常則戟長一丈六尺也隊是行列之名百人爲隊相傳爲然成一隊者言其當百人也

孟獻子

曰詩所謂有力如虎者也

詩邶風也

主人縣布董

父登之及堞而絕之

偏陽人縣布以試外勇者

隊則又縣

之蘇而復上者三主人辭焉乃退

主人嘉其勇故辭謝

不復

疏

蘇而復上

正義曰宣八年傳曰晉人獲秦謀

縣布

疏

殺諸絳市六日而蘇則蘇者死而更生之名也

董父隊而悶絕似若死然得蘇悟而復緣布上

帶其斷以徇於軍三日

帶其斷布以示勇

諸侯之師父於偃陽荀偃士句請

於荀營曰水潦將降懼不能歸

向夏恐有久雨從丙寅至

庚寅二十五日故曰父

請班師

班還也

知伯怒

知伯荀營

投之以机

出於其間

出偃句之閒

曰女成二事而後告余

二事

伐偃陽封向戌

余恐亂命以不女違

既成改之為亂命

女既勤

君而興諸侯牽帥老夫以至于此既無武

守

無武功可執守

而又欲易余罪曰是實班師不

然克矣

謂偃句將言爾

余羸老也可重任乎

不任受女此責

七日不克必爾乎取之

言當取女以謝不克之罪

五月庚

寅

月四日

荀偃士匄帥卒攻偃陽親受矢石

躬在矢石間

疏

注躬在矢石間

正義曰服虔云古者以石爲箭鏃引國語有隼集於陳侯之庭楷矢貫

之石者以證石爲箭鏃若石是箭鏃則猶是矢也何須矢石並言杜言在矢石間則不以石爲矢也周禮職金凡國有大故而用金石則掌其令鄭玄云用金石者作檜雷之屬雷即礪也兵法守城用礪石以擊攻者陳思王征蜀論云下礪成雷檜殘木碎是也

甲午滅之日

月八

書曰遂滅偃陽

言自會也

言其四會以滅國非之也

疏

注言其至之也

正義

去侵蔡蔡潰遂伐楚二十三年齊侯伐衛遂伐晉如此之類一行而有二事者法當言遂遂非善惡之名而此傳特去書曰遂滅偃陽言自會也則知此言遂者有非之之意所以然者彼因伐遂伐本謀伐行兵容可舉而伐兩國會非征伐之事荀偃士匄於會始請則偃陽無大罪諸侯無宿謀因會滅人情在可責傳稱言自會也是尤其從會行也釋例去會以訓上下叙德刑遂滅偃陽言滅生於會非本意也是言因會以滅國非之之事也書曰者是仲尼新意則舊史不然本蓋別書諸侯滅偃陽仲尼改之而言遂耳

以與向戌向戌辭

曰君若猶辱鎮撫宋國而以偃陽光啓寡

君羣臣安矣其何貺如之

言見賜之厚無過此

疏

光啓寡君

正義曰光昭宋國開其疆竟以賜寡君

若專賜臣是臣興諸侯以

自封也其何罪大焉敢以死請乃予宋公

宋公享晉侯於楚丘請以桑林

桑林殷天子之樂名

疏

注桑林至樂名正義曰若非天子之樂則宋人不當請荀彘不須辭以宋人請而荀彘辭明其非常樂

也宋是殷後得用殷樂知桑林是殷天子之樂名也經典言樂殷爲大護而此復云桑林者蓋殷家本有二樂如周之大武象舞也名爲大護則傳記有說湯以寬政治民除其邪虐言能覆護下民使得其所故名其樂爲大護其曰桑林先儒無說唯書傳言湯伐桀之後大旱七年史卜曰當以人爲禱湯乃剪髮斷爪自以爲牲而禱於桑林之社而雨大至方數千里或可禱桑林以得雨遂以桑林名其樂也皇甫謐云殷樂一名桑林以桑林爲大護別名無文

可馮未
能察也

荀瑩辭

辭諱之

荀偃士匄曰諸侯宋

魯於是觀禮

宋王者後魯以周公故皆用天子禮樂故可觀

魯有禘樂

賓祭用之

禘三年大祭則作四代之樂別祭羣公則用諸侯樂

疏

注禘三至侯樂正

義曰明堂位云季夏六月以禘禮祀周公於大廟朱干玉戚冕而舞大武皮弁素積禘而舞大夏彼禘祭唯用大武大夏而不言詔護以二十九年魯為季札舞四代之樂知四代之樂魯皆有之明堂位云凡四代之服器魯兼用之禘是三年大祭禮無過者知禘祭於大廟則作四代之樂也禮唯周公之廟得用天子之禮知其別祭羣公則用諸侯之樂諸侯之樂謂時王所制之樂大武是也然則禘是禮之大者羣公不得與同而於賓得同禘者敬鄰國之賓故得用大祭之樂也其天子享諸侯亦同祭樂故大司樂云大祭祀王出入奏王夏尸出入奏肆夏牲出入奏昭夏

大饗不入牲其他如祭祀鄭注云不入牲不奏昭夏王出入賓出入亦奏王夏奏肆夏又禮記祭統云大嘗禘升歌清廟下管象仲尼燕居云兩君相見亦升歌清廟下而管象是祭與享賓用樂同也而荀縉云我辭禮矣沈氏云嘉樂不野合故也魯之禘祭用四代樂則天子禘用六代樂也鄭康成義以為禘祫各異祫大禘小天子祫用六代之樂禘用四代之樂魯有禘樂謂有周之禘祭之樂非左氏義也劉炫云禘是大禮賓得與同若享賓用樂禮傳無文但賓禮既輕必異於禘魯以享賓當時之失用之已久遂以為常荀偃士刁引過謬之事以誚晉侯使聽宋耳魯以禘樂享賓猶以十一半為士

宋以桑林享君不亦

可乎

言俱天子樂也

舞師題以旌夏

師帥也旌夏大旌也題識也以大旌

表識其行列

疏

舞師題以旌夏正義曰舞師樂人之帥主陳設樂事者也謂舞初入之時舞師建旌夏

也題識也以大旌

以引舞人而入以題識其舞人之首故晉侯卒見懼而退入于房也謂之旌夏蓋形制大而別為之名也

侯懼而退入于房

旌夏非常卒見之人心偶有所畏

去旌卒

享而還及著雍疾

著雍晉地

卜桑林見

崇

於卜

荀偃士勾欲奔請禱焉

奔走還

荀罃

不可曰我辭禮矣彼則以之

以用

猶有鬼

神於彼加之

言自當加罪於宋

晉侯有間

間疾差也

以偪

陽子歸獻于武宮謂之夷俘

諱俘中國故謂之夷

疏

謂之夷俘正義曰昭十七年晉荀吳滅陸渾之戎獻俘于文宮不言謂之夷俘彼真是戎也此言謂之夷俘明非

夷而謂之夷知其諱俘中國改名之也莊三十一年傳例曰凡諸侯有四夷之功則獻于王中國則否中國之俘既不合獻王故獻廟亦諱知其無罪內慙於心故諱之謂之夷俘

內史選其族嗣納諸霍人禮也

霍晉邑內史掌爵祿廢置

者使選偃陽宗族賢者令居霍奉姁姓之祀善不滅姓故曰禮也使周史者示有王命

疏

注霍晉至王命

正義曰霍是舊國閔元年晉獻公滅之以爲晉邑也內史掌爵祿廢置周禮內史職文也禮天子不滅國諸侯不滅姓其身有罪宜廢者選其親而賢者更紹立之論語所云與滅國繼絕世者謂此也晉侯以偃陽之罪不合絕祀故歸諸天子使周內史選偃陽宗族賢者繼嗣偃陽之後令居晉之霍邑以奉姁姓之祀依鄭語及世本皆云偃陽姁姓是祝融之孫陸終第四子求言之後虞夏以來世祀不絕今復繼之善其不滅姓故曰禮也晉侯不自選其人而

使周內史者諸侯不得專封示有王命不自專也言納諸
霍人者此霍邑或稱霍人猶如晉邑謂之柏人也必知霍
人爲霍邑者班固漢書樊噲傳云攻霍人君霍人邑名也
劉炫大霍晉邑人掌霍邑大夫猶鄆邑大夫稱鄆人訖蓋
使爲晉附庸也師歸孟獻子以秦堇父爲右其

力勇生秦丕茲事仲尼言二父以力相尚子
事仲尼以德相高六

月楚子囊鄭子耳伐宋師于訾母宋地庚

午圍宋門于桐門不成圍而
攻其城門晉荀罃伐秦報

其侵也侵在
九年衛侯救宋師于襄牛鄭子展

曰必伐衛不然是不與楚也得罪於晉又

得罪於楚國將若之何子駟曰國病矣

師數

出疲病也

子展曰得罪於二大國必亡病不猶

愈於亡乎諸大夫皆以爲然故鄭皇耳帥

師侵衛楚令也

亦兼受楚之勑命也皇耳皇戌子

孫文子卜追

之獻兆於定姜姜氏問繇

繇兆辭

疏

注繇兆辭正義曰周

禮大卜掌三兆之法一曰玉兆二曰瓦兆三曰原兆其經兆之體皆百有二十其頌皆千有二百鄭玄云頌謂繇也是言灼龜得兆其兆各有繇辭即下三句是也此傳唯言兆有此辭不知卜得何兆但知舊有此辭故卜者得據以荅姜耳其千有二百皆此類也此繇辭皆韻古人讀雄與陵爲韻詩無羊正月皆以雄韻蒸韻陵是其事也
曰

北如山陵有夫出征而喪其雄姜氏曰征者喪雄禦寇之利也大夫圖之衛人追之

孫蒯獲鄭皇耳于犬丘

蒯孫林父子

秋七月楚

子囊鄭子耳侵我西鄙

於魯無所恥諱而不書其義未聞

疏

注於魯至未聞正義曰服虔云不書諱從晉不能服鄭旋復爲楚鄭所伐恥而諱之也杜以從盟主而不能服叛國於魯未足爲恥被伐無所可諱故云其義未聞還圍蕭八月丙寅克之

蕭宋邑九月子耳侵宋北鄙孟獻子曰鄭其有

災乎師競已甚

競爭也

周猶不堪競況鄭乎

謂周

天有災其執政之三士乎

鄭簡公幼少子駟子國子耳秉政故知三

士任其禍也為下盜殺三大夫傳

莒人聞諸侯之有事也故伐

我東鄙

諸侯有討鄭之事

諸侯伐鄭齊崔杼使大

光先至于師故長於滕

大子宜賓之以上卿而今晉悼以一時之宜令

在滕侯上故傳從而釋之

己酉師于牛首

鄭地

初子駟與尉

止有爭將禦諸侯之師而黜其車

禦牛首師也黜

損尉止獲又與之爭

獲囚

子駟抑尉止曰爾

車非禮也

言女車猶多過制

疏

注言女至過制前已減損其車復云爾車

正義曰

非禮明是仍嫌車多言其過制大夫之制不知車當幾乘從軍之車未必制有定限子駟心憎尉止嫌其豪富本意不為過禮制也遂弗使獻初子駟為田洫司

氏堵氏侯氏子師氏皆喪田焉

洫田畔溝也子駟為田洫

以正封疆而侵四族田

洫

注洫田至族田為溝洫耜廣五寸二耜為耦一耦之伐

正義曰考工記匠人

廣尺深尺謂之畎田首倍之廣二尺深二尺謂之遂九夫為井井間廣四尺深四尺謂之溝方十里為成成間廣八尺深八尺謂之洫方百里為同同間廣二尋深二仞謂之澮然則溝洫俱是通水之路相對大小為異耳皆於田畔為之故云田畔溝也為田造洫故稱田洫此四族皆是富家占田過制子駟為此田洫正其封疆於分有剽則滅給他人故正封疆而侵四族田也小司徒云九夫為井四井為邑四邑為丘四丘為甸四甸為縣四縣為都注云此

都鄙采地之制也

故五族聚羣不逞之人因公子之

徒以作亂

八年子駟所殺公子熙等之黨

於是子駟當國

出

也

子國爲司馬子耳爲司空子孔爲司徒

冬十月戊辰尉止司臣侯晉堵女父子師

僕帥賊以入晨攻執政于西宮之朝

宮公

殺

子駟子國子耳劫鄭伯以如北宮子孔知

之故不死

子孔公子嘉也知難不告利得其處也爲十九年殺公子嘉傳

書曰盜

言無大夫焉

尉止等五人皆士也大夫謂卿

子西聞盜不做

而出

子西公孫
夏子駟子

尸而追盜

先臨尸
而逐賊

盜入於北

宮乃歸授甲臣妾多逃器用多喪子產聞

盜

子國

爲門者

置守門

庀羣司

具衆官

閉府庫

慎閉藏宇守備成列而後出兵車十七乘

千二百七
十五人

尸而攻盜於北宮子蟜帥國人助

之殺尉止子師僕盜衆盡死侯晉奔晉堵

女父司臣尉翩司齊奔宋

尉翩尉止子
司齊司臣子

子孔

當國

代子駟

爲載書以位序聽政辟

自羣卿諸司
各守其職位

以受執政之法
不得與朝政

疏

注自羣至朝政正義曰於時鄭伯
幼弱政在諸卿國事相與議之不得

一人獨決子孔性好專權自以身既當國望其一聽於已
新經禍亂與大夫設盟為盟載之書曰自羣卿諸司以下
皆以位之次序一聽執政之法悉皆稟受成旨不得干與
朝政令其權柄在已也大夫諸司門子不順子產謂之專
欲難成謂此也服虔云鄭舊世卿父死子代今子孔欲擅
政之使以次先為士大夫乃至卿也若如服言唯當門子
耳何由大夫諸司亦不順也子孔若為此法即是自害
其子子孔之子亦當恨何獨他家門子乎焚書倉門則還
依舊法舊法若父死子代子產即
應代父何由十九年始立為卿

大夫諸司門子

弗順將誅之

子孔欲誅
不順者

子產止之請為之焚

書

既止子孔又勸
今燒除載書

子孔不可曰為書以定國

衆怒而焚之是衆爲政也國不亦難乎

以難

治至

子產曰衆怒難犯專欲難成合二難以

安國危之道也不如焚書以安衆子得所

欲

欲爲政也

衆亦得安不亦可乎專欲無成犯

衆興禍子必從之乃焚書於倉門之外衆

而後定

不於朝內燒欲使遠近見所燒

諸侯之師城虎牢而

戍之晉師城梧及制

欲以偪鄭也不書城魯不與也梧制皆鄭舊地

士

魴魏絳戍之書曰戍鄭虎牢非鄭地也言

將歸焉

二年晉城虎牢而居之今鄭復叛故削其城而置戍鄭服則欲以還鄭故夫子追書繫之

于鄭以

疏

諸侯至歸焉正義曰如此傳文諸侯戍虎牢士飭魏絳戍梧與制耳其虎牢之內亦應

見晉志

更有晉戍也二年晉城虎牢則虎牢又已屬晉非復鄭有今繫鄭者晉侯之意鄭人若服將歸之焉善晉侯故探其心而繫之鄭也釋例曰虎牢鄭之郊竟晉人既有之矣又城而居之將以脅鄭鄭畏而強服遇楚而復叛八年之間一南一北至於數四晉悼慮其未已故大城置戍先以示威鄭服之日釋戍而歸之德立刑行故能終有鄭國春秋探書其本心

善之也

鄭及晉平楚子囊救鄭十一月諸

侯之師還鄭而南至於陽陵

還繞也陽陵鄭地

楚

師不退知武子欲退曰今我逃楚楚必驕

驕則可與戰矣

武子荀懿

欒黶曰逃楚晉之恥

也合諸侯以益恥不如死我將獨進師遂

進己亥與楚師夾潁而軍

潁水出城陽至下蔡入淮

子矯

曰諸侯既有成行必不戰矣

言有成去之志

從之

將退不從亦退

從猶服也

退楚必圍我猶將退

也不如從楚亦以退之

以退楚

宵涉潁與楚

人盟

夜渡畏晉知之

欒黶欲伐鄭師

伐涉潁者

荀懿不

可曰我實不能禦楚又不能庇鄭鄭何罪

不如致怨焉而還

致怨爲後伐之責

今伐其師楚必

救之戰而不克爲諸侯笑克不可命

勝負難定

不可命以必克

不如還也丁未諸侯之師還侵鄭北

鄙而歸

欲以致怨

楚人亦還

鄭服故也

王叔陳生與

伯輿爭政

二子王卿士

王右伯輿

右助也

王叔陳生

怒而出奔及河王復之

欲奔晉

殺史狡以說

焉

說王叔也

不入遂處之

處叔河上

晉侯使士匄平

王室王叔與伯輿訟焉

爭曲直

王叔之宰

宰家

臣與伯輿之大夫瑕禽

瑕禽伯輿屬大夫

坐獄於

王庭

獄訟也周禮命夫命婦不躬坐獄訟故使宰與屬大夫對爭曲直

士甸聽之

王叔之宰曰簞門閨竇之人而皆陵其上

其難爲上矣

簞門柴門閨竇小戶穿壁爲戶上銳下方狀如圭也言伯輿微賤之家

瑕禽曰昔平王東遷吾七姓從王牲用備

具王賴之而賜之駢旄之盟

平王徙時大臣從者有七姓伯輿之

祖皆在其中主爲王備犧牲共祭祀王恃其用故與之盟使世守其職駢旄赤牛也舉駢旄者言得重盟不以大難

疏

注平王至大難正義曰七姓從王從王之大臣有七姓也瑕禽言伯輿之祖是七姓之一言其世貴也

其祖爲王主備犧牲以共祭祀王家牲用備具王恃賴之言其世有功也平王初遷國家未定故與大臣結盟令使世掌其職也周禮牧人陽祀用騂牲檀弓云周人尚赤牲用騂尚書洛誥六文王騂牛一武王騂牛一諸言騂皆是赤牛則知此騂旄是赤牛也旄謂尾也共旌旗之用故其字從从者旌旗行而從風偃也曰世世無

失職若籬門閨竇其能來東底乎且王何

賴焉

言我若貧賤何能來東使王恃其用而與之盟邪底至也

今自王叔之相

也政以賄成

隨財制政

而刑放於寵

寵臣專刑不任法

疏

刑放於寵

正義曰刑罰放赦之事在於寵臣

官之師旅不勝其富

師旅之長

皆受賂

疏

不勝其富

正義曰勝訓堪也言財多故不可用盡不能堪此富

吾能無簞

門閨竇乎

言王叔之屬富故使吾貧

唯大國圖之

圖猶下議也

下

而無直則何謂正矣

正者不失下之直

疏

下而至正矣正義曰凡在

上正定在下須明在下曲直瑕禽自去已有直理不被上知則是使下無直在上何謂正矣故去正者不失下之直也劉炫去七年傳云正直為正正曲為直晉斷王朝之獄乃以下正上宣子若在下而無直心何以謂之為正也勸宣子使范宣子曰天子所右寡君亦右之所

左亦左之

宣子知伯與直不欲自專故推之於王

疏

天子至左之正義曰人有左

右便而左不便故以所助者為右不助者為左宣子知伯與直故從王之所助也

使王叔氏

與伯與合要

合要辭

王叔氏不能舉其要

要

之

辭

使王至其契

正義曰周禮卿士職六辭其獄訟

辭異其死刑之罪而要之鄭玄云要之為罪辭如
今効矣彼謂官人略取罪狀為其要約之辭如今斷獄如
漢也名斷獄為効故云如今効矣此言要辭亦是辭之要
約如今辯答也合要者使其各為要約言語兩相辨
答伯與辭直王叔無以應之故不能舉其要契之辭也

叔奔晉不書不告也單靖公為卿士以相

王室

代王叔

經十有一年春王正月作三軍

增立中軍萬二千五百人

為

辭

注增立至為軍

正義曰昭五年云舍中軍明此
年作而後年舍故知舊有二軍今增立中軍也然

則正是作中軍耳而云作三軍者傳言三子各毀其乘則
舊時曷已之乘毀之以足成三軍是舊軍盡廢而全改作

之故云作三軍也杜見其以三敗二復據彼中軍之文
故言增立中軍耳萬二千五百人為軍周禮夏官序文
夏

四月四卜郊不從乃不郊傳無**疏**夏四至不郊正義曰此四

月四卜與僖三十一年文同蓋亦三月三卜而四月又一
卜也止言不郊不去免牲免牛蓋不以其禮免直使歸其

本牧而已故不書也鄭公孫舍之帥師侵宋公會晉侯

宋公衛侯曹伯齊世子光莒子邾子滕子

薛伯杞伯小邾子伐鄭世子光至復在莒子**疏**之先故晉悼亦進之

注卅子至進之正義曰劉炫以為序莒上者直是先至非為先莒今知不然者往年傳云齊大子光先至于師故長於滕是前經為先滕至序在滕子之上今經序在莒子之先明知亦先莒而至也若非先莒而至唯當還序滕子

上耳劉炫無所依馮直云先至更長之而規杜氏非也

秋七月己未同盟于

亳城北

亳城鄭地伐鄭而書同盟鄭與盟可知

公至自伐鄭

無傳

楚子鄭伯伐宋公會晉侯宋公衛侯曹伯

齊世子光莒子邾子滕子薛伯杞伯小邾

子伐鄭

晉遂尊光

會于蕭魚

鄭服而諸侯會蕭魚鄭地

公至自

會

無傳以會至者觀兵而不果侵伐

疏

注以會至侵伐正義曰劉炫云杜釋例自言事勢相接

或以始致或以終致是時史異辭何爲此注而云不果侵伐今知劉說非者凡云或以始致或以終致皆據實有伐事今據傳文云觀兵于鄭東門是則實無伐事故云不果侵伐劉不達此意而規杜非也

楚人執鄭

行人良霄

良霄公孫輒子伯有也

冬秦人伐晉

傳十一年春季武子將作三軍

魯本無中軍唯上下二軍

皆屬於公有事三卿更帥以征伐季氏欲專其民人故假立中軍因以改作

疏

注魯本至改作正義曰

以昭五年舍中軍知此時作者作中軍是魯本無中軍也以閔元年晉侯作二軍謂之上軍下軍知魯有二軍亦名上下軍也此言請爲三軍各征其軍知往前三軍皆屬公也明其有事則三卿更立帥之以征伐耳三卿不得專其民也此時襄公幼弱季氏世秉魯政因公之少欲專其民故假立中軍因以改作也禮明堂位云成王封周公於曲阜地方七百里其時必有三軍也詩魯頌閟宮頌僖公能復周公之字云公徒三萬鄭玄云大國三軍合三萬七千五百人言三萬者舉成數也則僖公復古制亦三軍矣蓋自文公以來霸主之令軍多則貢重自減爲二軍耳非是魯

衆不滿三軍也若然昭五年舍中軍書之於經住前言咸
一軍亦應書之而經不書者作三軍與舍中軍皆是變改
改常卑弱公室季氏秉國權專擅改作故史特書之耳若
國家自量彊弱其軍或減或益國史不須書也何則僖公
復古始有三萬則以前無三萬矣僖公作亦不書何怪舍
不書也蘇氏亦云僖公之時實有三軍自文以後舍其一
軍不書者非是故有所舍故不書蘇氏又云鄭注詩公徒
三萬以爲三軍鄭荅臨碩之問云公徒三萬爲二軍者鄭
隨問而荅當以詩箋爲正蘇氏又云蒐于紅革車千乘所
以今不滿三軍者以當時采地衆多公邑民少故不能滿
三軍三子各毀其乘以足之與前解異也周禮小司徒云
凡起徒役無過家一人是家出一人故鄉爲一軍天子六
軍出自六鄉則大國三軍出自三鄉其餘公邑采地之民
不在三軍之數季武子今爲三軍則異於是矣以魯國屬
公之民皆分爲三亦謂之三軍其軍之民不啻一萬二千
五百家也何則魯國合竟之民屬公者豈唯有三萬七千

五百家子明其決不然矣由此言之此作三軍與禮之三
軍名同而實異也春秋之世兵革迭興出軍多少量敵彊
弱勅寇未息卒士盡行士卒之數無復定準成二年鞏之
戰晉車八百乘計有六萬人唯三卿帥之昭十三年平丘
之會晉叔向去寡君有甲車四千乘在計四千士卒成二
十四軍爾時晉國唯立三軍則甲車四千屬三軍耳其軍
豈止一萬二千五百人乎昭八年魯蒐于紅傳稱革車千
乘千乘之衆充三軍之數明知此分合竟之民以爲三軍
軍之所統其數異於禮也膏肓何休以爲左氏說去尊公
室休以爲與舍中軍義同於義左氏爲短鄭康成箴去左
氏傳去作三軍三分公室各有其一謂三家始專兵甲卑
公室去左氏說者尊公室失左氏意遠矣義符杜說也

告叔孫穆子曰請爲三軍各征其軍

征賦稅也

三家各征其軍之家屬

疏

注征賦至家屬正義曰周禮大司徒以土均之法制天下之地征王制去市

廬而不稅關譏而不征經典之文通謂賦稅爲征故去征賦稅也往者民皆屬公公稅其民以分賜羣臣今武子欲令民即屬己己所應得自稅取之恐穆子不從故先告之請分國內之民以爲三軍三家各自征稅其軍之家屬冀望穆子亦便於己而從其計也言軍之家屬者丁壯從軍者官無所稅其家屬不入軍者乃稅之耳

曰政將及子子必不能

政者霸國之政令禮大國三軍魯次國而爲大國之

制貢賦必重故憂不能堪

疏

注政者至能堪微政在霸主霸主量國大小責其貢賦

正義曰於時天子衰

若爲二軍則是次國若作三軍則爲大國六國之制貢賦必重故去霸主重貢之政將及於子子必不能堪之憂其不能堪之言三軍不可爲也魯爲三軍二軍國之大小同耳但作三軍則自同大國自同大國則霸主必依大國責其貢重也

武子固請之穆子曰然則盟諸

穆子知季氏將

復變易
故盟之

乃盟諸僖閼

僖官之門

說

注僖官之門正義曰釋官云僖門謂之

閼孫炎曰巷舍間道也李巡曰閼巷頭門也以此知僖閼是僖公之廟門也

詛諸五父之

衢

五父衢道名在魯國東南詛以禍福之言相要

正月作三軍三分公

室而各有其一

三分國民衆

三子各毀其乘

壞其軍乘

分以足

說

注壞其至三軍家自有二軍若非征伐不屬三子故三子自

正義曰往新民皆屬公國

以采邑之民以爲己之私乘如子產出兵車十七乘之類是其私家車乘也今既三分公室一所分得者即是己有不須更立私乘故三子各自毀壞其時車乘部伍分以足成三軍也壞者壞其部伍將領也公使各自屬其軍不復立私乘故也
季氏使其乘之人以其役邑入者無

征

使軍乘之人率其邑役入季氏者無公征

不入者倍征

不入季氏者則使公家倍征之設利

病欲驅使入己故昭五年傳曰季

氏盡征之民辟倍征故盡屬季氏

疏

季氏至倍征正義曰其乘之

人即所分得者國內三分有一之人也役謂共官力役則今之丁也邑謂賦稅若今之租調也以其役之與邑皆來入季氏者則無公征也若不以入季氏者則使公家倍征之當輸一而責其二也設利害以懼民毆之使入己耳民畏倍征故盡歸季氏所分得者無一入公也知邑是賦稅者以言役邑入則役之與邑皆從民而入官也從民入官唯在力役與賦稅耳故知邑是賦稅也賦稅而謂之邑者賦稅所入若私邑然故以邑言之

孟氏使

半為臣若子若弟

取其子弟之半也四分其乘之人以三歸公而取其一

叔

孫氏使盡為臣

盡取子弟以其父兄歸公

疏

孟氏至為臣正義曰昭五年傳追

說此事云季氏盡征之叔孫氏臣其子弟孟氏取其半焉叔孫氏臣其子弟不臣父兄謂取二分而二歸公也孟氏取其半又如叔孫所取其中更取其半又以半歸公謂取一分而三歸公也彼傳順序此文顛倒傳意以叔孫為主而先說孟氏言孟氏如叔孫所得使其半爲己之臣叔孫所得子與弟也此孟氏若子弟中課取其一又分半以歸公也叔孫使子弟

不然不舍

制軍分民不如是則三家不舍

盡爲己臣唯以父兄歸公耳

疏

制軍至本言正義曰如上所分

三家盟詛之本言

四分叔孫取二分而二分歸公孟氏取一分而三分歸公分國民以爲十二三家得七公得五也舍謂舍故也制三軍分國民若不如是則三家不肯舍其故法而別改作也使盡爲臣以上是序事之辭不然不舍一句是要契之語故云此蓋三家盟詛之本言盟詛本言不必應詳具但史家畧取其意而爲之立文不復如本辭耳

鄭人患晉楚之故諸大夫曰不從晉國幾

亡幾近也楚弱於晉晉不吾疾也疾急也晉疾

楚將辟之何爲而使晉師致死於我言當作何

計楚弗敢敵而後可固與也固與晉也子展曰與

宋爲惡諸侯必至吾從之盟楚師至吾又

從之則晉怒甚矣晉能驟來楚將不能吾

乃固與晉大夫說之使疆場之司惡於宋

使守疆場之吏侵犯宋宋向戌侵鄭大獲子展曰師而

伐宋可矣若我伐宋諸侯之伐我必疾吾

乃聽命焉且告於楚楚師至吾又與之盟

而重賂晉師乃免矣言如此乃免於晉楚之難夏鄭子展

侵宋欲以致諸侯四月諸侯伐鄭己亥齊太子光

宋向戌先至于鄭門于東門傳釋齊太子光所以序莒上也向戌

不書宋公在會故其莫晉荀罃至于西郊東侵舊

許許之舊國鄭新邑**距**東侵舊許正義曰昭十二年傳楚子云我伯父昆吾舊許是宅鄭人貪

賴其田而不我與是舊許為鄭邑也謂之舊許明是許之舊國許南遷而鄭得之衛孫林父

侵其北鄙六月諸侯會于北林師于向

地向地

在潁川長社縣東北

右還次于瑣

北行而西爲右還滎陽宛陵縣西有瑣候亭

圍

鄭觀兵于南門

觀示也

西濟于濟隧

濟隧水名

鄭

人懼乃行成秋七月同盟于亳范宣子曰

不慎必失諸侯

諷敬威儀謹辭令

諸侯道敝而無成

能無貳乎

數伐鄭皆罷於道路

乃盟載書曰凡我同

盟毋蒞年

蒞積年穀而不分災

毋壅利

專山川之利

毋保姦

藏罪人

毋留慝

速去惡

救災患恤禍亂同好惡

獎王室

也 獎助

或聞茲命司慎司盟名山名

川

二司天神

疏

注二司天神 正義曰盟告諸神而先稱二司知其是天神也觀禮諸侯觀于天子

爲官方三百步壇十有二尋深四尺加方明于其上方明者木也方四尺設六色青赤白黑玄黃設六玉圭璋琥璜璧琮公侯伯子男皆就其旂而立天子祀方明禮日月四瀆山川丘陵彼文雖不言盟其所陳設盟之禮也鄭玄云方明者上下四方神明之象也會同而盟明神監之則謂之天之司盟有象者猶宗廟之有主乎天子巡守之盟其神主曰諸侯之盟其神主山川王官之伯會諸侯而盟其神主月是言盟之所告告天神也鄭云明神監之謂之司盟司盟非一神也其司慎亦不知指斥何神但在山川之上知其是天神耳名山山之有名者謂五嶽四鎮也名川

謂四瀆也

羣神羣祀

羣祀在祀典者

先王先公

先王諸侯之大祖宋

祖帝乙鄭祖厲王之

比也先公始封君 七姓十二國之祖

七姓晉魯衛鄭山虞

姬姓邾小邾曹姓宋子姓齊姜姓莒己姓

疏

注七姓三誤也 正

義曰十三國爲七姓世本世宗文也姬即次曹意及則言不以大小爲次也實十三國不言十二服虔去晉主盟不自數知不然者案定四年祝公稱踐土之盟去晉重魯申於是晉爲盟主自在盟內何因晉今主盟乃不自數故知字誤也劉炫難服虔去案宣子恐失諸侯謹慎辭今告神要人身不自數己不在盟依叛必速豈有如此理哉

明神殛之

殛誅也

俾失其民隊命亡氏踣其

國家

踣斃也

楚子囊乞旅于秦

乞師旅於秦

秦右

大夫詹帥師從楚子將以伐鄭鄭伯逆之

丙子伐宋

鄭逆歷故更伐宋也秦師不書不與伐宋而還

九月諸侯悉

師以復伐鄭

此夏諸侯皆復來故曰悉師

鄭人使良霄大

宰石彘如楚告將服于晉曰孤以社稷之

故不能懷君君若能以玉帛綏晉不然則

武震以攝威之孤之願也楚人執之書曰

行人言使人也

書行人言非使人之罪古者兵交使在其間所以通命示整或執殺之皆

以爲譏也既成而後告故書在蕭魚下石彘爲介故不書

疏

注書行至不書正義曰釋例曰使以行言言

以按事信令之要於是乎在舉不以怒則刑不濫則不濫則兩國之情得通兵有不交而解者皆行人之職也是以

雖飛矢在上走驛在下及其末節不統大理遷怒於快
意於行人譬諸豺狼求食而已傳曰鄭人使伯綢行
人殺之非禮也兵交使在其間可也故夫子特顯行人之
文行人有六而傳發其三者因良霄以顯其稱行人之
因于徵師以示其非罪因叔孫婁以同外內大夫則餘三
人皆隨例而爲義也諸以行人爲名通及外內以卿出使
義取於非其罪也若濤塗甯喜之屬罪在其身鄭叔詹魯
行父之等以執政受罪本非使出故不稱行人從實而書
皆以罪之也鄭祭仲之如宋也非會非聘與於見誘而以
行人應命不能死飾挾僞以篡其君故經不稱行人以罪
之也是言罪之故不稱行人則稱行人若皆無罪也鄭人
先遣告楚乃從諸侯故傳在會先也經在會後既成而後
告執故書執

在蕭魚會下

諸侯之師觀兵于鄭東門鄭人

使王子伯駢行成甲戌晉趙武入盟鄭伯

冬十月丁亥鄭子展出盟晉侯

二盟不書不告

十

二月戊寅會于蕭魚

經書秋史失之

疏

注經書秋史失之正義

曰會于蕭魚經雖無月但會下有冬故以爲會在此秋也傳言日月次第分明是經繆史官失之也

庚辰

赦鄭囚皆禮而歸之納扈候

不相備也

禁侵掠

晉侯使叔肸告于諸侯

叔肸叔向也告諸侯亦使赦鄭囚

公

使臧孫紇對曰凡我同盟小國有罪大國

致討苟有以藉手鮮不赦宥寡君闡命矣

言晉討小國有藉手之功則赦其罪人德義如是不敢不承命

鄭人賂晉侯以師

惺師觸師觸

惺觸觸皆樂師名

疏

注惺觸觸皆樂師名正義曰樂師稱師下

賂以樂知此三人皆樂師惺觸觸是其名也服虔見下有鐘鐃磬即云三師鐘師鐃師磬師謂惺能鐘觸能鐃觸能磬也然則鄭人以師茂師慧賂宋者又能鐘乎能鐃乎三師必是能鐘磬者要不可即以名次配言之

廣

車軌車淳十五乘甲兵備

廣車軌車皆兵車名淳耦也

疏

注廣車至耦也正義曰皆是兵車而別爲之名蓋其形制殊用處異也鄭玄云廣車橫陳之車也服虔云軌車屯守之車也或可因所居遂爲名及其用之亦無常也射禮數射第二算爲純一算爲奇是淳爲耦也

凡兵

車百乘

他兵車反廣軌共百乘

疏

注他兵至百乘正義曰徧見服本皆云淳十五乘

則凡兵車百乘者更合言軌廣或軌廣之外別有百乘杜本軌十五乘更以他兵車七十乘增軌廣共爲百乘耳知

非軌廣之外更有言云云云軌廣者以上既言廣車軌
車下云凡兵車百乘言凡兵車之辭故知總上軌廣也
若然直言兵車百乘於理自足上別云廣車軌車者以廣
車軌車甲兵備足自外之車甲兵不備又別有車名非軌
也

廣歌鐘二肆

肆列也縣鐘十六為一肆二肆三十二枚



注肆列至二枚正義曰

以肆為列者鐘磬皆編縣之在簋而各有行列也周禮
小胥云凡縣鐘磬半為堵全為肆鄭玄云鐘磬者編縣之
二八十六按而在一虞謂之堵鐘一堵磬一堵謂之肆半
之者謂諸侯之卿大夫士也諸侯之卿大夫半天子之卿
大夫西縣鐘東縣磬士亦半天子之士縣磬而已如鄭彼
言鐘與磬全乃成為肆此傳於鐘即言肆者十六枚而在
一虞古今皆同其虞不可分也虞不可分而云有全有半
明如鄭言鐘磬相對肆為全單為半也傳言歌鐘二肆則
兼有磬矣若其無磬不得成肆杜以傳唯云歌鐘故但解
鐘數云三十二枚其磬數亦同矣此二肆皆為編縣也下

云及其罇磬者罇是大鐘磬是大磬皆特懸之非編懸也
據鄭玄禮圖如此也言歌鐘者歌必先金奏故鐘以歌名
之晉語孔晁注云歌鐘鐘以節歌也劉炫云傳言歌鐘二
肆及其罇磬則罇磬亦二肆肆之爲名實由鐘磬相對但
傳於磬下不復更言其數於鐘則言二肆明罇磬數與之
同乃成肆若磬無二肆則半賜魏絳無磬矣安得有金石
也知色別各三十二枚也歌必先云云同

及其罇磬

罇磬皆樂器

女樂二八

十六

晉侯以樂之半賜魏絳曰子教寡人

和諸戎狄以正諸華

在四年

八年之中九合諸

侯如樂之和無所不諧

諧亦和也

疏

八年至之和正義曰服虔

云八年從四年以來至十一年也九合諸侯者五年會于
戚一也其年又會于城棣救陳二也七年會于鄆三也八

年會于邢丘四也九年會于戲五也十年會于祖六也又
成鄭虎牢七也十一年同盟于亳城北八也又會于黃魚
九也晉語說此事云於今八年七合諸侯孔晃云不數數
陳與成鄭虎牢餘爲七也如樂之和謂諸侯和同如樂之
相應和也請與子樂之共此樂辭曰夫和戎狄國

之福也八年之中九合諸侯諸侯無慝君
之靈也二三子之勞也臣何力之有焉抑

臣願君安其樂而思其終也詩曰樂旨君

子歆天子之邦詩小雅也謂諸侯有樂美之德可以鎮撫天子之邦歆鎮也樂

旨君子福祿攸同攸所便蕃左右亦是帥

從

便蕃數也言遠人相帥來服從便蕃然在左右

節

詩曰至帥從正義曰詩小雅采芣之篇也言

美也言樂美之德君子以有樂美之德可以鎮撫天子之邦國也以有樂美之德政故為福祿之所同歸也既能鎮邦國受福祿雖復疏遠之人使蕃然數來在其左右亦於是相帥而來從之也夫樂以安德

和其心也

義以處之

處位以義

禮以行之

行教令

信以守

之

守所行

仁以厲之

厲風俗

而後可以殿邦國

同福祿來遠人所謂樂也

言五德皆備乃為樂非但金石

書

曰居安思危

逸書

思則有備有備無患敢以

此規

規正公

公曰子之教敢不承命抑微子

寡人無以待戎

待遇接納

不能濟河

渡河南服鄭

夫賞

國之典也藏

在盟府

司盟之府有賞功之制正

義曰周禮司盟會同則掌其盟約之載既盟則貳之貳之者寫兩本盟書一埋盟處一藏盟府也唯言會同之盟不掌功勲之事而得有賞功之制者僖五年傳曰虢仲虢叔為文王卿士勲在王室藏於盟府是司盟之府掌藏功勲典策故有賞功之制也不可廢也子其受之魏絳於是

乎始有金石之樂禮也

禮大夫有功則賜樂

至賜樂

正義曰以魏絳蒙賜始有金石之樂知未賜不得有也賜之而云禮也知禮法得賜之也周禮小胥云大夫判縣士特縣鄉飲酒禮云笙入堂下磬南北面鄉射禮云縣于洗

東北西面喪大記云疾病君大夫徹縣是大夫得有鐘磬

樂有功乃賜之正禮也唯言魏絳有金石之樂不言女樂女樂房中私宴之樂或不以賜之秦庶長

鮑庶長武帥師伐晉以救鄭庶長秦爵也不書救鄭已屬晉

無所救鮑先入晉地士魴禦之少秦師而弗

設備壬午武濟自輔氏從輔氏渡河與鮑交代

晉師己丑秦晉戰于櫟晉師敗績易秦故

也不書敗績晉恥易秦而敗故不告也櫟晉地

經十有二年春王三月莒人伐我東鄙圍

台琅邪費縣南有台亭季孫宿帥師救台遂入鄆鄆

邑
夏晉侯使士魴來聘秋九月吳子乘卒

五年會於戚公不與盟而赴以名

疏

注五年至以名正義曰劉炫云杜於五年注以爲公及其盟還而

不以盟告廟也今注云會於戚公不與盟而赴以名何爲兩注自相矛盾今知劉難非者以戚盟經既不書公之與否又傳無其事杜弘通其義故爲兩解劉不尋杜旨而規其過非也冬楚公子貞帥

師侵宋公如晉

傳十二年春莒人伐我東鄙圍台季武子

救台遂入鄆

乘勝入鄆報見伐

取其鐘以爲公盤夏

晉士魴來聘且拜師

謝前年伐鄭師

秋吳子壽夢

卒

壽夢吳子之號

臨於周廟禮也

周廟文王廟也周公出文王故魯立其廟

吳始通故曰禮

疏

注周廟至曰禮於周公之廟知是文王廟也以鄭祖厲王立

正義曰杜以下文周廟

所出王廟知為周公出文王故魯立其廟也哀二年廟賸禱云敢昭告皇祖文王衛亦立文王廟也郊特牲曰諸侯不敢祖天子大夫不敢祖諸侯而公廟之設於私家非禮也而諸侯得立王廟者彼謂無功德非王命而輒自立之則為非禮魯衛有大功德王命立之是其正也鄭祖厲王亦然此是常禮特於吳子而傳發例者以吳始通公能依禮故於此言禮也

凡諸侯之喪異姓臨於外

於城外向其國

疏

注於城外

向其國正義曰禮奔喪之記云哭父之黨於廟母妻之黨於寢師於廟門外朋友於寢門外所識於野張帷此傳言於外與彼於野同於城外向其國張帷而哭之耳

同姓於宗廟

所出王之廟

疏

同姓於宗廟正義曰此即周廟也但發大例意通古今故不復斥言周耳其實於周之世亦周廟也異姓之國無所出王之廟者其哭同姓必不得同諸異姓亦當於祖廟同宗於祖廟始封君之廟同

族於禰廟

父廟也同族謂高祖以下

是故魯為諸姬臨於

周廟

諸姬同姓國

為邢凡蔣茅胙祭臨於周公

之廟

即祖廟也六國皆周公之文子別封為國共祖周公

冬楚子囊秦庶

長無地伐宋師于揚梁以報晉之取鄭也

取鄭在前年梁國睢陽縣東有地名揚梁

靈王求后于齊齊侯問對

於晏栢子栢子對曰先王之禮辭有之天

子求后於諸侯諸侯對曰夫婦所生若而

人

不敢譽亦不敢毀故曰若如人

妾婦之子若而人

言非適也

無

女而有姊妹及姑姊妹則曰先守某公之

遺女若而人

疏

及姑姊妹 正義曰釋親云父之姊妹為姑樊光曰春秋傳云姑姊妹然

則古人謂姑為姑姊妹蓋父之姊妹為姑姊父之妹為姑妹列女傳梁有節姑妹入火取其兄子是謂父妹為姑妹也後人從省故單稱為姑也古人稱祖父近世單稱祖亦此類也齊侯許昏王使陰

里結之

陰里周大夫結成也為十五年劉夏逆王后傳

公如晉朝且拜士

魴之辱禮也

士魴聘在此年夏嫌君臣不敵故禮之

秦嬴歸于楚

秦景公妹爲楚共王夫人楚司馬子庚聘于秦爲夫人寧

禮也

子庚莊王子午也諸侯夫人父母既沒歸寧使卿故曰禮

疏

秦嬴至禮也正義曰此事不

見於經而傳自廣記備言以明禮之事耳楚共王以成元年即位秦嬴歸楚蓋應多年傳因子庚之聘發其歸楚非此年歸而即使歸寧案昭元年秦鍼奔晉傳云其母曰弗去懼選鍼則景公之弟昭元年其母猶在此注云父母既沒歸寧使卿者父母並在則身自歸寧若父沒母存身不自歸則亦使卿寧也杜云父母既沒連言之耳

春秋正義卷第二十一

春秋正義卷第二十二

襄公

國子祭酒上護軍曲阜縣開國子孔穎達等表

勅撰

經十有三年春公至自晉夏取邾

邾小國也任城亢父

縣有邾亭傳例曰書取言易也

秋九月庚辰莒子審卒

莒王也成二年大夫

盟于蜀冬城防

傳十三年春公至自晉曰孟獻子書勞于廟

禮也

書勲勞於策也桓二年傳曰公至自唐告於廟也凡公行告於宗廟反行飲至舍爵策勲焉禮也桓

十六年傳又曰公至自伐鄭以飲至之禮也然則還告廟及飲至及書勞三事偏行一禮則亦書至悉闕乃不書至傳因獻子之事以登

疏

注書勲至詳之正義曰其書勞與策勲一也周禮王功曰勲

事功曰勞對則勲大而勞小故傳棄大以包之注云書勲勞於策明其不異也桓二年傳發凡例有告廟也飲至也策勲也桓十六年傳言飲至此年傳言書勞二者各舉其一所以反覆凡例以此知三事偏行一禮則亦書至悉闕乃不書至耳所一偏行一禮謂偏行告至其飲至策勲則不可偏行也何則告廟因行飲至舍爵而即策勲策勲飲至並行之於廟豈得不告至而在廟聚飲乎不告至而入廟書勞乎明其決不然矣但告至已後或飲至而不書勞或書勞而不飲至二事或有闕其一者傳因獻子書勞復言禮也所以發明凡例釋例曰公行或朝或會或盟或伐或得禮失禮其事非一故傳隨而釋之於盟釋告廟嫌他例不通故復摠云凡公行告于宗廟反行飲至舍爵策勲焉

禮也此以明公之出竟當無不告及其反也則必飲至有
功則策勲故公至自伐鄭傳重言以飲至之禮孟獻子書
勞于廟傳復云禮所以反覆凡例也公朝於晉而獻子書
勞知策勲非唯討伐之功雖或常行有以定國安民亦書
功於廟也然則凡反行飲至必以嘉會昭
夏部亂分

為三

國分為三部志力各異

師救邾遂取之

魯師也經不稱師不滿二千五

百人傳通言之

凡書取言易也

不用師徒及用師徒而不勞雖國亦曰取

用大

師焉曰滅

敵人距戰斬獲俘戮用力難重雖邑亦曰滅

弗地曰入

謂勝其國

邑不有其地

疏

注魯師至言之正義曰莊八年師及齊師圍郕彼是大夫將滿師故稱師此亦大夫將

所將不滿二千五百人故直言取邾而不得言師也傳直師者師是衆人之摠名雖少亦通言之注不用至曰取

正義曰宣九年取根牟傳曰言易也成六年取鄆傳曰言易也昭四年取鄆傳曰言易也昔亂著丘公立而不撫鄆鄆叛而來故曰取凡克邑不用師徒曰取此四發取例傳皆云言易也取鄆之下又發凡例云克邑不用師徒曰取者不用師徒即是易得之狀所以覆明凡例也若用而不勞則與不用相似故杜云用而不勞亦曰取也凡例克邑邦乃是國知雖國亦曰取釋例曰取者乘其衰亂或受其潰叛或用小師而不頓兵勞力則直言取如取如攜言其易也傳四發取例者邦以師徒鄆叛而來根牟東夷鄆附庸國名各不同故也邦為小國非邑非夷故以凡例附之 注敵人至曰滅 正義曰國大邑小嫌邑易國難滅取止見難易不由國邑大小故注辯之上云易則雖國亦曰取此取邦邦是國也此言用力難重則雖邑亦曰滅傳二年虞師晉師滅下陽昭十三年吳滅州來皆邑而言滅是也 注謂勝至其地 正義曰入謂入其都邑制其民人當入之曰與滅亦同但尋即去之不為已有故云勝至

國邑不即有其土地如此之類謂之爲入國邑變舉者國邑皆稱入也文十五年晉卻缺入蔡是入國也成七年吳入州來九年楚人入郛是入邑也若然閔二年狄入衛哀八年宋公入曹二者傳皆言滅而經書入者釋例曰狄滅衛而書入者狄無文告衛之君臣死盡齊桓存之以告諸侯言狄已去不能有其土地也曹背晉而奸宋是以致討宋公既還而不忍褚師之詬怒而反荀罃士魴卒晉兵一舉滅曹滅非本志故以入告也

侯蒐于緜上以治兵

爲將命軍帥也必蒐而命之所以與衆共

使士

荀將中軍辭曰伯游長

伯游荀偃

昔臣習於知

伯是以佐之非能賢也

七年韓厥老知罃代將中軍士荀佐之荀今將

謹故謂爾時之舉不以已賢事見九年

請從伯游荀偃將中軍

代荀

綦士句佐之位如故使韓起將上軍辭以趙武

又使欒黶以武位早故不聽更命黶辭曰臣不如韓起韓

起願上趙武君其聽之使趙武將上軍武自新軍

超四等韓起佐之位如故欒黶將下軍魏絳佐

之欒亦如故絳自新軍新軍無帥將佐皆遷晉侯難

其人使其什吏率其卒乘官屬以從於下

軍禮也得慎舉之禮晉國之民是以大和諸侯

遂睦君子曰讓禮之主也范宣子讓其

下皆讓藥厲爲汰弗敢違也晉國以平數

世賴之刑善也夫

刑法也

一人刑善百姓休和

可不務乎書曰一人有慶兆民賴之其寧

惟永其是之謂乎

周書呂刑也一人天子也寧安也永長也義取上有好善之慶

則下賴其福

周之興也其詩曰儀刑文王萬邦作

孚

詩大雅言文王善用法故能爲萬國所信孚信也

言刑善也及其衰

也其詩曰大夫不均我從事獨賢

詩小雅刺幽王役使

不均故從事者怨恨稱己之勞以爲獨賢無讓心

言不讓也世之治也君

子尚能而讓其下

能者在下位則貴尚而讓之

小人農力以

事其上是以上下有禮而讒慝黜遠由不

爭也謂之懿德及其亂也君子稱其功以

加小人

加陵也君子在位者

小人伐其技以馮君子

馮亦陵也

自稱其能為伐

是以上下無禮亂虐並生由爭善也

爭自善也

謂之昏德國家之敝恒必由之

傳言晉之所以

與

疏

晉侯至禮也

正義曰什吏謂十人長也從車曰卒在車曰乘新軍將佐皆遷晉侯選賢未得難用

其人使其軍內十人之長率其步卒車士與其新軍官屬軍尉司馬之類以從於下軍令下軍將佐兼領之得慎舉

之禮也周禮夏官序云凡制軍萬有二千五百人為軍軍將皆命卿二千有五百人為師師帥皆中大夫五百人為旅旅帥皆下大夫百人為卒卒長皆上士一十五人為兩兩司馬皆中士五人為伍伍皆有長不言十人有長而此傳云什吏者夏官所云周禮之正法耳其量時制事未必盡然尚書牧誓有千夫長百夫長齊語管子設法五人為伍五十人為小戎二百人為卒二千人為旅萬人為軍吳語王孫雄設法百人為行十行一旌十旌一將軍引司馬法云十人之帥執鈴百人之帥執鐸千人之帥執鼓萬人之將執大鼓三者數人置帥皆以什計之異於周禮則晉人為軍或十人置吏也詩曰至善也正義曰此大雅文王之篇儀善也刑法也乎信也善用法者文王也言文王善用法故能為萬國所信言文王之法善也詩曰至善也正義曰詩小雅北山之篇刺幽王役使不均平被使之人自稱己之功勞我所以特從王事者楚子疾告在上獨以我為賢自云己賢是不謬也

大夫曰不穀不德少主社稷生十年而喪

先君未及習師保之教訓而應受多福

多福

謂焉君是以不德而亡師于鄢

鄢在戌十六年

以辱社稷

為大夫憂其弘多矣

弘大也

若以大夫之靈獲

保首領以沒於地唯是春秋電窆之事

電厚

也窆夜也厚夜猶長夜春秋謂祭祀長夜謂葬埋所以從先君於禰廟

者

從先君代為禰廟

請為靈若厲

欲受惡謚以歸先君也亂而不損曰厲

韋曰厲大夫擇焉莫對及五命乃許秋楚共

王卒子囊謀謚大夫曰君有命矣子囊曰
君命以共若之何毀之赫赫楚國而君臨
之撫有蠻夷奄征南海以屬諸夏而知其
過可不謂共乎請謚之共大夫從之

傳言子囊之善

葬

注窆厚至葬埋正義曰晉語云屯厚也說文云夕暮也從月半是夜字從夕知是以夕爲夜也厚長意

同故厚夜猶長夜也孝經云春秋祭祀以時思之故春秋謂祭祀也長夜者言夜不復明死不復生故長夜謂葬埋也以其事施於葬故今字皆從穴王意自貶祭之與葬皆不敢從先君之禮
注從先至槨廟正義曰祭法云諸侯立五廟曰考廟王考廟皇考廟顯考廟祖考廟此云槨廟即彼考廟也曲禮云生日父死曰考考成也言有成德

也禰近也於諸廟父最爲近也禮三年喪畢遠祖遞遷新
主入廟是從先君代爲禰廟也計昭穆之次昭次入昭廟
穆次入穆廟皆代爲祖廟而言代爲禰廟者謂與見在生者爲禰廟

吳侵楚養由基

奔命子庚以師繼之

子庚楚司馬

養叔曰吳乘我

喪謂我不能師也

養叔養由基也

必易我而不戒也

戒備也

子爲三覆以待我

覆伏兵

我請誘之子庚從

之戰于庸浦

庸浦楚地

大敗吳師獲公子黨君

子以吳爲不弔

不用天道相弔恤

詩曰不弔昊天亂

靡有定

言不爲昊天所恤則致罪也爲明年會向傳

疏

不弔至有定正義曰詩小雅

節南山之篇

冬城防書事時也

土功雖有常節通以事間為時

於是

將早城臧武仲請俟畢農事禮也

疏

注土功至

為時

正義曰莊二十九年傳例曰凡土功龍見而畢務

戒事也火見而致用水昏正而栽是土功之常節也本設

此節以為農事既間故以此時與土功今此冬城防經傳

皆不言月當在火見致用之前此歲農收差早雖天象未

至而民事已間故云土功雖有常節通以事間為時言時

節未是時而事以得時故言書事時也釋例曰冬城防臧

武仲請畢農事故傳曰書事時也言興作

出火見致用之前亦得兼以事時而禮之

鄭良霄大

宰石奩猶在楚

十一年楚人執之至今

石奩言於子囊

曰先王卜征五年

先征五年而卜吉凶也征謂巡守征行

而歲習其

祥祥習則行

五年五卜皆同吉乃巡守

不習則增脩德而

改卜

不習謂卜不吉

今楚實不競行人何罪

不能脩德與晉

競

止鄭一卿以除其偏

一卿謂良霄

使睦而疾楚

以固於晉焉用之

位不偏則大臣睦怨疾楚則事晉固

使歸而廢

其使

行而見執於楚鄭又遂堅事晉是鄭廢本見使之意

怨其君以疾其大

夫而相牽引也不猶愈乎楚人歸之

疏

注先

征至征行

正義曰先征五年而卜其吉凶謂征前五年而預卜之也征訓行也先王之行謹慎而卜必是禮之大

者大禮遠行莫過巡守故知征謂巡守也征行釋言文也傳言卜征五年未知何代之禮案尚書舜典云五載一巡

守孔安國云堯舜同道舜攝則然堯又可知周禮大行
云十有二歲王巡守殷國王制云天子五年一巡守鄭
云天子以海內爲家時一巡省之五年者虞夏之制也周
則十二歲一巡守如孔鄭之言唐虞及夏皆五年一巡守
然則卜征五年虞夏法也在周之世而遠陳虞夏法者蓋
重古而言之或周之巡守不必十二年也周十二年一巡
守法歲星行天一周也虞夏五年一巡守取五行遞王而
徧也而歲至則行正義曰禮記云卜筮不相襲鄭玄
云襲因也釋詁云祥善也歲因其善謂去年吉今年又吉
也善因則行謂五年五吉善善相因則先王然後行巡守
也傳稱卜不習吉而得五年五卜者卜不習吉謂不可一
時再卜耳此則每年一卜非相習也注不習謂卜不吉
正義曰其善不因往年是謂不習吉也脩德改卜更以卜
吉爲始又得五吉乃行也止鄭至用之正義曰貴者
多則勢相偏今止鄭一卿於楚以除其國內相偏之患位
不偏則大臣和睦使鄭在家之人和睦而疾楚以牢固事

於晉焉用之何須用此良霄留之於楚使歸至愈乎
正義曰往者鄭使良霄向楚其意欲得楚執良霄鄭得堅
事晉國是鄭本遣良霄其意如此今若放良霄使歸於鄭
則鄭不得堅事晉國是廢其本使之意蘇氏之說亦然也
良霄被執久留在楚今若歸之則怨恨其君以憎疾其大
夫而相牽引令鄭國大臣不和則事晉之心不固不猶少
差乎方言云病差謂之愈後年注以愈爲差此亦當爲差
也服虔云愈猶病愈是愈爲差之義也鄭玄論語注云愈
猶勝也

經十有四年春王正月季孫宿叔老會晉
士匄齊人宋人衛人鄭公孫蠆曹人莒人
邾人滕人薛人杞人小邾人會吳于向

叔老
聲伯

子也魯使二卿會晉敬事霸國晉人自是輕魯幣而益敬其使故叔老雖介亦列於會也齊崔杼宋華閱衛北宮括在會情慢不攝故貶稱人蓋欲以督率諸侯獎成霸功也吳來在向諸侯會之故曰會吳向鄭地

疏

注叔

老至鄭地正義曰叔老聲伯子叔矜孫故以叔為氏也卿出聘使及盟會皆以大夫為介禮之常也此會魯使季孫宿與叔老二卿會晉敬事霸國故以卿為介於例唯征戰重兵詳內略外魯師出征伐則諸將並書其聘與會唯書使主其介不合書也晉人自是輕魯幣而益敬其使叔老雖則為介而晉為盟主亦列之於會魯人以義並列於會故並書之也傳稱宋華閱仲江會伐秦向之會亦如之則此會宋亦二卿華閱猶尚被貶仲江固不在列若二卿並敬其事俱得列會亦當並書於策何則盟主列之於會魯史無容略之也故傳言崔杼華閱會伐秦不書情也向之會亦如之北宮括不書於向書於伐秦端也足齊宋衛三國之卿於此會也情慢不自整攝故貶稱人罪其身故

去名氏猶序鄭卿之上從其大小舊六也在會情慢未是大尤即加賈貢者此是仲尼新意蓋以督率諸侯獎成晉悼霸功故也以吳來在向諸侯就向會之故不序吳於列而云會吳于向與鍾離善道同也 二月乙

未朔日有食之

傳無

夏四月叔孫豹會晉荀

偃齊人宋人衛北宮括鄭公孫蠆曹人莒

人邾人滕人薛人杞人小邾人伐秦

齊宋大夫不書

義與向同

己未衛侯出奔齊

諸侯之策書孫甯逐衛侯春秋以其自取奔亡之禍

故諸侯失國者皆不書逐君之賊也不書名從告

疏

注諸侯至從告正義曰二十年甯子疾召悼子曰

諸侯之策云云甯殖自爲此言明知諸國策書皆云孫林父甯殖逐衛侯不言衛侯自出奔也仲尼脩春秋以其自

取奔亡之禍故諸失國者皆是被臣逐之悉非其君自出
仲尼尤其不能自安皆不書逐君之賊所以責其君也此
燕伯款出奔齊侯不出奔楚止書名此不書名從告也
釋例曰諸侯奔亡皆迫逐而苟免非自出也傳稱孫林父
甯殖出其君名在諸侯之策此以臣名赴告之文也仲尼
之經更沒逐者之名主以自奔爲文責其君不能自安自
固所犯非徒所逐之臣也衛出以名而燕赴以名各隨
赴而書之義在於彼不在此也此言在彼不在此者義在
自出爲罪不在名與不名以其失國已足罪賤不假復以
名責故史記隨赴而書仲尼依舊爲定也曲禮云諸侯失
地名滅同姓名記之所言當據春秋爲義滅同姓名春秋
既依用之則失地書名亦是大例而杜云名與不名無義
例者案經書衛侯殺滅邢傳云同姓也故名其言與記符
同左氏本有此例也失地書名則傳無其事且記言失地
者謂國被人奪非棄位出奔者也州公如曹紀侯大去皆
是失地之君經不書名亦不發傳知失地之君不以名爲

貶也穀伯綏鄧侯吾離來朝公羊傳皆云何以名失地之君也則禮記之文或據公羊之義不可通於左氏故杜不

為此說 莒人侵我東鄙無傳報入郛 秋楚公子貞帥師

伐吳冬季孫宿會晉士匄宋華閱衛孫林

父鄭公孫蠆莒人邾人于戚

傳十四年春吳告敗于晉前年為楚所敗 會于向為

吳謀楚故也謀為吳伐楚 范宣子數吳之不德也

以退吳人吳伐楚喪故以為不德數而遣之卒不為伐楚 執莒公子務

婁在會不書非卿 以其通楚使也莒貳於楚故 將執戎

子駒支

駒支戎子名

范宣子親數諸朝

行之所在亦設朝

曰

來姜戎氏昔秦人迫逐乃祖吾離于瓜州

四獄之後皆姜姓又別爲允姓瓜州地在今敦煌

乃祖吾離被謫蓋

蓋謫之別名

蒙荆棘以來歸我先君

蒙冒也

我先君惠公

有不腆之田

腆厚也

與女剖分而食之

中分

今諸

侯之事我寡君不如昔者蓋言語漏洩則

職女之由

職主也

詰朝之事爾無與焉

詰朝明且不使

復得與會事

與將執女對曰昔秦人負恃其衆貪

于土地逐我諸戎惠公蠲其大德蠲明也謂

我諸戎是四嶽之裔胄也四嶽堯時方伯姜姓也裔遠也胄後也

毋是翦棄翦削也賜我南鄙之田狐狸所居

豺狼所嗥我諸戎除翦其荆棘驅其狐狸

豺狼以爲先君不侵不叛之臣至于今不

貳不內侵亦不外叛昔文公與秦伐鄭秦人竊與鄭

盟而舍戍焉在僖三十年於是乎有殽之師在僖三十年

三晉禦其上戎亢其下亢猶當也秦師不復我

諸戎實然譬如捕鹿晉人角之諸戎擣之

擣其足也

與晉踣之

踣僵也

戎何以不免自是以來

晉之百役與我諸戎相繼于時

言給晉役不曠時

以

從執政猶殺志也

意常如殺無中二也

豈敢離湯今官

之師旅無乃實有所闕以攜諸侯而罪我

諸戎我諸戎飲食衣服不與華同贄幣不

通言語不達何惡之能爲不與於會亦無

膏焉

膏潤也

賦青蠅而退

青蠅詩小雅取其愷弟君子無信讒言

宣

子辭焉

謝

使即事於會成愷悌也

成愷悌不信讓也不

書者戎爲晉屬不得特達

於是子叔齊子爲季武子介以

會自是晉人輕魯幣而益敬其使

齊子和老字也言晉

敬魯使經所

疏

注四嶽至燉煌正義曰周語稱堯造洪水使禹治之共之從孫四嶽佐之

四嶽國命爲侯伯賜姓曰姜賈逵云共其工也從孫同姓末嗣之孫四嶽官名大嶽也主四嶽之祭焉姜炎帝之姓其後變易至於四嶽帝復賜之祖姓以紹炎帝之後是四嶽爲姜姓也下傳云謂我諸戎四嶽之裔胄是姜戎爲四嶽之後姜姓故稱姜戎也昭九年傳云先王居櫛杙于四裔故允姓之姦居于瓜州伯父惠公歸自秦而誘以來同說此事而云允姓知姜姓之後又別爲允姓也其姜戎是帝堯所賜允姓不知誰賜之也周語云胙四嶽國焉侯伯

謂爲諸侯之長下注云四嶽堯時方伯據彼文而知之
被苦蓋蒙荆棘 正義曰被苦蓋言無布帛可衣唯衣草

也蒙荆棘言無道路可從冒榛藪也說其窮困之極耳
注蓋苦之別名 正義曰釋器云白蓋謂之苦孫炎曰白

蓋茅苦也郭璞曰白茅苦也今江東呼爲蓋 昔秦至諸
戎 正義曰僖二十二年傳云秦晉遷陸渾之戎于伊川

則秦晉共遷之也昭九年傳云惠公歸自秦而誘以來又
似晉侯獨誘之也此云秦人逐之惠公與田乃是被秦逐

而自歸晉也三丈不同者此戎本處瓜州明遠在秦之西
北秦貪其土晉貪其人二國共誘而使遷僖傳是其實也

昭傳王專責晉故指言晉耳此傳宣子施恩於戎故言被
逐歸晉駒支順宣子之言故云秦貪土地逐我諸戎秦本

實貪其土地而遷之也 譬如至踣之 正義曰角之謂
執其角也持之言戾其足也前覆謂之踣言與晉共倒之

吳子諸樊既除喪 諸樊吳子乘之長子也乘卒將
至此春十七月既葬而除喪

立季札

札諸樊少弟

季札辭曰曹宣公之卒也諸

侯與曹人不義曹君

曹君公子負芻也殺太子而自立事在成十三年

將立子臧子臧去之遂弗為也以成曹君

君子曰能守節君義嗣也

諸樊適子故曰義嗣

誰敢奸

君有國非吾節也札雖不才願附於子臧

以無失節固立之棄其室而耕乃舍之

傳言季札

之讓且明吳兄弟相傳

夏諸侯之大夫從晉侯伐秦以

報櫟之役也

櫟役在十一年

晉侯待于竟使六卿帥

諸侯之師以進

言經所以不稱晉侯

及涇不濟

諸侯之師不肯渡也

涇水出安定朝那縣至京兆高陸縣入渭

叔向見叔孫穆子穆子賦

匏有苦葉

詩邶風也義取於深則厲淺則揭言已志在於必濟

叔向退而

具舟魯人莒人先濟鄭子蟜見衛北宮懿

子曰與人而不固取惡莫甚焉若杜稷何

懿子說二子見諸侯之師而勸之濟濟涇

而次

傳言北宮括所以書於伐秦

秦人毒涇上流師人多死

飲毒水故

鄭司馬子蟜帥鄭師以進師皆從之至

于棫林

棫林秦地

不獲成焉

秦不服

荀偃令曰雞鳴

而駕塞井夷竈

示不反

唯余馬首是瞻

言進退從

已藥廩曰晉國之命未是有也余馬首欲

東乃歸

廩惡偃自尊故棄之歸

下軍從之左史謂魏莊

子曰不待中行伯乎

中行伯荀偃也莊子魏絳也左史晉大史

莊子

曰夫子命從帥

夫子謂荀偃

藥伯吾帥也吾將從

之從帥所以待夫子也

以從命為待也藥廩下軍帥莊子為佐故曰吾帥

伯游曰吾今實過悔之何及多遺秦禽

軍帥

不和恐多爲秦所禽獲

乃命大還晉人謂之遷延之役

遷延却退

欒鍼曰此役也報櫟之敗也役又無

功晉之恥也吾有二位於戎路

欒鍼欒黶弟也二位謂黶將下

軍鍼爲戎右

敢不恥乎與士鞅馳秦師死焉士鞅

反

鞅士句于

欒黶謂士句曰余弟不欲往而子

召之余弟死而子來是而子殺余之弟也

弗逐余亦將殺之士鞅奔秦

欒黶沃侈誣逐士鞅也而女也

於是齊崔杼宋華閱仲江會伐秦不書情

也

臨事情慢不脩也仲江宋公孫師之子

向之會亦如之衛其宮括

不書於向

亦情

書於伐秦攝也

能自攝整從鄭子蟜俱濟涇

秦伯問於士鞅曰晉大夫其誰先亡對曰

其欒氏乎秦伯曰以其汰乎對曰然欒黶

汰虐已甚猶可以免其在盈乎

盈黶之子

秦伯

曰何故對曰武子之德在民如周人之思

召公焉愛其甘棠況其子乎

武子欒書黶之父也召公奭聽

訟舍於甘棠之下周人思之不害其樹而作勿伐之詩在召南欒黶死盈之善未

能及人武子所施沒矣而厭墨之怨實章於
於是乎在秦伯以為知言為之請於晉而

復之

為傳二十一年
晉滅欒氏張本

疏

注詩邶至必濟
詩本文云匏有苦葉濟有深

正義曰此

涉深則厲淺則揭釋水全引下三句而釋之云揭者揭衣
也以衣涉水為厲懸膝以下為揭懸膝以上為涉繇帶以
上為厲李巡云濟渡也水深則厲水淺則揭衣渡也不解
衣而渡水曰厲孫炎曰揭褰衣裳也以衣涉水濡褌也詩
意言遇水深淺期之必渡穆子賦此詩言已志在於必濟
也魯語云叔向見叔孫穆子穆子曰豹之業在匏有苦葉
矣叔向退召舟虞司馬曰夫苦匏不材於人共濟而已
魯叔孫賦匏有苦葉必將涉矣叔向之意取匏有苦葉
為義此注取深厲淺揭為義者穆子止賦此詩不言所取
之意未必叔向曲得其情杜以厲揭為義切於取匏有苦

葉故不從國語而別為此解 不獲成焉 正義曰此役

止為報櫟之敗非欲求與秦成而云不獲成者凡與師伐

國彼若服罪謝過即當相與和平故注解其意不獲成焉

者正謂秦不服也服虔云不得成戰陳之事案傳諸伐國

者皆服之而已不是皆成戰陳之事此何以獨云不獲成

戰也 注案厲至女也 正義曰櫟鍼自以家有二位耶

其無功與士鞅共馳秦師 衛獻公戒孫文子甯惠

非鞅召之是誣返士鞅也

子食勅戒二子皆服而朝服朝服待日盱不召

也而射鴻於囿二子從之從公不釋皮冠

而與之言皮冠田獵之冠也既二子怒孫文子如

戚戚孫文子邑孫蒯入使孫蒯孫文子之子公飲之酒使大

師歌巧言之卒章

巧言詩小雅其卒章曰彼何人斯居河之麋無拳無勇職為亂

階戚衛河上邑公欲以喻文子居河上而為亂大師掌樂大夫

大師辭師曹請為

之

辭以為不可師曹樂人

初公有嬖妾使師曹誨之琴

誨教

也師曹鞭之公怒鞭師曹三百故師曹欲

歌之以怒孫子以報公公使歌之遂誦之

恐孫蒯不解故

蒯懼告文子文子曰君忌我矣弗先

必死

欲先公作亂

并幣於戚

幣子也

而入見遽伯玉

曰君之暴虐予所知也大懼社稷之傾覆

將若之何

伯王

對曰君制其臣敢奸之

奸猶死也

雖奸之庸知愈乎

言臣更立未嘗差否

遂行從近關

出

懼難作欲速出竟

公使子蟜子伯子皮與孫子盟

于丘宮孫子皆殺之

三子衛羣公子疑孫子故盟之丘宮近戚地

四月

己未子展奔齊

子展衛獻公弟

公如鄆

鄆衛地

使子行

於孫子孫子又殺之

使往請和也子行羣公子

公出奔齊孫

氏追之敗公徒于阿澤

濟北東阿縣西南有大澤

鄆人執之

公徒因敗散還故爲公執之

初尹公佗學射於庾公差庾公

差學射於公孫丁二子追公

二子佗與差為孫氏逐公

公孫

丁御公

為公御也

子魚曰射為背師不射為戮射

為禮乎

子魚使公差禮射不求中

射兩輶而還

鉤車輓卷者

尹公

佗曰子為師我則遠矣乃反之

佗不從丁學故言遠始與公差

俱退悔而獨還射丁

公孫丁授公轡而射之貫臂

貫佗臂

子鮮從公

子鮮公母弟

及竟公使祝宗告亡且告

無罪

告宗廟也

定姜曰無神何告若有不可誣

也

誣欺也定姜公母

有罪若何告無舍大臣而與小

臣謀一罪也先君有冢卿以爲師保而蔑

之二罪也

謂不釋皮冠之止

余以巾櫛事先君而暴

妾使余三罪也告亡而已無告無罪

時姜在國故不

使得告無罪

公使厚成叔弔于衛曰寡君使瘠聞

君不撫社稷而越在他竟

越遠也瘠厚成叔名

若之何

不弔以同盟之故使瘠敢私於執事

執事衛諸大夫

曰有君不弔

弔恤也

有臣不敏

敏達也

君不赦宥

臣亦不帥職增淫發洩其若之何衛人使

大叔儀對

大叔儀衛大夫

曰羣臣不佞得罪於寡

君寡君不以即刑而悼棄之以爲君憂君

不忘先君之好辱弔羣臣又重恤之

重恤謂愍其不

達也敢拜君命之辱重拜大貺

謝重恤之賜

厚孫歸

復命語臧武仲曰衛君其必歸乎有大叔

儀以守

守於國

有母弟鱣以出或撫其內或營

其外能無歸乎齊人以邾寄衛侯

邾齊所滅邾國

及

其復也以邾糧歸

言其貪

右宰穀從而逃歸

衛人將殺之

穀衛大夫也以其從君故欲殺之

辭曰余不說初

矣

言初從君非說之不獲已耳

余狐裘而羔袖

言一身盡善唯少有惡喻已雖

從君出其罪不多

乃赦之衛人立公孫剽

剽穆公孫孫林父

甯殖相之以聽命於諸侯

聽盟會之命

衛侯在邾

臧紇如齊唁衛侯與之言虐退而告其父

曰衛侯其不得入矣其言糞土也亡而不

變何以復國

武仲不書未為卿

子展子鮮聞之見臧

紇與之言道

順道理

臧孫說謂其人曰衛君

必入夫二子者或輓之或推之欲無入得

乎

為二十六年
衛侯歸傳

疏

注勅戒至宴食 正義曰君之於臣
有禮食宴食儀禮公食大夫禮者主

國之君食聘賓之禮也其食已之大夫亦當欣之而迎送
答拜之儀有差降耳曲禮云凡進食之禮左簋右載鄭玄
云此大夫士與賓客燕食之禮其禮食則宜放公食大夫
禮也如鄭之言大夫與客禮食尚放公食大夫禮明知國
君與臣禮食亦當放之公食大夫之禮其禮甚大衛侯雖
則無道不應與臣禮食而得棄之射鴻知是公自勅戒二
子欲共為宴食宴食者間燕無事召臣與之共食耳 注
服朝服 正義曰言服而朝明朝服也諸侯每日視朝其
君與臣皆服玄冠纁布衣素積以為裳禮通謂此服為朝
服宴食雖非大禮要是以禮見君故服朝服公食大夫之
禮賓朝服則臣於君雖非禮食亦當服朝服也 注皮冠
至與食 正義曰此公射鴻於囿而冠皮冠明皮冠是田

獵之冠也且虞人掌獵昭二十年傳曰皮冠以招虞人又十二年傳言雨雪楚子皮冠以出出田獵也是諸侯之禮皮冠以田獵周禮司服云凡甸冠弁服鄭玄云甸田獵也冠弁委貌也其服緇布衣素積以爲裳是服諸侯視朝之服也彼天子之禮故以諸侯朝服而詘異於此也昭十二年傳又云右尹子革夕王見之去皮冠杜云敬大臣是君敬大臣宜釋皮冠既不釋皮冠又不與食二子所以怒也弁帑於戚正義曰孫子衛朝大臣食邑於戚其子先分兩處將欲作亂慮禍及其子故令弁帑處於戚從近關出正義曰聘禮及竟謁關人鄭玄云古者竟上爲關以譏異服譏異言又周禮司關注云關界上之門也衛都不當竟中其界有遠有近欲速出竟故從近關出也注公徒至執之正義曰服虔云執追公徒者公如鄆故鄆人爲公執之計孫氏追公徒衆必盛鄆人爲公可言與之戰耳不得言執之也且文承敗公徒下豈敗公徒之後乃執之乎下文方說二子追公豈復是鄆人執二子也故杜以

爲公徒因敗而散亡鄆人爲公執散走者 初尹至貫臂

正義曰孟子云鄭人使子濯孺子侵衛衛使庾公之斯追之

子濯孺子疾作庾公之斯至曰夫子何爲不執弓曰今我疾

作不可以執弓庾公之斯曰小子學射於尹公之佗尹公之

佗學射於夫子我不忍以夫子之道反害夫子雖然今日之

事君事也我不敢廢抽矢叩輪去其金發乘矢而後反其姓

名與此略同行義與此正反不應一人之身有此二行孟

子辯士之說或當假爲之辭此傳應是實也 注韋車輶

正義曰說文云韋輶下曲者服虔云車輶兩邊以馬頸者

暴妾使余 正義曰言暴虐使余如妾 有臣不敏 正義曰

不敏不達於禮也 余不說初矣 正義曰言余之不說於

君初即然矣不得已而從之出耳非是愛君而從在道始悔

而反也 狐裘而羔袖 正義曰玉藻云君衣狐白裘錦衣

以裼之又曰錦衣狐裘諸侯之服也是裘之用皮狐貴於羔也

師歸自伐秦晉侯舍新軍禮也成國不過

半天子之軍

成國大國

周爲六軍諸侯之大者三

軍可也於是知朔生盈而死

朔知營之長子盈朔弟也盈生而朔

死盈生六年而武子卒彘襄亦幼皆未可

立也新軍無帥故舍之

襄士魴子也十三年荀營士魴卒其子皆幼未任爲

卿故新軍無帥遂舍之

疏

注成國大國

正義曰周禮太宗伯以九儀之命正邦國之位五命賜則七命

賜國鄭玄云則地未成國之名王之下大夫四命出封加一等五命賜之以方百里二百里三百里之地者方四百里以上爲成國如鄭之言成國者唯公與侯耳伯雖與侯同命地方三百里未得爲成國也成國乃得半天子之軍未成則不得也夏官序云大國三軍次國二軍小國一軍當以公侯爲大國伯爲次國子男爲小國也諸侯五等唯

有三等之命伯之命數可以同於侯其軍則計地大小故伯國之軍不得同於侯也此據禮正法耳春秋之世鄭置

六卿未必

師曠侍於晉侯

師曠晉樂大師子野

晉侯曰衛人

出其君不亦甚乎對曰或者其君實甚良

君將賞善而刑淫養民如子蓋之如天容

之如地民奉其君愛之如父母仰之如日

月敬之如神明畏之如雷霆其可出乎夫

君神之主而民之望也若困民之主匱神

乏祀百姓絕望社稷無主將安用之弗去

何爲天生民而立之君使司牧之勿使失

性有君而爲之貳卿佐使師保之勿使過

度是故天子有公諸侯有卿卿置側室側室

支子之官大夫有貳宗貳宗宗子之副貳者士有朋友庶人

工商阜隸牧圉皆有親暱以相輔佐也善則

賞之賞謂宜揚過則斥之斥正也患則救之救其難也失則

革之革更也自王以下各有父兄子弟以補察

其政補其愆過察其得失史爲書謂大史君瞽爲詩瞽目盲

詩以工誦箴諫工樂人也誦箴諫之辭大夫規誨規正諫誨其君士

傳言士卑不得徑達聞君過失傳告人夫庶人謗庶人不與政聞君過得誹謗商旅

于市旅陳也陳其貨物以示時所貴尚百工獻藝獻其技藝以喻政事故夏

書曰適人以木鐸徇於路逸書適人行人之官也木鐸木舌金鈴徇

於路求歌謠之言官師相規官師大夫自相規正工執藝事以諫所謂

獻藝正月孟春於是乎有之諫失常也有道人徇

路之事天之愛民甚矣豈其使一人肆於民上肆放

也以從其淫而棄天地之性必不然矣傳

師曠能因問盡言

疏

注賞謂宣揚正義曰賞者善善之名也但上之善下則賜之以財故遂以賞爲賜

財之號此言天子以下皆有臣僕以輔佐其上而下之賞上不得奉以貨財唯當延其譽耳故知賞謂宣揚也注

謂大至則書

正義曰周禮有大史小史內史外史御史

史官有五名知此史謂大史者以傳稱齊崔杼弑其君云

大史書之知君舉則書皆大史書也

注瞽盲至風刺

正義曰周禮樂官大師之屬有瞽矇之職鄭玄云凡樂之

歌必使瞽矇爲焉命其賢知者以爲大師小師鄭衆云無

目眊謂之瞽有目眊而無見謂之矇無目是盲者也詩者

民之所作采得民詩乃使瞽人爲歌以風刺非瞽人自爲

詩也周語云天子聽政公卿至於列士獻詩瞽陳曲章昭

云公以下至上士各獻諷諫之詩瞽陳樂曲獻之於王是

言瞽爲歌詩之事也

注工樂至之辭

正義曰儀禮通

謂樂人爲工工亦瞽也詩辭自是箴諫而箴諫之辭或有

非詩者如虞箴之類其文似詩而別且諫者萬端非獨詩

箴而已詩必播之於樂餘或直誦其言以歌誦小別故使
工瞽異文也周語云師箴瞽賦矇誦亦是因事而異文耳
注規正諫誨其君正義曰規亦諫也鄭玄詩箋云規者
正圓之器以恩親正君曰規然則物有不圓者規之使圓
行有不周者正之使備猶規正物然故云規正諫誨其君
庶人至誹謗正義曰庶人卑賤不與政教聞君過失
不得諫爭得在外誹謗之謗謂言其過失使在上聞之而
自改亦是諫之類也昭四年傳鄭人謗子產周語厲王虐
國人謗王皆是言其實事謂之爲謗但傳聞之事有實有
虛或有妄謗人者今世遂以謗爲誣類是俗易而意異也
周語云庶人傳語是庶人亦得傳言以諫上也此有士傳
言故別云庶人謗爲等差耳注旅陳至貴尚正義曰
旅陳釋詁文也商旅于市謂商人見君政惡陳其不正之
物以諫君也易云商旅不行旅亦是商此云陳者彼云商
旅不行故以旅爲商此文連于市若以旅爲商直云商旅
于市則文不成義故以旅爲陳也劉炫云王制言巡守之

事云命市納賈以觀民之所好惡志淫好辟鄭玄云市與市者賈謂物貴賤厚薄也賈則用物貴淫則侈物貴此亦彼類彼上觀民此民觀上商陳此物自爲求利非欲諫君但觀其所陳則貴尚可見在上審而察之其過足以自改故亦爲諫類則齊鬻踊之比是也百工獻藝正義曰周禮考工記云審曲面勢以飭五材以辨民器謂之百工鄭玄云五材各有工言百衆言之也則工是巧人能用五材金木水火土者也此百事之工各自獻其藝能以其所能譬喻政事因獻所造之器取喻以諫上即夏書所云工執藝事以諫是也注逸書至之言正義曰此在削征之篇其本文云每歲孟春道人以木鐸徇于路官師相規工執藝事以諫其或不共邦有常刑此傳引彼略去每歲孟春直引道人以下乃以正月孟春結之殷勤以示歲首恒必然也孔安國云道人宜令之官木鐸金鈴木舌所以振文教也周禮無道人之官彼云其或不共邦有常刑是號令羣臣百工使之諫也木鐸徇路是號令之事孔言宜

今之官杜必以為行人之官者以其云徇於道路故以為
行人之官采訪諺謠者與孔宣今之官其事不異劉炫以
為杜不見古文以適人為宣今之官徇路求諫而規杜氏
不見古文誠如劉說然杜之所解於義自通苟生異見其
義非也 注官師至規正 正義曰杜意謂師為長故以

官師為大夫言大夫是羣官之長大夫自相規正案孔安
國云官眾眾官也更相規闕其意以師為眾杜必知官師
是大夫者此云官師相規上云大夫規誨規文既同故以
為大夫尚書文無所對 秋楚子為庸浦之役故
故孔云官眾眾官也

在前 年子囊師于棠以伐吳吳不出而還子

囊殿

後殿軍

以吳為不能而弗傲吳人自臯

舟之隘要而擊之

臯舟吳險
阨之道

楚人不能相救

吳人敗之獲楚公子宜穀

傳言不備不可以師

王使劉

定公賜齊侯命

將昏於齊故也定公劉夏位賤以能而使之傳稱謚舉其終

曰

昔伯舅大公右我先王股肱周室師保

萬民世胙大師以表東海

胙報也表顯也謂顯封東海以報大師之

功王室之不壞繫伯舅是賴

繫發聲

今余命

女環

環齊靈公名

茲率舅氏之典纂乃祖考無

忝乃舊敬之哉無廢朕命

纂繼也因昏而加辱顯傳言王室不能命

有

䟽

師保萬民正義曰師法也保安也言大公與民為法而民得以安也尚書泰誓武王數紂之罪云放厥

師保孔安國云可法以安者反放退之是謂良臣爲民之師保也 王室至是賴 正義曰服虔本壞作懷解云懷

柔也繫蒙也賴恃也王室之不懷柔諸侯恃蒙齊桓之作正也孫毓云案舊本及賈氏皆作壞杜雖不注當謂王室

之不傾壞者唯伯舅大公是賴也 晉侯問衛故於 上文不言桓公不得爲賴桓公也

中行獻子

問衛逐君當討否獻子荀偃

對曰不如因而定

之衛有君矣

謂剽己立

伐之未可以得志而勤

諸侯史佚有言曰因重而撫之

重不可移就撫安之

仲

虺有言曰亡者侮之亂者取之推亡固存

國之道也

仲虺湯左相

君其定衛以待時乎

待其

昏亂之時
乃伐之

冬會于戚謀定衛也

定立

范宣子

假羽毛於齊而弗歸齊人始貳

析羽為旌王
者游車之所

建齊私有之因謂之羽
毛宣子聞而借觀之

疏

仲虺至道也
仲虺之詰云兼弱攻昧取亂

正義曰尚書

侮亡推亡固存邦乃其昌孔安國云弱則兼之闇則攻之
亂財取之有亡形則侮之有亡道則推而亡之有存道則

輔而固之王者如此國乃昌盛此傳取彼之意而改為之
辭其言非本文也 注析羽至觀之 正義曰周禮司常

掌九旗之物名全羽為旒析羽為旌道車載旌游車載旌
鄭玄云全羽析羽皆五采繫之於旌旌之上所謂注旌於

干首也凡九旗之帛皆用絳道車象路也王以朝夕燕出
入游車木路也王以田以鄙是其析羽為旌王者游車之

所建也鄭玄唯言全羽析羽有五采耳猶不辨羽是何羽
周禮有夏采之官鄭玄云夏采夏翟羽色禹貢徐州貢夏

翟之羽有虞氏以爲綏後世或無故漆鳥羽象而用之謂之夏采其職云掌大喪以乘車建綏復于四郊鄭玄云明堂位曰有虞氏之旂夏后氏之綏則旌旗有是綏者或以旄牛尾爲之綴於幢上所謂注旄於干首者釋天云注旄首曰旌李巡曰以旄牛尾著旌首者也孫炎曰析五采羽注旄上也下亦有旄綏據彼諸文言之則羽旄者有五色鳥羽又有旄牛尾也言全羽析羽者蓋有全取其翅或析取其翮故有全析二名也繫此鳥羽牛尾而於干首猶自別有絳爲旄綏縣之於干今之旗幟尚然也此傳直言羽耳注不引全羽而以析羽解之者以全羽尊於析羽齊人建以赴會當是羽之賤者故以爲析羽不然則無以知之計羽毛所用其費無多晉人自應有之而此年范宣子假羽毛於齊定四年晉人假羽旄於鄭皆假之他國者或當制作巧異故聞而借觀之

自伐吳卒將死遺言謂子庚必城郢

楚徒都郢未有

楚子囊還

城郭公子變公子儀因築城爲亂事未得訖子囊欲訖而來暇故遺言見意

君子謂子囊

忠君薨不忘增其名

謂前年蓋君爲共

將死不忘衛

社稷可不謂忠乎忠民之望也詩曰行歸

于周萬民所望忠也

詩小雅忠信爲周言德行歸於忠信即爲萬民所瞻望

疏

行歸于周

正義曰此詩小雅都人士之篇也注云城郭之域曰都言都人之士所行要歸於忠信其餘

萬民寡識者咸瞻望而法倣之

經十有五年春宋公使向戌來聘二月己

亥及向戌盟于劉劉夏逆王后于齊

劉采地夏

名也天子卿書字劉夏非卿故書名天子無外所命則成故不言逆女

疏

及向戌盟于劉正義曰荀庚

良夫卻犇等來聘且尋盟皆直云及其盟不言地者由在國與之盟也此言盟于劉者出國與盟故書其盟地猶如晉侯與公出盟于長檣也釋例劉地闕蓋魯城外之近地也注劉采至逆女正義曰宣十年天王使王季子來

聘傳稱劉康公來聘是王季子食采於劉遂為劉氏此劉夏當是康公之子即前年傳稱劉定公是也釋例曰天子公卿書爵此言天子卿書字又云劉夏非卿其實非大夫而云非卿者以名相配以劉夏非卿稱名故云天子卿書字以決之傳稱卿不行故云劉夏非卿以對之皆望經傳為義也或以為無爵卿書字杜何意於此獨舉無爵之卿也諸侯之娶言逆女此與桓八年皆言逆王后者天子無外所命則已成后矣故不言逆女也劉炫云例云天子公卿書爵此言卿書字者以其有爵則書爵無則書字傳稱官師即此劉夏釋例以夏為士則夏此時似未有爵若夏

是卿當書字傳言卿不行非禮則此禮本當使卿故以卿決之卿當書字夏非卿故書名例稱天子大夫書字但此禮不使大夫故不以大夫決之夏齊侯伐我北鄙圍成公救成

至遇

無傳遇魯地書至遇公畏齊不敢至成

季孫宿叔孫豹帥

師城成郭

備齊故夏城非例所譏

秋八月丁巳日有食

之

無傳八月無丁巳丁巳七月一日也日月必有誤

邾人伐我南鄙冬十

有一月癸亥晉侯周卒

四同盟

䟽

注四同盟正義曰周以成十

八年即位其年盟于虛打襄三年于雞澤五年于戚九年于戲十一年于亳城北凡五同盟言四者唯數襄公盟也

傳十五年春宋向戌來聘且尋盟

報二年一豹之聘

一年毫之盟

見孟獻子尤其室

尤責過也

曰子有令聞

而美其室非所望也對曰我在晉吾見爲

之毀之重勞且不敢間

傳言獻子友于兄且不隱其實

疏

注傳

言至其實正義曰間非也不敢非兄是友于兄也下隱其實者謂恕情實言無所隱諱故云不隱其實也

官

師從單靖公逆王后于齊卿不行非禮也

官師劉夏也天子官師非卿也劉夏獨過魯告晨故不書單靖公天子不親昏使上卿逆而公監之故曰卿不行非

禮

疏

注官師至非禮云官師中士下士也釋例云元士中士稱名劉夏

正義曰祭法云官師一廟鄭玄

石尚是也下士稱人公會王人于洮是也是天子之官師非卿故劉夏從單靖公而譏卿不行也桓八年祭公來遂

逆王后于紀經書祭公此云官師從單靖公唯書劉夏知
劉夏獨過魯告昏靖公不至魯也祭公言來遂逆此劉夏
不言來遂逆者彼祭公命魯主昏則是因來遂逆此不命
魯主昏直過魯告耳故不言來遂也公羊穀梁亦皆直云
過我也此公既行矣唯譏卿之不行不譏王不親逆是知
於禮天子不親昏使上卿逆而公臨之故唯言卿不行非
禮也釋例據此傳知天子當使公卿天子不親逆也

楚公子午為令尹

代子囊

公子罷戎為右尹薦子馮為大司馬

子馮叔敖

從子公子橐師為右司馬公子成為左司馬

屈到為莫敖

屈到屈蕩子

公子追舒為箴尹

追舒莊王

子子南

屈蕩為連尹養由基為宮廐尹以靖

國人君子謂楚於是乎能官人官人國之

急也能官人則民無覲心無覲覲以求幸詩云嗟我

懷人寘彼周行能官人也詩周南也寘置也行列也周徧也詩人嗟

歎言我思得賢人置之徧於列位是后妃之志以官人爲急王及公侯伯子男

甸采衛大夫各居其列所謂周行也言自王以下諸

侯大夫各任其職則是詩人周行之志也甸采衛五服之名也天子所居千里曰甸其外曰侯服次曰甸服次曰男

服次曰采服次曰衛服五百里爲一服不言侯男略舉也**疏**注子馮叔敖從子正義曰案世本蒿艾獵是

孫叔敖之兄馮是艾獵之子則馮是叔敖兄之子也杜集解及釋例皆以蒿艾獵叔敖爲一人馮是叔敖之子世本

轉寫多誤杜當考得其真屈蕩爲連尹正義曰服虔云連尹射官言射相連屬也若是主射當使養由基爲之何以使由基爲官廩尹棄能不用豈得爲能官人也官名臨時所作莫敖之徒並不可解故杜皆不解之一注詩周至爲急正義曰周南卷耳之篇也序云后妃之志又當輔佐君子求賢審官故詩人述其意后妃嗟嘆言我思得賢人置之使徧於列位是后妃之志以官人爲急故嗟嘆思之王及至行也正義曰后妃之志志在輔王求賢置之於公卿以下之位耳非欲更別求賢置之於王位也但公卿以下尚欲使之皆賢豈欲王之不賢乎雖不欲他賢代王而欲使王行益賢也以周訓爲徧言徧在列位故自王以下及六服之內大夫以上皆言之各以賢能居其列位是詩人所謂周行者也計后妃之意亦下及士但傳以士卑故指言大夫耳詩注以周行謂周之列位此注云周徧者斷章爲義與詩說不同也此云能官人者謂能官用賢人爲公侯以下王則天之所命非人所用兼言王者

王居大位脩行善政則是為能官
久故杜云自王以下各任其職

鄭尉氏司氏之

亂其餘盜在宋

亂在十年

鄭人以子西伯有子

產之故納賂于宋

三子之父皆為尉氏所殺故

以馬四十

乘

百六十四

與師茂師慧

樂師也茂慧其名

二月公孫黑

為質焉

公孫黑子哲

司城子罕以堵女父尉翩

司齊與之良司臣而逸之

賢而放之

託諸季武

子武子寘諸下

子罕以司臣託季氏

鄭人醢之三人也

三人堵女父尉翩司齊

師慧過宋朝將私焉

私小

其相曰

朝也

相師者

慧曰無人焉相曰朝也何故無人

慧曰必無人焉若猶有人豈以其千乘之

相易淫樂之矇必無人焉故也

千乘相謂子產等也言不為子

產殺三盜得賂而歸之是重淫樂而輕國相

子罕聞之固請而歸之

言子罕能改過

疏

鄭人醢之三人正義曰以文承司臣之下嫌其亦醢司臣故言三人

夏齊

侯圍成貳於晉故也

不畏霸主故敢伐魯

於是乎城成

郭

郭郭也

秋邾人伐我南鄙

亦貳於晉故

使告于晉

晉將為會以討邾莒

十二年十四年莒人伐魯未之討也

晉侯有

疾乃止冬晉悼公卒遂不克會

為明年會

鄭

公孫夏如晉奔喪子蟜送葬

夏子西也言諸侯畏晉故卿共

葬

宋人或得玉獻諸子罕子罕弗受獻玉

者曰以示玉人

玉人能治玉者

玉人以爲寶也故敢

獻之子罕曰我以不貪爲寶爾以玉爲寶

若以與我皆喪寶也不若人有其寶稽首

而告曰小人懷璧不可以越鄉

言必為盜所害

納此

以請死也

請免死

子罕寘諸其里使玉人爲之

攻之

攻治也

富而後使復其所得富

疏

不若人有其寶

正義曰我得不貪女得其玉是我與女二人各有其寶

十二月鄭人奪堵狗

之妻而歸諸范氏

堵狗范氏之族狗娶於晉范氏與父既誅女父畏狗因范氏

而作亂故奪其妻歸范氏先絕之傳言鄭之有謀

經十有六年春王正月葬晉悼公

踰月而葬速也

疏

注踰月而葬速

正義曰四年七月夫人姒氏薨八月葬我小君定姒纔別月耳杜云踰月而葬速也今晉悼往年

十一月卒此年正月葬積三月也杜亦云踰月而葬者踰越也所越有多有少俱是踰越之義故杜弘通兩解也

三月公會晉侯宋公衛侯鄭伯曹伯莒子

邾子薛伯杞伯小邾子于溴梁

不書高厚逃歸故也溴水

出河內軹縣東南至溫入河

戊寅大夫盟

諸大夫本欲盟高厚高厚逃歸故遂自共盟難澤會

重序諸侯今此間無異事即上諸侯大夫可知

通

注不書至故也正義曰傳於會溴梁之下晉侯與諸侯

宴乃言高厚逃歸則高厚會訖乃逃也於會不書齊者以高厚逃歸晉人怒之諸侯即有伐齊之志不與高厚得爲來會公歸告廟歷告所會不告高厚故不書也注諸大至可知正義曰公羊以爲溴梁之盟君若贅旒然穀梁

云不曰諸侯之大夫大夫不臣也皆以爲此時諸侯微弱權在大夫諸侯皆在而大夫自盟政教約信在於大夫其事不由君也不曰諸侯之大夫有刺大夫不臣也贊服取以爲說言惡大夫專而君失權也案傳荀偃怒使諸侯大夫盟高厚以君臣不敵故使大夫盟之君使之盟非自專也以齊人既有二心高厚歌詩不類知小國必有從齊者

也諸侯大夫本意欲盟高厚高厚雖已迭歸仍恐餘國有
二故大夫遂自共盟使同會之國皆一其志也難澤之會
文隔素僑如會故重言諸侯之大夫今此間無其事直
言大夫即是上會諸侯之大夫不言諸侯以可知故也

人執莒子邾子以歸

邾莒二國數侵魯又無道於其民故稱人以執不以歸京

師非禮也

疏

注邾莒至禮也正義曰十二年莒人伐我東
鄆十四年莒人侵我東鄆十五年邾人伐我南

鄆是邾莒二國數侵伐魯也凡例云君不道於其民則稱
人以執知此二國君又皆無道於民故稱人以執之也諸
侯不得相治故成十五年晉侯執曹伯僖二十八年晉人
執衛侯皆書歸于京師此言以歸乃是自歸晉國故非禮

也齊侯伐我北鄆

無傳齊貳晉故

夏公至自會

無傳五

月甲子地震

無傳

叔老會鄭伯晉荀偃衛

甯殖宋人伐許

荀偃主兵當序鄭上方示叔老可以會鄭伯故荀偃在下

疏

荀

偃至在下

正義曰春秋之例征伐則主兵者爲先雖大

夫爲將諸侯從之亦以主兵爲先僖二十七年楚人陳侯

蔡侯鄭伯許男圍宋是其事也但禮卿不會公侯會伯子

男可也方示叔老可以會鄭伯故退荀偃於下所以特見

此義故發傳云爲夷故也宋太於衛

稱人而在衛下宋使大夫爲將故也

秋齊侯伐我北鄙圍成大雩

無傳書過

冬叔孫豹如晉

傳十六年春葬晉悼公平公即位

平公悼公子彪

羊

舌肸爲傳

肸叔向也代士渥濁

張君臣爲中軍司馬

張老

子代其父

祁奚韓襄藥盈士鞅爲公族大夫

祁奚

去中軍尉為公族大夫去劇職就間官韓襄無忌子

虔丘書為乘馬御

代程

鄭改服脩官烝于曲沃

既葬改喪服脩官選賢能曲沃晉祖廟烝冬祭也諸

侯五月而葬既葬卒哭作主然後烝嘗於廟今晉踰敬言月葬作主而烝祭傳言晉將有溴梁之會故速葬

守而下會于溴梁

順河東行故曰下

命歸侵田

諸侯相侵

取之

以我故執邾宣公莒犁比公

犁比莒子號也十二年十

四年莒人侵魯前年邾人伐魯晉將為魯討之悼公卒不克會故平公終其事

且曰通齊楚

之使

邾莒在齊楚往來道中故并以此責之經書執在大夫盟下既盟而後告

晉侯與

諸侯宴于溫使諸大夫舞曰歌詩必類

歌古詩當

使各從義類

齊高厚之詩不類

齊有二心故

荀偃怒且曰

諸侯有異志矣使諸大夫盟高厚高厚逃

歸

齊爲大國高厚若此知小國必當有從者

於是叔孫豹晉荀偃宋

向戌衛甯殖鄭公孫蠆小邾之大夫盟曰

同討不庭

自曹以下大夫不書故傳舉小邾以包之

許男請遷于晉

許欲叛楚

諸侯遂遷許許大夫不可晉人歸諸

侯

唯以其師討許之不肯遷

鄭子蟜聞將伐許遂相鄭伯

以從諸侯之師

鄭與許有宿怨故其君親行

穆叔從公

從公歸齊

子帥師會晉荀偃書曰會鄭伯為夷故也

夷平也春秋於魯事所記不與外事同者客主之言所以為文固當異也魯卿每會公侯春秋無譏故於此示例不先書主兵之荀偃而書後至之鄭伯夏六月次于棧

林庚寅伐許次于函氏棧林函氏皆許地晉荀偃欒

黶帥師伐楚以報宋楊梁之役晉師獨進楊梁役在十二

年楚公子格帥師及晉師戰于湛阪襄城昆陽縣北

有湛水東入汝楚師敗績晉師遂侵方城之外不書不告

復伐許而還許未遷故秋齊侯圍成成魯孟氏邑貳晉故伐魯孟孺

子速傲之

孟獻子之子莊子速也傲要也

齊侯曰是好勇去之

以爲之名速遂塞海陘而還

海陘魯隘道

疏

羊季

傳

正義曰成十八年傳士渥濁爲大傅此代士渥濁亦當爲大傅也宣十六年士會將中軍且爲大傅注云大

傅孤卿彼以中軍之將兼之故知是孤卿也士渥濁以大

夫居之今此復代渥濁亦是大夫也昭五年傳楚子稱叔

向爲上大夫明此以上大夫爲傅也諸侯之有孤卿猶天

子之有三公無人則闕故隨其本官高下而兼攝之也而

衛冀隆不達此意以士渥濁叔向等皆爲卿故爲大傅若

是大夫何得居孤卿之計矣以華杜於義非也

注齊有

二心故

正義曰歌古詩各從其恩好之義類高厚所歌

之詩獨不取恩好之義類故云齊有二心劉炫云歌詩不

類知有二心者不服晉故違其令違其令是有二心也

注齊爲至從者

正義曰荀偃不言齊有異志而云諸侯有異

志故解之以高厚若此故知小國必當有從者揔疑諸侯有異志不獨疑齊故高厚雖逃猶自諸國共盟也注夷平至鄭伯正義曰春秋於魯事所記不與外事同者於外則依實而言於魯則言不以實不實者魯國本不是宋衛之匹其常會序列當在宋下衛上及其書策皆云公會某侯雖會霸主亦魯在其上大夫出會魯亦在先如此者客主之言所以爲文其言固當有異耳以上客之故先魯而後他國魯非實在先也傳稱在禮卿不會公侯而魯卿每會公侯春秋無譏文元年公孫敖會晉侯于戚是也杜云體例已舉據用魯史成文是春秋無譏既常不譏無以示可否之義故於此變文以示例特言書曰是仲尼新意舊史當書荀偃在前今仲尼改之不先書主兵之荀偃而書後至之鄭伯以當時共伐許者皆是諸侯之大夫義取與鄭伯尊卑皆平得會鄭伯故也言後至之鄭伯者三月會于浞梁夏公至自會則鄭伯亦已歸矣五月之下始書伐許鄭伯聞將伐許乃從諸侯之師是諸侯謀伐已定鄭伯始

來從之故杜言後至也

冬穆叔如晉聘且言齊故

言齊所伐魯

晉人曰以寡君之未禘祀

禘祀三年喪畢之吉祭

與民

之未息

新伐許及楚

不然不敢忘穆叔曰以齊人

之朝夕釋憾於敝邑之地是以大請敝邑

之急朝不及夕引領西望曰庶幾乎

庶幾乎來救

比執事之間恐無及也見中行獻子賦圻

父

圻父詩小雅周司馬掌封畿之兵甲故謂之圻父詩人責圻父為王瓜牙不脩其職使百姓受困苦之憂而無

所止

居獻子曰偃知罪矣敢不從執事以同恤

社稷而使魯及此及此見范宣子賦鴻鴈

之卒章鴻鴈詩小雅卒章曰鴻鴈于飛哀鳴嗷嗷唯此哲人謂我劬勞言魯憂國嗷嗷然若鴻鴈

之失所大曰鴻小曰鴈宣子曰句在此敢使魯無鳩乎鳩

也注禘祀至吉祭正義曰僖三十三年傳云凡君薨卒哭而祔祔而作主持祀於主烝嘗禘於廟如

彼傳文則既祔之後可以為烝嘗也閔二年五月吉禘于莊公以其時未可吉書吉以譏之此年正月晉已烝于曲沃仍云未得禘祀知此禘祀是三年喪畢之吉祭也圻

父正義曰此詩小雅篇刺宣王也云圻父子王之爪牙胡轉予于恤靡所止居注云宣王之末司馬職廢此勇力之士責司馬云我乃王之爪牙之士當為王閑守之衛女

何移我於憂使我無所止居乎謂見使從軍與姜戎戰於千畝而敗之時也注鳩集也正義曰釋詁云鳩聚也

千畝而敗之時也注鳩集也正義曰釋詁云鳩聚也

聚亦集之義國有兵寇
則民人不得集聚也

經十有七年春王二月庚午邾子貜卒

無傳

宣公也

節

注宣公也四同盟

正義曰經不書葬故詳

四同盟

節

言其謚輕以成十八年即位其年盟于虛杓

襄三年于雞澤五年于戚九年于戲十一年于亳城北十
六年于溴梁皆魯邾俱在凡六同盟沈氏云去虛杓之盟
又不數溴梁故爲四劉
炫以爲杜氏誤非也 宋人伐陳夏衛石買帥

師伐曹

賈石稷子

秋齊侯伐我北鄙圍桃高厚

帥師伐我北鄙圍防

弁縣東南有排虛

九月大雩

無傳

書過

宋華臣出奔陳

暴亂宗室懼而出奔實以冬出書秋者以始作亂時來告

疏

注暴亂至來告 正義曰傳說此事文在冬下知其實以冬出經書在秋故知追以秋告實冬出而告以秋明以華臣始作亂時來告也但傳因華臣之出本其懼罪之由故於冬之下追言華閱卒耳其實華閱之卒或在九月之前華臣弱其室殺其宰當在九月內耳 冬邾人伐我南鄙

傳十七年春宋莊朝伐陳獲司徒印卑宋

也

司徒印陳大夫卑宋不設備

衛孫蒯田于曹隧

越竟而獵孫蒯林父之子

飲馬于重丘

重丘曹邑

毀其瓶重丘人閉門而詢

之

詢罵也

曰親逐而君爾父爲厲

厲惡鬼林父逐君在十四年

是之不憂而何以田爲夏衛石買孫蒯伐

曹取重丘

孫蒯不書非卿

曹人愬于晉

為明年晉人執石買傳



傳親逐至為厲

正義曰蒯與其父共逐其君則是身親為惡故言親逐而君爾父為厲者父為惡首故以惡鬼罵之

注孫蒯不書非卿 正義曰經書他國征伐例書元帥而已此經已書石買縱蒯是卿亦不書杜為此注者蘇氏云孫氏世為上卿蒯若是上卿應書蒯不書石買故云非卿也或可事由孫蒯故決之

齊人以其

未得志于我故

前年圍成辟孟孺子

秋齊侯伐我北鄙

圍桃高厚圍臧紇于防

防臧紇邑

師自陽關逆臧

孫至于旅松

陽關在泰山鉅平縣東旅松近防地也魯師畏齊不敢至防

聊叔紇

臧疇臧賈帥甲三百宵犯齊師送之而復

聃叔紇叔梁紇臧疇臧賈臧紇之昆弟也三子與齊師

去之失臧紇故齊人獲臧堅堅臧紇之族齊侯使夙沙

衛唁之且曰無死使無自殺堅稽首曰拜命之辱

抑君賜不終姑又使其刑臣禮於士以執

挾其傷而死言使賤人來唁已是惠賜不終也夙沙衛奄人故謂之刑臣**疏**君賜

不終正義曰來唁是君之恩賜使賤者唁是為惠不終也服虔云言君義已故來唁之是惠賜也謂已無死不以

義望已是不終也冬邾人伐我南鄙為齊故也齊未得志於魯

故邾宋華閱卒華臣弱臯比之室臣閱之弟臯比閱之

子弱侯
易之

使賊殺其宰華吳賊六人以鉞殺諸

盧門合左師之後

盧門宋城門合
向成邑後屋後

左師懼曰老

夫無罪賊曰臯比私有討於吳遂幽其妻

幽吳
妻也

曰畀余而大壁

畀與

宋公聞之曰臣也不

唯其宗室是暴大亂宋國之政必逐之左

師曰臣也亦卿也大臣不順國之恥也不如

蓋之乃舍之左師爲已短策苟過華臣之

門必騁

惡

十一月甲午國人逐瘐狗瘐狗入於

華臣氏國人從之華臣懼遂奔陳

華臣心不自安見逐

拘而驚走

疏

不如蓋之正義曰服虔云蓋覆蓋之言左師無鷹鷂之志而蓋不義之人故尤之此未必然

正是左師諱國惡恥聞於外故蓋之耳非是畏華臣也為己短策正義曰服虔云策馬捶也言為短策過華臣

之門助御者擊馬而馳惡之甚也必為短策者私助御者不欲使人知也

宋皇國父為大

宰為平公築臺妨於農收

周十一月今九月收斂時

子罕

請俟農功之畢公弗許築者謳曰澤門之

哲實興我役

澤門宋東城南門也皇國父白哲而居近澤門

邑中之黔

實慰我心

子罕黑色而居邑中

子罕聞之親執扑

扑杖以

行築者而扶其不勉者曰吾儕小人皆有

闔廬以辟燥濕寒暑闔謂門戶閉塞今君為一臺

而不速成何以為役役事也謳者乃止或問

其故子罕曰宋國區區而有詛有祝禍之

本也傳善子罕分謗**疏**注闔謂門戶閉塞正義曰月令仲春脩闔扇鄭玄云用木曰闔用竹箬曰扇

是闔為門扇所以閉塞廬舍之門戶也齊晏相子卒晏嬰父也晏嬰女麇

緘斬斬不緝之也緘在胃前廬三升布苴經帶杖菅屨苴麻之有子者取其

廬也杖竹杖菅屨草屨食粥南居倚廬寢苦枕草此禮與士喪禮略同

其異唯枕草耳然枕由亦非喪服正文

其老曰非大夫之禮也

時之所行士及

大夫縗服各有不同晏子爲大夫而行士禮其家臣不解故譏之

曰唯卿爲大夫

晏子惡直

已以斥時失禮故孫辭略荅家者

疏

注斬不至外布正義曰喪服斬衰裳傳曰斬者何不緝也馬融云

不緝不緇也謂斬布用之不緇其端也衰用布爲之廣四寸長六寸當心故云在臂前也喪服傳曰衰三升鄭玄云

布八十縷爲外然則傳以三升之布布之最麤故謂之麤也以麤布爲衰而斬之故以麤縗斬爲文之次苴經帶

秋菅屨正義曰喪服云苴經杖絞帶此傳帶不言絞亦當爲絞帶也若要帶則謂之經故喪服注云麻在首在要

皆曰經喪服傳曰苴經者麻之有黃者也苴杖竹杖也絞帶者繩帶也馬融云黃者泉實泉麻之有子者其色麤惡

故用之苴者麻之色鄭玄士喪禮注云苴麻者其貌此服重者尚麤惡喪服及此傳經帶杖三者皆在苴下言其色

苴苴也經帶用麻杖用竹麻竹雖異而其苴則同故三苴皆
苴苴也鄭玄云麻在首在要皆曰經此言經者謂首經也元
喪服冠纓帶屨皆象吉時常服但變之使麤惡耳其衰與
經是新造以明義故特爲立其名衰之言摧也經之言實
也明孝子之心實摧痛故制此服立此名也衰當心經在
首獨立名於心首者心是發哀之主首是四體所先故制
服以表之要經之下又有絞帶要經殺首經五分之一絞
帶殺要經亦然雖大小有三等而同用苴麻喪服杖在帶
上此傳杖在帶下者喪服具明其服故杖在上然後言絞
帶冠繩纓此傳略言其禮欲明帶與經俱用麻故杖在帶
下喪服傳云菅屨者菅菲也菲者屨之別名故杜注云草
屨也注此禮至正文正義曰喪服傳文及士喪禮記皆
云居倚廬寢苦枕由歆粥朝一溢米夕一溢米是此禮與
士喪禮略同其異者唯彼言枕由此言枕草耳然枕由者
乃是禮記及喪服傳耳亦非喪服正文杜意言古禮未必
無枕草之法也居倚廬寢苦者鄭玄云倚木爲廬在中門

外東方止戶苦編棗也此初喪爲然其既虞之後則每季有變具於禮文鄭玄云二十兩曰溢爲米一升二十四分升之一知者古者一斛百二十斤一斗十二斤十二斤百九十二兩一升十九兩二分少八分未充二十兩更取一分分作百九十二分二十四分取一得八分添前十九兩二分是爲二十兩也 注時之至譏之 正義曰雜記云大夫爲其父母兄弟之未爲大夫者之喪服如士服士爲其父母兄弟之爲大夫者之喪服如士服如彼記文則大夫與士喪服不同記是後人所記記當時之事今此晏子之老亦譏晏子所爲非大夫之禮是時之所行士及大夫喪服各有不同也晏子實爲大夫而行當時之士禮晏子反時以從正其家老不解謂晏子爲失故據時所行而譏之也晏子其父始卒則晏子未爲大夫言晏子爲大夫者禮喪服大夫之子得從大夫之法 注晏子至家老 正義曰檀弓云魯穆公之母卒使人問於曾申曾申對曰哭泣之哀齊斬之情億粥之食自天子達然則天子以下其

服父母尊卑皆同無大夫士之異晏子所行是正禮也言
唯卿得服大夫服我是大夫得服士服又言己位卑不得
從大夫之法者是惡其直己以斥時之失禮故孫辭略答
家老也家語曾子問此事孔子云晏平仲可謂能辟害也
不以己是而駁人之非孫辭以辟咎義也夫家語雖未必
是孔子之言要其辭合理故王肅與杜皆爲此說鄭玄注
雜記引此傳言晏子云唯卿爲大夫此平仲之謙也言喪
服服布麤衰斬衰三外義服斬衰三外半爲母服齊衰四
外正服齊衰五外義服齊衰六外降服大功七外正服大
功八外義服大功九外降服小功十外正服小功十一外
義服小功十二外總麻十五外去其半鄭注雜記云士爲
父斬衰縗如三外半而三外不緝言縗之精麤如三外半
成布而縗三外故云麤衰在齊斬之間鄭又云士爲母衰
五外縗而四外爲兄弟衰六外縗而五外鄭玄以雜記之
文士爲父母兄弟之服不得與大夫同皆縗細降一等其
縗數與大夫同但雜記之文記當時之制以當時大夫與

日有異故爲此
解非杜義也

經十有八年春白狄來

不言朝不
能行朝禮

夏晉人執

衛行人石買

石買即是伐曹者宜即懲治本罪而晉
因其爲行人之使執之故書行人以罪

晉秋齊師伐我北鄙

不書齊侯齊
侯不入竟

冬十月公

會晉侯宋公衛侯鄭伯曹伯莒子邾子滕

子薛伯杞伯小邾子同圍齊

齊數行不義諸
侯同心俱圍之

曹伯負芻卒于師

無傳禮當與許
男同三同盟



注禮當至
同盟正

義曰僖四年許男新臣卒傳曰葬之以侯禮也凡諸侯薨
于朝會加一等諸侯命有三等男加一等葬之以侯禮此

曹長伯爵與許男同常葬以公禮也彼許男之卒不書于師此言卒于師者釋例曰若卒于朝會或書師或書地若史之成文非義例所存也負芻以成十四年即位十五年盟于戚十七年于柯陵襄五年于戚九年于戲十一年于亳城北十六年于湏梁凡六同盟不數成公之盟湏梁是大夫去之是為三劉炫以杜為誤非也

楚公

子午帥師伐鄭

傳十八年春白狄始來

白狄狄之別名未嘗與魯接故曰始

夏晉

人執衛行人石買于長子執孫蒯于純留

長子純留二縣今皆屬上黨郡孫蒯不書父在位蒯非卿

為曹故也

前年衛伐曹

秋齊

侯伐我北鄙中行獻子將伐齊夢與厲公

訟弗勝

厲公獻子所弑者

公以戈擊之首隊於前跪

而戴之奉之以走見梗陽之巫臯

梗陽晉邑在太原晉

陽縣南臯巫名也夢并見之

他日見諸道與之言同

巫亦夢見獻子

與厲公訟

巫曰今茲主必死若有事於東方則可

以逞

巫知獻子有死徵故勸使快意伐齊

獻子許諾晉侯伐齊將

濟河獻子以朱絲係玉二穀

雙玉曰穀

而禱曰齊環

怙恃其險負其衆庶

環齊靈公名負依也

棄好背盟

陵虐神主

神主民也謂數伐魯殘民人

曾臣彪將率諸侯

以討焉

彪晉平公名稱臣者明上有天子以謙告神曾臣猶末臣

其官臣偃實

先後之

守官之臣偃獻子名

苟捷有功無作神羞

羞恥也

官

臣偃無敢復濟

偃信巫言故以死自誓

唯爾有神裁之

沈玉而濟冬十月會于魯濟尋溴梁之言

同伐齊

溴梁在十六年盟曰同討不庭

齊侯禦諸平陰塹防

門而守之廣里

平陰城在濟北盧縣東北其城南有防防有門於門外作塹橫行廣

一里故經書圖

夙沙衛曰不能戰莫如守險

謂防門不足為險

弗聽諸侯之士門焉齊人多死范宣子告

析文子

析文子齊大夫子家

曰吾知子敢匿情乎魯人

莒人皆請以車千乘自其鄉入既許之矣

若入君必失國子盍圖之子家以告公公

恐晏嬰聞之曰君固無勇而又聞是弗能

久矣

不能久敵晉

齊侯登巫山以望晉師

巫山在盧縣東北

晉人使司馬斥山澤之險雖所不至必旆

而䟽陳之

斥候也䟽建旌旗以爲陳示衆也

使乘車者左實

右僞以旆先

僞以衣物爲人形也建旆以先驅

輿曳柴而從

之塵以揚

齊侯見之畏其衆也乃脫歸

脫不張旗幟

丙寅晦齊師夜遁師曠告晉侯曰烏烏之

聲樂齊師其遁

烏烏得空營故樂也

邢伯告中行伯

邢伯晉大夫

夫邢侯也中行伯獻子

曰有班馬之聲

夜遁馬不相見故鳴班別也

齊師

其遁叔向告晉侯曰城上有烏齊師其遁

十一月丁卯朔入平陰遂從齊師夙沙衛

連大車以塞隧而殿

此衛所欲守險

殖綽郭最曰子

殿國師齊之辱也

齊人殿師故以爲辱

子姑先乎乃代

之殿衛殺馬於隘以塞道

恨二子故塞其道欲使晉得之

晉

州綽及之射殖綽中肩兩矢夾脰

脰頸也

曰止

將爲三軍獲不止將取其衷

不止復欲射兩矢中央

顧

曰爲私誓州綽曰有如日

言必不殺女明如日

乃弛弓

而自後縛之

反縛之

其右具丙

州綽之右

亦舍兵而

縛郭最皆衿甲面縛

衿甲不解甲

坐于中軍之鼓

下晉人欲逐歸者魯衛請攻險

險固城守者

已

卯荀偃士匄以中軍克京茲

在平陰城東南

乙酉

魏

絳藥盈以下軍克邾

藥厲死其子盈佐下
軍平陰西有邾山

趙武

韓起以上軍圍盧弗克十二月戊戌及秦

周伐雍門之萩

秦周魯大夫趙武及之
共伐萩也雍門齊城門

范鞅門

于雍門其御追喜以戈殺犬于門中

殺犬示
間暇

孟莊子斬其櫓以爲公琴

莊子孺子速
也櫓木名

己亥

焚雍門及西郭南郭劉難士弱率諸侯

之師焚申池之竹木

二子晉
大夫

壬寅焚東郭

北郭范鞅門于揚門

齊西
門

州綽門于東閭

齊東門

左驂迫還于門中以枚數闔

枚馬撻也闔門扇也數其

板示不恐

齊侯駕將走郵棠

郵棠齊邑

太子與郭榮扣

馬

太子光也榮齊大夫

曰師速而疾略也

言欲略行其將退地無久攻意

矣君何懼焉且社稷之主不可以輕輕則失衆君必待之將犯之太子抽劔斷鞅乃

止甲辰東侵及濰南及沂

濰水在東莞東北至北海都昌縣入海沂

水出東莞蓋縣至下邳入泗

疏

注彪晉至末臣

正義曰王制云五嶽視三公四瀆視諸侯則諸侯於河

神其辭不得稱臣故解其意稱臣者以明上有天子言己是天子之臣以謙告神也曾祖曾孫者曾爲重義諸侯之

於天子無所可重曾臣猶末臣謙卑之意耳 注平陰至書圍 正義曰平陰城南有防者地形猶在杜觀其跡而

知之也言塹防門而守之明是齊人自於門外作塹以固守也此平陰齊邑而言圍齊者沈氏云君在故稱圍劉炫

云案下傳范鞅門于雍門又門于陽門州綽門于東閭既門其三門即是圍事杜何知不以門于三門爲圍必以禦

諸平陰爲圍乎今刪定知不然者案上九年諸侯伐鄭傳稱門其三門而經不稱圍則攻門非圍也此傳云塹防門

而守之則是被圍之道劉以門其三門爲圍而規杜氏非也 注脰頸也 正義曰說文云脰項也考工記云以脰

鳴者又曰大體短脰數目顧脰公羊傳稱宋萬搏閔公絕其脰鄭玄何休皆以脰爲頸頸之與項亦一物也 乃弛

弓 正義曰下云其右具丙亦舍兵則此是州綽弛弓也 鄭子孔欲去諸大夫

欲專 將叛晉而起楚師以去之使告子庚

子庚弗許

子庚楚令尹公子午

楚子聞之使揚豚尹宜

告子庚曰國人謂不穀主社稷而不出師

死不從禮

不能承先君之業死將不得從先君之禮

不穀即位於今

五年師徒不出人其以不穀為自逸而忘

先君之業矣

謂己未嘗統師自出

大夫圖之其若之

何子庚歎曰君王其謂午懷安乎吾以利

社稷也見使者稽首而對曰諸侯方睦於

晉臣請嘗之

嘗試其難易也

若可君而繼之不可收

師而退可以無害君亦無辱子庚帥師治

兵於汾

襄城縣東北有汾丘城

於是子蟜伯有子張從

鄭伯伐齊

子張公孫黑肱

子孔子展子西守二子知

子孔之謀

二子子展子西

子守入保

子城郭內保守

子孔不敢

會楚師楚師伐鄭次於魚陵

魚陵魚齒山也在南陽縣北鄭地

右師城上棘遂涉潁次于旃然

將涉潁故於水邊權築小城以

為進退之備旃然水出榮陽城阜縣東入汴

蔦子馮公子格率銳師侵

費滑胥靡獻于雍梁

胥靡獻于雍梁皆鄭邑河南陽翟縣東北有雍氏城

右回梅山

在蔡陽密縣東北

侵鄭東北至于蟲牢而

反子庚門于純門信于城下而還

信再宿也

涉於

魚齒之下

魚齒山之下有泄水故言涉

甚雨及之楚師多凍

役徒幾盡晉人聞有楚師師曠曰不害吾

驟歌北風又歌南風南風不競

歌者吹律以詠八風南風音微

故曰不競也師曠唯歌南北風者聽晉楚之強弱

多死聲楚必無功董

叔曰天道多在西北

歲在壬午月又建亥故曰多在西北

南師不

時必無功

不時謂觸歲月

叔向曰在其君之德也

言天

時地利不如人和

疏

甚雨及之正義曰楚師南行有大雨從此而南逐及楚師注歌者至彊弱正義曰

律呂雖有十二其風有八八風者乾風不周坎風廣莫艮風調震風明庶巽風清明離風景坤風涼兌風閭闔八方之風風別先有音曲揔吹律呂以詠八方音曲今師曠以律呂歌南風音曲南風音微不與律聲相應故云不競服虔以爲卯酉以北律呂爲北風以南爲南風與杜八風義違非杜義也多死聲正義曰服虔云南風律氣不至故聲多死注歲在至西北正義曰歲星右行於天大率一歲行一次二十八年歲在星紀距此十一年卻而數之此年在豕韋豕韋一名娵訾當亥之次也周十二月夏之十月其月又建亥故曰多在西北注言天至人和正義曰孟子云天時不如地利地利不如人和

經十有九年春王正月諸侯盟于祝柯

前

五十五
春秋左傳卷二十一
圍齊之諸侯也祝柯縣今屬濟南郡

晉人執邾子

稱人以執惡及民也

公至自

伐齊

無傳

疏

公至自伐齊

正義曰往年圍齊今以伐致傳既不說杜亦不解公羊傳曰此同圍

齊也何以致伐未圍齊也未圍齊則其言圍齊何抑齊也曷爲抑齊爲其亟伐也其意言往年同圍齊者實非圍齊故以伐致案傳攻平陰齊侯暫防門而守之則是兵實圍齊不得如公羊說也賈逵云圍齊而致伐以策伐勲也伐者加兵之名圍則伐內之別圍伐終是一事不得各有其勲何言策伐勲也但圍是伐內之別此言至自伐齊僖二十九年言至自圍取邾田自漵水取邾田以漵水爲界也漵水出東北許史異辭無義例合鄉縣西南經魯國至高平湖陸縣入泗

季孫宿如晉葬曹成公

無傳

夏衛孫林父帥師伐齊秋七月辛卯齊侯

環卒

世子光三與魯同盟

䟽

注世子至同盟十年即位十五年國佐盟于戚

正義曰環以戚

七年自盟于柯陵十八年崔杼于虛打襄三年世子光于雞澤五年世子光于戚九年世子光于戲十一年世子光于亳城北不數成公之世世子光猶四同盟言三者襄五年戚盟不書經故杜不數劉炫以為杜誤非也

晉士

臼帥師侵齊至穀聞齊侯卒乃還

詳錄所至及還者善

得八月丙辰仲孫蔑卒

無傳

齊殺其大夫高

厚鄭殺其大夫公子嘉冬葬齊靈公

無傳城

西郭

魯西郭

叔孫豹會晉士臼于柯

魏郡內黃縣東北有

城武城

泰山南武城縣

傳十九年春諸侯還自沂上盟于督揚曰

大母侵小

督揚即祝柯也

執邾悼公以其伐我故

代魯在十

七年遂次于泗上疆我田

正邾魯之界也泗水名

取邾田自

漵水歸之于我

邾田在漵水北今更以漵爲界故曰取邾田

晉侯先

歸公享晉六卿于蒲圃

六卿過魯

賜之三命之服

軍尉司馬司空輿尉候奄皆受一命之服

如鞏戰還之賜唯無先軜

賄荀偃束錦加璧乘馬先吳壽

夢之鼎

荀偃中軍元帥故特賄之五匹爲東四馬爲乘壽夢吳子乘也獻鼎於魯因以爲名古之

獻物必有以先今以璧馬爲鼎之先

荀偃瘳疽生瘍於頭

瘳疽惡創

濟

河及著雍病目出大夫先歸者皆反士匄

請見弗內請後曰鄭甥可

士匄中軍佐故問後也鄭甥荀吳其母鄭

女二月甲寅卒而視不可含

目開口噤

宣子盥而

撫之曰事吳敢不如事主猶視

大夫稱主

藥懷子

曰其爲未卒事於齊故也乎

懷子藥盈

乃復撫之

曰主苟終所不嗣事于齊者有如河乃瞑

受含

嗣續也

宣子出曰吾淺之爲丈夫也

自恨以私

待晉欒魴帥師從衛孫文子伐齊

為懷子之言故也

魴欒氏族不書兵并林父不別告也經書夏從告

季武子如晉拜師

謝討齊

晉侯享之范宣子為政

代荀偃將中軍

賦黍苗

黍苗詩小

雅美召伯勞來諸侯如陰雨之長黍苗也喻晉君憂勞魯國猶召伯

季武子興再拜

稽首曰小國之仰大國也如百穀之仰膏

雨焉若常膏之其天下輯睦豈唯敝邑賦

六月

六月尹吉甫佐天子征伐之詩以晉侯比吉甫出征以斥王國

疏

注邾田至邾田正義曰邾在魯

南田在漵水北今更以漵水為界取邾漵北之田歸于魯也十六年命歸侵田此年正邾魯之界則此田舊是魯界

邾人取以爲已有今日使之歸魯故曰取邾田也公羊傳曰其言自漚水何以漚爲竟也何言乎以漚爲竟漚移也其意言邾魯以漚水爲竟漚水移入邾界魯隨而有之賈服取以爲說言刺晉偏而魯貪案傳晉命歸侵田此田邾先侵魯追令反本何晉偏而魯貪公羊之說不可通也注荀偃至之先正義曰雜記云納幣一束束五兩兩五尋鄭玄云納幣謂昏禮納徵也十箇爲束貴成數兩兩者合其卷是謂五兩八尺曰尋一兩五尋則每卷二丈也合之則四十尺今謂之匹猶匹偶之云彼雖主說昏幣但經傳所言束帛束錦者其束多少皆與彼同故云五匹爲束也吳子乘以十二年卒乘獻此鼎於魯魯人因以其人名之謂之吳壽夢之鼎今以此鼎賄荀偃也古之獻物必有以先之老子云雖有拱抱之璧以先駟馬謂以璧爲馬先也僖三十三年鄭商人弦高以乘韋先牛十二犒師謂以韋爲牛先也二十六年鄭伯賜子展先路三命之服先八邑謂以車服爲邑之先也皆以輕物先重物此錦璧可執

馬可牽行皆輕於鼎故壁馬為鼎之先以輕先重非以賤先貴鼎價未必貴於壁馬也 痺疽生瘍於頭 正義曰

說文云痺勞病也疽癰也癰腫也瘍頭創也然則傳言荀偃病此疽腫腫潰遂生創於頭杜云痺疽惡創略言其病

創耳 百穀 正義曰穀之種類多言百舉成數也 季武子以所得於齊之

兵作林鐘而銘魯功焉 林鐘律名鑄鐘聲 臧

武仲謂季孫曰非禮也夫銘天子令德 子天

銘德不 諸侯言時計功 舉得時動有 大夫稱伐 銘

功伐 今稱伐則下等也 從大 計功則借人也

借晉 言時則妨民多矣何以為銘且夫大伐

小取其所以作彝器

彝常也謂鐘鼎為宗廟之常器

銘其

功烈以示子孫昭明德而懲無禮也今將

借人之力以救其死若之何銘之小國幸

於大國

以勝大國為幸

而昭所獲焉以怒之亡之道

也

為城西郭武城傳

疏

注林鐘至為名中林鐘是林鐘六月之律名也周語云

正義曰月令季夏律

景王將鑄無射問律於冷州鳩對曰律所以立均出度也古之神瞽考中聲而量之以制度律均鐘百官軌儀賈逵云律謂六律六呂以均鐘大小清濁也考成也成平也平中和之聲度律呂之長短以立均鐘以成和平之聲而百官之道得象而儀之是言度律呂長短然後鑄鐘鐘聲應律遂以律名鐘此鐘聲應林鐘故以林鐘為名稱伐則

下等也

正義曰諸侯之銘當言時計功魯之伐齊也借

人之力功非已有妨民農務不可謂時二者既無可稱唯

有從行征伐可得稱伐勞耳伐雖可稱若稱伐

則從大夫之例於三者爲下等不足爲功美也齊侯娶

于魯曰顏懿姬無子其姪馮聲姬生光以

爲太子

兄子曰姪顏馮皆二姬母姓因以爲號懿聲皆謚

諸子仲子戎子

戎子嬖

諸子諸妾姓子者二子皆宋女

仲子生牙屬諸戎子

屬託

之戎子請以爲太子許之

齊侯許之

仲子曰不可

廢常不祥

廢立嫡之常

間諸侯難

事難成也

光之立也

列於諸侯矣

列諸侯之會

今無故而廢之是專黜

諸侯

謂光已有諸侯之尊

而以難犯不祥也君必悔之

公曰在我而已遂東大子光

廢而徙之東鄙

使高厚

傅牙以爲大子夙沙衛爲少傅齊侯疾崔

杼微逆光疾病而立之光殺戎子

終言之

尸諸

朝非禮也婦人無刑

無黥刑之刑

雖有刑不在朝

市

謂犯死刑者猶不暴尸

夏五月壬辰晦齊靈公卒

經書

七月辛卯光定位而後赴

莊公即位

大子光也

執公子牙於句瀆

之丘以夙沙衛易已衛奔高唐以叛

光謂衛教公易

已高唐在祝
柯縣西北

晉士匄侵齊及穀聞喪而還禮

也禮之常不

疏

注終言之正義曰知終言之者以云必待君命

公即位若非即位之後豈得尸戎子於朝故知傳終言之注無黥刑之刑正義曰婦人淫則閉之於宮犯死不得

不殺而云婦人無刑知其於五刑之中無三等刑耳三等墨劓刑也三等之刑墨輕刑重故舉其輕重而略其劓也

周禮謂之墨尚書謂之黥黥墨爲一故依尚書言黥也服虔云婦人從人者也故不爲制刑及犯惡從男子之刑也

若與男子俱受黥刑劓亦是婦人刑矣何獨主男子而婦人從之也劉難服云犯淫則男子割勢婦人閉宮豈得從

男子乎注禮之至君命正義曰傳言禮也則兵不伐喪必有常禮禮有此法故聞喪即還公羊傳曰還者何善

辭也何善爾大其不伐喪也此受命乎君而伐齊則何大乎其不伐喪大夫以君命出進退在大夫也何休云禮兵

不從中御外臨事制宜唯義所在故善之是與左氏同也
穀梁傳曰還者事未畢之辭也不伐喪善之也善之則何
為未畢也君不尸小事臣不專大名善則稱君過則稱己
則民作諱矣士句外專君命故非之也然則為七句者宜
奈何宜殯帷而歸命乎介其意言待命乃於四月丁未
還故杜言不必待君命所以排穀梁也

於此年四月鄭公孫薑卒赴於晉大夫范宣子言

於晉侯以其善於伐秦也十四年晉伐秦子蟞見諸侯師而勸之

涇六月晉侯請於王王追賜之大路使以

行禮也大路天子所賜車之摠名以行葬禮傳言大夫有功則賜服路**疏**注大路至服路正

義曰二十四年穆叔如周王嘉其有禮賜之大路與此並賜諸侯之卿其文皆云大路知大路天子所賜車之摠名

也周禮巾車王之五路有玉路金路象路革路木路又有服車五乘孤乘夏篆卿乘夏縵大夫乘墨車士乘棧車庶人乘役車又曰凡此車散車不在等者其用無常周禮有此文耳其封諸侯賜之以車則同姓以金路異姓以象路四衛以革路蕃國以木路其賜諸侯之卿則無文釋例曰周官王之五路及卿大夫士服車各有名又有良車散車不在等者其用無常謂此上五路之良散當以出賜故言其用非常也傳通稱玉路金路爲大路及賜魯穆叔鄭子蟠當是革路若木路所以封四衛及蕃國之君也而亦曰大路者據受王之殊錫皆舉其揔名或云先或云次當各自以就數爲差也杜言當是革路若木路者雖疑不敢質謂當是此二路也必疑然者以服車稱車不稱路王若賜之夏篆夏縵不應謂之爲大路名之曰大路必在五路之中矣金路象路乃賜同姓異姓之國君不可以賜其臣而傳稱列國之卿當小國之君固周制也位當小國之君則車亦可以同之故疑是革路若木路也革路木路路之卑

者亦稱大路者以受王殊賜皆舉其摠名也若受之於君
或稱先或稱次杜云以就數爲差者三命之卿就數三再
命之卿就數二故鄭賜子展先路三命之服子產次路再
命之服是也若其不然王賜叔孫穆子其車若是夏篆夏
綬即與常車無異何故生弗敢乘及死乃請以葬也卿飲
酒禮者大夫之禮也工人卒歌主人獻工大師則爲之洗
鄭玄云大夫若君賜之樂謂之大師爲之洗尊之也彼尊
君賜樂謂工師爲大師此尊王賜車謂王車爲大路其意
類於彼也膏肓何休以天子車稱大路諸侯車稱路車大
夫稱車今鄭子蟠諸侯之大夫耳當與天子士同賜其車
而名之曰大路非正也孔子曰唯器與名不可以假人名
不正則言不順於義左氏爲短案周禮天子衮冕上公亦
稱衮冕天子析羽爲旌諸侯及大夫亦稱旌又天子樂宮
稱大師卿飲酒禮君賜樂亦稱大師此皆名同於上則卿
大夫大路何獨不可同之於天

秋八月齊崔杼殺

高厚於灑藍而兼其室

灑藍齊地

書曰齊殺

其大夫從君於昏也

傳解經不言崔杼殺而爲國討文

鄭子孔

之爲政也專

專權

國人患之乃討西宮之難

十年尉止等作難西宮子孔知而不言

與純門之師

前年子孔召楚師至純門

子

孔當罪以其甲及子革子良氏之甲守

以自守也

甲辰子展子西率國人伐之殺子孔而分其

室書曰鄭殺其大夫專也

亦以國計爲文

子然子孔

宋子之子也

子然子革父

士子孔圭嬀之子也

宋子

主嬀皆鄭穆公妾
士子孔子良父
主嬀之班亞宋子而相親也

也亞次二子孔亦相親也僖之四年子然卒鄭僖

四年魯襄六年簡之元年士子孔卒魯襄八年司徒孔實

相子革子良之室司徒孔與二父相親故相助其子三室如一

言同故及於難故二子并及難子革子良出奔楚子

革爲右尹子革即鄭丹鄭人使子展當國子西

聽政立子產爲卿簡公猶幼故大夫當國齊慶封圍

高唐弗克風沙衛以叛故國之冬十一月齊侯圍之見

衛在城上號之乃下

衛下與齊侯語

問守備焉以無

備告揖之乃登

齊侯以衛告誠揖而禮之欲生之也衛志於戰死故不顧齊侯之揖而還

登城聞師將傳食高唐人殖綽工儻會夜縋

納師

因其會食三子齊大夫

醢衛于軍

疏

見衛至乃登正義曰杜於此注皆用賈

逵之說服虔引彭仲博云齊欲誅衛呼而下與之言因可取之無爲揖之復令登城仲博以爲齊侯號衛衛慙而下云問守備焉問衛之守高唐者衛無恩信故令守者以無備告齊侯善其言故揖之乃命士卒登城服虔謂此說近之案傳之次第衛在城上號之乃下是衛下也問守備焉問衛也若其別問餘人當云問其守者不得云問守備也若齊侯揖之而命士卒登城則士於此時已登矣何故下文方云殖綽工儻會夜縋納師也衛已下城齊侯不即執

取者或有所隔礙不得取之漢末曹操與馬超對話徐晃與關羽對語皆辭敵交言而不能相取亦何怪古之人乎

夜縫納師正義曰二子因其無備先往城上乃從城上縣繩納師城西郭懼齊也前

與晉伐齊又鑄其器為鐘故懼齊及晉平盟于大隧大隧地闕故穆

叔會范宣子于柯齊晉平魯懼齊故為柯會以自固穆叔見

叔向賦載馳之四章四章曰控于大邦誰因誰極控引也取其欲引大國以自

救助叔向曰矜敢不承命叔向度齊未肯以盟服故許救魯穆叔

歸曰齊猶未也不可以不懼乃城武城疏

注四章至救助正義曰控于大邦乃是載馳五章而云四章者文十三年鄭子家賦載馳之四章義取控于大邦

意在五章而并賦四章彼注已云四章以下故於此略之
詩注云極至也今衛侯欲求援引之力助於大國之諸侯
亦誰因乎由誰至乎
閔之故欲歸問之
衛石共子卒石買悼子不哀買

子石孔成子曰是謂屨其本屨猶拔也必不有其宗

爲二十八年石惡出奔傳疏注屨猶拔也正義曰屨者倒也樹倒

爲德之本於父尚猶不衰必是不能愛人也已不愛人人亦不愛己人皆不愛必將喪家知其不能保有宗嗣也

經二十年春王正月辛亥仲孫速會莒人

盟于向向莒邑夏六月庚申公會晉侯齊侯

宋公衛侯鄭伯曹伯莒子邾子滕子薛伯

杞伯小邾于盟于澶淵

澶淵在頓丘縣南今名繁汙此衛地又近戚田

秋公至自會

無傳

仲孫速帥師伐邾蔡殺其

大夫公子燹

莊公子

蔡公子履出奔楚

燹母弟也

陳侯之弟黃出奔楚

稱弟明無罪也

疏

注稱弟明無罪也正義

曰傳言非其罪也則無罪之文明矣而云稱弟明無罪者賈逵以爲稱名罪其偏杜以鄭段有罪去弟以罪段今此存弟非是罪黃之文也言此以排賈氏也叔老如齊冬十月丙辰朔

日有食之

無傳

季孫宿如宋

傳二十年春及莒平孟莊子會莒人盟于

向督揚之盟故也

莒襲伐魯前三諸侯盟督揚以和解之故二國自復共盟結其

好夏盟于澶淵齊成故也

齊與晉平

疏

盟于至故也王義

曰於經服異則稱同盟此齊成而盟不言同者往年齊與晉平盟于大隧是齊已服於晉矣非於此始服故不言同也晉以齊既平和而召諸侯以爲止會傳解其爲盟之意故云齊成也邾人驟至以諸

侯之事弗能報也

驟數也謂十五年十七年伐魯

秋孟莊子伐

邾以報之

既盟而又伐之非

蔡公子變欲以蔡之晉

背楚

蔡人殺之公子履其母弟也故出奔楚

與兄

同謀故

陳慶虎慶寅畏公子黃之偪

二慶陳卿恐黃偪奪

其政愬諸楚曰與蔡司馬同謀同欲之晉楚人以為

討討責公子黃出奔楚奔楚自理初蔡文侯欲

事晉曰先君與於踐土之盟先君文侯父莊侯甲午也踐土盟在

二十八年晉不可棄且兄弟也畏楚不能行而

卒宣十七年文侯卒楚人使蔡無常無准公子變求

從先君以利蔡不能而死書曰蔡殺其大

夫公子變言不與民同欲也罪其違衆陳侯之弟

黃出奔楚言非其罪也稱弟罪陳侯及二慶公子黃

將出奔呼於國曰慶氏無道求專陳國暴

蔑其君而去其親五年不滅是無天也為二

年陳殺二慶傳**師**注稱弟至二慶正義曰稱弟者止為罪陳

耳稱弟不為罪二慶也釋例曰兄而害弟者稱弟以章兄

罪弟又害兄則去弟以罪弟身推此以觀其餘秦伯之弟

鍼陳侯之弟黃皆是兄害其弟者也秦伯有千乘之國而

不能容其母弟傳曰罪秦伯也歸罪秦伯則鍼罪輕也陳

侯不能制禦臣下使逐其弟傳曰言非其罪也非黃之罪則罪在陳侯示互舉之文也齊子初

聘于齊禮也齊魯有怨朝聘禮絕今始復通故曰初繼好息民故曰禮冬季

武子如宋報向戌之聘也向戌聘在十五年褚師段

逆之以受享

段共公子子石也逆以入國受享禮

賦常棣之七章

以卒

武子賦也七章以卒盡八章取其妻子好合如鼓瑟琴宜爾室家樂爾妻帑二罔好合宜其室家

相親如兄弟

宋人重賄之歸復命公享之賦魚

麗之卒章

魚麗詩小雅卒章曰物其有矣維其時矣喻聘宋得其時

公賦南山

有臺

南山有臺詩小雅取其樂只君子邦家之基邦家之光喻武子奉使能為國光輝

武子

去所曰臣不堪也

去所

疏

賦魚麗之卒章正義曰魚麗詩小雅物其有

矣者謂言魚有鮪鮓鮓鮓分有旨酒也維其時矣者注云大平而後微物衆多取之有時用之有道則萬物莫不多

也衛甯惠子疾召悼子

悼子

曰吾得罪於

君悔而無及也名藏在諸侯之策曰孫林

父甯殖出其君君入則掩之掩惡名若能掩

之則吾子也若不能猶有鬼神吾有餒而

已不來食矣餒餓也悼子許諾惠子遂卒為二

十六年衛侯歸傳

經二十有一年春王正月公如晉邾庶其

以漆間丘來奔二邑在高平南平陽縣東北有漆鄉西北有顯間亭以邑出為叛適

魯而言來奔**疏**注二邑至之辭正義曰杜解地邑在內外之辭為其例言在者指加其處言有者以示

不審此言二邑在高平者知其在高平郡界耳又言有
並不審其處也釋例曰漆高平南平陽縣東北有漆鄉
丘高平南平陽縣西北有顯閭亭是二邑知在高平而不
審其地故言有也諸侯之臣入其私邑而以之出奔者皆
書爲叛衛孫林父宋華亥宋公之弟辰晉趙鞅荀寅等皆
書爲叛叛者背其本國之大辭也此及莒牟夷邾黑肱亦
以邑叛本國但叛來歸魯據其至魯爲文而言來奔內外
之辭言俱是叛而辭異耳且傳謂庶其等爲三叛入明其
亦是也

亦是

夏公至自晉

傳無

秋晉欒盈出奔楚

盈

能防閑其母以取
奔亡稱名罪之

疏

注盈不至罪之
齊崔氏出奔衛書其族也文八年

正義曰宣十年

宋司城來奔舉其官也又十四年宋子哀來奔稱其字也
皆爲無罪不書其名則書名爲罪之文據傳盈無大罪故
辨之不能防閑其母以取奔亡稱其名罪之也不能防閑
其母詩序文也周禮虎賁氏舍則守王閑又校人謂馬廐

為閑則閑是攔衛禁防之名也禮之防失若彼閑然論語云大德不踰閑閑謂禮法言不能以禮法禁防母也九

月庚戌朔日有食之傳無冬十月庚辰朔日

有食之傳無曹伯來朝公會晉侯齊侯宋公

衛侯鄭伯曹伯莒子邾子于商任商任地闕

傳二十一年春公如晉拜師及取邾田也邾其邾

八年伐齊之師漸水之田邾庶其以濼間丘來奔庶其邾大夫季

武子以公姑姊妻之計公年不得有未嫁姑姊蓋寡者二人皆有

賜於其從者於是魯多盜季孫謂臧武仲

曰子盍詰盜

詰治也

武仲曰不可詰也紇又不

能季孫曰我有四封而詰其盜何故不可

子爲司寇將盜是務去若之何不能武仲

曰子召外盜而大禮焉何以止吾盜

吾謂國中

子爲正卿而來外盜使紇去之將何以能

庶其竊邑於邾以來子以姬氏妻之而與

之邑

使食漆間丘

其從者皆有賜焉若大盜禮

焉以君之姑姊與其大邑其次阜牧輿馬

給其賤役從阜至
牧凡八等之人

其小者衣裳劍帶是賞盜

也賞而去之其或難焉紇也聞之在上位

者洒濯其心壹以待人軌度其信可明

也

徵驗也

而後可以治人夫上之所爲民之歸

也上所不爲而民或爲之是以加刑罰焉

而莫敢不懲若上之所爲而民亦爲之乃

其所也又可禁乎夏書曰念茲在茲

逸書也茲

此也謂行此事當釋茲在茲

釋除也謂欲有所治除在人亦當顧己得無亦有之

名言茲在茲

名此事實此亦皆當今可施於此

允出茲在茲

允信也

出於此則善亦在此

惟帝念功

言帝念功則功成也

將謂由己壹也

信由己壹而後功可念也

言非但意念而已當須信已誠至

庶

其非卿也以地來雖賤必書重地也

重地故書其人

其人書則惡名彰以懲不義

疏

注計公至一人父之女昆弟姊是己之女昆故計公

正義曰杜以姑為

之年以為寡者二人劉炫云紫十二年傳云無女而有姊姊及姑姊妹則古人謂姑為姑姊妹也而知此姑姊是襄公父之姊止一人耳不得云寡者二人今知不然者以襄公成公之子成公即位二年已令太子公衡為質於楚及宋逃歸則公衡年十五六矣成公即位之初已三十有餘計至於今七十許歲其姊雖存年極老矣安可以妻庶其

劉以爲成公之歸而規杜氏非也 子壽 正義曰鄭玄服虔皆以盍爲何不也 注給其至之人 正義曰昭七

年傳曰阜臣與與臣諫諫臣僚僚臣僕僕臣臺馬有國牛有牧自阜至牧有八等也其次謂庶其從者魯給之以八

等之人 軌度至得也 正義曰謂使其臣信有軌則法度可明以爲得驗也劉炫云軌法也行依法度而言有信

也 夏書至念也 正義曰念茲在茲謂念此所行之事欲施於他得可施之在於此身然後行之釋茲在茲釋除

也謂有所除治於此前人之上亦當在此身無有罪過然後除之名言茲在茲謂名此事言此事亦皆當令可施於

此猶若名此除盜言此除盜已能除盜是除盜之事可施於此若已不能除盜遣人除盜是不可施於此也允出茲

在茲允信也謂誠信之心出於此身則善亦誠在此身也信由己壹謂信實由己專壹然後善功可念此斷章爲義

故與尚書本文稍殊 庶其非卿也 正義曰公羊穀梁皆以邾莒之徒小國不含有卿釋例曰公侯伯子男乃其

卿大夫士命數周官具有等差當春秋時漸已變改是以仲尼丘明據時之宜仍其行事從而然之不復與周官同而先儒考合周官禮記各致異端今詳推經傳國之大小皆據當時土地人民不復依爵故書秦楚之卿而略於滕薛也諸侯大國之卿皆必有命固無所疑其摠名亦曰大夫也故經傳卿大夫之文相涉晉殺三卿而經書大夫黑丘之會傳稱大夫亦皆卿也蜀之盟齊國之大夫梁之盟小邾之大夫此不命一命之大夫並不書也命者謂其君正爵命之於朝其宮室車旗衣服禮儀各如其命數則皆以卿禮書之於經衛之於晉不得比次國則邾莒杞鄆之屬固以微矣此等諸國當時附隨大國不得列於會者甚衆及其得列上不能自通於天子下無暇於備禮成制故與於會盟戰伐甚多唯曹之公子首得見於經其餘或命而禮儀不備或未加命數故皆不書之也邾卑我之等其奔亡亦多所書唯數人而已知其合制者少也又邾庶其等傳皆言非卿以地來聘必書紀裂繻來逆女傳曰

卿爲君逆知此等微國亦應有卿有卿則應書於經徒以卑陋制不合禮失禮之例紀降爲夷華輒具官君子貴之至於此等卿而不備禮亦所以見其略賤也諸儒以爲邾莒無命卿既自違傳劉賈又云春秋之序三命以上乃書於經穎氏以爲再命稱人傳曰叔孫昭子三命喻父兄昭公十年昭子始加三命而先此叔孫皆自見經知所書皆再命也是杜大明春秋書卿名氏之例以邾莒自當有卿若有再命則書各氏其不書於經皆爲禮不備故庶其非卿謂非再命之卿也

齊侯使慶佐爲大夫

慶佐崔杼黨

復討公子

牙之黨執公子買于句瀆之丘公子鉏來

奔叔孫還奔燕

三子齊公族言莊公斥逐親戚以成崔慶之勢終有弑殺之禍

夏

楚子庚卒楚子使薳子馮爲令尹訪於申

叔豫

叔豫叔時孫

叔豫曰國多寵而王弱

弱政無而貴臣

國不可爲也遂以疾辭方暑闕地下冰而

牀焉重繭衣裘鮮食而寢

繭絲衣

楚子使醫

視之復曰瘠則甚矣

瘠瘦也

而血氣未動

言無

疾乃使子南爲令尹

子南公子追舒也爲二十二年殺追舒傳

疏

注繭縣衣

正義曰玉藻曰繭爲繭組爲袍鄭玄云衣有著之異名也繭謂今之新絲組謂今繭及舊絮也然則繭是袍之別名謂新絲著袍故云縣衣也置冰牀下使有寒氣其上加縣衣暑月多衣所以示疾藥栢子娶

於范宣子生懷子

栢子藥廐懷子盈也

范鞅以其亡也

怨藥氏

十四年藥厲強
遂范鞅使奔秦

故與藥盈為公族大

夫而不相能栢子卒藥祁與其老州賔通

藥祁栢子妻范宣子女盈
之母也范氏堯後祁姓

幾亡室矣

言亂甚

懷子患

之祁懼其討也愬諸宣子曰盈將為亂以

范氏為死栢主而專政矣

栢主藥厲

曰吾父逐

鞅也不怒而以寵報之

謂宣子不為厲責怒
鞅而反與鞅寵位

又

與吾同官而專之

同為公族大夫
而鞅專其權勢

吾父死而益

富死吾父而專於國有死而已吾蔑從之

矣

言宣子專政盈欲以死作難

其謀如是懼害於主吾不敢

不言范鞅爲之徵

證其有此

懷子好施士多歸之

宣子畏其多士也信之懷子爲下卿

下軍佐

宣

子使城著而遂逐之

著晉邑在外易逐

秋欒盈出奔

楚宣子殺箕遺黃淵嘉父司空靖邠豫董叔

邠師申書羊舌虎叔羆

十子皆晉大夫欒盈之黨也羊舌虎叔向弟

囚

伯華叔向籍偃

籍偃上軍司馬

人謂叔向曰子離於

罪其爲不知乎

譏其受囚而不能去

叔向曰與其死亡

若何言雖因何詩曰優哉游哉聊以卒歲知

也詩小雅言君子優游於衰世所以辟害卒其壽是亦知也詩小雅案今小雅無此全句唯采菽詩云優哉游哉

亦是庚矣樂王鮒見叔向曰吾為子請叔向弗應

出不拜樂王鮒晉大夫樂桓子其人皆咎叔向叔向曰必

祁大夫祁大夫祁奚也食邑於祁因以為氏祁縣今屬太原室老聞之曰樂

王鮒言於君無不行其言皆得行求救吾子吾子

不許謂不應出不拜祁大夫所不能也不能動君而曰必由

之何也叔向曰樂王鮒從君者也何能行祁

大夫外舉不遺節內舉不失親其獨遺我

乎詩曰有覺然德行四國順之詩大雅言德行之直則天下順之夫

子覺者也

覺然正直

晉侯問叔向之罪於樂王

鮒對曰不棄其親其有焉

言叔向篤親親必與叔虎同謀

於是

祁奚老矣

老去公族大夫

聞之乘駟而見宣子曰詩

曰惠我無疆子孫保之

詩周頌也言大武有惠訓之德加於百姓故子孫保

之書曰聖有賴暮勲明徵定保

逸書暮謀也勲功也言聖哲有謀功

者當明信定安之

夫謀而鮮過惠訓不倦者叔向有

焉謀鮮過有慕勲也惠訓不倦惠我無疆也社稷之固也猶將十世

宥之以勸能者今壹不免其身壹以弟故以責

社稷不亦惑乎言不以父罪廢其子伊尹

放大甲而相之卒無怨色大甲湯孫也荒淫失度伊尹放之桐宮三

年改悔而復之而無恨心言不以一怨妨大德管蔡為戮周公右王言兄

弟罪不相及若之何其以虎也棄社稷子為善誰

敢不勉多殺何為宣子說與之乘以言諸

公而免之共載入見公不見叔向而歸言為國非私叔向也

向亦不告免焉而朝

不告謝之明不爲已

初叔向之

母妬叔虎之母美而不使

不使見叔向父

其子皆諫

其母其母曰深山大澤實生龍蛇

言非常之地多生非

常之物彼美余懼其生龍蛇以禍女女敝族

也

敝衰壞也龍蛇喻奇怪

國多大寵

六卿專權

不仁人間之不亦

難乎余何愛焉使往視寢生叔虎美而有

勇力藥懷子嬖之故羊舌氏之族及於難

藥盈過於周周西鄙掠之

劫掠財物

辭於行人

王行

也入曰天子陪臣盈

諸侯之臣稱於天子曰陪臣

得罪於王之

守臣

范宣子爲王所命故曰守臣

將逃罪罪重於郊甸

重得罪於

郊甸謂爲郊甸所侵掠也郭外曰郊郭外曰甸

無所伏竄敢布其死

在陳也

昔陪臣書能輸力於王室王施惠焉

輸力謂輔相晉

國以翼戴天子

其子魘不能保任其父之勞大君若

不棄書之力亡臣猶有所逃

大君謂天王

若棄

書之力而思魘之罪臣戮餘也

罪戮之餘

將歸

死於尉氏

尉氏討姦之官

不敢還矣敢布四體唯大

君命焉

布四體言
無所隱

王曰尤而效之其又甚焉

尤晉逐盈而自
掠之是效尤

使司徒禁掠欒氏者歸所取焉

使候出諸轅轅

候送迎賓客之官也轅
轅關在緱氏縣東南

疏

以范至
政矣

正義曰相是驚之謚大夫稱主誣欒盈言盈以范氏爲死
相主道范氏之意以相主已死其家衰弱故陵侮欒氏而

專晉國之政矣

秋欒至叔罷

正義曰如此傳文則欒

盈出奔之後宜子始殺十子也晉語云平公六年箕遺及

黃淵嘉父作亂不克而死公乃問陽畢陽畢對曰論逞志

而虧君以亂國者之後而去之是遂威而遠權也欒氏之

誣晉國久矣欒書實獲宗殺厲公以厚其家若滅欒氏則

民威矣公許諾盡逐羣賊而伊祁午及陽畢適曲沃逐欒

盈如國語則先殺十子後逐欒盈與此異者賈逵云十子

皆欒盈之黨知范氏將害欒氏故先爲之作難討范氏不

克而死然則藥盈城著十子在國謀殺宣子不克宣子先
殺之乃使適著逐藥盈此傳先言藥盈後言其黨耳非是
藥盈既奔之後殺十子也此傳言城著而遂逐之則是就
著逐藥盈國語言適曲沃逐藥盈者曲沃是藥氏之采邑
蓋就著逐其身適曲沃逐其家也 優哉游哉 正義曰
此小雅采菽之篇案彼詩云優哉游哉亦是矣與此不
同者蓋師讀有異 有覺至順之 正義曰此詩大雅抑
之篇 惠我至保之 正義曰此詩周頌烈文之篇 注
逸書至安之 正義曰此引書曰夏書胤征之文也彼作
聖有謨訓此云惠訓不倦則本當作訓但杜以傳作聖有
謨勳故順傳文解之劉背傳文而規杜氏非也 鯀殛而
禹興 正義曰尚書稱堯使鯀治水九載績用不成乃求
得舜而徵用之歷試三年乃禪以位舜典美舜之功象以
典刑之下始云流共工于幽洲放驩兜于崇山竄三苗于
三危殛鯀于羽山四罪而天下咸服孔安國云作者先敘
典刑而連引四罪明皆徵用所行於此摠見之是言舜初

被徵用先誅鯀而後舉禹故言鯀殛而禹興信三十三年傳曰舜之罪也殛鯀其舉也興禹洪範云鯀則殛死禹乃嗣興皆言誅鯀乃舉禹而鄭玄注尚書以爲禹治水既畢乃流四凶言其先舉禹而後誅鯀既違經傳之文且復於理不當故王肅難云禹治水而後以鯀爲無功而殛之是爲用人子之功而流放其父則爲禹之勤勞適使父殛舜失五典克從之義禹陷三千莫大之罪進退無據迂亦甚哉

注大甲至大德

正義曰大甲湯孫世本紀文也書

序云大甲既立不明伊尹放諸桐官三年復歸于亳思庸伊尹作大甲三篇是大甲能自改悔伊尹復之之事也

注大君謂天王

正義曰進言於王而稱大君知大君謂

天王也大君君之大者故以爲天子易云大君有命亦謂

天子也

注尉氏討姦之官

正義曰歸死尉氏猶言歸

死於司敗明尉氏主刑人故爲討姦之官周禮司寇之屬

無尉氏之官蓋周室既衰官名改易於時有此官耳其司敗亦非周禮之官名也

使司至氏者

正義曰周官司

冠掌詰姦隱刑暴亂當使司寇而此云司徒者以司徒掌會萬民之卒伍以起徒役以比追胥以此追寇盜是其所掌獲得罪人刀使司寇刑之耳冬曹武公來朝始見也即位三年始來

見會於商任錮藥氏也禁錮藥盈使諸侯不得受齊侯衛

侯不敬叔向曰二君者必不免會朝禮之

經也禮政之輿也政須禮而行政身之守也政存則身安

怠禮失政失政不立是以亂也為二十五年齊弒光二十六年

衛弒疏會朝至亂也正義曰經訓常也法也會以訓上下之則朝以正班爵之義是會朝為禮之常

法也政待禮而行猶人須車以載禮是政之車輿也禮運云政者君之所以藏身也言政行於外身藏其中政是身

之所守也急慢於禮則政無車無車則政不行是失政也君既失政則身無所守失政則身不立是其所以亂也

知起中行喜州綽邢蒯出奔齊

四子晉大夫

皆

欒氏之黨也樂王鮒謂范宣子曰盍反州

綽邢蒯勇士也宣子曰彼欒氏之勇也余

何獲焉

言不爲已用

王鮒曰子爲彼欒氏乃亦子

之勇也

言子待之如欒氏亦爲子用也

齊莊公朝指殖綽郭

最曰是寡人之雄也州綽曰君以爲雄誰

敢不雄然臣不敏平陰之役先二子鳴

十八年晉

伐齊及平陰州綽獲殖綽郭最故自比於雞關勝而先鳴

莊公爲勇爵

設爵位以命勇士

殖綽郭最欲與焉

自以爲勇

州綽曰東門之役

臣左驂迫還於門中識其枚數

識門版數亦在十八年

其可以與於此乎公曰子爲晉君也對曰臣

爲隸新

言但爲僕隸尚新耳

然二子者譬於禽獸臣食

其肉而寢處其皮矣

言嘗射得之

疏

注四子晉大夫正義曰國語陽

畢對公公許諾盡逐羣賊謂此也

子爲至勇也

正義

曰子斤宣子也子能爲彼欒氏待遇其人如欒氏彼荷子

之恩乃亦爲子之勇矣

識其枚數

正義曰十八年傳

云以枚數闔其謂馬極以馬枚數門扇之板此云識其枚

數枚謂門扇之板彼時數得其數則二枚不同今人數物猶云一枚二枚也

經二十有二年春王正月公至自會無傳夏

四月秋七月辛酉叔老卒無傳子叔齊子冬公會晉

侯齊侯宋公衛侯鄭伯曹伯莒子邾子薛

伯杞伯小邾子于沙隨公至自會無傳楚殺

其大夫公子追舒書名者寵近小人貪而多馬爲國所患

傳二十二年春臧武仲如晉公類與晉侯外會今各將罷還魯之

守卿遣武仲爲公謝不敢故不書雨過御叔御叔在其邑將飲

酒

御叔魯御邑大夫

曰焉用聖人

武仲多知時人謂之聖

我將飲

酒而已兩行何以聖為穆叔聞之曰不可

使也而傲使人

言御叔不任使四方

國之蠹也令倍其

賦

古者家其國邑故以重賦為罰傳言穆叔能用教

疏

注公頻至不書正義曰經書正月公至自會

則武仲初發公仍未至傳言武仲如晉正為御叔傲使不論聘晉之意故杜原公之未歸而遣使使又不書於經知是魯之守臣使適晉也二十六年鄭伯朝晉而歸使公孫夏謝不敏知此亦是為公謝不敏非公命故不書也服虔云武仲非卿故不書前年傳武仲為司寇後年出奔書於經此年不得云非卿也注武仲至之聖正義曰周禮大司徒以鄉三物教民一曰六德知仁聖義忠和鄭玄云聖通而先識也尚書洪範云睿作聖是聖者通識之名時

久見其多知故以聖人言之非爲武仲實是大聖人也尚
書稱惟狂克念作聖惟聖罔念作狂詩稱人之齊聖皇父
孔聖母氏聖善皆非大聖也 注古者至用教 正義曰
周禮大司徒云凡建邦國諸公之地方五百里其食者半
諸侯之地方四百里諸伯之地方三百里其食者三之一
諸子之地方二百里諸男之地方百里其食四之一鄭玄
云其食者半三之一四之一者土均均邦國地貢輕重之
等必足其國禮俗喪紀祭祀之用乃貢其餘大國貢重正
之也小國貢輕字之也此是諸侯之國貢王之差也司勳
職云凡頒賞地三之一食鄭玄云賞地之稅三分計稅王
食其二全入於臣此采邑貢王之數也然則諸侯之臣
受其采邑者亦當三分之一而歸於公故云古者家其國
邑言以國邑爲己之家有貢於公者是減己而貢之
故以重賦爲罰言重倍其賦當以三分而二入公也 夏晉

入徵朝于鄭

召鄭

使朝鄭人

使少正公孫僑對

少正

官也公孫
僑子產

曰在晉先君悼公九年我寡君於是

即位

魯襄
八年

即位八月

即位年
之八月

而我先大夫子驪

從寡君以朝于執事執事不禮於寡君

言朝

執事謙不
敢斥晉侯

寡君懼因是行也我二年六月朝

于楚

因朝晉不見
禮生朝楚心

晉是以有戲之役

在九年

楚

人猶競而申禮於敝邑敝邑欲從執事而

懼爲大尤曰晉其謂我不共有禮是以不

敢攜貳於楚我四年三月先大夫子驪又

從寡君以觀釁於楚

實朝言觀釁飾辭也言欲往視楚知可夫否

晉

於是乎有蕭魚之役

在十年

謂我敝邑邇在

晉國譬諸草木吾臭味也

晉鄭同姓故

而何敢

差池

差池不齊一

楚亦不競寡君盡其土實

地土

有重之以宗器

宗廟禮樂之器鐘磬也屬

以受齊盟

齊同也

遂

帥羣臣隨于執事以會歲終

正朝

貳於楚者

子侯石孟歸而討之

石孟石鼻

湓梁之明年

湓梁在十年

六年子蟜老矣公孫夏從寡君以朝于君見

於嘗酎

酒之新熟重者爲酎
嘗新飲酒爲嘗酎

與執燔焉助祭閒二

年聞君將靖東夏

謂二十年
澶淵盟

四月又朝以聽

事期

先澶淵二月往
朝以聽會期

不朝之間無歲不聘無

役不從以大國政令之無常國家罷病不

虞荐至

荐仍也

無日不惕豈敢忘職

惕懼也

大

國若安定之其朝夕在庭何辱命焉

言自將往

不須來召

若不恤其患而以爲口實

口實但有其言而已

其無

乃不堪任命而翦爲仇讎

翦削也謂見剝削
不堪命則成仇讎敵

邑是懼其敢忘君命委諸執事執事實

重圖之

傳言子產有辭所以免大國之討

疏

注少正鄭卿官也正義曰十九年傳云立子

產爲卿知少正是鄭之卿官名也春秋之時官名變改周禮無此名也 注朝正 正義曰言以會歲終則歲事終

以至正月朝正也朝正二十九年傳文也 注酒之至嘗

酎 正義曰月令孟夏天子飲酎用禮樂鄭文云酎之言

酎也謂重釀之酒也春酒至此始成與羣臣以禮樂飲之

於朝正尊卑也彼言飲酎當是夏祭之後此言嘗酎謂見

於夏祭故云與執膳焉謂祭未受胙肉也 注口實至而

已 正義曰但有侈貴之言實於口也服虔云口實謂謹

也 秋藥盈自楚適齊晏平仲言於齊侯曰

商任之會受命於晉

受錮藥氏之命

今納藥氏將安

用之小所以事大信也失信不立君其圖

之弗聽退告陳文子曰君人執信臣人執

共忠信篤敬上下同之天之道也君自棄

也弗能久矣爲二十五年齊弑其君光傳九月鄭公孫黑肱

有疾歸邑于公黑肱子張召室老宗人立段段子石黑

而使黜官薄祭黜官無多受職祭以特羊殷以少

牢四時祀以一羊三年盛祭以羊豕殷盛也足以共祀盡歸其餘邑

曰吾聞之生於亂世貴而能貧民無求焉

可以後亡敬共事君與二三子生在敬戒

不在富也已已伯張卒君子曰善戒詩曰

慎爾侯度用戒不虞鄭子張其有焉詩大雅侯維也

義取慎法
度戒未然疏注四時至盛也正義曰少牢饋食禮者諸侯之大夫時祭之禮也是時祭用少牢

今公孫黑肱使黜官薄祭故時祭用特羊殷祭乃少牢諸侯之大夫止用少牢而禮器云君子大牢而祭謂之禮匹

士大牢而祭謂之饗鄭玄云君子謂大夫以上是大夫之祭有用大牢時也又雜記云上大夫之虞也少牢卒哭成

事祔皆大牢據此二文大夫得用大牢者禮器之文據天子大夫故也雜記據喪祭故進用一等士喪禮士遺奠用

少牢是也大夫無禘祫而云殷三年祭者禮記言大夫有善於君祫及五世是大夫有功或得禘祫也劉炫云禮器

云君子大牢而祭謂之禮匹士大牢而祭謂之饗鄭玄云
君子謂大夫以上是大夫祭有用大牢時也雜記云大夫
之虞也皆少牢卒哭與祔皆大牢喪祭有大牢明吉祭亦
有也此言特羊必是時祭殷以少牢明是三年一為大祭
猶天子諸侯禘也禮大夫時祭少牢大祭大牢今黑肱全
減之也 詩曰至有焉 正義曰詩大雅抑之篇侯維也

言謹慎爾身唯在依法度用此以戒不億度之事鄭子張
其有此詩之義焉言生在敬戒是慎法度也貴而能貧是

戒不虞也冬會于沙隨復錮欒氏也 晉知欒盈在齊故復錮也

欒盈猶在齊晏子曰禍將作矣齊將伐晉

不可以不懼 為明年齊伐晉傳 楚觀起有寵於今

尹子南未益祿而有馬數十乘 言子南偏寵觀起今富

楚人患之王將討焉子南之子棄疾爲王

御士

御王車者

王每見之必泣棄疾曰君三泣臣

矣敢問誰之罪也王曰令尹之不能爾所

知也國將討焉爾其居乎

問能止事我否

對曰父

戮子居君焉用之洩命重刑臣亦不爲

洩

君命罪之重

王遂殺子南於朝轅觀起於四竟

轅

裂以袖

子南之臣謂棄疾請徙子尸於朝

徙

命取殯

曰君臣有禮唯二三子

不欲犯命移尸

三日棄

疾請尸王許之既葬其徒曰行乎行去曰

吾與殺吾父行將焉入曰然則臣王乎

曰棄父事讎吾弗忍也於事是讎於實是君故雖謂讎而不敢報遂

縊而死傳譏康王與人子謀其父失君臣之義復使遠子馮爲令

尹公子齎爲司馬屈建爲莫敖屈建子木也有

寵於遠子者八人皆無祿而多馬他日朝

與申叔豫言弗應而退從之入於人中申

辟遠子不欲與語又從之遂歸退朝見之遠子就申叔家見之曰子

三困我於朝吾懼不敢不見吾過子姪

我何疾我也對曰吾不免是懼何敢告子

言恐與子并罪故不敢與子語曰何故對曰昔觀起有寵於子

南子南得罪觀起車裂何故不懼自御而

歸不能當道遠子惶懼意不在御至謂八人者曰吾見

申叔夫子所謂生死而肉骨也已死復生白骨更肉知

我者如夫子則可夫子謂申叔也如夫子謂以義斥已不然請止止

相辭八人者而後王安之辭遣十二月鄭游

販將如晉

游販公孫蕞子

未出竟遭逆妻者奪之

以館于邑

舍止其邑不復行

丁巳其夫攻子明殺之

以其妻行

十二月無丁巳丁巳十一月十四日也

子展廢良而立

大叔

良游販子大叔販弟

曰國卿君之貳也民之主也

不可以苟請舍子明之類

子明有罪而良人不賢故

求亡

妻者使復其所使游氏勿怨

鄭國不討專殺之人所以抑強扶弱

臨時之宜

曰無昭惡也

交怨則父之不脩益明也

疏

注交怨至明也正義曰若游氏

報殺此人則人知其父被殺其父所以見殺為奪人妻故也報殺則人知其父非是父之行不脩益明也

春秋正義卷第二十二

鄉貢進士馮嗣祖校勘

[illegible]

春秋正義卷第二十三

襄公

國子祭酒上護軍曲阜縣開國子臣孔穎達等奉

勅撰

經二十有三年春王二月癸酉朔日有食

之無傳三月己巳杞伯勾卒

五同盟

疏

注五同盟正義曰勾

以七年即位九年盟于戲十一年于亳城北十六年于濮梁十九年于祝柯二十年于澶淵皆魯杞俱在是五同盟

夏邾卑我來奔

無傳卑我是庶其之黨同有竊邑叛君之罪來奔故書

疏

注卑我至故書正義曰杜從賈說以為庶其之黨同有竊邑叛君之罪劉炫規過云杜此注云庶其之黨庶其奔

魯三年若是其黨邾人即應討之何因至今始奔庶其以
邑奔魯魯人還以賜之卑我不得彼邑竊邑之狀復何在
焉釋例又曰小國之卿或命而禮儀不備或未加命數故
不書之邾卑我之等其奔亡亦多所書唯數人而已知其
合制者少也如彼所說又以卑我是卿何爲兩說自相矛
盾乎炫以爲釋例是集解非今刪定知不然者原杜之意
以二十一年邾庶其竊邑來奔去此旣近邾更無事今卑
我來奔必是庶其之黨同有竊邑叛君之罪春秋之例命
卿有罪出奔皆書名卑我書名罪其與庶其同黨非謂
卑我非命卿與釋例不遠劉不曉杜旨妄爲規過非也

葬杞老公

無傳

陳殺其大夫慶虎及慶寅

書名

皆罪其專國叛君言
及史異辭無義例

陳侯之弟黃自楚歸于陳

諸侯納之曰歸黃至楚
自理得直故爲楚所納

疏

注書名至義例 正義曰被殺書名是罪之文故以專國

叛君爲二慶罪狀成十七年晉殺其大夫卻錡卻犢郤至
哀四年蔡殺其大夫公孫姓公孫霍皆不言及文九年晉
殺其大夫士穀及箕鄭父與此並言
及傳無其說知是史異辭無義例也
晉欒盈復入

于晉

以惡入

入于曲沃

兵敗奔曲沃據曲沃衆還與君爭非欲出附他國故不言

叛

疏

注兵敗至言叛

正義曰案傳欒盈潛入曲沃乃率曲沃之甲以入晉都及敗又入于曲沃潛入之

時晉人不覺及敗後更入晉人以其狀告故先書復入于
晉後言入于曲沃謂其敗而後入故云兵敗奔曲沃也不
言叛者叛謂以邑叛屬他國欒盈既入曲沃據曲沃之衆
與君戰爭兵敗而死終亦不附他國故不言叛也然則昭
二十一年宋華亥入于宋南里以叛定十一年宋公之弟
辰入于蕭以叛十三年晉趙鞅入于晉陽以叛荀寅入于
朝歌以叛皆非叛屬他國而並書叛者彼皆與國相拒不
勝而即出奔得歸乃言復國皆有叛屬他國之意故本國

皆以叛告此竊與君爭勝不勝即死未
有叛屬他國之意故晉人不以叛告也

秋齊侯伐

衛遂伐晉

兩事故言遂

八月叔孫豹帥師救晉

次于雍榆

豹救晉待命于雍榆故書次雍榆晉地汲郡朝歌縣東有雍城

疏

注兩事故

言遂正義曰遂者因上事生下事之辭是兩事故曰遂
僖二十八年晉侯侵曹晉侯伐衛亦是一舉而為兩事不
言遂者於彼注云再舉晉侯者曹衛兩來告然則此言遂者齊人來告以齊告為文故言遂也

己卯仲

孫速卒

孟莊子也

冬十月乙亥臧孫紇出奔邾

書名者阿順季氏為之廢
長立少以取奔亡罪之

疏

注書名至罪之正義曰
書名是罪之文案傳紇為

孟氏所譖其奔非紇之罪故杜以阿
順季氏廢長立少為紇之罪狀也

晉人殺驪盈

齊侯襲莒

輕行掩其不備曰襲因伐晉還襲莒不言遂者間有事



注輕行至有事

正義曰莊二十九年傳例曰凡師有鐘鼓曰伐無曰侵輕曰襲是輕者舍其輜重信道輕行掩其不備曰襲傳言齊侯還自晉不入遂襲莒經不言遂者間有他事故也若然僖六年夏公會齊侯云云伐鄭秋楚人圍許諸侯遂救許二十八年公會晉侯云云于溫天王狩于河陽云云諸侯遂圍許彼亦間有他事而言遂者兩事言遂取其省文彼二者公皆親在事不待告故遠承上事摠言諸侯遂行此書齊事雖告稱遂行襲莒亦不可書遂為間有數事與前文隔絕故也

傳二十三年春杞孝公卒晉悼夫人喪之

悼夫人晉平公母杞孝公姊妹

平公不徹樂非禮也

徹去也

禮

為鄰國闕

禮諸侯絕期故以鄰國責之

疏

注禮諸至責之正義曰杞孝公晉平公

之舅也尊同則相為不降平公於禮為舅當服總麻三月但總麻既輕其恩不過鄰國故傳言禮為鄰國闕也杜言諸侯絕期者據禮之正法言諸侯等降其親雖有本服期者亦當為之闕故以鄰國責之禮父在為母服期喪絕旁

期非母也

陳侯如楚

朝也

公子黃愬二慶於楚楚

人召之

二慶虎及寅也二十年二慶諧黃黃奔楚自理今陳侯往楚乃信黃為召二慶

使慶

樂往殺之

慶樂二慶之族二慶畏誅故不敢自往

慶氏以陳叛

因陳

侯在楚而叛之不書叛不以告

夏屈建從陳侯圍陳陳人城

治城以距君屈建楚莫敖

板隊而殺人役人相命各殺其

長

慶氏忿其叛隊遂殺築人故役人怒而作亂

遂殺慶虎慶寅楚人

納公子黃君子謂慶氏不義不可肆也

也故書曰惟命不于常

周書康誥言有義則存無義則亡



君子至于常正義曰杜言慶氏以陳叛叛不書不以告則傳載君子之言其意不爲經也君子自論慶氏之罪所爲不義不可放肆以爲宜其誅滅故引尚書康誥言天命之不予常有義則存無義則亡慶氏族有二卿爲不義之故而並喪亡故君子論其事傷之也服虔以爲傳發此言爲不書慶氏以陳叛爲楚所圍稱國以殺不成惡人肆其志也服意見元年圍宋彭城追書繫宋不登載人謂此亦宜然故爲此解然叛是大罪若書爲叛其惡益明何當匿其罪名謂之不可肆也若慶氏不可放肆故不書其叛則林父華亥趙鞅荀寅之徒豈皆可使放肆而書其叛乎且

傳文不言書經之意知其不為經也故杜以為不告故不書耳

晉將嫁女于吳

齊侯使析歸父媵之以藩載藥盈及其士

藩車之有障蔽者納諸曲沃藥盈邑也藥盈夜見胥午

而告之胥午守曲沃大夫對曰不可天之所廢誰能

與之子必不免吾非愛死也知不集也集成

也盈曰雖然因子而死吾無悔矣我實不

天子無咎焉言我雖不為天所祐子無天咎故可因許諾伏之而

觴曲沃人胥午匿盈而飲其衆樂作午言曰今也得

孺子何如孺子對曰得主而為之死猶

不死也皆歎有泣者爵行又言皆曰得主

何貳之有盈出徧拜之謝衆之思已四月藥盈

帥曲沃之甲因魏獻子以晝入絳獻子魏舒絳晉國都

初藥盈佐魏莊子於下軍莊子魏絳獻子之父獻子私

焉故因之私相親愛趙氏以原屏之難怨藥氏成

莊姬譖之韓趙方睦韓起譖趙武故和睦中行氏以伐

秦之役怨藥氏十四年晉伐秦藥厲達荀偃命曰余馬首欲東而固與

范氏和親

范宣子佐中行偃於中軍

知悼子少而聽於中

行氏

悼子知懿之子荀盈也少年十七知氏中行氏同祖故相聽從

程鄭嬖於公

鄭亦荀氏宗

唯魏氏及七輿大夫與之

七輿官名

樂王鮒

侍坐於范宣子或告曰欒氏至矣宣子懼

栢子曰奉君以走固宮必無害也

栢子樂王鮒

且

欒氏多怨子爲政欒氏自外子在位其利

矣既有利權又執民柄

賞罰爲民柄

將何懼

氏所得其唯魏氏乎而可強取也夫

克亂在權子無懈矣公有姻喪

夫人有

王鮒

使宣子墨緣冒經

晉自殺戰還遂常墨緣

二婦人輦以

如公

恐藥氏有內應距之故爲婦人服而入

奉公以如固宮

固言宮之有臺

觀備守者

范鞅逆魏舒

用王鮒計欲強取之

則成列旣乘將

逆藥氏矣趨進曰藥氏帥賊以入鞅之父

與二三子在君所矣

二三子諸大夫

使鞅逆吾子鞅

請驂乘持帶

驂乘必持帶備隋隊

遂超乘

跳上獻子車

右撫

劔左援帶

劫

命驅之出僕請

請所至

鞅曰之

公宣子逆諸階

逆獻子也

執其手賂之以曲沃

恐不與已同心

初斐豹隸也著於丹書

蓋犯罪沒爵官奴以丹書其罪

藥氏之力臣曰督我國人懼之斐豹謂宣

子曰苟焚丹書我殺督我宣子喜曰而殺

之所不請於君焚丹書者有如日

言不負要明如日

乃出豹而閉之

閉著門外

督我從之踰隱而待之

隱知牆也

督我踰入豹自後擊而殺之范氏之

徒在臺後

公臺之後

藥氏乘公門

乘登也

宣子謂

鞅曰矢及君屋死之鞅用劔以帥卒

用劔短兵接敵

欲致死

樂氏退攝車從之

鞅攝宣子戎車

遇樂樂

樂盈之族

曰樂免之死將訟女於天

言雖死猶不舍女罪

樂射

之不中又注

注屬矢於弦也

則乘槐本而覆

樂樂車轆槐而

或以戟鉤之斷肘而死樂魴傷樂盈奔

曲沃晉人圍之

魴樂氏族

疏

晉將至媵之將嫁女為吳之夫人齊以

正義曰晉

女為媵使析歸父送媵女於晉令與適俱行也禮媵同姓適異姓今晉嫁女於同姓齊以異姓為媵皆非禮也而不

言非禮者但傳本主說樂盈不言事之可否

正義曰十三年傳云荀息卒十四年傳言盈生六

聽從

年而武子卒是其少也知悼子荀首之孫中行吳荀林父之曾孫首是林父之弟首爲知氏林父爲中行氏是同祖也悼子是荀吳二從叔父故相聽從計悼子年十六不得爲十七是故沈氏云後人傳寫誤劉炫以此而規杜氏非也程鄭發於公正義曰鄭雖非卿亦是疆族言嬖於公見其不助欒氏注七與官名正義曰僖十年傳言七與大夫杜云侯伯七命副車七乘謂副車每車有一大夫主之則此七與大夫杜亦爲主副車之官也劉炫云若是主公車則當情親於公不應曲附欒氏服虔云下軍與帥七人炫謂服言是且欒至民柄正義曰欒氏多怨言易克既有爲利之權又執民之八柄注賞罰爲民柄正義曰周禮大宰以八柄詔王馭羣臣一曰爵二曰祿三曰子四曰置五曰生六曰奪七曰廢八曰誅此八者爵祿子置生是賞也奪廢誅是罰也賞罰二事分爲八名此時臨與敵戰唯賞罰而已故以賞罰言之鄭玄云柄所秉執以起事者也然則柄以器物爲喻若用斧之執其柄也

注夫人有杞喪正義曰隱元年傳說葬之節云士踰月
外姻至則姻是外親之摠名杞孝公卒夫人有兄弟之服
是有杞喪也傳言公有姻喪注言夫人有杞喪者下文樂
王鮒使宣子墨綏冒經詐爲夫人故也案經葬杞孝公之
下始書樂盈復入于晉則樂盈之入在孝公葬後杜解諸
侯既葬除服而夫人猶有服者葬杞孝公書魯使去之日
樂盈入晉當在葬杞孝公之前故夫人猶有服故得詐爲
之也墨綏冒經正義曰夫人爲其兄弟當大功喪服
大功布衰裳杜麻經冒經者言以經冒其首也樂王鮒使
宣子詐爲夫人孝服也奉公以如固宮正義曰晉語
云范宣子以公入于襄公之宮蓋襄公有別宮牢固故謂
之固宮注蓋犯至其罪正義曰周禮司厲職云其奴
男子入于罪隸女子入于春臬鄭玄云奴從坐而沒入縣
官者男子同名杜用鄭說以無正文故云蓋以斐豹請焚
丹書知以丹書其籍近世魏律緣坐配沒爲工樂雜戶者
皆用赤紙爲籍其卷以紘爲軸此亦古人丹書之遺法

注魴樂氏族正義曰服虔云魴盈之子俱無文也計樂盈宣子之外孫胥午謂為孺子未得有子已堪戰十九年樂魴已帥師伐齊必非樂盈子故杜以為樂氏族世族譜樂魴為樂氏族以樂樂為雜人不知杜意何故也秋

齊侯伐衛先驅穀榮御王孫揮召揚為右

先驅前鋒軍申驅成秩御莒恒申鮮虞之傅摯為

右申驅次前軍傅摯申鮮虞之子曹開御戎晏父戎為右公御右也

貳廣上之登御邢公盧蒲癸為右貳廣公副車啓

牢成御襄罷師狼遽疏為右左翼日啓肱商子車

御侯朝栢跳為右右翼日朕大殿商子游御夏

之御寇崔如爲右

大殷後軍

燭庸之越駟乘

四

共乘殿車也傳具載此言莊公廢舊臣任武力

自衛將遂伐晉晏平仲

曰君恃勇力以伐盟主若不濟國之福也不德而有功憂必及君崔杼諫曰不可臣

聞之小國間大國之敗而毀焉必受其咎

君其圖之弗聽陳文子見崔武子

文子陳完之孫須無

武子崔杼也

曰將如君何武子曰吾言於君君弗

聽也以爲盟主而利其難羣臣若急君於

何有

言有急不能顧

子姑止之文子退告其

人曰崔子將死乎謂君甚而又過之

弑君之惡過於

背盟

不得其死過若以義猶自抑也況以

惡乎

自抑

疏

申鮮虞之傳藝為右

正義曰俗本多

之子若傳先有子字無則此注故今定本皆無

注左翼

曰啓正義曰左翼曰啓右翼曰肱賈逵以為此言或當

有成文也且此傳上下先驅中驅是前軍也大殷是後軍

也明啓肱是在旁之軍說文云肱掖下也肱是在旁明矣

凡言左右以左為先知啓是左也名之曰啓或使之先行

詩云以先啓行服虔引司馬注謀帥篇曰大前驅啓乘車

大晨倅車屬焉大晨大殷也音相齊侯遂伐晉取

朝歌

朝歌今屬汲郡

為二隊入孟門登太行

二隊分兵為二

部孟門晉隘道大行山在河內郡北

張武軍於熒庭

張武軍謂築壘壁熒庭晉地

成郛邵

取晉邑而守之

封少水

封晉尸於少水以為京觀

以報平陰

之役乃還

平陰役在十八年

趙勝帥東陽之師以

追之獲晏釐

趙勝趙旃之子東陽晉之山東魏郡廣平以北晏釐齊大夫

八月

叔孫豹帥師救晉次于雍榆禮也

救盟主故曰禮

疏

注張武軍謂築壘壁戰勝潘黨請築武軍昭十三年傳子子帥陳蔡之師

正義曰宣十二年傳稱楚既入楚陳蔡請為武軍蔡公曰欲

日役病矣請藩而已乃藩為軍以此知武軍謂築壘壁也張謂張設築作之具服

虞云張設旗此也。注趙勝至大夫。正義曰昭二十二年傳曰荀吳略東陽遂襲鼓滅之鼓在鉅鹿居山之東山東曰朝陽知東陽是寬大之語。摠謂晉之山東故爲魏郡廣平以北二年齊晏弱城東陽以福萊哀八年吳伐魯克東陽而晉齊魯皆有東陽名同而實異服虔以東陽爲魯邑繆之甚矣東陽之師謂下文叔孫豹所帥者也。注救盟主故曰禮。正義曰公羊傳曰曷爲先言救而後言次先通君命也僖元年齊師宋師曹師次子聶北救邢公羊傳曰曷爲先言次而後言救君也其意言君則進止自由故先次後救臣則先通君命故先救後次賈氏取以爲說謂此傳云禮者言其先救後次爲得禮也釋例曰所記或次在事前次以成事也或次在事後事成而次也皆隨事實無義例也叔孫豹次于雍榆傳曰禮者善其宗助盟主非以次爲禮也齊桓次于聶北救邢亦以存邢具其器用師人無私見善不在次也杜以此故季武子無適子言救盟主故曰禮所以明異舊說也。季武子無適子

公彌長而愛悼子欲立之

公彌公鉏悼子紇也

訪於申

豐曰彌與紇吾皆愛之欲擇才焉而立之

申豐趨退歸盡室將行

申豐季氏屬大夫

他日又訪

焉對曰其然將具敝車而行

其然猶必爾

乃止

止不立紇

訪於臧紇臧紇曰飲我酒吾為子立

之季氏飲大夫酒臧紇為客

為上賓

既獻已

酒臧孫命北面重席新樽絜之

酒樽既新復絜潔之

召

悼子降逆之大夫皆起

臧孫下迎悼子

及旅而召

公鉏

獻酬禮畢而通行為旅

使與之齒

使從庶子之禮列在悼子之下

季孫

失色

恐公鉏不從

季氏以公鉏為馬正

馬正家司馬

愠

而不出閔子馬見之

閔子馬閔馬父

曰子無然禍福

無門唯人所召為人子者患不孝不患無

所

所位處

敬共父命何常之有

言廢置在父無常位也

若

能孝敬富倍季氏可也

父寵之則可富

茲回不軌

禍倍下民可也

禍甚於貧賤

公鉏然之敬共朝夕

恪居官次

次舍也

季孫喜使飲已酒而以具

往盡舍旃

具饗燕之具

故公鉏氏富又出為公左

宰

出季氏家臣仕於公

孟孫惡臧孫

不相善

季孫愛之

其愛

成己志

孟氏之御騶豐點好羯也

羯孟莊子之庶子孺子秩之弟

孝伯也

曰從余言必為孟孫

為孟孫後

再三云羯從

之孟莊子疾豐點謂公鉏苟立羯請讎臧

氏

使孟氏與公鉏共憎臧孫

公鉏謂季孫曰孺子秩固其所

也

固自當立

若羯立則季氏信有力於臧氏矣

臧氏

固季孫之欲而為定之猶為有力今若專立孟氏之少則季氏有力過於臧氏

弗應已卯孟

孫卒公鉏奉羯立于戶側

戶側喪主

季孫至入

哭而出曰秩焉在公鉏曰羯在此矣季孫

曰孺子長公鉏曰何長之有唯其才也

季孫

廢鉏立統云欲擇才故以此答之

且夫子之命也

遂誣孟孫

遂立羯

秩奔邾臧孫入哭甚哀多涕出其御曰孟

孫之惡子也而哀如是季孫若死其若之

何臧孫曰季孫之愛我疾疢也

常志相顧從身之害

孟孫之惡我藥石也

常志相連疾猶藥石之療疾

美疢不

如惡石夫石猶生我

愈己疾也

疚之美其毒游

多孟孫死吾亡無日矣孟氏閉門告於季

孫曰臧氏將爲亂不使我葬

欲爲公鉏
讎臧氏

季孫

不信臧孫聞之戒

戒爲備也

冬十月孟氏將辟

藉除於臧氏

辟穿藏也於臧氏
借人除葬道

臧孫使正夫助

之

正人除於東門甲從已而視之

畏孟氏故從
甲士視作者

孟

氏又告季孫季孫怒命攻臧氏

見其有
甲故

乙亥

臧紇斬鹿門之闕以出奔邾

魯南城
東門

初臧

宣叔娶于鑄生賈及爲而死

鑄國齊北蛇丘縣所治

繼

室以其姪

女子謂兄弟之子爲姪

穆姜之姨子也

姪穆姜姨母之

子與穆姜爲姨昆弟

生紇長於公宮姜氏愛之故立之

立爲宣叔嗣

臧賈臧爲出在鑄

還舅氏也

臧武仲自邾

使告臧賈且致大蔡焉

大蔡大龜

曰紇不佞失

守宗祧

遠祖廟爲祧

敢告不弔

不爲天所弔恤

紇之罪不

及不祀

言應有後

子以大蔡納請其可

請爲先人立後

賈

曰是家之禍也非子之過也賈聞命矣再

拜受龜使爲以納請

賈使爲爲己請

遂自爲也

爲自爲請

臧孫如防

防臧孫邑

使來告曰紇非能害也知

不足也

言使甲從己但慮事淺耳

非敢私請

爲其先入請也

苟守先

祀無廢二勲

二勲文仲宣叔

敢不辟邑

據邑請後故孔子以爲要君

乃立臧爲臧紇致防而奔齊其人曰其盟

我乎

謂陳其罪惡盟諸大夫以爲戒

臧孫曰無辭

廢長立少季孫所忌故謂

無辭以罪己

將盟臧氏季孫召外史掌惡臣而問

盟首焉

惡臣謂奔亡者盟首載書之章首

對曰盟東門氏也曰

母或如東門遂不聽公命殺適立庶

文公命立子惡

公子遂殺之立宣公

盟叔孫氏也曰母或如叔孫僑如

欲廢國常蕩覆公室

謂諸公與季孟於晉

季孫曰臧

孫之罪皆不及此孟叔曰盍以其犯門斬

關季孫用之乃盟臧氏曰無或如臧孫紇

干國之紀犯門斬關

干亦犯也

臧孫聞之曰國

有人焉誰居其孟叔乎

孟叔孟獻子之孫子服惠伯居猶與也

疏

注獻酬至爲旅正義曰案鄉飲酒禮主人席於阼階上西面賓席於堂戶西南面介席於西階上東面衆賓席於

上賓之西南面初賓介及衆賓至立於門外東面主人出迎於門外西面主人延賓入及介衆賓等立於西階下主人揖賓升主人酌酒於阼階上拜獻賓賓西階上拜受飲卒爵酌酒以酢主人主人阼階上飲卒爵又酌酒先自飲以酬賓賓拜受酬酒奠于薦東賓降主人又酌酒於西階上獻介介於西階上受爵飲卒爵酌以酢主人主人於西階上受爵飲卒爵介降主人又酌酒於西階上獻衆賓衆賓飲訖降引樂工入歌詩主人獻樂工又引笙入立於堂下主人獻笙師訖主人及賓介衆賓等皆升就席乃立相者爲司正使弟子一人舉觶於賓賓酬主人主人酬介介酬衆賓是爲旅也杜言獻酬禮畢者謂獻酬賓介及衆賓禮畢也言通行爲旅者謂一人舉觶於賓旅衆相酬通至於下衆鄉飲酒禮未旅以前賓介皆立此傳云大夫皆起則季氏飲大夫酒未必純如鄉飲酒禮則獻酬事訖大夫皆坐然則既獻召悼子者謂獻臧紇及大夫訖而召悼子至旅酬之時而召公鉏若能至民可也正義曰悼子

既爲適子將承季氏之後故謂悼子爲季氏下言爲孟孫
其意亦然富倍季氏言可過悼子也姦回不軌更獲罪戾
非徒貧賤而已是爲倍下民故杜云禍甚於貧賤也 孟
氏之御駟 正義曰成十八年傳曰程鄭爲乘馬御六
屬焉使訓羣駟知禮注云六駟六閑之駟則駟是掌馬之
官蓋兼掌御事謂之御駟 信有力於臧氏矣 正義曰
不應得而得之則彼荷其恩故功力多也 立于戶側
正義曰喪大記云大夫之喪主人坐于東方此立于戶側
則在室戶之東西而立也禮記云坐此云立者以季孫來
故立耳 孟孫至石也 正義曰治病藥分用石本草所
云鍾乳礬磁石之類多矣 夫石猶生我 正義曰服虔
云夫謂孟孫也桓十三年傳夫固謂君夫豈不知服虔云
夫謂闕伯比也二十六年傳夫不惡女乎服虔並云夫謂
大子也其年又曰夫獨無族姻乎杜云夫謂晉也三十一
年傳夫亦愈知治矣杜云夫謂尹何皆謂所斥前人爲夫
此言之類也 注正夫遂正 正義曰七年傳稱叔仲昭

伯爲隧正謂南遺請城費吾多與而役是役夫遂正所主
知此正夫是遂正也遂正當屬司徒臧氏爲司寇而借之
於臧氏者蓋當時臧氏兼主掌之注魯南城東門正義曰蓋舊名猶在相傳如此也且邾在魯之東南奔邾出
此門爲便注姪穆至昆弟正義曰釋親云妻之姊妹
同出爲姨孫炎曰同出俱已嫁也然則據父言之謂之姨
據子言之當謂之從母但子效父語亦呼爲姨姨子昆弟
即喪服從母昆弟是也故曰姨昆弟注大蔡大龜正義曰漢書食貨志云元龜爲蔡論語云臧文仲居蔡家語
稱漆彫平對孔子云臧氏有守龜其名曰蔡文仲三年而
爲一兆武仲三年而爲二兆是大蔡爲大龜蔡是龜之名
耳鄭玄云出蔡地因以名焉非也注言應有後正義
曰禮天子封諸侯以國諸侯賜大夫以族天子不滅國諸
侯不滅族有小罪則廢其身擇立次賢使紹其先祀論語
云興滅國繼絕世謂此也必有大罪乃得滅之周禮大司
馬云外內亂鳥獸行則滅之是也武仲自言罪輕不及於

不祀言其應有後也、注二勲文仲宣叔 正義曰哀二
十四年傳曰晉侯將伐齊使來乞師曰昔臧文仲以楚師
伐齊取穀臧宣叔以晉師伐齊取汶陽寡君欲微福於周
公願乞靈於臧氏是二勲謂文仲宣叔也 季孫召外史
正義曰周禮外史掌書外令掌四方之 志今季孫召外史蓋魯亦立此官也 晉人克欒盈

于曲沃盡殺欒氏之族黨欒魴出奔宋書

曰晉人殺欒盈不言大夫言自外也自外犯君而入

非復晉大夫齊侯還自晉不入不入國遂襲莒門于

且于且于莒邑傷股而退齊侯傷明日將復戰期

于壽舒壽舒莒地杞殖華還載甲夜入且于之

隧宿於莒郊

二子齊大夫且于隧狹路

明日先遇莒子於

蒲侯氏

蒲侯氏近莒之邑

莒子重賂之使無死曰

請有盟

欲以盟要二子無致死戰

華周對曰貪貨棄命

亦君所惡也

華周即華還

昏而受命日未中而

棄之何以事君莒子親鼓之從而伐之獲

杞梁

杞梁即杞殖

莒人行成

勝大國益懼故行成

齊侯歸遇杞

梁之妻於郊

梁戰死妻行迎喪

使弔之辭曰殖之有

罪何辱命焉

言若有罪不足弔

若免於罪猶有先人

之敝廬在下妾不得與郊弔

婦人無外事故下猶賤也

齊

侯弔諸其室

傳善婦人有禮

疏

夜入且于之隧正義曰既入而又得出宿知所入

非城邑也故杜以爲狹道檀弓說此事云齊莊公襲莒于奪杞梁死焉言于奪則當爲地名鄭玄引此傳云隧奪聲相近言其與此一事則謂此亦爲地名若是地名不得云且于之隧即如記文蓋當且于之旁別有奪地非此且于之隧也注婦人至賤也正義曰檀弓云哀公使人弔黃尚遇諸道辟於路畫宮而受弔焉曾子曰黃尚不如杞梁之妻之知禮也鄭玄云行弔禮於野非也然則男子亦不得受野弔而言婦人無外事者檀弓云君遇柩於路必使人弔之鄭玄云君於民臣有父母之恩是男子從柩在野則得野受弔婦人無外事雖從柩亦不得野受弔耳若男子得受野弔而曾子非黃尚者以黃尚在朝顯著故宜弔於其家若君遇柩於路使人弔之者謂庶人及微小之

臣也檀弓因黃尚而說此事云杞梁死其妻迎其柩於路而哭之哀則杞梁之妻於時從杞梁柩雖從柩而辭不受弔是由異於男子故也服虔以下從上讀言敝廬在下禮記無下知下猶賤謙言賤妾也齊侯將爲

臧紇田

與之田邑

臧孫聞之見齊侯與之言伐晉

齊侯自道伐晉之功

對曰多則多矣抑君似鼠夫鼠晝

伏夜動不宐於寢廟畏人故也今君聞晉

之亂而後作焉

作起兵也

寧將事之非鼠如何

乃弗與田

臧孫知齊侯將敗不欲受其邑故以比鼠欲使怒而止

仲尼曰知

之難也有臧武仲之知

謂能辟齊禍

而不容於魯

國抑有由也作不順而施不怨也夏書曰

念茲在茲

逸書也念此事在此身言行事當常念如在我身也

順事恕施

也

不亢於寢廟正義曰一解鼠不敢穿寢廟墻以爲穴者即畏人故也但寢則近人廟則幽靜

鼠不穿廟豈是畏人故知寢廟間雅鼠不即以爲穴必須穿壁始敢安處止爲畏人故也計燕巢鼠穴自是其常假喻言之不可執此爲難也作不至怨也正義曰服虔云不順謂阿季氏廢長立少也不怨謂惡孟氏立庶也然則作而不順當如服言傳無惡孟氏之事故不取當謂知其不可而爲之是不怨也

經二十有四年春叔孫豹如晉

賀克

仲孫

羯帥師侵齊夏楚子伐吳秋七月甲子朔

日有食之既

傳無

疏

秋七至之既

正義曰

漢書律

月二十三分月之二十乃爲一交以爲交在望前朔則日食望則月食交在望後望則月食後月朔則日食交正在朔則日食既前後望不食交正在望則月食既前後朔不食而二十一年九月十月頻月日食此年七月八月頻月日食凡交前十五度交後十五度並是食竟去交遠則日食漸少去交近則日食漸多正當交則日食既若前月在交初一度日食則至後月之朔日猶在交之末度未出食竟月行天既而來及於日或可更食若前月日在交初二度以後則後月復食無理今七月日食既而八月又食於推步之術必無此理蓋古書磨滅致有錯誤劉炫云漢末以來八百餘載考其注記莫不皆爾都無頻月日食之事計天道轉運古今一也後世既無其事前世理亦當然而今有頻食於術不得有交之所在日月必食日食在朔月食在望日月共盡一體日食少則月食多日食多則月食

少日食盡則前後望月不食月食盡則前後朔日不食以
其交道既不復相脗故也此與二十一年頻月日食理必
不然但其字則變古為篆改篆為隸書則隸以代簡紙以
代縑多歷世代年數遙遠喪亂或轉寫誤失其本真先儒
因循莫敢改易執文求義理必不通後之學者宜知此意

齊崔杼帥師伐莒

大水

無傳

八月癸巳朔日有食之

無傳

公會晉

侯宋公衛侯鄭伯曹伯莒子邾子滕子薛

伯杞伯小邾子于夷儀冬楚子蔡侯陳侯

許男伐鄭公至自會

無傳

陳鍼宜咎出奔楚

陳鍼子八世孫慶氏之黨書名惡之也

疏

注陳鍼子八世孫正義曰世本文也

叔孫豹如

京師大饑

無傳

傳二十四年春穆叔如晉范宣子逆之問焉曰古人有言曰死而不朽何謂也穆叔未對宣子曰昔甸之祖自虞以上為陶唐

氏

陶唐堯所治地人原晉陽縣也終虞之世以為號故曰自虞以上

在夏為御龍

氏

謂劉累也事見昭二十九年

在商為豕韋氏

豕韋國名東郡白馬縣東

南有韋城

在周為唐杜氏

唐杜二國名殷末豕韋國於唐周成王滅唐遷之於杜為

杜伯杜伯之子隰叔奔晉四世及士會食邑於范復為范氏杜今京兆杜縣

晉主夏盟為

范氏其是之謂乎

晉為諸夏盟主范氏復為之佐言已世為興家

穆叔

曰以豹所聞此之謂世祿非不朽也魯有

先大夫曰臧文仲既沒其言立

立謂不廢絕

其

是之謂乎豹聞之犬上有立德

黃帝堯舜

其次

有立功

禹稷

其次有立言

史佚周任臧文仲

雖久不廢

此之謂不朽若夫保姓受氏以守宗枋

枋廟

世不絕祀無國無之祿之大者不可謂

不朽

傳善穆叔之知言

疏

注陶唐至以上正義曰如杜此注陶唐共為一名即是晉陽縣也

舊例云晉大鹵大原大夏參虛晉陽六名大原晉陽縣也
唯載六名而言不及唐釋例又別記小國所都唐大原晉
陽縣也亦云唐是晉陽而言不及陶則以陶與唐別不是
共爲一名也史記云帝堯爲陶唐氏韋昭云陶唐皆國名
猶湯稱殷商也案經傳契居商故湯以商爲國號後盤庚
遷殷故殷商雙舉歷檢書傳未聞帝堯居陶而以陶冠唐
蓋地以二字爲名所稱或單或複也張晏云堯爲唐侯國
於中山唐縣然則唐是中山縣名非晉陽也堯自唐侯而
升爲天子既爲天子乃治於晉陽故杜於晉陽六名言不
及唐記其諸國之都乃云唐是晉陽言堯爲天子號曰陶
唐其治在晉陽耳唐非晉陽縣內之地名也舜受堯禪封
堯子丹朱爲王者之後猶稱爲唐其名不易終虞之世以
陶唐爲號故曰自虞以上也 注謂劉至九年 正義曰
昭二十九年傳曰陶唐氏既衰其後有劉累學擾龍于秦
龍氏以事孔甲夏后嘉之賜氏曰御龍 注豕韋至韋城
正義曰鄭語云祝融之後八姓大彭豕韋爲商伯矣又曰

彭姓彭祖不韋則商滅之矣賈逵云大彭不韋爲商伯其
後世失道殷德復興而滅之然則商之初不韋國君爲彭
姓也其後乃以劉累之後代之亦不知殷之何王滅彭姓
而封累後也昭二十九年傳稱夏王孔甲嘉劉累賜氏曰
御龍以更不韋之後則賜劉累身封不韋而此云在商爲
不韋氏者杜於彼注云劉累代彭姓之不韋累尋遷魯縣
不韋復國至商而滅累之後世復承其國爲不韋氏是杜
解劉累及其後世再封不韋之事 注唐杜至杜縣 正
義曰以國語杜伯文不連唐知唐杜二國名又以不韋爲
一嫌唐杜亦一故辨之也昭元年傳稱堯遷實沈于大夏
唐人是因以服事夏商其季世曰唐叔虞及成王滅唐而
封大叔是言周成王滅唐也周語曰周之衰也杜伯射宣
王於鎬是周有杜國故杜以爲成王滅唐遷之於杜爲杜
伯也晉語訾叔對范宣子云昔隰叔子違周難奔於晉生
子輿爲司空世及武子佐文襄爲卿以輔成景後之人可
則是以受隨范賈逵云宣王殺杜伯其子逃而奔晉子輿

士薦字武子士會也會士薦之孫是隰叔四世及上會食
邑於范爲范氏也劉炫云案杜於昭元年注云唐人若劉
累之等累遷魯縣此在大夏即如彼言則居唐之人非累
之與此注何云豕韋國於唐也又據何文知初封於唐後
封於杜乎今知劉說非者彼注雖似有異其義與此不殊
彼傳云唐人是因杜以唐人非一人之稱故云劉累之等
謂累之子孫故云之等也累遷魯縣傳云唐人是因因居
大夏則累之子孫遷居大夏也杜知殷末封之於唐者以
周成王滅唐故也知後封於杜者以宣王時有杜伯故也
是成王之時有唐無杜宣王之時有杜無唐故杜爲此解
劉炫又規云唐非豕韋之削杜亦未必是後安知滅唐遷
於杜也賈逵注國語云武王封堯後爲唐杜二國以爲並
時爲國非滅唐封杜劉以爲唐非劉累之後又取賈逵注
國語武王封堯後爲唐杜二國以爲二國並封而規杜氏
非也炫謂宣子歷言己之宗族於上世有國有家未必繼
體相承炫於處參爲劉謂非丘明之筆豕韋唐杜不信元

凱之言已之遠近數自譏訐或聞此義必將見嗤但傳言於人懼誤後學言之所見不敢有隱唯賢者裁之 大上至立言 正義曰大上其次以人之才知淺深爲上次也大上謂人之最上者上聖之人也其次次聖者謂大賢之人也其次又次大賢者也立德謂創制垂法博施濟衆聖德立於上代惠澤於無窮故服以伏羲神農杜以黃帝堯舜當之言如此之類乃是立德也禮運稱禹湯文武成王周公後代人主之選計成王非聖但欲言周公不得不言成王耳禹湯文武周公與孔子皆可謂立德者也立功謂拯厄除難功濟於時故服杜皆以禹稷當之言如此之類乃是立功也祭法云聖王之制祭祀也法施於民則祀之以死勤事則祀之以勞定國則祀之能禦大菑則祀之能捍大患則祀之法施於民乃謂上聖當是立德之人其餘勤民定國禦災捍患皆是立功者也立言謂言得其要理足可傳記傳稱史逸有言論語稱周任有言及此臧文伯既汲其言存立於世皆其身既沒其言尚存故服杜皆

又史佚周任臧文仲當之言如此之類乃是立言也老莊
荀孟管晏楊墨孫吳之徒制作子書屈原宋玉賈逵楊雄
馬遷班固以後撰集史傳及制作文章使後世學習皆是
立言者也此三者雖經世代常不朽腐故穆子歷言之

注祊廟門 正義曰釋宮云祊謂之門李巡曰祊
故廟門名也孫炎曰詩云祝祭於祊謂廟門也 范宣

子爲政諸侯之幣重鄭人病之二月鄭伯

如晉子產寓書於子西以告宣子寓寄也 曰

子爲晉國四鄰諸侯不聞令德而聞重幣

僑也惑之僑聞君子長國家者非無賄之

患而無令名之難夫諸侯之賄聚於公室

則諸侯貳

貳難也

若吾子賴之則晉國貳

賴持

用之諸侯貳則晉國壞晉國貳則子之家壞

何沒沒也

沒沒沈滅之言

將焉用賄夫令名德之興

也

德須令名以遠聞

德國家之基也有基無壞無亦

是務乎有德則樂樂則能久詩云樂旨君

子邦家之基有令德也夫

詩小雅言君子樂美其道為邦家之基所

以濟令德

上帝臨女無貳爾心有令名也夫

詩大雅言

武王為天所臨不敢懷貳心所以濟令名

恕思以明德則令名載而

行之是以遠至邇安毋寧使人謂子子實

生我

無寧寧也

而謂子浚我以生乎

浚取也言取我財以自生

象有齒以焚其身賄也

焚斃也

宣子說乃輕

幣是行也鄭伯朝晉爲重幣故且請伐陳

也鄭伯稽首宣子辭子西相曰以陳國之

介恃大國而陵虐於敝邑

介因也大國楚也

寡君是

以請罪焉

請得罪施陳也

敢不稽首

爲明年鄭入陳傳

疏

詩云

至名也夫正義曰詩小雅南山有臺之篇旨美也言有樂美之德君子以有樂美之德故爲邦家之基本也此詩

所言言此君子有公德也夫只引詩大雅大明之篇詩人謂武王云上天之意臨視女武王矣言武王爲天所臨不敢懷貳於女之心此詩所言言武王有令名也夫樂美君子者言君子有可樂可美之德也劉炫云詩人謂武王云上天之意臨視女武王故在下臣民無懷貳於女之心也毋寧至生乎正義曰無寧寧也言人等作二事爲不取人財寧使人謂子實能生養我民也爲多取人財使人言子不能自活而須我民財以生活乎此二者孰勝也注焚斃也正義曰焚是燒也象不燒死故訓爲斃服虔云焚讀曰債債僵也爲生齒牙僵仆其身孟孝

伯侵齊晉故也

前年齊伐晉魯爲晉報侵

夏楚子爲舟師

以伐吳

舟師水軍

不爲軍政

不設賞罰之差

無功而還

爲下

吳召舒鳩起本

齊侯既伐晉而懼將欲見楚子楚

子使蘧啓彊如齊聘且請期請會期齊社蒐

軍實使客觀之祭社因閱數軍器以示蘧啓彊陳文子曰齊

將有寇吾聞之兵不戢必取其族戰藏也族類也取其

族還自害也秋齊侯聞將有晉師夷儀之師使陳無宇

從蘧啓彊如楚辭且乞師辭有晉師未得相見崔杼帥

師送之遂伐莒侵介根介根莒邑今城陽黔陬縣東北計基城是也齊

既與莒平因兵出侵之言無信也會于夷儀將以伐齊水不克

晉合諸侯以報前年見伐冬楚子伐鄭以救齊門于東門

次于棘澤

以齊無字乞師故也

諸侯還救鄭

夷儀諸侯

晉侯

使張骼輔蹶致楚師求御于鄭

欲得鄭人自御知其地利

故也鄭人卜宛射犬吉

射犬鄭公孫

子大叔戒之曰

大國之人不可與也

言不可與等也欲使卑下之大叔游吉

對曰

無有衆寡其上一也

言在己上者有常分無大小國之異

大叔曰

不然部婁無松栢

部婁小阜松栢大木喻小國異於大國

二子在

幄坐射犬于外

二子張骼輔蹶幄帳也

既食而後食之

使御廣車而行

廣車兵車

已皆乘乘車

乘車安車

將

及楚師而後從之乘皆踞轉而鼓琴

轉衣裝

近不告而馳之

射犬恨故近敵不告而馳

皆取胄於橐而

胄入壘皆下搏人以投收禽挾囚

禽獲也

弗

待而出

射犬又不待二子

皆超乘抽弓而射既免復

踞轉而鼓琴曰公孫同乘兄弟也

言同乘義如兄弟

胡再不謀

謂不告而馳不待而出

對曰曷曩者志入而已

今則怯也皆笑曰公孫之亟也

亟急也言其性急不能受

屈

疏

無有至一也

正義曰射犬之意言我與彼俱是大夫無有國土大小人民衆寡之異其在我上彼

此一也其意言我下鄭卿亦下晉卿彼若是卿我當下之
彼是大夫我不下之注部婁至大國正義曰釋地云

大陸曰阜大阜曰陵李巡曰大陸謂土地高大名曰阜阜
最大為陵則阜地之高者是丘陵之類也部婁小阜相傳
為然大山有松栢小阜無松栢小阜異於大山喻小國異
於大國不得與大國之人等也服虔云喻小國無賢材知
勇之人而與大國等也注轉衣裝正義曰踞謂坐其
上也戰車所有可坐其上明是衣囊耳當是盛衣甲之囊
也下云取冑於橐當別有小囊盛冑定本作衣裝曩者
至怯也正義曰曩猶向也向者志入前敵而馳馳入遇
快而出非是
故不告也
楚子自棘澤還使薳啟彊帥師

送陳無宇

傳言齊楚固相結也

吳人為楚舟師之役故

在此

召舒鳩人舒鳩人叛楚

舒鳩楚屬國召欲與共伐楚

楚

子師于荒浦

荒浦舒鳩地

使沈尹壽與師祁犁讓

之

二子楚大夫

舒鳩子敬逆二子而告無之且請

受盟二子復命王欲伐之遠子曰不可

尹令

遠子馮

彼告不叛且請受盟而又伐之伐無罪

也姑歸息民以待其卒

卒終也

卒而不貳吾

又何求若猶叛我無辭有庸乃還

彼無辭我

年楚滅舒鳩傳

陳人復討慶氏之黨鍼宜咎出奔楚

言宜咎所以稱名

齊人城邾

邾王城也於是穀維闢毀王宮齊叛晉欲求媚於天子故爲王

城之穆叔如周聘且賀城王嘉其有禮也賜

之大路

大路天子所賜車之揔名爲昭四年叔孫以所賜路葬張本

疏

注郊王至城之正

義曰傳稱成王定鼎于郊鄩周公就而營之謂之洛邑亦名王城其地舊名爲郊故以郊爲城名周語云靈王二十二年穀洛關毀王宮計靈王以二年即位往年爲二十二年往年毀壞其城故齊人今歲爲王城之也

晉

侯璧程鄭使佐下軍

代稟盈也

鄭行人公孫揮

如晉聘

揮子羽也

程鄭問焉曰敢問降階何由

問自降下之道

子羽不能對歸以語然明

然明

然明

曰是將死矣不然將亡貴而知懼懼而思

降乃得其階

階猶道也

下人而已又何問焉

言易知

且夫既登而求降階者知人也不在程鄭
其有亡覺乎不然其有惑疾將死而憂也

言鄭本小人爲明

疏

注問自降下之道

正義曰下注

年程鄭卒張本

階猶道也知問降階者問自降下

之道程鄭既得爲卿以卿是高位欲降意下人故問自降
下之道其有至憂也正義曰程鄭忽問降階然明議

其將死故云此程鄭身有罪禍懼奔亡之覺而輒問降階
也若不然則有迷惑之疾將死而憂乎何休難此云善言
者君子所尚有小人道之輒爲死傷是善言不可出口此
未得傳之意也然明者鄭之知人知程鄭以佞媚嬖幸得
升卿位非有謙退止足之心今忽問降階是改其常度以
其改常知其將死故疑其知將有亡覺惑疾而憂故能出

此語耳善言非其常所以知其死非謂口出善言即當死也趙文子賢人也將死其語偷程鄭小人也將死其言善俱是失常無所怪惑也

經二十有五年春齊崔杼帥師伐我北鄙

夏五月乙亥齊崔杼弑其君光

齊侯雖背盟主未有無道

於民故書臣罪崔杼也

公會晉侯宋公衛侯鄭伯曹伯

莒子邾子滕子薛伯杞伯小邾子于夷儀

六月壬子鄭公孫舍之帥師入陳

子產之言陳以不義

見入故舍之無譏釋例詳之

疏

注子產至詳之正義曰釋例曰陳蔡楚之與國鄭欲求親於晉故伐而

入之晉士莊伯詰其侵小問陳之罪子產答以東門之役故免於譏及其侵蔡既無晉命又無直辭君死主少與師以求媚於晉義取亂略不能以德懷親又不能以直報怨故二大夫異於子產也陳之見伐本以助晉晉不逆勢而以法詰之得盟主遠理故仲尼曰晉爲伯鄭入陳非文辭不爲功善之也

秋八月己巳諸

侯同盟于重丘

夷儀之諸侯也重丘齊地己巳七月十二日經誤

疏

注夷

儀至經誤

正義曰僖五年公及齊侯云云會王世子子首止秋八月諸侯盟于首止公羊傳曰諸侯何以不序二

事而再見者前目而後凡也是言前序後摠取省文之義故此直言諸侯猶是上夷儀之諸侯也劉炫云定四年公會劉子云云于召陵五月公及諸侯盟于皐鼬杜云復稱公者會盟異處故此亦異處而不言公者炫謂史異辭於彼有規傳云七月經言八月杜以長歷公至自會

傳無

按之七月十二日有己巳知是經誤也

衛侯入于夷儀

夷儀本邢地衛滅邢而為衛邑
縣衛衍失國使衛分之一邑書入

者自外而入之

統

注夷儀至之例

正義曰僖元年邢

辭非國逆之例

統

述于夷儀是夷儀本是邢地僖二十

五年衛滅邢而有之還名其地為夷儀故為衛之邑也釋
例曰春秋稱入其例有二施於師旅則曰不地在於歸復

則曰國逆國逆又以立為例逆而不立則皆非例所及諸
在例外稱入直是自外入內記事者常辭義無所取而實

氏雖夫人姜氏之入皆以為例如此甚多是杜以先儒妄
以入例故顯言非國逆也於時剽為衛君非國逆又不得

位而稱侯者晉人稱為衛侯以告魯故書
侯也桓十五年鄭伯突入于櫟與此同也

楚屈建帥

師滅舒鳩

傳在衛侯入夷儀
上經在下從告

冬鄭公孫夏帥

師伐陳

陳猶
未服

十有二月吳子遏伐楚門

不巢卒

過諸樊也為巢牛臣所殺不書滅者楚人不獲其尸吳以卒告未同盟而赴以名

歸

吳子至巢卒正義曰諸侯不生名此吳子名在伐楚上為卒書名上之以省文猶鄭伯髡頑如會丙戌卒于鄭也

傳二十五年春齊崔杼帥師伐我北鄙以

報孝伯之師也

前年魯使孟孝伯為晉伐齊

公患之使告

于晉孟公綽曰崔子將有大志

志在弑君孟公綽魯大夫

不在病我必速歸何患焉其來也不寇

使民不嚴

欲得民心

異於他日齊師徒歸

齊棠公之妻東郭偃之姊也

棠公齊棠公大夫

東郭偃臣崔武子棠公死偃御武子以弔

焉見棠姜而美之美其色也使偃取之為己取也偃

曰男女辨姓辨別也今君出自丁齊丁公崔杼之祖臣

出自桓不可齊桓公小白東郭偃之祖同姜姓故不可昏武子筮之

遇困三三坎下兌之大過三三巽下兌上大過困史

皆曰吉阿崔子示陳文子文子曰夫從風坎

中男故曰夫變而為巽故曰從風風墮妻不可娶也風能墮落物者變而墮也

故曰妻不可娶且其繇曰困于石據于蒺藜入于其

宮不見其妻凶

困六三爻辭

困于石往不濟也

此

險為水水之險者石不可以動

據于蒺藜所恃傷也

坎為險兌為澤澤之生物

而險者蒺藜恃之則傷

入于其宮不見其妻凶無所歸也

易曰非所困而困名必辱非所據而據身必危既辱且危死其將至妻其可得見邪今卜昏而遇此卦六三失位無

應則喪其妻失其所歸也

崔子曰嫠也何害先夫當之矣

寡婦曰嫠言棠公已當此凶

遂取之莊公通焉驟如崔氏

以崔子之冠賜人侍者曰不可公曰不為

崔子其無冠乎

言雖不為崔子猶自應有冠

崔子因是

是

公怒又以其間伐晉也

間晉之難而伐之

曰晉必將

報欲弑公以說于晉而不獲間公鞭侍人

賈舉而又近之乃為崔子間公

同公間隙

夏五

月莒為且于之役故莒子朝于齊

且于役在二十三年

甲戌饗諸北郭崔子稱疾不視事

欲使公來

乙

亥公問崔子

問疾

遂從姜氏姜入于室與崔

子自側戶出公拊楹而歌

歌以命姜

侍人賈舉

止衆從者而入閉門

為崔子閉公也重言侍人者別下賈舉

曰

公登臺而請弗許請免請盟弗許請自刃於

廟弗許求還廟自殺也皆曰君之臣杼疾病不能

聽命不能親聽公命近於公宮言崔子宮近公宮或淫者詐稱公陪臣干

輒有淫者不知二命干攝行夜言行夜得淫人受崔子命討之不知他命公

踰牆又射之中股反隊遂弑之賈舉州綽

邴師公孫敖封具鐸父襄伊倮堙皆死子八

皆齊勇力之臣為公所嬖者與公共死於崔子之宮祝佗父祭於高唐高唐有齊別廟

也至復命不說弁而死於崔氏爵弁祭服申蒯

侍漁者

侍漁監取無之官

退謂其宰曰爾以幣免

宰幣

之妻

我將死其宰曰免是反子之義也與

之皆死

反死君之義

崔氏殺驥蔑于平陰

驥蔑平陰大夫公外

嬖傳言莊公所養非國士故其死難皆嬖寵之人

晏子立於崔氏之門外

聞難而來

其人曰死乎曰獨吾君也乎哉吾死也

言已與衆臣無異

曰行乎曰吾罪也乎哉吾亡也

自謂無罪

曰歸乎曰君死安歸

言安可以歸

君民者豈以陵

陵是主臣君者豈爲其口實社稷是

養

言君不徒居民上臣不徒求祿皆爲社稷

故君爲社稷死則死之

爲社稷亡則亡之

謂以公義死亡

若爲已死而爲已

亡非其私暱誰敢任之

私暱所親愛也非所親愛無爲當其禍

且人有君而弑之吾焉得死之而焉得亡

之

言已非正卿見待無異於衆臣故不得死其難也

將庸何歸

將用死亡之義何所歸趣

門啓而入枕尸股而哭

以公尸枕已股

興三踊而出

人謂崔子必殺之崔子曰民之望也舍之

得民

合置也

盧蒲癸奔晉王何奔莒

二子莊公黨爲二十

八年殺慶

叔孫宣伯之在齊也

宣伯魯叔孫僑如成十六年奔

齊

叔孫還納其女於靈公嬖生景公

還齊羣公子納

宣伯女於靈公

丁丑崔杼立而相之慶封為左相盟

國人於大宮

大宮大廟

曰所不與崔慶者晏子

仰天歎曰嬰所不唯忠於君利社稷者是

與有如上帝乃歆

盟書云所不與崔慶者有如上帝讀書未終晏子抄答易其辭

因自歆

辛巳公與大夫及莒子盟

莒子朝齊遇崔杼作亂未去故

復與景公盟

大史書曰崔杼弑其君崔子殺之其

弟嗣晝而死者二人

嗣續也非前有三人死

其弟又晝乃

舍之南史氏聞大史盡死執簡以往聞既

書矣乃還

傳言齊有直史崔杼之罪所以聞

問丘嬰以帷縛

其妻而載之與申鮮虞乘而出

二子莊公近臣鮮

虞推而下之

下嬰妻也

曰君昏不能斥危不能

救死不能死而知匿其暱

匿藏也暱親也

其誰納之

行及弇中將舍

弇中狹道

嬰曰崔慶其追我鮮

虞曰一與一誰能懼我

言道狹雖衆無所用

遂舍枕轡

而寢

恐失馬也

食馬而食駕而行出奔中謂嬰

曰速驅之崔慶之衆不可當也遂來奔

道

衆得用故不可當

崔氏側莊公于北郭

側瘞埋之不殯於廟

丁亥

葬諸士孫之里

士孫人姓因名里死十三日便葬不待五月

四

喪車之飾

諸侯六翼

不蹕

蹕止行人

下車七乘不以兵甲

下車送葬之車齊舊

依上公禮九乘又有甲兵今皆降損

疏

注棠公至大夫稱王故縣尹稱公齊不僭號亦邑

正義曰楚僭號

長稱公者蓋其家臣僕呼之曰公傳即因而言之猶伯有之臣云吾公在壑谷也

注丁公

正義曰謚法遠義不

克曰丁遇困之大過正義曰坎下兌上爲困兌爲澤坎爲水水在澤下則澤中無水也易困象曰澤無水困澤

以鍾水潤生萬物今澤無水則萬物困病故名其卦爲困也巽下兌上爲大過彖曰大過大者過也陽大陰小二陰而夾四陽大者過也 史皆曰吉 正義曰史者筮人也史有多人皆言爲吉阿崔子之意也服虔云皆二卦妄也

注坎爲至以動

正義曰坎彖云習坎重險也說卦坎爲

水水之險者爲石也石不可動往而遇石是往不濟也

注坎爲至則傷

正義曰兌爲澤說卦文也釋草云茨蒺

梨郭璞曰布地蔓生細葉子有三角刺人蒺梨有刺是草

之險者踐之則被刺故恃之則傷也

注易曰至所歸

正義曰所引易曰易下繫辭文也孔子引此爻之辭而以

此言述之非所困而困者謂六三是坎坎爲水水之險者

爲石遇石當須辟之非合所困而乃困之故名必辱也非

所據而據謂六三在坎之上澤之下於蒺梨之間應當辟

之非合所據而乃據之故身必危也石未即害身之物所

以云名必辱蒺梨害體之物故云身必危既有困辱且復

傾危此死時其將至矣妻其可得見乎孔子述此爻之義

如是今卜昏而遇此卦是不吉之象也六三以陰居陽位是失位也三應在上上亦陰爻是無應也動而無應是喪失所歸故不見其妻也劉炫云困卦六三上承九四四非三應而三欲附之附之不入自取其困不應爲此困而爲之名必辱也六三失位而下乘九二以柔乘剛非安身之道不應據而據之身必危也不爲至宅乎正義曰公意言冠易得不足惜縱使餘人不爲崔子者其可無冠乎況崔子富貴其當自有冠也劉炫云冠是首服之大名周禮司服卿立冕此崔子之冠蓋立冕也今知非者以禮還云冕弁兵革藏於私家非禮也崔子冕在公府非助君祭不得用之將以賜人人非是卿何處施用案傳云驟如崔氏以崔子之冠賜人當謂就崔子家以崔子冠賜人當是立冠也或冠模制作有異故以賜人也注干揅至他命正義曰昭二十年傳說齊公孫青聘衛之事云賓將揅主人辭賓曰若不獲扞外役是不有寡君也乃親執鐸終夕與於燎燎即是揅之事扞外役即是干之義也故先儒相

傳皆以干振爲行夜說文云振夜戒守有所擊從手取聲
夜扞寇盜手有所擊故以干振爲行夜官名也服虔云
曰干扞也詎謀也言受崔子命糾禦謀淫之人有此謬說
故振字或誤從言也今定本作干振受崔子之命又受公
命是爲二命故云受崔子命討之不知他命也 又射之
中股 正義曰上未有射公之文而云又射之者以公未
踰牆必已射公但射公不中傳文不載以踰牆射之中股
故傳言其事而云又也 注喪車至六翼 正義曰周禮
縫人掌衣翼柳之材鄭玄云必先纁衣其木乃以張飾也
喪大記云飾棺君黼翼二黻翼二畫翼二鄭玄云漢禮翼
以木爲筴廣三尺高二尺四寸方兩角高衣以白布畫者
畫雲氣其餘各如其象柄長五尺車行使人持之而從既
定樹於塋中檀弓曰周人纁置翼是也是說翼之制也方
言云自闕而東謂扇爲翼則翼是扇之類也禮器云天子
八翼諸侯六翼大夫四翼鄭玄云八翼者加龍翼二 不
踰 正義曰禮喪車乘人專道而行無貴賤一也踰者止

行人也此不止行人略賤之注下車至降損正義曰服虔云下車遣車也雜記云遣車梘牢具鄭玄云言車多少各如所包遣奠牲體之數也然則遣車載所包遣奠而藏之者與遣奠天子大牢包九箇諸侯亦大牢包七箇大夫亦大牢包五箇士少牢包三箇大夫以上乃有遣車如鄭之所言遣車者乃是明器塗車芻靈載所包遣奠藏之於壙中下車若是明器則甲兵亦是明器當云無甲兵不得云不以甲兵也杜言送葬之車則謂此爲貳車非遣車也言下車者蓋謂嚴惡之車非良車也周禮大行人云上公貳車九乘侯伯貳車七乘子男貳車五乘則齊是侯爵法當車七乘耳今傳舉七乘言其不依舊法知齊舊依上公之禮貳車九乘其送葬又有甲兵今皆降損也用甲兵者葬是送終大禮法當備列軍陳若漢葬霍光發材官輕車比軍伍校士軍陳至茂陵以送其葬所以榮之也

晉侯濟自泮

泮關

會于夷儀伐齊以報朝歌

之役

朝歌役在二十三年不書伐齊齊人逆服兵不加

齊人以莊公說

以弑莊公說晉也

使隰鉏請成慶封如師

慶封獨使於晉不通諸侯

故不書鉏隰朋之曾孫

男女以班賂晉侯以宗器樂器

宗器祭祀之器樂器鐘磬之屬

自六正

三軍之六卿

五吏三十帥

五吏文職

三十帥武職皆軍卿之屬官

三軍之大夫百官之正長師旅

百官正長羣有司也師旅小將帥

及處守者皆有賂

皆以男女爲賂處守守國

者晉侯許之

晉侯受賂還不識者齊有喪師自宜退

使叔向告於

諸侯

告齊服

公使子服惠伯對曰君舍有罪

以靖小國君之惠也寡君聞命矣

疏

注以

公說晉也 正義曰劉炫云杜意言謀伐齊齊人乃弑莊
公以說晉也炫謂莊公死後晉始誅伐齊齊人以莊公伐
晉晉欲報伐莊公既以此說晉言晉讎既死今新君服從
晉也 男女以班 正義曰劉炫云哀元年蔡人男女以
辨與此同杜意男女分別將以賂晉也炫謂男女分別示
晉以恐懼服罪非以為賂也 注五吏至屬官 正義曰
此齊以晉將來伐就會賂之則五吏三十帥皆軍內之官
也三軍將佐有六與六正數同故以六正為六卿也其五
吏三十帥皆是軍內之官以三軍與六正數同必是在軍
之官但軍官不復可知下句言三軍之大夫百官之正長
則軍內羣官足包之矣於大夫之上言五吏三十帥此吏
帥未必貴於大夫當以有所掌故先言之耳以吏者治也
故為文職帥者有所率領故為武職杜氏以意而解不能
審悉故云皆軍卿之屬官略言之耳既以帥為武職則帥

是大帥下句復云師旅明當小於此帥故杜以下師旅為小將帥董遇云五吏謂一正有五吏為三十帥之長亦以意言之耳俗本三十帥為三十帥非也 注皆以男女為

賂

正義曰杜以上句男女以班與賂連文故云皆以男

女為賂劉炫以為男女以班示降服於晉有賂者皆有貨財賂之非以男女為賂與杜異也 注晉侯至宜退 正

義曰案傳會于斐戰伐齊以報朝歌之役齊人以莊公說則晉初伐齊之日未知莊公已死齊人以說方始知之齊既有喪師自須退避今受賂未合致譏故杜為此解而劉以為齊弑君之後晉始來伐而規杜氏非也 晉

侯使魏舒宛沒逆衛侯

衛懿公以十四年奔齊

將使衛

與之夷儀崔子止其帑以求五鹿

崔杼欲得衛之五鹿

故留衛侯妻子於齊以質之

師

崔子至五鹿子奔齊今衛侯將入夷儀崔子止其

正義曰衛侯本以妻

幣於齊所以止之以求五鹿故也衛侯若得
衛國望以五鹿與齊故止其妻子以質之也
初陳侯

會楚子伐鄭

在前年

當陳隧者井堙木刊

隧徑也堙塞也刊除也

鄭人怨之六月鄭子展子產帥

車七百乘伐陳宵突陳城

突穿也

遂入之陳

侯扶其大子偃師奔墓

欲逃冢間

遇司馬栢子

曰載余

陳之司馬

曰將巡城

不欲載公以巡城辭

遇賈獲

獲賈

陳大夫

載其母妻下之而授公車公曰舍而

母辭曰不祥

雖急猶不欲男女無別

與其妻扶其母以

奔墓亦免子展命師無入公宮與子旌親

御諸門

欲服之而已故禁侵掠

陳侯使司馬栢子賂以

宗器陳侯免擁社

免喪服擁社抱社主示服

使其衆男女

別而壘以待於朝

累自囚係以待命

子展執縶而見

見陳侯

再拜稽首承飲而進獻

承飲奉觴示不失臣敬

子

美入數俘而出

子美子產也但數其所獲人數不將以歸

祝祓社司

徒致民司馬致節司空致地乃還

祓除也節兵符陳亂

故正其衆官脩其所職以安定之乃還也



注累自至待命二年楚子入鄭鄭伯肉袒齊羊

正義曰宣十

所以不別以男女囚繫以待命者此雖降服猶望國存故以囚繫男女擬爲鄭之僕隸彼則恐其遂滅請俘江南國已亡滅男女非已之有故與此不同注被除至還也正義曰周禮女巫巫掌歲時被除釁浴鄭玄云歲時被除如今三月上巳如水上之類釁浴謂以香薰草藥沐浴彼言被除知此被社是禘除也其被除之事當如鄭之言也周禮有掌節之官節爲兵符若今之銅虎符竹使符也陳國既亂致使官司廢闕民人分散符節失亡故令陳之司徒招致民人司馬集致符節司空檢致土地使各依其舊師乃迴還也劉炫云陳國既亂民節與地非復陳有子展子產心不滅陳各使已之官屬各依其職事致之於陳使民依職領受具其衆官備其所職以安定之乃還也諸官皆鄭人在軍有此官者蓋權使攝爲之未必是正官服虔以爲祝與司徒等皆是陳人各致其所主於子產案傳陳侯擁社自抱以逆又何須祝被之子美數俘獲尚不取何當取其民地使陳致之既致乃還則是滅矣何以云入陳也

秋七月己巳同盟于重丘齊成故也

伐齊而稱同盟

以明齊

䟽

注伐齊至同盟

正義曰杜以細言同盟傳

亦同盟

言伐齊直書諸侯同盟齊人不序於列故據

同盟之言以明齊亦與盟劉炫以為齊直遣慶封如師齊侯不與盟今知非者以五月齊弑莊公之後即立景公及

七月始盟傳言齊成故也明齊侯在會莊十六年同盟于幽傳云鄭成也二十七年同盟于幽傳云陳鄭服也並與

此文同又傳稱重丘之盟未可忘也故知齊亦同盟劉以為齊侯不與盟而規杜氏非也

趙文子

為政

趙武代范句

令薄諸侯之幣而重其禮

以重

禮待諸侯

穆叔見之謂穆叔曰自今以往兵其

少弭矣

弭止也

齊崔慶新得政將求善於

諸侯武也知楚令尹令尹屈建若敬行其禮道

之以文辭以靖諸侯兵可以弭為二十七年晉楚盟于宋

傳
疏注令尹屈建正義曰趙文子初始為政與令尹相知望其在後兵息知是新令尹也下文始言屈

建為令尹者因伐舒鳩而追序之其實為子馮卒在此盟前故服杜皆以令尹為屈建也楚薳子

馮卒屈建為令尹屈建子木屈蕩為莫敖代屈建宣

十二年邲之役楚有屈蕩為左廣之右世本屈蕩屈建之祖父今此屈蕩祖之同姓名舒鳩人

卒叛前年辭不叛楚令尹子木伐之及離城離城

舒鳩城吳人救之子木遽以右師先先至舒鳩子

彊息柏子捷子駢子孟帥左師以退

五人不及子木

與吳相遇而退

吳人居其間七日

居楚兩軍之間

子彊曰久

將墊隘隘乃禽也不如速戰

整隘處水雨

請以其

私卒誘之簡師陳以待我

簡關精兵駐後為陳

我克則

進奔則亦視之

視其形勢而妙助之

乃可以免不然必

為吳禽從之五人以其私卒先擊吳師吳

師奔登山以望見楚師不繼復逐之傳諸

其軍

吳還逐五子至其本軍

簡師會之吳師大敗遂圍

舒鳩舒鳩潰八月楚滅舒鳩

五子既敗吳師遂前及子木共圍滅

舒鳩

注墊隘慮水雨也方言云墊下也吳地下溼久駐於此慮水雨大

至民將困病故恐爲人所禽制也

至民將困病故恐爲人所禽制也

衛獻公入于夷儀

爲下自夷儀與寧喜言張

本鄭子產獻捷于晉

獻入陳之功而不獻其俘

戎服將事

戎服軍旅之衣異於朝服

晉人問陳之罪對曰昔虞閼父

爲周陶正以服事我先王

閼父舜之後當周之興閼父爲武王陶正

我先王賴其利器用也與其神明之後也

舜聖故謂之神明

庸以元女大姬配胡公

庸用也元女武王之長女

胡公闕父之子蒯也

而封諸陳以備三恪

周得天下封夏殷二王後又封周

謂之恪并二王後為三國其禮轉降示敬而已故曰三恪

則我周之自出至于

今是賴

言陳周之甥至今賴周德

桓公之亂蔡人欲立其

出

陳桓公鮑卒於是陳亂事在魯桓五年蔡出桓公之子厲公也

我先君莊公奉

五父而立之

五父佗桓公弟殺大子免而代之鄭莊公因就定其位

蔡人殺

之

欲立其出故

我又與蔡人奉戴厲公

奉戴猶奉事

至於莊宣皆我之自立

陳莊公宣公皆厲公子

夏氏之

亂成公播蕩又我之自入君所知也

播蕩流移失所

宣十一年陳夏徵舒弑靈公靈公之子成公奔晉自晉因鄭而入也

今陳忘周之大

德蔑我大惠棄我姻親介恃楚衆以馮陵

我敝邑不可億逞

億度也逞盡也

我是以有往年

之告

謂鄭伯稽首告晉請伐陳

未獲成命

未得伐陳命

則有我

東門之役

前年陳從楚伐鄭東門

當陳隧者井堙木刊

敝邑大懼不競而恥大姬

上辱大姬之靈

天誘其

衷啓敝邑心

啓開也開道其心故得勝

陳知其罪授手于

我用敢獻功晉人曰何故侵小對曰先王

之命唯罪所在各致其辟

辟誅也

且昔天子

之地一圻

方千里

列國一同

方百里

自是以衰

衰差降

今大國多數圻矣若無侵小何以至

焉晉人曰何故戎服對曰我先君武莊爲

平桓卿士

鄭武公莊公爲周平王桓王卿士

城濮之役文公布

命曰各復舊職

晉文公

命我文公戎服輔王

以授楚捷不敢廢王命故也

城濮在僖二十八年

士莊

伯不能詰

士莊伯士弱也

復於趙文子文子曰其

辭順犯順不祥乃受之冬十月子展相鄭

伯如晉拜陳之功

謝晉受其功

子西復伐陳陳

及鄭平

前雖入陳服之而已故更伐以結成

仲尼曰志有之

志古

書言以足志文以足言

足猶成也

不言誰知其

志言之無文行而不遠

雖得行猶不能及遠

晉爲伯

鄭入陳非文辭不爲功慎辭哉

樞機之發榮辱之主

疏

注獻入至其俘

正義曰上云數俘而出不將以歸

正義曰

周禮司服云凡兵事韋弁服鄭玄云韋弁以韎韐爲弁又以爲衣裳也諸侯之朝服玄冠緇布衣素積以爲裳是戎

服異於朝服也 注庸用至滿也 正義曰庸聲近用故
爲用也史記陳世家云陳胡公滿者虞帝舜之後也舜傳
禹而舜子商均爲封國夏后之時或失或續周武王克殷
求舜後得媯滿封之於陳以奉帝舜祀是爲胡公 注周
得至三恪 正義曰樂記云武王克殷未及下車而封黃
帝之後於蓊封帝堯之後於祝封帝舜之後於陳下車而
封夏后氏之後於杞封殷之後於宋郊特牲云天子存二
代之後猶尊賢也尊賢不過二代鄭玄以此謂杞宋爲二
王之後蓊祝陳爲三恪杜今以周封夏殷之後爲二王後
又封陳并二王後爲三恪杜意以此傳言以備三恪則以
陳備三恪而已若遠取蓊祝則陳近矣何以言備以其稱
備知其通二代而備其數耳二代之後則各自行其正朔
用其禮樂王者尊之深也舜在二代之前其禮轉降恪敬
也封其後示敬而已故曰恪雖通二代爲三其二代不假
稱恪唯休爲恪耳 何故侵小 正義曰陳大於鄭而謂
之侵小者言陳對晉爲小不言小於鄭也子展伐陳此言

侵謂侵陵之非用兵之侵也 列國一同 正義曰周法

大國王百里此為一同考引夏殷時國小以譏晉國之寬

大權以拒晉耳 注表差降 正義曰中國七十小國五

十是降差 注樞機至之主 正義曰易繫辭文也鄭玄

云樞戶樞也機弩牙也戶樞之發或明或闇弩牙之發或

中或否以譬言語之發有榮有辱傳言子產善為文辭於

鄭有榮也 楚蔦掩為司馬 子不使庀賦 庀

數甲兵 閱數 甲午蔦掩書土田 書土地 度山

林 度量山林之 鳩於藪澤 鳩聚也聚成藪澤使民不

材以共國用 九 辨京陵 辨別也絕高曰京大阜曰陵別之以為冢墓之地 表淳國 淳國

之地表異 數疆潦 疆界有流潦者 規偃豬 偃豬下

輕其賦稅 數疆潦 計數減其租入 規偃豬 濕之地

表淳國 淳國

表淳國 淳國

表淳國 淳國

表淳國 淳國

規度其受水多少
町原防
廣平曰原防隄也隄防間地不收

隰臯
隰臯水岸下濕為芻牧之地
井衍沃
衍沃平美之地則如周禮制以為井田六尺為

步步百為畝畝百為夫九夫為井
量入脩賦
量九土之所入而治理其賦稅
賦車

籍馬
籍疏其毛色歲齒以備軍用
賦車兵
車兵甲士
徒兵
步兵
甲楯

之數
使器仗有常數
既成以授子木禮也
得治國之禮傳言楚之所

以疏
注庀治正義曰庀訓為具而言治者以下說治賦之事治之使具故以庀為治也
注鳩聚至之

虞正義曰鳩聚釋詁文也釋地有十數李巡曰數澤之別名也周禮澤虞有大澤大數小澤小數鄭玄云澤水所鍾也水希曰數其職云若大田獵則萊澤野是藪為曰獵之處或焚其草則散失澤藪之用故聚成使不得焚燎之

也 注辨別至之地 正義曰釋丘云絕高爲之京非人爲之丘李巡曰丘高大者爲京也孫炎曰爲之人所作也則京爲丘類人力所作也釋地云大陸曰阜大阜曰陵李巡曰大陸謂土地高大名曰阜阜最大爲陵也檀弓稱趙文子與叔譽觀于九原觀晉諸大夫之墓也僖三十二年傳云穀有二陵焉其南陵夏后皋之墓也故知別丘陵以爲葬基之地 注淳鹵至賦稅 正義曰賈逵云淳鹹也說文云鹵西方鹹地也從西省象鹽形安定有鹵縣東方謂之斥西方謂之鹵呂氏春秋稱魏文侯時吳起爲鄴令引漳水以灌田民歌之曰決漳水以灌鄴旁終古斥鹵生稻梁是鹹薄之地名爲斥鹵禹貢云海濱廣斥是也淳鹵地薄收穫常少故表之輕其賦稅 注疆界至租入 正義曰賈逵以疆爲疆渠境塙之地鄭衆以爲疆界內有水潦者業周禮草人凡糞種疆渠用糞鄭玄云疆渠強堅者則疆地猶堪種植非水潦之類故從鄭衆之說數其疆界水潦者計數減其租稅也孫毓讀爲疆潦注云砂磧之

田也 注偃豬至多少 正義曰禹貢徐州大野既豬孔
安國云水所停曰豬檀弓云有弑其父者濟其官而豬焉
是豬者停水之名偃豬謂偃水爲豬故爲下溼之地規度
其地受水多少得使田中之水注之 注廣平至頃町
正義曰廣平曰原釋地文李巡曰謂土地寬博而平正名
曰原釋丘云墳大防孫炎曰謂隈也隈防之間或有平地
不得平正以爲井田取其可耕之處別爲小頃町也說文
云町田踐處曰町史游急就篇云頃町界畝是町亦頃類
故連言之也謂廣平爲原者因爾雅之文其實此原謂隈
防之間也劉炫云廣平曰原土地寬平當與隈相配非是
不得爲井田也釋地茫陸阜陵阿之下云可食者曰原孫
炎曰可食謂有井田也陵阿山田可種穀者亦曰原也謂
拔陵阿之間可食之地非廣平也 注隰臯至之地 正
義曰釋地云下溼曰隰李巡曰下溼謂土地低下名爲隰
也詩云鶴鳴于九臯毛鄭皆以臯爲澤之坎是臯爲水岸
也下溼與水岸不任耕作故使牧牛馬於中以爲芻牧之

地注行沃至為井正哉曰周禮大司徒以土會之法辨五地之物生四曰壤行五曰原隰行地高於原也傳稱郇瑕氏之地沃饒魯語云沃土之民逸則行沃俱是平美之地行是高平而美者沃是下平而美者二者並是良田故如周禮之法制之以為井田賈逵云下平曰行有澆曰沃所指雖異俱謂良美之田也六尺為步以下皆司馬法之文自度山林以下至此有九事賈逵以為賦稅差品其注云山林之地九夫為度九度而當一井也藪澤之地九夫為鳩八鳩而當一井也京陵之地九夫為辨七辨而當一井也淳鹵之地九夫為表六表而當一井也疆潦之地九夫為數五數而當一井也假豬之地九夫為規四規而當一井也原防之地九夫為町三町而當一井也隰臯之地九夫為牧二牧而當一井也衍沃之地畝百為夫九夫為井周禮小司徒云乃經土地而井牧其田野鄭玄云隰臯之地九夫為牧二牧而當一井今造都鄙授民田有不易有一易有再易通率二而當一是之謂井牧是鄭賈同

此說也案周禮所授民田不過再易唯有三當一耳不得有九當一也山林藪澤京陵偃豬本非可食之地不在授民之限雖九倍與之何以充稅而使之當一井也且以度鳩之等皆爲九夫之名經傳未有此目故杜不用其說量入脩賦正義曰量其九土所宜稅其收入多少乃準其所入脩其賦稅其九土之內偃豬京陵無物可入而言九土之所入者揔言之賦車籍馬正義曰賦與籍俱是稅也稅民之財使備車馬因車馬之異故別爲其文賦車兵徒兵正義曰車兵者甲士也徒兵者步卒也知非兵器者上云數甲兵下云甲楯之數故知此兵謂人也劉炫云兵者戰器車上甲士與步卒所執兵各異也司兵掌五兵鄭衆云五兵者戈戟戟盾矛矢又曰軍事建車之五兵鄭玄云車之五兵鄭司農所二者是也步卒之五兵無夷矛而有弓矢事武當然十二月吳子諸樊伐楚以報舟師之役舟師在二十四年也門于

巢

攻巢門

巢牛臣曰吳王勇而輕若啓之將

親門

啓開門也

我獲射之必殪

殪死

是君也死

疆其少安從之吳子門焉生臣隱於短牆

以射之卒楚子以滅舒鳩賞貝子木辭曰先

大夫蒍子之功也以與蒍

往年楚子將伐舒鳩蒍子馮請退師

以須其叛楚子從之卒獲舒鳩故子木辭賞以與其子

晉程鄭卒子產始知

然明

前年然明謂程鄭將死今如其言故知之

問爲政焉對曰視民

如子見不仁者誅之如鷹鷂之逐鳥雀也

子產喜以語子大叔且曰他日吾見蔑之

面而已

蔑然明名

今吾見其心矣子大叔問政

於子產子產曰政如農功日夜思之思其

始而成其終朝夕而行之行無越思

思而後行

農之有畔

言有次

其過鮮矣衛獻公自夷儀

使與甯喜言

求復國也

甯喜許之大叔文子聞

之

大叔儀也

曰嗚呼詩所謂我躬不說皇恤我

後者甯子可謂不恤其後矣

皇暇也詩亦雅言今我不能自容說

何暇念其後乎謂甯子必將可乎哉殆必不可君

子之行思其終也思使終思其復也思其可

書曰慎始而敬終終以不困逸詩曰夙夜

匪解以事一人喻君今甯子視君不如弈

棋弈圍其何以免乎弈者舉棋不定不勝

其耦而況置君而弗定乎必不免矣九世

之卿族一舉而滅之可哀也哉甯氏出自衛武

疏我躬至我後正義曰詩小雅小弁之篇書曰至

不困

正義曰尚書蔡仲之命云慎厥初惟厥終終

以不因此所引者蓋是彼文學者各傳所聞而字有改易
或引其意而不全其文故不同也 注弈圍棋 正義曰
方言云圍棋謂之弈自關東齊魯之間皆謂之弈蓋此戲
名之曰弈故說文弈從卅言疎兩手而執之孟子稱弈秋
善弈秋人自以善弈而著名也棋者所執之子故云弈者
舉棋不定不勝其耦謂舉子下之不定則不勝其耦是棋
爲子也以子圍而相殺故謂之圍棋沈
氏云圍棋稱弈者取其落弈之義也

春秋正義卷第二十三

[illegible]

春秋正義卷第二十四

襄公

國子祭酒上護軍曲阜縣開國子臣孔穎達等奉

勅撰

傳會于夷儀之歲齊人城郊

在二十四年不直言會夷儀者

別二十五其五月秦晉爲成晉韓起如秦涖

盟秦伯車如晉涖盟

伯車秦伯之弟鍼也

成而不結

不結

固也傳爲移年脩成起本當繼前

疏

注在二至儀會正義曰凡傳却言

前事者皆舉時事爲驗二十四年二十五年頻年會于夷儀恐其事無以相別故復言齊人城郊以明秦晉爲成在

二十四年也不言齊人城邾者以其非經故也此已連經舉之故下文烏餘齊晉以舉城邾之歲不言會于夷儀注不結至失之正義曰漢書藝文志云左氏傳三十卷則丘明自分爲三十也丘明作傳使文勢相接爲後年之事而年前發端多矣文十年傳云厥貉之會麋子逃歸十一年云楚子伐麋宣十一年傳云厲之役鄭伯逃歸十二年而云楚子圍鄭皆傳在前卷之末豫爲後卷之始此爲後年脩成發其前成不結其事與彼相類不宜獨載卷首知其當繼前年之末也而特跳出在於此卷之首者是傳寫失之也學者以此語字多欲令與下相接故輒斷彼末寫於此首後人因循不敢改易故失之言失其本真也說文云跳躍也謂足絕地而高舉也魏晉儀注寫章表別起行頭者謂之跳出故杜以跳言之

經二十有六年春王二月辛卯衛甯喜弒

其君剽衛孫林父入于戚以叛

行雖未去林父專以

國猶為叛也

甲午衛侯衎復歸于衛

復其位曰復歸名與不名傳無

義

疏

注衎雖至叛也

正義曰叛者背君之名嫌無君不得為叛故注明之林父畏衎入殺己以邑先叛

故衎今雖未居位林父以背國之故猶為叛也

注復其至義例

正義曰復其位曰復歸成十八年傳例也僖二十八年衛侯鄭復歸于衛曹伯襄復歸于曹與此衛侯衎皆書其名成十六年曹伯歸自京師不書名俱是歸國立

文不同傳無義例史異辭也

夏晉侯使荀吳來聘

偃子公會

晉人鄭良霄宋人曹人于澶淵

卿會公侯皆應貶方責宋

向戌後期故書良霄以駁之若皆稱人則嫌向戌直以會公貶之

疏

注卿會至貶之正義曰僖二十九

年傳曰在禮卿不會公侯會伯子男可也是卿會公侯皆合貶良霄亦當貶也但向戌會公已自當貶而又有後期之責仲尼書經方責向戌後期故書良霄以駁之書良霄所以責向戌非是舍霄罪也若良霄與晉宋皆貶稱人則嫌向戌直以會公被貶其後期之責不見故書良霄名退宋班明向戌有二罪也案春秋諸國之會後至者多唯退班在下不褒進先至之人此直退宋人在鄭人之下於文自足必特書良霄以駁向戌者以向戌宋之執政上卿魯公親自在會後期而至情慢之甚故特書良霄深責向戌異於他例也

秋宋公殺其世

子痤

稱君以殺惡其父子相殘害

晉人執衛甯喜八月壬

午許男甯卒于楚

未同盟而赴以名

疏

注未同盟而赴以名正義曰

宣十七年許男錫我卒甯即錫我之嗣立以來未與魯會盟而赴以名也

冬楚子蔡侯

陳侯伐鄭葬許靈公

傳二十六年春秦伯之弟鍼如晉脩成脩會

夷儀歲之成叔向命召行人子貢欲使答秦命行人子朱

曰朱也當御御進也言次當行三云叔向不應子朱

怒曰班爵同同爲大夫何以黜朱於朝黜退也撫

劍從之從叔向也叔向曰秦晉不和久矣今日

之事幸而集集成晉國賴之不集三軍暴骨

子貢道二國之言無私子常易之姦以事

君者吾所能御也拂衣從之

拂衣褰裳也

人救之

平公曰晉其庶乎

庶幾於治

吾臣之所爭者大

師曠曰公室懼卑臣不心競而力爭

謂二子不心競

為忠而撫劍拂衣

不務德而爭善

爭謂所行為善

私欲已侈

能無卑乎

私欲侈則公義廢

疏

注御進至當行言當進侍君受君命也行

正義曰

人非一更遞進御此曰次朱當御次而不使是黜之也

注拂衣褰裳也

正義曰拂者振迅之義以其將闕知拂

衣即褰裳也對則上衣下裳散則可以相通故以褰裳解

拂衣

平公至卑乎

正義曰平公見其臣闕而言其庶

乎者以其臣爭為國國事必興故庶幾於治也劉炫云不心競而力爭不務德而爭善皆道子朱之心非叔向之罪

杜言二子不心競似亦并責叔向者以闕雖一曲一直乃是兩人爭理故以二子言之據其闕而言力爭則叔向亦爭乎善則叔向無之叔向以子負無私欲令應客縱子負應客亦非叔向爭善叔向無可爭杜云爭謂所行為善唯

言子朱之心也

衛獻公使子鮮為復

使為己求反國

辭

辭不能

敬妣強命之

敬妣獻公及子鮮之母

對曰君無信臣懼

不免敬妣曰雖然以吾故也許諾初獻公

使與甯喜言

言復國

甯喜曰必子鮮在不然

必敗

子鮮賢國人信之必欲使在其間

故公使子鮮子鮮不獲

命於敬妣

不得止命

以公命與甯喜言曰苟反

政由寧氏祭則寡人寧喜告遽伯玉伯玉

曰瑋不得聞君之出敢聞其入十四年孫氏欲逐獻公瑋走從

近關出遂行從近關出告右宰穀衛人右宰

穀曰不可獲罪於兩君前出獻公今弑剽天下誰畜

之畜猶容也悼子曰吾受命於先人不可以貳悼子

寧喜也受命在二十年穀曰我請使焉而觀之觀知可還否

遂見公於夷儀反曰君淹恤在外十二年

矣淹久也而無憂色亦無寬言猶夫人也言其

為人猶如故

若不已死無日矣

已止也

悼子曰子鮮

在右宰穀曰子鮮在何益多而能亡於我

何為

言子鮮為義多不過云出

悼子曰雖然弗可以已孫

文子在戚孫嘉聘於齊孫襄居守

二子孫文子之

子二月庚寅甯喜右宰穀伐孫氏不克伯

國傷

伯國孫襄也父兄皆不在故乘弱攻之

甯子出舍於郊

欲奔伯

國死孫氏夜哭國人召甯子甯子復攻孫

氏克之辛卯殺子叔及太子角

子叔衛侯剽言子叔剽無

證故書曰甯冉喜弑其君剽言罪之在甯氏也

嫌受父命納舊君無罪故發之孫林父以戚加晉以邑屬晉書曰入

于戚以叛罪孫氏也臣之祿君實有之義

則進否則奉身而退專祿以周旋戮也林父

事剽而衍入義可以退唯以專邑自隨為罪故傳發之甲午衛侯入書曰復

歸國納之也本晉納之夷儀今從夷儀入國嫌若晉所納故發國納之例言國之所納而復

其位大夫逆於竟者執其手而與之言道逆

者自車揖之逆於門者領之而已領撫其頭言所驗心

易生公至使讓大叔文子曰寡人淹恤在外

二三子皆使寡人朝夕聞衛國之言二三子諸大夫

吾子獨不在寡人在存問之公聞文子答寧喜之言故怨之古人有

言曰非所怨勿怨寡人怨矣所怨在親親對曰臣

知罪矣臣不佞不能負羈紲以從扞牧圉

臣之罪一也有出者有居者山謂衍居二刺也臣不

能貳通外內之言以事君臣一罪二也有

二罪敢忘其死乃行從近關出公使止之

傳言衛侯不能安和大臣孫氏愬于衛人侵戚東鄙以林父叛故

公曰晉成茅氏茅氏戚東鄙殖綽伐茅氏殺晉成

三百人殖綽齊人今來在衛孫蒯追之弗敢擊文子

曰厲之不如厲惡鬼也遂從衛師敗之圍蒯威父言更還

逐殖綽圍衛地雍鉏獲殖綽雍鉏孫氏臣復愬于晉為下晉討衛張

疏殺子叔及大子角正義曰服虔云殺大子角不書舉重者案晉侯宋公殺其世子及陳侯之弟招

殺陳世子皆書經則世子不輕於大夫也孔父荀息之徒弑君之下并亦言大夫大夫既書於經則弑君并殺世子

世子亦當書不得為舉重也杜旣不解當以不告故耳注子叔至謚故正義曰此剽是穆公之孫黑背之子於

獻公爲從父昆弟成卜年衛侯之弟黑背帥師侵鄭傳云
衛子叔黑背侵鄭是黑背字子叔即以子叔爲族也元平
衛侯使公孫剽來聘傳云衛子叔來聘是舉族而稱之也
今云殺子叔亦是舉其族爲剽無謚故稱族也書曰至
戮也正義曰春秋書叛者有此孫林父與宋華亥宋公
之弟辰晉趙鞅晉荀寅五者經皆書叛邾庶其莒牟夷邾
黑肱皆以地來奔雖又不稱叛傳謂此三人爲三叛人則
三者亦是叛也所言叛者或據邑而距其君或竊地他國
皆爲有地隨已故稱爲叛昭二十二年宋華亥向寧華定
自宋南里出奔楚定十四年宋公之弟辰自蕭來奔地不
隨已則不稱叛是叛雖尸背之辭皆由地以生名也叛者
判也欲分君之地以從他國故以叛爲名焉叛無凡例傳
言書曰是仲尼書爲說也人君賜臣以邑以爲祿食臣之
祿謂所食邑也君實有之言其不得專以爲己有也君臣
以義而合義則進以事君受此祿食則奉身而退當身
奔他國而以祿歸君專君之祿以周旋從已於法爲罪戮

之人故書入於戚以叛罪孫氏也釋例曰古之大夫或錫之田邑或分之都城故有千室之邑百乘之家君之祿義則進否則奉身而退若專祿以別旋雖無危國害主之責皆書曰叛叛者反背之辭也庶賤之人不齒於列故雖有善惡不章顯名氏若乃被邑害國則以地重必書其名且終顯其惡也適魯則書地曰來奔來奔則叛可知蓋記事外內之辭也劉賈說三叛人以地來奔不書叛謂不能專也此直外內之辭既以地來妻公之姑姊還其大邑不得復言不能專也是杜以庶其之等皆爲叛也專祿者謂專君之祿以爲己有東西隨已謂之爲專服虔云專祿謂以戚叛也既叛衛亦不臣於晉自謂若小國是爲專祿其意言專獨有之不屬人也若不屬晉何故被衛侵而怨於晉地若不入晉晉復何以成之傳言以戚如晉服言不臣於晉是反丘明以解傳也注公聞至之言正義曰沈氏云大叔文子聞甯喜許公之言而發歎本非面告甯喜之言而云答者時聞甯喜之言遂自評論不許於甯子與對

面相答無異故言答也

鄭伯賞入陳之功

入陳在前年

三月甲

寅朔享子展賜之先路三命之服

先路次路皆王所賜

車之摠名蓋請之於王

先八邑

以路及命服爲邑先八邑三十二井

賜子產次

路再命之服先六邑子產辭邑曰自上以

下降殺以兩禮也臣之位

在四上卿子展次卿子西十一年良

齊見經十九年乃立子產爲卿故位在四

且子展之功也臣不敢及

賞禮請辭邑

賞禮以禮見賞謂六邑也

公固予之乃受三

邑

位次當受二邑以公固與之故受三邑

公孫揮曰子產其將知

政矣

知國政

讓不失禮

疏

注先路至於王

正義曰周禮巾車云服車五

乘孤乘夏篆卿乘夏縵大夫乘墨車則禮於卿大夫所當乘者名車不名路也而傳稱王賜叔孫豹鄭子蟜者皆云大路知此先路次路皆王所賜車之摠名也賜車稱路從王賜之名必是稟王之命故云蓋請之於王也宣十六年傳云晉侯請于王以黻冕命士會知諸侯命臣有請王之法故云蓋也注以路至二井正義曰禮遺人以物皆以輕先重後故以路及命服為邑之先也周禮小司徒四井為邑故杜以八邑為三十二井劉炫云案論語有千室之邑又杜注免餘邑為一乘之邑又宋鄭之間六邑出戈錫等杜何以知此邑非彼等之邑必以為四井之邑今知不然者邑之為名大小無定子展子產為卿日久先有采邑今以入陳有功加賜田土不應更以八箇大邑而又與之至於免餘辭邑云唯卿備百邑故杜以為一乘之邑合論語百乘之家其實一乘稱邑文無所出周禮稱四井為

邑杜以正邑解之故云三十二井得爲漸賜土田之義又

八邑六邑爲節級之差劉以爲大邑而規杜氏非也

注

上卿至在四

正義曰十五年傳云鄭人以子西伯有子

產之故納賂于宋是伯有在子西之下也十九年傳曰子

展當國子西聽政當國謂攝君事聽政謂爲上卿是子西

次子展故此注以子西爲二良霄爲三二十七年鄭伯享

趙孟于垂隴子展伯有子西子產子大叔二子石從如彼

文次伯有在子西之上二十九年裨諶論子產位次云天

又除之奪伯有魄子西即世政焉辟之先言伯有後言子

西又是子西在伯有之下者據十九年傳子西必在伯有

之上蓋其後更有進退

杜據傳上文以次之耳

晉人爲孫氏故召諸侯

將以討衛也夏中行穆子來聘召公也

召

爲澮淵會

楚子秦人侵吳及雩婁聞吳有備而

還

雩婁縣今屬安豐郡

遂侵鄭五月至于城麋鄭皇

頡戍之

皇頡鄭大夫守城麋之邑

出與楚師戰敗穿封戍

囚皇頡公子圍與之爭之

公子圍共王子靈王也

正於

伯州犁

正曲直也

伯州犁曰請問於囚乃立囚

伯州犁曰所爭君子也其何不知

言王子圍及穿封戍

皆非細人易別識也

上其手曰夫子爲王子圍寡君之

貴介弟也

介大也

下其手曰此子爲穿封戍

方城外之縣尹也誰獲子

上下手以道囚意

囚曰頡

遇王子弱焉

弱敗也言爲王子所得

成怒抽戈逐王子

圍弗及楚人以皇頡歸印堇父與皇頡成

城麋

印堇父鄭大夫

楚人囚之以獻於秦鄭人取貨

於印氏以請之子大叔爲令正

主作辭令之正

以爲

請子產曰不獲

謂大叔辭以貨請堇父必不得

受楚之功而取

貨於鄭不可謂國秦不其然

受楚獻功大名也以貨免之小利故

謂秦不爾

若曰拜君之勤鄭國微君之惠楚師

其猶在敝邑之城下其可

辭如此堇父可得

弗從遂

行秦人不予更幣從子產而後獲之

更遣使執幣用

子產辭乃得董父傳積子產之善

疏

秦不其然正義曰秦不肯其如是也

六月公會

晉趙武宋向戌鄭良霄曹人于澶淵以討

衛疆戚田

正戚之封疆

取衛西鄙懿氏六十以

與孫氏

戚城西北五十里有懿城因姓以名城取田六十井也

趙武不書

尊公也

罪武會公侯

向戌不書後也

後會期

鄭先

宋不失所也

如期至

於是衛侯會之

晉將執之不得與會

故不書

晉人執甯喜北宮遺使女齊以先歸

討其弑君伐孫氏也遺北宮括之子女齊
衛侯如晉

晉人執而囚之於士弱氏士弱晉主秋七月

齊侯鄭伯爲衛侯故如晉欲共請之晉侯兼享

之晉侯賦嘉樂嘉樂詩大雅取其嘉樂君子顯國

景子相齊侯景子國弱賦蓼蕭蓼蕭詩小雅言大平

以喻晉君恩子展相鄭伯賦緇衣緇衣詩鄭風義

還子授子之榮兮叔向命晉侯拜二君曰寡君

言不敢遠遠於晉敢拜齊君之安我先君之宗祧也敢拜鄭

君之不貳也

夢蕭繹衣二詩所趣各不同故拜二君辭異

國子使晏

平仲私於叔向

私與叔向語

曰晉君宣其明德於

諸侯恤其患而補其闕正其違而治其煩

所以爲盟主也今爲臣執君若之何

謂晉爲林父執

衛侯

叔向告趙文子文子以告晉侯晉侯言

衛侯之罪使叔向告二君

言自以殺晉成三百人爲罪不以林父故

國子賦轡之柔矣

逸詩見周書義取寬政以安諸侯若柔轡之御剛馬

子

展賦將仲子兮

將仲子詩鄭風義取衆言可畏言衛侯雖別有罪而衆人猶謂晉爲臣執

君晉侯乃許歸衛侯叔向曰鄭七穆罕氏

其後亡者也子展儉而壹子展鄭子罕之子居身儉而用心壹鄭穆

公十一子子然二子孔三族已注戚城至井也正義曰傳言西鄙懿氏

則西鄙之地以懿氏爲名也謂之懿氏則以懿爲氏族之

名蓋上世有大夫姓懿氏食邑於此地因以其姓名其城

也杜以懿氏旣爲邑名而云取其六十故以爲取田六十

井服虔云六十邑劉炫以服言爲是今知非者此六十之

文摠屬懿氏懿氏不見經傳則卑細可知旣非卿大夫何

得廣有土地分六十之邑而與孫氏且直言六十本無邑

文故杜以爲六十井劉從屈說以規杜氏非也趙武至

所也正義曰僖二十六年諸侯之卿會公子翟泉皆貶

之稱人傳曰卿不書罪之也八年諸侯之卿會晉侯于邢

丘亦貶稱人傳曰大夫不書尊晉侯也然則尊公侯罪大



夫其義一也傳文互相見耳此言趙武不書尊公也亦是罪武也故杜云罪武會公侯也其會公侯之罪向戌良霄與趙武亦同但爲別有見義不貶良霄不得摠云卿不書罪之故特言趙武不書尊公明良霄向戌亦爲尊公不應書也向戌不書後也言既爲會公侯復爲後會期故不得如良霄書名氏也會之班次以國大小爲序諸會鄭在宋後此會鄭先於宋爲鄭依期而至不失所也如不失其所自是常事非有善可褒而得進其班者鄭班常在衛下此會齊衛不至無常班宋自當次晉此直退宋耳非進鄭也言其不失所直是不失常亦非褒文也計良霄會公亦應合貶所以得書名者方責向戌後期故書良霄以駁向戌非爲舍霄罪也釋例曰澶淵之會趙武向戌良霄以大夫而會魯侯違在禮之制其罪一也戌加後會之尤霄有不失所之進文不得並言卿不書罪之故特言尊公明公尊非三人之所敵三人之罪既正而二人獨以他義別叙也以是杜言良霄會公亦合貶也言霄有不失所之進者正

請不使與宋俱退得進復其本班耳非有外進異於常也
宋以後至退班不在曹人下者宋是大國退居鄭下足以
爲責故令仍在曹上此會曹國最小其班正當居末曹人
非後至也案翟泉之盟諸卿敵公則沒公此亦諸卿敵公
不沒公者翟泉之盟杜注云魯侯諱盟天子大夫是以沒
公然則此大夫敵公非公有罪是以不沒公也 注晉將
至不書 正義曰下云衛侯如晉晉人執而囚之是於此
會爲將執之不得與會也不得與會而傳云衛侯會之言
其至會所耳 注嘉樂至於天 正義曰嘉樂君子以下
皆詩之文也晉侯賦此言己嘉樂二君也二君以晉侯樂
己之故故齊賦蓼蕭言澤及於己鄭賦緇衣言不敢遠晉
所以答嘉樂也服虔云晉侯自嘉樂愚之甚也 叔向至
貳也 正義曰沈氏云賦蓼蕭喻晉侯德澤及諸侯言晉
侯有德是安我宗廟也其言與注合緇衣首章云緇衣之
宜兮敝子又改爲兮適子之館兮還子授子之粢兮欲常
進衣服獻飲食是其不二心也劉炫云蓼蕭首章云既見

君子燕笑語兮是以有譽處兮言晉侯有聲譽常處位是得宗廟安也注逸詩至剛馬正義曰漢書藝文志無

周書篇目其書今在或云是孔子刪尚書之餘案其文非尚書之類彼引詩云馬之剛矣轡之柔矣馬亦不剛轡亦

不柔志氣庶庶取與不疑此詩餘無所見故謂彼文是也注子展至七穆正義曰居身儉而用心壹叔向自以察

貌觀言而知之其知不由賦詩也子然二子孔三族已亡十九年傳文也子羽不為卿者案成十三年鄭公子班自

誓求入于大宮不能殺子印子羽不書於經故知不為卿也杜注彼云皆穆公子也又世族譜云子羽穆公子其後

為羽氏即羽師頡是其孫此非行人子羽公孫揮也世族譜以公孫揮為雜人自外唯有罕駟豐游印國良七族見

於經傳皆出穆公故稱七穆也初宋芮司徒生女子芮司徒宋大夫赤

而毛棄諸堤下共姬之妾取以入共姬宋伯姬也名

之曰棄長而美平公入夕

平公共姬子也

共姬與之

食公見棄也而視之尤

尤甚也

姬納諸御嬖生

佐

佐元公

惡而婉

佐貌惡而心順

太子痤美而很

貌美而心很戾

合左師畏而惡之

合左師向戌

寺人惠牆伊戾

為大子內師而無寵

惠牆氏伊戾名

秋楚客聘於晉

過宋

上已有秋復發傳者中間有初不言秋則嫌楚客過在他年

大子知之請

野享之公使往伊戾請從之公曰夫不惡

女乎

夫謂大子也

對曰小人之事君子也惡之

不敢遠好之不敢近敬以待命敢有貳心

乎縱有共其外莫共其內

伊戾為大子內師不行恐內侍廢闕

臣請往也遣之至則飲用牲加書徼之

詐作

盟處為大子反徼驗也

而騁告公

騁馳也

曰大子將為亂

既與楚客盟矣公曰為我子又何求對曰

欲速

言欲速得公位

公使視之則信有焉

有盟徼也

問諸

夫人與左師

夫人佐母棄也

則皆曰固聞之公囚大

子大子曰唯佐也能免我

以其婉也

召而使請

曰日中不來吾知死矣左師聞之聒而與

之語

聒謹也欲使佐失期

過期乃縊而死佐爲大子公

徐聞其無罪也乃亨伊戾左師見夫人之

步馬者

步馬習馬

問之對曰君夫人氏也左師

曰誰爲君夫人余胡弗知圉人歸以告夫

人夫人使饋之錦與馬先之以玉

以玉爲錦馬之先

曰君之妾棄使某獻左師改命曰君夫人

而後再拜稽首受之

左師令使者改命也傳言宋公聞左師諛大子所以無罪

而疏

注惠牆氏伊戾名正義曰服虔云惠伊皆發聲實爲牆戾杜以下文單稱伊戾是舍族稱名故以

惠牆爲氏伊戾爲名也內師者身爲寺人之官公使之監知大子內事爲在內人之長也

大子知之

正義曰知

之謂與楚客舊相知故請野享之

注聒謹也

正義曰

聲亂耳謂之聒多爲言語謹謹亂其耳故聒爲謹也

左

師至受之

正義曰夫人氏者氏猶家也言夫人家之馬也

也座死佐爲大子棄即正爲夫人步馬之時夫人名已定

矣故對云君夫人氏也但棄本是妾左師欲令夫人重已

故佯不知之夫人聞之懼已不得爲夫人故自稱爲妾饋

之錦馬也左師喜得其賜故令使者改命曰君夫人

鄭伯

人而後拜受之使棄成爲夫人傳言左師之諛也

鄭伯

歸自晉

請衛侯歸

使子西如晉聘辭曰寡君來

煩執事懼不免於戾

言自懼失敬於大國而得罪

使夏謝不

敏

夏子西名

君子曰善事大國

將求於人必先下之言鄭所以能自安

初楚伍參與蔡大師子朝友其子伍舉與

聲子相善也

聲子子朝之子伍舉子胥祖父叔舉也

伍舉娶於王

子牟王子牟為申公而亡

獲罪出奔

楚人曰伍

舉實送之伍舉奔鄭將遂奔晉聲子將如

晉遇之於鄭郊班荆相與食而言復故

班布

也布荆坐地共議歸楚事朋友世親

聲子曰子行也吾必復子及

宋向戌將平晉楚

平在明年

聲子通使於晉

為國

通平

還如楚令尹子木與之語問晉故焉

故事

且曰晉大夫與楚孰賢對曰晉卿不如

楚其大夫則賢皆卿材也如杞梓皮革自

楚往也

杞梓皆木名

雖楚有材晉實用之

言楚亡臣多在晉

子木曰夫獨無族姻乎

夫謂晉

對曰雖有而

用楚材實多歸生聞之

歸生聲子名

善爲國者

賞不僭而刑不濫賞僭則懼及淫人刑濫則懼及善人若不幸而過寧僭無濫與其

失善寧其利淫無善人則國從之從之詩亡也

曰人之云亡邦國殄瘁無善人之謂也詩大

雅殄盡也故夏書曰與其殺不辜寧失不經

懼失善也逸書也不經不用常法商頌有之曰不僭不

濫不敢怠皇命于下國封建厥福詩商頌言殷湯實不

僭差刑不濫濫不敢怠解自寬此湯所以獲天福

也古之治民者勸賞而畏刑樂行賞而憚用刑恤民

不倦賞以春夏刑以秋冬順天是以將賞

爲之加膳加膳則飫賜

飫饜也酒食賜下無不廢足所謂加膳也

此

以知其勸賞也將刑爲之不舉不舉則微

樂

不舉盛饌

此以知其畏刑也夙興夜寐朝夕

臨政此以知其恤民也三者禮之大節也

有禮無敗今楚多淫刑其大夫逃死於四

方而爲之謀主以害楚國不可救療所謂

不能也

療治也所謂楚人不能用其材也

子儀之亂析公奔晉

在文十四年

晉人寘諸戎車之殿以爲謀主

殿後

繞角之役晉將遁矣析公曰楚師輕窕易

震蕩也若多鼓鉤聲以夜軍之鉤同其聲楚師

必遁晉人從之楚師宵潰晉遂侵蔡襲沈

獲其君敗申息之師於桑隧獲申麇而還

成六年晉欒書救鄭與楚師遇於繞角楚師還晉侵沈獲沈子八年復侵楚敗申息獲申麇鄭於是

不敢南面楚失華夏則析公之為也雍子

之父兄譖雍子君與大夫不善是也不是其曲直

雍子奔晉晉人與之郤郤晉邑以為謀主彭

城之役晉楚遇於靡角之谷

在成十八年

晉將遁

矣雍子發命於軍曰歸老幼反孤疾二人

役歸一人簡兵蒐乘

簡擇蒐閱

秣馬蓐食師陳

焚次

次舍也焚舍示必死

明日將戰行歸者而逸楚囚

欲使楚知之

楚師宵潰晉降彭城而歸諸宋以魚

石歸

在元年

楚失東夷子辛死之則雍子之

爲也

楚東小國及陳見楚不能救彭城皆叛五年楚人討陳叛故殺令尹子辛

子反與子

靈爭夏姬

子靈臣

而雍害其事

子反亦雍害臣不使得取夏姬

子靈奔晉晉人與之邢

邢晉邑

以爲謀主扞禦

北狄通吳於晉敎吳叛楚敎之乘車射御

驅侵使其子狐庸爲吳行人焉吳於是伐

巢取駕克棘入州來

駕棘皆楚邑譙國
鄧縣東北有棘亭

楚罷於

奔命至今爲患則子靈之爲也

事見成
七年

若

敖之亂伯賁之子賁皇奔晉晉人與之苗

若敖亂在宣
四年苗晉邑

以爲謀主鄢陵之役

在成十
六年

楚

晨壓晉軍而陳晉將遁矣苗賁皇曰楚師

之良在其中軍王族而已

言楚之精卒唯在中軍

若塞

井夷竈成陳以當之

塞井夷竈必為陳

藥范易行以

誘之

藥書時將中軍范變位之易行詭簡易兵滿欲令楚貪已不復顧二穆之兵

中行二

卻必克二穆

卻鈞時將上軍中行偃佐之卻至佐新軍令此三人分良以攻二穆之兵楚子

重子辛皆出穆王故曰二穆

吾乃四萃於其王族必大敗之

四萃四面集攻之

晉人從之楚師大敗王夷師燬

夷傷

也吳楚之間謂火滅為燬

子反死之鄭叛吳興楚失諸侯

則苗賁皇之為也子木曰是皆然矣聲子

曰今又有甚於此椒舉娶於申公子牟子牟得戾而亡君大夫謂椒舉女實遣之懼而奔鄭引領南望曰庶幾赦余亦弗圖也

言楚亦不以爲意

今在晉矣晉人將與之縣以比叔向

以舉才能比叔向

彼若謀害楚國豈不爲患子木懼

言王益其祿爵而復之聲子使椒鳴逆

之椒鳴伍舉子傳言聲子有辭伍舉所以得反子孫復仕於楚

疏

正義曰聲子則經

傳所云蔡公孫歸生是也傳言其子伍舉足明舉爲參之子聲子文不繫朝故云子朝之子以辨明之伍舉至復

故正義曰楚語云椒舉將奔晉蔡聲子遇之於鄭郊舉之以璧賄曰子尚良食尚能事晉君以爲諸侯主辭曰非所願也若得歸骨於楚死且不朽聲子曰子尚良食吾歸子故椒舉降三拜納其乘馬聲子受之是杜所云共議歸楚之事傳云言復故謂此也注平在明年正義曰明年聲子始說子氏傳於此言之者蓋伍舉以此年去楚故傳記之於此年也賞不僭而刑不濫正義曰僭謂僭差濫謂濫佚賞不僭所賞必有功不僭差也刑不濫所刑必得罪不濫佚也詩曰至謂也正義曰詩大雅瞻卬之篇也言國內賢人之旣云已喪亡矣則邦國盡皆因病此詩之意言無善人之謂也故夏至善也正義曰此在大禹謨之篇臯陶論用刑之法也經常也言若用刑錯失等與其殺不罪之人寧失於不常之罪謂實有罪而失於妄免也此書之意懼失善也注爲下至天子正義曰此商頌殷武之篇詩注謂天命湯於在下之國此云爲下國所命謂下國諸侯推命湯爲天子則商書云東征西

夷怨南征北狄怨又云室家相慶曰后來其蘇是也將
刑至徹樂正義曰周禮膳夫職云王日一舉鼎十有二
物皆有俎以樂侑食鄭玄云殺牲盛饌曰舉又曰大喪則
不舉大荒則不舉大札則不舉天地有災則不舉邦有大
故則不舉鄭衆云大故刑殺也莊二十年傳曰司寇行戮
君爲之不舉是禮法將刑爲之不舉也舉則以樂勸食不
舉故徹去樂縣大司樂云大札大凶大災大臣死凡國之
大憂令弛縣鄭玄云弛釋下之釋下即是徹縣也大司樂
弛縣之內不言刑殺大故文不具耳射御驅侵正義
曰教之驅車侵伐人也注塞井夷竈以爲陳正義曰
成十六年傳說此事云范匄趨進曰塞井夷竈陳於軍中
則此謀范匄所爲今以爲苗賁皇之計者鄭衆云此范匄
所言苗賁皇亦言之故聲子引以爲喻樂范易行以誘
之正義曰賈逵鄭衆皆讀易爲變易之易賈以行爲道
也樂爲將范爲佐二人分中軍別將之欲使樂與范易道
今范先誘楚樂以良卒從而擊之鄭謂易行中軍與下軍

易卒伍也計設謀之時軍旣夫動道未定分何以言改道也將卒相附繫屬久矣無容臨戰而改易將卒且言易行行非卒伍之名安得爲易卒伍也二者之說皆不可通杜以傳言誘之則謂羸師毀軍示弱以誘敵故讀易爲簡易之易謂簡易行陳少其丘備今楚貪已不復顧二穆之兵使中行二卻得克二穆也楚語說此事云雍子謂欒書曰楚師可料也在中軍王族而已若易中下楚必歆之韋昭云中下中軍之上下也歆猶貪也簡易欒范之行示之弱以誑楚也是韋昭已讀爲簡易之易故杜從之也此與楚語俱述聲子之言傳言鄢陵之敗苗賁皇之爲楚語亦論鄢陵之役而云雍子之爲二文不同或丘明傳聞兩說兩記之也劉炫以爲國語非丘明所作爲有此類注往與左傳不同故也注四萃四面集攻之正義曰楚語云三萃以攻其王族必大敗之韋昭云時晉有四軍言三集者中軍見入而上下及新軍乃三集以致攻之韋昭見彼爲三字故說之使通耳蓋二文不同必有一誤注夷傷至

為燬

正義曰月令云瞻夷察傷知夷亦傷也於時呂錡

射王中目是王傷也吳楚之間謂火滅為燬相傳有此語

也言軍師之敗若火滅然子木至逆之正義曰楚語

說此事云子木愀然曰夫子何如召之其來乎對曰云人

得復何為不來子木曰不來則若之何對曰資東陽之盜

殺之其可乎子木曰不可我為楚卿而賂盜以賊一夫於

晉非義也子為我召之吾倍其許靈公如楚請伐

室乃使椒鳴召其父而復之

鄭十六年晉伐許他國皆大夫曰師不興孤不

歸矣八月卒于楚楚子曰不伐鄭何以求

諸侯冬十月楚子伐鄭為許鄭人將禦之子

產曰晉楚將平諸侯將和和在楚王是故

明年

昧於一來

昧猶貪冒

不如使逞而歸乃易成也

逞快也

夫小人之性覺於勇嗇於禍以足其性

而求名焉者非國家之利也若何從之

動

也嗇貪也言鄭之欲與楚戰者皆覺勇貪名之人非能為國計慮久利不可從也

子展說不

禦寇十二月乙酉入南里墮其城

南里鄭邑

涉

於樂氏

樂氏津名

門于師之梁

鄭城門

縣門發獲

九人焉涉于汜而歸

於汜城下涉汝水南歸

而後葬許

靈公

卒靈公之志而後葬之

疏

夫小至從之國勇夫皆貪欲禦寇望敗楚以

正義曰於時鄭

成己名故子產爲此言以破之夫此鄭國欲得戰者小人之性奮動於勇貪於禍亂冀得戰鬪以足滿其性而自求成武勇之名焉欲得禦寇者皆自爲其身非國家之利也若何得從之言禦寇之計不可從也 注魯動至從也

正義曰賈鄭先儒皆以魯爲動也王肅云魯謂自矜奮以夸人王延壽魯靈光殿賦云佇魯以軒轡是魯爲奮動之意也嗇是吝惜之名故爲貪也詩云民之貪亂寧爲荼毒是小人之性貪禍亂也言鄭人欲得與楚戰者皆是奮動於勇貪求名譽之人欲望因有禍亂以成己名非能爲國家計慮希長久之利不可從也定本云嗇養也非也

注於汜至南歸 正義曰杜檢汜是地名非水名而云涉于汜是於汜地涉水耳釋例土地名云楚伐鄭師于汜襄城縣南汜城是也汝水出南陽魯縣東南經襄城是知於汜城下涉汝水而南歸也 衛人歸衛

姬于晉乃釋衛侯

衛侯以女說晉而後得免

君子是以知

平公之失政也

傳言晉之衰

晉韓宣子聘于周王

使請事

問何事來聘

對曰晉士起將歸時事於宰

旅無他事矣

起宣子名禮諸侯大夫入天子園稱士時事四時貢職宰旅冢宰之下士言獻

職貢於宰旅不敢斥尊

王聞之曰韓氏其昌阜於晉乎

辭不失舊

阜大也傳言周衰諸侯莫能如禮唯韓起不失舊



注起宣至斥尊正

義曰周禮大國之卿三命天子上士亦三命曲禮云列國之大夫入天子之國曰某士是諸侯大夫入天子之國禮法當稱士也以其人官卑故下士獨得旅稱周禮大夫之屬官有旅下士三十有二人是知宰旅爲冢宰之下士也劉炫云知時事四時貢職者小行人云春入貢秋獻功至親受之鄭玄云貢謂六服所貢功謂考績之功是謂大夫

夫貢時事之義也

齊人城邾之歲

在二十四年

其夏齊烏餘

以廩丘奔晉

烏餘齊大夫廩丘今東郡廩丘縣故城是

襲衛羊角取

之

今廩丘縣所治羊角城是

遂襲我高魚

高魚城在廩丘縣東北句

有大

雨自其竇入

雨故水竇開

介于其庫

入高魚庫而介其甲

以登

其城克而取之

取魯高魚無所諱而不書其義未聞

又取邑于宋

於是范宣子卒

宣子范句

諸侯弗能治也及趙

文子為政乃卒治之文子言於晉侯曰晉

為盟主諸侯或相侵也則討而使歸其地

今烏餘之邑皆討類也

言於比類宜見討

而貪之是

無以爲盟主也請歸之公曰諾孰可使也

對曰胥梁帶能無用師晉侯使往

胥梁帶晉大夫能無

用師言

疏

注烏餘至城是丘爲齊地案廩丘地在東郡則是衛之邦域

正義曰釋例土地名以廩

齊竟不至此也羊角高魚皆在東郡廩丘與之相近齊不得別有廩丘烏餘齊之大夫得以廩丘奔晉者蓋齊人往前取得衛邑以賜烏餘如鄭公孫段之得州宋樂大心之有原也宋鄭大夫得以晉地爲采邑是知齊大夫得以衛地爲采邑杜見齊人以之奔晉故釋例以爲齊地明年討烏餘皆取其邑而歸諸侯蓋以廩丘歸齊也
注取魯至未聞正義曰服虔云取魯高魚及反之皆不書蓋諱之杜以被人取邑無所可諱故云其義未聞莊十八年公追

戎于濟西傳云不言其來諱之也戎來不覺國以爲諱盜竊魯邑而云無可諱者所言諱者諱國惡禮也侯不在疆戎來不覺是國無政令故諱之此守高魚者不覺介於其庫直是守者罪耳非國之恥故諸被伐取魯邑皆不諱也昭二十五年齊侯取鄆書而不諱知失邑無可諱也此亦戰于麻隧之類蓋經文脫漏耳於是至治之正義曰烏餘以二十四年奔晉二十五年范宣子卒趙文子代之爲政至明年始討烏餘故云乃卒治之傳先言治之下乃述其治之事也

經二十有七年春齊侯使慶封來聘

景公即自通嗣

也君夏叔孫豹會晉趙武楚屈建蔡公孫歸

生衛石惡陳孔奐鄭良霄許人曹人于宋

案傳會者十四國齊秦不交相見邾滕爲私屬皆不與盟
宋爲主人地於宋則與盟可知故經唯序九國大夫楚先
晉軟而書先晉貴信也陳于晉會常



注案傳至惡下
正義曰案傳諸

國大夫及諸侯之身至宋者有晉楚齊秦魯衛陳蔡鄭許
曹邾滕并宋爲主人凡十四國也齊秦不交相見邾滕爲
人私屬皆不與於盟爲盟而爲此會故不盟者會亦不序
也宋爲地主法當不序於列故經唯序九國大夫也案傳
楚先晉軟則當先書楚傳言書先晉晉有信也是仲尼貴
晉有信故先書趙武也釋例班序譜晉合諸侯二十國起
僖二十八年盡哀十四年大率皆陳後次蔡蔡後次衛是
陳于晉會常在衛上也今孔奐乃降於蔡衛在石惡之下
故知奐非上卿故也成三年傳曰次國之上卿當大國之
中中當其下是計卿位爲班也知非奐後至者以傳稱與
蔡公孫歸生同至故也案傳七月之下乃云庚辰子木等
至自陳陳孔奐蔡公孫歸生至則諸侯大夫七月始集於

宋而此會書在夏者事雖在秋行還乃告追以叔孫豹發時書之十年夏會于粗而經書在春注云經書春書始行此亦彼之類也

衛殺其大夫甯喜

甯喜弑剽立衍衍今雖不以弑剽致討於大義

宜追討之故經以國討爲文書名也書在宋會下從赴

衛侯之弟鮒出奔晉

衛侯始者云政由甯氏祭則寡人而今復患其專緩答免餘諒負其前信且不能友于賢弟使至出奔故書弟以罪

兄

注甯喜至從赴

正義曰大夫見殺書名者皆是

未爲罪當死也故杜跡其應死之狀弑君之賊於法當誅衍雖不以弑剽致討其於大義宜追討之故雖非國人討

賦因其被殺亦以國討爲文書其名以罪喜也不以弑君之罪討之故言追也

注衛侯至罪兄

正義曰釋例曰

仲尼因母弟之例以與義鄭伯懷害弟之心天正縱筆臣以殺其弟夫子探書其志故顯書二兄以首惡佞夫稱弟

不聞反謀也鄭段去弟身爲謀首也然則兄而害弟者稱弟以章兄罪弟又害兄則去弟以罪弟身也推此以觀其餘秦伯之弟鍼陳侯之弟黃衛侯之弟鱣皆是兄害其弟者也統論其義兄弟二人交相殺害各有曲直書弟則示兄曲也是杜以鱣之出奔非鱣之罪故跡其事以爲衛侯罪狀也衛侯始者使鱣與甯喜言云苟得反國政由甯氏祭則寡人如是則甯喜專權未爲負約而今公忠其專政故免餘請殺公復緩答免餘任令殺喜既負其言信又不能友于賢弟使至出奔故書其弟以罪兄也昭元年秦伯之弟鍼出奔晉傳曰罪秦伯知此亦罪衛侯也

七月辛巳豹及諸侯之大夫盟于宋

夏會之大夫也

秋

豹不倚順以顯弱命之君而辨小是以自從故以違命貶之釋例論之備矣

疏

注夏會至備矣正義曰

杜云夏會之大夫者因經書在夏故云夏會其實會秋耳諸國朝會而因有他事者皆前目而後凡故此不復序

而摠云諸侯之大夫還是夏會之大夫也豹去叔孫者傳言季孫以公命命豹使視邾滕而叔孫不從不書其族言違公命故貶之也從公之命於理順也不視邾滕其是小也順君之命其禮大不視邾滕爲是小豹不倚此順道以顯弱命之君而辨小是以自從故以違命貶之也於時魯國君弱臣彊政令出於季氏魯君不得有命臣之理臣之小者季氏以己意命之皆不敢不從也叔孫豹秉心彊直季氏所憚恐不從己意故假以公命命之諸傳言以公命者實非公命而假稱公耳其時魯君未嘗有命此稱公命是假可知豹雖心知是假若其即以爲真共敬從命則國內義士皆將生心必相告云豹是國之大賢我等仰以取法聞是公命雖非亦從則知公之所命悉不可違豈不使季氏懼而公室尊也從公之命是爲順也如此雖實非公命豹但倚此順道以從公命則弱命之君命得顯矣尊君卑臣在此一舉比視邾滕未爲大失豹乃辨其小是以從己心違君之命故貶之釋例曰季氏專魯祿之去公室三

世矣制命出於私門非國所知也叔孫豹魯之賢臣欲臣
難以矯時故季孫憚之不敢以己意假公命以勢叔孫也
邾滕之班不列於會豹不登朝固請受命而行邾滕降次
事非機危既不馳請又不辭會而率意改命失命之甚其
君民食於深宮今一出命共命之使所宜崇長雖有小失
遂而伸之國內固知我君之命不可以違則季氏有懼而
義士生心君子以豹不倚順以顯弱命之君而辨小是以
自從故以違命貶之也杜言辨小是者豹云宋衛吾匹不
視邾滕於理是也但比於申弱君

冬十有二月乙亥

朔日有食之

今長歷推十一月朔非十二月傳曰辰
在申再失閏若是十二月則爲三失閏

故知

疏

注今長至經誤正義曰此經言十二月而傳
言十一月今杜以長歷推之乙亥是十一月朔

非十二月也傳曰辰在申再失閏矣若是十二月當爲辰
在亥以申爲亥則是三失閏非再失也推歷與傳合知傳

定而經
誤也

傳二十七年春胥梁帶使諸喪邑者具車

徒以受地必周

諸喪邑謂齊魯宋也周密也必密來勿以受地為名

使烏餘

具車徒以受封

烏餘以地來故詐許封之

烏餘以其眾出

出受

也使諸侯偽效烏餘之封者

效致也使齊魯宋偽若致邑封烏餘

者而遂執之盡獲之

皆獲其徒眾

皆取其邑而歸

諸侯諸侯是以睦於晉

傳言趙文子賢故平公雖失政而諸侯猶睦

疏

使烏餘具車徒二義曰必使烏餘具車徒者以三國皆具車徒若不使亦具車徒恐其驚而覺也且烏

餘竊邑諸侯不能治之則無餘之衆彊也處其逆散欲聚以執之下云盡獲之是也皆取至於晉正義曰古本亦有不重言諸侯者今定本重有諸侯若重言諸侯則天下諸侯以此事故皆睦於晉也劉炫云晉宋古本皆不重言諸侯則唯謂齊魯宋三國睦耳不重是也齊慶封來聘其車美孟

孫謂叔孫曰慶季之車不亦美乎

季慶封字

叔

孫曰豹聞之服美不稱必以惡終美車何

爲叔孫與慶封食不敬爲賦相鼠亦不知

也

相鼠詩鄘風曰相鼠有皮人而無儀人而無儀不死何爲慶封不知此詩爲己言其間甚爲明年慶封來

奔衛甯喜專公患之公孫免餘請殺之

免餘

衛大夫公曰微甯子不及此及此反吾與之言矣

言政庄事未可知恐伐之未必勝祇成惡名止也祇適甯氏也

對曰臣殺之君勿與知乃與公孫無地公

孫臣謀二公孫使攻甯氏弗克皆死無地及臣皆死

公曰臣也無罪父子死余矣獻公出時公孫臣之父為孫氏所殺

夏免餘復攻甯氏殺甯喜及右宰穀尸諸

朝穀不書非卿也石惡將會宋之盟受命而出衣其

尸枕之股而哭之欲斂以亡懼不免且曰

受命矣乃行

行會于宋爲明年石惡奔傳

子鮮曰逐我者

出

謂孫林父

納我者死

謂寧喜

賞罰無章何以沮

勸君失其信而國無刑不亦難乎

難以治國

且

縛實使之

使寧喜納君

遂出奔莒公使止之不可

不肯

及河又使止之止使者而盟於河

誓不還

託於木門

木門晉邑

不鄉衛國而坐

怨之深也

木門

大夫勸之仕不可曰仕而廢其事罪也從

之昭吾所以出也將誰愬乎

從之謂治其事也事治則明已

出欲仕無所自愬

吾不可以立於人之朝矣終身不

仕自誓不仕終身

公喪之如稅服終身

稅即縗也與新縗裳縗細而

五服之常本無月數痛愍子鮮故特爲此服此服無月數而獻公尋薨故言終身

公與免餘

邑六十辭曰唯卿備百邑臣六十矣下有

上祿亂也

此一乘之邑非四井之邑論語稱千室又云十室明通稱

臣弗敢

聞且甯子唯多邑故死臣懼死之速及也

公固與之受其半以爲少師公使爲卿辭

曰大叔儀不貳能贊大事

贊佐也

君其命之

乃使文子爲卿

文子大叔儀

疏

注獻公至所殺正義曰十四年傳曰公使子

蟜子伯子皮與孫子盟于丘宮孫子皆殺之彼所殺者皆是公子而此臣是公孫公言臣也無罪父子死余知是爾時死耳亦不知彼所殺者誰是臣之父也子鮮至難乎正義曰逐我者應死而得生出納我者有功而更身死章明也沮止也罰有罪所以止人爲惡賞有功所以勸人爲善今賞罰既無章明何以得爲止勸乎刑法也君失其信違信而殺寗喜而國無法賞罰無所章明以此爲國不亦難乎言治國難也注自誓不仕終身正義曰終身不仕叙事辭也言自誓不仕以終其身故傳言終身不仕也此終身者子鮮之身終也下云公喪之終身者獻公之身終也獻公以二十九年夏卒其子鮮之卒蓋差在獻公之前耳故公喪服以終身也注稅即至終身正義曰傳云公喪之者言公爲之服喪服也禮無稅服之名如稅服者不知何服也服虔云衰麻已除日月已過乃聞喪而服

是爲稅服稅服服之輕者案禮記過而追服實名爲稅
聞凶之日爲服喪之始其服追過而服之衰麻不爲有異
何云服之輕者公若依彼稅服法其兄弟之服則還是齊
衰期耳何以得云如也杜以其義不通故云稅即總也當
是聲相近而字改易耳喪服有總衰裳牡麻經既葬除之
其章唯有諸侯大夫爲天子以外無人服此服也喪服傳
曰總衰者小功之總也鄭玄云治縷如小功而成布四升
半細其縷者以恩輕外數少者以服至尊凡布細而疎者
謂之總是總者縷細而希疎也喪服之文在大功之下小
功之上是非五服之常也既葬除之是本無月數也禮天
子諸侯絕旁期計公於子鮮不應爲之服獻公痛愍子鮮
特爲服此服也此服既無月數獻公服之不自云幾月當
止獻公尋自身薨至死未釋此服故云終身也兄弟之服
本服斯耳獻公驕淫之君不應過其常月杜言獻公尋薨
謂此子鮮之卒差在獻公前耳注此一至通稱正義
曰司馬法成方十里出革單一乘此一乘之邑每邑方十

里也論語云百乘之家大夫稱家邑有百乘是百乘爲采邑之極此云唯卿備百邑知所言邑者皆是一乘之邑非四井之邑也杜以一乘名邑書傳無文故引論語千室十室明其大小通稱邑也

宋向戌善

於趙文子又善於令尹子木欲弭諸侯之

兵以爲名

欲獲息民之名

如晉告趙孟趙孟謀於諸

大夫韓宣子曰兵民之殘也財用之蠹

害

物之蟲

小國之大菑也將或弭之雖曰不可必

將許之

言雖知兵不得久弭今不可不許

弗許楚將許之以

召諸侯則我失爲盟主矣晉人許之如楚

楚亦許之如齊齊人難之陳文子曰晉楚
許之我焉得已且人曰弭兵而我弗許則
固攜吾民矣將焉用之齊人許之告於秦
秦亦許之皆告於小國爲會於宋五月甲
辰晉趙武至於宋丙午鄭良霄至六月丁
未朔宋人享趙文子叔向爲介司馬置折
俎禮也折俎體解節折升之於俎合卿享宴之
禮故曰禮也周禮司馬掌會同之事仲尼
使舉是禮也以爲多文辭宋向戌自美弭兵之
意敬逆趙武趙武

向因享宴之會展賓主之辭故仲尼以為多文辭
戊申叔孫豹齊慶封陳

須無衛石惡至須無陳文子
甲寅晉荀盈從趙

武至趙武命盈追已故言從趙武後武遣盈如楚
丙辰邾悼公至小國

故君自來
壬戌楚公子黑肱先至成言於晉時令

尹子木止陳遣黑肱就晉大夫成盟載之言兩相然可
丁卯宋向戌如陳從

子木成言於楚就於陳成楚之要言
戊辰滕成公至

亦小國君自來
子木謂向戌請晉楚之從交相見也

使諸侯從晉楚者更相朝見
庚午向戌復於趙孟趙孟曰

晉楚齊秦匹也晉之不能於齊猶楚之不

能於秦也

不能服而使之

楚君若能使秦君辱於

敝邑寡君敢不固請於齊

請齊使朝楚

壬申左師

復言於子木子木使駟謁諸王

駟傳也謁告也

王

曰釋齊秦他國請相見也

經所以不書齊秦

秋七月

戊寅左師至

從陳還

是夜也趙孟及子皙盟

以齊言

子皙公子黑肱素要齊其辭至盟時不得復訟爭

庚辰子木至自

陳陳孔奐蔡公孫歸生至

二國大夫與子木俱至

曹許

之大夫皆至以藩爲軍示不晉楚各處其偏

晉處北伯夙謂趙孟伯夙曰楚氛甚惡懼難

楚處南趙孟曰吾左還入於宋若我何

氛氣也言楚有襲晉之氣辛巳將盟於宋西門

營在宋北東頭爲上故晉營在東有急可左迴入宋東門伯州犁曰合諸

之外楚人衷甲甲在衣中欲侯之師以爲不信無乃不可乎夫諸侯望

信於楚是以來服若不信是棄其所以服

諸侯也固請釋甲子木曰晉楚無信久矣

事利而已苟得志焉焉用有信大宰退

大宰

伯州告人曰令尹將死矣不及三年求逞志

而棄信志將逞乎志以發言言以出信信

以立志參以定之

志言信三者具而後身安存

信亡何以

及三

為明年子木死起本

趙孟患楚衷甲以告叔向叔

向曰何害也匹夫一為不信猶不可單斃

其死

單盡也斃踣也

若合諸侯之卿以為不信必不

捷矣食言者不病

不病者單斃於死

非子之患也

楚食

言當死晉不食言故無患

夫以信召人而以僭濟之

濟成也

必

莫之與也安能害我且吾因宋以守病

楚為

所病則欲入宋城

則夫能致死與宋致死雖倍楚可

也

宋為地主致死助我則力可倍楚

子何懼焉又不及是曰弭

兵以召諸侯而稱兵以害我

稱舉也

吾庸多

矣非所患也

晉獨取信故其功多

季武子使謂叔孫以

公命曰視邾滕

兩事晉楚則貢賦重故欲比小國武子恐叔孫不從其言故假公命以勢

之既而齊人請邾宋人請滕皆不與盟

私屬二國

故叔孫曰邾滕人之私也我列國也何故

視之宋衛吾匹也乃盟故不書其族言違

命也

季孫專政於國魯君非得有命今君唯以此命告
豹豹宜崇大順以顯弱命之君而遂其小是故貶

之晉楚爭先

爭先
歃血

晉人曰晉固為諸侯盟主

未有先晉者也楚人曰子言晉楚匹也若

晉常先是楚弱也且晉楚狎主諸侯之盟

也久矣

狎更
也

豈專在晉叔向謂趙孟曰諸

侯歸晉之德只

只
辭

非歸其尸盟也

尸主
也

子務

德無爭先且諸侯盟小國固必有尸盟者

小國主辨具楚為晉細不亦可乎欲推使楚主盟乃先楚

人書先晉晉有信也蓋孔子追正之壬午宋公兼享

晉楚之大夫趙孟為客客一坐所尊故季孫飲大夫酒臧紇為客

子木與之言弗能對使叔向侍言焉子木

亦不能對也乙酉宋公及諸侯之大夫盟

于蒙門之外前盟諸大夫不敢敵公禮也今宋公以近在其國故謙而重盟重盟故不書蒙

門宋城門**疏**注蠹害物之蟲正義曰釋蟲云蝎桑蠹李巡云蝎木中蟲也穆天子傳云天子蠹書於羽陵

曝去書內簡中之蟲是蟲在木中謂之爲蠹昭三年傳云
公聚朽蠹則在諸物之中皆名爲蠹故云害物之蟲也害
物之蟲既名爲蠹故害於物者皆以蠹言之孫子兵書云
興軍十萬日費千金是兵爲財用之蠹也 注折俎至之
事 正義曰折俎謂體解節折升之於俎周語文也宣十
六年傳曰王享有體薦宴有折俎公當享卿當宴王室之
禮也彼傳之意言享公當依享法有體薦也享卿當如宴
法有折俎也彼王自言之故云王室禮耳其諸侯之待公
卿禮法亦當然也故此享趙孟而置折俎合卿享宴之禮
故曰禮也周禮大司馬云大會同則帥士庶子而掌其政
令大祭祀饗食羞牲魚是司馬掌會同薦羞之事故宋人
此享令司馬置折俎也 仲尼至文辭 正義曰此文甚
略本意難知蓋於此享也賓主多有言辭時人跡而記之
仲尼見其事善其言使弟子舉是宋享趙孟之禮以爲後
人之法丘明述其意仲尼所以特舉此禮者以爲此享多
文辭以文辭可爲法故特舉而施用之 注宋向至文辭

正義曰杜以賓主之辭禮有定式於此乎也何以獨多故解其多辭之意服虔云以其多文辭故特舉而用之後世謂之孔氏聘辭以孔氏有其辭故傳不復載也所言孔氏聘辭不知事何所出實尊禮而謂之爲聘舉舊辭而目曰孔氏事亦不必然也 注趙武命盈追己 正義曰沈氏曰知非晉侯命者若是晉侯應云甲寅荀盈至今云從武至故知趙武命也杜云後武遺盈如楚見此意耳 以藩爲軍 正義曰古人行兵止則築爲壘塹以備不虞此以藩籬爲軍者方欲弭兵以示不相忌也 注伯夙荀盈正義曰伯夙即是荀盈於傳亦無明據未測何以知之服虔云伯夙晉大夫其意以爲別有伯夙非荀盈也 志將至及三 正義曰志將遲乎言其不得遲也在心爲志出口爲言志有所之言乃出口故志以發言也與人爲信必言以告之故言以出信也於人有信志乃得立故信以立志也人之處身於世常恐不得安定參即三也言也信也志也三者俱備然後身得安定欲安其身用此三者以定

之信亡則志不立矢志必死不久何以得及三年 匹夫
至其死 正義曰匹夫謂賤人也賤人一爲不信猶尚不
可況國卿也不信之人盡蹈其死言無得生者前覆曰
謂倒地死也 食言者不病 正義曰不病者不唯病害
而已必至於死也言之不用若食之消散故謂無信爲食
言也 夫能至及是 正義曰夫謂宋也宋能致死助我
今晉師與宋致死不但唯敵於楚雖更力倍於楚可也子
何須懼焉又想楚人之情不應及是之惡 注兩事至躬
之 正義曰案傳上文六月戊申叔孫豹至丁卯向戌如
陳從子木成言於楚子木乃請晉楚之從交相見則叔孫
發魯之時未有此交相見之議也子木既有此請季孫在
國聞之季孫使謂叔孫者使人就宋謂之也於時季氏專
魯國之利害季孫所量自慮兩屬貢賦必重疑邾滕將爲
人之私故令豹比視小國此直季孫意耳非公意也若是
餘人爲使季孫以己意命之無敢違者但叔孫彊直季孫
所憚告以己意恐不見從故假稱公命以專勸之望其敬

公命而遂已志也。長歷丁卯是六月二十一日也。辛巳是七月五日也。丁卯已有此議。辛巳方始結盟。則叔孫既得公命其去盟日猶遠。反魯覆請足得往來。但叔孫知非公命不復更請。臨盟則率己之意。自從所欲。故釋例云豹不登朝。固請受命而行。邾滕降次。事非機危。既不馳請。又不辭會。率意改命。失命之甚。是言其間足得反請。而叔孫不請。故責之也。注季孫至貶。正義曰。季孫專政於國。魯君非得有命。此以公命非公可知。叔孫亦知非公命。故不肯從之。其實叔孫違命止違季孫意耳。但季孫假以公命。謂之叔孫。雖內知非公。而其辭稱公。即須從命。叔孫既得此命。宜應內自思省。我君由來無命。今君唯以此命。我事雖非理。亦宜聽從。如是則敬君之情深矣。豹宜崇此大順之道。以顯弱命之君。而乃校計。公言是非不肯同於小國。遂其小。是以忘大順。故貶之。此義至妙。唯杜始得之矣。賈逵云。叔孫義也。魯疾之非也。服虔云。叔孫欲魯不爲人私。雖以違命見貶。其於尊國之義得之。

族是文貶也傳言違命是實惡也賈服違經反傳皆左氏異孔子孔子貶之賈遠賞之丘明言其違命服虔善其尊國是不以丘明之言解左傳不以孔子之意說春秋也且晉至久矣正義曰陳蔡鄭許作南作北成二年楚公

子嬰齊爲蜀之盟諸夏之國大夫皆在是晉楚更代主諸侯之盟實久也注小國主辨具正義曰盟實大國爲

主而此云小國主盟知其主辨具也哀十七年公會齊侯盟于蒙孟武伯問於高柴曰諸侯盟誰執牛耳季羔曰鄫行之役吳公子姑曹發陽之役衛石魋武伯曰然則蒧也所言主辨具者如彼執牛耳之類皆小國主備之法當小國執牛耳鄫行吳公子執之者於時吳爲盟主夷不知禮故自使其人執之也盟法大國制其言小國尸其事此盟爭先敵不爭主備叔向以小國主盟爲言者叔向以久乎不決或將戰闔因盟時小國有所主欲令趙孟下楚假此以勸之耳注客一至爲客正義曰享宴之禮賓旅雖多特以一人爲客燕禮者諸侯燕臣之禮也經云小臣納

卿大夫卿大夫皆入門右北面東上乃云射人請賓公曰
命某爲賓賓出立于門外更使射人納賓公降一等揖之
賓即客也是客一坐所尊也季孫飲大夫酒臧紇爲客二
十三年傳也魯語云公父文伯飲南宮敬叔酒路堵父爲
客羞鼈小堵父怒相延食鼈辭曰將使鼈長而食之遂出
文伯母聞之怒曰吾聞之先子曰祭養上尸享養上賓鼈
於何有而使夫人怒也是一坐所尊敬之事也案燕禮記
曰公與卿燕則大夫爲賓與大夫燕亦大夫爲賓又聘禮
燕聘賓則以上介爲賓此宋公享大夫以趙孟爲客者燕
禮謂與己之臣子燕嫌卿敵公故以大夫爲賓聘禮據特
來聘者敬其使人故使介爲賓此則兼享晉楚大夫異於
常禮以尊敬霸主之國故令趙孟爲客服虔云楚君恒以
大夫爲賓者大夫卑雖尊之猶遠君也楚先畝爲盟主故
尊趙孟爲客案此享宋爲主非楚爲主服之矣也劉炫云
兼享晉楚之大夫不以屈建爲賓者賓唯一人出自當時
意耳 子木至對也 正義曰上云晉卿不如楚其大夫

則賢是也子木問於趙孟曰范武子之德何如士

賢聞於諸侯故問之對曰夫子之家事治言於晉國無

隱情其祝史陳信於鬼神無愧辭祝陳馨香德足副之

愧故不子木歸以語王王曰尚矣哉尚上也能歆

神人歆享也使神享其祭人懷其德宜其光輔五君以為盟

主也五君謂文襄靈成景子木又語王曰宜晉之伯也

有叔向以佐其卿楚無以當之不可與爭

疏注五君謂文襄靈成景正義曰晉語訾拓對范宣子曰武子佐文襄諸侯無貳心為卿以輔成景軍無

敗政及為元帥居大傳國無姦民是以受隨范是其光輔
五君也服虔云文公為戎右襄靈為大夫成公為卿景公

為大傳晉荀盈遂如楚泣盟
重結晉楚之好鄭伯享趙

孟子垂隴自宋還過鄭子展伯有子西子產子大

叔二子石從二子石印段公孫段趙孟曰七子從君以

寵武也請皆賦以卒君貺武亦以觀七子

之志詩以言志子展賦草蟲草蟲詩召南曰未見君子憂心忡忡亦既見止亦既

韜止我心則降趙孟曰善哉民之主也在上不

可以主民抑武也不足以當之辭君子伯有賦鶉之

賁賁

鵲之賁賁詩鄘風衛人刺其君淫亂鵲之趙不若義取人之無良我以爲兄我以爲君也

孟曰牀第之言不踰閭況在野乎非使人

之所得聞也

第簣也此詩刺淫亂故云牀第之言閭門限使人趙孟自謂

子西

賦黍苗之四章

黍苗詩小雅四章曰肅肅謝功召伯營之列列征師召伯成之比趙

孟於召伯

趙孟曰寡君在武何能焉

推善於其君

子產

賦隰桑

隰桑詩小雅義取思見君子盡心以事之曰既見君子其樂如何

趙孟曰

武請受其卒章

卒章曰心乎愛矣遐不謂矣中心藏之何日忘之趙武欲子產之見

親誨

子大叔賦野有蔓草

野有蔓草詩鄭風取其邂逅相遇道我願兮

趙孟曰吾子之惠也

大叔喜於相遇故趙孟受其惠

印段賦

蟋蟀

蟋蟀詩唐風曰無以大康職思其居好樂無荒良士瞿瞿言瞿瞿然顧禮儀

趙孟曰

善哉保家之主也吾有望矣

能戒懼不荒所以保家

公

孫段賦桑扈

桑扈詩小雅義取君子有禮文故能受天之祐

趙孟曰匪

交匪敖福將焉往

此桑扈詩卒章趙孟因以取義

若保是言

也欲辭福祿得乎卒享文子告叔向曰伯

有將爲戮矣詩以言志志誣其上而公怨

之以爲賓榮

言誣則鄭伯未有其實趙孟倡賦詩以自寵故言公怨之以爲賓榮

其能久乎幸而後亡

言必先亡

叔向曰然已侈所

謂不及五稔者夫子之謂矣

稔年也為三十年鄭殺良霄傳

文子曰其餘皆數世之主也子展其後亡

者也在上不忘降

謂賦草蟲曰我心則降

印氏其次也

樂而不荒

謂賦蟋蟀曰好樂無荒

樂以安民不淫以使

之後亡不亦可乎



注鴉之至君也正義曰伯有賦此詩者義取人之

無善行者我以此為君是有嫌君之意於時鄭簡公是穆公之玄孫良霄是穆公之曾孫君非良霄之兄杜言并取人之無良我以為兄者因詩成文故連言之劉君以為非兄而規杜非也注第箒也正義曰釋器云箒謂之第

孫炎曰牀也郭璞曰牀版也然則牀是大名簀是牀版檀弓云大夫之簀與簀名亦得統牀故孫炎以爲牀也保家之主也正義曰大夫稱主言是守家之主不亡族也下云數世之主亦然詩以至賓榮正義曰在心爲志發言爲詩是詩所以言人之志意也鄭君實未有罪伯有稱人之無良是誣其上也但伯有不臣被公之所怒以公怨怒當自須掩蓋而賦詩道公無良反將公之所怨以爲賓之榮寵劉炫云而公顯然將比來之怨以爲對賓之榮樂也樂以至可乎正義曰印段賦蟋蟀義取好樂無荒無荒即不淫也好樂則用樂以安民也其使民也又不淫以使之民皆愛之守位必固在人後亡不亦可乎宋左師請賞曰請免死之邑欲宋君稱功加厚賞故謙言免死之邑也公與之邑六十以示

子罕子罕曰凡諸侯小國晉楚所以兵威

之畏而後上下慈和慈和而後能安靖其

國家以事大國所以存也無威則驕驕則

亂生亂生必滅所以亡也天生五材

金木水火土也

民並用之廢一不可誰能去兵兵之設久

矣所以威不軌而昭文德也聖人以興

謂湯武

亂人以廢

謂桀紂

廢興存亡昏明之術皆兵

之由也而子求去之不亦誣乎以誣道蔽

諸侯罪莫大焉縱無大討而又求賞無厭

之甚也削而投之

削賞在師之書

左師辭邑向氏

欲攻司城

司城子罕

左師曰我將亡夫子存我

德莫大焉又可攻乎君子曰彼己之子邦

之司直

詩鄭風司主也

樂喜之謂乎

樂喜子罕也善其不阿向戌

何

以恤我我其收之

逸詩恤憂也收取也

向戌之謂乎

善向

戌能知其過

疏

注欲宋至邑也止兵民不戰闢自矜其功故求免死之賞也

正義曰服虔云向戌自以

如服此言免死謂止兵不闢民免死也杜以爲謙則向戌自以爲己免死也若使計謀不當則罪合死自矜其功言己得免死故請賞邑也廢興至諸侯正義曰言之術者謂德刑禮義是興存盛明之法術也驕殘虐是亡

昏闇之法術也皆兵之由者謂皆畏懼此兵行善不行惡
畏之則興不畏則亡故云皆兵之由也言不亦誣乎者謂
廢興存亡悉皆由兵向成之意以廢興存亡不須用兵是
實須而誣罔云不須故云不亦誣乎服虔云斃踣也一曰
罷也則知服本作弊王肅董過本皆作蔽謂以誣人之道
掩諸侯也杜本作蔽當如王董為蔽掩之也 削而投之
正義曰宋公賞邑書之於札向戌執之以示子罕子罕削
其字而又投之於地也向戌初謀此事子罕不即止之而
至此始怒者蓋初謀子罕不知或 齊崔杼生成及
子罕初亦不覺久思乃知其非也

疆而寡

偏喪曰寡寡特也

娶東郭姜生明東郭姜以

孤入曰棠無咎

無咎棠公之子

與東郭偃相崔氏

東郭

偃姜之弟

崔成有疾而廢之

有惡疾也

而立明成請老

于崔

濟南東朝陽縣西北有崔氏城成欲居崔邑以終老

崔子許之偃與

無咎弗子曰崔宗邑也必在宗主

宗邑宗廟所在宗主

謂崔明

成與彊怒將殺之告慶封曰夫子之

身亦子所知也唯無咎與偃是從父兄莫

得進矣大恐害夫子敢以告

夫子謂崔杼

慶封曰

子姑退吾圖之告盧蒲癸

癸慶封屬大夫封以成彊之言告癸

盧蒲癸曰彼君之讎也天或者將棄彼矣

彼實家亂子何病焉

君謂齊莊公為崔杼所弑

崔之薄也

之厚也

崔敗則慶尊權

他日又告

成彊復告

慶封曰苟利

夫子必去之難吾助女九月庚辰崔成崔

彊殺東郭偃棠無咎於崔氏之朝崔子怒

而出其衆皆逃求人使駕不得使圉人駕

寺人御而出

圉人養馬者寺人奄士

且曰崔氏有福止

余猶可

恐滅家禍不止其身

遂見慶封慶封曰崔慶一

也

言如一家

是何敢然請爲子討之使盧蒲癸

帥甲以攻崔氏崔氏堞其宮而守之

堞短垣使其衆

居短垣內以守

弗克使國人助之遂滅崔氏殺成與

彊而盡俘其家其妻縊

妻東郭姜

嬖復命於崔

子且御而歸之

嬖爲崔子御

至則無歸矣乃縊

入

於其宮不見其妻凶

崔明夜辟諸大墓

開先人之冢以藏之

辛巳崔

明來奔慶封當國

當國秉政

疏

注有惡疾也

正義曰若非惡疾猶堪爲

後以疾而廢明是惡疾惡疾疾之惡者也不知其何疾也論語稱伯牛有疾不欲見人淮南子云伯牛癩此崔成猶能作亂未必是癩也彊無疾亦不得立者愛後妻欲立明故也父兄莫得進矣正義曰成彊是崔杼之子而云父兄者成彊之意以崔杼任無咎與偃棄遠宗族不可自斥於已故舉宗族父兄也崔氏堞其官正義曰謂新

築女牆而守之

楚遠罷如晉泣盟

罷令尹子蕩報荀盈也

晉侯享

之將出賦既醉

既醉詩大雅曰既醉以酒既飽以德君子萬年介爾景福以美晉侯

比之大平君子也

叔向曰遠氏之有後於楚國也宜

哉承君命不忘敏子蕩將知政矣敏以事

君必能養民政其焉往

言政必歸之

崔氏之亂

在二十五年

申鮮虞來奔僕賃於野以喪莊公

齊

莊公服喪

冬楚人召之遂如楚爲右尹

傳言楚能用賢

十

一月乙亥朔日有食之辰在申司歷過也

再失閏矣

謂斗建指申周十一月今之九月斗當建戌而在申故知再失閏也文十一年三月

甲子至今年七十一歲應有二十六閏今長歷推得二十四閏通計少再閏釋例言之詳矣

疏

注謂斗至

詳矣正義曰斗建從甲至癸十者謂之日從子至亥十二者謂之辰傳言辰在申者謂其日昏時斗柄所指於十二辰爲在申也九月當建戌而建申故爲再失閏也文十一年三月至今七十一歲應有二十六閏者歷法十九年爲一章章有七閏從文十一年至襄十三年凡五十七年已成三章當有二十一閏又從襄十四年至今爲十四年又當有五閏故爲應有二十六閏也長歷推得二十四閏者杜以長歷實於其間分置二十四閏釋例云閏者會集數年餘日因宜以安之故閏月無中氣斗建斜指兩辰之間也魯之司歷漸失其閏至此年日食之月以儀審望知斗建之在申斗建在申乃是周家九月也而其時歷稱十一月故知再失閏也於是始覺其謬遂頓置兩閏以應天

正以叙事期然則前閏月爲建酉後閏月爲建戌十二月
爲建亥而歲終焉是故明年經書春無冰傳以爲時災也
若不復頓置二閏則明年春是今之九月十月十一月也
今之九月十月十一月無冰非天時之異無緣摠書春也
尋案今世所謂魯歷者不與春秋相符殆來世好事者爲
之非真也今俱不知其法術具依春秋經傳反覆其終始
以求之近得其實矣杜言以儀審望者大史鑄銅作渾天
儀列二十八宿之度設機關候望以測七曜所在故於彼
鑄銅儀而審望之知此月斗建申也長歷稱大凡經傳有
七百七十九日漢末宋仲子集七歷以考春秋魯歷得五
百二十九日失二百五十日是其不與春秋相符也劉炫
云遠取文十一年三月甲子者以三十年絳縣老人云臣
生之歲正月甲子朔以全日故又云言通計者若據前閏
以來短計不得有再失之理今遠從文十一年以來計之
是爲通計也

經二十有八年春無冰

前年知其再失閏頓置兩閏以應天正故此年正月

建子得以無冰爲災而書

夏衛石惡出奔晉

甯喜之黨書名惡之

邾子

來朝秋八月大雩仲孫羯如晉

告將朝楚

冬齊

慶封來奔

崔杼之黨者酒荒淫而出書名罪之自魯奔吳不書以絕位不爲卿

十有

一月公如楚

爲宋之盟故朝楚

十有二月甲寅天王

崩

靈王也

乙未楚子昭卒

康王也十二月無乙未日誤

䟽

注

二至日誤

正義曰甲寅之後四十二日始得乙未則甲寅乙未不得同月長歷推此年十二月戊戌朔甲寅是十

七日其月無乙未也經有十一

月十二月月不容誤知日誤也

傳二十八年春無冰梓慎曰今茲宋鄭其

饑乎

梓慎魯大夫今年鄭游告宋向戌言之明年饑其傳乃詳其事

歲在星紀而

淫於玄枵

歲歲星也星紀在丑斗牛之次玄枵在子虛危之次十八年晉董叔曰天道多在西

北是歲歲星在亥至此年十一歲故在星紀明年乃當在玄枵今已在玄枵淫行矣次

以有時菑

陰不堪陽

時菑無冰也感陰用事而溫無冰是陰不勝陽地氣發洩

蛇乘龍

蛇

武之宿虛危之星龍歲星歲星木也木爲青龍失次出虛危下爲蛇所乘龍宋鄭之星也

歲星本位在東方東方房心爲宋角亢爲鄭故以龍爲宋鄭之星

宋鄭必饑玄枵虛

中也

玄枵三宿虛星在其中

枵耗名也土虛而民耗不

饑何為

歲為宋鄭之星今失常淫入虛耗之次

疏

注

慎至其事 正義曰此年傳鄭游吉云歲之不易宋向戌云飢寒之不恤是今年言之也明年傳云鄭饑子皮饑國入粟於是宋亦饑子罕請於平公出公粟以貸是詳其事也 注歲歲至失次 正義曰左傳及國語所云歲在者皆謂歲星所在故云歲歲星也五星者五行之精也歷書稱木精曰歲星火精曰熒惑土精曰鎮星金精曰太白水精曰辰星此五者皆右行於天二十八宿則著天不動故謂二十八宿為經五星為緯言若織之經緯然也天有十二次地有十二辰丑子亥北方之辰也次之與辰上下相值故云星紀在丑亥枵在子釋天云星紀斗牽牛也亥枵虛也孫炎曰星紀日月五星之所終始也故謂之星紀虛在正北北方色玄故曰玄枵枵之言耗耗虛之意也漢書律歷志云星紀初斗十二度終於婺女七度玄枵初婺女八度終於危十五度是星紀為斗牛之次玄枵為虛危之

次也九年傳稱晉侯問公生歲乃曰十二年矣是謂一終一星終也言歲星大率十二年而一周天也十八年晉董叔曰天道多在西北是言其年歲星在亥也歲星右行於天至此年十一年耳行未及周故此年歲星常法當在星紀明年乃當在玄枵今年已在玄枵是其淫行失次也漢書律歷志載劉歆三統歷歆以爲歲星一百四十四年行天一百四十五次一千七百二十八年爲歲星歲數言數滿此年剩得行天一周也三統之歷以庚戌爲上元此年距上元積十四萬二千六百八十六歲置此歲數以歲星歲數一千七百二十八除之得積終八十二去之歲餘九百九十以一百四十五乘歲餘得十四萬三千五百五十一以一百四十四除之得九百九十六爲積次不盡一百二十六爲次餘以十二除之得八十三去之盡是爲此年更發初在星紀也欲知入次度者以次餘一百二十六乘一次三十度以百四十四除之得二十六度餘是歲星本平行此年之初已入星紀之次二十六度餘當在婺女四度

於法未入於立枵也傳言淫於立枵未知已在立枵幾度此舉其大率耳而五星之次行有遲有疾有留伏逆順於歷法更自別有推步之術此不可詳也注時苗至發洩正義曰傳先言無冰乃載梓愆之語則梓愆之語爲無冰而發知時苗謂春無冰也言以有時苗者以此歲星淫行之年而有天時溫暖之苗四時之序冬月當寒故溫則爲苗害也冬月盛陰用事陰寒在地當遏陽使不出時應寒而溫無冰是陰陽相競陰氣不能勝陽故陽氣出地地氣發洩而使時溫無冰也歲星自淫行天時自溫暖其溫不由歲星梓愆以其年有二事而摠言其占耳服虔云歲爲陽立枵爲陰歲乘陰進至立枵陰不勝陽故溫無冰案下云蛇乘龍乃謂立枵乘歲星非歲星乘立枵也若必以此無冰謂歲乘立枵所致則成元年春無冰者豈謂歲星乘立枵乎成十六年雨水冰者復是立枵乘歲星也注蛇立至所乘正義曰蟲獸在地而有象在天二十八宿分在四方方有一宿共成一象東方爲青龍之象西方爲白虎之象皆南

首北尾也南方爲朱鳥之象北方爲玄武之象皆四首東
尾也曲禮說軍陳象物云行前朱鳥後玄武左青龍右白
虎是玄武在北方也龜蛇二蟲共爲玄武故蛇是玄武之
宿虛危之星也七星共爲玄武但歲星淫行在虛危之分
故特指虛危言之耳傳言蛇乘龍龍即歲星也歲星未精
未位在東方東方之宿爲青龍之象故歲星亦以龍爲名
焉龍行疾而矢次出於虛危宿下龍在下而蛇在上是龍
爲蛇所乘也歲星天之貴神福德之星今被乘勢屈是不
能祐其本國之象故知宋鄭饑也 注歲星至之星 正
義曰歲星屬木木位在東方東方之次皆是龍分天之分
野卯爲大火辰爲壽星大火房心爲宋分壽星角亢爲鄭
分故龍爲宋鄭之星也然則寅爲析木之津析木燕之分
野梓恆言不及燕別當有以知之非吾徒所能測也 將
耗至何爲 正義曰將聲近耗故將是耗之名也次有三
宿虛爲其中土虛不實而人民耗損不饑何爲也地氣發
洩而使時溫無冰即是土虛之事也於時魯國無冰是魯

亦地氣發洩下子服惠伯云飢寒之不恤是魯亦饑矣經不書饑饉當差於宋鄭故梓慎唯言宋鄭饑耳夏

齊侯陳侯蔡侯北燕伯杞伯胡子沈子白

狄朝于晉宋之盟故也

陳侯蔡侯胡子沈子楚屬也宋盟曰晉楚之從

交相見故朝晉燕國今薊縣

齊侯將行慶封曰我不與盟

何爲於晉

以宋盟釋齊秦

陳文子曰先事後賄禮

也

事大國當先從其政事而後薦賄以副己心

小事大未獲事焉從

之如志禮也

言當從大國請事以順其志

雖不與盟敢叛

晉平重丘之盟未可忘也子其勸行

重丘在

二十五年

疏 注陳侯至薊縣

正義曰傳言宋之盟故雖之

為宋盟朝晉其齊燕杞狄先非楚屬其朝不為宋之盟也

譜云北燕姬姓召公奭之後也周武王封之於燕居漁陽

薊縣其國辟小不通諸夏自召公至簡公款二十九世始

見經簡公子獻公十二年獲麟之歲也獻公子孝公七年

春秋之傳終矣孝公立十五年卒孝公以下六世始大稱

王十二世二百二十五年秦滅之 小事至禮也 正義

曰言小國之事大國也當每事順從若未獲大國所命之

事但如其志之所欲即不待彼命逆即從之如其志意禮

也禮者自卑而尊人故先 衛人討甯氏之黨故石

惡出奔晉衛人立其從子圃以守石氏之

紀禮也

石惡之先石碯有大功於衛

國惡之罪不及不祀故曰禮 邾悼公來朝

時事也

傳言來朝非宋盟宋盟唯施於朝晉楚

秋八月大雩旱也

蔡侯歸自晉入于鄭鄭伯享之不敬子產

曰蔡侯其不免乎

不免禍

日其過此也

往日至今晉時

君使子展廷勞於東門之外而傲

廷往也

晉

曰猶將更之今還受享而惰乃其心也君

小國事大國而惰傲以為己心將得死乎

若不免必由其子其為君也淫而不父

大通

子班之妻僑聞之如是者怕有子禍

為三十年後出子班絃其

疏

君小國事大國 正義曰自宋占本夕王肅注其文皆如此君國謂為國若言其為君之難也今定

本作

孟孝伯如晉告將為宋之盟故如楚

也

魚魯屬故告晉而行

蔡侯之如晉也鄭伯使游吉如

楚及漢楚人還之曰宋之盟君實親辱

謂君

鄭伯

今吾子來寡君謂吾子姑還吾將使駟

奔問諸晉而以告

問鄭君應來朝否

子大叔曰宋之

盟君命將利小國而亦使安定其社稷鎮

撫其民人以禮承天之休

休福祿也

此君之憲

令而小國之望也

憲法也

寡君是故使言奉

其皮幣

聘用乘皮束帛

以歲之不易聘於下執事

言歲

有饑荒之難故鄭伯不得自朝楚

今執事有命曰女何與政令

之有必使而君棄而封守跋涉山川蒙犯霜露以逞君心小國將君是望敢不唯命是聽無乃非盟載之言以闕君德而執事有不利焉小國是懼不然其何勞之敢憚子大叔歸復命告子展曰楚子將死矣不

脩其政德而貪昧於諸侯以逞其願欲久

得乎周易有之在復  震下坤 

震下艮上頤復 曰迷復凶 復上六爻辭也復反也極上六變得頤

而復反失道已遠 其楚子之謂乎欲復其願 謂遠而無應故凶

得鄭朝以復其願 而棄其本 不脩德 復歸無所是謂迷

復 失道已遠又無所歸 能無凶乎君其往也送葬而

歸以快楚心 言楚子必死君往當送其葬 楚不幾十年未

能恤諸侯也 幾近也言失道速者復之亦難 吾乃休吾民矣

休息也言楚禪竈曰今茲周王及楚子皆將死

不能復爲害禪竈鄭大夫歲棄其次而旅於明年之次以害鳥

帑周楚惡之旅客處也歲星棄星紀之次客在玄枵

南南爲朱鳥鳥尾曰帑鶉火鶉尾周楚之分故周王楚子受其咎俱論歲星過次梓慎則曰宋鄭饑禪竈則曰周楚

王死傳故備舉以示卜占惟人所在**疏**也今執至敢憚正義曰執事謂楚

今游吉還使鄭伯來故游吉原其意爲此辭作甚之言耳而執事有不利焉違盟言闕君德是於楚爲不利也小國

是懼懼楚不利耳不敢自憚勞也注復上至故凶正義曰卦從下起從下而畫陰爻至上六爲純坤又將從下

變之故復爲極陰反陽之卦也上處極位位極更無所往故爲迷也既迷而後反本從下積而至迷是爲失道已遠

上應在三三亦陰爻遠而無應故凶也復易注云復反此
還也陰氣侵陽陽失其位至此始還反起於初故謂之復
陽君象君失國而還反道德更興也頤養也易注云頤者
口車輔之名震動於下艮止於上口車動而上因輔嚼物
以養人故謂頤爲養也 注謂欲至其願 正義曰楚子
本意願鄭伯來朝全不顧道理唯欲復其本願 注幾近
至亦難 正義曰幾近釋詰文也十者數之小成言失道
遠者復之亦難故舉成數以言之周易復卦上六爻云迷
復凶有災眚用行師終有大敗以其國君凶至于十年不
克征是易有十年之語故游吉期之以十年服虔云此行
也楚康王卒至昭四年楚靈王令諸侯于申距今八年故
曰不幾十年是謂十年不克征也 注旅客至所在 正
義曰易有旅卦傳言罷旅旅皆是客故爲客處也歲星常
行之度此年常在星紀星紀是其所居之次也今歲星棄
其所居星紀之次乃客處在於明年所居之次言其未應
往而往向彼立枹之次爲客寄也昭二十二年傳云越得

歲而吳伐之必受其凶是歲星所在其國有福當攝之衝其國有禍今失次於北故禍衝在南子午之位南北相衝淫於玄枵衝當鶉火南方爲朱鳥之宿帑者細弱之名於人則妻子爲帑於鳥則鳥尾曰帑妻子爲人之後鳥尾亦鳥之後故俱以帑爲言也天之分野鶉火周分鶉尾楚分歲星之衝當此周楚之分故周王楚子受其咎也歲星客在玄枵唯衝鶉火而鶉尾亦有咎者蓋以歲星漸西衝則漸東尾之於鳥猶是一身故衝其身而及其尾此則禪竈能知亦非吾徒所測也此與上文俱論歲星過次所占不同其事俱驗而立明兩載之是傳故備舉以示卜占效驗惟人所不言其知之在於人各自有意見也

九月鄭游吉如晉告將

朝于楚以從宋之盟子產相鄭伯以如楚

舍不爲壇

至敵國郊除地封土爲壇以受郊勞

外僕言曰昔先

大夫相先君適四國未嘗不爲壇

以設掌自次舍者

自

是至今亦皆循之今子草舍無乃不可乎

子產曰大適小則爲壇小適大苟舍而已

焉用壇僑聞之大適小有五美宥其罪戾

赦其過失救其蓄患豈見其德刑也

刑法

教其

不及小國不困懷服如歸是故作壇以昭

其功宣告後人無怠於德

念解也

小適大有五

惡說其罪戾

自解說也

請其不足行其政事

奉行大國

政之共其職貢從其時命

從朝會之命

不然則重

其幣帛以賀其福而弔其凶皆小國之禍

也焉用作壇以昭其禍所以告子孫無昭

禍焉可也

無昭禍以告子孫



注至離至郊勞正義曰聘禮賓至于近郊君使卿

用束帛勞無設壇之法下云先君適四國未嘗不為壇蓋以朝禮君親行事重故有之也禮有壇壇者先儒以為除地曰壇封土曰壇此并言除地封土者尚書金縢云三壇同壇是作壇在除地之內故除地封土并言之服虔本作壇解云除地為壇王肅本作壇云而解云除地坦坦者則讀為壇也案下云作壇以昭其功以昭其禍若是除地草穢尋生不足以昭示後人杜言壇是也下言草舍者不從壇則不除地故為草舍耳亦皆從之正義口言因

也齊慶封好田而嗜酒與慶舍政舍慶封子慶封當國

不自為政以付舍則以其內實遷于盧蒲嫫氏易內

而飲酒內實寶物妻妾也移而居嫫家數日國遷朝焉就於盧蒲氏朝見封

使諸亡人得賊者以告而反之亡人辟崔氏難出奔者

故反盧蒲癸癸臣子之子之慶舍有寵妻妾之子之

以其女妻癸慶舍之士謂盧蒲癸曰男女辨姓子

不辟宗何也辨別也別姓而後可相取慶氏盧蒲氏皆姜姓曰宗不余

辟言舍欲妻已余獨焉辟之賦詩斷章余取所

求焉惡識宗

言己苟欲有求於慶氏不能復顧禮譬如賦詩者取其一章而已

癸

言王何而反之二人皆嬖

二子皆莊公黨二十五年崔氏弑莊公癸

何出奔今還求寵於慶氏欲為莊公報讎

使執寢戈而先後之

寢父親近兵杖

公膳日雙雞

卿大夫之膳食

饗人竊更之以鴛鴦御者

知之則去其肉而以其洎饋

御進食者饗人御者欲使諸大夫怨

慶氏滅其膳蓋盧蒲癸王何之謀

子雅子尾怒

二子皆惠公孫

慶封告

盧蒲癸

以二子怒告癸

盧蒲癸曰譬之如禽獸吾

寢處之矣

言能殺而席其皮

使析歸父告晏平仲

欲與

共謀了平仲曰嬰之衆不足用也知無能謀

也言弗敢出不敢有盟可也子家曰子之

言云子家折歸父又焉用盟告北郭子車子車齊大夫

子車曰人各有以事君非佐之所能也子佐

名陳文子謂相子相子文子之子無字曰禍將作矣吾

其何得對曰得慶氏之木百車於莊慶封時有此木

積於六文子曰可慎守也已善其不志於貨財盧蒲癸

王何卜攻慶氏示子之兆兆曰或卜攻讎

敢獻其兆子之曰克見血冬十月慶封田

于萊陳無宇從丙辰文子使召之請曰無

宇之母疾病請歸慶季卜之季慶示之兆

曰死奉龜而泣無字乃使歸慶嗣聞之嗣慶

族曰禍將作矣謂子家速歸子家慶禍作

必於嘗嘗秋歸猶可及也子家弗聽亦無

悛志悛改子息曰亡矣幸而獲在吳越子息

廣陳無宇濟水而戕舟發梁戕殘壞也不欲

嗣

盧蒲姜謂癸曰有事而不告我必不捷矣

姜癸妻
慶舍女

癸告之

告欲殺
慶舍

姜曰夫子愼莫之止將

不出我請止之

夫子謂
慶舍

癸曰諾十一月乙亥

嘗于大公之廟慶舍泣事

臨祭
事

盧蒲姜告

之且止之弗聽曰誰敢者遂如公

至公
所

麻

嬰爲尸

爲祭
尸

慶集爲上獻

上獻先
獻者

盧蒲癸

王何執寢戈慶氏以其甲環公官

廟在
官內

陳

氏鮑氏之圉人爲優

優
俳

慶氏之馬善驚士

皆釋甲束馬

束紼之也

而飲酒且觀優至於魚

里

魚里里名優在魚里就觀之

藥高陳鮑之徒介慶氏之

甲

藥子雅高子尾陳陳須無鮑鮑國

子尾抽桷擊扉三

桷椽也扉門闥也

桷擊扉為期

盧蒲癸自後刺子之王何以戈擊之

解其左肩猶援廟桷動於薨

薨屋棟

以俎壺

投殺人而後死

言其多力

遂殺慶繩麻嬰

慶繩公慶嬰

懼鮑國曰羣臣為君故也

言欲尊公室非為亂

陳須無

以公歸稅服而如內宮

言公懼於外難

慶封歸遇告

亂者丁亥伐西門弗克還伐北門克之入

伐內宮

陳鮑
公所

弗克反陳于嶽

嶽里名

請戰弗

許遂來奔獻車於季武子美澤可以鑑

光鑑

形也展莊叔見之

魯大

曰車甚澤人必瘁宜其

亡也叔孫穆子食慶封慶封祀祭

禮食有祭示有所先

也祀祭遠散所祭不共

穆子不說使工爲之誦茅鴟

工樂師茅

越詩刺不敬

亦不知既而齊人來讓

諱魯受慶封

奔吳吳

句餘子之朱方

句餘吳子夷末也朱方吳邑

聚其族焉而居

之富於其舊子服惠伯謂叔孫曰天殆富

淫人慶封之富矣穆子曰善人富謂之賞

淫人富謂之殃天其殃之也其將聚而殲

旃

殲盡也旃之也昭四年殺慶封傳

疏

國遷朝焉正義曰慶封雖與舍政使舍知政事耳封猶

有當國之重故國之卿大夫皆遷就嬰家朝焉使諸至

反之正義曰崔氏之亂但是莊公之黨崔氏以之為驕

當時辟難並悉出奔崔氏既云慶封召令還國故言使諸

逃亡之人得賊名而出者以己情告而悉反之宗不余

辟正義曰男女辨姓則女亦辟宗癸謂慶舍為宗言彼

宗不於我處相辟也公膳日雙雞正義曰案禮記玉

藻云天子日食少牢朔月大牢諸侯日食特牲朔月少牢

其大夫朔日食特豚朔月特牲今膳日雙雞者齊國臨時

之事不如禮也 更之以鶩 正義曰釋鳥云舒鳧鶩舍
人曰鳧野名也鶩家名也李巡曰野曰鳧家曰鶩郭璞曰
鴨也然則謂之舒者舒遲也家義馴不畏人故飛行遲以
遲別野名耳其為鴨一也 以其洎饋 正義曰說文云
洎灌釜也周禮士師職云祀五帝則洎饋水鄭玄云洎謂
增其沃汁也然則洎者添釜之名添水以爲肉汁遂名肉
汁爲洎去肉而空以汁饋欲其怨之深也 注二子皆惠
公孫 正義曰昭三年傳云二惠競爽猶可又十年傳曰
齊惠藥高氏皆膏酒是知皆惠公孫也 注慶封至之道
正義曰釋宮云六達謂之莊注爾雅者皆以爲六道旁出
杜以九達並九軌故亦以莊爲六軌也 慶妻爲上獻
正義曰祭祀之禮主人先獻下文慶舍死公懼而歸則於
時公親在矣又此祭慶舍泣事公與慶舍不爲上獻而妻
爲上獻者慶舍使爲之不可以禮責也妻即繩也爲下殺
慶繩張本 注優俳 正義曰優者戲名也晉語有優施
史記滑稽傳有優孟優旃皆善爲優戲而以優著名史游

急就篇云倡優俳笑是優俳一物而二名也今之散樂戲
爲可笑之語而今人之笑是也宋大尉袁淑取古之文章
令人笑者次而題之名曰俳諧集 慶氏之馬善驚 正
義曰善驚謂數驚古人有此語今人謂數驚爲好驚好亦
善之意也 注魚里至觀之 正義曰杜以優在魚里士
往觀之劉炫以爲國人從旁爲優引行以至魚里以規杜
氏但傳文不顯古事難知劉輒以爲規一何煩碎 注薨
屋棟 正義曰先儒相傳爲然也張衡西京賦曰薨宇齊
平言諸屋棟簷高下等也說文云薨棟梁也是又名爲梁
此是屋上之長材椽所以馮依者也今俗謂之屋脊 注
禮食至不共 正義曰禮法食必先祭祭古之先食以示
有所先也公食大夫禮云賓升席坐取韭菹以徧濡于醢
上豆之間祭又言祭鉶羹於上鉶之間祭飲食於上豆之
間是祭食之禮各有其處論語云汎愛衆汎是寬博之語
故知汎祭爲遠散所祭言其不共也 注句餘至吳邑
正義曰此時吳君是餘祭也明年餘祭死乃夷末代立昭

十五年吳子夷末卒是也服虔以句餘爲餘祭杜以爲夷末者以慶封此年之末始來奔魯齊人來讓方更奔吳明年五月而闔弒餘祭計其間未得賜慶封以邑故以句餘爲夷末也

癸巳天王崩未

來赴亦未書禮也

嫌時已聞喪當書故發例

崔氏之亂喪

羣公子故鉏在魯叔孫還在燕賈在句瀆

之丘

在二十五年

及慶氏亡皆召之具其器用而

反其邑焉

反還也

與晏子邾殿其鄙六十

邾殿齊別

邾以邾殿邊鄙六十邑與晏嬰

弗受子尾曰富人之所欲也

何獨弗欲對曰慶氏之邑足欲故亡吾邑

不足欲也益之以邳殿乃足欲足欲亡無
日矣在外不得宰吾一邑不受邳殿非惡
富也恐失富也且夫富如布帛之有幅焉
爲之制度使無遷也

遷移也

夫民生厚而用利

於是乎正德以幅之

言厚利皆人之所欲唯正德可以爲之幅

使無

黜嫚

黜猶放也

謂之幅利利過則爲敗吾不敢

貪多所謂幅也與北郭佐邑六十受之與
子雅邑辭多受少與子尾邑受而稍致之

公公以爲忠故有寵寵釋盧蒲癸于北竟釋

也求崔杼之尸將戮之不得叔孫穆子曰

必得之武王有亂十人也亂治崔杼其有不

十人不足以葬葬必須十人崔氏不能既崔氏之

臣曰與我其拱壁崔氏大壁吾獻其柩於是得

之十二月乙亥朔齊人遷莊公殯于大寢

更殯之於路寢也十以其棺尸崔杼於市崔氏殺

二月戊戌朔乙亥誤葬不如禮故以莊公棺莊公又國人猶知之皆曰崔子

著崔杼尸邊以章其罪

也

始求崔杼之尸不得



注六十邑

正義曰傳直言

故傳云國人皆知之

北郭佐邑六十則此亦是六十邑也

外不得宰

正義

曰外猶以外宰猶益也以邶毀爲外也言吾先有邑更不

得益邶殿耳

夫民至幅之

正義曰人皆欲生計重厚

而多財用利益心既無厭於是乎用正德以幅之言用正

德以爲邊幅使有度也

武王有亂臣十人

正義曰尚

書泰誓言文也亂治也以武王自言我有治理政事者十人

鄭玄論語注云十人謂文母周公大公召公畢公榮公大

顓閼天散宜主南宮适

不十人不足以葬

正義曰案

武王有亂臣十人而得天下崔子若有十人唯得葬者武

王聖人十人皆大德故有天下崔子是罪人又有十人是

凡人故唯可以葬也

所引武王十人者唯取同心之義

與我其拱壁

正義曰其者其崔杼也

故云崔氏大壁拱

謂合兩手也此壁兩手拱抱之故爲大壁

注始求至知

之正義曰始求崔杼尸不得嫌以他尸代之傳言國人

猶知之皆曰崔子言猶尚識其形知是真崔子也

為宗之盟故公及宋公

陳侯鄭伯許男如楚公過鄭鄭伯不在

巴有楚

伯有廷勞於黃崖不敬

滎陽宛陵縣西有黃水西南至新鄭城西入洧

穆叔曰伯有無戾於鄭鄭必有大咎

伯有不受

我必還為鄭國害

敬民之主也而棄之何以承守

言無

以承先祖守其家

鄭人不討必受其辜濟澤之阿

言薄

土行潦之蘋藻

言賤菜

寘諸宗室

薦宗廟

季蘭尸

之敬也

言取蘋藻之菜於阿澤之中使服蘭之女而為之主神猶享之以其敬也

敬可棄

平

為三十年薨
殺良霄傳

及漢楚康王卒公欲反叔仲

昭伯曰我楚國之為豈為一人行也

昭伯叔仲帶

子服惠伯曰君子有遠慮小人從邇

邇近也

飢寒之不恤誰遑其後

遑暇也

不如姑歸也

叔孫穆子曰叔仲子專之矣

言足專任

子服子

始學者也

言未識遠

榮成伯曰遠圖者忠也

成伯

榮駕公

遂行

從昭伯謀

宋向戌曰我一人之為非

為楚也飢寒之不恤誰能恤楚姑歸而息

民待其立君而爲之備宋公遂反

疏

至敬

也正義曰此意取采蘋之詩也詩云于以采蘋南澗之濱于以采藻于彼行潦于以奠之宗室牖下誰其尸之有齊季女彼詩采蘋於澗采藻於潦此并言行潦之蘋藻又別言濟澤之阿者以其亦是出菜之處故先言之也獨言濟者以濟在魯國故穆叔獨舉所見而言也女將行嫁就宗子之家教之以四德三月教成設祭於宗子之廟此詩述教成之祭寘諸宗室謂薦於宗子之家廟也詩言季女而此言季蘭謂季女服蘭草也案宣三年傳曰蘭有國香人服媚之如是是女之服蘭也向戌至楚也正義曰魯宋俱是朝楚向戌與叔仲昭伯言不同者二者並爲楚是大國故朝其君昭伯欲令公行故以國大勸公言大國可畏也向戌欲令公還故以君身規公言君死宜反也意異故言

楚屈建卒趙文子喪之如同盟禮

異耳

也

宋盟有袁甲之隙不以此廢好故曰禮

王人來告喪問崩日以

甲寅告故書之以徇過也

徇審也此緩告非有事宜直臣子怠慢故

於此發例

疏

注徇審至發例正義曰昭三十年傳云非公且徇過杜云徇明也則此徇之訓亦為明明審

此緩告者非有事故宜緩直是臣子怠慢耳杜序以故書為新意故於此發新例以明諸無事故而緩來告者皆是譏其怠慢也

春秋正義卷第二十四

鄉貢進士馮嗣祖校勘

春秋正義卷第二十五

襄公

襄公

國子祭酒上護軍曲阜縣開國子臣孔頴達等奉

勅撰

經二十有九年春王正月公在楚

公在外闕朝正之禮

甚多而唯書此一年者魯公如楚既非常此公又踰年故發此一事以明常

疏

注公在至明常正義曰僖十六

年冬公會諸侯于淮十七年秋九月公至自會宣七年冬公會諸侯于魚皁八年春公至自會成十年秋公如晉十一年春公至自晉十二年冬公如晉十三年春公至自晉此等正月公皆不在其類多矣是公在外闕朝正之禮甚多而皆不書唯書此一年者魯公如楚云云釋例曰襄二十九年春正月公在楚凡公之行始則書所如還則書公至

本中復書公在楚者明國之守臣每月亦以公不朝之故
告於廟也每月必告而特於正月釋之者蓋歲之正也月
之正也日之正也三始之正嘉禮所重人理所以自新故
特願以通他月也公之在外所以開朝正之禮其多唯書
此一年釋此一事者斯禮有常非義例所
急故因公遠出踰年存此一事以示法也

夏五月公

至自楚庚午衛侯行卒

無傳四同盟

疏

注四同盟正義曰行

以成十五年即位其年盟于戚十七年于柯陵十八年于虛
打襄三年于雞澤五年于戚七年及孫林父盟九年于戚
十一年于亳城北二十七年于宋衍自前即位及後復歸
凡與魯九同盟劉炫以爲杜云四同盟者誤今知不然者
以其與成公三盟不數五年盟戚經不書不數七年林父
是大夫又特共魯盟亦不數故爲四同盟也劉不尋此理
而規杜
過非也

閹弒吳子餘祭

閹守門者下賤非士故不言也

疏

注閹守至

書盜 正義曰周禮闢人王宮每門四人鄭玄云闢人司
醫晨以啓閉者刑人墨者使守門既服墨刑使之守門是
下賤人也哀四年盜殺蔡侯申此爲下賤非士故不言盜
也穀梁傳曰不稱名姓闕不得齊於人不稱其君闕不得

君其 仲孫羯會晉荀盈齊高止宋華定衛

世叔儀鄭公孫段曹人莒人滕人薛人小

邾人城杞 公孫段伯石也三十年伯有 疏 注公孫
死乃命爲卿今蓋以攝卿行 至卿行

正義曰公孫段即伯石也據三十年傳伯有死始命伯石
爲卿則此時未爲卿矣未爲卿而得書其名故疑之云蓋
以攝卿行也以隱公攝位爲君而國人君之諸侯與之知
攝位爲卿者諸侯亦即以爲卿序之於列故史得以卿書
也文七年傳稱晉使先蔑如秦逆公子雍荀林父謂蔑
曰攝卿以往可也何必子是知有使大夫攝卿之法也 首

侯使士執來聘杞子來盟

杞復稱子用夷禮也

疏

注杞復至

禮也

正義曰杞入春秋書爵稱侯又稱伯僖二十三年

二十七年稱子傳曰用夷禮故曰子自爾以來常稱爲伯

今復稱子傳云書曰子賤之也明爲用

夷禮故賤之知杞復稱子用夷禮也

吳子使札來

聘吳子餘祭既遣札聘上國而後死札以六月

疏

注吳子至

上國

正義曰上云聞弒吳子此言吳子使聘傳曰其出

聘也通嗣君也不知通嗣君通誰嗣也賈逵服虔皆以爲夷

末新即位使來通聘案隱三年武氏子來求賻文九年毛

伯來求金並不言王使傳皆云王未葬也是知先若未葬

嗣君不得命臣此與聞弒吳子文不隔月吳魯相去經塗

至遠豈以君死之月即命臣乎而得書吳子使也且傳稱

季札至魯徧觀周樂至戚聞鐘聲譏孫文子云君又在殯

叩可以樂乎自請觀樂譏人聽樂殯世大賢豈當若是故

杜以爲通嗣君通餘祭嗣也二十五年過爲累牛臣所殺
餘祭嗣立至此始使札通上國吳子未死之前命札出使
既遣札聘而後身死札以六月到魯未及聞喪故每事皆
行吉禮也經傳皆無札至之月知以六月到者以城杞在
五月之下城杞既訖乃有士鞅來聘杞子來盟若共在月
中則不容此事下文有秋知札以六月至也札去之後吳
始告喪告以五月被弑故追書在聘上耳札實公子不書
公子者吳是東夷其禮未同於上國故史不書氏以札是
卿故書其名耳釋例曰吳晚通上國故其君臣朝會不同
於例亦猶楚之初始也昭二十七年傳稱延州來季子聘
于上國是吳謂諸夏爲上國也

秋九月葬衛獻公無齊高止

出奔北燕

止高厚之子

冬仲孫羯如晉

傳二十九年春王正月公在楚釋不朝正

于廟也

釋解也告廟在楚解公所以不朝正

楚人使公親禴

諸侯有遣

使昭遂之禮今楚欲依遣使之比

公患之穆叔曰祓殯而禴則

布幣也

先使巫祓除殯之凶邪而行禴禮與朝而布幣無異

乃使巫以桃

茆先祓殯

茆黍穰

楚人弗禁既而悔之

禮君麻臣喪乃

祓殯故楚悔之



注釋解至朝正正義曰公本在國每月之朝常以朝享之禮親自祭廟今以在外之故

闕於此禮國之守臣於此朝日告廟云公在楚史官因書於策傳解其告廟之意告云公在楚者解釋公所以不得親自朝正也楚人使公親禴正義曰檀弓云襄公朝于荆康王卒荆人曰必請襲魯人曰非禮也荆人強之巫先拂振荆人悔之記之所言即是此事所異者此言請禴波言請襲此言祓殯彼言拂振雖俱說此事先後不同禮

死而浴浴即襲襲後始小斂大斂乃殯案往年傳公及漢
聞康王卒公欲反則康王之卒公未至楚楚人使公親祔
傳在此年言之則此年始今公親祔不得為楚也卒已
踰月不得柩仍在地足知殯是而柩非記虛而傳實也然
則祔衣所以衣尸既殯而使公祔者致祔所以結恩好其
衣不必充用雜記記致祔之禮云委衣于殯東是既殯猶
致祔也文九年秦人來歸僖公成風之祔僖薨十年猶致
之況既殯也 注諸侯至之比 正義曰雜記云弔者舍
祔贈賻是諸侯之臣使於鄰國之禮也楚人以諸侯相於
有遣使贈祔之禮今以公身既在意在輕魯欲以公依遣
使之比使公親行之也 拔殯至幣也 正義曰案雜記
諸侯使臣致祔之禮云委衣于殯東今楚人以公身在意
欲輕魯今公依遣使之比公以楚人輕已所以患之故穆
叔云若使巫人先往祔殯則是君臨臣喪之禮祔除既了
而行祔禮布陳衣物與行朝之時布陳幣帛無異有何可
患劉炫云朝禮兩君相見先授王然後致享乃布陳幣帛

於庭也祓殯者君臨臣喪之禮先使祓殯行臨喪之禮然後致殯則全是布幣之禮言與朝而布幣無異也君臨臣喪者由先見臣故以祓殯比行朝禮自然致殯似布幣楚以親祔在魯魯以祓殯自尊今贊曰疏云以殯有凶邪畏惡患之不肯親祔穆叔云先使巫人祓除殯之凶邪凶邪既無而行祔禮布陳衣物與行朝之時布陳幣帛無異言俱無咎有何可患乃使至祓殯正義曰巫者持神之官周禮男巫王弼則與祝前攘弓云君臨臣喪以巫祝挑荊執戈惡之也鄭玄云為有凶邪之氣在側挑鬼所惡荊荊若可掃不祥君臨臣喪禮有此法故使巫以挑荊先祓殯若以楚子為臣然所以屈楚也荊是帶蓋挑為捧也詩毛傳曰亂為荊荊謂亂穗也杜云荊黍稷者今世所謂若帝者或用亂穗或用黍讓是二者皆得為之也

二月癸卯齊人葬莊公

於北郭

兵死不入兆域故葬北郭



注兵死至北郭

正義曰周禮冢人掌公墓之地辨其兆

城凡死於兵者不入兆域

夏四月葬楚康王公及陳侯鄭

伯許男送葬至于西門之外諸侯之大夫

皆至于墓楚郊敖即位

郊敖康王子熊麋也

王子圍爲

令尹

圍康王弟

鄭行人子羽曰是謂不宜必代

之昌松柏之下其草不殖

言楚君弱令尹強物不兩盛爲昭元年圍

弒郊敖起本

公還及方城季武子取卞

取卞邑以自益

使

公冶問

問公起居公冶季氏屬大夫

璽書追而與之

璽印也

曰

聞守卞者將叛臣帥徒以討之旣得之矣

敢告公治致使而退

致命季氏

及舍而後聞取

卞

發書乃

公曰欲之而言叛祇見疏也

言季氏欲得卞

而欺我言

公謂公冶曰吾可以入乎

以季氏疏已故不敢

入對曰君實有國誰敢違君公與公冶冕

服

以卿服玄冕賞之

固辭強之而後受公欲無入榮

成伯賦式微乃歸

式微詩邶風曰式微式微胡不歸式用也義取寄寓之微陋勸

公五月公至自楚公冶致其邑於季氏

本從

季氏得邑故還之

而終不入焉

不入季孫家

曰欺其君何必

使余季孫見之則言季氏如他日不見則

終不言季氏及疾聚其臣大夫曰我死必無

以冕服斂非德賞也言公殺季氏而賞其使非以我有德且無

使季氏葬我疏注璽印也正義曰蔡邕獨斷云璽印也信也天子璽白玉螭虎紐

古者尊卑共之月令曰周封璽季武子使公冶問璽書此諸侯大夫印稱璽也衛宏云秦以前民皆以金玉爲印唯其所好自秦以來唯天子之印獨稱璽又以玉羣臣莫敢用也案周禮掌節貨賄用璽節鄭立云今之印章也則周時印已名璽但上下通用公曰至疏也正義曰武子書云聞下將叛則是叛形未著故公猜之言武子自欲得之而誣言其叛多見疏外我也多見疏猶論語云多見其不知量也服虔本作祇見疏解云祇適也晉宋杜本皆作

多古人多祇同音張衡西京賦云矣炮夥清酤多恩恩博
洪德施施與多爲韻此類衆矣注以卿至賞之正義

曰公治先爲大夫公今以恩加賜知以卿服立見賞之也
周禮司服云卿大夫之服自玄冕而下是卿與大夫同服

玄冕也其旒當以命數爲異耳葬靈王不書魯鄭上卿有事子

展使印段往伯有曰弱不可印段年子展曰

與其莫往弱不猶愈乎詩云王事靡盬不

皇啓處詩小雅鹽不堅固也啓跪也言東西南北

誰敢寧處謂上卿堅事晉楚以蕃王室也言

固事晉楚乃所以蕃屏王室王事無曠何常之有遂使印

段如周

傳言周襄王早於晉楚

師

葬靈至段往

正義曰鄭之上

代中國也計於時鄭卿在國猶有子而伯有不使抄行而使印段者蓋別有所掌共子展守國故不得行也

洪詩

小至跪處

正義曰小雅四牡之章墮亦蟲也昭元年傳

曰於文四蟲為蟲穀之飛亦為蟲蟲是蟲之害物故為不

牢固也釋言云皇暇也啓跪也李巡曰主間暇也啓小跪

也言王事無有不牢固已當牢固之故不得間暇而跪處

也

吳人伐越獲俘焉以為囑聞使守舟吳子

餘祭觀舟聞以刀弑之

言以刀明近前

鄭子展卒

子皮即位

子皮代父為上卿

於是鄭子饑而未及麥

民病子皮以子展之命饑國人粟戶一鍾

在喪故以父命也
六斛四斗曰鍾

是以得鄭國之民故罕氏常

掌國政以爲上卿宋司城子罕聞之曰鄰

於善民之望也

民亦望
君爲善

宋亦饑請於平公

出公粟以貸使大夫皆貸司城氏貸而不

書

施而不德

爲大夫之無者貸宋無飢人叔向

聞之曰鄭之罕宋之樂其後亡者也二者

其皆得國乎

得掌國政

民之歸也施而不德樂

氏加焉其以宋升降乎

升降隨
宋盛衰

疏

以子展之
命正義

曰蓋死日近死時民已饑故假其生時之遺命也 鄰於
善民之望也 正義曰鄰近也近於善民亦望君爲善也

晉平公杞出也故治杞

治理其地脩其城

六月知悼子

合諸侯之大夫以城杞孟孝伯會之鄭子

大叔與伯石往

大叔不書不親事

子大叔見大叔文子

文子

衛大叔儀

與之語文子曰甚乎其城杞也子大

叔曰若之何哉晉國不恤周宗之闕而夏

肄是屏

周宗諸姬也夏肄杞也肄餘也屏城也

其弃諸姬亦可

知也已諸姬是弃其誰歸之吉也聞之弃

同即異是謂離德詩曰協比其鄰昏姻孔

云

詩小雅言王者和協近親則昏姻甚歸附

晉不鄰矣其誰云之

去猶旋旋

歸

齊高子容與宋司徒見知伯女齊相禮容

高止也司徒華定也知伯荀盈也女齊司馬侯也相禮侍威儀也

賓出司馬侯言於

知伯曰二子皆將不免子容專

專自是也

司徒

侈皆亡家之主也知伯曰何如對曰專則

速及

速及禍也

侈將以其力斃

力盡而自斃

專則人實

斃之將及矣

為此秋高止出奔燕昭二十年華定出奔陳傳

范獻子來

聘拜城杞也

謝魚為杞城

公享之展莊叔執幣

公將以酬賓

射者三耦

二人為耦

公臣不足取於家臣

家臣展瑕展王父為一耦公臣公巫召伯仲

顏莊叔為一耦鄆鼓父黨叔為一耦

言公室卑微公

臣不能備於三耦

晉侯使司馬女叔侯來治杞田

使魯歸前

侵杞田所歸少故不書

弗盡歸也晉悼夫人愠曰齊也取

貨

夫人平公母杞女也謂叔侯取貨於魯故不盡歸杞田

先君若有知也不尚取

之

不尚叔侯之取貨

公告叔侯叔侯曰虞虢焦滑霍

揚韓魏皆姬姓也

入國皆晉所滅然在
陳縣揚屬平陽郡

晉是以

大若非侵小將何所取武獻以下兼國多

矣

武公處公晉
始盛之君

誰得治之杞夏餘也而即東

夷

行夷
禮

魯周公之後也而睦於晉以杞封

魯猶可而何有焉

何有盡
歸之

魯之於晉也職

貢不乏玩好時至公卿大夫相繼於朝史

不絕書

書魯之
朝聘

府無虛月

無月不
受魯貢

如是可

矣何必瘠魯以肥杞且先君而有知也母

寧天人而焉用老臣

言先君母寧怪夫人之所為無用責我

杞文

公來盟

魯歸其四故來盟

書曰子賤之也

賤其用夷禮

疏

注治理至其城

正義曰經書城杞謂築杞城耳下使女叔侯來治杞田知治杞治杞之地非獨脩其城也

夏肆

是屏正義曰方言云肆拊餘也秦晉之間曰肆鄭玄云斬而復生曰肆杞是夏後滅而復存猶木之拊生小栽也

射者三耦

正義曰燕禮云若射則大射正為司射如鄉射之禮是燕有為射之時也此云公享之則享法亦有射

也周禮射人云諸侯之射以四耦此三耦者彼是畿內諸侯故四耦此及儀禮大射畿外諸侯故三耦或當巨與君

異也

注不尚至取貨正義曰服虔云不尚尚也尚當取女叔侯殺之下丈叔侯云先君而有知也母寧夫人而焉

用老臣服虔云母寧寧也寧自取夫人將焉用老臣平杜以其言大爵欲復君臣之禮故改之以為夫人云不尚取

之者先君不高尚地叔侯之取貨也毋寧夫人謂先君當
怪夫人之所爲也劉炫以夫人愠而出辭則其言當悖直
言不尚此事所譏大輕淺非是愠之意昭八年穿封成云
若知君之及此追欲不殺靈王其意乃悖於此蓋古者不
諱之言服虔之說未必非也

吳公子札來聘見叔孫穆子

說之謂穆子曰子其不得死乎

不得以壽死

好

善而不能擇人吾聞君子務在擇人吾子

爲魯宗卿而任其大政不愼舉何以堪之

禍必及子

爲昭四年堅牛作亂起本

請觀於周樂

魯以周公故有

天子禮樂

使工爲之歌周南召南

此皆各依其本國歌所常用聲

曲曰美哉

美其聲

始基之矣

周南召南王化之基

猶未

也

猶有商紂未盡善也

然勤而不怨矣

未能安樂然其音不怨怒

為

之歌邶鄘衛

武王伐紂分其地為三監三監叛周公滅之更封康叔并三監之地故三

國盡被康叔之化

曰美哉淵乎憂而不困者也

淵深也亡

國之音哀以思其民困衛康叔武公德化深遠雖遭宣公淫亂懿公滅亡民猶秉義不至於困

吾聞衛

康叔武公之德如是是其衛風乎

康叔周公弟武公康

叔九世孫皆衛之令德君也聽聲以爲別故有疑言

為之歌工

王黍離也幽王遇西戎之禍平

王東遷王政不行於天下風俗下與諸侯同故不爲雅

曰美哉思而不懼其

周之東乎

宗周厲滅故憂思猶有先王之遺風故不懼

爲之歌鄭

詩第

十曰美哉其細已甚民弗堪也是其先

亡乎

美其有治政之音譏其頽碎知下能久

爲之歌齊

詩第八

曰美

哉泱泱乎大風也哉

泱泱弘大之聲

表東海者其大

公乎

大公封齊爲東海之表式

國未可量也

言其或將復興

爲之

歌

詩第十五幽周之舊國在新平漆縣東北

曰美哉蕩乎樂而不

淫其周公之東乎

蕩乎蕩然也樂而不淫言有節周公遭管蔡之變東征三年爲

成王陳后稷先公不敢荒淫以成王業故言其周公之東乎

爲之歌秦

詩第十一後仲尼刪

定故不同曰此之謂夏聲夫能夏則大大之至

也其周之舊乎

秦本在西戎汧隴之西秦仲始有車馬禮樂去戎狄之音而有諸夏

之聲故謂之夏聲及襄公佐周正王東遷而受其故地故曰周之舊

爲之歌

魏詩第九魏姬姓

國閔元年晉獻公滅之

曰美哉颯颯乎大而婉險而易

行以德輔此則明主也

颯颯中庸之聲婉約也險當爲儉字之誤也大而約

則儉節易行惜其國小無明君也

爲之歌唐

詩第十唐晉詩

曰思深哉

其有陶唐氏之遺民乎不然何憂之遠也

晉本唐國故有堯之遺風憂深思遠情發於聲

非今德之後誰能若是

爲之歌陳

詩第十二

曰國無主其能久乎

淫聲放蕩無所

畏忌故曰國無主

自鄆以下無譏焉

鄆第十三曹第十四言季子聞此二國歌

不復激論之以其微也

爲之歌小雅

小雅小正亦樂歌之常

曰美哉思

而不貳

思文武之德無貳叛之心

怨而不言

有哀音

其周德之

衰乎

衰小也

猶有先王之遺民焉

謂有殷王餘俗故未大

爲之歌大雅

大雅陳文王之德以正天下

曰廣哉熙熙乎

熙熙

和樂聲

曲而有直體

論其聲

其文王之德乎

雅頌所以詠盛

德形容故但歌其美者不皆歌變雅

爲之歌頌

頌者以其成功告於神明

曰至矣

哉

言直備

直而不倨

倨傲

曲而不屈

屈撓

邇而不

偪

謙退

遠而不攜

攜貳

遷而不淫

淫過蕩

復而不

厭

常日新

哀而不愁

知命

樂而不荒

節之以禮

用而

不匱

德弘大

廣而不宣

不自顧

施而不費

因民所利

而利之

取而不貪

義然後取

處而不底

守之以道

行而不流

制之以義

五聲和

官商角徵羽謂之五聲

八風平

八方之氣謂之八風

節

有度守有序

八音克諧節有度也無相奪倫守有序也

盛德之所同

也

頌有殷魯故曰盛德之所同

見舞象箭南籥者

象箭舞所執南籥以

箭舞也皆文王之樂

曰美哉猶有憾

美哉美其容也文王恨不及已致太平

見

舞大武者

武王樂

曰美哉周之盛也其若此

乎見舞韶濩者

殷湯樂

曰聖人之弘也而猶

有慙德聖人之難也

慙於始伐

見舞大夏者

禹之

樂

曰美哉勤而不德非禹其誰能脩之

盡之

也勤

見舞韶箭者

舜樂

曰德至矣哉大矣如天

之無不幬也

幬覆也

如地之無不載也雖甚

盛德其蔑以加於此矣觀止矣若有他樂

吾不敢請已

魯用四代之樂故及鄒前而季子知其終也季札賢明才博在吳雖已涉見此

樂歌之文然未聞中國雅聲故請作周樂欲聽其聲然後依聲以參時政知其興衰也聞秦詩謂之夏聲聞頌曰五聲和八風平皆論聲以參政也其出聘也通嗣君

舞畢知其樂終是素知其篇數

也

吳子餘祭嗣立

故遂聘于齊說晏平仲謂之曰子

速納邑與政

納歸之公

無邑無政乃免於難齊

國之政將有所歸未獲所歸難未歇也

歇盡

故晏子因陳桓子以納政與邑是以免

於樂高之難

難在昭八年

聘於鄭見子產如舊

相識與之縞帶子產獻紵衣焉

大帶也吳地貴縞鄭地貴

新各獻已所貴示謂子產曰鄭之執政侈難

將至矣政必及子子爲政慎之以禮不然

鄭國將敗

修謂伯有

適衛說遽瑗

遽伯玉

史狗

史朝

之子

史鮒

史魚

公子荆公叔發

公叔文子

公子朝曰衛

多君子未有患也自衛如晉將宿於戚

戚孫文子

之聞鐘聲焉曰異哉吾聞之也辯而不德

必加於戮

辯猶事也

夫子獲罪於君以在此

孫文

子以威叛

懼猶不足而又何樂夫子之在此也

猶燕之巢于幕上

言至危

君又在殯而可以

樂乎

獻公卒未葬

遂去之

不止宿

文子聞之終身不

聽琴瑟

聞義能改

適晉說趙文子韓宣子魏獻

子曰晉國其萃於三族乎

言晉國之政將集於三家

說叔

向將行謂叔向曰吾子勉之君侈而多良

大夫皆富政將在家

富必厚施故政在家

吾子好直必

思自免於難

疏

好善而不能擇人

正義曰昔有當塗貴邳國公蘇威嘗問曰知人

是善然後好之何以言其不能擇人有曰好善仁擇人鑒
雖有仁心鑒不周物故好而不能擇也劉炫以此言亦有
所切於彼注魯以至禮樂正義曰明堂位云成王以
周公爲有勲勞於天下是以封周公於曲阜命魯公世世
祀周公以天子之禮樂又曰凡四代之服器魯兼用之是
魯以周公故有天子之禮樂也歌周南召南正義曰
歌周南召南之詩而以樂音爲之節也周南召南皆文王
之詩也周召者岐山之陽地名周之先公曰大王者自幽
始遷焉而脩德建王業大王生王季王季生文王於時雍
梁荆豫徐揚之民皆歸文王文王三分天下有其二以服
事殷文王改都於豐乃分岐邦周召之地賜周公且召公
奭以爲采邑使此二公施教於己所職之國爲文王行先
公賢化與己聖化使二公雜而施行之但南土感化有深
有淺其作詩也或感聖化或感賢化及武王伐紂定天下
巡守述職陳諸國之詩以觀民風俗其六州所作詩其得
聖人之化者謂之周南其得仁賢之化者謂之召南其實

皆是文王之化而分繫周召二公耳必分繫者文王以諸侯之身行王者之化詩人述其本志爲作聖賢之風此詩體實是風不可以雅名之文王身有王號不可以風繫之名無所繫詩不可棄因二公爲王行化是故繫之二公周公聖以聖化繫之召公賢以賢化繫之周南十一篇召南十四篇季札此時徧觀周樂詩篇三百不可歌盡或每詩歌一篇兩篇以示意耳未必盡歌之也劉炫云不直言周召者以其實非二公身化也言南者詩序云言化自此而南也謂從岐周南被江漢也 注此皆至聲曲 正義曰詩人觀時政善惡而發憤作詩其所作文辭皆準其樂音令宮商相和使成歌曲樂人采其詩辭以爲樂章述其詩之本音以爲樂之定聲其聲既定其法可傳雖多歷年世而其音不改今此爲季札歌者各依其本國歌所常用聲曲也由其各有聲曲故季札聽而識之言本國者變風諸國之音各異也 注美其聲 正義曰先儒以爲季札所言觀其詩辭而知故杜顯而異之季札所云美哉者皆美

其聲也詩序稱詩者志之所之也在心爲志發言爲詩情動於中而形於言言之不足故嗟歎之長歌以申意也及其八音俱作歌詩爲章則人之情意更復發見於樂之音聲出言爲詩各述已情聲能爲情情皆可見聽音而知治亂觀樂而曉盛衰神瞽大賢師曠季札之徒其當有以知其趣也注未能至怨怒正義曰詩序云治世之音安以樂亂世之音怨以怒此作周召之詩其時猶有紂存音雖未能安樂已得不怨怒矣注武王至之化正義曰邶鄘衛者商紂畿內之地名也漢書地理志云周既滅殷分其畿內爲三國詩風邶鄘衛國是也邶以封紂子武庚鄘管叔尹之衛蔡叔尹之以監殷民謂之三監故書序曰武王崩三監叛周公誅之盡以其地封弟康叔故邶鄘衛三國之詩相與同風此注取漢志爲說也漢世大儒孔安國賈逵馬融之徒皆以爲然故杜亦同之鄭玄詩譜云武王伐紂以其京師封紂子武庚爲殷後庶殷頑民被紂化日久未可以建諸侯乃三分其地置三監管叔蔡叔霍叔

使尹而監教之自紂城而北謂之邶南謂之鄘東謂之衛
武王崩後五年周公居攝三監道武庚叛成王既黜殷命
殺武庚復伐三監更於此三國建諸侯以殷餘民封康叔
於衛使爲之長後世子孫稍彊兼并彼二國混其地而名
之先儒唯鄭言然康叔以後七世至頃侯仁人不遇邶人
作柏舟之詩以刺之以後繼作十九篇爲邶風十篇爲鄘
風十篇爲衛風皆美刺衛君而分爲三耳此三國之風實
同是衛詩而必分爲三者鄭玄云作者各有所傷從其本
國分而異之故爲邶鄘衛之詩焉其意以爲邶鄘衛各是
大國土風不同作者雖俱有美刺而各述土風故大師各
從其本分而異之 注康叔至疑言 正義曰康叔周公
弟武公康叔元世孫世本世家文也魯爲季札作樂爲之
歌聲曲耳不告季札以所歌之樂名也札言吾聞康叔武
公之德如是是先聞其善今聲合其意雖不知其名而疑
是衛風也言是其衛風乎疑之辭也直聽聲以爲別不因
名而後知故有疑言焉 注王黍至爲雅 正義曰王詩

黍離爲首王非國名故舉首篇以表之王者周東都王城
畿內方六百里之地也始武王作邑于鎬是爲西都周公
攝政營洛邑謂之王城是爲東都成王旣居洛邑復還歸
西都十一世至幽王遇西戎之禍平王東遷王城於時王
政不行於天下其風俗下同諸侯王畿內之人怨刺者以
其政同諸侯皆作風詩不復爲雅其音旣是風體故大師
別之謂之王國之變風也謂之王者以王當國猶春秋
之王人天命未改尚尊之故不言周也爲之歌鄭正
義曰周宣王封母弟友於西都畿內是爲鄭桓公於漢則
京兆郡鄭縣是其都也幽王之時桓公爲大司徒見幽王
政荒問於史伯曰王室多故余懼及焉其何所可以逃死
史伯教之濟洛河潁之間有虢鄆之國取而守之唯是可
以少固及幽王爲夫戎所殺桓公死之其子武公與晉文
侯定平王於東都王城卒取史伯所云虢鄆之地而居之
於漢則河南郡新鄭縣是其都也武公又作卿士國人作
緇衣之篇以美之以後凡二十一篇皆鄭風也曰美至

亡乎 正義曰樂歌詩篇情見於聲美哉者美其政治之音有所善也鄭君政教煩碎情見於詩以樂播詩見於聲兩言其細碎已甚矣下民不能堪也民不堪命國不可以是國其將在先亡乎居上者寬則得衆爲政細密庶事煩碎故民不能堪也 爲之歌齊 正義曰齊者古少皞之世夷鳩氏之虛也武王伐紂封大師呂望於齊是爲齊大公其封域在禹貢青州岱山之陰濰淄之野於漢則齊郡臨淄縣是其都也大公後五世哀公荒淫怠慢國人作難鳴之詩以刺之以後凡十一篇皆齊風也 爲之歌豳 正義曰豳者禹貢雍州岐山之北原隰之野其地西近戎北近狄豳是彼土之地名於漢則扶風郡栒邑縣是其都也周室之先后稷之曾孫曰公劉者自邠而遷彼焉由能脩后稷之業教民以農桑民咸歸之而成國積九世至大王乃入處於岐山世世脩德卒成王業武王崩成王幼周公攝政管蔡流言云公將不利於孺子周公於是舉兵東伐之乃陳后稷先公風化之所由致王業之艱難作七月

之詩以表志大師以其主意於先公在商時之事故別其詩以爲幽國之變風凡七篇皆是周公之事也 曰美至東乎 正義曰美哉亦美其聲也蕩蕩寬大之意好樂不已則近於荒淫故美其樂而不淫也先開周公之德此聲同於所聞故疑之云其周公之在東乎言在東之時爲此聲也 爲之歌秦 正義曰秦者隴西山谷之名於漢則隴西郡秦亭秦谷是也堯時有伯益者佐禹治水有功帝舜賜之姓曰嬴氏其後世之孫曰非子事周孝王孝王使之養馬方汧渭之間封之爲附庸邑之於秦谷非子曾孫秦仲宣王又命以爲大夫始有車馬禮樂侍御之好國人作車鄰之詩以美之秦仲之孫襄公平王之初興兵討西戎以救周王既東遷乃以岐豐之地賜之始列爲諸侯更有駟驥以下凡十篇皆秦風也 注詩第至不同 正義曰此爲季札歌詩風有十五國其名皆與詩同唯其次第異耳則仲尼以前篇目先具其所刪削蓋亦無多記傳引詩亡逸甚少知本先不多也史記孔子世家云古者詩三千

餘篇孔子去其重取三百五篇蓋馬遷之謬耳 爲之歌魏
正義曰魏者虞舜夏禹所都之地在禹貢冀州雷首之北
析城之西於漢則河東郡河北縣是其都也周以封同姓
世本無魏君名謚不知始封之君何所名也鄭玄以爲周
王平桓之世魏君儉嗇且褊急不務施德國人作葛屨之
詩以刺之後凡七篇皆魏風也 爲之歌唐 正義曰唐
者帝堯舊都之地於漢則太原郡晉陽縣是也周成王封
母弟叔虞於堯之故墟曰唐侯其地南有晉水虞子燮父
改爲晉侯燮父後六世至僖侯甚嗇愛物儉不中禮國人
閔之作蟋蟀之詩以刺之以後凡十二篇皆唐風也詩序
云此晉也而謂之唐本其風俗憂深思遠有堯之遺風又
叔虞初國亦以唐爲名故名其詩爲唐風 曰思至若
是 正義曰陶唐之化遺法猶在作歌之民與唐世民同
故察此歌曰思慮深遠哉見其思深故疑之云其有陶唐
氏之遺民乎若其不是唐民何其憂思之遠也非承令德
之後誰能如此深慮也今德謂唐堯也 爲之歌陳 正

義曰陳者大皞伏羲氏之虛也於漢則淮陽郡陳縣是其都也帝舜之胄有虞遏父者爲周武王陶正武王賴其利器用又以其人是聖舜神明之後乃封其子滿於陳使奉虞舜之祀賜姓曰妘是爲陳胡公後五世至幽公荒淫無度國人作宛丘之詩以刺之以後凡十篇皆陳風也 注鄒第至微也 正義曰言以下知兼有曹也鄒者古高辛氏火正祝融之虛也國在禹貢豫州外方之北滎波之南居滎洧之間於漢則河南郡密縣竟內有其都也祝融之後分爲八姓唯有妘姓爲鄒國者處祝融之故地焉鄒是小國世本無其號謚不知其君何所名也鄒玄以爲周王夷厲之時鄒公不務政事而好衣服大夫作羔裘之詩以刺之凡四篇皆鄒風也其後鄭武公滅其國而處之曹者禹貢兗州陶丘之地名於漢則濟陰郡定陶縣是其都也周武王封其弟叔振鐸於曹後十一世當周惠王時昭公好奢而任小人國人作蟋蟀之詩以刺之以後凡四篇皆曹風也鄒曹二國皆國小政狹季子不復譏之以其微細

故也 爲之歌小雅 正義曰詩序云言天下之事形四方之風謂之雅雅者正也政有小大故有小雅焉有大雅焉然則小雅大雅皆天子之詩也立政所以正下故詩序訓雅爲正又以政解之天子以政教齊正天下故民述天子之政還以齊正而爲名故謂之雅也王者政教有大小詩人述之亦有大小故有小雅大雅焉據詩以小雅所陳有飲食賓客賞勞羣臣燕賜以懷諸侯征伐以疆中國樂得賢者長育人於天子之政皆小事也大雅所陳有受命作周代殷繼代受先王之福祿尊祖考以配天醉酒飽德官人用士澤被昆蟲仁及草木於天子之政皆大事也詩人歌其大事制爲大體述其小事制爲小體體有大小故分爲二焉詩體既異樂音亦殊其音既定其法可傳後之作者各從其舊二雅正經述小政爲小雅述大政爲大雅既有小雅大雅之體亦有小雅大雅之音王道既衰變雅並作取小雅之音歌其政事之變者謂之變小雅取大雅之音歌其政事之變者謂之變大雅故變雅之美刺

皆由音制有大小不復由政事之大小也風述諸侯之政
非無大小但化止一國不足分別頌則功成乃作歸美報
神皆是大事無復小體故風頌不分唯雅分爲二也周自
文王受命發跡肇基武王伐紂功成業就及成王周公而
治致升平頌聲乃作此功成之頌本由比風雅而來故錄
周南召南之風鹿鳴文王之雅以爲詩之正經計周南召
南之風鹿鳴文王之雅所述文王之事亦有同時者也但
文王實是諸侯而有天子之政詩人所作立意不同述諸
侯之政則爲之作風述天子之政則爲之作雅就雅之內
又爲大小二體是由體制異非時節異也詩見積漸之義
小雅先於大雅故魯爲季札亦先歌小雅曰美至民焉
正義曰杜以此言皆歎正小雅也言其時之民思文武之
德不有二心也雖怨時政而能忍而不言其是周德衰小
之時乎猶有殷先生之遺民故使周德未得大也服虔以
爲此歎變小雅也其意言思上世之明聖而不貳於當時
之王怨當時之政而不有背叛之志也其周德之衰微乎

疑其幽厲之政也劉炫以服言爲是而謂杜解錯謬今知不然者以小雅大雅二詩相對今歌大雅云其文工之德乎是歌其善者以大雅準之明知歌小雅亦歌其善者也若其不然何意大雅歌善小雅歌不善且魯爲季扎歌詩不應揚先王之惡以示遠夷劉不達此旨以服意而規杜非也注衰小也正義曰衰者差也九章算術謂差分爲衰分言從大漸差而小故杜以衰爲小也服虔讀爲衰微之衰謂幽厲之時也注大雅至天下正義曰大雅亦有武王成王之詩杜唯言文王者以下云其文王之德乎故也注頌者至神明正義曰鄭玄云頌之言容也天子之德光被四表格于上下無不覆燾無不持載此謂之容也詩序云頌者美盛德之形容以其成功告於神明者也言天子盛德有形容可與可與之形容謂道教周備也成功者營造之功畢也天之所管在於命聖聖之所管在於任賢賢之所管在於養民民安而財豐衆和而事濟如是則司牧之功畢矣故告於神明也劉炫又云于戈既

戰夷狄來賓嘉瑞悉臻遠近咸服羣生遂其性萬物得其
所即功成之驗也萬物本於天人本於祖天之所命者牧
人祖之所本者成業人安業就告神明使知雖社稷山川
四嶽河海皆以民爲主安民安樂故作詩歌其成功徧告
神明所以報神明恩也王者政有興廢未嘗不祭羣神祖
廟政未大平則神無恩力故大平德洽始報神功也頌詩
止述祭祀之狀不言德神之力者美其祭祀是報德可知
言其降福是荷恩可知幽王小雅云先祖匪人胡寧忍予
則於時之意豈復美其祭乎故美其祭則報情願以成功
告神明之意如此止謂周頌也其商頌則異雖是祭祀之
歌祭先祖王廟述其生時之功乃是死後頌德非以成功
告神意同大雅與周頌異魯則止頌僖公纔如變風之美
者文體類小雅又與商頌異也此當是歌周頌杜解盛德
所同兼殷魯三頌皆歌也 曰至至同也 正義曰至矣
哉言其美之至也以王道周備故爲至美也自直而不倨
至行而不流凡十四事皆音有此意明王者之德季札或

取於人或取於物以形見此德無句皆下字破上字而美其能不然也人性直者失於倨傲此直而能不倨也謂王者體性質直雖富有四海而不倨傲慢易在下物有曲者失於屈撓此曲而能不屈也謂王者曲降情意以尊接下恒守尊嚴不有屈撓相去近者失於相偏此邇而能不偏也謂王者雖爲在下與之親近能執謙退不陵偏在下相去遠者失於乖離此遠而能不攜也謂王者雖爲在下與之踈遠而能不有壙離猜疑在下數遷徙者失於淫佚此遷而能不淫也謂王者雖有遷動流去能以德自守不至放蕩去而復反則爲人所厭此復而能使不厭也謂王者政教日新雖反覆而行不爲下之厭薄哀者近於憂愁此哀而能不愁也謂王者雖遇凶災知運命如此不有憂愁樂者失於荒廢此樂而能不荒廢也用之不已物將匱乏此用而不可匱也志寬大者多自宣揚此雖廣而不自宣揚也好施與者皆費財物此能施而不費損也取人之物失於貪多此雖取而不爲貪多也處而不動則失於留滯此

雖久處而能不底滯也謂王者相時而動時未可行雖復止處意不底滯行而不已則失於流放此雖常行而能不流放也謂王者量時可行施布政教能制之以義不妄流移五等之聲皆和八方之風皆平八音之作有節其節皆有常度音之所守有分其守各有次序周魯與商皆有盛德此上諸事盛德之所同也 注八音至序也 正義曰八音克諧無相奪倫舜典文也倫理也言八音能和諧是其音有節度也八音不相奪道理是音各守其分有次序也 注頌有至所同 正義曰杜以爲之歌頌言其亦歌商魯故以盛德之所同謂商魯與周其德俱盛也劉炫以爲魯頌只美僖公之德本非德洽之歌何知不直據周頌而云頌有商魯乎今知不然者但頌之大體皆述其大平祭祀告神之事魯頌雖非大平經稱皇皇后帝皇祖后稷又云周公皇祖亦其福女美其祭神獲福與周頌相似且季文子請周作頌取其美名又季札至魯欲褒崇魯德取其善故云盛德所同若直歌周頌宜加周字不得唯云

歌頌故杜爲此解劉以爲魯頌不得與周頌同而規杜氏
非也見舞象箭南籥者正義曰樂之爲樂有歌有舞歌
則詠其辭而以聲播之舞則動其容而以曲隨之歌者樂
器同而辭不一聲隨辭變曲盡更歌故云爲之歌風爲之
歌雅及其舞則每樂別舞其舞不同季札請觀周樂魯人
以次而舞每見一舞各有所歎故以見舞爲文不言爲之
舞也且歌則聽其聲舞則觀其容歌以主人爲文故言爲
歌也舞以季札爲文故言見舞也樂有音聲唯言舞者樂
以舞爲主周禮大司樂云以樂舞教國子舞雲門大卷大
咸大磬大夏大濩大武又云乃分樂而序之以祭以享以
祀舞雲門以祀天神舞咸池以祭地祇舞大韶以祀四望
舞大夏以祭山川舞大濩以享先妣舞大武以享先祖凡
六樂者文之以五聲播之以八音鄭玄云播之言被也是
其以舞爲主而被以音聲故魯作諸樂於季札皆云見舞
也禮法歌在堂而舞在庭故郊特牲云歌者在堂匏竹在
下貴人聲也以貴人聲樂必先歌後舞故魯爲季札先歌

諸詩而後舞諸樂其實舞時堂上歌其舞曲也 注象箭
至之樂 正義曰賈逵云箭舞曲名言天下樂箭去無道
杜云箭舞者所執二者俱無所據各以意言之耳詩述碩
人之善舞云左手執箛右手秉翟箛是舞者所執則箭亦
舞者所執杜說當得其實但不知箭是何等器耳杜云皆
文王之樂則象箭與南箛各是一舞南箛既是文舞則象
箭當是武舞也詩云維清奏象舞則此象箭之舞故鄭玄
注詩云象用兵時刺伐之舞是武舞可知其名之曰南其
義未聞也知是武王制者以爲人子者貴其成父之事文
王既有大功武王無容不述於周公之時已象伐紂之功
作大武之樂不應復象文王之伐制爲別樂故知此舞是
武王制焉王者之作禮樂必大平乃得爲之武王未及大
平而得作此樂者一代大典須待大平此象文王之功非
爲易代大法故雖未制禮亦得爲之周公大平雖作大武
尊重文王之功留擣之以爲別樂故六代之樂不數此象
也周禮分樂而序之象舞不以祭祀或當祈告所用故魯

今亦有之劉炫云知是文王樂者詩云維清維熙文王之
典此象樂之所舞故知是文王樂也鄭玄注象又云此樂
名象而已以其象事有舞音故詩序謂之象舞舞非此樂
名故此直言舞也其簡籥是可執之物司馬相如上林賦
曰拂驚鳥捎鳳皇則捎亦拂之類今人謂拂爲拂捎此必
傳於古其簡捎字同也杜不解南劉炫謂簡如周南之意
南在簡籥之間蓋二者共有南義 注美哉至太平 正
義曰歌聽聲而舞觀形故知美者美其容也歌詩由口而
出樂音以詩爲章人歌君德情見於音聽聲知政容或可
爾計聖人之德非舞容可象而季札觀舞皆知其德者聖
人之作樂也各象當時之事時事見於舞故觀之可以知
也樂記稱賓牟賈問大武之樂云敢問遲之遲而又又何
也子曰夫樂者象成者也摠干而山立武王之事也發揚
蹈厲大公之志也武亂皆坐周召之治也且夫武始而北
出再成而滅商三成而南四成而南國是疆五成而分周
公左召公右六成復綴以崇天子夾振之而四伐盛威於

中國也分夾而進事早濟也久立於綴以待諸侯之至也
彼言大武之舞是象武王之事則知諸樂之舞皆象時王
功德也聖王功德見於舉動之容故觀其舞容各知其德
也 見舞大武者 正義曰鄭玄周禮注云大武武王樂
也武王伐紂以除其害言其德能成武功也此舞四代之
樂從後代而稍前也象是文王之樂事在大武之先先舞
象而後舞武者以象非一代大樂故先舞之 見舞韶濩
者 正義曰周禮謂之大濩鄭玄云大濩湯樂也湯以寬
治民而除其邪言其德能使天下得其所也然則以其防
濩下民故稱濩也此言韶濩不解韶之義韶亦紹也言其
能紹繼大禹也 見舞大夏者 正義曰樂記解此樂名
云夏大也鄭玄云言禹能大堯舜之德又周禮注云禹治
水敷土言其德能大中國也季札見此舞歎禹勤苦爲民
而不以爲恩德則鄭周禮注是也 見舞韶箴者 正義
曰樂記解此樂名云韶繼也鄭玄云韶之言紹也言舜能
繼紹堯之德杜不解箴義箴即箴也尚書曰箴韶九成鳳皇

來儀此云韶簡即彼簫韶是也孔安國云言簡見細器之備也蓋韶樂兼簫爲名簫字或上或下耳 注魯用至篇數

正義曰明堂位云四代之服器官魚兼用之是魯之所用四代而已唯用四代之樂不得用雲門大咸故舞及韶簡而季札知其終也先儒以爲季札在吳未嘗經見此樂爲歌諸詩其所歎美皆以詩辭之內求所歎之意故杜辨之在吳雖已見此樂歌之文但未聞中國雅聲其所言者皆聽聲而知非察其文辭故取傳文證之明是素知其篇數也 注大帶至貨利 正義曰玉藻說大帶之制大夫以素爲帶裨其垂三尺者外以玄內以華居士錦帶弟子縞帶季札吳卿也而以縞帶與子產者是其當時之所有耳吳始通上國未必服章依禮也杜以縞是中國所有紵是南邊之物非土所有各是其貴知其示損已耳不爲彼貨利也若其不然傳不須載明其有此意也孔安國云縞白纈也鄭玄禮記注云白經赤紵曰縞黑經白紵曰纈 注修謂伯有 正義曰據二十七年傳伯有次子展之下此

年子展卒故伯有執政也上文云子展卒子皮為政者蓋鄭人以子展有大功使子皮代父為上卿耳其父始卒國政猶在伯有下云伯有使公孫黑如楚是伯有執政之事也君侈而多良正義曰謂多以惡人為良而善之

秋九月齊公孫薑公孫竈放其大夫高止

於北燕

薑子尾竈子雅放者宥之以遠

乙未出書曰出奔罪

高止也

實放書奔所以示罪

高止好以事自為功且

專故難及之



注實放至示罪

正義曰釋例云奔者迫窘而去逃死四鄰不以禮

出也放者受罪黜免宥之以遠也迫窘而奔及以禮見放俱去其國故傳通以違為文仲尼脩春秋又以所稱為優劣也夫立功立事者國之厚益而身之表的也表高的明雖婦人猶欲寧弓而況當塗之士是以君子慎之道家貴

善行者無輟跡功遂而身退高止既犯其始又專以終之
免死為幸斯乃聖賢之篤戒故變放言奔又致其罪以示
過胥甲之放命陳招之首惡矯厲以篤教也杜以高止之
罪輕於陳招胥甲而變放言奔以止為重故原聖意欲以
申冬孟孝伯如晉報范叔也范叔士鞅也此年夏來聘為

高氏之難故高豎以盧叛豎高子十月庚寅

閭丘嬰帥師圍盧高豎曰苟使高氏有後

請致邑還邑於君齊人立敬仲之曾孫敬仲良

敬仲也良猶賢也十一月乙卯高豎致盧而出奔

晉晉人城縣而寘旃晉人善其致邑疏齊人至仲也正義曰依世

本敬仲生莊子莊子生傾子傾子生宣子宣子生厚厚生
止止是敬仲玄孫之子也世本又云敬仲生莊子莊子生
傾子傾子之孫武子偃據世本則偃爲敬仲玄孫今傳云
曾孫必有一誤也此鄭即後所云高偃是也世族譜以高
武子爲鄭偃爲一人蓋鄭偃聲相近而字爲二耳董遇注
此亦作偃劉炫云據世本高止敬仲玄孫之子不立止近
親遠取敬仲曾孫者齊人賢敬仲故繫之言敬仲曾孫則
此人祖父皆非正適今別立之遠繼敬仲後高止祖父皆
絕其祀也

鄭伯有使公孫黑如楚

黑子

辭曰楚

鄭方惡而使余往是殺余也伯有曰世行

也

言女世
爲行人

子皙曰可則往難則已何世之有

伯有將強使之子皙怒將伐伯有氏大夫

和之十二月己巳鄭大夫盟於伯有氏禪

諶曰是盟也其與幾何言不能久也詩曰君

子屢盟亂是用長今是長亂之道也禍未

歇也必三年而後能紓紓解也然明曰政將

焉往禪諶曰善之代不善天命也其焉辟

子產言政必歸子產舉不踰等則位班也子產位班次應知政

擇善而舉則世隆也世所高也天又除之奪伯有

魄喪其精神為子產驅除子西即世將焉辟之天禍鄭父

矣其必使子產息之乃猶可以戾也戾定不

然將亡矣

疏

裨諝曰善之代不善云云正義曰案傳伯有死後子皮授子產政云虎

帥以聽命則子皮於時位在子產上矣此裨諝論鄭卿位次其言不及子皮者蓋以子皮非舊卿雖繼父而居高位民望政次未之許也又伯有既死子西亦卒子皮位為上卿故鄭人使知政

經三十年春王正月楚子使薳罷來聘夏

四月蔡世子般弑其君固五月甲午宋災

天火曰災

宋伯姬卒天王殺其弟佞夫

稱弟以惡王殘骨肉

疏

注稱弟至骨肉正義曰傳言罪在王并稱弟以惡王也

王子瑕奔晉

不言出奔

周無秋七月叔弓如宋葬宋共姬共姬從夫謚也叔弓叔老

之子卿共葬事禮注共姬至過厚正義曰公羊傳過厚三月而葬速**疏**曰其稱謚何賢也杜以共非夫人

之謚故注顯而異之夫謚爲共從夫謚而稱之耳共非夫人之身行也昭三十年傳曰先王之制諸侯之喪士弔大

夫送葬則夫人之喪不得過之也昭三年傳云文襄之霸也君薨大夫弔卿共葬事夫人士弔大夫送葬是法皆不

使卿也伯姬魯女以災而死魯人愍之故使卿共葬事禮過厚也鄭良霄出奔許

者酒荒淫**疏**注者酒至罪之正義曰據傳子皙伐伯書名罪之有而伯有非有罪也春秋出奔書名皆是

罪之文故杜跡其罪自許入于鄭不言復入**疏**狀者酒荒淫故書名也獨還無兵

注不言至無兵正義曰成十八年傳例曰以惡曰復入謂還而以兵害國爲惡事而入若魚石以楚師伐宋取其

彭城變盈帥曲沃之甲以入于絳如是乃爲惡入也良霄獨還無兵入國始爲惡非是以惡入故不得書復入直言入者自外而入內耳非彼例也成十五年宋華元出奔晉宋華元自晉歸于宋奔之與歸再書名氏此良霄不重書名氏者彼宋再告此鄭一告故連書之

鄭人殺良霄冬十月葬蔡

景公

無傳

晉人齊人宋人衛人鄭人曹人莒

人邾人滕人薛人杞人小邾人會于澶淵

宋災故

會未有言其事者此言宋災故以惡宋人不克已自責而出會求財

疏

注會未至

求財

正義曰案桓二年會于稷以成宋亂則是會言其事而此言會未有言其事義相違者彼言以成宋亂直連

言所會之事與桓十五年會于袤伐鄭相似經不明言事之意故今此言宋災故是丁寧之辭不與彼同案傳責諸

侯之卿并及宋人杜此注何以唯言惡宋人不克已自責
不兼焉諸侯卿者以傳云書曰某人某人宋災故尤之也
是宋災之文獨繫向戌稱
人故知宋災特惡宋也

傳三十年春王正月楚子使薳罷來聘通

嗣君也

薳敖即位

穆叔問王子之爲政何如

王

國爲令尹

對曰吾儕小人食而聽事猶懼不給

命而不免於戾焉與知政固問焉不告穆

叔告大夫曰楚令尹將有大事子蕩將與

焉

子蕩還罷

助之匿其情矣

子圖素貴薳敖微弱諸侯皆知其將爲亂故穆

叔問疏王子之為政正義曰傳無國字故杜云王子

之國為令尹也服虔云王子楚令尹王子圍也王

國之政焉對曰吾得見與否在此歲也駟

良方爭未知所成駟氏子哲也良氏伯有也若有所成吾

得見乃可知也叔向曰不既和矣乎對曰

伯有侈而愎愎很也子皙好在人上莫能相

下也雖其和也猶相積惡也惡至無日矣

為此年秋良二月癸未晉悼夫人食輿人之

胥山奔傳

城杞者

輿衆也城杞在往年

絳縣人或年長矣無子而

往與於食有與疑年使之年

使言其年

曰臣小

人也不知紀年臣生之歲正月甲子朔四

百有四十五甲子矣其季於今三之一也

所稱正月謂夏正月也三分六甲之一得甲子甲戌盡癸未

吏走問諸朝

皆不知故

問師曠曰魯叔仲惠伯會郤成子于承匡

之歲也

在文十一年

是歲也狄伐魯叔孫莊叔於

是乎敗狄于鹹獲長狄僑如及虺也豹也

而皆以名其子七十三年矣

叔孫僑如叔孫豹皆取長狄名

史

趙曰亥有二首六身

史趙晉大史亥字二畫在上併三六爲身如筭之六

下

二如身是其日數也

下亥上二畫豎置身旁

士文伯曰

然則二萬六千六百有六旬也

文伯士弱之子

趙孟

問其縣大夫則其屬也

屬趙武

召之而謝過

焉曰武不才任君之大事以晉國之多虞

不能由吾子

由用也

使吾子辱在泥塗久矣

武之罪也敢謝不才遂仕之使助爲政辭

以老與之田使爲君復陶

復陶三衣服之官

以爲終

縣師

縣師掌地域辨其夫家人民

而廢其輿尉

以役孤老故

於是

魯使者在晉歸以語諸大夫季武子曰晉

未可媮也

媮薄也

有趙孟以爲大夫有伯瑕

以爲佐

伯瑕士文伯

有史趙師曠而咨度焉有叔

向女齊以師保其君其朝多君子其庸可

媮乎勉事之而後可

傳言晉所以強不失諸侯且明歷也

疏

有與至之

年正義曰有與同食者問此老人之年不告以實疑其年也使之年者更使言其真年也更走問諸朝

正義

曰俗本吏作使服虔云吏不知歷數故走問於卿大夫王肅云吏不知歷也 師曠至歲也 正義曰劉炫云傳之叙事自可以魯為主若載人語則當如其本言此師曠晉人自道晉事當云卻成子會魯叔仲惠伯所以云叔仲惠伯會卻成子于承匡之歲者丘明意在以魯為主是此言反耳丘明尚不免於此况後解說者乎今知非者以魯史所記云公卿會某侯者皆據公卿往會他若他來會我則以他爲文若衛侯會公于脊鄆伯會公于棐是也今卻成子在承匡晉往會之以晉爲主晉人所言正是其宜劉炫以爲晉人不當稱叔仲惠伯會卻成子以爲丘明之誤恐非也 是歲至年矣 正義曰敗狄于鹹事在彼歲未必其年頓生三子當是欲表其功雖在後生子追以前事名之 史趙至數也 正義曰二畫爲首六畫爲身一畫之二畫並之使如其身旁則是生來日數也因亥畫似斧故假之以爲言其本作亥字不爲此也案字書古之亥體殊不然蓋春秋之時亥字有二六之體異於古制六

說文是小篆之書又異於此說文云亥亥也十月微陽起
接盛陰從二二古文上字一人男一人女也從乙象懷子
咳咳之形也 士文至旬也 正義曰文十一年至此年
爲七十四年而上云七十三年案文十一年正月甲子朔
爲夏之正月是其年三月也此年之二月癸未是夏之十
二月計爲七十三年猶尚年未終也假作全年算之置十
十三年以全日三百六十五日乘之已得二萬六千六百
四十五日也每年有四分日之一是四年而成一日以四
除七十三年又得十八日并全日爲二萬六千六百六十
三日計絲此十二月盡有二萬六千六百六十三日四分
日之一今除去三日四分日之一整取六旬合當十二月
二十七日今杜長歷云二十三日癸未是少四日所以不
與常歷同者蓋杜爲長歷約準春秋日月以爲長歷與常
歷不同故置問遠近不定蓋七十三年之內於常歷校四
箇夫月而剩用四日故癸未爲二十三日若依常歷是二
十七日也劉炫云所以少二日者文十一年非首章年其

閒閏有前却故長歷此月辛酉朔二十三日得癸未來月
庚寅朔計至朔長三日長歷去年閏八月由閏近故也

趙孟至屬也 正義曰諸是守邑之長公邑稱大夫私邑
則稱宰此言問其縣大夫問絳縣之大夫也絳非趙武私
邑而云則其屬者蓋諸是公邑國卿分掌之而此邑屬趙
武也 注復陶至之官 正義曰昭十二年傳說楚子出
獵云皮冠秦復陶翠被豹舄執鞭以出復陶之文在冠屨
之間知復陶是衣也此言君復陶知是主君衣服之官也
衣服之名復陶其義未聞 以爲絳縣師 正義曰既使
爲主衣服之官又以爲絳邑之縣師也周禮縣師上士二
人其職掌邦國都鄙稍甸郊里之地域而辨其夫家人民
田萊之數及其六畜車輦之稽凡造都邑量其地而制其
域以歲時徵野之賦貢天子之縣師掌此諸事則諸侯之
縣師亦當然故杜略引周禮以解之據如周禮則縣師是
王朝之官而此言絳縣師者絳是晉國所都之邑蓋以居
在絳邑故繫絳以言之 而廢其與尉 正義曰服虔云

與尉軍尉主發衆使民於時趙武將中軍若是軍尉當是中軍尉也注以役孤老故正義曰知者上云無子是

孤年七十三是老也夏四月己亥鄭伯及其大夫盟良駟

爭故君子是以知鄭難之不已也鄭伯微弱不能制其臣下

君臣詛盟故曰亂未已蔡景侯爲太子般娶于楚通焉

太子弑景侯終子產言有子禍也初王儋季卒儋季周靈王弟

其子括將見王而歎括除服見靈王入朝而歎單公子愆

期爲靈王御士過諸廷廷期行過王廷聞其歎而

言曰烏乎必有此夫欲有此朝廷之權入以告王且

曰必殺之不惑而願大視躁而足高心在

他矣不殺必害王曰童子何知及靈王崩

儋括欲立王子佞夫佞夫靈王子景王弟佞夫弗知戊

子儋括圍蕩逐成成愆焉邑大夫成愆奔平時

平時周邑五月癸巳尹言多劉毅單蔑甘過

鞏成殺佞夫五子周大夫括瑕廖奔晉括廖不書賤也書

曰天王殺其弟佞夫罪在王也佞夫不知故經書在宋災

下從赴或叫于宋大廟叫呼也曰譁譁出出譁譁熱也

山出戒
伯姬

鳥鳴于亳社

社殷

如曰譖譖

皆火妖也

甲

午宋大災宋伯姬卒待姆也

姆女師

君子

謂宋共姬女而不婦女待人

待人行

婦義事

也

義從宜也伯姬時年六十左右

社

鳥鳴于亳社

正義曰哀四年亳社災穀梁傳曰亳社者亳之社也

亳三國也三國之社以爲廟屏戒也然則此亳社是殷社也殷都於亳武王伐紂而頌其社於諸侯以爲三國之戒此

鳥鳴于魯國之亳社也服虔云殷宋之祖也故鳴其社伯姬魯女欲使魯往悟伯姬也

宋大災正義曰莊二十年齊大災杜云來告以大故書此不書大告者不言大也服虔云不書大非災大及人伯姬坐而待之耳然則昭十八年

宋衛陳鄭災災皆及人何以不言大也注姆女師正義曰鄭云昏禮注云姆婦人年五十無子出而不復嫁能以

婦道教人者若今時乳母矣何休云選老大夫妻為姆也
大夫之妻當在夫室安得從女而嫁也若言既為夫人選
大夫之妻為之則禮言女未嫁而有姆非至夫家始選也
正義從至左右正義曰義者宜也從宜宜辟火也成九
年伯姬歸于宋至此四
十年故為六十左右也六月鄭子產如陳涖盟

歸復命告大夫曰陳亡國也不可與也不可

與結聚禾粟繕城郭恃此二者而不撫其

民其君弱植公子侈大子卑大夫敖政多

門政不由一人以介於大國介間也能無亡乎不

過十年矣為昭八年楚滅陳傳**疏**其君弱植正義曰周禮謂草木為植物植謂樹

君志弱不樹立也 大夫敖 正義曰言大夫驕敖也服

虔云言大夫淫放則服本為大夫放矣故今俗本多為放

字 秋七月叔弓如宋葬共姬也 傷伯姬之過 災故使卿共

葬 鄭伯有者酒為窟室 窟室 地室 而夜飲酒擊

鐘焉朝至未巳朝者曰公焉在 家戶故謂 伯有為公 其

人曰吾公在壑谷 壑谷 窟室 皆自朝布路而罷

布路 既而朝 伯有朝 鄭君 則又將使子皙如楚歸

而飲酒庚子子皙以駟氏之甲伐而焚之

伯有奔雍梁 雍梁 鄭地 醒而後知之遂奔許大

夫聚謀子皮曰仲虺之志

仲虺湯左相

云亂者取

之亡者侮之推亡固存國之利也罕駟豐

同生

罕子皮駟子哲豐公孫段也三家本同母兄弟

伯有汰侈故不免

三家同出而伯有孤特又汰侈所以亡

人謂子產就直助彊

時謂子哲直三

家子產曰豈爲我徒

徒黨也言不以駟良爲黨

國之禍難

誰知所敝或主彊直難乃不生

言能彊能直則可弭難今

三家未能則伯有方爭

姑成吾所

欲以無所附著爲所

辛丑子產斂

伯有氏之死者而殯之不及謀而遂行

不與

於國謀印段從之義子子皮止之衆曰人不

我順何止焉子皮曰夫子禮於死者況生

者乎遂自止之壬寅子產入癸卯子石入

子石皆受盟于子皙氏乙巳鄭伯及其大

夫盟于大宮大宮盟國人于師之梁之外

師之梁伯有聞鄭人之盟己也怒聞子皮

之甲不與攻己也喜曰子皮與我矣癸丑

晨自墓門之瀆入墓門因馬師諷介于

襄庫以伐舊北門

馬師頡子羽孫

駟帶率國人以

伐之

駟帶子西之子子哲之宗主

皆召子產

駟氏伯有俱召

子產曰

兄弟而及此吾從天所與

兄弟恩等故無所偏助

伯有

死於羊肆

羊肆市列

子產綖之枕之股而哭之

斂而殯諸伯有之臣在市側者旣而葬諸

斗城

斗城鄭地名

子駟氏欲攻子產子皮怒之曰

禮國之幹也殺有禮禍莫大焉乃止

斂葬伯有

禮爲有

於是游吉如晉還聞難不入

懼禍并及

復

命于介八月甲子奔晉駟帶追之及酸棗

與子上盟用兩珪質于河

子上駟帶也沈珪於河爲信也酸棗陳留

縣使公孫肸入盟大夫己巳復歸

游吉歸也書

曰鄭人殺良霄不稱大夫言自外入也

出既

位絕非復鄭大夫

於子矯之卒也

子矯公孫薑卒在十九年

將葬公

孫揮與裨竈晨會事焉

會葬事

過伯有氏其

門上生莠子羽曰其莠猶在乎

子羽公孫揮以莠喻伯有

伯有侈知其不能久存

於是歲在降婁降婁中而旦

降婁

奎婁也周七月今五禪竈指之曰猶可以終歲

月降婁中而天明指降婁也歲星歲不及此次也已不及降婁及其亡

十二年而一終也歲在姬訾之口姬訾替星東壁二十八年歲星

歲星停在其明年乃及降婁僕展從伯有與

之皆死僕展鄭大夫伯有黨羽頡出奔晉爲任大夫羽頡

馬師頡任晉縣雞澤之會在三鄭樂成奔楚遂

適晉羽頡因之與之比而事趙文子言伐

鄭之說焉以宋之盟故不可宋盟約子皮以

弭兵故

公孫鉏爲馬師

鉏子罕之子代羽頡

疏

注降婁至天明正義曰降婁奎婁

釋天文也孫炎曰降下也奎爲溝瀆故稱降也杜以周十月今五月降婁中而天明烈炫以爲五月降婁未中而規昴失今知非者以三月宿星復位合昏奎婁在戌以衡反之平旦在辰又三月日躔奎婁平旦之時奎婁在胃昴之前亦當在辰既三月平旦則四月在巳五月在午月令旦危中者據夜有長短及旦後有廣狹是細計之數杜據大略而言故與月令不同蓋以月令之文而規杜氏非也注姬嘗至二年正義曰據云云姬嘗之口營室東辟也李巡曰姬嘗玄武宿也營室東辟北方宿名孫炎曰姬嘗之數則口開方營室東辟四方似口故因名云也十二次子爲立枹或爲姬嘗二十八年傳稱城在星紀而淫於立枹二十八年已在立枹今三十年始在姬嘗三年城移一次是歲星在立枹二年也

楚公子圍殺大司馬蔣掩而

取其室

遠掩二十五
年為夫司馬

申無字曰王子必不免

無字
辛尹

善人國之主也王不相楚國將善是

封殖而虐之是禍國也且司馬令尹之偏

偏佐
也

而王之四體也

俱股肱也

絕民之主去身之

偏艾王之體以禍其國無不祥大焉何以

得免

為昭十三年
楚弑靈王傳

為宋災故諸侯之大夫會以

謀歸宋財冬十月叔孫豹會晉趙武齊公

孫薑宋向戌衛北宮佗

佗北宮
括之子

鄭罕虎

虎子

皮及小邾之大夫會于澶淵旣而無歸於宋故不書其人君子曰信其不可不慎乎澶淵之會卿不書不信也夫諸侯之上卿會而不信寵名皆弃不信之不可也如是

寵謂族也

詩曰文王陟降在帝左右信之謂也

詩大雅言文王所以能上接天下接人動順帝者唯以信

又曰淑慎爾止無載

爾僞不信之謂也

逸詩也言當善慎舉止無載行詐僞

書曰某

人某人會于澶淵宋災故尤之也

傳云旣而無歸所以

釋諸侯大夫之不書也又云宋災故尤之所以釋向戌之并貶也成爲政卿深致火災燹殺其夫人未聞克己之意而以求財合諸侯故不書魯大夫諱之也向戌既與不歸財者同文

財諸大夫許而不歸客主皆貶君子以尊尊之義也君親有隱故略不書魯大夫以示例疏注傳云至同文

正義曰諸侯不歸宋財諸國大夫合貶耳向戌不合貶也而向戌亦貶稱人故傳明經所由杜又釋傳之意傳云既而無歸者是釋上傳之文故不書其人是也經又別言宋災故者此一句見向戌之并貶釋此傳書曰某人某人之文也向戌若不求財當顯書名氏今貶稱某人與諸國鄭某人同故云所以釋向戌之并貶與不歸財者同文

子皮授子產政伯有死子皮知政以子產賢故諱之辭曰國小而

偪偪近族大寵多不可爲也爲猶治也子皮曰

虎帥以聽誰敢犯子子善相之國無小言在

治政小能事大國乃寬為大所恤故也子產為政有

事伯石賂與之邑伯石公孫段有事欲使之子大叔曰國

皆其國也奚獨賂焉言鄭大夫共憂鄭國事何為獨賂之子產曰

無欲實難言人不欲皆得其欲以從其事而

要其成非我有成其在人乎言成猶在我非在他何愛

於邑邑將焉往言猶在國子大叔曰若四國何

恐為四鄰所笑子產曰非相違也而相從也言賂以邑欲為和順

四國何尤焉鄭書有之鄭國史書曰安定國家必

大焉先先和大族而後國家安姑先安大以待其所歸要其

成也既伯石懼而歸邑卒與之卒終也伯有既

死使大史命伯石為卿辭大史退則請命

焉請大史更命已復命之又辭如是三乃受策入

拜子產是以惡其為人也惡其虛飾使次已位

畏其作亂故寵之子產使都鄙有章國都及邊鄙車服尊卑各有分部

上下有服公卿大夫服不相踰田有封洫封疆也洫溝也廬井

有伍

廬舍也九夫爲井使五家相保

大人之忠儉者

謂即大人

從

而與之泰侈者因而斃之

因其有罪而斃之

豐卷

將祭請田焉弗許

田獵也

曰唯君用鮮

鮮野

鮮野

衆給而已

衆臣祭以芻豢爲足

子張怒

子張豐卷

退而徵役

召兵欲攻子產

子產奔晉子皮止之而逐豐卷豐卷

奔晉子產請其田里

請於公不爲入

三年而復之反

其田里及其入焉

田里所收入

從政一年與人誦

之曰取我衣冠而褚之

褚畜也者侈者思法故畜藏

取我田

疇而伍之孰殺子產吾其與之

並畔焉

及三

年又誡之曰我有子弟子產誨之我有田

疇子產殖之

殖生也

子產而死誰其嗣之

嗣續

也傳言鄭所以興

經三十有一年春王正月夏六月辛巳公

薨于楚宮

公不居先君之路寢而安所樂失其所也

秋九月癸巳子

野卒

不書葬未成君

己亥仲孫羯卒冬十月滕子

來會葬

諸侯會葬非禮

癸酉葬我君襄公十有一

月莒人弑其君密州

不稱弑者主名君無道也

傳三十一年春王正月穆叔至自會

澶淵會還

見孟孝伯語之曰趙孟將死矣其語偷不

似民主

偷苟且

且年未盈五十而諄諄焉如

八九十者弗能久矣

成二年戰於鞏趙朔已死於是趙文子始生至襄三十年

會澶淵蓋年四十七
八故言未盈五十

若趙孟死爲政者其韓子

乎

韓子韓起

吾子盍與季孫言之可以樹善君

子也

言韓起有君子之德今方知政可素往立善

晉君將失政矣若

不樹焉使早備魯

使韓子早為魯備

既而政在大夫

韓子懦弱大夫多貪求欲無厭齊楚未足

與也魯其懼哉孝伯曰人生幾何誰能無

偷朝不及夕將安用樹穆叔出而告人曰

孟孫將死矣吾語諸趙孟之偷也而又甚

焉

言朝不及夕偷之甚也

又與季孫語晉故

如與孟孫言

季

孫不從及趙文子卒

在昭元年

晉公室卑政在

侈家韓宣子為政不能圖諸侯魯不堪晉

求讒慝弘多是以有平丘之會

平丘會在昭十三年晉人

執季孫意如

齊子尾害閭丘嬰欲殺之使帥師以

伐陽州

陽州魯地

我問師故

魯公帥往問齊何故伐我

夏五月

子尾殺閭丘嬰以說于我師

言伐魯者嬰所為也伐陽州不

書不

工倭灑消竈孔尅賈寅出奔莒

四子嬰之

黨出羣公子

為昭十年棄高之難復羣公子起本

公作楚宮

通夷好其

官歸而

穆叔曰大誓云民之所欲天必從之

今

書大誓亦無此文故諸儒疑之

君欲楚也夫故作其宮若不

復適楚必死是宮也六月辛巳公薨于楚

宮叔仲帶竊其拱璧拱璧公大璧以與御人納諸

其懷而從取之由是得罪得罪謂魯人得之故子孫不得志於

魯

疏

注今尚至疑之 正義曰今尚書大誓謂漢魏儒馬融鄭玄王肅等所注者也自秦焚詩書漢初

求之尚書唯得二十八篇故大常孔武與孔安國書云尚書二十八篇前世以爲故二十八宿都不知尚書有百篇也在後又得偽大誓一篇通爲二十九篇漢魏以來未立於學官馬融尚書傳序云大誓後得案其文似若淺露又春秋引大誓曰民之所欲天必從之國語引大誓曰朕夢協朕卜襲于休祥戎商必克孟子引大誓曰我武惟揚修于之疆則取于凶殘我伐川懸于湯有光孫卿引大誓曰獨夫紂禮記引大誓曰子克己非子武惟朕文考無罪

克子非朕文考有罪惟予小子無良今之大誓皆無此言
吾見書傳多矣所引大誓而不在大誓者其衆不復悉記
略舉五帝以明之亦可知已正肅亦云大誓近非本經是
諸儒疑之也杜氏在晉之初亦未見真本及江東晉元帝
時其豫章內史梅賾始獻孔安國所注古文尚書
其內有泰誓三篇記傳所引大誓其文悉皆有之立胡

女敬歸之子子野

胡歸姓之國敬歸襄公妾

次于季氏秋

九月癸巳卒毀也

過哀毀葬以致祓性

己亥孟孝伯卒

終穆叔言

立敬歸之娣齊歸之子公子稠

齊懿昭

公穆叔不欲曰天子死有母弟則立之無

則立長

立庶子則以年

年鈞擇賢義鈞則上古之

道也

先人事後卜筮也義鈞謂賢等

非適嗣何必娣之子

言子野葬

適且是人也居喪而不哀在感而有嘉容

是謂不度不度之人鮮不為患若果立之

必為季氏憂武子不聽卒立之比及葬三

易袞袞衽如故袞

言其嬉戲無度

於是昭公十

九年矣猶有童心君子是以知其不能終

也

為昭二十五年公孫於齊傳

疏

衽正義曰喪服注云衽為兩燕尾凡用布三尺五寸上正一尺兩

燕尾袞袞裁二尺五寸下廣四寸綴於身旁所以掩裳際也

冬十月滕成公來

會葬情而多涕

情不敬也

子服惠伯曰滕君將

死矣怠於其位而哀已甚非於死所矣

有死

非能無從乎

為昭三年滕子卒傳

癸酉葬襄公公薨之

月子產相鄭伯以如晉晉侯以我喪故未

之見也子產使盡壞其館之垣而納車馬

焉士文伯讓之曰敝邑以政刑之不脩寇

盜充斥

充滿斥見言其多

無若諸侯之屬辱在寡君

者何是以令吏人完客所館

館令也

高其閭

闕

闕門也

厚其牆垣以無憂客使

無令客使憂寇盜

今

吾子壞之雖從者能戒其若異客何以敝

邑之爲盟主繕完葺牆

葺覆也

以待賓客若

皆毀之其何以共命寡君使勾請命

請問毀也

命對曰以敝邑褊小介於大國

介間也

誅求

無時

誅責也

是以不敢寧居悉索敝賦以來

會時事

隨時來朝會

逢執事之不聞而未得見又

不獲聞命未知見時不敢輸幣亦不敢暴

露其輪之則君之府實也非薦陳之不敢

輸也

薦陳猶獻見也

其暴露之則恐燥濕之不時而

朽蠹以重敝邑之罪僑聞文公之爲盟主

也

僑子產名文公晉重耳

宮室卑庳無觀臺榭以崇大

諸侯之館館如公寢庫廢繕脩司空以時

平易道路

易治也

圻人以時填館宮室

圻人塗者填塗

也諸侯賓至甸設庭燎

庭燎設火於庭

僕人巡宮

巡宮

行車馬有所

有所

賓從有代

代客

巾車賁

轄

巾車主車之官

隸人牧圉各瞻其事

瞻視客所當得

百

官之屬各展其物

展陳也謂羣官各陳其物以待賓

公不留賓

而亦無廢事

賓得速去則事不廢

憂樂同之事則巡之

巡行也

教其不知而恤其不足賓至如歸無

寧留患

言見遇如此寧當復有留患邪無寧寧也

不畏寇盜而亦

不患燥濕今銅鞮之宮數里

銅鞮晉離宮

而諸

侯舍於隸人

舍如隸人舍

門不容車而不可踰

越

門庭之內迫近又有牆垣之限

盜賊公行而天塲不戒

厲猶災也言水潦無時

賓見無時命不可知若又勿壞

是無所藏幣以重罪也敢請執事將何所

命之

問晉命已所止之宜

雖君之有魯喪亦敝邑之憂

也

言鄭與魯亦有同姓之憂

若獲薦幣

薦進也

脩垣而行

行去

也

君之惠也敢憚勤勞文伯復命

反命於晉君

趙

文子曰信

信如子產言

我實不德而以隸人之垣

以羸諸侯

羸受也

是吾罪也使士文伯謝不

敏焉晉侯見鄭伯有加禮

禮加敬

厚其宴好

而歸之乃築諸侯之館叔向曰辭之不可

以已也如是夫子產有辭諸侯賴之若之

何其釋辭也詩曰辭之輯矣民之協矣辭

之繹矣民之莫矣詩大雅言辭輯睦則民協同其辭說繹則民安定莫猶定也

知之矣謂詩人知辭之有益**疏**高其閤閤門也汝南平輿里門曰閤釋宮

云衙門謂之閤李廵曰衙頭門也然則閤皆門名言高爲其門耳繕完葺牆正義曰周禮匠人有葺屋瓦

屋瓦屋以瓦覆葺屋以草覆此云葺牆謂草覆牆也寡

君使句正義曰句士文伯名也晉宋古本及釋例皆作

而俗本作句此士文伯是范氏之別族不宜與范宣子同

言今定本作句恐非無觀臺榭正義曰釋宮云四方

而高曰臺有木者謂之榭李巡曰臺上有屋謂之榭然則臺榭皆高可升之以觀望言無觀望之臺榭也館如公

寢正義曰言往前文公之客館如今日晉君之路寢也一圻人至宮室正義曰釋官云鏹謂之圻李巡曰鏹一名

圻塗工作具也郭璞云泥鏹也然則圻是塗之所用因謂泥牆屋之人爲圻人填亦泥也使此泥屋之人以特泥塗

客館之宮室也庭燎正義曰鄭特牲云庭燎之百由有相公始也鄭玄云僭天子也庭燎之差公蓋五十侯伯

子男皆三十注門庭之內道達正義曰知非館門卑小不得容車而云門庭之內迫迫者以傳稱舍於隸人明

院宇道小也注羸受也正義曰賈服鄭子皮使王杜皆讀爲盈盈是蒲也故皆訓爲受

印段如楚以適晉告禮也得事大國之禮苦犁比

公生去疾及展與既立展與爲世

子又廢之犁比公虐國人患之十一月展

與因國人以攻莒子弑之乃立展與立去

疾奔齊齊出也母齊女也展與吳出也為明年奔吳傳書

曰莒人弑其君買朱鉏買朱鉏密州之字言罪之在

也罪在鉏也傳始例申明君臣書弑今者父子故復重明例吳子使屈狐庸聘

于晉狐庸死臣之子也成七年適吳為行人通路也通吳晉之路趙文子

問焉曰延州來季子其果立乎延州來季札邑與

預諸焚在二十五年閭戕戴吳在二十九年戴吳餘祭天似啓

之何如對曰不立是二王之命也非然季

子也若天所啓其在今嗣君乎

嗣君謂夷末

甚

德而度德不失民

民歸德

度不失事

審事情

民

親而事有序其天所啓也有吳國者必此

君之子孫實終之季子守節者也雖有國

不立

言其三兄雖欲傳國與之終不肯立

疏

注延州來季札邑曰釋例土地名延州來

正華

不知其處則杜謂延州來三字共爲一邑服虔云延陵也州來邑名季子諱王位升延陵爲大夫食邑州來傳家通言之案傳文謂之延陵季子則是延陵與州來必不得爲一但不知何以呼爲延陵耳或延陵亦是邑名蓋並食

三邑故連言之

十二月北宮文子相衛襄公以如楚

文子北宮佗襄公獻公子

宋之盟故也

晉楚之從交相見也

過鄭即段

廷勞于棐林如聘禮而以勞辭

用聘禮而用郊勞之辭

文子入聘

報印

子羽爲行人馮簡子與子大

叔逆客

逆文

事畢而出言於衛侯曰鄭有

禮其數世之福也其無大國之討乎詩云

誰能執熱逝不以濯

詩大雅濯以永濯手

禮之於政如

熱之有濯也濯以救熱何患之有

此以上文子辭

子

產之從政也擇能而使之馮簡子能斷大

事子大叔美秀而文

其貌美其才秀

公孫揮能知

四國之爲

知諸侯所欲爲

而辨於其大夫之族姓

班位貴賤能否而又善爲辭令裨諲能謀

謀於野則獲

得所謀也

謀於邑則否

此才性之蔽

鄭

國將有諸侯之事子產乃問四國之爲於

子羽且使多爲辭令與裨諲乘以適野使

謀可否而告馮簡子使斷之事成乃授子

大叔使行之以應對賓客是以鮮有敗事

北宮文子所謂有禮也

傳跡子產行事以明北宮文子之言

鄭

人游于鄉校

鄉之學校

以論執政

論其得失

然明謂子

產曰毀鄉校如何

患人於中謗議國政

子產曰何爲夫

人朝夕退而游焉以議執政之善否其所

善者吾則行之其所惡者吾則改之是吾

師也若之何毀之我聞忠善以損怨

爲忠善則怨謗

息不聞作威以防怨

欲毀鄉校即作威

豈不遽止然

猶防川

遠畏懼也

大決所犯傷人必多吾不克

救也不如小決使道

道通也

不如吾聞而樂

之也

以為己藥石

然明曰蔑也今而後知吾子之

信可事也小人實不才若果行此其鄭國

實賴之豈唯二三臣仲尼聞是語也曰以

是觀之人謂子產不仁吾不信也

仲尼以二十二年生

於是十歲長

疏

鄉校

正義曰詩序云子衿刺學校廢

而後聞之

義曰言不如不毀鄉校使人游處其中聞謗我之政者而即改焉以為我之藥石也

羊傳於二十一年下云十有一月庚子孔子生較梁傳於

二十一年十月之下云庚子孔子生二十一年賈逵注

云此年仲尼生哀十六年夏四月己丑卒七十三年昭二

十四年服虔載賈逵語云是歲孟僖子卒屬其子使事

尼仲尼時年三十五定以孔子為襄二十一年生也孔子

世家云魯襄公二十二年而孔子生年七十三魯哀公十

六年夏四月己丑卒杜此注從史記也子皮欲使尹何為邑為邑大夫

子產曰少未知可否尹何年少子皮曰愿吾愛

之不吾叛也愿謹善也使夫往而學焉夫亦愈

知治矣夫謂尹何子產曰不可人之愛人求利

之也今吾子愛人則以政以政與之猶未能操

刀而使割也其傷實多

多自傷

子之愛人傷

之而已其誰敢求愛於子子於鄭國棟也

棟析榱崩僑將厭焉敢不盡言子有美錦

不使人學製焉

製裁也

大官大邑身之所庇也

而使學者製焉其爲美錦不亦多乎

言官邑之重焉

於美錦

僑聞學而後入政未聞以政學者也

若果行此必有所害辭如田獵射御貫則

能獲禽

貫習也

若未嘗登車射御則敗績厭

覆是懼何暇思獲子皮曰善哉虎不敏吾
聞君子務知大者遠者小人務知小者近
者我小人也衣服附在吾身我知而慎之
大官大邑所以庇身也我遠而慢之慢易微也
子之言吾不知也他日我曰子爲鄭國我
爲吾家以庇焉其可也今而後知不足自知
謀慮不足謀其家自今請雖吾家聽子而行子產曰
人心之不同如其面焉吾豈敢謂子面如

吾面乎抑心所謂危亦以告也子皮以為

忠故委政焉子產是以能為鄭國

傳言子產之治乃子

皮之

鄧

不吾叛也

正義曰謂尹何也劉炫云叛違也

力亦愈知治矣正義曰病差謂之愈言不能之病愈知治必速也劉炫云尹何比未解治邑以為己病今若遣往學治邑之病差自然以後知治邑矣衛侯在楚北宮文子見令尹

圍之威儀言於衛侯曰令尹似君矣將有

他志

言語瞻視行步不常

雖獲其志不能終也詩云靡

不有初鮮克有終終之實難令尹其將不

免公曰子何以知之對曰詩云敬慎威儀
惟民之則令尹無威儀民無則焉民所不
則以在民上不可以終公曰善哉何謂威
儀對曰有威而可畏謂之威有儀而可象
謂之儀君有君之威儀其臣畏而愛之則
而象之故能有其國家令聞長世臣有臣
之威儀其下畏而愛之故能守其官職保
族宜家順是以下皆如是是以上下能相

固也衛詩曰威儀棣棣不可選也

詩邶風棣棣富而閑

也選數也

言君臣上下父子兄弟內外大小皆

有威儀也周詩曰朋友攸攝攝以威儀

大詩

雅攸所也攝佐也

言朋友之道必相教訓以威儀也

周書數文王之德

逸書

曰大國畏其力小國

懷其德言畏而愛之也詩云不識不知順

帝之則言則而象之也

大雅又言文王行事無不所攝則唯在則象上天象

囚文王七年諸侯皆從之囚紂於是乎懼

而歸之可謂愛之文王伐崇再駕而降焉

臣

文王聞崇德亂而伐之三旬不降退脩教而復伐之因彊而降

蠻夷帥服可謂

畏之文王之功天下誦而歌舞之可謂則

之文王之行至今爲法可謂象之有威儀

也故君子在位可畏施舍可愛進退可度

周旋可則容止可觀作事可法德行可象

聲氣可樂動作有文言語有章以臨其下

謂之有威儀也

疏

今尹似君矣正義曰言今尹威儀已是國君之容矣服虔云

言令尹動作以君儀故云以君矣服言以君儀者明年傳云二執戈者前矣是用君儀也俗本作似君若云似君不須言矣今定本亦作似君恐非曰大至其德正義曰尚書武成篇也大國以威加小國以德撫故大畏力小懷德也不識至之也正義曰不識不知謂不妄斟酌以爲識知唯順天之法則是言則而象之謂文王法則放象上天而行下傳覆此謂天下則象文王不同者謂文王能則象於天故天下亦則象文王也紂囚文王七年正義曰傳言囚文王七年文王必七年爲囚矣尚書無逸云文王受命惟中身厥享國五十年則文王在位歷年多矣未知何時被囚也周本紀稱紂囚西伯於牖里閔天之徒求美女美寶而獻之紂紂大悅乃赦西伯賜之弓矢使之得征伐其下乃云虞芮爭獄俱讓而去諸侯聞之曰西伯受命之君也如馬遷所云虞芮質獄之前被囚也尚書傳稱文王一年質虞芮二年伐邠三年伐密須四年伐大夷紂乃囚之四友獻寶乃得免於虎口出而伐者鄭玄尚書

注據書傳爲說云紂聞文王斷虞芮之訟後又三伐皆勝
始畏而惡之拘於羑里紂得散宜生等獻寶而釋文王文
王釋而伐黎以爲四年囚之五年釋之即如所言被囚不
盈一年此傳不得言紂囚文王七年也文王旣已改元而
又專伐諸國是則反形已露雖紂之愚非寶貨所能釋也
馬遷之言當得其實在質虞芮之前囚之故囚之得七年也

春秋正義卷第二十五

春秋正義卷第二十六

昭公

國子祭酒上護軍曲阜縣開國子孔穎達等奉

勅撰

昭公

疏

正義曰魯世家昭公名稠襄公之子齊歸所生以周景王四年即位謚法威儀共明曰昭

是歲歲在大梁

經元年春王正月公即位

無傳

叔孫豹會晉

趙武楚公子圍齊國弱宋向戌衛齊惡陳公子招蔡公孫歸生鄭罕虎許人曹人于

號

招實陳侯母弟不稱弟者義與莊二十五年公子友同今讀舊書則楚當先晉而先書趙武者亦取宋盟

貴武之信故尚之也衛

疏

注招實至於會正義曰八

在陳蔡上先至於會陳侯母弟也不稱弟云云莊二十五年注云公子友莊公之母弟稱公子者史策之通言母弟至親異於他臣其相殺害則稱弟以示義至於嘉好之事兄弟篤睦非例所與或稱弟或稱公子仍舊史之文也八年招殺世子故稱弟以章招罪此奉使以會諸國非義例之所與舊史書為公子而仲尼因之也公羊傳曰此陳侯之弟招也何以不稱弟貶曷為貶為殺世子偃師貶大夫相殺稱人此其稱名氏以殺何言將自是弑君也然則曷為不於其弑焉貶以親者弑然後其罪惡甚春秋不待貶絕而罪惡見者不貶絕以見罪惡也貶絕然後罪惡見者貶絕以見罪惡也今招之罪已重矣曷為復貶乎此著招之有罪也何著乎招之有罪言楚之託乎討招以滅陳也其意言八年楚託

於招以滅陳著招之罪重故於此預疑之先儒或取公羊
為說釋例云顧氏曰臣無竟外之交故去弟以服季友子
招樂憂故去弟以懲過鄭段去弟唯以名通故謂之貶今
此二人皆書公子公子者名號之美稱非貶所也是解招
不稱弟之意也春秋之初衛在陳上莊十六年幽之盟衛
在陳下自爾以來常在陳下莊十六年注云陳國小每盟
會皆在衛下齊桓始霸楚亦始彊陳侯介於二大國之間
而為三恪之客故齊桓因而進之遂班在衛上終於春秋
是衛之班次常在陳下今衛乃在蔡之上必有其故也襄
十年諸侯伐鄭齊世子光序在滕子之上傳曰齊崔杼使
大子光先至于師故長於滕是先至有
進班之理故謂此為先至於會故也

三月取鄆

不稱

將帥將卑師少

疏

注不稱至易也

正義曰將卑師少

書取言易也

例當稱人魯史不得自言魯人直書

所為之事明其有人取之也若將卑師衆則言師取某襄
十三年傳例云凡書取言易也故杜以此為易耳賈逵云

楚以伐莒來討故諱伐不諱取劉炫以賈說爲是故又規杜云案傳季武子伐莒知非將卑師少也稱伐則是非易也杜何得以爲易將卑師少乎今刪定知不然者以諸稱取傳皆以易釋之此取文與彼同故以爲易也若以武子伐而取之則致力難重當以滅爲文與滅預同也案滅項被討不諱滅此亦被討何以諱滅而言取若必有所諱當傳有其事今傳云莒魯卑鄆爲日父矣魯無大罪亦何所諱也傳云武子伐莒者武子爲伐莒之主耳別遣小將而行故不書武子猶如成二年傳言楚子重侵衛經書楚師杜云子重不書不親兵之類是也不書伐者以兵未加鄆鄆人逆服與襄九年傳稱諸侯圍鄭經不書杜云鄭人夏逆服不成國相似劉以賈氏之注而規杜氏非也

秦伯之弟鍼出奔晉

稱弟罪秦伯

六月丁巳邾子

華卒

無傳三同盟

疏

注三同盟

正義曰華以襄十八年即位十九年盟于祝柯二十年于廬

淵二十五年于重丘皆
邾魯俱在是三同盟

晉荀吳帥師敗狄于大

鹵

大鹵大原
晉陽縣

秋莒去疾自齊入于莒

國逆而立

之曰

莒展與出奔吳

弑君賊未會諸侯故不稱爵

疏

注弑君至稱爵

正義曰釋例云諸侯不受先君之命而篡立得與諸侯會者則以成君書之若未得接於諸侯則不稱爵傳曰會于平州以定公位又云先君若有罪則君列諸會矣此以會為斷也是杜據彼傳之二文知此為未會諸侯故不稱爵

叔弓帥師疆鄆田

春取鄆今正其封疆

葬邾悼公

無冬傳

十有一月己酉楚子麇卒

楚以瘡疾赴故不書弑

疏

注楚

以至書弑正義曰傳稱益而弑之而經書卒者襄七年鄭子駟使賊夜弑僖公而以瘡疾赴于諸侯而經書為卒

知此亦以瘡疾
赴故不書弑

楚公子比出奔晉

書名

疏

注

名罪之

正義曰齊崔氏宋司城無罪書氏書官此傳無

罪狀直以不能自固其位耳出奔又無可善無可善即是

罪未必犯

大罪也

傳元年春楚公子圍聘于鄭且娶於公孫

段氏伍舉爲介

伍舉椒舉介副也

將入館

就客舍

鄭人惡

之

知楚懷詐

使行人子羽與之言乃館於外

舍城

外

既聘將以衆逆

以兵入逆婦

子產患之使子

羽辭曰以敝邑褊小不足以容從者請墀

聽命

欲於城外除地
為墀行昏禮

令尹命大宰伯州犁對

曰君辱貺寡大夫圍謂圍將使豐氏撫有

而室

豐氏公
孫段

圍布几筵告於莊共之廟而

來

莊王圍之祖
共王圍之父

若野賜之是委君貺於草莽

也是寡大夫不得列於諸卿也

言不得
從卿禮

不

寧唯是又使圍蒙其先君

蒙歟也告先君而來
不得成禮於女氏之

廟故以為
敬先君

將不得為寡君老

大臣稱老懼
辱命而黜退

其蔑

以復矣唯大夫圖之子羽曰小國無罪恃

實其罪

恃大國而無備則是罪

將恃大國之安靖已而

無乃包藏禍心以圖之小國失恃而懲諸

侯使莫不憾者距違君命而有所壅塞不

行是懼

言己失所恃則諸侯懲恨以距君命壅塞不行所懼唯此

不然敝邑館

人之屬也

館人守舍人也

其敢愛豐氏之祧

祧遠祖廟

伍舉知其有備也請垂橐而入

垂橐示無弓

許

之正月乙未入逆而出

疏

圍布至而來

正義曰聘禮臣奉君命聘

於鄰國猶尚釋幣于禰乃行況昏是嘉禮之重故圍自布几筵告父祖之廟而來也文王世子曰五廟之孫祖廟未

毀雖為庶人冠取妻必告鄭玄云告於君也亦既告君必
須告廟君尊不主臣昏故園自告也 若野至卿也 正

義曰言我若受野賜之禮則是委頓我君之命得貶於草
莽之中則是寡大夫不得列於諸卿之位也 不寧至先君

正義曰不寧寧也言寧有唯是之事又使園蒙其先君連
讀為義也告廟云將向豐氏之家取妻若使受之於野不至

豐氏之家是敗先君也言又者既辱今君又辱先君故云
又也 江桃遠祖廟 正義曰祭法云遠廟為祧鄭玄云

祧之言超也超上去意也以祧是尊遠之意故以祧言廟
耳此公孫段是穆公之孫子豐之下其家唯有子豐之廟

君若特賜或得立穆公之廟耳其家無遠祖
廟也杜言遠祖廟者順傳文且據正法言之 遂會於

虢 鄭 尋宋之盟也 宋盟在襄 祁午謂趙文
地 二十七年

子曰宋之盟楚人得志於晉 得志謂先歆 今

令尹之不信諸侯之所聞也子弗戒懼又

如宋

悉楚復得志

子木之信稱於諸侯猶詐晉

而駕焉

駕猶陵也詐謂衷甲

況不信之尤者乎

尤甚也

楚重得志於晉晉之恥也子相晉國以爲

盟主於今七年矣

襄二十五年始爲政以春言故云七年

再合諸

侯

襄二十五年會夷儀二十六年會澶淵

三合大夫

襄二十七年會于宋三十年會澶淵

及今會號也

服齊狄寧東夏

襄二十八年齊侯白狄朝晉

平秦亂

襄二十六年秦晉爲成

城渚于

襄二十九年城杞之渚于杞遷都

師徒不

頓國家不罷民無謗譴端詳也諸侯無怨天

無大災子之力也有令名矣而終之以恥

午也是懼吾子其不可以不戒文子曰武

受賜矣受午言然宋之盟子木有禍人之心

武有仁人之心是楚所以駕於晉也今武

猶是心也楚又行僭僭不信非所害也武將

信以為本循而行之譬如農夫是穠是藂

穠耘也塵苗為藂雖有饑饉必有豐年言耕鋤不以水旱息必獲豐年之收

不

且吾聞之能信不爲人下吾未能也

自恐未能

信也詩曰不僭不賊鮮不爲則信也

詩大雅僭不信賊害

人也能爲人則者不爲人下矣吾不能是難

楚不爲患楚令尹圍請用牲讀舊書加于

牲上而已

舊書宋之盟書楚恐晉先歆故欲從舊書加于牲上不歆血經所以不書盟

晉人

許之三月甲辰盟楚公子圍設服離衛

設君

服二人執戈陳於前以自衛離陳也

叔孫穆子曰楚公子美矣君

哉

美服似君

鄭子皮曰二執戈者前矣

禮國君行有二執戈

者在

蔡子家曰蒲宮有前不亦可乎

子圍將

緝蒲爲王殿屋屏蔽以自殊異言既造王宮而居之雖服君服無所怪也

楚伯州犂曰此

行也辭而假之寡君

聞諸大夫識之故言假以飾令尹過

行人

揮曰假不反矣

言將遂爲君

伯州犂曰子姑憂子

皙之欲背誕也

襄三十年鄭子皙殺伯有背命放誕將爲國難言子且自憂此無爲憂令

尹不反戈

子羽曰當璧猶在假而不反子其無

憂乎

子羽行人揮當璧謂存疾事在昭十三年言弃疾有當璧之命國雖取國猶將有難不無憂也

齊

國子曰吾代二子愍矣

國子國弱也二子謂王子圍及伯州犂圍此冬

便篡位不能自終州犁亦尋爲圖所殺故言可啓

陳公子招曰不憂何

成二子樂矣

言以憂生事車成而樂

衛齊子曰苟或知

之雖憂何害

齊子齊惡言先知爲備雖有憂難無所損害

宋合左師

曰大國令小國共吾知共而已

共承大國命不能知其禍福

晉樂王鮒曰小旻之卒章善矣吾從之

小旻

詩小雅其卒章義取非唯暴虎馮河之可畏也不敬小人亦危殆王鮒從斯義故不敢譏議公子圍

退會

子羽謂子皮曰叔孫絞而婉

絞切也譏其似君反謂之美故曰婉

宋左師簡而禮

無所臧否故曰簡共事大國故曰禮

樂王鮒字而

敬

字愛也不犯凶人所以自愛敬

子與子家持之

子子皮子家蔡公孫歸生

持之言無所取與

皆保世之主也齊衛陳大夫其不

免乎國子代人憂子招樂憂齊子雖憂弗

害夫弗及而憂與可憂而樂與憂而弗害

皆取憂之道也憂必及之大誓曰民之所

欲天必從之

逸書

三大夫北憂憂能無至乎

開憂非也

言以知物其是之謂矣

物類也察言以知禍福之類八年陳

招殺大子國弱齊惡當身各無患

疏

於今七年正義曰襄二十五年傳云趙文子爲政至此八年也而

去七年者殷周雖改正朔常以夏正爲言此春正月故爲
七年年末醫和則云八年也 再合諸侯 正義曰襄二
十六年經書公會晉人鄭良霄宋人曹人于澶淵晉人即
趙武也時有魯公在會雖則唯公一人即是諸侯不得謂
之大夫也故知再會諸侯數澶淵也 注譏誹也 正義
曰說文云謗毀也誹謗也然則謗譏誹其義同皆是非毀
人古人重言之猶險阻艱難也 注穰耘至爲裝 正義
曰漢書殖貨志云后稷始耨田以二耜爲耦廣尺深尺曰
耨長終一畝一畝三耨一夫三百耨而播種於耨中苗生
二葉以上稍壯耨薳草因墮其土以附苗根故其詩云或
耘或耜黍稷薳薳耘除草也耜附根也言苗稍壯每耨輒
附其根比至盛暑薳盡平而根深能風與旱故薳薳而盛
也此言穰裝即詩之耘耜也故知穰是耨以土壅苗根爲
裝也釋定本作耘 雖有至豐年 正義曰言耕鋤不息
必有豐年之收以喻禮信不愆必爲諸侯之長也 注設
君至陳也 正義曰穆子言似君知設服設君服也唯讎

執戈不言衣服則君服即二戈是也離衛之語必爲執戈發端但語略難明服虔云二人執戈在前在國居君離宮陳衛在門然則執戈在前國君行時之衛非在家守門之衛也守門之衛其兵必多非徒二戈而已縱使在國居君之離宮即名宮門之衛以爲離衛其言大不辭矣故杜以離衛即執戈是也言二人執戈陳列於前以自防衛也離之爲陳雖無正訓兩人一左一右相離而行故稱離衛離亦陳之義注禮國至在前正義曰士喪禮言君臨臣喪之禮云小臣二人執戈先二人後是知國君之行常有二執戈者在前也國君亦有二戈在後子皮唯言前有二戈者當是公子圍不設後戈故也注公子至怪也正義曰服虔云蒲宮楚君離官言令尹在國已居君之宮出有前戈不亦可乎令尹居君離官事無所出且諸侯大夫見其在會之儀不譏在國所居伯州犂云此行也辭而假之寡君言行而借戈以衛非在國借官以居也故杜以爲公子圍在會特緝蒲爲王殿屋以自殊異此亦無所案

據要愜人情

注國子至可愼

正義曰服虔云愼憂也

代伯州犂憂公子圍代子羽憂子哲劉炫從服言而規杜失今知不然者以圍不能自終伯州犂尋爲圍所殺是皆遇凶害故云吾代二子愼矣若以二子爲伯州犂子羽子羽則卒無禍害又何可愼而代之乎劉以服意而規杜過非也

小旻之卒章

正義曰小旻詩小雅刺幽王也

注子子至取與 正義曰持謂執持之也子皮直云二執戈者前矣雖意知不可而辭無譏切子家云蒲宮有前不亦可乎意雖并譏蒲宮言乃謂之爲可不如子羽之譏計不同伯州犂之飾辭持其兩端無所取與是持之也亦棋謂不能相害爲持

季武子伐莒取鄆

兵未加莒而鄆服故書取

意亦同於此也

而不

莒人告於會楚告於晉曰尋盟未退

言伐

尋弭兵之盟

而魯伐莒瀆齊盟

瀆慢也

請戮其使

時

孫豹在會
欲戮之

樂桓子相趙文子

桓子樂王
相佐也

欲求貨

於叔孫而爲之請使請帶焉

難指求貨故
以帶爲辭

弗

與梁其錡曰貨以藩身子何愛焉

錡叔孫
家臣

叔孫曰諸侯之會衛社稷也我以貨免魯

必受師

言不戮其使
必伐其國

是禍之也何衛之爲人

之有牆以蔽惡也

喻已爲國衛
如牆爲人蔽

牆之隙壤誰

之咎也

咎在
牆

衛而惡之吾又甚焉

罪甚

雖

怨季孫魯國何罪

怨季孫
之伐莒

叔出季處有自

來矣吾又誰怨

季孫守國叔孫出使所從來久今遇此戮無所怨也

然鮒

也賄弟與不已召使者裂裳裳帛而與之曰

帶其褌矣

言帶褌盡故裂裳示不相逆

趙孟聞之曰臨患

不忘國忠也

謂言魯國何罪

思難不越官信也

謂言叔出

季處圖國忘死貞也

謂不以貨免

謀主三者義也

三者忠信貞

有是四者又可戮乎

并義而四

乃請諸楚

曰魯雖有罪其執事不辟難

執事謂叔孫

畏威而

敬命矣

謂不敢辟戮

子若免之以勸左右可也

若子之羣吏處不辟汚

汚勞事

出不逃難

不苟

免

其何患之有患之所生汚而不治難而

不守所由來也能是二者又何患焉不靖

其能其誰從之

安靖賢能則衆附從

魯叔孫豹可謂能

矣請免之以靖能者子會而赦有罪

不伐魯

又賞其賢

赦叔孫

諸侯其誰不欣焉望楚而

歸之視遠如邇疆場之邑一彼一此何常

之有

言今衰世疆場無定主

王伯之令也

言三王五伯有令德時

引

其封疆

引正也 正封界

而樹之官

樹二也立官以守國

舉之表

旗

旌旗以表貴賤

而著之制令

為諸侯作制度法令使不得相侵犯

過

則有刑猶不可壹於是乎虞有三苗

三苗饗餐放三

危者夏有觀扈

觀國今頓丘衛縣扈在始平鄠縣書序曰啓與有扈戰於甘之野

商

有妣邳

二國商諸侯邳今下邳縣

周有徐奄

二國皆嬴姓書序曰成王伐淮夷遂

踐奄徐即淮夷

自無令王諸侯逐進

逐猶競也

狎主齊盟

其又可壹乎

疆弱無常故更主盟

恤大舍小足以爲盟

主

大謂篡弒滅亡之禍

又焉用之

焉用治小事

封疆之削何國

蔑有主齊盟者誰能辯焉

辯治也

吳濮有釁

楚之執事豈其顧盟

吳在東濮在南今建寧郡南有濮夷爲過也

莒

之疆事楚勿與知諸侯無煩不亦可乎莒

魯爭鄆爲日久矣苟無大害於其社稷可

無亢也

亢

去煩宥善莫不競勸子其圖之

固請諸楚楚人許之乃免叔孫

䟽

注言不其國

正義曰晉語趙文子謂叔孫曰子盍逃之對曰豹也受命於君以從諸侯之盟爲社稷也若魯有罪受盟者逃魯必不免是吾出而絕之也若爲諸侯戮魯誅盡矣必不加師請爲戮也是言不戮其使必伐其國也注季孫至怨也

正義曰歷檢上世以來季孫出使不少於叔孫而云叔出季處從來久者季孫世爲上卿法當上卿守國次卿出使以此爲從來久耳必須使上卿者上卿非不使也 注汚勞事 正義曰處國之所辟者唯有辟勞事耳故以汚爲勞事也言事之勞身若穢之汚物也 注言三至德時正義曰以傳言王伯故言三王下云虞有三苗則帝時亦有非獨三王也但王亦帝也故傳通言王耳 舉之表旗正義曰舉立也爲立表貴賤之旌旗也故杜云旌旗以表貴賤 注二國至淮夷 正義曰二國皆嬴姓世本文也書序曰成王伐淮夷遂踐奄淮夷與奄同時伐之此徐奄連文故以爲徐即淮夷賈逵亦然相傳說也服虔云一曰魯公所伐徐戎也案費誓云淮夷徐戎並興孔安國云淮浦之夷徐州之戎並起爲寇則徐亦非國名此徐是國名當謂淮浦之夷其國名徐書序舉其大號此傳言其國名也僖公時楚人伐徐杜云下邳僮縣東南有大徐城彼近淮旁成王時徐蓋亦在彼地也此傳所云四代有罪之

國其三苗與有扈徐奄尚書略有其事其觀典旣邛則史
傳無文傳言王伯之令猶尚有此輩則此輩皆是王道盛
明時諸侯也封疆至辯焉正義曰言封疆之相侵削
何國無有此乃常事主領齊盟者誰能一一治之焉云
煩至競勸正義曰不往討魯諸侯無煩是去煩也叔孫
賢人今若赦之是有善也德義如是餘人莫不競力勸慕
為善矣

今尹享趙孟賦大明之首章

大明詩大雅首章言

文王明明照於下故能赫赫盛於上今尹意在首章故特稱首章以自光大

趙孟賦小宛

之二章

小宛詩小雅二章取其各敬爾儀天命不又言天命一去不可復還以戒令尹

事畢

趙孟謂叔向曰令尹自以為王矣何如

問將

能成

對曰王弱令尹彊其可哉

言可

雖可

否

不終趙孟曰何故對曰彊以克弱而安之

彊不義也

安於勝君是彊而不義

不義而彊其斃必速

詩曰赫赫宗周褒姒滅之彊不義也

詩小雅褒姒周

幽王后幽王惑焉而行不義遂至滅亡言雖赫赫盛彊不義足以滅之

今尹為王必求

諸侯晉少懦矣

懦弱也

諸侯將往若獲諸侯

其虐滋甚

滋益也

民弗堪也將何以終夫以

彊取

取不以道

不義而克必以為道

以不義為道

道

以淫虐弗可久已矣

為十三年楚執靈王傳

疏

注小宛至復還正

義曰詩序云大夫刺幽王也其二章云人之齊聖飲酒濕克彼昏不知壹醉日富各敬爾儀天命不又注云又復也今女君臣各敬慎威儀天命所去不復來也道以五已矣正義曰以不義謂之為道而淫虐為之民所不堪不

可久矣

夏四月趙孟叔孫豹曹大夫入于鄭

會罷過鄭

鄭伯兼享之子皮戒趙孟

戒享期

禮終

趙孟賦瓠葉

受所戒禮畢而賦詩瓠葉詩小雅義取古人不以微薄廢禮雖瓠葉兔首猶與

賓客享之

子皮遂戒穆叔且告之

告以趙孟賦瓠葉

穆叔

曰趙孟欲一獻

以獻酬知欲一獻

子其從之

子皮曰敢乎

言不敢

穆叔曰夫人之所欲也

又何不敢

夫人趙孟

及享具五獻之邊豆於幕

下

朝聘之制大國之卿五獻

趙孟辭

趙孟自以今非聘鄭故辭五獻

私於子

產

私語

曰武請於冢宰矣

冢宰子皮請謂賦執業

乃用一

獻趙孟為客禮終乃宴

卿會公侯享宴皆折俎不體薦

穆叔

賦鵲巢

鵲巢詩召南言鵲有巢而鳩居之喻晉君有國趙孟治之

趙孟曰武

不堪也又賦采芣

亦詩召南義取芣菜薄物可以薦公侯享其信不求其厚

曰

小國為芣大國省穡而用之其何實非命

穆叔言小國儆薄猶芣菜大國能省愛用之而不弃則何敢不從命穡愛也

子皮賦野有

死麕之卒章

野有死麕詩召南卒章曰舒而脫脫兮無威我脫兮無使老也吠脫脫安徐脫

佩巾義取君子徐以禮來無使我失節而使狗驚吠喻趙孟以義撫諸侯無以非禮相加陵

趙孟賦

常棣

常棣詩小雅取其凡今之人莫如兄弟言欲親兄弟之國

且曰吾兄弟比

以安老也可使無吠

受子皮之詩

穆叔子皮及曹

大夫興拜

三大夫皆兄弟國興起也

舉兕爵曰小國賴子

知免於戾矣

兕爵所以罰不敬言小國蒙趙孟德比以安自知免此罰戮

飲酒

樂趙孟出曰吾不復此矣

不復見此樂

疏

注朝聘至五

正義曰周禮大行人稱上公饗餼九罕饗禮九獻侯伯七獻子男五獻皆獻同饗餼之數也案聘禮卿聘饗餼五

故卿皆五獻至春秋之時大國之卿乃得從卿禮若次國之卿依大國大夫之制唯三獻耳故杜此注云大國之卿五獻又昭六年傳注云大夫三獻是也注卿會至體薦正義曰傳言禮終乃宴謂享禮既終即因而為宴不特異日也杜解享宴禮異所以得相因者以其殷俎同故也宣十六年傳云王享有體薦宴有折俎公當享婦當宴王室之禮也彼傳之意言享公當依享法有體薦也享卿當如宴法有折俎也彼王自言之故云王室禮耳其實諸侯之待公卿禮亦當然以卿會公侯享宴皆折俎不體薦享宴俎同故得因行禮也

天王使劉定

公勞趙孟於潁館於雒汭

王周景王定公劉夏潁水出陽城縣雒汭

在河南鞏縣南水曲流為汭

劉子曰美哉禹功

見河雒而思禹功

明

德遠矣微禹吾其魚乎吾與子弁冕端委

以治民臨諸侯禹之力也

弁冕冠也端委禮衣言今得共服冠冕衣

國家者皆出禹之力

子盍亦遠績禹功而大庇民乎

趙勣

孟使纂禹功

對曰老夫罪戾是懼焉能恤遠吾

儕偷食朝不謀夕何其長也

言欲苟免目前不能念長久

劉子歸以語王曰諺所謂老將知而耄及

之者

八十曰耄耄亂也

其趙孟之謂乎爲晉正卿以

主諸侯而儕於隸人朝不謀夕

言其自比於賤人而無恤

民爲神主不恤

弃神人矣

民故神人皆去

神怒民叛何

以能久趙孟不復年矣

言將死不復見明年

神怒不

發其祀民叛不即其事祀事不從又何以

年

爲此冬趙孟卒起本

疏

注弁冕至之力

正義曰冠者首服之摠名弁冕冠中之小別弁冕是首

服端委是身服言弁冕端委摠舉冠衣而言非謂定公趙孟身所自衣也哀七年傳云大伯端委以治周禮仲雍之斷髮文身以文身從彼之俗知端委是依禮之衣杜直言端委禮衣不知是何衣也名曰端委又無所說周禮司服於士服之下云其齊服有玄端素端鄭玄云謂之端者取其正也謂士之衣袂皆二尺二寸而屬幅是廣袤等也其袪尺二寸大夫以上侈之侈之者蓋半而益一焉半而益一則其袂三尺三寸袪尺八寸如鄭此言唯士服當端

制大夫以上不復端也服虔云禮衣端正無殺故曰端文德之衣尚褻長故曰委案論語鄉黨非惟裳必殺之鄭

成去帷裳謂朝祭之服其制正幅如帷非帷裳者謂深衣削其幅縫齊倍要禮記深衣之制短不見膚長不被土然則朝祭之服當曳地服言是也 遠績禹功 正義曰績亦功也重其言耳遠績禹功者勸之爲大功使遠及後世若大禹也謂勸武何不遠慕大禹之績而立大功以庇民也 吾儕偷食 正義曰儕等也言吾等於彼卑賤苟且求食之人也 注言其至之心正義曰趙孟自言吾儕偷食是自比於隸役底人也在上位者當憂勞百姓卑賤之人勞身而已自比賤人是無憂民之心也

叔孫歸

號會歸

曾天御季孫以勞之旦及日中

不出

恨季孫伐莒使已幾被戮

曾天謂曾阜

曾阜叔孫家臣

曰旦及日

中吾知罪矣魯以相忍爲國也忍其外不忍

其內焉用之

欲受楚戮是忍其外日中不出是不忍其內

阜曰數月於

外言叔孫勞役在外數月

一旦於是庸何傷賈而欲贏

而惡嚙言雖言如商賈求贏利者不得惡誼嚙之聲

阜謂叔孫曰可以

出矣叔孫指楹曰雖惡是其可去乎乃出

見之

楹柱也以喻魯有季孫猶屋有柱

疏

注言雖至之聲正義曰言已伐苦求利而不得惡日中

不出譬如商賈求利不得惡誼嚙之聲以商賈在市市人多誼嚙之聲

鄭徐吾犯之妹

美

仇鄭大夫

公孫楚聘之矣

楚子南穆公孫

公孫黑又使

強委禽焉

禽鴈也納採用鴈

犯懼告子產子產曰是

國無政非子之患也唯所欲與犯請於二

子請使女擇焉皆許之子皙盛飾入布幣

而出

布陳賢幣子哲公孫黑

子南戎服入左右射超乘

而出女自房觀之曰子皙信美矣抑子南

夫也

言丈夫

夫夫婦婦所謂順也適子南氏

子皙怒旣而橐甲以見子南欲殺之而取

其妻子南知之執戈逐之及衝擊之以戈

衡交

子皙傷而歸告大夫曰我好見之不

知其有異志也故傷大夫皆謀之子產曰

直鈞幼賤有罪罪在楚也

先聘子南直也子南用戈子哲直也子產

力未能討故鈞其事歸罪於楚

乃執子南而數之曰國之大

節有五女皆奸之

奸紀也

畏君之威聽其政

尊其貴事其長養其親五者所以爲國也

今君在國女用兵焉不畏威也奸國之紀

不聽政也

奸國之紀謂傷人

子哲上大夫女嬖大

夫而弗下之不尊貴也幼而不忌不事長

也

忌畏也

兵其從兄不養親也君曰余不女

忍殺宥女以遠勉速行乎無重而罪五月

庚辰鄭放游楚於吳將行子南子產咨於

大叔

大叔游楚之兄子

大叔曰吉不能亢身焉能亢

宗

亢蔽也

彼國政也非私難也子圖鄭國利

則行之又何疑焉周公殺管叔而蔡蔡叔

蔡叔也

夫豈不愛王室故也吉若獲戾子將

行之何有於諸游

為二年鄭殺公孫黑傳

疏

夫夫至順也正義曰夫如

夫道當剛強也婦如婦節當柔弱也如是所謂順也曹入
家女誠曰生男如狼猶恐其起生女如兒猶懼其武是順

欲剛而女欲柔也 殺管至蔡叔 正義曰說文去聲散

之也從米殺聲然則粲字殺下米也粲為放散之義故訓

為放也隸書改作已失本體粲字不復可識寫者全類蔡

字至有重為一蔡字重點以讀之者尚書蔡仲之命去周

公乃致辟管叔于商囚蔡叔于郭鄰以車士乘孔安國云

囚謂制其出入郭鄰中國之外地名是放蔡叔之事也孔

唯言中國之外地不知在何方也 夫豈至故也 正義

曰夫謂周公也夫此周公豈不愛管蔡乎所以粲放之為

王室 故也 秦后子有寵於栢如二君於景 后子

公子景公母弟鍼 其母曰弗去懼選 選數也恐景

也其權寵如兩君 公數其罪而

加 癸卯鍼適晉其車千乘書曰秦伯之弟

鍼出奔晉罪秦伯也 罪失 后子享晉侯 為晉

殺

侯設

車造舟于河

造舟爲梁通秦晉之道

十里舍車

八乘

爲八反

自雍及絳

雍絳相去千里用車八百乘

歸取酬幣

九

獻之儀始禮自齋其一

終事八反

每十里以八乘車各以次載幣相授

故饋送其八酬酒幣

而還不徑至故言八反千里用車八百乘其二百乘以自隨故言千乘傳言秦鍼之出極奢富以成禮欲盡敬於所

赴

司馬侯問焉曰子之車盡於此而已乎

對曰此之謂多矣若能少此吾何以得見

言已坐車多故出奔

女叔齊以告公

叔齊司馬侯

且曰秦公子

必歸臣聞君子能知其過必有令圖令圖

天所贊也。右子見趙孟。趙孟曰：「吾子其曷

歸？」

問何時當歸

對曰：「鍼懼選於寡君，是以在此。」

將待嗣君。趙孟曰：「秦君何如？」對曰：「無道。」趙

孟曰：「亡乎？」對曰：「何爲一世無道？國未艾也。」

艾絕也

國於天地有與立焉。

言欲補助之者多

不數世

淫弗能斃也。趙孟曰：「天乎？」對曰：「有焉。」趙孟

曰：「其幾何？」對曰：「鍼聞之國無道而年穀和

熟，天贊之也。」

贊佐助也

鮮不五稔。

鮮少也。少尚當歷五年多則不啻。

趙孟視蔭曰朝夕不相及誰能待五

蔭日景也

趙孟意衰以日景自喻故言朝夕不相及誰能待五

后子出而告人曰趙孟

將死矣主民翫歲而惕日

翫惕皆貪也

其與幾

何

言不能久

疏

癸卯至伯也

正義曰釋例曰秦伯有干乘之國不能容其母弟傳曰罪秦伯則鍼

罪輕也言其對兄爲輕耳非無罪也公羊以爲仕諸晉謂之奔者譏秦伯有干乘之國不能容其母弟故謂之出奔也劉炫云奔者迫窘而去逃死四鄰不以禮出也今鍼適晉乃與母計議緩步而出實非奔也仲尼既書爲奔傳釋去罪秦伯秦伯不豫教戒其弟不能早爲之所致奢富過度懼而去國罪其失兄之教誠不自知度亦是其罪歸罪秦伯言兄罪耳例曰以下同也造舟于河正義曰詩去造舟爲梁是比舟以爲橋也釋水云天子造舟李巡曰

比其舟而渡曰造孫炎曰比舟爲梁郭璞曰比船爲橋不解造義蓋造爲至義言船相至而並比也注一舍至

之備正義曰直言十里舍車不知每舍幾車以下言八反知一舍八乘爲八反之具也注備九至酒幣正義

曰僖二十二年鄭享楚子爲九獻知此備九獻之儀也每一獻酒必有幣隨之右子從始自齋其一以爲初獻故饋

送其八也飲酒之禮主人初獻於賓賓酢主人主人受賓之酢禮飲訖又飲乃酌以酬賓如是乃成爲一獻於酬之

時始有幣以勸飲故以爲酬酒幣也注每十至所赴正義曰服虔以爲每於十里置車一乘千里百乘以次相

授車率皆日行一百六十里謂從絳向雍去而復還一享之間八度至也然則千里之路往還八反車率日行一百

六十里計則一萬六千里雖追風逐日之足猶將不逮於此右子之馬一何駛乎縱令如此縱可以韋馬疾未足以

明車多司馬侯何以怪其車多而發問也杜以反者謂車反復其故處耳每於十里置車八乘右子初發幣則續行

自齋其一以爲初獻餘則以次續至至則車反比至而終
八車皆反以此謂之八反非言反至雍也此幣發雖計已
多日故設享之初此八車之幣去絳不過一二十里耳使
之相續而來每獻皆到以示已之豪富故令漸送之也如
杜此言則后子預前約束使幣早發而來非臨享始取而
云歸取酬幣者后子必適晉多日然後設享非初至即享
君也爲享之具酒食之屬皆在絳備之其幣亦應於絳備
之乃遣還取秦國之幣故言歸取不言設享之日始歸取
也上云其車千乘下司馬侯問其車多則是見車多而發
問也故杜辨其車之所在千里用車八百乘其二百乘以
自隨故言千乘也傳說此車多之事者言秦鐵之出極奢
富以成禮盡敬於所赴之國故爲此以示豪也 國無至
五稔 正義曰國無道而歲又饑則君或早天年穀和熟
是天佐助之故少猶五年多或不善也期之五年者后子
之意耳襄二十七年傳云所謂不及五稔蓋古有此言也
趙孟至待五 正義曰趙孟自比於日景此景朝夕尚移

不能相及人命流去與此相似既無常定誰能待五

鄭為游楚亂故

游楚子南

六月丁巳鄭伯及其大夫盟于公孫段

氏罕虎公孫僑公孫段印段游吉駟帶

私盟于閨門之外實薰隧

閨門鄭城門薰隧門外道名實

之者為明年子產數子哲罪稱薰隧盟起本

公孫黑強與於盟使

大史書其名且曰七子

自欲同於六卿故曰七子

子產

弗討

子哲強討之恐亂國

晉中行穆子敗無終及

羣狄于大原

即大鹵也無終山戎

崇卒也

崇聚也

將戰魏

舒曰彼徒我車所遇又阨

地險不便車

以什共車

必克

更增十人以當一車之用

困諸阨又克

車每困於阨道今去車故爲必

克請皆卒

去車爲步兵

自我始乃毀車以爲行

魏舒先自毀其屬車爲步陳

五乘爲三伍

乘車者車三人五乘十五人今改去車更

以五人爲伍分爲三伍

荀吳之嬖人不肯即卒斬以徇

魏舒輒斬之荀吳不恨所以能立功

爲五陳以相離兩於前伍於

後專爲右角參爲左角偏爲前拒

皆臨時處置之名

以誘之翟人笑之

笑其失常

未陳而薄之大敗

之

傳言荀吳能用善謀



晉中至大原正義曰釋例土地名以此戎山戎無終三名爲一北平有

無終縣大原即大原郡晉陽縣是也計無終在大原東北二千許里遠就大原來與晉戰不知其何故也蓋與諸戎近晉者相率而共來也襄四年無終子遺使如晉請和諸戎則無終是其大者故顯言其國名也

以什共車必克

正義曰周禮十人爲什以一什之六共一車之地故必克也爲五至前拒正義曰五陳者即兩伍車參偏是也

相離者布置使相遠也服虔引司馬法云五十乘爲兩百二十乘爲伍八十一乘爲專二十九乘爲參二十五乘爲偏彼皆準車數多少以爲別名此傳去車用卒而有此名則此名不以車數爲別也杜云皆臨時處置之名其意不同服說則名與人數不可得知也周禮則五人爲伍二十五人爲兩無專參偏之名也

莒展與

立而奪羣公子秩公子召去疾于齊秋齊

公子鉏納去疾

齊雖納去疾莒人先召之故從國逆例書入去疾奔齊在襄三十一年

展與奔吳

吳外孫

叔弓帥師疆鄆田因莒亂

也

此春取鄆今正其疆界

於是莒務婁晉胡及公子滅

明以大厖與常儀靡奔齊

三子侵與黨大厖常儀靡莒二邑

君子曰莒展之不立弃人也夫

奔羣公子秩是弃人

可弃乎詩曰無競惟人善矣

詩周頌言惟得人則國家彊

疏

詩曰至善矣正義曰周頌烈文之篇也彼注云競彊也無彊乎雖得賢人也得賢人則國家彊矣故天

下諸侯順其所爲也

晉侯有疾鄭伯使公孫僑如晉聘

且問疾叔向問焉曰寡君之疾病卜人曰

實沈臺駘爲祟史莫之知敢問此何神也

子產曰昔高辛氏有二子伯曰閼伯季曰

實沈

高辛帝嚳

居于曠林不相能也

曠林地闕

日尋

干戈以相征討

尋斥也

后帝不臧

后帝堯也臧善也

遷

閼伯于商丘主辰

商丘宋地主祀辰星辰大火也

商人是因

故辰爲商星

商人湯先相土封商丘因閼伯故國祀辰星

遷實沈于

大夏主參

大夏今晉陽縣

唐人是因以服事夏商

唐八若劉累之等累遷魯縣此在大夏

其季世曰唐叔虞

唐人之不世其君曰

叔虞當武王邑姜方震大叔

邑姜武王后齊大公之女懷胎爲震大叔

成王之弟叔虞

夢帝謂已余命而子曰虞

帝天取重君之名

將與之唐屬諸參而蕃育其子孫及生有

文在其手曰虞遂以命之及成王滅唐而

封大叔焉故參爲晉星

叔虞封唐是爲晉侯

由是觀之

則實沈參神也昔金天氏有裔子曰昧爲

玄冥師生允格臺駘

金天氏帝少時黃遠也玄冥水官昧爲水官之長

臺駘能業其官

纂昧之業

宣汾洧

宣猶通也汾洧二水名

障

大澤

破障之

以處大原

大原晉陽也臺駘之所居

帝用嘉之

封諸汾川

帝顓頊

沈如蓐黃實守其祀

四國臺駘之後

今晉主汾而滅之矣

滅四國

由是觀之則臺駘

汾神也抑此二者不及君身山川之神則

水旱癘疫之災於是乎崇之

有水旱之災則崇祭山川之神

若臺駘者周禮四曰祭祭

日月星辰之神則雲霧

風雨之不時於是乎崇之

星辰之神若實沈者

若君身

則亦出入飲食哀樂之事也山川星辰之

神又何爲焉

言實沈臺駘不爲君疾

僑聞之君子有四

時朝以聽政

聽國政

晝以訪聞

問可否

夕以脩令

念所施

夜以安身於是乎節宣其氣

宣散也

勿

使有所壅閉湫底以露其體

湫集也底滯也露羸也壹之則血氣

集滯而體羸露

茲心不爽而昏亂百度

茲此也爽明也百度百事之節

今無乃壹之

同四時也

則生疾矣僑又聞之內

官不及同姓

內官嬪御

其生不殖

殖長也

美先盡

矣則相生疾

同姓之相與先美矣美極則盡盡則生疾

君子是以惡

之故志曰買妾不知其姓則卜之違此二

者古之所慎也

壹四時取同姓二者古人所慎

男女辨姓禮之

大司也

辨別也

今君內實有四姬焉

同姓姬四人

其

無乃是也乎若由是二者弗可爲也已

爲治

也四姬有省猶可無則必生疾矣

據異姓去同姓故言

省叔向曰善哉盍未之聞也此皆然矣叔

向出行人揮送之

送叔向

叔向問鄭故焉且

問子哲對曰其與幾何

言將敗不久

無禮而好

陵人怙富而卑其上弗能久矣

爲明年鄭殺公孫黑傳

晉侯聞子產之言曰博物君子也重賄之

疏

注后帝堯也

正義曰襄九年傳稱閼伯爲陶唐氏之火正知后帝是堯也

注商人至辰星

正義曰

殷本紀稱相土契孫是湯之先也襄九年傳云閼伯居商丘祀大火相土因之故商主大火辰即大火星也故商人祀辰星商謂宋也宋商後故稱商人注唐人至大夏正義曰謂之唐人當是陶唐之後二十九年傳云陶唐氏既衰其後有劉累知此唐人是彼劉累之等類也言等類者謂劉累後卅子孫累雖遷魯縣子孫仍在大夏故歷夏及商也劉炫云彼稱累事孔甲下云遷于魯縣此云唐人是因以服事夏商則此居於大夏子孫終商不滅非累子

孫是其同族等類耳服虔以唐人即是劉累故杜顯而異之云累遷魯縣此在大夏 注唐人至叔虞 正義曰服虔以爲唐叔虞即下句邑姜所生者也杜以傳說唐人即云季山明季世是唐人之末世叔虞即唐人之末君矣邑姜之子叔虞乃是晉之始祖豈得以後世始封之君謂之前代之末世也故云唐人之季世其君曰叔虞帝命邑姜之子曰虞者將以唐國與之取唐君之名以爲名耳 注邑姜至叔虞 正義曰傳言武王邑姜繫之武王知是武王后也十二年傳稱呂級王舅級是齊大公之子丁公也級爲王舅知邑姜是大公之女也說文云娠女妊身動也從女辰聲是懷胎爲震震取動義字書以是女事故今字從女耳叔虞成王母弟晉世家文也 夢帝至曰虞 正義曰晉世家云初武王之與叔虞母會時夢天謂武王曰余命女生子名虞謂此夢爲武王之夢也若是武王之夢此傳直云武王方生大叔其文足矣何以須言邑姜方震也邑姜方震而夢明是邑姜夢矣安得以爲武王夢也 薄

姬之夢龍據其心燕姑之夢蘭爲己子彼皆夢發於母此何
以夢發於父是馬遷之妄言耳服解此云己武王也是習非
而迷迷者也 注叔虞至晉侯 正義曰晉世家云唐叔子
變是爲晉侯杜譜亦云變父改爲晉侯則叔虞之身不稱晉
也叔虞爲晉之祖故言爲晉侯也 注金天至之長 正義
曰金天氏帝少皞帝系山本文也金天代號少皞身號月令於
冬去其神玄冥是玄冥爲水官也昧爲玄冥師師訓長也故玄
昧爲水官之長二十九年傳云少皞氏有四叔脩及熙爲玄冥
昧爲金天裔子當是脩熙之後釋例曰脩及熙皆爲玄冥未
知昧爲誰之子或是其子孫也 宜汾洮 正義曰釋例曰
汾水出大原故汾陽縣至河東汾陰縣入河其洮水闕不知
所在當亦是晉地之水後山竭涸無其處耳 注帝顓頊
正義曰顓頊爲帝承金天之後熹臨是金天裔孫爲臣宜當
顓頊故以帝用嘉之爲顓頊耳昧於金天已云裔子熹臨
又是昧之所生則去少皞遠矣而帝系世本皆云少皞是黃
帝之子顓頊是黃帝之孫臣世多而帝世少史籍散亡無可

檢勘此事未必然也。釋例云：案鯀則舜之五世從祖父也，而及舜共爲堯臣，堯則舜之三從高祖而妻其女，此史記之可疑者也。是皆疑不能決，因舊說耳。山川至禁之，正義曰：水旱癘疫在地之災，山川帶地，故祭山川之神也。雪霜風雨，天氣所降，日月星辰，天故祭日月星辰之神也。此因其所在分繫之耳。其實水旱癘疫亦是天氣所致，雪霜風雨亦是在地之災。且雨之不時而致水旱，水旱與雨不甚爲異，而分言之者，據其雨不下而霖不止，是雨不時也。據其苗稼生死，則爲水與旱也。禁是祈禱之小祭耳。若大旱而雩，則徧祭天地百神，不復別其日月與山川也。注有水至福祥，正義曰：水旱癘疫俱祭山川，杜略癘疫而不言之耳。杜言山川之神若臺駘者，下云星辰之神若實沈者，言此崇祭祭其先世主山川主星辰者之神耳。非獨祭此山川星辰之神也。計日月無其主之者，以與星辰俱是天神，連言之耳。周禮大祝掌六祈以同鬼神示，一曰類，二曰造，三曰禴，四曰禁，五曰攻，六曰說。鄭衆云：禁，日月星辰山川之祭也。鄭玄云：禁，告之以時有災。

也茶如日食以朱絲繫社也立之此言取公室爲說莊二十五年公羊傳曰日食以朱絲營社或曰脅之或曰爲閭焉然之故營之然社有形質故可朱絲營繞日月山川非可營之物不得以此解崇也賈逵以爲營橫用幣社依用之日月山川之神其祭非有常處故臨時營其地立橫表用幣告之以祈福祥也橫聚也聚草木爲祭處耳癘疫謂害氣流行人多疾病然則君身有病亦是癘氣而云不及君身者陳思王以爲癘疫之氣止害貧賤其富貴之人攝生厚者癘氣所不及其事或當然也且子產知晉君之病不在於此故言二君不及君身以病非癘疫故不須祭臺駘等也若君至事也正義曰家語孔子曰飲食不時逸勞過度者病共殺之此云出入即逸勞也據國君之身則朝以聽政晝以訪問是出也夕以脩令夜以安身是入也節宣其氣正義曰以神節宣散其氣也節即四時是也凡人形神有限不可久用神久用則竭形大勞則敝不可以久勞也神不用則純形不用則痿不可以久逸也固當勞逸更遞以宣散其氣朝以聽

政聽政久則疲疲則易之以訪問訪問久則倦倦則易之
令脩令久則怠怠則易之以安身安身久則滯滯則易之以
聽政以後事改前心則木所以散其氣也勿使至其體
正義曰壅謂障而不使行若土壅水也閉謂塞而不得出
若閉門戶也湫謂氣聚底謂氣止四者皆是不散之意也
氣不散則食不消食不消則食少食少則肌膚瘦肌膚瘦
則筋骨露也言人之養身當須宣散其氣勿使氣有壅閉
集滯以藏露其形體也注湫集至羸露正義曰服虔
云湫著也底止也杜云湫集也底滯也皆是以意訓耳
閉言其不得散出故以湫底爲集滯言氣聚集而停滯也
若以秋爲者則與止同義故易之以爲集其止滯亦同義
也上文所云四時之事若其壹之則血氣集滯使不得宣
散氣不散則體羸露也肥則膚肉厚骨不見瘦則肌膚
故體羸露羸露是露骨之名其義與裸相近裸露形也羸
露骨也瘦者必羸羸亦瘦之別名今晉侯壹之者莊謂
身親近婦人四時皆爾以恒安身不動故使氣集滯也

茲心至百度 正義曰形之與神相隨而有形以神爲主
神以形爲宅形彊則神彊形弱則神弱神常隨形而盛衰
也既露其體則神識亦弱致使此心不明照察失宜而昏
亂百事之節度也 其生至生疾 正義曰此句重述不
及同姓之意言內官若取同姓則夫婦所以生疾性命不
得殖長何者以其同姓相與先美今既爲夫妻又相寵愛
美之至極在先盡矣乃相厭患而生疾病非直美極惡生
疾病而已又美極驕寵更生妬害也故晉語云異姓則異
德異德則異類異類雖近男女相及以生民也同姓則同
德同德則同心同心則同志同志雖遠男女不相及畏瀆
故也瀆則生怨怨亂有美美有淑性是故取女辟同姓畏
亂也禮記大傳云百姓而昏姻不遇者周道然也然則
周法始如此耳前代則不然也蓋以前代敬簡未設禁防
周人以其慢瀆故立法以禁之猶云不違禮而要則人神
不祐故所生不長也晉文姬流而霸韓侯同姓未必皆不
殖此以禮法爲言勸人耳 注同姓至生疾 正義曰

劉炫云人之本心自然有愛愛之所及先及近親同姓是親之近者其愛之美必深是同姓之相與先自美矣若使又爲夫妻則相愛之美尤極極則美先盡矣美盡必有惡生故美盡則生疾此以禮爲防淮義此意耳晉語云云同賈妻至卜之正義曰曲禮云取妻不取同姓故買妾不知其姓則卜之鄭玄云爲其近禽獸也妾賤或暗非賤取於賤者世無本繫也四姬至疾矣正義曰子產云四姬之外若有異姓之女接御於公滅省公之寵愛於四姬之事如此猶可若無異姓之女滅省公情專愛四姬則必由此故以生疾矣劉炫云子產言若於同姓不深病猶可差若於四姬有此省相見稀接御則此病猶尚可如無稀省恥之過度則必生疾

晉侯求醫

於秦秦伯使醫和視之曰疾不可爲也是

謂近女室疾如蠱

蠱或疾

非鬼非食惑以喪

志

感女色而失志

良臣將死天命不祐

良臣不斥救君過故將死

而不爲天所祐

公曰女不可近乎對曰節之先王之

樂所以節百事也故有五節

五聲之節

遲速本

末以相及中聲以降五降之後不容彈矣

此謂先王之樂得中聲聲成五降而息也降罷退

於是有煩手淫聲惱

堙心耳乃忘平和君子弗聽也

五降而不息則雜聲並奏

所謂鄭衛之聲

物亦如之

言百事皆如樂不可失節

至於煩乃舍也

已無以生疾

煩下舍則生疾

君子之近琴瑟以儀

節也非以惱心也

為心之節使動不過度

天有六氣

謂陰

陽風雨晦明也

降生五味

謂金味辛木味酸水味鹹火味苦土味甘著四陰陽風雨而生

發

為五色

赤色白酸名青鹹色黑苦色赤甘色黃發見也

徵為五聲

白聲商青聲角

黑聲羽赤聲徵黃聲宮徵驗也

浮生六疾

淫過也滋味聲色所以養人然過則生害

六

氣曰陰陽風雨晦明也分為四時序為五

節

六氣之化分而序之則成四時得五行之節

過則為留陰淫寒疾

寒過則為冷

陽淫熱疾

熱過則喘渴

風淫末疾

末四支也風為緩急

雨淫腹疾

雨濕之氣為洩注

晦淫惑疾

晦夜也為宴寢過節則心惑亂

明淫心疾

明晝也思慮煩多心勞生疾

女陽物而晦時淫

則生內熱惑蠱之疾

女常隨男故言陽物家道常在夜故言晦時

今

君不節不時能無及此乎出告趙孟趙孟

曰誰當良臣對曰主是謂矣主相晉國於

今八年晉國無亂諸侯無關可謂良矣和

聞之國之大臣榮其寵祿任其大節有菑

禍興而無改焉

改政行以救菑

必受其咎今君至於

淫以生疾將不能圖恤社稷禍孰大焉主

不能禦吾是以去也

太主將死

趙孟曰何謂蠱

對曰淫溺惑亂之所生也

溺沈沒於者欲

於文皿蟲

為蠱

文字也皿器也器受蟲害者為蠱

穀之飛亦為蠱

穀文積則

變為飛蟲名曰蠱

在周易女惑男風落山謂之蠱

巽下長上蠱巽為長女為風艮為少男為山皆同少男而說長女非匹故惑山木得風而落

皆同

物也

物猶類也

趙孟曰良醫也厚其禮而歸之

贈賄之禮

疏

是謂至如蠱正義曰女在房室故以室言之是謂近女室說此病之由由近女室為此病也

又言疾如蠱言此疾似蠱疾也蠱者心志惑亂之疾若今昏狂失性其疾名之為蠱公惑於女色失其常性如彼惑

蠱之疾也。蠱是惑疾。公心既惑，即具蠱疾。而云如蠱者，蠱是失志之病。名志之所失，不獨爲女。宣八年傳：晉克有蠱疾者，直是病而失性，不由近女爲之。此公淫而失志，未全爲蠱。故云如蠱。注：蠱惑疾。正義曰：和言公疾如蠱下云惑以喪志，知蠱是心志惑亂之疾。非鬼至喪志。正義曰：此說公病之狀，病有鬼爲之，共有食爲之者，此病非鬼非食，淫於女色情性惑亂以喪志，意也。先王至彈矣。正義曰：女之爲節，不可得說，故以樂譬之。先王之爲此樂也，所以限節百種之事故爲樂有五聲之節。爲聲有遲有速，從本至末，緩急相及，使得亡和之聲。其曲既了，以此罷退五聲，既成中和罷退之後，謂爲曲已了，不容更復彈作以爲煩手淫聲。鄭衛之曲也。劉炫云：言五降而息罷退者，五聲一周聲下而息，前聲罷退以待後聲，非作樂息也。樂曲成乃息，非五聲一周得息也。又傳於是至弗聽，劉云：此說降後不彈之意也。五聲皆降，則聲一成曲既未成，當更從上始，不以後聲來接前聲，而容手妄彈擊是爲煩手。

此手所擊非復正聲是爲淫聲淫聲之漫塞人心耳乃使人忘失平和之性故君子不聽也 注五降至之聲 正義曰五降不息則非復正聲手煩不已則雜聲並奏記傳所謂鄭衛之聲謂此也樂記云鄭衛之音亂世之音也又曰鄭音好濫淫志衛音促速煩志是言鄭衛之聲是煩手雜聲也 天有至六疾 正義曰上旣以樂譬女乃云物亦如之至煩乃舍言用之有節也此又本諸上天言物皆不得過度也氣皆由天故言天有六氣也五味在地故云降生五味也五味是五行之味六氣共生五行故杜解五味皆由陰陽風雨晦明而生是言六氣共生之非言一氣生一行也味則嘗而可知未有形色可視發見而爲五色也色旣不同其聲亦異徵驗而爲五聲也此味聲色也皆本諸上天所以養人用之大過則生六種之疾 注謂金至而生 正義曰尚書洪範云五行一曰水二曰火三曰木四曰金五曰土水曰潤下火曰炎上木曰曲直金曰從革土爰稼穡潤下作鹹炎上作苦曲直作酸從革作辛稼

穡作甘孔安國云鹹水鹵所生也苦焦氣之味也酸木實之性也辛金之氣味也甘味生於百穀也是五味爲五行之味也以五者並行於天地之間故洛書謂之五行物皆有本本自天來故言五者皆由陰陽風雨而生也是陰陽風雨晦明合雜共生五味若先儒以爲雨爲木味風爲土味晦爲水味明爲火味陽爲金味而陰氣屬天不爲五味之主此杜所不用也洪範本文以生數爲次水火山木金土大禹謨六府之次水火山木土穀月令於四時之次木火土金水杜數五味之次金木水火土以五行相循更互相代其次不以爲常隨便言耳此注所言五味五色五聲配五行者經傳多有之洪範是其本月令尤分明杜所解者皆依月令文也 注淫過至生害 正義曰此淫生六疾承氣味色聲之下則謂四者之過皆生疾也但醫和將說晦淫惑疾故下句特舉六氣之淫其言不及味與聲色故杜解以備之言滋味聲色所以養人然過則生疾以見淫生六疾非獨六氣生疾也但晉侯不以味聲色生疾故醫和

不言之耳 注六氣至之節 正義曰六氣並行無時止息但
氣有溫暑涼寒分爲四時春夏秋冬也序此四時以爲五行之
節計一年有三百六十五日序之爲五行每行得七十二日有
餘土無定方分主四季故每季之末有十八日爲土正主日也
過則至心疾 正義曰上云淫生六疾摠謂氣味聲色此云
過則爲菑獨謂六氣過耳過即淫也故歷言六氣之淫各
生疾也此六者陰陽風雨有多時有少時晦明則天有常
度無多少時也今言淫者謂人受用此氣有過度者也陰
過則冷陽過則熱風多則四支緩急雨多則腹腸洩注此
四者雖各以其氣與人爲病若其能自防護受之不多則
得無此病也其晦明亦是天氣不以病人但人用晦明過
度則人亦爲病晦是夜也夜當安身女以宣氣近女過度
則心惑亂也明是晝也晝以營務營務當用心思慮煩多
則心勞敝也陰陽風雨當受之有節晦明當用之有限無
節無限必爲菑害故過則爲菑也 注末四至緩急 正
義曰人之身體頭爲元首四支爲末故以末爲四支謂手

足也風氣入身則四支有緩急賈逵以未疾爲首疾謂風
眩也女陽至之疾正義曰男爲陽女爲陰女常隨男
則女是陽家之物也而晦夜之時用之若用之淫過則生
內熱或蠱之疾以女陽物故內熱以晦時故或蠱也晉語
太文子問醫和曰君其幾何對曰若諸侯服不過三年不
服不過十年過是晉之殃也孔晁云人雖有命荒淫者必
損其內情故十年無道之君久在民上實國之殃也淫
溺至生也正義曰此淫謂淫於女也沒水謂之溺沒於
者欲與溺水相似故淫溺連言之此論晉侯將爲蠱疾故
言淫溺或亂之所生耳人自有無故失志志性恍惚不自
知者其疾名爲蠱蠱非盡由淫也以毒藥藥人令人不自
知者今律謂之蠱毒楚公子圍使公子黑肱伯州犂城

犂城

黑肱王子圍之弟子也犂縣屬南陽郡縣
屬襄城縣今河南陽翟縣三邑本鄭地

鄭人懼子產曰不害令尹將行大事

謂將弑君

而先除二子也

二子謂黑肱伯州犂

禍不及鄭何患焉

冬楚公子圍將聘于鄭伍舉爲介未出竟

聞王有疾而還伍舉遂聘十一月己酉公

子圍至入問王疾縊而弑之

經絞也孫卿曰以冠纓絞之長歷推

己酉十二月六日經傳皆言十一月月誤也

遂殺其二子幕及平夏

皆鄭敖子

右尹子干出奔晉

子干王太子比

宮廐尹子

皙出奔鄭

因築城而去

殺大宰伯州犂于郊葬

王于邲謂之邲敖

邲敖楚子麇

使赴于鄭伍

問應焉後之辭焉

問赴者

對曰寡大夫圍伍

舉更之曰共王之子圍焉長

伍舉更赴辭使從禮此告終稱

嗣不以集我赴諸侯

子干奔晉從車五乘叔向使與秦

公子同食

食禄同

皆百人之餼

百人一卒也其禄足百人

趙

文子曰秦公子富

謂秦絳富強秩禄不宜與子干同

叔向曰底

禄以德

底致也

德鈞以年年同以尊公子以

國不聞以富且夫以千乘去其國彊禦已

甚詩曰不侮鰥寡不畏彊禦

詩大雅侮陵也

秦楚

匹也使后子與子干齒

以年齒爲高下而坐

辭曰鍼懼

選楚公子不獲是以皆來亦唯命

不獲不得自安言俱

奔事有優劣唯主人命所處謙辭

且臣與羈齒無乃不可乎

后子

先來仕欲自同於晉臣爲主人子干後來奔以爲羈旅之客

史佚有言曰非羈

何忌

忌敬也欲謙以自別

楚靈王即位遠罷爲令尹遂

啓彊爲大宰

靈王公子圍也即位易名熊虔

鄭游吉如楚葬

郟敖且聘立君歸謂子產曰具行器矣

行

會楚王汰侈而自說其事必合諸侯吾從

無日矣子產曰不數年未能也

為四年會甲傳

疏

注盜絞至誤也正義曰孫卿姓荀名說著書一部名荀卿子漢宣帝諱詢故轉為孫也下有十二月甲辰朔甲辰後五日得己酉故杜以長歷推己酉是十二月六日而杜郊教之卒經傳皆云十一月己酉杜謂十一月誤者止謂十一月不得有己酉以己酉為誤十一月非誤也必知者若以為十二月己酉則六日己酉子干奔晉至晉猶見趙孟七日庚戌趙孟卒便是日相切迫無相見之理故知十一月為是己酉為誤劉炫以為杜云誤者以十一月為誤當云十二月而規杜氏非也劉炫規云杜言十一月誤當為十二月案下文趙孟庚戌卒便是郊教今日死趙孟明日卒則子干奔晉不得見趙孟而議其祿故謂十一月是己酉字誤也注百人至百人正義曰百人為卒周

禮司馬序官文也祿足百人謂與之田取稅以共食足爲
百人餼也晉語稱秦后子楚公子干來仕叔向爲大傅實
賦祿韓宣子問二公子之祿焉對曰大國之卿祿一旅之
田上大夫一卒之田夫二公子者上大夫皆一卒可也
底祿至以尊正義曰德大則官高官高則祿厚故致祿
以德之小大爲差也年同以尊謂以官爲之尊卑也非
羈何忌正義曰忌敬也史佚有言云非是羈客何須敬
之言子干是客當須敬之我不敢與同是謙以自別也

十二月晉既烝

祭也

趙孟適南陽將會孟

子餘

孟子餘趙襄趙武之曾祖其廟在晉之南陽溫縣往會祭之

甲辰朔烝于

溫

趙氏烝祭甲辰十二月朔晉既烝趙孟乃烝其家廟則晉烝當在甲辰之前傳言十二月月誤

庚

戌卒

十二月七日終劉定公秦后子之言

鄭伯如晉弔及雍乃

復

弔趙氏蓋趙氏辭之而還傳言大夫隱諸侯畏而弔之

疏

注孟子餘趙衰正義曰服虔以孟

為趙盾子餘為趙衰若其必然當先衰後盾何以先言孟

也杜以孟子餘是趙衰一人蓋子餘是字孟是長幼之字

也注趙氏至月誤正義曰杜以十二月晉既烝趙孟

始適南陽則趙孟初行已是十二月也此句乃去甲辰朔烝

于溫案文言之則是來年正月朔也服虔去甲辰朔夏十

一月朔也若是夏十一月朔當於明年言之而此年說之

何也杜以服言不通故為此解大晉既烝趙孟乃烝其家

廟則晉烝當在甲辰之前當言十一月傳言十二月月誤

也劉炫以為晉烝及趙孟適南陽並在十二月之前文繁

十二月者欲見烝後即行先公後私十二月之文為下甲

辰朔起本舉月遙屬下明晉烝猶在朔前十二月非誤也

若必如劉言傳當去晉既烝趙孟適南陽將會孟子餘十

二月甲辰朔烝于溫足見先公後私之義何須虛張十二

月於上通為甲辰朔起本傳文上下未有此例劉炫之言

非也

經二年春晉侯使韓起來聘夏叔弓如晉

叔弓叔老子

秋鄭殺其大夫公孫黑

書名惡之薰隧盟子產不討遂以爲

卿故書之

疏

汪書名至書之書名爲惡之也

正義曰傳稱子產數其罪是

卿非卿則不合書薰隧之盟子產強與卿列子產不討即以爲卿故書之

冬公如晉至河乃

復

弔少姜也晉人辭之故還

季孫宿如晉

致襚服也公實以秋行冬還乃書

疏

注致襚至乃書其致襚服也

正義曰傳稱季孫宿遂致服品也

實以秋行至冬還乃書即書還時日月不復追言秋故文在冬也

得二年春晉侯使韓宣子來聘

公即位故

且告

為政而來見禮也

代趙武為政雖盟主而脩好同盟故曰禮

觀書於

太史氏見易象與魯春秋曰周禮盡在魯

矣

易象上下經之象辭魯春秋史記之策書春秋遵周公之典以序事故曰周禮盡在魯矣

吾乃

今知周公之德與周之所以王也

易象春秋文王周公

之制當此時儒道廢諸國多闕唯魯備故宣子適魯而說之

公享之季武子賦

絲之卒章

絲詩大雅卒章義取文王有四臣故能以絲絲致興盛以晉侯比文王以韓子比四

韓子賦角弓

角弓詩小雅取其兄弟昏姻無胥遠矣言兄弟之國宜相親

季武子拜曰敢拜子之彌縫敝邑寡君有

望矣

彌縫猶補合也
謂以兄弟之義

武子賦節之卒章

節詩
小雅

卒章取式說爾心以畜萬
邦以言晉德可以畜萬邦

既享宴于季氏有嘉

樹焉宣子譽之

譽其
好也

武子曰宿敢不封殖

此樹以無忘角弓

封厚也
殖長也

遂賦甘棠

甘棠詩
召南召

伯息於甘棠之下詩人思之而愛其樹武
子欲封殖嘉樹如甘棠以宣子比召公

宣子曰起

不堪也無以及召公

疏

注公即位故
正義曰
傳言且告為政而來見

則其來非獨為為政故知主為公即位故也襄元年傳曰
凡諸侯即位小國朝之大國聘焉是也
注伐趙武為政

正義曰五年傳曰韓起之下有趙成中行吳魏舒范鞅知
盈則六者三軍之將佐也韓起代趙武將中軍趙成繼父
爲卿代韓起也 觀書至王也 正義曰太史之官職掌
書籍必有藏書之處若今之秘閣也觀書於太史氏者氏
猶家也就其所司之處觀其書也見易象易象魯無增改
故不言魯易象其春秋用周公之法書魯國之事故言魯
春秋也魯國寶文王之書遵周公之典故云周禮盡在魯
矣文王周公能制此典因見此書而追歎周德吾乃於今
日始知周公之德以周公制春秋之法故也與周之所以
得王天下之由由文王有聖德能作易象故也此二書晉
國亦應有之韓子舊應經見而至魯始歎之乃云今知者
因味其義而善其人非爲素不見也 注易象至魯矣
正義曰易有六十四卦分爲上下二篇及孔子又作易傳
十篇以翼成之後世謂孔子所作爲傳謂本文爲經故云
上下經也易文推演爻卦象物而爲之辭故易繫辭云八
卦成列象在其中又云易者象也是故謂之易象孔子述

卦下攬辭謂之爲彖述爻下別辭謂之爲象以其無所分別故別立二名以辨之其實卦下之語亦是象物爲辭故二者俱爲象也定四年傳稱分魯公以備物典策所言典策則史官書策之法若發凡言例皆是周公制之周衰之後諸國典策各違舊章唯魯春秋遵此周公之典以序時事故云周禮盡在魯矣

注易象至說之

正義曰易象

文王所作春秋周公垂法故杜雙舉釋之云易象春秋文王周公之所制也易繫辭云易之興也其當殷之末世周之盛德邪當文王與紂之事邪鄭玄云據此言以易是文王所作斷可知矣且史傳識緯皆言文王演易演謂爲其辭以演說之易經必是文王作也但易之爻辭有箕子之辭夷利貞箕子明傷乃在武王之世文王不得言之又云王用亨于岐山又云東鄰殺牛不如西鄰之禴祭實受其福二者之意皆斥文王若是文王作經無容自伐其德故先代大儒鄭衆賈逵等或以爲卦下之彖辭文王所作爻下之象辭周公所作雖復紛競大久無能決當是非

變舉並釋似同鄭說也然據傳先言易象後言春秋則應生
去周之所以王與周公之德也今傳乃先云周公之德者易
象諸國同有其春秋獨運周公典法韓子美周禮在魯法
先言周公之德 注文王有四臣 正義曰絲詩云子曰

有疏附子曰有先後子曰有奔奏子曰有禦侮注云率下
親上曰疏附相道前後曰先後喻德宣譽曰奔奏武王折

衝曰禦侮 注譽其好也 正義曰服虔云譽并也宣子
游其樹下夏諺曰一游一譽為諸侯度所引夏諺孟子文

也若是游於其下宣子本自無言武 宣子遂如齊納
子何以輒對故杜以為譽其美好也

幣 為平公 見子雅子雅召子旗 子旗之子 使

見宣子宣子曰非保家之主也不臣 宣子

見子尾子尾見彊 彊之子 宣子謂之如子

旗

臣亦不

大夫多笑之唯晏子信之曰夫子

君子也

夫子韓起

君子有信其有以知之矣十為

年齊藥施高
疆來奔張本

自齊聘於衛衛侯享之北宮文

子賦淇澳

淇澳詩衛風美武公也
言宣子有武公之德

宣子賦木瓜

木瓜亦衛風義取
於欲厚報以爲好

夏四月韓須如齊逆女

須如
起之

子地
少姜

齊陳無宇送女致少姜少姜有寵於

晉侯晉侯謂之少齊

爲立別號所
以寵異之

謂陳無宇

鄉鄰

欲使齊以適夫
人禮送少姜

執諸中都

中都晉邑在西
河界休縣東南

姜爲之請曰送從逆班

班列也

畏大國也猶

有所易是以亂作

韓須公族大夫陳無字上大夫言齊畏晉改易禮制使上大夫

送遂致此執辱之罪

蓋少姜謙以示譏

疏

注爲立至異之正義曰婦人稱姓姜是其常蓋以其齊女故

以齊爲別號所以寵異之言少姜少齊蓋本字爲少也服虔云所以寵異不與齊衆女字等言齊國如此好女甚少送從逆班正義曰昏禮諸侯以下法當親迎有故得使卿明是使上卿也桓三年傳例云凡公女嫁于敵國姊妹則上卿送之以禮於先君公子則下卿送之於大國雖公子亦上卿送之是送者與逆者俱爲上卿是送者依逆者班列若公子嫁於敵國及姊妹嫁於小國皆下卿送之是降逆者一等公子嫁於小國上大夫送之是降逆者二等也若晉以少姜爲夫人當以上卿逆齊當以上卿送是亦送逆同班少姜據多言之故云送從逆班或可晉使公族

大夫逆少姜元不以夫人之禮則同妾媵之屬送者皆從逆者班次不與相三年逆夫人之禮同少姜據此而言故云送從逆班也劉炫云昏禮諸侯以下法當親迎有故得使卿明是使上卿也凡例云凡公女嫁于敵國姊妹則上卿送之公子則下卿送之是送卑於逆者一等故云送者從逆者之班次言當卑於逆者也

叔弓聘

于晉報宣子也

此春韓宣子來聘

晉侯使郊勞

聘禮

賓至近郊君使卿勞之

辭曰寡君使弓來繼舊好固曰

女無敢爲賓徹命於執事敝邑弘矣

徹達也

敢辱郊使請辭

辭郊勞

致館辭曰寡君命下

臣來繼舊好好合使成臣之祿也

得通君命則於已爲

榮敢辱大館
敢不叔向曰子叔子知禮哉

吾聞之曰忠信禮之器也卑讓禮之宗也

宗猶主也辭不忘國忠信也謂稱先國後己卑

讓也始稱微邑之弘先國也詩曰敬慎威儀以

近有德夫子近德矣詩大雅秋鄭公孫黑將

作亂欲去游氏而代其位游氏大叔之族黑為

傷疾作而不果前年游楚駟氏與諸大夫欲

殺之駟氏黑子產在鄢聞之懼弗及乘遽

而至

遠傳驛

使吏數之

責數其罪

曰伯有之亂

在襄

三十一年

以大國之事而未爾討也

孫共大國之命不取治女

罪

爾有亂心無厭國不女堪專伐伯有而

罪一也昆弟爭室而罪二也

謂爭徐吾祀之妹

薰

隧之盟女矯君位而罪三也

謂使大史書七子

有死

罪三何以堪之不速死大刑將至再拜稽

首辭曰死在朝夕無助天爲虐子產曰人

誰不死凶人不終命也作凶事爲凶人不

助天其助凶人乎請以印爲褚師

印子哲之子褚師市官

子產曰印也若才君將任之不才將朝夕從女女罪之不恤而又何請焉不速死司寇將

至七月壬寅縊尸諸周氏之衢

衢道也

加木焉

書其罪於木以加尸上

疏

注遠傳釋

正義曰釋言云駟遠傳也孫炎曰傳車驛馬也死在至爲虐

正義曰言我創疾見作死在朝夕之間天已虐我無更助天爲虐也注褚師市官正義曰蓋相傳說也

晉

少姜卒公如晉及河晉侯使士文伯來辭曰

非伉儷也

晉侯溺於所幸爲少姜行夫人之服故諸侯弔不敢以私煩諸侯故止之

請君

無辱公還季孫宿遂致服焉

致少姜之從服公以未秋行始冬

還乃書之故經在冬

叔向言陳無字於晉侯曰彼何罪

無彼

字

君使公族逆之齊使上大夫送之猶曰不

共君求以貪國則不共

逆卑於送是晉國不共

而執其使

君刑已頗何以爲盟主

頗不平

且少姜有辭

謂請

無字之辭

冬十月陳無字歸

晉侯赦之

十一月鄭印段

如晉弔

弔少姜

疏

非伉儷也

正義曰成十一年注云伉敵也儷耦也言少姜是妾非敵身

耦之人也少姜是妾杜言晉侯爲少姜行夫人之服者以明年傳云寡君在縗經之中知其爲之服也

經三年春王正月丁未滕子原卒

襄二十五年盟重丘

疏

注襄二至重丘正義曰杜世族譜滕成公是子公之子成十六年滕子卒自爾以來襄五年盟于成九

年于戲十一年于亳城北十九年于祝柯二十年于澶淵二十五年于重丘皆魯滕俱在凡六同盟但經傳更無明文未知皆是滕成公以否杜氏意疑故指重丘近者而言劉炫以爲皆是滕成公而規杜氏非也

夏叔

弓如滕五月葬滕成公

卿共小國之葬禮過厚葬襄公滕子來會故魯

厚報之

秋小邾子來朝八月大雩冬大雨雹

無傳記災

北燕伯款出奔齊

不書大夫逐之而言奔罪之也書名從告

疏

注不書至從告正義曰傳稱燕大夫比以殺公之外雙公懼奔齊是被逐而出非自去也傳又云書曰北燕伯款

正義曰傳稱燕大夫比以殺公之外雙公懼奔齊是被逐而出非自去也傳又云書曰北燕伯款

出奔齊罪之是仲尼新意不書大夫逐之而言其自奔是罪之也釋例曰諸侯奔亡皆迫逐而苟免奔自出也傳稱孫林父寤殖出其君名在諸侯之策此以臣名赴告之文也仲尼之經更沒逐者主名以自奔爲文責其君不能自安自固所犯非徒所逐之臣也衛赴不以名而燕赴以名各隨赴而書之義在彼不在此也傳不發於蔡朱衛衎而發於燕款者款罪輕於衛衎而重於蔡朱故舉中示例以兼通上下也晉悼感衛衎而發問師曠恃其目盲因問以極言且明君不能君故臣亦不能臣罪不純在臣也杜言在彼不在此者書其出奔已是罪賤不假書名以見罪故名與不名皆從本赴不復更見義也

傳三年春王正月鄭游吉如晉送少姜之

葬梁丙與張趯見之

二子晉大夫

梁丙曰甚矣哉

子之爲此來也

卿共妻葬
過禮甚

子大叔曰將得已

乎

言不
得止

昔文襄之霸也

晉文公
襄公

其務不煩

諸侯令諸侯三歲而聘五歲而朝有事而

會不協而盟

明王之制歲聘間朝
在十三年今簡之

君薨大夫弔

卿共葬事夫人士弔大夫送葬

先王之制諸
侯之喪士弔

大夫送葬在三十年蓋時俗過
制故文襄雖節之猶過於古

足以昭禮命事謀

闕而已

朝聘以昭禮
盟會以誅闕

無加命矣

命有
常

今嬖寵

之喪不敢擇位而數於守適

不敢以其位卑
而今禮數如守

適夫人然則時適夫人之喪
弔送之禮以過文襄之制

唯懼獲戾豈敢憚煩

少齊有寵而死齊必繼室

繼室復薦女

今茲吾又

將來賀不唯此行也張趯曰善哉吾得聞

此數也然自今子其無事矣譬如火焉

星火中寒暑乃退

心以季夏昏中而暑退季冬旦中而寒退

此其極

也能無退乎晉將失諸侯諸侯求煩不獲

言將不能復煩諸侯

二大夫退子大叔告人曰張趯有

知其猶在君子之後乎

譏其無隱諱

疏

文襄之黨也正義

曰襄是文公子能繼父業故連言之其命朝聘之數弔葬之使皆文公今之非襄公也注明王至簡之正義曰十三年傳云明王之制使諸侯歲聘以志業閒以講禮再朝而會以示威再會而盟以顯昭明彼謂諸侯於天子朝聘會盟之數計十二年而有八聘四朝再會一盟此說文襄之霸令諸侯者謂令諸侯朝聘霸主大國之法也諸侯朝天子因朝而爲盟會所以同好惡辨王室霸主之合諸侯不得令其同盟以弊已故令有事而會三協而盟不復設年限之期周室既衰政在霸主霸主不可自同天子以明王舊制大煩諸侯不敢依用故設此制以簡之今嬖至中適正義曰今嬖寵賤妾之喪不敢計擇妾位卑賤而令禮數即同於守適夫人也言守適者六守外職妻守內職言夫人守內官之適長故以守適言六人也文襄之制夫人喪士弔大夫送葬今游吉卿也而六同於守適則於時適夫人喪已令卿送葬矣故杜公然則時適夫人之喪弔送之禮以過文襄之制也劉焯云不以擇取使人

於卑賤之位而禮數同於中內官之適夫人也 注心以
至寒退 正義曰月令季夏之月日在柳昏心中且奎中

季冬之月日在婺女昏箕中旦氐中 丁未昧子原卒
氐後即次房心是季冬且火中也

同盟故書名

同盟於襄之世亦應從
同盟之禮故傳發之



注同盟至
發之正

義曰文三年王子虎卒傳曰弔如同盟禮也杜去王子虎
與僖公同盟于翟泉文公是同盟之子故赴以名然則與
其父盟得以名赴其子於子虎之卒既已發傳而此復發
者以子虎非諸侯又滕入春秋以來未嘗書滕子名故於
此重發 齊侯使晏嬰請繼室於晉 復以女 曰
傳也 繼少姜

寡君使嬰曰寡人願事君朝夕不倦將奉
質幣以無失時則國家多難是以不獲
不得

自來不腆先君之適

謂少

以備內官焜耀寡

人之望則又無祿早世隕命寡人失望君

若不忘先君之好惠顧齊國辱收寡人微

福於大公丁公

微要也二公齊先君言收恤寡人則先君與之福也

照臨敝

邑鎮撫其社稷則猶有先君之適

適夫人之女

及

遺姑姊妹

遺餘也

若而人

言如常人不敢譽

君若不棄

敝邑而辱使董振擇之以備嬪嬙寡人之

望也

董正也振整也嬪嬙婦官

韓宣子使叔向對曰寡君

之願也寡君不能獨任其社稷之事未有

伉儷在縗絰之中是以未敢請

制夫人之服則葬訖君臣

乃禭

君有辱命惠莫大焉若惠顧敝邑撫

有晉國賜之內主豈唯寡君舉羣臣實受

其貺其自唐叔以下實寵嘉之

唐叔晉之祖

既

成昏

許昏成

晏子受禮

受賓享之禮

叔向從之晏

相與語叔向曰齊其何如

問與衰

晏子曰此

季世也吾弗知齊其爲陳氏矣

不知其他齊料爲陳

公棄其民而歸於陳氏

棄民不恤

齊舊四量豆

區金鍾四升為豆各自其四以登於金

四豆

為區區斗六升四區為金六斗四升登成也

金十則鍾

六斛四斗

陳氏三量

皆登一焉鍾乃大矣

登加也加一謂加舊量之一也以五升為豆五豆為區五

區為金則區二斗金八斗鍾八斛

以家量貸而以公量收之

貸厚

而收薄

山木如市弗加於山魚鹽蜃蛤弗加於

海

賈如在山海不加貴

民參其力二入於公而衣食

其一

言公重賦歛

公聚朽蠹而三老凍餒

三老謂上

壽中壽下壽皆八十已上不見養遇

國之諸市屨賤踊貴

踊則足者屨言刑多

民人痛疾而或煥休之

煥休痛念之聲謂陳氏也

其愛之

如父母而歸之如流水欲無獲民將焉辟

之箕伯直柄虞遂伯戲

四人皆舜後陳氏之先

其相胡

公大姬已在齊矣

胡公四人之後周始封陳之祖大姬其妃也言陳氏雖爲人臣

然將有國其先祖鬼神已與胡公共在齊

叔向曰然雖吾公室今亦

季世也戎馬不駕卿無軍行

言晉衰弱不能征討救諸侯

公

乘無人卒列無長

百人爲卒言人皆非其人非其長

庶民罷

敝而宮室滋侈

滋益也

道殣相望

戰死也

而女富

溢尤

女嬖寵之家

民聞公命如逃寇讎藥部胥

原狐續慶伯降在阜隸

八姓晉舊臣之族也阜隸賤官

政在

家門

大夫專政

民無所依君日不悛以樂怛憂

怛藏也悛改也

公室之卑其何日之有

言今至

讒鼎之

銘

讒鼎名也

日昧旦不顯後世猶怠

昧旦早起也平大也言民

興以務大顯後世猶解怠

況日不悛其能久乎晏子曰子

將若何

問何以免此難

叔向曰晉之公族盡矣胥

之公室將卑其宗族枝葉先落則公從之

肸之宗十一族同祖為宗唯羊舌氏在而已

又無子無賢子公室無度無法度幸而得死言葬以壽

終為幸豈其獲祀言必不得祀初景公欲更晏子之

宅曰子之宅近市湫隘蹙塵不可以居下

隘小蹙聲塵土請更諸爽塏者爽明塏塏辭曰君之先臣容

焉先臣晏子之先人臣不足以嗣之於臣侈矣侈奢也且

小人近市朝夕得所求小人之利也敢煩

里旅

旅衆也。不取勞衆爲己宅。

公笑曰：子近市，識貴賤乎？

對曰：旣利之，敢不識乎？公曰：何貴何賤？於

是景公繁於刑。

繁多也。

有鬻踊者，故對曰：踊

貴，屨賤。旣已，告於君，故與叔向語而稱之。

傳：護晏子，今不與張趯同譏。

景公爲是省於刑。君子曰：仁人

之言，其利博哉！晏子一言而齊侯省刑，詩

曰：君子如祉，亂庶遄已。

詩小雅如行也。祉，福也。遄，疾也。言君子行福則

庶幾亂疾止也。

其是之謂乎？及晏子如晉，公更其宅。

反則成矣既拜

拜謝新宅

乃毀之而為里室皆如

其舊

本壤里室以大晏子之宅故復之

則使宅人反之

還其故室

且諺

曰非宅是卜唯鄰是卜

卜良鄰

二三子先卜鄰

矣

二三子謂鄰人

違卜不祥君子不犯非禮

去儉即奢為非禮

小人不犯不祥古之制也吾敢違諸乎卒

復其舊宅公弗許因陳桓子以請乃許之

傳言齊晉之衰賢臣懷憂且言陳氏之興



焜耀寡人之望云焜耀也焜明也言得備妃嬪

正義曰服虔

之列照明己之意望也

及遺姓姊妹

正義曰姑姊妹亦先君之女也上云先君之適謂適夫人所生及遺姑姊妹

妹非夫人所生者也 注董正至婦官 正義曰董正
釋詁文也振為整理之意言正整選撫示精審也周禮大
子有九嬪嬪是婦官知嫡亦婦官哀元正傳說夫差宿有
妃嬪嬪御焉蓋周末婦官有此名也漢成帝時匈奴來朝
詔以掖庭王嬙賜之是名因於古也 未有沆儷 正義
曰少姜本非正夫人而云未有沆儷者蓋晉侯當時無正
夫人其繼室者使韓起上卿逆之鄭罕虎如晉賀之則後
娶者為夫人也 舉羣臣 正義曰舉亦皆之義言舉朝
羣臣也 鍾乃大矣 正義曰陳氏三量谷登其一則釜
為八斗陳氏亦自依釜數釜十為鍾比於齊之舊鍾不言
四而加一故云鍾乃大矣言其大於齊鍾明亦自十其釜
也 山木至於海 正義曰如訓往也言將山木往至市
也於木既云如市魚鹽蜃蛤亦如市可知蒙上文也 注
三老至養選 正義曰服虔云三老者二老商老農老案
民有四民其老無別不宜以三種之民為三老且士之老
者亦應須恤不當獨遺士也故杜以為上中下壽言皆八

十以上則上壽百年以上中壽九十以上下壽八十以上
此亦以意言之釋此文耳不通於餘文也若秦伯謂襄叔
云中壽爾墓之木拱矣不言九十而死木已拱矣注
休至氏也正義曰賈逵云煥厚也休美也服虔云煥休
痛其痛而念之若今時小兒痛父母以口就之曰煥休代
其痛也杜云煥休痛念之聲其意如服言也此民人痛疾
承踊貴之下以其傳文相連無所分別故言謂陳氏也
注四人至之先正義曰論陳氏而言此四人知四人皆
陳氏之先也八年傳云舜重之以明德寘德於遂遂世守
之及胡公不淫遂在舜之後知四人皆舜之後世數遠近
不可復知也其相至齊矣正義曰杜不解相服虔云
相隨也蓋相訓爲助不爲隨也言箕伯四人其皆助胡公
大姬神靈已在齊矣神之在否不可測度而晏子爲此言
者以陳氏必興姜姓必滅示已審見其事故言先神歸之
其實神歸以否非晏子所能知也今定本相作祖注
遂至賤官正義曰此八姓之先樂邵胥原狐先皆卿也

簡伯憂鄭伯宗亦見於傳先皆大夫也

正義曰劉炫云憎慢也奸音崇而慢易憂禍也杜以爲爲

賊當讀如弓韜之韜言以音察樂身埋藏憂愁於樂中猶

古詩云埋憂地下也 注謹鼎名也 正義曰服虔云饒

鼎疾饒之鼎明堂位所云崇鼎是也一云饒地名禹鑄九

鼎於甘饒之地故曰饒鼎二者並無案據其名不可審知

故杜直云鼎名而已 肝之宗十一族 正義曰世族譜

云羊舌氏晉之公族也羊舌其所食邑名唯言晉之公族

不知出何公也杜云同祖爲宗謂同出一公有十一族也

譜又云或曰羊舌氏姓李名果有人盜羊而遺其頭不

受受而埋之後盜羊事發辭連李氏李氏掘羊頭示之

以明己不食唯識其舌存得免號曰羊舌氏杜言或曰

舊有此說杜所不從記異聞耳 注爽明塏塏 正義曰

塏是高地故爲塏也以所居下濕塵埃故欲更於明塏之

處晏子春秋云將更於豫章之圃豫章之圃高燥之地也

注傳護晏子 正義曰傳護晏子故爲發此傳而然也

亦言已國傳雖無說蓋亦當以諫君故無譏也

夏四月鄭伯如晉公孫

段相甚敬而卑禮無違者晉侯嘉焉授之

以策

策賜命之書

曰子豐有勞於晉國

子豐段之父

余

聞而弗忘賜女州田

州縣今屬河內郡

以胙乃舊勳

伯石再拜稽首受策以出君子曰禮其人

之急也乎伯石之汰也

汰驕也

一爲禮於晉

猶荷其祿況以禮終始乎詩曰人而無禮

胡不遄死其是之謂乎初州縣藥豹之邑

也

豹樂
盈族

及欒氏亡范宣子趙文子韓宣子

皆欲之文子曰溫吾縣也

州本屬溫
溫趙氏邑

二宣子

曰自郤稱以別三傳矣

郤稱晉大夫始受州自是
州與溫別至今傳三家

晉之別縣不唯州誰獲治之

言縣邑既別甚多
無有得迫而治取

之文子病之乃舍之二子曰吾不可以正

議而自與也皆舍之及文子為政趙獲曰

可以取州矣

獲趙文
子之子

文子曰退

使獲
退也

二子之

言義也

二子二
宣子也

違義禍也余不能治余縣又

焉用州其以微禍也君子曰弗知實難惠

知禍所起知而弗從禍莫大焉有言州必死豐氏

故主韓氏故猶舊也豐氏至晉舊以韓氏爲主人伯石之獲州也

韓宣子爲之請之爲其復取之之故後若還晉因自

欲取之爲七年**疏**子豐至晉國正義曰服虔云鄭傳豐氏歸州張本公之爲大子子豐與之俱適晉計從

大子一朝於晉不足以爲勞也或當別有功勞事無所見故杜不解之五月叔弓如滕

葬滕成公子服椒爲介及郊遇懿伯之忌

敬子不入忌怨也懿伯椒之叔父敬子叔弓也叔弓禮椒爲之辟仇惠伯曰公

事有公利無私忌椒請先入乃先受館敬

子從之

惠伯子服椒也傳言叔弓之有禮

疏

五月至成公正義曰經書夏叔弓如滕五月

葬滕成公今傳文叔弓如滕亦在五月之下杜於栢十六年注引此事以為本事異而書之故或言月或言時事異故文異其實叔弓亦以五月行也劉炫云叔弓以四月發魯滕以五月葬君叔弓書始行之月滕書實葬之月故書經異文也傳述遇讎之事并就葬月言耳子服至不入正義曰檀弓下云滕成公之喪使子叔敬叔弔進書子服惠伯為介及郊為懿伯之忌不入惠伯曰政也不可以叔父之私不將公事遂入敬叔即此敬子也懿伯是惠伯之叔父為人所殺及滕郊遇懿伯之忌達其讎也敬叔不入以禮惠伯欲使惠伯報叔父之讎殺彼人也惠伯以公義不可先入受館記文雖字有小異意與傳同而鄭玄注云敬叔有怨於懿伯難惠伯故不入又云敬叔於昭穆以

懿伯為叔父其言差錯不可顯解是鄭之謬也 注意怨至辟仇 正義曰記云不可以叔父之私知懿伯是叔之

叔父也叔弓不入者禮極也為極有辟仇之恥禮之欲使殺之 憲伯至從之 正義曰檀弓云子夏請問居昆弟

之仇如之何曰仕不與共國衛君命而使雖遇之不開聚玄云為負而廢君命也叔父之與昆弟親疎同耳故有公

利無私忌辟仇非 晉韓起如齊逆女 為平公孫取故極請先入也 公逆

薑為少姜之有寵也以其子更公女而嫁

公子 更嫁 人謂宣子子尾欺晉晉胡受之

宣子曰我欲得齊而遠其寵寵將來乎 寵

子秋七月鄭罕虎如晉賀夫人且告曰楚

人日徼敝邑以不朝立王之故

楚靈王新立

敝邑

之往則畏執事其謂寡君而固有外心其

不往則宋之盟云

云交相見

進退罪也寡君使

虎布之

布陳也

宣子使叔向對曰君若辱有

寡君在楚何害脩宋盟也君苟思盟寡君

乃知免於戾矣君若不有寡君雖朝夕辱

於敝邑寡君猜焉

猜疑也

君實有心何辱命

焉

言若有事晉心至楚可不須告

君其往也苟有寡君在楚

猶在晉也張趯使謂大叔曰自子之歸也

歸在此年春小人糞除先人之敝廬曰子其將來

今子皮實來小人失望大叔曰吉賤不獲

來賤非上卿畏大國尊夫人也且孟曰而將無

事吉庶幾焉孟張趯也庶幾如趯言**疏**吉賤不獲來

叔大叔在鄭遜報趯語而云不獲來者教使者小邾穆

公來朝季武子欲卑之不欲以諸侯禮待之穆叔曰不

可曹滕二邾實不忘我好敬以逆之猶

其貳又卑一睦焉

一睦謂小邾

逆羣好也其如

舊而加敬焉志曰能敬無災又曰敬逆來

者天所福也季孫從之

疏

注一睦謂小邾正義曰睦親也言

曹滕二邾皆親魯小邾是親魯者之一國也

八月大雩旱也齊侯田

於莒

莒齊東竟

盧蒲癸見泣且請曰余髮如此

種種余奚能爲

嬰慶封之黨襄二十八年放之於竟種種短也自言衰老不能復爲

害公曰諾吾告二子

二子子雅子尾

歸而告之子

尾欲復之子雅不可曰彼其髮短而心甚

長其或寢處我矣

言不可信

九月子雅放盧蒲

嫫于北燕

恐其復作亂

疏

放盧蒲嫫于北燕

正義曰前已在竟今復徙之遠國也

燕簡公多嬖寵欲去諸大夫而立其寵人

冬燕大夫比以殺公之外嬖

比相親比

公懼奔

齊書曰北燕伯款出奔齊罪之也

款罪輕於衛圻

重於蔡宗故舉中示例

十月鄭伯如楚子產相楚子享

之賦吉日

吉日詩小雅宣王田獵之詩楚王欲與鄭伯共田故賦之

既享子產

乃具田備王以田江南之夢

楚之雲夢跨江南北

齊公

孫竈卒

竈子雅

司馬竈見晏子

司馬竈齊大夫

曰又喪子

雅矣晏子曰惜也子旗不免殆哉

以其姜不臣

族弱矣而嬀將始昌

嬀陳氏

二惠競爽猶可

子雅子尾皆齊惠公之孫也競彊也與明也

又弱一个焉姜其危哉

春秋正義卷第二十六

春秋正義卷第二十七

昭公

昭公

國子祭酒上護軍曲阜縣開國子孔穎達等奉

勅撰

經四年春王正月大雨雹

當雪而雹故以爲災而書之

夏

楚子蔡侯陳侯鄭伯許男徐子滕子頓子

胡子沈子小邾子宋世子佐淮夷會于申

楚靈王始

疏

楚子至于申正義曰釋例班序譜稱齊桓既沒宋楚爭盟起僖十八年盡二十七年

陳與蔡凡三會在蔡上楚合諸侯蔡與陳凡六會其五在陳上莊十六年注云陳國小每盟會皆在衛下齊桓始霸

楚亦始彊陳侯介於二大國之間而為三恪之客故齊桓
因而進之遂班在衛上終於春秋然則陳實小於蔡衛桓
公進陳班耳楚以大小為序
不進陳班故蔡多在陳上

楚人執徐子

稱人以執以不道於

其民 告 秋七月楚子蔡侯陳侯許男頓子胡

子沈子淮夷伐吳

因申會以伐吳不言諸侯者鄭徐滕小邾宋不在故也胡國汝

陰縣西北有胡城



注因申至胡城正義曰傳稱楚子以諸侯伐吳則因會而遂行春秋一事而再見

者皆前目而後凡計此當云諸侯遂伐吳不言諸侯者以屬晉之國鄭徐滕小邾宋皆不在行不得總言諸侯故別序之也傳稱宋華費遂鄭大夫從則宋鄭在行亦不

斥者楚既慰遣彼自義從楚人成已意遣不以告也 執

齊慶封殺之

楚子欲行霸為齊計慶封欲殺之

遂滅賴九月

鄆

鄆莒邑傳例曰克邑不用師徒曰取

冬十有二月乙卯叔孫

豹卒

傳四年春王正月許男如楚楚子止之

欲與

俱

遂止鄭伯復田江南許男與焉

前年楚子已與鄭伯

田江南故言復

使椒舉如晉求諸侯二君待之

二君椒

舉致命曰寡君使舉曰日君有惠賜盟于

宋

宋盟在襄二十七年

曰晉楚之從交相見也以歲之不

易

不易言有難

寡人願結驩於二三君

欲得諸侯誅事補闕

使

舉請聞君若苟無四方之虞

虞度也

則願假

寵以請於諸侯

欲借君之威寵以致諸侯

晉侯欲勿許司

馬侯曰不可楚王方侈天或者欲逞其心

以厚其毒而降之罰未可知也其使能終

亦未可知也晉楚唯天所相

相助也

不可與

爭君其許之而脩德以待其歸若歸於德

吾猶將事之況諸侯乎若適淫虐楚將弃

之

弃不以爲君

吾又誰與爭公曰晉有三不殆其

何敵之有

殆危也

國險而多馬齊楚多難

多難

殺之難

有是三者何鄉而不濟對曰恃險與

馬而虞鄰國之難是三殆也四嶽

東嶽岱西嶽華南嶽衡北嶽恒

衡北嶽恒

三塗

在河南陸渾縣南

陽城

在陽城縣東

大室

在河南陽城縣西南

荆山

在新城示鄉縣南

中南

在始平武功縣南

九州之險也是

不一姓

雖是天下至險無德則滅亡

冀之北土

燕代

馬之所生

無與國焉恃險與馬不可以爲固也從古

以然是以先王務脩德音以享神人

亨通也

不聞其務險與馬也鄰國之難不可虞也

或多難以固其國啓其疆土或無難以喪

其國失其守宇

於國則四垂爲宇

若何虞難齊有

仲孫之難而獲桓公至今賴之

仲孫公孫無知事在莊九年

晉有里平之難而獲文公是以爲盟主

里克

平鄭事在僖九年

衛邢無難敵亦喪之

閔二年狄滅衛僖二十五年衛滅邢

故人之難不可虞也恃此三者而不脩政

德亡於不暇又何能濟君其許之紂作淫

虐文王惠和殷是以隕周是以興夫豈爭

諸侯乃許楚使使叔向對曰寡君有社稷

之事是以不獲春秋時見言不得自往謙辭諸侯君

實有之何辱命焉椒舉遂請昏蓋楚子遣舉時兼使求昏

晉侯許之楚子問於子產曰晉其許我諸

侯乎對曰許君晉君少安不在諸侯安於小不能

遠其大夫多求也貪莫斥其君在宋之盟又

曰如一晉楚同也若不許君將焉用之焉用宋盟王

曰諸侯其來乎對曰必來從宋之盟承君

之歡不畏大國

大國晉也

何故不來不來者其

魯衛曹邾乎曹畏宋邾畏魯魯衛偏於齊

而親於晉唯是不來其餘君之所及也誰

敢不至

言楚威力所能及

王曰然則吾所求者無不

可乎對曰求逞於人不可

逞快也求人以求快意人必違之

與

人同欲盡濟

為下會申傳

疏

四嶽正義曰釋山云河南華河東岱河北恒江南

衡李巡曰華西嶽華山也岱東嶽泰山也恒北嶽恒山也衡南嶽衡山也釋例土地名云東嶽泰山奉高縣泰山也

南嶽長沙湘南縣衡山也西嶽弘農華陰縣西南華山也北嶽中山曲陽縣西北恒山也郭璞注恒山名常山辟漢文帝諱耳爾雅於釋山發首言此四山明其即是四嶽故注者皆以嶽解之且諸書史傳識緯皆以岱衡華恒爲四嶽四嶽必是此四山也釋山又云泰山爲東嶽華山爲西嶽霍山爲南嶽恒山爲北嶽岱泰衡霍二丈不同者此二嶽者皆一山而二名也白虎通云嶽者何嶽之爲言桶也桶功德也應劭風俗通云嶽桶也桶考功德黜陟也然則四方方有一山天子巡狩至其下桶考諸侯功德而黜陟之故謂之嶽也風俗通又云泰山山之尊者一曰岱宗岱始也宗長也萬物之始陰陽交代故爲五嶽長王者受命恒封禪之衡山一名霍山言萬物霍然大也華變也萬物成變由於西方也恒常也萬物伏北方有常也是解衡之與霍泰之與岱皆一山有二名也張揖云天柱謂之霍山漢書地理志云天柱在廬江瀟縣風俗通亦云霍山廟在廬江瀟縣如彼

所云則霍山在江北而得與江南衡山爲一者本江南衡山一名霍山漢武帝移數神於天柱又名天柱爲霍山故漢魏以來衡霍別耳郭璞注爾雅云霍山今廬江濡縣濡水出焉別名天柱山漢武帝以衡山遼曠故移其神於此今其土俗人皆呼之爲南嶽嶽本自以兩山爲名非從近來也而學者多以霍山不得爲南嶽又云從漢武帝來始有名即如此言爲武帝在爾雅之前乎斯不然也是解衡霍二名之由也書傳多云五嶽此傳云四嶽者中嶽嵩高即大室是也下別言之故此云四嶽 三塗正義曰服虔云三塗大行轅轅嶠也謂三塗爲三處道也杜云在河南陸渾縣南則以三塗爲一釋例土地名云三塗河南陸渾縣南山名或曰三塗伊闕大谷轅轅三道也傳曰晉將伐陸渾而先有事於洛與三塗先祭山川也謂三道皆非也是杜據彼十七年傳文知三塗是山非三道也 陽城 正義曰陽城山名也土地名云河南陽城縣東北山消水所出也 大室 正義曰大室即嵩高也

得山云嵩高爲中嶽郭璞云大室山也別名外方今在河南陽城縣西北上地名云大室河南陽城縣西嵩高山中嶽也地理志云武帝置嵩高縣以奉大室之山是爲中嶽又有少室在大室之西也注亨通也正義曰易文言云亨者嘉之會也易禮通謂之亨是亨爲通也言治民事神使人神通說故云以亨神人也注於國至爲宇正義曰易稱上棟下宇宇謂屋簷也於屋則簷邊爲宇也於國則四垂爲宇也四垂謂四竟邊垂莫斥其君正義曰釋言云斥正也孝經云君子之事上也將順其美斥救其惡其餘至不至正義曰言其餘諸侯君之威力所能及誰敢不來至楚者也大雨雹季武子問於申豐曰雹

可禦乎

禦止也申豐魯大夫

對曰聖人在上無雹雖有

不爲災古者日在北陸而藏冰

陸道也謂夏十二月日在

危冰

西陸朝覲而出之

謂夏三月日在昴平

而藏之

其藏冰也深山窮谷固陰沍寒於

是乎取之

沍閉也必取積陰之冰所以道達其氣使不為災

其出之也

朝之祿位賓食喪祭於是乎用之

言不獨其

藏之也黑牡秬黍以享司寒

黑牡黑牲也秬黑黍也司寒玄

冥北方之神故物皆用黑有事於冰故祭其神

其出之也桃弧棘矢以

除其災

桃弓棘箭所以禳除凶邪將御至尊故

其出入也時食肉

之祿冰皆與焉

食肉之祿謂在朝廷治其職事就官食者

大夫命婦

喪浴用冰

命婦大夫妻

祭寒而藏之

享司

獻羔

而啓之

謂二月春分獻羔祭非始開冰室

公始用之

公先用便尊

火

出而畢賦

火星昏見東方謂三月四月中

自命夫命婦至於

老疾無不受冰

老致仕在家者

山人取之縣人傳

之

山人虞官縣人遂屬

輿人納之隸人藏之

與隸皆賤官

夫

冰以風壯

冰因風寒而堅

而以風出

順春風而散用

其藏之

也周

周密

其用之也徧

及老疾

則冬無愆陽

愆過也謂冬溫

夏無伏陰

伏陰謂夏寒

春無淒風

淒寒也

秋

無苦雨

霖雨爲人所患苦

雷出不震

震霆也

無蓄霜

雹癘疾不降

癘惡氣也

民不夭札

短折爲夭大死爲札

今藏

川池之冰弃而不用

既不藏深山窮谷之冰又火出不畢賦有餘則弃之

風

不越而殺雷不發而震

越散也言陰陽失序雷風爲害

雹之

爲蓄誰能禦之七月之卒章藏冰之道也

七月詩豳風卒章曰二之日鑿冰沖沖謂十二月鑿而取之三之日納於凌陰凌陰冰室也四之日其蚤獻羔祭韭

謂二月春分蚤開冰室以薦宗廟

疏

聖人至爲災正義曰無雹謂無害物之雹雖有依時小雹不與物

爲災也劉炫云既云無雹復云雖有不爲災者言有相形之勢也聖人在上無雹言必無雖有不爲災覆見無雹之

意猶論語祭肉不出三日山三日不食之矣注陸道至歲之
正義曰釋天云北陸虛也西陸昴也孫炎云陸中也北方之宿
虛爲中也西方之宿昴爲中也彼以陸爲中杜以西陸朝觀
者陸之爲中爲道皆無正訓各以意言耳杜以西陸朝觀
謂奎星朝見昴爲西方中宿則昴未得見宿是日行之道
爾雅高平曰陸高平是道路之處故以陸爲道也日在北
陸謂夏之十二月也十二月日在玄枵之次小寒節大寒
中漢書律歷志載劉歆三統歷云玄枵之初日在婺女八
度爲小寒節在危初度爲大寒中終於危十五度是夏之
十二月日在虛危也於是之時寒極冰厚故取而藏之也
周禮凌人正歲十有二月令斬冰詩云一之日鑿冰冲
中月令季冬冰盛水沍命取冰鄭玄云冰厚也以此知日
在北陸謂夏之十二月也西陸朝觀而出之正義曰
觀見也西道之宿有早朝見者於是而出之謂奎星晨見
而出冰也注謂夏至東方正義曰杜以西陸爲三月
日在大梁之次清明節穀雨中三統歷云大梁之初日在

胃七度爲清明節在昴八度爲穀雨中終於畢十一度是
夏之三月日在昴畢於是之時蟄蟲已出有溫暑臭穢宜
當用水故以是時出之也歷法星去日半次則得朝見三
統歷春分日在婁四度宿分奎有十六度乃次婁則春分
之日奎之初度去日已二十度矣故春分之中得早朝見
東方也西方凡有七宿傳言西陸朝覲於傳之文未知何
宿覲也服虔以爲二月日在婁四度春分之中奎始晨見
東方以是時出冰月令仲春天子乃獻羔啓冰是也服虔
又以此言出之即是仲春啓冰故爲此說案下句再言其
藏其出覆此藏出之文言其出之也朝之祿位賓食喪祭
於是乎用之即是班冰之事非初啓也安得以出之爲啓
冰也如鄭玄答其弟子孫皓問云西陸朝覲謂四月立夏
之時周禮夏班冰是也與杜說異理亦通也劉炫云春分
奎星已見杜以夏三月仍云奎始朝見非其義也杜鄭及
服三說鄭爲近之今知非者杜以西陸朝覲實是春分二
月故杜此注云春分之中奎星朝見東方及下獻羔

注云謂二月春分獻羔祭韭是也皆據初出其冰公始用之時也所以杜又注云謂夏之三月日在昴畢蟄蟲出而用冰者以此傳云西陸朝觀而出之下傳覆之云其出之也朝之祿位賓食喪祭於是乎用之既云朝之祿位賓食喪祭則是普賜羣臣故杜云謂夏三月又下注云言不獨其公是據曾璠之時也故下傳又云火出而畢賦是也然冰之初出在西陸始朝觀之時冰之普出在西陸朝觀之後揔而言之亦得稱西陸朝觀而出之也劉焯不細觀杜意以爲杜既言春分朝見又言謂夏三月以規杜失非也其藏至取之正義曰此傳再言其藏其出者上言取之用之之處下言藏之出之之禮也山則遠而難窮故言深山也谷則近而易盡故言窮谷也固牢也返閉也牢陰閉寒言其不得見日寒甚之處於是乎取之注返閉至爲災正義曰周禮鼈人掌互物鄭司農云互物謂龜鼈有甲滿胡是返爲閉也深山窮谷之冰至夏猶未釋陽氣起於下隔於冰伏積而不能出憤發或散而爲雹藏冰必取

此山谷之內積陰之水所以道達其氣使不爲災也藏冰
凌室所藏不多積陰之水不可取盡不取川池之水以示
道達陽氣耳未必陽氣皆待此而達其出至用之正
義曰此謂公家用之也朝廷之臣食祿在位大夫以上皆
當賜之冰也其公家有賓客享食公家有喪有祭於是乎
用之言其不獨共公身所用也周禮渡人云春始治鑑凡
內外饗之膳羞鑑焉凡酒漿之酒醴亦如之祭祀共冰鑑
賓客共冰大喪共夷槃冰是公家所用冰也注黑牡至
其神正義曰此祭玄冥之神非大神且非正祭計應不
用大牲杜言黑牡黑牲當是黑牡羊也秬黑黍釋草文也
啓冰唯獻羔祭韭藏冰則祭用牲黍者啓唯告而已藏則
設享祭之禮祭禮大而告禮小故也月令於冬云其神玄
冥故知司寒是玄冥也北方之神故物皆用黑從其方色
也有事於冰故祭其寒神注桃弓至尊故正義曰說
文云弧木弓也謂空用木無骨飾也服虔云桃所以逃凶
也棘矢者棘亦有箴取其名也蓋出水之時置此弓矢於

凌室之戶所以穰除凶邪將御至尊故慎其事爲此禮也
此傳言其出之也雖覆上文出之之文其實此出之謂二
月初出之時公將用之故設弓矢也劉炫云此言出之覆
上西陸朝覲知是火出時事二月已啓此方用弓矢者二
月啓冰始薦宗廟此公將用之故設弓矢也 注食肉至
食者 正義曰在官治事官皆給食大夫以上食乃有肉
故魯人謂曹劌曰肉食者謀之又說子稚子尾之食云公
膳日羹雞是大夫得食肉也傳言食肉之祿祿即此肉是
也若依禮常所合食案玉藻云天子日食少牢諸侯日食
特牲大夫特豕士特豚則士亦肉食但彼是在家之禮非
公朝常食也杜言謂在朝廷治其職事就官食者以明在
官之食有冰耳下云自命夫命婦無不受冰謂賜之冰受
以歸在家用之也 大夫至用冰 正義曰喪服傳曰大
夫弔於命婦錫衰命婦弔於大夫亦錫衰此傳與彼命
婦之文皆與大夫相對故杜知是大夫妻也喪大記云
君設大盤造冰焉大夫設夷盤造冰焉士併瓦盤無冰

鄭玄云禮自仲春之後尸既襲既小斂先內冰盤中乃設
牀於其上不施席而遷尸焉秋涼而止士喪禮君賜冰亦
用夷盤是當喪之時特賜之冰浴訖乃設也云喪浴用冰
祭寒至啓之正義曰上已云其藏冰也黑牡秬黍以享
司寒今復云祭寒而藏之與上一事而重其文者欲明獻
羔而啓之還是獻之於寒神故更使藏之啓之丈相對也
注謂二至冰室正義曰詩云四之日其蚤獻羔祭韭四
之日即夏之二月也告神而始開冰室始薦宗廟薦神之
後公遂用之俱在春分之月注火星至月中正義曰
十七年傳云火出於夏爲三月於商爲四月於周爲五月
此云火出而畢賦謂以火出而後賦之以火出爲始也周
禮云夏頒冰謂正歲之夏即四月是也故杜預言四月
注山人至遂劉正義曰周禮山虞掌山林之政今知山人
虞官也周禮五縣爲遂是縣爲遂之屬也注霖雨爲人所
患苦正義曰詩云以祈甘雨此云苦雨雨水一也味無甘苦
之異養物爲甘害物爲苦耳月令云孟夏行秋令則苦雨數

來五穀不滋是霖雨爲人所患謂之苦也鄭玄云申之氣
乘之苦雨白露之類時物得而傷也 注震霆也 正義
曰說文云震霹靂震物者釋天云疾雷爲霆霓郭璞云雷
之急激者謂霹靂則霆是震之別名雷出不震言有雷而
不爲霹靂也下云雷不發而震言無雷而有霹靂也 無
苗至不降 正義曰霜雹即是苗言無此苗害之霜雹也
寒暑失時則民多癘疾癘疾天氣爲之故云降也 注短
折至爲札 正義曰洪範六極一曰凶短折孔安國曰短
未六十折未三十是短折爲少夭之名也周禮膳夫大札
則不舉鄭玄云大札疫癘也謂遭疫癘而大死也癘疾謂
民病夭札謂人死故云大死爲札 風不至而震 正義
曰風不以理舒散而暴疾殺物雷不徐緩動發而震擊爲
害 注七月至宗廟 正義曰凌人十二月令斬冰月令
十二月令取冰當是即以其月納於凌室也詩言三之日
納于凌陰即是正月矣不以鑿冰之月即納之者鄭玄云
幽土晚寒故可以正月納冰言由晚寒故也上言將欲頒

賦公始用之知蚤開冰室唯薦宗廟何休膏肓難此云春
秋書電以爲政之所致非由冰也若今朝廷藏冰亦不於
深山窮谷何故或無電天下郡縣皆不藏冰何故或不電
若言有之於古者必有驗於今此其不合於義失天下相
與之意鄭立歲之曰雨電政失之所致是固然也國之失
政君子知其大者其次知其小者藏冰之禮凌人掌之月
令載之幽詩歌之此獨非政與故其小者耳夫深山窮谷
因陰沍寒極陰之處冰凍所聚不取其冰則氣畜不泄結
滯而爲伏陰凡雨水陽也雪電陰也雨水而伏陰薄之則
凝而爲雹雨雪而愆陽薄之則合而爲霰申豐見時失藏
冰之禮而有雹推之陰陽知此伏陰所致亦聖人之寓言
也詳載其言者以著藏冰之禮不可廢耳竝謂鄭言是也
申豐寄言於此以諫失

夏諸侯如楚魚衛曹邾不
政其電不是盡由冰也

會曹邾辭以難公辭以時祭衛侯辭以疾

知子鄭伯先待于申

自楚先至會地

六月丙午楚子

合諸侯于申椒舉言於楚子曰臣聞諸侯

無歸禮以為歸今君始得諸侯其慎禮矣

霸之濟否在此會也夏啓有鈞臺之享

啓禹

子也河南陽翟縣南有鈞臺故蓋啓立諸侯於此

商湯有景亳之命

河南鞏縣

西南有湯亭或言亳即偃師

周武有孟津之誓

將伐紂也

成有

傾陽之蒐

周成王歸自奄大蒐於岐山之陽岐山在扶風美陽縣西北

康有鄧

官之朝

鄧在始平鄠縣東有靈臺康王於是朝諸侯

穆有塗山之會

同穆王會諸侯於塗山塗山在壽春東北

齊桓有召陵之師

在僖四年

晉

文有踐土之盟

在僖二十八年

君其何用宋向戌

鄭公孫僑在諸侯之良也君其選焉

選擇所用

王曰吾用齊桓

用會召陵之禮

王使問禮於左師

與子產左師曰小國習之大國用之敢不

薦聞

言所聞謙示所未行

獻公合諸侯之禮六

其禮六儀也宋爵公

故獻公禮

子產曰小國共職敢不薦守獻伯子

男會公之禮六

鄭伯爵故獻伯子男會公之禮其禮同所從言之異

君子謂

合左師善守先代子產善相小國王使椒

舉侍於後以規過

規正二子之過

卒事不規王問

其故對曰禮吾所未見者有六焉又何以

規

左師子產所獻六禮楚皆未嘗行

宋太子佐後至王田於

武城久而弗見椒舉請辭焉

請王辭謝之

王使

往曰屬有宗祧之事於武城

言為宗廟田獵

寡君

將墮幣焉敢謝後見

恨其後至故言將因諸侯會布幣乃相見經并書宋

太子佐知此言在會前

徐子吳出也以爲貳焉故執諸

申言楚子以疑罪執諸侯楚子示諸侯侈自奢椒舉曰

夫六王二公之事六王啓湯武成康穆也二公齊桓晉文皆所

以示諸侯禮也諸侯所由用命也夏桀爲

仍之會有緡叛之仍緡皆國名商紂爲黎之蒐

東夷叛之黎東夷國名周幽爲大室之盟戎狄

叛之大室中嶽皆所以示諸侯汰也諸侯所由

弃命也今君以汰無乃不濟乎王弗聽子

產見左師曰吾不患楚矣汰而愎諫愎很也

不過十年左師曰然不十年侈其惡不遠

遠惡而後弃惡及遠方善亦如之德遠而後

興為十三年楚秋七月楚子以諸侯伐吳宋大

子鄭伯先歸經所以更叙諸侯也時晉之屬國皆歸

時見故宋華費遂鄭大夫從從伐吳以使屈申

圍朱方朱方吳邑齊慶封所八月甲申克之執

齊慶封而盡滅其族慶封以襄二十八年奔將

戮慶封椒舉曰臣聞無瑕者可以戮人慶

封唯逆命是以此逆命謂性不恭順其肯從於戮

乎言不肯默而從戮播於諸侯焉用之播揚也王弗聽負

之斧鉞以徇於諸侯使言曰無或如齊慶

封弑其君弱其孤以盟其大夫齊崔杼弑君慶封其黨也

故以弑君罪責之慶封曰無或如楚共王之庶子圉

弑其君兄之子麋而代之以盟諸侯王使

速殺之遂以諸侯滅賴賴子面縛銜璧士

祖輿櫬從之造於中軍中軍王所將王問諸椒舉

對曰成王克許

在僖六年

許僖公如是王親釋

其縛受其璧焚其櫬王從之

從舉言

遷賴於

鄢

鄢楚邑

楚子欲遷許於賴使鬬韋龜與公

子奔疾城之而還

為許城也韋龜子文之玄孫

申無宇曰

楚禍之首將在此矣召諸侯而來伐國而

克城竟莫校

謂築城於外竟諸侯無與爭

王心不違民其居

乎

言將有事不得安也

民之不處其誰堪之不堪王命

乃禍亂也

疏

邪不會正義曰宋之盟邪滕為私屬不許交相見而楚召邪滕使從會者邪

滕自欲辟役不在宋盟又晉合諸侯常列於會襄二十九年城杞三十年會于澶淵邾滕皆在楚知其事故使召之此申之會滕至而邾不至 夏啓至之會 正義曰此六王之事唯周武王孟津之誓尚書有其事武王伐殷作泰誓三篇是也其餘五者皆書傳無文不能知其本末 注周成至西北 正義曰書序云成王歸自奄在宗周誥庶邦作多方其經云告爾四國多方則於時諸侯大集故謂岐陽之蒐在此時也 吾用齊桓 正義曰用會召陵之禮山自王意也服虔云召陵之役齊相退舍以禮楚靈王今感其意是以用之 注其禮六儀 正義曰以言禮六故言其禮六儀當是會上有此六儀不知六者何謂也 注鄭伯至之異 正義曰杜知其禮同所從言之異者以左師獻公合諸侯之禮六子產獻伯子男會公之禮六若其各異凡十二禮下椒舉云禮吾所未見者六焉故知其禮同也於公言之云合諸侯之禮於伯子男言之云會公之禮是所從言之異 武城 正義曰土地名楚之武城

在南陽宛縣北也魯之武城在泰山南武城縣也有濬臺
子羽冢 將墮幣焉 正義曰杜預云將因諸侯會布幣
乃相見不解墮之義案隱六年公羊傳鄭人來輸平輸平者
何輸平猶墮成也然則墮是輸之義也朝聘之禮客必致幣
於主據主則爲受據客則爲輸襄三十一年傳子產論幣
云其輸之則君之府實也非薦陳之不敢輸也是謂布幣
爲輸幣也言將待輸幣之時乃相見見既在後故遺我永
敢謝後見也服虔云墮輸也言將輸受宋之幣於宗廟案
禮之享幣皆令宰受不以薦宗廟雖訓爲輸義不當也
八月甲申 正義曰長歷推此年七月己未朔二十六日
得甲申八月己丑朔其月無甲申而傳上有七月下有九
月月不容誤故知日誤 弱其孤 正義曰崔杼弑莊公
立其弟景公孤謂景公也以其幼小輕弱之 以盟諸侯
正義曰靈王即位以來經傳不見與諸侯盟事蓋楚子自
與屬楚諸侯私盟不 告魯而慶封知之 九月取郕言易也苦亂者

丘公立而不撫鄆鄆叛而來故曰取凡克

邑不用師徒曰取

著丘公去疾也不書奔者潰散而來將帥微也重發例者以通

叛而自來鄭子產作丘賦

丘十六井當出馬一匹牛三頭今子產別賦其田如魯之田賦

田賦在哀十一年

國人謗之

謗毀也

曰其父死於路

謂子國爲

尉氏所殺

己爲蠆尾

謂子產重賦毒害百姓

以令於國國將

若之何子寬以告

子寬鄭大夫

子產曰何害苟

利社稷死生以之

以用也

且吾聞爲善者不改

其度故能有濟也民不可逞度不可改

度法

也詩曰禮義不愆何恤於人言

逸詩也子產自以為權制

濟國於禮義無愆

吾不遷矣

遷移也

渾罕曰國氏其先

亡乎

渾罕子寬

君子作法於涼其敝猶貪

涼薄也

作法於貪敝將若之何

言不可久行

姬在列者

在列國也

蔡及曹滕其先亡乎偪而無禮

蔡偪楚曹

滕偪宋

鄭先衛亡偪而無法

偪晉楚

政不率法

而制於心民各有心何上之有

子產權時救急渾罕譏之

正道

䟽

注丘十至一年牛三頭司馬法之文也

正義曰丘十六井當出馬一匹服虔以為子產作丘賦者

賦此一丘之田使之出一馬三牛復古法耳丘賦之法不行久矣今子產復脩古法民以爲貪故謗之案春秋之世兵革數興鄭在晉楚之間尤當其劇止當重於古不應廢古法也若往前不脩此法豈得全無賦乎故杜以爲今子產於牛馬之外別賦其田如魯之田賦田賦在哀十一年彼注云丘賦之法因其田財通出馬一匹牛三頭今欲別其田及家財各爲一賦故言田賦然則此與彼同賦斂家資使出牛馬又別賦其田使之出粟若今輸租更出馬一匹牛三頭是一丘出兩丘之稅案周禮有夫征家征夫征謂出稅家征謂出車徒給僦役此牛馬之篇則周禮之家征也其夫征十一而稅是與家征別 姬在至衛亡 正義曰渾罕意譏子產將言鄭之先亡故遂博言諸國亡之先後杜據世本史記作世族譜說諸國滅亡之年此下十一年楚滅蔡十三年蔡復封春秋後二世十八年而楚滅蔡也哀八年宋滅曹也滕以春秋後六世而齊滅之鄭在春秋後五世九十一年而韓滅鄭衛在春秋後十一世二百五

十八年而秦滅衛也據蔡之
前云則渾罕之言終亦驗矣冬吳伐楚入棘櫟麻

棘櫟麻皆楚東鄙邑譙國鄆縣東北
有棘亭汝陰新蔡縣東北有櫟亭以報朱方之役

朱方役在
此年秋楚沈尹射奔命於夏汭夏汭漢水曲入江今夏口

也吳兵在東北楚盛
兵在東南以絕其後歲尹宜咎城鍾離宜咎本陳大夫襄二

十四年
奔楚遠啓疆城巢然丹城州來然丹鄭穆公孫襄十

九年
奔楚東國水不可以城彭生罷賴之師彭生

楚大夫罷闕韋
龜城賴之師疏注棘櫟至櫟亭正義曰吳來伐楚入此三邑知此三邑皆楚之東鄙故

疑新蔡縣東北有櫟亭者是此櫟也
鄭有櫟邑者則河南陽翟縣是也初穆子去叔孫

氏及庚宗

成十六年辟僑如之
難奔齊庚宗魯地

遇婦人使私為

食而宿焉問其行告之故哭而送之

婦人聞而

哭之適齊娶於國氏

國氏齊正卿姜姓

生孟丙仲壬夢

天壓己弗勝

穆子夢也

顧而見人黑而上僂

上僂肩偃

深目而緞喙

口象緒

號之曰牛助余乃勝之

旦而皆召其徒無之

徒從者

且曰志之

志識也

及

宣伯奔齊饋之

宣伯僑如穆子之兄成十六年奔齊穆子饋宣伯

宣伯曰

魯以先子之故

先子宣伯先人

將存吾宗必召女召

女何如對曰願之久矣

言兄始為亂已則有今日之願蓋念言

魯

人召之不告而歸既立

在齊生孟丙仲壬魯召之立為卿襄二年始見

經所宿庚宗之婦人獻以雉

獻穆子

問其姓

問有

子對曰余子長矣能奉雉而從我矣

襄二年

牛五

召而見之則所夢也未問其名號之

曰牛曰唯皆召其徒使視之遂使為賢

賢小

臣也傳言從夢未必吉

有寵長使為政

為家

公孫明知

叔孫於齊

公孫明齊大夫子明也與叔孫相親知

歸未逆國姜

子明取之

國姜孟仲母

故怒其子長而後使逆

之

子孟丙仲壬

田於丘猶

丘猶地名

遂遇疾焉賢牛

欲亂其室而有之強與孟盟不可

欲使從己孟不肯

叔孫爲孟鐘曰爾未際

際接也孟未與諸大夫相接見

饗大

夫以落之

以豕豬血釁鐘曰落

既具

饗禮具

使賢牛請日

請饗日

入弗謁

謁白也

出命之日

詐命日

及賓至聞

鐘聲牛曰孟有北婦人之客

北婦人國姜也客謂公孫明

怒

將往牛止之賓出使拘而殺諸外

殺孟丙

牛又

強與仲盟不可仲與公御萊書觀於公

公御士名仲與之私遊觀於公宮公與之環賜玉使牛入示之

示叔入不示出命佩之牛謂叔孫見仲而

何而何叔孫曰何為怪牛曰不見既自見

矣言仲已自往見公公與之環而佩之矣遂逐之奔

齊疾急命召仲牛許而不召杜洩見告之

飢渴授之戈杜洩叔孫氏宰也牛不食叔孫亟孫怒欲使杜洩殺之對曰求

之而至又何去焉言求食可得無為去賢牛蓋賢杜洩力不能去設辭以免賢

牛曰夫子疾病不欲見人使寘饋于个而

退

寘置也个
果西廂

牛弗進則置虛命徹

寫器令空
示若叔孫

已食命
去之

十二月癸丑叔孫不食乙卯卒

三日
絕糧

牛立昭子而相之

昭子豹之庶
子叔孫姑也

公使杜洩葬

叔孫賢牛賂叔仲昭子與南遺

昭子叔仲帶
也南遺季氏

家使惡杜洩於季孫而去之

憎洩不與
已同志

杜洩

將以路葬且盡卿禮

路王所賜
叔孫車

南遺謂季

孫曰叔孫未乘路葬焉用之且冢鄉無路

介卿以葬不亦左乎

冢卿謂季孫介次也左不便

季孫曰

然使杜洩舍路

舍置也

不可曰夫子受命於朝

而聘於王

在襄二十四年夫子謂叔孫

王思舊勲而賜之路

感其有禮以念其先人

復命而致之君

豹不敢自乘

君不敢逆

王命而復賜之使三官書之吾子爲司徒

實書名

謂季孫也書名定位號

夫子爲司馬與工正書

服

謂叔孫也服車服之器工正所書

孟孫爲司空以書勲

勲功也

卒死而弗以是弃君命也書在公府而弗

以是廢三官也若命服生弗敢服死又不

以將焉用之乃使以葬季孫謀去中軍賢

牛曰夫子固欲去之

誣叔孫以媚季孫

疏

注襄二至六歲正

義曰穆子還魯傳無歸歲襄二年始見於經疑是其年新還也成十六年傳云子叔聲伯使叔孫豹請逆于晉師於時豹猶在魯疑其因使而遂奔齊蓋自鄭過魯而去故得宿於庚宗成十六年出奔襄二年始還凡經五年故賢牛五六歲能奉雉也計賢牛至襄二年四歲也杜言五六歲者賢牛見穆子未必即以還年見之曰唯正義曰曲禮云父召無諾先生召無諾唯而起鄭玄云應辭唯恭於辭故怒至逆之正義曰怒者怒其妻也忿其母遂及其子其子在齊成是而後逆之歸魯非謂逆其妻也強與孟盟正義曰孟雖適妻之子叔孫未立為嗣賢牛欲

亂其室望己有之未應即欲爲適使主事已強與盟者欲其與己同心使己得專恣耳

注際接至接見

正義曰

釋詁云際接捷也郭璞曰捷謂相接續也大夫將立適子

齊須接見同寮季武子立紇飲大夫酒是其事也孟丙未

與大夫交接故爲之作鐘因落鐘令與相見

注以報至

日落

正義曰說文云釁血祭也雜記釁廟之禮云瘞人

舉羊升屋自中中屋南面割羊血流于前是釁祭之法以

血流落之知落之即是釁也雜記又曰凡宗廟之器其名

者成則釁之以報豚是知以報豬之血也記稱宗廟之器

成乃釁以報豚此叔孫爲孟作鐘非是宗廟之器亦釁之

者周禮小子職曰釁邦器及軍器鄭玄云邦器謂禮樂之

器及祭器之屬此鐘是禮樂之器故釁也使腎牛

正

義曰孟不自請使腎牛者內則云由命士以上父子皆異

宮鄭玄云異宮者崇敬也以其異官故使腎牛

牛謂至

見矣

正義曰而如同是語辭故注云而何如何牛謂叔

孫曰以仲見君何問何故以仲見君也叔孫怪其語故曰

何爲牛曰不將仲見君乎若不將見則既自見君矣言不待父命所以怒叔孫也大夫立子爲適必自見之於君宣十四年中舟見犀而行定六年樂祁見溷而行是其事也或曰腎牛謂叔孫曰今將仲見君其事如何叔孫以己見病故怪之曰何爲以下同 注寘置至西廂 正義曰禮置器物於地皆謂之寘是寘爲置也月令天子居左个右个是个爲東西廂也 吾子至書黜 正義曰杜預是叔孫家臣故稱己君爲夫子工正是司馬之屬官也季孟亦有屬官共書其事但季孟身在不假言屬以叔孫已亡取屬官爲徵故兼言之所以司徒書名者周禮大司徒掌十二教十有一曰以賢制爵十有二曰以庸制祿故司徒書名定位號也司馬與工正書服者周禮夏官司馬其屬有司士掌羣臣之政亦以德詔爵以功詔祿工正雖不屬司馬掌作車服故與司馬書服也案周禮司勳屬夏官今司空書勳者春秋之時又是諸侯之法不可盡與禮同 注誣亦至季孫 正義曰季孫因叔孫之弱欲四分公室已

取其二故謀去中軍賢牛云夫子固欲去之是誣叔孫以媚季孫

經五年春王正月舍中軍

襄十一年始立中軍

楚殺其

大夫屈申

書名罪之

公如晉夏莒牟夷以牟婁

及防茲來奔

城陽平昌縣西南有防亭姑幕縣東北有茲亭

秋七月公

至自晉戊辰叔弓帥師敗莒師于蚡泉

蚡泉

魯地秦伯卒

無傳不書名未同盟

冬楚子蔡侯陳侯許

男頓子沈子徐人越人伐吳

傳五年春王正月舍中軍卑公室也

罷中軍季孫稱

左師孟氏稱右師叔孫氏則自以叔孫爲軍名 毀中軍于施氏成諸臧

氏 季孫不欲親其議勅二家會諸大夫發毀置之計又取其令名 初作中軍三分

公室而各有其一 三家各有一軍家屬 季氏盡征之 無所

入於 叔孫氏臣其子弟 以父兄 孟氏取其半

焉 復以子弟 及其舍之也四分公室季氏擇

二簡擇取 二子各一皆盡征之而貢于公 國人

盡屬三家三家 以書使杜洩告於殯 告叔孫 曰

子固欲毀中軍既毀之矣故告杜洩曰夫

子唯不欲毀也故盟諸僖闕詛諸五父之

衢皆在襄十一年受其書而投之投鄆地帥士而哭之

痛叔孫之見誣叔仲子謂季孫曰帶受命於子叔

孫曰葬鮮者自西門不以壽終為鮮西門非魯朝正門季孫

命杜洩命使從西門杜洩曰卿喪自朝魯禮也

從生存朝觀之正路吾子為國政未改禮而又遷之遷易

也也羣臣懼死不敢自也自從也既葬而行杜善

洩能辟禍仲至自齊聞喪而來季孫欲立之南遺曰

叔孫氏厚則季氏薄彼實家亂子勿與知

不亦可乎南遺使國人助腎牛以攻諸太

庫之庭

攻仲壬也魯城內有大庭氏之虛於其上作庫

司宮射之中目

而死腎牛取東鄙三十邑以與南遺

取叔孫氏

邑昭子即位朝其家衆曰腎牛禍叔孫

氏使亂大從

使從於亂

殺適立庶又披其邑將

以赦罪

披析也謂以邑與南遺昭子不知腎牛饑殺其父故但言其見罪

罪莫大焉

必速殺之腎牛懼奔齊孟仲之子殺諸塞

關之外

齊魯界上關

拔其首於寧風之棘

上寧風仲齊地

尼曰叔孫昭子之不勞不可能也

不以立已為功勞據

其所言善之時魯人不以餓死語昭子

周任有言曰為政者不賞

私勞不罰私怨詩云有覺德行四國順之

詩大雅覺直也言德行直則四方順從之

初穆子之生也莊叔以周

易筮之

莊叔穆子父得臣也

遇明夷

離下坤

上明夷

之謙

艮下坤上謙明

夷初九變為謙

以示

楚丘

楚丘卜人姓名

曰是將

行

行出

而歸為子祀

奉祭

以讒人入其名

曰牛卒以餒死明夷日也

離為日夷傷也日明傷

日之

數十

甲至

故有十時亦當十位自王已下

其二為公其三為卿

日中當王食時當公平旦為卿雞鳴為士夜半為卑人定

為輿黃昏為隸日入為僚哺時為僕日昃為臺隅中日出闕不在第尊王公曠其位

日上其中

日中盛明故以當王

食日為二

公位

旦日為三

卿位

明夷之

謙明而未融其當旦乎

融朗也離在坤下日在地中之象又變為謙

道卑退故曰明而未融日明未融故曰其當旦乎

故曰為子杞

莊叔卿也卜豹為卿故知

為子

日之謙當鳥故曰明夷于飛

離為日為鳥離變為謙日

光不足故當鳥鳥
飛行故曰于飛

明而未融故曰垂其翼

於日為未融於

鳥為垂翼

象日之動故曰君子于行

明夷初九得位有應君子

象也在明傷之世居謙下之位故將辟難而行

當三在旦故曰三日不

食

且位在三又非食時故曰二日不食

離火也艮山也離為火火

焚山山敗

離艮合體故

於人為言

艮為言

敗言為

讒

為離所焚故言敗

故曰有攸往主人有言言必

讒也

離變為艮故言有所往往而見燒故主人有言言而見敗故必讒言

純離為牛

易離上離下離畜牡牛吉故言純離為牛

世亂讒勝勝將遁離故曰

其名曰牛

離焚山則離勝辭世亂則護勝山焚則離
獨存故知名牛也豎牛非牝牛故不吉

謙不足飛不翔

謙道冲退故
飛不遠翔

垂不峻翼不廣

峻高也翼垂下
故不能廣遠

故曰其爲子後乎

不遠翔故
知不遠去

吾

子亞卿也抑少不終

且日正卿之位莊叔父子世
爲亞卿位不足以終盡其體

蓋引而
致之

疏

舍中軍卑公室也 正義曰襄十一年初作
三軍十二分其國民三家得七公得五國民

不盡屬公公室已是卑矣今舍中軍四分公室三家自取
其稅減已稅以貢於公國民不復屬於公公室彌益卑矣
是舍中軍者三家所以卑弱公室也作中軍卑公室之漸
舍中軍卑公室之極初作云作三軍今不云舍三軍者初
云作者舊有二軍今更增一軍人數不足故摠皆渾破各
毀其乘足成三軍故云作三軍此則唯舍中軍分中軍之

衆屬上下二軍其上下二軍依舊不動故唯云舍中軍也
劉炫云四分公室制法別耳還作三軍不得言舍三軍

注罷中至軍名正義曰魯之軍名傳無其號晉作三軍

爲上中下則魯之三軍亦當然也其廢中軍之後上下二

軍分爲四分哀十一年齊師伐魯傳稱孟孺子泄帥右師

冉求帥左師冉求季氏宰也又言叔孫武叔退而蒐乘更

無別稱知自以叔孫爲軍名也注取其令名正義曰

取其令名者季孫實欲自厚令諸大夫議論似若己之不

與取其令善廉潔之名也劉炫以爲施者舍也臧者善也

成諸臧氏取其令名也其二家謂叔孟非謂施臧二氏也

初作至卑焉正義曰將述其舍倒本其初初作中軍謂

襄十一年也三分公室而各有其一民皆分屬三家就中

減以與公令公自稅取也季氏盡征之不減入於公令盡

屬於己也叔孫氏臣其子弟明其更有父兄以一家之內

有此四品叔孫氏則以父兄之稅入公子弟之稅入己據

庫所屬之人悉皆如此若據計父兄之數不足以子弟添

父兄若子弟不足以父兄添子弟大率半屬於公半屬於己以父兄歸公者尊公室也孟氏則於子弟之中而取其半於一家之內或取其子或取其弟大率而言三分歸公一分入己也或以爲其軍分爲四分假以父兄子弟四分託之若以假託爲言何得云若子弟直云叔孫氏兩分歸公兩分入己孟氏三分歸公一分入己於文簡略其事易知何須以父兄子弟虛爲假託故知不然也魯之三卿季彊孟弱縱使如此差之季氏猶應以一分歸公言盡征之者季氏專恣也 及其至擇二 正義曰季氏因叔孫家禍退之使同於孟孫獨取其半爲專已甚又擇取善者是專之極故傳言擇二以見之 注不以至正門 正義曰叔孫餓死而帶言葬鮮知不得以壽終者名之爲鮮言年命鮮少也叔仲帶得以此言告季孫則季孫知賢牛餓殺叔孫矣而不討者季孫利其禍而已得專故舍之而不討也杜泄云卿喪自朝知西門非正門 注從生至正路 正義曰服虔云言卿葬三辭於朝從朝出正門卿佐國之損餘君

之股肱必過於朝重之也樂禮弓云君於大夫將葬弔於
宮及出命引之三步則止如是者三君退是君當就家
之無造君朝之禮且杜泚不欲從西門所競道路耳假令
自朝而去猶得更從西門不須言自朝也故杜以自朝爲
從生存朝覲之正路蓋以西門幽辟故欲從正路而出南
門 大庫之庭 正義曰十八年傳梓慎登大庭氏之庫
是魯城內有大庭氏之虛於其上作庫謂之大庭氏之庫
此言大庫明是彼也此言之庭庭是堂前地名仲壬在此
庫之庭前豎牛就攻之此庭非大庭也 使亂大從 正
義曰杜云使從於亂服虔云使亂大和順之道 注披析
至見罪 正義曰昭子若知豎牛餓殺其父則當顯加誅
戮不應直以殺適立庶爲大罪也若昭子知讎不殺則昭
子有大罪矣仲尼不宜善其不以立已爲功勞也是昭子
不知豎牛餓殺其父但言見罪仲尼又據其見言而善之
遇明夷之謙 正義曰離下坤上爲明夷離爲日坤爲地
象曰明入地中明夷夷者傷也日在地中光不外發則爲

明傷也艮下坤上為謙艮為山象曰地中有山謙以高下
下謙虛之義 楚丘至餒死 正義曰此先略言卦意有
此四事也是若是此子也將出奔而歸為國卿奉子叔孫
之祭祀也并以讒人入而其名曰牛然此子終以餓死也
牛在國生云以入者去時未有來而有之以讒人入其家
非從外國入既已略論此意乃復具釋爻辭爻辭云明夷
于飛垂其翼君子于行三日不食有攸往主人有言此三
辭之間無為祀之意但卦名明夷故先推卦名求為祀之
義也先行後歸始得為祀然後推演爻辭得其行去之象
又論不食讒言之事爻辭之內亦無名牛故別於離卦以
求牛名推演爻之三辭既訖乃復更推卦體以終為祀之
言故曰其為子後以摠結前言也 注日中至其位 正
義曰七年傳曰天有十日人有十等彼即歷言從王至臺
十等之目此傳既云十時十位位以王公卿為三日以中
食旦為三日上其中知從中而右旋配之也哺謂食也哺
時謂日西食時也日昞謂蹉跌而下也隅謂東南隅也

隅未中故爲隅中也若據時之先後則從旦至食乃至於中宜以左旋爲次今傳以配十位從中而右旋者以人之道高以下爲基貴以賤爲本欲從賤而漸至於貴也若從中左旋則位乃漸退非進長之義故右旋也

注融朗至旦乎

正義曰明而未融則融是大明故爲

朗也釋言云明朗也樊光云詩云高朗令終日月光明

是朗爲大明也據卦離下坤上日在地中之象又爻變

爲謙謙是卑退之意日未出而又平退故曰明而未融

日明未融故曰其當旦也若於易之明夷據日入之後

故明夷象云初登于天照四國也後入于地失則也此

傳明夷據日未出前者以日未出與日已入皆日在地

下其明不見故各取象爲義也注離爲至于飛正

義曰說卦離爲日爲雉雉爲鳥也離之一卦爲日爲鳥

日爲高明鳥爲微細今日之謙退不得高明下當微

細是日光不足故當鳥也注明夷至而行正義曰卦

有六位初三五奇數爲陽位也二四上耦數爲陰位也初

與四二與五三與上位相值爲相應陽之所求者陰陰之所求者陽陽陰相值爲有應陰還值陰陽還值陽爲無應明夷初九陽爻在奇是得位也所應在四四爲陰爻是有應也居得位而物應之是君子象也初九在明傷之世有大難也居謙下之位宜卑退也以此知將辟難而行也注旦位至不食正義曰位當三而時在旦是三日象也旦又未至食時非食時則無可食故曰三日不食也注艮爲言正義曰說卦云成言乎艮故艮爲言也注易離至爲牛正義曰純離者言上體下體皆是離也易離卦云畜牝牛吉故言純離爲牛明夷初九無此牛象但明夷初卦下體是離故轉於純離之卦求牛象謙不至後乎正義曰其爻辭唯云君子于行無遠之義故復推此爻於鳥爲飛不翔翼不大知其不能遠去行必當歸故曰其爲子復乎

楚子以屈申爲

貳於吳乃殺之

造生貳心

以屈生爲莫敖

建子屈

使與令尹子蕩如晉逆女過鄭鄭伯勞之

蕩于汜勞屈生于菟氏汜菟氏皆鄭地晉侯送女

于邢上子為才與任會晉侯于邢上楚強

諸侯畏鄭注傳言三其使三意曰得禮云若過鄭至

以入告出許錄之以其禮上賓大牢積惟芻禾如彼禮文

唯當錄之而已今鄭伯親勞是鄭畏楚也桓三年傳例云

凡公女嫁于敵國公子則下卿送之於天子則諸卿皆行

尚公不自送皆禮父母送女不下堂今晉侯親送女至鄭

丘是敬楚也此兼顧上公如晉即位而自郊勞至于

文故云諸侯畏敬其使贈賄往有郊勞無失禮揖讓之禮晉侯謂女叔齊

曰魯侯不亦善於禮乎對曰魯侯焉知禮

公曰何為自郊勞至于贈賄禮無違者何

故不知對曰是儀也不可謂禮禮所以守

其國行其政令無失其民者也今政令在

家在大不能取也有子家羈弗能用也莊

公立孫懿伯也奸大國之盟陵虐小國謂伐莒取鄆利人

之難謂往年莒亂而取郕不知其私不自知有私難公室四分民

食於他他謂三家也言魯君與民無異思莫在公不圖其終無為

公謀終始者 為國君難將及身不恤其所禮之本

末將於此乎在在恤民與憂國而屑屑焉習儀以亟

儀為急言善於禮不亦遠乎君子謂叔侯於

禮時晉侯亦失取禮本往有三贈賄禮我曰聘禮賓至千

郊君使卿朝服用束帛勞及聘事皆畢乃云賓遂行舍于郊公使卿贈如覲幣聘既如此朝亦當然其朝據大行人

上公三勞主國使下大夫勞于畿卿勞于遠郊主君自勞于近郊其去贈賄無文聘尚有賄明朝亦然但禮文不具

耳其文據公去言故云往有也贈據晉言故云去有也民食於他正義曰言公如民然求食於他也其時四分

公室民皆屬三家一家稅以貢公公仰他給食自無食也忘莫至其終正義曰羣臣思慮無在公者不為公圖謀

其終言其終必
禍敗無爲謀者

晉韓宣子如楚送女叔向爲介

鄭子皮子大叔勞諸索氏

河南城皋縣
東有大索城

大叔

謂叔向曰楚王汰侈已甚子其戒之叔向

曰汰侈已甚身之災也焉能及人若奉吾

幣帛慎吾威儀守之以信行之以禮敬始

而思終終無不復

事皆可
復行

從而不失儀

從順
也

敬

而不失威道之以訓辭奉之以舊法考之

以先王

以先王之
禮成其好

度之以二國

度晉楚之
勢而行之

雖汰

修若我何及楚楚二朝其大夫曰晉吾仇

敵也苟得志焉無恤其他今其來者上卿

上大夫也若吾以韓起為閹刑足使守門以羊

舌肸為司官加官刑足以辱晉吾亦得志矣

可乎大夫莫對遂啟彊曰可苟有其備何

故不可恥匹夫不可以無備况恥國乎是

以聖王務行禮不求恥人朝聘有珪珪以事為信

規有璋享饗也規見也無朝聘而享見也臣為君以執璋小有述職諸侯天子曰

述職

大有巡功

天子巡功曰巡功

設机而不倚爵盈而

不飲

言務行禮

宴有好仕

宴飲以貨為好衣服車馬在客所無

殮有陪

鼎

熟食為殮陪加也加鼎所以厚殷勤

入有郊勞

賓至逆勞之於郊

出有

贈賄

去則贈之以貨賄

禮之五也國家之敗失之道

也則禍亂興

失朝聘之好之道

城濮之役

在僖二十八年

晉

無楚備以敗於邲

宣十二年言六禍始於城濮

邲之役楚

無晉備以敗於鄢

在成十六年

自鄢以來晉不失

備而加之以禮重之以睦

君臣和也

是以楚弗能

報而天親焉既獲姻親又欲恥之以召寇

讎備之若何

言何以為備

誰其重此

言怨重

若有其

人恥之可也

謂有賢人以敵晉則可恥之

若其未有君亦圖

之晉之事君臣曰可矣求諸侯而麋至

麋羣

也求昏而薦女

薦進也

君親送之上卿及上大夫

夫致之猶欲恥之君其亦有備矣不然奈

何韓起之下趙成中行吳魏舒范鞅知盈

五卿位在韓起之下皆三軍之將佐也成趙武之子吳荀偃之子

羊舌肸之下祁

午張趯籍談女齊梁丙張駘輔蹠苗賁皇

皆諸侯之選也言非韓襄為公族大夫韓

須受命而使矣襄韓無忌子也為公族大夫須起之門子年雖幼已能出使箕

襄邢帶二人韓氏族叔禽叔椒子羽皆韓起之子皆大

家也韓賦七邑皆成縣也成縣賦百乘也羊舌四

族皆彊家也四族銅鞮伯華叔向叔魚叔虎兄弟四人晉人若喪韓

起楊肸五卿八大夫五卿趙成以下八卿趙成以下輔韓須

楊石石叔向子食我也因其十家九縣韓氏七羊舌氏四而言十家舉

大數也羊舌四家共二縣故但言彊家

長轂九百

長轂戎車也縣百乘

其餘四

十縣遺守四千

計遺守國者尚有四千乘

奮其武怒以報

其大恥伯華謀之

伯華叔向兄

中行伯魏舒帥之

伯中行吳

其蔑不濟矣君將以親易怨

失昏姻之親

實無禮以速寇而未有其備使羣臣往遺

之禽以逞君心何不可之有王曰不穀之

過也大夫無辱

謝蘧啓疆

厚爲韓子禮王欲教

叔向以其所不知而不能

言叔向之多知

亦厚其禮

韓起反鄭伯勞諸國

圍鄭地名辭不敢見禮也

奉使君命未反故

疏

奉吾至二國正義曰朝聘之禮事用幣帛致國之所有送女雖則非聘亦以幣帛

通意故云奉吾幣帛慎吾威儀也信當守而無失故云守之以信也禮當勉力履行故云行之以禮也禮無不敬故以敬爲始也始敬則終亦敬終恐其情故云思終也思終亦思始終始無有不可復行之事行必得理使皆可復行也曲從則失儀從而不失儀不曲從也過敬則無威敬而不失威不妄敬也聖人教訓之辭用之以通意故言道之也聘使舊故之法奉承以致命故言奉之也用先王之禮以成其交好故言考之也量二國形勢以通時事故言度之也皆準事爲文注刑足使守門正義曰周禮掌戮云墨者使守門劓者使守閭宮者使守內劓者使守圉鬻者使守積則守門者當以墨也知不以韓起爲墨者楚子意在辱晉必將加之重罪墨是刑之輕者知其必非墨

也且欲以叔向爲官刑明也刑亦次官也莊十九年傳稱
甯季自刑楚人以爲大閹此亦是刑也欲以叔向爲司
官爲奄官之長則韓起爲閹亦欲令爲門官之長刑若甯
季故以甯季之刑解之

謂聘有珪

正義曰周禮典瑞

云公執桓圭侯執信圭伯執躬圭子執穀璧男執蒲璧以朝
觀宗遇會同于王諸侯相見亦如之是朝有珪也又曰琢
圭璋璧琮以覲聘是聘有珪也聘用圭璧其飾雖與君同
其長降君一等聘禮記曰所以朝天子圭與纁皆九寸問
諸侯朱綠纁八寸問即聘也鄭玄云九寸上公之圭也於天
子曰朝於諸侯曰問記之於聘文互相備鄭云互相備者
言諸侯相朝與朝天子同也遣使聘天子與諸侯同也彼
典瑞及聘禮記聘圭八寸據上公爲文耳公之使既降公
一等知侯伯之使當琢圭六寸子男之使當琢璧四寸考
功記王人云琢圭璋八寸璧琮八寸以覲聘亦謂上公之
聘也其實子男君臣用璧云朝聘有圭者據公侯伯言之
注珪以爲信 正義曰鄭玄典瑞注云人執以見曰瑞禮

神曰器瑞符信也用珪朝聘所以爲信故執之 享規有

璋 正義曰鄭氏先儒以爲朝聘之禮使執玉以授主國

之君乃行享禮獻國之所有規見也謂行享禮以見主國

之君也案小行人合六幣圭以馬璋以皮璧以帛琮以錦

琥以繡璜以黼鄭玄云上公享圭以馬享后璋以皮侯

伯子男享王璧以帛享后琮以錦公侯伯於諸侯則享用

璧琮子男於大國享君琥以繡於夫人璜以黼此云享規

有璋者據上公享后言之所以特舉享后者舉璋與圭相

對其實享禮圭與璧琮琥璜皆有今檢杜注意義則不然

謂主國設酒食以饗賓賓則執璋以行禮故云享規有璋

注云享饗也破享獻之享爲饗食之饗杜必然者以此傳

下云設机而不倚爵盈而不臥宴有好貨殮有陪鼎皆論

饗禮及饗宴之事故破享爲饗即大行人三饗三食三宴

之類是也但饗禮既亡執璋無文耳故杜云臣爲君使執

璋則詩云秦璋峨峨尚書大保秉璋以酢之類是也 注

諸侯至述職 正義曰孟子云天子適諸侯曰巡狩巡狩

著巡所守也諸侯朝天子曰述職述職者述所職也其意
言諸侯職在治國家事天子以時入朝述脩其所職也天
子職在立諸侯撫下民以時巡狩省視其功勞也設机
至不飲正義曰朝聘之禮有設几進爵之時朝禮雖亡
而聘禮有其略也聘義曰聘射之禮至大禮也質明而始
行事日幾中而後禮成非強有力者弗能行也酒清人渴
而不敢飲也肉乾人飢而不敢食也是言務在行禮不敢
倚机不敢飲酒也注宴飲至所無正義曰謂主國宴
賓以貨財爲恩好謂衣服車馬在客所無者與之也明年
晉享季武子重其好貨僖二十九年介葛盧來禮之加宴
好詩序云鹿鳴燕羣臣嘉賓也既飲食之又實幣帛侑之以
將其厚意是也注熟食至殷勤正義曰聘禮賓始入館宰
夫朝服設殮飪一牢在西鼎九羞鼎三鄭玄云食不備禮
曰殮飪熟也其鼎實如饗餼羞鼎則陪鼎也以其實言之
則曰羞以其陳言之則曰陪是殮有陪鼎鄭以殮禮小饗
餼禮大故云食不備禮曰殮言饗餼備而殮不備也杜以

錄生而殮熟故云熟食為殮聘禮又云君使卿韋弁歸饗
餼五牢飪一牢鼎九設于西階前陪鼎當內廉鄭玄云陪
鼎三牲臠脾臠臠也陪之庶羞加也服虔云陪牛羊豕鼎
故云陪鼎周禮掌客云凡諸侯之禮上公殮五牢饗餼九
牢侯伯殮四牢饗餼七牢子男殮三牢饗餼五牢是朝聘
皆有殮也案聘禮歸饗餼五牢於賓館飪一牢鼎九設于
西階前牛鼎一羊鼎一豕鼎一魚鼎一腊鼎一腸胃鼎一
膚鼎一鮮魚鼎一鮮腊鼎一凡九鼎從北向南而陳又有
陪鼎三其一曰腳鼎牛臠也在牛鼎之西其一曰臠鼎羊
臠也在羊鼎之西其一曰臠鼎豕臠也在豕鼎之西其陪
所設當西階之內廉腥二牢陳于東階之前南陳牢別七
鼎無鮮魚鮮腊也井上飪一牢所謂死牢三又餼二牢陳
于門內之西是卿之饗餼五牢案鄭注掌客其子男饗餼
五牢與卿同其腥鼎加鮮魚鮮腊牢別有九也其陳設如
卿之禮侯伯饗餼七牢死牢四飪一牢在西腥三牢在東
餼三牢在門西其陳設如子男之禮上公饗餼九牢死五

牢飪一牢在西脰四牢在東餼四牢陳于門西其陳皆如侯伯之禮也大行人註云爵卿也則飪三牢餼五牢爵大夫也則飪大牢餼三牢以敗於鄆正義曰以上文類之當註云言兵禍始於邲而不註者從可知也韓須受命而使正義曰三年傳云韓須如齊逆少姜是受命出使之事皆韓起庶子正義曰賈逵云然杜依用之杜以上箕襄邢帶食邑於箕邢故爲韓氏之族叔禽叔椒皆連叔爲文羽又稱子事似兄弟故云皆韓起庶子劉炫以爲叔禽等亦是韓起之族旣無明證而妄規杜氏非也四族至四人正義曰家語孔子曰銅鞮伯華不死天下其定矣其人名亦字伯華食邑於銅鞮叔魚名鮒見於十三年傳叔虎見於襄二十一年傳於時虎已死今得數叔虎者雖身死其族猶在故傳不言羊舌四人而云四族明指其族也據傳文叔向兄弟四人有叔虎按世本叔向兄弟有季夙疑季夙即是虎也故服氏數伯華叔向叔魚季夙劉炫以爲叔虎於時已死別有季夙而規杜氏非也

韓氏至疆家 正義曰杜以家縣爲一故并韓賦七邑
與羊舌四族乃爲十一而言十家舉大數也羊舌四族族
有一縣則又大多故以爲四家共二縣也劉炫以爲韓須
是起之門子不必更稱家去韓須之外韓氏唯有六家并
羊舌四族故爲十家也今知不然者以傳歷序韓襄爲公
族大夫韓須受命而使卽云箕襄以下皆大家故知韓須
在其內也又韓賦七邑則韓須有邑既有其邑自然稱家
哀二年傳曰上大夫受縣論語云百乘之家家卽縣也劉
以爲韓須不得爲家家不得稱縣以爲韓氏六家羊舌四
家爲十家而規杜氏非也 長穀 正義曰考工記車人
云兵車乘車輪崇六尺六寸田車輪崇六尺三寸兵車穀
長三尺三寸又云大車半柯長尺半是短也 何不可之
有 正義曰啓疆發首言可此云何不可之有言其可也
紹上可之言服虔云何不可之有如是大不識文勢 叔
向以其所不知而不能 正義曰王欲調叔向以爲教樂
以其所不知不解之處試之而竟不能王之所爲叔向悉

解故杜云叔向之多知

鄭罕虎如齊娶於子尾氏

自爲逆也

晏子驟見之陳栢子問其故對曰能用善

人民之主也

謂授子產政

夏莒牟夷以牟婁及防

茲來奔牟夷非卿而書尊地也

尊重也重地故書以名其

人終爲不義

莒人愬于晉

愬魯受牟夷

晉侯欲止公范獻

子曰不可人朝而執之誘也討不以師而

誘以成之惰也爲盟主而犯此二者無乃

不可乎請歸之閒而以師討焉

閒暇也

乃歸

公秋七月公至自晉莒人來討

討受

不設

備戊辰叔弓敗諸蚡泉莒未陳也

嫌君臣異故直發例

冬十月楚子以諸侯及東夷伐吳以報棘

櫟麻之役

役在四年

遠射以繁揚之師會於夏

汭

會楚子

越大夫常壽過帥師會楚子于瑣

瑣楚地

聞吳師出遠啓彊帥師從之

從吳師也

遽

不設備吳人敗諸鵲岸

廬江舒縣有鵲尾渚

楚子以馬

至於羅汭

駟傳也羅水名

吳子使其弟蹶由犒師

犒勞

楚人執之將以釁鼓王使問焉曰若

來吉乎對曰吉寡君聞君將治兵於敝邑

卜之以守龜曰余亟使人犒師請行以觀

王怒之疾徐而為之備尚克知之

言吳令龜如此

龜

兆告吉曰克可知也君若驩焉好逆使臣

滋敝邑休怠

休解也

而忘其死亡無日矣今

君奮焉震電馮怒

馮盛也

虐執使臣將以釁

鼓則吳知所備矣敝邑雖羸若早脩宇

宇

備其可以息師息楚之師難易有備可謂吉

矣且吳社稷是卜豈爲一人使臣獲釁軍

鼓而敝邑知備以禦不虞其爲吉孰大焉

國之守龜其何事不卜言常一臧一否其

誰能常之城濮之兆其報在邲城濮戰楚卜吉其效乃在

邲今此行也其庸有報志言吳有報楚意乃弗殺

楚師濟於羅汭沈尹赤會楚子次於萊山

遂射帥繁揚之師先入南懷楚師從之及

汝清

南懷汝清皆楚界

吳不可入

有備

楚子遂觀兵於

坻箕之山

觀示也

是行也吳早設備楚無功

而還以蹶由歸楚子懼吳使沈尹射待命于

巢遠啓彊待命于雩婁禮也

善有備

疏

今君至

技

正義曰言今君奮起威嚴如天震電盛為順怒虐

執云云是也一難易有備正義曰言知楚為患難則

吳易有防備也且吳社稷是卜正義曰恐楚王言

女既云言何故今欲被殺故言此以塞之國之守龜

正義曰又恐王言龜既言吉而使人

被殺則是龜不信故反言此以答之秦后子復歸

於秦

元年奔晉

景公卒故也

終五稔之言

經六年春王正月杞伯益姑卒

再同

䟽

再注

同盟正義曰益姑以襄二十四年即位二十五年盟于重丘魯杞俱在二十九年又杞子來盟是再同盟

葬

秦景公夏季孫宿如晉葬杞文公

無傳

宋華

合比出奔衛

合比事君不以道自取奔亡書名罪之

䟽

注合比至罪正義曰

寺人柳有寵大子佐惡之合比請殺之求媚於大子而欲殺君之寵臣是事君不以道也以此而自取奔亡故書名

以罪

秋九月大雩楚薳罷帥師伐吳冬叔弓

如楚齊侯伐北燕

傳六年春王正月杞文公卒弔如同盟禮

也

魯怨杞因晉取其田而
今不廢喪紀故禮之

大夫如秦葬景公禮

也

合先王士弔大夫
送葬之禮

疏

注合先王之禮 正義曰先王
之制諸侯之喪士弔大夫送葬

三十年傳文也釋例曰先王之制諸侯之喪士弔大夫送
葬及其失也禮過於重文襄之伯因而抑之諸侯之喪大
夫弔卿共喪事夫人之喪士弔大夫送葬猶過古制故公
子遂如晉葬襄公傳不言禮葬秦景公傳曰大夫如秦葬
景公特稱禮也一以示古制二以示書他國之葬必須魯
會三以示奉使非卿則不書於經此皆丘明之微文也

三月鄭人鑄刑書

鑄刑書於鼎以
為國之常法

叔向使詒

子產書

詒遺也

曰始吾有虞於子

虞度也言準度
子產以為已法

今則已矣

已止也

昔先王議事以制不為刑

辟懼民之有爭心也

臨事制刑不豫設法也
法豫設則民知爭端

猶

不可禁禦是故閑之以義

閑防也

糾之以政

糾舉也

行之以禮守之以信奉之以仁

奉養也

制爲祿位以勸其從

勸從教

嚴斷刑罰以威

其淫

淫放也

懼其未也故誨之以忠聳之以

行

聳懼也

教之以務

時所急

使之以和

說以使民

臨

之以敬涖之以彊

施之於事爲涖

斷之以剛

義斷思猶

求聖哲之上明察之官

上公王也官卿大夫也

忠信之

長慈惠之師民於是乎可任使也而不生

禍亂民知有辟則不忌於上權移於法故民不畏上並

有爭心以徵於書而徼幸以成之因危文以生爭緣徼

幸以成其巧偶弗可爲矣爲治也夏有亂政而作禹刑

商有亂政而作湯刑夏商之亂著禹湯之法言不能議事以制周有

亂政而作九刑周之衰亦爲刑書謂之九刑三辟之興皆叔

世也言刑書不起於始盛之世今吾子相鄭國作封洫在襄三十

年立謗政作丘賦在四年制參辟鑄刑書制參辟用三代之

末將以靖民不亦難乎詩曰儀式刑文王

之德日靖四方

詩頌言文王以德爲儀式故能日有安靖四方之功刑法也

又曰

儀刑文王萬邦作孚

詩大雅言文王作儀法爲天下所信孚信也

如

是何辟之有

言詩唯以德與信不以刑也

民知爭端矣將

弃禮而徵於書

以刑書爲徵

錐刀之末將盡爭

之

錐刀末喻小事

亂獄滋豐賄賂並行終子之世鄭

其敗乎矜聞之國將亡必多制

數改法

其此

之謂乎復書曰若吾子之言

復報也

僑不才

不能及子孫吾以救世也既不承命敢忘

大惠

以見箴戒為惠

士文伯曰火見鄭其火乎

火心

星也周五月昏見

火未出而作火以鑄刑器

刑器鼎也

藏

爭辟焉火如象之不火何為

象類也同氣相求火未出

而用火相感而致災

疏

注鑄刑書於鼎正義曰傳直言鑄刑書知鑄之於鼎者二十九年傳云晉趙

鞅荀寅賦晉國一鼓鐵以鑄刑鼎著范宣子所為刑書焉彼是鑄之於鼎知此亦是鼎也注臨事至爭端

正義曰尚書伊訓云先王肇修人紀制官刑儆于有位又穆王命呂侯訓夏贖刑作呂刑之篇其經云墨罰之

屬千劓罰之屬千剕罰之屬五百宮罰之屬三百大辟之屬二百五刑之屬三千周禮司刑掌五刑之法以麗

萬民之罪墨罪五百劓罪五百宮罪五百剕罪五百殺罪
五百據此二文雖王者相變條數不同皆是豫制刑矣而
云臨事制刑不豫設法者聖王雖制刑法舉其大綱但共
犯一法情有淺深或輕而難原或重而可恕臨其時事議
其重輕雖依準舊條而斷有出入不豫設定法告示下民
今不測其淺深常畏威而懼罪也法之所以不可豫定者
於小罪之間或情有大惡盡皆致之極刑則本非應重之
罪悉今從其輕比又不足以創小人也於大罪之間或情
有可恕盡加大辟則枉害良善輕致其罰則脫漏重辜以
此之故不得不臨時議之準狀加罪今鄭鑄之於鼎以章
示下民亦既示民即爲定法民有所犯依法而斷設今情
有可恕不敢曲法以矜之罪實難原不得遠制以入之法
既豫定民皆先知於是倚公法以展私情附輕刑而犯大
惡是無所忌而起爭端也漢魏以來班律於民懼其如此
制爲比例入罪者舉輕以明重出罪者舉重以明輕因小
事而別有大罪者則云所爲重以重論皆不可一定故也

閑之至其淫 正義曰義者宜也合於事宜閑謂防衛也
閑之以義防衛之使合於事宜也政者正也齊正在下糾
謂舉治也糾之以政舉治之使從於齊正也禮當勉力履
行故行之以禮也信當守而勿失故守之以信也仁心所
以養物故奉之以仁也位以序德祿以酬勤有德能勤則
居官食祿制爲祿位以勸其從順教令也其有犯罪則制
之刑罰故嚴斷刑罰以威其驕淫放佚也嚴斷言其不放
舍也對文則加罪爲刑收贖爲罰散則刑罰通也閑之以
下皆言在上位者行此事治民也 懼其至以剛 正義
曰此上言行事此又言用心言雖行上事懼其未從教也
故復勞心以撫之於文中心爲忠如心爲恕謂如其己心
也事親事君遠及諸物宜恕以待之不得虛詐忠是萬事
之本故陳忠恕之事以訓誨之行善得善行惡得惡舉善
惡之行以恐懼之時之所急民或不知故教示之以當時
之務居上位者失於以威迫人故使之以和當和說以使
之臨蒞一也臨謂位居其上俯臨其下蒞謂有所施爲臨

撫其事臨謂平常之時泣謂當事之時居上位者失於驕
慢臨之以敬言常共敬以臨之其監於行事者失於解倦
泣之以彊言當彊力以臨之柔而少決為政之病故斷之
以剛彊此云斷之以剛即上嚴斷之義嚴謂威可畏剛謂
情無私此皆論心故重言之注聲懼也正義曰釋詁
文也彼作竦音義同注施之於事為泣正義曰泣亦
臨也而與臨別文故解之周禮肆師稱泣卜曲禮云泣宜
春秋書泣盟皆謂當事而臨之故云施之於事為泣則
臨謂平常泣謂當事以此為異故別文也若散而言之泣亦
臨也故論語云不莊以泣之則民不敬是也注義斷恩
正義曰喪服四制云門內之治恩揜義門外之治義斷恩
尚書胤征云威克厥愛允濟愛克厥威允罔功是斷獄者
皆當義斷恩猶求至使也正義曰以剛以上雖率意教
人猶為未善更求聖哲王公之上制明察大夫之官法忠
誠信著之長則慈愛溫惠之師教用此四法以教民民於
是乎可任使也注權移至畏上正義曰刑不可知威

不可測則民畏上也今制法以定之勸鼎以示之民知在上不敢越法以罪已又不能曲法以施恩則權柄移於法故民皆不畏上注因危至巧偽正義曰法之設文有限民之犯罪無窮爲法立文不能網羅諸罪民之所犯不與正與法同自然有危疑之理因此危文以生與上爭罪之心緣微幸以成其巧偽將有實罪而獲免者也注夏商至以制正義曰夏商之有亂政在位多非賢哲察獄或失其實斷罪不得其中至有以私亂公以貨枉法其事不可復治乃遠取創業聖王當時所斷之獄因其故事制爲定法亦如鄭鼎所鑄遵舊施行言不能臨時議事以制刑罪也注周之至九刑正義曰準夏商所作當爲文武周公之制不以聖王名刑而謂之九刑者蓋周公別爲此名故稱之耳注言刑至之世正義曰三辟謂禹刑湯刑九刑也辟罪也三者斷罪之書故爲刑書皆是叔世所爲言刑書不起於始盛之世始盛之世議事制罪叔世不復能然采取上世決事之比作書以爲後法其事是始

盛之世作書於衰亂之時也服虔云政衰爲叔世叔世踰於李世季世不能作辟也注制參至末法正義曰制參辟鑄刑書是一事也爲其文是制參辟勑於鼎是鑄刑書也三代之辟皆取前世故事制以爲法子產亦取上世故事故謂之制參辟言其所制用三代之末法非謂子產所作還寫三代之書也子產蓋亦采取上世所聞見斷獄善者以爲書也詩曰至四方正義曰周頌我將之篇祀文王之樂歌也杜言文王以德爲儀式刑法也則儀式刑三者皆爲法也言以德爲儀式法者是文王之德也由其以德爲法故能日日有安靖四方之功也服虔云儀善式用刑法靖謀也言善用法文王之德日日謀安四方此解於文便於杜也又曰至作乎正義曰大雅文王之篇也服虔云儀善也刑法也善用法者文王也言文王善用其法故能爲萬國所信也亦便於杜民知至於書正義曰端謂本也今鑄鼎示民則民知爭罪之本在於刑書矣制禮以爲民則作書以防民罪違禮之愆非刑書所

禁故民將棄禮而取徵驗於書也刑書無違禮之罪民必
棄禮而不用矣終子至敗乎正義曰子產鑄刑書而
叔向責之趙鞅鑄刑鼎而仲尼譏之如此傳文則刑之輕
重不可使民知也而本經作法蕭何造律頒於天下懸示
非民暴虐以求其之能革以今觀之不可一日而無律也
爲當吏不及古民僞於昔爲是聖人作法不能經遠古今
之度何以異乎斯有古矣古者分地建國作邑命冢諸侯
則葬世相承大夫亦子孫不絕皆知國爲我土衆實我民
自有愛吝之心不生殘賊之意故得設法以待刑臨事而
說罪不須豫以告民自今常懷怖懼故仲尼叔向所以譏
其鑄刑書也秦漢以來天下爲一長吏以時遷代其民非
復已有懦弱則爲殿負彊猛則爲稱職且疆域闊遠戶口
滋多大郡竟餘千里上縣數以萬計豪橫者陵蹈邦邑桀
健者雄張閭里故漢世酷吏專任刑誅或乃肆情好殺成
其不撓之威違衆用己以表難測之知至有積骸滿弃流
血丹野鄧都被蒼鷹之號延年受屠伯之名若復信其殺

伐任其縱舍必將弄怒變常愛憎改意不得不作法以齊之宣衆以今之所犯當條則斷之以律疑不能決則讞之上府故得萬民以察天下以治聖人制法非不善也古不可施於今今人所作非能聖也足以周於用所謂觀民設教適時制宜謂此道也 若吾子之言 正義曰若如也誠如吾子之言也 吾以救世也 正義曰當時鄭國大夫邑長蓋有斷獄不平輕重失中故作此書以今之所以救當世也 注象類至致災 正義曰作刑書以示民教民使爭罪故謂之爭辟火出而象之象類也謂以類相感而致災也同氣相求易文言文也周禮司燿云季春出火民咸從之季秋內火民亦如之鄭玄云火所以用陶冶民隨國而爲之是火星未出不得用火今鄭火未出而用火以鑄鼎及火星出則相感以致災服虔云鑄鼎藏爭辟故今出火與五行之火爭明故爲災在器故稱藏也 夏

季孫宿如晉拜莒田也

謝前年受年
夷邑不見計
晉侯享

之有加籩

籩豆之數多於常禮

武子退使行人告

曰小國之事大國也苟免於討不敢求

貺

貺賜也

得貺不過三獻

周禮大夫三獻

今豆有加

下臣弗堪無乃戾也

懼以不堪

韓宣子曰寡

君以為驩也

以加禮致驩心

對曰寡君猶未敢

未敢當此加也

況下臣君之隸也敢聞加貺固請徹

加而後卒事晉人以為知禮重其好貨

宴好之貨

疏

注周禮大夫三獻

正義曰周禮甸五獻大夫三獻故鄭注掌客爵卿也襄錄五牢爵大夫也

應歸三牲獻饗饗之數故言大夫三獻也若依古禮大
小國之卿皆三獻大夫三獻故聘禮侯伯之卿出聘饗歸
五牢獻同饗歸之數至春秋之時唯大國得從古禮故昭
元年鄭人享饋孟注云朝聘之制大國之卿五獻其次國
以下卿則從大國大夫之禮故今武子云得貺不過三獻
周禮無此文大行人云上公九獻侯伯七獻子男五獻獻
各如其命數典命云公侯伯之卿皆三命知其當三獻也
大夫卿之摠名故注云三獻也今豆有加正義曰上
言加籩此言豆者籩豆並加互舉其一也寡君猶未敢
正義曰魯侯爵禮當七獻上文唯言享有加籩止知加於
常禮不知幾獻籩豆未必過七獻也言寡君猶未敢當此者謙耳

宋寺人柳有寵

有寵於平公 太子佐惡之華合比曰我殺之欲以求媚太子

柳聞之乃坎用牲埋書詐為盟處而告公曰合

比將納亡人之族

亡人楚臣也襄
十七年齊衛

既盟于比

郭矣公使視之有焉遂逐華合比合比奔

衛於是華亥欲代右師

亥合比第欲
得合比處

乃與寺

人柳比從爲之徵曰聞之夕矣

聞合比欲
納華臣

公

使代之

代合比
爲右師

見於左師

左師
向成

左師曰女夫

也必亡

夫謂
華亥

女喪而宗室於人何有人亦

於女何有

言人亦不
能愛女

詩曰宗子惟城母俾城

壞母獨斯畏

詩大雅言宗子之
固若城俾使也

女其畏哉

爲二
十年

華亥出奔傳

疏

詩曰至斯畏正義曰大雅板之篇凡伯刺厲王之詩也言宗子之固惟若城也即謂宗

子為城言宗人當固之毋使此城傾壞傾壞則女獨矣女既獨此必有所畏懼也

六月丙戌

鄭災

終士文伯之言

楚公子弃疾如晉報韓子也

報前年送女

過鄭鄭罕虎公孫僑游吉從鄭伯

以勞諸相辭不敢見

不敢當國君之勞相鄭地

固請見之

見如見王

見鄭伯如見楚王言齊疾共而有禮

以其乘馬八匹私

面

私見鄭伯

見子皮如上卿

如見楚卿

以馬六匹見子

產以馬四匹見子大叔以馬二匹

降殺以兩

禁

易牧采樵不入田

田不祀

不樵樹不采藝

也

不抽屋不強勾拉言曰有犯命者君子廢小

人降

君子則廢黜不得居位小人則退給下劇也

舍不為暴主不恩

賓

恩患也

往來如是鄭三卿皆知其將為王

也

三卿罕虎公孫僑游吉

韓宣子之適楚也楚人弗逆

公子弃疾及晉竟晉侯將亦弗逆叔向曰

楚辟我衷

辟邪也衷正也

若何效辟詩曰爾之教

矣民胥效矣

詩小雅言上教下效

從我而已焉用效人

之辟書曰聖作則

逸書則法也

無寧以善人爲

則

無寧寧也

而則人之辟乎匹夫爲善民猶則

之況國君乎晉侯說乃逆之

傳言叔向知禮

疏

注共而有

禮正義曰見如見王是共也辭不敢見是禮也

不樵

樹不采莪

正義曰不樵樹不伐樹以爲樵不采莪不采

所種之菜果

不抽屋不強勾

正義曰服虔云抽

秋

裂也言不毀裂所舍之屋也勾乞也不就人強乞也

九月大雩旱也徐儀楚聘于楚

儀楚徐大夫

楚

子執之逃歸懼其叛也使遠洩伐徐

遠洩楚大夫

吳人救之令尹子蕩帥師伐吳師于豫章

而次于乾谿

乾谿在譙國城父縣南楚東竟

吳人敗其師於

房鐘

房鐘吳地

獲宮廄尹弃疾

闕韋龜之父

子蕩歸

罪於遠洩而殺之

歸罪於遠洩不以敗告故不書

冬叔弓如

楚聘且弔敗也

弔為吳所敗

䟽

且弔敗也正義曰如上注不以敗告故不書而得

弔敗者本自為聘聞敗因弔之故言且也

十一月齊侯如晉請伐北燕也

告盟

士匄相士鞅逆諸河禮也

士匄晉大夫相為介得敬

逆來者之禮

晉侯許之十二月齊侯遂伐北燕

將納簡公

簡公北燕伯三年出奔齊

晏子曰不入燕有君

矣民不貳吾君賄左右諂諛作大事不以

信未嘗可也為明年暨齊平傳**疏**士句相士鞅正義曰世族譜以王正為雜人

諸本及王肅董遇注皆作王正俗本或誤為士句此人不當與士鞅之父同姓名而為之介也

經七年春王正月暨齊平暨與也燕與齊平前年冬齊伐燕間無異

燕從可知**疏**也此直言暨齊平不知誰與齊平穀梁傳云以外及內曰暨謂此為魯與齊一賈逵何休亦以為

魯與齊平許惠卿以為燕與齊平服虔云襄二十四年仲孫羯侵齊二十五年崔杼伐我自爾以來齊魯不相侵伐

且齊是大國無為求與魯平此六年冬齊侯伐北燕將納

簡公齊侯貪賄而與之平故傳言齊求之也齊次于號燕人行成其文相比許君近之案經例即燕與齊平當書燕

魯與諸侯平皆言暨下三月公如楚叔孫婼如齊涖盟谷
不在國故齊無來者據經言之賈君爲得杜則從許說也
故兩載其說意從賈詒其所疑云前年冬齊伐燕文接此
春間無異事故不云燕省文也又此年稱齊暨燕平之月
傳所舉經文知此是燕與齊平也釋例曰昭六年冬齊侯
伐北燕七年春而平冬春相接間無異事省文故不重言
燕猶桓五年冬州公如曹六年春因書寔來也三月公
傳以其不分明故起見齊燕平之月以正之也

如楚叔孫婼如齊涖盟

無傳公將遠適楚故叔孫如齊尋舊好

䟽

注公將至舊好正義曰魯與齊鄰公遠適楚慮其或來侵伐遣使與之盟尋舊好也案經婼之如齊在公如

楚下杜言將適楚者叔孫婼非公命則不得書經明是公未發時命之公發後始去杜言將見此意夏四

月甲辰朔日有食之秋八月戊辰衛侯惡

卒

元年大夫盟于執

齊

衛侯惡卒正義曰穀梁傳曰鄭曰衛齊惡今日衛侯惡此何為君臣同名也

君子不奪人名不奪親之所名重其所以來也王父名子也注云不奪人名明臣雖欲改君不當聽也君不聽臣易名者欲使人重父命也父受名于王父王父卒則稱王父之命名之曲禮云卒哭乃諱鄭玄云敬鬼神之名也生者不相辟名衛侯名惡大夫有石惡君臣同名春秋不非謂此事也然則此君卒哭之後臣當辟其諱曲禮云君子已孤不更名當舍名而稱字注元年大夫盟于執正義曰號會不盟而言盟者令尹圉請讀舊書加於牲上雖不為執書亦以名告神與盟同也

九日公至自楚冬十有一月

癸未季孫宿立十有二月癸亥葬衛襄公

傳七年春王正月暨齊平齊求之也

齊伐燕燕人敗

之反從求平
如晏子言

癸巳齊侯次于兢

兢燕

燕人行

成曰敝邑知罪敢不聽命先君之敝器請

以謝罪

敝器瑤璆
王櫝之屬

公孫皙曰受服而退俟釁

而動可也

皆齊大夫

二月戊午盟于濡上

濡水出
高陽縣

東北至河間
鄭縣入易水

燕人歸燕姬

嫁女與齊侯

賂以瑤璆

王櫝斁耳不克而還

瑤玉也櫝匱也
斁耳玉爵

疏

齊求之也正

義曰傳云齊求之自言其平之意下云盟于濡上是其平之事也下言齊侯次于兢燕人行成則是燕先發意而言齊求之者齊若志在伐燕不當在竟久次久次而不行即是求之之狀也燕必知其意乃行成耳注濡水至易水

正義曰今案高陽無此水也水源皆出於山其出平地皆是山中平地燕趙之界無泉出者未知杜言何所案據

注瑶玉至王爵 正義曰孔安國尚書傳云瑶美石此云瑤璆玉璆與玉別文亦似非王杜以瑤爲王者詩毛傳云瑤瑤美玉則瑤之爲物在玉石之間與玉小別故或以爲石或以爲玉璆是玉之美名詩以瑤瑤爲玉故毛言美玉耳周禮醢人王舉則共醢六十璆以齊醢苴鬻實之則璆是小器當以瓦爲之以瑤爲璆故爲寶也論語云龜玉毀於櫝中是櫝爲盛物之匱也明堂位云爵夏后氏以琖殷以斚周以爵鄭玄云斚畫禾稼也斚是爵名文承玉璆之下明亦以玉爲之言耳者蓋此器旁有耳若今之杯故名耳

楚子之爲令尹也

爲王旌以田

析羽爲旌王旌游至於軫

芊尹無宇斷之曰

一國兩君其誰堪之及即位爲章華之

宮納亡人以實之

章華南郡華容縣

無宇之闡入焉

有罪亡入章華宮

無宇執之有司弗與

王有司也

曰執人於

王宮其罪大矣執而謁諸王

執無字也

王將飲

酒

遇其歡也

無宇辭曰天子經略

經營天下略有諸四海故曰經略

侯正封

封疆有定分

古之制也封略之內何非君

土食土之毛誰非君臣

毛草也

故詩曰普天之

下莫非王土率土之濱莫非王臣

詩小雅濱涯也

天

有十日

甲至癸

人有十等

王至臺

下所以事上

上所以共神也故王臣公公臣大夫大夫

臣士士臣阜阜臣輿輿臣隸隸臣僚僚臣

僕僕臣臺馬有圉牛有牧養馬曰圉養牛曰牧以待百

事今有司曰女胡執人於王宮將焉執之

周文王之法曰有亡荒閱荒大也閱蒐也有所亡人當大蒐其衆

以得天下也吾先君文王楚文王作僕區之

法僕區刑書名曰盜所隱器隱盜所得器與盜同罪所

以封汝也行善法故能啓疆北至汝水若從有司是無所

執逃臣也逃而舍之是無陪臺也

言皆將逃

王

事無乃闕乎昔武王數紂之罪以告諸侯

曰紂為天下逋逃主萃淵藪

萃集也天下逋逃悉以紂為淵藪

蔽集而歸之

故夫致死焉

人欲致死討紂

君王始求諸侯

而則紂無乃不可乎若以二文之法取之

盜有所在矣

言王亦為盜

王曰取而臣以往

往去也

盜有寵未可得也

盜有寵王自謂為莊靈王張本

遂赦之

赦無字

疏

注析羽主於軫

正義曰析羽為旌周禮司常文也鄭玄云析羽皆五采繫之於旌旌之上所謂注旄於

千首也凡九旗之帛皆用絳然則千首有羽羽爲旌名遂以旌爲旗稱其垂至軫者謂游至軫非羽至軫也禮緯稽命謨云禮天子旗九刀曳地諸侯七刀齊軫大夫五刀齊較士三刀齊首周禮節服氏衮冕六人維王之大常鄭玄云王旌十二旒兩兩以纁纁連旁三人持之禮天子旌曳地杜以楚雖僭號稱王未必即如天子不應建大常旌曳地故以諸侯解之言王旌游至於軫謂楚王旌也蓋建交龍之旗而游至軫耳然諸侯之旌短於王旌二刀大夫之旌亦短於諸侯之旌二刀案周禮軫去地四尺較去軫並五尺五寸而禮緯云諸侯齊軫大夫齊較於事爲疑不可知也 芋尹 正義曰芋是草名哀十七年陳有芋尹蓋皆以草名官不知其故 天子至正封 正義曰莊二十一年注云略界也則此略亦爲界也經營天下以四海爲界界內皆爲己有故言略有四海謂有四海之內也天子界內天子自經營之故言經略也諸侯封內受之天子非己自營故言正封謂不侵人不與人正之使有定分 詩

曰至王臣 正義曰北山大夫刺幽王也役使不均云溥
天之下云云鄭箋云此言王之土地廣矣王之臣又衆矣
何求而不得何使而不行率土之濱者地之形勢水多於
土民居水畔故云循土之涯也 王臣至臣臺 正義曰
文十八年傳云舜臣堯者謂舜爲臣以事堯也此云王臣
公者謂上以下爲臣文同而意異也公者五等諸侯之總
名環濟要略云自營爲公八公爲公言公正無私也大夫
者夫之言扶也大能扶成人也士者事也言能理庶事也
服虔云阜造也造成事也典衆也佐阜舉衆事也隸隸屬
於吏也僚勞也共勞事也僕僕督主藏者也臺給臺下微
名也比皆以意言之循名求義不必得本故杜皆略而不
說 注僕區刑書名 正義曰引其言戒刑法知是刑書
名也名曰僕區未知其義服虔云僕隱也區匿也爲隱亡人
之法也 注行善至汝水 正義曰文王之法所以得天
下言行善法所以得爲天子也僕區之法所以封汝言去
盜賊所以大啓封疆也哀十七年傳曰彭仲爽申俘也文

王以爲今尹實縣申息朝陳蔡封吟於汝是文王啓疆至
汝水 昔武至淵藪 正義曰此在尚書武成篇也武王

既克殷歸至于豐乃陳伐紂之事告於諸侯言將伐之時
以商之罪告于皇天后土所過名山大川曰今商王受無
道暴殄天物害虐烝民爲天下逋逃主萃淵藪是言天下
罪人逋逃者以紂爲主集而歸之如魚入深淵獸奔藪澤
也

楚子成章華之臺願與諸侯落之

宮室始成祭之

爲落臺今在華容城內

大宰遠啓彊曰臣能得魯侯遠

啓彊來召公辭曰昔先君成公命我先大

夫嬰齊曰吾不忘先君之好將使衡父照

臨楚國鎮撫其社稷以輯寧爾民嬰齊受

命于蜀

蜀盟在成二年衛父公衛

奉承以來弗敢失墮而

致諸宗祧

言奉成公此語以告宗廟

日我先君共王引領

北望日月以冀

冀魯朝

傳序相授於今四王矣

四王共康郊
教及靈王

嘉惠未至唯襄公之辱臨我喪

襄公二十八年
如楚臨康王喪

孤與其二三臣悼心失圖

在哀
喪故社

稷之不皇況能懷思君德

皇暇也言有
大喪多不暇

今君

若步玉趾辱見寡君

趾足也

寵靈楚國以信

蜀之役致君之嘉惠是寡君既受貺矣何

蜀之敢望

言但欲使君來不敢望如蜀復有質子

其先君鬼神實

嘉賴之豈唯寡君君若不來使臣請問行

期

問魯見伐之期

寡君將承質幣而見于蜀以請

先君之貺

請問也

公將往夢襄公祖

祖祭道神

梓慎

曰君不果行襄公之適楚也夢周公祖而

行今襄公實祖君其不行子服惠伯曰行

先君未嘗適楚故周公祖以道之襄公適

楚矣而祖以道君不行何之三月公如楚

鄭伯勞于師之梁

鄭城門

孟僖子爲介不能

相儀

僖子仲孫纘

及楚不能荅郊勞

爲下僖子病不能相禮張

本

疏

注宮室至城內正義曰雜記云成廟則釁之路寢成則考之而不釁釁羣者交神明之道也鄭玄

云言露寢生人所居不釁者不神之也考之者設盛食以落之爾檀弓曰晉獻文子成室諸大夫發焉是也然則不釁似無祭而杜言宮室始成祭之爲落者以其言落必是以酒澆落之雖不如廟以血塗其上當祭中靈之神以安之

北望

正義曰曰謂往日也嬰齊與魯盟于蜀事在成二年

共王之初共王即望魯朝故言往日我先君共王引領北望

也董遇注無日字謚法既過能改曰共寵靈至既矣正義曰言開其恩寵賜以威靈以及楚國以明受命于蜀之事

不虛致今君之嘉惠於楚即是寡君受賜矣注祖祭道神

正義曰詩云韓侯出祖仲山甫出祖是出行必爲祖也曾子

正義曰詩云韓侯出祖仲山甫出祖是出行必爲祖也曾子

問曰諸侯適天子與諸侯相見皆云道而出是祖與道爲一
知祖是祭道神也周禮大馭掌馭玉路以祀及犯軼王自左
馭馭下祝登受轡犯軼遂驅之鄭玄云行山曰軼犯之者封
土爲山象以苦芻棘柏爲神主既祭以車轢之而去喻無險
難也又聘禮記云出祖釋軼祭酒脯乃飲酒于其側鄭玄云
祖始也行出國門止陳車騎釋酒脯之奠於軼爲行始也詩
傳曰軼道祭也謂祭道路之神春秋傳曰軼涉山川然則軼
山行之名也道路以險阻爲難是以委土爲山或伏牲其上
使者爲軼祭酒脯祈告也卿大夫處者於是餞之飲酒於其
側禮畢乘車轢之而遂行是說祖軼之事也詩云取羝以軼
謂諸侯也天子則以犬故犬人云伏瘞亦如之鄭
司農云伏謂伏犬以王車轢之是也大夫用酒脯

夏四

月甲辰朔日有食之晉侯問於士文伯曰誰
將當日食對曰魯衛惡之

受其
凶惡

衛大魯小

公曰何故對曰去衛地如魯地

衛地豕韋也魯地降婁也

日食於豕韋之末及降婁之始乃息故禍在衛大在魯小也周四月今二月故曰在降婁於是有

災魯實受之

災發於衛而魯受其餘禍

其大咎其衛君乎

魯將上卿

八月衛侯卒十一月季孫宿卒

公曰詩所謂彼日

而食于何不臧者何也

威日食而問詩

對曰不善

政之謂也國無政不用善則自取謫于日

月之災

謫譴也

故政不可不慎也務三而已一

曰擇人

擇賢人

二曰因民

因民所利而利之

三曰從時

順四時之所務

疏

注衛地至降婁正義曰周禮保章氏以星

域必當天星之分但古書亡失鄭注保章氏引堪餘云寅折木燕也卯大火宋也辰壽星鄭也已鶉尾楚也午鶉火周也未鶉首秦也申實沈晉也酉大梁趙也戌降婁魯也亥鶉訾衛也子玄枵齊也丑星紀吳越也秦漢以來地分天次鶉訾衛也降婁魯也鶉訾之次一名豕韋故云衛地豕韋也三統歷鶉訾初日在危十六度立春節在營室十四度雨水申終於奎四度也降婁初日在奎五度驚蟄節在婁四度春分申終於胃六度也此時周四月今二月故日在降婁但閏有前却不知日在何度而食也言去衛地如魯地蓋始入降婁之初耳詩所至不滅正義曰十月之交大夫刺幽王也十月之交朔月辛卯日有食之亦孔之醜注云日爲君辰爲臣辛金也卯木也又以卯侵辛故甚惡也又云彼月而食則維其常此日而食于何不滅詩作此此云彼者師讀不同也對曰至之災正義曰

士文伯緣公之間設勸戒之辭言人君爲政不善可以感
動上天則自取譴責於日月之災以日食之災由君行之
所致也昏義云天子聽男教后聽女順天子治陽道后治
陰德是故男教不脩陽事不得適見於天日爲之食婦順
不脩陰教不得適見於天月爲之食此傳彼記皆是勸戒
辭耳日月之會自有常數每於一百七十三日有餘則日
月之道一交交則日月必食雖千歲之日食皆豫筭而盡
知寧復由教不脩而政不善也此時周室微弱王政不行
非復能動天也設有天變當與天下爲災何獨衛君魯卿
當其咎也若日食在其分次其國即當有咎則每於日食
必有君死豈日食之歲常有一君死乎足明士文伯言衛
君魯卿之死不由日食而知矣人君者位貴居尊志移心
溢或淫恣情慾壞亂天下聖人假之神靈作爲鑒戒夫以
昭昭大明照臨下土忽爾殲亡俾晝作夜其爲怪異莫斯
之甚故鳴之以鼓折射之以弓矢庶人奔走以相從嗇夫
馳騁以告衆降物辟寢以哀之祝幣史辭以禮之立取食

夫樂之數制入門廢朝之典示之以罪己之宜教之以脩德之法所以重天變警人君也天道深遠有時而驗或亦人之禍覺偶與相逢故聖人得因其變常假為勸戒知達之士識先聖之幽情中下之主信妖祥以自懼但神道可以助教不可專以為教神之則惑眾去之則害宜故其言若有若無其事若信若不信期於大通而已世之學者宜知其趣焉

晉人來治杞田

前女叔侯不盡歸今公適楚晉人恨故復來治杞田

季

孫將以成與之

成孟氏邑本杞田

謝息為孟孫守不

可

謝息僭子家臣

曰人有言曰雖有挈鉞之知守不

假器禮也

挈鉞汲者喻小知為人守器猶知不以借人

夫子從君而

守臣喪邑

夫子謂孟僖子從公如楚

雖吾子亦有猜焉

言季

孫亦將疑我不忠

季孫曰君之在楚於晉罪也

言晉罪君之

楚

又不聽晉魯罪重矣晉師必至吾無以

待之不如與之間晉而取諸杞

候晉間隙可復伐杞取之

吾與子桃

魯國卞縣東南有桃虛

成反誰敢有之是得

二成也魯無憂而孟孫益邑子何病焉辭

以無山與之萊柞

萊柞二山

乃遷于挑

謝息遷也

晉

人爲杞取成

不書非公命

疏

注前女至杞田云君之在楚於晉罪也知晉

正義曰下

人以此故復來治杞田也宋之盟云晉楚之從交相見今復恨者於時不免楚意爲此盟耳私心不欲諸侯向楚又

無辭可以禁之故

楚子享公于新臺

章華臺也

使長

驪者相

驪驪也欲

好以大屈

宴好之賜

既而悔

之遠啓彊聞之見公公語之拜賀公曰何賀

對曰齊與晉越欲此久矣寡君無適與也

而傳諸君君其備禦三鄰

言齊晉越將伐魯而取之

慎守

寶矣敢不賀乎公懼乃反之

傳言楚靈不信所以不終



使長驪者相

正義曰吳楚之人少驪故選長驪者相禮也

注大屈弓名 正義曰賈逵云大屈寶金可以爲劍

大屈金所生地名服虔云一曰大屈弓名魯連書曰楚子享魯侯於章華之臺與大曲之弓既而悔之焉啓彊見魯

侯歸之大
鄭即天曲也

鄭子產聘于晉晉侯有疾

宣子逆客私焉

私語

曰寡君寢疾於今三月

矣並走羣望

晉所望祀山川
皆走注祈禱

有加而無瘳今

夢黃熊入於寢門其何厲鬼也對曰以君

之明子爲大政其何厲之有昔堯殛鯀于

羽山

羽山在東海
祝其縣西南

其神化爲黃熊以入于羽

淵實爲夏郊三代祀之

鯀禹父夏家郊祭之歷
殷周二代又通在羣神

之數并
見祀

晉爲盟主其或者未之祀也乎

言周表
晉爲盟

立得佐天
子祀羣神

韓子祀夏郊

祀

晉侯有聞

聞差

賜

子產莒之二方鼎

方鼎莒所貢

疏

今夢至寢門正義曰諸本皆

作熊字賈逵云熊獸也說文云熊獸似豕山居冬蟄釋獸云羆如熊黃白次孫炎引書云如熊如羆則熊似豕之獸即今之所謂熊是也釋獸又云熊虎醜其子狗李巡曰熊虎之類其子名狗則熊獸似虎非熊也又釋魚云鼈三足能焚光曰鼈皆四足今三足故記之彼是鼈之異狀張衡東京賦云能鼈三趾梁主云鼈之所化是能鼈也若是熊獸何以能入羽淵但以神之所化不可以常而言之若是能鼈何以得入寢門先儒既以爲獸今亦以爲熊獸是也

汲冢書瑣語云晉平公夢見赤熊闕屏惡之而有疾使問巫產言闕屏牆必是獸也張叔皮論云虞舜下華田鼠上麟羊哀虎變鮫化爲熊父血爲燐積灰生蠅傳玄潛通賦云聲伯忘瓊瑰而弗占兮晝言諸而暮終羸正沈辭以樹

福兮鬼告凶而命窮黃母化而爲龜兮魃陞變而成熊二者所韻不同或疑張叔爲能著作郎王劭云古人讀雄與熊者皆于陵反張叔用舊音傳立用新音張叔亦作熊也案詩無羊與正月及襄十年衛卜樂冠之繇皆以雄韻陵動言是也

注繇禹至見祀正義曰祭法云夏后氏禘黃帝而郊繇言郊祭天而以繇配是夏家郊祭之也殷周二代自以其祖配天雖復不以繇配郊繇有治水之功又通在羣神之數并亦見祀通夏世爲三代祀之也祭法又曰夫聖王之制祀也能禦大菑則祀之能捍大患則祀之繇郭鴻水而殛死禹能脩繇之功非此族也不在祀典是言繇有大功而歷代祀之也祭法又云有虞氏禘黃帝而郊

禹殷人禘嚳而郊冥祖契而宗湯周人禘嚳而郊稷祖文王而宗武王家語子羔問曰周人祖文王而宗武王虞夏祖宗異代者孔子曰殷周祖宗其廟可以不毀則其他所祖宗者功德不殊雖在異代亦可以無疑矣周人愛召公

猶敬其樹況祖宗其功德而可以不尊奉其廟哉 注言
月至羣神 正義曰祭法曰有天下者祭百神諸侯在其

地則祭之亡其地則不祭然則鯀非晉地之神晉人不合
祭之也但周室既衰晉爲盟主得佐助天子祭祀羣神故
不祀鯀而鯀爲崇也晉語說此事云昔者鯀違帝令殛之
于羽山化爲黃熊以入于羽淵實爲夏郊三代舉之夫鬼
神之所及非其族類則紹其同位今周室少早晉實繼之
其或者未舉夏郊邪宣子以告祀夏郊董伯爲尸五日晉
侯疾間是言晉當繼周得佐天子祀羣神也僖三十一年
傳云相之不享於此久矣非衛之罪也祀鄩何事然則祀
是夏後自當祀相衛不祀相而晉祀鯀者相無功唯子孫
當祀鯀則列在祀與天子祀之故晉繼周當祀鯀 祀夏
郊 正義曰言祀夏家所郊者故注云祀鯀
方鼎 正義曰服虔云鼎三足則圓四足則方 子產爲

豐施歸州田於韓宣子

豐施鄭公孫段之子
三年晉以州田賜段曰

日君以夫公孫段爲能任其事而賜之州

田今無祿早世不獲久享君德其子弗敢

有不取以聞於君私致諸子

此年正月公孫段卒

宣

子辭子產曰古人有言曰其父析薪其子

弗克負荷

荷擔也以微薄喻重貴

施將懼不能任其先

人之祿其況能任大國之賜縱吾子爲政

而可後之人若屬有疆場之言敝邑獲戾

恐後代宣子者將以鄭取晉邑罪鄭

而豐氏受其大討吾子取州

是免敝邑於戾而建置豐氏也敢以為請

傳言子產貞而不諒

宣子受之以告晉侯晉侯以與宣

子宣子為初言病有之

初言謂與趙文子爭州田

以易原縣

於樂大心

樂大心宋大夫原晉邑以賜樂大心也

疏

注傳言至不諒正義曰貞而不諒

論語文也貞正也諒信也段受晉邑卒而歸之正也知宣子欲之而言畏懼後禍是不信也

鄭人相

驚以伯有曰伯有至矣則皆走不知所往

襄三十年鄭人殺伯有言其鬼至

鑄刑書之歲二月

在前

或夢

伯有介而行也

介甲

曰壬子余將殺帶也

帶

助子哲殺伯有壬子六年三月三日明年壬寅余又將殺段也公孫

氏黨壬寅此年正月二十八日及壬子駟帶卒國人益懼齊燕

平之月此年正月壬寅公孫段卒國人愈懼其明

月子產立公孫洩及良止以撫之乃止公孫洩子

孔之子也襄十九年鄭殺子孔良止伯有子也立以為大夫使有宗廟子大叔問其故

子產曰鬼有所歸乃不為厲吾為之歸也

大叔曰公孫洩何為子孔不為厲問何為復立洩子產曰說

也為身無義而圖說伯有無義以妖鬼故立之恐惑民并立洩使若自取天義

存誅絕之後者

以解說民心從政有所反之以取媚也

民不可使

知之故治政或當

反道以求媚於民

不信

說而後不信民不從

也及子產適晉趙景子問焉

景子晉中軍佐趙成

曰

伯有猶能爲鬼乎子產曰能人生始化曰

魄

魄形也

既生魄陽曰魂

陽神氣也

用物精多則

魂魄彊

物體勢

是以有精爽至於神明

爽明也

匹夫匹婦強死其魂魄猶能馮依於人以

爲淫厲

強死有病也人謂匹夫匹婦賤身

況良霄我先君穆

公之胄子良之孫子耳之子敝邑之卿從

政三世矣鄭雖無腴腴厚也抑諺曰蕞爾國

蕞小貌而三世執其政柄其用物也弘矣其

取精也多矣其族又大所馮厚矣良霄魂所馮者貴

重而強死能為鬼不亦宜乎傳言子產之博敏**疏**注

孫段豐氏黨正義曰劉炫云段即豐氏當言駟氏黨字之誤以規杜氏今知非者段為豐氏傳有明文杜既注傳

無容不委蓋後人轉寫之誤劉君雖規未必是杜之失子產至國說正義曰言立公孫泄者所以解說民心也

伯有作亂而死不應立其後祀今立良止民必怪之為伯有之身無義立後而圖謀自解說於民也解說者以子孔

良霄俱被誅殺今并立二人言若國家自以大義存誅絕
之後不爲妖鬼良止也以此解說民心從政至媚也
正義曰反之謂反正道也媚愛也從其政事治國家者有
所反於正道以取民愛也反正道者子孔誅絕於道理不
合立公孫泄今既立良止恐民以鬼神爲威故反違正道
兼立公孫泄以取媚於民今民不惑也段與帶之卒自當
命盡而終耳未必良霄所能殺也但良霄爲厲因此恐民
民心不安義須止過故立祀止厲所以安下民也何休膏
肅難此言孔子不語怪力亂神以鬼神爲政必惑衆故不
言也今亡氏以此今後世信其然廢仁義而祈福於鬼神
此大亂之道也子產雖立良止以託軀絕此以鬼賞罰要
不免於惑衆豈當述之以示季末鄭玄答之曰伯有惡人
也其死爲厲鬼厲者陰陽之氣相乘不和之名尚書五行
傳六厲是也人死體魄則降知氣在上有尚德者附和氣
而興利孟夏之月令尊祀百辟卿士有益於民者由此也
爲厲者因害氣而施災故謂之厲鬼月令民多厲疾五行

傳有禦六厲之禮禮天子立七祀有大厲諸侯立五祀有國
屬欲以安鬼神弭其害也子產立良止使祀伯有以弭害乃
禮與洪範之事也子所不語怪力亂神謂虛陳靈象於今無
驗也伯有爲厲鬼著明若此而何不語乎子產固爲衆愚將
惑故并立公孫卅云從政有所反之以取媚也孔子曰民可
使由之不可使知之子產達於此也 人生至曰魄 正義
曰人稟五常以生感陰陽以靈有身體之質名之曰形有嘘
吸之動謂之爲氣形氣合而爲用知力以此而彊故得成爲
人也此將說淫厲故遠本其初人之生也始變化爲形形之
靈者名之曰魄也既生魄矣魄內自有陽氣氣之神者名之
曰魂也魂魄神靈之名本從形氣而有形氣既殊魂魄亦異
附形之靈爲魄附氣之神爲魂也附形之靈者謂初生之時
耳目心識手足運動啼呼爲聲此則魄之靈也附氣之神者
謂精神性識漸有所知此則附氣之神也是魄在於前而魂
在於後故云既生魄陽曰魂魂魄雖俱是性靈但魄識少而
魂識多孝經說曰魄白也魂芸也白明白也芸芸動也形有

體質取明白爲名氣唯嘘吸取其動爲義鄭玄祭義注云氣謂嘘吸出入者也耳目之聰明爲魄是言魄附形而魂附氣也人之生也魄盛魂彊及其死也形消氣滅郊特牲曰魂氣歸于天形魄歸于地以魂本附氣氣必上浮故言魂氣歸于天魄本歸形形既入土故言形魄歸于地聖王緣生事死制其祭祀存亡既異別爲作名改生之魄曰神改生之魄曰鬼祭義曰氣也者神之盛也魄也者鬼之盛也合鬼與神教之至也死必歸土此之謂鬼其氣發揚于上神之著也是故魂魄之名爲鬼神也檀弓記延陵季子之哭其子云骨肉歸復于土命也若魂氣則無不之也爾雅釋訓云鬼之爲言歸也易繫辭曰陰陽不測之謂神以骨肉必歸于土故以歸言之魂氣無所不通故以不測名之其實鬼神之本則魂魄是也劉炫云人之受生形必有氣氣形相合義無先後而此云始化曰魄陽曰魂是則先形而後氣先魄而後魂魂魄之生有先後者以形有質而氣無質尋形以知氣故先魄而後魂其實並生無先後也 注陽神氣也 正義曰以形有質故爲

陰魂無形故爲陽既以化表形故以陽見氣氣爲陽知形爲陰互相見也 用物至魄彊 正義曰魂既附氣氣又附形形彊則氣彊形弱則氣弱魂以氣彊魄以形彊若其居高官而任權勢奉養厚則魂氣彊故用物精而多則魂魄彊也

注物權勢 正義曰物非權勢之名而以物爲權勢者言有權勢則物能備物謂奉養之物衣食所資之摠名也 是以

至神明 正義曰此言從微而至著耳精亦神也矣亦明也精是神之未著矣是明之未昭言權勢重用物多養此精爽

至於神明也 從政三世 正義曰子良子耳良霄三世皆爲卿 子皮之族飲酒無度

相尚以奢 故馬師氏與子皮氏有惡 正義曰子皮之族飲酒無度相困以酒 故馬師氏與子皮氏有惡 馬師氏公孫

也襄三十年馬師頡出奔公孫鉏 鉏之子罕朔代之爲馬師與子皮俱同一族 齊師還自燕之

月 在此年 罕朔殺罕魋 魋子 罕朔奔晉韓宣

子問其位於子產

問胡可使在何位

子產曰君之驛

臣苟得容以逃死何位之敢擇卿違從大

夫之位

謂以禮去者降位一等

罪人以其罪降

罪重則降多

古

之制也朔於敝邑亞大夫也其官馬師也

大夫位馬師職

獲戾而逃唯執政所寘之得免其死

爲惠大矣又敢求位宣子爲子產之敏也

使從嬖大夫

爲子產故使降一等不以罪降

疏

注相尚至以酒正義曰相尚以奢

食無度也相困以酒飲無度也罕朔殺罕魋正義曰公孫鉏子展之弟展生子皮鉏生罕朔朔是子罕之孫禮

謂之從父昆弟使從嬖大夫 正義曰子方數歲楚云

予替上大夫女嬖大夫不尊貴也則晉之嬖大夫亦是下

大夫子產云朝亞大夫也今晉侯使朝公下秋月衛

大夫故杜云為子產故使降一等不以罪降

襄公卒晉大夫言於范獻子曰衛事晉為

睦睦和也晉不禮焉庇其賊人而取其地賊人 孫林

父其地 戚也故諸侯貳詩曰鴝鵒在原兄弟急難

詩小雅鴝鵒鴝鵒渠也飛則鳴行則 搖喻兄弟相救於急難不可自舍又曰死喪之威兄

弟孔懷威畏也言有死喪 則兄弟宜相懷思兄弟之不睦於是乎

不弔不相 弔恤況遠人誰敢歸之今又不禮於

衛之嗣

嗣新君也

衛必叛我是絕諸侯也獻子以

告韓宣子宣子說使獻子如衛弔且反戚

田

傳言戚田所由還衛

衛齊惡告喪于周且請命王使

成簡公如衛弔

簡公王卿士也

且追命襄公曰叔父

陟恪在我先王之左右以佐事上帝

陟登也恪敬也

帝天也叔父謂襄公命如卒之哀策

余敢忘高圉亞圉

二國周之先也為殷諸侯

亦受殷王

疏

詩曰至急難

正義曰小雅常棣之篇也以鳴鵒之在原喻兄弟之急難也鳴鵒水

鳥也今而在原失其常處飛則鳴行則搖不能自舍也喻人當居平安之世今有兄弟在急難相救之難亦不能自

舍也但鳥有飛行可言人之不能自舍無狀可言耳注
鵲鳴鵲渠正義曰釋鳥文郭璞曰雀屬注陟登至哀

策正義曰陟登恪敬釋詁文也周禮所云上帝皆是天
也如今之哀策者漢魏以來賢臣既卒或贈以本官印綬

近世或更贈以高官褒德叙哀戴之於策將葬賜其家以
告柩如今之哀策謂此也注二圉至命者正義曰案

周本紀高圉是公劉玄孫之孫高圉生亞圉亞圉大王亶
父之祖也並為殷之諸侯今王追命襄公而云不忘二圉

知其亦是受殷王追命此杜以意言耳二圉之受追命無文也九月公至自楚孟

僖子病不能相禮不能相儀荅郊乃講學之

講習也苟能禮者從之及其將死也二十四年孟

言召其大夫僖子屬曰禮人之幹也無禮

無以立吾聞將有達者曰孔丘

信子卒時孔丘年三十五

聖人之後也

聖人殷湯

而滅於宋

孔子六代祖孔父嘉爲宋督所殺其

子奔魯

其祖弗父何以有宋而授厲公

弗父何孔父嘉

之高祖宋閔公之子厲公之兄何適嗣當立以讓厲公

及正考父

弗父何之曾孫佐戴

武宣

三人皆宋君

三命茲益共

三命上卿也言位高益共

故其鼎

銘云

考父廟之鼎

一命而僂再命而僂三命而俯

俯共於僂僂共於僂

循牆而走

言不敢安行

亦莫余敢侮

其共如是

人亦不敢侮慢之

饁於是鬻於是以餬余口

於是鼎中爲饁鬻饁

言至儉其共也如是臧孫紇有言紇式仲也曰聖

人有明德者若不當世其後必有達人聖人

之後有明德而不當大位謂正考父今其將在孔丘乎我若獲沒

得以必屬說與何忌於夫子使事之說南宮敬叔何

忌孟懿子皆僖子之子而學禮焉以定其位知禮則位安故孟

懿子與南宮敬叔師事仲尼仲尼曰能補

過者君子也詩曰君子是則是效詩小雅孟

僖子可則效已矣疏注孔丘年三十五正義曰當言三十四而云五蓋相傳

漢耳

注孔子六代祖

正義曰家語本姓篇云宋濊公

熙生弗父何何生宋父周周生世子勝勝生正考父考父

生孔父嘉其後以孔爲氏也孔父生木金父金父生畢夷

父夷父生防叔防叔辟華氏之偪而奔魯生伯夏伯夏生

梁紇梁紇即生孔子也

饘於至余口

正義曰釋言云

餲餲也郭璞云糜也又云鬻糜也孫炎曰淖糜也然則餲

餲鬻糜相類之物稠者曰糜淖者曰鬻餲餲是其別名將

糜向口故曰以餲余口猶今人以粥向帛黏使相著謂之

餲帛

注聖人至考父

正義曰聖人謂殷湯也不當世

謂不得在位爲國君也上文具言考父之德知此聖人之

後有明德而不得在世當大位者止謂正考父也既是

人之後而又有明德身無貴位必慶隆子孫故言其後

有達人謂知能通達之人於夫子身爲大夫乃稱夫子

時仲尼未仕不得稱爲夫子以未仕之時爲仕後之語

丘明意尊之而失事實陳恒未死言謚亦此類也

注云

宮敬叔

正義曰說南宮氏也敬謚也叔字也又字容中

字括也名單獻公并親用鞶
獻公周卿士單靖

說一名緇
公之子頃公之孫
冬十月辛酉襄頃之族殺獻公而立

成公襄公頃公之父
成公獻公弟
十一月季武子卒晉侯謂

伯瑕伯瑕子
文伯
曰吾所問日食從矣可常乎衛侯

武子皆
卒故
對曰不可六物不同各異
民心不壹政教

殊事
事序不類有變
官職不則治官居職
同始非一法

異終胡可常也詩曰或燕燕居息或惓惓

事國詩小雅
言不同
其異終也如是公曰何謂六物

對曰歲時日月星辰是謂也公曰多語寡

人辰而莫同何謂辰對曰日月之會是謂

辰

一歲日月十二會所會謂之辰

故以配日

謂以子丑配甲乙



詩曰至事國正義

曰小雅北山大夫刺幽王也役使不均已勞於從事而不得養其父母焉或燕燕居息燕燕安息貌或盡瘁事國盡

力勞病以從國事此作憔悴蓋師讀不同歲時日月星

辰正義曰釋天云載歲也夏曰歲周曰年李巡曰載一

歲莫不覆載也孫炎曰四時一終曰歲取歲星行一次也

年取年穀一熟是言歲即年也時謂四時春夏秋冬也日

謂十日從甲至癸也月從正月至十二月也星二十八宿

也辰謂日月所會一歲十二會從子至亥也周禮馮相氏

掌十有二歲十有二月十有二辰十日二十有八星之位

謂此六物也大歲所在十二年始布故爲十二歲辰而

莫同正義曰東南隅有辰也大火謂之辰也又有日月之會辰也又北方有辰星也日月會謂之辰者辰時也言日月聚會有時也故以配日正義曰言辰無常所分在十二以十乾配之明非一所也衛襄公

夫人姜氏無子姜氏宣姜嬖女嬀始生孟縶孔成子

夢康叔謂己立元成子衛卿孔達之孫烝鉏也元孟縶弟夢時元未生余使

羈之孫圉與史苟相之羈烝鉏子苟史朝子史朝亦夢


康叔謂己余將命而子苟與孔烝鉏之曾

孫圉相元史朝見成子告之夢夢協協合也

晉韓宣子為政聘于諸侯之歲在二嬀始

生子名之曰元孟繫之足不良能行也孔

成子以周易筮之曰元尚享衛國主其社

稷辭今著遇屯  震下坎 又曰余尚立繫尚

克嘉之也 嘉善 遇屯  之比  坤下坎上比 以

示史朝史朝曰元亨又何疑焉 周易曰 成

子曰非長之謂乎 言屯之元亨謂 對曰康叔

名之可謂長矣 善之 孟非人也將不列於

宗不可謂長 足跡非全人不 且其繇曰利建侯

蘇卦

嗣吉何建建非嗣也

嗣子有常位故無所
卜又無所建今以位

不定卜嗣得吉則
當從吉而建之也

二卦皆云

謂再得屯卦皆
有建侯之文

子

其建之康叔命之二卦告之筮襲於夢武王

所用也弗從何爲

外傳云大誓曰朕夢協朕卜襲
於休祥戎商必克此武王辭

弱

足者居

跛則偏弱居
其家不能行

侯主社稷臨祭祀奉民

人事鬼神從會朝又焉得居各以所利不

亦可乎

孟跛利居
元吉利建

故孔成子立靈公十二月

癸亥葬衛襄公

靈公
元也

疏

注夢時元未生
知者傳曰嫫始生孟紱即

正義曰

云成子夢若已生訖當云嫺始生孟紮及元然云孔成子
夢且說夢以下乃云晉韓宣子聘歲生元明未生也之
足不良正義曰當斷不良爲句能行向下讀之知者案
二十年杜注云紮足不良故以官邑還豹是也之比
正義曰所以上屯無變者皆遇少爻故也二卦皆云
正義曰謂前卜元之二卦非謂後卜紮之卦也注外傳
云正義曰外傳云者國語引大誓也古文尚書大誓具
有此文此傳之意取大誓也杜不見古文故引外傳解之

春秋正義卷第二十七

春秋正義卷第二十八

昭公

國子祭酒上護軍曹阜縣開國子臣孔穎達等奉

勅撰

經八年春陳侯之弟招殺陳世子偃師

以首

惡從殺例故稱弟又稱世子

疏

注以首至世子

正義曰招與公子過共殺偃師而立公子留及楚殺傷

師留出奔鄭招乃歸罪於過而使陳人殺之及楚師來討招又推過爲首得免重責不死而放之於越是以招爲從罪也若其從招之詐如楚之意則宜書過殺偃師由是仲尼知其實狀以招爲首傳言書曰陳侯之弟招殺陳世子偃師罪在招也是仲尼新意以招爲首惡也從殺例者從兩下相殺之例也釋例曰大臣相殺死者無罪則兩稱名

氏以示殺者之罪王札子殺召伯毛伯是也若死者有罪則不稱殺者名氏晉殺其大夫陽處父是也然則世子雖是副主猶是人臣從此人臣相殺之例故稱弟以見殺者之罪也又稱世子以見世子亦人臣也鄭段去弟陳招不去弟者釋例云陳招殺兄之子然不推刃於其兄故以首惡稱弟稱名從兩下相殺也是言招罪輕於害兄故存弟

也
夏四月辛丑陳侯溺卒

襄二十七年
大夫盟于宋

疏

注

二至于宋 正義曰溺以襄五年即位爾來陳常從楚唯
有襄二十七年大夫與魯同盟于宋劉炫云往年衛侯惡
卒杜云元年大夫盟于號此不數號以杜為上下自相反
今知不然者以盟于宋經有明文故指之號盟文不見經
故不數也其衛侯惡更無盟處唯有號 叔弓如晉楚
盟故數之劉不尋杜意而規其過非也
人執陳行人于衛師殺之 稱行人明非行人罪 陳公子

留出奔鄭

留爲招所立未成君而出奔

秋蒐于紅

革車十乘不

闕也紅魯地沛國蕭

疏

注革車至闕也

正義曰傳稱

縣西有紅亭遠疑

革車十乘是大蒐也十一年大

蒐于比蒲二十二年大蒐于昌間定十三年十四年大蒐于比蒲皆云大蒐此不云大知經闕文也釋例云紅之蒐傳言革車十乘所以示大蒐也而經不書大諸事同而文異傳不曲言經義者直是時史之闕略仲尼略而從之春秋不可錯綜經文此之類也劉賈穎云蒐于紅不言大者言公大失權在三家也十一年蒐于比蒲經書大蒐復云書大者言大衆盡在三家隨文造意以非例爲例不復知其自違也

陳人殺其大夫公

子過

與招共殺偃師書名罪之

大雩

無傳不旱而秋雩過也

冬十月壬午

楚師滅陳

不稱將帥不以告壬午月十八日

執陳公子招放之

于越

無傳復稱公子兄已卒

殺陳孔奐

無傳招之黨楚殺之

疏

注招之黨

楚殺之 正義曰孔奐之爲招黨傳無其文正以殺稱名氏是有罪之文知其是招黨也文七年宋人殺其大夫傳曰不稱名衆也且言非其罪也無罪不稱名知稱名爲有罪矣楚使孔奐無罪仲尼必當變文但此非常例先無定制不知其將何所稱也執招殺奐皆是楚人爲之承上楚師滅陳之下是楚可知不復每文書楚杜以注文隔故言楚殺以明之不言殺陳大夫者殺他國之臣例不書爵宣十一年楚人殺陳夏徵舒是其類也此執招殺奐皆滅陳乃爲之故依次而葬陳哀公

嬖人索克葬之魯往會故書

疏

注

人至故書 正義曰賈服以葬哀公之文在殺孔奐之下以爲楚葬哀公故杜辯之索克葬之案傳克欲殺馬嬰王楚人將欲殺克不得爲楚葬之若是楚葬宜云楚人葬陳哀公當如齊侯葬紀伯姬不得直言葬也三諸言葬某公

者皆是魯往會葬之文大夫不得書名言其所爲之事而已故云魯往會故書也案傳袁克之葬乃是私竊葬之而魯得會者諸侯之卒告卒不告葬但葬有常期知卒即往會之未必得以禮從赴也

傳八年春石言于晉魏榆

魏榆晉地

晉侯問於

師曠曰石何故言對曰石不能言或馮焉

謂有精神馮依石而言

不然民聽濫也

濫失也

抑臣又聞之

抑疑

辭曰作事不時怨讟動於民則有非言之

物而言今宮室崇侈民力彫盡

彫傷也

怨讟並

作莫信其性

性命也民不敢自保其性命

石言不亦宜乎於

是晉侯方築虎祁之宮

虎祁地名在絳西四十里臨汾水

叔

向曰子野之言君子哉

子野師曠字

君子之言信

而有徵故怨遠於其身

怨咎遠其身也

小人之言僭

而無徵故怨咎及之詩曰哀哉不能言匪

舌是出唯躬是瘁

詩小雅也不能言謂不知言理以僭言見退者其言非不從舌

出以僭而無信自取瘁病故哀之

哿矣能言巧言如流俾躬處

休其是之謂乎

哿嘉也巧言如流謂非正言而順叙以聽言見答者言其可嘉以信而

有徵自取安逸師曠此言緣問流轉終歸于諫故以此巧言如流也當叔向時詩義如此故與今說詩者小異

是

宮也成諸侯必叛君必有咎夫子知之矣

謂十年晉

疏

注魏榆晉地正義曰服虔云魏邑榆州

地名知魏榆亦地名

民聽濫

正義曰或民聽濫失實

無言而妄稱有言也

詩曰至謂乎

正義曰小雅南無

正之篇也可哀愍哉彼不能言之人其所言者非不從舌

是出但其言僭而無徵唯於己身是病以不能言而自病

其身是可哀也可嘉美矣彼能言者巧為言語如水之轉

流然其言信而有徵自使其身處休美之地以能言而自

處其美地故可嘉也此能言處休者其是子野之謂乎

注胥嘉至小異正義曰詩毛傳云胥可也胥無正訓以

其字從加從可故各以意訓耳此詩上文云聽言則答請

言則退然後次此哀哉故杜以哀哉不能言覆上僭言見

退謂言而不見信被黜退者也胥矣能言覆上聽言則答

謂言可聽用見應答者也以其言可嘉善信而有徵故自

謂言可聽用見應答者也以其言可嘉善信而有徵故自

謂言可聽用見應答者也以其言可嘉善信而有徵故自

謂言可聽用見應答者也以其言可嘉善信而有徵故自

取安逸處休美也師曠因公之問其言流轉終歸于諫其言實巧故以比巧言如流也據今毛鄭解詩哀哉不能言者賢人不能言也不能以其正道曲從君心故身見困病芻矣能言乃指時世所謂能言者巧言從俗如轉流矣阿諛順旨不依正法得使身居休美與此所引意異故言當叔向時詩義如此與今說詩者小異隱元年注云詩人之作各以情言君子論之不以文害意故春秋傳引詩不皆與今說詩者同他皆放此然則引詩斷章取義得異於本而云叔向時詩義如此者但叔向此言在孔子刪詩之前與刪詩之後其義或異改云叔向時詩義如此隱元年論詩者君子之言君子即丘明也其言則刪詩之後乃與詩說不同故云引詩斷章此杜大略而言其實未脩之前有引詩亦有斷章者

陳哀公元妃鄭姬生悼太子偃師

元妃嬀二妃生公子留下妃生公子勝二妃嬖夫人也

留有寵屬諸司徒招與公子過

招及過皆哀公弟也

有廢疾三月甲申公子招公子過殺悼大

子偃師而立公子留夏四月辛亥哀公縊

憂患自殺經書辛丑從赴

干徵師赴于楚

干徵師陳大夫

且告有立

君公子勝愬之于楚

以招過殺偃師告愬也

楚人執而

殺之

殺于徵師

公子留奔鄭書曰陳侯之弟招

殺陳世子偃師罪在招也楚人執陳行

人干徵師殺之罪不在行人也

疑為招赴楚當同罪故重發之

疏

注經書辛丑從赴正義曰經云辛丑傳言辛亥經傳異者多是傳實經虛故言從赴長歷四月戊戌朔

四日辛丑十四日辛亥一月之內有此二日故不云日誤注疑爲至發之正義曰襄十一年楚人執鄭行人良霄

傳稱書曰行人言使人也此復發傳故言重發之也釋例曰行人有六而發傳有三者因良霄以顯其稱行人因于

游師以示其非罪因魯叔孫婁以同外叔弓如晉賀

內大夫則餘三人皆隨例而爲義也

虎祁也賀官成游吉相鄭伯以如晉亦賀虎

祁也史趙見子大叔曰甚哉其相蒙也蒙欺

也可弔也而又賀之子大叔曰若何弔也

其非唯我賀將天下實賀言諸侯畏晉非獨鄰秋大蒐

于紅自根牟至于商衛革車千乘大蒐數軍實簡車馬

也根牟魯東界琅邪陽都縣有牟鄉商宋地魯西竟接宋衛也言千乘明大蒐且見魯衆之大數也七月

甲戌齊子尾卒子旗欲治其室子旗廢施也欲并治子尾之家

政丁丑殺梁嬰梁嬰子尾家宰八月庚戌逐子成子工

子車三子齊大夫子尾之屬子成頃公子固也子工成之弟鑄也子車頃公之孫捷也皆來奔

不書非卿而立子良氏之宰子良子尾之子高彊也子旗爲子良立宰其臣

曰孺子長矣孺子謂子良而相吾室欲兼我也兼并

也授甲將攻之陳桓子善於子尾亦授甲

將助之或告子旗子旗不信則數人告將

往又數人告於道遂如陳氏栢子將出矣

聞之而還

聞子旗至

游服而逆之

去戎備著常游戲之服

請命

問栢子所至

對曰聞彊氏授甲將攻子子聞諸曰

弗聞子盍亦授甲無宇請從

無宇栢子名

子旗曰

子胡然彼孺子也吾誨之猶懼其不濟吾

又寵秩之

謂爲之立宰

其若先人何子盍謂之

謂之

使無攻我

周書曰惠不惠茂不茂

周書康誥也言當施惠於不惠者勸

勉於不勉者茂勉也

康叔所以服弘大也

服行也

栢子稽顙

白頃靈福子

頃公靈公欒氏所事之君

吾猶有望

望子旗惠及己

遂

和之如初

和藥高二家

疏

將往至陳氏良之家也又數人告不復敢向

正義曰將往子

子良之家遂如陳氏服虔云將往者欲往到陳氏問助子良攻我意謬甚也注周書至勉也正義曰周公戒康

叔當施惠於不肯施惠者勸勉其不能勉力者今子良不能勉力爲善欲令栢子勸勉之故引此書也茂勉也釋詁

文頃正義曰謚法祇動追懼曰頃

陳公子招歸罪於公子過

而殺之

言招所以不死而得放

九月楚公子棄疾帥師奉

孫吳圍陳

孫吳悼太子偃師之子惠公

宋戴惡會之

戴惡宋大夫

冬十一月壬午滅陳

壬午十月十八日傳言十一月誤

與嬖素克

殺馬毀玉以葬

與衆也素克嬖人之貴者欲以非禮厚葬哀公

楚人將

殺之請寘之

置馬

既又請私

私盡君巨恩

私於幄

加絰於顙而逃

幄帳也逃不欲爲楚臣

使穿封成爲陳公

成楚大夫滅陳爲縣使成爲縣公

曰城麋之役不諂

城麋役在襄二十六年成與靈

王爭

侍飲酒於王王曰城麋之役女知寡人

之及此女其辟寡人乎

及此謂爲王

對曰若知君

之及此臣必致死禮以息楚國

息寧靜也

晉侯問

於史趙曰陳其遂亡乎對曰未也公曰何

故對曰陳顓頊之後也陳祖舜舜出顓頊歲在鶉火

是以卒滅陳將如之顓頊氏以歲在鶉火而滅火盛而水滅今在析

木之津猶將復由箕斗之間有天漢故謂之析木之津由用也且陳

氏得政于齊而後陳卒亡物莫能兩盛自幕至于


瞽瞍無違命幕舜之先瞽瞍舜父從幕至瞽瞍間無違天命廢絕者舜重之

以明德寘德於遂遂舜後蓋殷之與存舜之後而封遂言舜德乃至於遂遂

世守之及胡公不淫故周賜之姓使祀虞

帝胡公滿遂之後也事周武王賜姓曰姬封諸陳紹舜後臣聞盛德必百世

祀虞之世數未也繼守將在齊其兆既存

矣言陳氏興盛於齊形兆已見注壬午至月誤正義曰杜以長歷校之十月乙丑朔十八日得壬

午也十一月無壬午經書十月歷與經合知傳言十一月者誤也注與衆至哀公正義曰就衆嬖之內特舉棄

克之名知克是嬖人之貴者也葬無殺馬毀玉之法知欲以非禮厚葬哀公也服虔云一曰馬陳侯所乘馬也陳侯

所佩玉故殺馬毀玉不欲使楚得之事亦有似知不然者楚既滅陳制爲己有克不能私藏馬玉欲殘毀之故不從

對曰至楚國正義曰致死禮者欲爲郊勞致死殺靈王也穿封成既臣事靈王而爲此悖言追恨不殺君者以明

在君爲君之義見己忠直若如今日有人欲謀靈王已必致死殺之此對是諂非悖也注顓頊至水滅正義曰

顓頊崩年歲星在鶉火之次於時猶有書傳言之故史趙得而知也歲星天之貴神所在必昌鶉火得歲而火益盛火盛而水滅顓頊水德故以此年終也陳是顓頊之族故知滅將如之亦當歲在鶉火陳乃滅也史趙別有以知假此而爲言耳不可一準此言以驗國之興滅 注箕斗至用也 正義曰析木之津於十二次爲位在寅也釋天云析木之津箕斗之間漢津也孫炎曰析別水木以箕斗之間是天漢之津也劉炫謂是天漢即天河也天河在箕斗二星之間箕在東方木位斗在北方水位分析水木以箕星爲隔隔河須津梁以渡故謂此次爲析木之津也不言析水而言析木者此次自南而盡此故依此次而名析木也襄三十年傳稱歲星在娵訾之口其明年乃及降婁歲星歲行一次降婁距此九年故此年歲在析木之津也由用釋詁文言將復用是而更興 注幕舜至絕者 正義曰魯語云幕能師顓頊者也有虞氏報焉孔晁云幕能脩道功不及祖德不及宗故每於歲之大烝而祭焉謂之報言虞

舜祭慕明慕是舜先不知去舜遠近也帝系云顓頊生窮
蟬窮蟬生敬康敬康生句芒句芒生蟠牛蟠牛生瞽叟亦
不知慕於蟠牛以前是誰名字之異也從慕至瞽叟無遠
天命廢絕言其不絕世繼嗣相傳以至舜也觀傳此文瞽
叟以前似有國土而尚書序云虞舜側微孔安國云爲庶
人故微賤經云有齔在下曰虞舜明是下賤矣蓋至瞽叟
始失國耳此久遠之事不可知也 注遂舜至於遂 正
義曰三年傳云箕伯直柄虞遂伯戲則遂在直柄之後故
云蓋殷興存舜之後而封之也言舜有明聖之德其德流
及於遂故言寘德於遂寘置也置此德於遂身今使遂有
德也 注胡公至舜後 正義曰胡公封陳之由襄二十
五年傳已具之矣世本舜姓姚氏哀元年傳稱夏后少康
奔虞虞思妻之以二姚虞思猶姓姚也至胡公周乃賜姓爲
媯耳因昔虞舜居媯水故周賜以媯爲姓也陳世家言舜
居媯汭其後因姓媯氏謂胡公之前已姓媯矣是馬遷之
妄也 其非既存矣 正義曰陳氏山山益賢而位漸高

有恩德而得民意其有國之
勢非既存在矣言可知也

經九年春叔弓會楚子于陳

以事往非
行會禮

疏

注以

事至會禮

正義曰此與宣十五年公孫歸父會楚子于
宋其事同也楚子在彼魯敬大國自往會之非楚子召使

會自以小國事

許遷于夷

許畏鄭欲遷故
以自遷為文

疏

注許
畏至

大國之禮往

為文

正義曰許自楚莊王以來世屬於楚常與鄭為仇
敵今畏鄭欲遷都近楚楚從其意而遷之故以許自遷為

文若許不欲遷而楚強遷之則當為
楚人遷許如宋人遷宿齊人遷陽

夏四月陳災

天火

曰災陳既已滅降為楚縣而書陳災者猶晉之梁山
沙鹿崩不書晉災害繫於所災所害故以所在為名

疏

注天火至為名

正義曰天火曰災宣十六年傳例也公

羊穀梁經皆作陳火公羊傳曰陳已滅矣其言陳火何存

陳也穀梁傳曰國曰災邑曰火火不志此何以志閔陳而存之也賈服取彼爲說言愍陳不與楚故存陳而書之言陳尚爲國也杜以左氏無此義故辯而異之云陳旣已滅降爲楚縣不言楚陳災而直書陳災者猶如晉之梁山沙鹿崩不書晉也以彼不繫晉知法自不當繫楚非是存陳如舊國也凡災害所及繫於所災所害之處故以所在爲名不復繫其本國大都以名通例不繫國陳是楚之大都無緣當繫於楚二傳兵說故杜不從所災所害者所災謂陳災是也所害謂梁山沙鹿崩是也然災害繫於所災所害而宣十六年不直云宣榭火而以宣榭繫成周者以宣榭其名不顯若不繫成周不知何處宣榭與此別也

秋仲孫矍如齊冬築

郎圉

傳九年秦叔弓宋華亥鄭游吉衛趙厲會

楚子于陳

楚子在陳故四國大夫往非盟主所召不行會禮故不摠書

疏

子

摠書正義曰往年楚公子棄疾帥師圍陳楚子不親行也既滅陳以爲縣楚子自往巡行鎮撫之魯宋鄭衛聞其在陳畏威加敬各遣大夫往彼會之非是盟主所召至亦不行會禮故魯史獨書已使不復摠書諸國也傳因叔弓所見故歷序四國大夫以見諸國皆行非獨魯也十年叔孫婼如晉葬晉平公傳因歷序諸國大夫此意與彼同也服虔以爲此會宋鄭衛之大夫不書叔弓後也服見文七年公會諸侯晉大夫盟于扈傳歷序諸國乃云公後至故不書所會凡會諸侯不書所會後也後至不書其國辟不後也服意準彼爲義故云叔弓後耳彼爲盟主所召故諱後期此則楚非盟主何以當諱春秋之意豈欲魯棄晉而從楚乃爲之諱其會楚遲也且彼不書所會乃摠書諸侯此若是會經何以不摠書叔弓會諸侯之大夫傳何以不言叔弓會楚子宋華亥鄭游吉衛趙厲子陳也今傳以四

國大夫共會楚子義非扈類足以可明且叔弓若後傳當言之傳不言後而服以為後是欲代丘明為傳非解之也故杜顯而異之言不行會禮故不摠書見此意

二月庚申楚公子棄疾

遷許于夷實城父

此時改城父為夷故傳實之城父縣屬譙郡

取州

來淮北之田以益之

益許田

伍舉授許男田然

丹遷城父人於陳以夷濮西田益之

以夷田在濮水

西者與城父人

遷方城外入於許

成十五年許遷於葉因謂之許今許遷於夷故

以方城外入實其處

疏

注此時至譙郡地名經傳不同而傳言實者則

正義曰杜以

以為名有政易也傳不言實則以為二名並存也所言實者皆舉舊以實新此地舊名城父此時新改為夷然言城

父是舊名故傳以實明之凡有二義經書未改之名傳以所改實之則昭十八年許遷于白羽傳云許遷於所實白羽定十年公會齊侯于夾谷傳云會于柷其實夾谷是也若經書已改之名則傳亦舉其已改實其未改之號即此許遷于夷傳云遷許于夷實城父定十三年齊侯衛侯次于垂葭傳云次于垂葭實鄆氏是也此四者或經書未改或經書已改傳皆上句舉其已改之名下句實其未改之號凡一地前後二名者非謂經時爲未改之名傳時爲已改之名乃於經傳以前上世之時已有所改前後之名夫子集史記而爲經丘明采簡牘而作傳史記或書其舊名者即白羽夾谷是也或史記書其後名者即夷與垂葭是也丘明據簡牘爲傳以所改後名而實之故僖二十五年秦取析矣襄二十六年聲子云析公之亂皆舉白羽改爲析之後但簡牘稱析故杜云於傳時白羽改爲析止謂簡牘之時非丘明作傳時也若其不然孔子脩經立明作傳事相連接時日不遠豈可脩經時爲白羽作傳即改爲

析故杜云此四者皆為所在之地舊名絕於當時史記有遺者也劉炫不審思杜意怪傷公襄公之世已有析名而規杜氏非也取州至益之正義曰釋例云州來淮南下蔡縣汝水之南地淮北之田淮水北田則州來邑在淮南邑民有田在淮北也許國盡遷于夷夷田少故取以益之周甘人與晉閻嘉

爭閭田

甘人甘大夫襄也閻嘉晉閻縣大夫

晉梁丙張趯率陰戎

伐潁

陰戎陸渾之戎潁周邑

王使詹桓伯辭於晉

辭責譴之桓伯

周大夫

曰我自夏以后稷魏駘芮岐畢吾西土

也

在夏世以后稷功受此五國為西土之長駘在始平武功縣所治釐城岐在扶風美陽縣西北

及武

王克商蒲姑商奄吾東土也

樂安博昌縣北有蒲姑城

巴

濮楚鄧吾南土也肅言但燕毫吾北土也肅

北夷在玄菟北三千餘里吾何邇封之有邇近也文武成康之

建母弟以蕃屏周亦甘其廢隊是為為後世廢隊兄弟之

國當救濟之豈如弁髦而因以敝之童子垂髦始冠必三加冠成禮而棄其始

冠故言弁髦因以敝之弁亦冠也先王居擣杙于四裔以禦螭

魅言擣杙略舉四凶之一下言四裔則三苗在其中故允姓之姦居于瓜

州允姓陰戎之祖與三苗俱放三危者瓜州今敦煌伯父惠公歸自秦而

誘以來僖十五年晉惠公自秦歸二十二年秦晉遷陸渾之戎於伊川使偪我諸

姬入我郊甸則戎焉取之

邑外爲郊郊外爲甸言戎取周郊甸之地

有中國誰之咎也

咎在晉

后稷封殖天下今戎

制之不亦難乎

后稷脩封疆殖五穀今戎得之唯以畜牧

伯父圖之

我在伯父猶衣服之有冠冕木水之有本

原民人之有謀主也

民人謀主宗族之師長

伯父若裂

冠毀冕拔本塞原專棄謀主雖戎狄其

何有余一人

伯父猶然則雖戎狄無所可貴晉率陰戎伐周邑故云然

叔向謂

宣子曰文之伯也豈能改物

言文公雖霸未能改正朔易服色

翼戴天子而加之以共

翼佐也

自文以來世有

襄德而暴蔑宗周

宗周天子

以宣示其侈諸侯

之貳不亦宜乎且王辭直子其圖之宣子

說王有姻喪

外親之喪

使趙成如周弔且致閭田

與襚

襚送死衣

反潁俘王亦使賓滑執甘大夫襄

以說於晉晉人禮而歸之

賓滑周大夫

疏

注甘人至大夫

正義曰孔子父叔梁紇為鄒邑之長論語謂孔子為鄒人之子是典邑大夫法當以邑名冠之而稱人知此甘人即
是下文甘大夫襄也甘人是甘縣大夫知閭嘉是晉之閭
縣大夫名嘉也甘閭接竟田或相侵故共爭之 注在夏

至西北 正義曰周語云昔我先王不窋用失其官案本紀不窋夏之衰也棄稷弗務我先王不窋用失其官案本紀不窋是后稷之子繼其父業世爲大國故受此五國爲西土之長也釋例土地名云魏河東河北縣也芮馮翊臨晉縣芮鄉是也畢在京兆長安縣西北駘在武功岐在美陽今案其他芮在魏之西南百餘里耳岐在駘之西北無百里也詩稱后稷封部與岐畢相近爲之長可矣計魏在部東北百餘里而令部國與魏爲長道路大遙公劉居豳又在岐西北四百餘里此傳極言遠竟而辭不及豳並不知其故及武至東土 正義曰武王克商光有天下外薄四海皆爲周地上文旣言西土故以下唯說三方其實西方所至過於上文自岐以西猶是周竟但不復重言之耳服虔云蒲姑商奄濱東海者也蒲姑齊也商奄魯也二十年傳曰蒲姑氏因之定四年傳曰因商奄之民命以伯禽 巴濮至北土 正義曰土地名云巴巴郡江州縣也楚南郡江陵縣也鄧義陽鄧縣也建寧郡南有濮夷地然則巴楚鄧

中夏之國唯濮爲遠夷耳土地名又云燕國薊縣也毫是小國關不知所在蓋與燕相近亦是中國也唯肅慎爲遠夷注肅慎至餘里正義曰書序云成王既伐東夷肅慎來賀魯語云武王克商肅慎氏貢楷矢韋昭云肅慎東北夷之國去扶餘千里晉之玄菟即在遼東東北杜言玄菟北三千里是北夷之近東者故杜言北夷韋言東北夷吾何遜封之有正義曰言我之封疆何近之有遜近也文武至是爲正義曰傳稱號仲虺叔王季之穆是文王母弟也管蔡霍魯衛毛聃史記以爲武王之母弟也唐叔成王之母弟也其康王之母弟則書傳無文文王周之始王故言文王文王未得封諸侯也弟以同母爲親故言母弟耳所封非同母者亦多矣建爲國君所以爲藩籬屏蔽周室使與天子蔽鄣患難亦其慮後世子孫或有廢除王命望諸侯共救濟之是爲此也豈如至敝之正義曰豈如弁髦因以敝之者弁謂緇布冠髦謂童子垂髦凡加冠之禮先用緇布之冠敝括垂髦三加之後去緇布之

冠不復更用故云因以敝之今王自以豈得將王室如緇布冠加髦之後不須復用因以敝之猶言以我王家封建晉國之後因即棄而不事之也 注童子至冠也 正義曰案禮未髦之時必垂髦故云童子垂髦也上冠禮始冠緇布冠次加皮弁次加爵弁是始冠必三加冠也其記冠義云始冠緇布之冠冠而敝之可也玉藻亦云始冠緇布冠自諸侯下達冠而敝之可也鄭玄云本大古耳非時王之法服也是言本古而暫冠既加而即棄是禮成而棄其始冠故云弁髦而因以敝之也弁有爵弁皮弁嫌緇布之冠不得名弁故云兼亦冠也周禮弁師掌冕是弁爲大名也劉炫以爲弁髦二物以童子垂髦爲髦彼兩髦又云因以敝之者謂親沒不擊案禮加冠以後親沒以前身既成人猶自垂髦何得云童子垂髦髦既親沒乃棄杜注何以不言親沒也若三加之後棄弁不棄髦杜注何得云棄其始冠故言弁髦因以敝之既違髦而言明非親沒之髦也髦之形象鄭注士喪禮云未聞 注言情至其中 正義

曰文十八年傳稱舜臣堯流四凶族渾敦窮奇檮杌饕餮
投諸四裔以禦魑魅先儒皆以爲渾敦驩兜也窮奇共工
也檮杌鯀也饕餮三苗也此傳以晉率陰戎伐潁止須言
饕餮耳而云檮杌者略舉四凶之一耳下言四裔則三苗
在其中可知也若直說鯀當言居檮杌于羽山不須言四
裔也 注允姓至彤墀 正義曰此言主責陰戎知允姓
陰戎之祖也言允姓之姦者謂其姦邪之人惡言之也尚
書云竄三苗于三危此言允姓居于瓜州時同而人別知
與三苗俱放於三危也 則戎焉取之 正義曰焉猶何
也若不由晉則戎何得取周之地也 注邑外至之地
正義曰釋地云邑外謂之郊周禮載師掌任土之法具敘
王畿之內遠近之次自國中以外有近郊遠郊次甸次
甸次縣次都是郊外爲甸也陸渾之戎居伊洛之間是取
甸甸之地 我在至主也 正義曰言我周存在於伯父
有益如衣服云云 雖戎至一人 正義曰言伯父我親
猶自如此則雖戎狄其何有恩義於我一人既無恩親侵

我亦無可責 王有姻喪 正義曰隱元年傳云士貍月
外姻至姻是外親故杜云外親之喪也服虔云婦之父曰
姻王之后喪父於王亦有服義故杜弔案妻父為姻雖有
此稱王之納后必取諸侯之女后之父母不得身在京師
往弔可耳何以得致襚也以致襚言之
知是外親之喪耳不知外親喪是誰死 夏四月陳

災鄭裨竈曰五年陳將復封封五十二
年而遂亡子產問其故對曰陳水屬也

陳顓頊之後 火水妃也 火畏水故 而楚所相也

故為水屬 相治也楚之先祝融為 火心星也 今火出而火陳 火出於周

高辛氏火正主治火事 為五月而以四月出者 逐楚而建陳也 水得妃而
以長歷推前年誤置閏 興陳與則

楚衰故曰逐

楚而建陳

妃以五成故曰五年

妃合也五行各相妃合得五而

成故五歲而陳復封爲十三年陳侯吳歸于陳傳

歲五及鶉火而後陳

卒亡楚克有之天之道也故曰五十二年

是歲歲在星紀五歲及大梁而陳復封自大梁四歲而及鶉火後四周四十八歲凡五及鶉火五十二年天數以五

爲紀故五及鶉

疏

陳水屬

正義曰陳顓頊之後顓頊

火火盛水度

後舜爲土德不近言土屬而遠繫顓頊爲水屬者蓋禪

知陳將欲復興須取水爲占驗假此以爲言耳未必帝王

子孫永與所承同德楚之先世嘗爲火官即以火爲楚象

豈復五行之官後世皆依其行乎此皆賢哲有以知之非

吾徒所測 注火畏至之妃 正義曰陰陽之書有五行

妃合之說甲乙木也丙丁火也戊己土也庚辛金也壬癸

水也木克土土克水水克火火克金金克木木畏金以乙
爲庚妃也金畏火以辛爲丙妃也火畏水以丁爲壬妃也
水畏土以癸爲戊妃也土畏木以己爲甲妃也杜用此說
故云火畏水故爲之妃也服虔云火離也坎也易卦離
爲中女坎爲中男故火爲水妃 注相治至火事 正義
曰相訓助也主火而助君爲治故以爲治也二十九年傳
曰火正曰祝融顓頊氏有子曰犁爲祝融楚世家云高陽
生稱稱生卷章卷章生黎黎爲高辛氏火正甚有功能光
融天下帝嚳命曰祝融共工作亂帝使黎誅之而不盡帝
誅黎而以其弟吳回爲後復居火正爲祝融回生陸終陸
終生子六人六曰季連楚其後也是楚之先爲火正治火
事 注火心至置閏 正義曰襄九年傳曰心爲大火十
七年傳曰火山於周爲五月今經書四月陳災傳言火山
而火陳火得以四月山者長歷云閏當在此年五月後而
在前年故火以四月山也長歷以爲前年閏八月則此年
四月五日得中氣二十日得五月節故四月得火見 注

水得至建陳 正義曰杜以陳爲楚邑楚人在陳陳興則
楚衰故曰逐楚而建陳當謂逐去楚人之在陳者若穿封
戌爲陳公者也但歐逐楚國之人於義甚通劉炫乃改逐
爲適言火逃適去楚而建立陳國而規杜非也 注妃合
至陳傳 正義曰妃合釋詁文也易繫辭云天一地二天
三地四天五地六天七地八天九地十天數五地數五五
位相得而各有合鄭立云天地之氣各有五五行之次一
曰水天數也二曰火地數也三曰木天數也四曰金地數
也五曰土天數也此五者陰無匹陽無耦故又合之地六
爲天一匹也天七爲地二耦也地八爲天三匹也天九爲
地四耦也地十爲天五匹也二五陰陽各有合然後氣相
得施化行也是言五行各相妃合生數以上皆得五而成
故云五歲而陳將復封 注是歲是水衰 正義曰如杜
所注歲星每年而行一次至昭三十二年則歲星在寅未
至於丑其傳云越得歲而吳伐之故服氏以爲有事于武
宮之歲龍度天門謂十五年歲星從申越未而至午歷家

以周天十二次次別爲百四十四分歲星每年行一百四十五分是歲星行一次外剋行一分積一百四十四年乃剋行一次故昭十五年得超一辰今杜氏既無此義而三十二年歲星得在丑者但歲星之行天之常數超辰之義不言自顯故杜不注若然楚卒滅陳在哀十七年則歲星當踰鶉火至鶉尾而云五及鶉火者以顓頊歲在鶉火而滅故裨竈舉大略而言云五及鶉火不復細言殘數雖至鶉尾亦經由鶉火天有五星又大微官中有五帝坐又四方中央亦有五是天數以五爲紀故五及鶉火也歲星天之貴神所在之國必昌歲在鶉火火得歲星之助火既盛而水則衰

晉荀盈如齊逆女

還六月卒于戲

自爲

陽

魏郡內黃縣北有戲陽城

殯于絳未葬晉侯飲酒樂膳

宰屠蒯趨入請佐公使尊

許之

公之使人執尊酌酒請爲之佐

許之

公許之

而遂酌以飲工

工樂師師曠也

曰女為君耳將司

聰也

樂所以聰耳

辰在子卯謂之疾日

疾惡也紂以甲子喪桀以乙卯

亡故國君以為忌日

君徹宴樂學人舍業為疾故也君

之卿佐是謂股肱股肱或虧何痛如之

言痛疾過

於忌日

女弗聞而樂是不聰也

不聞是義而作樂

又飲外

嬖嬖叔

外都大夫之嬖者

曰女為君目將司明也

職在外故

視服以旌禮

旌表也

禮以行事

事政令

事有其物

物類也

物有其容

容貌也

今君之容非其物也

有卿佐之

喪而作樂歡會故曰非其物

而女不見是不明也亦自飲也

曰味以行氣氣以實志

氣和則志充

志以定言

在心

為志發口為言

言以出令臣實司味二御失官而君

弗命臣之罪也

工與嬖叔侍衛君者失官不聰明

公說徹酒初

公欲廢知氏而立其外嬖為是悛而止秋

八月使荀躒佐下軍以說焉

躒荀盈之子知文子也佐下軍代父

也說自

疏

注工樂師師曠也

正義曰禮記檀弓說此事云知悼子卒未葬平公飲酒師曠李調侍

知工即師曠也外嬖叔即李調也

注樂所以聰耳

正義曰樂以和心聲從耳入故樂去所以聰耳大師掌樂務

義曰樂以和心聲從耳入故樂去所以聰耳大師掌樂務

使君聰故爲君耳將司聰也 注疾惡至忌日 正義曰
訓疾爲惡言王者惡此日不以舉吉事也尚書武成篇云
時甲子昧爽受率其旅若林會于牧野罔有敵于我師前
徒倒戈攻于後以北血流漂杵是紂以甲子喪也詩公草
顧旣伐昆吾夏桀言昆吾與桀同時死也十八年傳二月
乙卯周毛得殺毛伯過而代之萇弘曰毛得必亡是昆吾
稔之日也昆吾之死與桀同日知桀以乙卯亡也以此二
王之亡爲天誅之日故國君以爲忌日惡此日也檀弓云
君子有終身之憂故忌日不樂鄭玄云謂死日也彼謂親
亡之日至此日而念親故忌此日不用舉吉事非是惡此
日也此與忌日名同意異 注外都至嬖者 正義曰此
言外嬖嬖叔即李調是也禮記云調也君之嬖臣也旣云
嬖臣而謂之外嬖知是外都大夫之嬖者猶晉獻公時有
外嬖梁伍東關嬖伍 服以至不明 正義曰吉有弁星
凶有衰麻禮有吉凶之異作衣服以表之如此之類是服
以旌禮也周禮司服六冕以祭祀皮弁以視朝韋弁以視

戎冠弁以田獵如此之類是禮以行事也傳稱哀有哭泣
樂有歌舞如此之類是事有其物言行事各有其物類也
記稱衰麻則有哀色端冕則有敬色介冑則有不可犯之
色周禮保氏教國子六儀一曰祭祀之容二曰賓客之容
三曰朝廷之容四曰喪紀之容五曰軍旅之容六曰車馬
之容少儀曰言語之美穆穆皇皇朝廷之美濟濟翼翼
祀之美濟濟皇皇車馬之美駢駢翼翼和之美肅肅雍
雍如此之類是物有其容也君有卿佐之喪宜有悲哀之
貌而與羣臣飲酒作樂今君之容貌非其類也而女不見
是不明也味以至罪也正義曰調和飲食之味以養
人所以行人氣也氣得和順所以充人志也志意充滿慮
之於心所以定言語也詳審言語宣之於口所以出號令
也臣實主掌食味今工師不聰叔也不明二侍御者並失
其官而君不出今以罪之必是食味失宜是臣之罪也公
說至而止正義曰公心欲廢知氏故輕悼子之喪不廢
飲酒得蒯以禮責之乃知君臣義重其禮不可輕廢焉是

悛而止悛改也改革前意也禮記記此事飲酒事同而其言盡別記是傳聞故與此異二者必有一謬當傳實而記

也孟僖子如齊殷聘禮也

自叔老聘齊至今二十年禮意久曠今脩

盛聘以無忘

疏

注自叔至曰禮

正義曰襄二十年叔

舊好故曰禮

老聘齊至今二十年更不遣聘是邦交

禮意久曠絕也殷訓盛也今脩盛聘以無忘舊好故禮之也聘禮云小聘曰問不享有獻不及夫人主人不延几不郊勞然則聘禮經之所言是大聘也王制云諸侯之於天子也比年一小聘三年一大聘鄭玄云小聘使大夫大聘使卿聘禮既是大聘使卿矣聘聘又當盛於冬築郎大聘不知以何為盛或當享禮之物多矣

圉書時也季平子欲其速成也叔孫昭

子曰詩曰經始勿亟庶民子來

詩大雅言文王始經營靈

臺非急疾之衆民自
以子義來勸樂爲之
焉用速成其以勸民也

勸勞也
無囿猶可無民其可乎
疏
詩曰至子來
正義曰大雅

靈臺之篇也言文王經始靈臺之基趾其意勿使急成之
但其衆民自以子成父事而來勸樂而早成之耳子成父

事不待督帥故云子
來以示民樂之意

經十年春王正月夏齊藥施來奔
耆酒好內
以取敗亡

故書
秋七月季孫意如叔弓仲孫矍帥師

伐莒
二大夫皆卿故書之
季孫爲主二子從之
疏
注三大至從之
正義
曰成二年鞏之戰魯四

卿並書此三卿皆書重兵詳內故備書之其他國行兵唯
書元帥而已略外也傳云平子伐莒取郕平丘又獨見執

明是季孫為伐莒之主二子從之

戊子晉侯彪卒

五同盟

九月叔孫

婁如晉葬晉平公

三月而葬述

疏

彪以襄十六年即位注五同盟

正義曰

其年盟于溴梁十九年于祝柯二十年于澶淵二十五年于重丘二十七年于宋不數元年號會是五同盟

十

有二月甲子宋公成卒

十一同盟也無冬史闕文

疏

注十一同盟

正義曰成以成十六年即位十七年盟于柯陵十八年于虛打襄三年于雞澤五年于戚九年于鹹十一年于亳城北十五年及向戌盟于劉十六年于溴梁十九年于祝柯二十年于澶淵二十五年于重丘二十七年于宋元年于葬皆魯宋俱在凡十三同盟杜意盟數多者不數特盟襄十五年向戌盟于劉及虢盟不數故十一劉炫并數以規杜過非也如此數盟不同者或由轉寫誤

傳十年春王正月有星出于婺女客星也

不書非幸

鄭裨竈言於子產曰七月戊子晉君將死

今茲歲在顓頊之虛歲歲星也顓頊之虛謂玄枵姜氏任

氏實守其地姜齊姓任薛姓齊薛二國守玄枵之地居其維首而

有妖星焉告邑姜也客星居女枵之維首邑姜齊大公女晉唐叔之母星占發

此為無時之災織女為處女邑姜齊之既邑姜晉之

妣也天以七紀二十八宿面七戊子逢公以登星斯

於天乎出逢公穀諸侯居齊地者逢公將死妖星出婺女時非歲星所在故齊自當禍而以戊子日

卒
吾是以譏之

為晉侯
彪卒傳

疏

注歲歲至亥枵
曰釋天云亥枵虛也顯

項之虛虛也郭璞曰虛在正北顯項水德位在北方當以
此方三次以亥枵為中亥枵次有三宿又虛在其中以水
位在北顯項居之故謂亥枵虛星為顯項之虛也居其
至姜也正義曰維者綱也亥枵次有三宿女為其初女
是次之綱維也居其維首謂星居之也其亥枵維首而有
妖異之星焉以將死之妖告邑姜也邑姜齊女告邑姜言
其子孫當死也邑姜晉之妣也正義曰曲禮云生曰
母死曰妣鄭玄云妣之言嬾嬾於考也邑姜唐叔之母故
為晉之妣也邑姜亦是成王之母而於周無災任姜共守
其地而不告薛女此則裨竈自知非吾徒所能測戊子
至乎出正義曰昔戊子之日逢公死其神以此日登天
於時有星是此星也於是葵女乎出爾時妖星出於葵女
而戊子逢公死今此星亦出葵女知戊子晉君當死也逢
公死日星出葵女當時猶有書記故裨竈得而知之注

逢公至日卒 正義曰二十年晏子說齊地云有逢伯陵
因之則伯陵是逢君之始祖也周語說玄枵之次云我皇
妣大姜之姪伯陵之後逢公之所馮神也孔晃云大姜大
王之妃王季之母也女子謂昆弟之子曰姪伯陵大姜之
祖逢公大姜之姪伯陵之後逢公殺諸侯也然則伯陵之
後世為逢君皆是逢公未知戊子卒者何所名號也逢公
死時妖星亦出婺女於時歲星不在齊分故齊
地之君自當其禍此時歲在齊分故外孫當之 齊惠藥

高氏耆酒

藥高二族皆出惠公

信內多怨

說婦人言故多怨

彊於

陳鮑氏而惡之

惡陳鮑

夏有告陳栢子曰子旗

子良將攻陳鮑亦告鮑氏栢子授甲而如

鮑氏遭子良醉而騁

欲及子良醉故騁告鮑文子

遂見文子

文子

則亦授甲矣使視二子

二子子旗子良

則皆將飲

酒桓子曰彼雖不信

彼傳言者

聞我授甲則必逐

我及其飲酒也先伐諸陳鮑方睦遂伐藥

高氏子良曰先得公陳鮑焉往

欲以公自輔助

遂伐

虎門

欲入公不聽故伐公門

晏平仲端委立于虎門之

外

端委朝服

四族召之無所往

四族藥高陳鮑

其徒曰助陳

鮑乎曰何善焉

言無善義可助

助藥高乎曰庸愈乎

罪惡不差於陳鮑

然則歸乎曰君伐焉歸公召之而

後入公卜使王黑以靈姑鉅率吉請斷三

尺焉而用之

王黑齊大夫靈姑鉅公旗名斷三尺不敢與君同

五月庚辰戰

于稷

稷祀后稷之虞

藥高敗又敗諸莊

莊六軌之道

國人追

之又敗諸鹿門

鹿門齊城門

藥施高彊來奔

高彊不書

非卿陳鮑分其室晏子謂栢子必致諸公讓

德之主也讓之謂懿德凡有血氣皆有爭

心故利不可強

不可強取

思義爲愈義利之本

也蘊利生孽

蘊畜也孽妖害也

姑使無蘊乎可以滋

長桓子盡致諸公而請老于莒莒齊邑桓子召

子山

子山子商子周襄三十一年子尾所逐羣公子

私具幄幕器用從者

之衣屨

私具不告公

而反棘焉

棘子山故邑齊園西安縣東有戟里亭

子

商亦如之而反其邑子周亦如之而與之

夫子

子周本無邑故更與之濟南於陵縣西北有于亭

反子城子公公孫

捷

三十八年子旗所逐

而皆益其祿凡公子公孫之無

祿者私分之邑

桓子以己邑分之

國之貧約孤寡者

私與之粟曰詩云陳錫載周能施也

詩大雅言文王

能布陳大利以賜
天下行之周徧

桓公是以霸

齊桓公亦能施以致霸

公與

桓子莒之旁邑辭

諱不

穆孟姬為之請高

唐陳氏始大

穆孟姬景公母傳言陳氏所以興

疏

齊惠藥高氏正義曰齊惠公

生公子藥公子高生子尾尾生子良藥生子雅雅生子
旗旗是藥孫良是高孫孫以王父字為氏皆出惠公故曰

惠藥高氏也

遂戌虎門

正義曰周禮師氏掌以美詔

王居虎門之左司王朝鄭玄云虎門路寢門也王日視朝

於路寢門外畫虎焉以明勇猛於守宜也司猶察也察王

之視朝若有善道可行者則當前以詔王彼師氏察王得

失明其近王故以虎門為路寢門此亦當然或以虎門非

路寢門當是宮之外門不與周禮同

注端委朝服

正

義曰元年傳劉定公謂趙文子云吾與子弁冕端委哀七

年傳曰大伯端委以治周禮則端委是在公之服故云朝

服鄭立云諸侯與其臣皮弁以視朝其朝服
冠緇布衣素積以爲裳也 公卜至用之 正義曰公

卜卜與禳高戰也靈姑鉅者齊侯旌旗之名卜使王黑以

此靈姑鉅之旗率人以戰得吉也禮諸侯當建交龍之旂

此靈姑鉅蓋是交龍之旂當時爲之名其義不可知也知

是旗者以請斷三尺而用之故知是旗 注莊六軌之道

正義曰釋宮云六達謂之莊舊說皆云六道旁出杜皆以

一達爲一軌 曰詩至以霸 正義曰曰者桓子辭也既

私施與又言已施之意大雅文王之篇錫賜載行周徧也

言文王能布陳大利以賜天下行之周徧此言文王之能

施也桓公亦用此能施是以霸諸侯 秋七月平子伐

焉得不務施乎言已多施爲此也

莒取鄆 鄆莒邑取鄆不書公 獻俘始用人於亳

見討於平丘魯諱之

社 以人祭 臧武仲在齊聞之曰周公其不饗

魯祭平周公饗義魯無義詩曰德音孔昭

視民不佻

詩小雅佻佻也言明德君子必愛民

佻之謂甚矣而壹

用之將誰福哉

壹同也同人於畜牲

疏

詩曰至福哉義曰小雅鹿鳴之

正

篇也孔甚昭明佻佻也言君子之人爲賓客德音甚明其視下民不偷薄苟且也偷之已謂甚矣而一同畜牲用之將誰肯福祐之哉佻佻釋言文李巡曰佻佻薄之偷也孫炎曰偷苟且也戊子晉平公卒

如裨竈之言

鄭伯如晉及河晉人辭之游吉遂如

晉

禮諸侯不相與故辭

九月叔孫婁齊國弱宋華定衛

北宮喜鄭罕虎許人曹人莒人邾人滕人

薛人杞人小邾人如晉葬平公也

經不書諸侯大夫者非盟

會鄭子皮將以幣行

見新君之贊

子產曰喪焉用

幣用幣必百兩

載幣用車百乘

百兩必千人千人至

將不行

行用也

不行必盡用之

不得見新君將自費用盡

幾千

人而國不亡

言千人之費不可數

子皮固請以行既葬

諸侯之大夫欲因見新君叔孫昭子曰非

禮也弗聽叔向辭之曰大夫之事畢矣

送葬禮畢

而又命孤孤斬焉在衰經之中

既葬未卒哭故偯服斬衰

其以

嘉服見則喪禮未畢其以喪服見是重受

弔也大夫將若之何皆無辭以見子皮盡

用其幣歸謂子羽曰非知之實難將在行

之

言不患不知患不能行

夫子知之矣我則不足

言已由子產之戒既

知其不可而遂行之是我之不足

書曰欲敗度縱敗禮

逸書

我之

謂矣夫子知度與禮矣我實縱欲而不能

自克也

欲因喪以慶新君故縱而行之不能自勝

疏

百兩

正義曰尚書武王戎車三百兩孔

安國云兵車稱兩非行至不足正義曰尚書說命云非知之艱行之惟艱此言出彼意也非知之實為難將在

行之為難也言子產語己已既知之知而不行所以自誤

夫子子產知之矣知喪不用幣也我則知不足書曰至

敗禮

正義曰尚書太甲篇也孔傳

昭子至自晉大

夫皆見高彊見而退

高彊子良

昭子語諸大夫曰

為人子不可不慎也哉昔慶封亡子尾多

受邑而稍致諸君君以為忠而甚寵之將

死疾于公宮

在公宮被疾

輦而歸君親推之

推其車而送之

其子不能任是以在此忠為令德其子弗

能任罪猶及之難不慎也喪夫人之力棄

德曠宗以及其身不亦害乎

夫人謂子尾曠空也

詩曰

不自我先不自我後其是之謂乎

詩小雅不

他正當己身以喻高彊身自取此禍

疏

難不慎正義曰言人居身難可不謹慎詩曰至我後正義曰正月

夫夫刺幽王也云云父母生我胡俾我痛不自我先不自我後注云父母謂文武也天使父母生我何故不長遂我而使我遭此暴虐之政而病此何不出我冬十二月宋平

公卒初元公惡寺人柳欲殺之

元公平公太子佐也

及喪

柳熾炭于位

以溫地

將至則去之

使公坐其處

比葬又

有寵

言元公好惡無常

疏

元

正義曰諡法內外賓服曰平正義曰諡法好建國都曰元

經十有一年春王二月叔弓如宋葬宋平

公夏四月丁巳楚子虔誘蔡侯般殺之于

申蔡侯雖弑父而立楚子誘而殺之刑其羣士蔡大夫深怨故以楚子名告**疏**注蔡侯至名告正義曰

蔡侯雖弑父而立實宜受討但立為君於蔡已十三年楚子誘而殺之又刑其羣士不以弑父之罪討之蔡大夫深怨楚子故以楚子名赴告禮諸侯不生名書名是罪絕之事以其名告欲使諸國之史書名以罪絕之也若是楚告不當自罪其君知是蔡人告也

公子圍殺君取國改名曰虔

楚公子棄疾帥師

圍蔡五月甲申夫人歸氏薨昭公母胡女歸姓大蒐

千比蒲仲孫矍會邾子盟于祲祥祲祥地闕秋季

孫意如會晉韓起齊國弱宋華亥衛北宮

佗鄭罕虎曹人杞人于厥慙厥慙地闕九月己亥

葬我小君齊歸齊冬十有一月丁酉楚師

滅蔡執蔡世子有以歸用之用之殺以祭山**疏**蔡世子

正義曰父既死矣猶稱世子者君死而國被圍未暇以禮即位故國以世子告

傳十一年春王二月叔弓如宋葬平公也

嫌以聘事行故傳具之景王問於萇弘曰今茲諸侯何

實吉何實凶萇弘周大夫對曰蔡凶此蔡侯般

弑其君之歲也歲在不韋

襄三十年蔡世子般弑其君歲在不韋至

今十三歲歲復在不韋般即靈侯也

弗過此矣

言蔡凶不過此年

楚將有之

然壅也

蔡近楚故知楚將有之楚無德而享大利所以壅積其惡

歲及大梁蔡

復楚凶天之道也

楚靈王弑立之歲歲在大梁到昭十三年歲復在大梁美惡周必復

故知楚凶

楚子在申召蔡靈侯靈侯將往蔡大夫

曰王貪而無信唯蔡於感

蔡近楚之大國故楚常恨其不服順

今

幣重而言甘誘我也不如無往蔡侯不可

三月丙申楚子伏甲而饗蔡侯於申醉而

執之夏四月丁巳殺之刑其士七十人公

子棄疾帥師圍蔡

傳言楚子無道

韓宣子問於叔

向曰楚其克乎對曰克哉蔡侯獲罪於其

君

謂弑父而立

而不能其民

不能施德

天將假手於楚以

斃之

借楚手以討蔡

何故不克然肸聞之不信以幸

不可再也楚王奉孫吳以討於陳曰將定

而國陳人聽命而遂縣之

事在八年

今又誘蔡而

殺其君以圍其國雖幸而克必受其咎弗

能以矣。桀克有緡，以喪其國。紂克東夷而

隕其身。

紂爲黎之蒐，東夷叛之，桀爲仍之會，有緡叛之，故伐而克之。

楚小位下

而亟暴於二王，能無咎乎？天之假助不善

非祚之也。厚其凶惡而降之罰也。且譬之

如天，其有五材而將用之，力盡而赦之，是

以無極不可沒振。

金木水火土五者爲物用，久則必有敝，盡盡則棄，捐故言無極極猶

救助也不可沒振。

猶沒不可復振。

疏

桀克至其身，正義曰：桀身奔南巢，故云喪國也。紂首縣白旗，故云

隕身也。楚小至咎乎，正義曰：亟數也比於桀，紂則楚

小位下而數行暴虐，甚於桀，紂二王能無咎惡乎？是以

春秋左傳卷二十一

至沒振

正義曰拯音丞之上聲也方言云出弱為拯拯

是救助之義天之用楚如人用五材力盡而敵救則棄之

是以無救助之者拯是救溺之名遂以救溺為喻也不可

沈沒之後復振救之振亦救也言楚如沒水不可救也

注金木至棄捐

正義曰金木水火土五者之材皆為物

用用又則必敵盡敵盡則棄捐之捐亦棄也言天之用楚

亦如

五月齊歸薨大蒐于比蒲非禮也孟僖

此也

子會邾莊公盟于侵祥脩好禮也

蒐非存亡之由故臨

喪不宜為之盟會以安

社稷故喪盟謂之禮

泉丘人有女夢以其帷

幕孟氏之廟

泉丘魯邑

遂奔僖子其僚從之

鄰女為僚

友者隨而

奔僖子

盟于清丘之社曰有子無相棄也

二女自共盟僖子使助遠氏之造遠副倅也遠氏之女為僖子副妾別居在

外故僖子納泉丘人女令副助之反自祲祥宿於遠氏生懿子

及南宮敬叔於泉丘人其僚無子使字敬

叔字養也似雙生**疏**注遠副至助之正義曰禮有副車倅車皆謂副貳之車也遠亦副倅之意妻為正

適妻為副貳遠氏之女先為副貳別居在外故使泉丘人女與之聚居令副助而為對偶之於泉丘人正義曰

以傳直云宿於遠氏即連言生懿子及南宮敬叔謂遠氏所生故傳顯云生懿子及南宮敬叔於泉丘人於泉丘人

宜上讀焉句楚師在蔡向四月晉荀吳謂韓宣子曰不

能救陳又不能救蔡物以無親物事晉之不能

亦可知也已爲盟主而不恤亡國將焉用之

秋會于厥愁謀救蔡也

不書救蔡不果救

鄭子皮將行

子產曰行不遠不能救蔡也蔡小而不順

楚大而不德天將棄蔡以壅楚盈而罰之

盈楚惡

蔡必亡矣且喪君而能守者鮮矣三

年王其有咎乎美惡周必復王惡周矣

元年

楚子弑君而立歲在大梁後三年十三歲歲星周復於大梁

晉人使狐父請蔡于

楚弗許

狐父晉大夫

疏

物以無親

正義曰物事也事重如此以是故無人肯親我晉國

單子會韓宣子于戚

單子單成公

視下言徐叔向

曰單子其將死乎朝有著定

著定朝內列位常處謂之表著

會有表

野會設表以爲位

衣有襜帶

有結帶結也

會

朝之言必聞于表著之位所以昭事序也

視不過結襜之中所以道容貌也言以命

之容貌以明之失則有闕今單子爲王官

伯而命事於會視不登帶言不過步貌不

道容而言不昭矣不道不共不昭不從

貌正曰共

言順

無守氣矣

為此年冬單
子卒起本

疏

注著定至表著
正義曰著定謂佇

立定處故謂朝內列位常處也周禮司士正朝儀之位辨其貴賤之等王南鄉三公北面東上孤東面北上卿大夫西面北上王族故士虎士在路門之右南面東上大僕大右大僕從者在路門之左南面西上鄭玄云此王日視朝事於路門外之位此是朝上之位貴賤有定處也會有表亦是位之定處但著下言定則表亦是定故直言會有表耳俗本表下有旗謬也野會設表爲位亦當有物記處如今之位版也謂之表著者杜意當以下文表著之位謂此也劉炫謂下文有著有表二文不同以著定爲朝有著不得謂之表著而規杜氏今知非者杜意當以下文會朝之言必閒于表著故杜朝有著之文并探下文會有表以配著故云謂之表著所以覆結下文非謂著之一字即名表著也劉炫不達杜意而爲規過非也注野會至爲位正義曰禮諸侯建表設旂以爲表也周禮司儀云辨合諸

侯則令爲壇三成宮旁一門觀禮云諸侯觀于天子爲宮
方三百步四門壇十有二尋深四尺上介皆奉其君之旂
置于宮尚左公侯伯子男皆就其旂而立鄭玄云置于宮
者建之豫爲其君見王之位也諸公中階之前北面東上
諸侯東階之東西面北上諸伯西階之西東面北上諸子
門東北面東上諸男門西北面東上尚左者建旂公東上
侯先伯伯先子子先男而位皆上東方也諸侯入墻門或左
或右各就其旂而立王降階南鄉見之是天子於野會諸
侯設表以爲位也周禮大司馬中冬教大閱門立四表是
亦以設表爲位也盟主之會諸侯必亦以旂表位大夫聚
會亦應有以表位但無文以言耳言不過步正義曰
言聲所聞不過一步注貌正至曰從正義曰洪範五
事貌曰恭言曰從其意云容貌當恭恪言是則可從是貌
正曰共言順曰從無守氣正義曰言無守身之氣將

死必九月葬齊歸公不感晉士之送葬者歸

以語史趙史趙曰必為魯郊

言昭公必出在郊野不能有國

侍

者曰何故曰歸姓也不思親祖不歸也

姓生也言

不思親則不為祖考所歸祐

叔向曰魯公室其卑乎君有大

喪國不廢蒐

謂蒐比蒞

有三年之喪而無一日之

感國不恤喪不忌君也

忌畏也

君無感容不顧

親也國不忌君君不顧親能無卑乎殆其

失國

為二十五年公孫於齊傳

疏

晉士至魯郊正義曰傳稱文襄之制夫人喪士弔大夫送葬此言

晉士送葬者蓋大夫來而士為介未必士獨行也此士以公不感語史趙故特言士耳必為魯郊言昭公必為魯人

齊逐而冬十一月楚子滅蔡用隱大子于岡

山蔡靈公之大子申無宇曰不祥五牲不相為

用況用諸侯乎五牲牛羊豕犬雞王必悔之悔為暴虐**疏**用

大子于岡山正義曰此時楚以畜牲用之無入為之作

謚必是蔡侯廬歸國乃追謚其父為隱耳釋例七地名岡

山闕不知其處經言以歸用之必是楚地山也況用諸

侯正義曰世子雖未即位以其父既死則當君處故以

諸侯言之甚之也注五牲至犬雞正義曰爾雅以此

王者并馬為六畜周禮謂之六牲但馬非常祭所用故去

馬而以此五者當之十二月單成公卒終叔向楚子城陳

蔡不羹襄城縣東南有不羹城使棄疾為蔡公

定陵西北有不羹亭

三十九

王問於申無宇曰棄疾在蔡何如對曰擇

子莫如父擇臣莫如君鄭莊公城櫟而寘

子元焉使昭公不立

子元鄭公子莊公寘子元於櫟栢十五年厲公因之以殺

櫟大夫檀伯遂居櫟卒使昭公不安位而見殺

齊栢公城穀而寘管仲

焉至于今賴之

城穀在莊三十二年

臣聞五大不在邊

五細不在庭

上古金木水火土謂之五官玄鳥氏丹鳥氏亦有五又以五鳩鳩民五雉爲五

工正蓋立官之本也末世隨事施職是以官無常數今無

宇稱習古言故云五大也言五官之長專盛過節則不可

居邊細弱不勝任親不在外羈不在內今棄疾在

齊不可居朝廷

外鄭丹在內

襄十九年丹奔楚

君其少戒王曰國有

大城何如對曰鄭京櫟實殺曼伯

曼伯檀伯也厲公得

櫟又并京

宋蕭亳實殺子游

在莊十二年

齊渠丘實殺

無知

在莊九年渠丘今齊國西安縣也齊大夫雍廩邑

衛蒲戚實出獻

公

蒲寧殖邑戚孫林父邑出獻公在襄十四年

若由是觀之則害於國

末大必折

折其本

尾大不掉君所知也

為十三年陳蔡作亂傳

疏

不羹正義曰古者羹臠之字音亦為郎故魯頌闕宮楚辭招魂與史游急就篇羹與房漿糠為韻但近

世以來獨以此地音為郎耳杜以子元為鄭公子曼伯與檀伯為一人莊公城櫟而置

注子元至見殺正義曰

正義曰

子元又使檀伯爲櫟邑大夫故厲公得因子元而殺檀伯
劉炫以爲傳言城櫟以置子元當謂賜元以櫟則以元爲
櫟邑之長若其別有大夫子元寄居於櫟便是城櫟以置
檀伯何言置子元也若厲公因子元以殺檀伯則子元是
櫟邑之一夫耳豈是莊公城櫟之咎乎且桓十五年傳云
鄭伯因櫟人殺檀伯不言因子元也子元鄭之公子不得
爲櫟人也鄭衆云子元即檀伯也厲公殺檀伯居櫟因櫟
之衆偪弱昭公使至殺死案桓五年傳云子元請爲左拒
即云曼伯爲右拒則曼伯子元近是爲一以規杜氏今知
劉說非者案晉封桓叔于曲沃而以欒賓傳之鄭使許叔
居許而以公孫獲爲佐楚使大子建居城父而以奮揚助
之並是一邑之內而有二人則莊公城櫟而置子元別有
檀伯居櫟何爲不可子元共櫟邑之人而納厲公但此因
棄疾在蔡故特指子元桓十五年直明厲公之入故摠言
櫟人辭有彼此不可爲怪劉又以子元爲曼伯案隱五年
傳云曼伯與子元潛軍軍其後又下云鄭二公子貳熱師

于北制是子元非受伯也劉妄規杜非也注上古至
廷正義曰二十九年傳曰有五行之官是謂五官木正
曰句芒火正曰祝融金正曰蓐收水正曰玄冥土正曰后
土是上古金木水火土謂之五官也十七年傳云少皞氏
紀於鳥爲鳥師而鳥名鳳鳥氏歷正也玄鳥氏司分者也
伯趙氏司至者也青鳥氏司啓者也丹鳥氏司閉者也是
玄鳥丹鳥亦有五也彼傳又云五鳩鳩民者也五雉爲五
工正數皆有五蓋古立官之本以五爲常末世隨事施職
是以官無常數不復以五耳今無字稱習古言故云五大
也言五官之長其入大大專盛過節則不可居邊城或將
據邊城以陵本國也五官之長大細弱則不勝其任不能
使威行於下將爲人所陵亦不可居朝廷也賈逵云五大
謂天子母弟貴寵公子公孫累世正卿也鄭衆云天子晉
申生居曲沃是也母弟鄭共叔段居京是也賈逵公子若
棄疾在蔡是也賈寵公孫若無知食渠丘是也累世正卿
衛甯殖居蒲孫氏居戚是也五細賤妨貴少陵長遠間親

新聞舊小加大也不在庭不當使居朝廷爲政也此五大
五細無字唯言五耳不知五者何謂故先儒各自以意言
之雖杜之言亦無明證正以彼必不通故改之耳又并
京正義曰厲公并京傳無其事正以京櫟連言故云又
并京注在莊至廩邑正義曰渠丘爲雍廩之邑傳無
其文以彼傳言雍廩殺無知此云齊渠丘實殺無知以此
知渠丘是雍廩邑也鄭衆以渠丘爲無知之邑無知不坐
邑死何以言渠丘殺無知蕭毫非子游之邑渠丘不得爲
無知邑則害至不掉正義曰宋殺子游齊殺無知乃
是賴得大邑以討篡賊而謂之害於國者以其能專廢置
則是國害天子之建諸侯欲令蕃屏王室諸侯之有城邑
欲令指揮從己不得使下邑制國都故大城爲國害也末
犬必折以樹木喻也尾大不掉以畜獸喻也楚語說此事
云制城邑若體牲焉有首領股肱至於拊指毛脉大能掉
小故變而不勤夫邊境者國之尾也譬之如牛馬處
暑之既至膏肓之既多而不能掉其尾臣亦懼之

經十有二年春齊高偃帥師納北燕伯于

陽

三年燕伯出奔齊高偃高偃玄孫齊大夫陽即唐燕別邑中山有唐縣不言于燕未得國都

疏

注三年至國都

正義曰劉炫云杜預以偃與鄰爲一亦云高偃玄孫案襄二十九年傳云敬仲曾孫鄰非玄孫也

今知非者案世本敬仲生莊子莊子生傾子傾子之孫鄰是偃爲敬仲玄孫也經言于陽傳言于唐知陽即唐也不言于燕未得國都與哀二年納蒯賁于戚同

三月壬申鄭伯嘉卒

五同

盟

疏

注五同盟正義曰嘉以襄九年即位其年盟于戲十一年于亳城北十六年于溴梁二十年于澶

淵二十五年于重丘二十七年于宋元年于號皆魯鄭俱在凡七云五者杜以其盟既多故皆據君在盟會而言之襄二十七年是大六之盟元年號會讀舊書二者不數故爲五也或可轉寫錯誤

夏宋公使

華定來聘

定華叔孫

公如晉至河乃復

晉人以首故辭公

五

月葬鄭簡公

三月而葬速

楚殺其大夫成熊

傳在葬簡公上

經從赴

秋七月冬十月公子慙出奔齊

書名謀亂故也

楚

子伐徐

不書圍以乾谿師告

疏

注不書至師告使蕩侯潘子司馬督鄢尹午陵

正義曰傳稱

尹喜帥師圍徐以懼吳楚子次于乾谿以爲之援如傳文則實圍徐也不書圍者不以所圍之師告以乾谿援師告

也
晉伐鮮虞

不書將帥史闕文

疏

注不書至闕文曰十五年晉荀吳帥師

正義

伐鮮虞定四年晉士鞅衛孔圉帥師伐鮮虞二者皆書將帥此獨不書將帥知是史闕或是告辭略史闕不得書亦得言史闕文也穀梁曰其曰晉狄之也不正其與夷狄交伐中國故狄稱之也賈服取以爲說左氏無貶中國伐夷

狄之法傳口亡者侮之亂者取之又曰間攜貳覆昏亂霸王之器也鮮虞夷狄也近居中山不式王命不共諸夏不事盟主伐而取之唯恐知力不足焉有以夏討夷反狄中國從此以後用師多矣何以不常狄晉更復書其將也杜以其言不通故顯而異之

傳十二年春齊高偃納北燕伯款于唐因

其衆也

言因唐衆欲納之故得先入唐

三月鄭簡公卒將爲葬

除

除葬道

及游氏之廟

游氏子大叔族

將毀焉子大叔使

其除徒執用以立而無庸毀

用毀廟具

日子產過

女而問何故不毀乃曰不忍廟也諾將毀

矣

教毀廟者之辭

既如是子產乃使辟之司墓之室

有當道者

簡公別營葬地不在鄭先公舊墓故道有臨時迂直也司墓之室鄭之掌公墓大夫

徒屬之家

毀之則朝而崩

崩下棺

弗毀則日中而崩

子大叔請毀之曰無若諸侯之賓何

不欲久留賓

子產曰諸侯之賓能來會吾喪豈憚日中

無損於賓而民不害何故不為遂弗毀日

中而葬君子謂子產於是乎知禮禮無毀

人以自成也

疏

執用至庸毀正義曰用謂毀廟之具若今鉞鏹之類也庸亦用也

教其除道之徒執所用作具以佇立而無用即毀司墓之室正義曰周禮墓大夫下大夫二人中一人

掌凡邦墓之地域為之圖令國民族葬鄭之司墓亦當知彼此是掌公墓大夫也言之室有當道者則非司墓自家

之室故注以為徒屬之家猶尚書注云玄孫之親言之以見高祖曾祖之弟皆親親相似注崩下棺正義曰周

禮作室禮記作封此作崩皆是葬時下棺於壙之事而其字不同是聲相近經篆隸而字轉易耳夏宋

華定來聘通嗣君也宋元公享之為賦蓼蕭新即位

弗知又不荅賦蓼蕭詩小雅義取燕笑語兮是以有譽處兮樂與華定燕語也又曰既見

君子為龍為光欲以寵光賓也又曰宜兄宜弟令德壽凱言實有今德可以壽樂也又曰和鸞雍雍萬福攸同言欲

與賓同昭子曰必亡宴語之不懷懷思寵光之福祿也

不宣

宣揚也

令德之不知同福之不受將何以在

為二十年華

定出奔傳

疏

為賦蓼蕭

正義曰享燕之禮自有常樂今特云為賦蓼蕭者文四年衛甯武

子來聘公與之宴為賦湛露及彤弓注云非禮之常公特命樂人以示意則知此亦特命樂人所以嘗試華定

子至不受

正義曰不懷不宣不知不受皆據華定為文也詩云燕笑語兮言定當思此笑語與主相對也詩云為

龍為光定當應此寵光宣揚之也詩云令德受凱定當知已有德以否須辭謝之也詩云萬福攸同定當受此同福

荷君恩也各準事而為之文

齊侯衛侯鄭伯如晉朝嗣君也

晉昭公

公如晉

亦欲朝嗣君

至河乃復取鄭之役

在十年

昔久愬于晉晉有平公之喪未之治也故

辭公公子愁遂如晉

愁魯大夫如晉不書還不復命而奔故史不書於策

晉

侯享諸侯子產相鄭伯辭於享請免喪而

後聽命

簡公未葬

晉人許之禮也

善晉不葬孝子之情

晉侯以

齊侯宴中行穆子相

穆子荀吳

投壺晉侯先穆子

曰有酒如淮有肉如坻

淮水名坻山名

寡君中此爲

諸侯師中之齊侯舉矢曰有酒如澠有肉

如陵

澠水出齊國臨淄縣北入時水陵大阜也

寡人中此與君代興

代興也

亦中之伯瑕謂穆子

伯瑕士文伯

曰子失辭吾固師

諸侯矣壺何爲焉其以中雋也

言投壺中不足爲雋異

齊君弱吾君歸弗來矣

欲與晉君代典是弱之

穆子曰

吾軍帥彊禦卒乘競勸今猶古也齊將何

事

言晉德不衰於古齊不事晉將無所事

公孫使趨進曰日旰君

勤可以出矣以齊侯出

使齊大夫傳言晉之衰

疏

注慈魯至於策

正義曰此經書公子慈出奔齊名見於經則慈是卿也出奔既書於策如晉亦應書之今不書者杜以宣十八年書公孫歸父如晉歸父還自晉至笙遂奔齊傳稱歸父還至笙聞公薨乃壇帷復命於介然後出奔書曰歸父還自晉善之也彼善之故書其去又書其還此慈知己謀泄則介而先不復命於君而還出奔故史不書於策言其私出故

不書其如晉也劉炫云杜以慙還不復命於介而介不書其還何故如晉亦不書也此蓋謂君使臣聘必書廟告廟乃得書於策公歸告復不告使慙故不書如晉刪定以爲慙初欲謀亂魯國而往聘晉魯人責其謀亂不復命故賊而不錄其聘也出奔書者榮其罪人斯得故顯而書之也劉以爲出聘不告廟故不書而規杜氏案不復命而奔傳有其事公子慙不告廟傳無其文以無文之事妄規杜氏非也子產至於享正義曰僖九年宋桓公卒未葬襄公會諸侯故曰子是先君未葬有從會之禮也鄭偏於楚以固事晉故父雖未葬朝晉嗣君不得已而行於情可許也諸侯相享事必有樂未葬不可以從吉故辭享爲得禮投壺正義曰禮記有投壺之禮其文無相者况辭此中行穆子與齊侯皆有言辭者投之中否似若有神故設爲此語或可投時皆有言語禮自不載之耳伯瑕責穆子唯言壺何爲焉其以中爲雋責其失辭不云法不言是投壺皆有言也凡宴不射即爲投壺投壺之禮壺

去席二六半司射執八筭東面投壺如射三而止其矢室中五扶堂上七扶庭中九扶鋪四指曰扶扶四寸也筭長尺二寸壺頸脩七寸腹脩五寸口徑二寸半容斗五升壺中實小豆焉爲其矢之躍而出也小豆取滑且堅矢以栝若棘毋去其皮取其堅且重也舊說矢大七分注淮水名坻山名正義曰杜以淮爲水名當謂四瀆之淮也劉炫以爲淮坻非韻淮當作灘又以坻爲水中之地以規杜氏今知不然者以古之爲韻不甚要切故詩云汎彼柏舟在彼中河髣髴彼兩髦實維我儀又云爲締爲綵服之無數儀河數綵尚得爲韻淮坻相韻何故不可北若齊侯之語容可舉齊地灘水此是穆子在晉何意舉齊地水平又酒肉相對多少相似案爾雅小洲曰渚小渚曰汙小汙曰坻何得以坻之小地對淮之大水故杜以坻爲山名劉炫又以山無名坻者案楚子觀兵於坻箕之山坻非山乎劉以此規杜失非也注渑水至阜也正義曰釋例曰渑水出齊國臨淄縣北經樂安博昌縣南界西入時水釋云

大阜 曰陵 楚子謂成虎若敖之餘也遂殺之

之孫與鬬氏同出於若敖宣四年鬬椒作亂今楚子信譖而託討若敖之餘 或譖成虎於

楚子成虎知之而不能行書曰楚殺其大

夫成虎懷寵也

解經所以書名 疏 成虎 正義曰經書熊傳言虎者此人名熊字

虎傳言其字經書其名名字相覆猶伯魚名鯉 六月葬鄭簡公

葬則爲免喪經書五月誤 晉荀吳僞會齊師者假道於鮮

虞遂入昔陽

鮮虞白狄別種在中山新市縣昔陽肥國都樂平沾縣東有昔陽城 秋八

月壬午滅肥以肥子緜臯歸

南有肥累城爲

下晉伐鮮虞起



注鮮虞至陽城

正義曰宣十五年

下晉伐鮮虞起晉師滅赤狄潞氏十六年晉人滅赤狄甲氏及留吁成三年晉卻克衛孫良夫伐唐咎如傳曰討赤狄之餘焉是赤狄已滅盡矣知鮮虞與肥皆白狄之別種也杜以昔陽爲肥國之都樂平沾縣東有昔陽城疑此爲都也下注云鉅鹿下曲陽縣西南有肥累城復疑肥國取彼肥爲名也劉炫以爲齊在晉東僞會齊師當自晉而東行也假道鮮虞遂入昔陽則昔陽當在鮮虞之東也今案樂平沾縣在中山新市西南五百餘里何當假道於東北之鮮虞而反入西南之昔陽也旣入昔陽而別言滅肥則肥與昔陽不得爲一安得以昔陽爲肥國之都也若昔陽即是肥都何以復言鉅鹿下曲陽有肥累之城疑是肥名取於彼也肥爲小國竟必不遠豈肥名取鉅鹿之城建都於樂平之縣也十五年荀吳伐鮮虞圍鼓杜云鼓白狄之別鉅鹿下曲陽縣有鼓聚炫謂肥鼓並在鉅鹿昔陽即是鼓都在鮮虞之東南也二十二年傳云晉荀吳使師僞

韜者負甲以息於昔陽之門外遂襲鼓滅之則昔陽之鼓都斷可知矣今杜以昔陽爲肥國都是者以傳云遂入昔陽即云壬午滅肥是因入而滅之故云昔陽肥國都也昔陽旣在樂平沾縣而杜又云鉅鹿下曲陽縣西南有肥累城相去遠者以肥是本封之名後遷於昔陽猶若杞國本都陳留後遷緣陵鄭本都京兆後遷虢鄆與此何異且昔陽今屬廉州去下曲陽道路非遠在中山南二百許里劉炫自云肥之與鼓俱在曲陽足知肥累城與昔陽不甚懸絕劉意欲破杜乃云樂平沾縣在中山新市西南五百餘里又自云昔陽鼓國都與肥相近在中山東南是自相矛盾也然鮮虞在北昔陽在南所以得假道鮮虞遂入昔陽者荀吳意欲滅肥恐肥國防備故從晉之北竟僞欲東南而行往會齊師故先迴路假道鮮虞南入昔陽如湯之伐桀迂路從陋出其不意故也且杜君土地例稱有者皆疑辭故杜云樂平沾縣東有昔陽是疑而不定又且都縣移動古今不一則晉時樂平沾縣何知不是今之昔陽但

肥都昔陽與鼓相近晉既滅得肥國故二十二年息昔陽之門外遂襲鼓而取之昔陽非鼓都也劉意好異聞妄規

杜過也周原伯絞虐其與臣使曹逃原伯絞周大夫原公

也與衆也曹羣也冬十月壬申朔原輿人逐絞而立公

子跪尋跪尋絞弟絞奔郊郊周地注原伯絞周大夫正義曰杜以原伯

絞為周大夫甘簡公為周卿士此無明據以意言耳甘簡公無子立其弟過

甘簡公過將去成景之族成公景公皆過之先君成景之

族賂劉獻公欲使殺過劉獻公亦周卿士劉定公子丙申殺甘悼公

悼公即過而立成公之孫鮒鮒平公丁酉殺獻太子之

傅庾皮之子過

過劉獻公
大子之傳

殺瑕辛于市及宮

嬖綽王孫沒劉州鳩陰忌老陽子

六子周人
夫及庾過

皆甘悼公之黨傳言周
襄原甘二族所以遂微

季平子立而不禮於南蒯

蒯南遺之子
季氏費邑宰

南蒯謂子仲

子仲公
子慈

吾出季氏而

歸其室於公

室季氏
家財

子更其位

更代也

我以費

爲公臣子仲許之南蒯語叔仲穆子且告

之故

穆子叔仲帶之子叔仲小也
語以欲出季氏以不見禮故

季悼子之卒也

叔孫昭子以再命爲卿

悼子季武子之子平子父
也傳言叔孫之見命乃在

平子為卿之前及平子伐莒克之更受三命十年平子伐莒以功

加三命昭子不伐莒叔仲子欲構二家欲構使謂相憎

平子曰三命踰父兄非禮也言昭子受三命自踰其先人平

子曰然故使昭子使昭子自貶黜昭子曰叔孫氏有

家禍殺適立庶故婣也及此禍在四年若因禍以

斃之則聞命矣言因亂計已不敢辭若不廢君命則固

有著矣著位次昭子朝而命吏曰婣將與季

氏訟書辭無頗頗偏也季孫懼而歸罪於叔

仲子故叔仲小南蒯公子慙謀季氏慙告

公而遂從公如晉仲慙子南蒯懼不克以費叛


如齊子仲還及衛聞亂逃介而先介副使也及郊

聞費叛遂奔齊言及郊解經所以書出南蒯之將叛也

其鄉人或知之過之而歎鄉人過蒯而歎且言曰恤恤

乎湫乎攸乎恤恤憂患湫愁隘攸懸危之貌深思而淺謀邇身

而遠志家臣而君圖家臣而圖人君之事故言思深而謀淺身近而志遠有人

矣哉言今有此人微以威之南蒯枚筮之不指其事甲子坤


坤下坤

之比

坤下坎上比

曰黃裳元吉

坤六五

以

為大吉也示子服惠伯曰即欲有事何如

惠伯曰吾嘗學此矣忠信之事則可不然

必敗外彊內溫忠也

坎險故彊坤順故溫

和以率

貞信也

水和而土安正

故曰黃裳元吉黃中之色

也裳下之飾也元善之長也中不忠不得其

色

言非

下不共不得其飾

不為

事不善不得其

極

失中

外內倡和為忠

不相

率事以信為共

率猶

供養三德為善

三德謂正直剛克柔克也

非此三者弗當

非惡

不當此卦

且夫易不可以占險將何事也且可飾乎

夫易猶此易謂黃裳元吉之卦問其何事欲令從下之飾

中美能黃上美為元

下美則裳參成可筮

參美盡備吉可如筮

猶有闕也筮

雖吉未也

有闕謂不參成

將適費飲鄉人酒

南廟自其家還適費鄉

人或歌之曰我有圃生之杞乎

言南廟在費欲為亂如杞生於圃

非宜也杞世所謂狗杞也

從我者子乎

子男子之通稱言從已可不失令之尊

去我者

鄙乎倍其鄰者恥乎

鄰猶親也

已乎已乎非吾黨

之士乎

已平已平言自遂不改

平子欲使昭子逐叔仲小

以

自解

小聞之不敢朝昭子命吏謂小待政於朝

曰吾不爲怨府

言不能爲季氏逐小生怨禍之聚爲明年叔弓圍費傳

疏

季傳至爲

卿

正義曰悼子之卒不書於經則是未爲卿也其卒當在武子之前平子以孫繼祖武子卒後即平子立也傳言

悼子卒者欲見昭子爲卿遠在平子之先

注十年至三命正義曰十年平子伐莒名書於經即平子於時已爲

卿矣釋例曰魯之叔孫父兄再命而書於經晉司空亞旅

一命而經不書推此知諸侯之卿大夫再命以上皆書於

經自一命以下大夫及士經皆稱人名氏不得見也劉賈

云春秋之序三命以上乃書於經穎氏以爲再命稱父傳

云叔孫昭子三命踰父兄昭公十年昭子始加三命先此

叔孫皆自見經知所書皆再命也是杜檢傳文知再命重

名平子伐莒書名知其已再命矣平子伐莒克之昭子不
伐莒也昭子無功而更受三命知平子以功加三命昭子
以例加爲三命也 注言昭至先人 正義曰禮記文王
世子云其朝于公內朝庶子治之雖有三命不踰父兄鄭
玄云治之治公族之禮也唯於內朝則然其餘會聚之事
則與庶姓同一命齒于鄉里再命齒于父族三命不齒不
齒者不在父兄行列中也彼言三命不踰父兄者自謂在
公內朝位在父兄下耳非謂不得受三命踰父兄也叔仲
子欲構二家因禮有三命不踰父兄之法遂言昭子受三
命自踰其先人以此爲非禮也平子初得其言不甚曉解
故使昭子令自貶黜見昭子不服乃自知其非故懼而歸
罪於叔仲子也昭子無兄叔仲子引禮法連言之耳 注
言及至書出 正義曰凡言出奔皆自內而出文七年晉
先蔑奔秦先蔑在秦地因即奔秦故不言出也歸父還自晉
至莒遂奔齊莒在魯之竟外故不言出也此言及郊已入
魯竟傳言及郊解經所以書出 注恤恤至之貌 正義

曰釋詁云恤憂也故以恤恤為憂患之意也秋是秋隘故以秋為愁隘之意也詩云收收旆旌故以收為懸危之貌也言南蒯之心若此深思至君圖正義曰深思而淺謀思慮深而知計淺言其知小而謀大也遁身而遠志身卑近而志高遠言其越分以求通也家臣而君圖為家臣而謀君事言其非己所當為也上二句言其心下一句指其事為下句而發上句故注倒言之南蒯枚筮之正義曰禮有銜枚所銜之木大如箸也今人數物云一枚兩枚則枚是籌之名也尚書大禹謨舜禪禹禹讓不受請帝枚卜功臣惟吉之從孔安國云枚謂歷卜之而從其吉彼謂人下一籌使歷卜之也此則不告筮者以所筮之事空下一籌而使之筮故杜云不指其事況卜吉凶也或以為杜云況卜吉凶謂枚雷揔卜則禮云無雷同是揔眾之辭也今俗諺云枚雷則其義理或然也以為大吉正義曰筮遇比爻而辭云黃裳元吉南蒯自以為所謀之事吉注坎險至為忠正義曰坎彖云習坎重險是

坎爲險也說卦云坤順也六五爻變則上體爲坎坎有險
難故爲剛彊也坤道和順故爲溫柔也剛彊以禦難柔順
以事主故外彊而能內溫所以爲忠也注水和至本也
正義曰坎爲水水性和柔坤爲土土性安正率循也貞正
也用和柔之性以循安正道既和且正信之本故爲信也
故曰黃裳元吉正義曰天下之事雖則萬端揔之諸法大
歸忠信而已能忠能信無施不可以有忠信故曰黃裳元
吉解此爻辭之意黃中至弗當正義曰旣言爻爲此辭
之意又解此辭所言之義也五方則爲五色黃是中央之
色也衣裳所以飾身裳是在下之飾也元者始也首也於
物爲初始於人爲頭首元是諸善之長也五方之中猶人
之心中心中不忠則不得其黃之色也身體之下猶名位
之下爲下不共則不得其裳之飾也舉事不善則不得其
善之中言爲事不中則非善之長也更覆言忠共善三者
之義外內倡和爲忠言君在內臣在外君倡臣和不相乖
違是名爲忠也行事以信無有虛詐是名爲共也人之爲

德有正直剛柔供養此三者之德使其德無愆乃名為善也非此三者忠也共也善也則於此卦不當也不當此卦雖吉不可 注失中德 正義曰極訓為中不得其中言其失中德也此文以上二句類之當云善不極不得為長文不然者惠伯之語雖反覆相疊不可字字相對隨便而言故與上不類 注率猶行也 正義曰率訓循循道而行故率猶行也 注三德至克也 正義曰洪範三德一曰正直二曰剛克三曰柔克孔安國云正直者能正人之曲直剛克者剛能立事柔克者和柔能治三者皆人之性也剛則失之於彊柔則失之於弱故貴其能剛能柔謂剛不苛酷柔不滯溺也供養三德為善者剛則抑之柔則進之以志意供給長養之使合於中道各成其德乃為善也董遇注本為共養解云盡共所以養成三德也 且夫至未也 正義曰且夫易謂此黃裳元吉之易也唯可以占忠信之事不可以占危險之事也問南蒯今將欲為何事也且可飾乎言此易所占唯且可為在下之飾乎不可為

餘事也中美能黃忠則黃也上美爲元善則元也下美爲
震共則震也忠善共三者皆成可如此筮之言吉也三占
猶有所闕筮雖吉未可用也 注夫易至之飾 正義曰
惠伯指論此卦而言夫易非是漫言易故知夫易猶言此
易謂此黃裳元吉之易卦也險謂危險言此卦不可以占
危險之事心疑南蒯事險故問將何事也且可爲下之飾
也欲令南蒯從下之飾爲共 卿人至士乎 正義曰卿
人以南蒯季氏家臣而欲反害季氏故爲歌以感切之也
圖者所以殖菜蔬也杞非可食之物我有圃生之杞以喻
南蒯在費欲爲亂也若能從我之言不爲亂者是爲子也
子者男子之美稱不失尊貴得爲子也去我而背叛者鄙
賤之行也倍其鄰近者恥惡之事也若已乎已乎自遂其
心不肯改者則不復是吾黨之上乎釋木云杞枸櫞舍人
曰枸杞也 注已乎至不改 正義曰杜此解原南蒯之
意蒯若云此事已乎已乎自遂其心如不肯改則此南蒯
非復是吾黨之士也服虔云已乎已乎決絕之辭則謂歌

者自言已意可已乎已乎此
南崩今已非是吾黨之士

楚子狩于州來

狩冬獵也

次于潁尾

潁水之尾在下蔡西

使蕩侯潘子司馬督蹕

尹午陵尹喜帥師圍徐以懼吳

五子楚大夫徐吳與國故

圍之以偪吳

楚子次于乾谿

在譙國城父縣南

以爲之援兩

雪王皮冠秦復陶

秦所遺羽衣也

翠被

以翠羽飾被

豹舄

以豹皮爲履

執鞭以出

執鞭以教令

僕析父從

楚大夫

右尹子

革夕

子革鄭丹夕莫見

王見之去冠被舍鞭

敬大

與之

語曰昔我先王熊繹

楚始封君

與呂級

齊大公之子下公

王

孫牟

衛康叔子康伯

變父

晉唐叔之子

禽父

周公伯禽

並事康

王

康王成王子

四國皆有分我獨無有

四國齊晉魯衛分珍寶之器

今吾使人於周求鼎以爲分王其與我乎

對曰與君王哉昔我先王熊繹辟在荆山

在新城汴鄉縣南

篳路藍縷以處草莽跋涉山林以

事天子唯是桃弧棘矢以共禦王事

桃弧棘矢

以禦不祥言楚在山林少所出有

齊王舅也

成王母齊大公女

晉及魯衛

王母弟也楚是以無分而彼皆有今周與

四國服事君王將唯命是從豈其愛鼎王

曰昔我皇祖伯父昆吾舊許是宅

陸德氏生六子長曰

昆吾少曰季連季連楚之祖故謂昆吾焉伯父昆吾嘗居許地故曰舊許是宅

今鄭人貪賴

其田而不我與我若求之其與我乎對曰

與君王哉周不愛鼎鄭敢愛田王曰昔諸

侯遠我而畏晉今我大城陳蔡不羹賦皆

千乘子與有勞焉諸侯其畏我乎對曰畏

君王哉是四國者專足畏也

四國陳蔡二不羹

又加

之以楚敢不畏君王哉工尹路請曰君王

命剥圭以為鉞秘

鉞斧也秘柄也破圭玉以飾斧柄

敢請命

請制度之

命王入視之析父謂子革吾子楚國之望也

今與王言如響國其若之何

譏其順王心如響應聲

子革

曰摩厲以須王出吾刃將斬矣

以己喻鋒刃欲自摩厲以斬王

之淫

王出復語左史倚相趨過

倚相楚史名

王曰是

良史也子善視之是能讀三墳五典八索

九丘

皆古書名

對曰臣嘗問焉昔穆王欲肆其心

周穆王肆極也

周行天下將皆必有車轍馬跡焉祭

公謀父作祈招之詩以止王心

謀父周卿士祈父周司馬世掌

甲兵之職招其名祭公方諫遊行故指司馬官而言此詩逸

王是以獲沒於祗

宮

獲沒不見纂弒

臣問其詩而不知也若問遠焉其

焉能知之王曰子能乎對曰能其詩曰祈招

之惓惓式昭德音

惓惓安和貌式用也昭明也

思我王度

式如玉式如金

金玉取其堅重

形民之力而無醉飽之

心

言國之用民當隨其力任如金治之器隨器而制形故言形民之力去其醉飽過盈之心

王揖而

入饋不食寢不寐數日深感子革之言不能自克以

及於難克勝也仲尼曰古也有志克己復禮仁

也信善哉楚靈王若能如是豈其辱於

乾谿疏注秦所遺羽衣正義曰文在冠下鳥上知是衣也目之以秦明是秦所遺也冒雪服之

知是毛羽之衣可以禦雨雪也翠被正義曰釋鳥云翠鵷變光云青羽出交州李巡曰其羽可以飾物郭璞曰

似鶯紺色生鬱林鄭子臧好鵷冠以此鳥之羽飾冠一僕折父從正義曰劉炫以為僕折父從右尹子革夕見於

王為下與革語張本以規杜今知不然者若僕折父共子革二人同時見王王與之語則二人並在子革獨對傳應

云子革對曰不得直云對故杜以為右尹子革將夕故下即云對事理分明劉妄規杜過非也注楚始封君正

義曰此與呂綴王孫牟變父禽父杜所注者皆是世家文也變父禽父亦王孫傳於牟言王孫變禽亦蒙之注西國至之器正義曰書序云武王既勝殷邦諸侯班宗彝作分器旅葵云明王慎德四夷咸賓無有遠邇畢獻方物惟服食器用王乃昭德之致于異姓之以有替服服分寶王于伯叔之國時庸展親魯語云古者分同姓以珎玉展親也分異姓以遠方之職貢使無忘服也是言諸侯皆得天子之分器也定四年傳稱分魯公以夏后氏之璜封父之繁弱分康叔以大呂之鍾分唐叔以密須之鼓闕鞏之甲注洗之鍾其齊之所得則無以言之注陸終至是宅正義曰楚世家云陸終生子六人圻剖而產焉一曰昆吾二曰參胡三曰彭祖四曰會人五曰曹姓六曰季連季連芊姓楚其後也昆吾是楚之遠祖之兄也舊許是宅昆吾舊居許地許既南遷故云舊許是宅其地此時屬鄭故云鄭人貪賴其田而不我與哀十七年傳衛侯夢見人登昆吾之觀北面而譟曰登此昆吾之虛杜云今在濮陽城中

蓋昆吾居此二處未知孰爲先後也

注四國至不羹

正義曰劉炫以爲楚語云靈王城陳蔡不羹使僕夫子曾問於范無宇曰今吾城三國賦皆千乘亦當晉矣諸侯其來乎對曰是三城者豈不使諸侯之惕焉彼再言三城無四國也縱使不羹有二或當前後還焉非是並有二也炫謂古四字積畫四當爲三以規杜過今知不然者以三之與四古雖積畫錯否難知但古今諸儒所注春秋傳本並云四國無作三者國語是不傳之書何可執以爲真而攻左氏劉雖有所規未可從也

注破圭以飾斧柄

正義

曰斧柯長三尺和氏之玉長一尺二寸圭玉非爲斧柄之

物故知破之爲飾

注皆古書名

正義曰孔安國尚書

序云伏犧神農黃帝之書謂之三墳言大道也少昊顓頊

高辛唐虞之書謂之五典言常道也八卦之說謂之八索

求其義也九州之志謂之九丘丘聚也言九州所有土地

所生風氣所宜皆聚此書也楚左史倚相能讀三墳五典

八索九丘即謂上世帝王遺書也周禮外史掌三皇五帝

之書鄭玄云楚靈王所謂三墳五典是也賈逵云三墳三
皇之書五典五帝之典八索八王之法九丘九州亡國之
戒延篤言張平子說三墳三禮三禮禮爲人防爾雅曰墳大防
也書曰誰能典朕三禮三禮天地人之禮也五典五帝之
常道也八索周禮八議之刑索空空設之九丘周禮之九
刑丘空也亦空設之馬融說三墳三氣陰陽始生天地人
之氣也五典五行也八索八卦九丘九州之數也此諸家
者各以意言皆無正驗杜所不信故云皆古書名 注謀
父至詩逸 正義曰尚書酒誥云若疇圻父是祈父爲官
名也詩小雅有祈父之篇其詩云祈父予王之爪牙胡轉
予于恤毛傳云祈父司馬也職掌封祈之甲兵鄭箋云此
司馬也時人以其職號之故曰祈父杜用彼說故云祈父
司馬世掌甲兵之職也祈既是官故以招爲其名謂穆王
之時有司馬之官其名曰招也祭公方諫遊行故指司馬官
而爲言也賈逵云祈求也昭明也言求明德也馬融以圻爲
王圻千里王者遊戲不過圻內昭明也言千里之內足明德

祗宮 正義曰馬融云圻內遊觀之宮也杜不解蓋以爲
王離宮之名也 其詩至之心 正義曰穆王之時有祈公
官名招卽是司馬官也職掌兵甲常從王行祭公諫王
行設言以戒司馬也言祈招之惜惜美其志性安和惜惜
然也女當用此職掌以明我王之德音也思使我王之德
度用如玉然用如金然使之堅而且重可寶愛也若用民
力當隨其所能而制其形模依此形模用民之力而無有
醉飽盈溢之心也以王之遊行必勞損民力故今依法用
之 注言國至之心 正義曰言國之用民當隨其力任
量其力之所堪而任用之不使勞役過其所堪也如金治
之器隨器而制形者鑄冶之家將作器而制其模謂之爲
形今代猶名焉用民之力依模用之故言形民之力也食
充其腹謂之飽酒卒其量謂之醉醉飽者是酒食饜足過
度之名也穆王用民之力不知饜足故今去其醉飽過盈
之心 克己復禮仁也 正義曰劉炫云克訓勝也已謂
身也身有耆慾當以禮義齊之耆慾與禮義交戰使禮義

勝止者慾身得歸復於禮如是乃爲仁也復反也言情爲
者慾所逼已離禮而更歸復之今判定云克訓勝也已
身也謂身能勝去
者慾反復於禮也
晉伐鮮虞因肥之役也
肥役在
此

春秋正義卷第二十八

鄉貢進士馮嗣祖校勘

春秋正義卷第二十九

昭公

國子祭酒上護軍曲阜縣開國子臣孔穎達等奉

勅撰

經十有三年春叔弓帥師圍費

不書南蒯以費叛不以告

廟 䟽

注不書至告廟 正義曰定八年傳云陽虎入于謹陽關以叛注云叛不書略家臣則此亦爲略家

臣故不告廟也以不告廟故史不得書二注互相備

夏四月楚公子比自晉

歸于楚弑其君虔于乾谿

比去晉而不還書歸者依陳蔡以入言陳

蔡猶列國也比歸而靈王死故書弑其君靈王無道而弑稱臣比非首謀而反書弑比雖脅立猶以罪加也靈王死

在五月又不在乾谿楚人生
失靈王故本其始禍以赴之

疏

注比去至赴之 正義
曰傳稱依陳蔡人以國

許復其國而藉其力故書爲歸言是陳蔡納之釋例曰韓
魏有耦國之彊陳蔡有復國之端故晉趙鞅楚公子比皆
稱歸從諸侯納之例言非晉楚之所能制是其義也計靈
王無道於國其弑不應稱臣又比爲觀從所誑迫脅而立
非是弑君首謀而反書比弑君者比歸而王死故書比弑
其君比雖被脅而立靈王爲比而死雖非比弑猶以弑君
之罪加比哀六年注云楚比劫立陳乞流涕子家憚老皆
疑於免罪故春秋明而書之以爲弑主釋例曰若鄭之歸
生齊之陳乞楚公子比雖本無其心春秋之義亦同大罪
是以君子慎所以立也其意以爲弑君之惡惡之大者雖
則本無其心君實由之而死若舍而不責則下無所忌故
書其名成其罪所以示來世勸後人爲教之遠防也靈王
見弑實猶無道但欲見比罪故稱臣名非言靈王爲有道
猶如宣二年晉趙盾弑其君夷臯釋例曰傳言靈公不君

又以明於例此弑宜稱君也弑非趙盾而經不變文者以示良史之意深責執政之巨彼爲章盾之罪稱臣名此亦爲章比之罪稱臣名非言靈王不合弑稱君也又傳稱五月王縶于芋尹申亥氏他年申亥以王柩告則靈王死在五月其死又不在乾谿而經書四月比弑其君虔于乾谿者楚人生失靈王告時未知死否但以乾谿之地失王以爲王必死矣本其始禍故以四月弑君赴也劉

楚公子

棄疾殺公子比

比雖爲君而未列於諸侯故

疏

注

雖至棄疾正義曰釋例曰諸侯不受先君之命而篡立得與諸侯會者則以成君書之齊商人蔡侯般之屬是也君未得接於諸侯則不稱爵楚公子棄疾殺公子比蔡人殺陳佗齊人殺無知衛人殺州吁公子瑕之屬是也諸侯篡立雖以會諸侯爲正此列國之制也至於國內策名委質即君臣之分已定故諸殺不稱君亦與成君同義也傳

曰會于平州以定公位又云若有罪則君列諸會矣此以會為斷也衛州吁齊無知皆弑君自立其死稱人以殺此比亦弑君而立不稱人以殺而云棄疾殺者棄疾利比之位而殺之其意不得為討賊不稱人所以罪棄疾也釋例云比既得國國人驚亂棄疾從而扇之比懼自殺皆棄疾之由故書公子棄疾殺公子比是言不稱弑其君又說罪棄疾之意也

秋公會劉子晉侯齊侯宋公衛侯鄭

伯曹伯莒子邾子滕子薛伯杞伯小邾子

于平丘

平丘在陳留長垣縣西南

八月甲戌同盟于平丘

書同

齊服

公不與盟

魯不堪晉求讒慝弘多公不與盟非國惡故不諱

疏

注魯不至

正義曰宣七年公會晉侯云云于黑壤傳曰晉侯不與盟公不朝焉又不使大夫聘晉人止公于會盟于黃

父公不與盟以賂免故黑壤之盟不書諱之也彼公不與盟諱而不書此書之者彼不相朝聘公實有罪諱國之惡故不書其盟此時公處無罪非是國惡故書而不諱襄三
十一年傳曰晉公室卑政在侈家韓宣子為政不能圖諸侯魯不堪晉求讒慝以多是以有平丘之會此年傳云邾人莒人愬于晉曰魯弱少伐我幾亡矣注云自昭公即位邾魯同好又不朝夕伐莒無故怨愬晉人信之所謂讒慝弘多是言晉受讒言公無罪非國惡故不諱也晉

人執季孫意如以歸公至自會

無傳

蔡侯廬

歸于蔡陳侯吳歸于陳

陳蔡皆受封于楚故
陳蔡皆受封于楚故

疏

注陳蔡至曰歸正義曰公之信曰此皆滅國也其言歸何不與諸侯專封也其意言諸侯不得專封不與楚封陳蔡之君自有國而歸之然以是故稱爵言歸若言各自有爵非由楚也杜以傳言王封陳蔡又二君之歸再言禮

也則興滅繼絕是為得禮無有不與楚封之事也二者皆是舊國立君紹其先祀葬其封爵爵是先世之爵非楚今始立之故言陳蔡皆受封于楚已立為侯故稱爵以歸國非入國始為君也禮諸侯不立名二君皆書名者稱爵以其受封于楚書名以其未成為君稱名稱爵兩見之也諸侯納之曰歸成十八年傳例

冬十月

葬蔡靈公

蔡復而後以君禮葬之

公如晉至河乃復

晉人

辭吳滅州來

州來楚邑用大師焉曰滅

疏

注州來至曰滅

正義曰州來楚邑不繫

楚者大都以名通者例皆不繫國用大師焉曰滅襄十三年傳例

傳十三年春叔弓圍費弗克敗焉

為費人所敗不書諱

之平子怒令見費人執之以為囚俘治區

夫曰非也

區夫魯大夫

若見費人寒者衣之飢者

食之爲之令主而共其乏困費來如歸南

氏亡矣民將叛之誰與居邑若憚之以威

懼之以怒民疾而叛爲之聚也若諸侯皆

然費人無歸不親南氏將焉入矣平子從

之費人叛南氏

費叛南氏在明年傳善區夫之謀終言其效

疏

非也正義曰

非三代服叛之道也

民疾至聚也正義曰季氏既執費人人皆憎疾季氏而叛之爲南氏之積聚也

楚

子之爲令尹也殺大司馬遠掩而取其室

在襄三
十年

及即位奪遠居田

居掩之族言
遠氏所以怨

遷許而

質許圍

遷許在九年
圍許大夫

蔡洧有寵於王王之滅

蔡也其父死焉

楚滅蔡在十一年洧
仕楚其父在國故死

王使與於

守而行

使洧守國王
行至乾谿

申之會越大夫戮焉

申會
在四

年王奪鬬韋龜中驪

韋龜令尹子文
玄孫中驪邑名

又奪成

然邑而使爲郊尹

成然韋龜子郊
尹治郊竟大夫

蔓成然故

事蔡公

蔡公棄疾也故猶舊也韋龜以棄
疾有當璧之命故使成然事之

故遠氏

之族及遠居許圍蔡洧蔓成然皆王所不

禮也因羣喪職之族啓越大夫常壽過作

亂常壽過申會所戮者圍固城克息舟城而居之息舟楚邑

城之堅固者觀起之死也其子從在蔡事朝吳起觀

死在襄二十二年朝吳故蔡大夫聲子之子曰今不封蔡蔡不封矣我

請試之觀從以父死怨楚故欲試作亂以蔡公之命召子干子

皙二子皆靈王弟元年子干奔晉子皙奔鄭及郊而告之告以蔡公不知謀情

強與之盟入襲蔡蔡公將食見之而逃不知

其故驚起辟之觀從使子干食坎用牲加書而速行

使子干居蔡公之牀食蔡公之食
並僞與蔡公盟之徵驗以示衆

已徇於蔡

已觀從也

曰

蔡公召二子將納之與之盟而遣之矣將

師而從之

詐言蔡公將以師助二子

蔡人聚將執之

執觀從

辭曰失賊成軍而殺余何益乃釋之

賊謂子干

子皙也言蔡公已成軍殺已不解罪

朝吳曰二三子若能死亡則

如違之以待所濟

言若能爲靈王死亡則可違蔡公之命以待成敗所在

若

求安定則如與之以濟所欲

言與蔡公則可得安定

且

違上何適而可

言不可違上也上謂蔡公

衆曰與之乃奉

蔡公召二子而盟于鄧

潁川召陵縣西南有鄧城二子于子皆依

陳蔡人以國

國陳蔡而依之

楚公子比

于

公子黑肱

皆公子棄疾

蔡公

蔓成然蔡朝吳帥陳蔡不

羹許葉之師因四族之徒

四族遠氏許圍蔡洧蔓成然

以

入楚及郊陳蔡欲爲名故請爲武軍

欲築壘以示

後人爲復讎之名

蔡公知之曰欲速且役病矣請藩

而已乃藩爲軍

藩籬也

蔡公使須務牟與史

狎先入因正僕人殺大子祿及公子罷敵

須務卑史俾楚大大蔡公之黨也正僕大子之近官

公子比爲王公子黑肱

爲令尹次于魚陂

竟陵縣城西北有甘魚陂

公子棄疾爲

司馬先除王宮使觀從從師于乾谿而遂

告之

從乾谿之師告使叛靈王

且曰先歸復所後者剿

剿

鼻師及訾梁而潰

靈王還至訾梁而衆散

王聞羣公子

之死也自投于車下曰人之愛其子也亦

如余乎侍者曰甚焉小人老而無子知擠

于溝壑矣

擠陳

王曰余殺人子多矣能無

及此乎右尹子革曰請待于郊以聽國人

聽國人
之所與

王曰衆怒不可犯也曰若入於大都

而乞師於諸侯王曰皆叛矣曰若亡於諸

侯以聽大國之圖君也王曰大福不再祇

取辱焉然丹乃歸于楚

然丹子革
棄王歸

王公夏將

欲入郢

夏漢別名順流爲
沁順漢水南至郢

芋尹無宇之子申亥

曰吾父再奸王命

請斷王族執
人於章華宮

王弗誅惠孰

大焉君不可忍惠不可棄吾其從王乃求

王遇諸棘闡以歸

棘闡名也

夏五月癸亥王

縊于芋尹申亥氏

癸亥五月二十六日皆在乙卯丙辰後倬終言之經書四月誤

申亥以其二女殉而葬之觀從謂子干曰

不殺棄疾雖得國猶受禍也子干曰余不

忍也子玉曰人將忍子

子玉觀從

吾不忍俟也

乃行國每夜駭曰王入矣

相恐以靈王也

乙卯夜棄

疾使周走而呼曰王至矣

周徧也乙卯十八日

國人大

驚使蔓成然走告子干子皙曰王至矣國

人殺君司馬將來矣

司馬謂棄疾也言司馬見殺以恐子干

君若

早自圖也可以無辱衆怒如水火焉不可

爲謀又有呼而走至者曰衆至矣二子皆

自殺

不書弑君位未定也

丙辰棄疾即位名曰熊居葬

子干于訾實訾敖

不成君無號謚者楚皆謂之敖

殺囚衣之

王服而流諸漢乃取而葬之以靖國人使

子旗爲令尹

子旗莫成然



楚子至而行正義曰易稱善不積不足以成名惡

不積不足以滅身小人以小善爲無益而弗爲以小惡爲無傷而弗去也故惡積而不可揜罪大而不可解至於滅

身也 申之至戮 正義曰王肅云越大夫常壽過也
申之會經書淮夷而不書越者以常壽過有罪不得列會
故不書越也戮者陳其罪惡以徇諸軍言將殺之終亦不
殺過至今在楚故怨而作亂 故蓬至成然 正義曰言
族者以梅旣被殺唯有族存故言族也韋龜成然皆被奪
邑所以不數韋龜而獨數成然者以是時韋龜已死故不
言之上言奪邑者積王之惡見成然怨恨之深猶父子被
奪故也 園固至居之 正義曰園固城城之固者克息
舟息舟即是一也 以園時有所毀故更城而居之 注
故蔡大夫聲子之子 正義曰言故蔡大夫者此時蔡滅
見爲楚縣吳今在蔡其父先爲蔡國大夫故云故蔡大夫
聲子之子也 強與之盟 正義曰二子間非蔡公之命
欲還故觀從強與之盟遂入襲蔡 依陳蔡人以國 正
義曰二子更無兵衆唯依倚陳蔡人耳以國者許爲復其
國以此招慰之 蔡公至而已 正義曰蔡公知之知陳
蔡人之情也蔡公楚之公子猶尚吝惜本國恥有報讎之

名築壘以示後世故請藩而已 正僕人 正義曰大僕也周禮下大夫二人 注棘里名闢門也 正義曰吳語

云昔楚靈王不君其臣箴諫不入其民不忍飢勞之殃三軍叛王於乾谿王獨行屏營彷徨於山林之中三日乃見其消人疇王呼之曰余不食三日矣疇趨而進王枕其股以寢於地王寐疇枕王以塊而去之王覺而無見也乃備匭將入於棘闢棘闢不納乃入芊尹申亥氏焉孔晁曰棘楚邑闢門也案襄二十六年傳言吳伐楚克棘四年傳言吳伐楚入棘以棘爲邑或是也 注癸亥至月誤 正義曰此癸亥之日實在乙卯丙辰之後傳先言之者因申亥求王遂言王縊是傳終言之也既以五月統癸亥之日而乙卯丙辰亦是五月之日雖則言有顛倒即今蒙此五月之文也劉炫云杜此注經書四月誤案上經注云靈王實以五月死楚人生失靈王本其始殯以赴兩注不同以爲杜非今知不然者以其生失靈王不知死在五月遂以四月始禍言靈王之死是其錯誤之事於文似異義實一也

劉以爲二注文異而規杜氏非也注不成至之教正

義曰郊教與此等教皆不成君無號諡也元年傳云葬王

于郊謂之郊教此云葬子于于晉晉晉教並以地名冠教

未知其故又世家楚之先君有若教宵教皆在位多年亦

稱爲教不知前年國吳人敗諸豫

教是何義楚師還自徐徐之師

章獲其五帥定二年楚人伐吳師于豫章吳人見舟于豫章而潛師于巢以軍楚師於豫章

又柏舉之役吳人舍舟于淮汭而自豫章與楚夾楚

漢此皆當在江北淮水南蓋後徙在江南豫章師

還自徐正義曰上云師及訾梁而潰此又云楚師還自

徐者上所云者是乾谿援師此謂蕩侯等五子伐徐師故

杜云前年復九年平王封陳蔡復遷邑所遷邑致羣賂

圍徐之師舉職脩召觀從

始舉事時廢官施舍寬民宥罪舉職

所貨賂召觀從

王曰唯爾所欲

勸從教子于殺棄疾棄疾今
召用之明在君為君之義

對曰

臣之先佐開卜乃使為卜尹

佐卜人
開龜兆

使枝如

子躬聘于鄭且致鸞櫟之田

鸞櫟本鄭邑楚中
取之平王新立故

還以
賂鄭

事畢弗致

知鄭自說服
不復須賂故

鄭人請曰聞諸

道路將命寡君以鸞櫟敢請命對曰臣未

聞命既復王問鸞櫟降服而對

降服如今解
冠也謝違命

曰臣過失命未之致也王執其手曰子母

勤姑歸不穀有事其告子也

王善其有權有
事特復使之

他年辛丑申亥以至樞告乃改葬之



汪復

九年所遷邑

正義曰戊十五年許遷于葉九年傳云遷

城父人於陳遷方城外入於許今復遷邑則許還復葉方

城外與城父人各復其本

臣過至致也

正義曰言臣

罪過漏失君命遺忘之未之致與也

子母勤

正義曰

言子母以見

初靈王卜曰余尚得天下

尚庶

不

吉投龜詁天而呼曰是區區者而不余畀

區區小天下

余必自取之民患王之無厭也故從

亂如歸初共王無冢適

冢大也

有寵子五人

無適立焉乃大有事于羣望

羣望星辰山川

而祈曰

請神擇於五人者使主社稷乃徧以禮見

於羣望曰當璧而拜者神所立也誰敢違

之既乃與巴姬密埋璧於大室之庭

巴姬共王妾大

室祖廟

使五人齊而長入拜

從長幼以次拜

康王跨之

通其上

靈王肘加焉子干子皙皆遠之平王弱

抱而入再拜皆厭紐

微見璧細以審識

闕韋龜屬成

然焉

知其將立故託其子

且曰棄禮違命楚其危哉

棄

長之禮違當璧之命終致靈王之亂

疏

尚得天下也

正義曰謂得為天子

正義曰

楚語云天子徧祀羣神諸侯祀天地三辰及其土之山川
孔晁云三辰日月星也祀天地謂二王後也非二王後祭
分野山川而已又元年傳云辰爲商星參爲晉星是諸侯
得祭分野之星知此羣望是星辰山川也於十二次鶉尾
爲楚當祀翼軫之星及其國內山川哀六年傳曰江漢
漳楚之望也其山蓋荆山衡山之類徧以璧正義曰
謂以一璧徧見諸神若神各一璧其璧乃多明無不當其
上注巴姬共王妾正義曰知者襄十二年傳云楚司

馬子庚聘于秦爲夫人寧禮也
彼秦女是夫人明巴姬是妾

子干歸韓宣子問

於叔向曰子干其濟乎對曰難宣子曰同

惡相求如市賈焉何難

宣子謂棄疾親恃子干
共同好惡故言如市賈

同利以
相求

對曰無與同好誰與同惡

言棄疾本不
與子干同好

則亦不
得同惡

取國有五難有寵而無人一也

寵而賢
人而固

有人而無主二也

雖有賢人當
須內主爲應

有主而無謀

三也

謀策
謀也

有謀而無民四也

民

有民而無

德五也

四者既備
當以德成

子干在晉十三年矣晉楚

之從不聞達者可謂無人

晉楚之士從子
干游皆非達人

族

盡親叛可謂無主

無親族
在楚

無覺而動可謂

無謀

召子干時楚
未有大覺

爲羈終世可謂無民

終身羈
客在晉

是無
民

亡無愛徵可謂無德

楚人無愛
念之者

王虐而不

忌

靈王暴虐無所畏忌將自亡

楚君子干涉五難以弑舊

君誰能濟之

言楚借君子以弑靈王終無能成

有楚國者其棄

疾乎君陳蔡城外屬焉

城方城也時穿封戌既死棄疾并領陳事

苛

慝不作盜賊伏隱私欲不違

不以私欲違民事

民無

怨心先神命之

先神謂羣望

國民信之芊姓有亂

必季實立楚之常也獲神一也

當璧拜

有民

二也

民信之

今德三也

無苛慝

寵貴四也

貴妃子

居

常五也

棄疾季

有五利以去五難誰能害之子

千之官則右尹也數其貴寵則庶子也以

神所命則又遠之其貴亡矣位不尊其寵棄

矣父既沒故民無懷焉非令德國無與焉無內主將

何以立宣子曰齊桓晉文不亦是乎皆庶賤對

曰齊桓衛姬之子也有寵於僖衛姬齊僖公妾有鮑

叔牙賓須無隰朋以爲輔佐有莒衛以爲

外主齊桓出奔莒衛有舅氏之助有國高以爲內主國氏高氏齊上

卿從善如流言其疾也下善齊肅齊嚴也肅敬也不藏賄

也清不從欲也施舍不倦施舍猶言布恩德求善不厭

是以有國不亦宜乎我先君文公狐季姬

之子也有寵於獻好學而不貳言篤志生十

七年有士五人狐偃趙衰顓頊魏武子司空季子五上從出有先大夫

子餘子犯以爲腹心子餘趙衰子犯狐偃有魏驪賈佗

以爲股肱魏驪魏武子也稱五人而說四子賈佗又不在本數蓋叔向所賢有齊宋

秦楚以爲外主齊妻以女宋贈以馬楚王享之秦伯納之有藥卻狐

先以爲內主謂樂枝卻穀狐突先軫也二十九年守志彌

篤惠懷棄民

惠公懷公不恤民也

民從而與之獻無異

親民無異望

獻公之子九人唯文公在

天方相晉將何以

代文此二君者異於子干共有寵子國有

與主

謂棄疾也

無施於民無援於外去晉而不

送歸楚而不逆何以異國

傳言子干所以蒙弑君之名棄疾所以得

疏

亡無愛欲

正義曰子干之亡楚人無愛念之欲

正義曰楚國既封即有三望

三望起於先代故曰先神其貴至棄矣正義曰亡無也其貴位則無矣其寵愛之者又棄矣然則父死棄疾寵亦棄獨言子干者以子干母賤唯恃父寵寵又棄矣則無侍託故專屬子干注國氏高氏正義曰僖十二年傳

管仲云有天子之二守國高在是也

注魏準至所賢

正義曰上言五人直舉其數下說四士獨據有賢也五人

內不數賈佗者佗以公族從文公不在五人之數也蓋叔

向言之意所將為賢即言之國有與主正義曰室內

西南隅謂之奧奧是內之義

晉成虎祁

在八

諸侯

奧主國內之主故謂棄疾也

晉成虎祁年

諸侯

朝而歸者皆有貳心

賤其奢也

為取鄭故

取鄭在十年

晉將以諸侯來討叔向曰諸侯不可以不

示威

知晉德薄欲以威服之

乃並徵會告于吳秋晉侯

會吳子于良

下邳有良城縣

水道不可吳子辭乃還

辭不

七月丙寅治兵于邾南甲車四千乘

十三

萬人

羊舌鮒攝司馬

鮒叔向弟也攝兼官

遂合諸侯于平

丘子產子大叔相鄭伯以會子產以幄幕

九張行

幄幕軍旅之帳

子大叔以四十旣而悔之每

舍損焉及會亦如之

亦九張也傳言子產之適宜大叔之從善

次于

衛地叔鮒求貨於衛淫芻蕘者

欲使衛患之而致貨

衛

人使屠伯饋叔向羹與一篋錦

屠伯衛大夫

曰諸

侯事晉未敢攜貳況衛在君之宇下

屋宇之下喻近

也而敢有異志芻蕘者異於他日敢請之

請止

叔向受羹羹反錦

受羹示不逆其意且非貨

曰晉有羊舌

鮒者漬貨無厭

漬數也

亦將及矣

將及禍

為此役

也

役事也

子若以君命賜之其已客從之未

退而禁之

禁芻蕘者

疏

水道不可

正義曰吳地水行故謂水道不可謂水路不通吳

子既辭晉侯乃還向平丘之會

禮幕人掌帷幕幄帟綬之事鄭玄云王出宮則有是事在

旁曰帷在上曰幕皆以布爲之四合象宮室曰幄王所居

之帳也帟王在幕若幄中坐上承塵幄帟皆以繒爲之凡

四物者以綬連繫焉然則幕與幄異幕大而幄小幄在幕

下張之幄幕九張蓋九幄九幕也芻蕘正義曰周禮

充人掌繫祭祀之牲牲祀五帝則繫于牢芻之三月說文

云蕘薪也從艸然則芻者飼牛馬之草也蕘者共燃火之

草也 爲此役 正義曰言叔鮒爲此淫邪荒之事也

晉人將尋盟齊人不

可

有貳心故

晉侯使叔向告劉獻公

獻公王卿士劉子

曰

抑齊人不盟若之何對曰盟以底信

底致也

君

苟有信諸侯不貳何患焉告之以文辭董

之以武師雖齊不許君庸多矣

董督也庸功也計之有辭

故功多也

天子之老請帥王賦元戎十乘以先啓

行

天子大夫稱老元戎戎車在前者啓開也行道也

遲速唯君

欲佐晉討齊

叔

向告于齊曰諸侯求盟已在此矣今君弗

利寡君以爲請對曰諸侯討貳則有尋盟

若皆用命何盟之尋

託用命以拒晉

叔向曰國家之

敗有事而無業事則不經

業貢賦之業

有業而無

禮經則不序

須禮而有次序

有禮而無威序則不共

禮須威嚴而後共

有威而不昭共則不明

威須昭告神明而後信義著

不明棄共百事不終所由傾覆也

信義不明則棄威不

威棄禮無禮無經無經無業故百事不成

是故明王之制使諸侯歲

聘以志業

志識也歲聘以脩其職業

閒朝以講禮

三年而一朝正聘爵

之義率長幼之序

再朝而會以示威

六年而一會以訓上下之則制財用之節

再會而盟以顯昭明

十二年而一盟所以昭信義也凡八聘四朝再會王一巡

守盟于方嶽之下

志業於好聘也講禮於等朝也

示威於

衆會也昭明於神盟也

自古以來未之或失也

存亡之道恒由是興晉禮主盟

依先王先公舊禮主諸侯盟

懼有不治奉承齊犧

齊盟之犧牲

而布諸君求終

事也

終竟也

君曰余必廢之何齊之有唯君

圖之寡君聞命矣齊人懼對曰小國言之

大國制之敢不聽從既聞命矣敬共以往

遲速唯君叔向曰諸侯有間矣

間隙也

不可

以不示衆八月辛未治兵

習戰

建而不旆

建立

旌旗不曳其旆旆游也

壬申復旆之諸侯畏之

軍將戰則旆故曳旆以恐

之邾人莒人愬于晉曰魯朝夕伐我幾亡

矣

自昭公即位邾魯同好又不朝夕伐莒無故怨愬晉人信之所謂讒慝弘多

我之不共

魯故之以

不共晉貢以魯故也

晉侯不見公使叔向來

辭曰諸侯將以甲戌盟寡君知不得事君

矣請君無勤

託謙辭以絕魯

子服惠伯對曰君信蠻

夷之訴

蠻夷謂邾莒

以絕兄弟之國棄周公之後

亦唯君寡君聞命矣叔向曰寡君有甲車

四千乘在雖以無道行之必可畏也況其

率道其何敵之有牛雖瘠僨於豚上其畏

不死

僨什也

南蒯子仲之憂其庸可棄乎

棄猶忘也

若奉晉之衆用諸侯之師因邾莒杞鄆之

怒

四國近魯數以小事相忿鄆已滅其民猶在故并以恐魯

以討魯罪聞其

二憂

因南蒯子仲
二憂為閒隙

何求而弗克魯人懼聽命

不敢
與盟

甲戌同盟于平丘齊服也

經所以
稱同

令諸

侯日中造于除

除地為壇
盟會處

癸酉退朝

先盟
朝晉

子

產命外僕速張於除

張幄
幕

子大叔止之使

待明日及夕子產聞其未張也使速往乃

無所張矣

地已滿也傳言子
產每事敏於大叔

及盟子產爭承

承貢

賦之
次

曰昔天子班貢輕重以列

列位
也

列尊貢

重周之制也

公侯地廣故
所貢者多

卑而貢重者甸服

也

甸服謂天子畿內共職貢者

鄭伯男也而使從公侯之

貢

言鄭國在甸服外爵列伯子男不應出公侯之貢

懼弗給也敢以爲

請諸侯靖兵好以爲事

靖息也

行理之命

行理使人

通聘問者

無月不至貢之無藝

藝法制

小國有關所

以得罪也諸侯脩盟存小國也貢獻無極

亡可待也存亡之制將在今矣自日中以

爭至于昏晉人許之旣盟子大叔咎之曰

諸侯若討其可瀆乎

瀆易也

子產曰晉政多

門

政不出一家

貳偷之不暇何暇計

貳不壹偷苟且

國不

競亦陵何國之爲

不競爭則爲人所侵陵不成爲國

公不與盟

信邾莒之訴欲討魯故

晉人執季孫意如以幕蒙之

蒙裏

也使狄人守之司鐸射

魯大夫

懷錦奉壺飲冰

以蒲伏焉守者御之乃與之錦而入

蒲伏竊往飲季

孫冰箭箭蓋可以取飲

晉人以平子歸子服湫從

湫子服惠伯從

至子產歸未至聞子皮卒哭且曰吾已

已猶

竟無爲爲善矣唯夫子知我

言子皮知已之善

仲尼

謂子產於是行也足以爲國基矣詩云樂

旨君子邦家之基

詩小雅言樂與君子爲治乃國家之基本

子產君

子之求樂者也且曰合諸侯藝貢事禮也

嫌爭競不順

疏

注董督至多也正義曰釋詁云董督故以禮明之正也是董爲督也又云庸勞勞亦功也

討之有辭則前敵易克故功多也天子之老正義曰

上注云獻公王卿士此注云天子大夫稱老老者是大夫

公卿之摠名詩云方叔元老毛傳云方叔卿士命而爲將

是卿士稱老也曲禮云五官之長曰伯自稱於諸侯曰天

子之老彼謂三公也如彼文則三公乃得稱天子之老卿

亦得稱老者後說三公之事言三公之自稱耳不言卿之

自稱不得同三公也曲禮又云諸侯使人於諸侯使者曰

寡君之老諸侯之使尚得稱老明知天子之卿得稱天子

之老也 元戎至啓行 正義曰詩小雅六月之篇也元
大也大戎戎車之大在軍前者也啓開行道常訓耳 叔
向至命矣 正義曰叔向此言論聘朝會盟四事意在言
盟并說會朝聘爲次序耳國家之所以敗也有交好之事
而無貢賦之業交好之事不得常矣有貢賦之常而無上
下之禮事雖有常則不次序矣有上下之禮而無可畏之
威雖有次序則不共敬矣有可畏之威而不昭告神明雖
爲共敬則不明著矣信義不明棄共敬也承事不共敬棄
次序也班位不序棄常度也徇命不常棄事宜也事既棄
矣則百事不終國家所由傾覆只爲此也聖人知其不可
是故明王之制使諸侯每歲令大夫一聘天子以志識貢
賦之業閒一歲諸侯親自入朝以講習上下之禮天子於
諸侯再朝而一大會以示可畏之威再會而一爲盟誓以
顯諸侯之昭明者也志識貢賦之業在於交好故使聘也
講習上下之禮在於等差故使朝也示可畏之威在於衆
聚故爲會也昭明德之信在於告神故爲盟也自古以來

遵行此法未之有失也國家存亡之道恒由是興爲之則
存廢之則亡存亡起於此也今晉以先王之禮主諸侯之
盟懼諸侯之事有不治理者奉承齊盟所用之犧牲以來
至此而布諸齊君求終竟盟約之事也君言曰今余必廢
之何齊盟之有必如此語唯君自圖謀之寡君聞君之命
矣言晉知齊必背盟即欲與之戰注業貢賦之業正義曰下句覆述此事云歲聘以志業每年聘者所以共貢
賦耳知此業者是貢賦之業也下又云志業於好說聘事
而謂之好則好謂交好諸侯天子雖尊卑不同亦是交好
然則有事者謂有交好之事也不經者經訓常也謂交好
不常也或聘不以時或貢賦不充是不常也注威須至
義著正義曰昭亦明也昭焉昭告神祇明謂信義明著
言會雖示威威猶未著必須昭告神明以要束其心而後
天子信義始得明著於天下矣注信義至不成正義
曰杜以信義不明威無可畏則是棄威也不畏威則禮不
行是棄禮也無禮則無經無經則無業故百事所以不成

劉炫以此傳四文皆緣上事而致下事其上則事業禮威
所致則經序共明傳旣言不明棄共自然當云不共棄序
不序棄經不經棄事今杜云不明則棄威不威棄禮無禮
無經無經無業以杜違背傳文而規杜失今知劉義非者
杜以不明棄共不共棄序不序棄經不經棄事自是傳文
分明但傳云百事不終明知非徒棄共棄序其威禮亦棄也
杜與傳共爲表裏非是違傳劉不解杜意妄爲規過謬矣
注志識至職業 正義曰志是記識故爲識也歲歲使於
天子所以獻其貢賦令諸國各自記其職貢是脩其職業
也 注三年至之序 正義曰間朝者據聘爲言也旣云
歲聘因從聘歲爲始更間一年乃朝故知間朝是三年而
一朝也朝以正班爵之義率長幼之序與下注會以訓上
下之則制財用之節皆莊二十三年傳文也 注十二至
之下 正義曰顯昭明三字皆爲明也十二年而爲一盟
者大明黜陟之法諸侯之有明德者表顯升進之於此盟
以光顯諸侯有昭明之德者告誓神明所以昭明王之信

義以示黜陟必有信也計此十二年間凡八聘四朝再會一盟方嶽之下也尚書周官曰六年五服一朝又六年王乃時巡考制度于四岳諸侯各朝于方岳大明黜陟如彼文六年五服諸侯一時朝王即此再朝而會是也此傳之文與尚書正合杜言巡守盟于方嶽闌與彼義符同明此是周典之舊法也而周禮之文不載此法大行人云侯服歲壹見其貢祀物甸服二歲壹見其貢嬪物男服三歲壹見其貢器物采服四歲壹見其貢服物衛服五歲壹見其貢材物要服六歲壹見其貢貨物先儒說周禮者皆以彼爲六服諸侯各以服數來朝與此傳文無由得合先達通儒未有解者古書云誠不可備知然則尚書周官是成王號令之辭尚書之言定是正法左氏復與彼合言必不虛周禮又是明文不得不信蓋周公成王之時即自有此二法也又周禮每歲一見唯言貢物何必見者即是親朝各計道路短長或當遣使貢耳先儒謂彼爲朝未有明據大行人又云十有二歲王巡守服國巡守之歲周禮同於尚

書六年一朝尚書何以遽禮又大宗伯云時見曰會殷見曰同鄭玄以爲時見無常期也諸侯有不順服者王將有征討之事合諸侯而命享焉十二歲王如不巡守則六服盡朝謂之殷見鄭以時見無常期者出自鄭之意耳非有明文可據也殷見是此再會而盟時見當此再朝而會未必即如鄭說時見爲無常期也蓋此傳及尚書是正禮也大行人歲一見者是遣使貢物非親朝也今此上聘朝會雖以爲諸侯於天子之禮然諸侯相朝亦當然也故云志業於好講禮於等示威於衆其昭明於神雖天子於諸侯之禮然王官之伯及霸主亦得與諸侯爲盟故晉爲盟主以此告齊令齊受盟也必知此朝聘文兼諸侯者以釋例引明王之制八聘四朝云文襄之制因而簡之三歲而聘五歲而朝以諸侯爲文明歲聘間朝兼諸侯相朝也知盟年朝會俱行者以傳云再朝而會云云故知盟年朝會不廢也又云歲聘以志業不言再聘以行朝故知朝年不行聘禮但以朝聘君臣不等盟會敵禮相當故朝年不行聘

盟年得有朝會知有盟者傳云同盟至故也 小國言之正義曰申上不用尋盟之意也其意是小國言之不可則大國制之也大國謂其須盟言已不敢違也 注建立至游也 正義曰釋天云緇廣充幅長尋曰旒繼旒曰旒郭璞曰帛續旒末爲燕尾者然則旒謂旂身旒謂旂尾旒綴於旒本是相連之物非別體也而不曳其旒當纏繼於干頭蓋如禮記所云德車結旌也釋天又云練旒九周禮所謂九游七游游即是旒故云旒游也然郭氏旒旒旒繼於旒今之燕尾即旒是旒末然天子十有二游并屬於一幅之廣於理不可蓋游數多者旁綴於綵如今之旗是也其軍前之旒如郭璞之說 注軍將至恐之 正義曰本作旒者爲舒而曳之以爲容飾結之爲非常曳之爲得常復旒之者曳之爲復常也軍法戰則舒旒晉人舒旒似其將戰故曳旒以恐之諸侯見其曳旒而皆畏之 注自昭至伐莒 正義曰三年傳穆子云曹滕二邾實不忘我好又無相伐之事是昭公即位邾魯同好也不朝夕伐莒者

案元年十年再伐昔耳是不朝夕伐也

注債什也 正

義曰前覆曰什言牛倒豚上豚必死也言牛雖瘠者謂魯

以晉爲無德輕之故以瘦牛自喻 注承貢賦之次 正

義曰承者奉上之語後承前下承上故以承爲次爭貢賦

之次言所出貢賦多少之次當承何國之下故言爭承也

鄭衆云爭所當奉承貢賦之輕重 注公侯至者多 正

義曰周禮大司徒云公地方五百里其食者半侯地方四

百里伯地方三百里其食者參之一子地方二百里男地

方百里其食者四之一鄭康成注云食者必足其國禮俗

喪紀祭祀之用乃貢其餘上公之地以一易侯伯之地以

再易子男之地以三易是上公優饒其半以爲荒萊之地

侯伯優饒其三分之二子男優饒其四分之三是大國優

饒少而出貢多小國優饒多而出貢少假令大國小國其

地美惡一種則地多者貢多地少者貢少故杜云公侯地

廣所貢者多是也 注甸服至貢者 正義曰禹貢云五

百里甸服孔安國云規方千里之內謂之甸服爲天子服

治田去王城面五百里王制云千里之內曰甸鄭玄云服治田出穀稅是甸服謂天子畿內也畿內於京師路近令其共王職貢故貢重也言卑而貢重者畿內有公卿大夫之采邑公八命卿六命大夫四命其列位卑於畿外公侯伯子男也周禮小司徒鄭注云井田之法備於一同今止於都者采地食者皆四之一其制三等百里之國凡四都一都之田稅入於王五十里之國凡四縣一縣之田稅入於王二十五里之國凡四甸一甸之田稅入於王食采者卑與尊同故云卑而貢重也畿外之國則卑者貢輕尊者貢重 注言鄭至之貢 正義曰鄭伯男也舊有多說鄭衆服虔云鄭伯爵在男服也周禮男服在三距王城千五百里鄭去京師不容此數賈逵云男當作南謂南面之君也子產爭國小貢重輒言鄭伯爲南面之君復何所益南面君者豈貢得輕乎鄭志云男謂子男也周之舊俗雖爲侯伯皆食子男之地鄭之此言不知所出鄭食子男之地不知復在何時武公既遷東鄭并十邑爲國不得食子男

之地若西鄭之時食子男之地則今爲大國自當貢重子
產不得遠言上世國小以距今之貢重晉之朝士焉肯受
屈而自日中以爭至于昏乎原此諸說悉皆不通周語云
鄭伯男也王而卑之是不尊貴也王肅注此與彼皆云鄭
伯爵而連男言之猶言曰公侯足句辭也杜用王說言鄭
國在甸服之外其爵列於伯子男言已爵卑國小不應出
公侯之貢也今使從公侯之貢懼弗給也諸侯地有五等
命有三等伯居五等之中與侯同受七命據地小大分爲
二等則侯同於公伯同子男僖九年札喪之例云公侯曰
子言不及伯是不得同於侯也僖二十九年大夫會國君
之例云在禮卿不會公侯會伯子男可也是伯國下同子
男也子產自言其君爵卑下引子男爲例故云鄭伯男也
行理至不至正義曰言晉國使人來責貢賦之命無月
不至於鄭每月皆來也注藝法制正義曰服虔云藝
極也一曰常也二者並非正訓杜以藝爲經藝故爲法制
也貢有法制定數徭求無限則不可共也貢微無極

正義曰極謂限極無極謂無已時 諸侯至濟乎 正義
曰言諸侯若來討鄭其可不由子輕易晉乎 貳倫至暇
討 正義曰政出多門則其情不一情既不一則各懷苟
且各自苟且免於目前無人爲國遠慮也爲此二心爲此
苟且不有閒暇何暇來討鄭乎 使狄人守之 正義曰
有北狄之人從晉師來會故使狄人守囚猶如長岸之戰
楚使隨人守舟 注蒲伏至取飲 正義曰蒲伏即匍匐
也說文云匍手行也匍伏地也詩陳后稷之初生云誕實
匍匐今司鐸射竊往飲季孫之所以小兒伏地而手行也
冰是箭箒之蓋相傳爲然本作此器以蓋箭箒脫而用之
可以取飲此以壺盛飲用此冰以飲之 無爲爲善矣
正義曰子產言我此日行善唯子皮知之今子皮既卒無
人知我之善故云無爲更須爲善矣 詩云至禮也 正
義曰此詩小雅南山有臺之篇詩云樂只君子以其能爲
邦家之基也今子產是君子之人所求樂者也仲尼且復
言曰盟主會合諸侯限藝貢賦之事使貢賦有常是爲禮

也盟主制定貢賦是為得禮則子產爭之不為有失嫌爭競無禮故以禮明之鮮虞人聞晉

師之悉起也五年傳曰遺守四千今甲車四千乘故為悉起而不警邊

且不脩備言夷狄無謀晉荀吳自著雍以上軍

侵鮮虞及中人驅衝競中山望都縣西北有中城驅衝車與狄爭逐大

獲而歸為十五年晉伐鮮虞起疏晉荀至鮮虞正義曰上云

平丘會還行至著雍聞鮮虞不警遂使荀吳侵之非從本國而去故云自著雍以上軍侵鮮虞也楚之

滅蔡也靈王遷許胡沈道房申於荆焉平

王即位既封陳蔡而皆復之禮也滅蔡在十一年許胡

沈小國也道房申皆故諸侯楚滅以爲邑荊荆山
也傳言平王得安民之禮汝南有吳防縣即防國隱大

子之子廬歸于蔡禮也

隱大子太子有也廬蔡平侯

悼大

子之子吳歸于陳禮也

悼大子偃師也吳陳惠公

冬十月

葬蔡靈公禮也

國復成禮以葬也此陳蔡事傳皆言禮緣楚所封不得比諸侯故明

之

疏

注得安民之禮

正義曰此乃遷動而云安者以狐死首丘人生戀舊往極靈王偁徙元情悉眷故

居平王今復從其所欲民心獲安故云得安民之禮也

公如晉荀吳謂韓宣

子曰諸侯相朝講舊好也執其卿而朝其

君有不好焉不如辭之乃使士景伯辭公

于河

景伯士文伯之子彌牟也

吳滅州來令尹子旗請伐

吳王弗許曰吾未撫民人未事鬼神未脩

守備未定國家而用民力敗不可悔州來

在吳猶在楚也子姑待之

傳言平王所以能有國

季孫

猶在晉子服惠伯私於中行穆子

私與之語

曰

魯事晉何以不如夷之小國魯兄弟也土

地猶大所命能具若爲夷棄之使事齊楚

其何瘳於晉

瘳差也

親親與大賞共罰否所

以爲盟主也子其圖之諺曰臣一主二

臣必有二主道不合得去事他國吾豈無大國言非獨晉可事穆子告

韓宣子且曰楚滅陳蔡不能救而爲夷執

親將焉用之乃歸季孫惠伯曰寡君未知

其罪合諸侯而執其老老尊卿稱若猶有罪死命

可也死晉命也若曰無罪而惠免之諸侯不聞

是逃命也何免之爲請從君惠於會欲得盟會

見遣不欲私去宣子患之謂叔向曰子能歸季孫乎

對曰不能鮒也能

鮒叔魚

乃使叔魚叔魚見

季孫曰昔鮒也得罪於晉君自歸於魯君

蓋襄二十一年坐叔虎與欒氏黨并得罪

微武子之賜不至於今

武子

季平子祖父

雖獲歸骨於晉猶子則肉之敢不盡

情歸子而不歸鮒也聞諸吏將爲子除館

於西河

西使近河

其若之何且泣

泣以信其言

平子懼

先歸惠伯待禮

待見遣之禮

經十有四年春意如至自晉

書至者喜得免

三月

曹伯滕卒

無傳四同盟

疏

注四同盟

正義曰曹伯負芻以襄十八年冬十月卒則

武公立十九年盟于祝柯二十年于澶淵二十五年于重丘二十七年于宋皆魯曹俱在是四同盟也

夏

四月

無傳

秋葬曹武公

無傳

八月莒子去疾卒

未同盟

冬莒殺其公子意恢

以禍亂告不必繫於為卿故雖公子亦書意恢

與亂君為黨故書名惡之

疏

注以禍至惡之

正義曰莒是小國其卿多不備禮唯莊僖之世有莒慶見經

爾來唯牟夷以竊地故書此外更無見者今意恢非卿亦書故解其意云云釋例曰福莫大於享國有家禍莫甚於骨肉相殘故公子取國及為亂見殺者亦皆書之不必繫於為卿故公子糾意恢以公子見書於經是解非卿而書之意也諸公子大夫被殺而書名皆是惡之文意恢與亂君為黨故書名惡之

傳十四年春意如至自晉尊晉罪已也

舍以

族爲尊

晉罪已

尊晉罪已禮也

禮脩已而不責人

疏

注以舍至罪已正

義曰一命大夫經書爲人以卿之貴得備名氏若有罪過宜貶黜者他國之卿則稱某人魯卿不得自稱魯人有罪則貶去其族族去則非卿此舍意如之族是爲罪已也季孫本實伐莒晉人計而執之故令歸魯荷晉恩德罪已亦以尊晉故云尊晉罪已也文二年晉人宋人陳人鄭人伐秦傳稱晉先且居宋公子成陳素選鄭公子歸生伐秦卿不書爲穆公故尊秦也謂之崇德注云秦穆悔過終用孟明故貶四國大夫以尊秦也此貶意如以尊晉其事與彼同也此意如至自晉傳言尊晉罪已二十四年媾至自晉傳直云尊晉不言罪已俱是去族傳文不同者釋例曰意如至自晉傳言尊晉罪已媾至自晉傳復重發但言尊晉者意如以罪見執宜在罪已媾本使人不應見執故尊晉

而已內大夫行還皆不書至異於公也今此二人執而見釋更以書至見義也若然季孫見執爲魯有罪矣而往年公不與盟注云非國惡故不諱者魯實伐莒取郚若以伐莒責魯則無辭而兼受邾人之訴妄稱朝夕伐我爲此不與公盟故言非國之惡其執季孫不是無罪也子服惠伯云寡君未知其罪而執其老者拒晉之怨辭耳

南

蒯之將叛也盟費人司徒老祁慮癸

二人南蒯家臣

僞癘疾使請於南蒯曰臣願受盟而疾興

若以君靈不死請待閒而盟

閒差也

許之二子

因民之欲叛也請朝衆而盟

欲因合衆以作亂

遂劫

南蒯曰羣臣不忘其君

君謂季氏

畏子以及今

三年聽命矣子若弗圖費人不忍其君將

不能畏子矣

不能復畏子

子何所不逞欲請送子

送使出奔

請期五日

南蒯請期冀有變

遂奔齊侍飲酒於

景公公曰叛夫

戲之

對曰臣欲張公室也

張強也

子韓皙曰

齊大夫

家臣而欲張公室罪莫大焉

言越職

司徒老祁慮癸來歸費

歸魯

齊侯使鮑

文子致之

南蒯雖叛費人不從未專屬齊二子逐蒯而復其舊故經不書歸費齊使文子致邑欲以

假好非事實也

疏

注二人南蒯家臣祁爲一人慮癸爲一人服虔云司徒姓也老

正義曰世族譜司徒老

邾字也慮癸亦姓字也二子季氏家臣也杜以下句請於南蒯曰臣願受盟知是南蒯家臣注君謂季氏正義曰費是季氏之邑南蒯只是季氏家臣此南蒯之下羣臣還欲歸邑季氏知君謂季氏注南蒯至實也正義曰經書叔弓圍費則歸費亦應書經經不書歸故解其意也南蒯雖以費叛降齊費人不從未專屬齊叔弓圍費齊人不救是其未專屬齊也二子逐蒯而費復其舊便是本未去魯故經不書歸費是二子自以費歸非齊人來歸也齊人因其自歸而使文子致邑施恩於魯欲以假好非事實也

夏楚子使然丹簡

上國之兵於宗丘且撫其民

上國在國都之西西方居上流故謂

之上國宗丘楚地

分貧振窮

分典也振按也

長孤幼養老疾

收介特

介特單身民也收聚不使流散

救災患宥孤寡

寬其賦稅

赦

罪戾詰姦慝

詰責問也

舉淹滯

淹滯有才德而未叙者

禮新

叙舊

新羈旅也

祿勲合親

勲功也親九族

任良物官

物事也

使屈罷簡東國之兵於召陵

兵在國都之東者

亦

如之

如然

好於邊疆

結好四鄰

息民五年而後

用師禮也

疏

夏楚子至物官掌五兵鄭衆云五兵者戈殳戟酋矛

正義曰周禮司兵

夷矛鄭玄云步卒之五兵則無夷矛而有弓矢然則兵者戰器之名戰必令人執兵因即名人爲兵也此簡上國之兵謂料簡人丁之彊弱於宗丘之地集而簡之且即慰撫其民也大體貧窮相類細言窮困於貧貧者家少貨財窮謂全無生業分財貨以與貧者授生業以救窮者孤弱幼少無父母有賜與以長成之老疾乏於藥膳有饋餼以養

育之孤介特獨者收斂之不使流散有水火之災寇盜之
患者救助之孤子寡妻寬其賦稅雖有罪戾原情可恕者
赦放之姦邪慝惡爲民害者詰治之賢才淹滯未蒙任用
者舉用之外人新來者禮待之舊人未用者進叙之施祿
於功勲使有功必得祿也和合其親戚使宗族皆相親也
任賢良以職事使野無遺賢準事能以任官皆令才職相
當不使違方易務此皆撫民之事也注上國至楚地
正義曰下云周東國之兵亦如之知此是簡西國之兵也
西國東國皆是楚人在國之東西者以水皆東流西方居
上流故謂之上國西爲上則東爲下言東則此是西互
相見也注分與也振救也正義曰分減富者之財以
與貧者則分爲施與之名故分爲與也窮者全無生業或
授之田宅賜之器物以救濟之注介特至流散正義
曰傳稱一介行李逢澤有介麋焉則介亦特之義也介特
謂單身特立無兄弟妻子者無所附著或將轉移收聚之
今有附依不使流散注寬其賦稅正義曰服虔以宥

爲寬赦其罪杜以下云赦罪戾則此宥非寬罪故以爲寬其賦稅也王制云少而無父謂之孤老而無子謂之獨老而無妻謂之矜老而無夫謂之寡此四者天民之窮而無告者也皆有常餼然則孤寡常有餼賜本無賦稅而云寬賦稅者正以不責賦稅即是寬之也孤寡之貧者有餼賜能自給者免賦稅文雖不言鰥獨宥與孤寡必同 注物事也 正義曰任良謂選賢而任之也物官謂量事而官之也賈逵云物官量能授官也鄭衆云物官相其才之所宜而官之是也 息民五年 正義曰謂從此簡兵之後息民不征既滿五年而後用師征伐是爲禮也即十九年城州來以挑吳是也案十七年與吳戰于長岸未滿五年而云息民五年者平王之意息民五年長岸之戰吳來伐楚被伐不可不戰 秋八月莒著丘公卒郊公不雖戰非王本心也

感

郊公著丘公子

國人弗順欲立著丘公之弟庚

與

庚與莒共公

蒲餘侯惡公子意恢而善於庚

與

蒲餘侯莒大夫竑夫也意恢莒羣公子

郊公惡公子鐸而善於

意恢

鐸亦羣公子

公子鐸因蒲餘侯而與之謀曰

爾殺意恢我出君而納庚與許之

爲下冬殺意恢傳

楚令尹子旗有德於王不知度

有佐立之德

與

養氏比而求無厭

養氏子旗之黨養由基之後

王患之九

月甲午楚子殺闕成然而滅養氏之族使

闕辛居郕以無忘舊勲

辛子旗之子郕公辛

冬十二月

蒲餘侯茲夫殺莒公子意恢郊公奔齊公

子鐸逆庚與於齊齊隰黨公子鉏送之有

賂田

莒賂齊以田

晉邢侯與雍子爭鄆田

邢侯楚申公巫

臣之子也雍子亦故楚人

久而無成士景伯如楚

士景伯晉理官

叔

魚攝理

攝代景伯

韓宣子命斷舊獄罪在雍子

雍子納其女於叔魚叔魚蔽罪邢侯

蔽斷也

邢侯怒殺叔魚與雍子於朝宣子問其罪

於叔向叔向曰三人同罪施生戮死可也

施行 雍子自知其罪而賂以買直鮒也鬻

獄邢侯專殺其罪一也已惡而掠美為昏

掠取也 貪以敗官為墨墨不絮 殺人不忌為賊

昏亂也 夏書曰昏墨賊殺逸書三者皆死刑 皋陶之刑

也請從之乃施邢侯而尸雍子與叔魚於

市仲尼曰叔向古之遺直也言叔向之直有古人遺風 治

國制刑不隱於親謂國之大問已所答當也至於他事則宜有隱 三數

叔魚之惡不為末減末薄也減輕也皆以正言之 曰義也夫

可謂直矣

於義未安直則有之

平丘之會數其賄也

謂言

賄貨無厭

以寬衛國晉不為暴歸魯季孫稱其

詐也

謂言詐也能

以寬魯國晉不為虐邢侯之

獄言其貪也以正刑書晉不為頗三言而

除三惡加三利

三惡暴虐頗也三惡除則三利加

殺親益榮

榮名

益猶義也夫

三罪唯答宣子問不可以不正其餘則以直傷義故重疑之

疏

邢注

侯至楚人

正義曰巫臣雍子皆故楚人也襄二十六年

傳稱巫臣奔晉晉人與之邢雍子奔晉晉人與之郤則郤

是雍子之田也邢侯巫臣之子而得與之爭郤者孔晃注晉語云邢與郤北爭疆界叔魚攝理正義曰晉語云

士景伯如楚叔魚爲贊理孔晁云景伯晉理官叔魚佐之
景伯聘楚叔魚專斷注蔽斷也正義曰周禮大司寇
云凡庶民之獄訟以邦成蔽之鄭衆云蔽之斷其獄訟也
尚書康誥云服念五六日至于旬時丕蔽要囚孔安國云
服膺思念五六日至于十日至于三月乃大斷之皆以蔽
爲斷是相傳爲說乃施至於市正義曰晉語說此事
云叔向旣對宣子邢侯聞之而逃遂施邢侯氏孔晁云廢
其族也則國語讀爲弛訓之爲廢家語說此事亦爲弛王
肅注云弛宜爲施施行也服虔云施罪於邢侯施猶刻也
邢侯亡故刻之杜無注當從施也成十七年晉殺三卻皆
尸於朝此尸於市者以其賤故也二數至末減正義
曰三度數叔魚之惡不爲薄輕言皆重厚極言之也三者
即下云數其賄也稱其詐也言其貪也是也服虔讀減爲
咸下屬爲句不爲末者不爲末繫隱蔽之也咸曰義也言
人皆曰叔向是義妄也注三惡暴虐顏正義曰尚書
武王數紂之罪泰誓云敢行暴虐牧誓云俾暴虐于百姓

武成云暴殄天物害虐烝民然則暴是亂下之稱虐是殺害之名大同而小異 注三罪至疑之 正義曰杜讀此文言猶義也夫言不是義也故言以直傷義謂叔向非是義也劉炫云直則是義而規杜氏今知不然者義者於事合宜所為得理直者唯無阿曲未能圓通故書云直而溫若直而無溫則非德非義是義之與直二者不同故上傳云義也夫此傳云猶義也夫於義之下並云夫夫是疑怪之辭故杜以為非義裁可謂之直矣故仲尼云叔向古之遺直不云遺義是直與義別劉以直義為一而規杜氏非也

經十有五年春王正月吳子夷末卒

無傳未同盟

二月癸酉有事于武宮籥入叔弓卒去樂

卒事

略書有事為叔弓卒起也武宮魯武公廟成六年復立之

疏

有事至卒事正義曰有事謂

有祭事于武公之宮廟也祭必有樂樂有又舞武舞又執羽籥武執干鉞其入廟也必先文而後武當籥始入叔弓暴卒故於是去樂不用而終卒祭事也叔弓之卒當籥入之時故舉籥入也及其去之則諸樂皆去故云去樂鐘鼓管磬悉皆去之非獨去籥舞也祭禮鼎俎既陳遵豆既設然後舞樂始入緣先祖之心以大臣之卒必聞樂不樂又孝子之心不忍徹已設之饌故去樂卒事注略書立立之正義曰閔二年吉禘于莊公僖八年禘于大廟彼皆書禘此傳言禘于武公則亦是禘不書爲禘而言有事者此經所書不論禘祭是非略書有祭事者本爲叔弓卒起也止爲叔弓之卒須道當祭之時所書不爲禘也釋例曰三年之禘自國之常常事不書故唯書此數事祭雖得常亦記仲遂叔弓之非常也是言叔弓之卒非常故書之也釋例又云凡三年喪畢然後禘於是遂以三年爲節當仍計除喪即吉之月卜日而後行事無復常月也是以經書禘及大事傳唯見莊公之速他無非時之譏也即如例言

三年一禘若計襄公之薨則禘當在二年五年八年十一年十四年此年非禘年也若計齊歸之薨則禘當在十三年十六年此年亦非禘年也而云祭雖得常者釋例曰禘于大廟禮之常也各于其宮時之爲也雖非三年大祭而書禘用禘禮也以二十五年傳曰將禘於襄公亦其義也是言下武宮者時之所爲實非禘年用禘禮此實非常但經之所書唯譏莊公之速其餘不復譏耳既不以爲譏即是得常故云祭雖得常叔弓爲非常也武宮者魯武公廟毀已久矣成六年復立之遂即不毀明堂位云魯公之廟文世室也武公之廟武世室也鄭立云此二廟象周有文武之廟也世室者不毀之名是魯以武公爲不毀之廟故禘于其宮不干大廟亦非常也

夏蔡朝

吳出奔鄭

朝是不遠譏人所見逐而書名

六月丁巳朔日有

食之

無傳

秋晉荀吳帥師伐鮮虞冬公如晉

傳十五年春將禘于武公戒百官齊戒梓慎

曰禘之日其有咎乎吾見赤黑之祲非祭

祥也喪氛也妖氛也蓋見於宗廟故以為非祭祥也氛惡氣也其在泣

事乎泣臨也二月癸酉禘叔弓泣事籥入而卒

去樂卒事禮也大臣卒故為之去樂**疏**戒百官正義曰周禮大宰祀五帝前期

十日帥執事而卜日遂戒享先王亦如之鄭玄云前期前所誨之日也十日容散齊七日致齊三日也執事宗伯大卜之屬既卜又戒百官以始齊此戒百官亦謂戒之令齊故杜云齊戒言是齊之戒也祭統云及時將祭君子乃齊齊之焉言齊也齊不齊以致齊也是故君子之齊也專致其精明之德也故散齊七日以定之致齊三日以齊之定

之之謂齊齊者精明之至也是將祭必齊祭前豫戒之也
注侵妖至氣也正義曰周禮有祗侵之官鄭玄云侵陰
陽氣相侵漸成祥者其職掌十輝之法一曰侵二曰象
衆云輝爲日光氣也然則侵是陰陽之氣相侵之名日光
之氣有名爲侵侵之所見非獨見於日光故直云侵妖
也梓慎唯言見侵不言侵之所在爲祭而言故疑云蓋見
於宗廟故以爲非祭祥也月令云氛霧冥冥則氛亦氣也
以言喪氛故以氣爲惡氣也見赤黑之侵以爲喪氛則赤
黑是喪象梓慎有以知之服虔云水黑火赤水火相遇云
云其在淮事乎正義曰既見喪氛又言喪之所在其
在淮事之人乎意疑
淮事者當其咎也楚費無極害朝吳之在蔡
也朝吳蔡大夫有功於楚平王
故無極恐其有寵疾害之欲去之乃謂之曰

王唯信子故處子於蔡子亦長矣而在下

位辱必求之吾助子請

請求上位

又謂其上之

人

蔡人在上位者

曰王唯信吳故處諸蔡二三子

莫之如也而在其上不亦難乎弗圖必及

於難夏蔡人逐朝吳朝吳出奔鄭王怒曰

余唯信吳故寘諸蔡且微吳吾不及此女

何故去之無極對曰臣豈不欲吳

非不欲善吳

然

而前知其爲人之異也

言其多權謀

吳在蔡蔡必

速飛去吳所以翦其翼也

以鳥喻也言吳在蔡必能使蔡速強而背

楚

疏

在下位辱 正義曰言在下位可恥辱也服虔以辱從下讀訓之爲欲欲必求之吾助子請安也

二三子莫之如也

正義曰言二三子無如吳之見信

然而至異也

正義曰然此朝吳於事必豫前知其爲人

之有異於餘人也

六月乙丑王太子壽卒

周景王子

秋八月

戊寅王穆后崩

太子壽之母也傳爲晉荀躒如周葬穆后起

晉荀吳帥

師伐鮮虞圍鼓

鼓白狄之別鉅鹿下曲陽縣有鼓聚

鼓人或請以

城叛穆子弗許左右曰師徒不勤而可以

獲城何故不爲穆子曰吾聞諸叔向曰好

惡不愆民知所適事無不濟

愆過也適歸也

或以吾

城叛吾所甚惡也人以城來吾獨何好焉

賞所甚惡若所好何

無以復加所好

若其弗賞是失

信也何以庇民力能則進否則退量力而行吾不可以欲城而邇姦所喪滋多使鼓人殺叛人而繕守備圍鼓三月鼓人或請降使其民見曰猶有食色姑脩而城軍吏曰獲城而弗取勤民而頓兵何以事君穆子曰吾以事君也獲一邑而教民怠將焉

用邑邑以賈怠不如守舊

守猶保守

賈怠無卒

卒終

也棄舊不祥鼓人能事其君我亦能事吾

君率義不爽

爽差也

好惡不愆城可獲而民

知義所

知義所在也苟是必其能獲故因以示義

有死命而無二心

不亦可乎鼓人告食竭力盡而後取之克

鼓而反不戮一人以鼓子爲鞮歸

鞮鼓君名

疏

好惡至所適

正義曰所好必善所惡必惡在上者所好所惡不有愆過則下民知所適歸言皆知歸於

善也

獲一邑而教民怠

正義曰若不受其降民皆一心事其本國不敢怠惰以叛其主今若受其降人便是許

其叛主則是教我國人令其外叛是雖獲一邑而教民怠
惰不守死事君是所得少所失多 鼓人至吾君 正義
曰言今不聽降叛使鼓人能事其君也教民不怠是我亦
能事吾君也 注知義至示義 正義曰知義所在在於
事君不怠惰不苟求生也十七年荀吳詐祭于維以滅六
渾二十二年負甲僞糴以入昔陽而此時獨得降而不納
者此時荀吳自度己力必其能獲故因以示義 冬公如晉平丘之會故也
平丘會公不與盟季孫見
執今既得免故往謝之

穆后籍談爲介既葬除喪以文伯宴樽以

魯壺

文伯荀躒也魯
壺魯所獻壺樽

王曰伯氏諸侯皆有以

鎮撫王室晉獨無有何也

威魯壺而言也鎮撫
王室謂貢獻之物

文伯揖籍談

文伯無辭揖籍談使對

對曰諸侯之封也

皆受明器於王室

謂明德之分器

以鎮撫其社稷

故能薦彝器於王

薦獻也彝常也謂可常寶之器若魯壺之屬

晉居

深山戎狄之與鄰而遠於王室王靈不及

拜戎不暇

言王寵靈不見及故數為戎所加陵

其何以獻器王

曰叔氏而忘諸乎

叔籍談字

叔父唐叔成王之

母弟也其反無分乎密須之鼓與其大路

文所以大蒐也

密須姑姓國也在安定陰密縣文王伐之得其鼓路以蒐

闕

鞏之甲武所以克商也

關鞏國所出鎧

唐叔受之

以處參虛斥有戎狄

參虛實沈之次晉之分野

其後襄之

二路

周襄王所賜晉文公大路戎路

鍼鍼和鬯

鍼斧也鍼金鍼和黑黍鬯香酒

彤弓虎賁文公受之以有南陽之田

事在傳二十八

年撫征東夏非分而何夫有勲而不廢

加重

賞有績而載

書功於策

奉之以土田

有南陽

撫之以

彝器

弓鉞之屬

旌之以車服

襄之二路

明之以文章

旌旗

子孫不忘所謂福也福祚之不登叔父焉

在

言福祚不在叔父當在誰邪

且昔而高祖孫伯厯司晉

之典籍以為大政故曰籍氏

孫伯厯晉正卿籍談九世祖

及辛有之二子董之晉於是乎有董史

辛有

周人也其二子適晉為大史籍厯與之共董督晉典因為董氏董狐其後

女司典之後也

何故忘之籍談不能對賓出王曰籍父其

無後乎數典而忘其祖

忘祖業

籍談歸以告

叔向叔向曰王其不終乎吾聞之所樂必

卒焉今王樂憂若卒以憂不可謂終王一

歲而有三年之喪二焉

天子絕期唯服三年故后雖期通謂之三年喪

於是乎以喪賓宴又求彝器樂憂甚矣且

非禮也彝器之來嘉功之由非由喪也三

年之喪雖貴遂服禮也

天子諸侯除喪當在卒哭今王既葬而除故議

其不遂

王雖弗遂宴樂以早亦非禮也

言今雖不能遂服猶

當靜嘿而便宴樂又失禮也

禮王之大經也一動而失二禮

無大經矣

失二禮謂既不遂服又設宴樂

言以考典

考成也

典

以志經忘經而多言舉典將焉用之

為二十

年王室

亂傳

疏

注魯壹魯所獻壹樽正義曰周禮司尊彝云秋嘗冬烝其饋獻用兩壹罇鄭玄云壹者

以壹爲尊燕禮云司宮尊于東楹之西兩方壹左玄酒是禮法有以壹爲樽拜戎不暇正義曰數爲戎所侵陵

拜謝戎師不有間暇

注參虛至分野

正義曰實沈之

次晉之分野上繫參之虛域故云參虛

注鍼斧至香酒

正義曰廣雅云鍼鍼斧也俱是斧也蓋鍼大而斧小大公

六韜云大柯斧重八斤一名天鍼是鍼大於斧也尚書牧

誓云武王左杖黃鍼孔安國云以黃金飾斧是鍼以金飾

也秬黑黍釋草文也周禮有鬯人之官鄭玄云鬯釀秬爲

酒芬香條暢於上下也是鬯爲香酒也賜之鍼鍼者使之

專殺戮也賜之秬鬯者使之祭先祖也王制云諸侯賜弓

矢然後征賜鍼鍼然後殺賜圭璜然後爲鬯詩陳宣王賜

召穆公云秬鬯一卣告于文人是也

撫征東夏正義

曰服者撫之叛者征之晉於諸夏國差近西故今主東夏

福祚至焉在正義曰言福祚之不在叔父此福祚更爲

所在乎言其不在他也。登陟即是在之義也。注孫伯世祖正義曰孫伯厯爲晉之正卿世掌典籍有功故曰籍氏是籍談九世祖也其九世之次世本云厯生司空頡頏生南里叔子子生叔正官伯伯生司徒公公生曲沃正少襄襄生司次大伯伯生候季子子生籍游游生談談生秦是也九世之祖稱高祖者言是高遠之祖也郊子以少皞爲高祖意與此同。注辛有至其後正義曰僖二十一年傳曰平王之東遷也辛有適伊川則辛有平王時人也此王因籍說董言晉國唯有籍董二族世掌典籍籍父其無後乎正義曰定十四年晉人敗范中行氏之師於潞獲籍秦秦即談之子是無後王其至謂終正義曰言王其不得以壽終乎言將天命而橫死也吾聞之心之所樂必卒於此焉今王在憂而樂是爲樂憂也亦旣樂憂必以憂卒若性命之卒以憂而死不可謂之終也言以憂死是不終其天年也。注天子至年喪正義曰喪服斬衰三年章內有父爲長子傳曰何以三年也正體於上

又乃將所傳重也齊衰杖期章內有夫爲妻傳曰爲妻何以期也妻至親也服問曰君所主夫人妻大子適婦鄭玄云言妻見大夫以下亦爲此三人爲喪主記言君者主謂諸侯而天子亦與妻爲喪主也然則妻服齊衰期耳而傳以後崩大子卒爲三年之喪二者喪服杖期章內有父在爲母傳曰何以期屈也至尊在不敢申其私親也父必三年然後娶達子之志也父以其子有三年之戚爲之三年不娶則夫之於妻有三年之義故可通謂之三年之喪於是至喪也正義曰弔喪送葬之賓不合與之宴樂王於是乎以喪賓共宴樂又求常寶之器在憂而爲此樂其爲樂憂甚矣且求器又非禮也諸侯有常器之來獻王者爲嘉功之由諸侯自有善功乃作常器以獻其功獻非喪也言王不可責喪賓獻器也三年至非禮正義曰遂由申也竟也其意言三年之喪雖貴爲天子申當申遂其服使終日月乃是禮也除喪大速是非禮也王雖不能遂竟其服猶當靜嘿而已不宜宴樂而宴樂以早亦非

禮也。注：天子至不遂。正義曰：禮葬日爲虞，既虞之後，乃爲卒哭之祭。喪服傳稱成服之後，晝夜哭無時，既虞之後，朝夕各一哭而已。卒哭者，謂卒此無時之哭，故鄭立士喪禮注云：卒哭虞後祭名始者，朝夕之間哀至即哭至此祭止。唯朝夕哭而已。傳稱既葬除喪，譏王不遂其服。知天子諸侯除喪當在卒哭。今王既葬而除，故譏其不遂也。杜云：卒止也。止哭與鄭不同。若如此言除喪當在卒哭而上，杜注多云既葬除喪者，以葬日即虞虞即卒哭，卒哭去葬相去不遠，共在一月。葬是大禮，事書於經，故成君以否皆舉葬言之。注言今至禮也。正義曰：王不能遂服，乃與喪賓宴，又失禮也。以其喪服將終，且除，猶可宴事，必不可也。襄十六年葬晉悼公，平公即位會于澠梁，與諸侯宴于溫。又九年八月葬我小君穆姜，其年十二月晉侯以公宴于河上，傳皆無譏，則卒哭之後得宴樂。禮王之大經正義曰：經者綱紀之言也。傳稱經國家經德義，詩序云：經夫婦中庸云：凡爲天下國家有九經。言禮是王之大經紀。

也服虔云經常也常所當行也 言以至用之 正義曰
人之出言所以成典法也典法所以記禮經也王一動而
失二禮忘已大經矣而多爲言
語舉先王分器之典將焉用之

經十有六年春齊侯伐徐楚子誘戎蠻子

殺之疏

楚子至殺之 正義曰四夷之名在西曰戎
春秋之時錯居中國杜預言河南新城縣東南

有蠻城則是內地之戎在楚北也戎是種號蠻是國名子
爵也十一年楚子虔誘蔡侯般殺之彼書楚子之名此不
書楚子名者彼注云蔡大夫深怨故以楚子名告此非蠻
人所告蓋楚人不以其君名告故不得書其名也公羊傳
曰楚子何以不名夷狄相誘君子不疾也曷爲不疾若不
疾乃疾之也言其不足疾更是深責之也賈逵云楚子不
名以立其子二說異於杜也蔡侯般書名穉子不名者釋
例曰諸見執者已在罪賤之地書名與否非例所加或名

不名從所
赴之文

夏公至自晉秋八月己亥晉侯夷

卒

未同盟

九月大雩季孫意如如晉冬十月

葬晉昭公

三月而葬速

傳十六年春王正月公在晉晉人止公不

書諱之也

猶以取郟故也公爲晉人所執止故諱不書

疏

公在至之也正義曰禮君

不在國則守國之臣每月告廟云公在某處釋君不得親自朝廟之意若於歲首不在則或史書之於策襄二十九年春王正月公在楚傳曰釋不朝正於廟是也此年正月公在晉計亦應告廟言策但爲晉人執止公不以被執告廟故史不書諱之

齊侯伐徐

疏

齊侯伐徐正義曰虛事經文者經在楚誘戎墜上

傳依經文故先舉之下有徐人行成之事非虛舉但行成在誘壘後故先依次舉經於上為下徐人行成起本也不下此經文就徐人者出自史意

楚子聞壘氏之亂也與壘子之無質也質信也使然丹誘戎壘子嘉殺之

遂取壘氏既而復立其子焉禮也詐之非也立其子禮也

也河南新城縣東南有壘城**疏**楚子至禮也正義曰壘子雖與楚舊交元無誠信故云與壘子之無信

也誘而殺之誠為不可楚能復立其子大勝遂滅其國嫌其殺父立子猶為非禮故禮之也大舜之刑也鯀殛而禹

興周公之誅也放蔡叔而立蔡仲是立子為得禮二月丙申齊師至于蒲

隧蒲隧徐地下邳取徐人行成徐子及邾人

莒人會齊侯盟于蒲隧賂以甲父之鼎甲父

古國名高平昌邑縣東南有甲父亭徐人得甲父鼎以賂齊叔孫昭子曰諸侯

之無伯害哉為小國害齊君之無道也興師而

伐遠方會之有成而還莫之亢也無亢無

伯也夫詩曰宗周既滅靡所止戾正大夫

離居莫知我肄詩小雅戾定也肆勞也言周舊為天下宗今乃衰滅亂無息定執政

大夫離居異心其是之謂乎傳言晉**疏**詩曰至謂

無有念民勞者曰詩小雅雨無正之篇也周家舊為天下所宗今既衰滅矣其亂無所止定也執政大夫離散其居與人各異心無

有知我民之勞苦者其是此事之謂乎言今晉衰微不能止亂晉之諸卿異心不憂民之勞苦如詩人之所云三

月晉韓起聘于鄭鄭伯享之子產戒曰苟

有位於朝無有不共恪孔張後至立於客

間孔張子孫執政禦之執政掌位列者禦止也適客後又

禦之適縣間縣樂肆客從而笑之事畢富子

諫富子鄭大夫諫子產也曰夫大國之人不可不慎也

幾爲之笑而不陵我言數見笑則心陵侮我我皆有禮

夫猶鄙我鄙賤也國而無禮何以求榮孔張

失位吾子之恥也子產怒曰發命之不衷

衷當也出令之不信刑之頗類錄事類以獄之

放紛放縱也紛亂也會朝之不敬謂國無禮敬之心使命之

不聽下不從上令取陵於大國罷民而無功罪及

而弗知僑之恥也孔張君之昆孫子孔之後

也昆兄也子孔鄭襄公兄孔張之祖父執政之嗣也子孔嘗執爲

嗣大夫承命以使周於諸侯國人所尊諸

侯所知立於朝而祀於家卿得自立廟於家有祿於

國

受祿邑

有賦於軍

軍出卿賦百乘

喪祭有職

有所主

受

脤歸脤

受脤謂君祭以肉賜大夫歸脤謂大夫祭歸肉於公皆社之戎祭也

其祭在

廟己有著位在位數世世守其業而忘其

所僑焉得恥之

其祭在廟謂助君祭

辟邪之人而皆及

執政是先王無刑罰也

言爲過謬者自應用刑罰

子寧以

他規我

規正也

宣子有環其一在鄭商

玉環同工共朴自共

爲宣子謁諸鄭伯

謁請也

子產弗與曰非官

府之守器也寡君不知子大叔子羽謂子

產曰韓子亦無幾求

言所求少

晉國亦未可以

貳晉國韓子不可偷也

偷薄也

若屬有讒人

交鬪其間鬼神而助之以興其凶怒悔之何及吾子何愛於一環其以取憎於大國也盍求而與之子產曰吾非偷晉而有二心將終事之是以弗與忠信故也僑聞君子非無賄之難立而無令名之患僑聞爲國非不能事大字小之難無禮以定其位

之患夫大國之人令於小國而皆獲其求

將何以給之一共一否爲罪滋大滋益也大

國之求無禮以斥之何饜之有吾且爲鄙

邑則失位矣不復成國若韓子奉命以使而求

玉焉貪淫甚矣獨非罪乎出一玉以起二

罪吾又失位韓子成貪將焉用之且吾以

玉賈罪不亦銳乎銳細小也韓子買諸賈人旣

成賈矣商人曰必告君大夫韓子請諸子

產曰日起請夫環執政弗義弗敢復也

重復

求也今買諸商人商人曰必以聞敢以為請

子產對曰昔我先君桓公與商人皆出自

周

鄭本在周畿內桓公東遷并與商人俱

庸次比耦

庸用也用次更相從耦耕

以

艾殺此地斬之蓬蒿藜藿而共處之世有

盟誓以相信也曰爾無我叛我無強賈

無強

市其物母或勾奪爾有利市寶賄我勿與知

恃此質誓故能相保以至于今今吾子以

好來辱而謂敝邑強奪商人是教敝邑背

盟誓也母乃不可乎吾子得玉而失諸侯

必不爲也若大國令而共無藝藝法也鄭鄙

邑也亦弗爲也不欲爲鄙邑之事僑若獻玉不知所

成敢私布之布陳也韓子辭玉曰起不敏敢

求玉以徼二罪敢辭之傳言子產知禮宜子能改過夏四月

鄭六卿餞宣子於郊餞送行飲酒宣子曰二三君

子請皆賦起亦以知鄭志詩言志也子養賦野

有蔓草

子蠶子皮之子嬰齊也野有蔓草詩鄭風取其邂逅相遇適我願兮

宣子曰

孺子善哉吾有望矣

君子相願已所望也

子產賦鄭

之羔裘

言鄭別於唐羔裘也取其彼己之子舍命不渝邦之彥兮以美韓子

宣子曰

起不堪也

不堪國之司直

子大叔賦褰裳

褰裳詩曰子惠思我

褰裳涉漆子不我思豈無他人言宣子思已將有褰裳之志如不我思亦豈無他人

宣子曰起

在此敢勤子至於他人乎

言已今崇好在此不復令子適他人

子

大叔拜

謝宣子之有鄭

宣子曰善哉子之言是

是褰裳

不有是事其能終乎

韓起不欲令鄭求他人子大叔拜以答之所以晉鄭終善

子游賦風雨

子游和帶之子馬偃也風雨詩所其既見君子云胡不夷

子旗賦

有女同車

子旗公孫段之子豐施也有女同車取其詢美且都愛樂宣子之志

子柳

賦摯兮

子柳印段之子印癸也摯兮詩取其倡子和女言宜子倡己將和從之

宣子喜

曰鄭其庶乎

庶幾於興盛

二三君子以君命貺起

賦不出鄭志

六詩皆鄭風故曰不出鄭志

皆昵燕好也

昵親也賦

不出其國以示親好

二三君子數世之主也可以無懼

矣宣子皆獻馬焉而賦我將

我將詩頌取其日靖四方我其夙夜

畏天之威言志在靖亂畏懼天威

子產拜使五卿皆拜曰吾子

靖亂敢不拜德宣子私覲於子產以玉與

馬曰子命起舍夫玉是賜我玉而免吾死

也敢不藉手以拜

以玉馬藉手
拜謝子產

疏

孔張至縣間
正義曰諸侯

享賓之禮云唯有公食大夫禮存耳其禮云大夫納賓賓
入門左鄭玄云左西方賓位也又云及廟門公揖入賓入
三揖至于階三讓公升二等賓升大夫立于東夾南西面
北上士立于門東北面西上鄭玄云自卿大夫至此不先
即位從君而入者明助君饗食賓自無事也享食事俱在
廟鄭玄饗食並言則享位亦當然也孔張後至蓋賓入廟
門乃始來至當從大夫適東夾之南西面位也張乃立於
客間賓入未升階立于西方孔張入客行間也執政禦之
適客後張乃移立於客之西也又禦之適縣間適鐘磬樂
肆之間也大射禮者亦諸侯之禮也樂人宿縣于阼階東

笙磬西面其南笙鐘其南鐃皆南陳西階之西頌磬東面其南鐘其南鐃皆南陳張初立客間已在西方被禦適客後又益西也又被禦適縣間蓋又復益西入於頌磬鐘鐃之間也 幾爲至陵我 正義曰幾度爲之笑而不於我加陵言數被笑必陵侮我也服虔云幾近也孔張失位近爲所笑近者未至之辭客已笑訖何言近也 注綠事至偏頗 正義曰事有相類真偽難明緣此事類以致偏頗雖非故心亦爲罪也服虔讀類爲類解云頗偏也類不平也 會朝之不敬 正義曰此孔張失位則是於朝不敬而子產不以爲恥者此謂出外會朝大國非謂在本國故注云謂無禮敬大國之心 使命之不聽 正義曰謂若伯有使子皙如楚不肯行是也 注子孔至之政 正義曰襄十年盜殺鄭公子駢公子發公孫輒傳曰子孔當國至十九年鄭殺子孔 注卿得至於家 正義曰士以上皆得立廟則孔張雖是大夫亦得立廟而云卿得立廟者以子孔是卿故以卿言之服虔云祀其所自出之君於家以

爲大祖案禮記郊特牲曰諸侯不敢祖天子大夫不敢祖
諸侯而公廟之設於私家非禮也安得祀所出之君爲大
祖也 注受脰至祭也 正義曰周禮掌蜃云祭祀共蜃
器之蜃鄭玄云蜃大蛤飾祭器之屬也蜃之器以蜃飾因
名焉鄭衆云蜃可以白器今色白是蜃爲器名祭肉盛之
脰器以獻遺人因名祭肉爲脰孔張是大夫也而云受脰
歸脰故知受脰爲君祭以肉賜大夫歸脰謂大夫祭以肉
歸於公也故周禮祭僕凡祭祀致福者展而受之是在下
之祭有歸脰之義又傳有成子受脰于社前代諸儒皆以
脰爲祭社之肉故云皆社之戎祭也劉炫故違傳證以破
先儒以爲脰亦祭廟之肉以規杜氏文無所出其義非也
然大夫不得私自出軍自祭私社而得歸脰於公者謂大
夫奉君命以戎事攝祭於社故杜直言祭歸肉於公亦不
謂家祭也 注其祭至君祭 正義曰謂鄭伯其祭在先
君之廟孔張有助祭著位在廟中以有事爲業言其所掌
有常也服虔以爲其祭在廟謂孔張先祖配廟食案周禮

司勳云凡有功者銘書於王之大常祭於大烝司勳詔之則配廟食者皆是有功之臣子孔作亂而死公孫泚因妖鬼而立不得有配食在廟 注玉環至爲雙 正義曰下云韓子奉命以使而求玉焉知環是玉環也釋器云肉倍好謂之璧好倍肉謂之瑀肉好若一謂之環李巡云好孔也肉倍好邊肉大其孔小也好倍肉其孔大邊肉小也肉好若一其孔及邊肉大小適等曰環是環亦璧之類也言其一在鄭商則其一在韓子知其同工共朴相與爲雙故韓子欲得而雙之 僑聞至之患 正義曰僑聞君子非無賄之難家貧無賄不爲難立於職位而無善名是爲身之大患言韓子當患無令名不宜患家無賄也僑聞爲國家者非不能事大字小之難事大國愛小國不爲難也無禮以定其位是國之大患言鄭當患位不定不宜患事晉之難也下句自大國之人至則失位矣此覆無禮定位也自若韓子至獨非罪乎此覆無令名也此辭一爲韓子一爲鄭國故再言僑聞服虔斷字小之難以下爲義解云字

養也言事大國易養小國難然則鄭人豈憂養小國乎尚
未能離經辨句復何須注述大典且字爲受不爲養也
吾且至位矣 正義曰若晉之大夫求無不獲則鄭國乃
爲晉之邊鄙之邑不復成國謂失國君之位矣 出一玉
以起二罪 正義曰一共一否爲鄭國之罪也貪淫爲韓
子之罪也 注銳細小 正義曰說文云銳芒也鋒芒尖
故爲細小言得利小也服虔云銳折也銳是鋒芒不得爲
折 買諸至商人 正義曰賈人即商人也行曰商坐曰
賈對文雖別散則不殊故商賈並言之 注鄭本至人俱
正義曰世本云鄭桓公封械林即漢之京兆鄭縣是也本
在周之西都畿內也鄭語稱史伯爲桓公謀使桓公寄帑
與賄於虢鄆之國桓公從之其子武公遂滅虢鄆而國之
當桓公東遷帑賄之時并與商人俱來也 毋或句奪
正義曰六年鄭稱楚公子棄疾之過鄭也不強句則句是
乞也乞則可也唯不得強耳此言毋或句奪亦謂不得強
句乞奪取也乞之與乞一字也取則入聲與則去聲也此

自亦有取與此傳言句謂取也詔書稱租調句民謂與民
強奪商人正義曰上云買諸賈人則是和買而子產謂
之強奪者韓子以威逼之其賈必賤故商人欲得告君大
夫子產知其非和買故云然也微二罪正義曰謂晉
失諸侯鄭爲邊邑注餞送行飲酒正義曰詩云飲餞
于禰毛傳云祖而舍輶飲酒於其側曰餞野有蔓草
正義曰野有蔓草思遇時也君之澤不下流民窮於兵革
男女失時思不期而會焉其詩云野有蔓草零露漙漙兮有
美一人清揚婉兮邂逅相遇適我願兮注云清揚眉目之
間婉然美好邂逅不期而會適其時願注言鄭至韓子
正義曰羔裘刺朝也言古之君子以風其朝焉釋訓云之
子者是子也斥韓子也鄭玄云已語辭也舍猶處也淪變
也處命不變謂守死善道見危授命之類也釋訓云美士
爲彥言一邦之美士以美韓子也注褰裳至他人正義
曰褰裳思見正也狂童恣行國人思大國之正已也其
詩云子惠思我褰裳涉溱注云子者斥大國之正卿子若

憂而思我我國有突篡國之事而可征而正之我則揭衣
涉淅水往告難也又云子不思我豈無他人注云言他人
者先鄉齊晉宋衛後之荆楚注是褰裳正義曰是猶
此也子之言此褰裳之詩也不有是告他人之事其能終
相善乎風雨正義曰風雨思君子也亂世則思君子
不改其度焉其詩云風雨淅淅雞鳴喈喈注云風且雨淅
淅然雞猶守時而鳴喈喈然喻君子雖居亂世不變改其
節度又云既見君子云胡不夷注云胡何也夷說也思而
見之云何而心不謏注詢美且都正義曰詢信也都
閑也言信美好且閑習於威儀是愛樂宜子之志蕓兮
正義曰蕓兮刺忽也君弱臣強不倡而和也其詩云蕓兮
蕓兮風其吹女注云蕓稿也稿謂木葉也木葉稿待風乃
落喻君有政教臣乃行之言此者刺今不然又云叔兮伯
兮倡予和女注云叔伯言羣臣長幼也羣臣無其君而行
自以強弱相服女倡矣我則將和之言此者刺其自專也
我將正義曰我將祀文王於明堂也云儀式刑文王之

典日靖四方我其夙夜畏天之威于時保之注云早夜敬天於是得安文王之道

公至自晉

晉人聽公得歸

子服昭伯語季平子

昭伯惠伯之子子服回也隨公從晉還

曰晉之公室其將遂卑矣君幼弱六卿彊

而奢傲將因是以習習實為常能無卑乎

平子曰爾勿惡識國

昭伯尚少平子不信其言

疏

將因至卑乎正義

曰言將因是君幼弱以習奢傲之事既習者傲實以為常常行輕君之禮能無卑乎

秋八月晉

昭公卒

為下平子如晉葬起

九月大雩旱也鄭大旱使

屠擊祝款賢柎有事於桑山

三子鄭大夫有事祭也

斬

其木不雨子產曰有事於山蓺山林也蓺養

護令繁殖而斬其木其罪大矣奪之官邑冬十

月季平子如晉葬昭公平子曰子服回之

言猶信身往見之乃信回言子服氏有子哉有賢子也

經十有七年春小邾子來朝夏六月甲戌

朔日有食之秋郟子來朝八月晉荀吳帥

師滅陸渾之戎冬有星孛于大辰大辰房心尾也妖變

非常疏注大辰至故書正義曰釋天云大辰房心尾也大火謂之大辰李巡云大辰蒼龍宿之體最

敬書

爲明故曰房心尾也大火蒼龍宿心以候四時故曰辰孫
炎曰龍星明者以爲時候故曰大辰大火也心在中最明
故時候主焉公羊傳曰寺有何彗星也彗爲帚也言其狀
似埽帚光芒寺寺然妖變之星非常所有故書之傳稱寺
于大辰西經直書于大辰者雖在其星之
匪仍在大辰分度之內故直云于大辰
楚人及是

戰于長岸

吳楚兩敗莫肯告負故但書戰而不書敗也長岸楚地

疏

注吳楚至楚地

正義曰傳稱大敗吳師又云大敗楚師是兩皆大敗也縱
使兩皆來告無肯自云負敗者故但書戰而不書敗也傳
稱令尹陽句則是楚之貴臣而云
楚人者楚人恥其敗以賤者告也

傳十七年春小邾穆公來朝公與之燕季

平子賦采叔

采叔詩小雅取其君子來朝何錫與之以穆公喻君子

穆公賦

菁菁者莪

菁菁者莪亦詩小雅取其既見君子樂且有儀以荅采叔

昭子曰不

有以國其能久乎

嘉其能荅賦言其賢故能久有國

疏

采叔正義曰

采叔刺幽王慢諸侯也云采叔采叔箚之官之君子來朝何錫子之雖無子之路車乘馬注云賜諸侯以車馬言雖

無子之尚以爲薄

菁菁者莪

正義曰菁菁者莪云既

見君子樂且有儀既見君子者官爵之而得見也見則心既喜樂又以禮儀見接不有至久乎正義

夏六月

甲戌朔日有食之祝史請所用幣

禮正義之月日食當

用幣於社故請之

昭子曰日有食之天子不舉

不舉盛饌

伐鼓於社

責羣陰

諸侯用幣於社

謂上公

伐鼓

於朝

退自責

禮也平子禦之

禦禁也

曰止也唯

正月朔慝未作日有食之於是乎有伐鼓

用幣禮也其餘則否大史曰在此月也

正月

謂建巳正陽之月也於周爲六月於夏爲四月慝陰氣也

四月純陽用事陰氣未動而侵陽災重故有伐鼓用幣之

禮也平子以爲六月非正

月故大史荅言在此月也日過分而未至

過春分而未夏至

三辰有災

三辰日月星也日月相侵又犯是宿故三辰皆爲災

於是乎百

官降物

降物素服

君不舉辟移時

辟正寢過日食時

樂奏

鼓祝用幣

伐鼓祝用幣於社

史用辭

用辭以自責

故夏書

曰辰不集于房

逸書也集安也房舍也日月不安其舍則食

瞽奏鼓

瞽樂師

嗇夫馳庶人走

車馬曰馳步曰走為救日食備也

此月朔

之謂也當夏四月是謂孟夏

言此六月當夏家之四月

平

子弗從昭子退曰夫子將有異志不君君

矣

安君之災故曰有異志

疏

注禮正至請之氣運行於天一消一息周而復始

正義曰陰陽之

十一月建子為陽始五月建午為陰始以易爻卦言之從建子之後每月一陽息一陰消至四月建巳六陰消盡六陽並盛是為純乾之卦正陽之月也從建午之後每月一陰息一陽消至十月建亥六陽消盡六陰並盛是為純坤之卦正陰之月也此年六月日食是夏之四月正陽之月也禮正陽之月日食諸侯當用幣於社故魯之祝史依禮

法請所用之幣 昭子至禮也 正義曰昭子雖不言正月而云日食之禮明此月即是正月也文十五年傳與此昭子之言正同是正法有此禮也殺牲盛饌曰舉故天子不舉謂去盛饌也郊特牲云社所以神地之道也祭土而主陰氣也則社是羣陰所聚論語云鳴鼓而攻之伐鼓者是攻責之事故爲青羣陰亦以責上公也二十九年傳曰封爲上公祀爲貴神社稷五祀是尊是奉是社爲上公之神尊於諸侯故諸侯用幣於社請上公亦所以請羣陰請令勿侵陽也然伐鼓於社云責羣陰用幣於社云請上公社文是一二注不同者以天子之尊無所不責故云責羣陰也諸侯南面之君於諸侯之內唯請上公故云請上公也 平子至則否 正義曰平子聞有此禮而不知正月是周之六月故止其請幣仍說正禮慝惡也人情愛陽而惡陰故謂陰爲慝五月陰始生故四月陰未作也平子亦不識慝爲陰義故語雖得禮而心不肯從平子蓋以正月爲歲首之月故云其餘則否 大史曰在此月也 正義

曰大史以平子不識正月故爲辨之所言隱未作所以行
伐鼓用幣之禮正當在此月也因爲說日食之禮引詩書
以證之 注降物素服 正義曰降物謂減其物采也昏
義曰日食則天子素服知百官降物亦素服也古之素服
禮無明文蓋象朝服而用素爲之如今之單衣也近世儀
注日食則擊鼓於大社天子單衣介幘辟正殿坐東西堂
百官白服坐本司太常率官屬繞大廟過時乃罷 樂奏
鼓 正義曰樂奏鼓與下贊奏鼓一也樂謂作樂之人即
瞽矇也奏訓進也孔安國尚書傳云瞽樂官樂官進鼓則
伐之故杜云伐鼓也其日食王或有至社親伐鼓之時故
周禮大僕云凡軍旅田役贊王誅教日月食亦如之鄭玄
云王通鼓佐擊其餘面則日食王有親鼓之時也 故夏
至人走 正義曰此尚書胤征文也彼云乃季秋月朔辰
弗集于房彼季秋日食亦以此禮救之傳言唯正月朔日
食乃有伐鼓用幣餘月則否引夏書而與夏書連者蓋先
代尚質凡有日食皆用鼓幣周禮極文周家禮法見事有

差降唯正陽之月特用鉞幣餘月則否

注逸書至則食

正義曰杜以鳥止謂之集故訓集爲安也

孔安國云房所

舍之次集合也不合則日食可知與杜少異

注車馬至

備也

正義曰杜以馳是馬疾行故云車馬曰馳步曰走

孔安國云畜夫主幣之官馳取幣禮天神畜夫於周禮無

文鄭注觀禮云畜夫蓋司空之屬也則官屬司空庶人在

官若胥徒之屬使之取幣而禮天神也衆人走共救日食

之百役也畜夫取幣未必馳車蓋馳走相對變其文耳言

禮天神者謂天子之禮傳無天子禮天神之事文不具

不君君矣

正義曰日食陰侵陽臣侵君之象救日食所

以助君抑臣也平子不肯救日食乃是不君

事其君也

劉炫云乃是不復以君爲君矣

秋邾子來

朝公與之宴昭子問焉曰少皞氏鳥名官

何故也

少皞金天氏黃帝之子已姓之祖也問何故以鳥名官

邾子曰吾祖

也我知之昔者黃帝氏以雲紀故爲雲師

而雲名

黃帝軒轅氏姬姓之祖也黃帝受命有雲瑞故以雲紀事百官師長皆以雲爲名號繒雲氏蓋

其一

官也炎帝氏以火紀故爲火師而火名

炎帝神農

氏姜姓之祖也亦有火瑞以火紀事名百官

共工氏以水紀故爲水師

而水名

共工以諸侯霸有九州者在神農前大暉後亦受水瑞以水名官

大暉氏以

龍紀故爲龍師而龍名

大暉伏羲氏風姓之祖也有龍瑞故以龍命名

我高祖少暉摯之立也鳳鳥適至故紀於

鳥爲鳥師而鳥名鳳鳥氏歷正也

鳳鳥知天時故以名

歷正之官

玄鳥氏司分者也

玄鳥燕也以春分來秋分去

伯趙氏

司至者也

伯趙伯勞也以夏至鳴冬至止

青鳥氏司啓者也

青鳥鶡鴒也以立春鳴立夏止

丹鳥氏司閉者也

丹鳥鶡雉也以立秋來立冬去

入大水爲蜃上四鳥皆歷正之屬官

祝鳩氏司徒也

祝鳩鶡鳩也鶡鳩孝故爲司徒

主牧

鵲鳩氏司馬也

鵲鳩王鵲也鶡而有別故爲司馬主法制

鵲鳩氏

司空也

鵲鳩鶡鶡也鵲鳩平均故爲司空平水土

爽鳩氏司寇也

爽鳩

鷹也鶡故爲司寇主盜賊

鵲鳩氏司事也

鵲鳩鶡鶡也春來冬去故爲司事

五

鳩鳩民者也

鳩聚也治民上聚故以鳩爲名

五雉爲五工正

五雉雉有五種西方曰鷩雉東方曰鷮雉南方曰鷩雉北方曰鷦雉伊洛之南曰鷮雉

正度量夷民者也

夷平也

九扈為九農正

扈有九種

也春扈鵠鴈夏扈鵠玄秋扈鵠藍冬扈鵠黃棘扈鵠丹行扈鵠喙宵扈鵠噴噴桑扈鵠脂老扈鵠鵠以九扈為九農之號各隨其宜

扈民無淫者也

扈止也止民使不淫放

自顓頊

以來不能紀遠乃紀於近為民師而命以

民事則不能故也

顓頊氏代少暉者德不能致遠瑞而以民事命官

仲

尼聞之見於郊子而學之

於是仲尼年二十八

既而告人

曰吾聞之天子失官學在四夷猶信

失官官不

修其職也傳言
聖人無常師

疏

注少暉至名官 正義曰帝系云黃
帝生玄囂也史記云黃帝正妃生二

子其後皆有天下其一曰玄囂是爲青陽降居江水言降
居江水謂不爲帝也此傳言其以鳥名官則是爲帝明矣
故世本及春秋緯皆言青陽即是少暉黃帝之子代黃帝
之有天下號曰金天氏少暉氏身號金天氏代號也晉語
稱青陽與黃帝同德故爲姬姓黃帝之子十四人爲十二
姓其十二有姬有己青陽旣爲姬姓則己姓非青陽之後
而世本己姓出自少暉非青陽也事逮書亡不可委悉耳
注黃帝至官也 正義曰史記云黃帝者少典之子名曰
軒轅爲天子代神農氏是爲黃帝晉語云黃帝以姬水成
爲姬姓是姬姓之祖也以少暉氏之立有鳳鳥之瑞而以
鳥紀事黃帝以雲紀事明其初受天命有雲瑞也雲之爲
瑞未能審也史記天官書曰若煙非煙若雲非雲郁郁紛
紛蕭索輪囷是謂卿雲或作慶雲或作景雲孝經援神契
曰德至山陵則景雲出服虔云黃帝受命得景雲之瑞故

以雲紀事黃帝雲瑞或當是景雲也百官師長皆以雲爲
名號即是以雲紀綱諸事也雲爲官名更無所出唯文十
八年傳云縉雲氏有不才子疑是黃帝時官故云縉雲氏
蓋其一官也注炎帝至百官正義曰帝系世本皆爲
炎帝即神農氏炎帝身號神農代號也譙周考古史以爲
炎帝與神農各爲一人非杜義晉語云炎帝以姜水成爲
姜姓是爲姜姓之祖也火之爲瑞亦未審也注共工至
名官正義曰共工氏霸有九州祭法文也此傳從黃帝
向上逆陳之知共工在神農前大暉後也水之爲瑞亦未
審也注大暉至命官正義曰月令孟春云其帝大暉
易下繫云包犧氏之王天下也即大暉身號伏羲代號也
僖二十一年傳云任宿須句風姓也實司大暉知大暉是
風姓之祖也龍之爲瑞亦未審也此黃帝以上四代用雲
火水龍紀事其官之名必用雲火水龍爲之但書典散亡
更無文紀其名不可復知故杜不復委說唯有縉雲見傳
疑是黃帝官耳服虔云黃帝以雲名官蓋春官爲青雲氏

夏官爲縉雲氏秋官爲白雲氏冬官爲黑雲氏中官爲黃雲氏炎帝以火名官春官爲大火夏官爲鶉火秋官爲西火冬官爲北火中官爲中火共工以水名官春官爲東水夏官爲南水秋官爲西水冬官爲北水中官爲中水大皞以龍名官春官爲青龍氏夏官爲赤龍氏秋官爲白龍氏冬官爲黑龍氏中官爲黃龍氏此皆事無所見苟出肺腸少皞鳥紀不以五方名官焉知彼四代者皆以四時五方名官乎以縉爲赤色則云夏官爲縉雲焉知餘方不更爲之目而直指青黃爲名也以天文有大火鶉火即云春爲大火夏爲鶉火其餘何故直以西北名火也此皆虛而不經故不可采用 注鳳鳥至之官 正義曰釋鳥云鷩鳳其雌皇則此鳥雄曰鳳雌曰凰說文云鳳神鳥也山海經云丹穴之山有鳥焉其狀如鶴五采而文名曰鳳皇見則天下大安寧運斗樞云天樞德見則鳳皇翔中候握河紀云堯即政七十年鳳皇止庭伯禹拜曰昔帝軒提象鳳巢阿閭白虎通云黃帝時鳳皇蔽日而至止於東園終身不

去諸書皆言君有聖德鳳皇乃來是鳳皇知天時也歷正
主治歷數正天時之官故名其官爲鳳鳥氏也當時名官
直爲鳥名而已其所職掌與後代名官所司事同所言歷
正以下及司徒司寇工農之屬皆以後代之官所掌之事
託言之言爾時鳥名如今之此官也 注玄鳥至分去
正義曰說文云燕玄鳥也釋鳥云燕燕馭郭璞曰詩云燕
燕于飛一名玄鳥齊人呼馭詩云天命玄鳥月令云玄鳥
至之日是一名玄鳥也或單呼爲燕或重名燕燕異方語
也此鳥以春分來秋分去故以名官使之主二分 注伯
趙至至止 正義曰釋鳥云鵲伯勞也樊光曰春秋云伯
趙氏司至伯趙鵲也以夏至來冬至去郭璞曰似鵲而
大此鳥以夏至來鳴冬至止去故以名官使之主二至也
月令仲夏之月鵲始鳴蔡邕云鵲伯勞也一曰伯趙應時
而鳴爲陰候也詩云七月鳴鵲者鄭玄云幽地晚寒鳥物
之候從其氣焉王肅云十當爲五古文五字似七故誤
注青鳥至夏止 正義曰青鳥鵲爾雅無文先儒相傳

說耳立春立夏謂之啓此鳥以立春鳴立夏止故以名官
使之主立春立夏注丹鳥至屬官正義曰釋鳥雉之

類有鷩雉樊光曰丹雉也少皞氏以鳥名官丹鳥氏司閉
以立秋來立冬去入水爲蜃周禮王享先公服鷩鷩郭璞
曰似山雞而小冠背毛黃腹下赤項綠色鮮明是解丹鳥
爲鷩雉也立秋立冬謂之閉此鳥以秋來冬去故以名官
使之主立秋立冬也分至啓閉立四官使主之鳳皇氏爲
之長故云四鳥皆歷正之屬官也注祝鳩至教民正

義曰釋鳥云佳其鳩鳩舍人云佳一名夫不今楚鳩也樊
光曰春秋云祝鳩氏司徒祝鳩即佳其夫不孝故爲司徒
郭璞曰今鷩鳩也詩云翩翩者佳毛傳云鷩夫不也一宿
之鳥鄭玄云一宿者一意於其所宿之木又云夫不鳥之
怒謹者人皆愛之則此是謹怒孝順之鳥故名司徒之官
教人使之孝也注鷩鳩至法制正義曰釋鳥云鷩鳩
王鵬李巡云王鵬一名鷩鳩郭璞云鷩類今江東呼之爲
鷩好則在江渚山邊食魚毛詩傳曰鳥鷩而有別則鷩鳩是

鷩擊之鳥又能雄雌有別也司馬主兵又主法制擊伐又當法制分明故以此鳥名官使主司馬之職 注鷩鷩至水土 正義曰釋鳥云鷩鷩鷩鷩樊光曰春秋云鷩鷩氏司空心平均故爲司空郭璞曰今之布穀也孫炎曰方言云鷩鷩自關而東謂之戴勝陸璣毛詩義疏云今梁宋之間謂布穀爲鷩鷩則布穀是鷩鷩明矣而揚雄云鷩鷩是戴勝也今戴勝自生穴中不巢生雄言非也詩云鷩鷩在桑其子七兮毛傳云鷩鷩之養其子朝從上下莫從下上平均如一 是鷩鷩平均故爲司空尚書舜典云伯禹作司空帝曰禹汝平水土惟時懋哉是司空主平水土也 注鷩鷩至盜賊 正義曰釋鳥云鷩鷩鷩樊光曰來鷩鷩也春秋曰來鷩氏司寇鷩鷩故爲司寇郭璞曰鷩當爲鷩字之誤耳左傳作來鷩是也鷩是鷩擊之鳥司寇主擊盜賊故爲司寇 注鷩鷩至司事 正義曰釋鳥云鷩鷩鷩鷩舍人曰鷩鷩一名鷩鷩今之鷩鷩也樊光曰春秋云鷩鷩氏司事春來冬去孫炎曰鷩鷩一名鷩鷩月令云鷩鷩

拂其羽郭璞云今江東亦呼爲鵲鵲似山鵲而小短尾
黑色多聲即是此也舊說及廣雅皆云班鳩非也所論班
鳩鳴鳩雖有異同其言春來冬去舊有此說國家營繕
治器物一年之間無時暫止故以此鳥名司事之官也司
事謂營造之事於六官皆屬司空此司空司事各爲一官
者古今代異猶如舜典司空與共工各爲一官也注鳩
聚至爲名正義曰鳩聚釋詁文也治民尚其集聚惡其
流散故以鳩爲官名欲其聚斂民也注五雉至羣雉
正義曰釋鳥雉之屬十有四其說四方之雉西方曰鷩東
方曰鷩南方曰鷩北方曰鷩舍人曰釋四方之雉名也杜
言四方之雉唯南方不同也釋鳥又云鷩山雉樊光曰其
羽可持而舞詩云右手秉翟郭璞云長尾者爾雅之文翟
與鷩別而賈逵亦云南方曰翟雉則先儒相傳爲說杜從
之也釋鳥又云伊洛而南素質五采皆備成章曰羣雉巡
曰素質五采備具文章鮮明曰羣孫炎曰羣雉白質五采
爲文也傳言五雉必取五方伊洛土之中區明其取羣雉與

四方之雉爲五也賈逵云西方曰鷩雉攻木之工也東方曰鷮雉搏埴之工也南方曰鷩雉攻金之工也北方曰鷮雉攻皮之工也伊洛而南曰鷩雉設五色之工也樊光注爾雅四方之雉配工亦與賈同唯鷩雉不配工耳案賈樊所言之工出於考工記耳而考工記更有刮摩之工凡有六工非唯五也且記是後世之書少暉時工未必如記所說又以工配雉無所馮據不可採用故杜不言利器至民者正義曰雉聲近夷雉訓夷夷爲平故以雉名工正之官使其利便民之器用正丈尺之度斗斛之量所以平均下民也樊光服虔云雉者夷也夷平也使度量器用平也注扈有至民事正義曰釋鳥自春屬鷩鷩至宵屬鷮鷮凡七屬其文相次與此注正同李巡摠釋之云諸扈別春夏秋冬四時之名鷩鷮鷩鷮鷩鷮鷩鷮皆因其毛色音聲以爲名鷩藍青色釋鳥又云鷩鷮老屬鷩桑屬鷮脂注爾雅者舍人李巡孫炎郭璞皆斷爲上屬屬下屬解云鷩一名鷩老鷩一名屬屬雀也唯樊光斷鷩

鷦鷯爲句以老下屬注云春秋云九鷽爲九鷽正九鷽者春
鷽夏鷽秋鷽冬鷽棘鷽行鷽宵鷽桑鷽老鷽是以老爲下
屬唯鷽不重耳李巡云竊脂一名桑鷽郭璞曰俗謂之青
雀背曲食肉好盜脂膏因名云鄭玄詩箋云竊脂肉食陸
璣毛詩義疏云竊脂青雀也好竊人脯肉及笥中膏故
以名竊脂也諸儒說竊脂皆謂盜人脂膏也即如此言竊
玄竊黃者豈復盜竊玄黃乎案爾雅釋獸云虎竊毛謂之
號貓雕如小熊竊毛而黃竊毛皆謂淺毛竊即古之淺字
但此鳥其色不純竊玄淺黑也竊藍淺青也竊黃淺黃也
竊丹淺赤也四色皆具則竊脂爲淺白也其喙噴噴則
聲音爲之名矣其春鷽鷽鷽樊光云鷽鷽言分循也春鷽
分循二土之宜乃以人事名鳥其義未必然也爾雅老鷽
鷽字不重質服皆云鷽鷽亦聲音爲名也賈逵云春鷽分
循相五土之宜趣民耕種者也夏鷽竊玄趣民耘苗者也
秋鷽竊藍趣民收斂者也冬鷽竊黃趣民蓋藏者也棘鷽
竊丹爲果驅鳥者也行鷽喙噴噴畫爲民驅鳥者也宵鷽噴

噴夜爲晨驅獸者也桑扈爲鷺鷥驅雀者也老扈鷺鷥
趣民收麥令不得晏起者也舍人樊光注爾雅其言亦與
賈同其意皆謂以扈爲官還令依此諸扈而動作也然則
趣民耕耨及收歛蓋藏其事可得召民使聚而摠號令之
其爲果驅鳥爲鷺鷥驅雀豈得多置官方使之就果樹入鷺
室爲民驅之哉又晝驅鳥夜驅獸不可竟日通宵常在田
野溥天之下何以可周且其言不經難可據信也杜云以
九扈爲九農之號各隨其宜以教民事以舊說不可採用
又不能知其職掌故末言之 自顓至故也 正義曰傳
言少皞摯之立也鳳鳥適至則鳳鳥以初立時至也因其
初立而有此瑞鳥遂即以鳥紀事雲火水龍亦以初立而
有此瑞用之以紀庶事自顓頊以來初立之時既無遠瑞
不能紀以遠而乃紀於近天瑞遠民事近爲民之師長而
命其官以民事則爲不能致遠瑞故 注年二十八 正
義曰沈文何云襄三十一年注云仲尼年十歲計至此年
二十七今云二十八誤 失官學在四夷 正義曰王肅

云郊中國也故吳伐郊季文子歎曰中國不振旅蠻夷入
伐吾亡無日矣孔子稱寧在四夷疾時寧廢也郊少暉之
後以其世則遠以其國則小矣魯周公之後以其世則近
以其國則大矣然其禮不如郊故孔子發此言也失官者
所居之官不脩其職也仲尼學樂於
萇弘問禮於郊子是聖人無常師

晉侯使屠蒯

如周請有事於雒與三塗

屠蒯晉侯之膳宰也以忠諫見進雒雒水

也三塗山名在陸渾南

萇弘謂劉子曰客容猛非祭也

其伐戎乎陸渾氏甚睦於楚必是故也君

其備之乃警戎備

警戒以備戎也欲因晉以合勢

九月丁卯

晉荀息帥師涉自棘津

河津名

使祭史先用

牲于雒陸渾人弗知師從之庚午遂滅陸

渾數之以其貳於楚也陸渾子奔楚其衆

奔甘鹿

甘鹿周地

周大獲

先警戎備故獲

宣子夢文公攜

荀吳而授之陸渾故使穆子帥師獻俘于

文宮

欲以應夢

冬有星孛于大辰西及漢

夏之八月辰星

見在天漢西今孛星出辰西光芒東及天漢

申須曰彗所以除害布

新也

申須魯大夫

天事恒象

天道恒以象類告示人

今除於

火火出必布焉諸侯其有火災乎

今火向伏故知當須

火出乃布散為災

梓慎曰往年吾見之是其眚也

眚始有形

象而微也

火出而見

前年火出時

今茲火出而章必火入

而伏

隨火沒也

其居火也久矣

歷二年

其與不然乎

言必

然也

火出於夏為三月

謂昏見

於商為四月於周為

五月夏數得天

得天正

若火作其四國當之在

宋衛陳鄭乎宋大辰之虛也

大辰大火宋分野

陳大暉

之虛也

大暉居陳木火所自出

鄭祝融之虛也

祝融高辛氏之

火正居鄭

皆火房也

房舍也

星孛及漢漢水祥也

天漢水也。衛顓頊之虛也。故爲帝丘。衛今濮陽縣昔帝顓頊居

之其城內有顓頊冢其星爲大水。衛星營室營室水也水火之牡也。

牡雄也其以丙子若壬午作乎水火所以合也。

丙午火壬子水水火合而相薄水少而火多故水不勝火若火入而伏必以壬

午。尚未知今孛星當復隨火星俱伏不故言若不過其見之月。火見周之五月

鄭裨竈言於子產曰宋衛陳鄭將同日火。

若我用瓊瑩玉璣鄭必不火。瓊瑀也璣玉爵也璣勺也欲以禳火

子產弗與。以爲天災流行非禳所息故也爲明年宋衛陳鄭災傳疏。注夏之至天漢

正義曰星孛文在冬下經傳皆無其月但冬以十月爲初故以夏之八月解之也月令仲秋之月日在角昏牽牛中北辰是房心尾也其星處於東方之時在角星之北故以八月之昏角星與日俱沒北辰見於西方也天漢在箕斗之間於是時天漢西南東北邪列於天北辰之星見在天漢之西也今孛星又出於北辰之西而尾東指光芒歷辰星而東及天漢也 孛所至新也 正義曰孛埽帚也其形似彗故名焉帚所以婦去塵彗星象之故所以除舊布新也言此星見必有除舊之事 今茲至而伏 正義曰梓慎云往年吾見之是其微也當時火出之時而彗星已見是隨火而行也今年火星之出而彗星章明是彗漸益長未即消滅必當火入之時與火俱伏也服虔注本火出而章必火火入而伏重火別句孫毓云賈氏舊文無重火字 注得天正 正義曰斗柄所指一歲十二月分爲四時以建寅爲正則斗柄東指爲春南指爲夏是爲得天四時之正也若殷周之正則不得正 宋大辰之虛 正義

曰虛者舊居之處也陳爲大暉之虛鄭爲祝融之虛衛爲
顓頊之虛皆先王先公嘗居此地謂之虛可矣大辰是名
非人居也而亦謂之虛者以天之十二次地之十二域大
辰爲大火之次是宋之區域故謂宋爲大辰之虛猶謂晉
地爲參虛 水火之牡 正義曰獸曰牝牡牡是雄也降
陽之書有五行嫁娶之法火畏水故以丁爲壬妃是水爲
火之雄 注丙午至勝火 正義曰丙是火日午是火位
壬是水日子是水位故丙午爲火壬子爲水水火合而相
薄則是夫妻合而相親親則將行其意或水從火或火從
水但彗在大辰爲多及漢爲少水少而火多故水不勝火
火行其意水必助之故此丙子壬午之日當有火災 若
火至壬午 正義曰劉炫云丙子壬午雖俱是水火合日
但二字之內先言者彊若火入而伏則連秋至春歷大陰
水用事雖同其欲水當先火故疑火入而伏則必以壬午
也劉炫雖爲此釋杜旣無注其壬午之事理則未詳 注
瑾珪至讓火 正義曰瑾是玉名此傳所云皆是成就之

器故知璫是珪也。璫是爵名，王字在璫璫之間，知璫亦以玉爲之。故云：『璫，玉爵也。』周禮典瑞云：『裸圭有璫，鄭司農云：於圭頭爲器，可以挹鬯，裸祭謂之璫。』國語謂之鬯璫，鄭玄云：『漢禮璫槃大五升，口徑八寸，下有槃口，徑一尺。考工記：玉人云，裸圭尺有二寸，有璫以祀廟。』鄭玄云：『璫如槃，其柄用圭，有流前注。』鄭玄詩箋云：『圭璫之狀，以圭爲柄，黃金爲勺，青金爲外，朱中央，是璫爲勺共祭祀之器也。』裨竈欲用此三物以禳火。

吳伐楚陽句

爲令尹卜戰不吉

陽句穆王曾孫令尹子瑕

司馬子魚曰

我得上流何故不吉

子魚公子魴也順江而下易用勝敵

且楚故

司馬令龜我請改卜今日魴也以其屬死

之楚師繼之尚大克之吉

得吉兆

戰于長岸

子魚先死楚師繼之大敗吳師獲其乘舟

餘皇餘皇舟名使隨人與後至者守之環而斬

之及泉環周也盈其隧炭陳以待命隧出吳

公子光光諸樊子闔廬請於其眾曰喪先王之乘

舟豈唯光之罪眾亦有焉請藉取之以救

死藉眾之力以取舟眾許之使長鬣者三人長鬣多須與吳人

異形狀詐為楚人潛伏於舟側曰我呼餘皇則對師

夜從之師吳也三呼皆迭對迭更也楚人從而

春秋正義卷第二十九
殺之楚師亂吳人大敗之取餘皇以歸傳言

吳光有謀**䷗**卜戰不吉 正義曰陽句心不決死戰必殺將

為凶故卜之得吉敗吳之後吳人敗之終是不吉 注穆王曾孫 正義曰依世本穆王生王子揚揚生尹尹生今

尹句 注隊出入道 正義曰守舟者雖環而整之 整陷不合有出入之路故滿路置火以防吳人也

春秋正義卷第二十九

鄉貢進士馮嗣祖校勘

春秋正義卷第三十

昭公

昭公

國子祭酒上護軍曲阜縣開國子臣孔穎達等奉

勅撰

經十有八年春王三月曹伯須卒

未同盟而赴以名

夏五月壬午宋衛陳鄭災

來告故書天火曰災

疏

注來告至

曰災正義曰傳稱皆來告火知是來告故書也春秋書他國之災皆是來告而書公羊傳曰宋衛陳鄭災何以書記異也何異爾異其同日而俱災外異不書此何以書為天下記異也穀梁亦云其志以同日也杜因此傳有來告之文故顯而異之天火六月邾人入郕

邾國今琅邪開陽縣

秋

日災宣十六年傳例也

葬曹平公冬許遷于白羽

自葉遷也畏鄭而遷故以自遷為文



注自葉至為文正義曰成十五年許遷于葉自是以後許常以葉為都九年許遷于夷是自葉遷于夷

也十三年傳曰楚之滅蔡也靈王遷許胡沈道房申於荆焉平王即位既封陳蔡而皆復之禮也注云荆荆山之北蔡在十一年許又從夷遷於荆山平王復之復其本國許又歸於葉也故知此年遷于白羽是其自葉遷也且傳云葉在楚方域外之故明其欲遷之時許在葉也宋傳云子勝言於楚子使之遷許則是楚人遷許非許自遷楚雖意遷許許亦畏鄭樂遷故以自遷為文若許不樂遷楚強遷之當云楚人遷許如宋人遷宿齊人遷陽之類不得云許遷于白羽以其自遷為文知許人自樂遷也

傳十八年春王二月乙卯周毛得殺毛伯

過

毛伯過周大

而代之

代居其位

萇弘曰毛得必亡

是吾稔之日也侈故之以

昆吾夏伯也於也侈惡積熟以乙

卯日與
禁同誅
已毛得以濟侈於王都不亡何待

十六年毛
伯奔楚傳



注代居其位正義曰毛氏世有采地為畿內之國於時天子微弱故自殺自代不能禁之

是昆至何待正義曰是卯者昆吾之君惡熟之日也由其侈故以此日死也而毛得以此日成其侈

惡於王都不亡何待
注昆吾至同誅正義曰鄭語云黎為高辛氏火正命之曰祝融其後八姓是吾為夏伯楚

世家云頡頏生稱稱立卷章卷章生黎黎為高辛氏火正其工氏作亂帝使黎誅之而不盡帝誅黎使其弟吳回居

火正為祝融回生陸終終生子六人坼剖而產焉其長曰昆吾虞翻曰昆吾為己姓封昆吾世本云昆吾者衛是也

然則昆吾國名言昆吾夏伯者以表昆吾國君其上市嘗
為夏伯其惡熱誅者非此為伯之身當是後世之孫耳詩
云韋顧既伐昆吾夏桀共桀國文又傳
云乙卯亡知以乙卯日與桀同時誅
三月曹平公

卒

為下曾葬見
原伯起本

夏五月火婚昏見

大心

丙子風梓

慎曰是謂融風火之始也

東北曰融風融風木也
木火母故曰火之始

七日其火作乎

從丙子至壬午七日壬午
水火合之日故知當火作

戊寅風

甚壬午大甚宋衛陳鄭皆火梓慎登大庭

氏之庫以望之

大庭氏古國名在魯城內魯於其處
作庫高顯故登以望氣參近占以審

前年
之言

曰宋衛陳鄭也數日皆來告火

言總所
以審

裨竈曰不用吾言鄭又將火

前年裨竈欲用礮竿燒火子產不聽

今復請用之鄭人請用之

信竈言

子產不可子大叔曰

寶以保民也若有火國幾亡可以救亡子何愛焉子產曰天道遠人道邇非所及也何

以知之竈焉知天道是亦多言矣豈不或

信

多言者或時有中

遂不與亦不復火

傳言天道難明雖裨竈猶不足以盡

之鄭之未災也里析告子產曰將有大祥

里析

鄭大夫祥變異之氣

民震動國幾亡吾身泯焉弗良

及也

言將先災死

國遷其可乎子產曰雖可吾不

足以定遷矣

子產知天災不可逃非遷所免故託以知不足

及火里析

死矣未葬子產使輿三十人遷其柩

以其嘗與已言

故火作子產辭晉公子公孫于東門

晉人新來未入

故辭不使前也

使司寇出新客

新來聘者

禁舊客勿出於

宮

為其知國情不欲令去

使子寬子上巡羣屏攝至于

大宮

二子鄭大夫屏攝祭祀之位大宮鄭祖廟巡行宗廟不得使火及之

使公孫登

徙大龜

登開卜大夫

使祝史徙主柝於周廟告于

先君

祔廟主石函周廟厲王廟也有火災故合羣主於祖廟易救護

使府人庫人

各倣其事

倣備火也

商成公倣司宮

商成公鄭大夫司宮巷伯寺人

之出舊宮人寘諸火所不及

舊宮人先官宮女

司馬

司寇列居火道

備非常也

行火所燬

燬炙也

城下之

人伍列登城

爲部伍登城備姦也

明日使野司寇各保

其徵

野司寇縣士也火之明日四方乃聞災故戒保所徵役之人

郊人助祝史

除於國北

爲祭處於國北者就大陰穰火

穰火于玄冥回祿

玄冥水神回祿火神

祈于四鄘

鄘城也城積土陰氣所聚故折祭之以穰火之餘災

書焚

室而寬其征與之材

征賦稅也

三日哭國不市

示憂

威不

會市使行人告於諸侯宋衛皆如是陳不

救火許不弔災君子是以知陳許之先亡

也

不義所以亡

疏

注東北至之始正義曰東北曰融風易緯作調風俱是東北風一風有二名東北

木之始故融風爲木也木是火之母火得風而盛故融爲火之始戊寅至大甚正義曰甚者益盛之言也丙子

初風連日不息至戊寅而風益甚至壬午而風又大甚初言融風是東北風也蓋自丙子至壬午風不迴而稍益盛

傳雖主言魯國之風彼四國亦當然也注大庭至之言正義曰大庭氏古天子之國名也先儒舊說皆云炎帝號

神農氏一曰大庭氏服虔云在黃帝前鄭玄詩譜云大庭在軒轅之前亦以大庭爲炎帝也對文則藏馬曰廕藏車

曰庫曲禮云在府言府在庫言庫鄭玄云府謂寶藏貨賄之處庫謂車馬兵甲之與又大學云未有府庫財非其財者則庫亦藏財貨非獨車馬甲兵也古之大庭嘗都於魯其虛在魯城內魯於其處作庫而其地高顯故梓慎登之以望氣梓慎往年言其將火今更望氣參驗近占以審已前年之言信也梓慎所望望天氣耳非能望見火也而何休難云宋衛陳鄭去魯皆數千里爲登高以見其火豈實事哉劉炫云案左傳不言望火何以言見其火玄卿以爲孔子登泰山見吳門之白馬離婁觀千里之毫末梓慎既非常人何知不見數百里之煙火孔子在陳知桓僖災者豈復望見之乎若見火知災則人皆知之矣何所貴乎梓慎左氏傳而編記之哉且四國去魯纔數百里而何休云數千里雖意欲其遠亦虛妄之極梓慎所望自當有以知之不知見何氣知其災也服虔云四國次有火氣也梓慎不言夜望安知望次陳獨無次何所望哉今以爲服解義或然也將有大祥正義曰祥者善惡之徵中庸云國

家將興必有祲祥祥則吉祥也國家將亡必有妖孽孽則凶祥也則祥是善事而里析以民動國亡為大祥者彼對文言耳書序云毫有祥桑穀共生于朝五行傳云時有青雘青祥白雘白祥之類皆以惡徵為祥是祥有善有惡故杜云祥變異之氣弗良及也正義曰良是語鄭史傳多云良所未悟良有以也是古今共有此語也而服虔云弗良乃也不能及也良能也能非良之訓妄言耳注晉人至前也正義曰下云出新客禁舊客勿出於官此辭于東門明是晉人新來未入故辭之不使前也此新來蓋聘使也晉人往因嬖姬之難詛無畜羣公子故文襄之世公子皆出在他國自成公更立公族國內始有公子故使之來聘也自晉適鄭當入西門而辭之東門者鄭城西臨泃水其西無門蓋從東門入為便故辭于東門注二子至之位正義曰子寬游吉之子世族譜子寬與游速渾罕為一人駟帶字子上六年死矣此別有子上非駟帶也世族譜雜人內有子上無子寬明子寬與渾罕為一人也

楚語說事神之禮云使名姓之後能知犧牲之物彛器之
量彛攝之位壇場之所而心率舊典者爲之宗知彛攝是
祭祀之位也鄭衆云攝攝束茅以爲彛蔽其事或當然
注拓廟至救護正義曰每廟木主皆以石函盛之當祭
則出之事畢則納於函藏於廟之北壁之內所以辟火災
也文二年傳云鄭祖厲王故知鄭之周廟是厲王廟也既
有火災皆須防守故合羣主就於祖王廟易救護也衛大
仲云右主八寸左主七寸廣厚三寸穿中央達四方也范
甯云天子主長尺二寸諸侯主長一尺也曰虎通云納之
西壁使府至其事正義曰曲禮云在府言府在庫言
庫皆是藏財賄之處故使其人各自微守以防火也周官
有大府內府外府天府玉府泉府而無掌庫之官蓋府庫
通言庫亦謂之府也諸侯國異政殊故府庫並言行火至
登城正義曰此承司馬司寇之下亦是二官使之行火
所多欲令入救之也言城下之人爲部伍行列以登城亦
是司馬司寇之人備救寇也注司野至之人正義曰

傳言野司寇則司寇之官在野周禮司寇屬官有縣士掌
野司寇是縣士也鄭玄縣士注云地距王城二百里以外
至三百里曰野三百里以外至四百里曰縣四百里以外
至五百里曰都都縣野之地其邑非王子弟公卿大夫之
采地則皆公邑也謂之縣縣士掌其獄焉言掌野者郊外
曰野大摠言之也獄居近野之縣獄在二百里上縣之縣
獄在三百里上都之縣獄在四百里上如鄭此言采邑之
民有獄則采地之官長各自斷之若公邑之民有獄則縣
士斷之縣士司寇屬官所掌在野故此傳謂之野司寇也
縣士職曰各掌其縣之民數而聽其獄訟若邦有大役聚
衆庶則各掌其縣之禁令則諸侯縣士亦當然也縣士分
在四方不聞火火之明日四方乃聞有災故戒使各保其
所應受徭役之人皆令具備以待上命慮有所須當徭之
郊人至國北正義曰周禮鄉在郊內遂在郊外諸侯亦
當然郊人當謂郊內鄉之人也祝史掌祭祀之官也使此
鄉人助祝史除地在城之北作壇塲爲祭處也就國北者

南爲陽北爲陰就大陰攘火也注玄冥至火神正義

曰月令冬云其神玄冥知玄冥水神也周語云夏之亡也

曰祿信於黔隧先儒注左傳及國語者皆云回祿火神或

當有所見也二十九年傳脩及熙爲玄冥則玄冥終脩熙

不知回祿祭何人楚之先吳回爲祝融或云回祿即吳回

也祭水神欲令水抑火祭火神欲令火自止攘其餘災慮

更火也陳許之先亡也正義曰哀十七年楚滅陳也

定六年鄭游速帥師滅許其後復立許悼公之孫成是爲

元公其子結元年獲麟之郕姓國

歲也常戰國首爲楚所滅六月郕人藉稻也其君自

出藉稻蓋郕人襲郕郕人將閉門郕人羊羅

履行之

攝其首焉斬得閉門者頭遂入之盡俘以歸郕子曰

余無歸矣從帑於邾邾莊公反郕夫人

而舍其女

為明年宋伐邾起

疏

注邾姒至行之正義曰邾為姒姓世本文也周之六月

夏之四月種稻之時其君自出觀行之藉猶藉蹈藉踐履之義故為履行之服虔云藉耕種於藉田也攝其首焉

正義曰攝訓為持也斬得閉門者首而持其頭而舍其女正義曰言止舍其女而留之秋葬曹

平公往者見周原伯魯焉

原伯魯周大夫

與之語

不說學歸以語閔子馬閔子馬曰周其亂

乎夫必多有是說而後及其大人

國亂俗壞言者適多

漸以及大人

大人在位者大人患失而惑又曰可以無學無

學不害

患有學而失道者以惑其意

不害而不學則苟而

可

以為無害遂不學則皆懷苟且

於是乎下陵上替能無亂

乎夫學殖也不學將落原氏其亡乎

殖生長也

言學之進德如農之殖苗日新日益

疏

周其至亡乎

正義曰周寧其將亂乎夫其國內之人必多有是下

說學問之說也國內多有此言而後流傳及其在位之大人大人謂公卿大夫也大人患其國內有多學而失其道者而疑惑於此言謂此言有道理也大人於是又為言曰其實可以無學無學不為害也以為無害而遂不學則苟且而可也一國之人皆懷苟且不識上下之序不知尊卑之義於是在下者陵侮其上在上者替廢其位上下失分能無亂乎夫學如殖草木也今人日長日進猶草木之生枝葉也不學則才知日退將如草木之墜落枝葉也原氏其亡
七月鄭子產為火故大為社也為治被襮

於四方振除火災禮也

振棄也

乃簡兵大蒐

將爲蒐除

治兵於廟城內也迫故除廣之

子大叔之廟在道

南其寢在道北其庭小

寢蒐場也

過期三日

與小不得

一時

使除徒陳於道南廟北曰子產過女

而命速除乃毀於而向

而女也毀女所向

子產朝

朝過

而怒之

怒不毀

除者南毀子產及衝使從者止

之曰毀於北方

言子產仁不忍毀人廟

火之作也子產授

兵登陴子大叔曰晉無乃討乎

辭晉公子公孫而授兵似若叛

晉子產曰吾聞之小國忘守則危況有災
乎國之不可小有備故也既晉之邊吏謬
鄭曰鄭國有災晉君大夫不敢寧居卜筮
走望不愛牲玉鄭之有災寡君之憂也今
執事擗然授兵登陴擗然勁貌將以誰罪邊人
恐懼不敢不告子產對曰若吾子之言敝
邑之災君之憂也敝邑失政天降之災又
懼讒慝之間謀之以啓貪人荐爲敝邑不

利也若重以重君之憂幸而不亡猶可說也

說解不幸而亡君雖憂之亦無及也鄭有

他竟望走在晉言鄭雖與他國為竟既事晉矣

其敢有二心傳言子產有備疏大為至禮也正義曰祭

非常祭之月而為火特祭蓋君臣肅共禮物備具大於常

祭故稱大也周禮女巫掌祓除釁浴祓禳皆除凶之祭徧

於四方之神如尚書咸秩無文苟可祭者悉皆祭之所以

振訊除去火災禮也嫌多祭非禮故禮之子大至道北

正義曰鄭簡公之卒將為葬除亦欲毀游氏之廟則游吉

宅近大路故數將徹毀也其廟當在宅內以其處居狹隘

故廟在道南寢在道北也寢即游吉所居宅也過期三

日正義曰此量其庭之大小而豫計之以庭小之故當

過期三日欲除道使闕望及期得了亦不知本期當幾日也
卜筮至牲玉 正義曰言爲鄭卜筮何故有災宜禱

何神奔走而望祭之祭山川故爲望也莊二十五年傳云天災有幣無牲而云不愛牲玉者天之見異非求人飲食

隨時告請則有幣無牲若祭求弭災者則當有牲雲漢之詩美宣王爲旱禱神云靡愛斯牲圭璧既卒亦是用牲玉

也
注惛然勁忿貌 正義曰服虔云惛然猛貌也方言云惛猛也晉魏之間曰惛杜言勁忿貌亦是猛也但述晉

人責鄭之意故以勁忿解之
將以誰罪 正義曰將以誰爲罪而欲授兵疑其畏晉襲之欲禦晉擊之 望走在

晉
正義曰其所瞻望奔走而歸之者唯在晉耳 注傳言子產有備 正義曰國有火災懼被人襲登陴固守是

有備也
楚左尹王子勝言於楚子曰許於鄭

仇敵也而居楚地以不禮於鄭
十三年平王復遷邑許自

夷還居葉恃

楚而不事鄭晉鄭方睦鄭若伐許而晉助之

楚喪地矣君盍遷許許不專於楚

自以舊國不專

心事

鄭方有令政許曰余舊國也

許先鄭

鄭封

曰余俘邑也

隱十一年鄭滅許而復存之故曰我俘邑

葉在楚國方

城外之蔽也

為方城外之蔽障

土不可易

易輕也

國不可

謂

小鄭許不可俘讎不可啓君其圖之楚子

說冬楚子使王子勝遷許於析實白羽

傳於

時白羽

疏

而居楚地

正義曰當時許都於葉釋例土改為析地名葉在楚界許本偏於鄭請遷近楚楚以

葉與之故爲居楚地

注十三至居葉

正義曰案十

年云楚之滅蔡也靈王遷許胡沈道房申於荆則許從夷

遷向荆也平王復之常從荆却向夷自夷向葉注不言自

荆還葉者蓋以許遷于夷見經故據以爲言其實自荆還

也注自以至事楚正義曰劉炫云當時許之於楚更

無異望非敢恃舊國不事楚當以畏鄭之故外設備禦不

得專心事楚耳今杜必以爲舊國不專心事楚者以此傳

許謂鄭人云余舊國許畏於鄭尚以舊國不肯事鄭明以

舊國亦不專心事楚劉以爲畏鄭不

專心事楚苟背傳文而規杜氏非也

經十有九年春宋公伐邾

爲

夏五月戊辰

許世子止弑其君買

加弑者責止
不舍藥物

疏

注加弑至
藥物正

義曰案傳許君飲止之藥而卒耳實非止弑也言書曰弑其君則仲尼新意書弑也實非弑而加弑者責止事父不

舍其藥物言藥當信醫不須己自為也釋例曰醫非三也
不服其藥古之慎戒也人子之孝當盡心嘗禱而已藥物
之齊非所習也許止身為國弔國非無醫而輕果進藥故
罪同於弑雖原其本心而春秋不赦其罪蓋為教之遠防

也己卯地震無傳秋齊高發帥師伐莒及葬

許悼公無傳

傳十九年春楚工尹赤遷陰于下陰陰縣今屬南鄉

郡令尹子瑕城郟叔孫昭子曰楚不在諸侯

矣其僅自守也以持其世而已遷陰城郟皆欲以自守

楚子之在蔡也蓋為大夫時往聘蔡郟陽封人之北齊

之生大子建

鄆陽蔡邑

及即位使伍奢爲之師

伍奢伍舉之子伍員之父

費無極爲少師無寵焉欲譖諸

王曰建可室矣

室妻也

王爲之聘於秦無極

與逆勸王取之正月楚夫人羸氏至自秦

王自取之故稱夫人至爲下拜夫人起

疏

注蓋爲至聘蔡正義曰賈逵云楚子在蔡爲蔡公時也杜以

楚子十一年爲蔡公十三年而即位若在蔡生子唯一二歲耳未堪立師傅也至今七年未得云建可室矣故疑爲

大夫時聘蔡也

鄆夫人宋向戌之女也故向寧請師

寧向戌子也請於宋公伐邾

二月宋公伐邾圍蟲三月取之

蟲邾邑不書

圍取不以告

乃盡歸鄆俘

疏

注蟲邾至以告正義曰隱四年晉人伐

杞取牟婁信二十三年齊侯伐宋圍緡伐國而圍邑取邑皆書於經知此不書圍取不以告也

夏許悼

公瘡五月戊辰飲大子止之藥卒

止獨進藥不由醫

大子奔晉書曰弑其君君子曰盡心力以

事君舍藥物可也

藥物有毒當由醫非凡人所知譏止不捨藥物所以加弑君之

名

疏

注止獨至由醫止義曰言飲大子止之藥專以

止爲藥主是止獨進藥不由醫也

君子至可也

正義曰此君子論止之罪也言爲人臣子盡心盡力以事君父如禮記文王世子之爲即自足矣如此則舍去藥物已不干知於禮可也此許世子不捨藥物致令君死是邾邾人子之道故春秋書其弑君解經書弑君之意也

人郕人徐人會宋公乙亥同盟于蟲

終宋公代邾事

楚子爲舟師以伐濮

濮南夷也

費無極言於楚

子曰晉之伯也邇於諸夏而楚辟陋故弗

能與爭若大城城父而寘太子焉

城父今襄城城父縣

以通北方王收南方是得天下也王說從

之故太子建居于城父

疏

楚子至伐濮正義曰費無極因此生意

令王收南方使太子居城父舉此爲發端令尹子瑕聘于秦拜夫人

也

爲明年譜太子張本改以爲夫人遣謝秦

秋齊高發帥師伐莒

莒不

事齊故

莒子奔紀鄆

紀鄆莒邑也東海嶺榆縣東北有紀城

使孫書

伐之

孫書陳無字之子子占也

初莒有婦人莒子殺其夫

已爲嫠婦

寡婦爲嫠

及老託於紀鄆紡焉以度

而去之

因紡繡連所紡以度城而藏之以待外攻者欲以報讎

及師至則投諸

外

投繩城外隨之而出

或獻諸子占子占使師夜縋而

登

緣繩登城

登者六十人縋絕師鼓譟城上之

人亦譟莒共公懼啓西門而出七月丙子

齊師入紀

傳言怨不在大

疏

及老至去之正義曰紡謂紡麻作縋也此婦人以麻縋

度城高下令長與城等而去藏之去即藏也字書去作
謂掌物也今關西仍呼爲弄東人輕言爲去劉炫
云紡謂紡麻作縲爲布作縲之法有小縲紀其外縲縲既
爲布縲無所用婦人不肯棄之積而留之以此小縲度城
而去之 注因紡至報讎 正義曰連所紡者謂連所紡
之縲以爲縲故下云投縲城外或解以爲連紀縲之縲然
紀縲之縲其物細小而短何可以度城婦人意欲報讎故
藏縲以爲縲故杜云連所紡所紡即縲也 注投縲至而
出 正義曰傳言投諸外者當是繫縲城上而投其所垂
於外婦人則隨之而出劉炫云唯投縲城外婦人不出今
知不然者婦人既託於紀鄭則是愛惜身命若投縲不去
身則交死若棄縲縲城上則身不離城何得言獻諸子占
明知將此縲人而繫之于占師則因縲在城而夜縲登焉
劉以爲唯投縲城外而規利氏非也 入紀 正義曰此
紀即上紀鄭以釋例土地名於舊地有 是歲也鄭駁
紀鄭紀二名東海贛餘縣東北有紀城

偃卒子游娶於晉大夫生絲弱

子游弱也弱幼少

其

父兄立子瑕

子瑕子游之父也

子產憎其爲人也

子瑕

且以爲不順

言子立故不順禮也

弗許亦弗止

許之爲違禮止之爲

連東故中立

駟氏聳

聳懼也

他日絲以告其舅冬

晉人使以幣如鄭問駟乞之立故駟氏懼

駟乞欲逃子產弗遣請龜以卜亦弗予

大夫謀對子產不待而對客曰鄭國不天

不獲天權

寡君之二三臣札瘥天昏

大死曰札小疫曰瘥矩折曰天

未名曰昏

今又喪我先大夫偃其子幼弱其二

父兄懼隊宗主私族於謀而立長親

於私族之謀宜

立親之長者

寡君與其二三老曰抑天實剥亂是

吾何知焉

言天自欲亂駟氏非國所知

諺曰無過亂門民

有兵亂猶憚過之而況敢知天之所亂今

大夫將問其故抑寡君實不敢知其誰實

知之平丘之會

在十三年

君尋舊盟曰無或失

職若寡君之二三臣其即世者晉大夫而

專制其位是晉之縣鄙也何國之爲辭客

幣而報其使晉人舍之

遣人報晉使

疏

注子瑕子游叔父正義

曰案世本子游子瑕並公孫夏之子杜云叔父未詳注

贊懼也正義曰釋詁云竦懼也竦與聳音義同注大

死至曰昏正義曰此皆賈達言也周禮大司樂云大杜

令弛縣鄭玄云札疫癘也是札大疫死也爾雅云瘧病也

以此說死事而與札相對故解爲小疫也成二年傳說鄭

盟公早死云天子蠻是天爲少死也尚書六極二曰凶短

折孔安國云短未六十折未三十是短折爲早死之名故

爲夭也子生三月父名之未名之曰昏謂未三月而死也

未名不得爲臣摠說諸死連言之耳懼隊宗主正義

曰大夫繼世爲一宗之主恐隊失之也服虔云拓主藏於

宗廟故曰宗主少牢饋食大夫禮也大夫無主何所陳乎

二三老正義曰二三老者鄭之卿大夫也服虔云二三

老駟偃家臣上言私族於謀而立長親豈得家臣不知也

楚人城州來沈尹戌

曰楚人必敗

十三年吳縣州來今就城而取之戌莊王曾孫葉公諸梁父也

昔吳

滅州來

在十三年

子旗請伐之王曰吾未撫吾民

今亦如之而城州來以挑吳能無敗乎侍

者曰王施舍不倦息民五年可謂撫之矣

戌曰吾聞撫民者節用於內而樹德於外

民樂其性而無寇讎今宮室無量民人日

駭勞罷死轉

轉遷徙也

忘寢與食非撫之也

傳言平王

所以不能霸

疏

息民五年正義曰平王以十三年五月始即位其年兵亂未息今歲又役民城州來其

間唯有五年

民樂其性

正義曰性生也

鄭大水龍

兵革並起則民不樂生國家和平乃樂生

鄭大水龍

闕于時門之外有淵

時門鄭城門也洧水出滎陽密縣東南至潁川長平入潁

國人請為滎焉子產弗許曰我闕龍不我

覲也

覲見也

龍闕我獨何覲焉襁之則彼其

室也

淵龍之室

吾無求於龍龍亦無求於我乃

止也

傳言子產之知

疏

滎焉

正義曰滎祭名元年傳曰山川之神則水旱癘疫之不時於焉乎

滎之也

襁之至止也

正義曰言襁之則彼淵見其室

也其室既近襁之不難但吾無求於龍龍亦無求於我乃

止也言其不復祭

令尹子瑕言蹶由於楚子

蹶由吳王第五年

王執以歸

曰彼何罪諺所謂室於怒市於色者

楚之謂矣

言靈王怒吳子而執其弟猶人忿於室家而作色於市人

舍前之

忿可也乃歸蹶由

言楚子能用善言

疏

室於怒市於色正義曰室內於

自家相瞋怒市於他人作色忿

經二十年春王正月夏曹公孫會自鄆出

奔宋

無傳嘗有玉帛之使來告故書鄭曹邑

疏

注嘗有至曹邑正義曰宣十年傳例曰凡諸

侯之大夫違告於諸侯曰某氏之守臣某失守宗廟敢告所有玉帛之使者則告不然則否注云玉帛之使謂聘恩

好不接故不告如杜之意此爲奔者之身嘗有玉帛之使
於彼國已經相接則告若奔者未嘗往聘恩好不接則不
告唯告奔者皆聘之國除不告也曹會曾來聘魯故云嘗
有玉帛之使來告故書也此與二十二年宋華亥向寧華
定自宋南里出奔楚其文正同彼華亥等入南里以叛又
從南里出奔則此亦應然賈逵云前此以鄭叛也叛便從
鄭而出叛不告故不書是言既以鄭叛又從鄭而出也南
里繫宋此鄭不繫曹者鄭是大都得以名通南里是宋都
之里非別邑故繫於宋此鄭又定十一年蕭皆是別邑故
不繫國也曹是小國其臣書名者少此會書名蓋備於禮
成爲卿也釋例曰小國之卿或命而禮儀不備或未加命
數故不書之邾邾我之等其奔亡亦多所書唯數人而已
知其合制者少也杜言數人謂此公孫會與邾快邾卑我
也是杜意以會備禮成卿故書名也劉炫云春秋未嘗書
曹人來聘非徒會不見經炫謂玉帛之使謂國家所有交
好皆告之非奔者之身嘗聘也今贊又云所以華亥向寧

射姑等不見有玉帛來聘者以其時未為卿也

秋盜殺

莒之兄執

齊豹

齊豹

不義故書曰盜所

謂求名而不得

疏

注齊豹至不得正義曰襄十年鄭尉止司臣等殺子陽子國書曰

盜殺鄭公子駢公子發尉止之徒皆士書之為盜釋例曰士殺大夫則書曰盜則此書盜賊之使同於士也三十一

年傳說春秋褒貶之義云或求名而不得或欲蓋而名章懲不義也齊豹為衛司寇守嗣大夫作而不義其書為盜

又曰春秋書齊豹曰盜懲不義也宣十七年傳例曰兄稱弟皆母弟公羊傳曰母兄稱兄此繫與衛侯同母故稱兄

冬十月宋華亥向寧華定出奔陳

與君爭而出皆書名

十有一月辛卯蔡侯廬卒

無傳未同盟而赴以名

傳二十年春王二月己丑日南至

是歲朔旦冬至之歲

也當言正月己丑朔日南至時史失閏閏更在二月後故經因史而書正月傳更異於二月記南至日以正歷也

梓慎望氛

氛氣也時魯侯不行登臺之禮使梓慎望氣

曰今茲宋有

亂國幾亡三年而後弭蔡有大喪

為宋華向出奔蔡侯

卒叔孫昭子曰然則戴桓也

戴族華氏桓族向氏

汰侈

無禮已甚亂所在也

傳言妖由人興

疏

注是歲至歷也正義曰歷法十

九年為一章章首之歲必周之正月朔旦冬至僖五年正月辛亥朔日南至是章首之歲年也計僖五年至往年合一百三十三年是為七章今年復為章首故云是歲朔旦冬至之歲也朔旦冬至謂正月之朔當言正月己丑朔日南至今傳乃云二月己丑日南至是錯名正月為二月也歷之正法往年十二月後宜置閏月即此年正月當是往

年閏月此年二月乃是正月故朔日己丑日南至也詩之失閏往年錯不置閏閏更在二月之後傳於八月之下乃云閏月戊辰殺宣姜是閏在二月後也不言在八月後而云在二月後者以正月之前當置閏二月之後即不同故據二月言之時史謂閏月爲正月故經因史而書正月從其誤而書之傳以經之正月實非正月更具於二月記南至之日以正歷之失也日南至者謂冬至也冬至者周之正月之中氣歷法閏月無中氣中氣必在前月之內時史誤以閏月爲正月而置冬至於二月之朔既不曉歷數故閏月之與冬至悉皆錯也杜下注云時魯侯不行登臺之禮使梓慎望氣是杜意以爲當時魯之君臣知此己丑是冬至之日但不知其不合在二月耳服虔云梓慎知失閏二月冬至故獨以二月望氣則服意以爲當時魯人置冬至於正月之內獨梓慎知二月己丑是真冬至耳其義或當然也

費無極言於楚子曰建與伍奢將以

方城之外叛自以爲猶宋鄭也齊晉又交

輔之將以害楚其事集矣王信之問伍奢

伍奢對曰君一過多矣一過納建妻何信於讒王

執伍奢念奢切言使城父司馬奮揚殺太子未

至而使遣之知太子冤故遣今去三月太子建奔宋王

召奮揚奮揚使城父人執已以至王曰言

出於余口入於爾耳誰告建也對曰臣告

之君王命臣曰事建如事余臣不佞佞才也不

能苟貳奉初以還

奉初命以周旋

不忍後命故遣之

既而悔之亦無及已王曰而敢來何也對

曰使而失命召而不來是再奸也

奸犯也

逃無

所入王曰歸從政如他日

善其言舍使還

無極曰奢

之子材若在吳必憂楚國盍以免其父召

之彼仁必來不然將爲患王使召之曰來

吾免而父棠君尚謂其弟負

棠君奢之長子尚也爲棠邑大

夫負尚弟子膏

曰爾適吳我將歸死吾知不逮

自以知不及負

我能死爾能報聞免父之命不可以莫之

奔也親戚爲戮不可以莫之報也奔死免

父孝也度功而行仁也仁者貴成功擇任而往知

也負任報讎知死不辟勇也尚爲勇父不可棄俱去爲棄父

名不可廢俱死爲廢名爾其勉之相從爲愈愈差也

伍尚歸奢聞負不來曰楚君大夫其盱食

乎將有吳憂不得早食楚人皆殺之負如吳言伐楚之

利於州于州于吳子僚公子光曰是宗爲戮而欲

反其讎不可從也

光吳公子闔廬也反復也

負曰彼將有

他志

光欲弑僚不利負用事故破其議而負亦知之

余姑爲之求士而鄙

以待之

計未得用故進勇士以求入於光退居邊鄙

乃見鱣設諸焉

諸鱣

士而耕於鄙

爲二十七年吳弑僚傳

疏

城父人

正義曰服虔云城父人城父大夫也

爾其至爲愈

正義曰勉謂努力爾其勉之今勉力報讎比於相從俱死爲愈也病差謂之愈言其勝共死也服虔

云相從愈於共死則服意相從使負從其言也語法兩人交互乃得稱相獨使負從己語不得爲相從也乃見鱣

設諸焉

正義曰見謂爲之紹介使之見光下文

宋元

齊豹見宗魯於公孟亦然獨論語云門人見之也

公無信多私而惡華向華定華亥與向寧

謀曰亡愈於死先諸

恐元公殺己欲先作亂

華亥僞有

疾以誘羣公子公子問之則執之夏六月

丙申殺公子寅公子御戎公子朱公子固

公孫援公孫丁拘向勝向行於其廩

八子皆公黨

公如華氏請焉弗許遂劫之

劫公

癸卯取大

子欒與母弟辰公子地以爲質

欒景公也辰及地皆元公弟

公亦取華亥之子無感向寧之子羅華定

之子啓與華氏盟以爲質

爲此冬華向出奔傳

公如華氏

請焉正義曰公未知諸人已死故猶往請之
注樂景至公弟正義曰定十年經書宋公之弟辰時當景公之

世辰及地不得爲元公弟也世族譜辰地皆云
元公子此諸本皆云元公弟當時轉寫誤耳
衛公孟

繫狎齊豹

公孟靈公兄也齊豹齊惡之子爲衛司寇狎輕也

奪之司寇

與鄆

鄆豹邑

有役則反之無則取之

繫足不良故有役則

以官邑還

公孟惡北宮喜楮師圃欲去之

喜貞

公子朝通于襄夫人宣姜

宣姜靈公嫡母

懼而欲

以作亂故齊豹北宮喜楮師圃公子朝作

亂初齊豹見宗魯於公孟

薦達也

爲驂乘焉

為公孟
驂乘

將作亂而謂之曰公孟之不善子所

知也勿與乘吾將殺之對曰吾由子事公

孟子假吾名焉故不吾遠也

言子借我以善名故公孟親近我

雖其不善吾亦知之抑以利故不能去是

吾過也今聞難而逃是僭子也

使子言不信也

子行

事乎吾將死之以周事子

周猶終竟也

而歸死於

公孟其可也丙辰衛侯在平壽

平壽衛下邑

公孟

有事於蓋獲之門外

有事祭也蓋獲衛郭門

齊子氏帷

於門外而伏甲焉

齊約之家

使祝鼃寘戈於車

薪以當門

要其前也

使一乘從公孟以出

亦如前車寘戈

於薪尋其後

使華齊御公孟宗魯驂乘及閔中

閔曲

門中齊氏用戈擊公孟宗魯以背蔽之斷肱

以中公孟之肩皆殺之公聞亂乘驅自閔

門入慶比御公公南楚驂乘使華寅乘貳

車

公副車

及公宮鴻駟駟乘于公

鴻駟駟復就公乘一車四人

公載寶以出褚師子申遇公于馬路之衢

遂從

從公出

過齊氏使華寅肉袒執蓋以當

其闕

肉袒示不敢與齊氏爭執蓋蔽公而去闕空也以蓋當侍從空闕之處

齊氏射公

中南楚之背公遂出寅閉郭門

不欲令追者出

踰而

從公

踰郭出

公如死鳥

死鳥衛地

析朱鉏宵從實出

徒行從公

朱鉏成子黑背孫

齊侯使公孫青聘于衛

青頃公之孫

既出聞衛亂使請所聘公曰猶在竟

內則衛君也乃將事焉

將事行聘事

遂從諸死

烏請將事辭曰亡人不佞失守社稷越在

草莽吾子無所辱君命賓曰寡君命下臣

於朝曰阿下執事

阿比也命已使比衛臣下

臣不敢貳

貳違命也

主

人曰君若惠顧先君之好照臨敝邑鎮撫

其社稷則有宗祧在

言受聘當在宗廟也

乃止

止不行聘事

衛

侯固請見之

欲與青相見

不獲命以其良馬見

以爲

相見之禮

爲未致使故也

未致使故不敢以客禮見

衛侯以爲乘

馬

喜其敬已故貴其物

賓將振

振行夜

主人辭曰亡人之憂

不可以及吾子草莽之中不足以辱從者

敢辭賓曰寡君之下臣君之牧圉也若不

獲扞外役是不有寡君也有相親有臣懼不免

於戾請以除死親執鐸終夕與於燎設火燎以備守

齊氏之宰渠子召北宮子北宮喜也北宮氏之宰

不與聞謀殺渠子遂伐齊氏滅之丁巳晦

公入與北宮喜盟于彭水之上喜本與齊氏同盟故公先與喜

盟秋七月戊午朔遂盟國人八月辛亥公

子朝褚師圃子玉霄子高魴出奔晉晉齊盟

月戊辰殺宣姜

與公子朝通謀故

衛侯賜北宮喜諡

曰貞子

滅齊氏故

賜析朱鉏諡曰成子

齊從公故

而以齊

氏之墓予之

皆死而賜諡及墓田傳終言之

衛侯告寧于齊

且言子石

子石公孫青言其有禮

齊侯將飲酒徧賜大

夫曰二三子之教也

喜青敬衛侯

苑何忌辭曰與

於青之賞必及於其罰

何忌齊大夫言青若有罪亦當并受其罰

在

康誥曰父子兄弟罪不相及

尚書

況在群臣

臣敢貪君賜以干先王

言受賜則犯康誥之義

琴張聞

宗魯死

琴張孔子弟子字子開名牢

將往弔之仲尼曰齊

豹之盜而孟縶之賊女何弔焉

言齊豹所以為盜孟縶所

以見賊皆由宗魯

君子不食姦

知公孟不善而受其祿是食姦也

不受亂

許豹行事是受亂也

不為利疚於回

疚病回邪也以利故不能去是病身於邪

不以

回待人

知難不告是以邪待人

不蓋不義

以周事豹是蓋不義

不犯

非禮

以二心事繫是非禮

疏

注周猶終竟也不泄子言是終事子即謂殺公孟

正義曰杜意終

之言

使華齊御公孟

正義曰諸本皆華上有使字計

華齊是公孟之臣自為公孟之御非齊氏所當使必不得

有使字學者以上文有使祝龜使一乘下有使華寅乘貳車使華寅執蓋以此妄加使字今定本有使非也 乘驅

自閤門 正義曰乘驅者乘車而疾驅也閤門者衛城門
蓋偏側之門其路遠齊氏 注未致至禮見 正義曰客
禮見者若已致君命則享有庭實復有私覲私面之禮今
爲未致使故但以良馬見也 注擗行夜 正義曰下云
終夕與於燎故知擗是行夜也說文云擗夜戒有所擊也
從手取聲 丁巳晦 正義曰丙辰丁巳乃是頻日其事
既多不應二日之中并爲此事今杜不云日誤者以誤在
可知故杜不言且宣二年壬申朝于武宮注云壬申十月
五日既有日而無月冬又在壬申下明傳文無較例又注
哀十二年傳云此事經在十二月螽上今例在下更具列
其月以爲別者丘明本不以爲義例故不皆齊同如杜此
言或傳因簡牘之辭不復具顯其日月劉炫以爲日誤而
規杜氏非也 貞子 正義曰謚法外用情曰貞 注
子石公孫青 正義曰衆世本傾公生子夏勝勝生子石
青是也 在康至相及 正義曰此非康誥之全文引其
意而言之其本文云子弗祗服厥父事大傷厥考心于父

不能字厥子乃疾厥子于弟弗念天顯乃弗克恭厥兄兄亦不念鞠子哀大不友于弟惟弔茲不于我政人得罪孔安國云至此不孝不慈弗友不恭不於我執政之人得罪乎道教不至所致又曰文王作罰刑茲無赦言刑此不孝不慈之人無赦也刑不慈者不可刑其父又刑其子刑不孝者不可刑其子又刑其父是為父子兄弟罪不相及

注琴張至名牢

正義曰家語云孔子弟子琴張與宗魯

友七十子篇云琴牢衛人字子開一字張則以字配姓為

琴張即牢曰子云是也賈逵鄭眾皆以為子張即顓孫師

服虔云案七十子傳云子張少孔子四十餘歲孔子是時

四十一未有子張鄭

賈之說不知所出

宋華向之亂公子城

平公

孫忌樂舍

舍樂喜孫

司馬彊向宜向鄭

宜鄭皆向戍子

楚

建

楚平王之

卿甲

小邾穆

出奔鄭

公黨難出

其

徒與華氏戰于鬼閭

八子之徒衆也潁川長平縣西北有閭亭

敗子

城子城適晉

子城爲華氏所敗別走至晉爲明年子城以晉師至起本

華亥與

其妻必盥而食所質公子者而後食公與

夫人每日必適華氏食公子而後歸華亥

患之欲歸公子向寧曰唯不信故質其子

若又歸之死無日矣公請於華費遂將攻

華氏

費遂大司馬華氏族

對曰臣不敢愛死無乃求去

憂而滋長乎

恐殺大子憂益長

臣是以懼敢不聽命

公曰子死亡有命余不忍其詢

詢取也

冬十月

公殺華向之質而攻之戊辰華向奔陳華

登奔吳

登費遂之子黨華向者

向寧欲殺大子華亥曰

干君而出又殺其子其誰納我且歸之有

庸

可以爲功善

使少司寇棼以歸

以三公子歸公也棼華亥庶兄

曰子

之齒長矣不能事人以三公子爲質必免

質信也送公子歸可以自明不叛之信

公子旣入華棼將自門行

從公公遽見之執其手曰余知而無罪也入

復而所

而女也所
所居官

疏

子城適晉
正義曰上云八子
奔鄭而此又云適晉者子城奔

意與七子同心奔鄭故上云奔鄭及其敗後遂率意適晉
以請所
子死至其訇
正義曰言我子死亡自有天命

天命欲盡非人所免我不忍其恥欲喪子以伐之不能事人
正義曰言年齒既長不能他國事人為臣齊

侯疥遂疔

疔瘡
疾

期而不瘳諸侯之賓問疾

者多在

多在齊

梁丘據與裔款

二子齊
嬖大夫

言於公

曰吾事鬼神豐於先君有加矣今君疾病

為諸侯憂是祝史之罪也諸侯不知其謂

我不敬君盍誅於祝固史嚚以辭賓

欲殺
嚚固

以辭謝來問疾之賓

公說告晏子晏子曰日宋之盟

口徑也

宋盟在襄二十七年

屈建問范會之德於趙武趙武曰

夫子之家事治言於晉國竭情無私其祝

史祭祀陳信不愧其家事無猜其祝史不

祈

家無猜疑之事故祝史無求於鬼神

建以語康王

楚王

康王曰神

人無怨宜夫子之光輔五君以爲諸侯主

也

五君丈襄靈成景

公曰據與款謂寡人能事鬼神

故欲誅於祝史子稱是語何故對曰若有

德之君外內不廢

無廢事

上下無怨動無違事

其祝史薦信無愧心矣

君有功德祝史陳說之無所愧

是以鬼

神用饗國受其福祝史與焉

與受國福

其所以蕃

祉老壽者爲信君使也其言忠信於鬼神

其適遇淫君外內頗邪上下怨疾動作辟

違從欲厭私

使私情厭足

高臺深池撞鐘舞女

斬刈民力輸掠其聚

掠奪取也

以成其違不恤

後人暴虐淫從肆行非度無所還忌

還猶顧也

思謗譴不憚鬼神神怒民痛無悛於心其

祝史薦信是言罪也以實白神是為言君之罪其蓋失數

美是矯誣也蓋掩也進退無辭則虛以求媚

作虛辭以求媚於神是以鬼神不饗其國以禍之祝史

與焉所以天昏孤疾者為暴君使也其言

僭慢於鬼神公曰然則若之何對曰不可

為也言非誅祝史所能治山林之木衡鹿守之澤之萑

蒲舟鮫守之藪之薪蒸虞候守之海之

鹽蜚祈望守之

衡鹿舟蛟虞候祈望皆官名也系言公專守山澤之利不與民共梟

鄙之人入從其政偏介之關暴征其私介隔

也迫近國都之關言邊鄙既入服政役又為近關所征稅枉暴奪其私物承嗣大夫強易

其賄

承嗣大夫世位者

布常無藝

藝法制也言布政無法制

徵斂無

度宮室日更淫樂不違

違去也

內寵之妾肆

奪於市

肆放也

外寵之臣僭令於鄙

詐為教令於邊鄙

私欲養求不給則應

養長也所求不給則應之以罪

民人苦

病夫婦皆詛祝有益也詛亦有損聊攝以

東

聊攝齊西界也平原
聊城縣東北有攝城

姑尤以西

姑尤齊東界也姑
水尤水皆在城陽

郡東南
入海

其爲人也多矣雖其善祝豈能勝億

兆人之詛

萬萬曰億
萬億曰兆

君若欲誅於祝史脩德

而後可公說使有司寬政毀關去禁薄斂

已責

除逋
責

邱

齊侯疥遂瘡

正義曰後魏之世嘗使
半繪聘梁梁人韋狎與繪言及春秋說

此事云疥當爲瘡瘡是小瘡瘡是大瘡疥患積久以小致
大非疥也狎之所言梁主之說也案說文疥搔也瘡熱寒
休作瘡有熱瘡瘡二日一發瘡今人瘡有二日一發亦有
頻日發者俗人仍呼二日一發久不差者爲瘡瘡則梁主
之言信而有徵也是齊侯之瘡初二日一發後遂類日熱發
故曰疥遂瘡以此久不差故諸侯之賓問疾者多在齊也

若其不然疥搔小患與瘡不類何云疥遂疔乎徐仙民自作疥是先儒舊說皆爲疥遂疔初疥後瘡耳今定本亦作疥期而正義曰期三百有六旬又六日法天數三百六十五度四分度之一帝言問從全數故言三百六十又六日合三百六十五日又四分度之一分欠三分不成六日大月却還天基十度小月不盡置閏注欲殺豎固正義曰服虔云祝固齊大祝史豎大史也謂祝史之固陋豎固不能盡禮薦美至於鬼神怒也其意以爲請誅祝史之豎固固陋者豎固非人名也案莊三十二年神降于莘號公使祝應宗區史豎享焉彼是人名則此亦名也世族譜齊雜人內有祝固史豎此云欲殺豎固是杜必以爲人名也晏子曰至不祈正義曰彼傳趙武對曰夫子之家事治言於晉國無隱情其祝史陳信於鬼神無愧辭此晏子言之其辭微多於彼其意亦不異也光輔五君正義曰文公爲戎右襄靈爲大夫成公爲卿景公爲大傅上下無怨正義曰此猶如孝經上下無怨也言人臣及

民上下無相怨耳服虔云上下謂人神無怨即如服言下
云上下怨疾復是人與神相怨疾也 輪掠其聚 正義
曰輪墮也故爲墮毀奪其所聚之物 肆行非度 正義
曰肆縱恣也恣意行非法度之事也 不思謗讟 正義
曰俗本作畏定本作思 其蓋正誣也 正義曰掩蓋短
矢妄數美善是矯詐誣罔也 注衡鹿至民共 正義曰
周禮司徒之屬有林衡之官掌巡林麓之禁鄭玄云衡平
也平林麓之大小及所生者竹木生平地曰林山足曰麓
此置衡鹿之官守山林之木是其宜也舟是行水之器鯨
是大魚之名澤中有水有魚故以舟鯨爲官名也周禮山
澤之官皆名爲虞每大澤大藪中士四人鄭玄云虞度也
度知山之大小及所生者澤水所鍾也水希曰藪則藪是
少水之澤立官使之候望故以虞候爲名也海是水之大
神有時祈望祭之因以祈望爲主海之官也此皆齊自立
名故與周禮不同山澤之利當與民共之言公立此官使
之守掌專山澤之利不與民共故鬼神怒而加病也 注

介備至私物

正義曰聘禮及竟謁關人鄭玄云言

上爲關又周禮

司關注云關界上之門然則禮之正法

之竟界之上乃有關耳自竟至國更無關也齊於竟內

復置關不與常禮同以隔外內故注介爲隔也迫近國都

爲關以隔邊鄙之人縣鄙之人入從國之政役近關又征

稅奪其私物而使民困也

布常無藝

正義曰布其尋

常之政無準藝

私欲至則應

正義曰言此嬖寵之臣

私有所欲長養其情求物共之民不共給則應之以罪

聊攝至以西

正義曰聊攝姑尤皆是邑也管仲夸楚言

其竟界所至甚遠舉河海也晏子言其人多故唯舉屬邑

言之

十二月齊侯田于沛

言疾愈行

招虞人以

弓不進

虞人掌山澤之官

公使執之辭曰昔我先君

之田也旂以招大夫弓以招士皮冠以招

虞人臣不見皮冠故不敢進乃舍之仲尼

曰守道不如守官

君招當往道之常也非物不進官之制也

君子韙

之

韙是也

齊侯至自田晏子侍于遼臺子猶

馳而造焉

子猶梁丘據

公曰唯據與我和夫晏

子對曰據亦同也焉得焉和公曰和與同

異乎對曰異和如羹焉水火醯醢鹽梅以

烹魚肉燂之以薪

燂炊也

宰夫和之齊之以

味濟其不及以洩其過

濟益也洩減也

君子食之

以平其心君臣亦然亦如羹君所謂可而有否

焉否不可也臣獻其否以成其可獻君之否以成君可君所謂

否而有可焉臣獻其可以去其否是以政

平而不干民無爭心故詩曰亦有和羹既

戒既平詩頌殷中宗言中宗能與賢者和齊可否其政如羹故戒且平和實備五味異於大羹爾

嘏無言時靡有爭爾總也嘏大也言總大政能使上下皆如和羹先王

之濟五味濟成也和五聲也以平其心成其政

也聲亦如味一氣須氣以動二體舞者有三類風雅

四物

籀用四方之物以成器

五聲

官商角徵羽

六律

黃鐘大簇姑洗蕤賓夷則無射

也陽聲爲律陰聲爲呂此十二月氣

七音

周武王伐紂自午及子凡七日王因此以數合之以聲昭之故

以七同其數以律和其聲謂之七音

八風

八方之風

九歌

九功之德皆可歌也六府三事謂之九功

以相成也

言此九者合然後相成爲和樂

清濁小大短長疾徐

哀樂剛柔遲速高下出入周疏以相濟也

周密

君子聽之以平其心心平德和故詩曰

德音不瑕

詩幽風也義取心平則德音無瑕闕

今據不然君所謂

可據亦曰可君所謂否據亦曰否若以水

濟水誰能食之若琴瑟之專壹誰能聽之

同之不可也如是飲酒樂公曰古而無死其

樂若何晏子對曰古而無死則古之樂也

君何得焉昔爽鳩氏始居此地爽鳩氏少暉氏之司寇也

季荊因之季荊虞夏諸侯代爽鳩氏者有逢伯陵因之逢伯陵殷諸侯安姓

蒲姑氏因之蒲姑氏殷周之間代逢公者而後大公因之古

若無死爽鳩氏之樂非君所願也齊侯甘於所樂志於

不死晏子稱古旃以至虞人正義曰周遺孤卿建旃以節其情願**疏**大夫尊故摩旃以招之也逸詩翹翹

車乘招我以弓古者聘士以弓故弓以招士也諸侯服皮冠以田虞人掌田獵故皮冠以招虞人也醢醢鹽梅正義曰醢酢也醢肉醬也梅果實似杏而醋禮記內則炮豚之法云調之以醢醢尚書說命云若作和羹爾惟鹽梅是古人調鼎用梅醢也此說和羹而不言政古人未有政也禮記內則楚辭招魂備論飲食而言不及政半游急就篇乃有燕羹醢醢蓋秦漢以來始爲之耳齊之至其過正義曰齊之者使酸鹹適中濟益其味不足者泚減其味大過者詩曰至有爭正義曰詩言殷王中宗非徒身自賢明亦有和羹之臣臣與其君可否相濟如宰夫之和齊羹也此臣既敬戒其事矣既志性和平矣中宗總齊大政自上及下無怨恨之言時民無有相爭鬭訟者也言其上下悉如和羹注詩頌至大羹正義曰詩商頌列祖之篇祀中宗之詩也中宗殷王大戊湯之玄孫也有子穀之異懼而脩德殷道復興故表顯之號爲中宗義人祭其廟述其德而歌此詩也言亦有者臣能諫君君能恤亦

者兩相須之意也言中宗能與臣之賢者和齊可否其爲政教如宰夫和齊羹之味也敬戒既平言此賢臣之性行也樂記云大羹不和鄭玄云大羹肉湑不調以鹽菜相二年傳云大羹不致注云大羹肉汁不致五味和羹備五味異於大羹也 注醴總至和羹 正義曰醴總謂大詩毛傳文也言中宗爲天子總大政能使上下皆如和羹焉傳引此詩證民無爭心則以時靡有爭謂時無有爭也一氣 正義曰服虔云歌氣也杜言須氣以動則一氣不主爲歌吹人以氣生動皆由氣彈絲擊石莫不用氣氣是作樂之主故先言之人作諸樂皆須氣以動則與服不異

二體 正義曰樂之動身體者唯有舞耳文舞執羽籥武舞執干戚舞者有文武之二體 三類 正義曰樂以歌詩爲主詩有風雅頌其類各別知三類是風雅頌也二國之事諸侯之詩爲風天下之事天子之詩爲雅成功告神爲頌是三者類別各不同 四物 正義曰樂之所用八音之器金石絲竹匏土革木其物非一處能備故雜用

四方之物以成器 五聲 正義曰漢書律歷志云五聲者宮商角徵羽也所以作樂者諧八音蕩滌人之邪志令其正性移風易俗也五聲和八音諧而樂成商之爲言章也物成熟可章度也角觸也物觸地而出戴芒角也宮中也居中央暢四方唱始生爲四聲綱也徵祉也物盛大而蕃祉也羽宇也物聚宇而覆之也夫聲者中於宮觸於角祉於徵章於商宇於羽故四聲爲宮紀也是五聲之名義也聲之清濁凡有五品自然之理也聖人配於五方宮居其中商角徵羽分配四方四時之物春生夏長秋成冬聚取其事而爲之名也志又云五聲之本生黃鐘之律九寸爲宮或益或損以定商角徵羽九六相生陰陽之應也樂記云宮爲君商爲臣角爲民徵爲事羽爲物月令春其音角夏其音徵中央土其音宮秋其音商冬其音羽鄭玄云聲始於官官數八十一屬土以其最濁君之象也三分官去一以生徵徵數五十四屬火以其徵清事之象也三分徵益一以生商商數七十二屬金以其濁次官臣之象也

三分商去一以生羽羽數四十八屬水以爲最清物之象也三分羽益一以生角角數六十四屬木以其清濁中民之象也志言或損或益者下生三分損一上生三分益一六相生者以九生六是三損一也以六生九是三益一也損益之數清濁之差無可以相準況以黃鐘九寸自乘爲九九八十一定之爲宮數因宮而損益以定商角徵羽之差言其相校如此數也唯相準况耳非言實有此數可用之也 六律 正義曰周禮大師掌六律六呂以合陰陽之聲陽聲黃鐘大族沽洗蕤賓夷則無射陰聲大呂應鐘南呂林鐘小呂夾鐘月令以小呂爲仲呂律歷志云律有十二陽六爲律陰六爲呂黃帝之所作也黃帝使伶倫自大夏之西崑崙之陰取竹之竅厚均者斷兩節間而吹之以爲黃鐘之宮制十二竽以聽鳳皇之鳴其雄鳴爲六雌鳴亦六以比黃鐘之宮是爲律本黃鐘黃者中之色也鐘者種也天之中數五五爲聲聲上宮五聲莫大焉地之中數六六爲律律有形有色色上黃五色莫盛焉故陽氣施

種於黃泉滋萌萬物爲六氣元也以黃色名元氣律者著
宮聲也始於子在十一月大呂呂旅也言陰大旅助黃鐘
宣氣而牙物也位於丑在十二月大族族奏也言陽氣大
奏地而達物也位於寅在正月夾鐘言陰氣夾助大族宣
四方之氣而出種物也位於卯在二月沽洗洗絜也言陽
氣洗物辜絜之也彼注云辜必也位於辰在三月仲呂言
微陰始起未成著於其中旅助沽洗宣氣齊物也位於巳
在四月蕤賓蕤繼也賓道也言陽氣始道陰氣使繼養物
也位於午在五月林鐘林君也言陰氣受任助蕤賓君主
種物使長大茂盛也位於未在六月夷則則法也言陽氣
正法度而使陰氣夷當傷之位也位於申在七月南呂南
任也言陰氣旅助夷則任成萬物也位於酉在八月無射
射厭也言陽氣究物而使陰氣畢剥落之終而復始無厭
已也位於戌在九月應鐘言陰氣應無射該藏萬物而雜
陽闕種也彼注云外閉曰闕位於亥在十月是解六律六
呂之名義也如志之言初爲律者以竹爲之吹其聲也其

後則用銅爲之以候氣後漢書章帝時陳陵文學襄景於
陰令道舜祠下得白玉管是古人或以玉爲管也續漢書
云候氣之法爲土室三重戶閉塗塞必周密布緹縵於室
中以木爲案每律各一內庫外高從其方位加律其上以
葭莩灰實其端案歷而候之其月氣至則灰飛而管通蓋
音聲之道與天地之氣通故取律以候氣月令正月律中
大簇鄭玄云律者候氣之管以竹爲之中猶應也正月氣
至則大簇之律應應謂吹灰也是其舊說然也其律呂相
生鄭注周禮大師職云黃鐘之初九下生林鐘之初六林
鐘又上生大簇之九二大簇又下生南呂之六二南呂又
上生姑洗之九三姑洗又下生應鐘之六三應鐘又上生
蕤賓之九四蕤賓又上生大呂之六四大呂又下生夷則
之九五夷則又上生夾鐘之六五夾鐘又下生無射之上
九無射又上生中呂之上六同位者象夫妻異位者象子
母所謂律取妻而呂生子也子午以東爲上生子午以西
爲下生五下六上乃一終矣鄭玄云同位象夫妻者黃鐘

初九林鐘初六及大族九二南巨六二之類同在初二之位故象夫妻異位象子母者謂林鐘初六生大族九二初之與二其數不同故爲異位象子母律生於呂是爲同位故云律取妻呂生於律則爲異位故云呂生子言五下者謂林鐘夷則南呂無射應鐘皆是二午以東之管下而生之故云下生六上者謂大呂大族夾鐘沽洗仲呂蕤賓皆是子午以西之管上而生之故云上生黃鐘爲律之首不是餘管所生不入其數上生者三分益一下生者三分減一皆左旋隔八而相生 七音 正義曰聲之清濁數不過五而得有七音者終五以外更變爲之也賈逵注周語云周有七音謂七律謂七器音也黃鐘爲宮大族爲商沽洗爲角林鐘爲徵南呂爲羽應鐘爲變宮蕤賓爲變徵是五聲以外更加變宮變徵爲七音也周語云景王將鑄無射問律於伶州鳩對曰律所以立均出度也古之神瞽考中聲而量之以制度律均鐘百官執儀故先王貴之王曰七律者何對曰昔武王伐殷歲在鶉火月在天駟日在析

木之津辰在斗柄星在天竈星與辰之位皆在北維
氏出自天竈則我皇妣大姜之姪逢公之所焉神也
所在則我周之分野也月之所在辰馬農祥我大祖后稷
之所經緯也王欲合是五位三所而用之自鶉及駟七列
也南北之揆七月也凡神人以數合之以聲昭之數合聲
和然後可同也故以七同其數而以律和其聲於是乎有
七律也是言周樂有七音之意也五位者歲月星辰星之
位也三所者星與日辰之位是一所也歲之所在是二所
也月之所在是三所也劉歆三統之術算此五位所在武
王以殷之十一月二十八日戊午發師其年歲星在鶉火
之次也其日月合宿於房五度房即天駟之星也日在箕七
度箕於次分在析木之津也日月之會謂之辰斗柄斗前
也戊午後三日得周二月辛酉朔日月合宿於箕十度在
斗前一度是爲辰在斗柄也星在天竈者星於五星爲水
星辰星是也天竈即玄枵次之別名也於是辰星在婺女
之宿其分在天竈之宿次也鶉是張星也駟是房星也天

宿以右旋爲次張翼軫角亢氏房凡七宿是自鶉火至駟
爲七列列宿有七也鶉火在午天竈在子斗柄所建月孩
一次是自午至子爲南北之樞七月也揆度也度量星
之有七月也武王既見天時如此因此以數比合之其數
有七也以聲昭明之聲亦宜有七也故以七同其數五聲
之外加以變宮變徵也此二變者舊樂無之聲或不合而
以律和其聲調和其聲使與五音諧會謂之七音由此也
武王始加二變周樂有七音耳以前未有七杜言武王伐
紂自午及子凡七日者尚書秦誓云武王次于河朔又
牧誓云時甲子昧爽王朝至于商郊牧野乃誓又武成云
戊午師逾孟津癸亥陳于商郊甲子受率其旅若林前徒
倒戈攻于後以北血流漂杵一戎衣天下大定是自戊午
至甲子七日也劉炫云杜旣取國語之文以七同其數以
律和其聲何爲又云自午及子凡七日乎是杜意以武王
爲七日之故而作樂用七音也違國語之文是杜謬誤今
知不然者以尚書國語俱有七義事得兩通故杜兼而取

之劉以爲杜背國語之文而規杜過非也。八風。正義曰：易緯通卦驗云：立春調風，至春分明庶風，至立夏清明風，至夏至景風，至立秋涼風，至秋分閭闔風，至立冬不周風，至冬至廣莫風，至調風一名融風。十八年傳云：是謂融風，是謂融。同也。此八方之風以八節而至，但八方風氣寒暑不同，樂調陰陽和節氣，隱五年傳曰：舞所以節八音而行八風，故樂以八風相成也。八節之風亦與八卦八音相配。賈逵云：兌爲金，爲閭闔風也；乾爲石，爲不周風也；坎爲革，爲廣莫風也；艮爲匏，爲融風也；震爲竹，爲明庶風也；巽爲木，爲清明風也；離爲絲，爲景風也；坤爲土，爲涼風也。是先儒依易緯配八風也。九歌。正義曰：九歌之事，尚書大禹謨與文七年傳具有其文。清濁至周疏。正義曰：周疏以上凡十事皆兩字相對，其義相反，乃言樂聲如此相反，以成音曲，猶羹之水火相反，人之和而不同也。杜訓周爲密，則疏爲希，亦相反也。俗本疏作流，易繫辭云：周流六虛，仲尼燕居云：周流無不徧也。涉彼文而誤耳。杜旣以周爲密，則流當爲疏。

今定本作流非也 詩曰德音不瑕 正義曰詩幽風猗

猗美周公攝政諫則四國流言近則成王不知周大夫美

其不失其聖也云公孫碩膚德音不瑕鄭玄云不瑕言不

可疵瑕也 注季荊至氏者 正義曰此相傳說也以達

伯是殷之諸侯此在達伯之前故以爲虞夏時也爽鳩在

少皞之世至虞夏歷代多矣未必其間更無他姓據晏子

之言云代爽鳩氏耳 占若至願也 正義曰自古若其

無死爽鳩至今猶存則此齊地是爽鳩氏得而樂也君不

得爲齊君不死之事此樂爽鳩氏之有非君所願樂也晏

子以爽鳩氏爲始故言爽鳩之樂計爽鳩以前處齊地者

猶應大 鄭子產有疾謂子大叔曰我死子必

有人矣 爲政唯有德者能以寬服民其次莫如猛

夫火烈民望而畏之故鮮死焉水懦弱民

狎而翫之

狎輕也

則多死焉故寬難治

難以治

疾

月而卒大叔爲政不忍猛而寬鄭國多盜

取人於萑苻之澤

萑苻澤名於澤中劫人

大叔悔之曰

吾早從夫子不及此興徒兵以攻萑苻之

盜盡殺之盜少止仲尼曰善哉政寬則民

慢慢則糾之以猛

糾猶攝也

猛則民殘殘則施之

以寬寬以濟猛猛以濟寬政是以和詩曰

民亦勞止汔可小康惠此中國以綏四方

施之以寬也

詩大雅其也康綏皆安也周厲王暴虐民勞於苛政故詩人刺之欲其施之

以毋從詭隨

詭人隨人無正心不可從

以謹無良

謹勅

式遏

寇虐慘不畏明糾之以猛也

式用也遏止也慘曾也言為寇虐曾

不畏明法者亦當用猛政糾治之

柔遠能邇以定我王平之

以和也

柔安也邇近也遠者懷附近者各以能進則王室定

又曰不競不綏

不剛不柔

詩殷頌言湯政得中和競強也綏息也

布政優優百禄

是適

優優和也道聚也

和之至也及子產卒仲尼聞

之出涕曰古之遺愛也

子產見愛有古人之墳風



盡殺之盜少止

正義曰既言盡殺之復云盜少止者蓋謂盡菑符之內盜也盜少止謂鄭國餘處之盜由此少止詩曰至和也正義曰此詩大雅民勞之篇刺厲王之詩也其下十句詩之文也仲尼分爲三段每以一句釋之汔其也康綏皆安也止辭也於是厲王以苛政勞民故言當今之民亦大疲勞止其可以小息之中國京師也四方諸夏也施惠於此京師中國以綏彼諸夏之民此四句者欲其施之以寬也詭隨謂詭人爲善隨人小惡此雖惡之小者其事不可舍從也毋得從此詭隨之人以謹勅彼無善之人無善之惡大於詭隨詭隨不從則無善息止是謹勅之也寇虐之惡人又大於無善式用也遏上也慘曾也王當嚴爲刑威用止臣民之間有爲寇盜苛虐曾不畏明白之刑者此四句者欲其糾之以猛也柔安也邇近也能謂材能也王者當以寬政安慰遠人使之懷附則各以材能自進者是近人也遠者懷德而歸近者以能自進用此以定我爲王之功此二句者言平之以平也注詩大雅至以寬正義曰

釋詁云汔幾也杜以幾其同聲故以汔爲其也康綏皆安
及下注遏止皆釋詁文也式用修曾釋言文也 又曰至
至也 正義曰詩商頌長發之篇述成湯之德也湯之爲
政不大強不大急不大剛不大柔布行政教優優然和緩
百種福祿於是聚而歸之言其和之至也競強釋言文也
綏急道聚毛傳文也 及子至聞之 正義曰案上子大
叔悔後已云仲尼曰善哉今方言及子產卒聞之者上所
云先美子大叔之善法政用子產生時法也此出涕貢美
子產身之賢故傳云及子
產卒欲顯仲尼美之意也

經二十有一年春王三月葬蔡平公夏晉

侯使士鞅來聘

晉頃公即位通嗣君

宋華亥向寧華

定自陳入于宋南里以叛

自外至故曰入披其邑故曰叛南里宋城

內里

疏

注自外至里名正義曰賈逵云書入華陽兄

弟作亂召而逆之是賈以此入從國逆之例也釋例曰春秋稱入其例有二施於帥將則曰弗地在於後歸則曰國逆國逆又以立爲例逆而不立則非例所及諸在例外稱入直自外入內記事常辭義無所取而賈氏皆以爲例如此甚多是杜意以賈氏逆之爲非故云自外至故曰入以顯異之也五年傳叔孫昭子數賢牛之罪云又拔其邑將以赦罪彼注云拔析也此分析君邑以自屬己故曰叛也傳稱華氏居廬門以南里叛宋城舊庸及桑林之門守之知此南里是宋城之內里名

秋七

月壬午朔日有食之八月乙亥叔輒卒

叔

之子伯張冬蔡侯朱出奔楚

朱爲太子則失位遂微弱爲國人所逐故以自出爲

文公如晉至河乃復

晉人辭公故還

傳二十一年春天王將鑄無射

周景王也無射鐘名律中無射

泠州旭曰王其以心疾死乎

泠樂官州鳩其名也

夫樂

天子之職也

職所主也

夫音樂之興也

樂因音而行

而

鍾音之器也

音由器以發

天子省風以作樂

省風俗作樂以

移器以鍾之

鍾聚也以器聚音

與以行之

樂須音而行

小者

不窳

窳細不滿

大者不樛

樛橫大不入

則和於物物和

則嘉成

嘉樂成也

故和聲入於耳而藏於心心

億則樂

億安也

窳則不咸

不充滿人心

樛則不容

心不堪容

心是以感感實生疾今鐘槲矣王心弗堪

其能久乎

為明年天
王崩傳

疏

注周景至無射 正義曰
周語云景王二十一年鑄

大錢二十三年將鑄無射單穆公曰不可作重幣以絕民
資又鑄大鐘以鮮其繼三年之中而有離民之器二焉國
其危哉王不聽問之伶州鳩州鳩對王又弗聽卒鑄大鐘
二十四年鐘成二十五年王崩孔晁於二十四年注云昭
二十一年如彼文則此年鑄鐘成之年而傳云將鑄無射
者此為州鳩之言張本州鳩以未成之時為此言故此年
發傳而言將也州鳩此下之言與周語州鳩之言全不同
者彼是對王之問此是自言其事異時別言故不同也周
語及此皆論鐘事故云無射鐘名其聲於律應無射之管
故以律名名鐘襄十九年季武子作林鐘亦是鐘聲應林
鐘之律也此無射之鐘在王城鑄之敬王居洛陽蓋移就
之也秦滅周其鐘徙於長安歷漢魏晉常在長安及劉裕

滅姚泓又移於江東歷宋齊梁陳其鐘猶在東魏使魏收
聘梁收作聘遊賦云珍是淫器無射高縣是也及開皇九
年平陳又遷於西京置大常寺時人悉共見之至十五年
勅毀之 注省風至移之 正義曰漢書地理志曰凡民
函五常之性而有剛柔緩急音聲不同繫水土之風氣故
謂之風好惡取舍動靜無常隨君上之情欲故謂之俗是
解風俗之名但風俗盛衰隨時隆替國之將滅風敝俗煩
天子新受命者省此風俗之敝乃作樂以移之孝經曰移
風易俗莫善於樂孔安國云風化也俗常也移太平之化
易衰敝之常也地里志以風爲本俗爲末言聖王在上統
理人倫必移其本而易其末此混同天下一之乎中和然
後王教成是說作樂移風之事也 器以至行之 正義
曰爲上言鐘音之器也故此云器以鍾之言器以鍾聚其
音又上言音樂之興也故此云興以行之承上語不倫者
亦猶易繫辭云天尊地卑乾坤定矣卑高以陳貴賤位矣
隨文便而言耳 小者至不愾 正義曰言小不至窳則

罪是細之意也。大不至極則過是大之義也。說文云：罪，深肆極也。由細故能極於深，是謂為細不滿，謂不能充滿心也。楸聲近橫，故為橫。大心所不容，故不入心。三月葬蔡也。下窆則不成，成如字。本或作「感」。

平公蔡太子朱失位，位在卑。

不在適子位以長幼齒

大夫

送葬者歸，見昭子。昭子問蔡故，以告昭子。

歎曰：「蔡其亡乎？若不亡，是君也，必不終詩。」

曰：「不解于位，民之攸旣。」

詩大雅旣息也

今蔡侯始即

位而適卑，身將從之。

為蔡侯朱

疏

注不在至幼齒正義曰

喪大記：「記國君初死之禮云：訖正尸，子坐于東方，卿大夫父兄子姓立于東方，有司麻士哭于堂下，北面。」鄭玄云：

正尸者謂遷尸牖下南首也子姓謂衆子孫也姓之言生也其男子立於主之後彼言子坐東方謂大子即鄭所謂主入北彼初死之時即別適庶況其至葬君道成矣大子失其位明其不在適子位也位在卑是以長幼爲齒蓋處其庶兄之下夏晉士鞅來聘以孫爲政叔孫昭子以三命爲國政季

孫欲惡諸晉

憎叔孫在己上位欲使得罪於晉

使有司以齊鮑

國歸費之禮爲士鞅

鮑國歸費在十四年牢禮各如其命數魯人失禮故爲

鮑國七年

士鞅怒曰鮑國之位下其國小而使鞅

從其牢禮是卑敝邑也將復諸寡君魯人

恐加四牢焉爲十一年

言魯不能以禮事大國且爲哀七年吳儻百牢起

疏

注鮑國至七牢 正義曰十四年傳曰司徒之休也
癸來歸費齊侯使鮑文子致之是鮑國歸費之事也

杜以周禮掌客云上公饗餼九牢侯伯七牢子男五牢以
諸侯牢禮各以其命數卿大夫來者亦當牢禮如其命數
計鮑國齊卿不過三命於法當三牢而魯人失禮為鮑國
七牢也下云加四為十一知本七也劉炫云案聘禮使卿
主國待之齊餼王牢則臣之牢禮不依命數鮑國禮當五
牢加二牢耳今知非者杜以掌客諸侯牢禮各依命數以
卿大夫無文故杜據諸侯言之不謂卿大夫以下亦依命
數而劉以鄭注掌客爵卿五牢爵大夫三牢爵士大牢而
規杜非也 士鞅怒 正義曰七牢於禮厚矣而鞅怒者
但陳設為鞅鞅必不忍其時魯人報云鮑國之禮鞅途怒

其輕已

宋華費遂生華驅華多僚華登驅

為少司馬多僚為御士公御與驅相惡乃

諸諸公曰軀將納亡人

亡人華亥等

亟言之公曰

司馬以吾故亡其良子

司馬謂費遂爲大司馬良子謂華盍

死亡

有命吾不可以再亡之對曰君若愛司馬

則如亡

言以亡愛大司馬則當亡走失國

死如可逃何遠之有

言

可以逃死勿慮其遠以恐動公

公懼使侍人召司馬之侍人

宜僚飲之酒而使告司馬

告司馬使逐軀

司馬歎曰

必多僚也吾有讒子而弗能殺吾又不死

抑君有命可若何乃與公謀逐華軀將使

田孟諸而遣之公飲之酒厚酬之酬酒賜及

從者司馬亦如之亦如公賜張句尤之張句華軀臣尤怪賜之厚

曰必有故使子皮承宜僚以劔而訊之子皮華軀訊問也

宜僚盡以告告欲因田以遣之張句欲殺多僚子皮

曰司馬老矣登之謂甚言登亡傷司馬心已甚吾又重

之不如亡也五月丙申子皮將見司馬而

行則遇多僚御司馬而朝張句不勝其怒

遂與子皮曰任鄭翩殺多僚任翩亦軀家臣劫司馬

以叛而召亡人壬寅華向入樂大心豐愆華

輕禦諸橫

梁國睢陽縣南有橫亭

華氏居盧門以南里

叛

盧門宋東城南門

六月庚午宋城舊鄘及桑林之

門而守之

舊鄘故城也桑林城門名

疏

亟言之

正義曰服虔云亟疾也疾言之欲使

信則服虔讀爲亟也或當爲亟亟數也數言之抑君有命可若何正義曰抑語助若如也言吾有讒子謂多僚

也雖知其說既不能殺多僚華軀雖枉爲君有逐軀之命可如何言無如之何遂謀逐之秋七月壬

午朔日有食之公問於梓慎曰是何物也

禍福何爲

物事也

對曰二至二分

二至冬至夏至二分春分秋分

日有食之不爲災日月之行也分同道也

至相過也

二分日夜等故言同道
二至長短極故相過

其他月則爲

災陽不克也故常爲水

陰侵陽是
陽不勝陰

於是叔輒

哭日食

意在於
憂災

昭子曰子叔將死非所哭也

八月叔輒卒

疏

分同至過也

正義曰日月之行交
則相食自然之理但日爲君象月爲

臣象陰既侵陽如臣掩君聖人因之設教制爲輕重以夏
之四月純陽之時陽極盛陰氣未作正當陽盛之時不
宜爲弱陰所侵以爲大忌此月日食災最重也餘非陽盛
之月爲災稍輕至於分至之月日食即不爲災又解不爲
災之意以二分晝夜等似其同一道二至長短極並行則
相過以爲理必相侵故言不爲災劉炫云此皆假其事以

爲等差其實災之大小不如此也且詩云十月之交朔月
辛卯日有食之亦孔之醜先儒以爲周之十月夏之八月
秋分之月也而甚可醜惡七年四月甲辰朔日食春分之
月也而云魯衛惡之衛大魯小安在乎二分之食不爲災
足明此是先賢寓言非實事也注二分至相遇正義
曰日之行天一歲一周月之行天二十九日有餘已得二
周日月異道互相交錯月之一周必半在日道裏從外而
入內也半在日道表從內而出外也或六入七出或七入
六出凡十三出入而與日一會歷家謂之交道通而計之
一百七十三日有餘而有一交交在望前朔則日食望則
月食交在望後望則月食後月朔則日食此自然之常數
也交數滿則相過非二至乃相過也傳之所言以二分日
夜等者春分之時期則日在婁望則月在角秋分之時期
則日在角望則月在婁婁角是天之中道日月俱從中道
故晝夜等似有體敵之理月可蔽日冬至之時期則日在
斗望則月在井夏至之時期則日在井望則月在斗斗井

南北晝夜長短之極似若月之極長可以掩日然故云至
相過謂絕相縣殊也此至唯冬至耳言二至者全句以成
文此皆假託以爲言也以日者天之大明人君之象不可
虧損故於正陽之月示法爲重於分至之月其害爲輕於
餘月之食其災爲水假之以垂訓非實事也 其他至爲
水 正義曰其他月非分至之月則爲災日食是陰侵陽
是陽不勝也故日食常爲水災莊二十五年六月日食秋
大水此二十四年五月日食梓慎曰將水昭子曰旱也其
年八月大雩旱也則亦不是常爲水也又七年四月甲辰
朔日食春分之月而云魯衛惡之常水之言旣無其驗足
知是賢聖假託 冬十月華登以吳師救華氏 登
日食以爲戒耳 年奔 齊烏枝鳴戌宋 烏枝鳴
吳 齊大夫 廚人濮曰 濮宋廚
邑大夫

軍志有之先人有奪人之心後人有待其

衰盡及其勞且未定也伐諸若入而固則

華氏衆矣悔無及也從之丙寅齊師宋師

敗吳師于鴻口梁國睢陽縣東有鴻口亭獲其二帥公子苦

雒偃州負二帥吳大夫華登帥其餘吳餘帥以敗宋師公

欲出出奔廚人濮曰吾小人可藉死可借使死難而不

能送亡君請待之請君待復戰決勝負乃徇曰揚徽者

公徒也徽識也衆從之公自揚門見之見國人皆揚徽睢陽

正東門名揚門下而巡之曰國亡君死二三子之恥也

豈專孤之罪也齊烏枝鳴曰用少莫如齊

致死齊致死莫如去備備長兵也彼多兵矣請

皆用劒從之華氏北復即之北敗走尉人濮以

裳裹首而荷以走曰得華登矣遂敗華氏

于新里新里華氏所取邑翟僂新居于新里既戰說

甲于公而歸居華氏地而助公戰華姪居于公里亦如

之姓華氏族故助華氏亦如僂新說甲歸傳言古之爲軍不告小忿十一月癸未公

子城以晉師至城以前年奔晉今還救宋曹翰胡曹大夫會晉

荀吳

中行穆子

齊苑何忌

齊大夫

衛公子朝

前年出奔晉

還衛

救宋丙戌與華氏戰于赭丘

赭丘宋地

鄭翩願

為鸛其御願為鶩

鄭翩華氏黨鸛鶩皆陳名

子祿御公

子城莊莖為右

子祿向宜

干鑾御呂封人華豹

張甸為右

呂封人華豹華氏黨

相遇城還華豹曰城

也城怒而反之

怒其呼已反還戰

將注豹則闕矣

注傳

失關引弓

曰平公之靈尚輔相余

平公公子城之父

豹射

出其間

出子城子祿之間

將注則又闕矣曰不狎鄙

狎更也

抽矢

豹止不射

城射之殪

豹死

張句抽矢而下

丈二在車邊

射之折股扶伏而擊之折軫

折城車軫

又射

之死

死句

千雙請一矢

死求

城曰余言女於君

欲活

對曰不死伍乘軍之大刑也

同乘共伍當皆死

千刑

而從子君焉用之子速諸乃射之殪

雙死

大

敗華氏圍諸南里華亥搏膺而呼見華軺

曰吾為欒氏矣

晉欒盈還入作亂而死事在襄二十三年

軺曰子無

我廷不幸而後云

廷恐也

使華登如楚乞師

華軺以車十五乘徒七十人犯師而出

犯公師出

送華登

食於睢上哭而送之乃復入

入南里

楚遠

越帥師將逆華氏大宰犯諫曰諸侯唯宋

事其君今又爭國釋君而臣是助無乃不

可乎王曰而告我也後既許之矣

為明年華向出奔楚

傳

疏

而不能送云君

正義曰服虔以君上屬孫毓以

君下屬杜注不明亦似上屬注微識也正義

曰禮記大傳云聖人南面而治天下必改正朔殊徽號鄭
女云徽號旌旗之名也周禮大司馬云中夏黎其公端號
名之用帥以門名縣鄙各以其名家以號名鄉名州名野
以邑名百官各象其事以辨軍之夜事鄭公三書者微

識所以相別也鄉遂之屬謂之名家之屬謂之號可官之
屬謂之事在國以表朝位在軍又象其制而爲之袂之以
備死事帥謂軍將及師帥旅帥至伍長也以門名者所被
徽識如其在門所樹者凡此言以也象也皆謂其制同耳
縣鄙謂縣正鄙師至鄰長也家謂食采地者之臣也鄉以
州名亦謂州長至比長也野謂公邑大夫百官以其職從
王者此六者皆書其官與名氏焉夜事戒夜守之事也草
止者慎於夜於是主別其部職如鄭此言則徽識制如旌旗
書其所任之官與姓名於上被之於背以備其死知是誰
之尸也士喪禮云爲銘各以其物亡則以緇長半幅頽末
長終幅廣三寸書銘于末曰某氏某之柩今之銘旌旗旛
也此生之徽識如死之銘旌某制之大小蓋亦如銘旌也
書其官名即今之軍記令其各自揚徽欲知其助公多少
如漢書絳侯之令軍人云爲劉氏者左袒呂封人華豹
正義曰呂邑封人官名豹即下文華豹是也本或豹上有
華王肅董遇並云呂封人華豹釋例譜一人再見名字不

同皆兩載之宋雜人內有呂封人豹華豹爲一人知此本
無華也定本有華關矣正義曰關焉環本又作事

不狎鄙

正義曰服虔云狎更也子城謂華豹曰不更射

爲鄙一曰城言我不狎習故鄙然則豹已關矣何慮不射

公子城何當屬之云不更射爲鄙城方與豹相射此非謙

諺之所又何須自言不習爲鄙服之二說皆非杜亦訓狎

爲更言更遞也城謂豹女頻射我不使我得更遞是爲鄙

也豹服此言故抽矢而止此豹亦不達軍之戰禮也諸

侯唯宋事其君正義曰言諸侯之內唯宋之臣民善事

其君言以前未嘗有叛逆者也俗本或無其字若無其字

則是唯宋事楚檢於時宋國不屬楚也王曰而告蔡侯

我也後正義曰謂大宰杞諫在華登出師之後

朱出奔楚費無極取貨於東國

東國隱太子之子平侯廬

之弟朱而謂蔡人曰朱不用命於楚君王將

殺父也

立東國若不先從王欲楚必圍蔡蔡人懼

出朱而立東國朱黜平楚楚子將討蔡無

極曰平侯與楚有盟故封

盟于鄧依陳蔡人以國

其子有

二心故廢之

子謂朱也

靈王殺隱太子其子與君

同惡德君必甚又使立之不亦可乎且廢

置在君蔡無他矣

言權在楚則蔡無他心

疏

德君必甚正義曰荷

恩謂之德言荷君恩必甚也

公如晉及河鼓叛晉

叛晉屬鮮虞

晉

將伐鮮虞

將有軍事無暇於待賓且懼洩軍謀

經二十有二年春齊侯伐莒宋華亥向寧

華定自宋南里出奔楚言自南里別從國去大蒐于昌

閒無傳夏四月乙丑天王崩六月叔鞅如京

師葬景王叔鞅叔弓子二月而葬亂故速也王室亂承叔鞅言而書亂之未知誰是故

但曰劉子單子以王猛居于皇河南鞏縣西南有黃亭辟子朝難出

居皇正經書名未即位秋劉子單子以王猛入于王城王城

郊廓今河南縣晉助臨汝王都冬十月王子猛卒未即位故不言崩

注承叔弓曰亂正義曰傳曰叔鞅至自京師言王室之亂是晉史承叔鞅之言而書之也閔馬父聞叔鞅之言乃

疏

選度其事云子朝必不克是未知誰是誰非也故史曰
曰亂不言某人某人爲亂魯史書事必待告乃書
言不書之此承叔鞅之言即青策者魯是周之宗國既聞
王室之亂義當釋位救之魯聞周亂所憂在已承言即書
見魯之憂王室也公羊傳曰何言乎王室亂言不及外也
其意言兄弟爭位室內自亂其亂不及外國故指言王室
也 注辟子至即位 正義曰傳曰鞅簡公敗績于京甘
平公亦敗焉單子欲告急於晉以王如平時遂如圖車次
于皇是辟子朝之難出居皇也王人以在皇告故書皇也
景王既葬猛當成君仍書名者王室大亂未得以禮即位
故也如莒展弒君而立未會諸侯元年書莒展與出奔吳
鄭忽嗣父而立鄭人賤之不以爲君桓十一年書鄭忽出
奔衛然則未成君者法當書名此王猛雖未即位異於諸
侯故稱王而以名繫之劉炫云以王當國亦如莒展以名
繫國也 注未即至言崩 正義曰未即位不成爲王故
不言崩也書王子猛卒者未成爲君繫父言之故稱子猶

魯之子般
子野卒

十有二月癸酉朔日有食之

無傳此月有庚

戊又以長歷推校前後
當爲癸卯朔書癸酉誤

疏

注此月云云

正義曰案傳十二月庚戌晉籍談云云庚

戌上去癸酉三十七日若此月癸酉朔其月不得有庚戌也又傳十二月下有閏月晉箕遺云云又云辛丑伐京辛

丑是壬寅之前日也二十三年傳曰正月壬寅朔二師圍郊則辛丑是閏月之晦日也又計明年正月之朔與今年

十二月朔中有一閏相去當爲五十九日此年十二月當爲癸卯朔經書癸酉明是誤也故言長歷推校十一月小

甲戌朔傳有乙酉十二日也又有己丑十六日也十二月大癸卯朔傳有庚戌八日也閏月小癸酉朔傳有閏月辛

丑二十九日也明年正月壬寅朔則上下符合矣

傳二十二年春王二月甲子齊北郭啓帥

師伐莒

啓齊大夫北郭作之後

莒子將戰苑羊牧之諫

牧之莒大夫

曰齊帥賤其求不多不如下之大國

不可怒也弗聽敗齊師于壽餘

莒地

齊侯

伐莒

怒敗

莒子行成司馬竈如莒涖盟

竈齊大夫

莒子如齊涖盟盟于稷門之外

稷門齊城門也

莒於

是乎大惡其君

爲明年莒子來奔傳

楚遠越使告于

宋曰寡君聞君有不令之臣爲君憂無寧

以爲宗羞

無寧寧也言華氏爲宋請願之羞恥

寡君請受而戮

之對曰孤不佞不能媚於父兄

華向公族也故稱父兄

以

爲君憂拜命之辱抑君臣日戰君曰余必
臣是助亦唯命人有言曰唯亂門之無過
君若惠保敝邑無亢不衷以弭亂人孤之
望也唯君圖之楚人患之

患宋以義距之

諸侯之戍

謀曰若華氏知困而致死楚恥無功而疾

戰非吾利也不如出之以爲楚功其亦無

能爲也已

言華氏不能復爲宋患

救宋而除其害又何

求乃固請出之宋人從之己巳宋華亥向

寧華定華驅華登皇奄傷省臧士平出

奔楚華驅已下五子不書非始宋公使公孫忌為大司馬代華費途

邊印為大司徒印平公曾孫代華定樂祁為司城祁子罕孫樂祁犁

仲幾為左師幾仲江孫代向寧樂大心為右師代華亥樂輓

為大司寇輓子罕孫以靖國人終粹慎之言三十而後弭疏無亢至亂正義

曰亢高也秉善也舜勸也無高貴不害之事以勸亂人為惡也易曰亢龍有悔言其位高也若華至也已正義曰

若華氏知困而死戰武敗諸侯之師也楚取無功而疾戰戰勝則楚獨有功二者並非吾諸侯之利也聞楚師將

至華氏即出亦是楚之功也不如出之以爲楚功其此華氏亦無所能爲也已言雖放令出亦不復能爲宋害言宋人慮更爲害決欲車殺之故諸侯之成固請出之宋人乃從之王子朝賓起有寵於

景王

子朝景王之長庶子賓起子朝之傅

王與賓孟說之欲立之

孟即起也王語賓孟欲立子朝爲太子

劉獻公之庶子伯盆事單

穆公

獻公劉塾伯盆劉狄穆公單旗

惡賓孟之爲人也願殺

之又惡王子朝之言以爲亂願去之

子朝有欲位之

言故劉盆惡之

賓孟適郊見雄雞自斷其尾問之

侍者曰自斷其犧也

思其爲犧特奉

遽歸告

王且曰雞其憚為人用乎人異於是

雞見

寵飾然卒當見殺若人見寵飾則當貴盛故言異於雞

犧者實用人人犧實

難已犧何害

言設使寵人如寵犧則不宜假人以招禍難使犧在已則無患害已喻子朝欲

使王早寵異之

王弗應

十五年大子壽卒王立子猛後復欲立子朝而未定賓孟處雞盛稱子朝王心

許之故不應

夏四月王田北山使公卿皆從將殺

單子劉子

北山洛北也王知單劉不欲立子朝欲因田獵先殺之

王有心疾

乙丑崩于榮錡氏

四月十九日河南鞏縣西有榮錡澗

戊辰劉

子摯卒

二十日

無子單子立劉蚘

蚘事單子故

五月

庚辰見王

見王

遂攻賓起殺之

黨子

盟羣

王子于單氏

王子猛次正故單劉立之懼諸王子或黨子朝故盟之

王子至立

正義曰賈逵云賓孟子朝之傳也王愛子朝因受其傳故朝起並有寵於景王也王與賓孟並談說之欲立朝爲大子周語云景王欲殺下門子乃云賓孟適郊見雄雞賈逵云下門子周大夫王猛之傳也景王欲立朝故先殺猛傳然則王與賓孟言說既欲立朝乃殺猛傳議久不決故賓孟假雄雞斷尾以勸之注子朝至之傳正義曰二十六年傳子朝使告于諸侯云單劉贊私立少知朝年長於猛也賓孟欲立子朝明是子朝之傳劉獻至去之正義曰伯父是果決有知謀者也願得殺賓孟去子朝所以彊單子之心故劉子亦與同志共立子猛也於賓孟云願殺之於子朝云願去之者朝是王之寵子王在不可專殺願遂去而已獻謚法知質有聖曰獻賓孟至何害

正義曰說文云犧宗廟之牲也曲禮云天子以犧牛鄭玄云犧純毛也周禮牧人掌牧六牲以共祭祀之牲牲鄭玄云六牲謂牛馬羊豕犬雞牲體字具也又曰祭祀共犧牲以授充人繫之鄭玄云犧牲毛羽字具也授充人者當殊養之然則祭祀之牲選其毛羽字具者養之以爲犧犧者寵養祭牲之名賓孟感雞以毛羽牲具恐其被養爲犧故自斷其尾殘毀其形賓孟怪而問之侍者曰自憚其犧言此雞難畏其被寵養也賓孟因此感悟疾歸以雞事告王且又言曰雞其憚畏爲人用乎人則異於是雞矣雞被寵飾終當見殺人被寵飾則當貴盛此其所以異於雞也犧者寵牲之名因以犧喻寵子即名寵子爲犧言寵愛爲犧者依法用牲今寵愛爲犧者乃實用人言犧當用純德之人猶如祭犧當用純色之牲也他人之有純德寵之如犧後實招禍難矣已子之有純德寵之如犧有何害也但人有親疎若疎人被寵愛爲犧實爲禍難若已家親屬寵愛如犧有何患害他人謂子猛親屬謂子朝也犧者實用人

上人是對牲爲稱昔據凡人也人犧實難此下人據踈外
之人人字雖同上下人意異 注雞犧雖見寵飾 正義

曰犧者繫養之名耳言寵飾者當養之時必爲之服飾以
異之如今之繫五采也史記稱楚王欲以莊周爲國相謂
使者曰郊祭犧牛養之數歲衣以文繡牽入大廟是時欲
爲狐豚豈可得乎是亦飾之事 注言設至異之 正義

曰賔孟言人犧實難假踈人以爲說人爲踈姓之人寵養
踈人擅權害主故言設使寵人如寵犧則不宜假人以招
禍難假借他人以權或將反來害己子猛雖亦王子不得
王寵與他人無異使犧在己家則無患害已喻子朝子朝
是己之子欲使王早寵異之如寵犧也 注十五至不應

正義曰賈逵以爲大子壽卒景王不立適子鄭衆以爲壽卒
王命猛代之後欲廢猛立朝耳服虔以賈爲然杜今從鄭
說者二十六年傳閔子馬云子朝于景之命則景有命矣
若不命猛更命誰乎若子朝子猛並未命俱是庶子朝
年又長於次當立自求爲嗣宜矣劉蚩何以惡其爲亂而

欲去之若俱未被立王意不偏羣臣無黨王命為嗣則
敢不從何須將殺單劉以立朝也杜以此知大子壽卒王
立子猛為適其後復欲立子朝而王意未定賓孟威難自
毀因此盛稱子朝之美王心許賓孟故不應慮其泄言也

注四月十九日

正義曰此於乙丑之下言四月十九日

戊辰之下言二十二日顯言此二日者此年之傳其日最

多經之與傳又時月多錯故此顯言二日欲令自此以下
依次推之易驗耳

注王子猛次正

正義曰猛朝俱是

王子單劉必欲立猛明猛是次正當立故也公羊多有次
王之語杜取為說猛為次正不知其本蓋是大子壽之母
弟或是穆后姪姊

晉之取鼓也

在十五年既獻而反

鼓子焉

獻於廟

又叛於鮮虞

叛晉屬鮮虞之

六月荀吳

略東陽

略行也東陽晉之山東邑魏郡廣平以北

使師偽糴者負甲

以息於昔陽之門外

昔陽故肥子所都

遂襲鼓滅之

以鼓子鳶鞮歸使涉佗守之

守鼓之地涉佗晉大夫

丁巳

葬景王王子朝因舊官百工之喪職秩者

與靈景之族以作亂

百工百官也靈王景王之子孫

帥郊要

餞之甲

三邑周地

以逐劉子

逐伯

壬戌劉子奔揚

揚周邑

單子逆悼王于莊宮以歸

悼王子猛也

王子

還夜取王以如莊宮

王子還子朝黨也不欲使單子得王猛故取之

癸

亥單子出

失王故出奔

王子還與召莊公謀

莊公召伯與子

朝黨也

曰不殺單旗不捷

旗單子也

與之重盟必來

背盟而克者多矣從之

從還謀也

樊頃子曰非

言也必不克

頃子樊齊單劉黨

遂奉王以追單子

王

還奉王

及領大盟而復

領周地欲重盟令單子劉子復歸

殺摯荒

以說

委罪於荒

劉子如劉

歸其采邑

單子亡乙丑奔于

平時

平時周地知王子還欲背盟故亡走

羣王子追之單子殺還

姑發弱駸延定稠

八子靈景之族因戰而殺之

子朝奔京

其黨

故丙寅伐之

單子伐京

京人奔山劉子入于王城

子朝奔京故得入

辛未鞏簡公敗績于京乙亥甘平

公亦敗焉

甘鞏二公周卿士皆為子朝所敗

叔鞅至自京師

葬景

王還言王室之亂也

經所以書

閔馬父曰子朝必不

克其所與者天所廢也

閔馬父閔子馬魯大夫天所廢謂羣喪職秩者

單子欲告急於晉秋七月戊寅以王如平

時遂如圃車次于皇

出次以示急戊寅七月三日經書六月誤

劉子

如劉單子使王子處守于王城

王子處子猛黨守王城距子朝

盟百工于平宮

平宮平王廟

辛卯鄆貜伐皇

鄆貜子朝

黨大敗獲鄆盼壬辰焚諸王城之市焚鄆盼八

月辛酉司徒醜以王師敗績于前城醜悼王司徒前

城子朝百工叛司徒醜敗故己巳伐單氏之宮敗焉

百工伐單氏為單氏所敗庚午反伐之單氏反伐百工辛未伐東園

百工所在洛陽東南有園鄉冬十一月丁巳晉籍談荀躒帥

九州之戎九州戎陸渾戎十七年滅屬晉州鄉屬也五州為鄉及焦瑕溫原

之師焦瑕溫原晉四邑以納王于王城丁巳在十月經書秋誤庚申

單子劉蚩以王師敗績于郊為子朝之黨所敗前城

人敗陸渾于社

前城子朝衆在周地

十一月乙酉王子猛

卒

乙酉在十一月經書十月誤雖未即位周人謚曰悼王

不成喪也

釋所以不稱王崩

己

丑敬王即位

敬王王子猛母弟王子旬

館于子旅氏

子旅周大夫

十二月庚戌晉籍談荀躒賈辛司馬督

司馬

帥師軍于陰

籍談所軍

于侯氏

荀躒所軍

于谿泉

賈辛所軍鞏縣西南有明谿泉

次于社

司馬督所次

王師軍于汜于

解次于任人

王師分在三邑洛陽西南有大解小解

閏月晉箕遺

樂徵右行詭濟師取前城

三子晉大夫濟師渡伊洛

軍其

東南王師軍于京楚辛丑伐京毀其西南

京楚子

疏

注頃子至劉黨正義曰此下二十三年單朝所在子劉子樊齊以王如劉故知是單劉黨也

及領至平時

正義曰此上言子還夜取王以如莊宮遂

與召莊謀殺單旗與之重盟必來來而殺之王子還遂奉

王追單子及領遂與重盟而還殺摯荒者為前取王如莊

宮今單子失王而出奔更殺摯荒以解說此事單子覺還

欲背又奔平時

注八子靈景之族正義曰以上言王

子還此八人還居其首還既稱王子明八子皆王子也故

知靈景之族

簡公平公正義曰謚法一意不懈曰

簡布綱持紀曰平

注皆為子朝所敗正義曰知為子

朝所敗者以傳云敗績于京故知是敬王黨為子朝所敗

也

注戊寅至月誤正義曰傳言七月戊寅杜以長歷

推校之戊寅是七月三日明傳是也經書王猛居皇乃在

六月下知經六月誤也

注百工至所敗正義曰知單

氏所敗者以上云伐單氏下云反伐之是單氏反伐百工也若單氏被敗焉能反伐百工 注丁巳至秋誤 正義曰傳言冬十月丁巳杜以長歷推之丁巳是十月十四日經書此事在秋其下乃有冬知經誤 注乙酉至悼王正義曰傳言十一月乙酉杜以長曆推校之乙酉是十一月十二日知經書十月誤也上云單子逆悼王于莊宮悼王即猛也經書爲卒傳言其謚故解之雖未即位周人謚曰悼王敬王猛之母弟敬王位定乃追謚之 注敬王至子自 正義曰敬王名自本紀文也本紀不言敬王是猛之母弟先儒相傳說耳謚法夙夜共事曰敬

春秋正義卷第三十

鄉貢進士馮嗣祖校勘

春秋正義卷第三十二

昭公



國子祭酒上護軍曹阜縣開國子臣孔穎達等奉

勅撰

經二十有三年春王正月叔孫婼如晉

謝取

邾師癸丑叔鞅卒

無傳

晉人執我行人叔孫婼

稱行人譏晉執使人晉人圍郊

討子朝也郊周邑圍郊在叔鞅卒前經書後從赴

夏

六月蔡侯東國卒于楚

無傳未同盟而赴以名

秋七月

莒子庚與來奔戊辰具敗頓胡沈蔡陳許

之師于雞父

不書楚楚不戰也雞父楚地安豐縣南有雞父亭

胡子髡

沈子逞滅

國雖存君死曰滅

獲陳夏齏

大夫死生通曰獲夏齏傷

舒立孫天王居于狄泉

敬王辟子朝也狄泉今洛陽城內大倉西南池水也時在城外

尹氏立王子朝

尹氏周世婦也書尹氏立子朝明非周人所欲立

八月乙

未地震冬公如晉至河有疾乃復

疏

注稱行至

使人正義曰傳說魯取邾師則是魯有罪矣而譏晉執者凡諸侯有罪盟主當以師討之不宜執其使人故譏之

注討子至從赴

正義曰往年傳閏月辛丑晉師王師

伐京毀其西南注云京子朝所在此年傳正月壬寅朔二

師圍郊計辛丑壬寅頻日耳蓋京城既毀郊是子朝之邑故二師圍之故云討子朝也郊不繫周者大都以名通也

傳稱朔日圍郟至癸丑乃叔鞅卒癸丑正月十二日也是
圍郟在叔鞅卒前也晉人來告圍郟不以圍郟告之告
在叔鞅卒後故經書在後是從赴也圍郟在朔或亦在叔
孫姑如晉之前但行無日未必不以朔行據鞅卒有日而
言之 吳敗至雞父 正義曰此戰獲胡沈之君是胡沈
君自將也頓序於上頓亦君自將也獲陳大夫陳是大夫
將則蔡許亦大夫將也故云頓胡沈蔡陳許君在臣上各
自以大小序耳相十三年經書齊師宋師衛師燕師敗績
此不每國書師而摠云師者傳無其說杜不爲注是史略
文非義例也賈逵云不國國書師惡其同役而不同心案
隱十年宋人蔡人衛人伐戴鄭伯伐取之傳曰宋衛既入
鄭而以伐戴召蔡人蔡人怒故不和而敗亦是同役而不
同心彼既不變其文此何當變文以見義乎賈之妄也
注不書楚楚不戰 正義曰杜知楚不戰者以傳云戰于
雞父吳子以罪人先犯胡沈與陳三國敗舍胡沈之囚使
奔許與蔡頓師謀而從之三國并是戰於雞父之時先

胡沈陳後破許蔡頓也六國既陳戰敗而奔下傳始云
師大奔是六國敗後楚師悔懼不得成陳望風而奔故傳
云不言戰楚未陳杜云不書楚楚不戰劉妙用服虔義云
不書楚楚諱敗不告然則必其楚人來告容或諱敗若吳
人來告豈代楚諱乎劉違背傳文而規杜非也 注國雖
至曰滅 正義曰公羊傳曰君死于位曰滅其意言本國
雖存其君見殺與滅國相類據君身言之謂之滅 注夫
夫至玄孫 正義曰宣二年鄭人獲華元生獲也哀十一
年獲齊國書死獲也故云大夫死生通曰獲案世本宣公
生子夏夏生御叔叔生傷舒舒生惠子晉晉生御寇寇生
悼子齧齧是傷舒曾孫杜云玄孫未詳 注敬王至城
外 正義曰此事傳無其文不言無傳者傳稱六月庚寅

單子劉子樊齊以王如劉當從劉而居秋泉不是全無其
事故不云無傳也秋泉今洛陽城內大倉西南池水是也
若在城內宜云丁居成周知此時在城外也今在城內者
注地名云或曰宣元年城成周乃遠之入城內也 注尹

氏至欲立正義曰宣王之世有尹吉甫春秋以來數有尹子見經是其食采於尹世爲周卿士也以其世爲卿士宗族彊盛故能專意立朝不言尹子而言尹氏者見其氏族彊故能立之也敬王是單劉所立不書單子立者敬王猛之母弟兄死次正當立立之是常朝不應立立庶以亂國書尹氏立朝所以惡尹氏也隱四年衛人立晉善其得衆書衛人言舉國共立之此書尹氏立朝明非周人所欲立獨尹氏立之耳

傳二十三年春王正月壬寅朔二師圍郊

二師正師晉師也癸卯郊鄩潰河南鞏縣西南有地名鄩中郊鄩二邑皆

王師不恙不以告未晉師在平陰王師在澤邑平陰今河

子朝所得王使告問子朝敗故庚戌還晉師邾人城翼

縣陰

翼邾邑

還將自離姑

離姑邾邑從離姑則道徑魯之武城

公孫鉏曰

魚首將御我

鉏邾大夫

欲自武城還循山而南

至武

城而還伯山南行不欲過武城

徐鉏丘弱茅地

三子邾大夫

曰道下

遇雨將不出是不歸也

謂此山道下濕

遂自離姑

遂過武城

武城人塞其前

以兵塞前道

斷其後之木

而弗殊邾師過之乃推而蹙之遂取邾師

獲鉏弱地

取邾師不書非公命

邾人懇于晉晉人來討

叔孫婁如晉晉人執之書曰晉人執我行

人叔孫

以言使人也

嫌外內異故重發傳

晉人使與邾

大夫坐

半訟曲直

叔孫曰列國之卿當小國之君

固周制也

在禮卿得會伯子男故曰當小國之君

邾又夷也

邾雜有東

夷之風

寡君之命介子服回在

子服回魯大夫為叔孫之介副

請

使當之不敢廢周制故也乃不果坐韓宣

子使邾人聚其衆將以叔孫與之

與邾使執之

叔

孫聞之去衆與兵而朝

示欲以身死

士彌牟謂韓

宣子

彌牟士景伯

曰子弗良圖而以叔孫與其讎

叔孫必死之魯亡叔孫必亡邾邾君亡國

將焉歸

時邾君在晉若亡國無所歸將益晉憂

子雖悔之何及所

謂盟主討違命也若皆相執焉用盟主

邦聽

衆取叔孫是爲諸侯皆得輒相執

乃弗與使各居一館

分別叔孫子服回

士伯聽其辭而愬諸宣子乃皆執之

二子辭不屈故

士伯愬而執之

士伯御叔孫從者四人過邾館以如

吏

欲使邾人見叔孫之屈辱

先歸邾子士伯曰以芻蕘

之難從者之病將館子於都

都別都謂箕也

叔孫

旦而立期焉

立待命也從旦至旦為期

乃館諸箕舍子服

昭伯於他邑

別因之

范獻子求貨於叔孫使

請冠焉

以求冠為辭

取其冠法而與之兩冠曰盡

矣

既送作冠模法又進二冠以與之偽若不解其意

為叔孫故申豐以

貨如晉

欲行貨以免叔孫

叔孫曰見我吾告女所

行貨見而不出

留申豐不使得出

吏人之與叔

孫居於箕者請其吠狗弗與及將歸殺而

與之食之

示不愛

叔孫所館者雖一日必葺

其牆屋

葺補治之

去之如始至

不以當去而有所毀壞

疏

注離

姑至武城 正義曰邾魯接連竟界相錯邾人從翼邑還邾先經魯之武城然後始至離姑而後至邾故舉離姑爲道次 武城人塞其前 正義曰此所塞之處必有隘道當是已過武城之邑未出武城之竟故得塞其前斷其後而攻取之 注取邾至公命 正義曰傳言武城人則是武城之大夫自專爲此謀也既取邾師邾始愬晉晉人來討乃令叔孫往謝叔孫以年初即行則魯取邾師事在往年因叔孫嫗如晉追言之 注坐訟曲直 正義曰周禮小司寇云命夫命婦不躬坐獄訟凡斷獄者皆令競者坐而受其辭故使並坐訟曲直 注在禮至之君 正義曰僖二十九年傳曰在禮卿不會公侯會伯子男可也於禮得與相會故當小國之君 注分別至服回 正義曰賈逵云使邾魯大夫各居一館鄭衆云使叔孫子服回各居一館邾魯大夫本不同館無爲復言使各居一館也欲

分別叔孫與子服回不得相見各聽其辭耳服虔並載兩說仍云賈氏近之案傳文各居一館之下即云士伯聽其辭而愬諸宣子乃皆執之則皆執各居一館者也若是邾魯別館豈執邾大夫乎且下云館叔孫於箕舍子服回於他邑明此各居一館是分別子服與叔孫恐其相教示注二子至執之正義曰魯人實取邾師二子辭不屈者

蓋以朝聘征伐過他國必假道乃行邾人不假魯道是邾亦合責不假道小過也取其師大罪也蹊田奪牛爲報已甚故士伯愬而執之以囚其使足以謝邾故晉以明年釋之士伯至之吏正義曰御謂進引也引叔孫詣於獄

也叔孫從者有四人先過於邾君之館然後以之如吏故杜云欲使邾人見叔孫之屈辱請其吠狗正義曰狗有吠守者有主獵者主獵者貴吠中者賤吏人請叔孫乞其吠守之狗夏四月乙酉單

子取訾劉子取牆人直人

三邑屬子朝者皆在河南鞏縣西南六

月壬午王子朝入于尹

自京入尹氏之邑

癸未尹圉

誘劉佗殺之

尹圉文公也劉佗劉季族敬王黨

丙戌單子從阪

道劉子從尹道伐尹單子先至而敗劉子

還

單子敗故

己丑召伯奭南宮極以成周人戍

尹

二子周卿士子朝黨奭召莊公

庚寅單子劉子樊齊以王

如劉

辟子朝出居劉子邑

甲午王子朝入于王城次于

左巷

近東城

秋七月戊申鄆羅納諸莊宮

鄆羅

周大夫鄆貜之子

尹辛敗劉師于唐

尹辛尹氏族唐周地

丙辰又

敗諸鄆甲子尹辛取西闡

西闡周地

丙寅攻蒯

蒯潰

河南縣西南蒯鄉是也於是敬王居狄泉尹氏止子朝

疏

注自京至之邑正義曰知自

京入尹者以前年子朝在京王師雖毀其西南不言克京又今年二師圍郊不言子朝在郊故云自京入尹劉炫以爲前年王師已克京子朝從京入郊郊潰不知子朝所在而規杜非也 莒子庚輿虐而

好劔苟鑄劔必試諸人國人患之又將叛

齊烏存帥國人以逐之

烏存魯大夫

庚輿將出聞

烏存執爰而立於道左懼將止死

爰長史二而無刃

苑羊牧之曰君過之

牧之亦苦大夫

烏存以力聞可

春秋正義卷三十一
矣何必以弑君成名遂來奔齊人納郊公

郊公著丘公之

疏

注及長至無乃正義曰詩毛傳文也考工記云鑄錫有八尺八尺曰

尋是其長丈二尺又考工記戈戟皆有刃及不言刃是無刃也

吳人伐州來楚遠

越帥師

今尹以疾從戎故遠越攝其事

及諸侯之師奔命救州

來吳人禦諸鍾離子瑕卒楚師燔

子瑕即今尹不起所

疾也吳楚之間謂火滅為燔軍之重主喪亡故其軍人無復氣勢

吳公子光曰諸侯

從於楚者衆而皆小國也畏楚而不獲已

是以來吾聞之曰作事威克其愛雖小必

濟

克勝也軍
事尚威

胡沈之君幼而狂

性無常

陳大夫鬬

壯而頑頓與許蔡疾楚政楚令尹死其師

燿帥賤多寵政令不壹

帥賤遠越非正卿也軍
多寵人政令不壹於越

七國同役而不同心

七國楚頓胡
沈蔡陳許

帥賤而不

能整無大威命楚可敗也若分師先以犯

胡沈與陳必先奔三國敗諸侯之師乃搖

心矣諸侯乖亂楚必大奔請先者去備薄

威

示之以不
整以誘之

後者斡陳整旅

斡厚也

吳子從之

戊辰晦戰于雞父

七月二十九日遣兵忌晦戰擊楚所不意

吳子以

罪人三千先犯胡沈與陳

四徒不習戰以示不整

三國

爭之吳爲三軍以繫於後中軍從王

從吳王

光帥右掩餘帥左

掩餘吳王壽夢子

吳之罪人或奔

或止三國亂吳師擊之三國敗獲胡沈之

君及陳大夫舍胡沈之囚使奔許與蔡頓

曰吾君死矣師譟而從之三國奔

三國許蔡頓

楚

師大奔書曰胡子髡沈子逞滅獲陳夏齧

君臣之辭也

國君社稷之主與宗廟共其存亡者故稱滅大夫輕故曰獲獲得也

不言

戰楚未陳也

嫌與陳例相涉故重發之

疏

威克至必濟

正義曰尚書胤征云威克

厥愛允濟愛克厥威允罔功是古有此言

注七月至不意正義曰成十六年傳卻至云陳不遠晦以犯天忌我

必克之注云晦月終陰之盡故兵家以爲忌楚以兵之忌日不意吳來擊之必不設備吳人故違兵忌以晦出兵而

戰擊楚所不意也僖二十二年泓之戰書已巳朔成十六年鄆陵之戰書甲午晦此書戊辰而不言晦者釋例曰經

傳之見晦朔此時史隨其日而存之無義例也賈氏云泓之戰譏宋襄故書朔鄆陵之戰譏楚子故書晦難父之戰

夷之故不書晦左氏既無此說案難父之戰經傳備詳其例非夷之實晦戰而經不書晦明經不以晦示褒貶

注

國君至得也正義曰傳言舍胡沈之囚使曰吾君死矣

是胡沈之君死稱滅也釋例曰國君者社稷之主百姓之

望當與社稷宗廟共其存亡者也而見獲於敵國雖存若
亡死之與生皆與滅同故曰胡子髡沈子逞滅諸以戰傷
死雖敗績而不見擒故經皆不曰滅則杜意國君生見獲
亦書爲滅也劉炫謂此胡沈之君戰死故言滅也春秋君
戰生見獲者皆言以歸不書滅何得言雖存若亡皆爲滅
公羊傳曰其言滅獲何別君臣也君死于位曰滅生得曰
獲大夫生死皆曰獲以爲君死曰滅生曰以歸韓戰貶晉
侯從大夫例故書獲以規杜失今知非者莊十年齊師滅
譚譚子奔莒定六年鄭游速滅許以許男斯歸是君存稱
滅劉炫以爲生獲於敵但言以歸不得稱滅規杜非也但
君存國滅則滅文在上滅譚滅許是也
國存君死則滅文在下胡子沈子是也

八月丁酉南

宮極震

經書乙未地動魯地也丁酉南宮
極震周地亦震也爲屋所壓而死

長弘謂

劉文公曰君其勉之先君之力可濟也文

劉盆也先君謂盆之父獻公也
獻公亦欲立子猛未及而卒
周之亡也其三川

震

謂幽王時也三川涇渭洛水也地動川岸崩

今西王之大臣亦震

天奔之矣

子朝在王城故謂西王

東王必大克

敬王居狄泉在王城

之東故

疏

注經書至而死

正義曰經書乙未地震謂

曰東王

魯國之地動也丁酉南宮極震則周地亦震

注

周魯相去千里故震日不同以震而死明為屋所壓
謂幽至岸崩 正義曰周語云幽王二年西周三川皆震
伯陽父曰周將亡矣陽伏而不能出陰迫而不能烝於是
有地震今三川實震是陽失其所而鎮陰也陽失而在陰
原必塞原塞國必亡夫水土演而民用也土無所演民乏
財用不亡何待昔伊洛竭而夏亡河竭而商亡今周德若
二代之季矣其川原又塞塞必竭夫國必依山川山崩川
竭亡之徵也川竭山必崩若亡不過十年數之紀也夫天

之所棄不過其紀是歲也三川竭岐山崩十一年幽王乃

滅注國語者亦云三川涇渭洛也西周在雍州之域周禮

職方氏正西曰雍州其川涇汭其

浸渭洛鄭玄云浸可以為灌溉者

楚大子建之母

在耶耶耶陽也平王娶秦女廢大子建故母歸其家召吳人而啓之冬

十月甲申吳大子諸樊入耶諸樊吳王僚之大子取楚

夫人與其寶器以歸楚司馬遂越追之不

及將死衆曰請遂伐吳以徼之徼要其勝負遂

越曰再敗君師死且有罪此年秋敗於雞父設往復敗為再敗亡

君夫人不可以莫之死也乃縊於遂遂

遂

遂

遂

遂

遂

楚地

疏 大子至追之 正義曰土地名耶是蔡地蔡有楚

且夫夫人故遠越追之 注諸樊至大子 正義曰吳子

諸樊吳王僚之伯父也僚子又名諸樊乃與伯祖同名吳

人雖是東夷理亦不應然也此 公為叔孫故如晉

父遠之書又字經篆隸或誤耳

及河有疾而復

此年春晉為邾人執叔孫故公如晉謝之

楚囊瓦為

令尹

囊瓦子囊之孫子常也代陽句

城郢

楚用子囊遺言已築郢城矣今畏吳復增修以自固

沈尹戌曰子常必亡郢苟不能衛城無益

也古者天子守在四夷

德及連

天子卑守在

諸侯

貶卑

諸侯守在四鄰

鄰國為之守

諸侯卑

守在四竟

裁自

慎其四竟結其四援

結四鄰之國

援民狎其野

狎安習也

三務成功

春夏秋三時之務

民無

內憂而又無外懼國焉用城今吳是懼而

城於郢守已小矣卑之不獲能無亡乎

不

中四昔梁伯溝其公宮而民潰

在僖十八年

民弃其

上不亡何待夫正其疆場脩其土田險其

走集

走集邊竟之壘壁

親其民人明其伍候

使民有部伍相為衆

望信其鄰國慎其官守守其交禮

交接之禮

不

惜不貪不懦不耆懦弱也耆強也完其守備以待不

虞又何畏矣詩曰無念爾祖聿脩厥德詩大

雅無念念也聿述也義取念祖考則述治其德以顯之無亦監乎若敖蚡冒

至于武文四君皆楚先君之賢者土不過同方百里為一同言未滿一圻慎

其四竟猶不城郢今土數圻方千里為圻而郢是

城不亦難乎言中若是難以為安也為定四年吳入楚傳**疏**注楚用至自固正

義曰襄十四年子囊將死遺言謂子庚必城郢君子謂子囊忠將死不忘衛社稷可不謂忠乎彼子囊城郢君子謂之為忠此囊瓦城郢沈尹戌謂之必亡事不同者國而無城不可以治楚自文王都郢城郭未固子囊心欲城之其

事未暇將死而今城郢故可謂之爲忠今郢既固矣足以
爲治而囊瓦畏吳侵逼恐其寇入國都更復以備其城以
求自固不能遠撫邊竟唯欲近守城郭沈尹謂之必亡焉
其事異故也 注在僖十八年 正義曰事在十九年諸
本皆然當是轉寫誤 明其伍候 正義曰賈服王董皆
作五候賈服云五候五方之候也 教授民時四方中央之
候王云五候山候林候澤候川候平地候也董云五候候
四方及國中之姦謀也杜作伍候故云使民有部伍相爲
候望彼諸本蓋以上多云四故誤爲五也 不僭至不耆
正義曰不僭守信也不貪廉正也不懦不受辱也不彊
不陵人也此皆論守竟之事不僭不貪不耆謂不往侵鄰
國也不懦謂不使人侵己也 詩曰至厥德 正義曰詩
大雅文王篇也無念念也聿述也言王者念女先祖之法
則還當述治其先祖之德以顯之 注四君至賢者 正
義曰楚世家云周成王始封熊繹於楚以子男之田居丹
陽歷十四君至於熊儀是爲若敖若敖生宵敖宵敖三蚡

冒蚡冒卒第熊達立是爲武王武王生文王始都郢杜注
文十六年云蚡冒楚武王父雖不從世家以蚡冒爲武王
兄要沈尹以四君爲賢故特言之 土不過同 正義曰
言土雖至九百里猶止名同故云不過同非謂百里以下
也知者以楚是子爵土方二百里明非百里也 猶不城
郢 正義曰如楚世家云武王以上未都於郢據當時都
郢故以郢言之謂
不築其國都也

經二十有四年春王二月丙戌仲孫纘卒

無傳孟 婁至自晉 喜得赦歸 夏五月乙未朔

日有食之秋八月大雩丁酉杞伯郁釐卒

無傳未同盟而赴以名丁 疏 注丁酉至無月 正義曰
酉九月五日有日無月 此年五月乙未朔一大一

小七月當甲午朔九月癸巳朔五日得丁酉文在八月之下是有日而無月也冬吳滅巢

楚邑

也書滅用大師注楚邑至大師正義曰大都以名通故不繫楚也襄十三年傳例曰用大師焉曰滅

葬杞平公

無傳

傳二十四年春王正月辛丑召簡公南宮

嚚以甘栢公見王子朝

簡公召莊公之子召伯盈也嚚南宮極之子栢公甘

平公之子劉子謂長弘曰甘氏又往矣對曰何

害同德度義

度謀也言唯同心同德則能謀義子朝不能於我無害

大誓

曰紂有億兆夷人亦有離德

言紂衆億兆兼有四夷不能同

德裕余有亂臣十人同心同德武王言我有治亂

亡余有亂臣十人同心同德武王言我有治亂

今大誓此周所以興也君其務德無患無人

無此語戊午王子朝入于鄔紂氏西南有鄔

正義曰同德度義尚書泰誓文也劉炫云案孔安國云

德鈞則秉義者彊義弘此言取彼為說必其與彼德同乃

度義之勝負但使德勝不畏彼彊故則引泰誓而勸其務

德杜為不見古文故致有此謬今知非者彼尚書之文論

兩敵對戰揆度有義者彊此論甘氏又往既不能同德何

能度義屬意有異與書義不同且引詩斷章其類多矣劉

以為杜違尚書之文而規其過非也

注四夷正義曰

孔安國云夷人謂平人杜為夷狄之人者案四年傳曰商

紂為黎之蒐東夷叛之孔杜各自為義其

意俱通劉炫以杜為過而規其短非也

晉士彌牟

逆叔孫于箕

將禮而歸之

叔孫使梁其經待于門

丙

經叔孫家臣

曰余左顧而效乃殺之

疑士伯來殺已故謀殺之

右顧而笑乃止叔孫見士伯士伯曰寡君

以爲盟主之故是以久子

久執子以謝

不腆敝

邑之禮將致諸從者使彌牟逆吾子叔孫

受禮而歸二月媼至自晉尊晉也

貶媼族所以尊晉媼

行人故不言罪己

疏

注貶媼至罪己

正義曰卿當備書名氏去氏則爲貶責貶媼之族喜於得免所以

尊晉而自屈也釋例曰意如至自晉傳言尊晉罪己媼至自晉傳復重發但言尊晉者意如以罪見執宜在罪已媼

本使人不應見執故尊晉而已內大夫行還皆不書至與
於公也今此二人執而見釋更以書至見義也杜言見義
者見其喜得釋特
告廟而書至也 三月庚戌晉侯使士景伯涖

問周姑

涖臨也就問子朝
敬王知誰曲直

士伯立于乾祭而問

於介衆

乾祭王城北
門介大也

晉人乃辭王子朝不納

其使

衆言子
朝曲故

疏

晉侯至周故

正義曰晉助敬王久
矣今使景伯如周問曲直者以子朝

更疆父競未決晉人恐敬王不成更審其事故疑而使察
之也晉人於此乃辭王子朝不納其使則以前猶與往來
其心兩望至
此始絕耳 夏五月乙未朔日有食之梓慎

曰將水

陰勝陽故
曰將水

昭子曰旱也日過分而陽

猶不克克必甚能無旱乎

過春分陽氣盛時而不勝陰陽將猥出故

為旱陽不克莫將積聚也

陽氣莫然不動乃將積聚

六月壬

申王子朝之師攻瑕及杏皆潰

瑕杏敬王邑

鄭

伯如晉子大叔相見范獻子獻子曰若王

室何對曰老夫其國家不能恤敢及王室

抑人亦有言曰嫠不恤其緯

嫠寡婦也織者當苦緯少寡婦所宜

憂而憂宗周之隕為將及焉

恐禍及已

今王室實

蠹蠹焉

蠹蠹動憂貌

吾小國懼矣然大國之憂

也吾儕何知焉吾子其早圖之詩曰鉶之

罄矣惟罍之恥詩小雅罍大器鉶小器常稟於罍者而所受罄盡則罍為無餘故恥之

王室之不寧晉之恥也獻子懼而與宣子

圖之宣子韓起乃徵會於諸侯期以明年為明年會黃父

疏傳注詩小至恥之正義曰此詩小雅蓼莪刺幽王之詩也或曰鉶是器罍大鉶小實由罍所資鉶是

小器常稟受於罍今鉶罄盡罍更無物以共鉶惟是罍之恥也鉶喻周罍喻晉言周之微弱恒依恃於晉今王室亂

矣晉無力以助之是晉之恥也詩注云鉶小而盡罍大而盈刺王不使富分貧眾恤寡秋八月大

雩旱也終如叔孫之言冬十月癸酉王子朝用成

周之寶珪于河

橋河求福

甲戌津人得諸河上

珪自出

陰不佞以溫人南侵

不佞敬王大夫晉以溫兵助敬王南侵子朝

拘

得玉者取其玉將賣之則爲石王定而獻

之不佞與之東訾

喜得玉故與之邑輦縣西南訾城是也

楚子爲

舟師以略吳疆

略行也行吳界將侵之

沈尹戌曰此行

也楚必亡邑不撫民而勞之吳不動而速

之速召吳踵楚

踵楚

而疆場無備邑能無亡

乎越大夫胥狝勞王於豫章之汭

汭水

越

公子倉歸王乘舟歸也倉及壽夢帥師從

王壽夢越大夫王及圍陽而還圍陽楚地吳人踵楚而

邊人不備遂滅巢及鍾離而還鍾離不待告敗略沈

尹戌曰亡郢之始於此在矣王壹動而亡

二姓之帥二姓之帥守巢鍾離大夫幾如是而不及郢詩

曰誰生厲階至今為梗詩大雅厲惡階道梗病也其王之

謂乎為定四年吳入郢傳**疏**王及圍陽而還正義曰歸行及圍陽倉與壽夢而還歸於越也

注詩大雅正義曰此詩大雅桑柔刺厲王之詩也

經二十有五年春叔孫婼如宋夏叔詣會

晉趙鞅宋樂大心衛北宮喜鄭游吉曹人

邾人滕人薛人小邾人丁黃父有鸛鵒來

巢

此鳥穴居不在魯界故曰來巢非常故書

疏

注此鳥至故書此鳥穴居今驗猶然考正

義曰

記云鸛鵒不踰濟禹貢導沅水東流爲濟入于河溢爲滎東出于陶丘北又東至于荷又東北會于汶又北東入于海濟經齊魯之界魯在汶水之南鸛鵒北方之鳥南不踰濟舊不在魯界今來魯而不穴又巢居故曰來巢傳曰書所無也是非常故書也公羊傳曰何以書記異也何異爾非中國之禽也宜穴又巢穀梁亦然案今大河以北皆有鸛鵒不得云非中國之禽也宜穴又巢信然

秋七月上辛大雩季辛又

雩

季辛下旬之辛也言又重上事

疏

注季辛至上事

正義曰

辛也長歷推校此年七月己丑朔上辛月三日下午辛二十三日也不書其日之辰空言辛者本見旱甚欲知二雩相去遠近耳無取於辰故空書辛也季辛又雩不言大者言又見其重上事上辛是大雩明季辛亦大雩也春秋旱則脩雩雩而得雨則書雩喜雩有益雩而不得雨則書旱以明災成此書二雩者上辛雩而得雨雨少尋即為旱故季辛又雩傳曰秋書再雩旱甚也是言前少得雨旱甚而復雩故賈云上辛六注是也公羊傳曰又雩者何又雩者非雩也聚眾以逐季氏也公以九月始孫豈七月已與季氏戰乎若使時實不早亦不得託雩以聚眾矣

九月己

亥公孫于齊次于陽州

諱奔故曰孫若自孫諱而去位者陽州齊魯竟上邑

未敢直前

齊侯唁公于野井

濟南祝阿縣東有野井亭齊侯來唁公公不敢

遠勞故逆之
往至野井

冬十月戊辰叔孫婁卒

公不與小
歛而書日

者公在外
非無恩

十有一月己亥宋公佐卒于曲棘

陳留外黃縣城中有曲棘
里宋地未同盟而赴以名

十有二月齊侯取郚

取郚以
居公

傳二十五年春叔孫婁聘于宋桐門右師

見之

右師樂大
心居桐門

語卑宋大夫而賤司城氏

司城

樂氏之大宗也卑
賤謂其才德薄

昭子告其人曰右師其亡乎

君子貴其身而後能及人是以有禮

唯禮
可以

貴身貴身
故尚禮

今夫子卑其大夫而賤其宗是賤

其身也

賤人人亦賤已

能有禮乎無禮必亡

為定十年樂大心出

奔傳

宋公享昭子賦新宮

逸詩

昭子賦車轄

詩小

雅周人思得賢女以配君子昭子將為季孫迎宋公女故賦之

明日宴飲酒樂宋

公使昭子右坐

坐宋公右以相近言改體坐

語相泣也樂

祁佐

助宴禮

退而告人曰今茲君與叔孫其

皆死乎吾聞之哀樂

可樂而哀

而樂哀

可哀而樂

皆

喪心也心之精爽是謂魂魄魂魄去之何

以能久

為此冬叔孫宋公卒傳



君子至必亡

正義曰楊子法言云何以動而見敬曰敬

人何以動而見侮曰侮人然則貴人者人亦貴之卑人者人亦卑之此言凡人輕賤其身則不能以尊貴之道及於他人若君子能自貴其身者已先貴人欲其身之貴是以須有禮然後能以尊貴之道及於他人既尊貴他人是以有禮

賦新宮

正義曰燕禮記云升歌鹿鳴下管新宮

鄭玄云新宮小雅逸篇也其詩既逸知是小雅篇者管即

笙也以燕禮及鄉飮酒升歌笙歌同用小雅知新宮必是

小雅但其詩辭義皆亡無以知其意也

注詩小至賦

之正義曰周人思得賢女以配君子車牽詩序也杜以

下云逆女故知將爲季孫迎宋公之女故賦之杜必知爲

逆女而賦者以車牽之詩論逆女之事其詩云間闢車之

牽兮思變季女逝兮言間闢然設此車牽思憶變然季女

而往迎之又云辰彼碩女令德來教皆論逆女之事又昭

子因聘逆女已共宋公平論故於享禮之時而賦車轄猶

如季文子如宋致女還賦韓奕之詩與此正同又何不可

而劉炫以爲昭子賦車轄不爲逆女又以新宮非昏嫁之事

而規杜過然新官既亡焉知非是親好苟生異見於我非也注坐宋至禮坐正義曰燕禮云司宮進賓于戶西

東上小臣設公席于阼階上西鄉是禮坐公西向賓南向也宋公使昭子右坐令在宋公之右蓋在宋公之北同西

向以相近言季公若之姊為小邾夫人平子其改禮坐也庶姑

與公若同母生子宋元夫人平子之外姊生子以

妻季平子昭子如宋聘且逆之平子人臣而因卿逆季氏

公若從從昭子謂曹氏勿與魯將逐之曹氏

宋元夫人曹氏告公公告樂祁樂祁曰與之如

是魯君必出政在季氏三世矣文子武子平子魯

君喪政四公矣

宣成襄昭

無民而能逞其志者

未之有也國君是以鎮撫其民詩曰人之

云亡心之憂矣

詩大雅言無人則憂患至

魯君失民矣焉

得逞其志靖以待命猶可動必憂

為下公孫傳

疏

注平子至若姊

正義曰公若即平子之叔父也不言平

子之姑而云公若之姊明公若是平子庶叔此姑與公若同

母故曰公若姊也

注文子武子平子

正義曰武子生

悼子悼子生平子政在季氏唯云三世不數悼子者悼子

未為卿而卒不執魯政故不數也十二年傳曰季悼子之

卒也叔孫昭子以再命為卿卿必再命乃得經書名氏七

年三月經書叔孫婁如齊泚盟其年十一月季

夏會于

孫宿卒是悼子先武子而卒平子以孫繼祖也

黃父謀王室也

王室有子朝亂謀定之

趙簡子令諸侯之

大夫

簡子趙鞅

輸王粟具成人曰明年將納王

納王於王城

子大叔見趙簡子簡子問揖讓周旋

之禮焉對曰是儀也非禮也簡子曰敢問

何謂禮對曰吉也聞諸先大夫子產曰夫

禮天之經也

經者道之常

地之義也

義者利之宜

民之行

也

行者人所履

天地之經而民實則之則天之明

日月星辰天之明也

因地之性

為下剛柔地之性也

生其六氣

謂陰陽風雨晦

明用其五行

金木水火土

氣為五味

酸鹹辛苦甘

發為五

色

青黃赤白黑發見也

章為五聲

宮商角徵羽

淫則昏亂民失

其性

滋未聲色過則傷性

是故為禮以奉之

制禮以奉其性

為

六畜

馬牛羊雞犬豕

五牲

麋鹿麂狼兔

三犧

祭天地宗廟三者謂之犧

以

奉五味為九文

謂山龍華蟲藻火粉米黼黻也華若草華藻水草火畫火粉米黼黻也華

米黼若斧黻若兩已相戾

六采

畫績之事雜用天地四方之色青與白赤與黑

玄與黃皆相次謂之六色

五章以奉五色

青與赤謂之文赤與白謂之章白與黑謂

之黼黑與青謂之黻五色備謂之

為九歌八風七音

六律以奉五聲

解見二十年

為君臣上下以則地

義

君臣有尊卑法地有高下

為夫婦外內以經二物

夫治外婦治內

各治其物

為父子兄弟姑姊甥舅昏媾姻亞以

象天明

六親和睦以事嚴父若眾星之共辰極也妻父曰昏重昏曰媾婿父曰姻兩婿相謂曰亞

為

政事庸力行務以從四時

在君為政在臣為事民功曰庸治功曰力

行其德教務其時要禮之本也

為刑罰威獄使民畏忌以類其

震曜殺戮

雷震電曜天之威也聖人作刑獄以象類之

為溫慈惠和

以效天之生殖長育民有好惡喜怒哀樂

生于六氣

此六者皆稟陰陽風雨晦明之氣

是故審則宜類以

制六志

為禮以制好惡喜怒哀樂六志使不過節

哀有哭泣樂有歌

舞喜有施舍怒有戰鬪喜生於好怒生於

惡是故審行信令禍福賞罰以制死生生

好物也死惡物也好物樂也惡物哀也哀

樂不失乃能協于天地之性是以長久

和協

也簡子曰甚哉禮之大也對曰禮上下之

紀天地之經緯也

經緯錯居以相成者

民之所以生也

是以先王尚之故人之能自由曲直以赴禮

者謂之成人夫不亦宜乎

曲直以弼其性

簡子曰鞅

也請終身守此言也

鞅能守此言故終免於晉陽之難

疏

簡子至非

禮正義曰樂記云簠簋俎豆制度文章禮之器也升降上下周旋裼襲禮之文也又曰鋪筵席陳尊俎列饗豆以升降為禮者禮之末節也故有司掌之仲尼燕居云子張問禮子曰師爾以為必鋪几筵升降酌獻酬酢然後謂之禮乎言而履之禮也又五年傳云公如晉自郊勞至于贈賄禮無違者晉侯以為知禮女叔齊曰是儀也非禮也此問揖讓周旋之禮又云是儀也非禮也凡此諸文皆言禮與儀異禮之與儀非為大異但所從言之有不同耳禮是儀之心儀是禮之貌本其心謂之禮察其貌謂之儀行禮必為儀為儀未是禮故云儀非禮也鄭玄禮序云禮者體

也履也統之於心曰體踐而行之曰履此訓兩釋良有以也鄭謂體爲禮履爲儀是其所以禮儀別也夫禮至之性正義曰自夫禮至因地之性言禮本法天地也自生其六氣至民失其性言天用氣味聲色以養人不得過其度也是故爲禮以下言聖王制禮以奉天性不使過其度也經常也義宜也夫禮者天之常道地之宜利民之所行也天地之有常道人民實法則之法則天之明道因循地之恒性聖人所以制作此禮也此傳文於天言常則地亦常也於地言義則天亦義也覆言天地之經明天地皆有常也天有常明之義地有常利之義也覆云則天之明是

天以明爲常因地之性則地以性爲義是天以光明爲常義地以剛柔爲常義義謂義理性謂本性言天地性義有常可以爲法故民法之而爲禮也注經者道之常義者利之宜正義曰覆而無外高而在上運行不息日月星辰溫涼寒暑皆是天之道也訓經爲常故言道之常也載而無弃物無不殖山川原隰剛柔高下皆是地之利也訓

義爲宜故云利之宜也杜以今文孝經云用天之道因地之利故天以道言之地以利言之天無形言其有道理也地有質言其有利益也民之所行法象天地象天而爲之者皆是天之常也象地而爲之者皆是地之宜也故禮爲天之經地之義也孝經以孝爲天之經地之義者孝是禮之本禮爲孝之末本末別名理實不異故取法天地其事同也 注行者人所履 正義曰民謂人也人稟天地之性而生動作皆象天地其所踐履謂之爲行但人有賢與不肖行有過與不及聖人制爲中法名之曰禮故禮是民之行也行者人之所履也易及爾雅並訓履爲禮是禮名由踐履而生也人之本性自然法象天地聖人還復法象天地而制禮教之是禮由天地而來故仲尼說孝子產論禮皆天地民三者並言之 注日月星辰天之明也高下剛柔地之性也 正義曰則天之明杜以爲日月星辰者以下傳云爲父子兄弟昏媾姻亞以象天明若衆星之共北辰故知天明日月星也杜知高下剛柔地之性者以下

傳云爲君臣上下以則地義則君高臣下臣柔君剛地義則地之性也傳文上下其理分明人法天地其事多種杜以天明地義舉要而言故不備顯刑罰威獄溫慈惠和劉炫責杜不具載其文而規其過非也此傳文天言則地言因者民見地有宜利因取而法效之因亦則之義也旣言天之經不可復言地之經故變文稱義旣言則天之明不可復言則地之性故變文言因因之與則互相通也正變文使相辟耳 生其至其性 正義曰此言天用氣味聲色以養人不得過其度也因上則天之下更復本之於天傳稱天有六氣此言生其六氣謂天生之也用其五行謂天用之也上天用此五行以養人五行之氣入人之口爲五味發見於目爲五色章徹於耳爲五聲味以養口色以養目聲以養耳此三者雖復用以養人人用不得過度過度則爲昏亂使人失其恒性故湏爲禮以節之 注金木水火土 正義曰洪範云五行一曰水二曰火三曰木四曰金五曰土孔安國云皆其生數是其以生數爲次也

大禹謨說六府云水火金木土穀五行之次與洪範異者以相刻爲次也此注言金木水火土者隨便而言之不以義爲次也五物世所行用故謂之五行五者各有材能傳又謂之五材此傳所說禮意意在味色聲也但味色聲本於五行而來五行又是六氣所生故先言六氣五行然後至於味色聲也釋名五氣於其方各施行白虎通云言爲天行氣故謂之五行 注酸鹹辛苦甘 正義曰洪範又演五行云水曰潤下火曰炎上木曰曲直金曰從革土爰稼穡穡潤下作鹹炎上作苦曲直作酸從革作辛稼穡作甘孔安國云鹹水鹵所生苦焦氣之味酸木實之性辛金之氣味甘味生於百穀是言五行之氣爲五味水味鹹火味苦木味酸金味辛土味甘也五行本性自有此氣氣至於人乃爲五味味之爲異入口乃知言氣爲五味謂氣入人口與下章也發也皆據人知爲文味爲性所有色是形之貌聲是質之響色可近視聲可遠聞自近以及遠故以口目耳所知味色聲爲次也 注青黃至見也 正義曰五色

五行之色也木色青火色赤土色黃金色白水色黑也木
生柯葉則青金被磨礪則白土黃火赤水黑則本質自然
也發見也謂見於人目有此五色 注宮商角徵羽 正
義曰聲之清濁差爲五等聖人因其有五分配五行其本
不由五行而來也但既配五行即以五者爲五行之聲土
爲宮金爲商木爲角火爲徵水爲羽聲之清濁入耳乃知
章徹於人爲五聲也此言章爲五聲元年傳云徵爲五聲
章徵不同者據聲之至人是爲章徹據人之知聲則爲徵
驗是彼此之異言耳 注滋味至傷性 正義曰老子云
五味令人口爽五色令人目盲五音令人耳聾言其過耽
者之則有此病是其過則傷本性也 是故至五味 正
義曰口欲嘗味目欲視色耳欲聽聲人之自然之性也欲
之不已則失其性聖人慮其失性是故爲禮以奉養其性
使不失也牲犧祭祀所用非人所食而以牲犧奉五味者
禮推人道以事神神之所享皆是人食尊鬼神而異其名
耳故亦爲奉五味 注馬牛羊雞犬豕 正義曰爾雅釋

畜馬牛羊犬雞五者之名其豕在釋獸之篇畜養也家養
謂之畜野生謂之獸豕有野豕故因記之於釋獸耳又釋
畜之末別釋馬牛羊豕犬雞六者之名其下題曰六畜謂
此是也周禮膳夫云膳用六牲是庖用六牲也庖人掌共
六畜鄭玄云六牲馬牛羊豕犬雞六畜即六牲也始養之
曰畜將用之曰牲是畜牲一也 注麋鹿麀狼豕 正義
曰十一年傳曰五牲不相爲用注云五牲牛羊豕犬雞此
異彼者以上文已言六畜則五牲非六畜故別解之周禮
庖人掌共六獸鄭衆云六獸麋鹿熊麀野豕兔鄭玄云獸
人冬獻狼夏獻麀又內則無熊則六畜當有狼而熊不屬
今杜解五牲之名用鄭玄六獸之說去野豕而以其餘當
之也傳稱牛卜日曰牲鄭玄云將用之曰牲此五者實獸
也據其將用祭祀故名之曰牲服虔云五牲麀鹿熊狼野
豕 注祭天至之儀 正義曰尚書泰誓武王數紂之罪
云乃夷居弗事上帝神祇遺厥先宗廟弗祀犧牲粢盛既
于凶盜於神祇宗廟之下揔言犧牲杜雖不見古文其言

聞與之會是祭天地宗廟之牲謂之犧也然則犧亦六畜而別言之者周禮牧人凡祭祀其其犧牲以授充人繫之鄭玄云犧牲毛羽字具也授充人者當殊養之然則六畜之內取其毛羽字具別養以共祭祀者乃名爲犧故與六畜異言之也服虔云三犧鴈鶩雉也 注謂山至文也正義曰尚書益稷篇云帝曰予欲觀古人之象日月星辰山龍華蟲作會宗彝藻火粉米黼黻絺繡以五采彰施于五色作服汝明尚書之文如此其解者多有異說孔安國云日月星爲三辰華象草華蟲雉也畫三辰山龍華蟲於衣服旌旗會五采也以五采成此畫焉宗廟彝樽亦以山龍華蟲爲飾藻水草有文者火爲火字粉若粟冰米若聚米黼若斧形黻爲兩已相背葛之精者曰絺五色備曰繡如孔此言日也月也星辰也山也龍也華也蟲也七者畫於衣服旌旗山龍華蟲四者亦畫於宗廟彝器藻也火也粉也米也黼也黻也六者繡之於裳如此數之則十三章矣天之大數不過十二若爲十三無所法象或以為孔并

華蟲爲一其言華象草華蟲雉者言象草華之蟲故爲雉也若華別似草安知蟲爲雉乎未知孔意必然以否鄭玄讀會爲續謂畫也絺爲績謂刺也宗彛謂虎雉也周禮宗廟彛器有虎彛雉彛故以宗彛名虎雉也周禮有衮冕鷩冕毳冕其衮鷩毳者各是其服章首所畫舉其首章以名服耳衮是衮龍也衮冕九章以龍爲首鷩是華蟲也鷩冕七章以華蟲爲首毳是虎雉也毳冕五章以虎雉爲首虎毛淺雉毛深故以毳言之毳亂毛也如鄭此言則於尚書之文其章不次故於周禮之注具分辯之鄭於司服之注具引尚書之文乃云此古天子冕服十二章絺或作績字之誤也王者相變至周而以日月星辰畫於旌旗所謂三辰旂旗昭其明也而冕服九章登龍於山登火於宗彛尊其神明也九章初一日龍次二曰山次三曰華蟲次四曰火次五曰宗彛皆畫以爲績次六曰藻次七曰粉米次八曰黼次九曰黻皆絺以爲績則衮之衣五章裳四章凡九也鷩爲鷩以雉謂華蟲也其衣三章裳四章凡七也毳畫虎雉

謂宗彝也其衣三章裳二章凡五也是鄭玄之說華蟲爲一粉米爲一也杜之此注亦以日月星辰畫於旌旗九文唯言衣服之文謂山也龍也華也蟲也藻也火也粉米也黼也黻也以此爲九杜言華若草華而不言蟲則華蟲各爲一也粉米若白米是粉米共爲一也詩云魚在在藻是藻爲水草也孔安國云火爲火字考工記畫績之事火以圜鄭衆云爲圜形似火鄭玄云形如半環然則杜言火畫火蓋同安國爲火字也粉米色白故粉米若白米也考工記曰白與黑謂之黼孔安國云黼若斧形謂刃白而身黑故若斧也黻爲兩己相戾今之刺黻猶然也引相二年傳曰火龍黼黻昭其文也者以證此九文是山龍之屬也世本云胡曹作冕注云胡曹黃帝臣也繫辭云黃帝堯舜垂衣裳而天下治蓋取諸乾坤則冕服起於黃帝也加飾起自唐虞即書云予欲觀古人之象云云是也所以衣服畫日月星等者象王者之德照臨天下如三光之耀也山龍鎮重象王者之德鎮重安靜四方又能潤益含靈如

山興雲致雨也龍者水物也象王者之德流通無垠如水
利蒼生又龍舒卷變化無方象人君有無方之德也華蟲
即鷩雉有文章表王者有文章之德也宗彝常也宗
廟之常器有六彝今唯取虎雉者虎取毛淺而有威雉取
毛深而有知以表王者有深淺之知威猛之德也藻者水
草是鮮潔之物生於清水能隨短長象王者之德冰清玉
潔隨機應物隨民設教不肅而成也火者火性炎上用表
王者之德能使率土羣黎向歸上命也粉米者米能濟人
之命表王者有濟養之德也黼白與黑形若斧斧能裁斷
以象王者有裁斷之德也黻之言戾戾背也黑與青謂之
黻作兩己字相背象王者能綏化兆民能使向己背惡以
從善故爲黻也日之質赤月星之質白山作獐考工記云
山以獐也龍爲騰躍之形似獐猴而大也章次如此者王
者與天地合其德日月星辰用昭明日最爲盛所以居先
月星光劣其次之也上以象天下宜法地地之形勢莫大
於山故次三光也龍爲水物水出於山故次之也華蟲象

於禮樂文章以禮樂文章潤於萬物故以次龍也宗彛所以次華蟲者言王者既有禮樂須威知乃行無威則民不畏無知則教不成故以次也藻所以次宗彛者王者威知之德隨世而應故以次也火者言王者有德必向歸仰之如火向上故次之也米所以次火者民既歸王王須濟活濟活之理得米爲生故次之也黼所以次米者言王者能濟活兆民宜裁斷合理如斧之斷決故以次之黻所以次黼者王既裁斷得所善惡各有分宜人皆背惡從善故以次之 注畫績至六色 正義曰考工記云畫績之事雜五色東方謂之青南方謂之赤西方謂之白北方謂之黑天謂之玄地謂之黃青與白相次赤與黑相次玄與黃相次鄭玄云此言畫績六色所象及布采之第次此杜取彼彼記文省約而爲之辭也 注青與至之用 正義曰謂之繡以上皆考工記文也此刺繡之文以比方相次色亦采也六采謂績畫五色謂刺繡故今色采之文見鄭注尚書性曰采施曰色味色聲三事色居其中故杜言集

此五章以奉成五色之用明上下二文亦集此所陳以奉
成五味五聲之周舉中以明上下也 爲君至二物 正
義曰此更覆上因地之義也爲父子以下至生殖長育覆
上則天之明也地有高下聖人制禮爲君臣上下君在上
臣在下以法則地之義也地有剛柔爲夫婦外內夫治
外婦治內以經紀二物也物事也治理外內之二事也上
云天之經也地之義也又云則天之明因地之性再重言
之皆先天後地但法地事少則天事多故上先言法天後
言法地此先云爲君臣上下以則地義始云爲父子兄弟
以象天明者以其則地事少故先言之象天事多欲下就
以從四時類其震曜殺戮及生殖長育皆是象天之事欲
使文相連接故後言之也下云以象天明則此當云以象
地性而云以則地義者義之與性一也因其先言故遠覆
上文地之義也 注六親至曰亞 正義曰老子云六親
不和焉有孝慈六親謂父子兄弟夫婦也孝經曰孝莫大
於嚴父論語云北辰居其所而衆星共之六親父爲尊嚴

衆星北辰爲長六親和睦以事嚴父若衆星之共北極是其象天明也妻父爲昏壻父爲姻兩壻相謂曰亞皆釋親文也重昏曰婚爾雅無文相傳說耳釋親又曰男子先生爲兄後生爲弟男子謂女子先生爲姊後生爲妹父之姊妹爲姑母之兄弟爲舅謂我舅者吾謂之甥此皆世俗常言杜不解者爲易知故也 注在君至本也 正義曰論語云冉子退朝子曰何晏對曰有政子曰其事也如有政雖不吾以吾其與聞之於時冉子仕於季氏稱季氏有政孔子謂之爲事是在君爲政在臣爲事也此對文別耳論語稱孝友是亦爲政明其政事通言也民功曰庸治功曰力周禮司勲文也鄭玄以爲庸謂法施於民若后稷力謂制法成治若咎繇司勲又云王功曰勲國功曰功事功曰勞戰功曰多鄭注云王功者若周公國功者若伊尹事功者若禹戰功者若韓信陳平行其德教務其時使使民春耕夏耘秋斂冬藏聖王之化先致力於民是爲禮之本也注此六至之氣 正義曰賈逵云好生於陽惡生於陰喜

生於風怒生於雨哀生於晦樂生於明謂一氣生於一志
謬矣杜以元年傳云天有六氣降生五味謂六氣共生五
味非一氣生一味此民之六志亦六氣共生之非一氣生
志故云此六者皆稟陰陽風雨晦明之氣言共稟六氣而生
也是故至六志正義曰民有六志其志無限是故人君爲
政審法時之所宜事之所類以制民之六志使之不過節
也下云審行信令謂人君行之知此審則宜類亦是人君
則之審者言其謹慎之意也此六志禮記謂之六情在己
爲情情動爲志情志一也所從言之異耳天地之經緯
正義曰言禮之於天地猶織之有經緯得經緯相錯乃
成文如天地得禮始成就故人至宜乎正義曰劉炫
云禮有宜曲宜直不可信情而行故人之能自曲直以赴
於禮者謂之爲成人不能赴禮則不成爲人謂之爲大不
亦宜乎赴謂奔走言弼諧已怙奔走以赴禮也恐劉義未
當注曲直以弼其性正義曰性曲者以禮
直之性直者以禮曲之故云曲直以弼其性也

宋樂大

心曰我不輸粟我於周爲客

二王後
爲賓客

若之

何使客晉士伯曰自踐土以來

踐土在僖
二十八年

宋

何役之不會而何盟之不同曰同恤王室

不爲得辟之子奉君命以會大事而宋背

盟無乃不可乎右師不敢對受牒而退

右師

樂大

心士伯告簡子曰宋右師必亡奉君命以

使而欲背盟以干盟主無不祥大焉

言不善
無大此

者爲定十年宋
樂大心出奔傳

疏

受牒而退
牒札也於時號

正義曰說文云簡牒也
今給王粟具戍人

宋之所出人粟之數書之
於牒受牒而退言服從也
有鸛鵒來巢書所無也師

己曰異哉吾聞文成之世童謠有之
師已魯大夫曰

鸛鵒之鵒之公出辱之
言鸛鵒來則公出辱也鸛鵒之羽公在外

野往饋之馬
饋遺也鸛鵒跣跣公在乾侯
跣跣行貌徵

褰與襦褰
褰褰褸褸鸛鵒之巢遠哉遥遥
裊父喪勞宋

父以驕
裊父昭公死外故喪勞鸛鵒鸛鵒往歌來哭
昭公

生出歌死還哭童謠有是今鸛鵒來巢其將及乎
將及禍也疏

鸛鵒之鵒之
正義曰此鳥以兩字爲名但謠辭必韻故分言之
注褰袴
正義曰內則云童子不衣褰袴是衣有袴也

以可褻行故

秋書再雩，旱甚也。

疏

秋書再雩，旱甚，正義曰。

既言旱甚而經不書旱者，傳言旱甚解經一月再雩，再雩雖由旱甚然而後雩得雨不至成災，故不書旱。

初

季公鳥娶妻於齊鮑文子生甲。

公鳥，季公亥之兄，平子庶

父叔。公鳥死，季公亥與公思展與公鳥之臣

申夜姑相其室。

公亥即公若也，展季氏族相治也。

及季妣與饗

人檀通。

季妣，公鳥妻鮑文子女，饗人食官。

而懼，乃使其妾扶已

以示秦遄之妻。

秦遄，魯大夫妻公鳥妹秦姬也。

曰：公若欲使

余，余不可而扶余，又訴於公甫。

公甫，平子弟。

曰：

展與夜姑將要余

要劫我以非禮

秦姬以告公之

公之亦平子弟

公之與公甫告平子平子拘展於卞

而執夜姑將殺之公若泣而哀之曰殺是是

殺余也將爲之請平子使賢勿內日中不

得請有司逆命

執夜姑之有司欲迎受殺生之命

公之使速

殺之故公若怨平子季郈之雞鬪

季平子郈昭伯二家

相近故雞鬪

季氏介其雞

擣芥子播其羽也或曰以膠沙播之爲介雞

郈氏

爲之金距平子怒

怒其不下已

益宮於郈氏

侵郈

氏室以自益

且讓之

諱責也

故邠昭伯亦怨平子臧

昭伯之從弟會

昭伯臧為子

為讒於臧氏而逃

於季氏臧氏執旃平子怒拘臧氏老將禘

於襄公萬者二人其衆萬於季氏

禘祭也萬舞也於禮

公當三十六人

臧孫曰此之謂不能庸先君之廟

不能

用禮也蓋襄公別立廟

大夫遂怨平子公若獻弓於公

為

公為昭公子務人

且與之出射於外而謀去季

氏公為告公果公賁

果賁皆公為弟

公果公賁使

侍人僚祖告公公寢將以戈擊之乃走公

曰執之亦無命也

獨言執之無勅命

懼而不出數

月不見公不怒又使言公執戈以懼之乃

走又使言公曰非小人之所及也

謂僚祖為小人

公

果自言公以告臧孫臧孫以難

言難逐

告郕

孫郕孫以可勸告子家懿伯

子家羈莊公之立孫

懿伯

曰讒人以君徼幸事若不克君受其名

受惡

名不可為也舍民數世以求克事不可必

也且政在焉其難圖也公退之

退使去

辭曰

臣與聞命矣言若洩臣不獲死乃館於公

恐受洩命之罪故留公宮以自明

叔孫昭子如闕

闕魯邑

公居於

長府

官府名

九月戊戌伐季氏殺公之于門

遂入之平子登臺而請曰君不察臣之罪

使有司討臣以干戈臣請待於沂上以察

罪弗許

魯城南自有沂水平子欲出城待罪也大沂水出蓋縣南至下邳入泗

請囚于

費弗許請以五乘亡弗許子家子曰君其

許之政自之出久矣隱民多取食焉

隱約窮困

爲之徒者衆矣日入慝作弗可知也

慝姦惡也

日冥姦人將起叛君助季氏不可知

衆怒不可蓄也

季氏衆

蓄而弗

治將蘊

蘊積也

蘊蓄民將生心生心同求將

合

與季氏同求叛君者

君必悔之弗聽郈孫曰必殺

之公使郈孫逆孟懿子

懿子仲孫何忌

叔孫氏之

司馬驂戾言於其衆曰若之何莫對

衆疑所助

又曰我家臣也不敢知國凡有季氏與無

於我孰利皆曰無季氏是無叔孫氏也駸

戾曰然則救諸帥徒以往陷西北隅以入

陷公圍也

公徒釋甲執冰而踞

言無戰公也冰積丸蓋或云積丸是箭箭

其蓋可以取飲

遂逐之

逐公

孟氏使登西北隅以望

季氏見叔孫氏之旌以告孟氏執郈昭伯

殺之于南門之西遂伐公徒子家子曰諸

臣僞劫君者而負罪以出君止

使若非君本意者君自可止不

出意如之事君也不敢不改

意如季平子名

公曰余

不忍也與臧孫如墓謀

辭先君且謀所奔

遂行已

亥公孫于齊次于陽州齊侯將唁公于平

陰公先至于野井齊侯曰寡人之罪也使

有司待于平陰爲近故也

齊侯自咎本不勅有司遠詣陽州而欲近

會于平陰故令齊侯過共先至野井遠見迎逆自咎以謝公

書曰公孫于齊次

于陽州齊侯唁公于野井禮也將求於人

則先下之禮之善物也

物事也謂先往至野井

齊侯曰

自莒疆以西請致千社

二十三家爲社千社二萬五千家欲以給公

以待君命

待君伐季氏之命

寡人將帥敝賦以從

執事唯命是聽君之憂寡人之憂也公喜

子家子曰天祿不再天若昨君不過周公

以魯足矣失魯而以千社爲臣誰與之立

爲齊臣

且齊君無信不如早之晉弗從臧昭

伯率從者將盟載書曰勑力一心好惡同

之信罪之有無

信明也處者有罪從者無罪

繾綣從公無

通外內

繾綣不離散

以公命示子家子子家子曰

如此吾不可以盟盟也也不佞不能與二三

子同心而以為皆有罪

從者陷君留者逐君皆有罪也

或欲

通外內且欲去君

去君偽負罪出奔不必繼續從公

二三子好

亡而惡定焉可同也陷君於難罪孰大焉

通外內而去君君將速入弗通何為而何

守焉乃不與盟

何名守公

昭子自闕歸見平子平

子稽顙曰子若我何昭子曰人誰不死子

以逐君成名子孫不忘不亦傷乎將若子

何平子曰苟使意如得改事君所謂生死

而肉骨也昭子從公子齊與公言子家子

命適公館者執之

恐從者知私孫謀

公與昭子言於

幄內曰將安衆而納公

昭子請歸安衆

公徒將殺昭

子伏諸道

伏兵

左師展告公公使昭子自鑄

歸

辟伏兵

平子有異志

不欲復納公

冬十月辛酉昭

子齊於其寢使祝宗祈死戊辰卒

恥爲平子所欺因祈

而自殺

左師展將以公乘馬而歸公徒執之

展魯

大夫欲與

疏

注擣芥至介雞

正義曰杜此二解一讀

公俱輕歸介為芥擣芥子為末擣其雞羽賈逵云擣芥子為末擣其雞翼可以至邠氏雞目是此說也鄭眾云介甲也為雞著甲高誘注呂氏春秋云鎧著雞頭杜又云或曰不知誰說以膠沙擣之亦不可解蓋以膠塗雞之足爪然後以沙擣之令其澁得傷彼雞也以邠氏為金距言之則著甲是也將禘至季氏正義曰季氏私祭家廟與禘同日言將禘是禘部分也樂人少季氏先使自足故於公萬者唯有二人其眾萬於季氏輕公重己故大夫遂怨注禘祭至六人正義曰釋例曰三年喪畢致新死之主以進於廟於是乃大祭於大廟以審定昭穆謂之禘禘於大廟禮之常也各於其宮時之為也雖非三年大祭而書禘用禘禮也釋文云禘大祭也執干戚而舞謂之萬舞也隱五年傳說舞佾之差云諸侯用六是於禮法當三十六人也此以正禮言耳亦不知當時魯君用六佾以否公羊傳曰昭公告于家駒曰季氏僭公室吾欲弑之何如

子家駒曰諸侯僭天子大夫僭諸侯父矣公曰吾何僭矣哉子家駒曰設兩觀崇大路朱干玉戚以舞大夏八佾以舞大武此皆天子之禮也如欲傳文當寄或僭八佾不必用六也注蓋襄公別立廟正義曰是以襄若以次遞毀則廟與先公同處節於襄公亦應兼祭餘廟今特云掃於襄公似與先公異處故云蓋襄公別立廟護人至爲也正義曰護人謂公若邱孫之徒譏季氏者勸君使伐季氏以君徼天之幸幸而得勝則以爲己功不勝則推君爲惡不可從也舍民至必也正義曰克勝也言君從上以來舍民已經數代今以求勝此事不可必也注魯城至入泗正義曰釋例土地名襄十八年沂水出東莞莒縣艾山南經琅邪東海至下邳縣入泗此沂水出魯國魯縣西南入泗水是沂水有二也此注云魯城南自有沂水謂出魯縣者也又云大沂水出蓋縣南至下邳入泗謂襄十八年之沂水也以其有二故辯明之公徒至而踞正義曰二十七年傳說此事云豈其伐人而說甲執冰以游則此踞是游也曲禮云遊無倨倨是慢也謂倨慢而遊戲

注言無至取飲正義曰賈逵云冰牘九蓋也則是相傳
爲此言也方言曰弓藏謂之牘或謂之牘九如彼文則牘
九是盛弓者也此或說牘九是箭筈其蓋可以取飲十三
年傳云司鐸射奉壺飲冰謂執此也詩云抑釋抑忌抑壺
弓忌壺藏弓則冰藏矢也毛傳云棚所以覆矢棚與冰字
雖異音義同是一器也子家至君止正義曰子家子以
爲公本意自伐季氏非是諸臣所劫今子家意欲得令諸
臣等僞作劫君以伐季氏者今負罪而出君自可止住
注二十五家爲社正義曰禮有里社故郊特牲稱唯爲
社事單出里以二十五家爲里故知二十五家爲社也
天祿至之立正義曰天之福祿不可再謂得齊于社復
得魯國也胙藉也天若報君終不得過於周公周公止封
魯以魯封君足矣若既得魯國又得于社則是過周公矣
周公理不可過得齊于社必失魯國也既失魯國而以于
社爲臣於齊誰復與之立也言從君之人皆將棄君去矣
公徒將饒昭子正義曰昭子謀歸安衆而後納公則

獨公得入從公伐季氏者以得入故欲殺昭子也左師

至而歸正義曰古者服牛乘馬以駕車不單騎也至

六國之時始有單騎蘇秦所云車千乘騎萬匹是也曲禮

云前有車騎者禮記漢世書耳經典無騎字也炆謂此左

師展將以公乘馬而歸欲共壬申尹文公涉于鞏

公單騎而歸此騎馬之漸也焚東訾弗克

焚東訾弗克文公子朝黨於鞏縣涉

元公將為公故如晉公請納夢大子欒即位

於廟已與平公服而相之平公元旦召六卿

公曰寡人不佞不能事父兄父兄謂以為二

三子憂寡人之罪也若以羣子之靈獲保

首領以沒唯是桴柎所以藉幹者

桴柎棺中
筴牀也幹

骸骨也

請無及先君

欲自
貶損

仲幾對曰君若以

社稷之故私降昵宴羣臣弗敢知

昵近也降
昵宴謂損

親近聲樂
飲食之事

若夫宋國之法死生之度先君有

命矣羣臣以死守之弗敢失隊臣之失職

常刑不赦臣不忍其死君命祗辱

言君命必
不行祗適

也宋公遂行己亥卒于曲棘

爲明年梁丘
據語起本

疏

服而相之

正義曰言己與父平公盛服飾而輔相之也
注桴柎至骨也 正義曰說文云桴方木也幹脅也木

以藉膏明是棺中焚林也宋元所言藉幹者舉脅而言耳非獨爲膏故云幹骸骨也

十二月庚

辰齊侯圍鄆

欲取以居公不書圍鄆人自服不成圍

疏

注欲取至成圍正義曰

經書取鄆而傳言圍鄆故云鄆人自服不成圍以傳云書取言易也故賈爲此解杜從之也劉炫以爲此時圍鄆而未得明年方始取之經即因圍書取使言實圍之日非自服也而規杜氏今知非者案二十六年公圍成亦是圍而不得而書圍此若圍鄆不得何以不書圍案元年伐莒取鄆書取不言伐此圍鄆取鄆亦書取不言圍其義正同何爲不可劉何知此年圍鄆未服鄆若未服經何得書取苟出膏臆而規杜氏非也

初臧昭伯如

晉臧會竊其寶龜僂句

僂句龜所出地名

以下爲信

與僭僭吉

僭不信也

臧氏老將如晉問

問昭伯起居

會

請往

代家老行

昭伯問家故盡對

故事也

及內子

與母弟叔孫則不對

內子昭伯妻不對若有他故

再三問

不對歸及郊會逆問又如初

又不對

至次於

外而察之皆無之執而戮之逸奔郈郈魴

假使爲賈正焉

郈在東平無鹽縣東南魴假郈邑大夫賈正掌貨物使有常價若市

吏計於季氏

送計簿於季氏

臧氏使五人以戈楯

伏諸桐汝之間

桐汝里名

會出逐之反奔執諸

季氏中門之外平子怒曰何故以兵入吾

門拘臧氏老季臧有惡

相怨惡

及昭伯從公

平子立臧會

立以為臧氏後

會曰僕句不余欺也

傳言

卜筮之驗

疏

注僕句至地名

正義曰釋魚云一曰神龜六曰筮龜七曰山龜八曰澤龜九曰水龜十曰火龜則

善惡由人

疏

龜二曰靈龜三曰攝龜四曰寶龜五曰文龜名無僕句故云所出地之名臧氏有蔡又有此蓋所寶

非一使為賈正焉正義曰賈正如周禮之賈師也賈師二十肆則一人其職云各掌其次之貨賄之治辯其物

而均平之禁貴賣者使有恒賈此郕邑大夫使為賈正使為郕市之賈正也郕在後為叔孫私邑此時尚為公邑故

使賈正通計

楚子使遠射城州屈復茹人焉

簿於季氏

還復茹人於州屈

城丘皇遷訾人焉

移訾人於丘皇

使熊相

祿郭巢季然郭卷

使二大夫爲巢卷築郭也卷城在南陽葉縣南

子大

叔聞之曰楚王將死矣使民不安其土民

必憂憂將及王弗能久矣

爲明年楚子居卒傳

經二十有六年春王正月葬宋元公

三月而葬速

三月公至自齊居于鄆

疏

公至自齊正義曰往年公孫于齊

齊侯唁公于野井公未必往至齊都而云至自齊者得與齊侯相見雖從齊竟而來亦是至自齊也穀梁傳云公次

于陽州其曰至自齊何也以齊侯之見公可以言至自齊是也公不得歸其國都而書至者賈云季氏示欲爲臣故

以台廟

夏公圍成

成孟氏邑不書齊師帥賤衆少重在公

秋公會齊

侯莒子邾子杞伯盟于鄆陵

鄆陵地闕

公至自

會居于鄆

無傳

九月庚申楚子居卒

未同盟而赴以名

冬十月天王入于成周

傳云天王入在子朝奔後經在前者子朝來告晚

疏

天王入于成周

正義曰二十三年七月天王居于狄泉自爾以來單子劉子夾以東西雖不出王節而

召無定所此時始得入于成周遂以成周爲都來告故特書之案傳子朝奔楚及王入成周皆在十一月經書王入成周子朝奔楚皆在十月者從告也劉炫云杜以朝既奔楚王始得入入必在朝奔後經書王入在前傳有告于諸侯之語故以爲王告入在前朝告奔在後故先書王入炫謂子朝出亦王告下注與此自違

尹氏召

伯毛伯以王子朝奔楚

召伯當言召氏經誤也尹召族非一人故直

氏書奔在王入下

疏

注召伯至諸侯正義曰傳言召

者王入乃告諸侯

伯盈逐王子朝朝及召氏之族奔

楚召伯逆王子尸與王入于成周則召氏族出奔召伯身

不奔也知召伯當為召氏經誤也宣十年崔氏出奔書崔

氏者非其罪也此尹氏召氏立庶篡適並為有罪而亦書

氏者彼實崔杼身奔非是舉族盡出但於例諸侯之卿出

奔者有罪則名無罪則不名崔杼不合書名因其來告以

族遂書崔氏示杼無罪也此尹氏召氏舉族悉奔據實而

書與彼有異故注云尹召族奔非一人故言氏所謂文同

而意異也子朝奔王乃得入書奔在王入下者王入乃告

諸侯也劉炫云杜上注云子朝來告晚何為此注又云王

入乃告諸侯以二注不同將為杜失今知不然者杜意王

入乃告謂王入之後子朝乃告杜以傳云癸酉王入于成

周癸未王入于莊宮始云王子朝使告諸侯是王入之後

子朝告諸侯也劉以為王入乃

告據王告諸侯而規杜失非也

傳二十六年春王正月庚申齊侯取鄆前

已取鄆至是乃發**疏**注前年至鄆起正義曰杜謂往

傳者為公處鄆起年已取鄆此又發傳言齊侯取鄆

者為下三月公處鄆以發端也服虔以為往年齊侯取鄆

實圍鄆耳經於圍書取傳實其事故於是言取劉以服言

為是往年十二月庚辰圍鄆今年正月庚申取之凡三十

一日例書取言易此圍乃取言易者齊侯取以居公臣無

拒君之義若魯自與之然故書取以見其**葬宋元公**

易穀梁曰以其為公取之故易言之是也

如先君禮也善宋人違命以合禮**三月公至自齊處于**

鄆言魯地也入魯竟故書至猶在外故書地**夏齊侯將納公**

命無受魯貨申豐從女賈豐賈二人皆季氏家臣以幣

錦二兩

二文爲一端二端爲一兩所謂匹也二兩二匹

縛一如瑱

瑱充耳縛卷也

意卷使如充耳易懷藏

適齊師謂子猶之人高齎

齎子猶家臣子

猶梁丘據

能貨子猶爲高氏後粟五千庾

言若能爲我行

貨於子猶當爲請使得爲高氏後又當致粟五千庾庾十六斗凡八千斛

高齎以錦示子

猶子猶欲之齎曰魯人買之百兩一布以

道之不通先入幣財

言魯人買此甚多布陳之以百兩爲數

子猶

受之言於齊侯曰羣臣不盡力于魯君者

非不能事君也

欲行其說故先示欲盡力納魯君

然據有異

焉

異猶怪也

宋元公爲魯君如晉卒於曲棘叔

孫昭子求納其君無疾而死不知天之弃

魯邪抑魯君有罪於鬼神故及此也君若

待于曲棘使羣臣從魯君以上焉

上知可伐否

若

可師有濟也君而繼之茲無敵矣若其無

成君無辱焉齊侯從之使公子鉏帥師從

公

鉏齊大夫

成大夫公孫朝謂平子曰有都以衛

國也請我受師許之

以成邑禦齊師

請納質

恐見疑

弗

許曰信女足矣告於齊師曰孟氏魯之敝

室也

敝壞也

用成已甚弗能忍也請息有子

齊

公孫朝詐齊師言欲降使來取成

齊師圍成成人伐齊師

之飲馬于淄者曰將以厭衆

以厭衆心不欲使知已降也淄

水出泰山梁父縣西北入汶

魯成備而後告曰不勝衆

告齊

言衆不欲降已不能勝

師及齊師戰于炊鼻

季氏師距公非公命則不

書炊鼻魯地

齊子淵捷從洩聲子

聲子魯大夫

射之中

楯瓦

互楯脊

繇胸汰斡匕入者三寸

入楯瓦也胸車斡斡

車轅繇過也沃矢激匕矢鏃也

聲子射其馬斬鞅殪

殪死也

改

駕人以爲驂戾也而助之

人魯人也驂戾孫氏司馬

子

車曰齊人也

子車即淵捷

將擊子車子車射之

殪其御曰又之

又欲使射餘人

子車曰衆可懼也而

不可怒也子囊帶從野洩叱之

囊帶齊大夫野洩即聲子

洩曰軍無私怒報乃私也將亢子

欲以公戰禦之不欲

私報其叱

又叱之

子囊復叱之

亦叱之

野洩亦叱也言齊無戰心但相叱

冉

賢射陳武子中手

冉賢季氏臣

失弓而罵

武子罵

以

告平子曰有君子白皙鬢鬚眉甚口平子

曰必子彊也無乃亢諸子彊武子字對曰謂之君

子何敢亢之偽言不敢違季氏林雍羞為顏鳴右下

皆魯人羞為右故下車戰苑何忌取其耳何忌齊大夫不欲殺苑但截其耳以辱之

顏鳴去之其右見獲懼而去之苑子之御曰視下顧復欲

使苑子擊其足苑子刺林雍斷其足鑿而乘於他車

以歸鑿一足行顏鳴三入齊師呼曰林雍乘言

人皆致力於季氏疏注瑱充耳正義曰家語云水至清則無魚人至察則無徒故人君

冕而前旒所以蔽明黠纁塞耳所以蔽聽又詩云玉之瑱也禮以一條五采橫冕上兩頭下垂繫黃絲緝下又懸玉爲瑱以塞耳 五千庾 正義曰聘禮記云十六斗曰簋十簋曰秉鄭玄云秉十六斛今江淮之間量名有爲簋者今文簋爲逾杜據儀禮今文故以庾爲十六斗五千庾凡八千斛考工記陶人爲庾實二穀厚半寸脣寸其下文旋人云豆實三而成穀則穀受斗二升庾實二穀則受二斗四升也彼陶人所作庾自瓦器今甕之類非量器也與此名同而實異 君若待于曲棘 正義曰宋公佐卒于曲棘者杜云曲棘宋地陳留外黃縣城中有曲棘里今齊侯欲納魯君當是從齊向魯必不遠涉宋地子猶令齊君待于曲棘必使止於竟內土地名齊地無曲棘十年傳相子召子山而反棘焉杜云齊國西安縣東有棘里亭蓋此即彼棘也本無曲字涉上卒于曲棘誤加曲耳 射之至三寸 正義曰射之中楯瓦先言中之之處更說矢來之狀繇車輒矢激從車棘之上其矢之匕鏃入著楯瓦者猶深

三寸言其弓力多而矢入深也 注入楯至鏃也 正義

曰此覆說中楯之事故知入者入楯瓦也 說文云輶輶下

曲者襄十四年傳稱射兩輶而還此與彼同蓋胸輶字通

用耳繇即由也訓為從也從上而過故言繇過也宣四年

傳云伯棼射王汰斬注云汰過也此云汰矢激謂矢激汰

其上而過也傳言匕入則匕是入楯者也今人猶謂箭鏃

薄而長闊者為匕是匕為矢鏃也 驥鬚眉甚口 正義

曰說文云驥鬚眉也驥鬚眉者言驥眉皆稠多也甚口者

謂大口也 荆林雍 正義曰說文云荆擊也字從刀謂

以刀擊也今江南猶謂刀擊為荆 注鑿一足行 正義

曰既斷其足而云鑿知鑿是一足行也 四月單子如

說文云鑿金聲也蓋擊金為聲亦名鑿

晉告急五月戊午劉人敗王城之師于尸

氏 劉人劉盆之屬王城子朝之 戊辰王城入劉

徒尸氏在鞏縣西南偃師城

人戰于施谷劉師敗績

施谷周地

秋盟于鄆陵

謀納公也

齊侯謀

七月己巳劉子以王出

敗師

懼而出

庚午次于渠

渠周地

王城人焚劉

燒劉子邑

丙

子王宿于褚氏

洛陽縣南有褚氏亭

丁丑王次于崔

谷庚辰王入于胥靡辛巳王次于滑

崔谷胥靡

滑皆周邑胥靡滑本鄭邑

晉知躒趙鞅帥師納王使女寬

守闕塞

女寬晉大夫闕塞洛陽西南伊闕口也守之備子朝

疏

劉子以王出正義曰二

十三年傳云六月庚寅單子劉子焚齊以王如劉蓋從劉而居狄泉自狄泉又居於劉今爲子朝所逐蓋自劉而出

也服虔云出成周也案二十三年天王居于狄泉狄泉雖近成周成周不屬王也其傳云召伯奭南宮極以成周人成尹二十四年傳云王子朝用成周之寶珪于河是周常屬子朝之驗也二十五年黃父之會趙簡子令諸侯之大夫云明年將納王納王者欲納之於成周耳若敬王先在成周無爲更湏納之知此出者從劉出耳王旣棄劉而去故王城人焚劉 汧荏谷至鄭邑 正義曰王雖未有安居終亦不出畿內知此皆周地也襄十八年楚人伐鄭傳稱公子格率銳師侵費滑胥 九月楚平王卒令靡是本爲鄭邑今爲周邑也

尹子常欲立子西

子西平王之長庶

曰大子壬弱其

母非適也

王昭王也

王子建實聘之子西長而

好善立長則順建善則治王順國治可不

務乎子西怒曰是亂國而惡君王也

言王子建勝之

是章君王之惡

國有外援不可瀆也

外援秦也瀆慢也

王有適

嗣不可亂也敗親速讎

不立壬秦將來討是速讎也

亂嗣

不祥我受其名

受惡名

賂吾以天下吾滋不

從也

滋益也

楚國何爲必殺令尹令尹懼乃

立昭王

䟽

賂吾至從也天下使吾爲天子吾益不從也

正義曰賂吾以

冬十

月丙申王起師于滑

起發也

辛丑在郊

郊子朝邑

遂次于尸十一月辛酉晉師克鞏

知蹠趙鞅之師

召伯盈逐王子朝

伯盈本黨子朝晉師克鞏知子朝不成更逐之而逆敬王

子朝及召氏之族毛伯得尹氏固南宮嚭

奉周之典籍以奔楚

尹召二族皆奔故稱氏重見尹固名者為後還見殺

忌奔莒以叛

陰忌子朝黨莒周邑

召伯逆王子尸及劉

子單子盟

召伯新還故盟

遂軍圉澤次于隄上

澤

隄上皆周地

癸酉王入于成周

成周今洛陽

甲戌盟于襄

宮

襄王之廟

晉師使成公般成周而還

般晉大夫

十二

月癸未王入于莊宮

莊宮在王城

王子朝使告于

諸侯曰昔武王克殷成王靖四方康王息

民並建母弟以蕃屏周亦曰吾無專享文

武之功

不敢專故建母弟

且爲後人之迷敗傾覆而

溺入于難則振救之至于夷王王愆于厥

身

夷王厲王父也愆惡疾也

諸侯莫不並走其望以祈王

身至于厲王王心戾虐萬民弗忍居王于

蕤

不忍害王也厲王之末周人流王子蕤

諸侯釋位以間王政

間猶與也去其位與

帝王之政事

宣王有志而後效官

宣王厲王子蕤之亂宣王尚少召公虎取

而長之效授也

至于幽王天不弔周王昏不若用愆

厥位

幽王宣王子若順也愆失也

攜王奸命諸侯替之而

建王嗣用遷邲鄢

攜王幽王少子伯服也王嗣宜曰也幽王后申姜生大子宜曰

王幸褒姒生伯服欲立之而殺大子大子奔申申伯與鄭及西戎伐周戰于戲幽王死諸侯廢伯服而立宜曰是為

平王東遷邲鄢

則是兄弟之能用力於王室也至于

惠王天不靖周生頹禍心施于叔帶惠襄

辟難越去王都

惠王平王六世孫頹惠王庶叔也莊十九年作亂惠王適鄭襄王惠

王子叔帶襄王弟僖二十四年叔帶作難襄王處汜

則有晉鄭咸黜不端去

也晉文殺叔帶鄭厲殺子頹為王室去不端直之人

以綏定王家則是兄弟

之能率先王之命也在定王六年秦人降

妖

定王襄王孫定王六年魯宣八年

曰周其有頌王亦克能脩

其職諸侯服享二世共職

二世謂靈景

王室其

有間王位諸侯不圖而受其亂災

間王位謂子朝也今

子朝以為王猛受亂災謂楚也今子朝以為晉

至于靈王生而有頌

靈王

定王孫

土甚神聖無惡於諸侯靈王景王克

終其世

景王靈王子

今王室亂單旗劉狄剽亂天

下壹行不若

單旗穆公也劉狄劉盆也壹專也

謂先王何常之

有

言先王無常法

唯余心所命其誰敢討之帥羣

不弔之人

弔至也

以行亂于王室侵欲無厭

規求無度貫瀆鬼神

貫習也瀆易也

慢弃刑法倍

奸齊盟傲很威儀矯誣先王晉爲不道是

攝是贊

攝持也贊佐也先王謂景王

思肆其罔極

肆放也

茲

不穀震盪播越竄在荆蠻

茲此也此不穀子朝自謂

未有

攸底

底至也攸所也

若我一二兄弟甥舅辨順天

法無助狡猾以從先王之命毋速天罰赦

圖不穀

赦其憂而圖其難

則所願也敢盡布其腹心

及先王之經而諸侯實深圖之昔先王之

命曰王后無適則擇立長年鈞以德德鈞

以卜

此所謂先王之經

王不立愛公卿無私古之制

也穆后及大子壽早夭即世

在十五年

單劉贊

私立少以間先王

間錯先王之制

亦唯伯仲叔季圖

之

伯仲叔季之伯仲叔季

閔馬父聞子朝之辭曰文辭以

行禮也子朝干景之命遠晉之大以專其

志無禮甚矣文辭何爲

傳終王室亂

疏

昔武王克殷正義曰諸

家本皆然服虔王肅並注云文王受命武王伐紂故云文王克殷下句云吾無專享文武之功則合文武是也杜無

注諸本悉作武王克殷疑誤也今定本亦作武王克殷夷王正義曰謚法安民好靜曰夷注不忍至于夷

正義曰周語云厲王虐國人謗王召公告曰民不堪命也王怒得衛巫使監謗者以告則殺之國莫敢言道路以目三年乃流王于彘劉炫案周本紀民相與叛襲厲王厲王出奔于彘周語又曰彘之亂宣王在召公之宮國人圍之召公知之乃以其子代宣王言代王則國人謂是宣王國語雖不言殺必殺之矣國人相與襲王王既奔免得王子而殺之若得厲王亦應不舍而杜云不忍害王未必然也當謂不忍者不能忍王之虐也今知不然者下云居王于

彘是以理居處厲王于彘又云諸侯釋位以間王政是憂
念王政則不忍者是不忍害王也若其必欲殺王應云王
奔于彘劉以爲周語云周人欲殺王子召公以子代之則
周人欲殺王子何肯不忍害不以爲不忍者不堪忍王惡
案周語但云求王子不云求殺之是益橫周語之文而規
杜過非也 注間猶至政事 正義曰周本紀云彘之亂
宣王在召公之宮國人圍之召公以其子代太子子竟
得脫周召二公二相行政號曰共和元年是其釋位與治
王政之事也 注宣王至授也 正義曰周語云召公以
其子代宣王宣王長而立之周本紀云共和十四年厲王
死于彘太子靖長于召公家二相乃共立之爲王是爲宣
王是召公長之也共和之年官之政事皆決於二相宣王
長而有志堪爲人主二相乃致其官政於王也效者致與
之義故注云效授也 注攜王至郊郛 正義曰鄭語稱
夏之衰也褒人之神化爲二龍以同於王庭而言曰余褒
之二君也夏后卜殺之與去之與止之莫吉卜請其禋而

藏之吉乃布幣焉而策生足龍亡而蔡在積而
殷周莫之發也及厲王之末發而觀之蔡流於
不可也王使婦人不悖而譟之化爲玄龜以入於王府府之
妾未旣亂而遭之旣笄而孕當宣王而生不夫而育故
而棄之時有童謡曰壓弧箕箒實亡周國於是宣王聞之
乃有夫婦鬻是器者王使執而戮之夫婦方發逃在路
其夜號也而取之以逸逃於褒褒人有獄而以入於王王
遂置之而嬖是女使至於后而生伯服周語云幽王伐有
褒褒人以褒姒女焉褒姒有寵生伯服於是平與號石父
比逐大子宜咎而立伯服大子出奔申申人繒人召西戎
以伐周周於是亡書傳多說其事此其本也詩序云幽王
取申女以爲后後得褒姒而黜申后周本紀云幽王太子
母申侯女也而爲后王廢后并去太子用褒姒爲后以其
子伯服爲太子申侯怒乃與繒西戎共殺幽王于驪山之
下虜褒姒盡取周賂而去於是諸侯乃即申侯共立故幽
王大子宜臼是爲平王東遷徙於洛邑辟戎虜也魯語云

幽王滅于戲戲驪山之北水名也皇甫謐云今京兆新豐東二十里戲亭是也劉炫云如國語史記之文幽王止立伯服爲太子耳既虜褒姒必廢其子未立爲王而得呼爲攜王者或幽王死後褒姒之黨立之爲王也汲冢書紀年云平王奔西申而立伯盤以爲大子與幽王俱死于戲先是申侯魯侯及許文公立平王於申以本太子故稱天王幽王旣死而虢公翰又立王子余臣於攜周二王並立二十一年攜王爲晉文公所殺以本非適故稱攜王束皙云案左傳攜王奸命舊說攜王爲伯服伯服古文作伯盤非攜王伯服立爲王積年諸侯始廢之而立平王其事或當然注惠王平王六世孫正義曰世本云平王生桓王林生莊王佗生僖王胡齊齊生惠王涼是六代也惠王生襄王鄭鄭生頃王巨生匡王班及定王瑜瑜生簡王夷夷生靈王泄心心生景王貴貴生悼王猛及王白威烈不端正義曰諸本威或作滅王肅云威音也傳威爲七經詩其傳詩有此句王羲之寫亦作威杜本

在定至亂災 正義曰降者自上而下之言當時秦人
此妖語若似自上而下神馮之然故云降妖也然自受其
亂災以上皆是妖語至于靈王以下是子朝演說妖言謂
子猛當開王位耳服享言諸侯服從獻國之所有 規求
無度 正義曰俗本作規服王孫皆注云玩貪也元年傳
曰翫歲而竭日杜云翫惕皆貪也則此言貪求無限應本
或作規謬也 倍好齊盟 正義曰倍即背也違背奸犯
齊同之盟也案於時諸侯不有同盟許立子朝單劉未嘗
與朝結盟而復背之言單劉倍奸齊盟誣之 注攝持至
景王 正義曰是攝言執持之使不傾危也是贊謂佐助
之使得存立也故以攝為持贊為佐也杜以先王為景王
則矯誣先王者當謂矯景之命立猛耳知先王非先世之
王者以言矯誣是矯詐誣罔罔其人有語矯誣之猶今矯
稱詔勅若先世之王去此久遠不得有立猛之事子朝何
得稱矯誣之乎又傳云平景之命故杜以先王謂景王劉
炫以為先世之王而規杜氏非也 毋速天罰 正義曰

速召也子朝以單劉爲亂從之必有天殃故勸諸侯無召
天罰 昔先至以下 正義曰先王先世之王不斥一人
蓋自古以來共如此也襄三十一年傳曰公薨立胡女敬
歸之子子野子野卒立敬歸之娣齊歸之子裊穆叔曰太
子死有母弟則立之無則立長年鈞擇賢義鈞則卜古之
道也非適嗣何必娣之子彼言大子死立母弟則此言擇
立長謂無母弟者也彼又云子野非適嗣何必娣之子然
則適嗣立而死當立娣之子也姪與娣同蓋王后夫人無
姪娣之子乃於諸妾之子擇立長耳年鈞擇賢與此年鈞
以德皆謂母之貴賤等者公羊傳曰立適以長不以賢立
子以貴不以長明母貴則先立也此子朝之母必賤於猛母
故專言立長之義不言母之貴賤何休難年鈞以德之言
云人君所賢下必從之焉能使王不立愛也鄭云荅云周
禮小司寇掌外朝之政以致萬民而詢焉其三曰詢立君
其位王南鄉三公及州長百姓北而羣臣西而羣吏東面
小司寇以叙進而問焉如此則大衆之口非君所能是

王不得立受之法也公卿至制也正義曰三公六卿無得私附王之庶子而妄立之其意言單劉有私情違古制也何休難云大夫不世功而并爲公卿通繼嗣左氏爲短鄭玄云公卿之世有大功德先王命所不絕者何難旣非鄭答亦謬

齊有彗星

出齊之分野不書魯不見

齊侯使禳之

祭以禳除之

晏

子曰無益也祇取誣焉

誣欺也

天道不諂

諂疑也

不

貳其命若之何禳之且天之有彗也以除穢也君無穢德又何禳焉若德之穢禳之何

損詩曰惟此文王小心翼翼昭事上帝聿

懷多福厥德不回以受方國

詩大雅翼翼共也聿惟也回遠也言文王

德不遠天人之故四方之國歸往之

君無違德方國將至何患於

彗詩曰我無所監貞后及商用亂之故民

卒流亡

逸詩也言追遠夏商之亡皆以亂故

若德回亂民將流亡

祝史之爲無能補也公說乃止

疏

注出齊至不見

正義曰傳言齊有此星而齊侯使禳之明出齊之分野出於玄枵之次也彗即孛也文十四年有星孛入于北斗十七年有星孛于大辰彼皆書此不書者時魯不見或陰不見

詩曰至方國

正義曰詩大雅大明之篇也唯此文王慎小其心翼翼然共順也又能明事上天惟行上天

之道思使自得多福其德不有回邪以受四方之國言四方皆

歸之齊侯與晏子坐于路寢公歎曰美哉

室其誰有此乎

景公自知德不能久有國故歎也

晏子曰敢問

何謂也公曰吾以爲在德對曰如君之言

其陳氏乎陳氏雖無大德而有施於民且

區金鍾之數其取之公也薄

謂以公量收

其施之

民也厚

謂以私量貸

公厚歛焉陳氏厚施焉民

歸之矣詩曰雖無德與女式歌且舞

詩小雅義取雖

無大德要有善說之心欲歌舞之式用也

陳氏之施民歌舞之矣後

世若少嗜陳氏而不亡則國其國也已公

曰善哉是可若何對曰唯禮可以已之在

禮家施不及國民不遷農不移工賈不變

守常士不濫不失官不滔滔慢也大夫不收

公利不作公曰善哉我不能矣吾今而後

知禮之可以爲國也對曰禮之可以爲國

也久矣與天地並有天地則君令臣共父慈

子孝兄愛弟敬夫和妻柔姑慈婦聽禮也

君令而不違臣共而不貳父慈而教子孝

而箴

箴詐也

兄愛而友弟敬而順夫和而義

妻柔而正姑慈而從

從不自專

婦聽而婉

婉順也

禮之善物也公曰善哉寡人今而後聞此

禮之上也對曰先王所稟於天地以爲其

民也是以先王上之

稟受也

疏

詩曰至且舞正義曰詩小雅車淠

正

刺幽王也

家施不及國

正義曰大夫稱家家之所施

不得施及國人言國人是國君之所有大夫不得妄施遺

之以樹己私惠陳氏施及國人是違禮也

大夫不收公

利正義曰尚書洪範曰惟辟作福惟辟作威臣無有作

福作威臣之有作福作威其害于而家凶于而國是言作

福作威君之利也大夫不得聚收公利自作福也陳氏作

福以招國人之心施民作福是收公利也禮之至地並正義曰天地人民莫知其始但人稟陰陽之氣生於天地之間天地既形人民必育易序卦曰有天地然後有萬物有萬物然後有男女有男女然後有夫婦有夫婦然後有父子有父子然後有君臣有君臣然後有上下有上下然後禮義有所錯是言有天地即有人民有人民即有父子君臣父子相愛君臣相敬敬愛爲禮之本是與天地並興先王至上之正義曰先古聖王所治理人民者爲受陰陽之氣生於天地之中以有上下之禮乃可治其天下又禮與天地同貴是以先王上之

春秋正義卷第三十一

春秋正義卷第三十二

昭公

昭公

國子祭酒上護軍曲阜縣開國子臣孔穎達等奉

勅撰

經二十有七年春公如齊

自鄆

公至自齊

居于鄆夏四月吳弑其君僚

僚亟戰民罷又

間而動稱國

以弑罪在僚

注僚亟至在僚正義曰杜數僚之罪以

與楚戰于長岸二十三年伐州來敗楚于雞父其年又使太子諸樊入郢二十四年滅巢及鍾離此年又因楚喪而伐之是其亟戰民罷又伐楚喪故光得乘間而動稱國以弑罪在僚也言舉國皆欲弑之非獨光之罪故不書光弑

楚殺其大夫卻宛

無極楚之譏人宛所明知而信近之以取敗亡故書名罪宛

疏

注無極至罪宛正義曰文七年宋殺其大夫傳曰不稱名非其罪也死者無罪則不稱其名是稱名者

皆為有罪矣此卻宛書名故杜跡其為罪之狀書名所以罪宛也

秋晉士鞅宋樂

祁犁衛北宮喜曹人邾人滕人會于扈冬

十月曹伯午卒

無傳未同盟而赴以名

邾快來奔

無傳快邾命卿

也故書

疏

注快邾至故書正義曰邾是小國其臣見於經者甚少唯此與襄二十三年邾卑我來奔書

者二人而已釋例曰魯之叔孫父兄再命而書於經晉之司空亞旅一命而經不書推此知諸侯大夫再命以上皆書於經自一命以下大夫及士經皆稱人名氏不得見此皆典策之正文也小國之卿或命而禮儀不備或未加命

數故不書之邾卑我之等其奔亡亦多所書唯數人而已
知其合制者少杜言數人謂此快與卑我及曹公孫會也
是言快是邾之命卿備於禮成爲卿故
書也快不書氏蓋未賜族無可稱也
公如齊自鄆公行

至自齊居于鄆

無傳

傳二十七年春公如齊公至自齊處于鄆

言在外也

在外邑故書地

吳子欲因楚喪而伐之

前年楚平王卒

使公子掩餘公子燭庸帥師圍潛

二子皆王僚母弟潛楚邑在廬江六縣西南

使延州來季子聘于上

國

季子本封延陵後復封州來故曰延州來

遂聘于晉以觀諸侯

親疆弱

楚莠尹然工尹麋帥師救潛

二尹楚官然麋

其左司馬沈尹戌帥都君子與王馬之屬

以濟師

都君子在都邑之士有復除者王馬之屬王之養馬官屬校人也濟益也

與吳

師遇于窮令尹子常以舟師及沙汭而還

沙水名

左尹郤宛工尹壽帥師至于潛吳師

不能退

楚師疆故吳不得退去

吳公子光曰此時也

弗可失也

欲因其師徒在外國不堪役以弑王

告鱣設諸曰上

國有言曰不索何獲我王嗣也吾欲求之

光吳王諸樊子也故曰我王嗣

事若克季子雖至不吾廢也

至謂聘還

鮑設諸曰王可弑也母老子弱是無

若我何

猶言我無若是何欲以老弱託光

光曰我爾身也

我言

身猶爾身

夏四月光伏甲於堀室而享王

掘地爲室

王

使甲坐於道及其門

坐道邊至光門

門階戶席皆

王親也夾之以鉞羞者獻體改服於門外

羞進食也獻體解衣

執羞者坐行而入

坐行膝行

執鉞者夾

承之

承執羞者

及體以相授也

鉞及進羞者體以所食授王

光

偽足疾入于堀室

恐難作王黨殺已素辟之

鱗設諸寘劍

於魚中以進

全魚

抽劍刺王鉞交於曾

交鱗

遂弑王闔廬以其子爲卿

闔廬光也以

鱗諸子爲卿

季子

至曰苟先君無廢祀民人無廢主社稷有

奉國家無傾乃吾君也吾誰敢怨哀死事

生以待天命非我生亂立者從之先人之

道也

吳自諸樊以下兄弟相傳而不立適是亂由復先人起也季子自知力不能討光故云爾

復

命哭墓

復使命於僚墓

復位而待

復本位待光命

吳公子

掩餘奔徐公子燭庸奔鍾吾鍾吾小國楚師聞

吳亂而還言聞吳亂明卻宛不取賂而還卻宛直而和國人

說之以直事君以和接類鄢將師為右領右領官名與費無

極比而惡之惡卻宛令尹子常賄而信讒無

極替卻宛焉謂子常曰子惡欲飲子酒子惡

卻宛又謂子惡令尹欲飲酒於子氏子惡曰

我賤人也不足以辱令尹令尹將必來辱

為惠已甚吾無以酬之若何酬報無極曰

令尹好甲兵子出之吾擇焉

擇取以進子常

取五

甲五兵曰寘諸門令尹至必觀之而從以

酬之

曰無極辭

及饗日惟諸門左

張帷陳甲兵其中

無極

謂令尹曰吾幾禍子子惡將爲子不利甲

在門矣子必無往且此役也

此春救潛之役

吳可以

得志子惡取賂焉而還又誤羣帥使退其

師曰乘亂不祥吳乘我喪我乘其亂不亦

可乎令尹使視郤氏則有甲焉不往召鄢

將師而告之

告子惡門有甲兵將害己

將師退遂令攻郤

氏且爇之

也 爇燒

子惡聞之遂自殺也國人

弗爇令曰不爇郤氏與之同罪或取一編

菅焉或取一秉秆焉

編管苦也秉把也秆稾也

國人投

之遂弗爇也令尹炮之

炮煇郤宛

盡滅郤氏之

族黨殺陽令終與其弟字及佗

今終陽甸子

與

晉陳及其子弟

晉陳楚大夫皆郤氏黨

晉陳之族呼於

國曰鄢氏費氏自以爲王專禍楚國弱寡

王室蒙王與令尹以自利也

也蒙欺

令尹盡

信之矣國將如何令尹病之

為下殺無極張本

疏

注

子至母弟

正義曰賈逵云然當是相傳說耳未必有正文也三十年傳此二公子奔楚楚子大封而定其徙子西

諫曰吳光新得國若好吾邊疆使柔服焉猶懼其至吾又

疆其讎以重怒之無乃不可乎謂此二子為光之讎或當

是僚母弟也聘于上國正義曰服虔云上國中國也

蓋以吳辟在東南地勢卑下中國在其上流故謂中國為

上國也下云遂聘于晉則上國之言不包晉矣當摠謂宋

衛陳鄭之徒為上國耳亦不知其時聘幾國也經不書未

必不至魯檀弓云延陵季子適齊於其反也其長子死葬

於贏博之間鄭玄云魯昭二十七年吳公子札聘於上國

是也如鄭之言此時或聘齊也注季子至州來正義

曰襄三十一年注云延州來季札邑此又分拆之言本封

正義

延陵後復封州來故曰延州來成七年吳入州來注云楚
邑淮南下蔡縣是也十三年吳滅州來二十二年傳云吳
伐州來楚遠越救之則州來未爲吳有不可以封札也釋
例土地名延州來闕則延陵州來並闕不知其處杜意當
謂吳地別有州來非楚邑也鄭玄云季子諱國居延陵因
號焉襄二十九年公羊傳曰季子去之延陵終身不入吳
國然則季子雖則諱國猶尚仕爲吳卿非自竄於彼地吳
世家云季札封于延陵故號曰延陵季子杜言封是也封
謂賜之爲采邑耳注二尹楚官正義曰楚官多以尹
爲名知二尹是官名耳其莠王之義不可知也服虔云主
尹主官內之政莠不可解王未必然定本王作工注都
君至校人正義曰都謂國都在都君子明是在都邑之
士也都邑之士以君子爲號故知是有復除者謂優復其
身除其徭役賈逵云然今之律令猶名放謫役者爲復除
是漢世以來有此言也此人或別有功勞或曲蒙恩澤平
常免其徭役事急乃使之耳周禮校人掌養馬知王馬之

屬是王之養馬之官屬也校人職云凡頒良馬而養乘之
乘馬一師四圉三乘爲阜阜一趣馬三阜爲繫繫一馭夫六
繫爲旂旂一僕夫六旂成校校有左右驚馬三良馬之數
麗馬一圉八麗一師八師一趣馬八趣馬一馭夫諸侯六
閑養馬之人多矣此唯養馬不給餘役今亦事急而撓使
之遇于窮正義曰土地名窮闕也本或窮下有谷字
者爲定七年傳敗尹氏于窮谷涉彼而誤耳上國有言
正義曰賈逵云上國中國也服虔云上國謂上古之國賢
士所言也此猶如上文聘于上國則賈言是也注光吳
至王嗣正義曰吳世家云吳王壽夢有子四人長曰諸
樊次曰餘祭次曰餘昧次曰季札季札賢而壽夢欲立之
季札讓不可乃立諸樊諸樊卒有命授弟餘祭餘祭欲傳以次
必致國於札兄弟皆欲致國今以漸至焉餘祭卒弟餘昧
立餘昧卒欲授季札札讓逃去於是吳人曰先王有命必
致季子今逃位則餘昧侈立今卒其子當代乃立餘昧之
子僚爲王公子光者王諸樊之子也常以爲吾父兄弟四

人當傳至季子季子不受光父先立若既不傳季子光當立遂殺王僚光代立爲王是史記以光爲諸樊之子僚爲夷昧之子也襄二十九年公羊傳曰謁也餘祭也夷昧也與季子同母者四季子弱而才兄弟皆愛之同欲立之以爲君弟兄迭爲君而致國乎季子故謁也死餘祭也立餘祭也死夷昧也立夷昧也死則國宜之季子者也季子使而亡焉僚者長庶也即之闔閭曰將從先君之命與則國宜之季子者也如不從先君之命與則我宜立者也僚惡得爲君乎於是使專諸刺僚世本云夷昧及僚夷昧生光服虔云夷昧生光而廢之僚者夷昧之庶兄夷昧卒僚代立故光曰我王嗣也是用公羊爲說也杜言光吳王諸樊子用史記爲說也班固云司馬遷采世本爲史記而今之世本與遷言不同世本多誤不足依馮故杜以史記爲正也光言王嗣者言已是世適之長孫也 注猶言至託光正義曰古人言有顛倒故杜以爲是無若我何猶言我無若是何恐已死之後不能存立欲以老弱託光也彭仲博

云當言是無我若何我毋無我當如何我字當在若上
門階至親也 正義曰言從門至階從階至戶從戶至席
皆是王之親兵也 鉞 正義曰說文云鉞劒也則鉞是
劒之別名 及體以相授 正義曰鉞之鋒刃及進羞者
體也王之左右必更有人受羞以進王故言相授也雖則
相授進羞者得至王所 注全魚炙 正義曰吳世家云
罇諸置匕首於炙魚之中以進食手匕首刺王僚匕首者
劍首如匕匙手匕首謂執匕首也 取五甲五兵 正義
曰周禮司右云凡國之勇力之士能用五兵者屬焉鄭引
司馬法曰弓矢圍矢矛守戈戟助凡五兵長以衛短短以
救長然則弓矢及矛戈戟五者皆名爲兵此云五兵當是
一種器耳不知取何兵也服虔云兵戟也 注編管至橐
也 正義曰釋草云白華野管郭璞云管茅屬釋器云白
蓋謂之苦李廵曰編管以覆屋口苦郭璞曰白茅苦也是
編管爲苦也東坡詩毛傳文也說文云秆禾莖也是橐
也或取一片苦或取一把橐言以不肯燒之 國人至匄

之正義曰國人投之謂投管矜於地故遂不燒也令尹
之一句是鄢將師令衆之辭服虔云民不肯熱也鄢將
師稱令尹使女燔炮
之燔炮熱皆是燒也秋會于扈令戍周且謀納

公也宋衛皆利納公固請之范獻子取貨

於季孫謂司城子梁與北宮貞子子梁宋樂祁也貞子

衛北宮喜曰季孫未知其罪而君伐之請囚請

亡於是乎不獲君又弗克而自出也夫豈

無備而能出君乎季氏之復天救之也復猶安也

休公徒之怒也休息也而啓叔孫氏之心不然

豈其伐人而說甲執冰以游叔孫氏懼禍

之濫而自同於季氏天之道也魯君守齊

三年而無成季氏甚得其民淮夷與之

淮夷魯東

夷有十年之備有齊楚之援

公雖在齊言齊不致力

有

天之贊有民之助有堅守之心有列國之

權而弗敢宣也

宜用也

事君如在國

書公行告公至是也

故鞅以爲難二子皆圖國者也而欲納魯

君鞅之願也請從二子以圍魯無成死之

二子懼皆辭乃辭小國而以難復

以難納白晉君

疏

懼禍至道也正義曰言季氏無罪而公濫討之叔孫氏亦懼禍之濫及於已而自同心於季氏俱叛公此乃天之

常道也

孟懿子陽虎伐鄆

陽虎季氏家臣伐鄆欲奪公

鄆人

將戰子家子曰天命不懼久矣

愼疑也言使

君亡者必此衆也

言君據鄆衆以與魯戰必敗亡

天既禍之

而自福也不亦難乎猶有鬼神此必敗也

嗚呼爲無望也夫其死於此乎公使子家

子如晉公徒敗于且知

且知近鄆地

疏

孟懿至伐鄆正義曰伐鄆

欲奪公卿使公不得居也。不書者，伐公逆事，不可以告廟。
國史無由得書。猶有至敗也。正義曰：言尚有鬼神以

助君此戰，公當敗也。况無鬼神乎？

楚卻宛之難，國言未已，進胙

者，莫不謗令尹。

進胙，國中祭祀也。謗，詛也。

沈尹戌言於子

常曰：夫左尹與中廐尹莫知其罪，而子殺

之以興謗讟，至于今不已。

左尹，卻宛也。中廐，尹陽令終。

戌

也。惑之仁者，殺人以掩謗，猶弗爲也。今吾

子殺人以興謗，而弗圖，不亦異乎？夫無極

楚之讒人也。民莫不知去朝吳。

在十五年。

出蔡

侯采

在二十一年

喪大子建殺連尹奢

在二十一年

屏王

之耳目使不聰明不然平王之溫惠共儉

有過成莊無不及焉所以不獲諸侯邇無

極也

邇近也

今又殺三不辜以興大謗

三不辜郤氏陽

氏晉陳氏

幾及子矣子而不圖將焉用之夫鄢

將師矯子之命以滅三族國之良也而不

愆位

在位無愆過

吳新有君

光新立也

疆場日駭楚國

若有大事子其危哉知者除讒以自安也

今子愛護以自危也甚矣其惑也子常曰
是瓦之罪敢不良圖九月己未子常殺費
無極與鄢將師盡滅其族以說于國謗言

乃止

疏

鄢將師矯子之命正義曰令尹召鄢將師
告之以卻宛門有甲耳不令攻卻宛也鄢將

師退而令使攻
之是矯令尹命也

冬公如齊齊侯請饗之

設饗禮

子家子曰朝夕立於其朝又何饗焉其飲

酒也乃飲酒使宰獻而請安

比公於大夫也禮君不敵臣宴

大夫使宰爲主獻獻爵也請安齊侯請自安不在坐也

子仲之子曰重爲齊

侯夫人曰請使重見

子仲魯公子慙也十二逐季氏不能而奔

酒禮而欲使重見從宴嫁也

子家子乃以君出

辟齊疏朝夫人

至飲酒

正義曰禮為諸侯相為賓主國待之有

三禮享為大鄭玄云享大牢以飲賓是為禮之大

以公雖法鄆以齊為主此年已再如齊數相見不為賓客

故言朝夕立於其朝又何須設饗禮焉其飲酒也勸其用

宴禮而飲酒耳

注比公至坐也

正義曰燕禮者公燕

大夫之禮也公雖親在而別有主人鄭玄云主人宰夫也

宰夫大宰之屬掌賓客之獻飲食者也君於其臣雖為賓

不親獻以其尊莫敢伉禮也今齊侯與公飲酒而使宰獻

是比公於大夫也獻獻爵者禮有三酌獻也酬也酢也獻

酬是主人獻賓唯酢是賓答主人耳禮君不敵臣宴大夫

使宰為主即燕禮是其事也杜以宰獻而請安謂齊侯請

自安於別室不在坐也劉炫云案燕禮司正洗角解南面

坐奠于庭升東楹之東受命西階上北面命卿大夫君曰以我安卿大夫皆對曰諾敢不安彼是請實使自安當如彼使寧請魯侯自安耳主人請安謂主人使司正請安于賓服虔亦然杜今云齊侯請自安非也今知不然齊侯飲酒禮賓主相敵主人亦請安于賓然則齊侯與公敵禮安賓乃是常事何須傳載其文以見卑公之義明是齊侯請欲自安不在其坐明慢公之甚劉不
十二月晉

籍秦致諸侯之戍于周魯人辭以難
經所

書戍周籍
纂籍談子

經二十有八年春王三月葬曹悼公
無傳

而莫公如晉次于乾侯
乾侯在魏都丘縣晉竟內邑

月丙戌鄭伯寧卒

無傳未同盟而赴以名

六月葬鄭定

公

無傳三月而葬速

秋七月癸巳滕子寧卒

無傳未同盟而

赴以名

冬葬滕悼公

無傳

傳二十八年春公如晉將如乾侯

齊侯卑公故適晉

子家子曰有求於人而即其安人孰矜之

其造於竟

欲使次於竟以待命

弗聽使請逆於晉晉

人曰天禍魯國君淹恤在外君亦不使一

个辱在寡人

一个單使

而即安於甥舅其亦使

逆君

齊逆君

使公復于竟而後逆之

逆著乾侯也言

公不能用子家所以見辱

晉祁勝與鄔臧通室

二子祁盈家臣也通室易

妻

祁盈將執之

盈祁午之子

訪於司馬叔游

叔游

司馬叔侯之子

叔游曰鄭書有之惡直醜正實蕃

有徒

鄭書古書名也言害正直者實多徒衆

無道立矣子懼不免

言世亂

詩曰民之多辟無自立辟

詩大雅

姑已

若何

姑且也

盈曰祁氏私有討國何有焉

言謂家臣無與國事

遂執之祁勝賂荀躒荀躒爲之言

於晉侯晉侯執祁盈

以其專戮

祁盈之臣曰

將皆死

鈞同也

愁使吾君聞勝與臧之死也

以爲快

愁發語之音

乃殺之夏六月晉殺祁盈

及揚食我

揚叔向邑食我叔向子伯石也

食我祁盈之黨也

而助亂故殺之遂滅祁氏羊舌氏初叔向

欲娶於申公巫臣氏

夏姬女也

其母欲娶其黨

叔向曰吾母多而庶鮮吾懲舅氏矣

言父多妾

賸而庶子鮮少嫌母氏性不曠

其母曰子靈之妻殺三夫

子靈

巫臣妻夏姬也三夫陳御叔楚襄老及巫臣也時巫臣已死

一君

陳靈公

一子

夏徵舒

而亡一國

陳也

兩卿矣

孔寧儀行父

可無懲乎吾

聞之甚美必有甚惡是鄭穆少妃姚子之

子子貉之妹也

子貉鄭靈公夷

子貉早死無後而

天鍾美於是

是夏姬也鍾聚也子貉死在宣四年

將必以是大

有敗也昔有仍氏生女黥黑

有仍古諸侯也美髮為黥

而

甚美光可以鑑

髮膚光色可以照人

名曰玄妻

以髮黑故

樂正后夔取之

夔舜典樂之君長

生伯封實有豕

心貪慊無饜忿類無期謂之封豕類戾也有

窮后羿滅之夢是以不祀羿篡夏且三代

之亡共子晉申夏以末喜殺以妲己周以褒姒三代所由

亡也共子晉申女何以爲哉夫有尤物足以移

人苟非德義則必有禍尤異叔向懼不敢

取平公彊使取之生伯石伯石始生子容

之母走謁諸姑子容母叔向嫂伯曰長叔姒生

男兄弟之妻姑視之及堂聞其聲而還曰

是豺狼之聲也狼子野心非是莫喪羊舌

氏矣遂弗視

疏

惡直至有徒正義曰以直爲惡

者實蕃多有徒衆言時世慕善者少從惡者多詩曰至

立辟

正義曰詩大雅板之篇刺厲王之詩辟邪也辟法

也民之多有邪辟於此之時無自謂所立者爲法是言無

道之世法不可爲古辟辟字同音異耳

鈞將皆死

正

義曰鈞同也殺勝與臧盈亦死不殺盈亦死同將皆死不

如殺之使盈聞而快意

吾母多

正義曰言父多妾勝

而謂之母多者意言庶弟少據庶弟而發言故謂父妾爲

母耳

殺三夫

正義曰三夫皆自命盡而死其死不

夏姬而云三夫者婦之配夫欲其偕老其夫數死是妻

之薄也故以爲夏姬之咎

一君至兩卿

正義曰一君

一卿也上殺文兩卿亦蒙亡文也以兩卿棄位出奔身不

死故曰亡也此事皆宣十年十一年傳

甚美必有甚惡

正義曰物忌大盛善不可常暑往寒來晝明夜暗孰能爲此者天地天地尚不能常況人乎故甚美必有甚惡也甚美謂夏姬之身甚惡當在其後言其種胤當惡故禁其子取之 子貉至於是 正義曰此因鄭靈早夭而夏姬美推之爲此言耳不是兄早死而妹必美也猶今俗語云衰家女未必慧慧家女未必衰 將必至敗也 正義曰夏姬淫惑喪國滅家叔向之母猶謂未是大敗故言將必以是大有敗也十四年傳稱施邢侯者或是夏姬之男此殺楊食我又是夏姬之外孫其種類蓋盡矣 生女黥黑正義曰黥即髡也詩云鬢髮如雲毛傳云鬢黑髮也如雲言美長也說文云鬢稠髮也然則鬢者髮多長而黑美之貌也此傳黥下有黑則黥文不兼於黑故賈杜皆云美髮爲黥 注髮膚至照人 正義曰傳於黥黑甚美之下乃云光可以鑑知髮與肌膚二者光色皆可以照人 注嬖舜至君長 正義曰尚書舜典云帝曰夔命汝典樂教胄子是嬖爲舜之典樂之官也正長也后君也故云典樂之

君長王朝公卿故以后言之猶謂稷爲后稷 生伯至封

豕 正義曰豕心言其心似豬貪而無恥也方言云晉魏

河內之北謂憚爲殘楚謂之貪則憚亦貪也賈逵云憚者

食也其人貪者財利飲食無知饜足忿怒很戾無有期度

時人謂之大豬 注額戾也封大也 正義曰以額忿共

文則額亦似忿故以爲戾言很戾也定四年傳封豕與長

蛇相對知封爲大也服虔云忿怒其額以饜其私無期度

也 注夏以至姬廢 正義曰晉語云史蘇曰昔夏桀伐

有施氏有施氏以妹喜女焉妹喜有寵於是與伊尹比而

亡夏殷辛伐有蘇氏有蘇氏以妲己女焉妲己有寵於是

與膠革比而亡殷周幽王伐有褒有褒人以褒似女焉褒

姒有寵主伯服於是與虢石甫比逐太子宜咎而立伯服

太子奔申申人鄙人召西戎以伐周周於是乎亡是三代

所由亡之事也共子之事具見於傳 苟非至有禍 正

義曰苟誠也誠不以德義自持則必有禍 注兄弟至謂

姒 正義曰相謂者姒者謂長者爲姒也子容是伯華之

子其兄弟伯華最長叔向次之其餘諸弟皆小於叔向故
謂叔向爲長叔叔向之妻其年長於子容之母故稱長叔
如也釋親云女子同出謂先生爲如後生爲娣孫炎曰同
出俱嫁事一夫也公羊傳曰娣者何弟也此其義也是言
其事一夫者長爲如幼爲娣自以身之長幼生娣如之名
其娣如之名不由夫之長幼也釋親又云長婦謂稚婦爲
娣婦娣婦謂長婦爲如婦自以身之長稚相謂也喪服小
功章云娣如婦報傳曰娣如婦者弟長也傳言弟長者雙
訓娣如言娣是弟如是長也鄭玄云娣如者兄弟之妻相
名也長婦謂稚婦爲娣婦娣婦謂長婦爲如婦亦取爾雅
之文以解弟長之義

秋晉韓宣子卒魏獻子爲

政

魏獻子

分祁氏之田以爲七縣

七縣鄆祁平陵潁陽塗水

馬首

分羊舌氏之田以爲三縣

銅鞮平陽楊氏

司

馬彌牟為鄆大夫

大原鄆縣

賈辛為祁大夫

大原

祁縣

司馬烏為平陵大夫魏戌為梗陽大夫

戌魏封庶子梗陽在大原晉陽縣南

知徐吾為塗水大夫

徐吾知盈孫塗水大

原榆次縣

韓固為馬首大夫

固韓起孫

孟丙為孟大

夫

大原孟絲

樂霄為銅鞮大夫

上黨銅鞮縣

趙朝為

平陽大夫

朝趙勝曾孫平陽平陽縣

僚安為楊氏大夫

平陽

楊氏縣

謂賈辛司馬烏為有力於王室

二十年

辛烏帥師納敬王

故舉之謂知徐吾趙朝韓固魏戌

餘子之不失職能守業者也

卿之庶子為餘子

其四

人者皆受縣而後見於魏子以賢舉也

四人

司馬彌牟孟丙樂霄僚安也受縣而後見言采衆而舉不以私也

魏子謂成鯨

鯨晉大夫

吾與戊也縣人其以我為黨乎對曰何也

戊之為人也遠不忘君

遠疏也

近不偪同

不偪

同居利思義

不苟得

在約思純

無濫心

有守心

而無淫行雖與之縣不亦可乎昔武王克

商光有天下

光大也

其兄弟之國者十有五

人姬姓之國者四十人皆舉親也夫舉無

他唯善所在親疏一也詩曰唯此文王帝

度其心莫其德音其德克明克明克類克

長克君王此大國克順克比比于文王其

德靡悔既受帝祉施于孫子

詩大雅美文王能王大國受天

福施及子孫

心能制義曰度

帝度其心

德正應和曰莫

莫然清靜

照臨四方曰明勤施無私曰類

施而無私物得

其所無災類也

教誨不倦曰長

教誨長人之道

賞慶刑威曰

君

作威作福君之職也

慈和徧服曰順

唯順故天

擇善而

從之曰比

比方善事使相從也

經緯天地曰文

經緯相錯故織成文

九德不愆作事無悔

九德上九曰也皆無愆過則動無悔吝

故襲

天祿子孫賴之

襲受也

主之舉也近文德矣

所及其遠哉

舉魏戊等勤施無私也其四人者擇善而從故曰近文德所及遠也

賈

辛將適其縣見於魏子魏子曰辛來昔叔

向適鄭駸蔑惡

惡貌醜

欲觀叔向從使之收

器者

從隨也隨使人應歛俎豆者

而往立於堂下一言而善

史記皆謂羊舌赤爲銅鞮伯華是銅鞮亦羊舌邑也平陽之次在銅鞮揚氏之間知亦羊舌邑也 注二十至敬王正義曰二十二年傳曰晉籍談荀躒賈辛司馬督帥師軍于陰于侯氏于谿泉次于社賈辛軍谿泉司馬督次于社督即烏也此衆軍並爲伐子朝欲納敬王 注卿之至餘子 正義曰宣二年傳云官卿之適以爲公族又官其餘子亦爲餘子其庶子爲公行注云餘子適子之母弟也庶子妾子也彼適庶分爲三等故餘子與庶子爲異此無所對故惣謂庶子爲餘子也此四人之內當有妻生妾生者也知徐吳韓固是卿之孫也趙朝卿之曾孫也而並稱餘子者言其父祖是餘子就餘子子孫之內選其賢者而用之此四人不失常職能守其父祖之業者也 對曰至可乎 正義曰遠不忘君言職雖疏遠而心在公室常忠敬也近不偏同言親近有寵不偏迫同位常謙共也居利思義臨財不苟得思義可取乃取之也在約思純處貧儉而思純固無叨濫之心也有守善之心而無淫邪之行雖則

乎敬之哉毋墮乃力

墮損也

仲尼聞魏子之

舉也以爲義曰近不失親

謂舉魏氏

遠不失舉

以賢舉

可謂義矣又聞其命賈辛也以爲忠

先賞王室之功故爲忠

詩曰永言配命自求多福忠也

詩大雅永長也言能長配天命致多福者唯忠

魏子之舉也義其命也

忠其長有後於晉國乎

疏

分祁至氏大夫正義曰此祁氏與

羊舌氏之田舊是私家采邑二族既滅其田歸公分爲十縣爲公邑故選置大夫也傳文先祁後羊舌故依下文選置大夫之次上七縣爲祁氏之田下三縣爲羊舌氏之田且五年傳謂伯石爲揚石明揚氏是羊舌之田也家語與

叔向將飲酒聞之曰必醜明也

素聞其賢故聞其言而知之

下執其手以上曰昔賈大夫惡

賈國之大夫惡亦醜也

娶妻而美三年不言不笑御以如皐

為妻御之皐澤

射雉獲之其妻始笑而言賈大夫曰才之

不可以已我不能射女遂不言不笑夫今

子少不颺

顏貌不揚顯

子若無言吾幾失子矣

言之不可以已也如是遂如故知今女有

力於王室吾是以舉女

因賈辛有功而後舉行之言人不可無

行

親子而與之縣不亦可乎 昔武王至親也 正義曰武王克商得封建諸國歸功於武王耳此十五國或有在封者非武王之時盡得封也尚書康誥之篇周公營洛之年始封康叔于衛洛誥之篇周公致政之年始封伯禽于魯明知武王之時兄弟未盡封也僖二十四年傳稱周公弔二叔之不咸故封建親戚以蕃屏周亦以周公爲制禮之主故歸功於周公耳非盡周公封也九年傳曰文武成康之封建母弟則康王之世尚有封國宣王方始封鄭非獨武王周公封諸國也僖二十四年傳數文之昭也有十六國此言武王兄弟之國十五入者人異故說異耳非武王封十五周公始加一也以魯衛驗之知周公所加非唯一耳 詩曰至孫子 正義曰詩大雅皇矣之篇美文王之德也唯此文王之身爲天帝所祐天帝開度其心令其有揆度之惠所度前事莫不皆得其中也又使之莫然安靜其德教之善音施之於人則皆應和之也又能有監照在下之明又能有勤施無私之善又能教誨不倦有爲人

師長之德又能賞善刑惡有爲人君上之度既有人君之德故爲人君王此周之大邦也其施教令能使國人從服而順之既爲國人順服又能擇人之善者比方其善乃從而用之以此文王之德比于上世有能經緯天地文德之王如堯舜之輩其此詩人稱比較于文王之九德其德皆是無爲人所悔吝者言文王之德堪比或以爲比于前世文德之王義亦通也以此之故既受天之祉福施及于後世之子孫得使長王天下也此章文次如此者德皆天之所授故先言帝度其心明以下皆蒙帝文也德由心起故先言心能度物也心既能度然後能施爲政教故次莫其德音言變或教清靜也爲君所以施政故先言政教清靜乃論身內之德故次能明能善其明與善還足德音之事施之於人有照臨之明勤施之善耳心能施而無私乃可爲人君長故次言長克君長即師也學記曰能爲師然後能爲長能爲長然後能爲師爲師故先言長後言師也師爲人君師爲君之師也言長言師且大邦也既爲大邦之師使

國人曰此詩也其德無所可恨故言受天之福澤也此也此于文王其德無所可恨故言受天之福澤也世以結之此詩言唯此文王毛詩作維此王季然沙亂師亦有異諸人因而兩存不敢追改今王肅注毛詩及詩亦作唯此文王鄭注毛詩作維此王季按解此王文王以文王之德還自此文王故知比于文王可以比于上代文德之王也心能制義曰度正義曰心能制斷時事使合於義是爲善揆度也言預度未來之事皆得中也德王應和曰莫正義曰毛詩莫作貊樂記引此詩亦作莫釋詁云貉嘆安定也郭璞云皆靜定毛傳云貊靜也其德既正爲政清靜故有所施焉民皆應和易繫辭曰君子居其室出其言善則千里之外應之即此義也莫是清靜之意故杜云莫然清靜注施而至類也正義曰勤行斯惠情無偏私物皆得所是無失類也鄭玄云類善也無失類者云失善之類也賞刑威曰君正義曰人君

執賞罰之柄以賞慶人以刑威物是為君之道 慈和福
服曰順 正義曰人君執慈心以惠下用和善以接物則
天下徧服而順從之故為順也 易繫辭云天之所助者順
故杜云唯順故天下徧服 經緯天地曰文 正義曰易
稱聖人先天而天弗違後天而奉天時言德能順天隨天
所為如經緯相錯織成文章故為文也 注近文德所及
遠 正義曰成鱗引此詩者唯欲取克類克比二事同於
文王故云近文德矣文王以此德故得施于子孫魏子
既近文德亦將所及遠也 從使之收器者 正義曰下
云叔向將飲酒將欲舉爵而飲此則飲猶未畢使者擬收
器耳未即收也 一言而善 正義曰舊說云一言者謂
敬由上徹由下 御以如臯 正義曰詩云鶴鳴于九臯
臯為澤也如往也為妻御車以往澤也 遂如故知 正
義曰遂如故舊相知 詩曰至忠也 正義曰詩大雅文
王之篇也言王者長自言我之所為配上天之命而行之
是自求與多之福使歸已此詩之意言忠則然也言

能忠必有多福歸之

冬梗陽人有獄魏戊不能斷以獄

上魏子

其大宗賂以女樂

訟者之

魏子將受

之魏戊謂閭沒女寬

二人魏子之屬大夫

曰主以不賄

聞於諸侯若受梗陽人賄莫甚焉吾子必

諫皆許諾退朝待於庭

魏子朝君退而待於魏子之庭

饋入

召之

召二大夫食

比置三歎既食使坐

更命之

魏

子曰吾聞諸伯叔諺曰唯食忘憂吾子置

食之間三歎何也同辭而對曰或賜二小

人酒不夕食

或他人也言飢甚

饋之始至恐其不足

是以歎中置自咎曰豈將軍食之而有不足

是以再歎

魏子中軍帥故謂之將軍

及饋之畢願以

小人之腹為君子之心屬厭而已

屬足也言小人之腹

飽猶知厭足君子之心亦宜然

獻子辭梗陽人

傳言魏氏所以與

疏

魏注

子至將軍正義曰晉使卿為軍將謂之將中軍將上軍

此以魏子將中軍故呼為將軍及六國以來遂以將軍為

官名蓋其元起於此

經二十有九年春公至自乾侯居于鄆

乾以

侯政不得

疏

注以乾至侯故

正義曰二十五年

見晉侯故

疏

于齊齊侯唁公于野井二十六年經書公

至自齊公雖不至齊都既入齊竟得與齊侯相見故書公

至自齊往年公如晉次于乾侯雖入晉竟不得與晉侯相

見故書至自乾侯以乾侯致

告於願者為不得見晉侯故

齊侯使高張來唁公

唁公至晉不見

疏

注唁公至晉不見受正義曰詩毛

受高張高偃子

疏

傳曰弔于國曰唁二十五年公新失

國齊侯唁公可矣於此復唁公者公以齊不憂已棄而適

晉望得晉人矜之晉侯不肯見公齊侯心復恨公嫌公此

舉故遣唁公所以啖使公也故云唁公

公如晉次于

至晉不見受又似史復失國故唁之

公如晉次于

乾侯

復不見受

往乾侯

夏四月庚子叔詣卒

無傳

秋

七月冬十月鄆潰

無傳只逃甘上

疏

注民逃至

曰潰渡散析公

叛公正

可

得

二

義曰民逃其上曰潰又三年傳例也公自二十六年以來
常居于鄆此時公既如晉必留人守鄆鄆人潰散而叛公
使公不得至來當
是季氏道之使然

傳二十九年春公至自乾侯處于鄆齊侯

使高張來唁公稱主君

比公於大夫

子家子曰

齊卑君矣君祗辱焉

言齊事齊適取辱

公如乾侯

為齊所卑故復適晉與見恤

疏

注比公於大夫子撫荀偃云事吳致不如事主賢和

正義曰傳稱范宣

謂趙文子曰主是謂矣如此之類大夫稱主傳文多矣今高張以齊侯之命稱公為主悉以晉不受公故輕侮之注公於大夫也
三月己卯京師殺召伯盈晉氏圖及

原伯魯之子

皆子朝黨也稱伯魯子終不說學

尹固之復也

十二

六年尹固與子朝俱奔楚而道還

有婦人遇之周郊尤之曰處

則勸人爲禍行則數日而反是夫也其過

三歲乎夏五月庚寅王子趙車入于鄆以

叛陰不佞敗之

趙車子朝之餘也見王殺伯盈等故叛鄆周邑

疏

注二十至

道還正義曰尹固復還之年傳雖不載以婦人尤之云其過三歲乎知以二十六年任道而還至此爲三歲也

平子每歲賈馬

賈其也

具從者之衣屨而歸

之于乾侯公執歸馬者賈之

賈其馬

乃不歸

馬衛侯來獻其乘馬曰啓服

啓服馬名

斲而死

墮斲死也

公將爲之櫛

爲作棺也

子家子曰從者病

矣請以食之乃以帷裹之

禮曰敝帷不棄爲埋馬也



啓

服馬名

正義曰釋畜云馬前右尾白啓郭璞曰左傳曰啓服詩云兩服上襄鄭玄云兩服中央夾轅者此馬毛色

名啓公用以夾轅故以啓服爲名也

注禮曰至馬也

正義曰檀弓文也禮有埋馬之法子家子請以馬肉食從

者者以公將爲之櫛所以深抑之公感子家子之言方始依

禮以帷裹之史記滑稽傳云楚莊王有所愛馬衣以文繡

置之並屋之下席之以路牀啗之以棗脯馬病肥死欲以

棺樽大夫禮葬之優孟者故楚之樂人也多辯常以談笑

風諫於是入門大笑王驚而問其故優孟曰馬者王之所

愛也以楚國之大何求不得而以大夫禮葬之薄請以人君

禮葬之王曰何如對曰臣請以雕玉爲棺文梓梓木也以爲棺
卒爲穿墻老弱負土廟食大牢奉以萬戶之邑諸侯聞之
皆知大王賤人而貴馬也王曰寡人過一至於此爲之奈
何俊孟曰請大王以六畜葬之以壟竈爲梓銅歷爲棺齊
以薑桂薦以木蘭祭以粳稻衣以火光葬之人勝於是公
王乃使以馬屬大官無令天下聞之彼亦此之類也公

賜公衍羔裘使獻龍輔於齊侯

龍輔王名

遂入

羔裘齊侯喜與之陽穀

陽穀齊邑

公衍公爲之

生也其母偕出

出之齊侯

公衍先生公爲之母

曰相與偕出請相與偕告

留公衍母使待己共白公

三日

公爲生其母先以告公爲爲兄公私喜於

陽穀而思於魯曰務人為此禍也

務人公為也始與公

若謀逐季氏

且後生而為兄其誣也久矣乃黜之

而以公衍為太子

疏

注龍輔玉名正義曰周禮使澤國用龍節皆金也

以英蕩哺之杜子春云蕩謂以兩器盛此節謂鑄金為龍以玉為兩輔盛龍節謂之龍就此說兩不獻節故直云獻龍輔玄卿云盛龍節之玉函耳案說文云龍禱旱玉也為龍文又至人云上公用龍今輔與龍連文故云龍輔玉名蓋用此意

注出之產舍

正義曰內則云妻將生子及

月辰居側室夫使人日再問之作而自問之妻不敢見使姆衣服而對至于子生夫復使人日再問之夫齊則不入側室之門子生男子設弧於門左女子設悅於門右三日

產負子男射女否然則產舍是側室也

秋龍見于絳郊

絳晉國都魏獻

子問於蔡墨

蔡墨晉大史

曰吾聞之蟲莫知於

龍以其不生得也謂之知信乎對曰人實

不知非龍實知

言龍無知乃人不知之耳

古者畜龍故國

有豢龍氏有御龍氏

豢御養也

獻子曰是二氏

者吾亦聞之而不知其故是何謂也對曰

昔有颺叔安

颺古國也叔安其君名

有裔子曰董父

裔遠

也玄孫之後爲裔

實甚好龍能求其耆欲以飲食之

龍多歸之乃擾畜龍以服事帝舜帝賜之

也。擾順。

秦龍官名官有
世功則以官氏

駿夷氏其後也

醃水上夷
皆董姓

畜龍及有夏孔甲擾于有帝

孔甲少康之後
九世君也其德

能順於天

帝賜之乘龍河漢各二

四合爲

雄孔甲不能食而未獲秦龍氏有陶唐氏

既表其後有劉累

陶唐堯
所治地

學擾龍于秦龍

氏以事孔甲能飲食之夏后嘉之賜氏曰

御龍

孔夏
甲后

以更豕韋之後

更代也以劉累代彭
姓之豕韋累豕達

縣不韋復國至商而滅累之後世復
承其國為不韋氏在襄二十四年
龍一雌死潛在

以食夏后

潛藏也藏以為
醢明龍不知

夏后饗之既而使

求之

求致
龍也

懼而遷于魯縣

不能致龍故懼遷魯
縣自貶退也魯縣今

魯陽
也

范氏其後也

晉范
氏也

獻子曰今何故無

之對曰夫物物有其官官修其方

方法
術朝

夕思之一日失職則死及之

失職
有罪

失官不食

不食
祿

官宿其業

宿猶
安也

其物乃至

設水官脩
則龍至

若

泝弃之物乃坻伏

泝滅也
坻止也

鬱湮不育

鬱滯也
湮塞也

育生也 故有五行之官是謂五官實列受氏

姓封爲上公爵上 祀爲貴神社稷五祀是

尊是奉五官之君長能脩其業者死皆配食於五行之神爲王者所尊奉 木正曰

句芒正官長也取木生句曲而有芒角也其祀重焉 火正曰祝融祝融明貌其祀

稷馬金正曰蓐收秋物摧蓐而可收也其祀該焉 水正曰玄冥


水陰而幽冥其祀脩及熙焉 土正曰后土土爲羣物主故稱后也其祀句龍焉在家則祀

中雷在野則爲社 龍水物也水官弃矣故龍不生得

也在乾 不然周易有之言若不爾周易無緣有龍 在乾三三三

乾下乾
上乾

之姤



巽下乾上始
乾初九變

曰潛龍勿用

乾初九爻

辭

其同人




離下乾上同
人乾九二變

曰見龍在田

乾九二爻

辭

其大有




乾下離上大
有乾九五變

曰飛龍在天

乾九五爻

辭

其夬




乾下兌上夬
乾上九變

曰亢龍有悔

乾上九爻

辭

其坤



坤下坤上坤
乾六爻皆變

曰見羣龍無首吉

乾用九

爻辭

坤之剝



坤下艮上剝
坤上六變

曰龍戰于野

坤上六

爻辭

若不朝夕見誰能物之

物謂上六卦所
稱龍各不同也

今說易者皆以龍喻聖氣如
史墨之言則為皆是真龍

獻子曰社稷五祀誰

氏之五官也

問五官之長皆定誰

對曰少皞氏有四叔

少皞金天氏

曰重曰該曰脩曰熙實能金木及

水

能治其官

使重爲句芒

木王

該爲蓐收

金正

脩

及熙爲玄冥

二子相代爲水正

世不失職遂濟窮桑

此其三祀也

窮桑少皞之號也四子能治其官使不失職濟成少皞之功死皆爲民所祀窮

桑地在魯北

顓頊氏有子曰犁爲祝融

犁爲火正

共工

氏有子曰句龍爲后土

共工在大皞後神農前以水名官者其子句龍能平

水土故死而見祀

此其二祀也后土爲社

方谷社稷故明言爲社

稷田正也

掌播殖也

有烈山氏之子曰柱為稷

烈山

氏神農世諸侯

自夏以上祀之

祀柱

周弃亦為稷

弃周之始

祖能播百穀湯既勝夏廢柱而以弃代之

自商以來祀之

傳言蔡墨之博物

疏

人實至實知正義曰人以龍不生得而謂之為知者此是人實不知非是龍實能知言龍可生得非是不生得也故說古有養龍之事以龍可生得也以人不知有此事故今說之

注蔡御養也正義曰服虔云蔡養也穀食曰蔡御亦養也養馬曰圉禮養犬豕曰蔡知其以穀養蓋龍亦食穀也御與圉同言養龍猶養馬故稱御乃擾畜龍正義

曰擾順也順龍之所欲而畜養之注酸水至董姓正義曰鄭語云黎為高辛氏火正命之曰祝融其後八姓董姓酸夷蔡

龍則夏滅之矣是也注孔甲至九世正義曰帝王世紀云少康子帝杼杼子帝芬芬子帝芒芒子帝泄泄子帝不降不

降弟帝喬喬子帝廣也至帝孔甲孔甲不降子注合爲

四正義曰服虔云四頭爲乘四乘十六頭也傳言賜之

鯀龍賜之一乘之龍也即云河漢各二是河漢共一乘也

又云各有雌雄是河漢之二皆一雌一雄也故杜以合爲

四注更代至四年正義曰傳言以更豕韋之後則豕

韋是舊國廢其君以劉累代之鄭語云祝融之後八姓大

彭豕韋爲商伯矣又云彭姓彭祖豕韋則商滅之矣如彼

文豕韋之國至商乃滅於夏王孔甲之時彭姓豕韋未全

滅也下文云劉累懼而遷于魯縣明是累遷之後豕韋復

國至商乃滅耳襄二十四年傳范宣子自言其祖在夏爲

御龍氏在商爲豕韋氏則劉累子孫復封豕韋杜跡其事

知累之後世更復其國爲豕韋氏也舊無此解杜自爲證

故云在襄二十四年夫物至不育正義曰此論致龍

之事物謂龍也夫物物各有其官當謂如龍之輩蓋言鳳

皇麒麟白虎玄龜之屬每物各有其官主掌之也其人居

此官者將其爲官方術從朝至夕終日脩之若一日失其

所掌之職令其官方不理則有死罪及之居官者當死矣失其官方則不得食祿得死罪是不食祿也居官者安其爲官之業使職事脩理則其所掌之物乃自生至水官脩則龍至其餘亦當然也若滅棄所掌之事令職事不脩則其物乃止息而潛伏沈滯壅塞不復生育以此故不可生而得也

注宿猶安也

正義曰夜宿所以安身故云宿

猶安也謂安心思其職業服虔云宿思也今日當預思明日之事如家人宿火矣玄卿以服義大迂曲

注泝滅也

坻止也

正義曰釋詁文也上言官宿其業其物乃下職

業不脩則物不至物雖不至尚有物在若滅棄其官百事不理則其物止而潛伏不復生育乃令無有此物非徒不至而已

注鬱滯也湮塞也

正義曰賈逵云然杜用之

也鬱積是沈滯之義故爲滯也傳謂塞井爲堙井是堙爲塞也言此物沈滯壅塞不復生也

實列受氏姓

正義

曰列謂行列言五官皆然也人臣有大功者天子封爲國君又賜之以姓諸侯以國爲氏言其得封又得姓兼受之

也 注五官至尊奉 正義曰五官之君長死則皆爲貴
神主者社稷五祀則尊奉之如祭配食於五行之神即下
重該脩熙稌是也王者祭木少土金水之神而以此人之
神配之耳非專祭此人也分五行以配四時故五行之神
句芒祝融之徒皆以時物之狀而爲之名此五者本爲五
行之神作名耳非與重該之徒爲名也晉語云虢公夢在
廟有神人面白毛虎爪執鉞行在西河公懼而走神曰無
走帝命曰使晉襲于爾門公拜稽首覺召史墨占之對曰
如君之言則蓐心也天之刑神也如彼文嬴公所夢之狀
必非該之貌自是金神之形耳由此言之知句芒祝融玄
冥后土之徒皆是木火水土之神名非所配人之神名也
雖本非配人之名而配者與之同食亦得取彼神名以爲
配者神名猶社本上神之名稷本穀神之名配者亦得稱
社稷也此五行之官配食五行之神天子制禮使祀焉是
爲王者所尊奉也 注正官至重焉 正義曰正訓爲長
故爲官長木官之最長也其火金水土正亦然賈逵云也

言萬物句芒非專木生也句杜誤耳木正順春萬物始生
句而有芒角杜獨言木者以木爲其主故經云木正日
比萬物芒角爲甚故舉木而言劉炫以杜不取賈義而儒
舉於木而規杜非也 注祝融至犂焉 正義曰杜不解
祝則謂祝融二字共爲明貌也賈逵云夏陽氣明明祝甚
也融明也亦以夏氣爲之名耳鄭語云黎爲高辛氏火正
以燁耀於大光明四海故命之曰祝融如彼文又似由人
生名者彼以其官掌火德又稱之故以夏氣昭明命之耳
注土爲至爲社 正義曰后者君也羣物皆土所載故
土爲羣物之主以君言之故云后土也賈逵云句芒祀於
戶祝融祀於竈蓐收祀於門立冥祀於井后土祀於中霤
今杜云在家則祀中霤是同賈說也家謂宮室之內對野
爲文故稱家非卿大夫之家也言在野者對家爲文雖在
庫門之內尚無宮室故稱野且卿大夫以下社在野田故
周禮大司徒云辨其邦國都鄙之數制其畿疆而溝封之
設其社稷之壇而樹之田主各以其野之所宜木遂以名

其社鄭玄云社稷后土及田正之神田主田祔后土田正之所依也詩人謂之田祔所宜木謂若松栢栗也是在野則祭爲社也此野田之社民所共祭即月令仲春之月擇元日命人社是也劉炫云天子以下俱荷地德皆當祭地但名位有高下祭之有等級天子祭地祭大地之神也諸侯不得祭地使之祭社也家又不得祭社使祭中霤也霤亦地神所祭小故變其名賈逵以句芒祀於戶云云言雖天子之祭五神亦如此耳杜以別祭五行神以五官配之非祀此五神於門戶井竈中霤也門戶井竈直祭門戶等神不祭句芒等也唯有祭后土者亦是土神故特辨之云在家則祀中霤在野則爲社言彼社與中霤亦是土神但祭有大小郊特牲云杜所以神地之道也地載萬物取財於地教民美報焉家主中霤而國主社示本也是在家則祀中霤也大司徒以下同此禮也龍水至生得正義曰漢氏先儒說左氏者皆以爲五靈配五方龍屬木鳳屬火鸞屬土白虎屬金神龜屬水其五行之次木生火火生土

土生金金生水水生木木王者脩其母則致其子水官脩
龍至木官脩則鳳至火官脩則麟至土官脩則白虎至金
官脩則神龜至故爲其說云視明禮脩而麟至思睿信立
而白虎擾言從文成而神龜在沼聽聰知正而名川出龍
貌共體仁則鳳皇來儀皆脩其母而致其子也解此龍水
物者言龍爲東方之獸是北方水官之物也水官廢矣故
龍不生得言母不脩故子不至也杜氏旣無其說未知與
舊同否此下不注似與舊說異或當以爲龍是水內生長
故爲水官之物水官廢矣故龍不生得言水官不脩故
水內之靈獸也若如此解則上云物有其官當謂五靈
物各各自有其官官能脩理各自致物龍是水內之物
令水官致龍其鳳皇麟虎之輩共在天地之間不是寢
食火木生土出未知何官致鳳何官致虎未測杜言不可
彊言是用闕疑以俟來哲 在乾至于野 正義曰傳例
上下雖不用筮但指此卦某爻之義者即以某爻之變更
別爲卦即云此卦之某卦則此乾之姤宣十二年師之臨

是也劉炫云杜以之爲適炫謂易之爻變則成一卦遂以
彼卦名爻乾之初九姤卦爻九二同人爻九五大有爻上
九夫卦爻用九全變則成坤卦故謂用九爲坤蔡墨此意
取易文耳非據著求卦安有之適之義若以之爲之適則
其非之適之意何以言其同人其大有此本當言初九九
二但以爻變成卦即以彼卦名爻其意不取於之適所言
其同人其大有猶引詩言其二章其三章先引初九故言
乾卦之姤爻初九言乾以下不復須云乾故言其同人其
大有就乾卦而其之其此同人爻其此大有爻以下文勢
悉皆若是也 之姤 正義曰巽下乾上姤乾之初九
爻變而成姤卦也其彖曰姤遇也柔遇剛也乾爲天爲剛
巽爲風爲柔風行必有所遇猶女而行遇男故名此卦爲
姤也 注乾初九爻辭 正義曰蔡墨此言取易有龍字
而已無取於易之義理故杜注唯指其辭之所在不解其
辭之意其說易者自具於此不復煩言也 同人 正義
曰離下乾上同人乾之九二爻變而成同人之卦也其彖

曰天與火同人天體在上火性炎上同于天也猶君設政
教而臣民從之和同之義故名此卦爲同人也服虔云天
在上火炎上同于天天不可同故曰同人 大有 正義
曰乾下離上大有乾之九五爻變而成大有之卦也其彖
曰大有柔得尊位大中而上下應之曰大有柔得尊位謂
六五也五位尊而柔居之處尊以柔居中以大體無二陰
以分其應上下應之無所不納大有之義故名此卦爲大
有 夬 正義曰乾下兌上夬乾之上九爻變而成夬卦
也其彖曰夬決也剛決柔也此卦五陽而決一陰乾爲天
爲剛爲健兌爲澤爲柔爲說以剛正決柔邪故名此卦爲夬
注乾用九爻辭 正義曰乾之六爻皆陽坤之六爻皆
陰以二卦其爻既純故別揔其用而爲之辭故乾有用九
坤有用六餘卦其爻不純無揔用也六爻皆變乃得揔用
乾之六爻皆變則成坤卦故謂用九之辭爲其坤也六爻
既變而不用卦下之辭者周易用爻卦下之辭非變又無
龍文史墨指說於龍故以用爲語 坤之剝 正義曰坤

下艮上剝坤之上六爻變而成剝卦也其彖曰剝剝也柔
變剛也剝卦五陰而一陽陰漸長而滅陽猶邪長而剝損
正道故名此卦為剝也 若不至物之 正義曰蔡墨言
古者龍可生得人皆見之故周易之辭以龍為喻若使龍
不朝夕出見誰能知其動靜而得以物名之易言潛龍飛
龍及龍戰之等明是見其飛潛見其戰鬪而得以物名之
是知龍可生得古人見龍形也 少皞氏有四叔 正義
曰少皞氏有四叔四叔是少皞之子孫非一時也未知於
少皞遠近也四叔出於少皞耳其使重為勾芒非少皞使
之世族譜云少皞氏其官以鳥為名然則此五官皆在高
陽之世也楚語云少皞氏之衰也九黎亂德民神雜擾不
可方物顓頊受之乃命木正重司天以屬神命火正黎司
地以屬民是則重黎居官在高陽之世也又與語云黎為
高辛氏火正命之曰祝融則黎為祝融又在高辛氏之世
案世本及楚世家云高陽生稱稱生卷章卷章生黎如彼
文黎是顓頊之曾孫也楚語云少皞之衰顓頊受之乃命

重黎似是即位之初不應即得命曾孫爲火正也少皞世
代不知長短顓頊初已命黎至高辛又加命不應一人之
身綿歷兩代事旣久遠書復散亡如此參差難可考校世
家云共工作亂帝嚳使黎誅之而不盡帝誅黎而以其弟
吳回爲黎復居火正爲祝融即如此言黎或是國名官號
不是人之名字顓頊命黎高辛命黎未必共是一人傳言
世不失職二者或是父子或是祖孫其事不可知也由此
言之少皞四叔未必不有在高辛世者也此五祀者居官
有功以功見祀不是一時之人脩熙相代爲水正即非一
時也且傳言世不失職便是積世能官其功益大非是暫
時有功遂得萬世承祀明是歷選上代取其中最有功者
使之配食亦不知初以此人配食何代聖王爲之蓋在高
辛唐虞之世耳 汪窮桑至魯北 正義曰窮桑少皞之
號帝王世紀亦然賈逵云契窮桑以登爲帝故天下號之
曰窮桑帝賈以濟爲渡也言四叔子孫世不失職遂渡少
皞之世杜以少皞之世以爲名官不得有木正火正故以

濟爲成四子能治其官使不失職濟成少皞之功言少皞
有王功子孫能成之故死皆爲民所祀也少皞居窮桑定
四年傳稱封伯禽於少皞之虛故云窮桑地在魯北土地
名窮桑闕言在魯北相傳云耳 注共工至見祀 正義
曰十七年傳鄭子言前世名官從下而上先言炎帝以火
名次言共工以水名次言大皞以龍名是共工在大皞後
神農前以水名官者也祭法曰共工氏之霸九州也其子
曰后土能平九州故祀以爲社能平九州是能平水土也
言共工有子謂後世子耳亦不知句龍之爲后土在於何
代少皞氏既以鳥名官此當在顓頊以來耳 注方荅至
爲社 正義曰獻子問社稷五祀既荅五祀當更荅社稷
但句龍既爲后土又亦配社蔡墨既荅五祀方荅社稷故
明言后土爲社也 稷田正也 正義曰月令云孟春行
冬令則首種不入鄭玄云首種謂稷也周語云宣王不藉
千畝虢文公諫曰民之大命在農是故稷爲大官然則百
穀稷爲其長遂以稷名爲農官之長正長也稷是田官之

長 汪烈山至諸侯 正義曰魯語及祭法皆云烈山氏
之有天下也其子能殖百穀故祀以爲稷言有天下則昇
天子矣杜汪不得爲諸侯也賈逵鄭玄皆云烈山炎帝之
號杜言神農世諸侯者案帝王世紀神農本起烈山然則
初封烈山爲諸侯後爲天子猶帝堯初爲唐侯然也若然
烈山即神農而云神農世爲諸侯者案世紀神農爲君
有八世至榆罔而滅亦稱神農氏是憇號神農也故烈山
氏得於神農之世爲諸侯後爲神農也劉炫以爲烈山氏
即神農非諸侯而規杜非也此及魯語皆云其子曰柱祭
法云農者劉炫云蓋柱是名其官曰農猶呼周棄爲稷
注棄周至代之 正義曰棄爲周之始祖能播殖百穀經
傳備有其事以其後世有天下號國曰周故以周冠棄棄
時未稱周也書序云湯既勝夏欲遷其社不可作夏社孔
安國云湯承堯舜禪代之後順天應人逆取順守而有慙
德政草命創制改正易服變置社稷而後世無及句龍者
故不可而止是言成湯變置社稷之由也湯於帝世年代

猶近功之多少傳習可知故得量其優劣改易祀典意欲遷社而無及句龍棄功乃過於柱廢柱以棄爲禳也其五祀之神重禋之輩若更有賢能亦應遷徙但其功莫之能先帝王不敢改易故得永流萬代常在祀典良由後世之至弱後王之意謙故也

冬云日趙鞅荀寅帥師城汝濱

趙鞅

趙武孫也荀寅中行荀吳之子汝濱晉所取陸渾地

遂賦晉國一鼓鐵以鑄

刑鼎

今晉國各出功力共鼓石爲鐵計令一鼓而足因軍役而爲之故言遂

著范宣子

所爲刑書焉仲尼曰晉其亡乎失其度矣

夫晉國將守唐叔之所受法度以經緯其

民卿大夫以序守之

序位次也

民是以能尊其

貴貴是以能守其業貴賤不愆所謂度也

文公是以作執秩之官爲被廬之法信二十七

年文公蒐被廬脩唐叔之法以爲盟主今弃是度也而爲

刑鼎民在鼎矣何以尊貴弃禮微書故不尊貴貴何

業之守民不奉上則上失業貴賤無序何以爲國且

夫宣子之刑夷之蒐也晉國之亂制也范宣

子所用刑乃夷蒐之法也夷蒐在文六年一蒐而三易中軍師賈季箕鄭之徒遂作亂故曰亂制若之

何以爲法蔡史墨曰范氏中行氏其亡乎

蔡史墨
即蔡墨

中行寅爲下卿而干上令擅作刑

器以爲國法是法姦也又加范氏焉易之

亡也

范宣子刑書中既廢矣
今復興之是成其咎

其及趙氏趙孟與

焉然不得已若德可以免

鑄刑鼎本非趙鞅意
不得已而從之若能

脩德可以免禍爲定十三年

荀寅士吉射入朝歌以叛

疏

注令晉至言遂正義
曰服虔云鼓量名也曲

禮曰獻米者操量鼓取晉國一鼓鐵以鑄之但禮之將命

置重而執輕鼓可操之以將命即豆區之類非大器也唯

用一鼓則不足以成鼎家賦一鼓而鐵又大多且之鐵之

物當稱之以權衡數之以鈞石寧用量米之器量之鐵故

批以爲賦晉國者令民各出功力均賦取其功也治石爲

鉦用橐肩火動橐謂之鼓今時俗語猶然令家又治石爲

鐵計令一鼓使足故云賦晉國一鼓鐵也遂者因上生下
之辭因城汝濱遂鑄刑鼎故言遂也 著范至刑書止
義曰范宣子制作刑書施於晉國自使朝廷承用未嘗宣
示下民今荀寅謂此等宣子之書可以長爲國法故鑄鼎
而銘之以示百姓猶如鄭鑄刑鼎仲尼譏之其意亦與叔
向譏子產同 民是至度也 正義曰守其舊法民不務
知臨時制宜輕重難測民是以能尊其貴畏其威刑也官
有正法民常畏威貴是以能守其業保祿位也貴者執其
權柄賤者畏其威嚴貴賤尊卑不愆此乃所謂度也言所
謂法度正如此是也 今棄至爲國 正義曰今棄是貴
賤常度而爲刑書之鼎民知罪之輕重在於鼎矣貴者斷
獄不敢加增犯罪者取驗於書更復何以尊貴威權在鼎
民不忘上貴復何業之守貴之所以爲貴只爲權勢在焉
勢不足畏故業無可守貴無可守則賤不畏威貴賤既無
次序何以得成爲國 注范宣至亂制 正義曰於時晉
侯將以士穀梁益耳將中軍先克曰狐趙之勲不可廢也

以狐射姑將中軍趙盾佐之陽處父改蒐于董更以趙盾將中軍狐射姑佐之是一蒐而三易中軍師三易者士毅梁益耳將中軍是易代前人是一易也狐射姑將中軍是二易也又趙盾將中軍是三易也致使賈季箕鄭之徒怨恨而作亂其事文公之傳具矣因此蒐而有此亂故曰晉國之亂制又加至亡也正義曰宣子刑書久已廢矣今復變易與之以成其滅亡也劉炫云范氏取夷蒐之法以為國制雖則為非書已廢矣縱應有禍亡釁已歇今荀寅更述其事又加增范氏之惡焉范氏已欲免禍今復改易之而使亡

經三十年春王正月公在乾侯

釋不朝正于廟

夏

六月庚辰晉侯去疾卒

未同盟而赴以名

秋八月葬

晉頃公

三月而葬速

疏

頃公正義曰諡法慈仁和民曰頃

冬十有二

月吳滅徐徐子章羽奔楚

徐子稱名以名告也

傳三十年春王正月公在乾侯不先書鄆

與乾侯非公且徵過也

徵明也二十七年二十八年公在鄆二十九年公在

乾侯而經不釋朝正之禮者所以非責公之妄且明過謬猶可掩故不顯書其所在使若在國然自是鄆入潰煩齊

晉卑公子家忠謀終不能用外內奔之

疏

春王至過也正義曰

經書公在乾侯者季氏以此告廟釋公不得朝正故國史書之于策也釋例曰昭公之孫每正月必書者以孫告廟也公二十五年始出居鄆及乾侯累歲居外而仲尼不書于經故傳曰不先書鄆與乾侯非公且徵過也既以非責公之妄且明過謬之可掩故不顯書其在外使若在國然也自三十年至於終沒則皆顯書其所在之地傳皆隨年

而五言其事明罪之在公非復過謬也三代封建自上及
下降殺以兩君不亢高臣不極卑彊弱相參衆力相須賢
愚相厠故雖有昏亂之君亦有忠賢之輔我周東遷晉叔
是依無知之亂實獲小白驪姬之妖重耳以興天下雖瓦
解而不土崩海內雖鼎沸而不盆溢天生季氏以貳魯侯
季氏未有篡奪之惡公雖失志亦無抽筋倒懸之急聽用隸
賢僥倖之私既不能彊又不能弱所以身死於外見貶於
春秋也是言罪在公書公在之意也社言見貶於春秋者
公當在國治民每歲書公在外是其貶責公也劉炫云序
云諸言不書皆仲尼新意然則前三年魯史皆書公在仲
尼去之仲尼所以不於此先書公在鄆與乾侯者所以非
公之妄妄伐季氏且明過謬猶可掩此年書者自是鄆人
潰叛云云此年云非公且徻過三十一年云言不能外內
三十二年云言不能外內又不能用其人每歲發傳言公
之罪也 注徻明至所在 正義曰不先書鄆與乾侯一
事之中有兩種之意一者非責公之妄一者明公過謬猶

可掩也非責公之妄者以君舉必書公在乾侯與鄆臣子
當委曲詳錄今輕略不記似若不足可錄所以非責公之
妄也明公過謬猶可掩者被臣所逐出居於外若顯然書
之則恥惡尤甚故隱而不書猶若在國欲明公過謬之失
尚可容掩也此以徵爲明明公過不可掩也襄二十八年
傳云王人來告喪問崩日以甲寅告故書之以徵過徵亦
爲明明告喪者之過也彼言徵審也審其事知無他故以
明其過失也服虔云非公且徵過昭公無道久在小季氏
非公不肯釋言公在某地春秋之義亦以不書徵季氏之
過此年書者公不得入晉外內有困辱季氏閔而釋之所
謂事君如在國案明年傳云言不能外內又明年傳云言
不能外內又不能用其人皆是傳說經意非責昭公不是
季氏非公也即如服言往前季氏非公不肯釋公所在此
年以後方始閔而釋之所謂事君如在國則往前季氏之
時不如在國矣二十七年扈之會范獻子何以已言季氏
事君如在國也季氏奪公鄆邑與公交戰行貨齊魯快不

納公禱于煬宮求君不入及其死也猶欲絕其兆域加之惡謚閔公之事復安在乎

夏六月晉

頃公卒秋八月葬鄭游吉弔且送葬輿獻

子使士景伯詰之曰悼公之喪子西門子

蟜送葬

在襄十五年

今吾子無貳何故

共使對

曰諸侯所以歸晉君禮也禮也者小事大

大立小之謂事大在共其時命

隨時共所求

子

小在恤其所無以敝邑居大國之間共其

職貢與其備御不虐矢之患豈忘共命

不言

敢忘共命以所備御者多不及辨之

先王之制諸侯之喪士弔大

夫送葬唯嘉好聘享三軍之事於是乎使

卿晉之喪事敝邑之間先君有所助執紼

矣

紼輓索也禮送葬必執紼

若其不間雖士大夫有所不

獲數矣

不得如先王禮數

大國之惠亦慶其加

也謂善其君自行

而不討其乏明底其情

底致也

取備

而已以爲禮也靈王之喪

在襄二十九年

我先君

簡公在楚我先大夫印段實往敝邑之少

卿也

少年少也

王吏不討恤所無也今大夫曰

女盍從舊

盍何不也

舊有豐有省不知所從從

其豐則寡君幼弱是以不共從其省則吉

在此矣唯大夫圖之晉人不能詰

傳言大叔之敏

疏

注紼輓至執紼

正義曰紼禮或作紼禮記云云王言如絲其出如綸王言如綸其出如紼紼是大繩

也周禮天子葬用六紼喪大記君葬用四紼大夫葬用二紼紼為葬之所用是輓索也案禮雜記諸侯執紼五百人
大夫三百人鄭玄云天子蓋千人也天子諸侯之喪紼
予西序而屬紼焉備火災而輓之也王制云喪三年一祭
唯祭天地社稷為越紼而行事謂喪在殯踰紼而行也
周禮大司徒云大喪帥六鄉之眾庶屬其六引又遂

大喪帥六遂之役屬六綽鄭玄喪大記注云在棺曰綽行道曰引至壙將窆又曰綽是綽引一物從所在而異名耳禮送葬而必執紼曲體文也鄭玄云葬喪之大事紼引畢索也鄭之先君親送晉侯葬者傳無其文游吉今言之蓋亦嘗有矣 慶其至而已 正義曰善其有加不計其乏明知鄭國致其情實取充備而已 我先君簡公在楚正義曰由簡公在楚上卿守國故少卿行耳鄭玄以為簡公若在君當自行其言非傳言也 吳子使

徐人執掩餘使鍾吾人執燭庸

二十七年奔故

二公

子奔楚楚子大封而定其徙

大封與土田定其所徙之居

使

監馬尹大心逆吳公子使居養

二子奔楚使逆之於養

也養即所封之邑

莠尹然左司馬沈尹成城之

城取養

於城父與胡田以與之

胡田故胡子之地

將以害吳

也子西諫曰吳光新得國而親其民視民

如子辛苦同之將用之也若好吾邊疆使

柔服焉猶懼其至

柔服謂不與吳構怨

吾又彊其讎以

重怒之無乃不可乎

讎謂二公子

吳周之冑裔也

而奔在海濱不與姬通今而始大比于諸

華光又甚文將自同於先王

先王謂大王王季亦自西戎

華不知天將以爲虐乎使翦喪吳國而封

大異姓乎其抑亦將卒以祚吳乎其終不

遠矣

言其事行可知不久

我盍姑億吾鬼神

億安也

而

寧吾族姓以待其歸

善惡之歸

將焉用自播揚

焉

播揚猶勞動也

王弗聽吳子怒冬十二月吳子

執鍾吾子遂伐徐防山以水之

防壅山水以灌徐

已

卯滅徐徐子章禹斷其髮

斷髮自刑示懼

攜其夫

人以逆吳子吳子唁而送之使其邇臣從

之遂奔楚

邇近也

楚沈尹戌帥師救徐弗及

遂城夷使徐子處之

夷城父也

吳子問於伍員

曰初而言伐楚

在二十

余知其可也而恐其

使余往也又惡人之有余之功也今余將

自有之矣伐楚何如對曰楚執政衆而乖

莫適任患若爲三師以肄焉

肄猶勞也

一師至彼

必皆出彼出則歸彼歸則出楚必道敝

敝罷

於亟肄以罷之

亟數也

多方以誤之旣罷而

後以一軍繼之必大克之闔廬從之楚於

是乎始病

為定四年
吳入楚傳

經三十有一年春王正月公在乾侯季孫

意如會晉荀躒于適歷

適歷
晉地

夏四月丁巳

薛伯穀卒

襄二十五
年盟重丘

疏

注襄二至重丘 正義曰
傳言同盟故書此穀與魯

必嘗同盟矣薛於重丘以前雖數與魯盟但薛入春秋以來卒葬不見經傳未知此穀以何年即位故舉去今近者言
晉侯使荀躒唁公于乾侯

將使意如逆公
故荀躒來唁

秋葬薛獻公無冬黑肱以濫來奔

黑肱邾大夫濫東海

昌慮縣不書
邾史闕文

疏

注不書邾史闕文 正義曰公羊穀梁
亦以濫為邾邑而傳解其無邾之意言

邾人以濫封此黑肱使爲別國故不繫於邾以非天子所
封故無子男爵號其言不可通於左氏左氏無傳明是闕
文一傳見其文闕而妄爲說耳 十有二月辛亥朔日有食之

傳三十一年春王正月公在乾侯言不能

外內也

公內不容於臣子外不容於齊晉所以久在乾侯

晉侯將以師納

公范獻子曰若召季孫而不來則信不臣

矣然後伐之若何晉人召季孫獻子使私

焉曰子必來我受其無咎

言我爲子受無咎之任

季孫

意如會晉荀躒于適歷荀躒曰寡君使躒

謂吾子何故出君有君不事周有常刑子

其圖之季孫練冠麻衣跣行

示憂感

伏而對

曰事君臣之所不得也敢逃刑命

言願事君君不肯還

不敢辟罪

君若以臣爲有罪請囚于費以待君

之察也亦唯君若以先臣之故不絕季氏

而賜之死

雖賜以死不絕其後

若弗殺弗亡君之惠也

死且不朽若得從君而歸則固臣之願也

敢有異心

君皆謂魯侯也蓋季孫探言罪已輕重以荅荀躒

夏四月季

孫從知伯如乾侯

知伯荀躒

子家子曰君與之

歸一慙之不忍而終身慙乎公曰諾衆曰

在一言矣君必逐之

言晉既憂君君一言使晉晉必逐之

荀躒以

晉侯之命唁公且曰寡君使躒以君命討

於意如意如不敢逃死君其入也公曰君

惠顧先君之好施及亡人將使歸糞除宗

桃以事君則不能見夫人已所能見夫人

者有如河

夫人謂季孫也言若見季孫已當受禍明如河以自誓

荀躒掩

耳而走

怪公所言示不忍聽

曰寡君其罪之恐敢與知

魯國之難

言恐獲不納君之罪今納而不入何敢復知邪

臣請復於寡

君退而謂季孫君怒未怠子姑歸祭

歸祭君事

子家子曰君以一乘入于魯師季孫必與

君歸公欲從之衆從者脅公不得歸

傳言君事

不得舊自在

疏

我愛其無咎正義曰言我爲子受其重任其使子必無咎受其貨故保任之季孫至

跣行

正義曰練冠蓋如喪服斬衰既練之後布冠也麻

衣當是布深衣也問喪云親始死徒跣跣行不履以其不

得事君示己憂戚之深也不絕至之死

正義曰此季

孫探言罪己之意不絕季氏之祀或更立其子弟直賜其

身死而已服虔云言賜不使死是為以死賜之
若賜死即是不殺下句何須更言弗殺弗亡
薛伯穀

卒同盟故書

謂書名也入春秋來薛始書名故發傳
經在荀驟唁公上傳在下者欲魯事相

次秋吳人侵楚伐夷侵潛六皆楚楚沈尹

戌帥師救潛吳師還楚師遷潛於南岡而

還吳師圍弦左司馬戌右司馬稽帥師救

弦及豫章

左司馬
沈尹戌

吳師還始用子胥之謀

也

謀在前年

冬邾黑肱以濫來奔賤而書名重

地故也

黑肱非命
卿故曰賤

君子曰名之不可不慎也

如是

是黑肱也

夫有所名而不如其已

有所謂地也

言雖有名不如無名已止也

以地叛雖賤必書地以名其人

終為不義弗可滅已故君子動則思禮

行則思義不為利回

回正心也

不為義疚

疚病也見義則

為之或求名而不得或欲蓋而名章懲不義

也齊豹為衛司寇守嗣大夫

守先人嗣言其尊

作而

不義其書為盜

求名而不得也二十年豹殺衛侯兄欲求不畏疆禦之名

邾

庶其

在襄二十一年

莒牟夷

在五

邾黑肱以土地

出求食而不求其名賤而必書

春秋叛者多唯取三

人來適魯者三人皆小國大夫故曰賤

此二物者所以懲肆而去

貪也

物事也肆放也齊豹書盜懲肆也三叛人名去貪也

若艱難其身

身爲艱難

以險危大人

大人在位者

而有名章徹

謂得勇名

攻

難之士將奔走之

攻猶作也奔走猶赴趣也

若竊邑叛君

以徼大利而無名

謂不書其人名

貪冒之民將寘

力焉

盡力爲之不顧於見書

是以春秋書齊豹曰盜三

叛人名以懲不義數惡無禮其善志也

無禮

惡逆皆數而不忌
記事之善者也

故曰春秋之稱微而顯

文微而義著

婉而辨

辭婉而旨別

上之人能使昭明

上之人謂在位者

能行其法非賤人所能

善人勸焉淫人懼焉是以君子

貴之



婉而辨意一也

故杜云辭婉而旨別辭婉則文微也

旨別則義顯也上句微而顯者據文雖微隱而義理顯著下句婉而辨者辭雖婉順相似而旨意有殊故重起其文也此與成十四年婉而成章其事異也彼謂諱君惡與此不同也

十二月辛亥朔日

有食之是夜也趙簡子夢童子羸而轉以

歌

轉婉轉也

旦占諸史墨曰吾夢如是今而日

食何也

簡子夢適與日食會謂咎在己故問之

對曰六年及此

月也吳其入郢乎終亦弗克

史墨知夢非日食之應故釋日食之

欲而不釋其夢

入郢必以庚辰

庚辰定四年十一月庚辰入

郢日月在辰尾

辰尾龍尾也周十二月今之十月日月合朔於辰尾而食

庚午

之日日始有謫火勝金故弗克

謫變氣也庚午十月十九

日去辛亥朔四十一日雖食在辛亥更以始變為占也午南方楚之位也午火庚金也日以庚午有變故災在楚楚

之仇敵唯吳故知入郢必吳火勝金者金為火妃食在辛亥亥水也水數六故六年吳入郢也



注庚日至

入郢正義曰於天文房心尾為大辰尾是辰後之星也日在辰尾自謂在辰星庚辰入郢乃謂日是辰日二辰不

同而以日在辰尾配庚爲庚辰者二辰實雖不同而同名曰辰以其名同故取以爲占此則史墨能知非是人情所測定四年十一月庚辰吳入郢是其言之驗也此十二月日食彼十一月入郢則是未復其月而云及此月者長歷定四年閏十月庚辰吳入郢是十一月二十九日杜云昭三十一年傳曰六年十二月庚辰吳入郢今十一月者并閏數也然則彼是新閏之後且十一月二十九日又其月垂盡故得爲及此月也 注辰尾至而食 正義曰東方七宿角亢氐房心尾箕共爲蒼龍之體南首北尾角即龍角尾即龍尾釋天云大辰房心尾也是房心與尾共爲大辰故言辰星龍尾也周十二月今之十月月令孟冬之月日在尾是此時日月合朔於辰尾而日食也 注謫變至年也 正義曰昏義云陽事不得適見於天日爲之食謫譴責也人有咎責氣是於天故謫爲變氣也長歷此年十月壬子朔故庚午是十月十九日也從庚午下去十二月辛亥朔爲四十一日雖食在辛亥之日而更以庚午爲占

舍近而取遠自是史墨所見其意不可知也午爲南方之
辰楚是南方之國故午爲楚之位也午是南方辰火也庚
是西方之日金也日以庚午有變午在南方必南方之國
當其咎故災在楚楚之仇敵唯有吳耳故知入郢必是吳
也其日庚午庚金午火五行相剋火勝金金以畏火之故
金爲火妃夫妻相得而彊是楚彊盛之兆雖被吳入必不
亡國故知吳入郢終亦弗克言其不能滅楚也食在辛亥
之日亥在北方水位也北方水數六故曰六年吳入郢也

經三十有二年春王正月公在乾侯取闕

無傳公別居乾侯遣人
誘闕而取之不用師徒

疏

注公別至師徒正義曰公
羊傳曰闕者何邾婁之邑也

案傳定元年將葬昭公季孫使役如闕公氏將溝焉則闕
是魯公葬地非是邾邑公羊不可通於左氏也土地名東
平須昌縣東南有關城是也賈逵云昭公得闕季氏奪之
不用師徒謂北取闕爲季氏取於公也案檢經傳公自出

奔以來唯齊侯取鄆以居公耳未有公取闕之處安得取於公也且若是季氏奪公無由得告廟書經故杜以爲公取之也四年傳例曰凡克邑不用師徒日取知公遣人誘而取之不用師徒也夏吳伐越秋

七月冬仲孫何忌會晉韓不信齊高張宋

仲幾衛世叔申鄭國參曹人莒人薛人杞

人小邾人城成周

世叔申世叔儀孫也國參子產之子不書盟時公在外未及告

公公已薨

疏

注世叔至已薨正義曰傳稱晉魏舒合諸侯之大失子秋泉尋盟令城成周則此時爲盟矣

而不書盟者賈逵云魯有昭公難故會而不盟案傳文無魯人辭盟之事其城成周又魯人共城之矣何以言會而不盟也若以難辭當辭不會身既在會何故辭盟豈以昭公在外而欲背盟乎故杜以爲不書盟者時公在外未及

告公而公已薨既不得告公故不書於經也案傳尋盟今
城成周則盟在城前猶得書城而盟不書者晉合諸侯大
夫本以城事召之孟懿子將從晉命即以告公雖會還乃
書而已告公訖故得書之其尋盟之事晉不豫令諸侯大
夫既集晉始發意尋盟之事未嘗告公故行還不得書也
此云城成周者實未城也晉人始計功庸賦丈數以令諸
侯耳明年傳稱正月庚寅裁三旬而畢是明年始城也
此未城而已書城知本以城事召集因集而書城耳

有二月己未公薨于乾侯

十五日

疏

注十五日正義曰傳

言十一月令城成周雖無其日明年乃始城之當在月之
將末杜顯言此十五日者言盟去公薨日近以明未及告
意也

傳三十二年春王正月公在乾侯言不能

外內又不能用其人也

其人謂子家羈也言公不能用人故於今猶在乾

侯

夏吳伐越始用師於越也

自此之前雖疆事小爭未嘗用大兵

史墨曰不及四十年越其有吳乎

存亡之數不過三紀

歲星三周三十六歲故曰不及四十年
哀二十二年越滅吳至此三十八歲

越得歲而吳

伐之必受其凶

此年歲在星紀星紀吳越之分也歲星所在其國有福吳先用兵故反受

其殃

疏

注此年至其殃正義曰十一年傳稱農弘對景王云歲在豕韋言十一年歲星在豕韋也又曰歲

在大梁蔡復楚凶謂十三年歲星在大梁也十三年距此十九年耳歲星歲行一次十二年而行天一周則三十五年復在大梁從彼而歷數之則此年始至析木之津而此年歲在星紀者歲行二次舉大數耳其實一歲之行有餘

一次故劉歆三統之術以爲歲星一百四十四年行天一百四十五次計一千七百二十八年爲歲星歲數言數滿此年剩得行天一周三統之歷以庚戌爲上元從上元至襄二十八年積十四萬二千六百八十六歲置此歲數以歲星歲數一千七百二十八除之得積終八十二去之歲餘九百九十以一百四十五乘歲餘得十四萬三千五百五十以一百四十四除之得九百九十六爲積次不盡一百二十六爲次餘從襄二十八年至昭十五年合有一百一十八年歲星年行一次年有一餘以次加次得一千一百四十四以餘加餘得一百四十四餘數滿法又成一次以從積次得一千一十五也以十二去之餘餘次一百四十四用上个一百四十四年還得剩行天一周也餘七命起星紀算外得鶉火是昭十五年歲星在鶉火也計十三年在大梁十五年當在鶉首而在鶉火者由其餘分數滿剩得一次猶如閏餘滿而成月也以十五年歲在鶉火歷而數之則二十七年復在鶉火故此年在星紀也於十二次分野

星紀是吳越之分也歲星是天之貴神所在之次其國有福今越得歲星故吳伐之則凶也吳越同分而得越福吳凶者以吳先用兵故反受其殃賈逵云然杜從之也鄭玄云天文分野斗主吳牽牛主越此年歲星在牽牛故吳伐之凶案史傳所云吳越同分不言於次之內更復分星姜氏任氏共守玄枵復以何星主齊何星主薛也且據三統之術星紀之初斗十二度至於牽牛初度乃爲中耳十五年餘分始滿則此年之初歲星初入此次伐越在夏未得已至牽牛鄭之此說爲妄之甚也

秋八月王使富辛與石張如

晉請城成周

子朝之亂其餘黨多在王城敬王畏之徙都成周成周狹小故請城之

天

子曰天降禍于周俾我兄弟並有亂心以

爲伯父憂

俾使也兄弟謂子朝也伯父謂晉侯

我一二親昵甥

舅不皇啓處於今十年

謂二十三年二師圍郊至于今

勤戍五

年

謂二十八年晉籍秦致諸侯之成至于今

余一人無日忘之

念諸侯勞

閔

閔焉如農夫人望歲懼以待時

閔閔憂貌王憂亂常閔閔

異望安定如農夫之憂飢異望來歲之將熟

伯父若肆大惠復二文

之業弛周室之憂

肆展放也二文謂文侯仇文公重耳也弛猶解也

微

文武之福以固盟主宣昭令名則余一人

有大願矣昔成王合諸侯城成周以爲東

都崇文德焉

作成周遷殷民以爲京師之東都所以崇文王之德

今我欲

徼福假靈于成王脩成周之城俾成人無

勤諸侯用寧螫賊遠屏晉之力也螫賊喻其災害

委諸伯父使伯父實重圖之俾我一人無

徵怨于百姓徵召也而伯父有榮施先王庸

之庸功也先王之靈以爲大功范獻子謂魏獻子曰與其

戍周不如城之天子實云云欲罷戍而城雖有後

事晉勿與知可也從王命以紓諸侯晉國

無憂是之不務而又焉從事魏獻子曰善

使伯音對

伯音對不信

曰天子有命敢不奉承

以奔告於諸侯遲速衰序

衰差也序次也

於是焉

在

在周所命

冬十一月晉魏舒韓不信如京師

合諸侯之大夫于狄泉尋盟且令城成周

尋平丘盟

魏子南面

居君位

衛彪僂曰魏子必有

大咎于位以令大事非其任也

彪僂衛大夫

詩

曰敬天之怒不敢戲豫敬天之渝不敢馳

驅

詩大雅戒王者言當敬畏天之譴怒不可遊戲逸豫馳驅自恣渝變也

況敢干位

以作大事乎己丑士彌牟營成周計丈數

計所當城之丈數

揣高卑

度高曰揣

度厚薄仞溝洫

度深曰仞

物土方議遠邇

物相也相取土之方面遠近之宜

量事期

知事

幾時畢

計徒庸

知用幾人功

慮材用

知費幾材用

書餼

糧

知用幾糧食

以令役於諸侯屬役賦丈

付所當城

尺書以授帥

帥諸侯之大夫

而效諸劉子

效致也

韓

簡子臨之以爲成命

應履其事以命諸侯經所以不書魏舒

疏

注謂

二至于今 正義曰蔡二十七年十二月晉籍秦致諸侯之戍于周而此杜云二十八年者以十二月垂盡去在十

二月至周則在二十八年故云五年也注作成至之德

正義曰杜知作成爲崇文王之德者以上傳云徵文武

之福即云成王合諸侯城成周以崇文德故以爲崇文王

之德劉炫以爲崇文德之故而規杜非也注螫賊喻災

害正義曰螫賊食苗之蟲釋蟲云食根蟲食節賊故以

螫賊喻災害也注詩大雅罔罔正義曰此詩大雅板

之篇刺厲王之詩也詩注以天謂厲王此據上天斷章取

意注計所至丈數正義曰謂周迴遠近之丈數也知

者下別云揣高卑度厚薄故也屬役賦丈正義曰屬

役謂屬聚丁役也賦丈謂課付尺丈上既號令丁役之事

以告諸侯令諸國各出若干之役築十二月公疾

若干之丈故云屬役賦丈書以授帥也

徧賜大夫從公大夫不受賜子家子雙琥

一環一璧輕服細好受之大夫皆受其

琥王器之服

賜已未公薨子家子反賜於府人曰吾不

敢逆君命也大夫皆反其賜書曰公薨于

乾侯言失其所也

不薨路寢
爲失所

趙簡子問於史

墨曰季氏出其君而民服焉諸侯與之君

死於外而莫之或罪也對曰物生有兩有

三有五有陪貳故天有三辰

謂有三

地有五

行

謂有五

體有左右

謂有兩

各有妃耦

謂陪貳

王有

公諸侯有卿皆有貳也天生季氏以貳魯

侯爲日久矣民之服焉不亦宜乎魯君世

從其失季氏世脩其勤民忘君矣雖死於

外其誰矜之社稷無常奉奉之無常人言唯德也君臣

無常位自古以然史墨跡古今以實言故詩曰高岸爲

谷深谷爲陵詩小雅言高下有變易三后之姓於今爲

庶主所知也三后虞夏商在易卦雷乘乾曰大

壯乾下震上大壯震在乾上故曰雷乘乾天之道也乾爲天子震爲諸侯

而在乾上君臣易位猶昔成季友相之季也文

臣大彊壯若天上有雷

姜之愛子也始震而卜卜人謁之曰生有

嘉聞

嘉名聞於世

其名曰友爲公室輔及生如

卜人之言有文在其手曰友遂以名之既

而有大功於魯

立僖公

受費以爲上卿至於

文子武子

文子行父武子宿

世增其業不廢舊績魯

文公薨而東門遂殺適立庶魯君於是乎

失國

失國權

政在季氏於此君也四公矣民

不知君何以得國是以爲君慎器與名不

可以假人

器車服名爵號

疏

注琥玉器

正義曰周禮大

地四方白琥禮西方鄭玄云虎猛象秋嚴禮經及記言琥多矣都不說其狀蓋刻玉爲虎形也

一環一璧

正義

曰釋器云肉倍好謂之璧肉好若一謂之環李巡曰肉倍好璧邊肉大其孔小也肉好若一其孔及邊肉大小適等

曰環也

故詩至爲陵

正義曰詩小雅十月之交大夫

刺幽王也

注三后虐夏商

正義曰從周而上故數此

三代三代子孫自有爲國君者言其賤者爲庶人也

雷乘乾曰大壯

正義曰乾爲天爲剛震爲雷爲動天以

剛而動動則爲雷壯之大者故曰大壯

注乾爲至有雷

正義曰說卦乾爲天爲君君之極尊者是天子也震爲長

子其卦云震驚百里聲達百里之內而有震曜之威是諸

侯之象諸侯而在天子之上象如君臣易位是天之道也

動

正義曰

震動也

懷姙始動知有震娠而即

正義曰震動也懷姙始動知有震娠而即

正義曰器謂車服也名謂爵號也

借人名器則君失位矣故不可以假人也言魯君失民此
借季氏以權柄故今昭公至此出外因以戒人君使懲創
也

春秋正義卷第三十二

1874-1875 11711

1875-1876

1876-1877

春秋正義卷第三十三

公羊傳

國子祭酒護軍曹阜縣開國子臣孔穎達等奉

勅撰

定公

疏

正義曰魯世家定公名宋襄公之子昭公之弟史傳不言其母不知誰所生也以敬王十

一年即位謚法安民大慮曰定

經元年春王

公之始年而不書正月公即位於六月故

疏

注公之至月故正義曰

凡新君初立必於歲首元日朝正於廟因即改元正位百官以序國史因書於策云元年春王正月公即位也其或國有事故不得行即位之禮國史亦書元年春王正月見此月公應即位而有故不得隱莊因僖四公元年無事而

書春王正月是其義也此年不書正月者公即位在大
月故也傳稱昭公喪及壞饋公子宋先入則正月之時定
公猶從昭公之喪在於乾侯未入魯竟國內無君不是即
位闕禮故不須書正月也釋例曰癸亥公之喪至自乾侯
戊辰公即位喪在外踰年乃入故因五月改殯之節國史
用元年即位之禮因以此年為元年也然則正月之時未
有公矣公未即位元必不改而於春夏即稱元年者公未
即位必未改元未改之日必乘前君之年於時春夏當名
此年為昭公三十三年及六月既改之後方以元年紀事
及史官定策須有一統不可半年從前半年從後雖則年
初亦統此歲故入年即稱元年也漢魏以來雖於秋
冬改元史於春夏即以元年冠之是有因於古也 三

月晉人執宋仲幾于京師

晉執人于天子之側
而不以歸京師故但

書其執不
書所歸

疏

注晉執至所歸正義曰晉執仲幾傳無
日月據經所書是三月始執案傳則不

也傳稱辛巳合諸侯之大夫于狄泉長曆辛巳是正月七日也既會而魏舒始卒庚寅哉是正月十六日也宋仲幾不受功當於哉時不肯役耳士彌牟云晉之從政者新是士鞅已代魏舒矣乃執仲幾以歸三月歸諸京師必是既哉之後三月以前執以歸晉至三月乃歸於京師耳經書三月始執者晉人初執不告後知以歸不可至三月復歸於京師諱其以歸乃歸王故以三月初執告也縱晉執人諸侯不得相治事當使歸決於天子況在天子之側不以歸於京師晉人自知不可不以歸晉告魯故經但書其執不書所歸既不言歸王亦不言歸晉是不以所歸告也

夏六月癸亥公之喪至自乾侯

告於廟故書至

戊

辰公即位

定公不得以正月即位失其時故詳而日之記事之宜無義例

疏

注定公至

義例正義曰公羊傳曰即位不日此何以日錄乎內也穀梁以為公喪在外踰年六月乃得即位危故日之左氏

無此義故杜顯而異之正月即位正也定公不得以正月即位爲失其時故詳而日之直記事之宜書曰無義例

秋七月癸巳葬我君昭公

公在外薨故八月乃葬

九月

大雩

無傳過也

立煬宮

煬公伯禽子也其廟已毀季氏禱之而立其宮書以譏之

疏

注煬公至譏之

正義曰盜法好內怠政曰煬煬公伯禽子世本世家文諸侯之禮親廟有四計煬公立孫既薨其

廟即已毀矣季氏禱于煬公以求昭公不入公死於外謂禱有益而更立其宮賽之於禮不合更立惡其改變國典

故書以譏之公羊穀梁皆云立者不宜立立煬宮非禮也

冬十月隕霜殺菽

無傳

周十月今八月隕

疏

注周十至之災正義曰月令九月霜殺菽非常之災月霜始降八月未應霜殺菽菽者

人豆之苗又是耐霜之穀今以八月隕霜霜能殺菽是非常之災故書之僖三十三年隕霜不殺草此云殺菽彼言

不殺草者穀梁傳曰未可以殺而殺舉重可殺而不殺舉輕其曰菽舉重也

傳元年春王正月辛巳晉魏舒合諸侯之

大夫于狄泉將以城成周魏子蒞政

蒞臨也代天子

大夫衛彪傒衛大夫曰將建天子立天子之居而

易位以令非義也大事奸義必有大咎晉

不失諸侯魏子其不免乎是行也魏獻子

屬役於韓簡子及原壽過

簡子韓起孫不信也原壽過周大夫

而

田於大陸焚焉

禹貢大陸在鉅鹿北嫌絕遠疑此田在汲郡吳澤荒蕪之地火田并見燒

也爾雅廣平曰陸

還卒於甯

甯今脩武縣近吳澤

范獻子去其

栢棹以其未復命而田也

范獻子代魏子爲政去其栢棹示聚之

孟懿子會城成周

不書公未即位

庚寅裁

裁設板築

宋

仲幾不受功曰滕薛郕吾役也

欲使三國代宋受功役也

郕小邾

薛宰曰宋爲無道絕我小國於周以

我適楚故我常從宋晉文公爲踐土之盟

在僖二十八年

曰凡我同盟各復舊職若從踐土若

從宋亦唯命仲幾曰踐土固然

固曰從舊薛舊爲宋役

薛宰曰薛之皇祖奚仲居薛以爲夏車正

皇大也奚仲禹夏禹掌車服大夫

禹掌車服大夫

奚仲遷于邳

邳下邳縣

仲虺居薛

以爲湯左相

仲虺奚仲之後

若復舊職將承王官何

故以役諸侯

承奉也

仲幾曰三代各異物薛

焉得有舊

言居周世不得以夏殷爲舊

爲宋役亦其職也

士彌牟曰晉之從政者新

言范獻子新爲政未習故事

子

姑受功歸吾視諸故府

求故事

仲幾曰縱子忘

之山川鬼神其忘諸乎

山川鬼神盟所告

士伯怒謂

韓簡子曰薛徵於人

典籍故事人所知也

宋徵於鬼

證取

神於鬼

宋罪大矣且已無辭而抑我以神誣我

也啓寵納侮其此之謂矣

開寵過分則納受侵侮

必以

仲幾爲戮乃執仲幾以歸三月歸諸京師

知以歸不可故復歸之京師

城三旬而畢乃歸諸侯之戍齊

高張後不從諸侯

後期不及諸侯之役

晉女叔寬曰周

襄弘齊高張皆將不免

叔寬女寬也

襄叔違天

高子違人

天既厭周德襄弘欲遷都以延其祚故曰違天諸侯相帥以榮天子而高子後期故

曰違天之所壞不可支也衆之所爲不可奸

也爲哀三年周人殺萇弘六年高張來奔起**疏**易位以今正義曰往年

位以今此云魏子游政彪侯云易位以今文不同者郊特牲云君之南鄉荅陽之義也臣之北面荅君也然則禮國

君乃南面往年魏子亦南面是干君之位故云干位此時諸國爲天子築城但當爲君各致徒役而已宜使天子之

臣自號令之而魏子蒞政代天子大夫改易上下故爲易位所譏別故其文異**注**禹貢至曰陸正義曰禹貢云

導河積石至于大伾北過降水至于大陸孔安國云大陸澤名釋地十藪云晉有大陸郭璞曰今鉅鹿北廣河澤孫

炎曰廣河猶大陸以地名言之近爲是也計鉅鹿之城與周相去千有餘里魏子不應往彼田獵故嫌絕遠疑此田

當在汲郡具澤具澤在脩武縣北還卒於寧寧即脩武城是也當是荒蕪之地故亦以大陸名焉引爾雅以證平地

皆名陸也案爾雅高平曰陸杜言廣平者以吳澤之地地

下寬平故以廣平言之非是不見爾雅劉君以爾雅高平

曰陸而規杜氏非也去其栢棹正義曰喪大記云君

松棹大夫栢棹士雜木棹是卿葬於禮用栢棹也以其未

復君命而爲田獵故獻子去其栢棹不使用也注不書

公未即位正義曰懿子往年唯受號今知所得丈尺人

功而已今復將徒役城之計當更書之於策以公未即位

無君可告故不書注言范至故事正義曰魏舒以辛

巳會諸國至庚寅相去唯十日耳魏舒始卒巳得范鞅代

者范鞅本是中軍之佐於次當代魏舒蓋晉人聞舒卒而

馳使代之啓寵至謂矣正義曰尚書說命傳說進戒

於主云無啓寵納侮古有此言故云其此之謂矣開彼寵

人過其本分其人不知止足乃至夏叔孫成子逆

侵侮在上據在上受之故云納侮

公之喪于乾侯

成子叔孫
姬之子

季孫曰子家子亟

言於我未嘗不中吾志也吾欲與之從政

子必止之且聽命焉

衆事皆諸問子家子

子家子不見

叔孫易幾而哭

幾哭會也不欲見叔孫故朝夕哭不同會

叔孫請見

子家子子家子辭曰羈未得見而從君以

出

出時成子未爲卿

君不命而薨羈不敢見

言未受昭公之命

辭以距叔孫

叔孫使告之曰公衍公爲實使羣

臣不得事君

二子始謀逐季氏

若公子宋主社稷則

羣臣之願也

宋昭公弟定公

凡從君出而可以入者

將唯子是聽子家氏未有後季孫願與子

從政此皆季孫之願也使不敢以告不敢叔孫
成子名

對曰若立君則有卿士大夫與守龜在羈

弗敢知若從君者則貌而出者入可也貌出
謂以

義從公與季
氏無實怨寇而出者行可也與季子為寇
辭者自可去若

羈也則君知其出也君昭
公而未知其入也

羈將逃也喪及壞隤公子宋先入從公者

皆自壞隤反出
奔六月癸亥公之喪至自乾

侯戊辰公即位

諸侯薨五日而殯殯則嗣子即位癸亥昭公喪至五日殯於宮定公乃即位

位季孫使役如闕公氏將溝焉

闕魯羣公墓所在也季孫

惡昭公欲溝絕其北域不使與先君同

榮駕鸞曰生不能事死又

離之以自旌也

駕鸞魯大夫榮成伯也旌章也

縱子忍之後必

或恥之乃止季孫問於榮駕鸞曰吾欲爲

君謚使子孫知之

爲惡謚

對曰生弗能事死

又惡之以自信也將焉用之乃止秋七月

癸巳葬昭公於墓道南孔子之爲司寇也

溝而合諸墓

明臣無貶君之義

疏

季孫至命焉正義曰言子家子數於公處致

言於我云意如事君不敢不改又言君以一乘入於魯師季孫必與君歸季孫之意實然故云未嘗不中吾志吾欲與之從政欲用爲大夫也公喪歸則從者散故令止之且聽命者一聽子家之所爲子家欲將歸者即與之歸注

二子至季氏正義曰謀逐季氏公爲爲之傳文不言公衍謀也但以公衍見復爲太子季氏欲俱廢之故言此也

注諸侯至即位

正義曰王制云天子七日而殯諸侯

五日而殯自癸亥至戊辰五日殯訖則嗣子即位故定公

以此日即位也公羊穀梁皆云正棺於兩楹之間然後即位案正棺兩楹之間即禮所謂夷於堂者也喪大記君薨

之禮云既小斂男女奉尸夷于堂鄭玄云諸侯之小斂於死者俱三日此戊辰去癸亥五日非正棺之日不得爲正

棺即位也雜記云諸侯行而死歸至於廟門遂入適所殯鄭玄云適所殯謂兩楹之間自外來者正棺於兩楹之間

尸亦夷之於此因殯焉殯必於兩楹之間者以其死不於室而自外來留之於中不忍遠也鄭取二傳之說言死從外來者殯在兩楹之間若謂殯為正棺則與杜言合矣闕公氏正義曰闕是先公葬地春秋言氏猶如言家故謂公之墓地為公氏言是公死之家宅也玄卿以為闕屬上句公氏將溝焉猶言將溝公氏焉古人多倒語公氏則昭公注為惡謚正義曰知者下云死又惡之所以知也 以自信也 正義曰信明也以自明己之不臣也

溝而 正義曰孔子之為司寇在定公十年以後未知何年溝之

昭公出故季平

子禱于煬公九月立煬宮

平子逐君懼而請禱於煬公昭公死於外

自以為獲福故立其宮



禱于煬公 正義曰既毀其廟而得禱者蓋就祧而禱之

周鞏簡

公弃其子弟而好用遠人

簡公周卿士遠人異族也為明年鞏氏賊

簡公 正義曰謚
疏 法平易不從曰簡
張本

經二年春王正月夏五月壬辰雉門及兩

觀災 無傳雉門公宮之南門
疏 注雉門至曰災 正義曰明堂位云庫門

天子臯門雉門天子應門是魯之雉門公宮南門之中門也釋宮云觀謂之闕郭璞曰宮門雙闕周禮大宰正月之吉縣治象之法于象魏使萬民觀治象鄭眾云象魏闕也劉熙釋名云闕在門兩旁中央闕然為道也然則其縣法象其狀魏魏然高大謂之象魏使人觀之謂之觀也是觀與象魏闕一物而三名也觀與雉門俱災則兩觀在雉門之兩旁矣公羊傳曰其言雉門及兩觀災何兩觀微也然則曷為不言雉門災及兩觀主災者兩觀也主災者兩觀則曷為後言之不以微及大也穀梁亦云災自兩觀始先言雉門尊尊也公羊稱子家駒云設兩觀諸侯僭天子其

意以其奢僭故天災之左氏無此義案禮器云天子諸侯
臺門此以高為貴也郊特牲云臺門大夫之階禮也
大夫異於諸侯不言諸侯異於天子兩觀為階禮無其文
天之所災不可意卜言主災兩觀以門尊先門若災先
門起又將何以為異丘明無文或是災起郊
門而延及兩觀也天火曰災宣十六年傳例 秋楚人
伐吳 囊瓦稱人見誘以敗軍 冬十月新作雉門及兩觀

無傳

傳二年夏四月辛酉鞏氏之羣子弟賊簡

公 傳言奔親用疎所以敗也 桐叛楚 桐小國廬江舒縣西南有桐鄉 吳子使

舒鳩氏誘楚人 舒鳩楚國 曰以師臨我 教舒鳩誘楚使以師

我伐桐爲我使之無忌

吳伐桐也僞若畏楚師之臨已而爲伐其

報國以取媚者也欲使楚不忌是所謂多方以誑之

秋楚囊瓦伐吳師于

豫章

從舒鳩言

吳人見舟于豫章

爲所爲楚伐桐

而潛師

于巢

實欲以舉楚

冬十月吳軍楚師于豫章敗

之

楚不忌故

遂圍巢克之獲楚公子繁

繁守巢大夫

疏

桐叛至無忌

正義曰桐是小國世屬於楚桐今叛楚楚有間隙故吳子因是而謀之舒鳩自是楚之屬

國居吳楚之間亦兩取其意故吳得使之也吳子使舒鳩誘楚人又教舒鳩爲辭曰今楚以師臨我我吳自稱我今楚臨吳也我當僞若畏楚爲楚伐桐女舒鳩當爲我誘楚軍楚師或曰囊瓦本出師伐吳見吳欲伐桐而不設備遂

拔其敗之又擊楚巢邑潛師圍而克之獲其守邑大夫為
我使之無忌謂為我之畏楚形狀使楚人無復防忌於我
也若楚不忌吳則師不設備欲因其無備而掩襲取之耳
下云吳人見舟于豫章偶欲伐桐也吳軍楚師于豫章掩
其不備也潛師于莫吳人詐巢邑人云此師將伐桐也其
實本擬取巢故下遂圍巢克之言潛者對豫章之師稱潛
郭莊公與夷射姑飲酒私出射姑郭大夫出辟酒聞乞

肉焉奪之杖以敲之

奪關杖以敲關頭也為明年郭子卒傳

經三年春王正月公如晉至河乃復

無疏

公如至乃復正義曰三傳皆無其說不知何故乃復賈
逵云刺緩朝見辭失所不諱罪已賈雖為此解於傳無之
不可從故杜不言劉炫謂公以六月即位此年便即注朝
於事未為緩也晉人何以辭之若以緩見退當遣謝罪何

由此後更無謝處空言罪已經無孫謝自罪之狀復安在
手晉若以緩致辭必常更有譴責何由明年會次復得依
常班序乃復之
意不可縣知 二月辛卯邾子穿卒 再同 疏 注

同盟 正義曰穿以昭二年即位十一年盟于棧 夏四
梓二十六年于鄆陵皆魯邾俱在是再同盟也

月秋葬邾莊公 六月乃葬 冬仲孫何忌及邾子

盟于拔 拔地

傳三年春二月辛卯邾子在門臺 門上 臨

廷閭以餅水沃廷邾子望見之怒閭曰夷

射姑旋焉 旋小 命執之 見其不索 弗得滋怒

自投于牀廢于鑪炭爛遂卒

廢隋也

先葬以

車五乘殉五人

欲藏中之絮故先內車及殉別爲便房蓋其遺命

莊公卞

急而好絮故及是

卞躁疾也

疏

注欲藏至遺命正義曰以人從葬謂之

殉邾子邾絮以八爲殉欲備地下場除若令與柩同入恐其汚履藏內欲其藏中之絮故先內車及殉別爲便房處之傳言此事意在非責邾子若是葬者自爲則非莊公之罪無爲輒說此事故云蓋其遺命也邾子隊鑪而卒不慮得有遺命疑其是遺命者禮國君即位而爲擇初立即營死事當是平素之時先有此命葬者奉行之

秋

九月鮮虞人敗晉師于平中

平中晉地

獲晉觀

虎恃其勇也

爲五年士鞅國鮮虞張本

冬盟于邾

邾國也

脩

邾好也

公即位故脩好

蔡昭侯爲兩佩與兩裘

佩佩玉也

以如楚獻一佩一裘於昭王昭王服之以

享蔡侯蔡侯亦服其一子常欲之弗與三

年止之唐成公如楚有兩肅爽馬子常欲

之

成公唐惠侯之後肅爽駿馬名

弗與亦三年止之唐人或

相與謀請代先從者許之飲先從者酒醉

之竊馬而獻之子常子常歸唐侯自拘於

司敗

竊馬者自拘

曰君以弄馬之故隱君身

隱憂約也

奔國家羣臣請相夫人以償馬必如之

相助也

又謂養馬者

唐侯曰寡人之過也二三子無辱皆

賞之蔡人聞之固請而獻佩于子常子常

朝見蔡侯之徒命有司曰蔡君之久也官

不共也

言楚所以禮遣蔡侯之物不共備故

明日禮不畢將死

遣蔡

侯之禮

蔡侯歸及漢執玉而沈曰余所有濟

漢而南者有若大川

自誓言若復渡漢當受禍明如大川

蔡侯如

晉以其子元與其大夫之子為質焉而請

伐楚

為明年會

疏

注成公至馬名

正義曰宣十二年傳有唐惠侯故云唐惠侯之後

也釋畜於馬無肅爽之名爽或作霜賈逵云色如霜純馬融說肅爽馬也其羽如練高首而備頸馬似之天下稀有故子常欲之杜以馬名臨時所作本意不可得知故直云駿馬名請代至許之正義曰謂請楚楚入許之也知非請唐侯者若唐侯許之自合養馬何須言飲先從者竊馬以獻乎

經四年春王二月癸巳陳侯吳卒

無傳未同盟而赴以

名癸巳正月七日書二月從赴

疏

注癸巳至從赴校之知癸巳是正月七日故云書二

月從赴也知非日誤者以崩薨之事皆以赴為文故平王崩赴以庚戌陳侯卒赴以甲戌己丑杜依大例而言故云從赴劉炫以為諸侯五月而葬下云六月葬陳惠公則陳侯卒在二月以為日誤而規杜氏今知非者但諸侯雖五

月而葬春秋之時或緩或速無復常準此陳侯之葬三
事既無傳何知必五月而葬安以杜爲久其義非也

月公會劉子晉侯宋公蔡侯衛侯陳子鄭

伯許男曹伯莒子邾子頓子胡子滕子薛

伯杞伯小邾子齊國夏于召陵侵楚

於召陵先

行會禮入楚竟故書侵
疏
注於召至書侵正義曰先言于召陵後言侵楚是於召陵先行會禮也土地

名召陵楚地也諸侯既入楚竟先行會禮後乃侵之故經書先會後侵也
夏四月庚辰蔡

公孫姓帥師滅沈以沈子嘉歸殺之五月

公及諸侯盟于臯臯
召陵會劉子諸侯摠言之也繁昌縣東南有城臯亭復稱

高異

公者會盟

疏

注召陵至處故正義曰書經之例諸侯

異處故先會而後盟皆前目而後凡此共盟者還是前會之諸侯前已歷序故於此總言之也劉子雖是王朝之臣而亦有封爵故諸侯之文可以兼劉子也僖二十九年王子虎與諸侯盟于翟泉貶之稱人此劉子得與諸侯盟者楚僭號為王不肅天子諸侯會而侵楚將以尊崇王室傳言劉文公合諸侯是天子勅之使盟也下文書劉卷卒葬魯人弔會依同盟之禮知劉子亦與盟也復稱公者由其會盟異處故也劉炫規杜云會盟異處故復稱公案襄二十五年盟重丘亦是會盟異處何以不言公今刪定知非者但會盟異處埋合稱公重丘不書公史官自略耳以此規杜非也

杞伯成卒于

會

無傳

疏

杞伯成卒于會正義曰成以昭二十五年即位二十六年盟于鄆陵三十二年于翟泉

此年于臯馳魯杞俱在計杜當云三同盟無注者漏脫耳諸侯薨于朝會加一等此既薨于會其禮亦當然

六

月葬陳惠公

無傳

許遷于容城

無傳

秋七月公

至自會

無傳

劉卷卒

無傳

即劉盆也劉子奉命出盟召陵死則天王為告同盟故不

疏

注即劉至具爵

正義曰昭二十二年傳曰單子

立劉盆即此是也世族譜伯盆劉盆劉文公劉狄

劉卷劉子為一人王朝公卿卒不赴魯魯不會葬文三年書王子虎卒傳曰來赴弔如同盟禮也彼為同盟于翟泉故也此亦書卒明為同盟故也畿內之國不得外交諸侯必非劉邑之臣來赴知是天子為告也天子告臣略言名封而已不言劉子故書不具爵

葬杞悼公

無傳

楚人圍蔡

不服

晉

士鞅衛孔圉帥師伐鮮虞

無傳

孔圉孔羈

葬

劉文公

無傳

冬十有一月庚午蔡侯以吳子

及楚人戰于柏舉楚師敗績

師能左右之曰以皆陳曰戰大崩曰

敗績吳爲蔡計楚從蔡計謀故書蔡侯以吳子言能左右之也囊瓦稱人貪以致敗不能死難罪賤之柏舉楚地昭

三十一年傳曰六年十二月庚辰吳其入郢今以十一月者并數閏

疏

注師能至數閏正義曰師能左右

之曰以僖二十六年傳例也皆陳曰戰大崩曰敗績莊十一年傳例也吳大蔡小而蔡能以吳者吳子爲蔡計楚言

蔡能左右之也釋例曰吳雖大國順蔡侯之請自將其衆唯蔡侯之命故亦言以吳子也囊瓦楚之上卿當稱名氏

今稱人者貪以致敗又不能死難罪賤之也釋例曰楚之囊瓦貪佩馬以致討稱人罪賤之也昭三十一年傳

言六年十二月庚辰吳其入郢今以十一月與彼期有差殊者長歷推此年閏十月庚辰又是十一月二十九日其

月垂盡并數閏得爲十二月也

楚囊瓦出奔鄭

書名惡之

疏

注書名惡

之正義曰文八年宋司城來奔十四年宋子哀來奔傳皆云貴之也不稱名爲貴之是稱名爲惡之庚

辰吳入郢

弗地曰入吳不稱子史略文

疏

江弗地至略文正義曰弗地曰入襄十三年

傳例也上文戰稱吳子此言吳入楚不稱子猶成三年襄伐許昭十二年晉伐鮮虞史略文無義例公羊穀梁以爲吳於戰稱子爲其憂中國故進而稱爵及其入郢君舍于君室大夫舍于大夫室反爲夷狄之行故賤而稱吳左氏無此義故杜異而顯之

傳四年春三月劉文公合諸侯于召陵謀

伐楚也

文公王官伯也晉人假王命以討楚之夕留蔡侯故曰文公合諸侯

晉荀寅

求貨於蔡侯弗得言於范獻子曰國家方

危諸侯方貳將以襲敵不亦難乎水潦方

降疾瘡方起中山不服中山鮮虞弃盟取怨無損

於楚晉楚同盟伐之為取怨而失中山不如辭蔡侯吾

自方城以來楚未可以得志晉敗楚侵方城在襄十六年祇

取勤焉乃辭蔡侯晉人假羽旄於鄭鄭人

與之折羽為旄王者遊車之所建鄭私有之因謂之羽旄借觀之明日或旆以

會或賤者也繼旄曰旆令賤人施其旆執以從會示卑鄭晉於是乎失諸

侯傳言晉無禮所以遂弱將會衛子行敬子言於靈

公

子行敬子
衛大夫

曰會同難

難得

嘖有煩言莫之

治也

嘖至也煩
言念乎

其使祝佗從

祝佗大
祝子魚

公曰善乃

使子魚子魚辭曰臣展四體以率舊職猶

懼不給而煩刑書若又共二

共二職

徼大罪也

且夫祝社稷之常隸也

隸賤
臣也

社稷不動祝不

出竟官之制也

社稷動
謂國遷

君以軍行被社鼙鼓

師出先有事被禱於社謂之宜社
於是殺牲以血塗鼓鼙爲鼙鼓

祝奉以從

奉社
主也

於

是乎出竟若嘉好之事

謂朝
會

君行師從

二千
五百

久卿行旅從五百人臣無事焉公曰行也及

臯鼬將將長蔡於衛欲令蔡先衛軟衛侯使祝佗私

於萇弘曰聞諸道路不知信否若聞蔡將

先衛信乎萇弘曰信蔡叔康叔之兄也蔡叔

周公兄康叔周公弟先衛不亦可乎子魚曰以先王觀

之則尚德也昔武王克商成王定之選建

明德以蕃屏周故周公相王室以尹天下

尹正也於周爲睦睦親厚也以盛德見親厚分魯公以大路

大旂

魯公伯禽也此大路金路錫同姓諸侯車也交龍爲旂周禮同姓以封

夏后氏

之璜

璜美玉名

封父之繁弱

封父古諸侯也繁弱大弓名

殷民

六族條氏徐氏蕭氏索氏長勺氏尾勺氏

便帥其宗氏輯其分族將其類醜

醜衆也

以

法則周公用即命于周

即就也使六族就周受周公之法制

是

使之職事于魯

共魯公之職事

以昭周公之明德

昭顯也

分之土田陪敦

陪增也敦厚也

祝宗卜史

大祝宗人太卜

大史凡四官

備物典策

典策春秋之制

官司彛器

官司百官也彛

器常

因商奄之民

商奄國名也與四國流言武進散在魯皆令即屬魯懷柔之

命

以伯禽

伯禽周公世子時周公唯遣伯禽之國故皆以付伯禽

而封於少皞

之虛

少皞虛曲阜也在魯城內

分康叔

康叔衛之祖

以大路少帛

綉茂旃旌

少帛雜帛也綉茂大赤取漆草名也通帛爲旃旌折羽爲旌

大呂

鐘名

殷

民七族陶氏施氏繁氏錡氏樊氏饑氏終

葵氏封畛土略自武父以南及圃田之北

竟

畛塗所徑也略界也武父衛北界圃田鄭藪名

取於有閭之土以共

生職

有閭衛所受朝宿邑蓋近京畿

取於相土之東土以會

王之東菟

為湯沐邑王東巡狩以助祭泰山

聃季授土

聃季周公弟司

空

陶叔授民

陶叔司徒

命以康誥而封於殷虛

康誥周書殷虛朝歌也

皆啓以商政疆以周索

皆魯衛也啓開也居

殷故地因其風俗開用其政疆理土地以周法索法也

分唐叔

唐叔晉之祖

以大路

密須之故

密須國名

闕鞏

甲名

沽洗

鍾名

懷姓九宗

職官五正

懷姓唐之餘民九宗一姓為九族職官五正五官之長

命以唐

誥而封於夏虛

唐誥誥命篇名也夏虛大夏今大原晉陽也

啓以夏

政

亦因夏風俗開用其政

疆以戎索

大原近戎而塞不與三中國同故身以戎法

者皆叔也而有令德故昭之以分物不然

文武成康之伯猶多而不獲是分也唯不

尚年也管蔡啓商蕞間王室

蕞毒也周公攝政管叔蔡叔開道紂

子祿父以毒亂王室

王於是乎殺管叔而蔡蔡叔

周公稱王命以

討二叔蔡放也

以車七乘徒七十人

與蔡叔車徒而放之

其子蔡

仲改行帥德周公舉之以爲己卿士

爲周公臣

見

諸王而命之以蔡

命爲蔡侯

其命書云王曰胡

無若爾考之違王命也

胡蔡仲名

若之何其使

蔡先衛也武王之母第八人周公為太宰

康叔為司寇聃季為司空五叔無官豈尚

年哉五叔管叔鮮蔡叔度成叔武霍叔處毛叔聃也曹文之昭也文王子與周公

異母晉武之穆也武王子曹為伯甸非尚年也

以伯爵居甸服言小今將尚之是反先王也晉文公為

踐土之盟衛成公不在夷叔其母弟也猶

先蔡踐土召陵二會經書蔡在衛上霸主以國大小之序也子魚所言盟款之次其載書

云王若曰晉重文公魯申僖公衛武叔蔡甲午

莊公鄭捷文昭齊潘昭公宋王臣成公莒期莒公也齊

宗盟異姓為後藏在周府可覆視也吾子欲復文

武之略略道也而不正其德將如之何甚弘

說告劉子與范獻子謀之乃長衛侯於盟

疏注文公至諸侯正義曰劉子是天子大臣故言王官伯也往年蔡侯如晉請晉耳不請天子今稱劉文

公合諸侯知是晉人告王假王命以討楚王使劉子會之故言劉文公合諸侯以示稟於王命假王威也注析羽

至觀之正義曰周禮司常掌九旗之名物全羽為旌析羽為旌道車載旌旂車載旌鄭玄云全羽析羽皆五采繫

之於旌旌之上所謂注旌於干首也凡九旗之帛皆用絳道車象路也王以朝夕燕出入旂車木路也王以田以鄙

是其析羽爲旌王者遊車之所建也釋天云注旌首曰旌
李巡曰以旌牛尾著旌首者也孫炎曰析五采羽注旌上
亦有旒旒據彼文言之則羽毛者有五色鳥羽又有旌牛
尾也言全羽析羽者蓋有全取其翅或析取其鬪故有全
析二名也繫此鳥羽牛尾於干首猶自別有絳爲旒旒縣
之於干今之旗幟猶然此傳直言羽耳注不引全羽而以
析羽解之者以全羽尊於析羽鄭人所有未必尊貴故以
析羽解之計羽旌所用其費無多晉人自應有之而襄十
四年范宣子假羽毛於齊此又假羽旌於鄭者或當制作
巧異故聞而借觀之注或賤至卑鄭正義曰鄭玄注
論語云或云言有人不顯其名而略稱爲或是或爲賤者
也繼旌曰旒釋天文也郭璞曰帛續旒末爲燕尾者然則
旒謂旌身旒謂旌尾晉令賤人建此羽旌施其旒旒於下
執之以從其會本謂其美而就鄭借觀之既得其物令賤
人服用之是示其卑侮鄭也鄭是列國而晉卑侮之諸侯
於是知晉輕蔑心皆怨恨故晉於是乎失諸侯注噴至

至忿爭

正義曰

噴至賈逵云然是相傳訓也易繫辭云

聖人有以見天下之賾謂見其至深之處噴亦深之義也謂

至於會時有煩亂忿爭之言無才辯者則莫之能治也

注社稷動謂國遷

正義曰周禮大祝云大師宜于社造

于祖設軍社及軍歸獻于社則前祝天子之祝如此則諸

侯之祝官亦然也然則彼軍行唯有社無稷今社稷俱動

故知謂國遷也國遷唯在竟內得云祝不出竟者詩稱公

劉遷幽大王來岐及春秋杞都陳留而遷緣陵及許遷

于析之屬並是離棄本國遠適他土故有出竟之事劉以

社稷動謂軍行而規杜非也

注師出至魯鼓正義曰

釋天云起大事動大衆必先有事乎社而後出謂之宜是

軍師將出必有祭社之事也周禮女巫巫掌祓除魯浴則祓

亦祭名故知祓社即宜社是也說文云魯血祭也是殺牲

以血塗鼓鼙爲魯鼓此皆祝官掌之

祝奉以從正義

曰禮軍行必以廟主社主從軍而行尚書甘誓云用命賞

予祖弗用命戮于社孔安國云天子親征必載遷廟之祖

主及社主行有功則賞祖上前示不專也不用命奔北者則戮之於社主前社主陰陰主殺親祖嚴社之義也是軍行必載社主行故祝官奉主以從 若嘉至事焉 正義曰此會因而侵楚衛侯當以軍行而云臣無事者晉本以會召諸侯傳言將會是赴會之時未知將侵伐也但諸國既集師衆自多故因得行侵耳 注蔡叔至公第 正義曰史記管蔡世家云武王同母兄弟十人母曰大妣文王正妃也其長子曰伯邑考次曰武王發次曰管叔鮮次曰周公旦次曰蔡叔度次曰曹叔振鐸次曰邶叔武次曰霍叔處次曰康叔封次曰聃季載如彼文則蔡叔周公弟也今以蔡叔爲周公兄者以僖一十四年傳富辰言文之昭十六國蔡在魯上明以長幼爲次賈逵等皆言蔡叔周公兄故杜從之馬遷之言多舛謬故不用史記爲說 注魯公至以封 正義曰周禮巾車云金路建大旂以賓同姓以封鄭玄云金路以金飾諸未大旂九旗之畫交龍者以賓以會賓客同姓以封謂王子母弟以功德出封若魯衛

也交龍爲旂司常文也 注璜美玉名 正義曰夏后氏
所寶歷代傳之知美玉名也哀十四年傳云向魍出於衛
地公文氏攻之求夏后氏之璜焉則璜非一也尚書旅獒
及魯語皆云古者分同姓以珍玉展親則先王不以王賜
向魍向魍自規求得之也鄭玄注周禮云半璧曰璜 注
封父至弓名 正義曰鄭玄云古者伐國遷其重器以與
同姓此繁弱封父之國爲之不知何時滅其國而得之也
孔叢云楚王張繁弱之弓載忌歸之矢以射蛟於雲夢是
繁弱爲弓名也 使帥至明德 正義曰使六族之長各
自帥其當宗同氏輯合也合其所分枝屬族屬也將其族
類人衆以法則周公令其移家居魯用就受周公之命是
以使之共職事于魯以昭周公之明德也下賜殷民七族
亦是使之法則康叔令共職事于衛也賜唐叔及懷姓九
宗亦然 陪敦 正義曰陪是加增之義敦厚釋詁文也
言既封爲大國已方五百里又分以上田更增彼寬厚爲
七百里也明堂位云封周公于曲阜地方七百里鄭玄云

公之地方五百里加魯以四等之附庸方百里者二十四
并五五二十五積四十九開方之得七百里鄭玄周禮大
司徒注云凡諸侯爲牧正帥長又有德者乃有附庸公無
附庸侯附庸九同伯附庸七同子附庸五同男附庸三同
進則取焉退則歸焉魯於周法不得有附庸故言錫之也
地方七百里者包附庸以大言之附庸二十四言德兼此
四等矣是增厚魯國之事也 祝宗至彝器 正義曰祝
宗接神之官大卜主卜大史主書與此四等官人使之將
歸於魯也服虔云備物國之職物之備也當謂國君威儀
之物若今繖扇之屬備賜魯也止不解備物則與典策爲
一也備物典策謂史官書策之典若傳之所云發凡之類
賜之以法使依法書時事也官司彝器謂百官常用之器
蓋罇壘俎豆之屬其賜魯也 注商奄至柔之 正義曰
書傳云武王殺紂繼公子祿父及管蔡流言奄君謂祿父
曰武王死成王幼周公疑比百世之時請舉事然後祿父
及三監叛是奄與四國流言也昭九年傳云蒲姑商奄吾

東土也此復云因商奄之民則商奄是東方之國近魯之地也昭元年傳云周有徐奄杜以彼奄與此商奄爲一故土地名奄商奄二名共爲一國此注言商奄國名以商奄二字爲國名也詩稱四國流言毛傳以四國爲管蔡商奄則商奄各自爲國奄則此奄是也商謂紂子祿父下云管蔡啓商是名祿父爲商也然則毛言商奄爲二杜言商奄爲一杜言四國流言亦謂管蔡祿父與商奄爲四也商奄即四國之一言與者據民與四國之君流言故言與也或者據奄君道三國爲亂故言與摠稱四國非爲商奄外別有四國也言封魯於少皞之虛則商奄非魯地也非魯地而言因其民是誅商奄之日民或逆散在魯皆命使即屬於魯令魯懷柔之立卿以爲三監與商爲四國奄在外故言與四國 注伯禽至伯禽 正義曰詩魯頌說封魯之事云王曰叔父建爾元子俾侯于魯是伯禽爲周公卅子也魯世家云周公相成王使其子伯禽代就封于魯文十三年公羊傳曰周公何以稱大廟于魯封魯公以爲周公

也周公拜乎前魯公拜乎後曰生以養周公死以爲周公
主然則周公之魯乎曰不之魯也封魯公以爲周公則
公曷爲不之魯欲天下之一乎周也其意言周公聖人若
使之魯則恐天下迴心向之故不使之魯也以周公身不
適魯唯遣伯禽之國故傳皆言分魯公不言分周公也傳
言命以伯禽於體例命以康誥命以唐誥則伯禽亦似策
命篇名今杜云唯遣伯禽之國故皆以付伯禽則伯禽非
是誥誓篇名若必是誥誓當云命以魯誥旣爲國君不得
與君牙伯同同類也劉炫云伯禽猶下命以康誥是伯禽
爲命書似書序穆王命君牙爲周大司徒作君牙即以君
牙爲篇與此同也 注少皞至城內 正義曰此注少皞
之虛即曲阜是也曲阜在魯城內則魯之所都正在少皞
虛矣昭二十九年注窮桑少皞之號窮桑地在魯北與此
異者賈逵云少皞居窮桑登爲帝蓋未爲帝居魯北旣爲
帝乃居魯也 注少皞至爲旌 正義曰周禮司常云通
帛爲旌雜帛爲物鄭玄云通帛謂大赤從周正色無飾雜

帛者以帛素飾其側白般之正色大赤是通帛知少帛是雜帛也釋草云茹蘆茅蒐郭璞曰今之蒨也可以深絳則績是染赤之草蒨即旆也爾雅繼旆曰旆旆是旆身旆是旆尾尾猶用赤則通身皆赤知績蒨是大赤大赤即今之紅旗取染赤之草爲名也蓋王以通帛雜帛並賜衛也然則大赤即是旆也於績蒨之下更言旆者蒨言旆尾旆言旆身圓其文故具言耳若其不然旆是干之所建旗皆有旌少帛旆旆之後何須更復言旌明是圓其文故重言之

注鐘名正義曰周鑄無射魯鑄林鐘皆以律名名鐘知此大呂沽洗皆鐘名也其聲與此律相應故以律名焉

注畛塗至藪名正義曰周禮遂人云夫間有遂廣深各二尺遂上有徑容車馬也十夫有溝廣深四尺溝上有畛容大車百夫有洫廣深八尺洫上有涂容乘車一軌千夫有澮廣二尋深二仞澮上有道容二軌萬夫有川川上有路容三軌畛是路故爲塗所徑也桓十二年公會鄭伯盟于武父杜云陳留濟陽縣東北有武父城彼是鄭地與

此武父非一也土地名云傳曰封畛土略自武父以南則武父衛之北竟也非河南武父其地闕無其處故直云衛北界也釋地十藪鄭有圃田郭璞曰今滎陽中牟縣西圃田澤是也衛之南竟至此澤畔取於至東蒐正義曰土地名有閭之土與相土之東都其地皆闕無其處言共王職猶魯之許蓋近京畿也會王東蒐則爲從王巡守助祭泰山爲湯沐之邑若鄭之祊田蓋近泰山也王巡守者諸侯爲王守土天子以時出巡行之今言蒐則王之巡守亦因田獵以教習兵士注聃季至司空正義曰富辰言文之昭聃季在魯下史記大姒十子聃季最少是周公弟也周禮司空主土司徒主民知聃季授土爲司空也下陶叔授民爲司徒也注皆魯至法也正義曰王制云凡居民材必因天地寒煖燥濕廣谷大川異制民生其間者異俗脩其教不易其俗齊其政不易其宜是言王者布政當順民俗而施之也此民習商之政爲日已久還因其風俗開道以舊政也衛居殷虛開以商政可矣魯亦

開以商政者王者所法不過二代夏在衛西魯在衛東夏政非魯所及與衛大同以殷之餘民有六族將其醜類以即事于魯故與衛皆啓以商政也疆理土地以周法則三代經界法皆有異其異未盡聞也索之爲法相傳訓耳考工記量器銘曰時文思索允臻其極鄭亦以索爲法注懷姓至之長正義曰懷姓居在晉地而不言殷民知是唐之餘民也言懷姓九宗則皆姓懷矣知一姓而有九族也職官五正杜云五官之長則謂五官之長子孫耳曲禮云天子之五官曰司徒司馬司空司士司寇鄭玄云此殷時制也然則殷時五官居在唐地世爲貴族以賜唐叔使主領之所以榮寵唐叔也殷之五官不必皆在唐地但有五官四官亦得揔五言之劉炫云職官五正職主也正長也主官事者有五長分九宗爲五官使主之此九宗蓋宗有一人數少者當宗不足立官并之爲五使五官領此九宗或以爲於懷姓之內立五正使分主九宗未知誰是故備言之或以爲五官之長謂如昭二十九年蔡墨所云五

行之官長也是天子之大臣非唐之遺民然姓而有五也
并賜唐叔豈天子得以五行官長賜諸侯哉 文武至尚
年 正義曰文武成康皆以處長而立未聞更有兄伯封
爲諸侯而云伯猶多者以叔年稚於伯仲處叔而得分多
明其長者無所得伯是兄弟之長故舉伯以爲言所云猶
多者甚言之耳歷檢書傳文武成康未有兄爲諸侯者幼
者分物多長者無所得此唯爲不尚年故也 管蔡至命
也 正義曰書序云蔡叔既没王命蔡仲踐諸侯位作蔡
仲之命其經云惟周公位冢宰正百工羣叔流言乃致辟
管叔于商囚蔡叔于郭鄰以車七乘降霍叔于庶人三年
不齒蔡仲克庸祇德周公以爲卿士叔卒乃命諸王邦之
蔡王若曰小子胡惟爾率德改行克復厥猷肆予命爾侯
于東土往即乃封敬哉爾尚蓋前人之愆惟忠惟孝率乃
祖文王之彝訓無若爾考之違王命傳之此言皆述書意
而爲之辭唯增言徒七十人耳孔安國云郭鄰中國之外
地名亦不知何方地名也 注甚毒也 正義曰甚毒間

亂賈逵云然是相傳訓也道祿父作亂將以害周若毒贅然故云毒亂王室也 注周公至放也 正義曰蔡仲之

命篇云周公乃致辟管叔于商囚蔡叔于郭鄰則是周公誅之矣而此言王者周公稱王今以討之書序云成王既伐管叔蔡叔是稱王命之文也說文云粲散之也從米殺聲然則粲字殺下米也粲爲放散之義故訓爲放也隸書改作已失字體粲字不復可識寫者全類蔡字至有爲一蔡字重點以讀之者今定本作蔡非也 注爲周公臣

正義曰孔安國云明王之法誅父用子言至公周公圻內諸侯二卿治事是爲周公圻內采邑之卿也 母弟八人

正義曰上言十人而此云八者伯邑考已死不數武王故八人 康叔爲司寇 正義曰尚書蘇公爲司寇此言

康叔者爲蘇公出封爲國康叔替之 注五叔 正義曰

史記云聃季載杜云毛叔聃又不數叔振鐸者杜以振鐸

非周公同母故不數之或杜別有所見不以管蔡世家爲說 曹爲至尚年 正義曰於昭穆曹是晉之叔父也晉

為大國多受分物曹為伯爵而在甸服非是尊尚年長也
相二年傳云晉甸侯也晉亦在甸唯侯伯之爵異耳言為
伯甸連言之耳於甸無升降也鄭玄云曹今濟陰定陶也
去王城八百里東都之畿方六百里半之三百里侯服五
百里定陶在畿外故為在甸服言其小也
正義曰言周家府藏之內有此載書在也本或為盟府
由僖五年傳藏於盟府涉彼而誤耳不正
其德 正義曰正長也謂不長其有德者也反自召陵

鄭子大叔未至而卒晉趙簡子為之臨甚

哀曰黃父之會

在昭二十五年

夫子語我九言曰無

始亂無怙富無恃寵無違同無敖禮無驕

能

以能驕人

無復怒

復重也

無謀非德

非所謀也

無犯非

義

傳言簡子能用善言所以遂興

疏

乃長衛侯正義曰釋例曰周之宗盟異姓爲後故踐土之盟

載書齊宋雖大降於鄭衛斥周而言指謂王官之宰臨盟者也其餘雜盟未必皆然踐土召陵二會皆蔡在衛上時國次也至盟乃正其高下者敬共明神本其始也是言會以國之大小爲次至盟乃先同姓盟之先同姓者唯謂王官之宰臨盟時耳踐土則王子虎盟諸侯于王庭此盟則劉子在焉故二者先同姓其餘雜盟亦以國之大小爲次故襄二十七年宋之盟晉楚爭先若其皆先同姓則楚不得競也以此知餘盟不然九言正義曰古者一字與二字並爲一言易云伏羲作十言之教曰乾坤震巽坎離艮兌消息乾坤雖是一字亦一出口乃得言之故謂之一言今則一字爲一言三字以上爲一句

沈人不曾于召陵晉人使

蔡伐之夏蔡滅沈秋楚爲沈故圍蔡伍員

爲吳行人以謀楚楚之殺卻宛也

在昭三十七年

伯

氏之族出

卻宛黨

伯州犂之孫嚭爲吳大宰

以謀楚楚自昭王即位無歲不有吳師蔡

侯囚之以其子乾與其大夫之子爲質於

吳冬蔡侯吳子唐侯伐楚

唐侯不書兵屬於吳蔡

舍舟

于淮汭

吳乘舟從淮來過蔡而舍之

自豫章與楚夾漢

豫章漢東

江北地名

左司馬戍謂子常曰子汭漢而與之上

下

汭綠也綠漢上下遮使勿度

我悉方城外以毀其舟

以方城外人毀

吳所舍舟

還塞大隧直轅冥阨

三者漢東之隘道

子濟漢

而伐之我自後擊之必大敗之既謀而行

武城黑謂子常

黑楚武城大夫

曰吳用木也我用革

也

用軍器

不可久也不如速戰史皇謂子常楚

人惡子而好司馬

史皇楚大夫司馬沈尹戌

若司馬毀吳

舟于淮塞城口而入

城口三隘道之總名

是獨克吳也

子必速戰不然不免乃濟漢而陳自小別

至于大別

禹貢漢水至大別南入江然則此二別在江夏界

三戰子常知

不可欲奔

知吳不可勝

史皇曰安求其事

求知政事

難

而逃之將何所入子必死之初罪必盡說

言致死以克吳可以免貪賄致寇之罪

十一月庚午二師陳于柏

舉

經所以書戰二師吳楚師

闔廬之弟夫槩王晨請於闔

廬曰楚瓦不仁

瓦子常名

其臣莫有死志先伐之

其卒必奔而後大師繼之必克弗許夫槩

王曰所謂臣義而行不待命者其此之謂

也今日我死楚可入也以其屬五千先擊

子常之卒子常之卒奔楚師亂吳師大敗

之子常奔鄭史息以其乘廣死

以戰死

吳從

楚師及清發

清發水名

將擊之夫槩王曰困獸

猶鬪況人乎若知不免而致死必敗我若

使先濟者知免後者慕之蔑有鬪心矣半

濟而後可擊也從之又敗之楚人爲食吳

人及之奔食而從之敗諸雍澁五戰及郢

奔食食者走不陳故不在戰數

己卯楚子取其妹季芊界我

以出涉睢

睢水出新城昌魏縣東南至枝江縣入江是楚王西走

鍼尹固與

王同舟王使執燧象以奔吳師

燒火燧繫象尾使赴吳師驚却

之庚辰吳入郢以班處宮

以尊卑班次處楚王宮室

子山

處令尹之宮

子山吳王子

夫築王欲攻之懼而去

之夫槩王入之

入今尹宮也言吳無禮所以不能遂克

左司馬戌

及息而還

息汝南新息也聞楚敗故還

敗吳師于雍澁傷

司馬

先敗吳師而身被創

初司馬臣闔廬故耻爲禽焉

司馬嘗在

吳爲闔廬臣是以今耻於見禽

謂其臣曰誰能免吾首吳句

卑曰臣賤可乎司馬曰我實失子可哉

不失

知子三戰皆傷曰吾不可用也已句卑布

裳剽而裹之

司馬已死則取其首

藏其身而以其首免

傳言司馬之忠壯

楚子涉睢濟江入于雲中

入雲夢澤中所謂江

南之王寢盜攻之以戈擊王王孫由于以背

受之中肩王奔鄭鍾建負季辛以從

鍾建楚大夫

由于徐蘇而從

以背受戈故當時悶絕

鄭公辛之弟懷

將弑王曰平王殺吾父我殺其子不亦可

乎

辛夷成然之子闕辛也昭十四年楚平王殺成然

辛曰君討臣誰敢

讎之君命天也若死天命將誰讎詩曰柔

亦不茹剛亦不吐不侮矜寡不畏彊禦唯

仁者能之

詩大雅言仲山甫不辟彊陵弱

違彊陵弱非勇也

乘人之約非仁也滅宗廢祀非孝也

弑君罪應滅宗

動無令名非知也必犯是余將殺女闕辛

與其弟巢以王奔隨吳人從之謂隨人曰

周之子孫在漢川者楚實盡之天誘其衷

致罰於楚而君又竄之

竄匿也

周室何罪君若

顧報周室施及寡人以弊天衷

弊成也

君之

惠也漢陽之田君實有之楚子在公宮之

北隨公
北宮也

吳人在其南子期似王

子期昭王兄
公子結也

逃

王而已爲王曰以我與之王必免隨人卜

與之不吉乃辭吳曰以隨之辟小而密邇

於楚楚實存之世有盟誓至于今未改若

難而弃之何以事君執事之患不唯一人

一人
楚王

若鳩楚竟敢不聽命吳人乃退

鳩安
集也

鑪金初宦於子期氏實與隨人要言

要言
無以

楚王與吳并
欲脫子期

王使見

王喜其意欲引見之以
比王臣且欲使盟隨人

辭曰

不敢以約為利

此約謂要言也此一時之事非為
德舉故辭不敢見亦不肯為盟主

王

割子期之心以與隨人盟

當心前割取血
以盟示其至心

初

伍員與申包胥友

包胥楚
大夫

其亡也謂申包

胥曰我必復楚國

復報
也

申包胥曰勉之子

能復之我必能興之及昭王在隨申包胥

如秦乞師曰吳爲封豕長蛇以荐食上國

荐數也言吳貪害如蛇豕

虐始於楚寡君失守社稷越在

草莽使下臣告急曰夷德無厭若鄰於君

疆場之患也

吳有楚則與秦鄰

逮吳之未定君其取

分焉

與吳共分楚地

若楚之遂亡君之土也若以

君靈撫之世以事君

撫存恤也

秦伯使辭焉曰

寡人聞命矣子姑就館將圖而告對曰寡

君越在草莽未獲所伏

伏猶處也

下臣何敢即

安立依於庭牆而哭日夜不絕聲勺飲不

入口七日秦哀公爲之賦無衣

詩秦風取其王于興師脩

我戈矛與子同仇與子偕作與子偕行

九頓首而坐

無衣三章章三頓首

秦師

乃出

爲明年包胥以秦師至張本

疏

注豫章至地名

正義曰漢書地理志豫章郡名在江南

此在江北者土地名云定二年楚人伐吳師于豫章吳人見舟于豫章而潛師于巢吳軍楚師于豫章又於舉之役吳人舍舟于淮汭而自豫章與楚師夾漢此皆在江北淮南蓋後徙在江南之豫章注禹貢至夏界正義曰禹貢云嶧冢導漾東流爲漢又東爲滄浪之水過三澨至于大別南入于江孔安國云三澨水名入漢大別山名迴南入江如彼文大別在江北小別當近之小別當在大別之東也何則子常從小別與吳戰退而至大別明其自

東而漸西也土地名小別大別皆闕不知所在或曰大別在安豐縣西南傳曰吳既與楚夾漢然後楚乃濟漢而陳自小別至于大別然則二別近漢之名無緣反在安豐也所謂至入也正義曰臣見義則行不待君命古有此言故云其此之謂也今日我致死而戰楚可入也注奔食至戰數正義曰五戰謂齊漢而陳自小別至于大別三戰也柏舉也清發也此已五矣若復數雍澨則爲六也傳例皆陳曰戰奔食而從之則食者走不暇爲陳故不數也季芊界我正義曰卅族譜季芊與界我二人皆平王女也服虔云季芊許嫁而字界我季芊弟也禮婦人許嫁笄而稱字季芊稱字是許嫁也蓋遭亂夫死而改適鍾建耳注睢水至西走正義曰土地名睢水出新城昌魏縣南發河山東南經襄陽至南郡枝江縣入江此水在郢都之西楚王辟吳而西走注燒火至却之正義曰賈逵云燧火燧也象象獸也以火繫其尾使奔吳師驚却其衆使王得脫杜用其說也懷有金燧木燧皆取火之物故以

燧名火也說文云象長牙鼻南越之大獸也南州異物志
云象身倍數牛而目則如豕目鼻長七八尺其所食物皆
鼻取之性馴良爲人所養夷人服乘之史記大宛傳曰身
毒國其民皆乘象以戰是象可調馴楚近南邊故有此象
王將涉睢吳師來徧故使以火繫象尾令突吳師使驚却
之言執燧象者旣繫火於尾執而牽向吳師乃放之我
實失子可哉 正義曰言我比來失子不知子有賢行臨
難能免吾首女今可守此言哉 注司馬已死 正義曰
言布裳劉之是司馬傷而自殺故云已死 注忠壯 正
義曰謀毀舟敗吳是忠也雖傷猶戰不止是壯也 注入
雲至之夢 正義曰土地名云南郡枝江縣西有雲夢城
江夏安陸縣東南亦有夢城或曰南郡華容縣東南有巴
丘湖江南之夢也郢都在江北睢東王走西涉睢又南濟
江乃入于雲中知此在江南昭三年王與鄭伯田於江南
之夢謂此也言江南之夢則江北亦有夢矣司馬相如子
虛賦云雲夢者方九百里則此澤跨江南北 采亦至彊禦

正義曰詩大雅烝民美宣王之詩其章內言仲山甫不如
柔不吐剛也釋言云啜茹也舍人曰啜茹食也檀弓云啜
菽飲水啜菽謂食豆藿也然則茹者啜食之名以王奔
隨正義曰桓六年傳曰漢東之國隨爲大土地名隨義
陽隨縣其國在楚之東也土地名鄖江夏雲杜縣則是楚
之西南吳師猶尚在楚更東來奔隨國者蓋爲楚與隨有
恩謂可保守故也注荐數也正義曰釋言云荐再也
再亦數之義也無衣正義曰無衣刺用兵也秦人刺
其君好攻戰亟用兵而不與民同欲焉其詩云豈曰無衣
與子同袍王于興師脩我戈矛與子同仇鄭注云此責康
公之言也君豈嘗曰女無衣我與女同袍乎言不與民同
欲也下注云君不與我同欲而於王興師則云脩我戈矛
與子同仇往伐之刺其好攻戰又云豈曰無衣與子同澤
王于興師脩我矛戟與子偕作又云豈曰無衣與子同裳
王于興師脩我
甲兵與子偕行

經五年春王三月辛亥朔日有食之傳無夏

歸粟于蔡蔡爲楚所圍飢**疏**注蔡爲至之粟 正義曰公羊傳曰孰歸

之諸侯歸之曷爲不言諸侯歸之離至不可得而序故言我也穀梁傳亦然賈逵取彼爲說云不書所會後也杜以傳文唯言周亟矜無資自解魯歸粟之意不言諸侯歸之諸侯或亦歸之要此經所書其意不及諸侯故顯而異之言魯歸**於越入吳**於發聲也**疏**注於發聲也 正義曰公

之粟**於越入吳**於發聲也**疏**注於發聲也 正義曰公
於越者未能以其名通也越者能以其名通也其意言越與於越立文不同事有褒貶左氏無此義越是南夷夷言有此發聲史官或正其名或從其俗越與於越史異辭無義例**六月丙申季孫意**

如卒秋七月壬子叔孫不敢卒傳無冬晉士

鞅帥師圍鮮虞

傳五年春王人殺子朝于楚

因楚亂也終閔馬父之言夏

歸粟于蔡以周亟矜無資

亟急也

越入吳吳

在楚也六月季平子行東野

東野季氏邑

還未

至丙申卒于房陽虎將以璵璠斂

璵璠美玉君所佩

仲梁懷弗與

懷亦季氏家臣

曰改步改玉

昭公之出季孫行君事佩

璵璠祭宗廟今定公立復臣位改君步則亦當去璵璠

陽虎欲逐之告公山

不狃不狃曰彼爲君也子何怨焉

不狃季氏臣費宰子

洩也為君不欲使僭既葬栢子行東野栢子意如及費子洩為

費宰逆勞於郊栢子敬之勞仲梁懷仲梁懷

弗敬懷時從栢子行輕慢子洩子洩怒謂陽虎子行之乎行逐懷也為下

陽虎囚栢子起**疏**注璵璠至所佩正義曰案說文云璵璠魯之寶玉璵璠是一玉名說文又云瑜美玉與

璵璠異也昭公出奔之後平子攝行君事入宗廟佩此玉陽虎以平子嘗佩此玉故將以斂之仲梁懷不與明此玉

是君所佩也君之所佩故為美玉也王藻云公侯佩山玄玉此當時所佩未必是山玄也王藻又云古之君子必佩

玉右徵角左宮羽鄭玄云徵角在右事也民也可以勞官羽在左君也物也宜逸改步改玉正義曰步謂行也

王藻云君與尸行接武大夫繼武士中武鄭玄云尊者尚徐接武蹈半迹繼武迹相及也中武迹間容迹是君臣步

不同也王藻又云公侯佩山玄玉大夫佩水蒼玉是君臣
王不同也昭公之出季氏行君事為君行佩君王及定公
立季氏復臣位故步王皆改矣彼為君申包胥以
正義曰宋臣謂季氏為君故注云不欲使替

秦師至秦子蒲子虎帥車五百乘以救楚

五百乘三萬
七千五百人子蒲曰吾未知吳道道猶
法術使楚

人先與吳人戰而自稷會之大敗夫槩王

于沂稷沂皆
楚地吳人獲遠射於栢舉遠射楚
大夫

其子帥奔徒奔徒楚
散卒以從子西敗吳師於軍

祥楚地秋七月子期子蒲滅唐從吳伐
楚故九月夫

槩王歸自立也以與王戰而敗

自立為吳王號夫槩

奔

楚為堂谿氏

傳終言之

吳師敗楚師于雍澨秦師

又敗吳師吳師居麇

麇地名

子期將焚之子西

曰父兄親暴骨焉不能收又焚之不可

前年

楚人與吳戰多死麇中言不可并焚

子期曰國亡矣死者若有知也

可以歆舊祀

言林公伐楚則祭祀不廢

豈憚焚之焚之而又

戰吳師敗又戰于公婿之谿

楚地名

吳師大敗

吳子乃歸囚闔與罷闔與罷請先遂逃歸

與罷楚大夫請先至吳而逃歸言吳
唯得楚一大夫復失之所以不克
葉公諸梁之弟

后臧從其母於吳不待而歸
諸梁司馬沈尹成之子葉公子

高也吳入楚獲后臧之母楚定臧弃母而歸
葉公終不正視不義乙亥

陽虎囚季栢子及公父文伯
文伯季栢子從父昆弟也陽虎欲為

亂恐二子不從故囚之
而逐仲梁懷冬十月丁亥殺公

何藐藐季氏族己丑盟栢子于稷門之內魯南城門庚

寅大誚逐公父歟及秦遄皆奔齊
歟即文伯也秦遄平

子姑壻也傳言季氏之亂
楚子入于郢吳師已歸初闕辛聞吳人

之爭宮也曰吾聞之不讓則不和不和不

可以遠征吳爭於楚必有亂有亂則必歸

焉能定楚王之奔隨也將涉於成曰江夏竟陵縣西

有曰水出聊屈山西南入漢藍尹疊涉其帑疊楚大夫不與王

舟及寧王欲殺之寧安定也子西曰子常唯思舊

怨以敗君何效焉王曰善使復其所吾以

志前惡惡過也王賞闕辛王孫由于王孫圉

鍾建闕巢申包胥王孫賈宋木闕懷九

皆從王有
大功者

子西曰請舍懷也

以初謀弑王也

王曰大德

滅小怨道也

終從其兄免王大難是大德

申包胥曰吾為

君也非為身也君既定矣又何求且吾尤

子旗其又為諸

子旗蔓成然也以有德於平王求欲無厭平王殺之在昭十四年

遂

逃賞王將嫁季芊季芊辭曰所以為女子

遠丈夫也鍾建負我矣以妻鍾建以為樂

尹

司樂大夫

王之在隨也子西為王輿服以保路

國于脾洩

脾洩楚邑也失王恐國人潰散故偽為王車服立國脾洩以保安道路人

聞王

所在而後從王王使由于城麋

於麋築城

復命

子西問高厚焉弗知子西曰不能如辭

言自

知不能當辭勿行

城不知高厚小大何知對曰固辭不

能子使余也人各有能有不能王遇盜於

雲中余受其戈其所猶在袒而示之背曰

此余所能也脾洩之事余亦弗能也

傳言昭王所以

復國有賢臣也

疏

王之至脾洩正義曰王之在隨也國內無主子西以民無所依恐其潰散故偽爲王之

車服以安道路之人國于脾洩之地於時子西蓋假稱王矣問高厚焉弗知正義曰子西問由于所築麋城高

厚幾何由于不知董遇云問城高厚丈尺也本或有小大者涉下文而誤耳不能如辭正義曰敢為不敢如為不如古人之語然也傳二十二年傳云若愛重傷則如勿傷愛其二毛則如服焉經傳之文此類多矣城不至何知正義曰王肅斷小大何知為句注云如是小大何所知也張奐古今人論云子西問城之高厚小大而弗知也子西怒曰不能則如辭城之而不知又何知乎張奐引傳為文小大上屬杜雖無注蓋與張同

圍鮮虞報觀虎之敗也三年鮮虞獲晉觀虎

經六年春王正月癸亥鄭游速帥師滅許

以許男斯歸游速大叔子二月公侵鄭公至自侵

鄭無傳夏季孫斯仲孫何忌如晉秋晉人執

宋行人樂祁犁

稱行人言非其罪

冬城中城

無傳公為晉侵鄭故

懼而

季孫斯仲孫忌帥師圍鄆

無傳何忌不言何闕文鄆

貳於齊故圍之

疏

季孫至圍鄆正義曰鄆是魯邑輒曰圍之必是鄆邑叛也三傳並無其事不知何為而

叛明年齊人歸鄆是叛屬齊也

傳六年春鄭滅許因楚敗也二月公侵鄭

取匡為晉討鄭之伐胥靡也

胥靡周地也周僖公因鄭人以作亂

鄭為之伐胥靡故晉使魯討之匡鄭地取匡不書歸之晉

往不假道於衛及還

陽虎使季孟自南門入出自東門

陽虎將逐三桓欲使

得罪於鄰國

舍於豚澤衛侯怒使彌子瑕追之

彌子

瑕衛嬖大夫

公叔文子老矣

文子公叔發

輦而如公曰尤

人而效之非禮也昭公之難君將以文之

舒鼎

衛文公之鼎

成之昭兆

寶龜

定之鞶鑑

鞶帶而鏡以爲

飾也今西方羗胡猶然古之遺服

苟可納之擇用一焉公子與

二三臣之子諸侯苟憂之將以爲之質

爲質

求納魯昭公

此羣臣之所聞也今將以小忿蒙舊

德

蒙覆也

無乃不可乎大姒之子

大姒文王如

唯周

公康叔為相睦也而效小人以弃之不亦
誣乎天將多陽虎之罪以斃之君姑待之

若何乃止

止不伐
魯師

疏

討鄭之伐晉靡
正義曰下
注云鄭伐周六邑在魯伐鄭

取臣前而此獨云晉靡者此時須顯侵鄭之意故言討鄭
之伐晉靡略言之也但鄭伐周事須從下文成周發之故
傳文乃逆指下事為次也 尤人至非禮 正義曰入其
國門非也追我其師亦非也尤其非而復效之為非禮也
下云效小人以弃之即云天將多陽虎之罪則公叔文子
知此出入衛明是陽虎之討非魯公使然尤人謂尤陽虎
也 文之至昭非 正義曰賈逵云舒鼎鼎名昭非
寶龜杜依用之鑿衛文公鑄此鼎也其名曰舒不知其故
成之昭非成公新得此龜蓋以灼
之出非非文分明故名為昭非
夏季栢子如

晉獻鄭俘也

獻此春取
臣之俘

陽虎強使孟懿子

往報夫人之幣

虎欲困齊
三桓并求媚於晉
故強使正卿報晉夫人之聘

晉人

兼享之

賤魯故不復兩設禮
明經所以不備書

孟孫立于房外謂

范獻子曰陽虎若不能居魯而息肩於晉

所不以爲中軍司馬者有如先君

稱先君以
徵其言若

欲使晉必
厚待之

獻子曰寡君有官將使其人

擇得
其人鞅

何知焉獻子謂簡子曰魯人患陽虎矣孟

孫知其釁以爲必適晉故強爲之請以取

入焉

欲令晉人聞虎當逃走故強設請託之辭因此言以入晉令晉素知之

疏

陽虎至之幣正義

日聘禮者諸侯使卿聘鄰國之禮也執圭以致君命執璧以致享幣其於夫人則聘用璋享用琮聘君與夫人一使兼致之夫人不別使也傳言報夫人之幣則晉之夫人嘗有聘魯者矣禮法夫人不別遣使則晉之夫人聘者亦爲晉君來聘也經無其事蓋遣大夫來聘名氏不合見經故略之也不言報晉君唯言報夫人者栢子如晉獻鄭俘即亦報聘晉也栢子報聘即亦得報夫人也但陽虎欲困辱三栢又欲求媚於晉旣使栢子報聘晉君又別遣正卿報晉夫人所以困辱三栢而重晉禮也注賤魯至備書正義曰君栢子特爲獻俘懿子專爲報聘則經當兩書如晉不合共文晉人亦當兩設享禮各待一客今乃栢子聘晉君懿子報夫人則似共爲一使老賓與介然故晉人兼享之賤魯故不復兩爲設禮傳言此者明經所以不備書也不備書謂不各自立文兩書如晉也若然文十八年公

子遂淑孫得臣如齊亦是經不備書而怪此不備者彼傳言惠公立故且拜葬也則是魯並命二卿今行兩事雖各有所主而受命俱行故宜共文書之此則相子獻俘并亦報聘一卿足以兼之懿子不須行矣陽虎強使之行乃是從後而去去時不同受命宜當別書如晉止爲晉人所賤故經不復備書正以傳言強使懿子報夫人之幣知相子報晉君矣傳言兼享之知其不應兼矣以此明二人不同受命宜應別書略而不備書耳 孟孫至先君 正義曰懿子之意不爲陽虎求官欲使晉人知陽虎專權爲國所患言若不得居魯而息肩於晉示已知陽虎必將作亂而出奔也中軍司馬晉國大夫之最貴者爲求此官似若欲使晉厚待之然令晉知其情耳諸言有如皆是誓辭稱先君以徵其言似若欲晉必從之 注欲令至知之 正義曰本意不爲陽虎請官欲令晉人知陽虎終必逃走強設託請之辭因此言辭以取入晉之意欲令晉人素知陽虎之必逃

四月己丑吳太子

終曩敗楚舟師

終曩闔廬子夫差兄舟師水戰

獲潘子臣小惟

子

二子楚舟師之帥

及大夫七人楚國大惕懼亡子

期又以陵師敗于繁楊

陵師陸軍

令尹子西喜

曰乃今可為矣

言知懼而後可治

於是乎遷郢於都

而改紀其政以定楚國

傳言楚賴子西以安

疏

注陵師陸軍正義

曰上云舟師水戰此言陵師陸軍南人謂陸為陵此時猶然釋地云高平曰陸大陸曰阜大阜曰陵是陵陸小大之

異名耳

周儋翩率王子朝之徒因鄭人將以作

亂于周

儋翩子朝餘黨

鄭於是乎伐馮滑胥靡負

春秋左傳卷之二十一
哀公十四年
三十一
黍狐人闕外

鄭伐周六色在魯伐鄭取匡前於此見者為成周起也陽城縣西南有負黍亭

六月晉閻沒戍周且城胥靡

為下大王出居姑猶起

秋

八月宋樂祁言於景公曰諸侯唯我事晉

今使不往晉其憾矣樂祁告其宰陳寅

與

公言告之

陳寅曰必使子往他日公謂樂祁曰

唯寡人說子之言子必往陳寅曰子立後

而行吾室亦不亡

寅知晉政多門往必有難故使樂祁立後而行

唯君亦

以我為知難而行也見溷而行

溷樂祁子也見於君立以為後

趙簡子逆而飲之酒於縣上獻楊楮六十

於簡子

楊木名

陳寅曰昔吾主范氏今子主

趙氏又有納焉以楊楮賈禍邦可為也已

知范氏必怨將得禍

然子死晉國子孫必得志於宋

以其

為國死

范獻子言於晉侯曰以君命越疆而

使未致使而私飲酒不敬二君不可不討

也乃執樂祁

獻子怒祁比趙氏經所以稱行人

陽虎又盟公及

三桓於周社盟國人于亳社詛于五父之

衢

傳言三桓微陪臣專政為八年陽虎作亂起

冬十二月天王處于

姑猶

姑猶周地

辟僭翩之亂也

為明年單劉逆王起

經七年春王正月夏四月秋齊侯鄭伯盟

于鹹

衛地

齊人執衛行人北宮結以侵衛

稱行

人非使人之罪

齊侯衛侯盟于沙

結叛晉也陽平元城在東南有沙亭

大

雩

無傳過也

齊國夏帥師伐我西鄙

夏國佐孫

九月

大雩

無傳過也

冬十月

疏

注過也

正義曰案賈逵云旱也杜言過者杜以春

秋旱雩傳皆發之言旱以此傳無旱文故謂之過如賈之所言前既有雩後又有旱旱可知不須發傳若然昭二十

五年上辛大雩季辛又雩一月兩雩旱亦可知何須發傳言旱甚也劉以賈言規杜非也蓋時有小旱故傳不言旱朱應合雩故杜云過也

傳七年春二月周儋翩入于儀栗以叛儀栗

周齊人歸鄆陽關陽虎居之以為政鄆陽關皆魯邑

中貳於齊齊今歸之不書虎專之夏四月單武公穆公劉相公文

子敗尹氏于窮谷尹氏復黨僭秋齊侯鄭伯

盟于鹹衛會于衛衛侯欲叛晉屬齊諸

大夫不可使北結如齊而私於齊侯曰

執結以侵我

欲齊師懼大夫

齊侯從之乃盟于瑣

瑣即沙也為明年涉佗按衛侯手起

齊國夏伐我

齊叛晉故

陽虎御季

栢子公歛處父御孟懿子

處父孟氏家臣成宰公歛陽

將

宵軍齊師齊師聞之墮伏而待之

墮毀其軍以誘敵而

設伏

處父曰虎不圖禍而必死也

而女

苦夷曰虎

陷二子於難

苦夷季氏家臣二子季孟

不待有司余必殺

女虎懼乃還不敗

傳言陪臣強能自相制季孟不敢有心

疏

處父至必

死止義曰齊人設以待魯若入其伏內是為禍也虎不謀此禍而欲夜掩齊女必死處父欲自殺之不待有

正義曰言不待掌刑戮之有司余必自殺女也虎見二子以此言懼之乃還不敗冬十一月

戊午單子劉子逆王于西爰氏慶氏守姑晉籍

秦送王己巳王入于王城己巳十二月五日有日無月館

于公族黨氏黨氏周大夫而後胡于莊宮莊王廟也疏

注己巳至無月正義曰此年經傳日少上下無可考驗杜自以長歷校之己巳為丁二月五日

春秋正義卷第三十三

[illegible]

春秋正義卷第三十四

孫氏

定公

國子祭酒上護軍曲阜縣開國子臣孔穎達等奉

勅撰

經八年春王正月公侵齊

報前年伐我西鄙

公至自

侵齊

無傳未得志故

三月公至自侵

齊

無傳四年盟臯馳

疏

注四年盟臯馳正義曰露以昭二

十八年即位三十二年諸侯之大夫盟于狄泉魯曹俱在時以未告公而公為政不書於經杜蓋以此故不數之四年盟臯馳四年二月陳侯吳卒其年夏齊國夏帥師盟于臯馳自爾以來唯有此盟耳

伐我西鄙公會晉師于瓦

瓦衛地將來殺魯公
遂會之東郡燕縣東

北有瓦亭公至自瓦

傳無

秋七月戊辰陳侯柳卒

無傳四年
盟臯馳

晉士鞅帥師侵鄭遂侵衛

兩事故
日遂

葬

曹靖公

傳無

疏

靖公正義曰
法共以解信曰靖

九月葬陳懷

公

無傳三月
而葬速

疏

懷公正義曰
法慈仁短折曰懷

季孫斯仲孫

何忌帥師侵衛冬齊侯鄭伯盟于曲濮

傳無

結叛晉曲
濮衛地

從祀先公

從順也先公閔公僖公也將正
二公之位次所順非一親盡故

通言

疏

注從順至先公
順也文二年大事于大廟躋僖公升僖於閔

正義曰傳言順祀是從為

是順也廟主失次唯此二公故知從祀先公唯閔僖耳
僖公指僖言之此不指言升閔者彼所升者止升僖公之
一神不得不指言僖公也今從祀之時閔僖俱得正位且
以親盡故通言先公此言從祀躋僖公不言逆祀者此從
祀因躋僖公之文故得略言從祀至於躋僖公文無所繫
不知逆祀何公且見是親廟不可言先公故指僖言之而
言躋也然則此以親盡故通言先公下指宮僖宮災彼亦
親盡言相僖者彼據災之所在
盜竊寶玉大弓
謂盜

陽虎也家臣賊名氏不見故曰盜寶
玉蓋后氏之璜大弓封父之繁弱



正義曰傳言陽
虎取寶玉大弓以出是盜謂陽虎也公羊傳曰盜者孰謂

謂陽虎也陽虎者曷為者也季氏之宰也季氏之宰則
者也惡乎得國寶而竊之陽虎專季氏季氏專魯國其說
將殺季氏亦與左傳大同春秋之例再命之卿始得名氏

書經陽虎季氏家臣以賤名氏不見於書曰盜盜者賊人之
國以此寶王大弓必是國之重寶歷山掌之故自劉歆以
來說左氏者皆以爲夏后氏之璜封父之繁弱成王所以
分魯公也公羊傳曰寶者何璋判白弓繡質龜青純彼不
知魯有先王分器繆爲言耳
且所盜無龜知其並是妄也

傳八年春王正月公侵齊門于陽州

攻其門

士皆坐列

言無關志

曰顏高之弓六鈞

顏高魯人三十斤爲

鈞六鈞百八十斤古稱重故以爲異彊

皆取而傳觀之陽州人出

顏高奪人弱弓籍丘子鉏擊之與一人俱

斃

子鉏齊人斃什也

偃且射子鉏中頰殪

子鉏死

顏息

射人中眉

顏息魯人

退曰我無勇吾志其目也

以自矜

師退冉猛僞傷足而先

猛魯人欲先歸

其兄會

乃呼曰猛也歟

會見師退而猛不在列乃大呼詐言猛在後爲歟傳言魯無軍政

疏

注顏高至異疆

正義曰漢書律歷志云量者合升斗斛也本起黃鐘之會以子穀秬黍中者千有二百實其會

合會爲合十合爲升十升爲斗十斗爲斛而五量嘉矣權者銖兩斤鈞石也本起黃鐘之重一會容千二百黍重十

二銖兩之爲兩十六兩爲斤三十斤爲鈞四鈞爲石而五權謹矣由此而言會之所容重十二銖合會爲合兩之爲

兩則合重一兩升重十兩斗重百兩斛重千兩計六鈞有一百八十斤合爲二千八百八十兩於量爲重兩斛八斗

八升計今人用弓此亦未爲彊矣而魯人傳而觀之故杜以爲古稱重故以爲異疆計古稱亦準黃鐘之重爲之而

得重於今者權量之起本自黃鍾而世俗不同每有改易
稱齊舊四量陳氏皆加一焉是其不必常依古也近世
以來或輕或重魏齊斗稱於古二而為一周隨斗稱於古
三而為一則古時亦當然杜言古者謂此頗高之時為古
耳非言自古稱皆重也 俱斃至頗殪 正義曰釋言云
斃什也孫炎曰前覆曰什吳越春秋稱要離謂吳王夫差
曰臣迎風則偃背風則什然則什是前覆偃是卻倒此頗
高被擊而什乃轉而仰且射子鉏猶死言其善射之功然

也

二月己丑單子伐穀城劉子伐儀栗

討儋

翻之黨穀城在河南縣西

辛卯單子伐簡城劉子伐孟以

定王室

傳終王室之亂

趙鞅言於晉侯曰諸侯唯宋

事晉好逆其使猶懼不至今又執之是絕

諸侯也將歸樂祁士鞅曰三年止之無故

而歸之宋必叛晉執樂祁在六年獻子私謂子梁

獻子范鞅子梁樂祁曰寡君懼不得事宋君是以止子

子姑使溷代子溷樂祁子子梁以告陳寅陳寅

曰宋將叛晉是弃溷也不如待之留待勿以子自代

樂祁歸卒于大行大行晉東南山士鞅曰宋必叛不

如止其尸以求成焉乃止諸州州晉地為明年宋公使樂

大心如晉張本公侵齊攻廩丘之郭郭郭也主人焚衝

衛戰車

或濡馬褐以救之

馬褐馬衣

遂毀之

毀

主人

出師奔

攻邾人少故遣後師走往助之

陽虎僞不見冉猛者

曰猛在此必敗

陽州之役猛先歸言若在此必復敗

猛逐之顧而

無繼僞顛

逐廩丘人

虎曰盡客氣也

言皆客氣非勇

苦

越生子將待事而名之

苦越苦夷

陽州之役獲

焉名之曰陽州

欲自比僑如



主人出師奔

正義曰賈逵以為主人出

魯師奔走而卻退言魯無戰備也劉炫云杜亦不勝舊今杜必異於賈以為後師奔走往助之者若如賈言魯師奔走則是被敗而還下俾陽虎何得云猛在此必敗夏齊明其於時不敗故猛得逐廩丘之人是賈言非也

國夏高張伐我西鄙

報上二侵

晉士鞅趙鞅荀

黃救我

救不書齊師已去未入竟

公會晉師于瓦范獻子

執羔趙簡子中行文子皆執鴈魯於是始

尚羔

獻子士鞅也簡子趙鞅也中行文子荀寅也禮卿執羔大夫執鴈皆則同之今始知執羔之尊也卿

不書禮不敵公史略之



注救不至入竟

正義曰春秋諸侯相救皆書於經此救亦當書之不書者齊

師聞晉來救已去魯地晉師未入晉竟不成為救故不書也公會晉師于瓦范是衛地公往衛地會晉師是其未入

也

注禮卿至略之

正義曰禮卿執羔大夫執鴈周

禮卿伯文也魯則同之蓋命卿與大夫俱執鴈今見士

大夫始知執羔之尊於是方始尚羔今卿執之記禮廢久也傳言於是始尚而不必往前不執羔矣但往前所執

知先儒各以意說賈逵云周禮公之孤四命執皮帛卿
三命執羔大夫再命執鴈魯廢其禮三命之卿皆執皮帛
至是乃始復禮尚羔案周禮禮記皆言卿執羔大夫執鴈
並以爵斷不依命數賈何以計命高下妄稱禮乎傳言始
尚羔者當謂舊賤羔而尊之耳若本借孤禮皆執皮帛
當云始復用羔不得云尚也若改借從禮得名為尚則初
獻六羽何以不言始尚六佾也以尚言之足知魯卿舊執
非皮帛矣鄭衆云天子之卿執羔大夫執鴈諸侯之卿當
天子之大夫故傳曰唯卿為大夫當執鴈而執羔僭天子
之卿也魯人效之而始尚羔記禮所從舉案禮傳及記天
子之臣與諸侯之臣所執無異也周禮掌客凡諸侯之
禮上公及侯伯之下皆云卿相見以羔是諸侯之卿執羔
不執鴈又士相見者諸侯之臣相見之禮也經曰下大夫
相見以鴈上大夫相見以羔是諸侯之卿必執羔矣安在
於諸侯之卿當天子之大夫乎是則背明文而用肺腸也
天子諸侯之臣所異者士相見之禮羔鴈皆云飾之以布

而制禮云飾羔鴈者以績鄭玄云此爲諸侯之臣與天子之臣異也然則天子之臣衣之以布而又畫之諸侯之臣則用布不畫所異唯此而已其執不爲異也傳文之乖於禮者辭是卿也皆當執羔趙黜荀寅不應執鴈此是當時之失失於偏下以晉卿失於偏下魯卿不應僭上益明賈言魯卿舊執皮帛非其義矣魯人於是始知執羔爲尊或亦效晉唯上卿一人獨執羔耳未必即能如禮諸卿皆執羔也此經言公會晉師不言公會士執倬二十九年傳曰在禮卿不會公侯會伯子男可也故杜云卿不書禮不敵公史略之劉炫云案宣元年會晉師于棐林伐鄭杜云趙盾稱師取於師會故稱師何知此非亦以師會故稱師而云禮不敵公略稱師乎今知不然者以宣元年諸侯俱在又文連伐鄭故言師會此則公之獨會晉師又無征伐之事故以爲卿不書禮不敵公史略之劉以此與宣元王並取於師會以規杜氏非也

晉師

將盟衛侯于鄆澤

自反還穀
衛地盟

趙簡子曰羣臣誰

敢盟衛君者

前年衛叛晉屬齊簡子意欲推辱之

涉佗成何曰我能

盟之

二子晉大夫

衛人請執牛耳

盟禮尊者涖牛耳主次盟者衛侯與晉大夫盟自以

當涖牛耳故請之

成何曰衛吾溫原也焉得視諸侯

言衛

小可比晉縣不得從諸侯禮

將畎涉佗按衛侯之手及挽

擠

也血至挽

衛侯怒王孫賈趨進

賈衛大夫

曰盟以信

禮也

信猶明也

有如衛君其敢不唯禮是事而

受此盟也

言晉無禮下欲受其盟

衛侯欲叛晉而患諸

大夫王孫賈使次于郊大夫問故

問不入故

公以

晉詒語之

詒耻也

且曰寡人辱社稷其改卜

嗣寡人從焉

使改卜他公子以嗣先君我從大夫所立

大夫曰是衛

之禍豈君之過也公曰又有患焉謂寡人

必以而子與大夫之子爲質

爲質於晉

大夫曰

苟有益也公子則徃羣臣之子敢不皆負

羈紼以從將行王孫賈曰苟衛國有難工

商未嘗不爲患使皆行而後可

欲以激怒國人

公以

告大夫乃皆將行之行有日

有期日

公朝國

人使賈問焉曰若衛叛晉晉五伐我病何如矣皆曰五伐我猶可以能戰賈曰然則如叛之病而後質焉何遲之有乃叛晉晉人請改盟弗許秋晉士鞅會成桓公侵鄭

圍蟲牢報伊闕也

桓公周卿士不書監帥不親侵也六年鄭伐周闕外晉為周報

之遂侵衛

叛討

疏

注盟禮至請之正義曰盟用牛耳卑者執之導者泄之請執牛耳

請使晉大夫執牛耳周禮戎右云盟則贊牛耳鄭玄云謂尸盟者割牛耳取血酌為之尸盟者執之襄二十七年傳曰諸侯盟小國固必有尸盟者是小國主備辨盟具宜執牛耳哀十七年傳曰公會齊侯盟于蒙孟武伯問於高柴

曰諸侯盟誰執牛耳季羔曰鄫衍之役吳公子姑曹發陽
之役衛不馳武伯曰然則吳也鄫衍吳爲盟主不知盟禮
當本小國執牛耳而自使其臣執之發陽宋魯衛三國衛
爲小蒙則齊魯二國魯爲小皆是以小國執牛耳而尊者
泄之以主次同盟者今衛侯與晉大夫盟自以當爲盟主
宜泄牛耳故請晉大夫使執之注按擠也正義曰說
文云推排也排擠也按是推排之意故爲擠
也昭十三年傳言擠于溝壑謂被推入坑也

衛晉故也

魯爲晉討衛

季寤

季桓子之弟

公鉏極

公彌曾孫

桓子族子

公山不狃

費宰

皆不得志於季氏叔孫

輒無寵於叔孫氏

輒叔孫氏之庶子

叔仲志不得志

於魯

志叔孫帶之孫皆爲國人所薄

故五人因陽虎陽虎欲

去三桓以季寤更季氏

代桓子

以叔孫輒更

叔孫氏

代武叔

已更孟氏

陽虎自代懿子

冬十月順

祀先公而祈焉

將作大事欲以順祀取媚

辛卯禘于僖公

辛卯十月二日不於大廟者順祀之義也當退僖公懼於僖神故於僖廟行順祀

壬辰將享季

氏于蒲圃而殺之戒都車曰癸巳至

都邑之兵車也

陽虎欲以壬辰夜殺季孫明日癸巳以都車攻二家

成宰公斂處父告孟孫

曰季氏戒都車何故孟孫曰吾弗聞處父

曰然則亂也必及於子先備諸與孟孫以

壬辰爲期

與父期以兵救孟氏
壬辰先癸巳一日

陽虎前驅林楚

御桓子虞人以鉞盾夾之陽越殿

越陽虎
從弟

將如蒲圃桓子昨謂林楚

昨暫也

曰而先皆

季氏之良也爾以是繼之

欲使林楚免已於難
以繼其先人之良

對曰臣聞命後

後猶晚也

陽虎爲政魯國服焉

違之徵死死無益於主桓子曰何後之有而

能以我適孟氏乎對曰不敢愛死懼不免主

桓子曰往也

言必往

孟氏選國人之壯者三百

入以為公期築室於門外

實欲以備難不欲使人知故僞築室於門外因得聚

衆公期孟氏支子

林楚怒馬及衢而騁

騁馳也

陽越射之

不中築者闔門

季孫既得入乃開門

有自門間射陽越

殺之陽虎劫公與武叔

武叔叔孫不敢之子州仇也

以伐

孟氏公欽處父帥成人自上東門入

魯東城之

北門與陽氏戰于南門之內弗勝又戰于棘

下

城內地名

陽氏敗陽虎說甲如公宮取寶玉

大弓以出舍于五父之衢寢而為食其徒

曰追其將至虎曰魯人聞余出喜於黜死

何暇追余涉召也陽虎召季氏於蒲圃將欲殺之今得脫必喜故言喜於召死從者

曰嘻速駕公歛陽在嘻懼聲公歛陽請追之

孟孫弗許畏陽虎陽欲殺桓子欲因亂討季氏以強孟氏

孟孫懼而歸之不敢殺子言辨舍爵於季氏

之廟而出子言季寤辨猶周徧也徧告廟飲酒示無懼陽虎入于謹

陽關以叛叛不書略家臣**疏**梃于僖公正義曰釋例曰大祭于大廟以審定昭穆謂

之禘禘于大廟禮之常也各於其宮時之為也雖非三年大祭而書禘用禘禮也然則禘者審定昭穆之祭也今為

順祀而禘于僖公則是并取先公之主盡入僖廟而以昭穆祭之是爲用禘禮也計禘禮當于大廟今就僖廟爲禘者順祀之義退僖升閔懼於僖公之神故於僖廟行禘禮使先公之神徧知之禮祭尊可以及卑後世之主宜上徙大廟而食今徙上世之主下入僖廟却之當時所爲非正禮也昭二十五年禘于襄公義亦然也而先至繼之正義曰而女也言女先祖以來皆爲王氏忠良之臣女今不良反以是殺我之事繼續之注得召至召死正義曰微召也釋言文陽虎召季孫欲殺之今既得脫魯人歡喜季孫免於召死之事何暇追我劉歆云陽虎召季孫欲殺之則召季孫爲召死季孫得脫必入喜魯鄭駟歆嗣人聞我出去喜於召死言人人皆喜於季孫鄭駟歆嗣

子大叔爲政

歆駟乞子子然也爲明年殺鄧析張本

經九年春王正月夏四月己巳申鄭伯蠆卒

無傳四年

疏

正義曰：董以昭二十九年即位三十二年大夫盟于狄泉，以未告

公而公薨，故不數。

得寶玉大弓

弓，王國之分器，得之足以爲榮，失之足以爲辱，故重而書。

之六月葬鄭獻公

無傳三月而葬速

疏

獻公正義曰：諡法博聞多能

曰秋齊侯衛侯次于五氏

五氏，晉地，不書伐者，諱伐盟主以次告。

疏

注：五氏至次告。正義曰：傳言齊侯伐晉夷儀，乃與衛侯次于五氏，以次告則伐亦應告，故杜以爲諱伐。

盟主直以次告知，非不告伐，故不書者，若全不告魯，魯可

不以伐告，今既以次告魯，何意告次不告伐，明以衛新叛，晉人魯與晉親，故耻以伐告，唯告次耳。

秦伯卒

無傳

不書名

冬葬秦哀公

無傳

未同盟

傳九年春宋公使樂大心盟于晉且逆樂

祁之尸辭僞有疾乃使向巢如晉盟且逆

子梁之尸

巢向戌曾孫

子明謂桐門右師出

子明樂祁

之子淵也右師樂大心子明族父也右師往到子明舍子明逐使出門去

曰吾猶衰經而

子擊鐘何也

忿其不道父喪因責其無同族之恩

右師曰喪不在

此故也既而告人曰己衰經而生子余何

故舍鐘

己子明也

子明聞之怒言於公曰右師

將不利戴氏

樂氏戴公族

不肯適晉將作亂也

不然無疾乃逐桐門右師

逐之在明年終鄭叔孫昭子之言

駟歎殺鄧析而用其竹刑

鄧析鄭大夫欲改鄭所鑄舊制不受君命

而私造刑法書之於竹簡故言竹刑

君子謂子然於是不忠苟有

可以加於國家者弃其邪可也

加猶益也弃不責其邪惡也

靜女之三章取彤管焉

詩邶風也言靜女三章之詩雖說美女義在彤

管彤管赤管筆女史記事規誨之類

竿旄何以告之取其忠也

詩邶風也竿旄詩者取其中心願告人以善道也言此二詩皆以一善見采而鄧析不以一善存身

故

用其道不弃其人詩云蔽芾甘棠勿剪勿

伐召伯所爰

詩召南也召伯決訟於蔽芾小棠之下詩人思之不伐其樹蓋草舍也

思

其人猶愛其樹況用其道而不恤其人乎

子然無以勸能矣

傳言子然謂大叔爲收鄭所以棄弱

疏

注鄭析至竹刑

正義曰昭六年子產鑄刑書於鼎今鄭析別造竹刑明是改鄭所鑄舊制若其君命遺造則是國家法制鄧析不得獨專其名知其不受君命而私造刑書書之於竹謂之竹刑駟歛用其刑書則其法可取殺之不爲作此書也下云棄其邪可也則鄧析不爲作刑書而殺蓋別有當死之罪駟歛不矜免之耳君子至可也正義曰周禮小司寇以八辟麗邦法附刑罰三曰議賢之辟四曰議能之辟鄭玄云賢謂有德行者能謂有道藝者春秋傳曰夫謀而鮮過惠訓不倦者叔向有焉社稷之固也猶將十世宥之以勸能者今壹不免其身以棄社稷不亦惑乎是賢能之

人當議其罪狀可赦則赦之今鄧析制刑有益於國即是有能者殺有能之人是不忠之臣君子謂子然於是爲不忠也國之臣民誠有可以加益於國家者取其善處棄其邪惡可也雖知其邪而棄而不責所以勸勉人使學爲善能也 注詩邶至所執 正義曰邶風靜女之篇也於時衛君無道夫人無德而人欲得貞靜之女以配國君易去無德之夫人也篇有三章其一章云靜女其姝俟我於城隅其第二章云靜女其縵（貽我彤管）彤管者筆赤管也必用赤者示其以赤心正人也古者后夫人必有女史執赤管之筆記妃妾善惡進御之法所以規誨人君也靜女三章之詩雖說美女之事事之常耳無可特善彤管記事乃是婦人之大法本錄靜女詩者止爲彤管之言可取故全篇取之不棄上下之二章也其女史所書之事毛傳有其略也毛傳云古者后夫人必有女史彤管之法史不記過其罪殺之后妃羣妾以禮御於君所女史書其日月授之以環以進退之生子月辰則以金環退之當御者以銀環進

之著於左手既御著於右手事無大小記以成法 注詩
鄕至存身 正義曰詩之鄕風于旄之篇也於是衛文公之

臣子多好善賢者樂告以善道也其詩言大夫之好善者
乘駟馬建千旄就賢者證國事焉云子子千旄在浚之郊
素絲組之良馬四之彼姝者子何以畀之子子千旄在浚
之郊素絲組之良馬五之彼姝者子何以予之子子千旄
在浚之城素絲組之良馬六之其末句云彼姝者子何以
告之姝順貌也賢者見其好善美其共順言已寡知復何
以告之自恨無可告之謂其無所吝惜本錄于旄詩者取
其中心願告人以善道故二詩皆以一善見采而鄧析不
以一善存身故君子引二詩以譏子然也 詩云至所茨
正義曰詩召南甘棠之篇也蔽芾甘棠杜也茨草
舍也召伯之聽獄訟不重煩勞百姓止舍甘棠之下而聽
斷焉國人被其德說其化故愛其樹彼蔽芾然小者甘棠
之樹也勿得翦削之勿得斫
伐之此乃是召伯舍息之處 夏陽虎歸寶玉大弓

益近用而祇為名故歸之

書曰得器用也凡獲器用曰得

器用者謂物之成器可為人用者也

得用焉曰獲

謂用器物以有獲若麟為田獲俘為戰獲

六月伐陽關

計陽虎也

陽虎使焚萊門

陽關邑門

師

驚犯之而出奔齊請師以伐魯曰三加必

取之

三加兵於魯

齊侯將許之鮑文子諫曰臣嘗

為隸於施氏矣

施氏魯大夫文子鮑國也成十七年齊人召而立之至今七十四歲於是

文子蓋九十餘矣

魯未可取也上下猶和眾庶猶睦

能事大國

大國晉也

而無天菑若之何取之陽

虎欲勤齊師也齊師罷大臣必多死亡已

於是乎奮其詐謀夫陽虎有寵於季氏而

將殺季孫以不利魯國而求容焉求自容親

富不親仁君焉用之君富於季氏而大於

魯國茲陽虎所欲傾覆也魯免其疾而君

又收之無乃害乎齊侯執陽虎將東之陽

虎願東陽虎欲西奔晉知齊必反已故詐以東爲願乃囚諸西鄙盡

借邑人之車鑿其軸麻約而歸之鑿刻也絕追者

載葱靈寢於其中而逃

葱靈輜車名

追而得之囚

於齊又以葱靈逃奔宋遂奔晉適趙氏仲

尼曰趙氏其世有亂乎

受亂人故

疏

凡獲至曰獲正義曰器用

者謂器物可爲人用凡獲此器物之用者謂之爲得也得用者謂將此器用以得於物焉謂之爲獲劉炫以爲得用焉曰獲謂得此可用爲器之物謂之爲獲若麟之皮角之屬以杜解爲非今知不然者案春秋書獲唯有囚俘囚俘不可以爲器物除囚俘之外唯有獲麟麟爲靈獸帝王所直不可以鳳羽麟皮以飾器物劉以麟皮亦堪爲器而規杜氏非也

注葱靈輜車名正義曰說文云輜駟衣車也前後有蔽賈逵云葱靈衣車也有葱有靈然則此車前後有蔽兩旁開葱可以觀望葱中賢木謂之靈今人猶名葱木爲靈子其內容人卧故得寢於其中而逃其世有

亂乎正義曰言其當世將有亂也秋齊侯伐晉夷儀為衛計也敝無

存之父將室之辭以與其弟無存齊人也曰

此役也不死反必娶於高國高氏國氏齊貴族也無存欲必有功

還取卿相之女先登求自門出死於雷下既入城夷儀人不服故闕

死於門屋東郭書讓登登城非人所樂故讓犁彌

從之曰子讓而左我讓而右使登者絕而

後下恐書先下故又譎書左彌先下書從彌言左

下亦書與王猛息戰訖共猛曰我先登書歛

下亦

甲曰曩者之難今又難焉

欲甲起

猛笑曰

吾從子如驂之靳

靳車中馬也猛不敢與書爭言己從書如驂馬之隨靳也傳言

齊師和所以能克

晉車千乘在中牟

救夷儀也今焚陽有中牟縣廼遠疑非也

衛侯將如五氏

齊侯在五氏將往助之

卜過之龜焦

衛至五氏

道過中牟畏晉故卜龜焦兆不成不可以行事也

衛侯曰可也衛車當其

半寡人當其半敵矣

衛侯怒晉甚不復顧卜欲以身當五百乘

乃過

中牟中牟人欲伐之衛褚師圃亡在中牟

曰衛雖小其君在焉未可勝也齊師克城

而驕其帥又賤

城謂夷儀也帥謂東郭書

遇必敗之不如

從齊乃伐齊師敗之

獲齊車五百乘事見哀十五年

齊侯致

襍媚杏於衛

三邑皆齊西界以荅謝衛意

齊侯賞犁彌犁

彌辭曰有先登者臣從之皙幘而衣貍製

皙白也幘幘上下相值製裘也

公使視東郭書曰乃夫子也吾

貶子

貶賜也

公賞東郭書辭曰彼賓旅也

言彼

與我若賓主相諒旅俱進退

乃賞犁彌齊師之在夷儀也

齊侯謂夷儀人曰得敵無存者以五家免

給其五家令
常不共役事

乃得其尸公三禭之

禭衣也比殯
加槨深禮厚之

與之犀軒與直蓋

犀軒卿車
直蓋高蓋

而先歸之坐引

者以師哭之

停喪車以盡哀也君方為
位而哭故挽喪者不敢立

親推之三

齊侯自推喪

車輪三轉

疏

注為衛討也
叛晉必當事齊下文衛侯會之知是為

正義曰往年衛侯叛晉

衛討也

使登者絕而後下

正義曰言使登城人絕皆

上訖然後與書下遂自下亦讓書而先下

如勝之斬

正義曰詩云兩服齊首兩驂鴈行鄭玄云兩服中央夾轅

者然則古人車駕四馬夾轅二馬謂之服兩首齊其外二

馬謂之驂首差退說文云斬當膺也則斬是當膺之皮也

驂馬之首當服馬之膺膺上有斬故云我之從子如驂馬

當服馬之斬杜言斬車中馬也言斬是中馬之駕具故以

斬表馬詩云騏驎是中驕驥是騂是名服馬為中馬也

注本焚至非也

正義曰

此中牟在晉竟內也趙世家云

獻侯即位治中牟漢書地理志云河南郡有中牟縣趙世家
侯自耿徙此又云三家分晉河南之中牟魏分也杜言今
樊陽有中牟縣謂此河南之中牟也晉世分河南爲樊陽
郡中牟屬焉此地乃在河南計非晉竟所及故云迺遠疑非
也又三家分晉中牟屬魏則非趙得都之趙獻侯治中牟亦
非河南之中牟也此言晉車在中牟哀五年趙鞅伐衛圍中
牟論語佛肸爲中牟宰與趙獻侯所都中牟或當是一必非
河南中牟當於河北別有中牟但不復知其處耳有臣璘考
不知其姓或云姓傅作漢書音義云臣璘案河南中牟春秋
之時在鄭之疆內及三卿分晉則爲魏之邦土趙界自漳
水以北不及此也春秋衛侯如晉過中牟案此之中牟非
衛適晉之次也汲郡古文曰齊師伐趙東鄙圍中牟此中
牟不在趙之東也案中牟當在溫水之上璘言河南中牟
非此中牟誠如其語謂此中牟當在溫水之上不知其所
案據也 注城謂至郭書 正義曰杜見傳言帥賤則云

是東郭書劉炫云案上伐夷儀乃齊侯親兵所陳東郭書之事非是將帥杜何知帥謂東郭書若東郭書爲帥則人無不識何故云哲幘而衣狸製齊侯使視之乃知夫子也且書若爲帥被晉之敗何故君以爲功而更受賞乎今知劉難非者以此云克城而驕其帥又賤文旣相連止是一事克城謂克夷儀其帥則克城之帥上克城之事郭書先登故知郭書爲帥身先士卒也僖三十三年晉侯親自敗狄而卻缺爲將成十六年楚子親戰鄢陵而子反爲主今齊侯雖伐夷儀郭書何妨別爲元帥戎事上下同服故逢丑父得與齊侯易位郭書雖爲元帥軍衆之內齊侯容或不辨齊侯賞其先登之功不責其後敗之罪故以爲帥謂東郭書劉據此諸事以爲更有別帥而規杜非也 注哲白至裘也 正義曰詩君子偕老之篇說夫人之美云揚且之皙皙是面白之名故爲白也說文云黼黻相值也言黼長而白上下之黼相當也說文云製裁也衣狸製謂著狸皮也裁皮著之明是裘矣故以製爲裘也月令孟冬天

子始衰傳言秋齊侯伐夷儀周之秋未寒而衣裘者哀二
十七年傳言陳成子衣製杖戈文在秋上製亦裘也然則
在軍之服或臨時所須不可以寒暑常節約之 注給其
至役事 正義曰一人得之則以五家給所得者令常不共
國家役事服虔云是時齊克夷儀而有之既爲齊有故齊
得優其徭役也然夷儀故邢都也邢滅入衛後乃屬晉自
齊而伐夷儀其入晉竟深矣不必永爲齊有當時暫得之
耳 注襚衣至厚之 正義曰送死之禮衣服曰襚故以
襚爲衣也公三襚之則明三時與衣自死至殯有襲與小
歛大歛比殯三加衣也無存舊是賤人蓋初以士服次大
夫服次卿服也下與之犀軒犀軒是卿車明三襚終以卿
服 注犀軒至高蓋 正義曰說文云軒曲輶也謂軒車
有藩蔽也下云齊侯歛諸大夫之軒邢意茲乘軒意茲非
卿也傳稱曹朝乘軒者三百人詩毛傳云大夫以上赤芾
乘軒大夫亦乘軒矣指言卿車者言以貴者賞之也魚軒
以魚皮爲飾犀軒當以犀皮爲飾也考工記車人爲蓋不

言有曲此云直蓋或時有曲直故云直蓋高蓋亦謂車蓋也

經十年春王三月及齊平

平前八年再侵齊之怨

夏公

會齊侯于夾谷

平故

公至自夾谷

無傳

晉趙鞅

帥師圍衛齊人來歸鄆謹龜陰田

三邑皆汶陽田也

山博縣北有龜山陰田在其北也會夾谷孔子相齊人服義而歸魯田

疏

注三邑至魯田正義曰傳言孔

丘使茲無還揖對齊要令反汶陽之田乃與之盟齊人焉是歸此三邑知三邑皆汶陽田也土地名汶水出泰山萊蕪縣西南經濟北至東平須昌縣入濟則汶水發源東注而西南流也水北曰陽此三邑皆在汶水北近齊齊照陽虎出奔取焉已有今服義而歸魯也僖元年公賜季友汶陽之田季氏世脩其德不應失其采邑則此汶陽之田當

為季氏采地今復有此三邑者汶水之北皆名落陽其地多矣蓋季氏私邑之外別有此田也龜山名也山北曰陰

田在龜山北其邑即以龜陰為名故云三邑叔孫州仇仲孫何忌帥師

圍郕

郕叔孫氏邑

秋叔孫州仇仲孫何忌帥師圍

郕宋樂大心出奔曹

傳在前年春書名罪其稱疾不適晉

宋公子

地出奔陳

賁弄馬以距君命書名罪之也

冬齊侯衛侯鄭游

速會于安甫

無傳安甫地闕

叔孫州仇如齊宋公之

弟辰暨仲佗石彊出奔陳

暨與也宋公寵向雖不聽辰請辰忿而將

大臣出奔虛請自忿稱弟示首惡也仲佗石彊皆為國卿不能匡君靜難而為辰所牽帥出奔稱名亦罪之也

疏

注暨與至之也 正義曰暨與也釋詁文凡大夫出奔書名皆是罪惡故杜述其為罪之狀解其書名之

由地既出奔辰為之請請而不許是虛其請也公唯不許而已未嘗責其妄請不被迫逐自忿出奔是辰之罪也釋例曰宋辰率羣卿以背宗國拔大邑以成叛逆故以首惡稱弟是言稱弟示首惡也杜知是首惡者以其特云宋公之弟辰暨仲佗石彊是辰率率仲佗石彊故云首惡也若不為首惡當如昭二十二年宋華亥向寧華定出奔楚不須暨字以間之

傳十年春及齊平夏公會齊侯于祝其

夾谷

夾谷即祝其也

孔丘相

相會儀也

犁彌言於齊侯曰

孔丘知禮而無勇若使萊人以兵劫魯侯

必得志焉

萊人齊所滅萊夷也

齊侯從之孔丘以公退

曰士兵之

以兵擊萊人

兩君合好而裔夷之俘以

兵亂之

裔遠也

非齊君所以命諸侯也裔不

謀夏夷不亂華俘不干盟兵不偪好於神

為不祥

盟將告神犯之為不善

於德為愆義於人為失

禮君必不然齊侯聞之遽辟之

辟去萊兵也

將盟

齊人加於載書曰齊師出竟而不以甲車

三百乘從我者有如此盟

如此盟盟之禍

孔丘使茲

無還揖對

無還魯大夫

曰而不反我汶陽之田吾

以共命者亦如之

須齊歸汶陽田乃當共齊命於是孔子以公退賤者終其事要

盟不系故略不書

齊侯將享公孔丘謂梁丘據曰齊

魯之故吾子何不聞焉

故舊典

事既成矣

會事

成而又享之是勤執事也且犧象不出門

嘉樂不野合

犧象酒器犧尊象尊也嘉樂鐘磬也

饗而既具是弃

禮也若其不具用秕稗也

秕穀不成者稗草之似穀者言事不具禮

被薄若秕稗

用秕稗君辱弃禮名惡子盍圖之夫

享所以昭德也不昭不如其已也乃不果

享

孔子知齊侯懷詐故以禮距之

齊人來歸鄆讙龜陰之田

陽虎九年以此奔齊經丈倒考次魯事

疏

注萊人至夷也正義曰襄六年齊侯滅萊萊東萊黃縣是也

地在東邊去京師大遠孔丘謂之裔夷之俘言是遠夷囚俘知是滅萊所獲此人是其遺種也齊不自使齊人而余萊人劫魯侯者若使齊人執兵則魯亦陳兵當之無由得劫公矣使此萊夷望魯人不覺出其不意得伺間執之

齊不至亂華

正義曰夏大也中國有禮儀之大故稱夏

有服章之美謂之華華夏一也萊是東夷其地又遠齊不

謀夏言諸夏近而萊地遠夷不亂華言萊是夷而魯是華

二句其旨大同各令文相對耳

注須齊至不書

正義

曰齊魯既平當兩相從意齊人既令魯以三百乘從魯不可即拒故須齊歸汶陽之田乃當共齊三百乘之命則得

汶陽之田足當三百乘也賈逵云不書盟諱以三百乘從齊師其意以宣七年盟于黑壤而不書經傳言晉侯之立也公不朝又不使大夫聘晉人止公于會公不與盟不書盟諱之也綠彼有諱謂此亦諱案此會孔丘相反汶陽之田以共齊命孔丘意也得其三邑而以三百乘從之爲相當矣於魯不爲負何以諱其盟即以三邑田少不足以當三百乘孔丘不應唯令反此而已今令反此其命必其足以相當何以諱其從齊也若三百乘從齊必是可諱孔丘爲相義不能拒則孔丘爲有罪矣何貴乎聖人也故杜以爲於是孔子以公退賤者終其事要盟不絮故略不書諱例曰夾谷之會齊侯劫公孔丘以義叱之以兵威之將盟又使茲無還責侵田拒齊之享屈彊國正典儀此聖人之大司也徒以二君雖會而兵刃相要二國微臣共終盟事故賤而不書非所諱也舊說同於黑壤之辱爲負仲尼也注犧象至磬也正義曰周禮司尊彝云春祠夏禴禋用雞彝鳥彝其朝踐用兩獻尊其再獻用兩象尊鄭衆云獻

讀爲犧犧尊飾以翡翠象尊以象鳳皇阮誥三禮圖犧尊
畫牛以飾象尊畫象以飾當尊腹上畫牛象之形王肅以
爲犧尊象尊爲牛象之形背上負尊魏大和中青州掘得
齊大夫子尾送女器爲牛形而背上負尊古器或當然也
周禮大司樂云雲門之舞冬至於地上之圜丘奏之若
樂六變則天神皆降可得而禮矣咸池之舞夏日至於澤
中之方丘奏之若樂八變則地祇皆出可得而禮矣圜丘
方丘皆是野澤二者並是大祭必當備設尊俎而云嘉樂
不野合犧象不出門者彼是禮之大者自可依禮而行尊
得出門樂得野合此言不出門不野合者謂享燕正禮當
設於宮內不得違禮而行妄作於野耳非謂祭祀之大禮
也諸侯相見之禮享在廟燕在寢不得行於野僖二十
年晉侯朝王于踐土王享醴命之宥襄十年宋公享晉侯
於楚丘請以桑林十九年公享晉六卿于蒲圃二十七年
鄭伯享趙孟于垂隴如此之類春秋多矣或特賞殊功或
畏敵大國皆權時之事非正禮也此時齊魯敵國釋怨和

平未有殊異之歡無假非常之事孔子知齊懷詐慮其難
襲託正禮以拒之故言不野合注陽虎至魯事

曰八年陽虎入于謹陽關以叛九年伐陽關陽虎奔齊其
時虎以謹去鄆與龜陰亦從之皆為齊所取至今始歸之
歸田之經在趙鞅圍衛之後與傳文倒者傳
次魯事進此歸田於上令與盟事相接故也

衛報夷儀也

前年齊為衛伐晉夷儀故伐衛以為報

初衛侯伐邯

鄆午於寒氏

邯鄆廣平縣也午晉邯鄆大夫寒氏即五氏也前年衛人助齊伐五氏

城

其西北而守之宵燭

午衆宵散

及晉圍衛午以

徒七十人門於衛西門殺人於門中曰請

報寒氏之役

衛開門與午關

涉佗曰夫子則勇矣然

我往必不敢啓門亦以徒七十人旦門焉

步左右皆至而立如植

至其門下步行門左右然後立待如立木不動以示

整日中不啓門乃退反役晉人討衛之叛

故曰由涉佗成何

按衛侯手故

於是執涉佗以求

成於衛衛人不許晉人遂殺涉佗成何奔

燕君子曰此之謂弃禮必不鈞

言必見殺不得與人等

詩曰人而無禮胡不遄死涉佗亦遄矣哉

詩鄘風

疏

城其西北而守之

正義曰築城於其西北之地而守之也本或作下有隔昭二十五年

傳云陷西北隅以入又云登西北隅以墜涉彼而誤耳今定本有隅誤以徒至如植正義曰涉佗以徒十十人且往門焉涉佗先至步行門之左右然後其徒皆至而立如植木然初叔孫成子欲立

武叔公若藐固諫曰不可

藐叔孫氏之族

成子立之

而卒公南使賊射之不能殺

公南叔孫家臣武亦之黨

公

南為馬正使公若為郈宰武叔既定使郈

馬正侯犯殺公若弗能其圉人曰

武叔之圉人

吾

以劒過朝公若必曰誰之劒也吾稱子以

告必觀之吾偽固而授之末則可殺也

偽為

固陋不知禮者

使如之公若曰爾欲吳王我乎

見如向己逆呵之縛諸

遂殺公若侯犯以郈叛

殺吳王亦用劍刺之

犯以不能副武叔之命故

叛叛而以圖告廟故書圍武叔懿子圍郈弗克秋

二子及齊師復圍郈弗克

叔孫謂郈工師

駟赤工師掌工
匠之官曰郈非唯叔孫氏之憂社稷

之患也將若之何對曰臣之業在揚水卒

章之四言矣

揚水詩唐風卒章
四言曰我聞有命

叔孫稽首

謝其
受己

命駟赤謂侯犯曰居齊魯之際而無事

不可矣

無所服事

子盍求事於齊以臨民不然

將叛侯犯從之齊使至駟赤與郕人爲之

宣言於郕中

詐爲齊使言也

曰侯犯將以郕易于齊

齊人將遷郕民

謂易其民人

衆兇懼

不欲遷

駟赤

謂侯犯曰衆言異矣

不與始同

子不如易於齊

與其死也猶是郕也而得紓焉何必此

以言

郕民易取齊人與郕無異勝於守郕爲叛人所殺

齊人欲以此偪魯必倍

與子地

言非徒得民又將得齊地

且盍多舍甲於子之門

以備不虞侯犯曰諾乃多舍甲焉侯犯請

易於齊齊有司觀邠將至駟赤使周走呼

曰齊師至矣邠人大駭介侯犯之門甲以

圍侯犯駟赤將射之偽爲侯犯射邠人侯犯止之曰

謀免我侯犯請行許之邠人許之駟赤先如宿

宿東平無鹽縣故宿國侯犯殿每出一門邠人閉之其

後及郭門止之曰子以叔孫氏之甲出有

司若誅之誅責也羣臣懼死駟赤曰叔孫氏

之甲有物吾未敢以出

物識也赤還救侯犯也

犯謂駟

赤曰子止而與之數

數甲以相付

駟赤止而納魯

人侯犯奔齊齊人乃致郕

致其名簿也為下武叔如齊傳

疏

注偽為至授之

正義曰少儀說以器物授人之禮云刀郕刀授穎削授附凡有刺刀者以授人則辟刃鄭立云穎

鏐也附謂把辟刃不以正鄉人也是禮授刀劍當以鋒刃自鄉而授其鏐今國人偽為固陋不知禮者以劍鋒末授

之欲因推而殺之使如之

正義曰言使為如此之計

而欲殺之注犯以至書園正義曰昭十三年南蒯以

費叛注云不書不告廟八年陽虎叛注云叛不書略家臣此侯犯以郕叛不書者亦為不告廟略家臣也不書叛而

書園與動大衆以園告廟故書園也然則九年伐陽關討陽虎亦應書而不書者蓋師少不告廟故不書注揚水

正義曰唐詩揚之水刺晉昭公也昭公分國以

之永石鄰鄰我聞有命不敢以告人注云聞曲沃有舊

政命不敢以告人鄭箋云不敢以告人而去者畏昭公謂

己動宋公子地嬖遽富獵地宋景公弟辰之兄也十一

分其室而以其五與之與富獵也公子地有白

馬四公嬖向魍魍欲之向魍司馬相魍也公取而朱

其尾魍以與之與魍也地怒使其徒扶魍而

奪之魍懼將走公閉門而泣之目盡腫母

弟辰曰子分室以與獵也而獨卑魍亦有

頗焉子爲君禮

禮辟君也

不過出竟君必止子

公子地出奔陳公弗止辰爲之請弗聽辰

曰是我廷吾兄也

廷欺也

吾以國人出君誰

與處冬母弟辰暨仲佗石彊出奔陳

佗仲幾子彊褚

師段子皆宋卿衆之所望故言國人

疏

朱其尾驥正義曰爾雅舍人注云驥驥也

武叔聘

于齊

謝致郕也經書辰奔在聘後者從告

齊侯享之曰子叔孫若

使郕在君之他竟寡人何知焉屬與敝邑

際故敢助君憂之

以致郕德叔孫

對曰非寡君之望

也所以事君封疆社稷是以以猶敢以家隸

勤君之執事夫不令之臣天下之所惡也

君豈以爲寡君賜

言義在討惡非所以賜寡君

經十有一年春宋公之弟辰及仲佗石彊

公子地自陳入于蕭以叛

蕭宋邑稱弟例在前年

疏注蕭

宋邑正義曰莊十二年宋萬弑閔公蕭叔大心者宋蕭邑大夫也平宋亂立桓公宋人嘉之以蕭邑封叔爲附庸

宣十二年楚子滅之復爲宋邑故辰等今入之以叛也夏四月秋宋樂大心

自曹入于蕭

入蕭從叛人叛可知故不書叛

冬及鄭平

平六年侵鄭取

臣之

叔還如鄭泣盟

還叔詣曾孫

疏

正義曰世族譜

云叔還叔弓曾孫也又世本云叔弓生定伯閔閔生西華敬叔叔生成子還還為叔弓曾孫杜云叔詣曾孫轉馬誤耳

傳十一年春宋公母弟辰暨仲佗石彊公

子地入于蕭以叛秋樂大心從之大為宋

患寵向魋故也

惡宋公寵不義以致國患

冬及鄭平始叛

晉也

魯自僖公以來世服於晉至今而叛故曰始

經十有二年春薛伯定卒

無傳四年

疏

注四年盟

臯馳

正義曰定以昭三十二年即位其年大夫盟于狄泉以未告公而公薨經無明文故不數

夏葬

薛襄公

傳無

叔孫州仇帥師墮郕

墮毀也患其險固故毀壞

其

疏

注墮毀至其城連年代而不克十年侯犯以郕叛一年再圍而不

正義曰昭十三年南蒯以費叛

克良由其城險固家臣數以背叛仲由爲季氏宰進計季孫防其後患今墮三都以是故毀壞其城慮其拒之故帥

師而往公羊傳曰孔子行乎季孫三月不違曰家無藏甲邑無百雉之城於是帥師墮郕帥師墮費左氏不言孔子

之計當是仲由自立此謀但傳稱費人襲魯而仲尼在焉是仲尼知其事謂墮之爲是故不禁也釋例曰三都彊盛

以奪三家之權陪臣執政下陵上替故仲由墮之而仲尼不禁帥師登臺僅不背克直隨事而書以示三家之彊無

義例也

衛公孟彊帥師伐曹

彊孟

疏

注彊孟繫子正義

曰世族譜云孟繫無子靈公以其子彊爲之後也爲後則爲其子故云孟繫子此實公孫而不稱公孫者繫字公孟

故即以公孟為氏劉炫謂公孟生得賜族故彊即以族告季孫斯仲孫何忌帥

師隨費秋大雩無傳書過冬十月癸亥公會齊

侯盟于黃無傳結叛晉十有一月丙寅朔日有

食之無傳公至自黃無傳十有二月公圍成公

至自圍成無傳國內而書至者成彊若列國興動大衆故出入皆告廟**疏**注國內至

告廟正義曰成魯邑國內用兵計不應書而出入皆書者為興動大衆皆告廟也釋例曰陪臣執命大都耦國仲

由建墮三都之計而成人不從故公親圍之雖不越竟動衆與兵大其事故出入皆告於廟

傳十二年夏衛公子孟彊伐曹克郊還

滑羅殿

羅衛大夫

未出不退於列

未出曹竟羅不

其

御曰殿而在列其為無勇乎羅曰與其

素厲寧為無勇

素空也厲猛也言伐小國當如畏者以誘致之

疏

與其至無

勇正義曰羅以曹國小弱不敢來追衛師而在後為殿是空設嚴猛等與其空為嚴猛寧為無勇示弱誘之使曹

人不憚以為後圖

仲由為季氏宰

仲由子路

將墮三都

三都費邱

成也彊盛將為國害故仲由欲毀之

於是叔孫氏墮郈季氏將

墮費公山不狃叔孫輒帥費人以襲魯

不狃

費宰也輒不得志於叔孫氏

公與三子入于季氏之宮登武

子之臺費人攻之弗克入及公側

至臺下

仲

尼命申句須樂頎下伐之

二子魯大夫仲尼時爲司寇

費

人北國人追之敗諸姑蔑二子奔齊

二子不

叔孫

遂墮費將墮成公斂處父謂孟孫墮

成齊人必至于北門

成在魯北竟故

且成孟氏之保

障也無成是無孟氏也子僞不知

佯不知

我

將不墮冬十二月公圍成弗克

疏

注仲尼時爲司

冠正義曰史記孔子世家云定公以孔子爲中都宰一年四方皆則之由中都宰爲司空由司空爲大司寇十年

會于夾谷時已為司寇矣十四年孔子由大司寇攝行相事是此時仲尼為司寇

經十有三年春齊侯衛侯次于垂葭

二君將使師伐

晉次垂葭以為之援

夏築蛇淵囿

無傳書不時也

大蒐于比蒲

無傳

夏蒐非時

衛公孟彊帥師伐曹

無傳

秋晉趙鞅入

于晉陽以叛

書叛惡可知

冬晉荀寅士吉射入

于朝歌以叛

吉射士鞅子

晉趙鞅歸于晉

韓魏請而復之

故曰歸言韓魏之彊猶列國

疏

注韓魏至列國正義曰成十八年傳例曰凡去其國諸侯納之曰歸此

傳稱韓魏以趙氏為請故趙鞅得稱歸韓魏非諸侯亦從諸侯納之例者韓魏之彊猶列國也釋例曰韓魏有耦國

之疆陳蔡有復國之端故晉趙鞅楚公子比皆稱歸從諸侯納之例言非晉楚之所能制也 薛弑其

君比

無傳稱君君無道

傳十三年春齊侯衛侯次于垂葭實鄆氏

垂葭改名鄆氏高平鉅野縣西南有鄆亭使師伐晉將濟河諸大夫

皆曰不可邴意茲曰可

意茲齊大夫

銳師伐河

內

今河內汲郡

傳必數日而後及絳

傳告晉

絳不三

月不能出河則我既濟水矣乃伐河內齊

侯皆歛諸大夫之軒唯邴意茲乘軒

以其言當

齊侯欲與衛侯乘

共載

與之宴而駕乘廣載

甲焉使告曰晉師至矣齊侯曰比君之駕

也寡人請攝

以己車攝代衛車

乃介而與之乘驅之

或告曰無晉師乃止

傳言齊侯輟所以不能成功

疏

注垂葭燕鄭亭

正義曰釋例曰經書所改之名則傳以實明之許遷于夷實城父齊侯衛侯次于垂葭實鄭氏之比是也則是先名鄭氏後名垂葭而此云垂葭故名鄭氏者杜意以爲垂葭是新改之名本是鄭氏也故以結之與釋例不違劉炫以杜注自違釋例以爲地無新舊之異止是一地二名若如劉言案許遷于夷實城父經書夷齊侯衛侯次于垂葭實鄭氏經書垂葭許遷于析實白羽以此準之經應書析不應書白羽公會齊侯于祝其實夾谷經應書祝其不應書夾

谷杜以文同事異故以新舊明之劉不細尋經傳以規杜
過非也 齊侯至乃止 正義曰齊侯輕脫欲得與衛侯

同乘先與之宴飲而先駕乘廣於門外豫於廣車之上而
載甲焉飲未終而使人告曰晉師至矣齊侯謂衛侯曰比
及君之駕至以來君既未有兵車寡人請以己車攝代衛
車與君同乘齊侯乃著甲而與衛侯共乘驅之而行或告
無晉師乃止傳載此者言 晉趙鞅謂邯鄲午曰歸
齊侯之輕所以不能成功

我衛貢五百家吾舍諸晉陽午許諾

十年趙鞅

圍衛衛人懼貢五百家鞅置之邯鄲今欲徙著晉陽晉陽趙鞅邑

歸告其父兄父兄

皆曰不可衛是以爲邯鄲

言衛以五百家在邯鄲常爲是故與邯鄲

親而寘諸晉陽絕衛之道也不如侵齊而

謀之

侵齊則齊當來報欲因懼齊而徙則衛與邯鄲好不絕

乃如之而歸之

于晉陽

欲如是謀而後歸衛貢

趙孟怒召午而囚諸晉

陽

趙鞅不察其謀謂午不用命故囚之

使其從者說劍而入涉

賓不可

涉賓午家且不肯說劍入欲謀叛

乃使告邯鄲人曰

吾私有計於午也二三子唯所欲立

午趙鞅同族別

封邯鄲故使邯鄲人更立午宗親

遂殺午趙稷涉賓以邯鄲叛

殺趙午子

夏六月上軍司馬籍秦圍邯鄲邯鄲

午荀寅之甥也荀寅范吉射之姻也

壻父曰姻荀寅

子要吉射女

而相與睦故不與圍邯鄲將作亂

作亂

攻趙

董安于聞之

安于趙氏臣

告趙孟曰先備諸

趙孟曰晉國有命始禍者死爲後可也安

于曰與其害於民寧我獨死

懼見攻必傷害民

請以

我說趙孟不可

晉國若討可殺我以自解說

秋七月范氏

中行氏伐趙氏之宮趙鞅奔晉陽晉人圍

之范臯夷無寵於范吉射而欲爲亂於范

氏

臯夷范氏側室子

梁嬰父嬖於知文子

文子荀躒

文子

欲以爲卿韓簡子與中行文子相惡

簡子韓起孫不

信也中行文子荀寅也

魏襄子亦與范昭子相惡

襄子魏舒孫曼

多也昭子士吉射

故五子謀

五子范皋夷梁嬰父知文子韓簡子魏襄子

將逐

荀寅而以梁嬰父代之逐范吉射而以范

皋夷代之荀躒言於晉侯曰君命大臣始

禍者死載書在河

爲盟書沈之河

今三臣始禍而

獨逐鞅刑已不鈞矣請皆逐之冬十一月

荀躒韓不信魏曼多奉公以伐范氏中行

氏弗克二子將伐公齊高彊曰三折肱知

爲良醫

高彊齊子尾之子昭十年奔魯遂適晉

唯伐君爲不可民

弗與也我以伐君在此矣三家未睦

三家知韓魏

可盡克也克之君將誰與若先伐君是使

睦也弗聽遂伐公國人助公二子敗從而

伐之丁未荀寅士吉射奔朝歌韓魏以趙

氏爲請

經所以書趙鞅歸

十二月辛未趙鞅入于絳

盟于公宮

傳錄晉衰亂

疏

注午趙至宗親正義曰世族譜趙襄趙夙之弟也衰生

盾盾生朔朔生武武生成成生鞅其家爲趙氏民孫穿寗
生旃旃生勝勝生午其家爲耿氏計衰至鞅夙至午皆六
代今俗所謂五從兄弟是同族也別封邯鄲世不絕祀故
使邯鄲人更立午之宗親注濟父至射女正義曰釋親
云女子子之夫爲晉壻之父爲然知荀寅子娶吉射女也
董安子正義曰史記云安子性緩常佩弦以自急者即

此是也文子欲以爲卿正義曰既欲以爲卿則當去
范中行二氏乃始得立言此者明文子欲爲亂以去之

初衛公叔文子朝而請享靈公欲令公臨其家退見

史鮑而告之史鮑史鮑文鮑曰子必禍矣子富

而君貪罪其及子乎文子曰然吾不先告

子是吾罪也君既許我矣其若之何史鮑

曰無害子臣可以免

言能執禮

富而能臣必

免於難上下同之

言言皆然

戍也驕其亡乎

文戍

子之

富而不驕者鮮焉唯子之見驕而不

亡者未之有也戍必與焉

與禍難

及文子卒

衛侯始惡於公叔戌以其富也公叔戌又

將去夫人之黨

靈公夫人南子黨宋朝之徒

夫人愬之曰

戌將為亂

為明年戌來奔傳

疏

注靈公至之徒

正義曰傳於明年始云衛侯

為夫人南子召宋朝此年言夫人之黨杜也云宋朝之徒者靈公之召宋朝又在前矣明年為宋人歌而發端非明

年始
召之

經十有四年春衛公叔戌來奔衛趙陽出

奔宋

陽趙黨孫書名者親富不親仁

疏

注陽趙黨孫正義曰案世本懿子兼生昭子舉舉

生趙陽兼即黨也

二月辛巳楚公子結陳公孫佗人

帥師滅頓以頓子牂歸夏衛北宮結來奔

亦黨公叔戌皆惡之

五月於越敗吳于檇李

於越越國也使罪人詐吳

亂陳故從未陳之例書敗也檇李吳郡嘉興縣南酈李城

疏

注於越至書敗正義曰於越即越也夷言發

聲謂之於越從彼俗而名之也傳稱陳于檇李則是皆陳而從未陳之例云敗吳者越使罪人詐吳亂吳之陳使不

得用力故從未陳之例書敗也釋例云長勺之役雖俱陳而鼓音不齊携李之役越人患吳之整以死士亂吳雖皆已陳猶以獨克爲文舉其權詐也

吳子光卒

未同盟而赴以名

公會齊侯

衛侯于牽

魏郡黎陽縣東北有牽城

公至自會

無傳秋齊侯

宋公會于洮

洮曹地

天王使石尚來歸賑

無傳

石尚天子之士石氏尚名賑祭社之肉盛以賑器以賜同姓諸侯親兄弟之國與之共福

疏

注石尚至共福

正義曰杜以天子上士中士俱稱名氏石尚必是士矣但不知爲是上士爲是中士故注直云士耳必非下士釋例曰王之公卿皆書爵大夫書字元士中士稱名劉夏石尚是也下士稱人公會三人于洮是也杜知然者周禮典命云王之三公八命其卿六命大夫四命士三命則士三命也故鄭玄云王之上士三命中士再命下士一命曲

禮云列國之大夫入天子之國曰某士得不以命數當天
子之士故稱士也襄二十六年晉韓起聘于周自稱曰晉
士起是諸侯之卿與天子之士命數同也以諸侯之卿三
命再命皆書名氏大夫一命則稱人知天子上士中士稱
名氏下士則稱人也成十三年傳曰國之大事在祀與戎
祀有執膳戎有受脰先儒及杜綠彼傳文知是定例故解
此云祭社之肉盛以脰器以賜同姓諸侯周禮大宗伯云
以脰膳之禮親兄弟之國大行人云歸脰以交諸侯之福
是以祭肉賜諸侯與之共福也衛世子蒯聵出奔宋衛公孟彊

出奔鄭

彊書名與蒯聵黨罪之

宋公之弟辰自蕭來奔

無傳稱宋公之弟例在十年

大蒐于比蒲邾子來會公

無傳會公于比

蒲來而不用朝禮故曰會

疏

注會公至曰會正義曰莊二十三年公及齊侯遇于穀蕭叔朝公就遇處行

朝禮故曰朝此就蒐處行會禮而不用朝禮故曰會也言不用朝禮辨其與蕭叔文異

城莒父及

霄

無傳公叛晉助范氏故懼而城二邑也此年無冬史闕

疏

注公叛至史闕正義曰城邑之由

傳無其說以傳稱公會齊侯衛侯謀救范中行氏知爲類晉之故懼而城此二邑也無冬闕文自是常事特辨此者說公羊者以此城在冬故去冬字何休云是歲孔子由大司寇攝相事齊人饋女樂孔子去言去冬者疑之也或說無冬者坐受女樂令聖人去冬陰臣之象言去冬見無臣也杜以此爲妄說且明城實在秋是非時而城故特辨冬闕

傳十四年春衛侯逐公叔戌與其黨故趙

陽奔宋戌來奔

終史魚之言

梁嬰父惡董安于謂

知文子曰不殺安于使終爲政於趙氏趙

氏必得晉國盍以其先發難也討於趙氏
文子使告於趙孟曰范中行氏雖信爲亂
安于則發之是安于與謀亂也晉國有命
始禍者死二子旣伏其罪矣敢以告

告使討
安于

趙孟患之安于曰我死而晉國寧趙氏定
將焉用生人誰不死吾死莫矣乃縊而死
趙孟尸諸市而告於知氏曰主命戮罪人
安于旣伏其罪矣敢以告知伯從趙孟盟

知伯荀躒

而後趙氏定祀安于於廟

趙氏廟

疏

安于則至

而死正義曰安于請趙孟先備趙孟不從其言則安于其無罪矣但安于之謀國人聞之梁嬰父忌其知謀恐趙氏彊盛假此事而罪之趙鞅叛而得還不敢違命故安于自縊死耳祀安于於廟正義曰禮臣有大功配食於

廟周禮司勳云凡有功者銘書於王之大常祭于大烝司勳詔之尚書盤庚告其卿大夫云茲予大享于先王爾祖其從與享之孔安國云古者天子錄功臣配食於廟大享烝嘗也天子既有此禮諸侯或亦有之今趙氏祀安于於

趙氏之廟其意亦如此也

頓子牂欲事晉背楚而絕陳好

二月楚滅頓

傳言小不事大所以亡

夏衛北宮結來奔

公叔戍之故也吳伐越

報五年越入吳

越子勾踐禦

之陳于檇李

勾踐越王允常子

勾踐患吳之整也使

死士再禽焉不動

使敢死之士往輒爲吳所禽使吳師亂取之而吳不動

使罪人三行屬劍於頸

以劍注頸

而辭曰三君有

治

治軍旅

臣奸旗鼓

犯軍令

不敏於君之行前不

敢逃刑敢歸死遂自剄也師屬之目越子

因而伐之大敗之靈姑浮以戈擊闔廬

姑浮

越大夫

闔廬傷將指取其一履

其足大指見斬遂失履姑浮取之

還卒於陞去檇李七里

釋經所以不書滅

夫差使人

立於庭

夫差闔廬嗣子

苟出入必謂已曰夫差而

忘越王之殺而父乎則對曰唯不敢忘三

年乃報越

後三年哀元年

晉人圍朝歌公會齊侯

衛侯于脾上梁之間

脾上梁間即牽

謀救范中行

氏

齊魯叛晉故助范中行也

析成鮒小王桃甲率狄師以

襲晉

二子晉大夫范中行氏之黨

戰于絳中不克而還士

鮒奔周小王桃甲入于朝歌秋齊侯宋公

會于洮范氏故也

謀救范氏

衛侯爲夫人南子

召宋朝

南子宋女也朝宋公子舊通于南子在牙呼之

會于洮太子蒯

聶獻孟于齊過宋野

蒯聶衛靈公太子孟邑名也蒯聶獻之故自衛行而過宋

野野人歌之曰既定爾婁豬盍歸吾艾豸

婁豬求子豬以喻南子艾豸喻宋朝艾老也

太子羞之謂戲陽速曰從

我而朝少君

速太子家臣

少君見我我顧乃殺之

速曰諾乃朝夫人夫人見太子太子三顧

速不進夫人見其色啼而走

見太子色變知其欲殺已曰

蒯聶將殺余公執其手以登臺太子奔宋

盡逐其黨故公孟彊出奔鄭自鄭奔齊大

子告人曰戲陽速禍余戲陽速告人曰大

子則禍余大子無道使余殺其母余不許

將戕於余戕殘殺也若殺夫人將以余說余是

故許而弗爲以紓余死諺曰民係於信吾

以信義也使義可信不必信言**疏**會于至艾殯正義曰此會于洮還具上文會于洮

也傳爲野人之歌張本故追言衛侯爲夫人南子召宋朝召在遠年非今始召欲說通宋野已隔此語故又本之云齊宋會于洮時大子蒯賁獻孟于齊過宋野而被譏也服虔以會于洮上屬爲義言衛侯爲夫人南子召宋朝故與

宋公會于洮言為召宋朝為此會也然則宋朝是宋之公子衛侯欲召則召何須與宋為會方始召之直言會于洮會上無國名知與何國會而言宋衛平服不達此勢愚之甚也注婁豬至老也正義曰經默云豕子豬牝牝

者謂之肥則肥是豬之牡故以喻宋朝也以婁豬為求子之豬相傳為說耳曲禮人年五十曰艾是艾為老也少

君正義曰少君猶小君也君為大君夫人為小君冬十二月晉人敗范中

行氏之師於潞獲籍秦高彊二子黨范氏者終景王言籍父

無又敗鄭師及范氏之師于百泉鄭助范氏故并敗

經十有五年春王正月邾子來朝鼷鼠食

郊牛牛死改卜牛無傳不言所食處舉死重也改卜禮也
疏鼷鼠食郊牛

義曰爾雅云色黑而小有毒公羊以為不言其所食漫也謂所食非一處穀梁注意亦然非杜意也 二

月辛丑楚子滅胡以胡子豹歸夏五月辛

亥郊

無傳書過

壬申公薨于高寢

高寢宮名不於路寢失其所

鄭罕達帥師伐宋齊侯衛侯次于渠蔭

不果

救故書次

邾子來奔喪

無傳諸侯奔喪非禮

疏

注諸侯奔喪非禮正義曰昭

三十年傳曰諸侯之喪士弔大夫送葬諸侯親自奔喪會葬皆非禮公羊亦云奔喪非禮也

秋七月

壬申妣氏卒

定公夫人

八月庚辰朔日有食之

無傳九月滕子來會葬

無傳諸侯會葬非禮也

丁巳葬我

君定公雨不克葬戊午日下吳乃克葬

疏

雨不克葬 正義曰穀梁以為葬不為雨止禮也雨不克葬喪不以制也非左氏意 辛巳葬定

以 辛巳十月三日有日無月

疏

定如何以書葬未踰年之君也有

子則廟廟則書葬公羊此意以為定姒是妾哀公之母以哀公為君未踰年故書其卒葬耳左氏以定姒實是夫人

但禮不備不成喪是哀母以否傳無明說 注辛巳至無月 正義曰此年八月庚辰朔二日則辛巳九月不得有

辛巳也更盈一周則六十二日月方一大一冬城漆 邾

其邑 注邾庶其邑 正義曰襄二十一年邾庶其以漆邑 閭丘來奔莊二十八年傳曰凡邑有宗廟先君之

主曰都無曰邑邑曰築都曰城此稱城漆漆本邾邑不得有先君宗廟而稱城者釋例曰若邑有先君宗廟則雖小

曰都尊其所居以大之也然則都而無廟固宜稱城城漆是也而穎氏唯繫於先君之廟惠漆本非魯邑因說曰漆有邾之舊廟是使魯人尊邾之廢廟與先君同非經傳意也是言漆是大都自應稱城言庶其邑者意在排舊說

傳十五年春邾隱公來朝

邾子益

子貢觀焉

邾子執玉高其容仰公受玉卑其容俯

王制

者之

子貢曰以禮觀之二君者皆有死亡

焉夫禮死生存亡之體也將左右周旋進退俯仰於是乎取之朝祀喪戎於是乎觀之今正月相朝而皆不度

不合法度

心已亡矣

嘉事不體何以能久

嘉事朝禮

高仰驕也卑俯

替也驕近亂替近疾君為主其先亡乎

此為

年公薨哀七年

疏

注王朝者之贊

正義曰曲禮云凡

以邾子益歸傳

贊天子也天子尊無與敵者故執其

壺酒以對神諸侯珪是謂王為贊也周禮典瑞云公執桓

圭侯執信圭伯執躬圭子執穀璧男執蒲璧以朝覲宗湯

會同于王諸侯相見亦

吳之入楚也

在四年

胡子盡

如之是朝必執玉也

俘楚邑之近胡者

俘取也

楚既定胡子豹又

不事楚曰存亡有命事楚何為多取費焉

二月楚滅胡

傳言小不事大所以亡

夏五月壬申公薨

仲尼曰賜不幸言而中是使賜多言者也

以微知著知之難者子貢言語之士今言而中仲尼濯其易言故抑之鄭罕達敗宋師

于老丘罕達子齋之子老丘宋地宋公子地奔鄭鄭人爲之伐宋欲取地以處之事見哀十二年

齊侯衛侯次于蘧挈謀救宋也秋七月壬

申妣氏卒不稱夫人不赴且不祔也赴同祔姑夫人

之禮二者皆闕故不曰夫人**疏**注赴同至夫人正義曰夫人初薨赴於同盟之國其辭當云夫人某氏

薨是赴則成夫人也禮適妻祔於適祖姑妾祔於妾祖姑若得祔祖姑則亦成夫人矣此赴同祔姑皆是夫人之禮

二者皆闕故不曰夫人薨二者課行一事則得稱夫人故此以不赴兼又不祔解不稱夫人也葬定公

雨不克襄事禮也

襄成也雨而成事若汲汲於欲葬

葬定姒不

稱小君不成喪也

公未葬而夫人薨煩於喪禮不赴不祔故不稱小君臣子怠慢

也反哭於寢故書葬

疏

注公未至書葬正義曰傳直言不成喪

稱小君與不稱夫人其事同矣故知不成喪者即不赴不祔是也由不赴不祔夫人之喪禮不成故不稱小君也此定姒實是夫人臣子怠慢不成其禮故書卒不稱薨書葬而不稱小君所以罪臣子也哀十一年孟子卒傳曰不反哭故不言葬小君是由

冬城漆書不時告也

實以秋城

冬乃告廟魯知其不時故緩告從而書之以示譏

疏

冬城至告也正義曰書城漆者書其城不以時所

書在冬依其文則得時矣故傳辨之云不

時告也城實非時知其不可而以時告廟

春秋正義卷第三十四

修職郎新在婺州州學教授趙 方種點劬

[illegible]

春秋正義卷第三十五

孫平



國子祭酒上護軍曲阜縣開國子臣孔穎達等奉

勅撰

哀公

疏

正義曰魯世家云哀公名蔣定公之子蓋是夫人定姒所生以敬王二十六年即位謚法

共仁短折曰哀

經元年春王正月公即位

無傳

楚子陳侯隨

侯許男圍蔡

隨世服於楚不通中國吳之入楚昭王奔隨隨人免之卒復楚國楚人德之使

列於諸侯故得見經定六年鄭滅許此復見者蓋楚封之

疏

注隨世至封之正義曰僖二十年楚人伐隨

自爾以來隨不復見以隨世服於楚為楚私屬不通於諸侯征伐盟會不齒於列故史不得書之猶如邾滕為人私屬不序於宋盟也定四年保護昭王楚得復國楚人感其恩德使隨列於諸侯今楚帥諸侯圍蔡今隨在其班次以之告魯故得見經定六年鄭滅許以許男斯歸殺之此時許復見者以許屬楚故疑蓋楚封之當如蔡侯廬陳侯吳受封於楚也世族譜許男斯之後有元魋鼠食郊牛公成悼公孫則是楚封元公為許男也

改下牛夏四月辛巳郊

無傳書過也不言所食所食非一處

疏

注書過至

一處正義曰桓五年傳例云凡祀啓蟄而郊過則書今以四月始郊已入春分之氣故書過也宣三年郊牛之口傷成七年魋鼠食郊牛角言其傷食之處比不言所食處者所食非一處也

秋齊侯衛侯

代晉冬仲孫何忌帥師伐邾

無傳

傳元年注楚子圍蔡報柏舉也在定四年里而

栽栽設版築爲圍壘周市去蔡城一里廣丈高倍壘厚一丈高二丈夫屯

晝夜九日夫猶兵也壘未成故令人在壘裏屯守蔡如子西之素子西

本計爲壘當用九日而成蔡人男女以辨辨別也男女各別係壘而出降使疆

于江汝之間而還楚欲使蔡徙國在江水之北汝水之南求田以自安也蔡權聽

命故楚師還蔡於是乎請遷于吳楚既還蔡人更叛楚就吳爲明年蔡

遷州疏注栽設至一里正義曰築牆立版謂之栽栽者豎木以約版也楚慮外人救蔡則於表裏受

敵故築圍壘周匝去蔡城一里以圍之欲置兵其內以攻蔡使外人不得救之注夫猶至守蔡正義曰劉炫云

杜言夫猶兵也以壘未成故今人在壘裏屯守蔡然則未築壘前兵豈遠城乎壘成之後兵復出壘乎以圍人夜守常事何言晝夜九日以後兵豈散乎炫以夫屯謂夫役屯聚晝夜不止九日而築壘成耳夫者別有城夫非戰士劉炫以爲丁夫築城晝夜九日杜必以夫爲兵屯守九日者以屯是戍守之名故詩序云屯戍於母家又案傳晉有軌車皆是兵之屯守經籍未有作役之人而爲屯守之號者故杜爲此解劉妄規杜失非也 注楚欲至師還 正義曰服虔云蔡使楚進疆於故江國與汝水之間其意言蔡割地以賂楚也杜不然者以昭七年傳申無宇云先君文王作僕區之法所以封汝哀十七年傳曰彭仲爽申俘也文王以爲令尹實縣申息朝陳蔡封畛於汝則楚於文王之時其竟已至汝水寧於此役蔡始令楚進疆于江汝之間也且汝水江國不可共文故杜以爲楚使蔡徙其國都於江北汝水之南自擇疆宇欲令遷都近楚爲楚屬國蔡人冀令楚去心雖不肯權宜許之楚還之後蔡更自議已

與楚惡不如事吳故
請遷于吳以吳為援

吳王夫差敗越于夫椒

檣李也

檣李在定十四年夫椒吳
郡吳縣西南大湖中椒山

遂入越越子以

甲楯五千保于會稽

上會稽山也在
會稽山陰縣南

使大夫種

因吳大宰嚭以行成吳子將許之伍員曰

不可臣聞之樹德莫如滋去疾莫如盡昔

有過澆殺斟灌以伐斟鄩

澆寒浞子封於過
者二斟夏同姓諸

侯褒四年傳曰
澆用師滅斟灌

滅夏后相

夏后相啓孫也后相失國
依於二斟復為澆所滅

后緡方娠逃出自竇

后緡相妻
娠懷身也

歸于有仍

后緒有仍氏女

生少康焉為仍牧正

牧官之長

其澆能

戒之

甚毒也戒備也

澆使椒求之

椒澆臣

逃奔有虞

為之庖正以除其害

虞舜後諸侯也梁國有虞縣庖正掌膳羞之官賴此以得

除已害

虞思於是妻之以二姚

思有虞君也虞思自以二女妻少康姚虞姓

而邑諸綸

綸虞邑

有田一成有衆一旅

方十里為成五

百人為旅

能布其德而兆其謀

兆始

以收夏衆撫

其官職

襄四年傳曰靡自有葛氏收二國之燼以滅浞而立少康

使女艾謀澆

女艾少康謀侯也

使季杼誘豷

豷澆弟也季杼少康子后杼也

遂滅過戈

復禹之績

過澆國
戈殄國

祀夏配天不失舊物

物事也

今吳不如過而越大於少康或將豐之不

亦難乎

言與越成是使越
豐大必為吳作

句踐能親而務施施

不失人

所加惠賜
皆得其人

親不棄勞

推親愛之誠
則不遺小勞

與我

同壤而世為仇讎於是乎克而弗取將又

存之違天而長寇讎

猶言吳
與不取

後雖悔之不可

食已

食消也
已止也

姬之衰也日可俟也

姬吳姓言可
計日而待

介在蠻夷而長寇讎以是求伯必不行矣

弗聽退而告人曰越十年生聚而十年教

訓

生民聚財富而後教之

二十年之外吳其為沼乎

謂吳

官室廢壞當為汙池為二十二年越入吳起本

三月越及吳平吳入越不

書吳不告慶越不告敗也

嫌夷狄不與華同故復發傳

疏

注夫椒至椒山正義曰杜於此注以椒為山名土地名以夫椒為地名以戰必在山旁以山表地耳注澆寒至

斟灌

正義曰襄四年傳稱夏之衰也有窮后羿因夏民

以代夏政而用寒浞寒浞殺羿因其室而生澆處澆于過

是言澆是寒浞之子封於過也二斟夏同姓諸侯夏本紀

文也又襄四年傳云澆用師滅斟灌此言殺斟灌者王肅

云滅殺也古者滅殺尊卑同名其意言殺其君而滅其國

故二文各言其一也賈逵云夏后相依斟灌而國故因殺

夏后相也案下句別言滅夏后相王解是也 注夏后至
所滅 正義曰夏本紀云禹生啓啓生大康大康崩弟仲
康立仲康崩子相立是相爲仲康之子啓之孫也書序云
大康失邦作五子之歌其經云大康尸位以逸豫乃敗于
有洛之表十旬弗反有窮后羿因民弗忍距于河則大康
之時羿已權威能廢大康矣脩征云唯仲康肇位四海孔
安國云羿廢大康而立其弟仲康爲天子仲康羿之所立
也仲康崩子相立蓋亦羿立之矣傳言羿因夏民以代夏
政蓋於相時羿始自立爲天子相於是失國依於二斟及
澆滅斟灌相復爲澆所滅 注虞舜至己害 正義曰尚
書堯典云有鰥在下曰虞舜又曰釐降二女于媯汭嬪于
虞皇甫謐云嬪于虞因以虞爲氏虞今河東大陽縣西山
上虞城是也然則舜有天下其代號虞因本河東大陽之
虞及周之興封仲雍之後爲虞國即彼地是也但舜既禪
禹禹封舜後爲諸侯雖取虞爲國名未必封於河東虞地
而梁國有虞縣其地以虞爲名疑是夏時虞國杜於地名

言有者皆是疑辭言有以示不審也庖正當周禮之庖人謂之爲正當是食官之長故爲掌膳羞之官也賴此以得除己害得在浞之世不被殺也 注方十至爲旅 正義曰方十里爲成司馬法文也五百人爲旅夏官序文也田一成衆一旅言食此一成之地其內有爲兵者五百人周禮小司徒云乃井牧其田野鄭衆云井牧者春秋傳所謂井衍沃牧隰臯者也鄭玄云隰臯之地九夫爲牧二牧而當一井今造都鄙授民田有不易有一易有再易通率二而當一是之謂井牧昔夏少康在虞思有田一成有衆一旅一旅之衆而田一成則井牧之法先古然矣杜解牧隰臯雖與鄭異其授民田二而當一理亦宜然計方十里爲方一里者百方一里有九夫之田則十里容九百夫也其一

百夫授上地不易者其四百夫授一易二而當一則得爲五百夫矣

注襄四至少康

正義曰引此傳者言少康

能布恩惠以收夏衆以德撫靡故得用靡遺民滅浞而立之 注猶言天與不取 正義曰吳語云越滅吳吳王請

行成越王曰昔天以越賜吳而吳不取是也後雖至食已正義曰言悔恨之深結於心腹不可如食之消止

注生民至教之正義曰服虔云令少者無娶老婦老者

無娶少婦女十七不嫁男二十不娶父母有罪也將生子

以告與之醫饋之餼也死者釋其征必哭泣葬埋如其子

也孺子遊者必餽獸之也非身所種夫人所織不用十年

不收於國夏四月齊侯衛侯救邯鄲圍五鹿趙穆

鄲叛范中行氏之在定使召陳懷

黨也五鹿晉邑四年吳之入楚也

公懷公朝國人而問焉曰欲與楚者右欲

與吳者左陳人從田無田從黨都邑之人無

立不知所與故直從所居田田者隨黨而

在西者居右在東者居左逢滑當公而進當公不

左不右

曰臣聞國之興也以福其亡也以禍今吳

未有福楚未有禍楚未可弃吳未可從而

晉盟主也若以晉辭吳若何公曰國勝君

亡非禍而何楚爲吳所勝對曰國之有是多矣何

必不復小國猶復況大國乎臣聞國之興

也視民如傷是其福也如傷恐驚動其亡也以民

爲土芥是其禍也芥草也楚雖無德亦不艾

殺其民吳日敝於兵暴骨如莽草之生於廣野莽莽然故

曰草莽

而未見德焉天其或者正訓楚也

而改過

禍之適吳其何日之有言今至陳侯從之

及夫差克越乃脩先君之怨秋八月吳侵

陳脩舊怨也

傳言吳不脩德而脩怨所以亡

齊侯衛侯會于

乾侯救范氏也師及齊師衛孔圉鮮虞人

伐晉取棘蒲

魯師不書非公命也孔圉孔烝鉏曾孫鮮虞狄帥賤故不書

疏

注

師至不書

正義曰杜以經書齊衛伐晉傳言四國伐晉故唯解魯與鮮虞不書意也劉炫以齊衛會乾侯救范氏

者師相會因而行伐二君親行告伐不告會也行伐之義

魯與鮮虞會之齊衛更遣師與同伐也但齊將卑師來

稱師衛將尊師少故云孔圉後伐四國並皆不書非獨與鮮虞不書也當謂魯師不書非公命餘者不書皆不書義出百塗並得通也今知劉非者杜以傳齊侯衛侯止云會乾侯不言伐晉即云師及齊師衛孔圉鮮虞人伐晉與經齊侯衛侯伐晉文相次當以爲一鮮虞狄帥賤故略而不書猶邲之戰唐侯從楚而不書平丘之會狄人從晉而不書之類是也劉以爲孔圉等更別伐晉魯師不書非公命餘者不告故不書而規杜過非也

吳師在

陳楚大夫皆懼曰闔廬惟能用其民以敗

我於柏舉今聞其嗣又甚焉將若之何子

西曰二三子恤不相睦無患吳矣昔闔廬

食不二味居不重席室不崇壇

平地作室不起壇也器

不彤鏤

彤丹也鏤刻也

宮室不觀

觀臺

舟車不飾

服財用擇不取費

選取堅厚不尚細靡

在國天有舊

痼疾疫也

親巡孤寡而共其乏困在軍熟食者

分而後敢食

必須軍士皆分熟食不敢先食分猶偏也

其所嘗者卒

乘與焉

所嘗甘珍非常食

勤恤其民而與之勞逸是

以民不罷勞死知不曠

知身死不見曠

吾先大夫

子常易之所以敗我也

易猶反也

今聞夫差夫

有臺榭陂池焉

積土為高曰臺有木曰榭

宿有妃嬪

嬪御焉

妃嬪貴者嬪御賤者皆內官

一日之行所欲必成玩

好必從珍異是聚觀樂是務視民如讎而

用之日新夫先自敗也已安能敗我

二年

咸吳

疏

食不二味

正義曰謂與在下同其好惡不別

起二為美味也 在國天有舊腐 正義曰在國

與在軍相對天有舊腐與下句相連言有舊腐之時親自巡孤寡共其乏困也本或天作無誤耳 注必須至偏也

正義曰孫武兵書云軍井未達將不言渴軍竈未炊將不言飢故闔閭在軍如良將之法必須軍士皆分熟食然得

敢食王不先自食也服虔云以其半分軍士而後自食其餘若軍醢注流也杜以分王半食不足偏及軍人且所嘗

珍異乃得卒乘與焉王所自食不得分軍士也故顯而異之分猶偏也待偏執食王乃自食也 注積土至曰次

正義曰釋宮云闢謂之臺郭璞云積土四方也又云有木者謂之榭李巡云臺上有屋謂之榭又曰無室曰榭四方而高曰臺莊三年傳例曰凡師一宿爲舍再宿爲信過信爲次孔安國尚書傳云澤鄣曰陂停水曰池言夫差所停三日則役民爲此也注妃嬙至內官正義曰曲禮云天子之妃曰后則妃上下通名也釋詁云妃合會對也妃嬙也是匹對於夫婦官之最貴者也嬙在妃下次於妃也周禮有九嬪女御以有四名分爲二等故言妃嬙貴者嬪御賤者皆婦官之名周禮無嬙蓋後世爲之名漢有掖庭王嬙是因於古也冬十月晉趙

鞅伐朝歌

討楚也
行氏

經二年春王二月季孫斯叔孫州仇仲孫

何忌帥師伐邾取東田及沂西田

邾人
以
賂取之

也易癸巳叔孫州仇仲孫何忌及邾子盟于句

繹

句繹邾地取邑盟以要之

疏

注句繹至要之

正義曰既取其

三卿盟唯二卿者服虔云季孫尊卿敵服先歸使二子與之盟穀梁傳曰三人伐而二人盟何各盟其得也其意言

季孫不得田故不與盟也案十四年小邾射以句繹來奔則句繹小邾地也注言邾地者以傳云伐邾邾人愛其土

賂以邾沂之田而受盟被伐受盟則盟在邾地猶若成二年楚人伐我師于蜀公及楚公子嬰齊盟于蜀之類是也

邾與小邾國竟相近句繹所屬亦無定準猶齊魯汶陽之田莒魯爭鄆之事一彼一此豈有常乎而劉炫以句繹為

小邾地而

夏四月丙子衛侯元卒

定四年

盟臯馳

注定四年盟臯馳

正義曰元以昭八年即位三年二年大夫盟于狄泉以未告公而公薨故不數

滕子

來朝

傳無

晉趙鞅帥師納衛世子蒯聵

于戚

疏

衛世子

正義曰世子者父在之名蒯聵父既死矣而稱世子者晉人納之以世子告言

是正世子以示宜為君也春秋以其本是世子未得衛國無可褒貶故因而書世子耳

秋八月甲

戌晉趙鞅帥師及鄭罕達帥師戰于

鐵鄭師敗績

皆陳曰戰大崩曰敗績鐵在戚城南罕達子皮孫

冬十月

葬衛靈公

無傳七月而葬緩

十有一月蔡遷于州

來

畏楚而請遷故以自遷為文

蔡殺其大夫公子

四懷土而馬救大國

故罪而書名

傳二年春伐邾將伐絞

絞邾邑

邾人愛其土故

賂以漙沂之田而受盟初衛侯遊于郊子

南僕

子南靈公子郢也僕御也

公曰余無子將立女

蒯聵奔無大子

不對他日又謂之對曰郢不足以辱社稷

君其改圖君夫人在堂三揖在下

三揖卿大夫士

君

命祗辱

言立適當以禮與外內同之今君私命事必不從適爲辱

夏衛靈公

卒夫人曰命公子郢爲太子君命也對曰

郢異於他子

言用意不同

且君沒於吾手若有之

郢必聞之

言當以臨及爲正

且亡人之子輒在

輒猶曉之子出

公也靈公適孫

乃立輒六月乙酉晉趙鞅納衛太子

于戚宵迷陽虎曰右河而南必至焉

是時河北流過

元城界戚在河外晉軍已渡河故欲出河右而南

使太子綰

綰者始發喪之服

八人

衰經僞自衛逆者

欲爲衛人逆故衰經成服

告於門哭而

入遂居之秋八月齊人輸范氏粟鄭子姚

子般送之

子姚罕達子般駟弘

士吉射逆之趙鞅禦之

遇於戚陽虎曰吾車少以兵車之旆與罕

駟兵車先陳

布先驅車也以先驅車益其兵車以示衆

罕駟自後隨

而從之彼見吾貌必有懼心

晉人先陳鄭人隨之不知其虛實見

車多必懼

於是乎會之

會合戰

必大敗之從之卜

戰龜焦

兆不成

樂丁曰詩曰爰始爰謀爰契我

龜

樂丁晉大夫諱大雅言先人事後卜筮

謀協以故兆詢可也

詢諮

詢也故兆始納衛大子卜得吉兆言今既謀同可不須更卜

簡子誓曰范氏中

行氏反易天明

不事君也

斬艾百姓欲擅晉國而滅

其君寡君恃鄭而保焉今鄭爲不道弃君

助臣二三子順天明從君命經德義除詬

耻在此行也克敵者上大夫受縣下大夫

受郡

周書作雒篇千里百縣縣有四郡

士田十萬

十萬畝也

庶人工

商遂

得遂進仕

人臣隸圉免

去厠役

志父無罪君實

圖之

志父趙簡子之一名也言已事濟君當圖其賞

若其有罪絞縊以

戮

絞所以縊人物

桐棺三寸不設屬辟

屬辟棺之重數王棺四重

君再重六夫一重

素車樸馬

以載極

無入于兆

兆葬域

下卿之

罰也

為衆設賞自設罰所以能克敵

甲戌將戰郵無恤御簡

子衛太子為右

鄭無恤
王良也

登鐵上

鐵丘名

望見鄭師

眾太子懼自投于車下子良授太子綏而

乘之曰婦人也

言其怯

簡子巡列曰畢萬匹夫

也七戰皆獲有馬百乘死於牖下

畢萬晉獻公卿也皆

獲有功死於牖
下言得壽終

羣子勉之死不在寇

言有命

繁

羽御趙羅宋勇為右

三子晉大夫

羅無勇麋之

麋東縛也

吏詰之御對曰疋作而伏

疋瘡疾也

衛太子

禱曰曾孫蒯聵敢昭告皇祖文王

周文王自天也

烈

祖康叔

烈顯也

文祖襄公

繼業守文故曰文祖崩賸襄公之孫

鄭勝

亂從

勝鄭聲公名釋君助臣為從於亂

晉午在難

午晉定公名

不能

治亂使鞅討之

鞅簡子名

崩賸不敢自佚備持

矛焉

戎右持矛

敢告無絕筋無折骨無面傷以

集大事無作三祖羞

集成也

大命不敢請佩

玉不敢愛

不敢愛故以祈禱

鄭人擊簡子中肩斃

于車中

楚路也

獲其逢

逢旗名

太子殺之以戈

鄭師北獲溫大夫趙羅

羅無勇故鄭師北猶獲羅

太子

復伐之鄭師大敗獲齊粟千車趙孟喜曰

可矣

趙孟簡子也喜大子前怯今更勇

傳使曰雖克鄭猶有

知在憂未艾也

傳使簡子屬也言知氏將為難後竟有晉陽之患

初周人

與范氏田公孫尤稅焉

尤范氏臣焉范氏收周人所與田之稅

趙

氏得而獻之

得尤以獻簡子

吏請殺之趙孟曰勿其

主也何罪止而與之田

還其稅

及鐵之戰以徒

五百人宵攻鄭師取逢蠅旗於子姚之幕下

獻曰請報主德追鄭師姚般公孫林殿而

射前列多死

晉前

趙孟曰國無小

言雖小國猶有善射

者既戰簡子曰吾伏弣嘔血弣弓衣嘔吐也鼓音不

襄今日我上也

功爲上

大子曰吾救主於車退

敵於下我右之上也郵良曰我兩靽將絕

吾能止之

止使不絕

我御之上也駕而乘材兩靽

皆絕

材橫木明細小也傳言簡子不讓下自伐

䟽

注三揖卿大夫士正義曰周禮司士云孤卿

特揖大夫以其等旅揖士旁三揖鄭玄云特揖一一揖之旅衆也大夫爵同者衆揖之三揖者士有上中下鄭衆云卿大夫士皆君之所揖禮春秋傳所謂三揖在下服虔云三揖卿大夫士土揖庶姓時揖異姓天揖同姓注是時

至而南 正義曰土地名云河經河內之南界東北經汲
郡魏郡頓丘陽平平原樂陵之東南入海是言晉時河所
經也春秋之時河未必然故云是時河北流過元城界與晉
時河道異也土地名又云戚頓丘衛縣西戚城在枯河東是
春秋時戚在河東也從晉而言河西爲內東爲外故云戚在
河外也是時晉軍已渡河矣師人皆迷不知戚處陽虎憶其
渡處在戚之北河既北流據水所向則東爲右故欲出河右
而南行也 注紼者始發喪之服 正義曰士喪禮既小斂
主人括髮袒衆主人免于房鄭玄云括髮者去笄纓而紒也
衆主人免者齊衰將袒以免代冠冠服之尤尊不以袒也又
奔喪之禮至於家入門哭盡哀括髮袒自齊衰以下入門哭
盡哀免麻于序東如彼禮文則主人當括髮齊衰以下乃免
此大子紼者禮不至喪所不括髮故以紼代之耳靈公以四
月卒今以六月而大子紼故云紼始發喪之服也遠道不臨
喪者不得括髮故始發喪服紼也鄭玄注士喪禮云免之制
未聞舊說以爲如冠狀廣一寸喪服小記曰斬衰括髮以麻

免而以布此用麻布爲之狀如今之著慘頭矣自頃中而前
交於額上卻繞紒也 詩曰至我龜 正義曰詩大雅縣之
篇美大王遷岐之事爰於也既見周原之地肥美可居於是
始集幽人從己者於是與謀議人謀既從於是契灼我龜而
卜之言先人謀後卜筮也 反易天明 正義曰天有尊卑
人有上下下事上臣事君法則天之明道臣不事君是反易
天之明道也 經德義 正義曰此經德義與傳經國家詩
序經夫婦皆意同也經謂經紀管理之不除君惡則德義廢
矣宜經紀德義使不壞也 克敵至受郡 正義曰上大夫
下大夫謂於大夫之內分爲上下其上下大夫非卿也此言先
無凶祿者若能克敵得此賞也 注周書至四郡 正義曰
周禮小司徒云九夫爲井四井爲邑四邑爲丘四丘爲甸四
甸爲縣四縣爲都鄭玄云邑方二里丘方四里甸方八里旁
加一里則方十里爲一成縣方二十里都方四十里四都方
八十里旁加十里乃得方百里爲一同也如彼文則縣方二
十里耳周禮又無郡不可用以解此故引周書解之或曰周

書者孔子刪尚書之餘今案其存者其文非尚書之類其作
雖篇有此言方千里者爲方百里者百千里百縣則縣方百
里計成方十里出車一乘縣方百里則出車百乘也昭五年
傳云晉有四十縣遺守四千乘是縣別有百乘與作雒之言
合也上大夫受縣縣則爲百乘之家言得進爲卿也縣有四
郡則郡方五十里下大夫得此方五十里之采邑注十萬畝
正義曰王制云方一里者爲田九百畝方十里者爲方一里
者百爲田九萬畝則士田十萬爲方十里有餘注志父至
其賞正義曰牧誓武王誓衆尚自稱名況以人臣誓衆固
當自稱名矣知志父是簡子名也簡子名鞅又名志父者服
虔云趙鞅入于晉陽以叛諸侯之策書曰晉趙鞅以叛既復
更名志父或當然也楚公子圍弑君取國改名曰虔經即書
虔公子棄疾弑君取國改名曰居經即書居今趙鞅改名志
父經書猶云趙鞅者彼楚子旣爲國君臣下以所改之名告
於鄰國故得書所改之名趙鞅人臣國家不爲之諱仍以趙
鞅名告故書鞅也鞅言君實圖之言已事濟君當謀其賞

也簡子言此君當謀其賞者言君當賞其在下副上所誓之言欲使在下信之非欲自求賞也 注屬辟至一重正義曰禮喪大記云君大棺八寸屬六寸槨四寸上大夫大棺八寸屬六寸下大夫大棺六寸屬四寸是屬辟為棺之重數也大記之文從外向內大棺之內有屬屬之內有槨槨親身之棺鄭玄云槨堅著之意也如記文大夫無槨今簡子自言有罪始不設辟者鄭玄云趙簡子云不設屬槨時僭也為時僭日久自言無罪則僭設有罪乃不設耳記言士棺六寸檀弓又云夫子為中都宰制四寸之棺五寸之槨鄭玄云為民作制民猶四寸簡子言三寸者亦示其罰之重今制度卑於民也記有槨棺梓棺槨謂槨也不以桐為棺簡子言桐棺者鄭玄云凡棺用能溼之物梓槨能溼故禮法尚之桐易腐壞亦以桐為罰也檀弓又云天子之棺四重鄭玄云尚深邃也諸公三重諸侯再重大夫一重士不重又云水兕革棺被之其厚三寸槨棺一梓棺二四者皆周鄭玄云以水牛兕牛之革以為棺被革各厚

三寸合六寸也此爲一重柩棺一所謂柩棺也梓棺二所謂屬與大棺也檀弓之文自內向外水牛之革一也兕牛之革二也二者相襲乃得爲重故以此二者爲一重也又有桺也屬也大棺也此是天子四重爲數五棺爲四重也喪大記之文君有大棺也桺也屬也大夫有大棺也屬也鄭玄注檀弓天子之棺四重以是差之上公革棺不被三重也諸侯無革棺再重也大夫無桺一重也士無屬不重也是上公數四棺爲三重諸侯數三棺爲再重大夫數二棺爲一重士以一棺爲不重也杜之此注唯無上公士耳其言重數與鄭同也若然禮器云天子葬五重諸侯葬三重大夫葬再重以多爲貴也彼重亦當謂棺而其數皆較一者鄭玄云天子葬五重者謂杭木與茵也葬者杭木在上茵在下然則茵以藉棺杭爲負土天子及諸侯大夫皆數彼以增棺數故皆多較一也杜言此棺之重數者以明不設屬辟爲罰也 素車樸馬 正義曰素車無飾謂不以綦柳飾車也曲禮云大夫去國爲位而哭乘駟馬鄭玄云

驥馬不騶落也則此樸馬亦謂不騶落用此以載柩也雜
記稱士喪有與天子同者三其終夜燎及乘人專道而行
然則柩皆人挽此用車馬載者禮言乘人設法許之耳道
遠者當用牛馬且此言亦爲罰也無入于兆正義曰
周禮冢人云凡死于兵者不入兆域鄭玄云戰敗無勇投
諸塋外以罰之此言不入兆域亦罰也注郵無恤王良
也正義曰下云子良授綏是也服虔云王良也孟子說
王良善御之事古者車駕四馬御之爲難故爲六藝之一
王良之善御最有名於書傳多稱之楚辭云當世豈無騏
驎兮誠無王良之善御見執轡者非其人兮故駒跳而遠
去授大子綏正義曰曲禮云凡僕人之禮必授人綏
論語稱孔子上車必正立執綏而升綏者挽以上車之索
故授之使之升也少儀云僕者右帶劍負良綏申之面掩
諸臂鄭玄云面前也臂覆臂也良綏君綏也負之由左肩
上入右腋下申之於前覆於上也 有馬至牖下正義
曰襄二十七年傳曰唯卿備百邑注云一乘之邑也坊記

云家富不過百乘百乘卿之極制也檀弓云飯於牖下小斂於戶內大斂於阼殯於客位祖於庭葬於墓所以即遠也則禮之正法死於牖下衛大至襄公正義曰禮於曾祖以上皆稱曾孫此雖並告三祖對文王康叔稱曾孫也晉語說此事於襄公之下又有昭考靈公國語與傳異者多矣此下云無作三祖羞是無昭考也大命至不敢愛正義曰上言無絕筋無折骨謂軍之士衆無今傷損以成大事此云大命不敢請者謂己之身命不敢私請苟以求生佩王不敢愛尚書金縢稱周公植璧秉珪以告大王王季文王是禱請用王也在軍無珪璧故以佩王兩駟皆絕正義曰古之駕四馬者服馬夾轅其頸負軛兩駟在旁挽駟助之詩所謂陰駟塗續是也說文云駟引軸也續二十八年注云在胷曰駟然則此皮約馬胷而引車軸也兩駟將絕而能制焉言其御之和也駕而乘材材謂橫地細小之木也乘小木而駟絕示其將絕之驗也

吳洩庸如蔡納聘而

稍納師師畢入衆知之

元年蔡請遷于吳中悔故因聘襲之

蔡

侯告大夫殺公子駟以說

殺駟以說吳言不特遷駟之為

哭

而遷墓

將遷與先君辭故哭

冬蔡遷于州來

經三年春齊國夏衛石曼姑帥師圍戚

曼姑

為子圉父知其不義故推齊使為兵首戚不稱衛非叛人

疏

注曼姑至叛人

正義曰春秋行兵征伐自非

霸主之命諸國共行皆以主兵為首此圍戚實出衛意引齊使之助已計應曼姑為首而序在齊下者曼姑為子圉父知其不義推齊使為兵首故先書齊也穀梁傳曰此衛事也其先國夏何也子不圍父也是先儒及杜皆同穀梁之說也宋魚石去而復入據宋之彭城襄元年經書圍宋彭城傳曰非宋地追書也於是為宋討魚石故稱宋且不

登叛人也此崩殯在戚齊衛園之與園宋彭城事類同矣
彭城稱宋此不稱衛者崩殯據戚與輒爭國非是叛人故
不須繫之衛也公羊傳曰齊國夏曷爲與衛石曼姑帥師
圍戚伯討也此其爲伯討奈何曼姑受命乎靈公而立輒
以曼姑之義爲固可以距之也輒者曷爲者也崩殯之子
也然則曷爲不立崩殯而立輒崩殯爲無道靈公逐崩殯
而立輒然則輒之義可以立乎曰可其可奈何不以父命
辭王父命以王父命辭父命是父之行乎子也不以家事
辭王事以王事辭家事是上之行乎下也其意言靈公廢
崩殯不用使之得國輒不以國與崩殯是靈公之命行於
崩殯也立爲國君是王事也以國與父是私事也不以國
與父是天子之命行於諸侯也如公羊之言則輒義可以
距父圍戚不爲不義而杜言曼姑知其不義則輒不合距
父意與公羊異者據左傳公子郢謬國不受然後立輒然
則輒之立也以周禮無適子則立適孫緣是以得立耳非
有靈公之命使立之也爲輒之義自可讓而不受以已

通孫祿有可立之勢貪國以距父耳非有靈公之命天子
之勑使之距蒯瞶也論語說此事云冉有曰夫子為衛君
乎子貢曰諾吾將問之入曰伯夷叔齊何人也曰古之賢
人也曰怨乎曰求仁而得仁又何怨乎出曰夫子不為也
孔子意不助輒明是輒為不義故曼姑自知不義推齊為主
夏四月甲午地震

無傳五月辛卯栢宮僖宮災天火曰災季孫斯叔

孫州仇帥師城啓陽無傳魯黨范氏故懼晉比年四城啓陽今琅邪開陽縣

宋樂髡帥師伐曹無傳秋七月丙子季孫斯

卒蔡放其大夫公孫獵于吳無傳公子駟之黨冬

十月癸卯秦伯卒無傳不書名未同盟叔孫州仇仲孫

何忌帥師圍邾

無傳

傳三年春齊衛圍戚求援于中山

中山鮮虞夏

五月辛卯司鐸火

司鐸官名

火踰公宮相僖災

相公僖公廟

救火者皆曰顧府

言常人愛財

南宮敬叔至

命周人出御書俟於宮

敬叔孔子弟子南宮閱周人司周書典籍之官

御書進於君者也使待命於宮

曰庄女而不在死

庄具

子服景

伯至命宰人出禮書

景伯子服何也宰人家宰之屬

以待命命

不共有常刑

待求之命

校人乘馬巾車脂轄

校人

掌馬巾車堂車乘馬使
四四相從為駕之易

百官官備府庫慎守官

人肅給

國有火災恐有變難故慎為備

濟濡帷幕鬱攸從之

鬱攸火氣也濡物於水出用為濟

蒙茸公屋

以濡物冒覆公屋

自大廟始

外內以悛

悛次也先算後平以次救之

助所不給有不用命

則有常刑無赦公父文伯至命校人駕乘

車

乘車公車

季栢子至御公立于象魏之外

象魏

門闕

命救火者傷人則止財可為也命藏象

魏

周禮正月縣敎令之法于象魏使萬民觀之故謂其書為象魏

曰舊章不可亡

也富父槐至曰無備而官辦者猶拾藩也

槐富父終生之後藩汁也言不備而責辦不可得於是乎去表之橐表

火道風所向者去其橐積道還公宮開除道周市公宮使火無相連孔子在陳

聞火曰其相僖乎言相僖親盡而廟不毀宜為天所災疏注司鐸宮名

正義曰僖二十年西宮災書之此不書者西宮公之西宮親近僖君忽被天火故重而書之此司鐸雖是公小宮在公宮之後非君來往之急又是人火所以輕而不書或可舉廟重以略之相僖災正義曰傳言火而經書災者

司鐸初被人火火越宮而至廟以火踰宮故以災言之注周禮至象魏正義曰周禮大宰云正月之吉始和布

治于邦國都鄙乃縣治象之法于象魏使萬民觀治象決日而斂之鄭玄云正月周之正月吉謂朔日大宰以正月

朔日布王治之事於天下至正歲又書而縣于象魏使萬民觀焉凡治有故言始和者若改造云爾鄭衆云從甲至甲謂之浹日凡十日其地官夏官秋官皆有此言地官云布教縣教象夏官云布政縣政象秋官云布刑縣刑象冬縣所掌之事爲異其文悉同唯春官不縣者以禮法一頒百事皆足不可又縣故不縣之杜摠彼意言縣教令之法彼所縣者皆是教令之事故也由其縣于象魏故謂其書爲象魏命藏其書也彼言朔日縣之十日即斂之則教火之時其書久已藏矣而此立象魏之外方始命藏此書者象魏是縣書之處見其處而念及其書非始就縣處斂藏之注言相至所災正義曰禮諸侯親廟四焉高祖之父即當毀其廟計相之於哀八世祖也僖六世祖也親盡而廟不毀言其宜爲天所災也所以不毀者服虔云季氏出桓公又爲僖公所立故不毀其廟其意或然公羊傳曰此皆毀廟也其言災何復立也曷爲不言其復立春秋見者不復見也何以不言及敵也其意言哀公更立之不可

通於左氏故以為元不豎耳服虔又云俱在迭毀
故不言及杜無說或當同時災無先後故不言及

范氏世為昏姻劉氏周卿士 長弘事劉文公為

屬大 故周與范氏趙鞅以為討責周與 六月

癸卯周人殺萇弘終遠云 疏萇弘至萇弘正

年卒也為之屬大夫謂當昭公之世也此時文公已卒萇
弘知政以己先事劉子劉氏又與范氏親既握國權遂與

范氏故周人殺之以說於晉 秋季孫有疾命正常曰無死正

桓子之寵臣欲付以後 南孺子之子男也則以

告而立之南孺子季桓子之妻言 女也則肥也

若生男告公而立之

可

肥康子也

季孫卒康子即位既葬康子在朝

在公朝也

南氏生男正常載以如朝告曰夫子有

遺言命其圉臣曰南氏生男則以告於君

與大夫而立之今生矣男也敢告遂奔衛

康子請退

退辟位也

公使共劉視之

共劉魯大夫

則或

殺之矣乃討之

討殺者

召正常正常不反

畏唐子也

傳備言季氏家事

疏

召正常正常不反問兒死意然則見於正常去後始死死非

正義曰服虔云召而

正常得知召之復可所問也當欲問不位康子之意故正常畏康子不反

冬十月晉趙鞅

圍朝歌師于其南

范中行所在

荀寅伐其郭

伐其

北郭

使其徒自北門入已犯師而出

荀寅使在外教

已之徒擊趙氏圍之北門因外內攻得出

癸丑奔邯鄲十一月趙鞅殺

士皐夷惡范氏也

惡范氏而殺其族言遷怒

疏

荀寅至而出正義曰荀寅

徙內伐其北郭之郭又使其較已之徒自外伐開郭之北門而入因外內攻故得出也

經四年春王二月庚戌盜殺蔡侯申

賊者故稱

盜不言弑其君賤盜也

疏

蔡侯申正義曰宣十七年蔡侯由卒是文侯也蔡世家云文侯申生景侯同國生

靈侯般般生隱大子今昭侯申是隱大子之子杜預族譜亦然計昭侯是文侯玄孫乃與高祖同名周人以諱字神

二申必有誤者俱是經文未知孰誤主賊者至盜也

正義曰公孫辰公孫姓公孫霍雖並是弑君之黨而非弑

君之首首是公孫翩翩賤故稱盜不言弑其君者賤此

盜也盜賤不得有其君故以盜爲文不得言弑其君

蔡

公孫辰出奔吳

弑君賊之黨故書名

葬秦惠公

無傳

宋人

執小邾子

無傳邾子無道於其民故稱人以執

夏蔡殺其大夫公

孫姓公孫霍

皆弑君黨

晉人執戎蠻子赤歸于

楚

晉耻爲楚執諸侯故稱人以告若蠻子不道於其民也亦本屬楚故言歸

城西郭

無傳

魯西郭備晉也

六月辛丑亳社災

無傳天火也亳社殷社諸侯有之所以戒亡國

疏

注天火至亡國正義曰傳例曰天火曰災知天火也殷有天下作都于亳故知亳社殷社也蓋武王伐

紂以其社班賜諸侯使各立之所以戒亡國也其社有
屋故火得焚之公羊傳曰蒲社者何亡國之社也社者封
也其言災何亡國之社蓋拊之拊其上而柴其下穀梁傳
曰亳社者亳之社也亳亡國也亡國之社以爲廟屏戒也其
屋亡國之社不得達上也說者以爲立亳社於廟門之外
以爲屏蔽使人君視之而致戒也左傳稱間于兩社事當
爲然郊特牲亦云喪國之社
屋之不受天陽故災其屋也

秋八月甲寅滕子結

卒

無傳同盟
於臯鼬

冬十有二月葬蔡昭公

無傳亂故
是以緩

葬滕頃公

無傳

傳四年春蔡昭侯將如吳諸大夫恐其又

遷也承

承音懲
蓋楚言

公孫翩逐而射之入於家人

而卒

翩蔡大夫

以兩矢門之衆莫敢進

翩以矢自守其門

文之錯後至

錯蔡大夫

曰如牆而進多而殺二

人

併行如牆俱進

錯執弓而先翩射之中肘錯遂殺

之故逐公孫辰而殺公孫姓公孫盱

盱即霍也

疏

注承音懲蓋楚言

正義曰懲創往年之遷恐其更復遷徙承懲音相近蓋是楚人之言聲轉而字異耳

人而卒

正義曰言將如吳已適吳矣翩在路逐而殺之遂入于凡人之家言此者說其非理之意

夏楚

人既克夷虎

夷虎蠻夷叛楚者

乃謀北方左司馬販

申公壽餘葉公諸梁致蔡於負函

三子楚大夫也此蔡

之故地人民楚因以爲邑致之者會其衆也

致方城之外於繒關

負函

繒關皆楚地

曰吳將沂江入郢

逆流

將奔命焉爲一

昔之期襲梁及霍

爲辭當備吳夜結期明日便襲梁霍使不知之梁河南梁

縣西南故城也梁南有霍陽山皆蠻子之邑也

單浮餘圍蠻氏蠻氏潰

浮餘楚大夫

蠻子赤奔晉陰地

陰地河南山北自上雒以東至陸渾

司馬

起豐析與狄戎

楚司馬阪也析縣屬南鄉郡析南有豐鄉皆楚邑發此二邑人及戎

以臨上雒左師軍于菟和

菟和山在上雒東也

右師

軍于倉野

倉野在上雒縣

使謂陰地之命大夫士

蔑

命大夫別縣監尹

曰晉楚有盟好惡同之若將不

廢寡君之願也不然將通於少習以聽命

少習商縣武關也將大開武關道以伐晉

士蔑請諸趙孟趙孟曰晉

國未寧安能惡於楚必速與之

未寧時有范中行之難

士蔑乃致九州之戎

九州戎在晉陰地陸渾者

將裂田以

與蠻子而城之

以詐蠻子

且將爲之卜

卜城蠻子

聽卜遂執之與其五大夫以界楚師于三

戶

今丹水縣北三戶亭

司馬致邑立宗焉以誘其遺民

楚復詐為縣子
作邑立其宗主

而盡俘以歸

疏

注命大夫別縣監尹正義曰

者河南山北東西橫長其間非一邑也若是典邑大夫則常以邑冠之乃言陰地之命大夫則是特命大夫使惣監陰地故以為別縣監尹也以其去國遙遠別為置監楚官稱尹故以尹言之

秋七月齊陳乞

弦施衛甯跪救范氏

陳乞舊子弦施弦多

庚午圍五鹿

五鹿晉邑

九月趙鞅圍邯鄲冬十一月邯鄲降荀

寅奔鮮虞趙稷奔臨

臨晉邑

十二月弦施逆

之遂墮臨國夏伐晉取邢任欒黶逆時陰

人孟壺口

八邑晉地欒在趙國平棘縣西北卽高邑縣也路縣東有壺口關

會鮮虞

納荀寅于柏人

晉邑也今趙國柏人縣也弦施與鮮虞會也

疏

正義曰

稷初奔臨欲據臨距國今弦施逆稷欲納之他邑以臨險固故毀之

經五年春城毗

無傳備晉也

夏齊侯伐宋

無傳晉趙

鞅帥師伐衛秋九月癸酉齊侯杵臼卒

再同

盟

注再同盟

正義曰襄二十五年崔杼弑莊公而

也立杵臼昭二十六年盟于郭陵定四年于臯鼫是再同盟也昭三十二年大夫盟于狄泉未告公而公薨故不數也

冬叔還如齊閏月

葬齊景公

無傳

傳五年春晉圍柏人荀寅士吉射奔齊初

范氏之臣王生惡張柳朔言諸昭子使爲

柏人

爲柏人宰也昭子范吉射也

昭子曰夫非而讎乎對曰

私讎不及公

公家之事也

好不廢過惡不去善義

之經也臣敢違之及范氏出

出柏人奔齊

張柳朔

謂其子爾從主勉之我將止死王生授我

矣

授我死節

吾不可以僭之遂死於柏人

爲吉射距晉戰

死

夏趙鞅伐衛范氏之故也遂圍中牟

衛助

范氏故也

齊燕姬生子不成而死

燕姬景公夫人不成未冠也

諸

子嚮如之子荼嬖

諸子庶公子也嚮如景公妻荼安孺子

諸大夫

恐其為太子也言於公曰君之齒長矣未

有太子若之何公曰二三子間於憂虞則

有疾疢亦姑謀樂何憂於無君

景公意欲立荼而未發故

以此言塞大夫請

公疾使國惠子高昭子立荼

惠子國夏昭子

高張寘羣公子於萊

萊齊東鄙邑

秋齊景公卒冬

十月公子嘉公子駒公子黔奔衛公子鉏

公子陽生來奔

皆景公子在萊者

萊人歌之曰景公

死乎不與塊三軍之事乎不與謀師乎師

乎何黨之乎

師衆也黨所也之往也稱謚蓋葬後而爲此歌哀羣公子失所

疏

間於至無君

正義曰公謂群臣云若間暇於憂虞謂國

無憂虞事得間暇則恐有疾疚不得飲樂今既無憂虞又

無疾疚亦且謀樂何憂乎無君

注師衆至失所

正義

曰師衆之往釋詁文也周禮五百家爲黨言其共居一所

故以黨爲名是黨爲所也經書閏月葬齊景公長歷閏十

一月禮葬乃有謚此歌稱謚明是葬後傳言冬十月者記

公子出奔之月其萊人之歌在公子出奔之後杜以文承

十月之下故云蓋耳公羊以爲喪以閏數謂通數閏月穀

梁云不正其閏也謂喪事

不數左氏無傳未知所從

鄭駟秦富而侈嬖大夫

也而常陳卿之車服於其庭鄭人惡而殺

之子思曰豈可曰不解于位民之攸暨

子思子產

子國參也詩大雅攸所也暨息也

不守其位而能久者鮮矣商

頌曰不僭不濫不敢怠皇命以多福

僭差也濫

溢也皇暇也言駟秦達詩商頌故受禍

疏

詩曰至攸暨正義曰詩大雅嘉樂之篇也言在上者不解情

于其位民之所以得安息駟秦棄位僭上是情于位也

商頌至多福正義曰商頌殷武之篇歌成湯之德不僭

差不濫溢不敢怠惰而自暇以此之故上天命以多福也

詩於怠皇之下更云命于下國封建厥福傳言命以多福

不復具引詩文取其意而言之也杜云違詩商頌上言

詩下言頌以駟秦於此二詩皆違故言違詩與商頌

經六年春城邾瑕

無傳備晉也任城元父縣北有邾婁城

晉趙鞅

師師伐鮮虞吳伐陳夏齊國夏及高張來

奔

二子阿君廢長立少既受命又不能全書名罪之也

叔還會吳于相

無傳

秋七月庚寅楚子軫卒

未同盟而赴以名

齊陽生入

于齊

為陳乞所逆故書入

疏

注為陳至書入年傳例曰凡去國國逆而立之曰

正義曰成十八

入此為陳乞私逆既入而立之故依例書入也

齊陳乞弑其君荼

弑荼者朱毛與

陽生也而書陳乞所以明乞立陽生而荼見弑則禍由乞始也楚比劫立陳乞流涕子家憚老皆疑於免罪故春秋

明而書之以為弑主

疏

注弑荼至弑主而書乞弑其君者以荼死由乞故書乞弑

正義曰實非陳乞弑荼

也此與楚公子比鄭公子歸生俱非弑君之首春秋顯而書之以為弑君之主所以惡此三人釋例曰諸懷貳亂以

爲心者固不容於誅也若鄭之歸生齊之陳乞楚公子此雖本無其心春秋之義亦同大罪是以君子憚所以立也是說罪之意冬仲孫何忌帥師伐邾無傳宋向巢

師師伐曹無傳

傳六年春晉伐鮮虞治范氏之亂也四年鮮虞納荀

寅于柏人吳伐陳復脩舊怨也元年未得志故也楚子曰

吾先君與陳有盟不可以不救乃救陳師

于城父陳盟在昭十三年**疏**注陳盟在昭十三年 正義曰昭十三年無楚與陳盟之事於

時楚既滅蔡使棄疾爲蔡公子于子皙之入也傳稱朝吳奉蔡公召二子而盟于鄧依陳蔡人以國是與陳人盟更

許復其國其年平王即位更封陳是與盟也

齊陳乞僞事高國者

高張

國夏受命立荼陳乞欲害之故先僞事焉

每朝必驂乘焉所從必言

諸大夫

言其罪過

曰彼皆偃蹇將弃子之命

偃蹇驕敖

皆曰高國得君

得君寵也

必偪我盍去諸固將

謀子子早圖之圖之莫如盡滅之需事之

下也

需疑也

及朝則曰彼虎狼也見我在子之

側殺我無日矣請就之位

欲與諸大夫謀高國故求就之

又謂

諸大夫曰二子者禍矣恃得君而欲謀二

三子曰國之多難貴寵之由盡去之而後

君定既成謀矣盡及其未作也先諸作而

後悔亦無及也大夫從之夏六月戊辰陳

乞鮑牧

牧鮑國孫

及諸大夫以甲入于公宮昭子

聞之與惠子乘如公戰于莊敗

高國敗也莊六軌之道

國人追之國夏奔莒遂及高張晏圍弦施

來奔

國晏嬰之子圍施不書非卿

疏

需事之下也正義曰需是懦弱之意懦弱持疑不能決斷是

為事之下者勸其決斷而盡殺之

秋七月楚子在城父將救陳卜

戰不吉卜退不吉王曰然則死也再敗楚

師不如死

前已敗於柏舉今若退還亦是敗

奔盟逃讎亦不如

死死一也其死讎乎命公子申爲王不可

則命公子結亦不可則命公子啓

申子西結子期啓子

閭皆昭王兄

五辭而後許將戰王有疾庚寅昭王

攻大冥卒于城父

大冥陳地吳師所住

子問退曰君王舍

其子而讓羣臣敢忘君乎從君之命順也

從命許立

立君之子亦順也二順不可失也吳子

西子期謀潛師閉塗逆越女之子章立之

而後還

潛師密發也閉塗不通外使也越女昭王妾章惠王

是歲也有雲如

衆赤鳥夾日以飛三日楚子使問諸周大

史周大史曰其當王身乎

日爲人君妖氣守之故以爲當王身雲在

楚上唯楚見之故禍不及他國

若崇之可移於令尹司馬

祭

王曰除腹心之疾而寘諸股肱何益不穀

不有入過天其夭諸有罪受罰又焉移之

遂弗崇初昭王有疾卜曰河爲崇王弗祭

大天請祭諸郊王曰三代命祀祭不越望

諸侯望祀竟內山川星辰

江漢睢漳楚之望也

四水在楚界

禍

福之至不是過也不穀雖不德河非所獲

罪也遂弗祭孔子曰楚昭王知大道矣其

不失國也宜哉夏書曰惟彼陶唐帥彼天

常

逸書言堯循天之常道

有此翼方今失其行亂其紀

綱乃滅而亡

滅亡謂夏桀也唐虞及夏同都翼州不易地而亡由於不知大道故

又曰

允出茲在茲由己率常可矣

又逸書言仁出己則福亦在己

疏

注前已至是敗 正義曰劉炫言十不言謂戰當勝也
當謂今伐更財也杜言退還亦是敗非也以規杜氏
劉非者杜言退還亦是敗者以傳十退不言是不得好退
是雖欲退還亦必敗也故云退還亦是敗但文不委悉劉
以爲退還謂是好退而還以規杜非也 問諸周大史
正義曰服虔云諸侯皆有大史生周所賜典籍故曰周大
史一曰是時往問周大史杜以問周大史於文自明故不
煩釋 不穀至移之 正義曰言已若無大罪天其妄天
之乎必是身有大罪天乃下罰有罪受罰又焉移之 注
四水在楚界 正義曰此地名江經南郡江夏弋陽安豐
漢經襄陽至江夏安陸縣入江睢經襄陽至南郡枝江縣
入江漳經襄陽至南郡當陽入江是四水皆在楚界也
夏書至而亡 正義曰此夏書五子之歌第三章也彼云
惟彼陶唐有此翼方今失厥道亂其紀綱乃底滅亡此多
帥彼天常一句又宰小異者文經策隸師讀不同故兩存
之賈服孫杜皆不是古文故以爲逸書解爲夏桀之時唯

王肅云大康時也案王肅注尚書具言多是孔傳疑肅見古丈匿之而不言也堯治平陽舜治蒲坂禹治安邑三都相去各二百餘里俱在冀州統天下四方故云有此翼方也

八月齊邴意茲來

奔

高國黨

陳僖子使召公子陽生

召在七月今在八月下記事之

次

陽生駕而見南郭且于

且于齊公子鉏在魯南郭

曰嘗獻

馬於季孫不入於上乘故又獻此請與子

乘之

畏在家人聞其言故欲二人共載以試馬爲辭

出萊門而告之故

魯郭門也

闕止知之先待諸外

闕止陽生家臣子我也待外欲俱去公子

曰事未可知反與壬也處

壬陽生子簡公

戒之遂行

戒使無
洩言

逮夜至於齊國人知之

故以昏至不欲令
人知也國人知而

不言言陳
氏得衆

僖子使子士之母養之

隱於僖子
內子士母信

子
妾與饋者皆入

陳僖子又令陽生隨
饋食之人入處公宮

冬十月丁

卯立之將盟

盟諸
大夫

鮑子醉而往其臣差車

鮑點

點鮑牧臣也差
車主車之官

曰此誰之命也陳子曰

受命于鮑子遂誣鮑子曰子之命也

見其醉
故誣之

鮑子曰女忘君之爲孺子牛而折其齒乎

而背之也

孺子茶也景公嘗銜繩爲牛
使茶牽之茶頓地故折其齒

悼公稽首

悼
公

陽生

曰吾子奉義而行者也若我可不必亡

一大夫

言已可爲君必不怨鮑子

若我不可不必亡二公子

公子自謂也恐鮑子殺已故要之

義則進否則退敢不唯子是

從廢興無以亂則所願也鮑子曰誰非君

之子乃受盟

言陽生亦君之子固可立

使胡姬以安孺子

如賴

胡姬景公妾也賴齊邑安號也

去鬻姒

茶之母

殺王甲拘江

說囚王豹于句賁之丘

三子景公嬖臣茶之黨也

公使朱毛

告於陳子

朱毛齊大夫

曰微子則不及此然若異

於器不可以二器三不匱君二多難敢布

諸大夫僖子不對而泣曰君舉不信羣臣

乎舉皆也以齊國之困困又有憂內有飢荒之困又有兵革

之少君不可以訪是以求長君庶亦能容

羣臣乎不然夫孺子何罪毛復命公悔之

悔失言毛曰君大訪於陳子而圖其小可也大謂國政

小謂殺茶使毛遷孺子於駘不至殺諸野幕之

下葬諸父冒渰恐駘人不從故毛駐於野張帳而殺之駘齊邑父冒渰地名實以冬

殺經書秋者史書秋記始

疏

注召在至之次正義曰

事達達其死通以冬告魯之下知其召在七月也今傳在八月下者欲令下按十月立之是記事之次也却意茲來奔者自以高國之黨八月來奔耳僖子使召陽生自以七月之時別使人召之非遣意茲召也貫述以傳文相連謂遣意茲來召又惟其日月錯誤云其說未聞杜以此故為注云高國黨以隔之注實以至告魯正義曰傳言十月立陽生陽生既立之後方遣朱毛殺荼則荼死在冬經書為秋殺者記陽生初事入齊之始遂連荼死二事通以冬始來告言陽生秋入荼以秋死故也舊於秋也

經七年春宋皇瑗帥師侵鄭晉魏曼多

帥師侵衛夏公會吳于郕

郕今琅邪郕縣

秋公伐邾

八月己酉入邾以邾子益來

他國言歸於言來內外之辭

宋人圍曹冬鄭駟弘帥師救曹

傳七年春宋師侵鄭鄭叛晉故也

定八年鄭始叛晉

師侵衛衛不服也

五年晉伐衛至今未服

夏公會吳于

鄆

吳欲霸中國

吳來徵百牢子服景伯對曰先

王未之有也吳人曰宋百牢我

是時吳過宋得百牢

魯

不可以後宋且魯牢晉大夫過十

晉大夫范鞅也在昭

二十一年吳王百牢不亦可乎景伯曰晉范鞅

貪而弃禮以大國懼敝邑故敝邑十二牢

之君若以禮命於諸侯則有數矣有當數若

亦弃禮則有滯者矣滯過也周之王也制禮上

物不過十二上物天子之牢以爲天之大數也天有十二次故

制禮像之今弃周禮而曰必百牢亦唯執事吳

人弗聽景伯曰吳將亡矣弃天而背本違周

爲背本不與必弃疾於我其弃凶疾來伐擊我乃與之大

宰嚭召季康子嚭吳大夫康子使子貢辭大宰

豁曰國君道長

言君長大於道路

而大夫不出門此

何禮也對曰豈以為禮畏大國也

畏大國不敢虛國盡

行大國不以禮命於諸侯苟不以禮豈可

量也寡君既共命焉其老豈敢弃其國大

伯端委以治周禮仲雍嗣之斷髮文身羸

以為飾豈禮也哉有由然也

大伯周大王之長子仲雍大伯弟也

大伯仲雍讓其弟季歷俱適荆蠻遠有民衆大伯卒無子仲雍嗣立不能行禮致化故效吳俗言其權時制宜以辟

災害非以為禮也端委禮衣也

反自郢以吳為無能為也

弃禮知其

不能

疏

吳王百牢

正義曰云制云君十卿祿魯牢晉

霸也

大夫過十故吳王自謂合得百牢

注有常數

正義曰周禮

大行人云上公九牢侯伯七牢子男五牢是

常數也

注上物天子之牢

正義曰周禮掌客云王合

諸侯而饗禮則具十有二牢鄭玄云饗諸侯而用王禮之

數者以公侯伯子男盡在是兼饗之莫敵用也以莫敵用

故用王禮是天子之禮十二牢也郊特牲云天子適諸侯

諸侯膳用犢諸侯適天子天子賜之禮大牢貴誠之義也

如彼記文諸侯共天子之膳唯一犢耳而得有十二牢者

若是天子大禮必以十二為公其餘共王之膳食自用犢

為食耳非謂獻大禮者唯一犢也

弃天而背本

正義

曰棄十二之數為棄天違周禮是背本

正義曰夫世家云大伯及仲雍皆周大王之子而王季歷

之兄也季歷賢而有聖子昌大王欲立季歷以及昌於是

大伯仲雍二人乃奔荆蠻文身斷髮示不可用大伯之奔

荆蠻自號句吳荆蠻義之從而歸之千餘家立為吳大伯

大伯卒無子弟仲雍立是說大伯仲雍適吳之由也魯人
不堪吳責故舉吳之上祖以訐之二人同時適吳而夫由
端委仲雍斷髮者大伯初往未爲彼君故服其本服自
周禮及仲雍民歸稍多既爲彼君宜從彼俗曲禮云君子
行禮不求變俗仲雍爲彼人主不能行周人之禮致中國
之化故文身斷髮效吳俗言其權時制宜以辟災害非
以爲禮也漢書地理志云越人文身斷髮以辟蛟龍之害
應劭曰常在水中故斷其髮文其身以象龍子故不見傷
害杜言辟害辟此蛟龍之害大伯之時未有周禮言治周
禮者謂治其本國岐周之禮非周公所制禮也嬴以爲飾
者嬴其身體以文身爲飾也端委禮衣者王肅云委貌之
冠玄端之衣也此傳言大伯端委仲雍斷髮史記云二人
皆文身斷髮然則文身斷髮自辟害耳史記以爲示不可
用二人亡去遠適荆蠻則周人不知其處何以須示不可
用也皆馬

遷繆耳

季康子欲伐邾乃饗大夫以謀之

子服景伯曰小所以事大信也大所以保

小仁也背大國不信大國吳也伐小國不仁民保

於城城保於德失二德者危將焉保二德信與仁也

孟孫曰二三子以為何如惟諸大夫不言故指問之惡賢

而逆之孟孫賢景伯欲使大夫不逆其言惡猶安也對曰禹合諸侯

於塗山執玉帛者萬國諸大夫對也諸侯執玉附庸執帛塗山在壽春

東北今其存者無數十焉唯大不字小小不

事大也言諸侯相伐古來以然知必危何故不言知伐邾必危自

當言今不言者不危故也大夫魯德如邾而以衆加

以荅孟孫所恠且阿附季孫

之可乎孟孫忿荅大夫今魯德無以勝邾但欲恃衆可乎言不可

不樂而出

季孫

倭直不同故罷饗

秋伐邾及范門

邾郭門也

猶聞鐘聲

邾

禦

大夫諫不聽茅成子請告於吳

成子邾大夫茅夷鴻

不許曰魯擊柝聞於邾

言以近

吳二千里不三

月不至何及於我且國內豈不足

言足以距魯

成

子以茅叛

高平西南有茅鄉亭

師遂入邾處其公宮衆

師晝掠

掠取財物也

邾衆保于繹

繹邾山也在邾縣北

師宵

掠以邾子益來

益邾隱公也晝夜掠傳言康子無法

獻于亳社

其

亡國與殷同

囚諸負瑕負瑕故有繹

負瑕魯邑高平南平陽縣西北

有瑕立城前者魯得邾之繹氏使在負瑕故使相就以辱之

邾茅夷鴻以束帛

乘韋自請救於吳

無君命故言自

曰魯弱晉而遠

吳馮恃其衆

馮依

而背君之盟辟君之執事

僻陋

以陵我小國邾非敢自愛也懼君威之

不立君威之不立小國之憂也若夏盟於

鄆衍

鄆衍即鄆也鄆盟不書吳行夷禮禮儀不典非所以結信義故不錄

秋而背之

成求而不違

言魯成其所求無違逆也

四方諸侯其何以

事君且魯賦八百乘君之貳也

貳敵也魯以八百乘之賦

貢于天子其國大

邾賦六百乘君之私也

為私屬

以私

奉貳唯君圖之吳子從之

為明年吳伐我傳

疏

注諸侯至

執帛

正義曰周禮大宗伯云以玉作六瑞以等邦國公執桓圭侯執信圭伯執躬圭子執穀璧男執蒲璧是諸侯

執玉也典命云諸侯之適子未誓於天子以皮帛繼子男

是世子執帛也知所應執帛者以世子既繼子男附庸君

亦繼子男公之孤四命以皮帛視小國之君附庸無爵雖

不得同於子男其位不卑於世子與公之孤也諸侯世子

各稱朝附庸君亦稱朝是與世子相似故知執帛也且附

庸是國此言執三帛者萬國臣而執帛唯附庸耳知附庸

執帛也案尚書有三帛公之孤諸侯世子附庸君此唯言
附庸者以傳云禹合諸侯又云執王皆據身言之故不
數世子及孤也下云萬國故唯據附庸言之王制云不能
五十里者不合於天子附於諸侯曰附庸鄭玄云不合謂
不朝會也小城曰附庸附庸者以國事附於大國未能以
其名通也如彼云附庸不得朝會而禹會萬國有附庸者
附庸不得待達天子耳禹會諸侯使諸國盡至附庸從其所
附之國共見天子故有執帛者言萬國者舉盈數耳鄭玄
注尚書以爲數正滿萬國案益稷州十有二師鄭以爲每
一師領百國州十有二師則每州千二百國畿外八州越
九千六百國其餘四百國在畿內州得有千二百國者以
唐虞土方萬里九州之內地方七千里七七四十九爲方
千里者四十九其一爲畿內餘四十八州分之州各有
千里之方六以千里之方二爲方百里之國二百又以千
里之方二爲七十里之國四百又以千里之方二爲五十
里之國八百越爲一千四百國去其方五十里之國二百

里是州別千二百國也鄭玄二畿內四百國者皆謂五十里國也杜云諸侯執王附庸執帛是與鄭異也尚書傳云百里之方三爲國七有奇以百里之方二爲百里之國一又以百里之方一爲七十里之國二有奇知者但方百里者爲方十里者百其方七十里之國唯有七七四十九是爲七十里之國二仍有十里之方二在又以百里之方一爲五十里之國四其百里之方三爲國七有奇則千里之方三爲國七百有奇有百里之方二在注孟孫至不可正義曰傳於異人之言更應如曰今無曰者作傳略之論語之文此類多矣雖魯上無曰要言與大夫對反不得爲大夫之辭故以爲孟孫忿答大夫也服虔以上二句亦爲孟孫之言謂諸大夫誠知伐邾必危何故不早言也杜以上屬爲便唯以此句爲孟孫言耳魯擊柝聞於邾正義曰易繫辭云重門擊柝以待暴客鄭玄云手持兩木以相敵是爲擊柝守備警戒也

宋人圍曹鄭桓子思曰宋人有

曹鄭之患也不可以不救相謚冬鄭師救曹

侵宋初曹人或夢衆君子立于社宮社宮社也

而謀亡曹曹叔振鐸請待公孫彊許之振鐸

曹始旦而求之曹無之戒其子曰我死爾

聞公孫彊爲政必去之及曹伯陽即位好田

弋曹鄙人公孫彊好弋獲白鴈獻之且言

田弋之說說之因訪政事大說之有寵使

爲司城以聽政夢者之子乃行彊言霸說

於曹伯曹伯從之乃背晉而奸宋宋人伐之晉人不救築五邑於其郊曰黍丘揖丘

大城鐘邦

為明年入曹傳也梁國下邑縣西南有黍丘亭

疏

或夢眾君子正義曰曹人

夢見多人不識姓名故唯云眾君子也服虔云眾君子諸國君妄耳好田弋正義曰周禮司弓矢云矰矢用諸

弋射鄭玄云結繳於矢謂之矰矰高也可以弋飛鳥說文云繳生絲也謂用生絲為繩繫矢以射鳥也

經八年春王正月宋公入曹以曹伯陽歸

曹人背晉而奸宋是以致討宋公既還而不忍褚師之詬怒而反兵一舉滅曹滅非本志故以入告

疏

注

人至入告正義曰傳例曰不有其地曰入案傳宋實滅曹而有之經書為入故杜原其事而解之

吳伐

我夏齊人取讎及闡

不書伐兵未加而魯與之邑闡在東平鄄縣北

疏

取讎及闡正義曰公羊穀梁以為賂齊謂前年魯伐邾取邾子益益是齊甥畏齊故賂之非左氏意也

邾子益于邾秋七月冬十有二月癸亥杞

伯過卒

無傳來同盟而赴以名

疏

杞伯過卒

正義曰世族譜云僖公過悼公曾孫案

悼公祖文公以昭六年卒父宣公以昭二十四年卒悼公以定四年卒未應有曾孫可以授之國也杞世家僖公過是悼公之子疑譜誤

齊人歸讎及闡

不言來命歸之無旨使也

疏

注不言至

使也正義曰定十年齊人來歸鄆讎龜陰田此不言來故解之

傳八年春宋公伐曹將還褚師子肥殿

肥子

宋大曹人詒之不行詒詈辱也不師待之公聞之

怒命反之遂滅曹執曹伯及司城彊以歸殺

之終曹人之夢吳爲邾故將伐魯問於叔孫輒可

伐不輒故魯人叔孫輒對曰魯有名而無情有大國名無情實

伐之必得志焉退而告公山不狃不狃亦故魯人公

山不狃曰非禮也君子違不適讎國違奔亡也未

臣而有伐之奔命焉死之可也宋臣所適之國若有伐本國者

則可還奔所託也則隱魯所因託則且夫人之行也命死其難爲之隱惡

不以所惡廢鄉

不以其私怨惡廢
弃其鄉黨之好

今子以小惡而

欲覆宗國不亦難乎

輒魯公族故
謂之宗國

若使子率子

必辭王將使我子張病之

子張
輒也

王問於子洩

子洩

不對曰魯雖無與立

緩時若無
能自立

必有與斃

急則人
人知懼

皆將同
死戰

諸侯將救之未可以得志焉晉與齊楚

輔之是四讎也

與魯
而四

夫魯齊晉之脣脣亡齒

寒君所知也不救何爲三月吳伐我子洩率

故道險從武城

故由險道欲
使魯戒備

初武城人或有因於

吳竟田焉

僑田吳界

拘鄫人之漚菅者曰何故伐魯

水滋

鄫人亦僑田吳滋濁也

及吳師至拘者道之以伐武城

克之

鄫人教吳必可克

王犯嘗爲之宰澹臺子羽之父

好焉國人懼

王犯吳大夫故嘗奔魯爲武城宰澹臺子羽武城人孔子弟子也其父與王犯相善國人懼其

爲內應

懿子謂景伯若之何對曰吳師來斯與之

戰何患焉且召之而至又何求焉

言犯盟伐邾所以召吳

吳

師克東陽而進舍於五梧明日舍於蠶室

三邑魯地

公賓庚公甲叔子與戰于夷獲叔子與析朱

鉏

公賓庚公甲叔子并折朱鉏爲三人皆同車傳互言之

獻於王王曰此同車

必使能國未可望也

同車能俱死是國能使人故不可望得

明日舍

于庚宗遂次於泗上微虎欲宵攻王舍

微虎魯大夫

私屬徒七百人三踊於幕庭

於帳前設格令士試躍之

卒三

百人有若與焉

卒終也終得三百人仕行有若孔子弟子與在三百人中

及稷

門之內

三百人行至稷門

或謂季孫曰不足以害吳而

多殺國士不如已也乃止之吳子聞之一夕

三遷

畏微虎

吳人行成

求與魯成

將盟景伯曰楚人

圍宋易子而食析骸而爨

在宣十五年

猶無城下之

盟我未及虧而有城下之盟是弃國也吳輕

而遠不能久將歸矣請少待之弗從景伯負

載造於萊門

以言不見從故負載書將欲出盟

乃請釋子服何於

吳吳人許之以王子姑曹當之而後止

釋舍也魯人不

以盟焉了欲因留景伯為質於吳既得吳之許復求吳王之子以交質吳人不欲留王子故遂兩止

吳人盟

而還

不書盟耻吳夷

疏

問於叔孫

孫與公山不糾帥費人以襲魯兵

敗奔齊於後自齊奔吳吳子今問之

正義曰定十二年叔正義曰謂有故而去者也本國於己無大難怨已無報怨

之心則違而不適辭國武王討之罪以告衆云撫我則
后虐我則讎若父本無罪而枉被誅殺如五負之徒志在
復讎適辭亦可矣不得以此言格之也若父以罪而受誅
者如闔辛之徒本自不合怨君故辛亦不衆怨也 注未
臣至其難 正義曰既臣之後則身是新君之臣性命非
復己有故不復得爲舊君死節也若未有臣服則舊君之
恩未絕故可還奔舊君之命死其難也言奔命則有命乃
奔之若命不及亦不當還 若使子率 正義曰率謂在
軍前引道率領先行非爲軍之將帥也故不紐云子辭王
將使我以其知魯道者唯此二人故也 及吳至人懼
正義曰杜意拘者道之以伐武城克之謂語吳人云若伐
武城必可克之吳人王犯嘗爲武城之宰與澹臺子羽之
父相善國人懼者謂武城邑人懼子羽爲吳內應劉炫以
爲實克武城今知非者以下傳始云王犯嘗爲之宰國人
懼是未得武城故知此克之是鄫人教吳之語劉以爲伐武
城克之者實克武城國人懼者懼其害魯若然吳師既來

伐魯是顯然行兵不須云王犯與子羽之父相善魯已受
害何須云國人始懼傳既云王犯嘗為之宰文雖武城之
下是為武城之宰澹臺子羽又是武城之人皆據武城而
言故知恐為武城內應傳載澹臺管事者說來伐武城之由
劉安生異見而規杜非也 注以言至出盟 正義曰劉
炫云載書盟主所制自當吳人舜之何由復出魯國又載
書數簡之文耳何須負之且諸言載書未有單稱載者以
為負載器物欲往質於吳以規杜今杜知負載是負載書
者以周禮司盟掌盟載之事故傳云士莊子為載書此上
有特盟之文下即云負載之事故知吳載書也劉以負載
謂肯負器物然則景伯魯之大失親 齊悼公之來也
自負物不近人情而規杜過非也

在五

季康子以其妹妻之即位而逆之季魴

候通焉

魴侯康子叔父

女言其情弗敢與也齊侯怒

夏五月齊鮑牧帥師伐我取譙及闡或譖

胡姬於齊侯

胡姬魯公妾

曰安孺子之黨也六月

齊侯殺胡姬

傳言齊侯無道所以不終

齊侯使如吳請師

將以伐我乃歸邾子

齊未得季姬故請師也吳前為邾討魯懼二國同心故歸

邾子又無道吳子使大宰子餘討之

子餘

大宰

囚諸櫟臺桮之以棘

桮雍也

使諸大夫奉

大子革以為政

革邾大子桓公也為十年邾子來奔傳

秋及齊平

九月臧賓如如齊涖盟

賓如臧會子

齊閭丘明來

涖盟

明閭丘嬰之子也盟不書諱略之

且逆季姬以歸嬖

季姬勸侯所通

者鮑牧又謂羣公子曰使女有馬千乘乎

有馬千乘使爲君也鮑牧本不欲立陽生故譏動羣公子

公子慙之公謂鮑子

或譖子子姑居於潞以察之

潞齊邑

若有之

則分室以行若無之則反子之所出門使

以三分之一行半道便以二乘及潞麋之

以入遂殺之

麋亦東蒔

冬十二月齊人歸讎及聞

季姬嬖故也



注明閭至略之正義曰魯以季女見伐喪邑又屈服求盟是可耻

之事二盟皆不書
者諱其惡而略之

經九年春王二月葬杞僖公

無傳三月而葬速

宋皇

瑗帥師取鄭師于雍丘

書取覆而敗之雍丘縣屬陳留

䟽

注書取覆

而敗之正義曰莊十一年傳例曰覆而敗之曰取其師釋例曰覆者謂威力無備若羅網之所掩覆一軍皆見禽制故以取爲文專制之辭也案傳鄭師圍宋雍丘宋望瑗復於鄭師之外築壘使合表裏受敵無處可逃子姚救之又大敗而宋師乃號令使有能者無死是其合軍盡禽敵人制其死命是於例正合書取也

夏楚人

伐陳秋宋公伐鄭冬十月

傳九年春齊侯使公孟綽辭師于吳

齊與魯平故辭

吳師

吳子曰昔歲寡人聞命今又革之不知

所從將進受命於君

為十年吳伐齊傳

鄭武子賁之

嬖許瑕求邑無以與之

賁達也瑕武子之屬

請外取許

之

瑕請取於他國

故園宋雍丘宋皇瑗圍鄭師

許瑕師

每日遷舍

作邑壘成輒徙舍合其園

壘合鄭師哭子姚救

之大敗

子姚武子賁也

二月甲戌宋取鄭師于雍丘

使有能者無死

惜其能也

以郊張與鄭羅歸

鄭之有能者

夏楚人伐陳陳即吳故也宋公伐鄭

報雍丘

秋

吳城邦溝通江淮

於邦江築城穿溝東北通射陽湖西北至末口入淮通糧道也

今廣陵韓江是

晉趙鞅卜救鄭遇水適火

水火之兆

占諸

史趙史墨史龜

皆晉史

史龜曰是謂沈陽

火

得水故沈

可以興兵

兵陰類也故可以興兵

利以伐姜不利

子商

姜齊姓子商謂宋

伐齊則可敵宋不吉史墨曰

盈水名也子水位也

趙鞅姓盈宋姓子亦盈坎乃行子姓又得北方水位

名

位敵不可干也

二水俱盛故言不可干

炎帝爲火師

神農

有火瑞以火名官

姜姓其後也水勝火伐姜則可史

趙曰是謂如川之滿不可游也

既盈而得水
位故為如川

之滿不可馮游
言其波流盛

鄭方有罪不可救也

鄭以蹇蹇
人故以為有

罪救鄭則不吉不知其他

救鄭則當伐
宋故不吉也

陽虎

以周易筮之遇泰

乾下坤
上泰

之需

乾
下

坎上需泰
六三變

曰宋方吉不可與也

不可與戰泰六五
曰帝乙歸妹以祉

元吉帝乙歸妹五為天子故稱帝乙陰而得
中有似王者嫁妹得如其願受福祿而大吉

微子啓帝

乙之元子也宋鄭甥舅也

宋鄭為昏姻甥舅之
國宋為微子之後今

卜得帝乙之卦
故以為宋吉

社祿也若帝乙之元子歸妹而

有吉祿我安得吉焉乃止

吉在彼則我伐之為不吉

疏

宋公

伐鄭

正義曰虛舉經文者為下趙鞅救鄭起并以終上取鄭師之事也

遇水適火

正義曰服虔云兆南行適

火卜法橫者為土立者為木邪向經者為金背經者為火

因兆而細曲者為水

注趙鞅至水位

正義曰秦本紀

秦伯驩之後為嬴姓也越出宛云趙氏之先與秦同祖其伯驩後世為嬴姓蜚廉有子二人一曰惡來其後為秦一

曰季勝其後為趙今一趙鞅伐宋故以贏子二姓為占也

遇秦之需

正義曰乾下坤上泰乾為天坤為地地在

上天在下象曰天地交泰泰者大也天地交合萬物大通

故名此卦為泰乾下坎上需彖曰需須也言雲在天上須

散而為雨故名此卦為需注不可至大吉正義曰泰

六五曰帝乙歸妹以祉元吉易之文也既引其文又解其

意帝乙紂父殷本紀文也易之爻位五為天子故於六五

之爻稱帝乙也其象曰以祉元吉中以行願六五陰爻也

五是上體之中居天子之位陰而得中有似王者嫁妹得如其願受福祿而大吉王弼云婦人謂嫁曰歸秦者陰陽交通之時也女處尊位履中居順降身應二感以相與中行願不失其禮帝乙歸妹誠合斯義履順居中行願以杜盡夫陰陽交配之宜故元吉也杜說與彼同案易稱高宗伐鬼方者實伐之帝乙歸妹者實嫁之其女有賢德名聞昭著故得載之易象但書典散亡不知嫁與何人爲誰之妻宋鄭甥舅正義曰宋鄭異姓必嫁娶往來或可時實有親故爲甥舅輕言甥舅者言其昏姻勢敵敵則無以相傾宋有福鄭必衰言鄭不可助也冬吳子使來倣師伐齊前年齊與吳謀伐魯齊既與魯成而止故吳恨之反與魯謀伐齊

經十年春王二月邾子益來奔公會吳伐

齊

書會從不與謀

疏

邾子益來奔

正義曰八年歸邾子益于邾傳云邾子人無道吳子使大宰子

餘討之囚諸樓臺拊之以棘蓋將歸吳而囚之今言來奔當是自吳逃而來適魯傳稱齊甥也遂奔齊經不復書其奔齊者凡諸來奔既至魯而更復奔他國者已去其位略賤之不復書齊慶封亦是也 注書會從不與謀

正義曰往年吳來傲師是與我謀也而從不與謀者與謀者謂彼此和同計謀然後共伐則是我為伐主故言及某同行不與謀者謂彼心自定遣來召我則彼為伐主我往會之故言會某伐某今吳伐齊之意已定傲師者來召魯耳於例止當言 三月戊戌齊侯陽生卒 以

赴故不書弒

疏

赴以疾至書弒

正義曰傳稱齊人弒悼公赴于師則陽生被弒矣而經書卒是以疾死

赴也襄七年鄭伯髡頑卒于鄆傳稱子驪使賊夜弒僖公而以瘡疾赴于諸侯知此亦以疾死赴故不書弒也八年臧賔如齊蒞盟齊間丘明來蒞盟是再同盟故赴以名杜不言略之 夏宋人伐鄭 無傳

晉趙鞅帥師侵齊五月公至自伐齊無傳葬

齊悼公無傳衛公孟彊自齊歸于衛無傳葬

疏注書歸齊納之正義曰定十四年衛公孟彊出奔鄭自鄭奔齊故今自齊歸衛也成八年傳例曰凡

去其國諸侯納之曰歸此書自齊歸知是齊納之薛伯夷卒無傳赴以**疏**注赴

以名故書正義曰定十三年薛弑其君比秋葬薛此夷當代為君爾來未同盟而赴以名故書

惠公無傳冬楚公子結帥師伐陳吳救陳季

不書陳人來告不以名**疏**注季子至以名正義曰傳稱延州來季子救陳即是季札也札以襄二十九

年來聘書名則此亦宜書名今不書者陳人來告不以名也

傳十年春邾隱公來奔齊甥也故遂奔齊

終子貢之言公會吳子邾子邾子伐齊南鄙師于

郎郎齊地邾邾不書兵并屬吳不列於諸侯齊人弒悼公赴于師說以

吳吳子三日哭于軍門之外徐承帥舟師

將自海入齊齊人敗之吳師乃還承吳大夫夏

趙鞅帥師伐齊經書侵以侵告大夫請卜之趙孟

曰吾卜於此起兵謂往歲卜伐宋不吉利以伐姜故今興兵事不再

令再令卜不襲吉襲重行也於是乎取犁

及轅

穆一名隰濟南有限陰縣祝阿縣西有轅城

毀高唐之郭侵及

賴而還

疏

注穆一名隰正義曰黎即黎丘也二十三年傳稱齊晉戰于黎丘知伯親禽趙盾

庚即涿聚也二十七年傳陳成子召邾邾聚之子晉曰隰之役而父死焉是黎一名隰

秋吳子

使來復傲師

伐齊未得志故為明年吳伐齊傳

冬楚子期伐陳

陳即吳故

吳延州來季子救陳謂子期曰二君

不務德

二君吳楚

而力爭諸侯民何罪焉我請

退以為子名務德而安民乃還

季子吳王壽夢少子也壽

夢以襄十二年卒至今七十七歲壽夢卒季子已能讓國年當十五六至今蓋九十餘

疏

注季子至十餘

正義曰襄昭之傳稱延州來季子者皆是季札也此說務德安氏是大賢之事亦當是札故計跡其年言雖老猶能將兵也孫毓以為季子食邑於州來世稱延州來季子猶趙氏世稱趙孟知氏世稱知伯延州來季子或是札之子與孫也

經十有一年春齊國書帥師伐我夏陳轅頗

出奔鄭

書名貪也

五月公會吳伐齊甲戌齊國

書帥師及吳戰于艾陵齊師敗績獲齊國

書

公與伐而不與戰艾陵齊地

秋七月辛酉滕子虞母卒

無傳赴以

跡

注赴以名故書之 正義曰四年滕子結卒虞母代結為君爾來未同盟來赴故書

也冬十有一月葬滕隱公無衛世叔齊出

奔宋書名淫也

傳十一年春齊爲鄆故鄆在前年國書高無平

帥師伐我及清清齊地濟北慮縣東有清亭季孫謂其宰

冉求冉求魯人孔子弟子曰齊師在清必魯故也若之

何求曰一子守二子從公禦諸竟季孫曰

不能自度力不能使二子禦諸竟求曰居封疆之間封疆竟內近郊

之季孫告二子二子叔孫孟孫也二子不可求曰若

不可則君無出一子帥師背城而戰不屬

者非魯人也屬臣屬也言魯之羣室衆於齊

之兵車羣室都邑居家一室敵車優矣子何患焉

二子之不欲戰也宜政在季氏言二子根季氏專政故不

盡力當子之身齊人伐魯而不能戰子之耻

也大不列於諸侯矣季孫使從於朝使冉求隨

己之公朝俟於黨氏之溝黨氏溝朝中地名武叔呼而問

戰焉問冉求對曰君子有遠慮小人何知懿

子強問之對曰小人慮材而言量力而共

者也

言子所問非已材力所及故不能言

武叔曰是謂我不成丈

夫也

知冉求非已不欲戰故不對

退而蒐乘

蒐閱

孟孺子

洩帥右師

孺子孟懿子之子武伯彘

顏羽御邴洩爲右

子

孟氏臣

冉求帥左師管周父御樊遲爲右

樊遲

魯人孔子弟子樊須

季孫曰須也弱有子曰就用命焉

雖年少能用命有子冉求也

季氏之甲七千冉有以武城

人三百爲已徒卒

步兵精兵

老幼守宮次于雩

門之外

南城門也

五日右師從之

五日乃從言不欲戰

公叔

務人

務人公爲昭公子

見保者而泣

保守城者

曰事充

繇役煩

政重

賦稅多

上不能謀士不能死何以治民

吾既言之矣敢不勉乎

既言人不能死已不敢不死

師及

齊師戰于郊齊師自稷曲

稷曲郊地名

師不踰

溝樊遲曰非不能也不信子也請三刻而

踰之

與衆三刻約信

如之衆從之

如樊遲言乃踰溝

師入齊

軍

舟求之師

右帥奔齊人從之

逐右師

陳轅陳莊

涉泗

二陳齊大夫

孟之側後入以爲殿

之側孟氏族也字反

抽

矢策其馬曰馬不進也

不欲伐善

林不狁之伍

曰走乎

不狁魯士五人爲伍敗而欲走

不狁曰誰不如

我不如誰而欲

走曰然則止乎不狁曰惡賢

言止戰惡足爲賢皆無戰志

徐步而死

徐行而死言魯非無壯士但季孫不能使

師獲甲首八十

冉求所得

齊人不能師

不能整其師

宵謀曰齊人遁

謀間

也冉有請從之三季孫弗許孟孺子語人

曰我不如顏羽而賢於邴洩

二子與孟孺子同車

子羽

銳敏

子羽顏羽銳精也敏疾也言欲戰

我不欲戰而能默

心雖不欲口不

言洩曰驅之

言驅馬欲奔

公爲與其嬖僮汪錡

乘皆死皆殯

皆俱也

孔子曰能執干戈以衛

社稷可無殤也

時人疑童子當殤

冉有用矛於齊師

故能入其軍孔子曰義也

言能以義勇不書戰不皆陳也不書敗勝

負不殊

䟽

注時人疑童子當殤正義曰喪服大功章云子女子子之長殤中殤傳曰何以大功未成人

也年十九至十六爲長殤十五至十二爲中殤十一至八歲爲下殤不滿八歲以下皆爲無服之殤其於服也長殤

中殤降成人一等下殤降二等此汪錡蓋長殤也時人疑其當降服又葬殤之禮亦異成人檀弓云周人以殷人之

棺槨葬長殤以夏后氏之望周葬中殤下殤以夏陳葬
有虞氏之瓦棺葬無服之殤是其異於成人也

頗出奔鄭初轅頗爲司徒賦封田以嫁公

女

封內之田
悉賦稅之

有餘以爲已大器

大器鐘
鼎之屬

國人

逐之故出道渴其族轅咺進稻醴梁糗服

脯焉

糗乾
飯也

喜曰何其給也對曰器成而具

具此
醴糗

曰何不吾諫對曰懼先行

恐言不從
先見逐

疏

稻醴梁糗服脯

正義曰周禮酒正辨五齊之名二曰醴
齊鄭玄云醴猶醴也成而汁滓相將如今之恬酒矣則醴

是濁酒也月令命作酒云秬稻必齊是以稻爲醴也釋草
云蘩赤苗芑白苗郭璞曰今之赤梁粟好梁粟皆好穀也

內則鄭玄注云服脩插臍施薑桂也

為郊戰故公會吳子伐齊

欲

報也五月克博壬申至于嬴

博嬴齊邑也二縣皆屬泰山

中

軍從王

吳子

胥門巢將上軍王子姑曹將

下軍展如將右軍

三將吳大夫

齊國書將中軍

高無平將上軍宗樓將下軍陳僖子謂其

弟書爾死我必得志

書子占也欲獲死事之功

示子陽與

問丘明相厲也

相勸厲致死子陽宗樓也

桑掩鼻御國子

國子國書

公孫夏曰二子必死

亦勸勉之

將戰公孫夏

命其徒歌虞殯

虞殯送葬歌曲示必死

陳子行命其徒

具含玉

子行陳逆也具含玉亦示必死

公孫揮命其徒曰人尋

約吳髮短

約繩也八尺為尋吳髮短欲以繩貫其首

東郭書曰三戰

必死於此三矣

三戰夷儀五氏與今

使問弦多以琴

弦多

齊人也六年奔魯問遺也

曰吾不復見子矣

言將死戰

陳書曰

此行也吾聞鼓而已不聞金矣

鼓以進軍金以退軍不聞

金言將死也傳言吳師殯齊人皆自知將敗

甲戌戰于艾陵展如敗

高子

齊上軍敗

國子敗胥門巢

吳上軍亦敗

王卒助

之大敗齊師獲國書公孫夏間亡明陳書

東郭書革車八百乘甲首三千以獻于公

公以兵從故以勞公將戰吳子呼叔孫叔孫武曰而事何

也問何對曰從司馬從吳司馬所命王賜之甲劍鉞

曰奉爾君事敬無廢命叔孫未能對衛賜

進賜子貢孔曰州仇奉甲從君而拜拜受公

使大史固歸國子之元歸於齊也元首寘之

新篋尉之以玄纁也加組帶焉寘書于

其上曰天若不識不衷何以使下國

言天識不善故

殺國子

吳將伐齊越子率其衆以朝焉王及

列士皆有饋賂吳人皆喜唯子胥懼曰是

秦吳也夫

秦養也若人養養
牲非愛之將殺之

諫曰越在我心

腹之疾也壤地同而有欲於我

欲得吳

夫其

柔服求濟其欲也不如早從事焉

從事得

得

志於齊猶獲石田也無所用之

石田不可耕

越不

為沼吳其泝矣使醫除疾而曰必遺類焉

者未之有也盤庚之誥曰其有顛越不共

則剿殄無遺育無俾易種于茲邑盤庚商書也顛越不

共從橫不承命者也剿割也殄絕也育長也俾使也易種轉生種類是商所以興也

今君易之將以求大不亦難乎弗聽使於

齊屬其子於鮑氏為王孫氏私使人至齊屬其子改姓為王

孫欲以辟吳禍反役王聞之使賜之屬鏹以死艾陵役也

屬鏹錫名將死曰樹吾墓檟檟可材也吳其亡

乎三年其始弱矣盈必毀天之道也越人朝之

我齊勝之盈之極也
爲十三年越伐吳起

秋季孫命脩守備曰小勝

大禍也齊至無日矣

善有備

疏

歌虞殯正義曰賈逵云虞殯

連殯歌詩杜云送葬歌曲並不解虞殯之名禮啓殯而葬
葬即下棺反日中而虞蓋以啓殯將虞之歌謂之虞殯歌
者樂也喪者哀也送葬得有歌者蓋挽引之人爲歌聲以助
哀今之挽歌是也舊說挽歌漢初田橫之臣爲之據此挽
歌之有久矣晉初荀顗制禮以吉凶不雜送葬不宜有歌
云之摯虞駁之云詩云君子作歌惟以告哀葬之有歌不
爲害也復存之使問弦多以琴正義曰禮以物遺人
謂之問二十六華衛出公使以弓問子貢論語云問人於
他邦皆是也注鼓以至退軍正義曰周禮大司馬鼓
以興之禮云中軍以鼙令鼓鼓人皆三鼓車徒皆作鼓行
鼙鐃車徒皆行又表乃止鳴鐃且卻鄭注云凡進軍退軍
鼙鐃同其所異者廢鐃而鳴鐃耳如鄭此言則進退皆有

金鼓而杜云鼓以進軍金以退軍者周禮是教戰之法其
臨敵之時欲戰則先擊鼓以動之欲退則先擊金以靜之
接長勺之役公將鼓之是欲戰擊鼓也此傳云吾聞鼓而
已不聞金矣是欲退擊金也 衛賜 正義曰子貢衛人

哉稱衛賜

注盤庚至種類

正義曰彼文云顓越不恭

晉遇茲尤我乃剿殄滅之無遺育無俾易種于茲新邑此

釋字少於彼引之略也孔安國云顓殄越隊也不恭不奉

上命孔言陷隊謂受上命而隊失之杜言從橫不承命謂

其人性自顓越從橫不肯承命意小異也刑名以截辜為

剿剿是割也殄絕育長俾使皆釋詁文也易謂轉易無使轉

至種類不令更有惡子孫也

將死 正義曰吳語云子

胥將死曰而縣吾目於吳門以見越人之入吳國之亡也

遂自殺王愠曰孤不使大夫得有見也乃使取申胥

之尸盛之鵠夷而投之於江賈逵云鵠夷革裹也

冬

衛大叔疾出奔宋

疾即齊也

初疾娶于宋子朝

子朝宋人仕衛為大夫

其娣嬖

娣所娶女之娣

子朝出

出奔孔文

子使疾出其妻而妻之疾使侍人誘其初

妻之娣寘於犂

犂衛邑

而為之一宮如二妻

文子怒欲攻之仲尼止之遂奪其妻或淫

于外州外州人奪之軒以獻

外州衛邑軒車也以獻於君

耻是二者故出衛人立遺使室孔姑

遺疾之弟

孔姑孔文子之女疾之妻

疾臣向魍

為宋向魍臣

納美珠焉與之

城鉏

城鉏宋邑

宋公求珠魍不與由是得罪及

栢氏出

出在十四年

城鉏人攻大叔疾衛莊公

復之

聽使還

使處巢死焉殯於鄆葬於少禘

終言疾之失所也巢鄆少禘皆衛地

初晉悼公子愁亡在衛使其

女僕而田

僕御田獵

大叔懿子止而飲之酒

懿子大叔儀之

孫遂聘之生悼子

悼子大

悼子即位故夏

戊爲大夫

夏戊悼子之甥

悼子亡衛人翦夏戊

翦削其爵

邑孔文子之將攻大叔也訪於仲尼仲尼

曰胡簋之事則嘗學之矣

胡簋禮器名夏曰胡用曰簋

甲

兵之事未之聞也退命駕而行曰鳥則

木木豈能擇鳥以鳥自喻文子遽止之曰圉豈

敢度其私訪衛國之難也圉文子名度謀也將止仲尼

止魯人以幣召之乃歸於是自衛反魯樂正雅頌各得其所**疏**

注胡簋至曰簋正義曰胡簋行禮所用之器故以胡簋言禮事論語衛靈公問曰俎豆之事意亦同也明堂位說四代之器云有虞氏之兩敦夏后氏之四連敦之六胡周之八簋如記文則夏器名連般器名瑚而包咸鄭玄等注論語賈服等注此傳皆云夏曰胡杜亦同之或別有所據或相從而誤甲兵至聞也正義曰對靈公軍旅之事未之學也其意亦與此同軍旅甲兵亦治國之具也此文子非禮欲國內用兵靈公空問軍陳故並不荅非經甲

兵也魯人至乃歸正義曰孔子世家云季康
子使公華公賓公林以幣迎孔子孔子歸是也

季孫

欲以田賦

丘賦之法因其田財通出馬一疋牛三頭
今欲別其田及家財各爲一賦故言田賦

使

冉有訪諸仲尼仲尼曰丘不識也三發

三發

問卒曰

卒終也

子爲國老待子而行若之何

子之不言也仲尼不對

不公答

而私於冉有

曰君子之行也

行政事

度於禮施取其厚事

舉其中斂從其薄如是則以丘亦足矣

丘十

六井出戎馬一匹牛
三頭是賦之常法

若不度於禮而貪冒無厭

則雖以田賦將又不足且子季孫若欲行而法則周公之典在若欲苟而行又何訪焉

弗聽

為明年用田賦傳

疏

注丘賦至田賦正義曰司馬法方里為井四井為邑四邑為丘丘

出馬一匹牛三頭四丘為甸甸乃有馬四匹牛十二頭是為革車一乘今用田賦必改其舊但不知若為用之賈逵以為欲令一井之間出一丘之稅井別出馬一匹牛三頭若其如此則一丘之內有一十六井其出馬牛乃多於常一十六倍且直云用田賦何知使井為丘也杜以如此則賦稅大多非民所能給故改之舊制丘賦之法田之所收及家內資財并共一馬三牛今欲別其田及家資各為一賦計一丘民之家資令出一馬三牛又計田之所收更出一馬三牛是為所出倍於常也舊田與家資同賦今欲別賦其田故言欲以田賦也

春秋正義卷第三十五

修職郎新差充婺州學教授趙 升棟點勘

春秋正義卷第三十六

哀公

哀公

國子祭酒上護軍曲阜縣開國子臣孔穎達等奉

勅撰

經十有二年春用田賦

直書之者以
示改法重賦

疏

至重賦

正義曰用田賦者用田之所收以為賦令之出牛馬也依
實直書之以示改常法重賦歛成元年作丘甲甲是造作
之物故言作馬牛賦稅以充之非造作之物且
錢其賦不譏其作故書用言舊不用而今用之

夏五月

甲辰孟子卒

魯人諱要同姓謂之孟
子春秋不改所以順時

疏

注魯人至
順時正

義曰論語云君要於吳為同姓謂之吳孟子是魯人常言
稱孟子也坊記云魯春秋去夫人之姓曰吳其死曰孟子

卒是舊史書爲孟子卒及仲尼脩春秋以魯人已知其非諱而不稱姬氏諱國惡禮也因而不改所以順時世也魯春秋去夫人之姓曰吳春秋無此文坊記云然者禮夫人初至必書於策若娶齊女則云夫人姜氏至自齊此孟子初至之時亦當書曰夫人姬氏至自吳同姓不得稱姬舊史所書蓋直云夫人至自吳是去夫人之姓直書曰吳而已仲尼脩春秋以犯禮明著公會吳于橐臯橐臯在淮全去其文故今經無其事

南遼道縣東南

秋公會衛侯宋皇瑆于鄆

鄆發陽也廣陵海陵縣東

南有發繇口

疏

注鄆發陽也正義曰十七年傳云孟武伯問於高柴曰諸侯盟誰執牛耳季羔曰發陽

之役衛石魋指此會也知鄆即發陽一地二名也

宋向巢帥師伐鄭冬十

有一月螽

周十二月今十月是歲應置閏而失不置雖書十二月實今之九月司歷十一月九

月之初尚溫
故得有燕

傳十二年春王正月用田賦終前年事夏五月昭

夫人孟子卒昭公娶于吳故不書姓諱娶同姓故謂

之孟子若宋女死不赴故不稱夫人不稱夫人故不言薨不反哭

故不言葬小君反哭者夫人禮也以同姓故不成其夫人喪孔子與弔

適季氏季氏不絕放經而拜孔子始老故與弔也親喪冠也孔子

以小君禮往弔季孫不服喪故去經從主節制注諱娶至宋女正義曰諱娶同姓不得謂之吳女宋是

子姓長女字孟故惠公元妃謂之孟子今亦稱孟子者全改其本若言此夫人是宋國之長女也釋例曰經書孟子

卒傳言昭公娶于吳故不書姓此爲昭公加諱不復繫吳
改其姓號傳因而弗革也論語謂之吳孟子蓋時人常言
非經傳正文也而賈氏以爲言孟子若言吳之長女也稱
吳長女旣不異於同姓且娶同姓長之與少未聞其異無
所爲別也 注反哭至人喪 正義曰禮旣葬日中自墓
反虞於正寢所謂反哭於寢反哭者是夫人之正禮也季
氏以同姓之故不戒其夫人之喪不爲反哭故不書葬所
以懲臣子之過也釋例曰若昭之孟子者以同姓爲關生
革其姓過而知悔也然吳之大伯下及魯昭於親遠矣所
諱在於名義而已居夫人之位籍小君之尊已三世矣季
氏當國而不爲之服至今仲尼釋己之經國朝不成其喪
以世適夫人不書於策此季氏之咎也杜言不書於策謂
不以夫人之禮書於經也 注孔子至節制 正義曰杜以
孔子與弔明其已去臣位若在臣位則服小君之喪不得
云與弔而已故云孔子始老始老者謂始致事也劉炫云
魯十六年仲尼卒哀公諱之子貢譏云生不能用則是哀

公不用仲尼爲臣也又世家及語書無云仲尼仕於哀公杜焉得云孔子始老乎今知不然者以上十一年傳稱仲尼在衛魯又以幣召之是召之而來當以任用故冉有云子爲國老待子而行後乃致事故孟子之喪而來與弔若哀公全不能用何須以幣召之但哀公不用其言故云生不能用於傳文上下理甚符同劉以爲不仕哀朝以規杜過非也喪服齊衰三月章曰爲舊君君之母妻傳曰爲舊君者孰謂也仕焉而已者也何以服齊衰三月言與民同也君之母妻則小君也鄭玄云仕焉而已者謂老若有廢疾而致仕者也爲小君服者恩深於民也是其服與民同不服臣爲小君之服故與常弔也禮齊衰之喪始死而纔以至於成服纔以代吉冠故以纔爲喪冠也孔子以季孫當服臣爲小君之禮故以小君禮往弔季氏傳言適季氏謂適季氏哭位故杜言往弔謂就其哭位也季孫旣不服喪二子不得哭弔服故去纔從主節制也大夫之弔服弁經鄭玄云弁經者如爵弁而素而加環經經大如纆之經纆而不以

也曲禮云凡非弔喪非見國君無不荅拜者鄭立云喪賓
不荅拜不自賓客也禮弔無拜法而此言孔子放經而拜
者記言喪賓不荅拜謂喪王既拜賓賓不荅拜耳其初見
主人或弔者先拜據此傳文必有拜法記無其事記不具

耳公會吳于橐皋吳子使大宰嚭請尋盟

尋鄭公不欲使子貢對曰盟所以周信也周

盟故心以制之義制其玉帛以奉之奉賢明神言以結

之信結其明神以要之要以禍福寡君以為苟有盟

焉弗可改也已若猶可改日盟何益今吾

子曰必尋盟若可尋也亦可寒也尋重也寒歇也乃

不尋盟吳衛會于衛初衛人殺吳行人且

姚而懼謀於行人子羽子羽衛大夫子羽曰吳方

無道無乃辱吾君不如止也子木曰吳方

無道子木衛大夫國無道必弃疾於人吳雖無

道猶足以患衛為衛患也往也長木之斃無不

標也標擊國徇之瘼無不噬也瘼任也噬齧也而況大

國乎秋衛侯會吳于鄖公及衛侯宋皇瑗

盟盟不書畏吳竊盟而卒辭吳盟吳人藩衛侯之舍

藩籬子服景伯謂子貢曰夫諸侯之會事既

畢矣侯伯致禮地主歸餼侯伯致禮以禮賓也地主所會主人也餼

物以相辭也各以禮相辭讓今吳不行禮於衛而藩

其君舍以難之難苦困也子盍見大宰乃請東

錦以行以賂吳語及衛故若本不爲衛請者大宰詒曰

寡君願事衛君衛君之來也緩寡君懼故

將止之止執子貢曰衛君之來必謀於其衆

其衆或欲或否是以緩來其欲來者子之

黨也其不欲來者子之讎也若執衛君是

墮黨而崇讎也墮毀也夫墮子者得其志矣

且合諸侯而執衛君誰敢不懼墮黨崇讎

而懼諸侯或者難以霸乎大宰嚭說乃舍

衛侯衛侯歸效夷言子之尚幼子之公孫彌牟曰君

必不免其死於夷乎執焉而又說其言從

之固矣出公輒後卒死於越**疏**注尋重也寒歇也正義曰少牢有司徹云乃尋尸俎鄭

玄云尋溫也引此若可尋也亦可寒也則諸言尋盟者皆以前盟已寒更溫之使熱溫舊即是重義故以尋爲重傳

意言若可重溫使熱亦可歇之使寒故言寒歇不訓寒爲歇也 長木至噬也 正義曰長木喻吳國大也狗瘻喻吳失道也國狗猶家狗言家畜狂狗必齧人也 注盟不至竊盟 正義曰畏吳竊盟恐吳知之故不敢書於策也成二年公及楚人秦人云云盟於蜀傳曰卿不書置盟也於是乎畏晉而竊與楚盟故曰置盟彼以畏晉竊盟故諸侯之卿皆貶而稱人此亦畏吳竊盟宜應貶此三國經遂沒而不書者彼以晉是盟主諸侯不應背晉故貶諸侯之卿以成晉爲霸主此吳以夷禮自處不合主諸侯之盟故與吳盟者悉皆不書是不與吳爲盟主也既不與吳則三國私盟於義可許不合貶責但魯自不書仲尼亦從而不書之耳釋例曰諸侯畏晉而竊與楚盟而貶其卿所以成晉爲盟主也吳之彊大始於會鄆終於黃池凡三會三伐三盟唯書會伐而不書盟者吳以盟主自居而行其夷禮禮儀不典則盟神不蠲非所以結信義昭明德故不錄其盟不與其成爲盟主也既不與吳之爲盟主則宋魯衛

三國私盟可許故無取文是其說也杜言三會三伐三盟者七年會于鄆十二年會于橐臯十三年會于黃池是三會也八年吳伐我十年公會吳伐齊十一年齊國書及吳戰于艾陵是三伐也七年傳云夏盟于鄆衍八年傳云吳入盟而還十三年傳云秋七月辛丑盟吳晉爭先是三盟也注侯伯至生物正義曰侯伯諸侯之長謂盟主也侯伯爲主則諸侯之從已者皆爲賓致禮禮賓當謂有以禮之或設飲食與之宴也地主所會之地主人也常歸生物於賓禮牲生曰籩服虔云致賓禮於地主傳言吳不行禮於衛衛非地主冬十二月螽

季孫問諸仲尼仲尼曰丘聞之火伏而後

蟄者畢

火心星也火伏在今十月

今火猶西流司歷過也

猶西流言未盡沒知是九月歷官失一閏釋例論之備

疏

注猶西至之備正義曰月令季夏之月昏火

星中詩云七月流火毛傳云流下也謂昏而見於西南漸下流也周禮司燧云季秋內火是九月之昏火始入十月之昏則伏矣猶西流者言其未盡沒是夏九月也經書十二月則是夏十月歷官失一閏故以九月爲十月釋例長歷言諸儒皆以爲時實周之九月而書十二月謂之再失閏若如其言乃成三失非但再也今以長歷推春秋此十二月乃夏之九月實周之十一月也此年當有閏而今不置閏此爲失一閏月耳十二月不應蝥故季孫怪之仲尼以斗建在戌火星尚未盡沒據今猶見故言猶西流明夏之九月尚可蝥也季孫雖聞仲尼此言猶不即改明年十二月復蝥於是始悟十四年春乃置閏欲以補正時歷也傳於十五年書閏月蓋置閏正之欲明十四年之閏於法當在十二年也

宋鄭之間有隙地焉

隙地

曰彌作

頃丘王暢蝥戈錫

凡六

子產與宋人爲成

曰勿有是

俱奔之

及宋平元之族自蕭奔鄭

在定十五年

鄭人爲之城邑弋錫

城以處平元之族

九月宋

向巢伐鄭取錫殺元公之孫遂圍邑十二

月鄭罕達救邑丙申圍宋師

此事經在十二月盡上今倒在下更

具列其月以爲別者丘明本不以爲義例故不甘齊同

疏

注此事至齊同正義曰杜以此與經別故言

丘明不以爲義例故使文不齊同劉炫以爲傳說當時事耳更倒本隙地之事載其日月使與明年相接今知不然者案宣二年壬申朝于武宮是十月五日下午乃云冬趙盾爲旌車之族彼注云壬申是十月五日也既有日而無月冬又在壬申下明傳文無較例彼既無倒本其事與後年相接足知此亦不爲倒本其事使九月在十二月之下明

傳因簡牘舊文或日月前後不以爲例若以倒叙其事爲後年張本實傳之上下凡倒叙事爲後年張本者唯道事之所由不具載其日月劉以此而規杜過非也

經十有三年春鄭罕達帥師取宋師于岳

書取覆而敗之夏許男成卒無傳公會晉侯及吳子

于黃池陳留封丘縣南有黃亭近濟水夫差欲霸中國尊天子自去其僭號而稱子以告令諸侯

故史承而書之**疏**注夫差至書之正義曰七年會吳于鄭十二年會吳于素臯皆不稱子此稱吳子故解之夫差欲

霸中國尊天子而自號爲王則諸侯不服故去僭號自稱吳子以告令諸侯故諸侯之策承而書曰吳子吳語說此事云晉侯命董褐告吳王曰今君奄王東海以淫名聞於天下君有短垣而自踰之況蠻荆則何有於周室夫命圭

有命固曰吳伯不曰吳王諸侯是以敢辭夫諸侯無二王而周無二王君若無卑天子而曰吳公孤敢不順從君命吳王許諾是其去僭號也於此會去王號耳其於吳國猶稱王不改也

楚公子申帥師

伐陳

傳無

於越入

吳秋公至自會

傳無

晉魏曼

多帥師侵衛

傳無

葬許元公

傳無

九月螽

無傳書災

冬

十有一月有星孛于東方

無傳平旦衆星皆沒而孛乃見故不言所在之

次
疏

注平旦至之次正義曰公羊傳曰孛者何彗星也其言于東方何見于旦也杜用彼說衆星皆沒

故不言所在之次

盜殺陳夏區夫

無傳稱盜非大夫

十有二月

螽

無傳前年季孫雖聞仲尼之言而不正歷失閏至此年故復十二月螽實十一月

傳十三年春宋向魍救其師

救前年圍品師

鄭子賁

使徇曰得栢魍者有賞魍也逃歸遂取宋

師于品獲成謹郤延

二子宋大夫

以六邑爲虛

虛空

之名不有夏公會單平公晉定公吳夫差于黃

池

平公周卿士也不書尊之不與會也

六月丙子越子伐吳爲二

隧

隧道也

疇無餘謳陽自南方

二子越大夫

先及郊

吳大子友王子地王孫彌庸壽於姚自泓

上觀之

觀越師泓水名

彌庸見姑蔑之旗

姑蔑越地今東陽大末縣

曰吾父之旗也

彌庸父爲越所獲故
貼蔑人得其旌旗

不可以見讎

而弗殺也。大子曰：戰而不克，將亡國，請待

之。彌庸不可，屬徒五千。

屬會也

王子地助之。乙

酉，戰。彌庸獲疇，無餘地。獲謳、陽越。子至王

子地守丙戌，復戰，大敗吳師，獲大子友王

孫彌庸，壽於姚。

地守故
不獲

丁亥，入吳。吳人告敗

于王。王惡其聞也。

惡諸侯
聞之

自剄七人於幕下。

以絕口

秋七月辛丑，盟吳晉，爭先。

爭歃血
先後

吳人

曰於周室我爲長

吳爲大伯
後故爲長

晉人曰於姬姓

我爲伯

伯爲侯

趙鞅呼司馬寅

寅晉大夫

曰日旰

矣

旰肝晚也

大事未成二臣之罪也

大事盟也二臣鞅與寅

建鼓整列二臣死之長幼必可知也對曰

請姑視之反曰肉食者無墨

墨氣色下

今吳王

有墨國勝乎

國爲敵所勝

大子死乎且夷德輕不

忍久請少待之

少待無與爭

乃先晉人

盟不書諸侯耻之故不錄

吳人將以公見晉侯子服景伯對使者曰

王合諸侯則伯帥侯牧以見於王

伯王官伯侯牧方伯

伯合諸侯則侯帥子男以見於伯

伯諸侯長

自王

以下朝聘玉帛不同故敝邑之職貢於吳

有豐於晉無不及焉以爲伯也今諸侯會

而君將以寡君見晉君則晉成爲伯矣敝

邑將改職貢魯賦於吳八百乘若爲子男

則將半邾以屬於吳

半邾三百乘

而如邾以事晉

如邾六
百乘

且執事以伯召諸侯而以侯終之何

利之有焉吳人乃止既而悔之

謂景伯欺之

將囚

景伯景伯曰何也立後於魯矣

何景伯名

將以

二乘與六人從遲速唯命遂囚以還及戶

牖

戶牖陳留外黃縣西北東昏城是

謂大宰曰魯將以十月上

辛有事於上帝先王季辛而畢何世有職

焉

有職於祭事

自襄以來未之改也

魯襄公

若不

會祝宗將曰吳實然

言魯祝宗將告神云景伯不

以是且謂魯不共而執其賤者七人何損焉

惑之

大宰嚭言於王曰無損於魯而祇為名為適

名不如歸之乃歸景伯吳申叔儀乞糧於

公孫有山氏申叔儀吳大夫公孫有山魯大夫舊相識曰佩玉繁兮

余無所繫之繁然服飾備也已獨無以繫佩言吳王不恤下旨酒盛兮

余與褐之父睨之一盛一器也睨視也褐寒賤之人言但得視不得飲對

曰梁則無矣麤則有之若登首山以呼曰

庚癸乎則諾軍中不得出糧故為私隱庚西方主戰癸北方主水傳言吳子不與士共飢渴

所以王欲伐宋殺其丈夫而囚其婦人以宋不亡會黃池

故言吳
子悼哉

大宰嚭曰可勝也而弗能居也乃歸

冬吳及越平

終伍員之言

疏

趙鞅至知也正義曰如
此傳文則趙鞅先欲與吳

戰也吳語云吳晉爭長未成邊遽仍至以越亂告吳王懼
乃合大夫而謀曰無會而歸與會而先晉孰利王孫雎先
對曰二者莫利必會而先之乃爲吳王設計布陳雞鳴乃
定去晉軍一里昧明王乃秉枹鳴鼓三軍皆譟聲動天地
於是晉軍大駭乃令董褐請事賈逵等皆云董褐司馬寅
也如彼文則吳請先戰國語各記其國之事言有彼此故
其文不同注二臣鞅與寅正義曰杜以鞅呼寅與語
明其同憂國事故以二臣爲鞅與寅也劉炫以爲吳晉二
臣今知不然者以趙鞅呼司馬寅自相與語云建鼓整列
二臣死之皆是鞅寅自謂故知二臣鞅與寅也鞅旣不共
吳臣對論曲直何得以二臣爲吳晉之臣劉以爲吳晉之
臣而規杜氏非也建鼓正義曰建立也立鼓擊之與戰

也。大射禮云：建鼓在阼階西。鄭玄云：建猶樹也。以木貫而載之，樹之跗也。彼謂立之於地，所謂般人鼙鼓與此別也。反曰：至死乎？正義曰：吳語說此事云：董褐既致命，乃告趙鞅曰：臣觀吳王之色，類有大憂。小則嬖妾適子死，不然則國有難。大則越入吳，將毒不可與戰。主其計之說與此傳小異。乃先晉人。正義曰：吳語說此事云：吳公先敵晉侯亞之。與此異者，經書公會晉侯及吳子，傳稱公會單平公。晉定公、吳夫差、吳皆在下。晉實先矣。經據魯史策書傳采魯之簡牘，魯之所書必是。依實國語之書當國所記，或可曲筆直己，辭有抑揚，故與左傳異者多矣。鄭玄云：不可以國語亂周公所定法。傳玄云：國語非丘明所作，凡有共說一事而二文不同，必國語虛而左傳實。其言相反，不可強合也。王合至於伯。正義曰：曲禮云：五官之長曰伯，是職方也。九州之長入天子之國曰牧，於外曰侯。職方者，二伯各主一方。州長者，州牧各主一州。周禮所謂八命作牧，九命作伯是也。王合諸侯，則伯帥侯牧當如康王之

正義曰七年使茅夷鴻請救於吳云魯賦八百乘君之貳也邾賦六百乘君之私也今魯賦八百乘以貢於吳以吳爲伯故也吳今帥魯以見於晉則吳爲州牧魯爲子男晉成伯矣邾是子爵以六百乘貢吳邾以吳爲伯故也魯既以晉爲伯吳爲牧牧卑於伯則將半邾三百乘以屬於吳而如邾六百乘以事於晉也魯將至而畢正義曰七月辛丑盟囚景伯以還今景伯稱十月當謂周之十月周之十月非祭上帝先公之時且祭禮終朝而畢無上辛盞於季辛之事景伯以吳信鬼皆虛言以恐吳耳注一成至得飲正義曰酒盛於器故謂一器爲一盛說文云

邪視也詩云無衣無褐何以卒歲鄭玄云褐毛布也人之
貴者無衣賤者無褐是褐者寒賤人之衣服也言我與彼
褐之父但得共邪視之不得飲之告己之乏食也對曰
至則諾正義曰食以稻粱為貴故以粱表精若求粱米
之飯則無矣麤者則有之若我登首山以叫呼庚癸乎女
則諾軍中不得出糧與人故作隱語為私期也庚在西方
穀以秋熟故以庚主穀癸在北方居水之位故以癸主水
言欲致飯并致飲也土地名首山闕不知其處當在吳所
營軍之旁吳及越平正義曰言吳不能
報越求與之平終伍負所謂三年始弱也

經十有四年春西狩獲麟

麟者仁獸聖王之嘉瑞也時無明王出而

遇獲仲尼傷周道之不興感嘉瑞之無應故因魯春秋而
脩中興之教絕筆於獲麟之一句所感而作固所以為終
也冬獵曰狩蓋虞人脩常職故不書狩
者大野在魯西故言西狩得用曰獲

疏

注麟者至曰獲正義曰

公羊傳曰麟者仁獸也何休云一角而戴肉設武備而不爲害所以爲仁也鄭玄詩箋云麟角之末有肉示有武而不用釋獸云麋麇身牛尾一角李巡曰麟瑞應獸名孫炎曰靈獸也京房易傳曰麟麇身牛尾狼額馬蹄有五采腹下黃高丈二廣雅云麒麟狼頭肉角含仁懷義音中鍾呂行步中規折旋中矩遊必擇土翔必有處不履生蟲不折生草不羣不旅不入陷穽不入羅網文章斌斌說文云麒麟獸從鹿其聲麟大牡鹿也從鹿葬聲公羊傳曰麟有王者則至無王者則不至孝經援神契云德至鳥獸則麒麟臻是言麟爲聖王之嘉瑞也此時無明王麟出無所應也出而遇獲失其所以歸也夫以靈瑞之物輒軻若是聖人見此能無感乎所以感者以聖人之生非其時道無所施言無所用與麟相類故爲感也仲尼見此獲麟於是傷周道之不興感嘉瑞之無應故因魯春秋文加褒貶而修中興之教若能用此道則周室中興故謂春秋爲中興之教也春秋編年之書不待年終而絕筆於獲麟之一句者本

以所感而作故所以用此爲終也釋天云冬獵爲狩周之
春夏之冬故稱狩也桓四年公狩于郎莊四年公及齊人
狩于糒糒郎二者公親行皆書公狩此狩不書公卿者蓋
是虞人賤官自脩常職公卿不行故不書狩者石氏此狩
常事本不合書書之爲獲麟故也傳稱狩于大野大野之
澤在魯國之西故言西狩得用曰獲定九年傳刊也杜以
獲麟之義唯此而已先儒穿鑿妄生異端公羊傳曰有以
告者曰有麇而角者孔子曰孰爲來哉孰爲來哉反袂拭
面涕沾袍曰吾道窮矣說公羊者云麟是漢將受命之瑞
周士天下之異夫子知其將有六國爭彊秦項交戰然後
劉氏乃立夫子深閔民之離害故爲之預泣麟者太平之
符聖人之類又云麟得而死此亦天告夫子將沒之徵也
案此時去漢二百七十有餘年矣漢氏起於匹夫先無王
迹前期三百許歲天已豫見衛元其爲靈命何大遠乎言
既不經事無所據苟佞時世妄爲虛誕故杜氏序云至於
反袂拭面稱吾道窮亦無取焉然觀其虛誕鄙其妖妄故

無所取之也說左氏者云麟生於火而遊於土中央軒轅
大角之獸孔子作春秋春秋者禮也脩火德以致其子故
麟來而爲孔子瑞也秦德侯陳欽說麟西方毛蟲金精也
孔子作春秋有立言西方兌爲口故麟來許慎稱劉向尹
更始等皆以爲吉凶不並瑞災不兼今麟爲周異不得復
爲漢瑞知麟應孔子而至鄭玄以爲脩母致子不如立言
之說密也賈逵服虔穎容等皆以爲孔子自衛反魯考正
禮樂脩春秋約以周禮三年文成致麟麟威而至取龍爲
水物故以爲脩母致子之應若然龍爲水物以其育於水
耳麟生於火豈其產於火乎孔子之作春秋門徒盡知之
矣而明親承聖旨目見獲麟丘明何以不言弟子何以不
說子思孟軻去聖尤近荀卿著書尊崇孔德麟若應孔子
而來著書無害不述何乃經傳群籍了爾不言以其既妖且妄故杜絕無所取

小邾射以句

繹來奔

射小邾大夫句繹地名春秋止於獲麟故射
不在三叛人之數自此以下至十六年皆然

史記之文弟子欲存孔子卒故并錄以續孔子所脩之經

疏

注射小至之經正義曰此文與邾庶其黑肱莒

牟夷文同知射是小邾大夫以句繹之地來奔魯也其事既同其罪亦等傳稱庶其等爲三叛人不通數此爲四叛人者以春秋之經止於獲麟獲麟以上褒貶是仲尼之意此雖文與彼同而事非孔意故不數也若然魯史書此舊與彼同則竊地顯名史先然矣而昭三十二年傳盛論書三叛人名懲不義也其善志也杜言書曰故書皆是仲尼新意案此類彼則彼是舊文言新意者仲尼所脩有因有革因者雖是仲尼因舊舊合仲尼之心因而不改即是新意所以彼傳歸功脩者謂之善志爲傳所以脩之既定乃成爲善也故釋例終篇杜自問而釋之云丘明之爲傳所以釋仲尼春秋仲尼春秋皆因舊史策書義之所在則時加增損或仍舊史之無或改舊史之有雖因舊文固是仲尼之書也丘明所發固是仲尼之意也是其說也公羊穀梁之經皆至獲麟而盡左氏之經更有此下事者自此以

下至十六年皆是魯史記事之正文也仲尼所脩脩此記也此上仲尼脩記此下是其本文弟子欲存孔子卒故因經之宋并錄魯之舊史以續孔子所脩之經記仲尼卒之月日示後人使知之耳賈逵亦云此下弟子所記但不言是魯之舊史耳夏四月齊陳恒執其君寘于舒州疏

陳恒執其君正義曰成十七年晉欒書執晉厲公亦先執後弑與此事同彼不書者或此告被不告且此非孔子所脩不可以爲例也庚戌叔還卒無傳五月庚申朔日有

食之

無傳

陳宗賢出奔楚

無傳

宋向魋入于曹

以叛

曹宋邑

莒子狂卒

無傳

六月宋向魋自曹

出奔衛宋向巢來奔齊人弑其君壬子舒

州疏

齊人弑其君壬正義曰宣四年傳例曰凡弑君稱君君無道也稱臣之罪也發凡言例是

周公舊典此魯史不書陳恒之名蓋依凡例以齊君無道故

秋晉趙鞅帥師伐

衛

無傳

八月辛丑仲孫何忌卒冬陳宗賢自

楚復入于陳陳人殺之

無傳

陳轅買出奔楚

無傳有星孛

無傳不言所

饑

無傳

傳十四年春西狩於大野叔孫氏之車子

鉏商獲麟

大野在高平鉏野縣東北大澤是也車子微者鉏商名

以為不祥

以賜虞人

時所未嘗見故怪之虞人掌澤之官

仲尼觀之曰麟

也然後取之

言魯史所以得書獲麟

疏

注大野至商名以正義曰巨謂大也由其

旁有大澤故隱以鉅野爲名其澤在曲阜之西故稱西狩
不書地者得常不書也賈逵云周在西明夫子道繫周
服虔云言西者有意於西明夫子有立言立言之位在西
方故著於西也此澤實在魯西舊史因書西耳仲尼不
改舊史何以得示已意若其本實東狩仲尼不得輒改爲
西以已意之所示妄改魯之狩處雖則「愚知其不可豈
有斯人而爲斯事以此立說何妄之甚杜以車子連文爲
將車之子故爲微者鉅商是其名也家語說此事云叔孫
氏之車子曰子鉅商王肅云車子將車者也子姓鉅商名
今傳無士字服虔云車子士微者也子姓鉅商名以子爲
姓與杜異以爲至虞人正義曰家語云子鉅商采薪
於大野獲麟焉折其前左足載而歸叔孫以爲不祥棄之
於郭外使人告於孔子孔子曰麟也然後取之王肅云傳
曰則此曰采薪時實狩獵鉅商非狩者采薪而獲麟也傳

曰以賜虞人此云棄之於郭外棄之於郭外所以然肅意欲成彼家語今與經傳符同故強爲之辭要其文正乖不可合也今傳言狩而獲麟非采薪不是狩者麟非狩之所獲何以書爲狩乎以賜虞受之矣棄之郭外非賜人之辭不得棄之以爲羊傳曰西狩獲麟何以書記異也何異爾非中一

然則孰狩之薪采者也薪采者則微者也曷爲以釋言之大之也曷爲大之爲獲麟大之也則公羊之意當時實無狩者爲大麟而稱狩也家語雖出孔家乃是後世所錄取公羊之說節之以成文耳不可與左氏合也注言魯至獲麟正義曰若舉國不識則無由得書傳說仲尼觀之言魯史所以得書獲麟由仲尼辨之故也服虔云仲尼名之曰麟明麟爲仲尼至也然則麟非常見魯人所疑仲尼聖者所言必信故魯從而取之此則愚民之信聖也服虔以仲尼名之即云爲仲尼至然則防風之骨肅慎之矢季氏之墳羊楚王之萍實皆問仲尼而後知豈爲仲尼至也

小邾射以句繹來奔曰使季路要我吾無

盟矣

子路信誠故欲得與相要誓而不須盟孔二十弟子既續書魯策以繫於經丘明亦隨而傳之終於哀

公以卒前事其異事則皆略而不傳故此經無傳者多

使子路子路辭季康

子使冉有謂之曰千乘之國不信其盟而

信子之言子何辱焉對曰魯有事于小邾

不敢問故死其城下可也彼不臣而濟其

言是義之也由弗能

濟成也

疏

使子至弗能正義曰季孫之意以

小邾射不信千乘之國而信子路之言是其重子路過於一國子路當以爲榮不宜耻與言約子路之意魯伐小邾

非己能禁將令已言不信不可與射約也又射是竊地叛
臣臣之罪惡者也而子路與之相要便是以射為義耻與
不義交好故齊簡公之在魯也闕止有寵焉

簡公悼公陽生子壬也闕止子戎也事在六年及即位使為政陳成子憚

之驟顧諸朝成子陳常心不安故數顧之諸御鞅言於公

夫曰陳闕不可並也君其擇焉擇用一人弗聽

子我夕夕視陳逆殺人逢之陳逆子行陳氏宗也子我逢之

遂執以入執逆至朝陳氏方睦欲謀齊國故宗族和使疾而

遺之潘沐備酒肉焉使詐病國內潘沐并得肉酒肉潘米注可以沐頭饗

守囚者醉而殺之而逃子我盟諸陳於陳

宗

失陳逆懼其反
為患故盟之

初陳豹欲為子我臣

豹亦陳氏族

使公孫言已

言已介達之

已有喪而止既而言之

既終喪也

曰有陳豹者長而上僂

肩背僂

望視

目望陽

事君子必得志

得君子意

欲為子臣吾憚其為

人也

恐多詐

故緩以告子我曰何害是其在

我也使為臣他日與之言政說遂

之曰我盡逐陳氏而立女若何對曰

於陳氏矣

言已跡遠

且其違者不過數人

遠不從也

何

盡逐焉遂告陳氏子行曰彼得君弗先必

禍子子行舍於公宮

子行逃而隱於陳氏今又隱於公宮

夏五月

主由成子兄弟四乘如公

成子之兄弟昭子莊簡子齒宣子夷穆子

安康丘子意菽子芒盈惠子得凡八人二人共一乘

子我在幄

幄帳也聽政之處

出逆

之遂入閉門

成子入反閉門不納子我

侍人禦之

子我侍人

子

行殺侍人

素在內故得殺之

公與婦人飲酒于檀臺

成子遷諸寢

徙公使居正寢

公執戈將擊之

疑其欲作亂

大

史子餘曰非不利也將除害也言將為公除害成子

出舍于庫以公怒故聞公猶怒將出曰何所無

右子行抽劔曰需事之賊也言需疑則害事誰非陳

宗言陳氏宗族衆多所不殺子者有如陳宗言子若欲出我必殺

子明如乃止子我歸屬徒攻闔與大門闔官中

陳宗皆不勝乃出陳氏追之失道於弇中門公

適豐丘弇中狹路豐丘陳氏邑豐丘人執之以告殺諸

鄆闕齊闕名成子將殺大陸子方子方子我臣陳逆

請而免之以公命取車於道

子方取道中行人車

及彫

衆知而東之

知其矯命奔車逐使東

出雍門

齊城門也

陳豹

與之車弗受曰逆爲余請豹與余車余有

私焉事子我而有私於其讎何以見魯衛

之士

傳言陳氏務施

東郭賈奔衛

賈即子方

庚辰陳恒執

公于舒州公曰吾早從鞅之言不及此

悔不誅陳

疏

盟諸陳於陳宗

正義曰陳宗陳氏宗主謂陳成子也盡集陳氏宗族就成子家盟也

注成子至

一乘

正義曰案世本僂子生昭子莊簡子齒宣子其夷穆子安廩丘子鑿茲芒子盈惠子得

誰非陳宗

正義

曰子行稱國內之人誰非陳宗言陳氏宗族衆多力足成
事何爲畏子我欲出奔所不至陳宗正義曰子行處
其必出故以殺子懼之陳宗謂陳之先人此稱有如陳宗
由定六年孟懿子謂范獻子曰所不以陽虎爲中軍司馬
者有如先君彼注云稱先君以傷其言此亦然也服虔云
陳宗先祖鬼神也注闢官至門也正義曰釋官云官
中之門謂之闢孫炎曰官中相通小門也成子在公宮內
知大門公門也計闢在宮內必是得入大門乃得至闢今
言攻闢與大門皆不勝者公宮非上一門蓋
幾別門而入兵得至闢故與大門並攻也

宋桓魋之

寵害於公

恃寵驕盈

公使夫人驟請享焉而將

討之

夫人景公母也數請享飲欲因請討之

未及魋先謀公請以

寧易薄

寧向魋邑薄公邑欲因易邑爲公享宴而作亂

公曰不可薄宗

邑也

宗廟所在

乃益輦七邑而請享公焉

僞喜於受賜

以日中爲期家備盡往

甲兵之備

公知之告皇

野曰余長魍也

少長育之皇野司馬子仲

今將禍余請即

救司馬子仲曰有臣不順神之所惡也而

況人乎敢不承命不得左師不可

左師向魍兄向巢也

請以君命召之左師每食擊鍾聞鍾聲公

曰夫子將食旣食又奏

奏樂

公曰可矣以乘

車往曰迹人來告

主迹禽獸者

曰逢澤有介麋

焉

地理志言途澤在潞陽開
封縣東北遠疑非介大也

公曰雖魍未來得

左師吾與之田若何

呈野稱
公命

君憚告子

難以游
戲煩大

臣野曰嘗私焉

嘗試也

君欲速故以乘車逆

子與之乘至公告之故拜不能起司馬曰

君與之言

使公與
要誓

公曰所難子者上有天下

有先君

言雖誅魍要不負
言使禍難及子

對曰魍之不共宋

之禍也敢不唯命是聽司馬請瑞焉

瑞符
節以

發兵以命其徒攻桓氏

桓氏
向魍

其父兄故臣曰

不可

司馬故臣與桓魋無怨者

其新臣曰從吾君之命遂

攻之子頎騁而告相司馬

子頎相魋弟相司馬即魋也

司

馬欲入

入攻君

子車止之

車亦魋弟

曰不能事君而

又伐國民不與也祇取死焉向魋遂入于

曹以叛

哀八年宋滅曹以爲邑

六月使左師巢伐之欲

質大夫以入焉

巢不能克魋恐公怒欲得國內大夫爲質還入國

不能亦

入于曹取質

不能得大夫故入曹劫曹人子弟而質之欲以自固

魋曰不可

既不能事君又得罪于民將若之何乃舍

之

舍曹子弟

民遂叛之向魋奔衛向巢來奔宋

公使止之曰寡人與子有言矣不可以絕

向氏之祀辭曰臣之罪大盡滅桓氏可也

若以先臣之故而使有後君之惠也若臣

則不可以入矣司馬牛致其邑與珪焉而

適齊

牛桓魋弟也珪守邑符信

向魋出於衛地公文氏攻

之

公文氏衛大夫

求夏后氏之璜焉與之他玉而奔

齊陳成子使爲次卿司馬牛又致其邑焉

而適吳

示不與
同

吳人惡之而反趙簡子召之

陳成子亦召之卒於魯郭門之外阮氏葬

諸丘輿

阮氏魯人也泰山南城縣西北有
輿城錄其卒葬所在隱賢者失所

疏

注主
迹禽

獸者

正義曰周禮地官迹人掌邦田之政凡田獵者受
今焉鄭玄云迹之言跡知禽獸之處也注地理至大也

正義曰漢書地理志云開封縣逢澤在東北或曰宋之逢
澤也臣瓚案汲郡古文梁惠王廢逢忌之藪以賜民今浚
儀縣有逢忌陂是也土地名宋都睢陽計去開封四百餘
里非輕行可到故杜以遠疑非也蓋於宋都之旁別有近
地名逢澤也介大也釋詁文案方言畜無耦曰介杜云大
者逢澤大處不應唯有一麋若迹人止告一麋不應公喚
左師俱獵故以介爲大劉炫以爲一麋而規杜氏非也
注瑞符節以發兵正義曰周禮典瑞云牙璋以起軍旅

以治兵守鄭衆云牙璋瑑以爲牙牙齒兵象故以牙璋發兵若今時以銅虎符發兵也彼用牙璋天子之法諸侯於其封內亦自以瑞發兵其物無文以言之

甲午齊陳恒弑其君壬子

舒州

壬簡公也

孔丘三日齊而請伐齊三公曰

魯爲齊弱久矣子之伐之將若之何對曰

陳恒弑其君民之不與者半以魯之衆加

齊之半可克也公曰子告季孫孔子辭

告退而告人曰吾以從大夫之後也故不

敢不言

嘗爲大夫而去故言後

疏

孔丘至告人正義曰論語錄此事與此小異彼云沐浴

而朝此云齊而請彼云公曰告夫三子此云公曰子告季
孫禮齊必沐浴三子季孫爲長各記其一故不同耳彼於
退而告人之下又云之三子告此無文者傳是史官所錄
記其與君言耳退後別告三子唯弟子知之史官不見其
告故傳無文也初孟孺子洩將圉馬於成洩孟懿子之
子孟武伯也

圉畜養也
成孟氏邑

成宰公孫宿不受曰孟孫爲成之

病不圉馬焉

病謂民
貧困

孺子怒襲成從者不

得入乃反成有司使孺子鞭之

恨恚故鞭成
有司之使人

秋八月辛丑孟懿子卒成人奔喪弗內袒

免哭于衢聽共弗許

請聽命
共使

懼不歸

不敢
歸成

為明年
成叛傳

經十有五年春王正月成叛夏五月齊高

無平出奔北燕無傳鄭伯伐宋無傳秋八月大

雩無傳晉趙鞅帥師伐衛無傳冬晉侯伐鄭無傳

及齊平魯與齊平衛公孟彊出奔齊無傳

傳十五年春成叛于齊武伯伐成不克遂

城輸以偪成夏楚子西子期伐吳及桐汭宣城

廣德縣西南有桐水出白石山西北入丹陽湖陳侯使公孫貞子弔焉弔為

楚所伐

及良而卒

良吳將以尸入地

聘禮若賓死未將命則既歛於

棺造於朝介將命

吳子使大宰嚭勞且辭曰以水潦

之不時無乃廩然墮大夫之尸

廩然傾動貌

以重

寡君之憂寡君敢辭上介芋尹蓋對

蓋陳大夫貞子

上介曰寡君聞楚爲不道荐伐吳國

荐重也

滅

厥民人寡君使蓋備使弔君之下吏

備猶副也

無

祿使人逢天之憾大命墮隊絕世于良

絕世

猶言

廢日共積

廢行道之日以共具殯歛所積聚之用

一日遷次

一日便遷次
不敢留君命

今君命逆使人曰無以尸造于

門是我寡君之命委于草莽也且臣聞之

曰事死如生禮也於是乎有朝聘而終以

尸將事之禮

朝聘道死
以尸行事

又有朝聘而遭喪之

禮

遭所聘
之喪

若不以尸將命是遭喪而還也無

乃不可乎以禮防民猶或踰之今大夫曰

死而弃之是弃禮也其何以爲諸侯主

謂主

也先民有言曰無穢虐士

虐士
死者

備使奉尸

將命苟我寡君之命達于君所雖隕于深淵則天命也非君與涉人之過也吳人內

之

傳言芊尹蓋知禮

疏

注聘禮至將命正義曰聘禮文也服虔云在牀曰尸在棺曰柩禮稱既

歛於棺傳言將以尸入者記言對文耳散則可以通隱元年傳曰贈死不及尸注云尸未葬之通稱也案聘禮賓入竟而死遂也主人爲之具而殯介攝其命君弔介爲主人主人歸禮幣必以用介受賓禮無辭也不饗食此謂入竟未至國都賓死其禮如此聘禮又云若賓死未將命則歛于棺造于朝介將命鄭注云未將命謂俟間之後也此謂賓已至朝主人將欲行禮賓請間之後賓死以柩造朝以尸將事今公孫貞子卒於竟內依禮唯可以尸而入殯於賓館不合以柩造朝以尸將事今上介芊尹云以尸將事者以吳人不納故芊尹引禮深以折之杜以傳有以

將事故引聘禮欽於棺造於朝介將命以釋之其實貞子
當殯於館不得以尸將事也於是至之禮正義曰上
注所引者是聘賓終以尸將事之禮聘禮又云聘遭喪入
竟則遂也不郊勞不筮凡主人畢歸禮賓唯饗餼之受是
聘而遭喪之禮也其朝禮雖亡賓終及主遭喪必亦有禮文六年季文子聘於晉求遭喪之禮是也秋齊

陳瓘如楚

瓘陳恒之兄子玉也

過衛仲由見之

仲由子路

曰

天或者以陳氏爲斧斤旣斲喪公室而他
人有之不可知也其使終饗之亦不可知

也

饗受也

若善魯以行時不亦可乎何必惡

焉

仲由事孔子故爲魯言

子玉曰然吾受命矣子使告

我弟

弟成子也

冬及齊平子服景伯如齊子

爲介見公孫成

公孫成成宰公孫宿也

曰人皆臣人而

有背人之心況齊人雖爲子役其有不貳

乎

言子叛魯齊人亦將叛子

子周公之孫也多饗大利猶

思不義利不可得而喪宗國將焉用之

喪宗

國謂以邑入齊使魯有危亡之禍

成曰善哉吾不早聞命

傳言仲尼

之徒皆忠於魯國

陳成子館客

使景伯子贛就館

曰寡君使恒

告曰寡人願事君如事衛君

言衛與齊同好而魯未肯

景

伯揖子贛而進之對曰寡君之願也昔晉

人伐衛

在定八年

齊爲衛故伐晉冠氏喪車五

百

在定九年冠氏陽平館陶縣

因與衛地自濟以西襍媚

杏以南書社五百

二十五家爲一社籍書而致之

吳人加敝

邑以亂

在八年

齊因其病取譴與闡

亦在八年

寡

君是以寒心若得視衛君之事君也則固

所願也成子病之乃歸成

病其言也

公孫宿以

其兵甲入于羸

羸齊邑

疏

曰人至不來乎

正夢曰人皆臣人謂凡人

臣事於人當一心事上今公孫成而有背人之心謂背無
適齊況他國齊人雖爲子役豈有不學子而爲叛哉
必效子而爲叛故杜云言
子叛魯齊人亦將叛子也
衛孔圉取大子蒯聵

之姊生悝

孔圉孔文子也蒯聵姊孔伯姬

孔氏之賢渾良夫

長而美孔文子卒通於內

通伯姬

大子在戚

孔姬使之焉

使良夫詣大子所

大子與之言曰苟使

我入獲國服冕乘軒三死無與

冕大夫服軒大夫車三死

死罪

與之盟爲請於伯姬

良夫爲大子請

閏月良夫

與大子入舍於孔氏之外圃

圃

昏二人蒙

衣而乘

二人大子與良夫蒙衣爲婦人服也

寺人羅御如孔氏

孔氏之老樂寧問之稱姻妾以告

自稱昏姻家妾

遂

入適伯姬氏既食孔伯姬杖戈而先大子

與五人介與瑕從之

介被甲與瑕豚欲以盟

迫孔慍於

厠強盟之

孔氏專政故劫孔慍欲令逐輒

遂劫以登臺樂寧

將飲酒炙未熟聞亂使告季子

季子子路也爲孔氏邑宰

召獲駕乘車

召獲衛大夫駕乘車言不欲戰

行爵食炙奉衛

侯輒來奔季子將入遇子羔將出

子羔衛大夫高柴孔

子弟子將出奔

曰門已閉矣季子曰吾姑至焉

且欲至門子

羔曰弗及不踐其難

言政不及己可不須踐其難

季子曰食

焉不辟其難

謂食孔氏祿

子羔遂出子路入及門

公孫敢門焉

守門曰無入爲也言輒已出無爲復入

季子

曰是公孫也求利焉而逃其難由不然利

其祿必救其患有使者出乃入

因門闕而入

曰大

子焉用孔惺雖殺之必或繼之

言已然繼孔惺爲難者大

子且曰大子無勇若燔臺半必舍孔叔大

子聞之懼下石乞孟賁敵子路

二子蒯聵也黨敵當也

以

戈擊之斷纓子路曰君子死冠不免

不使冠在地

結纓而死孔子聞衛亂曰柴也其來由也

死矣孔悝立莊公

莊公蒯聵也

莊公害故政欲盡

去之

故政賴之臣

先謂司徒瞞成曰寡人離病於

外久矣子請亦嘗之歸告褚師比欲與之

伐公不果

比褚師聲子為明年瞞成奔起

疏與殺正義曰殺是豕之牡者傳稱諸侯盟

誰執牛耳則盟當用牛此用豕者鄭玄云人君用牛伯姬迫孔悝以殺下人君耳然則蒯聵自謀取國寧復降下人

君於時迫促課得牲耳牲不備牛如孟任割臂以盟莊公楚昭王割子期之心以盟隨人此及明年大子疾與緤為盟皆臨時偏切難以禮論也 注季子至邑宰 正義曰

論語稱子路為季路則字季故呼為季子也使告季子則季子在外下云食焉不辟其難是食孔氏之祿故知為孔氏邑宰 召獲至食炙 正義曰丘明為傳雖詳於當時

而此大煩碎計樂寧飲酒無可記錄又此句顛倒辭義不允若倒此二句則上下各自相連當是後來誤耳 子羔至其難 正義曰子羔謂季子將欲救君故言政不及己不當踐其難季子欲救孔悝故言食其祿焉不辟其難

經十有六年春王正月己卯衛世子蒯聵

自戚入于衛衛侯輒來奔 書此春 二月衛子

還成出奔宋 即瞞 夏四月己丑孔丘卒 仲尼既告

老去位猶書卒者魯之君臣宗其聖德殊而異之魯哀二十二年生至今七十三也四月十八日乙丑無己丑己丑

五月十二日

疏

注仲尼至有誤 正義曰魯臣見為

日月必有誤 乃書其卒致事而卒猶尚不書仲尼書卒者魯之君臣宗其聖德殊而異之故特命史官使書其卒耳孔子世家云魯襄公二十二年而孔子生孔子年七十三以魯哀公十六年四月己丑卒杜自以長歷校之四月十八日有乙丑無己丑己丑乃是五月十二日也日月必有誤者劉炫云春秋之例卿乃書卒縱令仲尼不告老例不合書而杜云告老去位猶書卒非也今知不然者案周禮典命云公侯伯之卿三命大夫再命仲尼為魯大夫夾谷之會攝相事十一年傳云子為國老是大夫尊者則二命以上準例合書故杜為此注或可杜為抑揚之辭以為仲尼縱末去位例不合書告老去位猶書卒者欲明魯之君臣宗其聖德之甚劉不尋杜旨以為例不合書而杜過非也

傳十六年春瞞成褚師比出奔宋

欲伐莊公不果而奔

衛侯使鄆武子告于周

武子衛大夫肸也

曰蒯聵得

罪于君父君毋逋竄于晉晉以王室之故

不弃兄弟寔諸河上

河上戚也

天誘其衷獲嗣

守封焉使下臣肸敢告執事王使單平公

對曰肸以嘉命來告余一人徃謂叔父余

嘉乃成世復爾祿次敬之哉

繼父之世還居君之祿次

方

天之休

言天方授爾以休

弗敬弗休悔其可追

傳終蒯聵之事

夏四月己丑孔丘卒公誄之曰旻天不弔

不愁遺一老俾屏余一人以在位

仁覆閔下故稱旻天

弔至也愁且也俾使也屏蔽也

煢煢余在疚嗚呼哀哉尼父

無自律

疚病也律法也言喪尼父無以自為法

子贛曰君其不

沒於魯乎夫子之言曰禮失則昏名失則

愆失志為昏失所為愆生不能用死而誄

之非禮也稱一人非名也

天子稱一人非諸侯之名

君兩

失之

疏

公誄至自律以通上下親疏遠近

正義曰周禮大祝掌作六辭六曰誄鄭衆曰誄調輓

累生時德行以賜之命主為其辭即引此傳是為賜命之辭也鄭玄禮記注云誅累也累列生時行迹讀之以作謚此傳唯說誅辭不言作謚傳記羣書皆不載孔子之謚蓋唯累其美行示已傷悼之情而賜之命耳不為之謚故書傳無稱焉至漢王莽輔政尊尚儒術封孔子後為褒成侯追謚孔子為褒成宣尼君明是舊無謚也鄭玄禮注云尼父因且字以為之謚謂謚孔子為尼父鄭玄錯讀左傳云以字為謚遂復妄為此解

六月衛侯

飲孔悝酒於平陽

東郡燕縣東北有平陽亭

重酬之大夫

皆有納焉

納財賄也

醉而送之夜半而遣之

夜遣

者慙負孔悝不欲令人見

載伯姬於平陽而行

載其母俱去

及西

門

平陽門

使貳車反祐於西圃

貳副車還取廟主西圃孔氏廟所在

柝藏主
石函

子伯季子初爲孔氏臣新登于公

升爲大夫

請追之遇載柝者殺而乘其車

子伯殺載柝者

許公

爲反柝

孔悝怪載柝者久不來使公爲反逆之

遇之曰與不仁人

爭明無不勝

不仁人謂子伯季子也明無不勝言必勝

必使先射射

三發皆遠許爲許爲射之殪

傳言子伯不仁所以死也或

以其車從

從公

得柝於橐中孔悝出奔宋

禮

注使副至石函

正義曰少牢饋食大夫之祭禮其祭無主鄭玄祭法注云唯天子諸侯有主禘祫大夫

祫無主耳今孔悝得有主者當時僭爲之非禮也鄭
云時異義云大夫無主孔悝之反柝所出公之主耳案孔

氏姑姓春秋時國唯南燕爲姑姓耳孔氏仕於衛朝已歷多世不知本出何國安得有所出公之主也知是僭爲之

齊楚大子建之遇讒也自城父奔宋

在昭十九年

又辟華氏之亂於鄭

在昭二十年

鄭人甚善之又

適晉與晉人謀襲鄭乃求復焉鄭人復之

如初晉人使諫於子木請行而期焉

請行襲鄭之期

子木即建也

子木暴虐於其私邑邑人訴之鄭人

省之得晉諫焉遂殺子木其子曰勝在吳

子西欲召之葉公曰吾聞勝也詐而亂無

乃害乎

葉公子高沈諸梁也

子西曰吾聞勝也信而勇

不為不利舍諸邊竟使衛藩焉

使為藩屏之衛

葉公

曰周仁之謂信

周親也

率義之謂勇

率行也

吾聞

勝也好復言

言之所許必欲復行之不顧道理

而求死士殆有

私乎

私謀復讎

復言非信也期死非勇也

期必也

子

必悔之弗從召之使處吳竟為白公

白楚邑也汝陰

褒信縣西南有白亭

請伐鄭子西曰楚未節也

言楚國新復政令猶

未得節制

不然吾不忘也他日又請許之未起

師晉人伐鄭楚救之與之盟勝怒曰鄭人

在此讎不遠矣

比子西於鄭人

勝自厲劒子期之子

平見之曰王孫何自厲也曰勝以直聞不

告女庸爲直乎將以殺爾父平以告子西

子西曰勝如邠余翼而長之

以鳥爲喻

楚國第

用士之次第

我死令尹司馬非勝而誰勝聞之曰

令尹之狂也得死乃非我

言我必殺之若得自死我乃不復成人

子西不悛勝謂石乞

石乞勝之徒

曰王與二卿士

二卿士子
西子期

皆五百人當之則可矣乞曰不可

得也

五百人
不可得

曰市南有熊宜僚者若得之可

以當五百人矣乃從白公而見之與之言

說告之故辭

告欲作亂宜
僚辭距之

承之以劍不動

拔劍
指其

喉

勝曰不爲利諂不爲威惕不洩人言以

求媚者去之吳人伐慎白公敗之

汝陰慎
縣也

請

以戰備獻

與吳戰之所得鎡杖兵器
皆備而獻之欲因以爲亂

許之遂作亂

秋七月殺子西子期于朝而劫惠王子西

以袂掩面而死

葉公慙於

子期曰昔者吾以力

事君不可以弗終挾豫章以殺人而後死

以效其多力
豫章大木

石乞曰焚庫弑王不然不濟白公

曰不可弑王不祥焚庫無聚將何以守矣

乞曰有楚國而治其民以敬事神可以得

祥且有聚矣何患弗從葉公在蔡

蔡遷州來
楚并其地

方城之外皆曰可以入矣子高曰吾聞之

以險徼幸者其求無饜偏重必離

險猶趨也
所求無饜

則不安譬如物偏重則離臥欲須其斃而討之聞其殺齊管脩也而後

入管脩楚賢大夫故齊管仲之後聞其殺賢知其可討白公欲以子閭為

王子閭平王子啓五辭王者子閭不可遂劫以兵子閭曰

王孫若安靖楚國正王室而後庇焉啓

之願也敢不聽從若將專利以傾王室不

顧楚國有死不能不能從遂殺之而以王如

高府高府楚別府石乞尹門為門尹圉公陽穴宮

負王以如昭夫人之宮公陽楚大夫昭葉公夫人王母越女

亦至及北門或遇之曰君胡不胄國人望
君如望慈父母焉盜賊之矢若傷君是絕
民望也若之何不胄乃胄而進又遇一人

曰君胡胄國人望君如望歲焉

歲年穀也

日日

以幾

翼君來

若見君面是得艾也

艾安也

民知

不死其亦夫有奮心猶將旌君以徇於國

旌表也

而又掩面以絕民望不亦甚乎乃免

胄而進

言葉公得民心

遇箴尹固帥其屬將與白

公欲與白公并

子高曰微二子者楚不國矣

二子子西子期

也柏舉之敗二子功多

弃德從賊其可保乎乃從葉公

使與國人以攻白公白公奔山而縊其徒

微之

微匿也

生拘石乞而問白公之死焉對

曰余知其死所而長者使余勿言

長者謂白公也

曰不言將烹乞曰此事克則爲卿不克則

烹固其所也何害乃烹石乞王孫燕奔頽

黃氏

燕勝弟頽黃氏地

沈諸梁兼二事

二事令尹司馬

國寧

寧安也

乃使寧為令尹

子西之子國也

使寬為司馬

子期之子

而老於葉

傳終言之

疏

勝曰至去之

正義曰白

宜僚辭是不為利而誦也承之以劍欲刺殺之而宜僚不

動是不為威而懼也如此之人必不是漏泄人言以求媚

者也言其必不泄己謀故舍而去之

正義曰服虔云欲陳士卒甲兵如與吳戰時所入獻捷杜

以陳列甲兵士卒以入王官人情所不許豈當時肯聽之

故以為戰時所得鎧杖兵器皆備具獻之所得既多欲因

獻用之以作亂

注微匿也

正義曰釋詁云匿微也舍

人曰匿藏之微也

郭璞曰微謂逃藏也左傳曰其徒微之

是也

衛侯占夢嬖人

以能占夢見愛

求酒於大叔僖子

僖子大

不得與卜人比而告公曰君有大臣

叔遺

在西南隅弗去懼害

託占卜夢而言

乃遂大叔遺遺

奔晉衛侯謂渾良夫曰吾繼先君而不得

其器若之何

國之寶器輒皆將去

良夫代執火者而言

將密謀屏左右

曰疾與亡君皆君之子也召之而擇

材焉可也

輒

若不材器可得也

輒若不材可廢其身因得

其器豎告大子

大子疾

大子使五人輿殽從己

劫公而強盟之

盟求必立己

且請殺良夫公曰

其盟免三死

盟在十五年

曰請三之後有罪殺之

公曰諾哉

傳十七年春衛侯爲虎幄於藉圃

於藉田之圃新造幄

幕皆以虎獸爲飾

成求令名者而與之始食焉天子

請使良夫

以良夫應爲令名

良夫乘衷甸兩牡

衷甸一轅卿車

紫衣狐裘

紫衣君服

至袒裘不釋劍而食

食而熟故偏袒

亦不敬

天子使牽以退數之以三罪而殺之

三罪紫衣

袒裘帶劍

疏

注衷甸一轅卿車甸出車一乘故以甸爲名是古者乘甸同也衛

侯本許良夫服冕乘軒則衛侯旣入良夫爲大夫矣傳特言乘衷甸兩牡則良夫不合乘之故知爲卿車也兵車一

言乘衷甸兩牡則良夫不合乘之故知爲卿車也兵車一

轅而二馬夾之其外更有二駟是爲四馬今止乘兩牡而謂之衷乘者衷中也蓋以四馬爲上乘兩馬爲中乘大事駕四小事駕二爲等差故也知大事駕四者異義古毛詩說天子之大夫皆駕四故詩云四牡騤騤周道倭遲是也如今乘輿有大駕中駕小駕爲行之等差也其諸侯大夫士唯駕二無四二十七年陳成子以乘車兩馬賜顏涿聚之子士獲禮云則以兩馬是唯得駕兩無上乘也下文大子數之三罪衷甸不在其數而傳言之者積其奢僭多也

注紫衣君服 正義曰賈逵云然杜從之紫衣爲君服禮無明文要此云紫衣言良夫不合服之玉藻云玄冠紫綬自魯桓公始也鄭玄云蓋僭宋王者之後服也管子稱齊桓好服紫衣齊人尚之五素而易一紫孔子云惡紫之奢朱蓋當時人主好服紫衣君既服紫則臣不得僭今傳言紫衣爲良夫之罪明紫是君服良夫僭之故言紫衣君服也大夫狐裘非僭言之者爲祖裘張本

注食而至不敬 正義曰禮裘上有衣謂之楊王藻云君衣狐白裘錦衣以

楊之如此之類皆是裘上之楊衣也楊衣之上乃有朝祭正
服裘上有兩衣也如此兩衣襲則二衣皆重之楊則袒正
服露楊衣王藻云裘之楊也見美也君在則楊盡飾也服
之襲也充美也然則在君之所於法唯有露楊衣耳無露
裘之時今良夫為食熟之故偏袒其裘則并裘亦袒是不
敬也劍是害物之器不得近至尊故近君則解劍良夫與
君食而不釋劍亦不敬也 注三罪紫衣袒裘帶劍 正
義曰三者皆偏僭於君故以此為三罪衷甸僭卿耳比此
為輕知衷甸非也

三月越子伐吳吳子禦之笠澤夾

水而陳越子為左右甸卒

甸卒鉤左相着

使

夜或左或右鼓譟而進吳師分以御之越

子以三軍潛涉當吳中軍而鼓之吳師大

亂遂敗之

左右句卒爲聲勢以分吳軍而三軍若卒分中擊其軍故得勝也

晉趙

鞅使告于衛曰君之在晉也志父爲主請

君若大子來以免志父不然寡君其曰志

父之爲也

恐晉君請志父教使不來

衛侯辭以難大子又

使掾之

掾訴父欲速得其處

夏六月趙鞅圍衛齊國觀

陳瓘救衛

國觀國書之子

得晉人之致師者子玉

使服而見之

釋囚服服其本服

曰國子實執齊柄而

命瓘曰無辟晉師豈敢廢命

欲必敵晉

子又何

辱

言不須來致師自將往戰

簡子曰我卜伐衛未卜與齊

戰乃還

畏子

楚白公之亂陳人恃其聚而侵

楚

聚積聚也

楚既寧將取陳麥楚子問帥於大

師子穀與葉公諸梁子穀曰右領差車與

左史老皆相令尹司馬以伐陳其可使也

言此二人皆嘗輔相子

西子期伐陳今復可使

子高曰率賤民慢之懼

不用命焉

右領左史皆是賤官

子穀曰觀丁父都俘也

武王以爲軍率

楚武王

是以克州蓼服隨唐

大啓群蠻彭仲爽申俘也文王以爲令尹

實縣申息

楚文王滅申息以爲縣

朝陳蔡封畛於汝

開封

畛北至汝水

唯其任也何賤之有子高曰天命不

諂

諂疑也

令尹有憾於陳

十五年子西伐吳陳使貞子弔吳以此爲恨

天若亡之其必令尹之子是與君盍舍焉

舍右領與左史

臣懼右領與左史有二俘之賤而無

其令德也王卜之武城尹吉

武城尹子西子公孫朝

使

帥師取陳麥陳人御之敗遂圍陳秋七月

己卯楚公孫朝帥師滅陳終鄭裨竈言五王

與葉公枚卜子良以為令尹枚卜不斥言所卜以令龜子良惠王

第沈尹朱曰吉過於其志也志望葉公曰王

子而相國過將何為過相將為王也他日改卜子國

而使為令尹子國寧也衛侯夢于北宮見人登

昆吾之觀衛有觀在古昆吾氏之虛今濮陽城中被髮北面而譟

曰登此昆吾之虛縣縣生之瓜縣縣瓜初生也良夫言已

有以小成大之功若瓜之生謂使衛侯得國余為渾良夫叫天無辜

本盟當免三死而并數一時之公親筮之胥彌赦
事為三罪殺之故自謂無辜

占之赦衛曰不害與之邑寘之而逃奔宋

言衛侯無道卜人不衛侯貞卜平下夢其繇曰如

魚覯尾覯赤也魚衡流而方羊裔焉橫流方羊

商水邊言衛大國滅之將亡闔門塞竇乃自

後踰此皆疏衛侯至而謀正義曰北宮衛侯之別

人登昆吾之觀被髮北面而譟北宮在昆吾觀北故此人

北面向君而叫譟也其繇至後踰正義曰杜以魚勞

則尾赤方羊不能自安裔謂魚至水邊以喻衛侯將如

此是賈逵之說杜用之也鄭衆以為魚勞則尾赤方羊遊

戲喻衛侯淫縱杜不然者以此魚喻衛侯詩云魴魚頰尾
王室如燬魚勞則尾赤以勞苦之魚比喻衛侯則方羊爲
勞苦之狀若其方羊是縱恣之狀何得比勞苦之魚也劉
炫以爲卜繇之辭文句相韻以襲焉二字宜向下讀之知
不然者詩之爲體文皆韻句其語助之辭皆在韻句之下
即齊詩云俟我於著乎而充耳以素平而其王詩云君子
陽陽左執篲其樂只且之類是也此之方羊與下句將亡
自相爲韻襲焉二字爲助句之辭且繇辭之例未必皆韻
此云闔門寒竇乃自後踰不與將亡爲韻又一薰一蕕丁
年尚猶有臭不與攘公之踰爲韻是或韻或不韻理無定
準劉以爲襲焉大國謂土地遠焉之大國近不
辭矣又以方羊爲縱恣之狀而規杜過非也

冬十月

晉復伐衛

春秋未得志故

入其郭將入城簡子曰止

叔向有言曰怙亂滅國者無後

不欲乘人之衰

衛人

出莊公而與晉平晉立襄公之孫般師而

還十一月衛侯目鄆入般師出辟蒯初公

登城以望見戎州戎州戎邑問之以告公曰我

姬姓也何戎之有焉言姬姓國何故有戎邑翦之削壞其邑聚

公使匠父父不休息公欲逐石圃石圃衛卿石惡從子未及而

難作辛巳石圃因匠氏攻公公閉門而請

弗許踰于北方而隊折股終如上言乃自後踰戎州人

攻之太子疾公子青踰從公青疾弟戎州人殺

之公入于戎州己氏

己氏戎人姓

初公自城上見

己氏之妻髮美使髡之以爲呂姜髡

呂姜莊公夫人

也

既入焉而示之璧曰活我吾與女璧己

氏曰殺女璧其焉往遂殺之而取其璧衛

人復公孫般師而立之十二月齊人伐衛

衛人請平立公子起

起子

執般師以歸舍

諸潞

潞齊邑

公會齊侯盟于蒙

齊侯簡公弟平公微也蒙在東莞

陰縣西故蒙陰城也

孟武伯相齊侯稽首公拜齊人怒

武伯曰非天子寡君無所稽首武伯問於

高柴曰諸侯盟誰執牛耳執牛耳尸盟者季羔曰鄫

行之役吳公子姑曹李羔高柴也鄫行在十年發陽之役

衛石魋發陽鄫也在十二年石魋石曼姑之子武伯曰然則彘也

彘武伯名也鄫行則大國執發陽則小國疏注彘武至

執據時執者無常故武伯自以為可執可執正

義曰依禮小國執牛耳武伯得季羔之言以鄫行則大國

執發陽則小國執小國執之既合古典武伯自以魯是小

國故云然則彘也杜以傳有小國大國之執故云據時執

者無常劉炫以為小國恒執牛耳何得云執者無常若如

劉意季羔直舉發陽何須云鄫行宋皇瑋之子麋

之役吳公子姑曹橫規杜過非也

右有友曰田丙而奪其兄鄭般邑以與之

鄭般愠而行告相司馬之臣子儀克克在下邑不與

離之亂故在子儀克適宋告夫人曰麋將納相氏

公問諸子仲子仲皇野初子仲將以杞姒之子

非我爲子爲適子杞姒子仲妻麋曰必立伯也伯非我兄是

良材子仲怒弗從故對曰右師則老矣不

識麋也言右師老不能爲亂麋則不可知公執之執麋皇瑋奔晉

召之召冷還

傳十八年春宋殺皇瑋公聞其情復皇氏

之族使皇緩為右師

言宋景公無常也緩瑋從子

疏

注言宋至從子

正義曰世族譜瑋皇父克右八世孫緩充石十世孫則為從孫非從子二者必有一誤

巴人伐楚

圍鄆

鄆楚邑

初右司馬子國之卜也觀瞻曰

如志

子國未為令尹時卜為右司馬得吉兆如其志觀瞻楚開卜大夫觀從之後

故命之

命以為右司馬

及巴師至將卜帥王曰寧如志何卜

焉

寧子國也

使帥師而行請承

承佐

王曰寢尹工

尹勤先君者也

柏舉之役寢尹吳由于以背受戈工尹固執燧象奔吳師皆為先君勤勞

三月楚公孫寧吳由于遠固敗巴師于鄆

故封子國於析君子曰惠王知志知用其意夏書

曰官占唯能蔽志昆命于元龜逸書也官占卜龜之官蔽

斷也昆後也言當先斷意後用龜也其是之謂乎志曰聖人不煩

卜筮惠王其有焉不疑故疏夏書至元龜正義曰夏書大禹謨

之篇也唯彼能作先耳唯先蔽志昆命于元龜孔安國云帝王立卜占之官故曰官占蔽斷昆後也官占之法先斷

人志後命於元龜言志定然後卜也杜雖不見古文其解亦與孔合周禮謂斷掛為蔽獄是蔽為斷也昆後也釋言

文夏衛石圃逐其君起起奔齊齊所立故衛侯

輒自齊復歸逐石圃而復石魍與大叔遺

皆蒯聵所逐

傳十九年春越人侵楚以誤吳也誤吳使不為備夏

楚公子慶公孫寬追越師至冥不及乃還

冥越地秋楚沈諸梁伐東夷越報三夷男女及

楚師盟于敖從越之夷三種敖東夷地冬叔青如京師敬

王崩故也言敬王能終其世終其弘言**疏**注言敬至大克正

義曰自十六年以來經文已終傳無所解當時之事亦不書記所記者為終竟前事叔青如周計不應錄為終其弘

之言故錄之耳長弘言在昭二十三年此叔青如京師自爲
敬王崩未知敬王何年崩也史記十二諸侯年表敬王四十
一年孔子卒四十二年敬王崩則敬王崩在他年也周本紀
云敬王崩子元王立八年崩子定王立六國年表定王元年
左傳盡此則傳以定王元年終矣杜世族譜云敬王三十九
年魯哀公十四年獲麟之歲也四十二年而敬王崩敬王子
元王十年春秋之傳終矣與史記不同者但史記世代年月
事多舛錯故班固以文多抵牾謂此類也案世本敬王崩貞
王介立貞王崩元王赤立宋忠注引大史公書云元王仁生
貞王介與世本不相應不知誰是則宋忠不能定也又帝王
世紀敬王三十九年春秋經終四十四年敬王崩子真定王
立真定王崩子元王立是世本與史記參差不同良以書籍
久遠事多紕繆故杜遠史記亦何怪焉劉炫以
杜與史記不同而規其過未知劉意能定以否

傳二十年春齊人來徵會夏會于廩丘爲

鄭故謀伐晉十五年鄭人辭諸侯秋師還終

向言晉吳公子慶忌驟諫吳子曰不改必亡

弗聽吳子出居于艾艾吳邑豫遂適楚聞越

將伐吳冬請歸平越遂歸欲除不忠者以

說于越吳人殺之言其不十一月越圍吳趙

孟降於喪食趙孟襄子無恤時楚隆曰三年之

喪親暱之極也主又降之無乃有故乎楚隆

家趙孟曰黃池之役先主與吳王有質黃池

臣

三年先主簡
子質盟信也

曰好惡同之今越圍吳嗣子不廢

舊業而敵之

嗣子襄子自謂
欲敵越救吳

非晉之所能及也

吾是以爲降楚隆曰若使吳王知之若何

趙孟曰可乎隆曰請嘗之

嘗試也

乃徃先造

于越軍曰吳犯間上國多矣聞君親討焉

諸夏之人莫不欣喜唯恐君志之不從請

入視之許之告于吳王曰寡君之老無恤

使陪臣隆敢展謝其不共

展陳也

黃池之役

君之先臣志父得承齊盟曰好惡同之今
君在難無恤不敢憚勞非晉國之所能及
也使陪臣敢展布之王拜稽首曰寡人不
佞不能事越以爲大夫憂拜命之辱與之

一簞珠

簞小筍

使問趙孟

問遺也

曰句踐將生

憂寡人寡人死之不得矣王曰溺人必笑

吾將有問也

以自喻所問不急猶溺人不知所爲而反笑

史黯何以

得爲君子

晉史黯云不及四十年吳當亡吳王感問此也

對曰黯也進

不見惡

時行則行

退無謗言

時止則止

王曰宜哉

疏

簞小筍

正義曰鄭玄曲禮注云簞筍盛飯食者圓曰簞方曰筍宣二年趙盾見餓人爲之簞食注云簞筍也不言

小此言小筍者以盛珠之器不宜與盛飯器同故云小耳對曰至謗言正義曰爲時所用進在朝廷言行無怨不

見怨惡言人無惡之者時所不用退歸私室則無誹謗之言故得君子之名也杜解進退之由由時可行則行故有

進時可止則止故有退時易象曰艮止也時止則止時行則行動靜不失其時其道光明言史黷行如此也

傳二十一年夏五月越人始來

越既勝吳欲霸中國始遣使適

魯秋八月公及齊侯邾子盟于顧齊人責

稽首

責十七年齊侯爲公稽首不見答顧齊地

因歌之曰魯人之臯

數年不覺使我高蹈

臯綏也高蹈猶遠行也言魯人臯綏數年不知荅齊猶昔

故使我高蹈

唯其儒書以爲二國憂

二國齊邾也言魯據

來爲此會

是行也公先至于陽穀

先期至也齊

閻立息曰君辱舉玉趾以在寡君之軍

間

丘明

之後羣臣將傳遽以告寡君比其復也君

無乃勤爲僕人之末次

次舍也

請除館於舟

道

舟道

辭曰敢勤僕人

不敢勤齊僕爲魯除館

䟽

注臯綏至

此會

正義曰士喪禮始死復竟之辭云臯某復鄭玄云臯長聲也臯者緩聲而長引之是臯爲緩也高蹈高舉足

而蹈地故言猶遠行也此盟于顧顧是齊地行不出音而
言遠者止爲魯不稽首而爲此會雖近猶恨故以遠言之耳

傳二十二年夏四月邾隱公自齊奔越曰

吳爲無道執父立子越人歸之太子革奔

越邾隱公八年爲吳所囚十年奔齊**疏**太子革奔越正義曰革爲邾君十餘年矣仍稱爲太子

者承其父歸之下故繫父言之冬十一月丁卯越滅吳請使吳

王居甬東甬東越地會稽句章縣東海中洲也辭曰孤老矣焉能

事君乃縊越人以歸以其尸歸終史墨子胥之言**疏**越滅至以歸

正義曰吳語說此事云越師入吳國圍王宮吳王懼使人行成越王曰昔天以越賜吳而吳不受今天以吳賜越孤

敢不聽天之命而聽君之命乎乃不許成因使告吳王曰
以民生之不長王其無死寡人其達王於甬句東夫婦三
百唯王所安以没王年夫差辭曰孤之身實失宗廟社稷
凡吳土地人民越既有之孤何以視於天下夫差將死使
人告於子胥曰使死者無知則已矣若
有知也吾其何面目以見貞也遂自殺

傳二十三年春宋景曹卒

景曹宋元公夫人小
邾女季栢子外祖母

季康子使冉有弔且送葬曰敝邑有社稷

之事使肥與有職競焉

肥康子名
競遽也

是以不得

助執紼使求從輿人

求冉有名
輿衆也

曰以肥之得

備彌甥也

彌遠也康子父之
舅氏故稱彌甥

有不腆先人之產

馬使求薦諸夫人之宰

薦進也

其可以稱於

繁乎

稱舉也繁馬飾繁纓也終樂祁之言政在季氏

疏

注景曹至祖母正義曰宋景曹者宋景

公之母姓曹氏也昭二十五年傳云季公若之姊爲小邾夫人宋元夫人生子以妻季平子此曹是平子之妻母故爲桓子外祖母也今康子是桓子之子父之外祖母辛故使冉有弔且送葬婦人多以地繫夫此以景公見在遺弔景公故繫其子小邾曹地故稱景曹注彌遠至彌甥正義曰彌者增益之義故爲遠也釋親云母之昆弟爲舅謂我舅者吾謂之甥季相子爲景公之甥景公爲康子父之舅氏也桓子於景公爲親甥故康子致辭於景公自以爲彌遠之甥

夏六月晉荀瑶伐齊

荀瑶荀繇之孫知伯襄子

高無

平帥師御之知伯視齊師馬駭遂驅之曰

齊人知余旗其謂余畏而反也及壘而還

將戰長武子請卜

武子晉大夫

知伯曰君告于天

子而卜之以守龜於宗祧吉矣吾又何卜

焉且齊人取我英丘君命瑤非敢燿武也

治英丘也

治齊取英丘

以辭伐罪足矣何必卜壬

辰戰于犁丘

犁丘限也

齊師敗績知伯親禽顏

庚

顏庚齊大夫顏涿聚

秋八月叔青如越始使越也越

諸鞅來聘報叔青也

傳二十四年夏四月晉侯將伐齊使來乞

師曰昔臧文仲以楚師伐齊取穀在僖二十六年宣

叔以晉師伐齊取汶陽在成二年寡君欲徼福於

周公願乞靈於臧氏以臧氏世勝齊故欲乞其威靈臧石帥師

會之取廩丘石臧實如之子軍吏令繕將進晉軍吏也繕治戰備

萊章曰君卑政暴萊章齊大夫往歲克敵禽顏今

又勝都取廩丘天奉多矣又焉能進是衡言

也復過也役將班矣晉師乃還餼臧石牛生曰

籛大史謝之晉大史曰以寡君之在行在軍牢

禮不度禮不如敢展謝之終臧氏有䟽正義曰服

虔云變偽不信也杜云變過終言也俱是不實之義各自以意訓耳邾子又無道越人

執之以歸終子贛之言而立公子何何亦無道何大

子革弟公子荆之母嬖荆哀公庶子將以爲夫人使

宗人釁夏獻其禮宗人禮官也對曰無之公怒曰

女爲宗司立夫人國之大禮也何故無之

對曰周公及武公娶於薛武公教也孝惠娶於

商孝公稱惠公弗皇商宋也自栢以下娶於齊栢公始娶文姜此禮

也則有若以妾爲夫人則固無其禮也公

卒立之而以荆爲大子國人始惡之惡公閏

月公如越得大子適郢適郢越王太子得相親說也將妻公

而多與之地公孫有山使告于季孫季孫

懼使因大宰嚭而納賂焉乃止嚭故吳臣也季孫恐公因

越討已故懼

傳二十五年夏五月庚辰衛侯出奔宋衛侯

也軒衛侯爲靈臺于藉圃與諸大夫飲酒焉

褚師聲子韞而登席古者見君解韞公怒辭曰臣

有疾異於人足有創疾若見之君將設之設嘔吐也

是以不敢不敢解韞公愈怒大夫辭之不可共辭謝公

公不褚師出公戟其手抵徙手屈肘如戟形曰必斷而足

聞之褚師與司寇亥乘曰今日幸而後亡

恐死以得亡爲幸公之入也奪南氏邑南氏子南之子公孫彌牟而

奪司寇亥政公使侍人納公文懿子之車

于池

懿子公文要公有忿使人投其車于池水中

初衛人翦夏丁氏

在十一年

以其幣賜彭封彌子

彭封彌子彌子瑕

彌子飲公

酒納夏戊之女嬖以爲夫人其弟期大叔

疾之從孫甥也

期夏戊之子姊妹之孫爲從孫甥與孫同列

少畜於公

以爲司徒夫人寵衰期得罪公使三匠久

公使優狡盟拳彌

優狡俳優也拳彌衛大夫使俳優盟之欲耻辱也

而甚

近信之故褚師比

機登公孫彌牟

喪邑者

公文

要

失車者

司寇亥

奪政者

司徒期因三匠與拳彌

以作亂皆執利兵無者執斤

斤工匠所執

使拳彌

入于公宮

信近之故得入

而自太子疾之宮譟以攻

公酈子士請禦之

酈子士衛大夫

彌援其手白子則

勇矣將君君何

言不可改

不見先君乎君何所

不逞欲

先君蒯聵也亂不速奔故為戎州所殺欲令早去

且君嘗在外矣

豈必不反當今不可衆怒難犯休而易間

也乃出將適蒲

蒲近晉邑

彌曰晉無信不可將

適酈

酈齊晉界上邑彌詐不知謀故公信之

彌曰齊晉爭我不可

將適泠

泠近魯邑

彌曰

足與請適城鉏

城鉏

近宋邑

以鉤越越有君

乃自近越轉相鉤牽

乃適城鉏彌曰

衛盜不可知也請速自我始乃載寶以歸

欺衛君言君以寶自隨將致衛盜請速行己為先發而因載寶歸衛也

公為文離之卒

支離陳名

因祝史揮以侵衛

揮衛祝史

衛人病之懿子知

之

知揮為內間

見子之

子之公孫彌牛文子也

請逐揮文子曰

無罪懿子曰彼好專利而妄

妄不法

夫見君

之入也將先道焉

若見君者入勢必道助之

若逐之必出

於南門而適君所

雖知其為君聞不審察私共評之

夫越新得

諸侯將必請師焉揮在朝使吏遣諸其室

難面逐之

揮出信弗內

再宿為信

五日乃館諸外里

外里公所在

遂有寵使如越請師

請師伐衛未入

疏

衛使出奔宋

正義曰服虔云此下但有適城鉏以鉤適無奔宋之事其說未聞今杜云城鉏近宋邑蓋衛侯出近宋竟似欲奔宋

衛人以奔宋告也

注期夏至同列

正義曰期是夏戊之子戊是大叔疾之甥期為大叔疾姊妹之孫也姊妹之

子為甥姊妹之孫與己之孫尊卑同列男子謂兄弟之孫為從孫故謂姊妹之孫為從孫甥

六月公

至目越

前年行今還

季康子孟武伯逆於五梧

魯南

也鄆郭重僕爲公僕見二子曰惡言多矣君請

盡之二子不臣之言甚多欲使公盡極以觀之公宴於五梧武伯爲

祝祝上壽酒惡郭重曰何肥也其貌季孫曰請飲

彘也飲罰之以魯國之密邇仇讎臣是以不

獲從君克免於大行又謂重也肥言重隨君遠行劬勞

不宜稱肥公曰是食言多矣能無肥乎以激三桓之數食言飲

酒不樂公與大夫始有惡爲二十七年公孫邾起

傳二十六年夏五月叔孫舒帥師會越皐

如后庸宋樂茂納衛侯

舒武叔之子文子也臯如后庸越大夫樂茂宋司城

子路衛侯輒也

文子欲納之懿子曰君愾而虐少待

之必毒於民

愾浪也

乃睦於子矣

民睦師侵外

州大獲

越納輒之師

出禦之大敗

衛師敗

掘褚師定

子之墓焚之于平莊之上

定子褚師比之父也平莊陵名也

文

子使王孫齊私於臯如

齊衛大夫王孫賈之子昭子也

日子將

大滅衛乎抑納君而已乎臯如曰寡君之

命無他納衛君而已文子致衆而問焉曰

君以蠻夷伐國國幾亡矣請納之衆曰勿

納曰彌牟亡而有益請自北門出欲以觀衆

曰勿出重賂越人申開守陴而納公申重也開重門

而嚴設守備欲以恐公使不敢入公不敢入師還立悼公悼公蒯賁庶弟

公子期也南氏相之以城鉏與越人公曰期則爲

此司徒期也令苟有怨於夫人者報之夫人期姊也愆期而

不得加戮故勅宮女令苦固期姊司徒期聘於越爲悼公聘公攻而

奪之幣期告王越王王命取之期以衆取

之公怒殺期之甥之爲太子者

忿期而及其姊爲夫人者

遂復及夫

遂卒于越

終言之也終效夷言死于夷

疏

注悼公至默也正

義曰衛世家謂輒爲出公季父黜殺出公子而自立是爲悼公以城鉏與越人正義曰衛侯先居城鉏以兵侵

衛衛人申開守陴衛侯不敢入乃還城鉏衛人得以城鉏與越者衛人賂遺於越雖公所在亦以與之

宋

景公無子取公孫周之子得與啓畜諸公

宮

周元公孫子高也得昭公也啓得第畜養也

未有立焉於是皇緩

爲右師皇非我爲大司馬皇懷爲司徒

皇懷

非我從昆弟靈不緩爲左師

不緩子靈不緩子靈

樂枝爲司城

後樂淵之子

樂朱鉏爲大司寇

朱鉏樂輓之子

六卿三族降

聽政

三族皇靈樂也降和同也

因大尹以達

大尹近官有寵者六卿因之以自通

達於君

大尹常不告而以其欲稱君命以令

不告君也

國人惡之司城欲去大尹左師曰縱之使

盈其罪

盈滿也

重而無基能無敝乎

言勢重而無德以爲

基必敗也

冬十月公游于空澤

空澤宋邑

辛巳卒于連

中

連中館名

大尹興空澤之士千甲

甲士千人

奉公自

空桐入如沃宮

奉公口也梁國虞縣東南有地名空桐沃宮宋都內宮名

使召

六子曰聞下有師君請六子畫

畫計策

六子

至以甲劫之曰君有疾病請二三子盟乃
盟于少寢之庭曰無爲公室不利大尹立
啓奉喪殯于大宮三日而後國人知之司
城蒧使宣言于國曰大尹惑蠱其君而專
其利今君無疾而死死又匿之是無他矣
大尹之罪也

言大尹所弑

得夢啓北首而寢於廬

門之外

廬門宋東門北首死象在門外失國也

已爲烏而集於其

上咻加於南門尾加於桐門曰余夢美必

立

桐門北門

大尹謀曰我不在盟

少寢盟但以君命盟六卿大尹不盟

無乃逐我復盟之乎使祝爲載書六子在

唐孟

地名

將盟之祝襄以載書告皇非我

祝襄

名

皇非我曰子潞

子潞樂茂

門尹得

樂得

左師謀

曰民與我逐之乎皆歸授甲使徇於國曰

大尹惑蠱其君以陵虐公室與我者救君

者也衆曰與之大尹徇曰戴氏皇氏將不

利公室

戴氏即樂氏

與我者無憂不富衆曰無

別

惡其號令與君無別

戴氏皇氏欲伐公

公謂啓

樂得曰

不可彼以陵公有罪我伐公則甚焉使國

人施於大尹

施罪於大尹

大尹奉啓以奔楚乃立

得司城爲上卿盟曰三族共政無相害也

疏

注周元至養也正義曰宋世家云景公卒公子得殺太子而自立是爲昭公昭公者元公之曾孫也昭公父元

公孫糾糾父子稱秦秦即元公小子也景公殺昭公父糾故昭公怨賊殺太子而自立其說昭公得立之所由與此不合亦以得爲昭公也注北首死象正義曰禮運云死者北首生者南鄉故以北首爲死象

衛出

公自城鉏使以弓問子贛且曰吾其入乎

子贛稽首受弓對曰臣不識也私於使者

曰昔成公孫於陳

僖二十八年衛成公奔楚遂適陳

甯武子

孫莊子爲宛濮之盟而君入

盟在僖二十八年

獻公

孫於齊

在襄十四年

子鮮子展爲夷儀之盟而

君入

在襄二十六年

今君再在孫矣

謂十五年孫魯今又孫宋

內不

聞獻之親外不聞成之卿則賜不識所由

入也詩曰無競惟人四方其順之

詩周頌言無強惟得

也人若得其人四方以為主為主而國於何

有疏

詩曰至順之正義曰詩周頌烈文之篇也競彊也無彊乎惟得賢人也若得賢人四方諸國

皆順從之矣

傳二十七年春越子使后庸來聘且言邾

田封于駘上

欲使魯還邾田封竟至駘上

二月盟于平陽

西平

陽三子皆從

季康子叔孫文子孟武伯皆從后庸

康子病之

耻從

蠻夷

言及子贛

思子贛

曰若在此吾不及此

夫

不及與越盟

武伯曰然何不召曰固將召之文

子曰他日請念

言季孫不能用于
贛臨難而思之

夏四月己亥

季康子卒公弔焉降禮

禮不備也言
公之多妄

疏

注西平
陽正

義曰宣八年城平陽此云盟于平陽土地名云宣八年平陽東平陽也泰山有平陽縣此年平陽西平陽也高平南

有平陽縣

晉荀瑶帥師伐鄭次于桐丘鄭駟弘

請救于齊

弘駟歟子

齊師將興陳成子屬孤子

三日期

屬會死事者之子使朝三日以禮之

設乘車兩馬繫五邑

焉

乘車兩馬大夫服又加之五邑

召顏涿聚之子晉曰隰之

役而父死焉

隰役在二十三年

以國之多難未女也

也今君命女以是邑也服車而朝毋廢前

勞乃救鄭及留舒違穀七里穀人不知其

整也留舒齊地遠去也及濮雨不涉濮水自陳留酸棗縣傍洩東北經濟陰至高平入濟

子思曰大國在敝邑之宇下是以告急今

師不行恐無及也子思國參成子衣製杖戈製

衣也立於阪上馬不出者助之鞭之知伯聞

之乃還畏其得衆心曰我卜伐鄭不卜敵齊使

謂成子曰大夫陳子陳之自出陳之不祀

鄭之罪也

十七年楚獨滅陳非鄭之罪蓋知伯誣陳子故陳子怒謂其多陵人

故寡

君使瑤察陳衷焉

衷善也

謂大夫其恤陳乎

若利本之顛瑤何有焉

言陳滅於已無像

成子怒曰

多陵人者皆不在知伯其能久乎中行文

子告成子

文子荀寅此時奔在齊

曰有自晉師告寅者

將爲輕車千乘以厭齊師之門則可盡也

成子曰寡君命恒曰無及寡無畏衆雖過

千乘敢辟之乎將以子之命告寡君

成子疑其有焉

晉之心也

文子曰吾乃今知所以亡

自恨已無知

君子之

謀也始衷終皆舉之而後入焉

謀一事則當慮此三變然

後入而行之所謂君子三思

今我三不知而入之不亦難乎

悔其言不可復

疏

無及寡正義曰無陵侮寡少而橫及之也君子至入焉正義曰君子之爲謀也思其

始思其中思其終三者盡無猜嫌皆可舉而行之然後設言以入前人焉

公患三桓之侈

也欲以諸侯去之

欲求諸侯師以逐三桓

三桓亦患公

之妄也故君臣多間

間隙也

公游于陵阪遇

孟武伯於孟氏之衢曰請有問於子余及

死乎

問已可得
以壽死不得

對曰臣無由知之三問卒辭

不對公欲以越伐魯而去三桓秋八月甲

戌公如公孫有陘氏

有陘氏即
有山氏

因孫于邾乃

遂如越國人施公孫有山氏

以公從其家出故
也終子贛之言君

不沒悼之四年晉荀瑶帥師圍鄭

悼公哀公之
子寧也哀公

出孫魯人
立悼公

未至鄭駟弘曰知伯懷而好勝早下

之則可行也

行去也

乃先保南里以待之

保守

也南里
在城外

知伯入南里門于桔扶之門鄭人俘

鄴魁壘

鄴魁壘晉士

賂之以知政

欲使反為鄴

閉其口而

死將門

攻鄴門

知伯謂趙孟入之對曰主在

此

主謂知伯也言主在此何不自入

知伯曰惡而無勇何以爲

子

惡貌醜也簡子廢嫡子伯魯而立襄子故知伯言其醜且無勇何故立以爲子

對曰以能

忍耻庶無害趙宗乎知伯不悛趙襄子由

是甚知伯

甚毒也

遂喪之知伯貪而復故韓

魏反而喪之

史記晉懿公之四年魯悼公之十四年知伯帥韓魏圍趙襄子於晉陽韓魏反

與趙氏謀殺知伯於晉陽之下在春秋後二十七年

疏

注悼公至悼公正義曰魯世家云哀公奔越國人

迎哀公復歸卒於有山氏子寧立是爲悼公傳稱國人施
罪於有山氏不得復歸而卒於其家也馬遷妄耳 注簡
子至爲子 正義曰趙世家云孤布子卿見簡子簡子編
召諸子相之子卿曰無爲將軍者簡子召子母恤母恤至
子卿起曰此真將軍矣簡子曰此其母賤翟婢也奚道貴
哉子卿曰天之所授雖賤必貴自是之後簡子盡召諸子
與語母恤最賢乃廢太子伯魯而以母恤爲太子 注史
記至七年 正義曰晉世家云定公三十三年孔子卒三
十七年定公卒則晉定公以魯哀公二十年卒也又云定
公卒子出公繫立十七年出公奔齊則出公之奔在魯悼
公之十年也又云出公既奔知伯立昭公曾孫驕爲晉君
是爲哀公哀公之四年趙襄子韓康子魏桓子共殺知伯
是殺知伯當魯悼公之十四年也又六國年表亦云晉哀
公四年魯悼公十四年韓魏趙敗知伯於晉陽戰國策說
此事云知伯帥韓康子魏桓子攻趙襄子於晉陽引汾水
以灌之城不沒者三板知伯行水魏桓子御車韓康子爲

右知伯曰吾今乃知水可以亡人之國汾水可以灌安邑絳水可以灌平陽安邑魏也平陽韓也魏栢子肘韓康子韓康子躡魏栢子之足其夜趙襄子使張孟談私於韓魏韓魏反與趙合遂殺知伯於晉陽之下而三分其地事在春秋獲麟之後二十七年

春秋正義卷第三十六

後序

大康元年三月吳寇始平余自江陵還襄陽解甲休兵乃申杼舊意脩成春秋釋例及經傳集解始訖會汲郡汲縣有發其界內舊冢者大得古書皆簡編科斗文字發冢者不以爲意徃徃散亂科斗書久廢推尋不能盡通始者藏在祕府余晚得見之所記大凡七十五卷多雜碎怪妄不可訓

知周易及紀年最爲分了周易上下篇與
今正同別有陰陽說而無彖象文言繫辭
疑于時仲尼造之於魯尚未播之於遠國
也其紀年篇起自夏殷周皆三代王事無
諸國別也唯特記晉國起自殤叔次文侯
昭侯以至曲沃莊伯莊伯之十一年十一
月魯隱公之元年正月也皆用夏正建寅
之月爲歲首編年相次晉國滅獨記魏襄

下至魏哀王之二十年蓋魏國之史記也
推按哀王二十年太歲在壬戌是周赧王
之十六年秦昭王之八年韓襄王之十三
年趙武靈王之二十七年楚懷王之三十
年燕昭王之十三年齊湣王之二十五年
也上去孔丘卒百八十一歲下去今大康
三年五百八十一歲哀王於史記襄王之
子惠王之孫也惠王三十六年卒而襄王

立立十六年卒而哀王立古書紀年篇惠
王三十六年改元從一年始至十六年而
稱惠成王卒即惠王也疑史記誤分惠成
之世以爲後王年也哀王二十三年乃卒
故特不稱謚謂之今王其著書文意大似
春秋經推此足見古者國史策書之常也
文稱魯隱公及邾莊公盟于姑蔑即春秋
所書邾儀父未王命故不書爵曰儀父貴

之也又稱晉獻公會虞師伐虢滅下陽即
春秋所書虞師晉師滅下陽先書虞賄故
也又稱周襄王會諸侯于河陽即春秋所
書天王狩于河陽以臣召君不可以訓也
諸若此輩甚多略舉數條以明國史皆承
告據實而書時事仲尼脩春秋以義而制
異文也又稱衛懿公及赤翟戰于洞澤疑
洞當爲洞即左傳所謂熒澤也齊國佐來

獻王磬紀公之覲即左傳所謂賓媚人也
諸所記多與左傳符同異於公羊穀梁知
此二書近世穿鑿非春秋本意審矣雖不
皆與史記尚書同然參而求之可以端正
學者又別有一卷純集疏左氏傳卜筮事
上下次第及其文義皆與左傳同名曰師
春師春似是抄集者人名也紀年又稱殷
仲壬即位居亳其卿士伊尹仲壬崩伊尹

放大甲于桐乃自立也伊尹即位於大甲
十年大甲潛出自桐殺伊尹乃立其子伊
陟伊奮命復其父之田宅而中分之左氏
傳伊尹放大甲而相之卒無怨色然則大
甲雖見放還殺伊尹而猶以其子爲相也
此爲大與尚書叙說大甲事乖異不知老
叟之伏生或致昏忘將此古書亦當時雜
記未足以取審也爲其粗有益於左氏故

略記之附集解之末焉

正義曰王隱晉書武帝紀太康元年

軍伐吳三月至江陵縣而孫皓面縛詣王濟降杜預先爲
荊州刺史鎮襄陽督諸軍伐吳將兵向江陵因東下伐吳
吳平又自江陵還襄陽東晉傳云太康元年汝郡民盜發
魏安釐王塚得竹書漆字科斗之文科斗文者周時古文
也其字頭麤尾細似科斗之蟲故俗名之焉大凡七十五
卷晉書有甚目錄其六十八卷皆有名題其七卷折簡碎
雜不可名題有周易上下經二卷紀年十二卷瑣語十一
卷周王遊行五卷說周穆王遊行天下之事今謂之穆天
子傳此四部差爲整頓汲冢初得此書表藏祕府詔荀勗
和嶠以隸字寫之勗等於時即已不能盡識其書今復闕
落又轉寫益誤穆天子傳世間偏多史記魏世家云哀王
二十三年卒子昭王立十九年卒子安釐王立哀王是安
釐王之祖故安釐王之塚藏哀王時之書哀王二十一年
是赧王之十七年并下秦韓趙楚燕齊之年皆史記六國

外表文也竹書說伊尹傳之事與書序大乖杜不見古
唯以書序考正疑伏生昏忘虛傳此事又疑竹簡雜記六
足取審今據古文尚書說伊尹之事與左氏符同明是竹
書不可盡信杜以紀年記事大似春秋之經知古之史官
記事如此爲其有益於左氏令人知
左氏不妄故略記之以附集解之末

經傳正義都計壹伯肆萬壹仟伍伯

參拾字

經傳參拾陸萬字

正義陸拾捌萬壹仟伍伯參拾字

承奉郎守光祿寺丞臣趙若書

勘官承奉郎守國子禮記博士賜緋魚袋臣李覺

勘官承奉郎守國子春秋博士賜緋魚袋臣表善

都勘官朝請奉國子司業桂國賜紫金魚袋臣孔維

詳勘官登仕郎守高郵軍高郵縣令臣劉藹

詳勘官登仕郎守將作監丞臣潘憲

詳勘官朝請奉太子右贊善大夫臣陳雅

詳勘官朝奉郎守大理正臣王炳

登仕郎守大理評事臣王煥再校

文林郎守大理寺丞臣邵世隆再校

中散大夫守國子祭酒兼尚書工部侍郎柱國會稽縣

開國男食邑三百戶賜紫金魚袋臣孔維都校

淳化元年庚寅十月 日

推忠佐理功臣葉光祿全行尚書戶部侍郎叅知政事柱國宋

原郡開國侯食邑二千一百戶食實封二百戶臣沔等進

推忠佐理功臣葉光祿全行尚書戶部侍郎叅知政事柱國龍

西郡開國侯食邑二千一百戶食實封二百戶臣辛仲甫

起復推忠協謀佐理功臣等官等事等因奉聖鑒修國

老桂國東平郡公等事等因奉聖鑒修國

